



तपागच्छीय
श्री जिनचन्द्रसूरीश्वरविरचिता

श्री सच्चिदानन्दशास्त्रा

(प्राकृत)

सम्पादक
मुनि जयानंदविजय

संवेग शब्द का अर्थ संवेग रंगशाला नामक इस ग्रंथ में स्पष्ट रूप से दर्शाया है = संवेग यानि भव-संसार का भय और मोक्ष की अभिलाषा संसार का भय रोग को मिटाता है, मोक्ष की अभिलाषा आत्म शक्ति को प्रकट करती है।

हमारे दैनिक क्रियाओं के सूत्रों में भी संवेग की बातें अनेक प्रकार से आयी हुई है उसमें सर्वश्रेष्ठ सूत्र प्रार्थना सूत्र और उसमें प्रथम प्रार्थना 'भवनिव्वेओ' भव निर्वेद्र संसार पर अरुचि अर्थात् संसार का भय, भय जनक पदार्थ पर ही अरुचि होती है। दुक्खक्खओ-कम्मक्खओ = दुःखों का क्षय-कर्मों का क्षय अर्थात् मोक्षाभिलाषा। ऐसे अनेक प्रकार के शब्दों के प्रयोग द्वारा संवेग रसायण की बातें गुंथी हुई है।

श्री शत्रुञ्जयतीर्थाधिपति श्री आदिनाथाय नमः
प्रभु श्रीमद्विजय राजेन्द्रसूरीश्वरेभ्यो नमः

वैक्रमीय १९२५ वर्षे

श्री तपागच्छीय-वज्रशाखीय-नवाङ्गी वृत्तिकारगुरुभ्रातृ
श्री अभयदेवसूरिसमभ्यर्थित-श्री जिजिषुसूरिशेखर विरचिता



श्री संचेगरङ्गशाला



प्राकृत

ॐ आशीर्वाद ॐ

श्रीविद्याचन्द्रसूरीश्वराः
मुनिराजश्रीरामचन्द्रविजयः

ॐ सम्पादक ॐ

मुनिश्रीजयानन्दविजयः

ॐ प्रकाशक ॐ

श्री गुरु रामचंद्र प्रकाशन समिति भीनमाल

ॐ मुख्य संरक्षक ॐ

मु. श्री जयानंदविजयजी आदि ठाणा की निश्रामें
२०६५ में पालीताणा में चातुर्मास एवं उपधान करवाया उस प्रसंगे

लेहर कुंदन गुप

श्रीमती गेरोदेवी जेठमलजी कुंदनमलजी बालगोता परिवार
मेंगलवा, मुंबई, दिल्ली, चेन्नई, हरियाणा



श्री वीतराग देव का ध्यान करने वाला स्वयं वीतराग होकर कर्मों या वासनाओं से मुक्त हो जाता है। इसके विपरीत रागी देवों का आलंबन लेने वाला या ध्यान करने वाला काम, क्रोध, हर्ष, विषाद, राग, द्वेषादि दोष प्राप्त कर स्वयं सरागी ही रहता है।



भरमग्रह पूर्ण होने के बाद देव पृथ्वी पर आर्यगे। ऐसा कहा जाता है, तो क्या आज किसी आचार्यदेव के पास देव आते हैं ? और उन देवों के पास कोई सहायता ली जा सकती है ?

मेरे अनुभवानुसार कोई भी देव आज के इस क्षेत्र के आचार्य के पास आवे वह बनने जैसा नहीं दिखता। देव वर्तमान में तात्त्विक दृष्टि से नहीं आते फिर मदद की बात कहां रहती है। भरमग्रह पूर्ण होने के बाद देव पृथ्वी पर आर्यगे ऐसा जाना नहीं है।

- प्रश्नोत्तर कर्णिका कल्याण मासिक वर्ष ३६ अं. ४-५,

जुलाई-अगस्त १९८०.

चतुर्विध संघ इस पर चिंतन मनन करें।

द्रव्य सहायक

आ. श्री विद्याचंद्रसूरीश्वरजी के
शिष्य एवं
मुनिराज श्री रामचंद्रविजयजी के
कृपापात्र

मुनिराज श्री जयानंदविजयजी

मुनि श्री दिव्यानंदविजयजी
मुनि श्री वैराग्यानंदविजयजी
मुनि श्री तत्त्वानंदविजयजी
मुनि श्री रैवतचंद्रविजयजी

मुनि श्री अमृतविजयजी आदि ठाणा एवं

राष्ट्रसंत शिरोमणी आ. श्री हेमेन्द्रसूरीश्वरजी के
आज्ञा. शा. दी. प्र. वि. साध्वीश्री मुक्तिश्रीजी की सुशिष्याएँ

सा. श्री कुशलप्रभाश्रीजी

सा. श्री वसंतबालाश्रीजी

सा. श्री मुक्तिप्रज्ञाश्रीजी - सा. श्री मुक्तिरत्नाश्रीजी

सा. श्री मुक्तिदर्शिताश्रीजी - सा. श्री मुक्तिरिद्धिश्रीजी

सा. श्री मुक्तिसिद्धिश्रीजी - सा. श्री मुक्तिप्रियाश्रीजी

आदि ठाणा का शाश्वत तीर्थ शत्रुंजय क्षेत्रे पालीताना नगरे २०६५ में
चातुर्मास एवं उपधान करवाया उस समय की ज्ञान खाते की आय में से...

लेहर-कुंदन ग्रुप

मेंगलवा, मुंबई, दिल्ली, चेन्नई, हरियाणा

श्रीमती गेरोदेवी जेठमलजी कुंदनमलजी बालगोता परिवार मेंगलवा...

चातुर्मास प्रारंभ

आषाढ सुदि १३ बुधवार,
१६/७/०८

चातुर्मास समापन

कार्तिक सुदि १५ गुरुवार,
१३/११/०८



२०० प्रतियाँ : एक सद्गृहस्थ, थराद



संरक्षक



- (१) सुमेरमल केवलजी नाहर, भीनमाल, राज.
के. एस. नाहर, २०१ सुमेर टॉवर, लव लेन, मझगांव, मुंबई-१०.
- (२) मीलियन गुप, सूराणा, मुंबई, दिल्ली, विजयवाडा.
- (३) एम. आर. इम्पेक्स, १६-ए, हनुमान टेरेस, दूसरा माला, ताराटेम्पल लेन, लेमीग्टन रोड, मुंबई-७.
फोन : २३८०१०८६.
- (४) श्री शांतिदेवी बाबुलालजी बाफना चेरीटेबल ट्रस्ट, मुंबई. महाविदेह भीनमालधाम, पालीताना-३६४२७०.
- (५) संघवी जुगराज, कांतिलाल, महेन्द्र, सुरेन्द्र, दिलीप, धीरज, संदीप, राज, जैनम, अक्षत बेटा पोता कुंदनमलजी भुताजी श्रीश्रीमाळ, वर्धमान गौत्रीय आहोर (राज.) कल्पतरु ज्वेलर्स, ३०५, स्टेशन रोड संघवी भवन, थाना (प.) महाराष्ट्र.
- (६) दोशी अमृतलाल चीमनलाल प्रांचशो वोरा थराद पालीताना में उपधान करवाया उस निमित्ते।
- (७) शत्रुंजय तीर्थे नव्वाणुं यात्रा के आयोजन निमित्ते शा. जेठमल, लक्ष्मणराज, पृथ्वीराज, प्रेमचंद, गौतमचंद, गणपतराज, ललीतकुमार, विक्रमकुमार, पुष्पक, विमल, प्रदीप, चिराग, नितेश बेटा-पोता कीनाजी संकलेचा परिवार मंगलवा, फर्म - अरिहन्त नोवेलहटी, GF3 आरती शोपींग सेन्टर, कालुपुरटकशाला रोड, अहमदाबाद. पृथ्वीचंद अेन्ड कं., तिरुचिरापली.
- (८) थराद निवासी भणशाळी मधुबेन कांतिलाल अमुलखभाई परिवार.
- (९) शा कांतीलाल केवलचंदजी गांधी सियाना निवासी द्वारा २०६३ में पालीताना में उपधान करवाया उस निमित्ते.
- (१०) 'लहेर कुंदन गुप' शा जेठमलजी कुंदनमलजी मंगलवा (जालोर)
- (११) २०६३ में गुडामें चातुर्मास एवं उपधान करवाया उस समय पद्मावती सुनाने के उपलक्ष में शा चंपालाल, जयंतिलाल, सुरेशकुमार, भरतकुमार, प्रिन्केश, केनित, दर्शित चुन्नीलालजी मकाजी काशम गौत्र त्वर परिवार गुडाबालोतान् जयचिंतामणि १०-५४३ संतापेट नेल्लूर-५२४००१ (आ.प्र.)
- (१२) पू. पिताश्री पूनमचंदजी मातुश्री भुरीबाई के स्मरणार्थे पुत्र पुखराज, पुत्रवधु लीलाबाई पौत्र फुटरमल, महेन्द्रकुमार, राजेन्द्रकुमार, अशोककुमार मिथुन, संकेश, सोमील, बेटा पोता परपोता शा. पूनमचंदजी भीमाजी रामाणी गुडाबालोतान्
'नाकोडा गोल्ड' ७०, कंसारा चाल, बीजामाले, रूम नं. ६७, कालबादेवी, मुंबई-२

- (१३) शा सुमेरमल, मुकेशकुमार, नितीन, अमीत, मनीषा, खुशबु बेटा पोता पेराजमलजी प्रतापजी रतनपुरा बोहरा परिवार, मोदरा (राज.) राजरतन गोल्ड प्रोड. के. वी. एस. कोम्प्लेक्ष, ३/१ अरुंडलपेट, गुन्दूर A.P.
- (१४) एक सदगृहस्थ, धाणसा.
- (१५) गुलाबचंद डॉ. राजकुमार छगनलालजी कोठारी अमेरीका, आहोर (राज.)
- (१६) शांतिरूपचंद रविन्द्रचंद, मुकेश, संजेश, ऋषभ, लक्षित, यश, ध्रुव, अक्षय बेटा पोता मिलापचंदजी महेता जालोर, बेंगलोर.
- (१७) वि.सं. २०६३ में आहोर में उपधान तप आराधना करवायी एवं पद्मावती श्रवण के उपलक्ष में पिताश्री थानमलजी मातुश्री सुखीदेवी, भंवरलाल, घेवरचंद, शांतिलाल, प्रवीणकुमार, मनीष, निखिल, मित्तुल, आशीष, हर्ष, विनय, विवेक बेटा पोता कनाजी हकमाजीमुथा, शा. शांतिलाल प्रवीणकुमार एन्ड को. राम गोपाल स्टीट, विजयवाडा. भीवंडी, इचलकरंजी
- (१८) बाफना वाडी में जिन मन्दिर निर्माण के उपलक्ष में मातुश्री प्रकाशदेवी चंपालालजी की भावनानुसार पृथ्वीराज, जितेन्द्रकुमार, राजेशकुमार, रमेशकुमार, वंश, जैनम, राजवीर, बेटा पोता चंपालाल सांवलचन्दजी बाफना, भीनमाल.
नवकार टाइम, ५१, नाकोडा स्टेट न्यु बोहरा बिल्डींग, मुंबई-३.
- (१९) शा शांतिलाल, दीलीपकुमार, संजयकुमार, अमनकुमार, अखीलकुमार, बेटा पोता मूलचंदजी उमाजी तलावत आहोर (राज.) राजेन्द्र मार्केटींग, पो.बो. नं.-१०८, विजयवाडा.
- (२०) श्रीमती सकुदेवी सांकलचंदजी नेथीजी हुकमाणी परिवार, पांथेडी, राज. राजेन्द्र ज्वेलर्स, ४-रहेमान भाई बि. एस. जी. मार्ग, ताडदेव, मुंबई-३४.
- (२१) पूज्य पिताजी श्री सुमेरमलजी की स्मृति में मातुश्री जेठीबाई की प्रेरणा से जयन्तिलाल, महावीरचंद, दर्शन, बेटा पोता सुमेरमलजी वरदीचंदजी आहोर, जे. जी. इम्पेक्स प्रा. लि.-५५ नारायण मुदली स्ट्रीट, चेन्नई-७९.
- (२२) स्व. हस्तीमलजी भलाजी नागोत्रा सोलंकी की स्मृति में हस्ते परिवार बाकरा (राज.)
- (२३) मुनिश्री जयानंद विजयजी की निश्रा में लेहर कुंदन गुप द्वारा शत्रुंजय तीर्थ २०६५ में चातुर्मास उपधान करवाया उस समय के आरधक एवं अतिथि के सर्व साधारण की आय में से सवंत २०६५.
- (२४) कुंदन गुप, मंगलवा, चेन्नई, दिल्ली, मुंबई.
- (२५) शा सुमेरमलजी नरसाजी - मंगलवा, चेन्नई.
- (२६) शा दूधमलजी, नरेन्द्रकुमार, रमेशकुमार बेटा पोता लालचंदजी मांडोत परिवार बाकरा (राज.) मंगल आर्ट, दोशी बिल्डींग, ३-भोईवाडा, भूलेश्वर, मुंबई-२
- (२७) कटारीया संघवी लालचंद, रमेशकुमार, गौतमचंद, दिनेशकुमार, महेन्द्रकुमार, रविन्द्रकुमार बेटा पोता सोनाजी भेराजी धाणसा (राज.) श्री सुपर स्पेअर्स, ११-३१-३A पार्क रोड, विजयवाडा, सिकन्द्राबाद.

- (२८) शा नरपतराज, ललीतकुमार, महेन्द्र, शैलेश, निलेश, कल्पेश, राजेश, महीपाल, दिक्षीत, आशीष, केतन, अश्वीन, रींकेश, यश, मीत, बेटा पोता खीमराजजी थानाजी कटारीया संघवी आहोर (राज.) कलांजली ज्वेलर्स, ४/२ ब्राडी पेठ, गुन्टूर-२.
- (२९) शा लक्ष्मीचंद, शेषमल, राजकुमार, महावीरकुमार, प्रविणकुमार, दिलीपकुमार, रमेशकुमार बेटा पोता प्रतापचंदजी कालुजी कांकरीया मोदरा (राज.) गुन्टूर.
- (३०) एक सदगृहस्थ (खाचरौद)
- (३१) श्रीमती सुआदेवी घेवरचंदजी के उपधान निमित्ते चंपालाल, दिनेशकुमार, धर्मेन्द्रकुमार, हितेशकुमार, दिलीप, रोशन, नीखील, हर्ष, जैनम, दिवेश बेटा पोता घेवरचंदजी सरेमलजी दुर्गाणी बाकरा. हितेन्द्र मार्केटींग, 11-X-2-Kashi, चेटी लेन, सत्तर शाला कोम्प्लेक्स, पहला माला, चेन्नई-७९.
- (३२) मंजुलाबेन प्रवीणकुमार पटीयात के मासक्षमण एवं स्व. श्री भंवरलालजी की स्मृति में प्रवीणकुमार, जीतेशकुमार, चेतन, चिराग, कुणाल, बेटा पोता तिलोकचंदजी धर्माजी पटियात धाणसा. पी. टी. जैन, रोयल सम्राट, ४०६-सी वींग, गोरेगांव (वेस्ट) मुंबई-६२.
- (३३) गोल्ड मेडल इन्डस्ट्रीस प्रा. ली., रेवतडा, मुंबई, विजयवाडा, दिल्ली.
- (३४) राज राजेन्द्र टेक्सटाईल्स, एक्सपोर्टस लिमिटेड, १०१, राजभवन, दौलतनगर, बोरीवली (ईस्ट), मुंबई, मोधरा निवासी.
- (३५) प्र. शा. दी. वि. सा. श्री मुक्तिश्रीजी की सुशिष्या मुक्ति दर्शिताश्रीजी की प्रेरणा से स्व. पिताजी दानमलजी, मातुश्री तीजोबाई की पुण्य स्मृति में चंपालाल, मोहनलाल, महेन्द्रकुमार, मनोजकुमार, जितेन्द्रकुमार, विकासकुमार, रविकुमार, रिषभ, मिलन, हितिक, आहोर। कोठारी मार्केटींग, १०/११ चित्तुरी कॉम्प्लेक्स, विजयवाडा.
- (३६) पिताजी श्री सोनराजजी, मातुश्री मदनबाई परिवार द्वारा समेतशिखर यात्रा प्रवास एवं जीवित महोत्सव निमित्ते दीपचंद उत्तमचंद, अशोककुमार, प्रकाशकुमार, राजेशकुमार, संजयकुमार, विजयकुमार, बेटापोता सोनराजजी मेघाजी कटारीया संघवी धाणसा. अलका स्टील ८५७ भवानी पेठ, पूना नं.२.



सह संरक्षक

- (३७) शा समरथमल, सुकराज, मोहनलाल, महावीरकुमार, विकासकुमार, कमलेश, अनिल, विमल, श्रीपाल, भरत फोला मुथा परिवार सायला (राज.) अरुण एन्टरप्राइजेस, ४ लेन ब्राडी पेठ, गुन्टूर-२.
- (३८) शा तीलोकचंद मयाचन्द एन्ड कं. ११६, गुलालवाडी, मुंबई-४
- (३९) शा भंवरलाल जयंतिलाल, सुरेशकुमार, प्रकाशकुमार, महावीरकुमार, श्रेणिककुमार, प्रितम, प्रतीक, साहील, पक्षाल बेटा पोता-परपोता शा समरथमलजी सोगाजी दुर्गाणी बाकरा (राज.) जैन स्टोर्स, स्टेशन रोड, अंकापली-५३१००१.

- (४०) शा गजराज, बाबुलाल, मीठालाल, भरत, महेन्द्र, मुकेश, शैलेस, गौतम, नीखील, मनीष, हनी बेटा-पोता रतनचंदजी नागोत्रा सोलंकी साँथू (राज.)-फूलचंद भंवरलाल, १८० गोवींदाप्पा नायक स्ट्रीट, चेन्नई-१
- (४१) संघवी भंवरलाल मांगीलाल, महावीर, नीलेश, बन्टी, बेटा पोता हरकचंदजी श्री श्रीमाल परिवार आलासन राजेश इलेक्ट्रीकल्स ४८, राजा बिल्डींग, तिरुनेलवेली-६२७००१.
- (४२) भंसाली भंवरलाल, अशोककुमार, कांतिलाल, गौतमचंद, राजेशकुमार, राहुल, आशीष, नमन, आकाश, योगेश, बेटा पोता लीलाजी कसनाजी मु. सुरत. फर्म : मंगल मोती सेन्डीकेट, १४/१५ एस. एस. जैन मार्केट, एम. पी. लेन, चीकपेट क्रोस, बेंगलोर-५३.
- (४३) स्व. मातृश्री मोहनदेवी पिताजी श्री गुमानमलजी का स्मृति में पुत्र कांतिलाल जयन्तिलाल, सुरेश, राजेश सोलंकी जालोर.
प्रविण एण्ड कं. १५-८-११०/२, बेगम बाजार, हैदराबाद-१२.
- (४४) शा. कान्तीलालजी, मंगलचन्दजी हरण, दासपा, मुंबई.
- (४५) शा. ताराचन्दजी भोनाजी, आहोर, मुंबई. महेता नरेशकुमार एण्ड कुं. 1st, भोइवाडा लेन, गुलालवाडी, मुंबई-२.
- (४६) श्रीमती फेन्सीबेन सुखराजजी चमनाजी कबदी मुंबई धाणसा, गोल्डन कलेक्शन, नं-५ चांदी गली, ३रा भोईवाडा, भूलेक्षर, मुंबई-२.
- (४७) शा भंवरलाल, सुरेशकुमार, शैलेषकुमार, राहुल बेटा पोता तेजराजजी संघवी कोमतावाला भीनमाल, एस. के. मार्केटींग, राजरतन इलेक्ट्रीकल्स, के. सी. आई. वार्यर्स प्रा. लि. १६३, गोविंदाप्पा, नायकन स्ट्रीट, चेन्नई-६००००१.
- (४८) बल्लु गगनदास विरचंदभाई परिवार - थराद.
- (४९) शा जेठमलजी सागरमलजी की स्मृति में मुलचंद, महावीरकुमार, आयुषी, मेहुल, रियान्सु, डोली, प्रागाणी गुप-संखलेचा, मेंगलवा. राज रतन एसंबली वर्क्स, १४६/११६९, मोतीलाल नगर नं.-१. साई मंदिर के सामने, रोड नं.-३, गोरेगांव (वेस्ट), मुंबई-१०४. संखलेचा मार्केटींग, ११-१३-१६, समाचारवारी स्ट्रीट, विजयवाडा-१.



प्राप्तिस्थान

शा देवीचंद छगनलालजी 'सुमतिदर्शन' नेहरू पार्क के सामने, भीनमाल-३४३०२१. फोन : (०२९६९) २२०३८७

श्री आदिनाथ राजेन्द्र जैन पेढी साँथू, ३४३०२६. फोन : २५४२२१

श्री विमलनाथ जैन पेढी बाकरा, राजस्थान-३४३०२५.

महाविदेह भीनमाल धाम तलेटी हस्तगिरि लिंक रोड, पालीताणा (सौराष्ट्र)-३६४२७० फोन : (०२८४८) २४३०१८



मुनि को राजादि का संसर्ग अच्छा नहीं ।

उसिणोदगतत्तभोइणो धम्मद्वियस्स मुणिस्स हि मतो ।
संसग्गि असाहु राइहिं असमाहि उ तहागयस्स वि ॥
टी. चिदण्डोद्धृतोष्णोदकभोजिनः यथोक्तानुष्ठायिनोऽपि
राजादिसंसर्गवशाद् असमाधिरेव अपध्यानमेव
स्यात्, न कदाचित् स्वाध्यायादिकं भवेदिति ।

- सूयगडांग वृत्ति



उष्ण तप्त जल का ही उपयोग करने वाला धर्म में स्थिर लज्जायुक्त ऐसे मुनि के लिए राजादि का संसर्ग अच्छा नहीं है। ऐसे साधुको भी असमाधि हो जाती है।

टीकार्थ :- तीन उकाले वाले पानी का ही उपयोग करने वाले शास्त्रोक्त अनुष्ठान का आचरण करनेवाले साधु राजादि के संसर्ग से असमाधि-दुर्घ्यान ही होता है स्वाध्यायादि कभी नहीं कर सकता।

- प्रभु तुजशासन अतिभलु पेज ३१

स्वेच्छा से राजनेता आते हो तो कोई अशास्त्रोक्त नहीं है। परंतु उनको बुलवाना उनकी राजनीति को ही प्रोत्साहन देना है।

चतुर्विध संघ सोचें।

पूर्णता

जीव अपूर्ण है, शिव पूर्ण है। अतः अपूर्णता के घोर अंधकार में से पूर्णता के उज्ज्वल प्रकाश की ओर जाने का उपक्रम करें। क्योंकि समग्र धर्मपुरुषार्थ का ध्येय पूर्णता की प्राप्ति है। यही अंतिम ध्येय है, आखिरी मंजिल है।

फलस्वरूप, आत्मा की ऐसी परिपूर्णता प्राप्त कर लें कि कभी अपूर्ण होने का अवसर ही न आये। अपूर्णता का प्रादुर्भाव होने की संभावना ही न रहे !

युग-युगांतर से मोह और अज्ञान की गहरी खाई में दबी चेतना को, पूर्णता की प्रकाश-किरण आकर्षित करती रहती है।

अपूर्णः पूर्णतामेति=अपूर्ण पूर्णता पाये ! ग्रंथकार महात्मा ने कैसी गहन-गंभीर फिर भी मृदु बात का सूत्रपात किया है ! एक ही पंक्ति में, गागर में सागर भर दिया है। आत्मा की पूर्णता प्राप्त करने हेतु कर्मजन्य पदार्थों से रिक्त हो जाँँ !

● ज्ञानसार

दो शब्द

आत्मा से परमात्मा बनने के लिए संवेग का मार्ग ही संपूर्ण निर्विघ्न मार्ग है। आत्मा शब्द संसारवर्ती जीवों के लिए विशेष प्रयुक्त होता है और परमात्मा शब्द मुक्ति के जीवों के लिए विशेष प्रयुक्त होता है। संसार से मुक्त होने वाला ही मुक्ति में पहुँच सकता है। संसारी आत्मा बंधन में है। बंधन अनेक प्रकार के हैं। सभी बन्धनों का मूल बंधन कर्म है। कर्म है तो दूसरे बंधन है। कर्म नहीं तो एक भी बंधन नहीं। हर समझदार आत्मा मूल की ओर लक्ष्य देता है। रोग हो तो रोग का मूल कारण नष्ट होते ही रोग नष्ट हो जाता है अतः रोग के मूल कारण को दूर करने के लिए प्रयत्न किया जाता है। वैसे ही संसार का मूल कारण जो कर्म उसको दूर करने के लिए प्रत्येक समझदार व्यक्ति को प्रयत्न करना चाहिए यह सिद्धांत निश्चित है।

जगत में उपचार अनेक प्रकार के हैं। जो उपचार जहाँ कार्य कर सके वहाँ उसी उपचार को करना हितकर है। कर्म को भी रोग की संज्ञा दी हुई है। कर्मरोग को दूर करने के लिए अनेक प्रकार के उपचार अनंतानंत तीर्थंकर भगवंतों ने दर्शाये हैं। उन सभी उपचारों में सर्व श्रेष्ठ उपचार प्रत्येक भव्यात्मा के लिए एक ही है। और वह है 'संवेग रसायण का पान करना।' यह 'संवेग रसायन' दो कार्य करता है। रोग को मिटाता है और शक्ति को प्रकट करता है।

संवेग शब्द का अर्थ संवेग रंगशाला नामक इस ग्रंथ में स्पष्ट रूप से दर्शाया है=संवेग यानि भव-संसार का भय और मोक्ष की अभिलाषा संसार का भय रोग को मिटाता है, मोक्ष की अभिलाषा आत्म शक्ति को प्रकट करती है।

हमारे दैनिक क्रियाओं के सूत्रों में भी संवेग की बातें अनेक प्रकार से आयी हुई है उसमें सर्वश्रेष्ठसूत्र प्रार्थना सूत्र और उसमें प्रथम प्रार्थना "भवनिव्वेओ" भव निर्वेद संसार पर अरुचि अर्थात् संसार का भय, भय जनक पदार्थ पर ही अरुचि होती है। दुःखदुःखओ-कम्मदुःखओ=दुःखों का क्षय-कर्मों का क्षय अर्थात् मोक्षाभिलाषा। ऐसे अनेक प्रकार के शब्दों के प्रयोग द्वारा संवेग रसायण की बातें गुंथी हुई है।

जिन पदार्थों से, व्यक्तियों से स्थान से जिसे भय लगता है वह उन-उन से दूर रहने के लिए सतत प्रयत्नशील होता है। यह अटल नियम है। जिन आत्माओं को संसार भय जनक है ऐसा खयाल आया वे आत्माएँ संसार से भयभीत बनी थीं, बन रही हैं और बनेगी। संसार से भयभीत आत्मा को संसार बंधन स्वरूप लगता है, बंधन का कारण कर्म है तो अब कर्म से मुक्त बनने के लिए प्रयत्न करना और कर्म रोग है रोग को मिटाने के लिए रोग का निर्णय किया जाता है। जगत में एक न्याय प्रचलित है लोहा लोहे से कटता है। वैसे कर्म को मिटाने के लिए कर्म ही करना। कर्म के दो भेद हैं शुभ-अशुभ। अशुभ को दूर करने के लिए शुभ कर्म करना। शुभ कर्म काया से, वचन से, एवं मन से होते हैं। इन तीनों योगों से शुभ कर्म करने के लिए अतीव विस्तृत मार्गदर्शन इस 'संवेगरंगशाला' नामक ग्रंथ के अन्दर प्राप्त होता है।

संवेग के रंग रूप शुभ कर्म से अशुभ कर्म रूप कचरा निकल जायगा फिर शुभ कर्म भी अल्प मानसिक प्रयास से दूर हो जायेंगे। कर्म दूर होते ही आत्मा अपने मूल स्वभाव में आकर अपने स्वयं के घर में स्वगृह में जाकर निवास करेगा।

यह ग्रंथ वि.सं. ११२५ में रचा गया है। रचनाकार श्री जिनचंद्रसूरिजी नवांगी टीकाकार श्री अभयदेवसूरिश्वरजी के बड़े गुरुभ्राता हैं। अतः इन्होंने आगम ग्रन्थों का अमृत खोज-खोजकर इस संवेगरंगशाला में भर दिया है। आ.श्रीमुक्तिप्रभ सूरिश्वरजी की प्रस्तावना में इस ग्रंथ के विषय में विचार व्यक्त किये हैं। जो इस संपादन में वे प्रस्तावनाएँ दी हैं।

जहां-जहां पूर्व प्रकाशित में अशुद्धियाँ दृष्टिगोचर हुईं उसे सुधारने का उपयोग किया है। फिर भी भूले रह गयीं हो और पाठकवर्ग के ध्यान में आवे तो संपादक को सूचित करने की कृपा करें।

इस ग्रंथ में निम्न बातें हैं जिसमें इसके बाद रचे गये ग्रंथों में परावर्तन हुआ है।

जैसे वंकचूल की कथा में उसे युद्ध में रोग की बात लिखी है अन्य कथाओं में कौए से बेटा हुआ पानी पीने से रोग होने की बात आयी है। रानी द्वारा मुझ पर बलात्कार किया ऐसा राजा को कहने का वर्णन है। पृ. २५

आर्य महागिरि की कथा में स्थूलभद्रजी के वर्णन में उपकोशा के घर चातुर्मास का वर्णन है जब कि अन्य कथाओं में कोशा के घर का वर्णन आता है। पृ. ११०

आर्य महागिरि और आर्य सुहस्ति सूरि में सांभोगिकपना पृथक होने का वर्णन अन्य कथानकों में आता है इसमें नहीं है। पृ. ११०

अर्णिका पुत्र आचार्य के वर्णन में अन्य ग्रंथों में नदी में गिराने पर शूलि पर लेने का एवं खून के बिन्दू जल में गिरने पर चिंतन का वर्णन आता है जो इसमें नहीं है। पृ. १५०

वसुराजा की कथा में पाठक द्वारा परिक्षा का वर्णन इसमें नहीं है। नारद का शिष्यों को पढ़ाने का वर्णन अन्य कथानकों में नहीं है। पृ. १६१

बाहुबली की कथा में इन्द्र द्वारा दोनों भाईयों को समझाने का वर्णन इसमें नहीं है। इसमें दंडरत्न हाथ में आने का वर्णन है जब कि अन्य कथानकों में चक्ररत्न को याद करने का एवं फेंकने का वर्णन है। पृ. १६८

स्थूलभद्र सुरि की कथा में यहां तीन पुत्रियों के स्मरण शक्ति की बात है। अन्य कथाओं में सातों बहनों के स्मरण शक्ति की बात है। पृ. १९०

दृढ़प्रहारी की कथा में अन्य कथाओं में चार हत्या की बात है। इसमें तीन की बात है। पृ. १९२

इस प्रकार कथाओं में परिवर्तन हुआ है।

यह ग्रंथ नामानुसार आत्मा में संवेगशाला को उत्पन्न करने वाला, वृद्धि करने वाला और इसके उपदेश द्वारा स्व पर कल्याण करने वाला उत्कृष्टतम ग्रंथ है।

आराधक आत्मा को इस ग्रंथ का वांचन, मनन, चिंतन एवं इस पर आचरण कर ग्रंथकार के परिश्रम को सफल बनाकर स्व कल्याण करना चाहिए।

ताडपत्र पर इस ग्रंथ को लिखवाने वाले की जो प्रशस्ति दी है। इससे ऐसा लगता है कि उस समय ज्ञान लिखवाने वाले अति अल्प होंगे। जिससे लिखवाने वाले की ऐसी प्रशस्ति लिखी गयी है। उसने लिखवाने की उदारता की तभी यह ग्रंथ हमको उपलब्ध हुआ है।

पाठक गण इसे पढ़कर आत्म कल्याण साधे।

यही।

जालोर,

वि.सं. २०६४ अषाढ सुद १४

दि. २९/७/२००७

- जयानंद



इस ग्रंथ का भाषांतर हिन्दी में छपवाने के बाद मूल प्रत भी छपवाने का विचार हुआ। अतः इसे छपवाया है। इसमें अशुद्धियों को सुधारने का प्रयत्न किया है। पत्रकार में ३०८९ का श्लोक छपा ही नहीं था। पाठण भंडार में से मुनि श्री जंबुविजयजी द्वारा श्लोक प्राप्त हुआ सो दीया है। फिर भी अशुद्धि रही हो तो विबुध वर्ग संपादक को सूचित करने का प्रयत्न करें।

इस ग्रंथ में मंगलाचरण में श्रुत देवी को नमस्कार करने की बात है। श्रुत देवता के काउस्सग का प्रचलन हो जाने से नमस्कार किया गया है। श्रुत देवता को नमस्कार कर फिर गुरु भगवंत को नमस्कार यह कितना योग्य है? इस पर चिंतन मनन आवश्यक है।

प्रतिमा शतक में इसका जो स्पष्टीकरण किया है। वहाँ स्पष्ट किया है कि श्रुत देवता को नमस्कार कर गुरु महाराज को नमस्कार तो अयोग्य होगा, यह नमस्कार जिनवाणी को है। ऐसा श्री हरिभद्रसूरीश्वरजी के मंगलाचरण में स्पष्टीकरण किया है।

वही स्पष्टीकरण यहाँ भी समझा जा सकता है।

वि.सं. २०६५ फागण सुद १३

शांखेश्वर

- जयानंद



પ્રસ્તાવના

જેમાં પદે-પદે વાક્યે-વાક્યે ને શ્લોકે-શ્લોકે સંવેગની છોઝો ઉછઝી રહી છે, એવા આ ગ્રન્થનું નામ સંવેગરંગશાલા છે. આ ગ્રન્થરત્નની રચના કરનાર સમર્થતાર્કિક મહાવાદી શ્રી સિદ્ધસેનદિવાકરસૂરિજી કૃત સંમતિતર્ક ગ્રન્થ પર અસાધારણ ટીકા લખનાર પૂ. આચાર્યદેવ શ્રી અભયદેવસૂરિ મહારાજના વડીલ ગુરુબન્ધુ પૂજ્યપાદ આચાર્યદેવ શ્રી જિનચન્દ્રસૂરિજી મહારાજ છે.

આ ગ્રન્થ ખાસ કરીને એજ પુણ્યાત્માઓને લાભ કરનાર નિવડશે કે જે હૃદયથી એમ માને છે કે હું આત્મા છું, અનાદિકાઢથી સંસાર સમુદ્રમાં રખડી રહ્યો છું, હું શાશ્વત છું, પળ મારી વર્તમાન અવસ્થા અશાશ્વત છે. મારી આ અનંત રખડપટ્ટીનો અંત લાવવો હોય તો 'સંવેગ' ગુણનો વેગ મારે વધારવો જોઈએ. વિના સંવેગ મારા સંસારનો અંત આવવાનો નથી; કેમ કે વગર સંવેગે લાંબાકાઢ સુધી પળ તપેલું તપ, સેવેલું શીલ કાયકષ્ટ રૂપ છે, આચરેલું અનુપમ ચારિત્ર એને મેઢવેલું ઘણું બધું જ્ઞાન પળ ખરેખર ફોતરા ઝાંઢવા જેવું છે. આ વાત ગ્રન્થકારના શબ્દોમાં જોઈએ તો—

સુચિરં પિ તવો તવિયં, ચિત્રં ચરણં સુયં પિ બહુ પઢિયં । જઈ નો સંવેગરસો, તા તં તુસખખ્ણડણં સઢ્ધં ॥

પળ વાંચનાર એમ પૂછશે કે, સંવેગ એટલે શું? તેનો ઉત્તર પળ ગ્રન્થકાર નીચેના શબ્દોમાં આપે છે—

એસો પુળ સંવેગો, સંવેગપરાયણેહિં પરિકહિઓ । પરમં ભવભીરુત્તં, અહવા મોક્ષાભિકંચિત્તં ॥

તીર્થંકર ભગવંતોએ સંવેગનો અર્થ આ પ્રમાણે કહેલો છે. અત્યંત સંસારનો ભય અથવા મોક્ષની અભિલાષા. અત્યંત સંસારનો ભય એટલે ચારે ગતિનો ભય. ચારે ગતિમાં નરકગતિ અને તિર્યંચ ગતિનો ભય તો લગભગ બધા જ મનુષ્યોને છે. કોઈને પૂછીએ કે, સુખી યુરોપિયનના કુતરા તરીકે જન્મ લેવો છે? તો તે તરત જ ના પાડશે. આપણે કહીએ કે, મોટરમાં બેસવા મઢશે, દરરોજ માણસ નવઢાવશે, સારું સારું ઝાવાનું મઢશે. વગેરે વગેરે ભૌતિક સુખો બતાવીએ તો પળ તે ના જ પાડશે. કેમ કે તિર્યંચ-પશુ કે ઢોર થવું કોઈને ગમતું નથી. જ્યારે નરકમાં તો દુઃખ ને દુઃખ જ હોય છે. ત્યાં જવાનું મન કોને થાય? ત્યારે રહી બાકીની બે ગતિ. એક મનુષ્ય અને બીજી દેવગતિ. આ મનુષ્યગતિમાં પળ દીન-દુઃખી અને કંગાઢકુલમાં જન્મ લેવાનું કોઈ ઇચ્છતું નથી. તેમજ દેવલોકમાં પળ બીજા સ્વામી દેવોની ગુલામી કરવી પઢે. તેના હુકમથી પશુ થઈ તેને પીઢ ઉપર બેસાઢવા પઢે. તેવું કોઈને પસંદ નથી. ત્યારે સંસારી જીવને શું પસંદ છે? સંસારનું ભૌતિક સુખ.

તેની સામે સંવેગ ગુણ આપણને કહે છે કે, આ સંસારના સુખોને મોક્ષરૂપ સુખ મેઢવવા ઝાતર લાત મારતા શીઝો. અને આ શિક્ષણ તમારા હૈયામાં પરિણામ પામે એ માટે આ ગ્રન્થનું પુનઃ પુનઃ વાંચન, મનન અને નિદિધ્યાસ કરો.

આ સંવેગ ગુણ મેઢવવાની જેને ઇચ્છા થતી નથી. તેને આ ગ્રન્થકાર દુર્ભવ્ય કે અભવ્ય તરીકે ઓઢઢાવે છે. આ ઉપરથી સમજી શકાશે કે, આ સંવેગ ગુણની જીવનમાં કેટલી આવશ્યકતા છે?

કહેવું હોય તો એમ પળ કહી શકાય કે, મંત્રોમાં જેમ નમસ્કાર મહામંત્ર સર્વશ્રેષ્ઠ છે, પર્વતોમાં જેમ શ્રી શત્રુંજય સર્વશ્રેષ્ઠ છે, દેવોમાં જેમ વીતરાગ પરમાત્મા સર્વશ્રેષ્ઠ છે તેમ સર્વ ગુણોમાં શિરોમણિ ભાવને ભજનાર આ સંવેગ ગુણ ગુણોમાં સર્વશ્રેષ્ઠ છે.

આ ગ્રન્થમાં ચાર મુખ્યદ્વારનું કથન કરવામાં આવ્યું છે. સંવેગગુણની પ્રાપ્તિ થયા પછી આરાધના કયા ક્રમે કરવી અથવા એ ગુણને પ્રાપ્ત કરવા પળ આ આરાધના કેવી રીતે કરવી તેનું આમાં સ્પષ્ટ વર્ણન છે.

આ ચાર દ્વારો (૧) પરિકર્મવિધિ દ્વાર (૨) પરગણસંક્રમણ દ્વાર (૩) મમત્વઉચ્છેદ દ્વાર અને (૪) સમાધિલાભ દ્વાર છે.

આ ચારે મુખ્ય દ્વારોમાં પેટાદ્વારો પહેલાના ૧૫, બીજાના ૧૦, ત્રીજાના ૯ અને ચોથાના ૯ છે. તે પેટાદ્વારોનું વર્ણન વિસ્તારથી છે, જે જિજ્ઞાસુઓને વાંચી જવા ભલામણ છે.

પહેલા પરિકર્મવિધિદ્વારમાં આત્માને તે તે દ્વારોમાં બતાવેલી આરાધના દ્વારા સંસ્કારી બનાવવાનો છે. મોહરાજાનું સામ્રાજ્ય ગજબનું છે. જીવને ક્યાં અને ક્યારે ફસાવી દે, તેનો પત્તો નથી. માટે એના સંકજામાં જીવ ફસાઈ ન જાય તેની સાવધાની માટે આ બધા પેટા દ્વારોની વિધિપૂર્વક આરાધના કરવાની કહી છે.

આ દ્વારમાં સાધુ અને શ્રાવકના ઉપકરણોનું જેમ વર્ણન છે, તેમ ગુરુ પાસેથી ગ્રહણશિક્ષા અને આસેવનશિક્ષા લઈ

आत्माना सम्यग् दर्शन, ज्ञान अने चारित्र्यनो विकास करनारा गुणोनुं पण वर्णन छे. अहिं ग्रहणशिक्षानो अर्थ ए समजवानो छे के, गुरु महाराज पासेथी साधुपणुं अने श्रावकपणुं शी रीते आराधवुं एनी समजण लेवी अने आसेवन शिक्षानो अर्थ ए छे के, ए समजणने जीवनमां जीवीने आत्मसात् करवी.

आ शिक्षाओ विनय विना आवती नथी माटे पेटाद्वारमां विनयद्वार पण पाडवामां आव्युं छे. विनयनो भंग करी जे साधु के श्रावक धर्ममां आगळ वधवा मागे छे, ते कदी पण आगळ वधी शकतो नथी. केम के परमात्मानुं शासन विनयने धर्मना मूळ तरीके ओळखावे छे.

उत्तराध्ययन सूत्र जे प्रभुभाषित छे, तेना ३६ अध्ययनोमां पहेलुं अध्ययन विनय अध्ययन छे. केम के विनय न होय तो बाकीना अध्ययनमां बतावेला गुणो जीवनमां यथार्थरूपे आवी शकता नथी. माटे ज प्रथम अध्ययन विनयनुं राखवामां आव्युं छे. आ सिवायना बीजा प्रथम मुख्यद्वारना पेटाद्वारो जे समाधिद्वार, मनोनुसिद्धीद्वार, अनियतविहारद्वार, राजद्वार वगैरे द्वारो जे बताववामां आव्या छे ते जिज्ञासुओने ग्रन्थमां जोई लेवानी अमारी भलामण छे. प्रत्येक पेटाद्वारनुं वर्णन जो करवामां आवे तो प्रस्तावना ज स्वयं एक ग्रन्थ बनी जाय.

हवे बीजुं द्वार परगणसंक्रमण नामनुं छे. एना पेटाद्वारो १० छे. दरेके दरेक द्वारमां गुरुआज्ञानी मुख्यता, कषायने वोसिराववानी भावना, साधुने सर्वथा स्त्री परिचयनो त्याग, दश प्रकारनी सामाचारीनुं विधिपूर्वक पालन वगैरे बताववामां आव्युं छे.

आ आचारोमां ज्यां ज्यां स्खलना थाय छे, त्यां त्यां गुरु-शिष्यभावमां खामी आवे छे. एक गच्छना आचार्य बीजा गच्छना आचार्य उपर जेवो वात्सल्यभाव राखवो जोईए तेवो राखी शकता नथी अने साधक सामाचारीनुं पालन करवामां शिथिल बनवाथी स्वच्छंदी बने छे.

त्रीजुं मूलद्वार ममत्व उच्छेद नामनुं छे. आना नव पेटाद्वारो छे. तेमां शरूमां आलोचनाविधानद्वार मूकवामां आव्युं छे आत्माने हळवो करवा माटे प्रत्येक साधु अने श्रावके करेला पापनुं प्रायश्चित्त लेवानुं होय छे. तेमां प्रायश्चित्त केवी रीते लेवुं, एना आपनारनी लायकात, लेती वखतनी विधि वगैरेनुं वर्णन विस्तारथी करवामां आव्युं छे. आलोचना नही लेनार साधु के श्रावक सशल्य कहेवाय छे, अने शल्यवाळो साधना करे तो पण ज्यां सुधी शल्यनी आलोचना न ले त्यां सुधी शुद्ध थतो नथी. वगैरे वगैरे घणो सुंदर विचार आमां करवामां आव्यो छे.

आ द्वारमां शय्या-संधारो वगैरे क्यां करवो, प्रत्याख्यान आदि द्वारा शरीर, इन्द्रियोने अने मनने केवी रीते काबुमां लेवा, खमवा खमाववा द्वारा ए कषायोने केवी रीते अंकुशमां राखवा तेनुं आबेहूब वर्णन करवामां आव्युं छे. अहिं शय्या शब्दनो अर्थ वसति समजवानो छे. साधुनी वसति केवी होय? आजु बाजु पाडोश होय ते पण केवो होय? स्त्रीना शब्दो ज्यां न संभळाय. रूप न देखाय वगैरे वगैरे वातोनुं वर्णन करी साधकने खूब खूब सावचेत रहेवा सूचन करवामां आव्युं छे.

छेल्लुं चोथुं समाधिलाभ द्वार छे. आना पेटाद्वारो नव छे. आ दरेक पेटाद्वारोना अवान्तर द्वारो पण आपवामां आव्या छे. अमांना एक एक द्वार आराधना माटे ध्यान खेंचे तेवा छे. तेमां पण चतुःशरणगमन, सुकृतअनुमोदन ने दुष्कृत-निंदा द्वारो, जे पेटाद्वारोमां पण अवांतर द्वारो छे-ते सविशेष ध्यान खेंचे तेवा छे.

अरिहंत आदिनुं शरण शा माटे स्वीकारवानुं छे? ए तारको राजकुलमां जनम्या हता. सुखसामग्रीमां उछरी मोटा थया हता. ऋद्धिना ढगला वच्चे एमनुं जीवन पसार थई रह्युं हतुं. माताना गर्भमां आवतां जेमने इन्द्रादि देवताओ नमता हता, तेमणे पण माथाना वाळ उखेडी लोच करी स्वपर हितार्थे प्रवज्यानो स्वीकार कर्यो अने ज्यां सुधी घाती कर्मोनी क्षय न थयो त्यां सुधी पलांठी वाळीने तेओ बेठा पण नहीं. आवा परमात्माने शरणे एटला माटे ज जवानुं छे के "संसारना गमे तेटला सुंदर मनमोहक के सानुकूल सुखो मळे तो पण ते त्याज्य छे" आवी बुद्धि आवे त्यारे ज आ परमात्माने शरणे साची रीते जई शकाय छे. बाकी परमात्मानुं शरणुं मळतुं नथी. ए वात निश्चित छे. आ रीते परमात्मानुं शरणुं प्राप्त करनार जे पुण्यशाली आत्मा भूतकाळना दुष्कृतोनी गर्हा करे, सुकृतोनी अनुमोदना करे अने आत्माने अरिहंतमय बनाववा तेनुं ध्यानादि करे छे अने अवश्य संघयणादि सामग्री संपन्न होय तो ते, ते ज भवमां अथवा बहु ज थोडा भवमां सकलकर्मनो क्षय करी मुक्तिपदने पामे छे.

संसार ए कर्म राजाए ऊभो करेलो निर्दयता अने निष्ठुरतापूर्वकनो तमाशो छे. संसारी जीवो ए तमाशो के नाटक भजवनारा नाटकीआ छे. चार गति ए नाटकशाळानी रंगभूमि छे. कर्मराजा ए नाटकनो सूत्रधार (मेनेजर) छे. ग्रंथकार कहे छे

के आ निर्दय एवा कर्मराजाने पनारे जो तमारे न पडवुं होय तो संवेगगुणना स्वरूपने आ ग्रन्थमांथी गुरुमुखे सांभळो, सांभळ्या पछी समजो, समज्या पछी श्रद्धा करो अने पछी जीवनमां उतारवा सतत प्रयत्नशील बनो. आ रीतनो प्रत्यन सतत चालु हशे तो कर्मराजा तमारा पगमां नमतो आवशे. अहिं तमे मुक्तिना सुखनो नमुनो चाखशो अने ज्यां सुधी मुक्तिमां नहिं जाओ त्यां सुधी संसारना सुखो तमारी पगचंपी करशे, अने त्यारे तमारे तो एनी साथे अणबनाव रहेशे तेमज बहु नजीकमां तमे सकल कर्मनो क्षय करी मुक्तिपदना भोक्ता बनशो.

आ ग्रन्थनी खूबी ए छे के द्वारो अने पेटाद्वारोना वर्णनमां सिद्धान्तसिद्ध दृष्टांतो आपीने ते द्वारो अने पेटाद्वारोनी समजण खूब ज सुंदरी रीते आपी छे.

आ ग्रन्थनी वात कोई प्राचीन ग्रन्थमांथी ग्रन्थकारे लीधेली होय तेम जणाय छे. केम के रचयिता पू. जिनचंद्रसूरिजी महाराज छे. अने जे वात करवामां आवी छे ते भगवान महावीरना स्वहस्तदीक्षित शिष्य महसेन राजर्षिनी छे. भगवान महावीर निर्वाण पाम्या पछी भगवान गौतमस्वामीजीने केवळज्ञान थाय छे. तेमने आ लघु-बंधु पोतानी वृद्धावस्थामां कंपते शरीरे पूछे छे के ज्यारे शरीर विशिष्ट तपनी आराधनामां उपयोगी न रहे त्यारे अंतिम आराधना केवी रीते करवी? एना खुलासा सविस्तर रीते भगवान गौतमस्वामीजी महाराज कहे छे ए ज आ ग्रन्थनो विषय छे.

टुंकमां संवेगरंगशाळा एटले मोहनी सामे विज्ञाती शमशेर. एनी एक एक गाथामां मोहनी वेदना अने चीत्कारना डुसकां संभळाय छे. एमां संभळाय छे शिवसुंदरीना पायलनो झंकार. एनी गौरवगाथा एटले क्रूर अने विकराल एवा कालने क्रूर थप्पडो. एमां आपेली कथाओमां शेताननी शेतानियत जेम संभळाय छे तेम वीरनी वीरता पण वर्णवाय छे अने कायरोनी कायरतानी कमनसीब कहाणी पण छे. संवेगरंगशाळाना श्लोको एटले मोहनी छाती उपर उपराउपरि गोठवायेली तोपो कहो के तीर कामठां कहो, आजनी भाषामां बोंब कहो के जुना जमानानी बंदूको कहो. जे कहेवुं होय ते कहो पण ए वात चोक्रस छे के आ ग्रन्थ वांचनार भव्य जीव थोडा कालमां निजना मोहनो नाश अने स्व-स्वरूपनी अनुभूति करे छे. मोहमां पागल बनेला कायरोनी कमनसीब कथा सांभळी कर्मनी क्रूरता भरी कतल करनारा पण कंपी उठे छे. बीजी बाजु वीरपुरुषोए मोहनी सामे बतावेल शौर्यनां सन्मान पण स्थळे-स्थळे देखाय छे. टुंकमां संवेगरंगशाळा आपणनें कहे छे, "ओ मोहनिद्रमां मस्त बनेला मानवी! तुं तारी आत्मानी आंखने उघाड, उठ, बेठो था. मात्र बेठा थये नहिं चाले पण ऊभो था अने आ ग्रन्थमां बतावेला बळवान शस्त्रो स्वीकारी मोहनी सामे लडाई लडवा मांड. ओ अज्ञानना अंधकारमां अथडाता मानवी! जरा विचार कर, विचार कर. क्यां तारी आराधनानी उत्तम सामग्री अने क्यां तारी मोहमस्तता? आ मोहस्तीने मारीने मूळ स्वरूपने प्रगट करवुं होय तो आ ग्रन्थनुं पुनः पुन रटण कर."

आ ग्रन्थ एटले रत्नत्रयीनी पांगरेली वसंतऋतु, मिथ्यादर्शन, मिथ्याज्ञान अने मिथ्याचारित्रनी पानखरऋतु.

आ कथा कोई कल्पनाना गुंथेला तार नथी पण आत्माने हितकार तथ्योनुं पथ्य छे. संसार शेतंरंजनी पाशवलीला आ ग्रन्थ आबेहूब दर्शावे छे.

बारमी सदीनी प्रथम पच्चीसीमां लखायेल आ ग्रन्थ ए मात्र कोई पुस्तक के पानाओना ढग नथी. सिद्धांत के नियमोनी यादी नथी. मात्र अहेवालोनो हिमालय नथी पण संसार सागर पार करवा कर्ममत्स्योनी कतल करनार होडी छे. मात्र होडी ज नहिं पण मुक्ति महालयमां सादि अनंतकाल पर्यंत महालवा माटेनुं महान् यानपात्र छे. एनो एक एक श्लोक मोहनी सामे मशीनगन छे. एनुं एक-एक पद कर्म सामे रीवोल्वर छे. एनो एक एक अक्षर ए मिथ्यात्वमातंगने महात करवा मृगादिराज छे. एनो एक एक अधिकार अविरतिने उखेडवा एने कषायवृक्षोने कापवा कुहाडो छे.

वधुं शुं कहीए! आ ग्रन्थ एटले साक्षात् मिथ्यात्वनुं मोत, अविरतिनी विरति (विराम) अने कषायोनी कुटिलानी क्रूर कहाणीना कथन साथे तेनी करपीण कतल तेमज मन, वचन अने कायाना योगनो अयोग छे.

- आचार्य देव श्री रामचंद्र सूरेश्वरजी के शिष्यरत्न मुनिराज श्री मुक्तिविजयजी.



—: પ્રવેશ :—

લેખક :- પૂ. મુનિરાજ શ્રી મિત્રાનંદવિજયજી મહારાજ

સંવેગરંગશાળા :- શાસ્ત્ર ગ્રંથનું આ પાવન નામ મારા કાનમાં ૨૬ વર્ષથી ગુંજતું થયું હતું, તે સમયે ગાંભીર્યાદિ ગુણરત્નોના સાગર પરમ પૂજ્ય આચાર્ય ભગવંત શ્રીમદ્ વિજયમેઘસૂરીશ્વરજી મહારાજે આ ગ્રંથને લોહીના કણકણમાં પચાવી દીધો હતો. એમ કહીએ તો અતિશયોક્તિ નથી. તેઓશ્રી સં. ૧૯૯૯ના આસો સુદી એકમની બપોરે બે વાગે પાંચ પાંચ પૂ. આચાર્યદેવો, સેંકડો સાધુ-સાધ્વીઓ તથા વિશાળ શ્રાવક-શ્રાવિકા વર્ગની હાજરીમાં કાળધર્મ પામ્યા ત્યારે તેઓશ્રીને જે અદ્ભુત સમાધિ હતી. તેમાં આ ગ્રંથરત્નના મનન-ચિંતનનો મોટો ફાળો હતો. તે પૂજ્ય પુરુષ ૧૧-૧૧ વર્ષથી અનેક રોગોની સામે ઝઝૂમી રહ્યા હતા. છેલ્લી અવસ્થામાં એક બાજુ રોગોએ માઝા મૂકી હતી ત્યારે બીજી બાજુ તેઓએ આ ગ્રંથરત્નનું પરિશીલન કરી ચિત્તની સમાધિને સહેજ પણ ખંડિત થવા દિધી ન હતી. છેલ્લી ૨-૫ મિનિટ પહેલાં તેઓશ્રીના ગુરુવર્ય સંઘસ્થવિર પૂ. બાપજી મહારાજ સિદ્ધિસૂરીશ્વરજી મહારાજ સાહેબે પૂછ્યું, 'મેઘસૂરીજી! સમાધિનું લક્ષ છે ને? શું વિચાર કરો છો?' ત્યારે મેઘસૂરીશ્વરજી મહારાજ તરફથી જવાબ મળ્યો - 'સાહેબ! આપે સૂચવેલી સંવેગરંગશાળાનું ચિંતન ચાલે છે.' ગુરુ મહારાજે પરમતોષ માન્યો અને ૨ કે ૫ મિનિટમાં જ સંવેગના રંગે રંગાયેલો એ પાવન આત્મા દેહધિંજર છોડી ગયો.

ત્યારે હું ત્યા જ ઊભો હતો. બાળ સાધુ હતો. નૂતન મુનિ હતો. 'સંવેગરંગશાળા'ની ત્યારે ગવાતી ગૌરવગાથા સાંભળી આ ગ્રંથ પ્રત્યે મારા મનમાં અહોભાવ જાગ્યો હતો. અને તેથી જ્યારે સં. ૨૦૨૨ની સાલમાં પંડિત શ્રી બાબુભાઈ સવચંદ આ ગ્રંથરત્નની પ્રેસકોપી લઈને પરમપૂજ્ય ભવોદયિતારક આ.ભ. શ્રીમદ્ વિજય પ્રેમસૂરીશ્વરજી મહારાજ સાહેબ પાસે આવ્યા અને એના સંશોધનાદિ માટે મને સોંપવાની વાત કરી. ત્યારે હું સહજ રીતે એ માટે લલચાયો હતો. પણ ત્યારે હું કર્મસાહિત્યના 'રસબંધ' ગ્રંથના સંશોધન સંપાદનાદિ કાર્યમાં તથા કર્મસાહિત્યના 'ખવગસેટી', 'ઠિઈબંધો' વિગેરે ગ્રંથોના પ્રકાશન તેમજ તે પ્રસંગે યોજાયેલ જેન સાહિત્યના પ્રદર્શનના કાર્યમાં ખૂબ ગુંથાયેલો હતો. તેથી પૂ. આચાર્ય ભગવંતે તે કાર્યનો ભાર મને ન સોંપ્યો.

ખૂબ જ આનંદની વાત છે કે હુંક સમયમાં જ પૂજ્ય પરમ તપસ્વી મુનિરાજ શ્રી હેમેન્દ્રવિજયજી મહારાજે તથા પંડિત શ્રી બાબુભાઈ સવચંદભાઈએ સુંદર રીતે સંશોધન, સંપાદન કરી આ ગ્રંથ તૈયાર કર્યો અને તે આજે આપ સહુના હાથમાં આવી રહ્યો છે.

પરમપૂજ્ય આચાર્યદેવ શ્રીમદ્ વિજયમેઘસૂરીશ્વરજી મહારાજ સાહેબ, પૂ. મુનિરાજ શ્રી હેમેન્દ્રવિજયજી મહારાજના દાદાગુરુ થાય, પોતાના દાદાગુરુજીને પરમ સમાધિ આપનાર આ ગ્રંથરત્ન પ્રત્યે ગુરુભક્ત મુનિરાજશ્રીને ખૂબ આત્મીયતા હતી અને છે. આ ગ્રંથનું શ્લોક પ્રમાણ ૧૦,૦૫૩ છે તેમાં ૩૦૦૦ શ્લોક પ્રમાણ ગ્રંથ પૂર્વે છપાઈ ગયો હતો. પણ તે પ્રાયઃ અશુદ્ધ છપાયો હતો. બાકીનો ૭૦૫૩ શ્લોક પ્રમાણ ગ્રંથ અપ્રગટ હતો. તેની કાળજીપૂર્વક પ્રેસ કોપી હસ્તપ્રતોના આધારે પૂ. તપસ્વી મુનિવરશ્રીએ પંડિત બાબુભાઈ પાસે કરાવી હતી. તેઓશ્રીને આ ગ્રંથ પ્રત્યે ખૂબ જ મમતા જાગી. પ્રેસ કોપી થતી ગઈ તેમ તેઓ વાંચતા ગયા અને સંવેગના રંગથી રંગાતા ગયા. સાથે તેઓને આચંબીલનો તપ પણ ચાલુ જ હતો. મોક્ષમાર્ગની આરાધનાની ગંભીર વાતો મોક્ષાર્થી જીવોને હૃદયંગમાં બની જાય એમાં શું નવાઈ?

પંડિત શ્રી બાબુભાઈનો સહયોગ સાધી તેઓશ્રીએ અથાગ પરિશ્રમથી આ ગ્રંથનું સંશોધન સંપાદન કર્યું છે.

ગ્રંથરત્નનું ગુણનિષ્પાન્ન નામ :-

સંવેગરનો રંગ લગાડવા માટે આ ગ્રંથ શાળા જેવો છે. સંવેગરંગ એટલે મુક્તિનો અભિલાષ, મોક્ષની લગની, મોક્ષ માર્ગની આરાધનાનો ભાવ, સુરનરના સુખોમાં દુઃખનું દર્શન, અને માત્ર એક મુક્તિના સુખનો અભિલાષ. સંસારના રંગને કારણે જીવો સંસારની ચાર ગતિમાં બે સીતમ ત્રાસ વેઠી રહ્યા છે. એ રંગને હઠાવી સંવેગનો રંગ લગાડવા તાલિમ-શિક્ષા જોઈએ. આ ગ્રંથ, એ શિક્ષા આપતી શાળાની ગરજ સાચે છે. એથી આ ગ્રંથનું નામ યથાર્થ છે. ગ્રંથના રચયિતા જિનચંદ્રસૂરીશ્વરજી મહારાજે સુંદર વિષયોની પસંદગી કરી એની રજુઆત એવા માર્મિક શબ્દોમાં કરી છે કે વાંચતા હરકોઈ મોક્ષાર્થીને સંવેગનો રંગ લાગ્યા વિના અને સંસાર પ્રત્યે નફરત છુટ્યા વિના રહે નહીં.

ગ્રન્થ રચના માટે વિજ્ઞાપ્તિ :-

આ 'સંવેગરંગશાળા' ગ્રન્થની રચના માટે નવાંગી ટીકાકાર મહર્ષિ શ્રીમદ્ અભયદેવસૂરીશ્વરજી મહારાજે પોતાના વડિલ ગુરુબંધુ સૂરિશેખર શ્રી વિનયંદ્રસૂરિશ્વરજી મહારાજને વિનંતી કરી હતી. વિનંતી કરનાર મહાપુરુષનું જેન શાસનમાં વિશિષ્ટકોટિનું સ્થાન અને માન હતું એટલે તેઓશ્રીની વિનંતી પણ વડિલ ગુરુબંધુ આગળ તેવો જ આદર પામે એમાં નવાઈ શી?

ગ્રન્થકાર મહર્ષિ :-

'સંવેગરંગશાળા' ના રચયિતા ગ્રન્થકાર મહર્ષિ શ્રી વિનયંદ્રસૂરીશ્વરજીનું જન્મસ્થાન માતાપિતા, જન્મ સંવત્, દીક્ષા સંવત્ અંગે ખાસ કશી માહિતી મળતી નથી પરંતુ આચાર્ય મહારાજશ્રી દેવભદ્રસૂરીશ્વરજીએ રચેલા મહાવીરચરિત્ર, કથારત્નકોષ તથા પાર્શ્વનાથ ચરિત્રની પ્રશસ્તિઓ માંથી સંવેગરંગશાળા તથા તેના રચયિતા અંગે કાંઈક માહિતી મળી શકે છે. તેથી એ પ્રશસ્તિઓના ઉપયોગી અંશોનું અહિં ગુજરાતી અવતરણ આપવામાં આવે છે. જે વિજ્ઞાસુઓને કાંઈક સંતોષપ્રદ થશે.

“વિશિષ્ટ ગુણરત્નોના ભંડાર, મિથ્યાત્વરૂપ અંધકારથી અંધ બનેલા લોકો માટે સૂર્યસમા અને દૂર ફગાવી દીધો છે વૈરભાવ જેમણે એવા શ્રી વજ્રસ્વામી મહારાજ થયા. તેઓશ્રીની પરંપરામાં ચાંદ્રકુલમાં મુનિઓના નાયક શ્રી વર્ધમાનસૂરિ નામના આચાર્ય થયા. તેઓ અનુપમ ઉપશમભાવના ઉત્પત્તિસ્થાન સમા અને સંયમગુણના ભંડાર હતા. મહાદેવના અદ્ભુતસ્થ જેવા ઉજ્જવળ યશથી સાધી (ભરી) દીધી છે. દિશાઓ જેમણે એવા તે મુનિપતિને જગતમાં પ્રસિદ્ધ, સૂર્યચંદ્ર જેવા બે વિશિષ્ટ શિષ્યો હતા. તેમાંના પહેલા શિષ્ય શ્રીવિનેશ્વરસૂરિ સંસારસાગરના મોજાઓથી ખળભળી ગયેલા ભવ્યજીવોને તારવા સમર્થ મોટા જહાજ સમાન હતા. અને બીજા શિષ્ય પૂર્ણિમાના ચંદ્ર જેવા સુંદર પ્રશંસાપાત્ર બુદ્ધિવાળા અને વ્યાકરણ તેમજ છંદશાસ્ત્રના રચયિતા બુદ્ધિસાગરસૂરિ નામના હતા. એકાંતવાદનો વિલાસ કરી રહેલા વાદીરૂપ હરણીયાઓના નાશ માટે સિંહસમાન એ બુદ્ધિસાગરસૂરિના પહેલા શિષ્ય વિનયંદ્રસૂરિ થયા. તેમણે સંવેગરંગશાળાની રચના કરી. એ કેવળ કાવ્યરચના નથી કરી પણ ભવ્યજીવોને આશ્ચર્ય પમાડનારી સંયમપ્રવૃત્તિ કરી છે. બુદ્ધિસાગરસૂરિના બીજા શિષ્ય સ્વપર શાસ્ત્રના જ્ઞાતા, વિશુદ્ધ સિદ્ધાન્તની પ્રરૂપણા કરવામાં કુશળ, અને સમગ્ર પૃથ્વીમંડળમાં પ્રસિદ્ધ અભયદેવસૂરિ થયા. જેઓએ નવાંગવૃત્તિ રચવા વડે કરીને અલંકારને ધારણ કરનારી, લક્ષણવંતી, સુંદરપદોવાળી એવી 'સરસ્વતી'ને સ્ત્રીની જેમ પ્રસન્ન બનાવી. તેમના શિષ્ય પ્રસન્નચંદ્રસૂરિ થયા. જેઓ ચંદ્રની જેમ લોકોના મનને આનંદ આપનારા અને સઘળાચ શાસ્ત્રોના અર્થને સમજાવવામાં નિપુણબુદ્ધિવાળા હતા. તેમના કહેવાથી સુમતિવાચકના શિષ્યલેશ નામના શિષ્ય ગુણચંદ્રગણિએ આ વીરચરિત્ર રચ્યું. તેમજ સુંદર અને આશ્ચર્યકારક લક્ષણોથી યુક્ત સિદ્ધ અને વીર નામના ભાઈઓ કે જેઓ આ (વીર) તીર્થપતિ પ્રત્યે પૂર્ણભક્તિ ધારણ કરનારા હતા તેઓએ બાળ જીવો સમજી શકે એવું આ ચરિત્ર રચાવ્યું. વિ. સં. ૧૧૩૯ના જેઠ સુદ-૩ ને સોમવારે આ ચરિત્ર રચના સમાપ્ત થઈ.”

— ગુણચંદ્રગણિરચિત મહાવીર ચરિત્રની પ્રશસ્તિનું અવતરણ.

“ચાંદ્રકુલમાં ગુણગણથી વૃદ્ધિ પામતા શ્રી વર્ધમાનસૂરિના શિષ્યો વિનેશ્વરસૂરિ અને બુદ્ધિસાગરસૂરિ થયા. તેમના વિનયંદ્રસૂરિ અને અભયદેવસૂરિ નામના શિષ્યો શીત-ઉષ્ણ કિરણોથી ચંદ્ર-સૂર્યની જેમ જગતમાં પ્રસિદ્ધ હતા. તેમના શિષ્ય સઘળાચ શાસ્ત્રોના અર્થમાં પાર પામેલી છે મતિ જેમની એવા નામથી અને અર્થથી પ્રસન્નચંદ્રસૂરિ થયા. તેમના સેવક અને સુમતિવાચકના શિષ્યલેશ-નામના શિષ્ય દેવભદ્રસૂરિએ આ કથારત્નકોષ રચ્યો. સંઘમાં ઘુરંધર ગણાતા સિદ્ધ અને વીર નામના ભાઈઓની વિનંતીથી ચરમતીર્થકર શ્રી વીરભગવાનનું ચરિત્ર રચ્યું અને વળી જેમણે સંવેગરંગશાળા નામનું આરાધનારત્ન (શાસ્ત્ર) પરિકર્મિત-સંસ્કારિત કરીને ભવ્યજીવોને યોગ્ય બનાવ્યું. અને અમલચંદ્ર ગણિએ એની પહેલી પ્રતિ (પ્રથમાદશ) વિ.સં. ૧૧૫૮ માં લખી”

— દેવભદ્રાચાર્યરચિત કથારત્નકોષની પ્રશસ્તિનું અવતરણ.

“તે ભગવાનનું ઈન્દ્રોને પણ વંદનીય શાસન ચાલતું હતું ત્યારે ચાંદ્રકુલમાં મોટી ગણાતી વજ્રશાખામાં પ્રસિદ્ધ અને જ્ઞાન દર્શન ચારિત્ર ગુણનિધિ શ્રી વર્ધમાનસૂરિ થયા. જેમનું નામ સાંભળતાંની સાથે લોકો રોમાંચ અનુભવતા હતા. તેમને જગતમાં પ્રસિદ્ધ, સૂર્ય-ચંદ્ર જેવા આચાર્ય વિનેશ્વરસૂરિ અને બુદ્ધિસાગરસૂરિ નામના શિષ્યો હતા. તેમને વળી પૃથ્વીતલમાં પ્રસિદ્ધ વિનયંદ્રસૂરિ અને અભયદેવસૂરિ નામના શિષ્યો હતા. સિદ્ધાંતની સંસ્કૃત ટીકાઓ-વિવેચનાઓ રચીને જેમણે ભવ્યજીવો ઉપર ઉપકાર કર્યો છે. તે અભયદેવસૂરિના ગુણલવને પણ વિસ્તૃત કરવા કોણ સમર્થ છે? તેમના શિષ્ય સર્વગુણના વિધાન પ્રસન્નચંદ્રસૂરિ હતા. તેમના ચરણ કમલને સેવતા અને વાચક સુમતગણિના શિષ્યે સંવેગરંગશાળા નામનું આરાધનાશાસ્ત્ર જગતમાં પ્રસિદ્ધ કર્યું. તેમજ વીરચરિત્ર અને કથારત્નકોષની રચના કરી. સોનાના ઇંડા (કળશ)થી શોભતા મુનિસુવ્રતસ્વામીના મંદિરથી તેમજ વીર પરમાત્માના મંદિરથી શોભતા ભરૂચમાં આમદત ના મંદિર (ઘર)માં રહેલા દેવભદ્રસૂરિએ આ પાર્શ્વનાથ

ચરિત્ર રચ્યું. એનું પ્રથમ પુસ્તક અમલચંદ્ર ગણિએ વિ.સં. ૧૧૬૮માં લખ્યું. આમાં જે કાંઈ અનુચિત હોય તેની આચાર્યોએ ક્ષમા આપવી અને એને સુધારી લેવું.”

— દેવભદ્રીય પાર્શ્વનાથ ચરિત્રની પ્રશસ્તિનું અવતરણ.

આ ઉપરાંત સવેગરંગશાળા ગ્રંથની પુષ્પિકા પણ જોવા જેવી છે તે આ પ્રમાણે છે :-

“શ્રીમદ્ વિનયચંદ્રસૂત્રિએ રચેલી અને તેમના શિષ્ય પ્રસન્નચંદ્રસૂત્રિની અભ્યર્થનાથી ગુણચંદ્રગણિથી પરિષ્કાર પામેલી તેમજ વિનવલ્લભગણિથી સંશોધિત થયેલી સવેગરંગશાળા આરાધના સમાપ્ત થઈ.”

આ ત્રણે પ્રશસ્તિઓ તથા સવેગરંગશાળા ગ્રંથની પુષ્પિકા ઉપરથી ફલિત થાય છે કે આ ગ્રંથના રચયિતા વિનયચંદ્રસૂત્રિ છે. તેઓ વજસ્વામીની પરંપરામાં થયેલ બુદ્ધિસાગરસૂત્રિના શિષ્ય હતા. આ ગ્રંથની રચના કર્યા પછી તેમના શિષ્ય પ્રસન્નચંદ્રસૂત્રિના કહેવાથી સુમતિવાચકના શિષ્ય શ્રી ગુણચંદ્રગણિએ (આચાર્ય થયા પછી દેવભદ્રસૂત્રિ નામ) એને સંસ્કારયુક્ત બનાવી અર્થાત્ સુધારો વધારો કરી સંકલિત કરી અને વિનવલ્લભગણિએ તેનું સંશોધન કર્યું.

જેન સાહિત્યના ઇતિહાસમાં મોહનલાલ દલિચંદ દેસાઈએ આ ગ્રંથના રચયિતા તરીકે દેવભદ્રસૂત્રિનો નિર્દેશ કર્યો છે. તે ઉપરની પ્રશસ્તિઓથી બિનપાયાદાર ઠરે છે.

ગ્રંથવસ્તુ :-

મહાસેન રાજ ભગવાન મહાવીરદેવના સ્વહસ્તે દીક્ષિત થયેલા રાજર્ષિ હતા. તેમણે ભગવાન મહાવીર પરમાત્માનું નિર્વાણ સાંભળ્યું. આથી તેમને અંતિમ સમયે વિશેષ આરાધના કરવાનો મનોરથ ઉત્પન્ન થયો. તેમણે ગણધર મહારાજ શ્રી ગૌતમસ્વામીજીને વિશેષ આરાધના કરી રીતે કરવી તે માટે પૂછ્યું. તેના જવાબમાં મહાસેન રાજર્ષિને ઉદેશીને, ચતુર્વિધ સંઘ સામાન્ય તેમજ વિશેષ આરાધના કરી રીતે કરી શકે તે વિષયનું નિરૂપણ શ્રી ગૌતમસ્વામીજી કરે છે. તે આરાધનાનો અધિકાર ગ્રંથકાર મહર્ષિ વિનયચંદ્રસૂત્રિ મહારાજ સવેગરંગશાળામાં પોતાના લઘુ ગુરુબંધુ નવાંગીટીકાકાર શ્રી અભયદેવસૂત્રિ મહારાજની વિનંતીથી વર્ણવે છે.

આમાં સામાન્ય-વિશેષરૂપે જ્ઞાન, દર્શન, ચારિત્ર અને તપની આરાધના ચાર સ્કંધ રૂપે સાધુ ભગવંતો તથા ગૃહસ્થો-શ્રાવકોના દષ્ટાન્તોપૂર્વક વર્ણવી છે. ત્યાર બાદ મોક્ષનગરમાં પ્રવેશ કરવામાં કારણરૂપ વિશેષ આરાધનાનાં ચાર મૂળદ્વારો આ પ્રમાણે કહેવામાં આવ્યાં છે.

(૧) પરિકર્મવિધિ (૨) પરગણસંક્રમણ (૩) મમત્વવિચ્છેદ (૪) સમાધિલાભ

૧. પહેલા પરિકર્મવિધિદ્વારના ૧૫ પેટાદ્વારો નીચે મુજબ છે.

૧. અરિહ દ્વાર :- અરિહ એટલે યોગ્ય આરાધનાને લાયક કોણ થઈ શકે તેનું વર્ણન કરી ગૃહસ્થમાં વંકચૂલનું અને સાધુમાં ચિલાતીપુત્રનું દષ્ટાન્ત આપ્યું છે.
૨. લિંગ દ્વાર :- ગૃહસ્થ માટે તેમજ સાધુ માટે આરાધનામાં ઉપયોગી વેષ-પહેરવેશનું વર્ણન કર્યું છે. સાધુને મુહપત્તિ, સ્નેહરણ, શરીરને કાર્યોત્સર્ગદ્વારા વોસિરાવવું, અચેલપણું તથા કેશલોચનું સ્વરૂપ જણાવી લિંગયુક્ત તથા ગુણયુક્ત હોવા છતાં ગુરુ ઉપર દ્રેષ કરનાર આરાધક બનતો નથી. આ વિષય પર ફૂલવાલક મુનિનું દષ્ટાન્ત વર્ણવ્યું છે..
૩. શિક્ષાદ્વાર :- સાધુ અને શ્રાવકને ઉદેશીને ગ્રહણશિક્ષા અને આસેવનશિક્ષા દષ્ટાન્તો સાથે આપી છે. બન્ને શિક્ષાઓનું પરસ્પર સાપેક્ષપણું, મોક્ષ માટે તેની સાધના, શ્રાવકની સવારમાં ઉઠતા ભાવવાની ભાવના, દિનકૃત્ય તથા શ્રાવકના ગુણોનું વિવેચન છે.
૪. વિનયદ્વાર :- વિનયનું મહત્ત્વ દષ્ટાન્તો સાથે વર્ણવ્યું છે.
૫. સમાધિદ્વાર :- સમાધિના પ્રકારો, તેનું સ્વરૂપ, સમાધિનું માહાત્મ્ય નમિરાજર્ષિના દષ્ટાન્તપૂર્વક વર્ણવવામાં આવ્યું છે.
૬. મનોડનુશાસ્ત્ર દ્વાર :- મનને વસુદત્તના દષ્ટાન્તપૂર્વક શિખામણ આપવામાં આવી છે.
૭. અનિયતવિહાર દ્વાર :- અનિયતવિહારનું સ્વરૂપ તથા તેનો વિધિ વર્ણવવામાં આવ્યો છે.
૮. રાજ દ્વાર :- આ રાજને આશ્રયીને અનિયતવિહાર દ્વાર છે. સ્વરાજ્યમાં તીર્થ-દર્શનથી લોકો ધર્મની પ્રશંસા કરે. તેઓને ધર્મની પ્રાપ્તિ, ભવના સ્વરૂપનું ચિંતન, દેવગુરુ આદિ ધર્મ-સામગ્રીની દુર્લભતાનો ખ્યાલ, ઉત્તમ મનોરથો, ચતિને વસતિદાન, આ લોક પરલોકમાં વસતિદાનના

- લાભો, સાધુ અને શ્રાવક માટેનો લાભ વિધિ, તેના ગુણોનું વર્ણન, દુર્ગતાનારી તથા ક્ષુલ્લકમુનિનું દષ્ટાન્ત અને દર્શનવિશુદ્ધિ આદિ છ ગુણોનું વર્ણન કર્યું છે.
- ૯. પરિણામ દ્વાર :-** આ દ્વાર તેના આઠ પેટાદ્વારોના વર્ણનપૂર્વક સાધુ-શ્રાવકને આશ્રયીને વર્ણવ્યું છે. તેમાં (૧) આ ભવ પરભવના ગુણની વિચારણા (૨) પુત્રને શિખામણ (૩) કાલવિગમન-શ્રાવકની પ્રતિમાઓ (૪) પુત્રને સમજાવવું-પુત્રપ્રતિબોધ (૫) સુસ્થિત ઘટના (૬) આલોચનાદાન (૭) આયુષ્યનું પરિજ્ઞાન (૮) અનશન-સંથારા દીક્ષાનો સ્વીકાર વગેરે બાબતોનો તથા તેને લગતા વિષયો-ધર્મજગરિકા, ધર્મશિઘનાના શુભ મનોરથો, પુત્રને શિખામણ નહિ આપવામાં વજ અને કેસરીનું દષ્ટાંત, કાલવિગમનની શરૂઆત અને તેમાં પૌષઠશાળાકરણ, મુનિસેવન દર્શન આદિ શ્રાવકની ૧૧ પ્રતિમાનું વર્ણન, સમ્યક્ત્વ વગર ધર્મનુષ્ઠાનની નિષ્ફળતા-અંધપુત્રનું દષ્ટાંત, સામાયિકના પાંચ ગુણોનું વર્ણન, સાધારણ દ્રવ્યના ઉપયોગ માટેના દસ સ્થાનોનું સુંદર વર્ણન, આલોચનાના વિષયોનું સ્વરૂપ-આયુષ્યપરિજ્ઞાનના દ્વારો. ૧. દેવતા ૨. શુકન ૩. ઉપશ્રુતિ ૪. છાયા ૫. નાડી ૬. નિમિત્ત ૭. જ્યોતિષ ૮. સ્વપ્ન ૯. અરિષ્ટ ૧૦. ચંત્રપ્રયોગ ૧૧. વિદ્યાદ્વાર વિવેચવામાં આવ્યા છે.
- ૧૦. ત્યાગદ્વાર :-** સહસ્રમલ્લના દષ્ટાંતપૂર્વક આ દ્વાર વિવેચ્યું છે.
- ૧૧. મરણ વિભક્તિદ્વાર :-** આ દ્વારમાં સત્તર પ્રકારના મરણનું સ્વરૂપ વર્ણવી તેમાંના વૈદાનસ અને ગૃધ્રપૃષ્ઠ મરણ ઉપર જયસુંદર-સોમદત્તનું દષ્ટાંત આપ્યું છે.
- ૧૨. અધિગત મરણદ્વાર :-** આમાં પંડિત મરણનું માહાત્મ્ય ગાઈને તેના પર નંદ અને સુંદરીની રસમય કથા આપી છે. પંડિત મરણનો પ્રભાવ-ફળ વગેરે દર્શાવી આ દ્વાર પૂર્ણ કરવામાં આવ્યું છે.
- ૧૩. શીતિદ્વાર :-** શીતિદ્વાર અર્થાત્ શ્રેણિદ્વાર. આમાં શ્રેણિના વર્ણનમાં ભાવશ્રેણિ ઉપર સ્વયંભૂદત્તનું દષ્ટાંત આપવામાં આવ્યું છે.
- ૧૪. ભાવનાદ્વાર :-** કદંર્પી વિગેરે ભાવનાઓનું સ્વરૂપ વર્ણવ્યું છે. પ્રશસ્ત અપ્રશસ્ત ભાવનાઓના પ્રકારો પુષ્પચૂલ વગેરેના દષ્ટાંતો સાથે નિર્દેશ્યા છે.
- ૧૫. સંલેખનાદ્વાર :-** આમાં અનશનનો વિધિ તથા ગંગદત્તનો પ્રસંગ આપ્યો છે.
- ૨. બીજા પરગણસંક્રમણદ્વારના ૧૦ પેટા દ્વારો આ પ્રમાણે છે.**
- ૧. દિશાદ્વાર :-** આ દ્વારનું સ્વરૂપ વર્ણવી દિશાનો અવગ્રહ (આચાર્ય પદ) નહિ આપવા ઉપર શિવભદ્રસૂરિનું દષ્ટાંત.
- ૨. ક્ષામણાદ્વાર :-** દ્વારના સ્વરૂપનું વર્ણન તથા ક્ષમાપના નહિ આપવા ઉપર નચ્ચીલસૂરિનું દષ્ટાંત.
- ૩. અનુશાસ્તિદ્વાર :-** દ્વારના સ્વરૂપનું વિવેચન, સ્ત્રીસંગના દોષો-સંસર્ગજન્ય દોષોનું વર્ણન અને એના પર સુદુર્માલિકાનું દષ્ટાંત આપ્યા બાદ (૪) પરગણસંક્રમણવિધિદ્વારનું સ્વરૂપ, (૫) સુસ્થિતગવેષણાદ્વાર, (૬) ઉપસંપદાદ્વાર, (૭) પરીક્ષાદ્વાર, (૮) પ્રતિલેખનાદ્વાર, (૯) પૃચ્છાદ્વાર તથા (૧૦) પ્રતિપૃચ્છાદ્વારનું સ્વરૂપ વર્ણવી બીજા પરગણસંક્રમણદ્વારની પૂર્ણહુતિ કરવામાં આવી છે.
- ૩. ત્રીજા મમત્વવિચ્છેદ દ્વારના ૧૧ પેટા દ્વારો ત્રીજા મુજબ છે.**
- (૧) આલોચનાવિધાન (૨) શય્યા (૩) સંસ્તારક (૪) નિચમિક (૫) દર્શન (૬) હાનિ (૭) પ્રત્યાખ્યાન (૮) ખમાવવું (૯) ખમવું. આ દ્વારોના સ્વરૂપનું વર્ણન છે.
- આલોચના વિધાનદ્વારના ૧૦ પેટાદ્વાર
૧. કેટલા કાળે આલોચના આપવી, ૨. કોને આપવી, ૩. કોણે આપવી, ૪. નહિ આપવામાં કયા દોષો, ૫. આપવામાં કયા ગુણો, ૬. કેવી રીતે આપવી, ૭. આલોચનાનો વિષય, ૮. ગુરુએ કેવી રીતે અપાવવી, ૯. પ્રાયશ્ચિત્ત, ૧૦. ફળ-આ દ્વારોના સ્વરૂપવર્ણન પ્રસંગે આચાર્ય મહારાજના ૩૬ ગુણોનું વર્ણન અને ક્ષામણાદ્વાર ઉપર ચંડુદ્રાચાર્યનું દષ્ટાંત આપી બાકીના શય્યાદિ દ્વારોનું સ્વરૂપ સમજાવી આ ત્રીજું દ્વાર પૂર્ણ કરવામાં આવ્યું છે.

૪. ચોથા સમાધિલાભદ્વારના નવ પેટા દ્વારો નીચે મુજબ છે.

(૧) અનુશાસ્ત્રિદ્વાર, (૨) પ્રતિપત્તિદ્વાર, (૩) સારણાદ્વાર, (૪) કવચદ્વાર, (૫) સમતાદ્વાર (૬) ધ્યાનદ્વાર, (૭) લેશ્યાદ્વાર, (૮) ફળદ્વાર, (૯) વિજહનાદ્વાર.

અનુશાસ્ત્રિદ્વારમાં એના ૧૮ પેટાદ્વારોનું વર્ણન છે. તે દ્વારો આ પ્રમાણે છે.

૧. અઠાર પાપસ્થાનક, ૨. આઠમદસ્થાન, ૩. ક્રોધાદિ કષાયો, ૪. પ્રમાદદ્વાર, ૫. પ્રતિબંધ, ૬. સમ્યક્ત્વસ્થિરત્વ, ૭. અરિહંતાદિષ્ટકભક્તિમાનપણું, ૮. પંચનમસ્કારમાં તત્પરપણું, ૯. સમ્યગ્જ્ઞાનોપયોગ, ૧૦. પંચમહાવ્રત, ૧૧. ક્ષપકને ચતુઃશરણાગમન, ૧૨. દુષ્ટતાગર્હકરણ, ૧૩. સુકૃત અનુમોદના, ૧૪. ખાર ભાવના, ૧૫. શીલપાલન, ૧૬. ઈન્દ્રિયદમન, ૧૭. તપમાં ઉદમ, ૧૮. નિઃશલ્યતા.

આ બધાં દ્વારો દષ્ટાંતો સાથે વર્ણવ્યાં છે. તે પછી પ્રતિપત્તિ વગેરે દ્વારોનું વિવેચન કર્યું છે અને અંતે મહાસેન રાજર્ષિના મનોરથો અને તેમણે કરેલો અનશનનો પ્રારંભ, તેમની ઈન્દ્રે કરેલી પ્રશંસા અને દેવાદિએ કરેલા ઉપસર્ગો અને તેમાં રાજર્ષિનું નિશ્ચલપણું રાજર્ષિના ભાવિભવનું વર્ણન કરી, ગ્રંથકર્તાએ પોતાના ગુર્વાદિની પરંપરા દર્શાવીને ગ્રંથની સમાપ્તિ કરી છે.

ખારમા સૈકાના બહુશ્રુતગીતાર્થ સંવિગ્નશિરોમણિ આચાર્ય ભગવંત શ્રી જિનચંદ્રસૂરિ મહારાજે રચેલ, શ્રી સંઘના પરમપુરુષોદયે સ્વ. આ. વિજયમનોહરસૂરિ મહારાજ સાહેબના પરમ વિનેય શિષ્યરત્ન પં. વિબુધવિજયજી ગણિવરની શુભ પ્રેરણાથી તેમના ગુરુભાઈ પરમતપસ્વી મુનિભગવંત શ્રી હેમેન્દ્રવિજયજી તથા પંડિત બાબુભાઈ સવચંદના સંશોધન-સંપાદનથી આ મહાન ગ્રંથ શ્રીસંઘના કરકમલમાં આવી રહ્યો છે. એક પણ મોક્ષાર્થી આત્મા આ ગ્રંથના વાંચન-શ્રવણથી બાકાત ન રહે. વ્યાખ્યાનમાં પણ આ ગ્રંથ સર્વત્ર વંચાય અને વર્તમાનકાલીન શ્રીસંઘને ભગવાન જિનેશ્વરદેવના માર્ગની આરાધનાનું જ્ઞાન અને શ્રદ્ધાબળ પ્રાપ્ત થાય એજ એક અભિલાષા.

સિદ્ધાંતમહોદધિ પ. પૂ. સ્વર્ગત
આચાર્યદેવ શ્રીમદ્ વિજય પ્રેમસૂરીશ્વરજી
મહારાજાનો પ્ર. પ્ર. શિષ્યાણુ મિત્રાનંદવિજય

ખંભાત
દહેવાણનગર, ઢોકળ કુઈ,
પોષ સુદ ૬.



સંપાદકીય

‘સંવેગરંગશાળા’નું સંશોધન-સંપાદન કરતાં પરમાત્માના શાસન પ્રત્યે અમારા અંતરમાં જે અહોભાવ પ્રગટ્યો છે તેનો અનુભવ અમે જ કરી રહ્યા છીએ. જગતને એ કેવી રીતે બતાવીએ? કારણ, શબ્દ દ્વારા એનું વર્ણન કરવું અતીવ મુશ્કેલ છે. પણ અમને ખાત્રી છે કે આ ગ્રંથનું જે કોઈ નિકટ મુક્તિગામી આત્મા વાંચન કરશે તેને જરૂર જૈનશાસન પ્રત્યે અને શાસનના સ્થાપક અરિહંતદેવો પ્રત્યે અહોભાવ પ્રગટશે.

આ ગ્રંથની સુંદર વિષય-સંકલના અને મોક્ષમાર્ગનું મૌલિક વિવેચન જોતાં એમ લાગ્યું કે હવે પૂ. આચાર્ય ભગવંતો તથા વિદ્વાન મુનિપ્રવરો આદિ આ ગ્રંથ વ્યાખ્યાનમાં વાંચે તો આજે જે ધર્મશ્રદ્ધાના પાયા હચમચી ગયા જેવું દેખાય છે તે પાછા સુસ્થિર બની જાય. જૈન શાસનની માર્મિકતાને દર્શાવતો આ ગ્રંથ એક આરિસા સમો છે. પથ્થરદિલમાં પણ સંવેગરસની સેર પ્રગટાવવાની શક્તિ આ ગ્રંથમાં છે.

સૂરિશેખર શ્રીજિનચંદ્રસૂરિવિરચિત સંવેગરંગશાળા ગ્રંથનું સંપાદન અમે કરી શક્યા તે અમે અમારું અહોભાવ્ય સમજીએ છીએ. ગ્રંથ અંગેનું વર્ણન આમુખ, પ્રસ્તાવના અને પ્રવેશમાં થયું છે. હજુ એનું વર્ણન કરવું હોય તો ઘણું થઈ શકે એમ છે. ગ્રંથનું નામ જ એની મહત્તા પુરવાર કરે છે. પણ એ વિષયમાં અમે ઊંડા નહિ ઉતરતાં સંપાદન અંગે સંક્ષેપમાં નિવેદન કરીશું.

આ ગ્રંથ પ્રથમ શ્રીજિનદત્તસૂરિ પ્રાચીન પુસ્તકોદ્ધાર ફંડ તરફથી ગ્રંથાંક ૧૩ તરીકે સંસ્કૃત છાયા સાથે ૩૦૦૦ શ્લોક પ્રમાણ છપાયો હતો. પણ તેમાં મુદ્રણની તેમજ છાયા વિગેરેની અશુદ્ધિઓ હતી. આથી પૂ. મુનિરાજ શ્રી હેમેન્દ્રવિજયજી મહારાજ ૧૦,૦૫૩ શ્લોક પ્રમાણ સમગ્ર ગ્રંથ છપાવવાની ભાવનાવાળા હતા. તેઓએ તેની પ્રેસકોપીનું કાર્ય લગભગ પાંચેક વર્ષ પહેલાં મને (પં. બાબુભાઈને) સોંપ્યું હતું. અનેક કાર્યો વચ્ચે પણ ૨૦૨૨માં તે કાર્ય પૂર્ણ કરી પૂ. મુનિરાજશ્રીને મેં પ્રેસકોપી સોંપી. ત્યાર બાદ તેઓશ્રી આખી પ્રેસકોપી વાંચી ગયા. પૂ. આચાર્યદેવો આદિને વંચાવી. કેટલાક શક્તિ સ્થળો અમે બંનેએ તાડપત્રની પ્રતની ફોટો કોપી ઉપરથી સુધાર્યા છે. આ પ્રત જેસલમેરના ભંડારમાં લખાયેલી. જેની ફોટો ફીલ્મ આગમપ્રભાકર પૂ. મુનિરાજશ્રી પુણ્યવિજયજીએ પૂ. મુનિરાજ શ્રી હેમેન્દ્રવિજયજીને બતાવેલી. ત્યારબાદ આગમ પ્રભાકર પૂ. મુનિરાજશ્રી પુણ્યવિજયજીએ ફોટોફિલ્મ ઉપરથી ફોટો કોપી કરાવી આપી. જે ફોટો કોપી હાલ શ્રી જૈન વિદ્યાશાળાના ભંડારમાં હયાત છે.

આ ગ્રંથની પ્રેસકોપી જૈન વિદ્યાશાળામાં સ્વ. સંઘસ્થવિર પ. પૂ. આ. દે. વિજયસિદ્ધિસૂરીશ્વરજી મહારાજ સાહેબના હસ્તલિખિત ભંડારની હસ્તલિખિત પ્રત ઉપરથી કરવામાં આવી હતી. પ્રેસકોપી કરતી વખતે બીજી એક પ્રત પૂ. આગમપ્રભાકર મુનિરાજશ્રી પુણ્યવિજયજી તરફથી મળી હતી પણ તે બહુ મદદરૂપ બની શકી ન હતી.

સંશોધનમાં બે પ્રતિઓનો ઉપયોગ કરવામાં આવ્યો છે. (૧) જેસલમેરના ભંડારની પ્રતની ફોટોકોપી જેનો ઉલ્લેખ અમે ઉપર કરેલ છે. (૨) હસ્તલિખિત પ્રત પાનાં ૨૩૩, પ્રત નં. ૪૬૭૫ આગમ પ્રભાકર મુનિરાજ શ્રી પુણ્યવિજયજી તરફથી મળેલી.

આ રીતે પ્રેસકોપી કરતી વખતે બે પ્રતિઓ અને સંશોધન કરતી વખતે બીજી બે પ્રતિઓના આધારે આ ગ્રંથનું મેટર અમે તૈયાર કરેલ છે.

આ ગ્રંથની રચના વિ.સં. ૧૧૨૫માં થયેલ છે. અને જે પ્રતિ ઉપરથી અમે સંપાદન કર્યું તે વિ.સં. ૧૨૦૩ માં લખાયેલી છે આથી ગ્રંથકારના સમયની નજીકના જ સમયની પ્રતિ મળી જવાથી આ સંપાદન પ્રાયઃ શુદ્ધ થઈ શક્યું હશે એવી અમારી ધારણા છે. જો કે કેટલાંક શક્તિ સ્થળો જેનો નિર્ણય કરી શક્યા નથી તે એમને એમ જ રહેવાં દીધાં છે પણ તે બહુ જ અલ્પ છે.

આ સંપાદનમાં પૂ. આચાર્ય દેવો આદિ, આગમપ્રભાકર પૂજ્ય મુનિરાજ શ્રી પુણ્યવિજયજી તથા અન્ય મહાનુભાવોએ જે સહકાર આપ્યો છે તે સર્વના અમે ઋણી છીએ. આ મહાન ગ્રંથના સંપાદનમાં ઘણી ઘણી કાળજી રાખવા છતાં મંદમતિપણાથી, દ્રષ્ટિદોષથી અથવા પ્રેસદોષ આદિથી જે કાંઈ ક્ષતિઓ રહી ગઈ હોય તે બદલ મિથ્યાદુષ્ટ અપર્ણ કરીએ છીએ.

દસ હજાર શ્લોક પ્રમાણ આ સંવેગરંગશાળા ગ્રંથ પોતાના નામ પ્રમાણે અદ્ભુત આત્મિક સુખને અપાવનારો ગ્રંથ છે. આ શાસ્ત્રે અમારા માટે તો દીપકની ગરજ સારી છે. આનું સંપાદન કરતા અમને એમાંથી દિવ્ય પ્રકાશ મળ્યો છે. દરેક મોક્ષાર્થી જીવોને એક વાર લક્ષ્યપૂર્વક વાંચવા અથવા સાંભળવાની અમારી ખાસ વિનંતિ છે.

વેશાખ શુકલ તૃતીયા
અમદાવાદ.

લી. સંપાદકો
સ્વ. આચાર્યદેવ વિજયમનોહરસૂરિ-શિષ્યાણુ
હેમેન્દ્રવિજય
પં. બાબુભાઈ સવચંદ શાહ



अनुक्रमणिका

| विगत | पृष्ठ | विगत | पृष्ठ | विगत | पृष्ठ |
|----------------------------------------------|-------|-----------------------------------------------|-------|-----------------------------------|-------|
| मङ्गलाचरणम् | १ | | | जिन भवन | ७६ |
| संसारवने धर्मदुर्लभता | २ | चिलातिपुत्र दृष्टान्तः | ३४ | जिनबिम्ब | ७६ |
| आराधनाधिकारी स्वरूपम् | २ | आराधनाधिकारो वर्णनम् | ३४ | साधारणद्रव्यव्ययविषये जिनपूजा | ८० |
| रचनाप्रयोजनम् | ३ | द्वितीय लिङ्गद्वारवर्णनम् | ३५ | आगमलेखन | ८० |
| नगरीवर्णनम् | ३ | मुहपत्त्यादिलिङ्गप्रयोजनम् | ३५ | साधु-साध्वी स्वरूपम् | ८० |
| महसेननृपवर्णनम् | ४ | कुलवालकस्य दृष्टान्तः | ३६ | साधारणद्रव्यव्ययविषये श्रावक- | |
| नृपक्रीडावर्णनम् | ४ | तृतीय शिक्षाद्वार स्वरूपम् | ३८ | श्राविका स्वरूपम् | ८१ |
| पुरुषागमनम् | ५ | सुरेन्द्रदत्तस्य दृष्टान्तः | ३६ | साधारणद्रव्यव्ययविषये पौषधशाला | |
| नृपपश्चात्तापः | ७ | आसेवनशिक्षा स्वरूपम् | ४१ | स्वरूपम् | ८२ |
| पूर्वभववर्णनम् | ७ | ज्ञानक्रिया सापेक्ष उपादेयता | ४२ | दर्शनकार्यस्वरूपम् | ८२ |
| पुण्यपापस्वरूपचिन्तनम् | ६ | आर्यमङ्गू आचार्य दृष्टान्तः | ४२ | चतुर्थः पुत्रप्रतिबोधकद्वारम् | ८३ |
| महसेनं जातिस्मरणज्ञानस्य प्राप्तिः | १० | अङ्गारमर्दकस्य दृष्टान्तः | ४३ | पंचम सुस्थितघटनाद्वारम् | ८४ |
| महसेननृपचिन्तनम् | ११ | ग्रहण-आसेवन शिक्षाभेदाः | ४३ | षष्ठम् आलोचनाद्वारम् | ८६ |
| श्री वीरजिनागमनम् | १२ | साधु-गृहस्थाभ्यो सामान्य आचारधर्मः | ४३ | सप्तमम् आयुपरिज्ञानद्वारम् | ८६ |
| धर्मदेशना | १३ | गृहस्थस्य विशेषाराधना | ४४ | सप्तमम् आयुः परिज्ञानद्वारे | |
| क्षमायाचना हितशिक्षावर्णनम् | १४ | साधुविशेषाराधनाः | ४५ | एकादशप्रतिद्वारवर्णनम् | ८७ |
| विषविकार वर्णनम् | १४ | चतुर्थ-विनयनामकद्वारम् | ४६ | अनशन प्रतिपत्तिद्वारम् | ८४ |
| पुत्रानुशास्तिः | १५ | श्री श्रेणिकनृप दृष्टान्तः | ४६ | परिणामद्वारम् | ८४ |
| देव्यनुशास्तिः | १६ | स्तेनप्राप्तये अभयकथित | | त्यागद्वारवर्णनम् | ८५ |
| दीक्षा हेतुप्रयाणः | १६ | जीर्णश्रेष्ठिकन्याकथा | ४७ | सहस्रमल्ल दृष्टान्तः | ८६ |
| दीक्षाग्रहणम्-प्रभुद्वारानुशास्तिः | १७ | कन्याकथायाः भावोपलम्भद्वारेण | | मरणविभक्तिद्वारम् | ८७ |
| श्रीगौतमगणधर. स्तुतिः | १७ | स्तेनप्राणप्राप्तिः विद्यादानस्वीकारश्च | ४८ | जयसुंदर सोमदत्त दृष्टान्तः | ८७ |
| श्रीगौतमधर्मोपदेशः | १७ | समाधि नामक पञ्चमद्वारवर्णनम् | ४६ | उदायिनृपः दृष्टान्तः | ८६ |
| आराधनास्वरूपम् | | नभिराजर्षि दृष्टान्तः | ४६ | अधिगतमरणद्वारम् | १०१ |
| सामान्यआराधना स्वरूपम् | १८ | षष्ठम् मनः अनुशास्तिद्वारं | ५२ | सुन्दरीनन्ददृष्टान्तः | १०२ |
| दर्शन सामान्याराधना | १८ | वसुदत्त दृष्टान्तः | ५७ | श्रेणिद्वारम् | १०५ |
| चारित्रस्य सामान्याराधना | १८ | अनियतविहारनामक सप्तमद्वारवर्णनम् | ५८ | स्वयम्भूदत्त दृष्टान्तः | १०६ |
| सामान्यतपाराधना | १६ | दुर्गतानारी दृष्टान्तः | ६० | भावनाद्वारम् | १०८ |
| संक्षेपविशेषाराधना स्वरूपम् | १६ | अनियतविहारकरणे गुणाः | ६१ | पुष्पचुल दृष्टान्तः | ११० |
| मधुनृपदुष्टान्तः | १६ | श्रीसेलकसूरि दृष्टान्तः | ६१ | आर्यमहागिरि दृष्टान्तः | ११० |
| सुकोशलनृप दृष्टान्तः | २० | नृपस्यानियतविहार नामकाष्टमद्वारवर्णनम् | ६२ | एडकाक्षनगरोत्पत्तिवर्णनम् | १११ |
| विस्तृत आराधना स्वरूपम् | | वसतिदानस्यगुणाः | ६४ | दशार्णकूटस्य गजाग्रपदनामोत्पत्तिः | ११२ |
| चतुर्थः मूलद्वारनामानि | २१ | वसतिदाने ताराचन्द्र कुरुचन्द्र दृष्टान्तः | ६६ | संलेखनाद्वारम् | ११२ |
| मरुदेवा दृष्टान्तः | २२ | परिणाम नामक नवमद्वारम् | ७१ | गङ्गादत्तस्य दृष्टान्तः | ११५ |
| मुनिमहसेनस्य पृच्छा | २२ | धर्मजागरिकाः इहभव-परभव हितचिन्तनम् | ७१ | परगणसंक्रमनामक द्वितीयद्वारम् | ११८ |
| क्षुल्लकमुनि दृष्टान्तः | २२ | पुत्रशिक्षादापनम् | ७२ | प्रथम दिशाद्वारम् | ११८ |
| प्रथम परिकर्मविहिद्वारेपन्त्रहः प्रतिद्वारम् | २४ | पुत्रस्याशिक्षणे दोषोपरि वज्रकेसरि दृष्टान्तः | ७३ | आचार्यस्य योग्यतावर्णनम् | ११८ |
| प्रथम अर्हद्वारवर्णनम् | २४ | कालनिर्गमनद्वारम् | ७५ | शिवभद्राचार्य दृष्टान्तः | ११६ |
| वङ्कचुल दृष्टान्तः | २५ | एकादश पडिमावर्णनम् | ७६ | क्षामणाद्वारम् | १२० |
| वङ्कचुलनियमग्रहणम् | २७ | मिथ्यात्वे अन्धपुत्रस्य दृष्टान्तः | ७७ | क्षमापनाद्वारम् | १२० |
| नियमप्रतिपालनम् | २८ | साधारणद्रव्यविषयवर्णनम् | ७८ | नयशीलसूरि दृष्टान्तः | १२१ |

| विगत | पृष्ठ | विगत | पृष्ठ | विगत | पृष्ठ |
|-----------------------------------------------------|-------|-----------------------------------------------------|-------|-------------------------------------|-------|
| तृतीय अनुशास्तिद्वारम् | १२२ | अदत्तादानस्वरूपम् | १६२ | ऐश्वर्यमदस्वरूपम् | १६५ |
| महिलासङ्गे दोषाः | १२४ | श्रावकपुत्रदसुदत्त दृष्टान्तः | १६३ | धनसारपुत्रस्यदृष्टान्तः | १६५ |
| सुकुमारिका दृष्टान्तः | १२५ | मैथुन स्वरूपम् | १६३ | धनसारपुत्रस्यदृष्टान्तः | १६६ |
| सिंहगुफावासीमुनि दृष्टान्तः | १२५ | गिरिनयरनिवासिनी दृष्टान्तः | १६४ | तपमद-ऐश्वर्यमदस्थाने बुद्धिबलमद | |
| प्रवर्तिन्यैः अनुशास्तिः | १२६ | परिग्रह स्वरूपम् | १६५ | प्रियतामदस्वरूपम् | १६६ |
| साध्वीवर्णानुशास्तिः | १२६ | लोहनन्दजिनदास दृष्टान्तः | १६६ | क्रोधादिनिग्रहनामक तृतीयद्वारम् | १६७ |
| वैयावृत्तस्य माहात्म्यम् | १२७ | क्रोध स्वरूपम् | १६६ | प्रमादत्यागनामक चतुर्थद्वारम् | १६७ |
| संसर्गजन्मगुणदोषणवर्णनम् | १२८ | प्रसन्नचन्द्र दृष्टान्तः | १६७ | मद्यस्वरूपम् | १६७ |
| शिष्यस्य गुरुं प्रति कृतज्ञता | १२९ | मान स्वरूपम् | १६७ | मद्यमासादिस्वरूपम् | १६८ |
| परगणसंक्रमणाय अनुमतिद्याचनम् | १२९ | बाहुबली दृष्टान्तः | १६८ | अभयकुमारेण मांसस्य महर्घत्वस्थापनम् | २०१ |
| सुस्थितगवेषणाद्वारम् | १३१ | माया स्वरूपम् | १६९ | विषयस्वरूपम् | २०१ |
| उपसंपद्द्वार स्वरूपम् | १३३ | वणिकपुत्र दृष्टान्तः | १६९ | कण्डरिकस्यदृष्टान्तः | २०३ |
| परीक्षाद्वार स्वरूपम् | १३३ | लोभ स्वरूपम् | १७० | कषायस्वरूपम् | २०४ |
| प्रतिलेखनाद्वार स्वरूपम् | १३४ | कपिल दृष्टान्तः | १७० | निद्रास्वरूपम् | २०४ |
| हरिदत्तमुनि दृष्टान्तः | १३४ | प्रेम (राग) स्वरूपम् | १७१ | अगडदत्तस्यदृष्टान्तः | २०५ |
| पृच्छाद्वारम् | १३६ | अर्हमित्तस्य दृष्टान्तः | १७२ | विकथास्वरूपम् | २०६ |
| प्रतीच्छाद्वारम् | १३७ | द्वेष स्वरूपम् | १७२ | गुणकरस्त्रियादिकथास्वरूपम् | २०८ |
| ममत्वव्युच्छेदद्वारम् | १३८ | धर्मरूचि दृष्टान्तः | १७२ | द्यूतस्वरूपम् | २०९ |
| आलोचनाविधानद्वारम् | १३८ | कलह स्वरूपम् | १७३ | अन्यप्रकारेप्रमादस्य अष्टस्थानानि | २०९ |
| लज्जाअत्यागे-त्यागे कपिलविप्रदृष्टान्तः | १४० | हरिकेशीबल दृष्टान्तः | १७४ | सर्वप्रतिबन्धत्यागनामक पञ्चमद्वारम् | २११ |
| आलोचनाविधानद्वारम् | १४१ | अभ्याख्यानपापस्थान स्वरूपम् | १७६ | षष्ठमम् सम्यक्त्वद्वारस्वरूपम् | २१२ |
| सुरतेजनरसुन्दरयोः दृष्टान्तः | १४४ | अङ्गर्षे दृष्टान्तः | १७६ | अरिहंतादिभक्तिद्वारम् | २१३ |
| द्वितीय शय्याद्वारम् | १४७ | अरतिरति स्वरूपम् | १७६ | कनकरथनृपदृष्टान्तः | २१३ |
| गिरिसुयजुगल दृष्टान्तः | १४७ | क्षुल्लककुमार मुनि दृष्टान्तः | १७७ | अष्टमम् पञ्चनमस्कारद्वारम् | २१४ |
| तृतीय संस्कारद्वारम् | १४८ | पैशुन्य स्वरूपम् | १७८ | श्रावकपुत्रदृष्टान्तः | २१७ |
| गजसुकुमाल दृष्टान्तः | १५० | सुबन्धुसचिवचाणक्योः दृष्टान्तः | १७८ | श्रीमतीदृष्टान्तः | २१८ |
| अर्णिकापुत्तस्य दृष्टान्तः | १५० | परपरिवाद स्वरूपम् | १७९ | हुण्डिकयक्षदिदृष्टान्तः | २१८ |
| चतुर्थःनिर्यामकद्वारम् | १५१ | सुभद्रा दृष्टान्तः | १८० | सम्यग्ज्ञानोपयोगनामक षष्ठमद्वारम् | २१९ |
| पञ्चम दर्शनद्वारम् | १५२ | मायामृषावाद स्वरूपम् | १८१ | यवमुनिदृष्टान्तः | २२० |
| षष्ठमहानिद्वारम् | १५३ | कुटक्षपक दृष्टान्तः | १८१ | पञ्चमहाव्रतनामक दशमद्वारम् | २२१ |
| सप्तमपानकपरिकर्मयुक्तप्रत्या- ख्यानद्वारस्वरूपम् | १५४ | मिथ्यादर्शनशल्यस्वरूपम् | १८२ | अहिंसामहाव्रतस्वरूपम् | २२२ |
| अष्टमक्षामणाद्वारम् | १५४ | जमालिदृष्टान्तः | १८३ | मृषावाद विरमणस्वरूपम् | २२२ |
| नवम स्वयंक्षमापनाद्वारम् | १५५ | मदनामकद्वितीयद्वारम् | १८४ | अदत्तादानविरमणस्वरूपम् | २२३ |
| चण्डरुद्राचार्य दृष्टान्तः | १५५ | जातिमेदविप्रपुत्र दृष्टान्तः | १८४ | मैथुनविरमणस्वरूपम् | २२३ |
| चतुर्थसमाधिनाभद्वार प्रारम्भ- मङ्गलाचरणम् | १५७ | कुलमदेमरिचि दृष्टान्तः | १८६ | कामसुखस्य अशुभत्वं दृष्टान्तः च | २२४ |
| अनुशास्तिद्वारम् | १५७ | रूपमदविषये काकन्दीवास्तव्य- भ्रात्रोः दृष्टान्तः | १८७ | महिलानां दुर्गुणाः | २२४ |
| अङ्गारसपावटाणद्वारम् | १५७ | बलमदे मल्लदेवस्य दृष्टान्तः | १८९ | महिलानां दोषाः च | २२५ |
| प्राणिवधत्यागस्वरूपम् | १५७ | श्रुतमदे स्थूलभद्रदृष्टान्तः | १९० | गर्भावस्थास्वरूपम्। | २२५ |
| प्राणिवधेश्वश्रुत्नुषयाः दृष्टान्तः | १५९ | तपमदस्वरूपम् | १९२ | चारुदत्तदृष्टान्तः | २२६ |
| अलीकवचनस्वरूपं | १६० | दृढप्रहारिदृष्टान्तः | १९२ | महिलासंसर्गे दोषाः त्यागे गुणाः | |
| वसुनृपदृष्टान्दाः | १६१ | लाभमदस्वरूपम् | १९३ | तद्विषये उपदेशः च | २२८ |
| | | ढंढणकुमारदृष्टान्तः | १९३ | अभ्यन्तरबाह्यग्रन्थयोःस्वरूपम् | २२८ |
| | | | | महाव्रतस्यभावनास्वरूपम् | २२९ |
| | | | | महाव्रतानाम् अरक्षणे दोषाः | २३० |

| विगत | पृष्ठ | विगत | पृष्ठ |
|----------------------------------------|-------|--------------------------------------------|-------|
| उज्ज्विकादिदृष्टान्तः | २३१ | द्वितीय प्रतिपत्तिद्वारे धर्मध्यानचित्तनम् | २६४ |
| चतुःशरणस्वीकारवर्णनम् | २३१ | तृतीय सारणाद्वारम् | २६५ |
| चतुःशरणस्वीकारवर्णनम् | २३३ | चतुर्थः कवचद्वारम् | २६५ |
| दृष्टकृतगर्हाद्वारम् | २३३ | पञ्चमम् समताद्वारस्वरूपम् | २६६ |
| क्षामणे उपदेशः | २३५ | षष्ठमध्यानद्वारम् | २६६ |
| सुकृतानुमोदनाद्वारम् | २३८ | सप्तम्लेश्याद्वारम् | २७० |
| भावनापटलद्वारम् | २३६ | जम्बूफलभक्षकदृष्टान्तः | २७० |
| अनित्यभावनास्वरूपम् | २४० | अष्टमफलद्वारम् | २७१ |
| नग्ननृपदृष्टान्तः | २४० | अष्टमफलद्वारम् | २७२ |
| अशरणभावनास्वरूपम् | २४० | नवमम् विजहनाद्वारम् | २७४ |
| अनाधीमुनिदृष्टान्तः | २४१ | आराधनाकृतां प्रशंसा | २७५ |
| संसारभावनास्वरूपम् | २४१ | महसेनकृता गौतमगणधरस्तुतिः | २७५ |
| तापसश्रेष्ठिनःदृष्टान्तः | २४२ | महसेनस्य आराधनायै चिन्तनम् | २७६ |
| एकत्वभावनास्वरूपम् | २४२ | महसेनस्य अनशनप्रारम्भः | २७६ |
| परसहायानिच्छोपरी वीरविभुदृष्टान्तः | २४३ | इन्द्रकृता प्रशंसा | २७६ |
| अन्यत्वभावनास्वरूपम् | २४३ | विगत | पृष्ठ |
| सुलसपरिहासेन शिवस्य वैराग्यम् | २४३ | परीक्षायै देवाकृतोपसर्गवर्णनम् | २७७ |
| अशुचिभावनास्वरूपम् | २४४ | महसेनस्यधिलत्वम् | २७८ |
| शुचिवोद्वस्य दृष्टान्तः | २४४ | सर्वार्थसिद्धौ उत्पत्तिः | २७८ |
| अर्थकामानाम् अशुभावत्वम् | २४५ | महसेनस्यभाविभाव कथनम् | २७८ |
| आश्रवसंवर-निर्जराभावनानां स्वरूपम् | २४५ | गौतमगणधरदर्शित | |
| लोकस्वरूपभावनास्वरूपम् | २४६ | महसेनस्यागामीभववर्णनम् | २७६ |
| शिवराजर्षेःदृष्टान्तः | २४६ | स्थविरकृता गौतमस्तुतिः | २७६ |
| बोधिदुर्लभभावनास्वरूपम् | २४६ | ग्रन्थकर्तृगुर्वादीनां नामादिवर्णनम्- | |
| वणिकपुत्रदृष्टान्तः | २४७ | ग्रन्थरचनावर्णनम् | २८० |
| सुवर्णस्याष्टगुणैः धर्मगुरुः परीक्षा | २४८ | लेखकप्रशस्तिः। | २८० |
| सद्गुरोःस्वरूपम् | २४८ | | |
| शीलपालनद्वारे शीलस्वरूपम् | २५० | | |
| इन्द्रियदमनद्वारस्वरूपम् | २५१ | | |
| इन्द्रिय-अविजये भद्रादीनां दृष्टान्ताः | २५२ | | |
| चक्षुरिन्द्रिय विषयेसमरधीरदृष्टान्तः | २५३ | | |
| प्राणेन्द्रियविषेय गन्धप्रियकुमार | २५४ | | |
| रसनेन्द्रिय अविजयेसोदासनृपदृष्टान्तः | २५४ | | |
| स्पर्शेन्द्रियअविजयेविप्रसुतदृष्टान्तः | २५४ | | |
| तपोद्वारे तपःकरण-अकरणयोः गुणदोषाः | २५५ | | |
| निःशल्यताद्वारे शल्यानांस्वरूपम् | २५५ | | |
| ब्रह्मदत्तचक्रीदृष्टान्तः | २५६ | | |
| मायाशल्ये पीठमहापीठदृष्टान्तः | २५८ | | |
| मिथ्यात्वशल्योपरीनन्दमणियारदृष्टान्तः | २५६ | | |
| द्वितीय प्रतिपत्तिद्वारप्रारम्भः | २६१ | | |
| श्री सङ्घस्य माहात्म्यम् क्षमापना च | २६१ | | |
| द्वितीय प्रतिपत्तिद्वार क्षमापना | २६२ | | |
| विराधनायाः क्षमापना | २६२ | | |
| पापगर्हा | २६३ | | |

॥ णमोऽत्थु णं समणस्स भगवओ महावीरस्स ॥
 ॥ अचिन्त्यमहिमानिधानश्रीशङ्खेश्वरपार्श्वनाथाय नमः ॥
 ॥ अनन्तलब्धिनिधानाय श्री गौतमस्वामिने नमः ॥
 ॥ प्रभु श्रीमद्विजयराजेन्द्रसूरीश्वराय नमः ॥
 सिरिजिणचन्दसूरिविरइआ—

संवेगरंगशाला

“मङ्गलाचरणम्” —

रेहइ जेसिं पयनह-परंपरा उग्गमन्तरविरुइरा । नमिरसुरमउडसंघट्ट-खुडियवररणराइ व्व ॥१॥
 अहव सिवपहपलोयण-मणजणहत्थप्पईवपंति व्व । तिहुयणमहिए ते उसभ-प्पमुहत्तिथाहिवे नमह ॥२॥
 अज्ज वि य कुत्तिथियहत्थि-सत्थमच्चत्थमोत्थरइ जस्स । ^१दुग्गनयवग्गनहनवह-भीसणो तित्थमयनाहो ॥३॥
 तं नमह महावीरं, ^२अणंतरायं पि परिहरियरायं । ^३सुगयंपि सिवं ^४सोमं पि, चत्तदोसोदयारम्भं ॥४॥
 जे निव्वाणगया वि हु, नेहदसावज्जिया वि दिप्पंति । ते अप्पुव्वपईवा, जयन्ति सिद्धा जयपसिद्धा ॥५॥
 अइसयसहस्ससुंदर-मयरंदुद्दामसुयसरोयस्स । जिणमुहसरप्पसूयस्स ^५मूलनालाइयं जेहिं ॥६॥
 पालित-परुचिन्ते, निच्चं पंचप्प-यारमायारं । गुणगणहरे गणहरे, ते गोयमपभिइणो वंदे ॥७॥
 अणवरयसुत्तदाणा-णंदियमुणिभमरनियरपरियरिए । निच्चं चरणपहाणे, करिणो व्व थुणामि उज्झाए ॥८॥
 कारुण्णपुण्णहियए-थम्मज्जयजंतुजणियसाहेज्जे । दुज्जयनिज्जियमयणे, मुणिणो पणमामि ^६नवनिहिणो ॥९॥
 गुणरायरायहाणिं, नमामि सव्वचुणो महावाणिं । भीमभवागडनिचडंत-जंतुनिरयज्जरज्जुं व ॥१०॥
 तं जयइ पवयणं ^७पव-यणं व सारं जमंगिणो दट्टुं । यसह व्व उप्पहं पत्थि-या वि लग्गंति मग्गंमि ॥११॥
 चिन्तारघट्टसंजोयणेण, सुहइणवसहसेणीए । जे भवकूयादाय-डिड्ढऊणमुड्डं पराणिंति ॥१२॥
 आराहणाघडीमा-लियाए आराहांगिवग्गुदयं । निज्जामगे गुरु ते, मुणिणो य नमामि सविसेसं ॥१३॥
 सुगइगममूलपयवी-चउखंधाराहणा इमा जेहिं । संपत्ता ते वंदे, मुणिणो गिहिणो य अभिणंदे ॥१४॥
 आराहणाभगवई, जयउ जए जं दढं समारुढा । नावं व भव्यभविणो, तरन्ति रुढं भवसमुद्धं ॥१५॥
 सा जयइ य सुयदेवी, जीए पसाएण मंदमइणो वि । कइणो भवंति नियइच्छि-यत्थनित्थारणसमत्था ॥१६॥
 सयलजणसलहणिज्जं, पयविं जेसिं पयप्पभावेण । पत्तोमिहि विबुहपणए, ते नियगुरुणो पणिवयामि ॥१७॥
 इत्थं समत्थथोयव्व-सत्थविसयाए पत्थुयथुईए । करडिघडाए सुहडो व्व, दलियपच्चूहपडिवक्खो ॥१८॥
 मंदमई वि सयमहं, महन्तगुणगणगुरुण सुगुरुण । चरणपसाएणं भव्व-हियकए किं पि जंपेमि [जुम्मं] ॥१९॥

राजते येषां पदनखपरम्परा, उद्गमद्रविरुचिरा । नम्रसुरमुकुटसङ्घट्ट-खण्डितवररत्नराजिवत् ॥१॥
 अथवा शिवपथप्रलोकनमनोजनहस्तप्रदीपपङ्क्तिवत् । त्रिभुवनमहितान् तान् ऋषभ-प्रमुखतीर्थाधिपान् नमत ॥२॥
 अद्यापि च कुतीर्थिकहस्तिसार्थ-मत्यर्थमाक्रामति यस्य । दुर्गनयवर्गनखनिवह-भीषणस्तीर्थमृगनाथः ॥३॥
 तं नमत महावीर-मनन्तरायमपि परिहृतरागम् । सुगतमपि शिवं, सोममपि त्यक्तदोषोदयारम्भं ॥४॥
 ये निर्वाणगता अपि खलु, स्नेहदशावर्जिता अपि दीप्यन्ते । ते अपूर्वप्रदीपा जयन्ति सिद्धाः जगत्प्रसिद्धाः ॥५॥

1. दूग० । 2. 'अणंतरायंपि परिहरियरायं' इति पदे अनन्तरायमपि परिहृतरागम् इति पदसंस्कारे विरोधो वर्तते तथाऽपि अनन्तरायमपि परिहृतरागम् इति पदसंस्कारकरणेन तत्परिहारो भवति । 3. 'सुगयं पि सिवं' इत्यत्र यः सुगतः सः कथं शिवो भवितुमर्हति इति विरोधो भवेत्, तथापि शोभनं गतं-ज्ञानं यस्य सः = सुगत इति तात्पर्यग्रहणेन सुगतोऽपि शिवः-कल्याणकारी भवतीति विरोधपरिहारो भवत्येव । 4. 'सोमंपि चत्तदोसोदयारंभं' इत्यत्र सोमः-चन्द्रः दोषायाः-रात्रेः उदयस्य आरम्भक एव इति विरोधो वर्तते किन्तु सोमः-सौम्यः भगवान् दोषाणं-रागादिदोषाणाम् उदयस्य यो आरम्भः सः त्यक्तः येन सः त्यक्तदोषोदयारम्भो भवत्येव । एवमन्यत्रापि यथातथ्यं पदघटना कार्या । 5. थूल० । 6. तव० । 7. प्राजनम् ।

“संसारवने धर्मदुर्लभता” —

| | |
|------------------------------------------------------------------------------------------|-----------------|
| इह हि वियंभंतकयंतसीह-हम्मन्तजन्तुमिगनिवहे । विलसिरदुदंतिदिय-सावयउप्पंकलल्लक्के | ॥२०॥ |
| विक्कंतकसायविलास-प्पसंकुले मयणवणदवरउद्दे । दुव्वासणाविसप्पिर-गिरिसरियापूरदुग्गमि | ॥२१॥ |
| निबिडदुहविडविकिण्णे, वियडंमि भवाडचीकडिल्लंमि । दीहद्धमद्धगेहिं व, संचरंतेहिं सत्तेहिं | ॥२२॥ |
| गंभीरनीरनीरहि-निहित्तमुत्ताहलं व मणुयत्तं । जुगसमिलानाणं, लद्धूणं कह वि दुल्लंभं | ॥२३॥ |
| तत्थ वि कहिंपि सविसेस-दुल्लहं ऊसरे व्व वरसस्सं । मरुभूमीए कप्प-डुमं व सुकुलाइ लद्धूणं | ॥२४॥ |
| तत्थ विय भाविभदत्तणेण, सेसत्तणेण य भवस्स । अबलत्तणेण दुज्जय-तरदंसणमोहणिज्जस्स | ॥२५॥ |
| सुगुरुवएससवणा, सयं पि वा कम्मगंठिभेएणं । तडितडपालंबं पिव, गुरुगिरिसरिहीरमाणेहिं | ॥२६॥ |
| रोरेहि व निहाणं, सुवेज्जमिव विविहवाहिविहुरेहिं । अवडंतो पडिएहिं, समत्थ-हत्थावलंबं व | ॥२७॥ |
| सविसेसपुत्रपपरिस-लब्भं सच्चन्नुधम्ममकलंकं । निज्जियचिंतामणिकप्प-पायवं पाविउं परमं | ॥२८॥ |
| हियमेव गवेसेयव्व-मप्पणो तं च जं न अहिएण । वाहिज्जइ नियमेणं, कहिंपि कत्तो वि कइया वि | ॥२९॥ |
| | [तीहिं विसेसयं] |
| तं च तहाविहमणुवम-मडच्चंतेगंतिं परं मोक्खे । मोक्खो य कम्मखयओ, कम्मखओ पुण विसुद्धाए | ॥३०॥ |
| आराहणाए आरा-हियाए ता तीए सइ हियत्थीहिं । जइयव्वमुवेयमुवाय-विरहओ होइ नो जेण | ॥३१॥ |
| | [जुम्मं] |
| सा पुण काउमणेहि वि, तदत्थपयडणसमत्थसत्थाणि । मोत्तुं 1अभिउत्तेहि वि, नाउं तीरइ न जं सम्मं | ॥३२॥ |
| तम्हाडडराहणसत्थं, सुपसत्थमहत्थहेउपरिकिण्णं । गिहिसाहूभयविसयं, वोच्छमहं तुच्छबुद्धी वि | ॥३३॥ |
| “आराधनाधिकारीस्वरूपम्” | |
| आराहणमिच्छंतो य, तिगरणं पढममेवं रुंभेज्जा । अनिरुद्धं जेण इमं, किं असुहं तं न जं कुणइ | ॥३४॥ |
| तहाहि— | |
| असमंजसं भमंतो, निरंकुसं विविहविसयरणांमि । अरइरइकुमइकरिणी-कसायकलभोरुजुहजुओ | ॥३५॥ |
| कयबहुगुणतरुभंगो, पमायमयमतमणकरी एस । अवगुंढइ अप्पाणं, पए पए बहुविहरएणं | ॥३६॥ |
| अत्थनिरवेक्खविती, पइक्खणउन्नवन्नकयघडणा । असइ व्व विलसमाणी, वाणी वि अणत्थपत्थारी | ॥३७॥ |
| असमंजसवावारो, सच्चत्थ समंतओ वि अनिरुद्धो । ततायगोलकप्पो, काओ वि न होज्ज कुसलकरो | ॥३८॥ |
| एक्केक्कं पि इमेसिं, लोगदुगावायवीयमडनिरुद्धं । किं पुण तस्समवाओ, जएज्ज ता तन्निरोकए | ॥३९॥ |
| सो पुण पसत्थगंथउत्थ-चिंतणा-विरयणाडडइणा चेव । सम्मं पारद्धेणं, संजायइ नन्नहा जम्हा | ॥४०॥ |
| अत्थेहाए तस्सेव माणसं, भासणेण पुण वयणं । होइ च्चिय सुनिरुद्धं, तल्लिहणार्इहिं पुण काओ | ॥४१॥ |
| एवं च कम्मबंधेक्क-हेउपडिरुद्धजोगपसरस्स । होही महप्पणो च्चिय, उवयारो पत्थुयपबंधा | ॥४२॥ |
| इह (य) तन्निरोकजणिओ, एसुवयारो परोडणुभवसिद्धो । संवेगवण्णणे पुण, पए पए पसमसुहलाभो | ॥४३॥ |
| तह संवेगसनिच्च्ये-पमुहपरमत्थवित्थरो जत्थ । दुल्लम्भो सुमिणंमि वि, वण्णिज्जइ तं परं सत्थं | ॥४४॥ |
| जत्थ पुणाडणाइभव-ब्भासवसेणं सयं पि संसिद्धा । तह सुकर च्चिय गोवाल-बालविलयाइयाणं पि | ॥४५॥ |
| कामउत्थउज्जणविसया, निवनीईगोयरा तह उवाया । देसिज्जति बहुहा, सत्थं तमणत्थयं मण्णे | ॥४६॥ |
| इह संवेगाडडइहियउत्थ-देसगस्सेव एत्थ सत्थस्स । सवणपरिभावणसुं, निच्चं पि बुहेहिं जइयव्वं | ॥४७॥ |
| संवेगगम्भसुपसत्थ-सत्थसवणं हि होइ धण्णाणं । सवणेडविधम्मतरगाणं चेव ता समरसाडडपती | ॥४८॥ |
| अचि य— | |
| जह जह संवेगरसो, वण्णिज्जइ तह तहेव भव्वाणं । भिज्जति खित्तजलमिम्म-याडडमकुंभ व्व हिययाइं | ॥४९॥ |
| सारोडवि य एसो च्चिय; दीहरकालंमि चिन्नचरणस्स । जम्हा तं चिय कडं, जं विंधइ लक्खमज्जे वि | ॥५०॥ |

सुचिरं पि तवो तवियं, चित्रं चरणं सुयं पि बहुपडियं । जइ नो संवेगरसो, ता तं तुसखंडणं सव्वं ॥५१॥
 तह संवेगरसो जइ, खणं पि न समुच्छलेज्ज १दिवसंतो । ता विहलेण किमिभिणा, बज्झाडणुट्टाणकट्टेण ॥५२॥
 पक्खंतो मासंतो, छम्मासंतो व वच्छरंतो वा । जस्स न स होज्ज तं जाण, दूरभव्वं अभव्वं वा ॥५३॥
 रुवे चक्खू मिहुणे, २हियालिया रसवईए जह लवणं । तह परलोगविहीए, सारो संवेगरसफासो ॥५४॥
 एसो पुण संवेगो, संवेगपरायणेहिं परिकहिओ । परमं भवभीरुतं, अहवा मोक्खाडभिकखित्तं ॥५५॥

“रचनाप्रयोजनम्” —

ता तव्युडिडकए च्विय, न केवलं कम्मयाहिविहुराणं । भवियाणमप्पणो च्विय, चिरगुरुवेज्जोवएसोओ ॥५६॥
 मेलितु वयणदव्वे, भावाडडरोगेक्कहेउमारद्धं । आराहणारसायण-मेयं अजरामरत्तकरं ॥५७॥

किंच—

परिगलइ पावसालेलं, ठियस्स आराहणाससिपहाए । जीवससिकंतमणिणो; पइक्खणं दिव्वजोइस्स ॥५८॥
 संवेगसारमेसा, वायंत-सुणंत-भावमाणणं । काही कलुसं पि मणं, विमलं कयगप्फलं व जलं ॥५९॥
 एत्तो च्विय ललियपया, अकुडिल-कोमलं-सुहडत्थकलिया योअक्खंडलक्खणवरा, सुवण्णरयणुज्जलसरीरा ॥६०॥
 सुइसुहयभइसदा, विविहालंकारकलियसव्वंगा । उल्लसियपसन्तरसा पगिडुपरलोयविसयकरा ॥६१॥
 बहुभावविरयणाउ, उप्पायंती परं पराणंदं । परिहरियअसग्गाहा, अणत्थबहुला य न कहिं पि ॥६२॥
 बहुएहिंतो उवजीवि-यडत्थसारा महाभुजिस्सेव । करणविहीए वि हु कय-परिस्समा मूलकालाओ ॥६३॥
 अप्पसमरइपराणं, निच्चं पि हु विहियमोहणासाणं । नाणाडडभोगरयाणं, उदग्गवयसंगयाणं च ॥६४॥
 समणचियड्ढविलासीण, काण मणहरणकारणं न इमा । नयणसुहदाइणी भाव-णिज्जवयणा य नो होही ॥६५॥

[छहिं कुलयं]

एवं चिय दूरुज्झिय-निययपरिग्गहपसंगवच्छाणं । सुगिहत्थाण वि निव्वुइ-निमित्तमेसा कह न होही ॥६६॥
 किंच—

जह य अणंतरजायं पि, किं पि ३कट्टिटठगोवलाइदलं । साडणसंधणविहिणा, काऊणं अवचिओवचियं ॥६७॥
 आकारंतरविहिणा, ठवेइ सुविसिट्ठमंदिरत्तेण । अइनिउणसुत्तहारो, तहेव अहयं पि उवउत्तो ॥६८॥
 सुयदिट्टचिर^४पमेयं, किं पि पारद्धगंधपाउग्गं । गाहा-सिलोग-गाहडद्ध-कुलगपमुहं परकयं पि ॥६९॥
 अवणयणदाणविहिणा, कहिंपि काऊण अवचिओवचियं । दाराणुगुणत्तेणं, एत्थं कत्थवि ठविस्सामि ॥७०॥
 सपबंधेसु य नियकव्व-गव्वचागत्थमवरकइरइयं । पक्खिवमाणो तक्करण-सचित्तजुत्तो वि होइ लहु ॥७१॥
 केवलमुवयारकए, परेसिमेसो महं समारंभो । सो य सपरोभयउत्तीहिं, जुत्तिजुत्तणमुवेइ ॥७२॥
 दीसइ य जेण सविसेस-गाहगे आगयन्मि वणियजणो । सपरोभयहट्टपयट्ट-भंडविच्छड्डववहारी ॥७३॥
 एसा य पत्थुयारा-हणेह संवेगरंगसालत्ति । भण्णइ विणिच्छियत्था, गुणनिप्फण्णेण नामेण ॥७४॥
 एसा य जहा रण्णा, महसेणेणं नवल्लदिकखेणं । ५जइगिहिविसया पुट्ठा, सिट्ठा जह गोयमेणं च ॥७५॥
 जह तं सम्मं आराहिऊण, सो पाविही य नेव्वाणं । तह एत्थ कहिज्जंतं, अवहियचिता निसामेह ॥७६॥

“नगरीवर्णनम्” —

अत्थि धणधण्णपडिपुण्ण-पउरपुरगामनिवहरमणिज्जो । रमणिज्जरुवलावन्न-जुवइरेहन्तदिसिचक्को ॥७७॥
 दिसिचक्कागयनेगम-कीरन्तविचित्तभूरिववहारो । ववहारज्जियबहुधण-जणकारियपवरसुरभवणो ॥७८॥
 सुरभवणतुंगसिग्ग-धवलधयनिवहभरियनहविवरो । नहविवरट्ठयखेयर-परिभावियरम्मयगुणोहो ॥७९॥
 रम्मयगुणोहरंजिय-पंथियकीरन्तवासपरिवंछो । कच्छो नाम जणवओ, जंबूदीवम्भि भरहद्धे ॥८०॥
 गोयिंदसयाणुगयो, बहुहलिओ गेगअज्जुणो जो य । एगहरिहलियअज्जुण-मवमन्नइ भारहकहं पि ॥८१॥
 तत्थ जुयइ व्व ६सुविया, दिणअरमुत्ति व्व पउरपहकलिया । सुविभत्तवन्नसन्ना, पच्चक्खा सद्विज्ज व्व ॥८२॥

1. हिययंतो पाठं० । 2. हितालिका = हितश्रेणिः । 3. काष्ठेष्टकोपलादिवलम् । 4. ०चर पाठं । 5. यत्तिगृहिविषया । 6. यथा युवती संवृताङ्गोपाङ्गा भवति तथा नगरी अपि प्राकारेण सुवृता-सुरक्षिता ।

| | |
|-------------------------------------------------------------------------------------------------|------|
| जा वहइ गरुयपरिहा--सलिलाउलसालवलपपरिखिता ॥ जलनिहिजगईवेडिय-जंबुदीवस्स समसीसिं | ॥८३॥ |
| जा निच्चपयट्टविसट्टनट्ट-कलगेयवडिडयाडडणंदा । परचक्कभयविमुक्का, कयजुगलीलं विडंबेइ | ॥८४॥ |
| अइगुरुयरिद्धिवित्थरपरिगयजणदिज्जमाणदाणाए । वेसमणो वि हु मण्णे, जीए समणो च्च पडिहाइ | ॥८५॥ |
| सा हिमसेलसमुज्जल-महन्तपासायरुद्धदिसिपसरा । सिरिमाला नामेणं; अहेसि नयरी सुरपुरि च्च | ॥८६॥ |
| पउमाणणाहिं सुपओहराहिं, वियसंतकुवलपच्छीहिं । बहिया पुक्खरिणीहिं, अन्तो नारीहिं जा सहइ | ॥८७॥ |
| बहुसाहियाओ विस्सुय-कइकुलकलियाओ काणणालीओ । बहिया अन्तो पवराओ, जीए छज्जन्ति य सहाओ॥८८॥ | ॥८८॥ |
| परमेक्को च्चिय दोसो, तीए पुरीए गुणालिकलियाए । खिप्पंति मग्गणा जं, परम्महा १धम्मवंतेहि | ॥८९॥ |
| निम्मलजसोवलंभे, अत्थितं संगई य साहूसु । रागो सुयम्मि चिन्ता, निच्चं चिय धम्मकम्ममि | ॥९०॥ |
| साहम्मिएसु वच्छल्ल-या य रक्खा दुहतसत्तेसु । सुगुणज्जणम्मि तण्हा, निवासिणो जत्थ लोअस्स | ॥९१॥ |
| पालेइ तं च पणमन्त-भूवमणिमउडमसिणपयपीढो । अच्चन्तपयंडपयाव-विजियसारइयदिवसयरो | ॥९२॥ |
| तिक्खकरयालनिद्वय-निदारियदसिरवेरिकरिकुंभो ^२ । पुरपरिहुअडभुयडंड-चंडिममुसुमूरिय विपक्खो | ॥९३॥ |

“महसेननृपवर्णनम्”-

| | |
|----------------------------------------------------------------------------------------------|-------|
| रुचविणिज्जियमयणो, ससिवयणो कमलपत्तसमनयणो । अच्चंतपउरसेणो, राया नामेण महसेणो | ॥९४॥ |
| सोहग्गचायविउसत्तणेण, एगो वि णेरुवो च्च । रामामग्गणविबुहाण, हियपगेहेसु जो वुत्थो | ॥९५॥ |
| डिंडीरपिंडपंडुरछत्त-च्छन्नंतरं दिसाचक्कं । छज्जइ य विजयजत्तासु, जस्स विहियडट्टहासं च | ॥९६॥ |
| उज्झियपरिग्गहाणं, वज्जियविसयाण भिक्खुवित्तीण । सुमुणीण व सत्तुणं, जो धम्मगुरुत्तणं पत्तो | ॥९७॥ |
| पग्गहियखग्गपसरंत,-नीलकंतिच्छडुअडो हत्थो । जस्स रणे उग्गयधूम,-केउसोहं समुच्चइ | ॥९८॥ |
| तं नत्थि जं न जाणइ, स महप्पा बुद्धिपगरिसवसेण । किंतु निद्विक्खन्नंतं, खलत्तणं पि हु न जाणेइ | ॥९९॥ |
| अच्चंतहयगयो वि हु, पउरविपती वि जं स नरनाहो । बहुकरियरपरिकिण्णो, सुहिओ वि य तं महच्छरियं॥१००॥ | ॥१००॥ |
| एक्को च्चिय से दोसो, जं सुगुणड्ढो वि तेण सिट्ठजणो । अकरो चाइयवसणो, अनासदंडो कओ सव्वो | ॥११॥ |
| तस्स य रज्जो मुहचंद-चंदिमाविजियकोमुइमयंका । निम्मेरुवरायन्त-चारुसिंगारससिरीया | ॥१२॥ |
| उत्तमकुलसंभूया, सुसीलपालांकिया विगयपणया । भत्ता सुगुणाडडसत्ता, भज्जा नामेण कणगवई | ॥१३॥ |
| नीसेसकलाकोसल-कलिओ रुची गुणालओ सोमो । पडिबिंबो इव रण्णो य, अहेसि पुत्तो [उ] जयसेणो | ॥१४॥ |
| सुविसुद्धबुद्धिपगरिस-निच्छियनीसेससंसयत्थेसु । नयगअमहत्थपसत्थ-सत्थपरिभावणपरेसु | ॥१५॥ |
| संधिविग्गहजाणाडडसणाइ-गुणछक्कपणिहियमणेसु । नियसामिकज्जसाहण-बहुमण्णियजीवियव्वेसु | ॥१६॥ |
| अवरोप्परगाढपरुढ-पणयपरिचत्तविप्पओगेसु । सुकईसु व अपुच्चत्थ-चित्तणच्छिन्नवंछेसु | ॥१७॥ |
| मंतीसु धणंजयजय-सुबंधुपमुहेसु विस्सुयजसेसु । आरोवियरज्जभरो सो य णिवो कीलइ जहिच्छं | ॥१८॥ |

तहाहि- “नृपक्रीडावर्णनम्”

| | |
|--------------------------------------------------------------------------|------|
| कयाइ मंजुगुंजिउअडप्पडंतनेउरं, विसंटुलुच्छलंततारहारलट्ठकंठियं; | |
| ^३ अवंगहारतुइदीहकंचिदामसुत्तयं, विचित्तयं पलोयए पणंगणाण नट्टयं | ॥९९॥ |
| कयाइ गाढरुट्ठदुट्ठमतहत्थिकंधरं, समारुहित्तु पाणिपल्लवेण धारिअंकुसो । | |
| सलीलमाययप्पहेसु काणणेषु कीलिउं, जणोवरोहकायरो समन्दिरे नियत्तए | ॥१०॥ |
| कयाइ भूरिचंचरीयपिज्जमाणदाणयं, गयिंदमंडलिं सुवेगयं तुरंगवग्गयं । | |
| विसिट्ठमट्ठकट्ठसिट्ठयं सुसंदणुक्करं, ४पगिट्ठलद्धसासए महाभडे य पेच्छए | ॥११॥ |
| कयाइ पुण्णपावबन्धमोक्खजुत्तिजुत्तयं, अणेगभंगसंगयं भवस्सरुवसूयगं । | |
| निरंतरं तदत्थदिन्नचित्तउ सचिन्हयं, असेसदोसनासयं निसामए य आगमं | ॥१२॥ |

1. धर्मवदिभः मार्गणाः = याचकाः पराङ्मुखाः क्षिप्यन्ते इति विरोधो भासते अपि तु धर्मवद्धिः धनुर्वदिभः मार्गणाः = बाणाः पराङ्मुखाः क्षिप्यन्ते इत्यर्थग्रहणेन विरोधपरिहारो भवति । 2. निदारियदरिय ताडपत्रीय प्रत में पाठान्तर है । 3. अंगयहारनुत्तदीहकंचिदामसुत्तयं पाठो० । ताडपत्रियप्रतमें 'रयंगहार' पाठान्तर है । 4. प्रकृष्टलब्धस्वाशयान् ।

| | |
|---------------------------------------------------------------------------------------------------------|------|
| इय पुव्वभवज्जियभूरि-पुन्नपब्भारपुण्णवच्छस्स । वोल्लेति वासरा तस्स, राइणो विविहकीलाहिं | ॥१३॥ |
| “पुरुषागमनम्”- | |
| अह अन्नया कयाई, अत्थाणीमंडवे निसन्नस्स । सव्वेयरतरुणीधुव्व-माणसियचारुचमरस्स | ॥१४॥ |
| दूरदिसागयसामंत-मंडलीपणयचलणकमलस्स । अन्नन्नसेवगजणे, सणियं पक्खित्तचक्खुस्स | ॥१५॥ |
| कंपिरतणुणा सियसिररुहेण, सक्खा जरापणिहिण व्व । कंचुइणा संलत्तं, सिग्घं उवसप्पिऊणवं | ॥१६॥ |
| जयउ जयउ देवो, माणमीलंतरामा-मुहकुमुयमयंको, सोक्खवल्लीण कंदो । | |
| कुवलयदलदीह-रच्छीलच्छीए लीला-लसभुयपरिसत्तो सव्वसंपत्तिजुत्तो | ॥१७॥ |
| विन्नवणिज्जमिमं पहु! पडिहयपडिचक्खलक्ख ! अम्हाणं । अंतैउरट्टिपणं, सव्वत्तो दिन्नदिट्ठीणं | ॥१८॥ |
| परपुरिसपलोयणवाउलाण, कत्तो यि झत्ति संपत्तो । वणवारणो व्व एणो, पुरिसो अनिचारणो भीमो | ॥१९॥ |
| विसो ^१ व्व खग्गधेणूए, संगतो गिरिवरो व्व गरुयंडगो । उब्भडभुयदंडुब्बद्ध-वीरयलो अखुद्धमणो | ॥२०॥ |
| कणगवईए देवीए, वासभवणम्मि णिययगेहे व्व । नाहो व्व सो पविट्ठो, अचगन्नियकंचुइसमूहो | ॥२१॥ |
| णिसियउग्गखग्गधाया यि, तत्थ न कमंति वज्जथंभे व्व । दप्पुब्भडा यि सुहडा, तम्महुपवणेण निवडन्ति | ॥२२॥ |
| करुणाए च्चिय मत्ते, न पहरियं तेण अम्ह पुरिसाणं । अन्नह कयन्तकप्पस्स, तस्स कत्तो भवे खलणा | ॥२३॥ |
| अस्सुयमदिट्ठपुव्वं, इय एरिसकज्जमिन्दिमावडियं । एत्तो उवरिं देवो, आइसइ जयं तयं कुणिमो | ॥२४॥ |
| इय सोच्चा कोवभरुब्भयन्त-भालयलभिउडिभीमेण । पुणरुत्तफुरुफुरन्ता-हरेण तंडवियभमुहेण | ॥२५॥ |
| सामंतसुहडसेणावईसु, निव्वडियपुरिसयारेसु । नवकुवलयदलदीहा, चक्खू खित्ता महीवइणा | ॥२६॥ |
| अह तं कयंतजणणिं व, भीसणं पेच्छिऊण सामंता । संख्रोहवसा जाया, चित्ताउडलिहिय व्व सव्वे वि | ॥२७॥ |
| सेणावइसुहडेहि यि, तव्वइयरसवणचत्तभाणेहिं । सुस्समणेहि व संली-णयाए दिण्णं मणो झत्ति | ॥२८॥ |
| राया यि सहं सुण्णं व, पेच्छिउं पाणिकलियकरवालो । धी सेवगाहमा! विफल-विहियपोरिसफडाडोवा | ॥२९॥ |
| अवसरह तुरियमेत्तो, चक्खुप्पसराउ इय पयंपत्तो । आबद्धपरियरो लहु, नीहरिओ रामभवणातो | ॥३०॥ |
| अह चंडचवलमंगल-विस्संभरपमुहअंगरक्खेहिं । भालयलघडियकरसं-पुडेहिं भतीए विण्णत्तो | ॥३१॥ |
| देव पसीयह वियरह, आएसं अम्ह एत्थ पत्थावे । विरमह सयं न जुत्तो, पढमं चिय पत्थणाभंगो | ॥३२॥ |
| जइ यि सयं न नियत्तह, खणमेक्कं तह यि पेच्छगा होह । चक्खुक्खेवा हि पहूण, हुत्ति पारद्धविग्घहरा | ॥३३॥ |
| इय सविणयप्पयंपिय-सवणभणागोवसन्तपरिकोवो । दरकंपियाए दिट्ठीए, पत्थिवो तेउणुमत्तेइ | ॥३४॥ |
| तो चावकुंतकरवाल-भल्लिसेल्लाइपहरणसमेया । निव्विवरवम्मभूसिय-तणुणो चंडाइणो चलिया | ॥३५॥ |
| पत्ता य कमेणंते-उरंमि दिट्ठो य तत्थ सो पुरिसो । आसीणो सेज्जाए, देवीए समं ततो भणिओ | ॥३६॥ |
| रे रे पुरिसाउहम! सामि-सालमहिलं मलिच्छसमसील । कामितो तुममिहिं, पइससि कीणासवयणम्मि | ॥३७॥ |
| नियदुच्चरिएण यि तुह, हयरस्स, जइ यि हु न पहरिउं जुत्तं । तह यि हु नियपहुचित्ताणु-वित्तिओ हम्मसि निरुत्तं | ॥३८॥ |
| नवरं एच ठिए यि हु, ख्रामेसु नराहिवं विणयपणओ । जइ जीवियं समीहसि, अहवा सवडंमुहो होसु | ॥३९॥ |
| मुंचसु भवणउब्भन्तर-मुवदंससु पोरिसं खणं एक्कं । जावउज्जवि निवडइ नो, कयन्तदिट्ठि व्व बाणाउडली | ॥४०॥ |
| इय जांपेऊण अच्चन्त-मच्छरुच्छाहभूरिसंरंभा । जाव न ते पहरंति, वज्जरियं ताव तेण इमं | ॥४१॥ |
| हंहो बालिसरुवा! खरनहरविभिन्नकुंभिकुम्भस्स । किं कीरइ केसरिणो, कुविएण यि हरिणनिवहेण | ॥४२॥ |
| किंया उब्भडतंडविय-चंडमणिफारफणकडप्पेण । विहगाहियस्स कीरइ, रुसिएण यि भुयगवग्गेण | ॥४३॥ |
| ता मुयह विहलसंरंभ-निब्भरं पहरणप्फडाडोवं । सामत्थाणणुरुवो हि, विक्कमो होइ मरणाय | ॥४४॥ |
| जं च नियसामिभज्जं, कामिज्जंतं पलोइउं तुब्भे । असमंजसं पयंपह, एयं यि विमूढयाए फलं | ॥४५॥ |
| नियसामत्थेण जओ, तग्गिहिणीए मए पवन्नाए । सामित्तमवक्कंतं, दूरे च्चिय तुम्ह नरवइणो | ॥४६॥ |
| एयं च उववइत्तण-दोसो यि हु मज्झ विज्जइ न को यि । तुम्हारिसाण यि पुरो, एयं इह आवसंतस्स | ॥४७॥ |
| अह बाढमरिसो भे, को वारइ मम तणुम्मि पहरेह । किंतु न सो एस जणो, सत्थगणो पक्कमति जत्थ | ॥४८॥ |

इय जंपियावसाणे, उग्गीरियपहरणा दढं कुविया । ते नावडंति जा ताव, थंभिया तेण पुरिसेण ॥४९॥
 अह वज्जलेवघडिय व्व, पत्थरुक्कीरिय व्व सव्वे वि । जाया निच्चलतणुणो, सो पुण कीलितु खणमेणं ॥५०॥
 कणगवडं 'पाणीए, गहिऊणं पटिठओ अखुद्धमणो । मुणितो य इमो सव्वो, वुत्तंतो भूमिनाहेण ॥५१॥
 तो तेण चित्तियमिमं, किं कोइ इमो सुरो व्व खयरो व्व । होज्ज व विज्जासिद्धो, एवंविहसतिसंजुतो ॥५२॥
 जइ ताव सुरो किं तस्स, माणुसीए इमीए किर कज्जं । अह खयरो सो वि न भूमि-गोयरिं नूण वंछेज्जा ॥५३॥
 विज्जासिद्धो वि विसिट्ठ-रूयपायालजुवइपमुहासु । संतीसु दिव्वनारीसु, कह इमं अणुसरेज्ज थुवं ॥५४॥
 अहवा पासविसप्पिर-कयन्तवसजायथाउखोहस्स । कस्स न कस्स व हिययं, काउमकज्जं अभिलसेज्जा ॥५५॥
 किं वा इमिणा सो को वि, होउ जुज्जइ न संपयमुवेहा । भज्जंपि अरक्खन्तो, कह रक्खिस्सामि महिवलयं ॥५६॥
 देसंतरेसु वि इमो, मज्झ कलंको चिरं पयित्थरिही । एत्तो च्चिय रामो वि हु, सीयाए कए गओ लंकं ॥५७॥
 ता जावज्जवि णो दूर-देसमणुसरइ सो दुरायारो । ताव सयमेव गंतूण, तं अणज्जं निगिण्हामि ॥५८॥
 थंभणपमुहं चिरसिक्खियं च, विज्जाबलं परिक्रामि । इति चित्तिय कइवयसुहड-संगओ पटिठओ राया ॥५९॥
 अह भूमिवडं मुणितं चलियं, चलिओद्धरसिन्धुरभीमयरं । मयराइथयाउलभूसिरहं, रहसुब्भडसेवगरुद्धदिसं ॥६०॥
 दिसिचक्कपवट्टतुरंगगणं, गणनायकदण्डवईहिं जुयं । जुवईजणकायरखोभकरं, करहोहपरोवियवक्खरयं ॥६१॥
 रयजाणवसुक्खयखोणिरयं, रयणुब्भडभूसणयित्थरियं । छुरियाइमहाउहदिन्नभयं, भयकंपिरबालयचत्तपहं ॥६२॥
 पहसंतपढंतसुमागहयं, हयहेसियतासिअसिखलयं । लयणग्गयं गिहिसच्चियं, वियसन्तमहाभडलोयणं ॥६३॥
 नगरीउ बहुं चउरंगबलं, बलवन्तविपक्खरखएक्कसहं । सहसच्चिय पावियभूरिमहं, महसेणणुमग्गिण नीहरियं ॥६४॥
 अह तेण समगेण वि, परियरिओ पवरतुरगमारुढो । ऊसियसियायवत्तो, राया जा जाइ थेवपहं ॥६५॥
 ताव पुरिसेण तेणं, दरदलियकवोलमीसि हसिऊणं । नरनाहं मोत्तूणं, थंभियमवरं बलं सयलं ॥६६॥
 राया वि चित्तलिहियं व, पेच्छिउं तं समग्गमवि सेत्रं । परिचिन्तिउं पवत्तो, अच्चन्तं विम्हयाउलिओ ॥६७॥
 अहह! महापावो कह, एवंविहमंतसतिसंजुतो । कह वा विबुहनिसिद्धं, अकज्जमेवं विहं कुणइ ॥६८॥
 मन्ने एरिसग च्चिय, ते वि हु थंभाइकारिणो मंता । तेणन्नोन्नाणुगमो, समसीलतेण जाओ सिं ॥६९॥
 अहवा किमणेण विचिंतिएण, सुमरामि थंभणिं विज्जं । एयस्स थंभणट्ठा, चिरपडियं सुगुरुमूलमि ॥७०॥
 तो सव्वंगनिवेसिय-रक्खामंतक्खरोडनिलनिरोहं । काउं नासापेरंत-निभियथिरलोयणंबुरुहो ॥७१॥
 पउममयरंदसंदोह-सुंदरुद्धामपसरियमऊहं । थंभणकरपरमक्खर-मारुद्धो सुमरिउं राया ॥७२॥
 अह खणमेत्तमि गए, तत्तोहुत्तं पलोयए जाव । दरपहसिरेण तेणं, पजंपियं ताव पुरिसेण ॥७३॥
 हे नरवर! जीव चिरं, पुव्वं मंदा गई ममं हुंता । तुह थंभणविज्जाए, संपइ पवणोवमा जाया ॥७४॥
 ता जइ कज्जं भज्जाए, अत्थि एज्जाहि सिग्घवेगेण । इय सो पयंपमाणो, तुरियं गंतुं पयइओ ति ॥७५॥
 अहह कहं चिरसिक्खिय-विज्जा वि हु विहलिया ममेयाणिं । विहलिज्जउ अहव परं, मोत्तूण परक्कमं एक्कं ॥७६॥
 इय चित्तिऊण राया, अविचलचित्तो पवडिडउच्छाहो । खग्गसहाओ सहसा, लग्गो तस्साणुमग्गेण ॥७७॥
 एसो वच्चइ राया, एसा देवी इमो य सो पुरिसो । इय जंपिरे जणमि, ताणि गयाइं सुदूरपहं ॥७८॥
 पइसमयकसाहयतरल-तुरयलहुभूरिलंधियद्धाणो । थेवंतरेण राया, जाव न तं पावइ मणुस्सं ॥७९॥
 ताव निरब्भा विज्जु व्व, इति देवी अदंसणीभूया । सो वि य पुरिसो थाणु व्व, निच्चलो संठिओ समुहो ॥८०॥
 एगाणिणं च तं पेच्छि-ऊण भूमीवई विचिंतेइ । किं सुमिणमिमं माया व, होज्ज दिट्ठीए बंधो वा ॥८१॥
 अहवा किमणेण विगप्पिएण, इममेव ताव पुच्छामि । अमुणियसीले पुरिसे, पहरिउमवि जुज्जइ न जम्हा ॥८२॥
 तो भणियमणेण सविम्हएण, भो भो अणन्तसामत्थ! भज्जा न केवलं चिय, हरिया तुमए मम मणं पि ॥८३॥
 ता कहसु को तुमं? किं, तए कुलं मण्डियं मलिणियं? च । एरिसमाहप्पेणं, अकज्जकरणेण य इमेणं ॥८४॥
 तेणावि ईसि हसिऊण, जंपियं भो नरिंद! सच्चमिणं । विहियं उभयं पि मए, कुलमइलणमेक्कमेव तए ॥८५॥
 नियगिहिणिं पि हु नीसेस-नयरलोगस्स पेच्छमाणस्स । अवगणियावजसेणं, अरक्खमाणेण हीरन्ति ॥८६॥

1. यद्यपि 'पाणि मि' इति प्रयोगो भवेत्, तथापि आर्षत्वात् स्त्रीलिङ्गे सप्तमी-एकवचनम् ।

इय गुरुयकुलकलंकं, न पेच्छसि अप्यणो तुमं मुद्ध! । मह पुण पोरिसयितिं पि, दोसपक्खम्मि पक्खिवसि ॥८७॥
 अहवा परदोसपलोयणंमि, जायइ जणो सहस्सक्खो । जच्चंधो व न पेच्छइ, गिरिवरगुरुए वि नियदोसे ॥८८॥
 एवंविहेण तुमए, तह कह वि हु मइलियं कुलं सयलं । यह विमलिज्जइ नो सुकय-जलहरासारवरिसे वि ॥८९॥
 निस्सामन्नपरिक्कम-रहियाणं भद! तुज्झ सरिसाणं । नामुक्कित्तणमेतं, वुच्चइ भूमीवइतं पि ॥९०॥
 को वा इह तुह दोसो, ते अवरज्झंति इत्थ चिरपुरिसा । असमत्थं पि तुमं जे, भूमीपालं पइडंति ॥९१॥
 को वा तेसिं दोसो, नरिंद! तुम्हारिसाण कुमईणं । एस च्चिय होइ गई, विसयव्वामोहियमणाणं ॥९२॥
 इय सोच्चा नरनाहो, लज्जामउलतनयणसरसिरुहो । परिभाविउं पवतो, पओससमउ च्च विच्छाओ ॥९३॥

“नृपपश्चात्तापः” —

धी मज्झ जीवियं पोरिसं च, बलबुद्धिपगरिसत्तं च । जेण मए वयणिज्जं, उवणीया पुव्वपुरिसा वि ॥९४॥
 अप्पा न केवलो च्चिय, लहुयत्तं लंभिओ अधत्तेण । लहुईकया महन्तो, सिक्ख्यागुरुणो वि भयवन्तो ॥९५॥
 किं जाएण वि तेणं? जाएण वि जीविएण किं तेणं? । नियपुव्वपुरिसलाघव-लेसंमि वि जो पयट्टेज्जा ॥९६॥
 सच्चं च विसयमोहिय-मईणमिच्चाइ जं भणियममुणा । कहमन्नहमेवविह-विडंबणा मज्झ जाएज्जा? ॥९७॥
 तहाहि—

सत्थस्साविसओडयं, न मंततंतेसु कुसलया अत्थि । उज्जोगिणो वि मज्झं, किं बलमेत्तो परं होही ॥९८॥
 एवं च संपयं इह, तावसदिक्खा निसेविउं जुता । कह दंसिस्सामि मुहं, नियत्तिउं नयरिलोयस्स ॥९९॥
 इय गरुयविसायपिसाय-वाउलिज्जन्तमाणसो राया । जा मुयइ नेव खग्गं, ता गहियो तेण हत्थम्मि ॥१००॥
 भणिओ य महायस! मुयसु, सोगमित्तो कयं विचित्तेणं । परिहासेणं माइंद-जालमेयं न परमत्थो ॥१०१॥

तहाहि—

“पुरुषवक्तव्यम्-पूर्वभववर्णनम्” —

नाहं पुरिसो न य मज्झ, तुज्झ दइयाए कज्जमवि किं पि । न य सामन्नपरिक्कम-विक्कंतो होसि तं राय! ॥१०२॥
 किंतु इय वइयरेणं, तियसो हं पढमदेवलोगाओ । तुज्झ पडिबोहणत्थं, पुव्वप्पणएण ^१आओ ण्ढि ॥१०३॥
 किं वा मित्त! न सुमरसि, जमुणानइपरिसरम्मि पुव्वभवे । जं आसि तुमं हत्थी, बहुलक्खणसंगयसरीरो ॥१०४॥
 सतंगपरिड्डाणो, महानरिन्दो च्च विसयपडिबद्धो । पवहन्तदाणपसरो, सरोसपडिदन्तिभंगकरो ॥१०५॥
 बहुकरिकुलपरियरिओ, वियरन्तो तेसु तेसु ठाणेसु । करिपिसियलालसेहिं, सबरजुवाणेहिं, दिट्ठो सि ॥१०६॥
 तो तेहिं वारिबंधण-पमुहोवाएहिं सरपहारेहिं । परिवारब्भूयं तुह, विणासियं गयकुलमसेसं ॥१०७॥
 अपमतथाए गइकोसलेण, दुराउ परिहरन्तेण । तुमए तेसिमवाए, चिरकालं रक्खिओ अप्पा ॥१०८॥
 अह अन्नया कयाई, ^२सलिलोयारम्मि तुज्झ गहणत्थं । तेहिं खड्डा खणिउं, उवरिं छइया तणाईहिं ॥१०९॥
 खित्ता तदुवरि धूली, तह जह भूमीए सा समा जाया । तो तरुगहणनिलुक्का, पलोइउं ते पवत्त ति ॥११०॥
 तुममवि असंकियमणो, पुव्वपवाहेण पाणियं पाउं । इंतो धस ति पडिओ, तीए खड्डाए विवसंगो ॥१११॥
 अइपंडिओ सि चिरजीविओ सि, रे! इण्हिं कत्थ वच्चिहिसि । इय कलकलं करता, सबरजुवाणा य संपत्ता ॥११२॥
 तो तेहिं निदयं दारि-ऊण कुम्भत्थलाउ थूलाइं । ^३मोत्ताहलाइं गहियाइं, जीयमाणस्स ^४दसणा य ॥११३॥
 अह तिक्खवेयणापबल-जलणजालाकलावसंततो । जीवित्ता खणमेगं, झति तुमं मरणमणुपत्तो ॥११४॥
 उववन्नो य नईए, गंगाए परिसरम्मि सारंगो । तत्थ वि बालो वि तुमं, सजूहनाहेण हणिओ सि ॥११५॥
 ततो मगहाविसए, सालिग्गामम्मि सोमदत्तस्स । विप्पस्स सुओ जाओ, नामेणं बंधुदत्तो ति ॥११६॥
 बंभणजणपाओग्गो, कलाकलावो य अहिगओ तुमए । जागविहिपरमकुसल-तणेण लद्धा पसिद्धी य ॥११७॥
 कीरंति जत्थ कत्थ वि, सग्गत्थं अहव रोगसमणत्थं । जागा तेसु य पढमं, तं निज्जसि पउरलोगेण ॥११८॥
 कहसि य जागस्स विहिं, पयट्टसे विविहपावठाणाइं । अगणियपरलोयभओ, हुणसि सहत्थेण छागे य ॥११९॥
 एवं वच्चंतेसुं, दिणेसु एगम्मि अवसरे रन्ना । पारम्भिओ महन्तो, तुरंगमेहो महाजागो ॥१२०॥
 आहूओ तत्थ तुमं, रन्ना सक्कारिओ य भतीए । पगुणीकया य अस्सा, सुलक्खणा जागकज्जेणं ॥१२१॥

1. आगतः । 2. सलिलावतारे । 3. मुक्ताफलानि । 4. दन्तौ ।

| | |
|-----------------------------------------------------------------------------------------------|------|
| अभिमंतिया य तुमए, वेयपसिद्धेण ते विहाणेण । एत्थन्तरंमि तारिस-जागविहिं पेच्छमाणस्स | ॥२२॥ |
| कथवि दिट्ठं एचंविहं ति, ईहाइणो करंतस्स । जायं जाइस्सरणं, एक्कस्स तुरंगपोयस्स | ॥२३॥ |
| दिट्ठं च पुब्बजम्मे, जागविहिवियक्खणेण हुंतेण । जं हुणिया भयविहुरा, बहुसो वि गवाइणो तेण | ॥२४॥ |
| दट्ठूण वइयरमिमं, ताहे परिचिन्तियं भयतेण । धम्मच्छलेण पावं, अहो कहं उचचिणन्ति जणा | ॥२५॥ |
| साहंति य मुद्धाणं, जागे निहया वयंति सग्गंमि । तिप्पिज्जंति य तियसा, जलणम्मि हुणिज्जमाणम्मि | ॥२६॥ |
| न मुणंति इमं पावा, जइ जागहया वयन्ति सग्गंमि । सग्गाभिलासिणो सयण-बंधुणो ता वरं हुणिया | ॥२७॥ |
| अहवा पयंडपासंड-कूडपडियस्स मुद्धलोयस्स । को दोसो अवरज्झंति, एत्थ वेइयउवज्झाया | ॥२८॥ |
| ता एयं पाविट्ठं, सुदुट्ठचेट्ठं हणामि उवझायं । जइ पुण जियन्ति एए, जागनिमित्तागया तुरया | ॥२९॥ |
| इय चिंतिऊण तेणं, वच्छपले खरखुरप्पहारेणं । तह पहओ 'सज्ज तुमं, जह मुक्को जीवियव्वेण | ॥३०॥ |
| पवियंभियपाणिवहा-भिलासवससंविद्धत्तावेणं । घडियालए य जातो, नेरइओ पढमनरयम्मि | ॥३१॥ |
| छव्विहपज्जतीए, पयंडसरीरो मुहुत्तमज्झम्मि । जा चिट्ठसि ताव लहुं, पक्कणन्ता किलकिलारावं | ॥३२॥ |
| परमाहम्मिय-असुरा, अच्चन्तं निद्वया महाकूरा । बीभच्छा भयजणगा, समागया तत्थ ठाणम्मि | ॥३३॥ |
| दुक्खं वज्जघडीए, किं रे चिट्ठसि विणिस्सरस्सु बाहिं । इइ जंपिऊण वज्ज-कुसेहिं कडिडन्ति तुह देहं | ॥३४॥ |
| ततो निसियाए कप्पणीए, कप्पन्ति सुहुमखंडेहिं । अंगं करुणसरेणं, तुह विरसं आरसंतस्स | ॥३५॥ |
| अइसुहुमखंडिए वि ह, पुणो वि मिलिए तणुम्मि सूए व्व । भयविहुरो नासन्तो, घेप्पसि तेहिं तुमं सहसा | ॥३६॥ |
| तो वज्जकुंभियाए, हेट्ठा पज्जलियतिव्वजलणाए । पक्खिप्पसि पागत्थं, अणिच्छमाणो हडेण तुमं | ॥३७॥ |
| तत्थ य अच्चंतं दज्झ-माणदेहो तिसाए अभिभूओ । वाहरसि विरससद्धं, तेसिं पुरतो तुमं एवं | ॥३८॥ |
| तुम्हे जणणीजणगा, भाया सयणा य बंधवा पहुणो । सरणं ताणं तुज्जे, तुम्हे च्विय देवया मज्झ | ॥३९॥ |
| ता मुयह खणं एक्कं, पायह सलिलं पसीयह इयाणिं । इय भणिए हिट्ठमणा, ते महुरगिराए जंपंति | ॥४०॥ |
| रे! वज्जकुंभियामज्झ-भागओ कडिडुं वरागमिमं । पाएह वारि सिसिरं, तहति पडिबज्जिउं अवरे | ॥४१॥ |
| तत्ततउतंबसीसय-रसभरियं भायणं गहेऊणं । सिसिरं ति पयंपंता, पायन्ति तुमं महापावा | ॥४२॥ |
| अह तेण जलणतुल्लेण, दज्झमाणस्स चलियगीवस्स । तुज्झ अणिच्छन्तस्स वि, भेतुं संडासएण मुहं | ॥४३॥ |
| निसिरंति तमाकंठं, तो तेण कडिज्जमाणसव्वंगो । मुच्छानिमीलियच्छो, थस ति णिवडसि महीवीढे | ॥४४॥ |
| खणलद्धचेयणो असि-वणम्मि सिसिरं ति जायसंकप्पो । वच्चसि तत्थ वि छिज्जसि, पयंडतरुपत्तखग्गेहिं | ॥४५॥ |
| ततो पुणो वि तेहिं, रंगंतरंगभंगुरावत्ते । वेयरणीनइनीरे, खिप्पसि पज्जलियजलणाभे | ॥४६॥ |
| तत्थ वि विज्जुड्डामर-महल्लकल्लोलपेल्लणवसेण । उब्बुड्डणबुड्डणचलण-खलणवाउलियसव्वंगो | ॥४७॥ |
| जरतरुदलं व कहवि ह, तीए किलेसेण पत्तपरतीरो । अच्छंतो असुरेहिं, घेतूणं हरिसियंगेहिं | ॥४८॥ |
| जोत्तिज्जसि वसभो इय, रहम्मि अच्चन्तभुरिभारम्मि । विज्जसि पडक्खणं कुंत-तिक्खधाराए आराए | ॥४९॥ |
| अह तत्थ परिस्सन्तो, जा गंतुं नेव सक्कसि कहिं पि । ता उग्गमोग्गरेहिं, चूरिज्जसि तं महाभाग! | ॥५०॥ |
| अप्फालिज्जसि वियडे, सिलायले भिज्जसे य कुन्तेहिं । छिज्जसि करवतेहिं, पीलिज्जसि चित्तजंतंसे | ॥५१॥ |
| अप्फालिज्जसि वियडे-मंसखण्डाइं जलणपक्काइं । ताडिज्जसि पुणरुत्तं, विचित्तदंडप्पहारेहिं | ॥५२॥ |
| असुरविउव्वियगरुयंग-पक्खिअइतिक्खनक्खचंचूहिं । पहणिज्जसि करुणसरं, रुयमाणो उड्ढकयबाहू | ॥५३॥ |
| इय नरयउब्भवदुहं, अणुभूयं जं तए नरवरिंद! । तं सव्वं परिकहिउं, जयपहुणो च्विय तरन्ति परं | ॥५४॥ |
| एवं सागरमेगं, निवसित्ता भीसणम्मि नरयम्मि । दुक्खाइं असंखाइं, विसहिय ततो मओ सन्तो | ॥५५॥ |
| तुममुववन्नो भरहे, नयरे रायग्गिहम्मि रोस्कूले । पुत्तत्तेण तत्थ वि, अणेगरोगाउलसरीरो | ॥५६॥ |
| समयाणुरुवभोयण-रोगपडीयारसयणपरिहीणो । अच्चन्तं दीणमणो, भिक्खावितीए जीवन्तो | ॥५७॥ |
| तरुणत्तं संपत्तो, तत्थ वि अच्चन्तदुक्खिओ सन्तो । परिचिंतिउं पवत्तो, धी धी मह जीविअव्वस्स | ॥५८॥ |
| जं सरिसे वि ह मणुअत्तणम्मि, तुल्ले अ इंदिअग्गामे । भिक्खाए जियामि अहं, इमे अ धन्ना पचिलसन्ति | ॥५९॥ |

एगे वहन्ति सोमं, अज्ज न अम्हेहिं किंपि दिन्नं ति । अज्ज न किं पि हु लद्धं, अहं तु एवं किलिस्सामि ॥६०॥
 छडिडज्जइ धम्मकए, एगेहिं समुद्धरा वि नियरिद्धी । बहुठाणज्जजरं पि हु, न चइज्जइ कप्परं पि मए ॥६१॥
 एगे खिवन्ति चक्खुं, सन्तीसु वि नेव पवरतरुणीसु । संकप्पोवगयासु वि, अहं तु तोसं परिवहामि ॥६२॥
 जच्चकणगच्छविं पि हु, एगे जंपति असुइयं देहं । रोगसयविहुरियं अप्प-णो य तमहं तु सलहेमि ॥६३॥
 जय जीव नन्द एवं, एगे थुच्चन्ति मागहजणेण । अक्कोसिज्जामि अहं तु, निन्निमित्तं पि भिक्खमओ ॥६४॥
 परुसं पि पर्यपन्ता, जणन्ति एगे जणाण परितोसं । आसीसाउ दिन्तो वि, अद्धचंदं लहामि अहं ॥६५॥
 इय पउरपावणिहिणो, निहीणचिट्ठस्स रोगविहुरस्स । पव्वज्ज च्विय उचिया, जम्हा तीए वि किच्चमिणं ॥६६॥
 मलमलिणसरीरत्तं, भिक्खावित्ती य भूमिसयणं च । परवसहीसु निवासो, सया वि सीउण्हसहणं च ॥६७॥
 निक्किंचयणा खन्ती, परपीडावज्जणं किसतणुत्तं । जम्मसमणन्तरं चिय, एयं तु सहावसिद्धं मे ॥६८॥
 एयं च कुणइ सोहं, परमं लिंगिस्स न उ गिहत्थस्स । अणुरुवट्ठाणगया, सच्चं दोसा वि होन्ति गुणा ॥६९॥
 इय चिन्तिज्जण तुमए, परमं वेरग्गमुच्चहन्तेण । गहिया तावसदिक्खा, कयं च दुक्करतवच्चरणं ॥७०॥
 अह पज्जन्ते मरिउं, जंबुदीवमि भारहे वासे । वेयड्ढम्मि गिरिवरे, रहनेउरचक्कवालपुरे ॥७१॥
 चण्डगइनामथेयस्स, पवरविज्जाहरस्स भज्जाए । विज्जुमईए गम्भे, पाउम्भुओ सुयतेण ॥७२॥
 उचियसमए पसूओ, कयमभिहाणं च कुलिसवेगो ति । अच्चन्तासुरुवतणू, कुमारभावं समणुपत्तो ॥७३॥
 सिक्खविओ सयलकला-कलायकोसल्लमप्पकालेण । नहगमणप्पमुहाओ, विज्जाओ वि हु अणेगाओ ॥७४॥
 अह जणनयणाणन्दं, मणस्सिणीमाणकुमुयमायंडं । तरुणतणमणुपत्तो, रेहसि मयरद्धओ व्व तुमं ॥७५॥
 समवयमिताणुगतो, गउ व्व तियचच्चरेसु सरसीसु । निस्संक्कं भमसि पुरे, पउरेसुं काणणेसुं पि ॥७६॥
 अह अन्नया कयाई, तुमए ओलोयणट्ठिया दिट्ठा । हेमप्पहविज्जाहर-धुया सुरसुंदरीणामा ॥७७॥
 तीसे य जोव्वणेणं, लायणेणं च रुवविहवेणं । सोहग्गेण य हिययं, सुहय! तुहायडिडयं दूरं ॥७८॥
 तीए वि हु तुह दंसणवसेण, वियसन्तणयणकमलाए । कूसुमाउहो वि वज्जा-उहो व्व मयणो पवित्थरिओ ॥७९॥
 नवरं समीवसंठिय-सहीण लज्जाए रुंभियवियारा । नीलुप्पलमुवदंसइ, सा तुह अग्घायणमिसेण ॥८०॥
 कसिणाए रयणीए, संकेओ सूइओ इमीए ति । हरिसभरनिब्भरंगो, तुमं गतो णिययभवणंमि ॥८१॥
 तो कयदिणकायव्वो, णियणियगेहेसु पेसियवयस्सो । खग्गसचिवो निसीहे, नीहरिओ णिययगेहातो ॥८२॥
 केण वि अमुणिज्जन्तो, तेणेवोलोयणेण सणियपयं । पविसिन्ता सेज्जाए, तीए समीवे निसन्नो सि ॥८३॥
 सो एस दिवसदिट्ठो, पवरजुवाणो ति जायहरिसाए । नियदइयणिच्चिसेसा, तुज्झ कया तीए पडिबत्ती ॥८४॥
 अह अवरोप्परसविलास-वयणगोट्ठीए गमिय खणमेगं । तुमए भणियं हे सुयणु!, विसरिसं दीसइ तुहेमं ॥८५॥

तहाहि —

कह पहसियससिजोण्हा-देहसिरी कह व भुयगभीमोडयं । रेहइ चिहुरचओ तुह, वेणीबंधेण संजमिओ ॥८६॥
 कह लक्खणेहिं लक्खि-ज्जसे तुमं विज्जमाणनाह व्व । अप्पतपणइसंगम-सुहं च कह नज्जइ सरीरं ॥८७॥
 ता कहसु सुयणु! परमत्थं, किं सो पई तए चत्तो । अहवा चत्ता सि तुमं, अन्नासतेण तेणेव ॥८८॥
 अह तीए थेवमउलिय-लोयणनलिणाए जंपियं एयं । हे सुहय! सुणसु एत्थं, परमत्थं विसरिसत्तम्मि ॥८९॥
 आरुडजोव्वणा हं, इहेव विज्जाहरिंदपुत्तेणं । कणगप्पहनामेणं, उव्वूढा गाढपणएणं ॥९०॥
 परिणयणाणंतरमवि, मह दोसा वेयणीयवसओ वा । दाहज्जरेण गहिओ, स महप्पा जलणतुल्लेण ॥९१॥
 तो उव्वेल्लइ कंपइ, दीहं नीससइ चिरसमारसइ । सिहितावियलोह^३कवल्लि-मज्झखित्तो व्व अणवरयं ॥९२॥
 पारद्धा य अणेगे, तप्पिउणा रोगपसमणनिमित्तं । विविहोसहप्पओगा, परिचत्तासेसकज्जेणं ॥९३॥
 तं नत्थि ओसहं नत्थि, सो मणी सा न विज्जए विज्जा । विज्जा वि नत्थि ते जे, न तत्थ वावारिया पिउणा ॥९४॥
 पम्मुक्कपाणभोयण-ण्हाणविलेवणपमोक्खकायव्वो । सोगभरगम्भिरगिरो, रुयइ य पासट्ठिओ सयणो ॥९५॥
 जणणी वि से अविच्छिन्न-सोगवसनिस्सरन्तनयणजला । नज्जइ दिट्ठिजुगोइन्न-सिन्धुंगापावाह व्व ॥९६॥

तप्पणइजणो वि दढं, तम्मइ निम्मायपेमसच्चस्सो । तिच्चवणहच्चवाहोव-दद्धखाणु च्च विच्छाओ ॥१७॥
इय तस्स आवयाए, विमणुम्मणयम्मि नयरिलोयम्मि । कीरन्तेसु य विविहेसु, देवउचजाइयसएसु ॥१८॥
अवि अहिययरं वुडिंढ, वच्चंते पइखणं पि दाहजरे । पम्मक्कजीवियासे, नियत्तमाणम्मि वेज्जगणे ॥१९॥
तेण परिचिन्तियम्मिं, अहो न केणइ कहंपि साहारो । कीरइ विहुरावडियस्स, थेवमेतं पि जीवस्स ॥२०॥
अइवच्छला वि निद्धा वि, बंधवा जणणिजणगसहियावि । आवयकूवावडियं तडडिया, आवयकूवावडियं च्च सोयंति ॥२१॥
थेवं पि जत्थ जायइ, जियस्स कत्तो वि नो परित्ताणं । तत्थवि वसंति लोगा, अहो महं मोहमाहप्पं ॥२२॥
जइ कह वि य दाहजरो, ममं इमो उवसमेज्ज थेवंपि । ता उज्झियसयणधणो, जिणदिक्खं अणुसरामि ति ॥२३॥
अह विहिवसेण दिब्बो-सहाइविरहे वि सो णिरायंको । जाओ संतो सयणे, मोयाविय बहुपयारेहिं ॥२४॥
पवज्जं पडिवन्नो, गुणसागरसूरिणो सयासंमि । छट्ठमाइदुक्कर-तवचरणपरो य विहरित्था ॥२५॥
इय भो महायस! तए, मह विसरिसरुवयं समुद्विस्स । पुट्टं जं तं सिट्टं, सच्चं पि मए जहायितं ॥२६॥
एवं सोच्चा महसेण-राय! तुमए विचिंतियं तइया । धी धी अणज्जकज्जा-सत्तं पुरिसत्तणं मज्झ ॥२७॥
धी धी बुद्धीए वि हु, निवडउ वज्जासणी गुणगिरिंमि । सत्थत्थपारगतं पि, जाउ पापालमूलंमि ॥२८॥
पविसउ दरीए उताम-कुलजम्मसमुब्भवो य अभिमाणो । नीई वि वराई पुरिस-पवरमवरं अणुसरेउ ॥२९॥
जो वंतमिमं तेणं, पुरिसप्पयरुत्तमंगरयणेण । सेविउमहं समीहामि, सारमेओ च्च निल्लज्जो ॥३०॥
सो धण्णो कयपुण्णो, सफलं तस्सेव माणुसं जम्मं । सरयणिसायरधवला, पत्ता तेणं चिय पसिद्धी ॥३१॥
णियकुलनहयलचंदो, सो च्चिय कणगप्पभो परं एक्को । लीलाए जेण दलिओ, घोरमहामोहपडिवक्खो ॥३२॥
हे पावहियय! एवंविहाण, पुरिसाण सुणिय सच्चरियं । पररमणीपरिभोगे, सुमुणिणिसिद्धे कहं रमसि ॥३३॥
जाउ वि लडहलायन्न-पुत्रसच्चंगियाउ पयईए । सोहग्गसमुग्गाओ, मणहरसच्चंगचेट्टाओ ॥३४॥
पयईए च्चिय सदाइ-विसयसुंदरसीमभूमीओ । दीसंतकंतसच्चंग-संगिसिंजारगरुईओ ॥३५॥
वम्महनिहीसु तासु वि, मा मण! तं रमसु णियधरमणीसु । पवणपकंपिरपिप्पल-पत्तसमुतालचित्तासु ॥३६॥
अन्नं च —

जाणसि तुच्छमिह सुहं, जाणसि दुक्खं पि मेरुगिरिगरुयं । जाणसि य चलं जीयं, जाणसि तुच्छाओ लच्छीओ ॥३७॥
जाणसि अथिरा नेहा, जाणसि खणभंगुरं समत्थमिमं । तह वि हु गिहयासं कीस? जीव! नो चयसि एताहे ॥३८॥
इय निरवग्गहवेरग्ग-मग्गपडिलग्गचित्तपसरेण । आबद्धकरयलंजली, भणिया सा ससिमुही तुमए ॥३९॥
हे सुयणु! तुमं जणणी, तुज्झ पई जो य सो ममं जणगो । जस्सुद्धरिओउहमकिच्च-कूवया चरियरज्जूए ॥४०॥
एत्तो य मह विरागो, वट्टइ संसारिएसु किच्चेसु । तुममउवि महाणुभावे! पइमग्गं अणुसरेज्जासु ॥४१॥
जेण खरपवणताडिय-पल्लवचलमाउयं चला लच्छी । तडितरलं तारुणं, विसया वि विसं व दुहजणगा ॥४२॥
पियजणजोगो वि वियोग-विहुरिओ रोगभंगुरं गतं । अक्कमइ पइखणं परम-दारुणा वेरिणि च्च जरा ॥४३॥
अणुसासिऊण एवं, तीए गेहाओ इति नीहरिओ । तेणं चिय मग्गेणं, गतो तुमं णिययभवणम्मि ॥४४॥
तत्थ य ठियस्स तुज्झं, संसारासारयं णियंतस्स । वेयालियपुत्तेणं, पडिया एक्का इमा गाहा ॥४५॥
जह किंपि कारणं पा-विऊण जायइ खणं विरागमई । तह जइ अवडिया सा, हवेज्ज ता किं न पज्जतं ॥४६॥
एयं च तुमं सोच्चा, सविसेससमुल्लसंतसुईभावो । जाए पभायसमाए, अलहन्तो मंदिरम्मि रइ ॥४७॥
कइवयजणपरियरिओ, वणलच्छिं पेच्छिउं विणिक्खन्तो । अह एगत्थुज्जाणे, चारणसमणो तए दिट्ठो ॥४८॥
जो पसत्थगुणरयणमण्डणो, मोहमल्लदढदप्पखण्डणो । देहकंतिभुसियदिसामुहो, पावलोगसंगतिपरंमुहो ॥४९॥
जोगमग्गनिग्गहियमाणसो, कम्मवेरिजयपयडसाहसो । सोमयाए जणचित्तरंजणो, महिगतो च्च छणहरिणलंछणो ॥५०॥
अइविसिट्ठसुहलेससंगओ, भव्वलोयपायडियमग्गओ । कोहमाणभयलोहवज्जिओ, नेव वाइनिवहेण निज्जिओ ॥५१॥
एक्कचलणनिमित्तंभारओ, सूरसंमुहकयउच्छित्तारओ । सेलरायसिहरं व निच्चलो, काउस्सग्गतो सत्तवच्छलो ॥५२॥
तं एवंविहगुणसं-गयं मुणि पेच्छिउं वियसियच्छो । पाएसु तुमं पडिओ, एवं भणिउं पवत्तो य ॥५३॥
भयवं! सियमग्गुवदं-सणेण मम संपयं कुण पसायं । तुह पयजुयचिन्तामणि-पलोयणं होउ मा विहलं ॥५४॥

एवं भणिए पारा-विऊण उस्सग्गमुग्गकरुणाए । जोगो ति कलिय तेणं, भणियं भो भव्व! निसुणेसु ॥३५॥
 एत्थं अपोरपारे, संसारे दुक्खलक्खपउरम्मि । पाविज्जइ मणुयत्तं, जीवेहिं कहवि तुडिजोगा ॥३६॥
 तत्थ वि आरियदेसो, देसे वि हु वरकुलाइसामग्गी । तत्थ वि सोहग्गोवरि-मंजरिसरिसो य जिणधम्मो ॥३७॥
 जम्हा नरसुरलच्छी, लब्भइ मणुयत्तमवि य तुडिजोगा । न वि लब्भइ जिणधम्मो, अचिन्तचिन्तामणीकप्पो ॥३८॥
 एवं च रयणनिहिलाभ-संनिभं पाविऊण तं कह वि । जो नेइ विफलमइतुच्छ-विसयवासंगवामूढो ॥३९॥
 सोऽणंतवारमणवरय-जम्मजरमरणवारिपडिहत्थं । बहुरोगमयरभीमं-भवन्नवं सेवइ चरागो ॥४०॥
 को नाम किर सकण्णो, सुदीहकालं किलिस्सिउं कह वि । पत्तो सुवण्णकोडिं, हारति तं कागणीए कए ॥४१॥
 किंच --
 धम्मत्थकाममोक्खा, चउरो किर होंति एत्थ पुरिसत्था । ताण पुण सेसपुरिसत्थ-हेउभावो वरो धम्मो ॥४२॥
 तं पुण मिच्छत्ततमोह-मोहिओ णो जहट्टियं जीवो । नाउं सक्को परिपीय-पउरमइरारसो व्व नरो ॥४३॥
 ता भो महायस! तुमं, उज्झियमिच्छत्तसव्वकायव्वो । जिणमेक्कं चिय देवं, मुणिणो गुरुणो य सरिऊण ॥४४॥
 पाणिवहमुसावायं, अदतमेहुणपरिग्गहारंभं । मुंचसु इमम्मि मुक्के, जीवो मुच्चइ भवभएण ॥४५॥
 न य एत्तोच्चिय धम्मो, अन्नो भुवणत्तए वि अत्थि वरो । न य एययिउत्तेणं, मोक्खसुहं लब्भइ कहं पि ॥४६॥
 न य निस्सारस्स, सरीरयस्स एयस्स धुवविणासिस्स । धम्मोवज्जणमेक्कं, मोत्तूणउवरं फलं अत्थि ॥४७॥
 खरपवणपहयपउमिणि-दलगलग्गंबुबिंदु व्व चलस्स । न य धम्मजणणविरहे, किं पि फलं जीवियस्सावि ॥४८॥
 पडिपुन्नमिमं धम्मज्जणं च, नो सव्वविरतिविमुहेण । काउं तीरइ न य एय-विरहेणं लब्भए मोक्खो ॥४९॥
 न य तदभावे च सुहं, नीसेसकीलेसलेसपरिहीणं । एगन्तियमच्चन्तिय-मणंतमन्नत्थ संभवइ ॥५०॥
 इय एवंचिहसोक्खं, मोक्खं जइ वंछसे तुमं लद्धं । ता जिणदिक्खानावं, घेतूण भवन्नवं तरसु ॥५१॥
 इय वुत्ते हरिसवसुच्छलन्त-पुलएण भत्तिपणएण । तुमए गहिया दिक्खा, तस्स समीवे मुणिवरस्स ॥५२॥
 अह पट्टियसयलसत्थो, सुणिउण मइमुणियसव्वपरमत्थो । छज्जीवरक्खणपरो, गुरुकुलवासम्मि णिवसन्तो ॥५३॥
 विविहतवच्चरणाइं, कुणमाणो गुरुगिलाणबालाणं । उवयारे वट्टन्तो-निंदन्तो पुव्वदुच्चरियं ॥५४॥
 अपुव्वापुव्वगुणज्जणम्मि, अब्भुज्जमं परिवहन्तो । सविसेसपसमपीऊस-पसमियासेसकोहग्गी ॥५५॥
 निग्गहिइंदियवग्गो, चिरकालं पालिऊण पव्वज्जं । कयपज्जन्ताणसणो, देवो जातोऽसि सोहम्मे ॥५६॥
 सा वि सुरसुंदरी तदिणाउ, आरब्भ विहियपव्वज्जा । पुव्वसिणेहवसेणं, तुह देवितेण उववन्ना ॥५७॥
 जातो च मए सद्धिं, पडिबंधो कोइ तुज्झ अइगरुओ । खणमवि वियोगदुक्खं, असहंताण य गतो कालो ॥५८॥
 चवणसमए य तुमए, नीओऽहं केवलिस्स पासम्मि । आपुच्छिओ य भयवं, पुव्वभवे भाविजम्मं च ॥५९॥
 तेणावि गयपमोक्खा, अस्संखसुतिक्खदुक्खपडिबद्धा । पुव्वभवा परिक्हिया, इमो य भाविनरिंदभवो ॥६०॥
 तो तुमएऽहं भणिओ, जोडियकरसंपुडेण ससिणेहं । मा काहिसि वंझमिमं, अपच्छिमं पत्थणं सुहय! ॥६१॥
 जइया हं नरनाहो, होमि महाविसयसंगवामूढो । गयपमुहभवेहिं तया, तुमए पडिबोहियव्वो ति ॥६२॥
 पावट्टाणपसत्तो, अपत्तजिणधम्मसारचारित्तो । मा निवडिस्सामि पुणो वि, दुक्खवसीमासु कुगईसु ॥६३॥
 पडिचन्नमिमं च मए, चुओ तुमं एस पत्थिवो जातो । सा पुण देवी भज्जा, कणगवई नाम तुह जाता ॥६४॥
 पाएण नेव सुहिणो, सोउं पि हु अहिलसन्ति धम्मगिरं । इय सुदुहट्टस्स मए, तुह सिट्ठो एस वुत्तन्तो ॥६५॥
 ता सोऽहं तुह मित्तो, सो य तुमं ते इमे य पुव्वभवा । जं बहुगुणोववेयं, तं इत्तो कुण महाभाग! ॥६६॥

“महसेनस्यचिन्तनम्” —

इय कहिए महसेणो, जाइं सरिऊण निरवसेसंपि । मुच्छानिमीलियच्छो, निदोवगओ व्व ठाइ खणं ॥६७॥
 अह सिसिरपवणपरिलद्ध-चेयणो भालनिमियकरकमलो । सायरकयप्पणामो, राया तं भणिउमाढत्तो ॥६८॥
 पडिचन्नभरुव्वहणेण, सुहय! तुमए न केवलं सग्गो । समलंकिओ विरायइ, ओइन्नेणेह धरणी वि ॥६९॥
 जइ वि तुह पणयवच्छल्लयाए, तुच्छं तिलोयदाणमवि । पच्चुवयारी होहामि, कहमहं तह वि इइ कहसु ॥७०॥

| | |
|-------------------------------------------------------------------------------------------------|------|
| भणियं सुरेण जइया, जिणपयमूले पवज्जिहिसि दिक्खं । पच्चुवयारी नरवर!, होहिसि निस्संसयं तइया ॥७१॥ | ॥७१॥ |
| एवं काहं ति पयंप-माणमुवलद्धसुद्धसम्मत्तं । मोत्तुं सगिहम्मि निव, जहागयं पडिगओ तियसो ॥७२॥ | ॥७२॥ |
| राया वि विम्हियमणो, नियनियठाणत्थसुहडकरितुरगं । भवणं देविं च पलो-इऊण चित्तेउमाढत्तो ॥७३॥ | ॥७३॥ |
| देवाणमहो सत्ती! तहाविहं दंसिऊण उड्डमरं । तह उवसामं नीयं, जह न मुणइ पेच्छगो वि जणो ॥७४॥ | ॥७४॥ |
| एवंविहं सुपामत्थ-सुन्दरं सुरभवं सरन्तस्स । माणुस्सएसु किच्चेसु, जीव कह तुज्झ रमइ मई ॥७५॥ | ॥७५॥ |
| कह वा वि वंतपित्तासुईसु, दुग्गन्थमलविलीणेषु । भोगेषु पडिबन्धो, उप्पज्जइ तुज्झ निल्लज्ज! ॥७६॥ | ॥७६॥ |
| किं वा खणभंगुररज्ज-विसयवाचारचित्तणं मोत्तुं । अणवरयमिमं चिय मोक्ख-हेउभूयं ण पत्थेसि ॥७७॥ | ॥७७॥ |
| किं होही तं सुदिणं, सच्चं संगं जहिं विमोत्तूणं । मिग्गचारियं चरिस्सामि, सुमुणिपयसेवणासत्तो ॥७८॥ | ॥७८॥ |
| का होही सा सुनिसा, जीए कंडूयणइया वसभा । घट्टिस्सन्ति नमंउगं, उस्सग्गट्टियस्स थाणुं च ॥७९॥ | ॥७९॥ |
| को वा सो सुमुहुत्तो, होही खलियाईदोसपामुक्कं । आयारप्पमुहमहं, जम्मि सुत्तं पडिस्सामि ॥८०॥ | ॥८०॥ |
| को वा सा चेला वि हु, होही जीए य पक्खिविस्सामि । देहविणासपसत्ते वि, करुणभरमंथरं दिट्ठि ॥८१॥ | ॥८१॥ |
| कइया व थेवखलिए वि, परुसवयणेहिं बोहिओ सन्तो । हरिसभरनिब्भरंगो, गुरुण सिक्खं गहिस्सामि ॥८२॥ | ॥८२॥ |
| होही य को स समओ, जम्मि इह-परभवेसु णिरवेक्खो । आराहणमाराहिय, पाणच्चायं करिस्सामि ॥८३॥ | ॥८३॥ |
| इय संवेगोवगओ राया जा चिन्तए रवी ताव । सविसेसमणिच्चं उव-संसिउं अत्थमणुपत्तो ॥८४॥ | ॥८४॥ |
| १सूरारुणकरपहकर-करंबिओ सहइ तयणु जियलोओ । जयकवलणमणकीणास-चक्खुपहपसररुद्धो च ॥८५॥ | ॥८५॥ |
| कुणह जणा! अत्तहियं, एस विसप्पइ तमो कयंतो च्च । इय विहगकलयलेणं, कहइ च संझा वियंभंती ॥८६॥ | ॥८६॥ |
| विहलियदोसावेसो, अवहत्थियतमभरो मुणिजणो च्च । विप्फुरइ पयडमाहप्प-निम्मलो तारयसमूहो ॥८७॥ | ॥८७॥ |
| कालपरिणामविहडिय-पुव्वदिसासिप्पिसंपुडुल्लसिओ । मुत्ताहलनिउरंबो च्च, सीयकिरणो वि उग्गमइ ॥८८॥ | ॥८८॥ |
| एवं विह निसिसमए, जाए काउं पओसकिच्चाइं । सुहसेज्जाए निसत्तो, नरनाहो चिन्तए एवं ॥८९॥ | ॥८९॥ |
| पुरनगरखेडकब्बड-मडंबगामासमाइणो धन्ना । ते जेसु जिणो विहरति, भुवणगुरु सिरिमहावीरो ॥९०॥ | ॥९०॥ |
| जइ सो भयवं भुवणेक्क-बंधवो एज्ज एत्थ नयरीए । ता पव्वज्जं घेतुं, दुक्खाण जलंजलिं देमि ॥९१॥ | ॥९१॥ |
| इय नरवइणो चिन्तागयस्स, निद्दाए अविरइए च्च । पडिवक्खकोवियाए, चिन्तापसरो पडिनिरुद्धो ॥९२॥ | ॥९२॥ |
| अह पच्छिमरयणीए, अत्ताणं दुग्गपव्वयसिरम्मि । आरोहियमुत्तमबल-जुएण पुरिसेण सुमिणम्मि ॥९३॥ | ॥९३॥ |
| दट्ठूणं नरनाहो, मंगलजयतूरघोसपडिबुद्धो । चिन्तइ परमब्भुदओ, होही धुवमज्ज मह को वि ॥९४॥ | ॥९४॥ |
| किंतु मम पव्वयारोहणेण, जो वट्टिओ महाभागो । उवयारेण स नज्जइ, परमब्भुदएक्कहेउ ति ॥९५॥ | ॥९५॥ |
| एवं विगप्पमाणस्स, भूमिनाहस्स झत्ति आगंतुं । सिररइयपाणिकमला, पडिहारी भणिउमाढत्ता ॥९६॥ | ॥९६॥ |
| देव! दुवारे उज्जाण-पालया तुम्ह दंसणट्टाए । करकलियकुसुममाला, चिट्टन्ति किमेत्थ कायच्चं ॥९७॥ | ॥९७॥ |
| रत्ता जंपियमाणेहि, झत्ति तो सा पडिच्छिउं आणं । उज्जाणपालगे लहु, घेतुं पत्ता निवसमीवं ॥९८॥ | ॥९८॥ |
| उज्जाणपालगेहिं, कयप्पणामेहिं अप्पिउं कुसुमे । सिरसि विरइयंजलीहिं, पयंपियं जयसि तं देव! ॥९९॥ | ॥९९॥ |

“श्रीवीरजिनागमनम्” —

| | |
|-----------------------------------------------------------------------------------------|-------|
| वद्धाविज्जसि य जओ, तइलोककदिवायरो महावीरो । तिहुअणसरपरिसरकुमुय-विब्भमब्भमिरजसपसरो ॥४००॥ | ॥४००॥ |
| उत्ततयपिसुणियसग्ग-मच्चपायालपवरसामित्तो । सालतयपरिवेडिय-मणिमयसीहासणासीणो ॥१॥ | ॥१॥ |
| हरिसुद्धरसुरपक्खित्त-पउरकुसुमंजलीहिं अग्घविओ । संसयवुच्छेयसमत्थ-सत्थवित्थरियथम्मकहो ॥२॥ | ॥२॥ |
| सहरिससुरचइकरविहय-कुमुयहिमगोरचामरुप्पीलो । उम्मिल्लपवरपल्लव-कंकल्लिपसाहियदियंतो ॥३॥ | ॥३॥ |
| मायंडपयंडपरिप्फुरंत-भामंडलोवहयतिमिरो । सुरपहयदुंदुहीरव-पयडियअप्पडिमरिउविजओ ॥४॥ | ॥४॥ |
| गणणाइक्कन्तसुरासुरिंद-संदोहपणयपयपउमो । सयमेव समोसरिओ, सरणागयवच्छलो भयवं ॥५॥ | ॥५॥ |
| एवं सोच्चा अच्चन्त-पहरिसुप्पन्नबहलपुलयंगो । करकमलनिलीणं पिव, मत्तंतो तिहुयणसिरिं पि ॥६॥ | ॥६॥ |

| | |
|---------------------------------------------------------------------------------------------------------|--|
| सो एस जिणो सुमिणम्मि, जेण आरोहिओ ण्हि गिरिसिहरे । संसारपारगामी, भवामि एत्तो ति चिन्तन्तो ॥७॥ | |
| अद्धतेरसलक्खे, रययस्स पणामिउं निवो तेसिं । पीईदाणं तो सिग्घ-मेव करिकम्भरारुद्धो ॥८॥ | |
| सयलंतेउरपुरलोय-परिगओ मागहेहिं थुच्चंतो । निक्खंतो णयरीओ, वंदणवडियाए जयगुरुणो ॥९॥ | |
| दूराउ च्चिय छत्ताइ-छत्तमालोइउं च हिट्टमणो । पम्मक्करायचिंधो, पंचविहाभिगमसंजुतो ॥१०॥ | |
| अेसरणे पविसित्ता, उत्तरदिसिसंठिएण दारेण । हरिसवसवियसियच्छो, सामिं तिपयाहिणेऊण ॥११॥ | |
| महियिट्टचुंबिणा मत्थ-एण पुणरुत्तविरइयपणामो । भालयलारोवियपाणि-पल्लवो थुणिउमाढतो ॥१२॥ | |
| जय यिमलकेवलालोय-दलियमिच्छत्तभीमतमपसर! । पसरंतुम्भडकलिकाल-मेहविद्ववणखरपवण! ॥१३॥ | |
| खरपवणबलिनदियतुरय-वग्गनिग्गहणतिहुअणपसिद्ध! । तिहुयणपसिद्धसिद्धत्थ-रायकुलकमलमायंड! ॥१४॥ | |
| मायंडुड्डामरगुरुपयाव-पडिहयकुत्तिथिविप्फुरण! । रणरोगासिवपसमण-सहेक्कनामग्गहण! देव! ॥१५॥ | |
| देविन्दविन्दवन्दिय! दढरागद्दोसदारुकरवत्ति! । करवत्तिनिच्चुइंसुह! जयसि तुमं जिण! महावीर! ॥१६॥ | |
| उवसग्गवग्गनिक्खोभयाए, कह मेरुणोचमा होज्ज । तुह देव! चलियचलणं-गुलीए हलहलियसिहरेण ॥१७॥ | |
| कह तेजसोमयासु वि, उवमिज्जसि नाह! तं रविससीहिं । दिणरयणीण चिरामे-जेसिं सिरी दूरमुचरमति ॥१८॥ | |
| कह वा तेण तुलिज्जति, तुह जिण! गंभीरिमावि जलनिहिणा । जो दुड्डसत्तकयखोभ-णं पि णो गोविउं तरति ॥१९॥ | |
| इय दूरमसारिच्छे, उवमाणे जइ परं भुचणनाह! । तुमए च्चिय तुममुवमि-ज्जसि ति मह चित्तसंवित्ती ॥२०॥ | |
| एवं थोऊण जिणं, गोयमपमुहे य गणहरे नमिउं । राया पसन्तचित्तो, तयणु निविट्टो महीचट्टे ॥२१॥ | |
| तो जयगुरुणा नरतिरिय-देवसाहारणाए थाणीए । पारद्धा धम्मकहा, कहिउं पीऊसवुट्टिसमा ॥२२॥ | |
| कहं— | |
| “धर्मदेशना” — | |
| हंहो देवाणुपिया, जइ वि हु तुज्जेहिं जलहिपम्भट्टं । रयणं पिव मणुयत्तं, संपत्तं कहवि तुडिजोगा ॥२३॥ | |
| जइ वि हु मणवांठियसयल-वत्थुसत्थेक्कसाहणसमत्था! । चिन्तामणि च्च भुयदंड-चंडिमावज्जिया लच्छी ॥२४॥ | |
| जइ वि हु णो पेच्छिज्जति, तुच्छं पि हु पुत्तपगरिसवसेण । इट्टवियोगाणिट्ट-प्पओगपमुहं च किंपि दुहं ॥२५॥ | |
| जइ वि हु विसट्टकन्दोइ-दामदीहच्छियासु तरुणीसु । उवरमइ न थेवं पि हु, अच्चन्तं गाढपडिबंधो ॥२६॥ | |
| रागद्दोसविउत्तं, खणमेक्कं तह वि माणसं काउं । परिचित्तह एयाणं, सरुवमिय णिउणबुद्धीए ॥२७॥ | |
| एत्थ भवम्मि पत्तं पि, कह वि मणुयत्तमकयधम्मणेण । एमेव हारियं पुण, पाविज्जति कहवि तुडिजोगा ॥२८॥ | |
| पुढवाइएसु जम्हा, जीवो परिवसति कालमस्संखं । तं चेव अणंतगुणं, वणस्सइम्मि गतो सन्तो ॥२९॥ | |
| अन्नासु वि विविहासुं, निंदियजोणीसु णेगवारा तो । जीवस्स भमन्तस्स, कत्तो च्चिय एयसंपत्ती ॥३०॥ | |
| अयि लम्भन्ति समत्थाइं, सेसमणवांठियाइं कज्जाइं । सिवसोक्खसाहणखमं, एयं पुण नूण दुल्लंभं ॥३१॥ | |
| जा वि हु गरुयकिलेस-प्पसाहिया दुक्खरक्खणिज्जा य । सयणनरनाहतक्कर- ^१ तक्कुकुयसाहारणा लच्छी ॥३२॥ | |
| आवयणिबंधणाए संमोहकरीए एगभवियाए । सरयम्भं व चलाए, विहलो तीए वि परित्तोसो ॥३३॥ | |
| जं पि य कहंपि संपइ, इट्टवियोगाइ नायडइ दुक्खं । किं एत्तियमेतेण वि, तस्साभावो सया जातो ॥३४॥ | |
| जम्हा सिद्धे मोत्तुं, अन्नो सो नत्थि तिहुयणे वि जणो । सारीरमाणसाइं, जस्स वियंभंति न दुहाइं ॥३५॥ | |
| एत्तो च्चिय मुणिवसभा, सब्बं संगं विवज्जिउं दूरे । अब्भुज्जमन्ति भवभीरु-माणसा मोक्खसोक्खत्थं ॥३६॥ | |
| जइ पुण इट्टवियोगाइ, नेव थेवं पि होज्ज इह दुक्खं । तो नो करेज्ज दुक्कर-तवचरणं को वि मोक्खकए ॥३७॥ | |
| एयं च चिन्तह दढं, पडिबंधो जो य एस रमणीसु । सो किंपाकफलं पिव, मुहमहुरो अंतविरसो य ॥३८॥ | |
| अस्संखभवपरंपर-परिचयकरी सुहासयविदारी । सुमुणिजणवज्जणिज्जा, मणसा वि य नेव सरणिज्जा ॥३९॥ | |
| जं किं पि एत्थ वसणं, दुक्खं जं किं पि जं च वयणिज्जं । सब्बस्स तस्स मूलं, एसा च्चिय गिज्जए एक्का ॥४०॥ | |
| भवसायरस्स धारं, ते च्चिय पत्ता पवित्तिया धरणी । तेहिं चिय सच्चरिएण, जेहिं चत्ता इमा दूरं ॥४१॥ | |
| इय भो महाणुभावा!, सुणिउणबुद्धीए चिन्तइत्ताणं । अणुसरह सरहसं धम्म-सारवाचारमणवरयं ॥४२॥ | |

एवं जिणेण कहिए, सविसेसमुल्लसन्तसुहभावो । राया कयप्पणामो, णिडालतडघडियकरकमलो ॥४३॥
जंपिउमाढतो जाव, नाह रज्जे ठवामि नियपुत्तं । ताव तुह पायमूले, पव्वज्जं संपवज्जामि ॥४४॥
भणियं तिहुयणगुरुणा, जुज्जइ तुम्हारिसाण राय! इमं । नहि विन्नायसरूवा, रमंति थेवं पि संसारे ॥४५॥
अह पणमियजिणचरणो, राया गंतूण निययभवणम्मि । सामन्तमंतिपमुहं, पवरजणं चाहारावेति ॥४६॥

“क्षमायाचना” एवं “हितशिक्षावर्णनम्” —

भणइ य स गगरगिरं, अहो ममिन्हिं पव्वज्जिउं दिक्खं । जाया बुद्धी ता अहि-वइतदप्पाउ मोहा वा ॥४७॥
जं चट्टियमवयारे, तुम्ह मए किंपि कहवि तं सब्बं । खमियव्वं तुम्भेहिं, वुड्ढिं नेयं च रज्जमिमं ॥४८॥
एवं ते अणुसासिय, महाविभूर्इए पुण्णदियहंमि । जायम्मि सुहमुहुत्ते, रज्जम्मि ठवेई जयसेणं ॥४९॥
सामंतमंतिमंडल-पमुहपहाणेण परियणेण समं । पणमिता सप्पणयं, कयंजली तमणुसासइ य ॥५०॥
जइ वि हु पयडीए च्चिय, सच्चरियालंकियस्स तुह वच्छ! । नो अत्थि सिक्खणिज्जं, तहयि अहं किं पि जंपेमि ॥५१॥
सामी मंती रट्ठं, जुग्गं कोसो बलं सुही चेव । अन्नोन्नवगारेणं, पुत्तय! सत्तंगरज्जमिमं ॥५२॥
अवलंबिऊण सत्तं, बुद्धीए जहोचियं च चिंतित्ता । सत्तंगस्स वि एयस्स, लाभहेउं जएज्ज तुमं ॥५३॥
तत्थप्पाणं पढमं, ठवेज्ज विणए तओ अमच्चे उ । ततो भिच्चे पुत्ते य, तयणु पच्छा पुण पयाओ ॥५४॥
उत्तमकुलप्पसुई, रुवं रमणीमणोहरणचोरं । सत्थपरिकम्मिया तह, मई य भुयबलं वच्छ! ॥५५॥
एसो य संपयं जो, विवेयमायंडगुंडणपयंडो । जोवणतमो वियंभइ, मोहमहामेहपडलघणो ॥५६॥
जा य बृहसलहणिज्जा, पयई आणा य पणइसिरवूढा । एयाणेक्केक्कं पि हु, सुदुज्जयं किं पुण समूहो ॥५७॥
गरुयविहलंघलत्तण- कारणदारेण दारुणो भुवणे । लच्छीमओ विपुत्तय! पुरिसं लहुएइ सयराहं ॥५८॥
किंच—

सुइवायदिट्ठिहरणे, नराण लच्छीए को विसंवायो । जं न कुणति गरलसहो-यरा वि मरणं तमच्छरीयं ॥५९॥
अन्नं च—

पुव्वकयकम्मपरिणति-वसेण विहवो कुलं चरं रुवं । संपज्जइ रज्जं पि हु, गुणहेऊ ण उण विणयगुणो ॥६०॥
ता उज्झिऊण दप्पं, विणयं सिक्खेसु नो मयं भयसु। विणयोणयाण पुत्तय!, जायन्ति गुणा महग्घविया ॥६१॥
भुवणयलम्मि वियंभइ, विउसाणणकोणपहयजसपडहो । धम्मो कामो मोक्खो, कला य विज्जा य विणयाओ ॥६२॥
विणएण लब्भइ सिरी, लद्धा वि पलाइ दुव्विणीयस्स । नीसेसगुणाहाणं, विणओ च्चिय जीवलोगम्मि ॥६३॥
किं बहुणा णत्थि जए, तं जं नो जायए इमार्हितो । तम्हा सिक्खसु विणयं, पुत्तय! कल्लाणकुलभवणं ॥६४॥
तहा—

सत्तट्ठिईए गोत्तट्ठिईए, धम्मट्ठिईए अविरोहा । अत्थस्स अज्जणं जं, वद्धणमह रक्खणं जं च ॥६५॥
सम्मं च जं सुपत्ते, विणियोगो रायवित्तमिय चउहा । एत्थं पि पयट्टेज्जासु, परमपयतेण पुत्त! तुमं ॥६६॥
सामं भेयं च उव-प्पयाणमह दंडमिय चउभेयं । निचनीई पियपुत्तय!, आराहेज्जासु इत्ति तुमं ॥६७॥
किंतु—

पढमाए असज्जे च्चिय, कज्जे बीयाइयाओ नीईओ । वावारेज्ज जहकमं, विचारइत्ता जहाजोगं ॥६८॥
जं सामनए सन्ते, सन्ते पुरिसाण भेयविन्नाणे । दाणे य संपडन्ते, को दंडे आयरं कुणइ ॥६९॥
अणुवत्तेज्जसु नीइं, पाणप्पियपणइणिं य णिच्चंपि । अन्नायं पुण रुंभेज्ज, सब्बहा दुट्ठसत्तुं य ॥७०॥

“विषविकारः वर्णनम्” —

वत्थन्नपाणभूसण-सेज्जाजाणाइएसु अपमत्तो । पेहेज्ज विसविगारं, च भिंगारायाइपक्खीहिं ॥७१॥
पयडीए भिंगराओ, सुगो तहा सारिया इमे विहगा । सन्निहियपन्नगविसा, करुणं कुव्वन्ति उव्विग्गा ॥७२॥
इत्ति विरज्जन्ति विसं, दट्ठूणं लोयणा चकोरस्स । नच्चइ फुडं च कुंचो, मरइ पुण मत्तकोइलओ ॥७३॥
भोत्तुमहिलसियमन्नं, थेवं हि परिक्खणत्थमग्गीए । पक्खिचिऊणं सम्मं, तल्लिंगाई पि पेहेज्जा ॥७४॥
धुमाभा जाला से, नीलत्तं अग्गिणो य फोडरवो । तल्लग्गमच्छियाईण, निच्छियं होइ मरणं च ॥७५॥

न तहा सुस्मिन्नतं, जलाविलतं तहा विवन्नतं । सिग्धं च सीयलतं, जायइ विसभावियन्नस्स ॥७६॥
 नीरस्स कोइलाभा, सविसस्स दहिस्स पुण भवे सामा । आयंवा दुद्धस्स य, मज्झमि होति रेहाउ ॥७७॥
 पमिलाणतं विसदूसियस्स, सब्वस्स अल्लदव्वस्स । सुक्कस्स' विवन्नतं, विवरीयतं खरमिऊणं ॥७८॥
 पाउरणत्थरणणं, झामप्पहमंडलाण बाहुल्लं । लोहमणिपमुहाणं तु, होइ मलपंककलुसतं ॥७९॥
 एवं सामन्नेणं, नाऊणं पुत्त! सुत्तजुत्तीए । विसदूसियदव्वाइं, दूरेणं परिहरेज्ज तुमं ॥८०॥

“पुत्रानुशास्तिः” —

अच्चन्तगूढमंतो, परिभागविऊ य देसकालाणं । सारत्थाणमदाई, दाई वि कहिं पि पत्तविऊ ॥८१॥
 सुपरिक्खियकज्जकरो, विसेसओ संधिविग्गहविऊ य । उचियन्नू य क्यन्नू, पियंवओ 'सव्वखेयन्नू ॥८२॥
 जिथनिद्वद्दुहपिवासो, सब्वपरीसहसहो सुसाहुव्व । अदुराराहो गुणिवच्छ-लो य तं वच्छ! होज्ज सया ॥८३॥
 मा पेडेज्ज य मइरा-मिगयाजूयाणि पुत्त! ततो जं । दीसंति सुणिज्जन्ति य इह-परलोगुम्भवाऽवाया ॥८४॥
 कोउयमेत्तं मोत्तुं, थीसु वि मा काहिसि अइपसंगं । वीसासं च बहुविहा, ताहिंतो वि हु जओ दोसा ॥८५॥
 तह कोहलोभभयदोह-थंभचवत्तवज्जिओ होज्जा । मच्छरपेसून्नपरो-वतावअलियत्तवज्जी य ॥८६॥
 सब्वासमवन्नाणं, णियणियठिइठावगो य होज्जाहि । दुट्ठाण णिग्गहं सिट्ठ-पालणं तह करेज्ज सया ॥८७॥
 तहा—

जइ होहिसि तिक्खकरो, उच्चियणिओ रवि व्व होहिसि ता । अच्चन्तमिउकरो, पुण पराभवट्ठाणमिंदु व्व ॥८८॥
 ता तिक्खमिउकरं तं, पुत्त! पयत्तेण दूरमुज्झित्ता । सब्वत्थ दव्वखेत्ता-इयाण वट्टेज्ज अणुरुवं ॥८९॥
 दीणाणमणाहाणं, परेहिं परिपीडियाण भीयाणं । सज्जो करेज्ज जणगो व्व, सब्वजत्तेण पडियारं ॥९०॥
 तह विविहवाहिणिहिणो, अज्जं कल्लं व धुवविणासिस्स । मा देहस्सावि कए, अहम्मकम्मे रमेज्जासि ॥९१॥
 को नाम कुलपसूओ, तुच्छसुहलेसमोहियमईओ । निस्सारसरीरकए वि, पाणिणो पुत्त! पीडेज्जा ॥९२॥
 गुरुदेवातिहिपूया-पडिवत्तिपरो य दव्वभायसुई । होज्जसु पियददधम्मो, धम्मियवच्छल्लकारी य ॥९३॥
 सब्वाओ वि पविती, सब्वसत्ताण सुहकए चेव । न य तं धम्माभावे, भवेज्ज ता पुत्त धम्मपरो ॥९४॥
 तह वच्छ तुमं मह किं गुणस्स, रयणीदिणाणि चोलिन्ति । इय सइ संनिहियमई, नासि दुही उभयलोगे वि ॥९५॥
 संवासं सीलगुणड्ढएहिं, तह संकहं वियड्ढेहिं । पीई अलुद्धबुद्धीहिं, वच्छ! निच्चं चिय करेज्जा ॥९६॥
 अप्पपसंसं च चएज्ज, पुत्त सप्पुरिसनिंदियं अहमं । विसमुच्छा इव पुरिसं, जा कुणइ विवेयनिस्सारं ॥९७॥
 अप्पपसंसा हि नरस्स, होइ चिंधं खु निग्गुणत्तस्स । जइ तस्स गुणा हुंता, ता नूण जणो वि सलहंतो ॥९८॥
 सयणे व परजणे वा, परपरिवाओ विवज्जणिज्जो ति । अप्पहियमहिलसन्तो, परगुणदंसी सया होज्ज ॥९९॥
 परगुणमच्छरभावो, सगुणपसंसा य पत्थणाकरणं । अविणीयत्तं पुत्तय! इमाइं गरुयं पि लहुइति ॥५००॥
 परनिन्दापरिहारो, सपसंसालज्जणं अणत्थित्तं । सुविणीयत्तं च पुणो, इमाइं लहुयं पि गरुइति ॥१॥
 परगुणगहणं छन्दाणु-वत्तणं हियमक्कक्कसं वयणं । सुपसन्नसरुवत्तं, अमंतमूलं वसीकरणं ॥२॥
 अन्नं च पुत्त! तुज्झं, पढमं चिय जह जरा किर मणम्मि । अल्लियई तओ देहे, तह कायव्वं तया वच्छ! ॥३॥
 निव्वाहियमइगहणं, विणाववाएण जोव्वणं जेण । दोसनिहाणे जम्मे, किमिय न पत्तं फलं तेण ॥४॥
 एस सुसीलसहावो, सत्थत्थविऊ य एस एस खमी । एस गुणी इइ कस्सवि, धन्नस्साघोसणा भमइ ॥५॥
 तह वच्छ तह 'सयम्मी, निवेसियव्वो गुणाण पब्भारो । दोसाण 'दुक्किराणवि, जह अवगासो च्चिय न होइ ॥६॥
 हियमियभोयणभोई य, तह हवेज्जासि जह न वेज्जेहिं । वाहिज्जसि किंतु धरेसि, नीतिमित्तेण ते पासे ॥७॥
 किं बहुणा—

पयडियपभूयपव्वो, पासनिवेसियसुपत्तसंताणो । पयइसरलो सुवंसो व्व, पुत्त! चट्टसु तुमं दूरे ॥८॥
 सोमो नयणाऽऽणंदी, कलालओ पइदिणं पवड्ढंतो । पुत्त! पयाणं चन्दो व्व, जलहिणो होज्ज वुड्ढिक्कए ॥९॥

1. सर्वखेदज्ञः = सर्वप्रकारगजशिक्षादिवेत्ता । 2. स्वस्मिन् । 3. दुक्किराणाम्-दुःखेन दूरीकर्तुं शक्यानामित्यर्थः ।

पयईए चेव गरुओ, पयईए चेव दढपइट्टाणो । पयईए थिरसहावो, पयईए सुवण्णरयणपहो ॥१०॥
 सुविसुद्धजाइवंसो, विबुहाणुगतो य लोयमज्झंमि । मेरु व्य तुमं पुत्तय!, अचलपहुत्तं चिरं धरसु ॥११॥
 गम्भीरिमोदयालं-कितो य गुणमणिणिही पडिच्छंतो । बहुनइनिवहं जलहि व्य, मा हु लंघेज्ज मज्जायं ॥१२॥
 इय महसेणनरिंदो, विविहजुत्तीहिं सिक्खविय पुत्तं । सामंतमंतिपमुहं, सप्पणयं भणइ पुरलोयं ॥१३॥
 एत्तो तुब्भं एसो, सामी चक्खू य मेढीभूतो य । ता एयस्साणाए, ममं व वट्टेज्जह सया वि ॥१४॥
 हासेण व कोहेण व, लोहेण व जं च दूमििया तुब्भे । रज्जोवगएण मए, तं पि य खमियव्यमेताहे ॥१५॥

“देव्यनुशास्तिः” —

कणगवई वि य भणिया, देवि! तुमं चयसु संपइ पमायं । अणुसरसु सव्वविरइं, विरमसु संसारवासाओ ॥१६॥
 किमिह पडिबन्धटाणं, सयणे य धणे य जोच्चणे य जहिं । अणवरयकयविणासो, वसति समीवे च्चिय कयन्तो ॥१७॥
 अहपव्वज्जम्भुज्जय-निववाणीवज्जताडिया देवी । बाहप्पवाहवाउल-विलोयणा जंपए एवं ॥१८॥
 देवी-थेरत्तसमुचियमिमं, को संपइ पत्थुयत्थपत्थावो । राजा-तं होज्ज न वा को मुणति, तडिल्लयाचंचले जीए ॥१९॥
 देवी-दुस्सहपरीसहे कहं, सहिही तुह सुंदरा सरीरसिरी । राजा-किं सुंदरत्तमेयाए, अट्टिचम्मावणद्धाए ॥२०॥
 देवी-कइयवि दिणाणि निवसह, सगिहे च्चिय कीस ऊसुगा होह । राजा-बहुविग्घे सेयत्थे, खणंपि कह णिवसिउं जुत्तं? ॥२१॥
 देवी-पेच्छह तहावि नियपुत्त-रज्जलच्छीए पवरविच्छइं । राजा-संसारंमि भमंतेहिं, णंतसो किं ठियमदिट्ठं ॥२२॥
 देवी किं दुक्करेण इमिणा, संतीए समुद्धराए रिद्धीए । राजा-सरयव्वभंगुराए, इमीए को तुज्झ वीसंभो ॥२३॥
 देवी-पंचप्पयारपवरे, अपत्तकालेवि चयसि किं विसए । राजा- मुणियसरुवो को ते, सरेज्ज पज्जंतदुक्खकरे ॥२४॥
 देवी-तइ पव्वज्जोवगए, सुचिरं परिदेविही सयणवग्गो । राजा- नियनियकज्जाइं इमो, परिदेवइ धम्मणिरवेक्खो ॥२५॥
 इय पव्वज्जापडिकूल-जंपिरं पेच्छिउं निवो देविं । जंपइ महाणुभावे!, एत्थ वि किं तुह रई जाया ॥२६॥
 किं पम्हुइं जं मज्झ-वयणओ इय भवाओ तइयभवे । गहिया तुमए दिक्ख्वा, पम्मुक्काडसेससंगाए ॥२७॥
 सोहम्मदेवलोए, देवित्तेणं च मज्झ उववन्ना । इण्हिं पुणो वि भज्जा, परूढदढपेमपडिबद्धा ॥२८॥
 इय जंपिरे नरिंदे, देवी अणुसरिय पुव्वभववित्तं । आबद्धकरयलंजलि-मुल्लविउमिमं समाढत्ता ॥२९॥
 नरनाह! जुण्णगोणि व्य, विसयपंकमि नूण 'खुत्ता हं । उवएसरज्जुणायडिढ-ऊण तुमए समुद्धरिया ॥३०॥
 इण्हिं चिय विप्फुरियं, विवेयरयणेण इण्हिं निन्नट्ठा । घरवासवासणा विय, इण्हिं मोहो मह पलीणो ॥३१॥
 ता जह पुव्वं तह संपयं पि, पडिवज्जिमो समणदिक्खं । सुमिणोवमेण एत्तो, पज्जत्तं गेहवासेणं ॥३२॥

“दीक्षाहेतुः प्रयाणः” —

इय तीए जंपियंमि, राया सविसेसवडिढउच्छाहो । कयमज्जणोवयारो, परिहियफलिहुज्जलदुगूलो ॥३३॥
 मोयावियचारगरुद्ध-बद्धअवराहकारिनरवग्गो । सव्वत्थ वि णयरीए, उग्घोसावियअमाघाओ ॥३४॥
 कारावियजिणमंदिर-पूयासक्कारपेच्छणाइमहो । ^२सुंकाइपरिच्चाया, धम्मियजणजणियपरितोसो ॥३५॥
 सम्माणियपणइजणो, ^३जंमगिरतक्कुर्याण दिण्णधणो । उचियपडिवात्तिपुव्वय-संभासियपयइवग्गो य ॥३६॥
 पासायसिहरपरिसंठिएहिं, हरिसुल्लसंतपुलएहिं । पेहिज्जंतो णयरी-जणेहिं दढमणिमिसच्छीहिं ॥३७॥
 सव्वभूयाहिं महत्थाहिं, हिययपरितोसकरणदक्खाहिं । वेयालियणिवहेणं, गिराहिं पवराहिं थुव्वंतो ॥३८॥
 देवीए समं राया, सहस्सनरवाहिणीए सिबियाए । आरुहिऊण पयट्ठो, गंतुं जिणपायमूलंमि ॥३९॥
 तयणु गहिरदुंदुहीभेरिभंकारसम्मिस्सआवूरियाडसंख्रसंख्रुव्ववाडडरावरुद्धंवरं,
 जुगविगमसमीरपक्खुद्धखीरोयनिग्घोससंकाकरं किङ्करेहिं हयं तूरचाउव्विहं ।
 पहरिसवसनीसरंतंडसुजलाविलच्छेण संख्रोहपल्हत्थकंचीकलावेण सव्व्यापरं,
 बहुविहकरणंउचियं नच्चियं चाररामाजणेणं जणाणंदसंदोहदाणक्खमेणं परं [दण्डओ छन्दो] ॥४०॥
 इय परमविभूर्इए, राया संपप्य ओसरणभूमिं । ओयरिउं सिबियाओ, सामिं तिपयाहिणेऊण ॥४१॥
 जय भवभयवारण! सिवसुहकारण! दुज्जयणिज्जियविसमसर! सिरिवीरजिणेसर! पणयसुरेसर! थुइपरलोयहं दुरियहर! ॥४२॥

| | |
|---------------------------------------------------------------------------------------------|------|
| इइ थुणिऊणं उज्झइ, रयणालंकारकुसुमसंभारं । पुव्वुत्तरदिसिभाए, तओ जिणं चिन्नवइ एवं | ॥४३॥ |
| जयगुरु! भवजलहितो, पव्वज्जाजाणवत्तदाणेणं । करुणायर! उत्तारेसु, संपयं जणमणाहमिम | ॥४४॥ |
| “दीक्षा एवमनुशास्तिः” - | |
| एवं भणिए भुवणेक्क-भाणुणा तेसिं निययहत्थेण । दिन्ना दिक्खा अस्संख-दुक्खनिम्मोक्खणसमत्था | ॥४५॥ |
| एवमणुसासियाणि य, दिक्खेयमहो महंतपुत्तेहिं । लद्धा तुम्हेहिं जओ, तम्हा एतो पयत्तेण | ॥४६॥ |
| पाणिवहो अस्सच्चं, अदत्तमेहुणपरिग्गहारंभो । जोगकरणत्तिगेणं, जाजीवं चिय विमोत्तव्यो | ॥४७॥ |
| जइयव्वं जहसतीए, कम्मनिम्महणमूलहेउमि । निच्चं पमायविरहा, बारसविहतवदिसेसंमि | ॥४८॥ |
| धणधन्नाइयदव्वे, खेत्ते पुरखेडकब्बडप्पमुहे । काले सरयाईए, ओदइयाइम्मि भावे य | ॥४९॥ |
| थेवं पि नेव रागो, न वा पओसो मणंमि धरियव्वो । जम्हा मूलं एए, पसरंतमहाभवदुमस्स | ॥५०॥ |
| इय सुचिरं सिक्खविउं, कणगवई चन्दणाए उवणीया । पहुणा महसेणो पुण, समप्पिओ थेरसाहूण | ॥५१॥ |
| तो विहरइ स महप्पा, गामागरनगरमंडियं वसुहं । थेराण समीवंमि, सुत्तं अत्थं च गिण्हंतो | ॥५२॥ |
| अह अन्नया कयाई, केवलपज्जायपालणं काउं । पावापुरीए नाहो, सिवमयलमणुत्तरं पतो | ॥५३॥ |
| तो तेण चिन्तियमिमं, अहो कयंतस्स किंपि नासज्झं । जं तारिसा वि पहुणो, विणासधम्मत्तणमुवेत्ति | ॥५४॥ |
| जइ ते वि नमंतसुरिंदविद-मणिमउडलीढपयपीढा । चलणग्गचालियाचल-डोल्लावियसघरधरणियला | ॥५५॥ |
| धरणियलल्लतसुरसेल-दण्डकरणप्पहाणसामत्था । कंकेल्लिपमुहवरपाडि-हेरसिरिपायडिस्सरिया | ॥५६॥ |
| अंगीकिज्जंति अणिच्चयाए, अच्चंतदुन्निवाराए । ता निस्सारसरीरम्मि, मारिसे होज्ज का गणणा | ॥५७॥ |
| अहवा ते जयगुरुणो, असोयणिज्जा जएक्कमहणिज्जा । भेतूण कम्मगंठिं, जे पत्ता सासयं ठाणं | ॥५८॥ |
| अहमेव सोयणिज्जो, जो अज्जवि निबिडकम्मनिगडेहिं । अच्चंतनिगडिओ चा-ग्गे व्व चिद्धामि संसारे | ॥५९॥ |
| को वा विसेसलाभो, इओ जराजज्जरस्स मे होही । जेण न काउं तीरंति, निच्चं तवचरणवाचारा | ॥६०॥ |
| तम्हा जुत्ता इन्हिं, सविसेसाडउराहणा मह विहेउं । सा य कह निच्छियत्था, सुवित्थरत्था य नायव्वा | ॥६१॥ |
| किं वा एएण विचिन्तिएण, वच्चामि गणहरिंदस्स । उप्पन्नकेवलस्स, गोयमपहुणो समीवंमि | ॥६२॥ |
| पुच्छामि तं च आराहणाए, भेयप्पभेयसहियाए । गिहिसाहुगोयराए, विहाणमेगग्गचित्तोडहं | ॥६३॥ |
| तो मुणिऊण सवित्थर-मसेसमवि तच्चिहाणमुवउत्तो । सयमायरामि पकहेमि, सब्वसत्ताण य परेसिं | ॥६४॥ |
| पढमं सम्मं नाणं, पच्छा करणं परोवएसो य । अमुणियजहड्डियत्था, परमप्पाणं च नासिंति | ॥६५॥ |
| इय चिन्तिऊण वच्चइ, स महप्पा गोयमस्स पासंमि । कलिवियजबद्धलक्खो, पच्चक्खो धम्मराउ व्व | ॥६६॥ |
| “श्रीगौतमगणधर स्तुतिः” - | |
| तवसुसियतणुत्तणओ, सणियं कयभूमिचरणविन्नासो । जुगविगमसुसियसुरसरि-पवहोडनिलचलतरंगो व्व | ॥६७॥ |
| थविरत्तवसपकंपिर-करचरणसिरोदराइसव्वंगो । अणवरयं पावरयं, सरीरलग्गं व विधुणंतो | ॥६८॥ |
| जुगमेत्तनिहियनयणो, गन्तूणं गोयमं गणहरिन्दं । तिपयाहिणापुरस्सर-मभिवंदइ विणयपणयंगो | ॥६९॥ |
| हरिसव्वसवियसियच्छो, भालयलमिलंतमउलकरममलो । सब्भूयाहिं गिराहिं, थुइं च काउं समाढतो | ॥७०॥ |
| जय तेलोक्कदिवायर! जयगुरु! जिणवीरपढमवरसिस्स! । भीमभवजलणसंतत-गतसत्ताण जलवरिस! | ॥७१॥ |
| जय हिमवन्तमहाडचल-महंतरंगंतनयतरंगाए । जणगतणेण निम्मल-दुवालसंगीसुरसरीए | ॥७२॥ |
| जय अक्खीणमहाणस-तावसजणजणियपरमपरितोस! । अच्चंतपसिद्धपभूय-लद्धिसुसमिद्धिसंपन्न! | ॥७३॥ |
| जयधम्मधुराधरणेक्क-वीर! जय विजियसव्वजेयव्व! । जय सब्वायरसुरजक्ख-रक्खपणिवइयपयकमल! | ॥७४॥ |
| जय जगचूडामणिणा, जिणेण तित्थत्तणेण वागरिय! । निम्मलल्लतीसगुणालि-निलय! भयवं! कुण पसायं | ॥७५॥ |
| भेयप्पभेयदिट्ठंत-जुत्तिजुत्तं सवित्थरं नाह! । गिहिसाहुगोयरं मह, कहेहि आराहणविहाणं | ॥७६॥ |
| इय कहिऊणं विरए, फुरंतमणिकंतदंतदित्तीए । धवलित्तो व्व नहयलं, गोयमसामी भणइ एवं | ॥७७॥ |
| “श्रीगौतमगणधरोपदेशः” - | |
| भो! भो देवाणुप्पिय!, पहाणगुणरयणणिरुचमनिहाण! । सविसुद्धबुद्धिकुलभयण! सुट्ठु पुट्ठं तए एयं | ॥७८॥ |

न हु कल्लाणपरंपर-परंमुहाणं कयाइ पुरिसाण । जायइ सुदिट्टपरमत्थ-पेहणुप्पेहणा बुद्धी ॥७९॥
 ता निरुचमधम्माडडधार-धरियदुद्धरपगिट्ठतवभार! । महसेणमहामुणि! सिस्स-माणमेयं निसामेसु ॥८०॥
 इय एसा जह रत्ता, महसेणेणं पवन्नदियक्खेणं । जइगिहिविसया पुट्ट ति, जं पुरा भणिय वुत्तं तं ॥८१॥
 अहुणा सिट्ठा जह गोयमेण, महसेणमुणिवरिड्डस्स । आराहणा तहाडहं, जहासुयं तं निदंसेमि ॥८२॥
 आराहणेह सिवपुर-परमपहो पहयरागदोसेहिं । अणुवकयपराणुग्गह-परेहिं भणिया जिणिंदेहिं ॥८३॥
 सा य महाजलजलनिहि-निहित्तरयणं व कहवि तुडिजोगा । ववहारनयमएण वि, कहं पि जइ लब्भइ जिएहिं ॥८४॥
 ता तीए उत्तरोत्तर-पगिट्ठपारोहणेण पइसमयं । अप्पा विसिड्डकिच्च्वेसु, निच्च्वसो संठवेयव्वो ॥८५॥
 एवं च इमं मणुयत्तणं पि, विहलं न होइ संपत्तं । जिणसमयपसिद्धक्कम- 'कमढस्स व दंसणं ससिणो ॥८६॥
 कयमेत्थ पसंगेणं, नाणस्स य दंसणस्स चरणस्स । तवसो य णिरइयारं, कीरइ आराहणं जीए ॥८७॥

“आराधना स्वरूपम् एवं ज्ञानस्य सामान्याराधना” —

सा चउखंधा आरहणेह, भण्णइ इमा य दुविगप्पा । सामन्नविसेसवसा, तत्थ य सामन्नओ भणिमो ॥८८॥
 जो जत्थ सुए पढणाइ- अवसरो तस्स तत्थ चेव सया । विणएण सबहुमाणं, उवहाणपुरस्सरं तह य ॥८९॥
 जं जत्तो य अहीयं, तस्स तओ धुवमनिण्हवणपुव्वं । सुत्तत्थतदुभयाणं, अणन्नहाकरणओ तह य ॥९०॥
 जा सुठ्ठु वायणा पुच्छ-णा य परियट्ठणा परुवणया । तस्सेव य परमेग्ग-याए अणुपेहणा जा य ॥९१॥
 जा उ य दिया राओ य, वा वि एगस्स परिसुवगयस्स । अह सुहपसुत्तगस्स य, जागरमाणस्स अहवा वि ॥९२॥
 उद्धट्टियस्स अहवा, अह व निसन्नस्स अह निवन्नस्स । कत्थइ थिरस्स चलिरस्स, वा वि अह खलियपडियस्स ॥९३॥
 सुत्थस्स दुत्थियस्स य, सवसस्स परच्चसस्स य तहेव । छीए य वियंभणे खास-णेय, अहवा वि किं बहुणा ॥९४॥
 जह वा तह वा परिसंठियस्स, अणुवरयचित्तचित्तिस्स । तग्गहणधारणापार-तंतवित्तीउ तत्तेण ॥९५॥
 सम्मन्नाणगुणड्डेसु, पुरिसरयणेसु जं च निच्चं पि । भत्तिबहुमाणकरणं, सन्नाणाराहणा एसा ॥९६॥

“दर्शनसामान्याराधना” —

जा पुण सरुवगुविलत्तणेण, दुक्खोवलक्खणिज्जेसु । जीवाजीवप्पमुहेसु, सव्वसब्भूयभावेसु ॥९७॥
 अणुवकयपराणुग्गह-परपरमेसरजिणप्पणीयता । कहवि अबोहे वि परं, भवियव्वमिमेहिमिय भावा ॥९८॥
 निस्संसयपडिवती, निच्चं चिय जं च कुच्छियमयं पि । एयं पि इयगुणेणं, सुमयं ति न कंखकारित्तं ॥९९॥
 विहियाणुट्ठाणफलंमि, तह य जं संसयस्स परिहरणं । जल्लमलाविलगतोसु, जईसु न दुगंछणं जं च ॥६००॥
 जो य कुत्तिथियअइसय-दंसणाउ न विम्हओ जा य । धम्मियगुणोचवूहा, जं गुणदुत्थे य थिरिकरणं ॥१॥
 जं च तहाविहसाहम्मिएसु, वच्छल्लमिह जहाथामं । अरिहप्पणीयपवयण-पभावणं जं च बहुभेयं ॥२॥
 इणमेव य णिग्गंथं, पवयणमट्ठो अयं खु परमट्ठो । सेसो हु पुणो अणट्ठोत्ति, भावणा जा य भावेण ॥३॥
 निम्मलसम्मत्तगुणड्ड-पुरिसरयणेसु, जं च निच्चं पि । भत्तिबहुमाणकरणं, दंसणआराहणा सा उ ॥४॥

“चारित्रस्य सामान्याराधना” —

तह जा असेससावज्ज-जोगपरिवज्जणेण सुपविती । पंचसु महव्वयेसु, दसप्पयारे य जइधम्मे ॥५॥
 पडिलेहणा-पमज्जण-पमुहाए चक्कवालरुवाए दसभेयाए तह जा, जइसामायारीए आसेवा ॥६॥
 अहवा—
 दसविहवेयावच्चे, नवसु य तह बंभचेरगुत्तीसु । जा पिण्डविसुद्धीए, गुत्तितिणे समिइपणमे य ॥७॥
 दव्वं खेतं कालं, भावं वाडडसज्जडभिग्गहग्गहणे । इंदियदमणे कोहाइ-निग्गहे जा य पडिवती ॥८॥
 जमणिच्चयाइविसए, दुवालसण्हमह पंचवीसाए । पंचमहव्वयविसयंमि, भावणं भावणाण सया ॥९॥
 जं च विसेसाभिग्गह-गहणसरुवाण भिक्खुपडिमाण । सम्मं दुवालसण्हं पि, पालणं जा य सामइए ॥१०॥
 छेयोवट्ठावणिए, परिहारविसुद्धिए य चरणंमि । जा सुहुमसंपराए, पडिवती तह अहक्खाए ॥११॥
 सच्चरणरयणपडिपुत्त-पुरिससीहेसु जं च निच्चं पि । भत्तिबहुमाणकरणं, सा चरणाराहणा भणिया ॥१२॥

“सामान्यतपाराधना” —

न जहा मणस्स खेओ, तहाविहा जह न देहबाहा वि । इंदियवग्गो वि हु विचल-भावमावज्जए न जहा ॥१३॥
 रुहिरपिसियाइथाऊण, जह य न जायइ तहाविहोचचओ । न य अवचओ वि सहसा, न वायपिताइखोभो य ॥१४॥
 पारद्धाणं संजम-गुणाण जायइ जहा न परिहाणी । किंतु जह उत्तरोत्तर-मुस्सप्यणमेव ताण भवे ॥१५॥
 तह जा तवे पविती, अणसणप्यभिइंमि छव्विहे बज्जे । पायच्छित्तप्यमुहे, इयरंमि वि छव्विहे चेव ॥१६॥
 इहलोयपारलोइय-सव्वासंसाण दूरपरिहरणा । बलवीरियपुरिसकाराण, णिच्चमणिगूहणविहीए ॥१७॥
 जिणदेसियं ति जिणसेवियं ति, तित्थेसरत्तणकरं ति । भवसूयणं ति निज्जर-फलं ति सिवसुहनिमित्तं ति ॥१८॥
 जहचिंतियत्थसंपाडणं ति, दुक्करचमक्कारजणं ति । निस्सेसदुट्टनिग्गह-करं ति करणाण दमणं ति ॥१९॥
 देवाणं पि हु आकंपणं ति, निस्सेसविग्घहरणं ति । आरोग्गकरं ति सुमं-गलं ति किच्चं ति काऊण ॥२०॥
 कायव्वे च्विय बहुहा, इमंमि परमारहं ति एहिं खु । हेऊहिं जो य करणु-ज्जमो तवे परमसंवेगो ॥२१॥
 जं च विचित्ततवोगुण-मणिरोहणगिरीसु पुरिससीहेसु । भत्तिबहुमाणकरणं, तं च तवाराडडहणं जाण ॥२२॥
 इय सामन्नेण निदं-सियावि एसा विसेसचिन्ताए । संखेववित्थरवसा, दुवियप्पाडडराहणा होइ ॥२३॥

“संक्षेपविशेषाराधना” —

तत्थ य संखेवेणं, ताव इमा जं मुणिय दढमडसुहं । समणं व सावयं वा, सवित्थराडडराहणाणुचिअं ॥२४॥
 अच्चंततिच्चगेलन्न-पत्तमप्यत्तचित्तसंतायं । दिन्नालोयणमुद्धुय-सल्लं गुरुणो भणार्थिति ॥२५॥
 तदसंपतीए पुणो, अवलंबियसाहसो सयं चेव । काऊण भूमिगोचिय-चिइवन्दणपमुहकायव्वं ॥२६॥
 भालयलधरियकरसंपुडो य, धरिऊण माणसुच्छंगे । अरहंते भगवंते, सिद्धे य भणेइ सो एवं ॥२७॥
 भावाडरिनिहंताणं, भगवंताणं नमोडरिहंताणं । परमाइसयसमिद्धाणं, तह य नमो सव्वसिद्धाणं ॥२८॥
 एसोडहमिहगओ हु, चन्दामि ते य तत्थ चेव ठिया । पासंतु वंदमाणं, अप्पडिहयनाणउज्जोया ॥२९॥
 तह पुच्चं पि हु सक्किरिय-गीयसंविग्गसुकडजोगीणं । पुरओ गुरुण सव्वं, मिच्छतं मे पडिक्कतं ॥३०॥
 जीवाडजीवाइपयत्थ-रुइसरूवं च ताण चेव पुरो । सम्मतं पडिवत्तं, भवगिरिणिहलणदढकुलिसं ॥३१॥
 इण्हिं पि ताण पुरओ, सविसेसमसेसयं पि मिच्छतं । तिचिहं तिचिहेण पडि-क्कमामि भवभमणहेउमडहं ॥३२॥
 सम्मतं पुण पुणरवि, तेसिं समीवंमि संपवज्जामि । तत्थ वि पडिवती किर, पुरा वि एसा महं आसि ॥३३॥
 भावारिचक्कअक्कमण-पत्तसम्भूयनामधेयवरा । अरिहंता भगवंतो, देवा साहू य गुरुणो ति ॥३४॥
 सा चेव इयार्णि पि हु, सविसेसा मज्झ होउ पडिवती । एवं वयाणि वि पुणो, विसेसओ संपवज्जामि ॥३५॥
 तह मेतीभावो मह, समत्तसत्तेसु आसि पुच्चिं पि । संपइ सविसेसो सो, तुम्हाण पुरो हवउ मज्झ ॥३६॥
 इइ कट्टु सव्वसत्ते, खामेमि खमंतु तह महं ते वि । मित्ती चेव महं ताण-मुवरि मणसा वि न पओसो ॥३७॥
 तह पडिबन्धो दव्वाइ-गोयरो सव्वहा वि वोसिरिओ । जाव इमम्मि वि देहे, वोसिरिओ मज्झ पडिबन्धो ॥३८॥
 इय पडिहयपडिबन्धो, तिचिहं च चउव्विहं च आहारं । सागारमणागारं, पच्चक्खइ सो भवुच्चिग्गो ॥३९॥
 ततो य पंचपरमेट्टि-मंतमच्चंतभत्तिसंजुतो । परिवत्तंतो कालं, करेज्ज सज्झाणसंपन्नो ॥४०॥
 एत्थ य महुनरनाहो, संखित्ताराहणाए दिट्ठंतो । अन्नो सुकोसलमुणी, मुणियव्वो निच्चलपइन्नो ॥४१॥
 तहाहि—

‘मधुनृपदुष्टांतः’

अहिगयजीवाइपयत्थ-वित्थरो परमसम्महिट्ठी य । किं बहुणा आगमभणिय-सयलसावयगुणाणुगओ ॥४२॥
 महुराउरीए राया, आसि महू सो य अन्नया धन्नो । कीलानिमित्तमुज्जा-णमुवगतो परिमियबलो य ॥४३॥
 तत्थ रमंतो सो हेरिऊण, सत्तुंजएण पडिरिउणा । पडिरुद्धो भूरिबलेण, भाउणा रामदेवस्स ॥४४॥
 साहिकखेवं भणिओ य, रे लहुं चयसु भुयबलचलेवं । जइ जीयत्थी ता मत्थ-एण उच्चहसु मे आणं ॥४५॥
 आ पाव! कहं इय जंपिऊण, अज्जवि तुमं धरसि जीयं । इइ तज्जंतो आबद्ध-भिउडिभीमो महुराया ॥४६॥
 आवरणचिरहियंगो, दप्पुद्धुरपवरसिन्धुरारुद्धो । जुज्झेण संपलग्गो, तेण समं, जीयणिरवेक्खो ॥४७॥

| | |
|------------------------------------------------------------------------------------------------------|------|
| तो भिन्नकुम्भिकंठयं, पडंतदंतिमिठयं । ¹ बलंतपीलुपट्टयं, ² तुडंतसारिवट्टयं | ॥४८॥ |
| दंतग्गदट्टउट्टयं, ³ भरंतलट्टयं । सडंतसारखग्गयं, पलाणभीरुवग्गयं | ॥४९॥ |
| छिज्जन्तअंगरक्खयं कुंतग्गभिन्नकक्खयं । भज्जन्तभूरिसंदणं, पहारदाणदारुणं | ॥५०॥ |
| सव्वत्थ लोहियारुणं, अणेगरुंडभीसणं । काऊण सत्तुपक्खयं, महूनिवो विलक्खयं | ॥५१॥ |
| अणवरयवेरिपम्मुक्क-सत्थसंघायघायविहलंगो । नीहरिऊण रणाओ, कुंजरपट्टिड्डिओ संतो | ॥५२॥ |
| वेरग्गमग्गपडिलग्ग-माणसो माणसोयपरिचतो । अच्चंतमहासतो, चिन्तिउमेवं समाढत्तो | ॥५३॥ |
| आसि किर मज्झ बज्झ-ट्टिईए रज्जं पि भुंजमाणस्स । जिणवयणामयभाविय-मणम्मि सुमणोरहा एए | ॥५४॥ |
| अज्जं चयामि कल्लं, चयामि भवसयनिबन्धणं रज्जं । गेण्हामि य परमपएक्क-हेउं सव्वन्नृणो दिक्खं | ॥५५॥ |
| अइयारपंकमुक्कं, पालिता तं च अंतकालम्मि । आराहणविहिमणहं, आराहिस्सामि जहविहिणा | ॥५६॥ |
| इण्हिं च न फासुयमही, न य संथारो न चेव निज्जमगा । अहह ⁴ अथक्के जाया, अतक्किया मे इमाडवत्था | ॥५७॥ |
| अहवा एयावस्थस्स, मह किमिन्हिं पि दीहचिन्ताए । करिपिट्ठी संथारो, अप्पा निज्जामओ होउ | ॥५८॥ |
| इय चिन्तिऊण चत्ताणि, तेण लहु दव्वभावसत्थाणि । अप्पा य तक्खणं चिय, णिवेसिओ परमसंवेगे | ॥५९॥ |
| हरिकरिरहनरनिवहा, अंतेउरिया य विविहभंडारा । सनगनगरागरधरा, तिविहं तिविहेणं वोसिरिया | ॥६०॥ |
| वोसिरियं सव्वं पि हु, अट्टारसपावठाणपडलं मे । नीसेसदव्वखेत्ताइ-गोयरो तह य पडिबन्धो | ॥६१॥ |
| तो धम्मज्झाणरओ, रोदट्टज्झाणवज्जिओ धीमं । गरहियचिरदुच्चरिओ, निरुद्धसव्विन्दिधम्मसरो | ॥६२॥ |
| पडिवन्नाणसणविही, खामियनीसेससत्तसंताणो । मज्झत्थो भत्तीए, कयंजली भणिउमाढत्तो | ॥६३॥ |
| भावारिविणासीणं, सव्वन्नृणं नमोउरिहंताणं । कम्मकलावविमुक्काणं, नमो नमो सव्वसिद्धाणं | ॥६४॥ |
| धम्मायाररयाणं, आयरियाणं नमामि सव्वेसिं । सुत्तप्पवत्तगाणं, उवज्झायाणं च पणमामि | ॥६५॥ |
| खन्ताइग्गुणजुयाणं, नमामि भायेण सव्वसाहूणं । इय पंचनमोक्कारं, कुणमाणो मरणमणुपत्तो | ॥६६॥ |
| तो सत्तसागराऊ, जाओ स सणंकुमारक्कप्पम्मि । भासुरबोदी देवो, सुहपणिहाणप्पभायेणं | ॥६७॥ |
| इय महुनरिन्दसंतिय-मक्ख्राणयमक्खयं समासेण । एत्तो सुकोसलमहा-मुणिस्स वत्तव्वयं भणिमो | ॥६८॥ |

“सुकोशलनृपदृष्टान्तः” —

| | |
|----------------------------------------------------------------------------------------------|------|
| साकेयमहानगरे, राया नामेण आसि कित्तिधरो । भज्जा से सहदेवी, सुकोसलो नाम ताण सुओ | ॥६९॥ |
| अह अन्नया कयाई, जायविरागो सुकोसलं रज्जे । ठविऊण सुगुरुमूले, पव्वज्जं गिण्हइ नरिन्दो | ॥७०॥ |
| गहणासेवणरुवं, सिक्खं दुविहं पि सम्ममुवउत्तो । आसेवंतो विहरइ, अममो गामागराईसु | ॥७१॥ |
| एगम्मि य पत्थावे, साकेयपुरे समागओ सो य । भिक्खट्टाए पविट्टो, सहदेवीए य दिट्टो य | ॥७२॥ |
| मा मम पुत्तं उग्गाहिऊण, समणं इमो मुणी काही । इइ चिन्तिऊण तीए, पुराओ निद्धाडिओ सहसा | ॥७३॥ |
| अहह कहं एयाए, हीलिज्जइ नियपहू वि पावाए । इय गाढसोगगगिर-गिराए रुन्नं च धाईए | ॥७४॥ |
| पुट्टा सुकोसलेण य, अम्मो! तं कीस रुयसि? मे कहसु । तीए वुत्तं पुत्तय!, कहेमि जइ सोउमिच्छसि तं | ॥७५॥ |
| जस्स पसाएण इमं, रायसिरिं चाउरंगबलकलियं । पत्तो सि सोवि देवो, कित्तिधरो रायरिसिपवरो | ॥७६॥ |
| चिरकालाओ एत्था-गओ लहुं वेरिओ व्व नयराउ । एयाए तुज्झ जणणीए, अज्ज नीसारिओ वच्छ! | ॥७७॥ |
| एवंविहववहारो, हीणकुलेसु वि न दीसए कहवि । तिहुयणसलाहणिज्जे, तुम्ह कुले होइ चुज्जमिणं | ॥७८॥ |
| एवंविहं च नियसामिणो वि, दट्टुं पराभवं पुत्त! । अन्नं काउमसक्का, दुक्खं रुन्नेण अवणेमि | ॥७९॥ |
| एवं सोच्चा विम्हइय-माणसो सो सुकोसलो राजा । पिउणो वन्दणहेउं, नीहरिओ झति नयराओ | ॥८०॥ |
| अन्नन्नकाणणेसुं, पलोयमाणेण निउणदिट्ठीए । दिट्टो य तेण तरुणो, हेट्टुडिओ कित्तिधरसाहू | ॥८१॥ |
| ताहे सुकोसलो परम-हरिसवसनिस्सरंतसेमंचो । अच्चन्तभत्तिसारं, पडिओसाहुस्स चलणेसु | ॥८२॥ |
| भणिउमिमं च पयत्तो, भयवं! गेहम्मि हुयवहपलिते । पिउणो नियपियपुत्ते, विमोत्तु किं जुज्जए गमणं | ॥८३॥ |
| अणवरयजम्ममरणग्गि-पउरजालाकलावदज्झन्ते । जं लोए इह मोत्तुं, ममं तुमं ताय! पव्वइओ | ॥८४॥ |

| | |
|------------------------------------------------------------------------------------------|-------|
| अज्जवि कुणसु पसायं, दिक्ख्राहत्थावलंबदाणेण । भीमभवकूवकुहरम्मि, निवडमाणस्स मे ताय! | ॥८५॥ |
| अच्चन्तनिच्छयं पिच्छि-ऊण परमं च भवविरागितं । दिन्ना से पव्वज्जा, कित्तिधरेणं मुणिवरेण | ॥८६॥ |
| सहदेयी पुण नाउं, सुकोसल दिक्खियं अइदुहट्टा । मरिऊणं भोगिल्ले, गिरिम्मि वग्घी समुप्पन्ना | ॥८७॥ |
| ते पुण दोवि मुणिवरा, तवनिरया संजमम्मि उज्जुता ॥ दुस्सहमहापरीसह-रिउसंगरविजयजयपयडा | ॥८८॥ |
| अप्पडिबद्धविहारं, विहरन्ता तम्मि चेव गिरिपवरे । संपत्ता अह जाओ, वरिसायालो तहिं तेसिं | ॥८९॥ |
| तो गिरिगुहाए मज्झे, सज्झायज्झाणझोसियसरीरा । चाउम्मासं, वसिउं, निस्सरिया सरयकालम्मि | ॥९०॥ |
| अह सा वग्घी अच्चन्त-पुव्ववरेण जायपरिकोवा । ते गच्छन्ते पिच्छिय, अभिमुहमभिधाविया सहसा | ॥९१॥ |
| मुणिणो वि अच्चुद्धमणा, तं इतिं पासिउं महासत्ता । अब्बो तिच्चुवसग्गो, उवट्टिओ सावयकओत्ति | ॥९२॥ |
| काउं पच्चक्ख्राणं, सागारमदीणवित्तिणो धीर । अवलंबियबाहुत्था, नासग्गसंगिदिट्टिया | ॥९३॥ |
| मेरु व्य निप्पकंपा, काउस्सग्गे ठिया य चिट्ठन्ति । जा ताव अवक्ख्रंदं, दाऊण सुकोसलो तीए | ॥९४॥ |
| वग्घीए 'सिध्धमवणीए, पाडिओ भक्खियं समारद्धो । सम्ममहियासमाणो, भावेइ इमं च स महप्पा | ॥९५॥ |
| सारीरमाणसेहिं, दुक्खेहिं अभिदुयम्मि संसारे । सुलहमिणं जीवाणं, जं किर दुक्खेहिं सह जोगो | ॥९६॥ |
| कहमन्नहेह खंदग-मुणिनाहो पंचसाहुसयसहिओ । अच्चंतं जन्तपीडण-पीडाए मरणमणुपत्तो | ॥९७॥ |
| कह वा उस्सग्गयस्स, चत्तदण्डस्स दंडसाहुस्स । सीसं छिन्नं एमेव, जमुणरन्ना परुट्टेण | ॥९८॥ |
| ता एत्थ भवसमुद्दे, सुलहाउ चेव आचयाओ दढं । भव-सयदुहनिम्महणो, दुलहो पुण नवरि जिणधम्मो | ॥९९॥ |
| सो पुण कहकहवि, मए चिन्तारयणं च कामथेणु व्य । कप्पहुमो व्य पत्तो, दुल्लहलंभो वि सुकयवसा | ॥१००॥ |
| इय एसो च्चिय सफलो, मज्झ अणायरणदोसपरिहीणो । सच्चरणगुणपहाणो, जम्मोण्णाइम्मि संसारे | ॥१०१॥ |
| केवलमेक्कमिमं चिय, चित्तं परितवइ जमहमेयाए । वग्घीए कम्मबन्धस्स, कारणतेण उ च्चयेमि | ॥१०२॥ |
| एत्तो च्चिय ते नमिमो, जे मुणिणोणुत्तरं गया मोक्खं । जम्हा ते जीवाणं न, कारणं कम्मबंधस्स | ॥१०३॥ |
| सोएमि न अप्पाणं, एयं सोएमि कम्मपरतन्तं । जिणवयणबाहिरमइं, दुक्खसमुद्दम्मि निवडन्ति | ॥१०४॥ |
| इय चिन्तयस्स य से, सरीरकम्ममलतभवाऊहिं । समगं पिय तं समसीसि-गाए सहस च्चिय पहीणं | ॥१०५॥ |
| तो उत्तरोत्तरपवड्ढ-माणज्झाणानलेण दड्ढम्मि । सयलम्मि वि कम्मवणे, अन्तगडो केवली होउं | ॥१०६॥ |
| समएण गतो सिद्धिं, रायरिसिसुकोसलो महासत्तो । किं वा सुप्पणिहाणेक्क-बद्धलक्ख्राण दुस्सज्झं | ॥१०७॥ |
| गाढाउरत्तसंपन्न-साहुगिहिगोयरा समक्ख्राया । संखेवेणं आरा-हणा इमा कम्मनिम्महणी | ॥१०८॥ |
| वित्थरओ पुण आरा-हणाए सुसिलिडुवरपुरीए व्य । चत्तारि चेव मूल-द्वाराइं भवन्ति एयाइं | ॥१०९॥ |

“विस्तृताराधना स्वरूपम्” —

| | |
|-----------------------------------------------------------------------------------------|-------|
| परिकम्मविही १ परगण-संकमणं २ तह ममत्तउच्छेओ ३ । ततो समाहिलाहो ४, जहक्कमेणं जहत्थाइं | ॥१०१॥ |
| इय पत्थुयत्थवित्थर-पत्थावणकरणपढमठाणाणि । एयाइं चत्तारि वि, मूलद्वाराइं भण्णंति | ॥१०२॥ |
| एएसु य चउसु वि अरिह-लिंगसिक्ख्राइं नामथेयाइं । पडिदाराइं पन्नरस, दस नय नय हुंतणुक्कमसो | ॥१०३॥ |
| ताइं पुण नियनिय-मूलदारवित्थरपरुवणावसरे । चोच्छं नवरमिमाणं, अत्थयवत्था इमा नेया | ॥१०४॥ |
| इह परिकम्मविहीए, अरिहद्वाराइं चायदारत्तं । जा वि विमिस्सा का वि हु, विभागपरिकीत्तणेणं च | ॥१०५॥ |
| गिहिसाहभयविसया, होही वत्तव्वया तदुवरिं तु । पायं साहुगय च्चिय, जम्हा संजायविरइमई | ॥१०६॥ |
| वड्ढन्तपरमसड्ढो, सड्ढो वि हु कुणइ कालमउन्तम्मि । अणवज्जं, पवज्जं, पवज्जिउं ते णिसामेह | ॥१०७॥ |
| अलमिहिं पसंगेणं, आराहणमेयमउन्तकालम्मि । अइयारंपंकमुक्कं, न थेवपुन्नो जणो लहइ | ॥१०८॥ |
| जह नाणदंसणाण, य सारो चरणं भवे जहुदिट्ठं । चरणस्स य सारो जह, निव्वाणमणुत्तरं भणियं | ॥१०९॥ |
| निव्वाणस्स य सारो, अब्बाबाहं जहा सुहं बित्ति । तह सच्चपवयणस्स वि, सारो आराहणा जेण | ॥११०॥ |
| सुचिरं पि निरइयारं, विहरित्ता नाणदंसणचरित्ते । मरणे विराहइत्ता, अणंतसंसारिणो दिट्ठा | ॥१११॥ |
| आसायगबहुलाणं, विराहणाणं च नाणचरणाणं । पोगलपरियइद्धं, उक्कोसं अंतरं जम्हा | ॥११२॥ |

| | |
|---------------------------------------------------------------------------------------------------|------|
| दिद्धा मिच्छादिट्ठी, अमाइणो तक्खणेण सिद्धा य । आराहियमरणंता, मरुदेवाई महासत्ता | ॥२२॥ |
| “मरुदेवा दृष्टान्तः” — | |
| किर मरुदेवी नामं, अहेसि भज्जा नरेन्दनाभिस्स । सा उसभजिणे पव्वज्ज-मुवगए सोगसंतता | ॥२३॥ |
| अणवरयविणितंगुय-पवाहपक्खालियाणणा रुयइ । जंपइ य ममं पुतो, उसहो परिभमइ एगागी | ॥२४॥ |
| वसइ य सुसाणसुन्नहर-रण्णपमुहेसु भीमठाणेसु । अच्चन्तनिद्धणो इव, पडिभवणं भमइ भिक्खं च | ॥२५॥ |
| एसो पुण से पुतो, भरहो हरिकरिरहुब्भंडं एवं । भयवसनमंतसामन्त-मण्डलं भुंजए रज्जं | ॥२६॥ |
| हा हा हयास! हयविहि! एवंविहवसणमुवणमितस्स । मज्झ सुए तुह निग्घिण! का कित्ती को व फललाभो | ॥२७॥ |
| इय एवं अणवरयं, कयप्पलावाए सोयविहुराए । तीए रोयंतीए, अच्छीसुं निचडिया नीली | ॥२८॥ |
| अह तिहुयणेक्कपहुणो, उप्पन्ने विमलकेवलालोए । तियसेहिं विरइयम्मि, भणिमयसिंहासणसणाहे | ॥२९॥ |
| ओसरणे चक्कवई, भरहो सोऊण केवलुप्पायं । मरुदेवीए समेओ, करेणुगाए समारुढो | ॥३०॥ |
| जिणवन्दणत्थमितो, छत्ताइच्छत्तपमुहमिस्सरियं । दट्ठणं जयगुरुणो, सविम्वहयं भणिउमाढतो | ॥३१॥ |
| अम्मो! पेच्छ नियसुयं, ससुराडंसुरतिजयपूयणिज्जपयं । भुवणच्छेरयभूयं, परमिस्सरियं च एयस्स | ॥३२॥ |
| सलहिज्जंता तुमए, जा मह रिद्धी पुरा पयत्तेण । सा तुह सुयरिद्धीए, न कोडिलेसे वि निव्वडइ | ॥३३॥ |
| तहाहि, पेच्छ— | |
| छत्ततिगचिन्धबन्धुरं, बहलसाहकंकेल्लिमणहरं । भुवणलच्छिचिछड्डसासणं, अम्म! रम्ममेयस्स आसणं | ॥३४॥ |
| पंचरायमणिरइयगोउरं, रूप्पहेममणिसालसुंदरं । जाणुमेत्तकुसुमोहभूसियं, नियसु अम्म! ओसरणभूमियं | ॥३५॥ |
| इंतजन्तसुरगणविराइयं, वरविमाणमालाहिं छाइयं । दुंदुहीथणियसइणिभरं, पेच्छ अंब! खणमेक्कमंबरं | ॥३६॥ |
| नियसु एत्थ पणमन्तमत्थया, संथुणंति जिणमिंदसत्थया । एत्थ पेच्छ नच्चंतअच्छरा, सहरिसं च गायति किन्नरा | ॥३७॥ |
| अह जिणवाणीसवणुभवन्त-हरिसंसुपूरहयनीली । मरुदेवी पेच्छंती, छत्ताइच्छत्तमडमलच्छी | ॥३८॥ |
| तं किं पि सुहज्जाणं, पडिवन्ना जेण तक्खणेणाडवि । विद्धंसियसयलरया, सिवसोवखसिंरिं समणुपत्ता | ॥३९॥ |
| इय निरुचमसुहहेउं, पज्जन्ताराहणाफलं सोच्या । संसयवाउलचित्तो, सविणयपणओ भणइ सिस्सो | ॥४०॥ |
| “महसेनस्य पृच्छा” — | |
| जइ पवयणस्स सारो, मरणन्ताराहणा मुणिवराण । किं दाणिं सेसकाले, जयन्ति तवनाणचरणेसु | ॥४१॥ |
| गुरुराह— | |
| जावज्जीवपइन्ना-निव्वहणाराहणा जओ भणिया । पढमं तीए भंगे, सा कतो तस्स मरणंते | ॥४२॥ |
| तेण जहासतीए, आराहितेण सेसकालम्मि । मरणंते होयव्वं, मुणिणा दढमडप्पमत्तेण | ॥४३॥ |
| परिजयिया वि न सिज्जइ, पहाणसेवं विणा जहा विज्जा । तह पव्वज्जाविज्जा, मरणंताराहणाए विणा | ॥४४॥ |
| पुव्वमणभत्थकमो, रिउभडगहमम्मि जइ वि परिहत्थो । सुहडो वि जयपडायं, न हरइ जह समरसीसम्मि | ॥४५॥ |
| तह उग्गपरीसहसंकडम्मि, न लहइ मुणी वि मरणन्ते । आराहणविहिमणहं, पुव्वमणभत्थसुहजोगो | ॥४६॥ |
| कयकरणा वि सकज्जं, अच्चंतपमाइणो न साहिंति । परिवडियविरइबुद्धी, आहरणं खुड्डगो एत्थ | ॥४७॥ |
| तहाहि— | |
| “क्षुल्लकमुनिदृष्टान्तः” | |
| महिमण्डणाडभिहाणे, नयरे नाणाइगुणमणिनिहाणो । सिरिधम्मघोससूरी, समोसडो बाहिरुज्जाणे | ॥४८॥ |
| पंचसयाइं मुणीणं, परिवारो तस्स निम्मलगुणाणं । तप्परिवुडो य रेहइ, सुरसहिओ सो सुरिन्दो व्व | ॥४९॥ |
| रयणायरे व्व नवरं, वडवग्गी सुरपुरम्मि राहु व्व । परितावकरो भीमो, तग्गच्छे ससहरसरिच्छे | ॥५०॥ |
| सिस्सो अइकलुसमई, निद्धम्मो सीलपसमगुणवियलो । असमाहिकरो साहूण-मासि नामेण रुद्धो ति | ॥५१॥ |
| मुणिजणनिन्दियकज्जे, भुज्जो भुज्जो समायरंतं तं । तज्जंति करुणाए, समणा इय महुरवयणेहिं | ॥५२॥ |
| पवरकुलवडिडओ वच्छ!, तं सि तह दिक्खिओ सुगुरुणा तं । एवंविहस्स तुह निन्दि-यत्थकारित्तणमजुतं | ॥५३॥ |
| एवं महुरगिराए, वारिज्जंतो वि विरमइ न जाव । दुच्चरियाओ निट्ठुर-गिराए ता तेहिं पुण भणिओ | ॥५४॥ |
| रे दुस्सिक्ख दुरासय!, काहिसि जइ दुट्ठुच्चेट्टियमियाणिं । धम्मवयत्थाचूरय!, गच्छा निच्छुभिस्सामो | ॥५५॥ |

| | |
|-------------------------------------------------------------------------------------------|------|
| एवं च तज्जिओ सो, रुद्धो साहूण मारणनिमित्तं । सयलमुण्णिजोग्गजलभा-यणम्मि परिख्विइ विसमुग्गं | ॥५६॥ |
| अह जाए पत्थावे, पियणत्थं जाव तं जलं जइणो । गिण्हंति ताव तग्गुण-तुट्ठाए देवयाए इमं | ॥५७॥ |
| भणियं भो भो समणा!, एत्थ जले तुम्ह दुट्ठसिस्सेण । रुद्धेण विसं खित्तं, ता मा एयं पियिज्जाह | ॥५८॥ |
| एवं सोच्चा समणेहिं, तं जलं तेण दुट्ठसिस्सेण । समगं तव्वेलं चिय, तिविहं तिविहेण वोसिरियं | ॥५९॥ |
| अह सो मुण्णिजणमारण-परिणामज्जियपयंडपावभरो । तज्जम्मे च्विय अच्चंत-तिव्वरोगाउलसरीरो | ॥६०॥ |
| उज्झियजिण्हिददिक्खो, इओ तओ परगिहेसु णिचसन्तो । बहुपावकम्मपसरो, भिक्खावितीए जीवन्तो | ॥६१॥ |
| पव्वज्जापरिभट्ठो, अट्ठव्वो सुदुट्ठचेट्ठो य । सो एसो ति जणेणं, कित्तिज्जन्तो समक्खं पि | ॥६२॥ |
| अट्ठदुहट्ठोवगओ, पए पए रुद्धज्जाणझाई य । वाहिसिहिविहुरदेहो, अइकूरमई मओ सन्तो | ॥६३॥ |
| सव्वपुढवीण पाउग्ग-पाचबन्धेक्कहेउभूयासु । अच्चन्तखुद्वनिन्दिय-तिरिक्खजोणीसरुवासु | ॥६४॥ |
| पतेयं पतेयं, एगंतरियासु अंतरगईसु । आहिंडिय आहिंडिय जहक्कमं नरयपुढवीसु | ॥६५॥ |
| अइतिक्खदुक्खलक्खक्खणीसु घम्माइयासु सत्तसु वि । उप्पन्नो नेरइओ कयउक्कोसाउयनिबन्धो | ॥६६॥ |
| ततो जलथलख्रहयर-जोणीसु अणेगसो समुप्पन्नो । वित्तिचउरिन्दियजाइसु, जाओ य बहुसु अइबहुसो | ॥६७॥ |
| ततो जलजलणाणिल-पुढवीसुमउसंख्रकालमुप्पन्नो । एवं यणस्सइम्मि वि, नवरमणंतं तहिं कालं | ॥६८॥ |
| ततो बब्बरमायंग-भिल्लचम्मयररयगपमुहेसु । संवुत्थो सव्वत्थ वि, जणवेसो दुक्खजीवी य | ॥६९॥ |
| तहा— | |
| कहिं पि सत्थदारिओ, कहिं पि लेट्ठुचूरियो । कहिं पि रोगदूमिओ, कहिं पि विज्जुझामिओ | ॥७०॥ |
| कहिं पि धीवराहओ, कहिं पि जायदाहओ । कहिं पि अग्गिदद्धओ, कहिं पि गाढबद्धओ | ॥७१॥ |
| कहिं पि गम्भसायिओ, कहिं पि सत्तुमारिओ । कहिं पि जन्तपीलिओ, कहिं पि सूलकीलिओ | ॥७२॥ |
| कहिं पि चारिवूढओ, कहिं पि गङ्गुडओ । सहंतओ महादुहं, गतो य मच्चुणो मुहं | ॥७३॥ |
| इय भूरिभवपरंपर-दुहसहणुप्पन्नकम्मलहुभाओ । पयणुकसायतेण य, चुन्नउरे पवरनयरम्मि | ॥७४॥ |
| वेसमणसेट्ठिगेहिणि-वसुभद्दाए य पुत्तभावेण । उप्पण्णो नियसमये, गुणागरो से कयं नामं | ॥७५॥ |
| वडिडउमाढतो सो, गतेणं बुद्धिवित्थरेणं पि । अह अन्नया कयाई, समोसढो तत्थ तित्थयो | ॥७६॥ |
| वन्दणवडियाए जणो, गुणागरो वि य समागतो तुरियं । वन्दिता जयताहं, उवविट्ठो धरणिवट्ठम्मि | ॥७७॥ |
| संसयसहस्समहणी, सिवसुहजणणी कुदिट्ठितमहरणी । कल्लाणरयणधरणी, पयट्ठिया देसणा पहुणा | ॥७८॥ |
| पडिवुद्धो पउरजणो, पडिवन्नो केणवि विरइथम्मो । मिच्छत्तमुज्झिऊणं, केणवि गहियं च सम्मत्तं | ॥७९॥ |
| सो पुण गुणागरो गरुय-हरिसपम्भारपुलइयसरीरो । जयगुरुकयप्पणामो, समुचियपत्थावमुवलम्भ | ॥८०॥ |
| भणित्तमिं पारद्धो, भयवं! साहेसु पुव्वजम्मम्मि । किमहं हंतो ति महन्त-मेत्थ कोउहलं मज्झ | ॥८१॥ |
| अह जयपहुणा तस्सो-वयारमचलोइऊण नीसेसो । रुद्धयखुड्डपमाई, परिकहिओ पुव्वयुत्तन्तो | ॥८२॥ |
| इय सो सोउं भयविहुर-माणसो जायगाढपरितायो । जंपइ इमस्स पावस्स, नाह! किं होज्ज पच्छित्तं | ॥८३॥ |
| जयगुरुणा भणियं साहु-विसयं बहुमाणपमुहसुहकिच्चं । मोत्तुणं नो भदय!, अन्नेणं अत्थि इह सुद्धी | ॥८४॥ |
| तो पंचसाहुसयविसय-वन्दणप्पभिइविणयकिच्चपरो । गहिओ अभिग्गहो तेण, घोरसंसारभीएणं | ॥८५॥ |
| परियालइ य जहुत्तं, जत्थ य दिवसे न हंतो पंचसया । साहूणं पडिपुत्ता, तत्थ न सो भोयणं कुणइ | ॥८६॥ |
| इय छम्मासे पालिय, अभिग्गहं तयणु संलिहियदेहो । मरिऊण बंभलोए, देवतेणं समुप्पन्नो | ॥८७॥ |
| ओहिबलेणं तत्थ वि, मुण्णिऊणं पुव्वकालवुत्तंतं । सविसेसजयगुरुसाहूण, वन्दणाइम्मि वट्ठन्तो | ॥८८॥ |
| अइवाहिय देवत्तं, तओ चविता पुरीए चम्पाए । नरनाहचन्द्रायस्स पुत्तभावेण उप्पन्नो | ॥८९॥ |
| पुव्वभवसाहुदढपक्ख-वायभावेण तत्थवि स धीमं । मुण्णिणो दट्ठुं जाई, सरेइ तोसं च उव्वहइ | ॥९०॥ |
| एतो च्विय पियसाहु ति, नामधेयं पिऊहिं से विहियं । तरुणत्तणमणुपत्तो, पडिवज्जइ सो य पव्वज्जं | ॥९१॥ |
| तत्थवि य समत्थतवस्सि-लोयविस्सामणाइकरणपरो । चिविहाभिग्गहगहणेक्क-बद्धलक्खोउपमाई य | ॥९२॥ |
| संलेहणं करिता, पज्जन्ते सुक्कपमुहकप्पेसु । तियससुहमणुभविता, जहक्कमं जाव सव्वट्ठे | ॥९३॥ |

| | |
|-------------------------------------------------------------------------------------------------------------------------------------------------------------------------------------------------------|-------|
| सव्युक्किद्वं सोक्खं, अणुभुज्जिय एत्थ लद्धमणुयत्तो । कयपव्वज्जो निरवज्ज-विहियआराहणविहाणो | ॥९४॥ |
| निम्महियमोहजोहो, 'मुसुमूरियभवनिमित्तकम्मंसो । असुरसुरविहियमहिमो, हिमगोरं सिवपुरं पत्तो | ॥९५॥ |
| इय खुड्डुगनाएणं, पव्वज्जं उयगया वि दक्खा वि । आराहणाविहाणं, काउं पारिंति न पमत्ता | ॥९६॥ |
| जे पुण जह एसो च्चिय, तह पइभवविहियपवरसामन्ना । आराहणजयलच्छिं, ते लीलाए च्चिय लहन्ति | ॥९७॥ |
| ता निक्कलंकपव्वज्ज-पालणा मरणकालविसयाए । आराहणाए जणग-तणेण णिच्चं पि कायव्वा | ॥९८॥ |
| एवं सोच्चा सिस्सेण जम्पियं पुव्वमकयसामन्ना । नणु मरुदेवी सिद्धा, भणियमिणं किमिह तत्तं ति | ॥९९॥ |
| गुरुराह— | |
| पुव्वमभावियचित्तो, आराहेइ जइ कोइ मरणंतं । खत्तयनिहिआहरणेण, तं न सव्वत्थ वि पमाणं | ॥८००॥ |
| तहाहि— | |
| जइ कीलगखिवणत्थं, दरं खणंतेण भूमियट्टम्मि । केणवि नरेण पत्तो, रयणनिही कहवि देववसा | ॥९१॥ |
| ता किं तेणउत्तेण वि, तहा खणंतेण सो लहेयव्वो । अविसेसेण महीए, तम्हा सव्वत्थ नेगन्तो | ॥९२॥ |
| इय जइ सा मरुदेवी, पुव्वमणव्वत्थकुसलकम्मा वि । सिद्धा कहंपि किं एव-मेव सिज्जउ जणो सव्वो | ॥९३॥ |
| पालियमूलपइत्तो, तम्हा कमवट्टमाणसुहभावो । कुज्जाउउराहणमंते, पज्जत्तमइप्पसंगेण | ॥९४॥ |
| आराहणं च विहिणा, काउं पडिपुण्णमीहमाणेण । मुणिणा वा गिहिणा वा, परिकम्मेयव्वओ अप्पा | ॥९५॥ |
| पढमं पि रोगिणा इव, विसेसकिरियत्थिण ति दंसेमि । परिकम्मविहीणामं, पुव्वुद्धिद्वं महादारं | ॥९६॥ |
| तप्पडिबद्धाई पुण, पन्नरस हवन्ति संगयगुणाइं । जाइं पडिदाराइं, जहक्कमं ताणि कित्तेमि | ॥९७॥ |
| “पन्द्रहः प्रतिद्वारम्” — | |
| अरिहो ^१ लिंगं ^२ सिक्खा ^३ विणयं ^४ समाही ^५ मणोणुसट्ठी य ^६ अणिययविहारदारं ^७ , रायद्वारं च ^८ परिणामो ^९ | ॥८१॥ |
| चाओ ^{१०} मरणविहत्ती ^{११} , अहिगयमरणं च ^{१२} सीइदारं च ^{१३} , तह भावणाण दारं ^{१४} , चरिमं संलेहणादारं ^{१५} | ॥९१॥ |
| “अर्हद्वारवर्णनम्” — | |
| अरिहो जोग्गो भन्नइ, सो पुण आराहणाए नायव्वो । सामन्तमन्तिसत्थाह-सेट्टिकोडुंबियाईणं | ॥१०१॥ |
| राईसरसेणावइ-कुमारपभिर्इणमउहवमउन्नयरो । तेसिमउविरुद्धकारी, विरुद्धसंसग्गिपरिहारी | ॥१११॥ |
| जो जइणो चिन्तामणि-कप्पे ति करेइ तीए बहुमाणं । पत्थेइ थिरणुराओ, जो जइसज्जत्तमच्चत्थं | ॥१२१॥ |
| आराहणाउरिहेसु य, जो वच्छल्लं करेइ अणवरयं । भावेइ दुल्लहंतं, तीए धम्मे पमाईणं | ॥१३१॥ |
| आलोएइ य निच्चं, मच्चुं पच्चूहभीहिपत्थाणं । तस्स य निरोहसाहण-माराहणमेव भावेइ | ॥१४१॥ |
| अरिहन्तेसु य पूया-सक्कारं कुणइ निच्चमुज्जुत्तो । भावेइ य गुणगुरुयं, तेसिं गुणमणिकरंडाणं | ॥१५१॥ |
| पवयणपसंसणाए, रमेइ विरमेइ धम्मनिन्दाओ । गुणगुरुगुरुभत्तीए, सत्तीए सज्जइ निच्चं | ॥१६१॥ |
| सुमणे समणे चन्दइ, सुट्ठु निन्देइ णिययदुच्चरियं । गुणसुट्टिएसु रज्जइ, सज्जइ सइ सीलसच्च्वेसु | ॥१७१॥ |
| वज्जेइ कुसंसग्गिं, संसग्गिं कुणइ सीलयन्तेहिं । निच्चं पि गुणे गिणहइ, परस्स सन्ते वि नो दोसे | ॥१८१॥ |
| दुट्टपमायपिसाए, निहणेइ हणेइ इंदियमइंदे । ताडेइ य दुच्चरियं, मणमक्कडमुक्कदुपयारं | ॥१९१॥ |
| नाणं सुणेइ नाणं गुणेइ, नाणेण कुणइ किच्चाइं । ^२ नाणाहिएसु रज्जइ, अणुसज्जइ नाणदाणम्मि | ॥२०१॥ |
| अकुसलखओवसमओ, निययं कुसलाणुबन्धओ चव । इइ गुणसत्तो सत्तो, सो च्चिय आराहणा-अरिहो | ॥२११॥ |
| तह कुगईपहसहाए, जिणइत्तु परेसि कहमवि कसाए । पसमेइ पसंतमणो, जो सो आराहणा-अरिहो | ॥२२१॥ |
| अणुवसमपरे वि परे, कुणमाणो सम्ममुवसमोवायं । आराहणारिहतं, लहई च्चिय सुद्धभावाओ | ॥२३१॥ |
| आराहणाटिएण वि, कसायसल्लं समुद्धरेयव्वं । जो पढमं पि तमुद्धरई, तदरिहो सो वि नायव्वो | ॥२४१॥ |
| जो य न तहारिहेणं ^३ मन्नो अन्नस्स तदरिहो सो वि । ईयरो वि तदरिहो, जइ कहमवि वचहरणउणुत्ताओ | ॥२५१॥ |
| इहरा आराहणसंठियस्स, संधाणुगम्ममाणस्स । थणवइपओसकरणा, मालिन्नं पवयणस्स भवे | ॥२६१॥ |
| संमाणदाणसिक्खावणाहिं, ठिइधरियपरिअणच्चाई । जो सो वि तदरिहो खलु, इहरा लोगम्मि परिवाओ | ॥२७१॥ |

| | |
|------------------------------------------------------------------------------------------------------|------|
| तदसामत्थे पुण सच्च-हा वि धम्मियविसिद्धलोयमओ । जह तह तप्परिचाई वि, तदरिहो होइ विन्नेओ | ॥२८॥ |
| तह पयईए विणीओ, पयईए चेव साहसेक्कधणो । पयईए सुकयन्न, निच्चियनिग्गुणभवठिई य | ॥२९॥ |
| ततो य तच्चिरतो, पयईए चेव अप्पहासो य । पयईए अद्दीणो, पयई पडिवन्नसूरो य | ॥३०॥ |
| आराहणाए जो वि य, ठियं जणं जणियपावपरिहारं । सोउं दट्ठुं च भवे, तम्भतिरसिज्जमाणमणो | ॥३१॥ |
| होहं अहं कहंपि पि हु, कयावि कमचिन्नपुन्नसामन्नो । किं मन्ने पुन्नेहिं, सच्चन्नविहीए इयरुवो | ॥३२॥ |
| इय वासणापहाणो, धीबलिओ थिरपसन्तपयई य । सिद्धजणस्स बहुमओ, नेओ आराहणा-अरिहो | ॥३३॥ |
| अहवा | |
| अच्चंतचंडमणवयण-कायकिरिया वि कूरकम्मा वि । अणवरयं महुमेरय-पिसियाउसणलालसमणा वि | ॥३४॥ |
| धीबालवुड्ढमारण-चोरिक्कपरित्थिसेवणपरा वि । अलिउल्लावाभिरती वि, धम्मविहिओवहासा वि, | ॥३५॥ |
| होऊण पुच्चकाले, किं पि हु वेरग्गकारणं पप्प । पच्छा पच्छायावा, परमोवसमं पवज्जंति | ॥३६॥ |
| जे ते वि हुंति आरा-हणाए अरिहा सुहासया धीरा । रायसुयवंकचूली, चिलाइपुत्ताइणो च्व धुवं | ॥३७॥ |
| तहाहि- 'वङ्कचुलस्य दृष्टान्तः' | |
| सुविभ्रततियचउप्पह-चच्चरदेवउलभवणरमणिज्जे । सिरिपुरनगरे राया, अहेसि नामेण विमलजसो | ॥३८॥ |
| चइरिक्किकुंभनिब्भेय-लगरुहिरारुणुब्भडच्छायो । परिकुवियजमकडक्खो च्व, जस्स खग्गो रणे सहइ | ॥३९॥ |
| जस्स य जिणमुणिचलणु-प्पलेसुभसलतणं समुच्चहइ । भत्तिवसेण य मणिमउड-किरणटिचिडिक्कियं ^१ सीसं | ॥४०॥ |
| तस्स य भज्जा निरुयम-रूवाइगुणोवहसियसुरदयिया । सयलंतेउरपवरा, नामेण सुमंगला देवी | ॥४१॥ |
| जमलगजायतणओ, पुतो नामेण पुप्फचूलो से । धूया य पुप्फचूला, दोन्नि वि अन्नोन्नणिद्धाणि | ॥४२॥ |
| नवरं अणत्थसत्थं, उप्पायंतो पुरम्मि सच्चत्थ । भन्नइ स पुप्फचूलो, जणेण किर वंकचूलि ति | ॥४३॥ |
| नामेण इमेणं चिय, संपत्तो सो पसिद्धिमन्नदिणे । तदुवालंभायन्नण-रुट्टेणं सो नरिंदेणं | ॥४४॥ |
| निच्चिसओ आणतो, ताहे नियपरिजणेण परियरिओ । तीए चिय भइणीए, सहिओ नयरउ नीहरिओ | ॥४५॥ |
| लंघिता नियदेसं, वच्चंतो पउरगिरिसणाहाए । हरिनहराउउहयकुंजर-विमुक्कसिक्कारभीमाए | ॥४६॥ |
| नीरंधगरुयतरुवर-पडिरुद्धाइच्चकंतिपसराए । ^२ पसरंतसरहसहरिस-रवसवणपलाणसीहाए | ॥४७॥ |
| सीहावलोयणाउल-मयउलकीरंतदरिपवेसाए । वेसाए च्व सया वि हु, महाभुयंगेहिं कलियाए | ॥४८॥ |
| अडवीए निवडिओ सो, कत्थ वि य अदिस्समाणमग्गाए । तण्हाछुहाकिलंतो य, जंपिउं एवमाढतो | ॥४९॥ |
| रे पुरिसा! उच्चतरंमि, आरुहिताउचलोयह दिसाओ । किं अत्थि एत्थ कत्थ वि, जलासओ ^३ वसिममहवा वि | ॥५०॥ |
| तच्चयणेणाउउरुढा, पुरिसा उच्चम्मि पवरतरुसिहरे । अवलोइउं पवत्ता, दिसिवलयं णिउणदिट्ठीए | ॥५१॥ |
| अह थेवभूमिभागे, मसिकोइलगवलसामलसरीरा । जलणं पज्जालिन्ता, भिल्ला आलोइया तेहिं | ॥५२॥ |
| सिद्धं च इमं नरवइ-सुयस्स तेणावि जंपियं भद्दा! गच्छह एसिं समीवे, पुच्छह मग्गं ^४ वसिमहुत्तं | ॥५३॥ |
| इय सोऊणं पुरिसा, गया समीवम्मि तेसिं भिल्लाणं । आपुच्छिउं पवत्ता, मग्गं भिल्लेहिं तो भणिया | ॥५४॥ |
| कत्तो तुब्भे एत्था-गया तहा कस्स संतिया किं वा । देसंतरं समीहह, गंतुं साहेह ताव इमं | ॥५५॥ |
| पुरिसेहिं जंपियं सिरि-पुराओ नामेण वंकचूलि ति । विमलजसरायपुत्तो, पिउअवमाणाउ नीहरिओ | ॥५६॥ |
| परदेसं वच्चंतो, इहागतो तस्स सेवगा अम्हे । मग्गस्स पुच्छणद्दा, तुम्ह समीवं समणुपत्ता | ॥५७॥ |
| भिल्लेहिं जंपियं भो!, तं दंसह अम्ह नरवइस्स सुयं । पडिवन्नं पुरिसेहिं, वलिऊण य दंसिओ कुमरो | ॥५८॥ |
| अह दुराउ च्चिय मुक्क-कंडकोदण्डपमुहसत्थगणा । भिल्ला नमिउं कुमरं, चित्तेउमिमं समाढता | ॥५९॥ |
| एवंविहसुंदरराय-लक्खणालंकिओ इमो अम्ह । जइ कहवि होइ सामी, ता जायइ सच्चसंपत्ती | ॥६०॥ |
| इय चिन्तिऊण तेहिं, निडालतडधडियपाणिकोसेहिं । सविणयपणयं भणियं कुमार!, विन्नवणियं सुणसु | ॥६१॥ |
| चिरसमुवज्जियपुन्नेण, नूणं तुम्हारिसा पवरपुरिसा । दीसंति ता पसीयह, आगच्छह अम्ह पल्लीए | ॥६२॥ |
| कुणह नियपायपंकय-पवितियाए य तीइ रज्जं च । सामिवियलाण अम्हं, एत्तो सामी तुमं चेव | ॥६३॥ |

1. मण्डितम् । 2. प्रसरच्छरभसहर्षरवश्रवणपलायितसिंहायाम् । 3. जनकुलं वासयुक्तं स्थानम् । 4. वासस्थानाभिमुखम् ।

| | |
|------------------------------------------------------------------------------------------------------------------|-------|
| इय सप्पणयम्भत्थण-पल्हत्थियनियकुलव्वत्थेण । पडिवन्नं कुमरेणं, विसयासंगीण किमकिच्चं | ॥६४॥ |
| अह परियणेण सहिओ, पहिड्वचित्तेहिं तेहिं भिल्लेहिं । दंसिज्जमाणमग्गो, पडुच्च पल्लिं पयट्ठो सो | ॥६५॥ |
| अच्चंतनिबिडदुमदुग्गमेण, सणियं पहेण गच्छंतो । सीहगुहापल्लीए तीए अदूरम्मि संपत्तो | ॥६६॥ |
| दिट्ठा य कुमारेणं, दंसणमेते वि दिन्नभूरिभया । विसमगिरिदुग्गलग्गा, कयन्तजणणि च्च सा इति | ॥६७॥ |
| अवि य- | |
| एगत्थनिहियकुंजर-महंतदंतोवरइयपरिवेढा । अन्नत्थ मंसविक्कय-मिलन्तजणजणियहलबोला | ॥६८॥ |
| एगत्थ ^१ बंदपग्गहिय-पहियकीरंतकरुणरुन्नरवा । अन्नत्थं विणासियजंतु- ^२ रुहिरविलप्फिलियमहिवट्ठा | ॥६९॥ |
| एगत्थ घोरसरधुरु- ^३ हुरन्तकोलेयनियहदुप्पेच्छा । अन्नत्थुल्लंबियपिसिय-भक्खणुम्मिलियसउणिकुला | ॥७०॥ |
| एगत्थ परोप्परवडर-भावजुज्झंतभीमभिल्लभडा । अन्नत्थ लक्खविंधण-पयट्ठएग्गग्गधाणुक्का | ॥७१॥ |
| जत्थ य दुहत्तजणमारणम्मि, धम्मं वयन्ति निक्करुणा । गिज्जइ य परममंडण-मडकितिमं परजुवइसंगे | ॥७२॥ |
| सल्लहिज्जइ मइविभवो, विसिट्ठ [विसत्थ] जणवंचणम्मि दढवेरं । वुज्जइ हियभासिम्मि, तच्चिवरीए य मित्तं | ॥७३॥ |
| जह तह भासित्तणमडवि, वन्नज्जइ वयणकोसलत्तेण । सत्तयियलो ति भन्नइ, नयाणुवती वि मूढेहिं | ॥७४॥ |
| इय एवंचिहलोएण, संकुलाए य तीए पल्लीए । अच्चन्तपाववसगो, नरयकुडीए च्च स पयिट्ठो | ॥७५॥ |
| ठविओ य सबहुमाणं, चिरपल्लीवइपयम्मि भिल्लेहिं । निययपरक्कमवसओ, जाओ अचिरेण पल्लिवई | ॥७६॥ |
| अवगणियकुलायारो, अविचिन्तियजणगधम्मववहारो । अवहत्थियलज्जभरो, विस्सुमरियसाहुधम्मगिरो | ॥७७॥ |
| वणवारणो च्च अणिवा-रणो सया तेण भिल्ललोएण । परियरिओ अणवरयं, पाणिवहाईसु वट्ठंतो | ॥७८॥ |
| पच्चासन्नपुरागर-मडंबकब्बडविणासणुज्जुत्तो । थीबालवुड्ढवीसंभ-घायदिन्नावहाणो य | ॥७९॥ |
| निच्चं जूयपसंगी, निच्चं चिय मज्जमंसउवजीवी । तत्थेव य जायरई, कालं वोलेइ लीलाए | ॥८०॥ |
| अह अण्णया कयाइ, वच्चंता कहवि सत्थपब्भट्ठा । कइवयसिस्सपरिवुडा, संपत्ता तत्थ आयरिया | ॥८१॥ |
| जाओ य तम्मि समए, निवडंतुदामसलिलपब्भारो । तंडवियसिहंडिकुलो, पढमो च्चिय पाउसाडउरंभो | ॥८२॥ |
| रेहन्ति जम्मि पल्लव-पसाहिया साहिणो महीवट्ठं । अवगुठियं व छज्जइ, निरंतरं हरियपडएण | ॥८३॥ |
| गिरिसिहरेहिंतो तुंग-लोलकल्लोलरवनिहेण जहिं । गिहं व सवंतीओ, महानईओ पलोइति | ॥८४॥ |
| जम्मि य पउरजलाउल-महिमंडलदुग्गमग्गपरिभग्गा । दुराउ च्चिय सुमरिय-दइया पहिया नियत्तंति | ॥८५॥ |
| इय एवंचिहलूवं, वरिसायालं पलोइउं सूरी । समणे सुगुणपहाणे, महुरगिराए इमं भणइ | ॥८६॥ |
| भो भो महाणुभावा!, उब्भिन्नतणंकुरा मही जाया । कुंधुपिवीलियपउरा, ता एत्तो जुज्जइ न गंतुं | ॥८७॥ |
| जम्हा जिणेहिं कहिया, सारो धम्मस्स एत्थं जीवदया । तच्चिरहम्मि य दिक्खा, निरत्थिया कुनिवसेव च्च | ॥८८॥ |
| एत्तो च्चिय वासासुं, सुप्पडिलीणंगुवंगवावारा । कुम्मु च्च महामुणिणो, एगट्ठाणम्मि निवसंति | ॥८९॥ |
| ता जामो पल्लीए, इमाए किर एत्थ वंकचूलि ति । विमलजसभूवइसुओ, सुम्मइ भिल्लाण नाहो ति | ॥९०॥ |
| तं मग्गित्ता वसहिं, अइलंधेमो इमं वरिसयालं । एवं च निक्कलंकं, अणुचिण्णं होइ सामण्णं | ॥९१॥ |
| पडिवन्नं समणेहिं, तओ गया वंकचूलिणो गेहे । गव्वुग्गीवेण मणाग-मेत्तयं तेण पणिवइया | ॥९२॥ |
| दिन्नासीसेण य मुणिवरेण भणियं अहो महाभाग! । अम्हे सत्थपब्भट्ठा, संपइ गंतुं च असमत्था | ॥९३॥ |
| जिणसासणसरवरराय-हंसनरनाहविमलजसपुत्तं । सोऊण तुमं इहइं, समागया ता महाभाग! | ॥९४॥ |
| उवणेहि किंपि वसहिं, चाउम्मासं जहा इह वसामो । पयमेत्तं पि न गंतुं, कप्पइ एत्तो तवस्सीणं | ॥९५॥ |
| अह पावपरिगएण वि, अणज्जसंगइसमुत्थदोसाओ । तेणं भणियं भयवं!, नो वसिउं जुज्जए एत्थ | ॥९६॥ |
| जेणं इह मंसासी, पाणिवहाडभिरयमाणसो कुरो । लोगोडणज्जो खुदो, न साहुसंवासजोगो ति | ॥९७॥ |
| तो मुणिवइणा भणियं, अहो महाभाग! किमिह लोणेण । जीवाण रक्खणं चिय, कायव्वं सच्चजत्तेणं | ॥९८॥ |
| कुंधुपिवीलियपडलाडडउलम्मि, नवहरियसलिलकलियम्मि । भूमितले वच्चंता, जइणो धम्माउ भस्संति | ॥९९॥ |
| ता दंसेसु निवासं, साहिज्जं कृणसु अम्ह धम्मम्मि । उत्तमकुलप्पसूयाणं, दूसणं पत्थणाभंगो | ॥९००॥ |

1. 'केदी' इति भाषायाम् 2. रुधिरव्याप्तो 3. कोलेय = शूकरो ।

एवं सोच्चा नरवइ-सुण्ण भणियं कयंजलिउडेण । भयवं! देमो वसहिं, परं न एत्थाऽऽवसंतेहिं ॥११॥
 तुम्हेहिं थेवमेत्ता वि मज्झ लोयस्स धम्मसंबंधा । कहियव्वा नूण कहा, किंतु सकज्जम्मि जइयव्वं ॥१२॥
 जम्हा तुब्भं धम्मे, वन्नज्जई सव्वजीवपरिरक्खा । अस्सच्चवयणविरई, परधणगिहिणीपरिच्चाओ ॥१३॥
 महूमज्जमंसपरिभोग-वज्जणं निच्चमिदिजओ य । एव करंते य धुवं, सीयइ अम्हाण परिवारो ॥१४॥
 अहह! कहं सकुलक्कम-संबद्धजिणिंदधम्मसव्वस्सं । विस्सुमरइ दुस्संगइ-गसिओ वि हु अज्ज वि न एस ॥१५॥
 इय चिंततेण मुणी-सरेण पडिवज्जिया ववत्था से । 'धम्मविवरंमुहम्मि वि, जणम्मि जुत्त च्चिय उवेहा ॥१६॥
 तो वंकचूलिणा पण-मिऊण तेसिं समप्पिया वसही । सज्झायइआणणिरया, ठिया य ते तत्थ भयवंतो ॥१७॥
 कुव्वंति विविहदुक्कर-तवचरणमणुतरं अहिज्जंति । नयभंगगहणमागम-मणुपरियइंति य तदत्थं ॥१८॥
 भावेंति भावणाओ, पालिंति वयाइं निरइयाराइं । मुणिणो महानुभावा, सुगुरुसमीवट्टिया संता ॥१९॥
 ततो—

संथववसथेयुप्पन्न-भतिणा वंकचूलिणा सम्मं । णिययपहाणपरियणो, वाहरिऊण य इमं भणितो ॥१०॥
 हंभो देवाणुपिया!, ख्रतियकुलसंभवं ममं सोच्चा । माहणवणियप्पमुहो, विसिड्डलोगो इहं एही ॥११॥
 तम्हा एत्तो न गिहम्मि, जीवघाओ न मंसपरिभोगो । नो मज्जपाणकीला, कायव्वा किंतु पल्लिवहिं ॥१२॥
 एवं च कए एए वि, साहुणो दूरमुक्कयिचिकिच्छा । गिण्हंति तुम्ह भवणेषु, भत्तपाणं जहावसरं ॥१३॥
 जह आणवेइ सामी, तह काहामो ति तेहिं पडिवन्नं । बोलाविंति य दिवसे, मुणिणो वि सकज्जउज्जुत्ता ॥१४॥
 अह मुणिवइणा नाउं, विहारकालं ममतरहिण्ण । सेज्जायरो ति विहिणा, कहियमिमं वंकचूलिस्स ॥१५॥
 भो नरवइसुय! तुह वसहि-दाणसाहेज्जमेक्कमासज्ज । एतियदिणाइं वुत्था, एत्थं अम्हे समाहीए ॥१६॥
 एत्तो पुण पडिपुण्णा वइइ अवही विहारसमओ य । संपत्तो लक्खिज्जइ इमेहिं पच्चक्खलिंगेहिं ॥१७॥
 पेच्छसु ^२वइउक्कंता, कच्छा उच्छूणमिन्तजंतेहिं । सव्वतो सगडेहिं, अक्कंता सयलमग्गा वि ॥१८॥
 थेवसलिलाउ पव्वय-नईउ वसभा वि जायदढयामा । सुक्कसलिला य पंथा, गामा ^३पव्वायचिक्खल्ला ॥१९॥
 ता भो महायस! तुमं, परमुवयारि ति भन्नसे एवं । गामन्तरगमणट्टा, अणुजाणसु संपयं अम्हे ॥२०॥
 जम्हा गोउलसारइय-मेहभमरउलसउणिसुमुणीणं । हुन्ति अनियताओ, वसहीओ सहावओ चेव ॥२१॥
 इय भणितं मुणिवइणो, गंतुं संपट्टिया सह मुणीहिं । तेसिमणुव्वयणट्टा, पल्लिवई पट्टिओ ताहे ॥२२॥
 अह सूरीहिं समं चिय, ताव गओ जाव निययसीमंतं । तो वंदिऊण सूरिं, पर्यपिउं एवमाऽऽढतो ॥२३॥
 भयवं! एत्तो उवरिं, एसा परदेससंतिया सीमा । ता गच्छह वीसत्था, अहं पि सगिहम्मि वच्चामि ॥२४॥
 वज्जरियं मुणिवइणा, नरवइसुय! जा तए सह ववत्था । धम्माकहणसरुवा, आसी सा संपयं पुन्ना ॥२५॥
 ता तुज्झ अणुत्ताए, धम्मवएसं पर्यपिउं किं पि । ^४वंछत्थि वच्छ! वुच्चउ, किंवा पुव्वं पिच निसेहो ॥२६॥
 उच्चालियचलणा एत्थ, सूरिणो केतियं कहिस्संति । इय चित्तिऊण तेणं, पर्यपियं भणसु सुकरं ति ॥२७॥
 एत्थन्तरम्मि सूरी, सविसेससुयोवओगओ णाउं । जेहिं नियमेहिं जायइ, इमस्स धम्ममुहा बुद्धी ॥२८॥
 जतो पच्चक्खं चिय,, उप्पज्जइ आवयापडिग्घाओ । मुणइ य एयं णियमा, नियमाण फलं इमाणं ति ॥२९॥

“वङ्कचुलनियमग्रहणम्” —

तो कहइ जहा भइय!, जीवे घाओ न ताव दायव्वो । जाव न सत्तइपए, पच्छाहुतं नियतो सि ॥३०॥
 एणो एसो नियमो, बीओ पुण मा अनायनामाणि । भक्खिहसि फलाणि तुमं, अच्चन्ताछुहाऽभिभूओ वि ॥३१॥
 तइओ पुण गरुयनरिंद-अग्गमहिसी न कामियव्व ति । भोत्तव्वं नेव य काय-मंसमेसो चउत्थो ति ॥३२॥
 एए चउरो वि तुमं, जाजीवं सव्वजत्तओ नियमे । पालेज्जसु एयं चिय, जम्हा पुरिसाण पुरिसययं ॥३३॥
 किंच—

माणेक्ककणगमुत्ता-हलाइं महिलाण मंडणं एयं । पडिवन्नपालणं पुण, सम्पुरिसाणं अलंकारो ॥३४॥
 छिज्जउ सीसं परिगलउ संपया बन्धवा वि विहडंतु । पडिवन्नपालणे सुपुरि-साण जं होइ तं होउ ॥३५॥

1. धर्म विपराइमुखं । 2. वृत्त्युत्क्रान्ताः । 3. म्लानकर्दमाः = शुष्ककर्दमाः । 4. वाञ्छाऽस्ति ।

सदसदविसेसणं पि हु, एतो च्विय वुच्चइ इह नरणं । अन्नह समम्मि पंचि-दियतणे होज्ज कह भेदो ॥३६॥
 इय मुणिवइणा भणिए, सम्ममभिग्गहचउक्कमाडडदाय । काऊणं च पणामं, भिल्लवई पडिगओ सगिहं ॥३७॥
 सिस्सजणेण परिवुडा, मुणिवइणो वि य जहाभिमयदेसं । इरियासमिइजुत्ता, सणियं गंतुं पयइ ति ॥३८॥
 इयरस्स य पावपओयणेसु, अणवरयकरणपउणस्स । नाणाविहवसणसया-उलस्स वच्चन्ति दियहाइं ॥३९॥
 अह अन्नया कयाई, अत्थाणीमंडवे निसण्णेण । तेणं परंपियमिमं, चिरमिह ववसायरहियस्स ॥४०॥
 वोलंति वासरा मे, ता भो पुरिसा! पुरं व नयरं वा । गामं सत्थं 'वुचियं, सच्चत्थ पलोइउं एह ॥४१॥
 जेण तयं लुंटेउं, वच्चामो सेसकज्जचाएण । महमहणं पि विमुंचइ, लच्छी ववसायपरिहीणं ॥४२॥
 आयन्निऊण एयं तहति पडिसुणियसासणा इति । पुरिसा जहुत्तठाणाइं, हेरिऊणाडडगया बित्ति ॥४३॥
 नाह! निसामेहि महा-सत्थो बहुसारवत्थुपडिपुण्णो । अमुगपहेणं एही, दोण्हं दिवसाणमुवरिम्मि ॥४४॥
 ता जइ ^२वट्टाबन्धं काउं, अच्छह अणागयं तुब्भे । ता पावेह जहिच्छिय-लच्छीविच्छइमचिरेण ॥४५॥
 एवं सोच्चा कइवय-दिणाणमुचियं गहाय पाहेज्जं । नियपरियणपरिकिन्नो, पल्लिवई तं गओ ठाणं ॥४६॥
 सो पुण सत्थो अक्सउण-दोसओ तं प्हं विमोत्तूण । मग्गंतरेण लग्गो, पतो य समीहियपएसं ॥४७॥
 भिल्लाहिवो य तप्पह-पलोयणं कुणइ अणिमिसच्छीहिं । नवरं पुव्वाणीयं, संबलगं निट्ठियं सच्चं ॥४८॥
 ताहे विच्छायमुहो, पीडिज्जंतो छुहाइ पडिवलिओ । पतो पल्लिसमीवे, ततो गंतुं अचाइंतो ॥४९॥
 सिसिरतरुच्छायाए, नवकिसलयसत्थरे ^३समकिलंतो । पामुक्कनीसहंगो, विस्सामं काउमाढतो ॥५०॥
 परियणपुरिसा य गया, सच्चतो कंदमूलफलहेउं । अह एगत्थ पएसे, तेहिं अवलोयमाणेहिं ॥५१॥
 फारफलभारभज्जिर-साहासयसंकुलो महासाही । किंपागनामधेओ, दिट्ठो अच्छन्ततुट्ठेहिं ॥५२॥
 गहियाणि जहिच्छाए, फलाणि तंतो विपाकपिगाणि । उवणीयाणि य सिरिवंक-चूलिणो विणयपणएहिं ॥५३॥
 भणियं च तेण हंभो!, फलाणि एयाणि किमभिहाणाणि । दीसन्तसुंदराई, न कयाइ वि दिट्ठपुव्वाइं ॥५४॥
 तेहिं भणियं सामी, न याणिमो नामधेयमेयाणं । पागवसेणं केवल-मणुमाणेमो रसं पवरं ॥५५॥

“नियमप्रतिपालनम्” —

पल्लिवइणा वुत्तं, हवंति जइ अमयनिच्चिसेसाणि । अमुणियनामाणि इमाणि, तहवि भुंजामि न फलाणि ॥५६॥
 तव्वेलावत्तगमेग-मेय मोत्तुं च छुहकिलंतैहिं । आढत्ताइं ताइं, भोत्तुं पुरिसेहिं सेसेहिं ॥५७॥
 मुहमुहरेसुं तेसुं, विसएसु व परिणइम्मि विरसेसुं । भुंजेउं सुत्तेसुं, विसवसओ चेषणा नट्ठा ॥५८॥
 अह पमिलाणच्छिजुया, अन्तो च्विय मुज्झमाणनिस्सासा । निट्ठाइउं पवत्ता, सुहसेज्जाए पसुत्त व्व ॥५९॥
 अह तज्जीयं घेतुं च, चोरो इव दिणयोरो गओ अत्थं । तग्गमणं पि य पक्खीहिं, पिसुणियं वाउलरवेणं ॥६०॥
 कुणमाणो जीयलोयं, कुंकुमरसरंजियं व सच्चतो । कयचक्कवायविहुरो, संझाराओ पवित्थरिओ ॥६१॥
 गवलगुलियासमप्पह-पडसंछाइयतणु व्व ^४पंसुलिया । ताविच्छगुच्छकसिणा, वियंभिष्ठा तिमिररिंछोली ॥६२॥
^५निच्चविडप्पगसिज्जंत-चंदपम्भट्टसगलपडलं व । ^६एक्कसरियाए सच्चत्थ, पसरियं तारयाजालं ॥६३॥
 तो तिजयविजयदिकिन्नय-वम्महमुणिसयणफलहफलयं व । तियसभवणंगणु-च्छंगपुत्रकलहोयकलसो व्व ॥६४॥
 गयणसरोवरवियसंत-सहस्सपत्तं व रयणिरमणीए । ^७रोयण-थोर-थवक्को व्व, उग्गओ तुहिणाकिरणो वि ॥६५॥
 ताहे गमणउणुकूलं, वेलं कलिऊण पल्लिनाहेण । सुत्त ति मन्नमाणेण, बोहिया ते गुरुगिराए ॥६६॥
 पुणरुत्तं जंपिया वि हु, न जाव थेवं पि देन्ति पडिवयणं । ताव समीवे ठाऊण, निउणमवलोइया सच्चं ॥६७॥
 निन्नट्ठजीवियच्चे, सच्चं दट्ठूण चिंतियं तेण । अमुणियनामफलाणं उवयोगफलं अहो एयं ॥६८॥
 अहमइवि एयमइवत्थं, इमाइं भोत्तुं फलाणि वच्चंतो । जइ निक्कारणवच्छल्ल-मुणिवइनियमो न मे हुन्तो ॥६९॥
 ते गुरुणो गुणनिहिणो, तमतरुसिहिणो जयंतु जाजीवं । जेहिं नियमप्पयाण-च्छलेण जीयं च मे दिन्नं ॥७०॥
 इय सुचिरं गुरुमुचवूहि-ऊण अच्छन्तसोगविहुरंगो । तप्पहरणाइउवगरण-मेगठाणम्मि ठविऊण ॥७१॥
 भडचडयरपरिखित्तो, पुच्चिं भमिऊण पल्लिमज्झाम्मि । कह संपइ एगागी, तत्थ वि मयसच्चपरिवारो ॥७२॥

1. वा उचितम् । 2. वट्टाबन्धं = मार्गरोधनम् । 3. श्रमकलान्तः । 4. पंसुलिया = दुराचारिणी स्त्री । 5. व्राहुः । 6. झगिति । 7. गोरोचनस्थूलस्तबकवत् ।

| | |
|---------------------------------------------------------------------------------------------|-------|
| दंसिस्सामि मुहमहं, लोणाणं पयडमेव वच्चंतो । इय चिंततो चलिओ, जाए रयणीए मज्झमि | ॥७३॥ |
| अह सिग्घं चिय पत्तो, निययगिहे खग्गमेतयसहाओ । केणावि अनज्जंतो, सेज्जाभवणमि य पयिद्वो | ॥७४॥ |
| पेच्छइ य पज्जलन्त-प्पईवपसरन्तकंतिपडलेण । सेज्जाए निययभज्जं, पुरिसेण समं सुहपसुतं | ॥७५॥ |
| ताहे भालयलसमुल्लसंतरंगन्तनिवलिदिगरालो । दन्तग्गभागनिट्ठुर-दद्वोद्वो गाढकोवेण | ॥७६॥ |
| विप्फारियफारारुण-नयणुम्भडकंतिपडलपल्लवियं । आयडिड्ढऊण खग्गं, चिंतोउमिमं समाढतो | ॥७७॥ |
| को अज्ज एस कीणास-नयणमणुसरिउमिच्छइ वरागो । जो मइ जीवंते चि हु, मम भज्जं सेवइ अणज्जो | ॥७८॥ |
| किं वा इमा वि पावा, मम भज्जा चतलज्जमज्जाया । पुरिसाहमेण केण वि, सद्धि एवं पसुत ति | ॥७९॥ |
| एत्थ द्वियाणि दोन्नि वि, इमाणि खंडेमि मंडलगणे । अहवा लोयविरुद्धे, इत्थीए वहे कहं एस | ॥८०॥ |
| विक्कंतुक्कडपरचक्क-करिधडाडोयविहडणपयंडो । वावारिज्जइ बहुसमर-पत्तकिती महाखग्गो | ॥८१॥ |
| तो एयं चिय एक्कं, हणामि इइ जाव देइ नो घायं । ता चिरगहियाभिग्गह-मणुसुमरइ इति स महप्पां | ॥८२॥ |
| ताहे पच्चोसक्किय, सत्तट्टपयाइं जाव पहरेइ । उवरिं पीढिउक्खलणे, खग्गेण खडक्कियं ताव | ॥८३॥ |
| अह भाउजायादेह-भारपीडिज्जमाणबाहाए । विहडंतनिविडनिदा-भराए भगिणीए तं सोच्चा | ॥८४॥ |
| चिरकालं जीवउ मज्झ, भाउगो वंकचूलिनामो सो । सज्झसवसप्पबुद्धाए, तीए वि [अ] जंपियं सहसा | ॥८५॥ |
| आयन्निऊण एवं विचिंतियं वंकचूलिणा ताहे । अहह! कहं मम भगिणी, सा एसा पुप्फचूला ति | ॥८६॥ |
| जीए अच्चंतं गाढ-पणयवसओ ममं सरंतीए । सुहिसयणजणणि-जणगाइणो वि पुव्वं परिच्चत्ता | ॥८७॥ |
| हा! कहमेयमियाणिं, हणिऊणं निययजीवियम्भहियं । अइगरुयपावकारी, जीवंतोइहं सयमलज्जो | ॥८८॥ |
| कत्थ व पसत्थतित्थे, गयस्स केण व तवोविसेसेण । हुंता सुद्धी भइणी-विणासजायाउ पावाओ | ॥८९॥ |
| इय चिन्तिऊण भइणीए, कंठमासज्ज मन्नुभरविहुरो । रोविउमारद्धो णियय-पावचेट्टाए संततो | ॥९०॥ |
| कह कह वि पुप्फचूलाए, विम्हयाडडक्खित्तचित्तपसराए । उववेसिऊण सेज्जाए वंकचूली इमं भणिओ | ॥९१॥ |
| भाउग! विच्छायमुहो, तत्थ वि नीसेसपरियणविहीणो । तत्थवि पच्छन्नो च्चिय, गिहे किमेवं पयिद्वोडसि | ॥९२॥ |
| किं वा जंबूणयसेल-सारसतो वि गरुयपयई वि । सहस च्चिय मं अवलंबि-ऊण एवं परुन्नोडसि | ॥९३॥ |
| किंच तुहागमणमि, पडिभवणदुवारबद्धधवलधया । ^१ हल्लप्फलियजणाउल-रच्छा पल्ली इमा हुंता | ॥९४॥ |
| अच्चन्ताडणिडुसमुम्भवे वि, गाढावयानिवडणे वि । दूरे परुन्नमडन्नह-मुहरागो वि हु न ते हुंतो | ॥९५॥ |
| तो तेण तीए कहियो, सब्बो परियणविणासवुत्तन्तो । परपुरिसबुद्धिवाया-रियासिपडिखलणवत्ता वि | ॥९६॥ |
| एवं च जंपियं भइणि! नेव सोएमि परिजणविणासं । सोएमि पुण इमं जं, तुमं मए इय हया हुंता | ॥९७॥ |
| एत्तो च्चिय इण्हिं पि हु, वइयरमिममेव सुमरमाणो हं । बाहप्पवाहमित्तं, खलिउं न तरामि नयणेसु | ॥९८॥ |
| केण पुण कारणेणं, एवं काऊण पुरिसनेवच्छं । भाउजायाए समं, भइणि! पसुत्तासि कहसु ममं | ॥९९॥ |
| तीए भणियं भाउग! तुमए पगयमि विजयजत्ताए । एत्थागया नडा नच्च-णडट्टया तेहिं पुट्टाडहं | ॥१००॥ |
| अच्छइ इह पल्लिवई, न व ति तो चिंतियं मए एयं । जइ नत्थि ति कहिस्सं, ता सोच्चा कोइ रिउपुरिसो | ॥१०१॥ |
| साहिस्सइ सीमालाणं, तुम्ह पडिबद्धगाढवेराणं । ते पुण लद्धोगासा, मा पल्लिं विद्विस्संति | ॥१०२॥ |
| तेण मए भणियमिमं, अच्छइ सो पल्लिमउडमाणिक्को । सयमेव वंकचूली, नवरं कज्जन्तरासतो | ॥१०३॥ |
| कं वेलं पेच्छणयं, दंसेमो मे पर्यपियं तेहिं । वुत्तं च मए रयणीए, जेण सोडणाउलो नियइ | ॥१०४॥ |
| पारद्ध तेहिं तहेव, तयणु कयपुरिसचारुनेवच्छा । भाउजायाए समं, तुमं व तहियं निसन्नाडहं | ॥१०५॥ |
| अह मज्झरत्तसमए, उचियं दाउं नडाण दायव्वं । निदाधुम्मिरनयणा, इमाए सद्धि पसुत्तमि | ॥१०६॥ |
| एत्तो उवरिं न मुणेमि, किंपि नवरं खडक्कयं सोच्चा । जीवउ भाया सुचिरं ति, जंपमाणी विउद्धाडहं | ॥१०७॥ |
| एवं सोच्चा य ईसिं, पसन्तसोगो पुणो पुणो तेसिं । नियमाण फलं एयं ति, चिन्तयन्तो गमइ कालं | ॥१०८॥ |
| अह परिवारविरहओ, पराडडगरे लुंठिउं अपारन्तो । दट्ठूण परियणं सीय-माणमुप्पन्नसंतावो | ॥१०९॥ |
| खत्तखणणं विमोत्तूणं, एत्तो मे नत्थि जीवणोवाओ । इ निच्छिऊण एगो वि, सो गओ नयरिमुज्जेणिं | ॥११०॥ |

| | |
|------------------------------------------------------------------------------------------------|------|
| धणवन्तलोयमन्दिर-पवेसनीहरणदारपडिदारो । पेहिता य पविट्ठो, मुसणट्ठा गरुयगेहम्मि | ॥११॥ |
| अह तम्मि नवरि दीसंत-बाहिराकारसुंदर सोच्चा । कलहं परोप्परं महिलि-याण चिंतेउमारद्धो | ॥१२॥ |
| नूणं न तह बहुधणं, अत्थि गिहे एत्थ कलहकरणाओ । 'छुल्लुच्छलंति ऊणाइं, जेण लोए वि पयडमिणं | ॥१३॥ |
| संते वि हु थोवधणे, मुट्टे का होज्ज मज्झ संपती । नहि बिंदुणा भरिज्जइ, अइगरुएण वि नईनाहो | ॥१४॥ |
| इय तं मोत्तूण घरं, स महप्पा सयलनपरिपयडाए । गणियाए देवदत्ताए, मंदिरम्मि गओ इत्ति | ॥१५॥ |
| खत्तं च पाडिऊणं, कयकरणो रयणरम्मभित्तिम्मि । वासभवणे पविट्ठो, अच्छिन्नजलंतदीवम्मि | ॥१६॥ |
| दिट्ठा य सुहपसुत्ता, सेज्जाए गाढकोढसुट्टिएण । एणेण नरेण समं, सा गणिया भीसणंगेण | ॥१७॥ |
| अहह! कहं एचविह-धणवित्थारा वि पेच्छ दविणट्ठा । कुट्टिं पि अभिगमंती एसा इय वट्ठइ अणज्जा | ॥१८॥ |
| अहवा अहं अणज्जो, जो एत्तो वि हु धणं समीहामि । ता पज्जत्तं इमिणा परमिस्सरगिहमणुसरामि | ॥१९॥ |
| ताहे समगवणिय-प्पहाणसेट्टिस्स मंदिरे खत्तं । पाडित्ता सणियगई, इत्ति पविट्ठो भवणमज्झे | ॥२०॥ |
| पेच्छइ य तहिं सेट्टिं, करसंपुडधरियख्रडियसंपुडयं । पुत्तेण समं लेक्खग-मडणुक्खणं चिय करेमाणं | ॥२१॥ |
| एत्थ य एगम्मि २चिसोवगम्मि, कहमवि अपुज्जमाणम्मि । रुट्ठो जंपइ सेट्ठी, रे! रे! कुलकवलणकयन्त! | ॥२२॥ |
| अवसर दिट्ठिपहाओ, मा गेहे मज्झ वसिहिसि ख्रणं पि । एत्तियमेतउत्थख्रयं, नाडहं पिउणो वि हु सहिस्सं | ॥२३॥ |
| एवं पर्यपमाणं, उब्भडकोवारुणच्छिविच्छोहं । तं पेच्छिऊण चिंतइ पल्लिवई विम्हिओ संतो | ॥२४॥ |
| जो एगविसोवगविप्प-णासमडवल्लोडऊण पुत्तमडवि । निस्सारिउं समीहइ, सो जइ मुसियं गिहं मुणइ | ॥२५॥ |
| ता नूण मरइ धणविप्पणास-वसजायहिययसंधट्ठो । एवं च किधिणपिउणो, न मारणं जुज्जइ इमस्स | ॥२६॥ |
| वच्चामि मंदिरे नरवइस्स, गिण्हामि वंछियं ततो । न हु विरमइ तण्हा वार-णस्स, ३तणुविरयनीरेण | ॥२७॥ |
| एवं परिभावेत्तस्स, तस्स रयणी विराममणुपत्ता । अरुणो विप्फुरिओ पुच्च-दिसिमुहे घुसिणतिलउ व्व | ॥२८॥ |
| अह सणियं चिय ततो, नियत्तिउं सो गओ अरण्णम्मि । पुट्टसरीरं गोहं, घेतुं च समागओ नयरिं | ॥२९॥ |
| मुक्का य तेण तत्पुच्छ-बद्धदढदोरगेण अप्पाणं । संजमिऊणं गोहा, निवभवणारोहणनिमित्तं | ॥३०॥ |
| निट्टुरचरणावट्ठंभओ य, सो लंघिऊण गिहभित्तिं । पासायं आरूढो, पल्लिवई तयणु तुट्टमणो | ॥३१॥ |
| तं उज्झिऊण सणियं, आढतो पविसिउं भवणमज्झे । तव्वेलं पुण तत्थ य, रत्तो उवरिं विहियकोवा | ॥३२॥ |
| मणिभूसणकंठिकडप्प-निहयतिमिरा नरेदवरभज्जा । सेज्जागया पलोइय, तं जंपिउमेवमाडडरद्धा | ॥३३॥ |
| को भइ! तुमं? चोरो म्हि, वंकचूलि ति भुवणजणपयडो । मणिकणगचोरणडट्ठा, इहागओ तेण इय भणिए | ॥३४॥ |
| परिवुत्तं देवीए, न तुमं चोरो हिरन्नमाईणं । चोरिउमिच्छसि निग्घिण!, जेणं मम संपयं हिययं | ॥३५॥ |
| तेणं पर्यपियं सुयणु!, मा तुमं एवमुल्लवसु जेण । को सुचिरजीवियउत्थी, फणिपहुमणिमभिलंसइ घेतुं | ॥३६॥ |
| अह तस्स मयणसच्छह-सरीरसुंदेरहरियहिययाए । इत्थीसहावओ च्विय, अच्चन्तं तुच्छबुद्धीए | ॥३७॥ |
| कुलंगजणावलोयण-परंमुहाए अणंगविहराए । तीए भणियं भइय!, ४दूरुज्झियपडिसयविगप्पो | ॥३८॥ |
| अभिगमसु ममं संपइ, सेसा तुह चिन्तियत्थसंपती । एत्तो च्विय नीसेसा, सयिसेसा होहिइ अचिरा | ॥३९॥ |
| किं नो पेच्छसि अच्चंत-निम्मलुम्मिल्लरयणपहपसरं । आभरणमालियं एत्थ सुहय!, एयाए तं सामी | ॥४०॥ |
| इय तीए गिरं सोउण, जंपियं वंकचूलिणा सुयणु! । का सि तुमं किमिहेच्छसि, को वा तुह पाणनाहो ति | ॥४१॥ |
| तीए भणियं भइय!, महानरिंदस्स अगमहिसी हं । कयकोवा नरनाहे, एवं एत्थावसामि ति | ॥४२॥ |
| पुच्चग्गहियाभिग्गह-मणुसरिऊणं पर्यपियं तेण । जइ नरयइणो भज्जा, ता मह जणणि व्व होसु तुमं | ॥४३॥ |
| ता मा महाणुभावे! पुणरवि एवं समुल्लयिज्जासि । मइलिज्जइ जेण कुलं, कुलप्पसूयाण तमडकिच्चं | ॥४४॥ |
| अहह महामुद्ध!, किमेव-मडणुचियं वाउलो व्व वाहरसि । इय निव्वच्छंतीए तीए, सकोचाए भणिओ सो | ॥४५॥ |
| जं सुमिणे वि न पेच्छसि, भूवइभज्जं पि तमहुणा पत्तं । किं मूढ! नोवभुंजसि, पडिभणियं तेण एत्ताहे | ॥४६॥ |
| अम्ब! यिमुंच ग्गाहं, मणसावि हु चितियं न जुत्तमिमं । वरमुग्गविसं खइयं, मा कयमेवंचिहमकज्जं | ॥४७॥ |
| वयणपडिकूलणावस-सयिसेसयिसप्पमाणकोवाए । पयडक्खरेहिं भणियं, देवीए तं पडुच्च इमं | ॥४८॥ |

1. 'छलकाय छे' भाषायाम् । 2. 'वसो' इति भाषायाम् (आज की भाषामें नया पैसा के समान) । 3. अत्यविरजोनीरेण । 4. दूरोज्झितप्रतिश्रयविकल्पः ।

होसि वसे मज्झ तुमं, हयास! नूणं विडम्बिओ संतो । जाइस्सइ सग्गं नग्ग-^१खवणओ नवरि ^२विग्गुत्तो ॥४९॥
 अह तेणं सा भणिया, अम्बा अम्ब ति पुव्वमुल्लविउं । तुममेव संपयं कह, जायं भणिऊण सेवेमि ॥५०॥
 एयं च तदुल्लावं, कडगंडतरिओ समग्गमवि सोच्चा । देवीपसायणट्टा, चिरागओ चिंताए राया ॥५१॥
 अच्छरियमहो! सम्माण-दाणनंदिज्जमाणहियया वि । नावत्थाणं बंधइ, इत्थी एगत्थ पुरिसम्मि ॥५२॥
 जेण सुकुलुग्गया वि हु, अणुरत्तमणं ममं पि मोत्तूण । अमुणिज्जंतं पि जणं, कामिउमिच्छइ इमा एवं ॥५३॥
 धी! धी! पडिबंधो सव्व-हेव रामासु सुहविरामासु । अहह! कहं सुकुला वि हु, विहुरे खिप्पंति एयाहिं ॥५४॥
 अज्जइवि कोवि सुपुरिसो, एसो चोरो न जो मुयइ मेरं । पत्थिज्जंतो वि इमीए, सामभेयाइभणिईहिं ॥५५॥
 अज्जइवि रयणाधारा, धरणी अज्जवि न एइ कलिकालो । दीसंति जेण एवं-विहाइं वरपुरिसरयणाइं ॥५६॥
 जे किर करिकुंभत्थल-मेक्कपहारेण चेव खंडंति । ते वि हु अबलालोयण-सरपहरहया किलिस्संति ॥५७॥
 एसो य महासत्तो, इमीए इय पत्थिओ वि थेवं पि । सववत्थं नो चूरइ, ता इत्तो होइ दट्टव्वो ॥५८॥
 इय जाव निवो चिंतइ, ताव विणिच्छयकएण देवीए । भणियं किं रे! नियमा, नो काहिसि मज्झ वयणं ति ॥५९॥
 तेणाइवि जंपियं सहरि-सेण एवं ति अह परुट्टाए । वाहरियं देवीए, रे पुरिसा! रायसव्वस्सं ॥६०॥
 हीरंतं किमुवेक्खह, धावह एसो इहाइउवसइ चोरो । इय सोच्चा सव्वत्तो, समागया जामरक्खभडा ॥६१॥
 असिचक्कचावहत्था, न जा पहारं कुणति ता रत्ता । भणिया हंहो! चोरं, ममं व रक्खेज्जह इमं ति ॥६२॥
 अह तेहिं पडिरुद्धो, अख्खुभियचित्तो महागइंदो व्व । विगमेइ वंकचूली, रयणिं करकलियकरवालो ॥६३॥
 देवीए विहियकोवो, सेज्जाभवणे गओ य नरनाहो । कह कह वि लद्धनिदो, पासुत्तो पच्छिमनिसाए ॥६४॥
 अह जायम्मि पहाए, वज्जंतेसुं पहायतूरेसु । अवसरनिवेयणेणं, पडियमिमं मागहसुएण ॥६५॥
 अप्पडिहयप्पयावो, समत्थतेयस्सितेयनिम्महणो । अक्खंडमंडलधरो, पडिहयदोसाअरपयासो ॥६६॥
 पवियंभमाणकमला-यरो य अचले पइट्टिओ उदए । संमग्गपयासपरो, जयसि तुमं देव! सूरुो च्च ॥६७॥
 सुणिऊण इमं राया, कयपाभाइयसमग्गकायव्वो । अत्थाणे आसीणो, निसिवित्तंतं सुमरमाणो ॥६८॥
 एत्थेतरम्मि पुरिसेहिं, वंकचूली कयप्पणामेहिं । सो देव एस चोरो ति, जंपमाणेहिं उवणीओ ॥६९॥
 दट्टूण य से रूयं, विम्हइयमणेण चितियं रत्ता । एवंविहाए कह आ-गिईए चोरो हवेज्जेसो ॥७०॥
 जइ सच्चं चिय चोरो, ता किं देवीए नो कयं वयणं । पायं न भिन्नचित्ताण, होइ कत्थ वि जओ खलणा ॥७१॥
 अहवा किमउणेण विगप्पिएण, इममेव ताव पुच्छामि । इइ चित्तिऊण सुसिणिद्ध-चक्खुणा पेक्खिओ रत्ता ॥७२॥
 तेण य कओ पणामो, दवावियं आसणं च उचियं से । तहियं आसीणो सो, पुट्टो सयमेव नरवइणा ॥७३॥
 हंहो देवाणुप्पिय!, कोइसि तुमं किंच असरिसं कम्मं । अच्चन्तनिंदणिज्जं, पारद्धं तेण तो भणियं ॥७४॥
 सीयन्तपरियणअत्थियाण, पुरिसाण खीणविहवाणं । न हु णवरि कायराणं, गरुयाण वि चलइ मइविहवो ॥७५॥
 कोइसि तुमं जं च तए, पुट्टं तत्थ वि न किं पि वत्तव्वं । एवंविहकिरियाए, पायडिए णियसरूवम्मि ॥७६॥
 रत्ता भणियं मा भणसु, एरिसं होसि तं न सामन्नो । ता अच्छउ ताव इमं, कहेसु रयणीए वित्तंतं ॥७७॥
 देवीए उल्लावो, नूणं रत्ता वियाणिओ सव्वो । इइ निच्छिऊण तेणं, पयंपियं देव! निसुणेसु ॥७८॥
 तुह गेहं मुसिउमणो, अहं पविट्टो तहिं च देवीए । दिट्टो कहंपि एत्तो वि, देव अन्नो न वित्तंतो ॥७९॥
 पुणरुत्तं पुच्छिओ वि हु, जाव इमं चिय स जंपइ महप्पा । सप्पुरिसयाए तुट्टेण, ताव भणियं नरिंदेण ॥८०॥
 तो भइ! वरेसु वरं, तुट्टोइहं तुज्झ सुद्धचेट्टाए । तो वंकचूलिणा भाल-वट्टकयपाणिकोसेण ॥८१॥
 विन्नतं एसो च्चिय, देव! वरो सव्वहा न कायव्वो । देविं पडुच्च कोवो, जं सा जणणी मए भणिया ॥८२॥
 पडिवन्नमिमं रत्ता, तओ वियंभंतगाढपणएण । पुत्ते व्व पक्खवायं, अच्चंतं उच्चहंतेण ॥८३॥
 ठविओ महंतसामंत-संतिए सो पयम्मि दिन्नो य । करितुरयरणविहवो, समप्पिओ सेवगजणो य ॥८४॥
 एवं च पत्तविहवो, सो चिंतइ ते समग्गगुणनिहिणो । एरिसकल्लाणाणं, निबन्धणं सूरिणो जाया ॥८५॥
 कहमन्नहा तहाइहं, जीवंतो कह व मज्झ सा भइणी । कह वा इण्हिं एवं-विहं च लच्छिं अणुहवन्तो ॥८६॥

हा मन्दबुद्धिणो मह, परंमुहस्स वि महाणुभावेहिं । कहमुचयरियं तेहिं, परोवपारेक्कनिरएहिं ॥८७॥
 ते च्चिय चिंतामणिणो, कप्पदुमा कामधेणुणो य धुवं । नवरं निप्पुण्णेणं, मए न मुणिया मणागं पि ॥८८॥
 इय ते च्चिय मुणिवइणो, सुहे व्व सयणे व्व जणणिजणगे व्व । देवे व्व सुमरमाणो, अणवरयं गमइ दियहाइं ॥८९॥
 अह अन्नमि अवसरे, दमघोसा नाम सूरिणो दिट्ठा । अच्चंतपहिट्ठेणं, पणिवइया ते य भत्तीए ॥९०॥
 जोगो ति कलिय नेहिं, उवइट्ठो अरिहधम्मपरमत्थो । अणुहवसिद्धो ति पर-प्पमोयओ तेण गहिओ य ॥९१॥
 जाया य समीवग्गाम-वत्तिणा परमधम्मकुसलेण । जिणदाससावगेणं, सह मेत्ती तेण य समं सो ॥९२॥
 नयभूरिभंगगंभीर-मणुदिणं आगमं निसुणमाणो । वच्छल्लं कुणमाणो, सयणेसु व तुल्लधम्मेसु ॥९३॥
 निव्वत्तिंतो जिणमंदिरेसु, सव्वायरेण पूयाई । पुव्वग्गहियाभिग्गह-निवहं च सया वि चिन्तिन्तो ॥९४॥
 जहभणियं जिणधम्मं, परिपालिन्तो पमायचिरहेण । सज्जणसलाहणिज्जं, सामंतसिरिं समणुहवइ ॥९५॥
 अन्नमि य पत्थावे, नरवइवयणाओ पउरबलकलिओ । कामरुचनरिंदं पइ, चलिओ सो विजयजत्ताए ॥९६॥
 कालक्कमेण पत्तो, रिउणो देसस्स सीमभागमि । एत्थंतरमि पत्तो, पडिसत्तु वि हु तओ तत्थ ॥९७॥
 ढलंतचारुचामरं, फुरंतछत्तडामरं । ^१धणंतसंदणोहयं समुल्लसंतजोहयं ॥९८॥
 दुक्कन्तमतवारणं, भडाण तुट्ठिकारणं । ^२हिंसन्तआसघट्टयं, पढंतभूरिभट्टयं ॥९९॥
 रसंततारतूरयं, चोइज्जमाणसूरयं । वज्जंतजुद्धक्कयं, अन्नोन्नमुक्कहक्कयं ॥१००॥
^३थुव्वंतचित्तिविंधयं अन्नोन्नघायसंधयं । संनद्धबद्धक्कयं, नदन्तजोडुसंखयं ॥१०१॥
 फुरन्ततिक्खस्वग्गयं, दलाण ताण लग्गयं । पयंडकोवकारणं, परोप्परं महारणं ॥१०२॥
 तओ य नट्टकायरं, हयाडडसजोहकुंजरं । पहारजालजज्जरं, पडंतदेहपंजरं ॥१०३॥
 किरासि जं महाबलं, परेसिं संतियं बलं । रणाडडगयं समग्गयं, खणेण तं पि भग्गयं ॥१०४॥
 जो आसि रणंगणुक्कडो, राया कामरुओ महाभडो । अह सो वि खणेणनिज्जिओ, लहु पाणेहिं कओ विवज्जिओ ॥१०५॥
 वंक्कचूली वि खरपहरभिन्नंगओ, विजियपडिवक्खु, समराउ लहुनिग्गतो । ॥१०६॥
 पत्तु उज्जेणिनयरीए घायाडडउरो, तस्स आगमणि तुट्ठो दढं नरचरो ॥१०७॥
 वेज्जसत्थेण से वणचिकिच्छा कया, नेव जाया मणागं पि नीरोगया । ॥१०८॥
 रोहपत्ता वि विहडन्ति घाया पुणो, चत्तजीयाडडसओ तेण धुवमप्पणो ॥१०९॥
 तो पुणो सोगगगिरसरो भूवई, भणइ वेज्जे अहो मज्झ सेणावई । ॥११०॥
 जेण केणापि दिव्वोसहेणं लहुं, होइ नीरोगु तं देह एत्तो बहुं ॥१११॥
 तयणु वेज्जेहिं सत्थाइं संचित्तिउं, निउणबुद्धीए अवरोप्परं निच्छिउं । ॥११२॥
 कायमंसोसहं संसियं सोहणं, तस्स घायव्वणाणं च संरोहणं ॥११३॥
 अह—

जिणधम्मणुरत्तिण निरुवमत्तिण, कायमंसु पडिसिद्ध तिण ।

वरि जीचिउ वच्चउ नियमु म मुच्चउ, तो वि एउ सुमरंतएण ॥११०॥
 अह जइ पुण निब्भरपणय-जुत्तजिणदासवयणओ कुणइ । ओसहमिमं ति रत्ता, पुरिसं पेसित्तु गामाउ ॥१११॥
 आहूओ इंतो पुण, देविदुगं पेच्छिऊण । जिणदासो पुच्छइ कीस, रुयह ताहिं च संलत्तं ॥११२॥
 मयनाहाणं सोहम्म-कप्पदेवीणमिण्हिं अम्हाणं । मरिऊण वंक्कचूली, अभुत्तमंसो हवइ नाहो ॥११३॥
 जइ पुण तुह वयणाओ, कहंपि किर कायमंसमडसिही सो । ता नूणं भग्गनियमो, पडिही अन्नत्थ कुगईए ॥११४॥
 एएण कारणेणं, रोएमो निब्भरं महाभाग! । एवं च तुमं सोच्चा, जं जुत्तं तं करेज्जासु ॥११५॥
 आयञ्चिऊण एवं, विम्हियचित्तो गओ स उज्जेणिं । दिट्ठो य वंक्कचूली, नरवइवयणाणुरोहेण ॥११६॥
 भणिओ य सुहय! तो कीस, कुणसि तं कायमंसपरिभोगं । जायारोगसरीरो, पायच्छित्तं चरेज्जासि ॥११७॥
 तेणं पयंपियं धम्म-मित्त! एवं तुमंपि उवइससि । जाणन्तनियमभंगे, पच्छित्तं कं गुणं जणइ ॥११८॥

| | |
|-----------------------------------------------------------------------------------------------|------|
| जइ नियमं भञ्जिता, तप्पायच्छित्तमणुचरेयव्वं । ता पढमं चिय जुतो, नो काउं नियमभंगो ति | ॥१९॥ |
| तो कहियं नरवइणो, जिणदासेणं जहा इमो देव! । अवि चयइ जीवियव्वं, न पुणो नियमं चिरग्गहियं | ॥२०॥ |
| एतो पारस्तहियं, ता कीरउ देव वंकचूलिस्स । निच्छियभाविमरणे, किमकिच्च्वेणं कएणिमिणा | ॥२१॥ |
| एवं वुत्ते रत्ता सुय-निहिणो साहुणो समाहूय । पज्जंतविहिसणाहो, कहाविओ धम्मपरमत्थो | ॥२२॥ |
| अह सो साहुसमीचे, आलोइयसयलपुव्वदुच्चरिओ । खामियसमग्गजीवो, विसेसपडिवन्नवयनियहो | ॥२३॥ |
| पंचपरमेट्टिमंतं, परिवतंतो समुज्झियाहारो । मरिऊण अच्चुयम्मि, देवो जाओ महिइढीओ | ॥२४॥ |
| जिणदाससावगो वि य, सगामहुतं पुणो णियतंतो । तं तह देविजुपलं, रोयंतं पेच्छिउं भणइ | ॥२५॥ |
| मंसम्मि अभुत्ते च्चिय, किं तुब्भे रुयह ताहिं तो कहियं । सविसेसविहियधम्मो, देवो अन्नन्थ सो जाओ | ॥२६॥ |
| अम्हे निप्पुत्ता उ, संपयमउवि पाणनाहरहियाओ । जम्हा तहट्टियाओ, सोगं तेणं करेमो ति | ॥२७॥ |
| अह जिणदासो दिव्वं, देविडिडं वंकचूलिणा लद्धं । जिणधम्मपहावेणं, नाउं एवं विचिंतेइ | ॥२८॥ |
| नमिरपरमपेमुब्भन्तदेविदयिदु-ब्भडकणयकिरीडुग्घट्टपायाउरयिंदो । | |
| जयइ जिणसमूहो देसिओ जेण धम्मो, सिचसुरपुरलच्छि-हत्थदाणेक्कदच्छो | ॥२९॥ |
| खणमउवि परिसुद्धं पालिऊणंउतकाले, कलिकलिलमउसेसं खालिउं जप्पभावा । | |
| पवरगइमुर्वेती वंकचूलि व्व जीवा, स जयउ जयपुज्जो वीयरगाण धम्मो | ॥३०॥ |
| इय वंकचूलिचरियं, निवेइयं संपयं परिक्कहेमि । पुव्वं चिय उक्खित्तं, चिलाइपुत्तस्स वित्तंतं | ॥३१॥ |
| “चिलातिपुत्रदृष्टान्तः” — | |
| भूमिपइट्टियनयरे, नामेणं आसि जन्नदेवो ति । विप्पो पंडियमाणी, जिणसासणांखिसणाउउसत्तो | ॥३२॥ |
| जो जेण जिप्पइ इहं, सो सिस्सो तस्स इइ पइत्ताए । वायम्मि निज्जिओ पवर-बुद्धिणा साहुणा सो यं | ॥३३॥ |
| पव्वाविओ य णवरं, पव्वज्जं देवयाए उज्झन्तो । पडिसिद्धो अह जाओ, निच्चलो साहुधम्ममि | ॥३४॥ |
| तहउवि हु जाइमएणं, दुगुंछभावं मणागमुव्वहइ । पडिबोहिओ य तेणं, नीसेसो निययसयणजणो | ॥३५॥ |
| भज्जा पुण तस्स परूढ-गाढपेम्माउणुबंधोसेण । काराविउं समीहइ, तं पव्वज्जापरिच्चायं | ॥३६॥ |
| सो पुण निच्चलचित्तो, सद्धम्मपरो गमेइ दियहाइं । अह अन्नयासरम्मि, दिन्नं से कम्मणं तीए | ॥३७॥ |
| तद्दोसेणं मरिऊण, स देवलोए सुरो समुप्पन्नो । इयरी वि य पव्वइया, तन्निवेएण संतत्ता | ॥३८॥ |
| आलोयणं अकाउं, मया समाणी सुरेसु उप्पन्ना । अह जन्नदेवजीवो, चइऊणं रायगिहनयरे | ॥३९॥ |
| धणसत्थवाहगेहे, चिलाइनामाए दासचेडीए । तेण दुगुंछादोसेण, पुत्तभावं समणुपत्तो | ॥४०॥ |
| विहियं च जणेणं से, चिलाइपुत्तो ति 'गुत्तमभिहाणं । इयरी वि तओ चइउं, तस्सेव धणस्स भज्जाए | ॥४१॥ |
| पंचण्ह सुयाणुवरिं, नामेणं सुंसुमा सुया जाया । सो य चिलाइपुत्तो, बालग्गाहो कओ तीसे | ॥४२॥ |
| अच्चन्तकलहकारि ति, दुव्विणीओ ति सत्थवाहेण । निच्छूढो गेहाओ, परियडमाणो गओ पल्लिं | ॥४३॥ |
| आराहिओ य बाढं, पल्लिवई गाढयिणयओ तेण । अह पल्लिवइम्मि मए, मिलिऊणं चोरनिवहेण | ॥४४॥ |
| जोगो ति कलिय विहिओ, पल्लीनाहो महाबलो सो य । अच्चन्तनिग्घिणो हणइ, गामपुरनयरसत्थाई | ॥४५॥ |
| एगम्मि य पत्थावे, तेणं चोराण एयमुवइट्टं । रायगिहम्मि नयरे, सत्थाहो अत्थि धणनामो | ॥४६॥ |
| तस्स य धूया नामेण, सुंसुमा सा य मज्झ तुम्ह धणं । ता एह तत्थ जामो, अचहरिउं तं च एमो ति | ॥४७॥ |
| पडिवन्नं चोरेहिं, रयणीए ततो गया य रायगिहे । ओसोयणीं च दाउं, इत्ति पविट्ठा धणस्स गिहे | ॥४८॥ |
| मुट्टं चोरेहिं गिहं, गहिया सा सुंसुमा वि इयरेण । सत्थाहो सुयसहिओ, अन्नत्थ लहुं अयक्कंतो | ॥४९॥ |
| पावियसमीहियत्थो, सट्ठाणं पट्टिओ य पल्लीवई । अह उग्गयम्मि सुरे, पंचहि वि सुएहि परिकिन्नो | ॥५०॥ |
| दढदेहबद्धकवओ, नरवइबहुसुहडपरिवुडो सिग्घं । तम्मग्गेणं लग्गो, धूयानेहेण सत्थाहो | ॥५१॥ |
| भणिया य रायसुहडा, धणेण धूयं ममं नियत्तेह । दव्वं तुम्हं दिन्नं, इय भणिए धाविद्या सुहडा | ॥५२॥ |
| इंते य ते पलोइय, नट्टा चोरा धणं विमोत्तूण । घेतूण य तं सुहडा, जहागयं पडिगया सव्वे | ॥५३॥ |

सुयसहिओ सत्थाहो, गंतुं एक्को परं समारद्धो । संपतो य समीवे, अचिरेण चिलाइपुत्तस्स ॥५४॥
 मा होउ इमा कस्स वि, इइ सीसं सुंसुमाए घेतूण । सो सिग्घमवक्कंतो, विमणो बलिओ य सत्थाहो ॥५५॥
 अह अडवीए मज्झे, चिलाइपुतेण परिभमन्तेण । दट्ठूण साहुमेगं, उस्सग्गट्ठियं महासत्तं ॥५६॥
 जंपियमहो महामुणि!, संखेवेणं कहेसु मह धम्मं । इहरा तुज्झ वि सीसं, फलं व असिणा लुणिस्सामि ॥५७॥
 मुणिणा उ निब्भएण वि, उवयारं से मुणितु भणियमिणं । उवसम-विवेग-संवर-पयत्तियं धम्मसव्वस्सं ॥५८॥
 घेतुं च इमं सम्मं, एगंते सो विचिंतिउं लग्गो । उवसमसद्धत्थो घडइ, सब्बकोहाइचायम्भि ॥५९॥
 सो कुद्धस्स कहं मे, ता कोहाइ मए परिच्चत्ता । परिहारे धणसयणाण, होइ नूणं विवेगो वि ॥६०॥
 ता किं खग्गेणं मे, किं वा सीसेण मज्झ एत्ताहे । इंदियमणसंवरणे य, संवरो णिच्छियं घडइ ॥६१॥
 ता तं पि अहं काहं, इइ चिंतन्तो विमुक्कअसिसीसो । नासग्गनिहियदिट्ठी, निरुद्धमणकायवाचारो ॥६२॥
 परिभावेतो पुणरूत-मेव एयाणि तिन्नि वि पयाणि । काउस्सग्गेण ठिओ, सुनिच्चलो कंचणगिरि व्व ॥६३॥
 अह रुहिरंगंधलुद्धाहिं, कुलिसतिकखग्गचंडतुंडाहिं । ^१मुङ्गलियाहिं लहुं, सब्बतो भोतुमारद्धो ॥६४॥
 अवि य—

आपायसीसं सयलं पि देहं, मुङ्गलियाहिं विभक्खिअरूण । विणिम्मियं चालणियासमाणं, तहावि झाणाउ न कपिओ सो ॥६५॥
 पयंडतुण्डाहिं पिवीलियाहिं, खद्धेसरीरम्भि मुणिस्स तस्स । छिद्दाइं रेहति समत्थपाव-निस्सारदाराणि व दीहराणि ॥६६॥
 अड्ढाइएहिं दियहेहिं धीमं, सम्मं समाराहिय उत्तिमट्ठं । सुरालयं सो सहसारनामं, पतो सुचारित्तधणो महप्पा ॥६७॥
 अच्चंतचंडमणवयण-काय इच्चाइ जं पुरा चुत्तं । तं साहरणं भणियं, एतो पगयं निसामेह ॥६८॥

“आराधनाधिकारीवर्णनम्” —

सुविणिच्छियपरमत्थो, अणज्जजणकज्जयज्जणुज्जुतो । इय गुणवंतो आराह-णाए अरिहो हवेज्ज गिही ॥६९॥
 किंतु सुदंसणमूलं, पंचाणुव्वयसमन्नियं तह य । तिगुणव्वओववेयं, चउसिक्खवावयसणाहं च ॥७०॥
 समणोवासयविसयं, धम्मं परिपालिउं निरइयारं । दंसणपमुहेक्कारस-पडिमाओ तह य फासिता ॥७१॥
 बलविरियाणं हाणि, वियाणिउं कुणइ अन्तकालम्भि । आराहणं जिणाणा-णुसारओ सुद्धपरिणातो ॥७२॥
 संविग्गं गीयत्थं, साहं पिच गुरुजणं समासज्ज । पंचसमिओ तिगुतो, अणिगूहियसत्तबलविरिओ ॥७३॥
 पइदिणपवड्ढमाणत्त-रोत्तरउच्चन्तपरमसंवेगो । सम्ममवगम्म रम्मं, सुत्तत्थेहिं जिणिंदमयं ॥७४॥
 तप्पारतंतजोगा, ^२अणुसोयं वज्जिऊण जत्तेण । पडिसोयलद्धलक्खो, जुतो य पमायपरिहारे ॥७५॥
 संते बलम्भि अणहे, संते विरियम्भि चरणकरणखमे । संते पुरिसक्कारे, संतम्भि परक्कमे तह य ॥७६॥
 चरिऊण चिरं चरणं, बलविरियाईसु हायमाणेसु । ^३हत्थं पच्छिमकालम्भि, चेव आराहणं कुज्जा ॥७७॥
 इहरा बलविरियाईसु, संतेसु वि अहिलसेज्ज जो मूढो । आराहणमिह तमहं, मन्ने सामन्ननिच्चिण्णं ॥७८॥
 जइ पुण वाही होज्जा, सिग्घं पारद्धधम्मविग्घकरी । माणुसतेरिच्छियतियस-संभवा अहव उवसग्गा ॥७९॥
 अणुकूला वा सत्तू, चारित्तधणावहारिणो होति । दुब्भिक्खं वा गाढं, अडवीए विप्पणट्ठत्तं ॥८०॥
 जंघाबलं व हीएज्ज, होज्ज वि गेलन्नमिंदियाणं वा । अपुव्वधम्मगुणअज्ज-णम्भि सती व न हवेज्जा ॥८१॥
 अन्नम्भि वाचि एया-रिसम्भि आगाढकारणे जाए । आराहणं करेज्जा, ता सिग्घं चिय न वयणिज्जं ॥८२॥
 जे पुण सयं कुसीला, कुसीलसंगम्भि चेव हरिसपरा । निच्चंपि चंडदंडा, न हु ते आराहणा-अरिहा ॥८३॥
 तह पयइनिग्घिणमणा-कसायकलुसा पवड्ढियामरिसा । अणियत्तचित्ततण्हा, मोहोवहया नियाणकडा ॥८४॥
 जे वि य अच्चासायण-निरया जिणसिद्धसूरिपमुहाणं । परवसणदंसणुप्पज्ज-माणमाणसपमोया य ॥८५॥
 सद्दाइविसयगिद्धा, सद्धम्मपरम्महा पमायपरा । सब्बत्थ निरणुताया, न ते वि आराहणा होति ॥८६॥
 तह जे न केवलं चिय, अधम्मवंता सयं सहावेण । जे वि य पच्चूहपरा, धम्मपराणं पराणं पि ॥८७॥
 चेइयसाहारणदव्व-दोहदुट्ठा ठिया य रिसिघाए । जे जे य जिणवरागम-उस्सुत्तपरुवणपरा य ॥८८॥
 सरयससिलच्छिसच्छह-जिणसासणजसविणासगा जे य । जे वि य ^४वइणीविद्धंसकारिणो किर महापाया ॥८९॥

1. पिपीलिकाभिः । 2. अणुसोयं = अनुस्रोतः शदीराद्यनुकूलाचरणम् इत्यर्थः । 3. हत्थं = शीघ्रम् । 4. व्रतिनी = साध्वी० ।

| | |
|------------------------------------------------------------------------------------------------------------|------|
| परलोगनिष्पिवासा, इह लोके चैव सुदृष्टु पडिबद्धा । निच्चं पसत्तचित्ता, अद्वारसपावठाणेषु | ॥१०॥ |
| जं च विसिद्धजणाणं, असंमयं जं च धम्मसत्थाणं । तत्थ वि जे गाढरया, पडिसिद्धाडडराहणा तेषि | ॥११॥ |
| सत्थगिविसविसुडय-सावयसलिलाइवसणपतो जो । आह स कहमाराहओ, सिग्घं मारिन्ति एयाइं | ॥१२॥ |
| गुरुराह— | |
| नणु संखेवाराहण-माराहइ सो वि पुच्चभणियमिणं । जह महुराया जह वा, सुकोसलो रायरिसिपवरो | ॥१३॥ |
| अवि य— | |
| जो किर धीबलकलिओ, उवसग्गप्पभवभयममन्नंतो । इति उवट्टियमेते, उवसग्गे अह च पत्ते वि | ॥१४॥ |
| जावडज्जवि किर सबलो, ताव च्चिय आयहियविडणमणो । सम्मं अमूढलक्खो, जीवियमरणेषु य समाणो | ॥१५॥ |
| अवि संभवंतमरणे, रणे व्य सुहडो अभिन्नमुहरागो । आराहणं स संखे-वओवि कुज्जा महासतो | ॥१६॥ |
| इय सुतवुत्तजुत्तीजुयाए, संवेगरंगसालाए । परिकम्मचिहीपामोक्ख-चउमहामूलदाराए | ॥१७॥ |
| आराहणाए पन्नरस-पडिदारमयस्स पढमदारस्स । वित्थरओ परिकहियं, पढममिमं अरिहदारं ति | ॥१८॥ |
| “द्वितीय लिङ्गद्वारवर्णनम्” — | |
| आराहणाए अरिहो, निदंसिओ संपयं च जेणेसो । लिंगिज्जइ लिंगेणं, लेसुद्धेसेण तं भणिमो | ॥१९॥ |
| निच्चकरणीयजोगा, परलोयपसाहगा जिणुद्धिद्धा । जे आसि पुरा अह ताण, चैव सविसेसमत्तम्मि | ॥२०॥ |
| सम्मं उज्जमणं जं, संवेगरसाइरेगओ गाढं । आराहणअरिहते, आराहणलिंगमिणमेव | ॥२१॥ |
| उस्सगियं च तं साव-गस्स निक्खित्तसत्थमुसलत्तं । ववगयमालावन्नग-विलेवणुव्वट्टणत्तं च | ॥२२॥ |
| अप्पडिकम्मसरीरत्तणं च, पडिरिक्कदेसवत्तितं । लज्जाछायणमेतो-वहित्तसमभावभावितं | ॥२३॥ |
| पाएण पडिखणं पि हु, सामाइयपोसहाइनिरयत्तं । पडिबंधच्चाइत्तं, तह भवनेगुण्णभावितं | ॥२४॥ |
| सद्धम्मकम्मउज्जय-जणवज्जियसन्निवेसवज्जितं । कामवियारुप्पायग-दव्याण वि अणभिलासितं | ॥२५॥ |
| निच्चं गुरुजणवयणा-णुरागसंभिन्नसत्तथाउत्तं । परिमियफासुयपाणन्न-भोगवत्तित्तमणुदियहं | ॥२६॥ |
| एमाइ गुणव्भासत्तणं ख्य, आराहगस्स इह गिहिणो । लिंगं अह जइणो वि हु, सामन्नेणं इमं णेयं | ॥२७॥ |
| मुहणंतग १, रयहरणं २, वोसट्टसरीरया ३, अचेलक्कं ४ । सिरलोय ५, पंचभेयो उस्सगियलिंगकप्पो सो | ॥२८॥ |
| संजमजत्तासाहण-चिधं जणपच्चओ ठिईकरणं । गिहिभावविवेगो वि य, लिंगगहणे गुणा होन्ति | ॥२९॥ |
| तं लिंगं जहाजायं, अब्बभिचारी सरीरपडिबद्धं । उचही पुण थैराणं, चोइसहा सुत्तणिद्धिद्धो | ॥३०॥ |
| “मुहपत्यादिलिङ्गप्रयोजनम्” — | |
| सीसोवरिकायपमज्जणा य, मुहमरुत्तमाडडईरक्खट्ठा । रयरैणुरक्खणडड्डा, दिट्ठं मुहणंतगं मुणिणो [दारं] | ॥३१॥ |
| रयसेयाणमडगहणं, मद्दवसुकुमारया लहुत्तं च । जत्थेए पंच गुणा, तं रयहरणं पसंसंति | ॥३२॥ |
| इरिया ठाणे निक्खेव-विवेगे तह य निसियणे सयणे । उव्वत्तणमाईसुं, पमज्जणट्टाए रयहरणं [दारं] | ॥३३॥ |
| अब्भंगसिणाणुव्वट्टणाणि, तह केसमंसु संठप्पं । वज्जेइ दंतमुहनासि-यडच्छिभमुहाइसंठवणं | ॥३४॥ |
| जल्लमलदिद्धदेहो, लुक्खो कयलोयविगयसिरसोहो । जो रुढनक्खरोमो, सो गुत्तो बंभचेरम्मि [दारं] | ॥३५॥ |
| जुत्तेहिं मलिणेहिं य, पमाणजुत्तेहिं थोचमुल्लेहिं । चेलेहिं संतेहिं वि, जियरक्खट्टा अचेलक्कं | ॥३६॥ |
| गंथच्चाओ लाघव-मप्पा पडिलेहणा गयभयत्तं । वेसासियं च रुवं, अणायरो देहसोक्खेसु | ॥३७॥ |
| जिणपडिरुवं चिरिया-यारो रागादिदोसपरिहरणं । इच्चेवमाडडइबहुया, आचेलक्के गुणा होन्ति [दारं] | ॥३८॥ |
| पयडमहासत्तत्तं, जिणबहुमाणो तदुत्तकरणेणं । दुक्खसहत्तं नरगाइ-भावणाए य निव्वेओ | ॥३९॥ |
| ^२ आणक्खिया य ^३ लोएण, अप्पणो होइ धम्मसद्धा वि । न य सुहसंगो पच्छा-पुरकम्मविचज्जणं चैव | ॥४०॥ |
| देहम्मि वि अममत्तं, भूसाचाओ य निव्वियारत्तं । अप्पा य होइ दमिओ, लोयम्मि गुणा इमे इहरा | ॥४१॥ |
| जाएज्ज संकिलेसो, बाहिज्जन्तस्स जूयलिक्ख्राहिं । कंडुयणे पुण णियमा, तासि संघट्टमाडडईया | ॥४२॥ |
| इय पंचरुवसामन्न-लिंगमुवदंसियं समणविसयं । एत्तो सविसेसं पि हु, तमडहं दोण्हं पि पक्केहि | ॥४३॥ |

| | |
|--------------------------------------------------------------------------------------------|------|
| नाणाडडडगुणगणाडडगर-गुरुपयपंकयपसायणपरत्तं । थेवे वि हु अवर्राहे, पुणो पुणो अत्तणो गरिहा | ॥२४॥ |
| सविसेसाडडराहणकरण-निरयमुणिसक्कहासवणवंधा । अडचारपंकपम्मुक्क-मूलगुणसेवणाडभिरई | ॥२५॥ |
| पिंडविसुद्धिप्रमुहप्पहाण-किरियासु बद्धलक्खत्तं । पुव्वपडिवन्नसंजम-निरवज्जुज्जोगसंजुत्तं | ॥२६॥ |
| एमाइ गुणकलावो, विसेसलिंगतणेणमडवसेओ । समणाण गिहत्थाण य, हियाभिकंखीण जहजोगं | ॥२७॥ |
| नवरं एवविहगुण-जुआ वि कहमवि य कोहपडिबद्धा । चोयणवसेण सुगुरुसु, सुगईपहसत्थवाहेसु | ॥२८॥ |
| कुव्वंति जे पओसं, उक्कलिज्जंति कूलवालो व्व । आराहणामहाधण-निहाणलाभाओ ते अचिरा | ॥२९॥ |
| तहाहि- | |
| “कुलवालकमुनि दृष्टान्तः” | |
| आसि चरणाडडडगुणमणि-रोहणगिरिणो विसिद्धसंधयणा । निज्जिणियमोहमल्ला, महल्लमाहप्पदुद्धरिसा | ॥३०॥ |
| संगमसीहा नामेण, सूरिणो भूरिसिस्सपरिवारा । तेसिं सिस्सो एगो, मणागमुस्सिंखलसहावो | ॥३१॥ |
| कुणमाणो वि हु दुक्कर-तयोचिहाणाडडडं णिययबुद्धीए । आणासारं चरणं, न पवज्जइ कुग्गहवसेण | ॥३२॥ |
| चोइंति सूरिणो तं, दुस्सिक्ख! किमेवमडफलमप्पाणं । उस्सुत्तकट्टचेट्टाए दुट्ट! सन्तावमुवणेसि | ॥३३॥ |
| आणाए च्चिय चरणं, तब्भंगे जाण किं न भग्गं ति । आणं चडइक्कमंतो, कस्साडडएसा कुणसि सेसं | ॥३४॥ |
| एवं सासिज्जंतो, गुरुसु वेरं स उव्वहइ घोरं । अह अन्नया कयाई, तेणेक्केणं समं गुरुणो | ॥३५॥ |
| एक्कम्मि गिरिवरम्मि, सिद्धसिलावंदणत्थमाडडरूढा । सुचिरं च तं नमंसिय, सणियं ओयरिउमाडडरद्धा | ॥३६॥ |
| अह तेण दुव्विणीएण, चिंतिअं नूण एस पत्थावो । ता दुव्वयणणिहाणं, हणामि आयरियमेयमडहं | ॥३७॥ |
| जइ एत्थ वि पत्थावे, उवेहियो एस निस्सहावो वि । ता जाजीवं निब्भ-च्छिही ममं दुट्टसिक्खाहिं | ॥३८॥ |
| इय चिंतिऊण पट्टि-ट्टिएण महई सिला परिम्मुक्का । सूरिणं हणणट्टा, दिट्टा य कहंपि सा तेहिं | ॥३९॥ |
| तो ओसरिउं सिग्घं, परंपियं रे महादुरायार! । गुरुपच्चणीय! अच्चंत-पावमिय ववसिओ कीस | ॥४०॥ |
| न मुणसि लोगठिइं पि हु, उवयारिसु जं करेसि वहबुद्धिं । जेसुवयारे थोवं, समगतइलोक्कदाणं पि | ॥४१॥ |
| मन्नंति उवयारं, ताण वि सीसा उ केवि अवणीए । उट्टिंति वहाय परे, तुमं व सुचिरोवचरिया वि | ॥४२॥ |
| अहवा कुपत्तसंगहवसेण, एसेव नूण होइ गई । नू कयाइ महाविसविस-हरेण सह निव्वहइ मेत्ती | ॥४३॥ |
| इय एवविहगुरुपाव-कम्मनिम्मूलदलियसुकयस्स । सव्वन्नुधम्मपालण-दूराजोग्गस्स तुह पाव! | ॥४४॥ |
| होही एत्तो इत्थी-सयासओ नूण लिंगचाओ वि । एवं सविउं सूरी, जहागयं पडिनियत्तो ति | ॥४५॥ |
| तह काहं जह एयस्स, सूरिणो भवइ वयणमडस्सच्चं । इय चिंतिउं कुसिस्सो, सो य गओडरन्नभूमीए | ॥४६॥ |
| जणसंचारविरहिए, एगम्मि तावसाडडसमम्मि ठिओ । कूले नईए उग्गं, तयं च काउं समाढतो | ॥४७॥ |
| पत्ते य वरिसयाले, तत्तवतुट्टाए देवयाए नई । मा हीरिही जलेणं ति, वाहिया अवरकूलेण | ॥४८॥ |
| अह कूलंडतरलग्गं, दट्टूण नइं जणेण से विहियं । तद्देसगेण गुत्तं, अभिहाणं कूलवालो ति | ॥४९॥ |
| तप्पहपयट्टसत्थाओ, लद्धभिक्खाए जीवमाणस्स! । लिंगच्चागो जाओ, जह से तह संपयं भणिमो | ॥५०॥ |
| चंपाए नयरीए, असोगचंदो ति पत्थियो अत्थि । सेणियनरिंदपुत्तो, विक्कमअक्कन्तरिउचक्को | ॥५१॥ |
| हल्लविहल्ला से लहुग-भाउणो तेसिं सेणिएण चरो । हत्थी हारो दिन्नो, अभएण वि पव्वयंतेण | ॥५२॥ |
| खोभं कुंडलजुयलं, जणणीतणयं पणामियं तेसिं । अह खोमहारकुंडल-विराइए करिवराडडरूढे | ॥५३॥ |
| ते चंपाए तियच्चच्चरेसु, दोगुंदुगे व्व कीलंते । दट्टुं असोगचंदो, भणिओ भज्जाए सामरिसं | ॥५४॥ |
| रायसिरी परमत्थेण, देव! एएसिं तुज्झ भाऊण । जेणेवमडलंकरिया, करिखंधगया पकीलंति | ॥५५॥ |
| तुह पुण मोत्तुं आयास-मेक्कमडन्नं न रज्जफलमडत्थि । ता तुममेए पत्थेसु, हत्थिप्पमुहाइं रयणाइं | ॥५६॥ |
| रन्ना परंपियं कह, मयच्छि! पिउणा पणामियाइं सयं । लहुभाईणमिमाइं, मग्गन्तो नेव लज्जामि | ॥५७॥ |
| तीए भणियं का नाह!, एत्थ लज्जा परं बहुं रज्जं । दाऊणमिमेसिं करि-पमोक्खरयणाइं लितस्स | ॥५८॥ |
| इय पुणरुत्तं तीए तज्जिज्जंतो महीवई सम्मं । एगम्मि अवसरम्मि, हलविहल्ले इमं भणइ | ॥५९॥ |

1. उक्कलिज्जंति = भ्रश्यन्ते । 2. येषामुपकारे

| | |
|----------------------------------------------------------------------------------------------|------|
| भो! तुभ्यमहं सविसेस-मडवरकरितुरयररणदेसाई । देमि ममं च समप्पह, ताव इमं हत्थिवररणं | ॥६०॥ |
| आलोचिऊण देमो ति, जंपिउं ते गया णिययठाणे । मा गेहिइ हडेणं ति, भयवसा रणिसमयम्मि | ॥६१॥ |
| हत्थिम्मि समारुहिउं, अमुणिज्जन्ता जणेण णीहरिया । वेसालीए पुरीए, चेडगरायं समल्लीणा | ॥६२॥ |
| नाया असोगचंदेण, तदणु विणएण दूयवयणेहिं । हल्लविहल्ले पेसेहि, सिग्घमिइ चेडगो भणिओ | ॥६३॥ |
| अह चेडगेण भणियं, नीणेमि कहं इमे हडेणाहं । सयमेव तुमं संबो-हिऊण उचियं समाचरसु | ॥६४॥ |
| एए तुमं च जम्हा, धूयसुया मज्झ नत्थि हु विसेसो । गेहाडडगय ति णवरं, बला न सक्केमि पेसेउं | ॥६५॥ |
| एवं सोच्चा रुट्टेण, तेण पुणरडयि य चेडगो भणिओ । पेसेसु कुमारे अहव, जुज्झसज्जो लहुं होसु | ॥६६॥ |
| पडिचन्ने जुज्झे चेडगेण, काउं समग्गसामग्गिं । वेसालीए पुरीए असोगचंदो लहुं पत्तो | ॥६७॥ |
| जुज्झेण संपलग्गो, णवरं चेडगमहामहीवइणा । कालप्पमुहा दस अवर-माउगा भाउगा तस्स | ॥६८॥ |
| दसहिं दिवसेहिं वहिया, अमोहमेक्कं सरं खिवंतेण । किर से एक्कदिणंउतो एक्कसरक्खेवनियमो ति | ॥६९॥ |
| एक्कारसमे य दिणे, भयभीएणं असोगचंदेणं । चित्थियमहो इयाणिं, जुज्झंतो हं विणस्सामि | ॥७०॥ |
| ता जुज्झिउं न जुज्जइ, इइ ओसरिउं रणंउणगाउ लहुं । कुणइ स अट्टमभत्तं, सुरसन्निज्झाडभिलासेण | ॥७१॥ |
| अह सोहम्मसुरिंदो, चमरो वि य पुव्वसंगयं सरिउं । तम्मूले संपत्ता, पर्यपिउं एवमाडडत्ता | ॥७२॥ |
| भो भो देवाणुप्पिय!, कहेसु किं ते पियं पयच्छामो । रत्ता भणियं मारेह, चेडयं वेरियं मज्झ | ॥७३॥ |
| सक्केण जंपियं परम-सम्मदिट्ठिं इमं न मारेमो । सण्णिज्झं तस्स तुज्झ य, जइ भणसि ता कुणिमो ति | ॥७४॥ |
| एयंपि होउ इइ जंपिऊण रत्ता असोगचंदेण । चेडगनिवेण सद्धिं, पारद्धो समरसंभो | ॥७५॥ |
| अप्पडिः हयसुरवइपाडि-हेरपायडपहावदुप्पेओ । रिउपक्खं निहणंतो, सो पत्तो चेडगं जाव | ॥७६॥ |
| तो आयत्तं आयडिडऊण, चावं कयंतदूओव्व । तं पइ अमोहयिसिहो, पामुक्को चेडगनिवेण | ॥७७॥ |
| तं च तदंतरचमरिंद-रइयफालिहसिलापडिक्खलियं । अवलोइऊण सहसा, विम्हइओ चेडयनरिंदो | ॥७८॥ |
| खलिए अमोहसत्थे, एत्तो नो मज्झ जुज्झिउं जुत्तं । इइ चित्थिउं पविट्ठो, वेगेण पुरीए मज्झम्मि | ॥७९॥ |
| किंतु गयं से निहणं, असुरिंदसुरिंदनिम्मिएहिं बहु । रहमुसलसिलाकंटग-रणेहिं चउरंगमडवि सेत्तं | ॥८०॥ |
| नयरीरोहं काउं, असोगचंदो ठिओ चिरंकालं । उत्तुंगसालकलिया, न वि भज्जइ सा कहंपि पुरी | ॥८१॥ |
| एगम्मि य पत्थावे, राया तं भंजिउं अपारंतो । जा सोइंतो अच्छइ, ता पडियं देवयाए इमं | ॥८२॥ |
| 'समणे जइ कूलवालए, मागहियं गणियं लग्गिस्सई । राया य असोगचंदए, वेसालिं नगारिं गहिस्सइ' | ॥८३॥ |
| हरिसवियसंतवयणो, पाउं अमयं व सवणपुडएहिं । वयणमिमं नरनाहो, तं समणं पुच्छए लोयं | ॥८४॥ |
| अह कहमवि लोगाउ, नईकूलडियमिमं वियाणित्ता । पणतरुणीण पहाणं, मागहियं वाहरावेइ | ॥८५॥ |
| भणइ य भद्दे! तं कूल-वालगं समणमेत्थ आणेहि । एवं करेमि तीए, पडिचन्तं विणयपणयाए | ॥८६॥ |
| तो क्वडसाविया सा, होउं सत्थेण तं गया ठाणं । वंदित्ता तं समणं, सविणयमेवं पर्यपेइ | ॥८७॥ |
| गिहनाहे सग्गए, जिणिदभवणाइ वंदमाणाउहं । सोउं तुभ्भे एत्थं, समागया वंदणट्ठाए | ॥८८॥ |
| ता अज्जं चिय सुदिणं, पसत्थित्थं च जं तुमं दिट्ठो । एत्तो कुणसु पसायं, भिक्ख्रागहणेण मुणिपवर! | ॥८९॥ |
| तुम्हारिसे सुपत्ते, निहित्तमप्पंपि दाणमचिरेण । सग्गाउपवग्गसोक्ख्राण, कारणं जायए जेण | ॥९०॥ |
| इय बहुभणितो सो कूल-वालओ आगओ य भिक्खट्ठा । दिन्ना य मोयगा दुट्ठ-दव्वसंजोइया तीए | ॥९१॥ |
| तम्भोगाउणंतरमवि, अइसारो से दढं समुप्पन्नो । तेण विबलोउतरंतो, काउं उव्वत्तणाइं पि | ॥९२॥ |
| तीए भणियं भयवं, उस्सग्गडववायवेइणी अहयं । गुरुसामिबंधुतुल्लस्स, तुज्झ जइ किंपि पडियारं | ॥९३॥ |
| काहं फासुयदव्वेहिं, होज्जा एत्थ वि असंजमो कोई । ता अणुजाणसु भंते, वेयावच्चं करेमि ति | ॥९४॥ |
| पयुणसरीरो सत्तो, पायच्छित्तं इहं चरेज्जासि । अप्पा हि रक्खियव्वो, जत्तेणं जेण भणियमिमं | ॥९५॥ |
| सव्वत्थ संजमं संज-माउ अप्पाणमेव रक्खेत्तो । मुच्चइ अइयायाओ, पुणो वि सोही न याउविरई | ॥९६॥ |
| इय सिद्धंताभिप्पाय-सारवयणाणि सो निसामित्ता । मागहियं अणुजाणइ, वेयावच्चं करेमाणिं | ॥९७॥ |

तो उच्चतणधावण-निसियावणपमहुसव्वकिरियाओ । कुणइ समीवत्थिया सा, अणवरयं तस्स परितुट्ठा ॥१८॥
 कइवयदिणाइं एवं, पालिता ओसहप्पयोगेण । पगुणीकयं सरिरं, तवस्सिणो तस्स लीलाए ॥१९॥
 अह पवरुब्भडसिंगार-सारनेवत्थसुंदरंगीए । एग्गि दिणे तीए, सवियारं सो इमं वुत्तो ॥१३०॥

“कुलवालकस्य पतनः” —

पाणनाह! निसुणेसु मे गिरं, गाढरुढपडिबंधंधुरं । मं भयाहि सुभरासिणो निहिं, मुंच दुक्करमिमं तवोविहिं ॥१॥
 किं अणेण तणुसोसकारिणा, पइदिणं पि विहिण्ण वेरिणा । पत्तमेव फलमेयसंतियं, मं लहितु पइं कुंददन्तियं ॥२॥
 किं वडरन्नमिममस्सिओ तुमं, दुट्ठसावयसमूहदुग्गमं । एहिं जामु नयरं मनोहरं, रइसरुवहरिणच्छिसुंदरं ॥३॥
 मुद्ध! धुत्तनिवहेण वंचिओ, अच्छसे जमिह सीसलुचिओ । किं विलासमणुवासरं तुमं, नो करेसि भवणे मए समं ॥४॥
 तुज्झ थेवविरहे वि निच्छियं, निस्सरेइ मह नाह! जीवियं । ता उवेहि सममेव वच्चिमो, दूरदेसगयतित्थं वंदिमो ॥५॥
 एतिण्ण वि समत्थपावयं, तुज्झ मज्झ चिय वच्चिही खयं । पंचरुवविसए य भुंजिमो, जाव नाह! इह किंपि जीविमो ॥६॥
 इय सवियारं मंजुल-गिराहिं, तीए पर्यपिओ संतो । सो संखुद्धो परिचत्त-धीरिमो मुयइ पव्वज्जं ॥७॥
 अच्छन्तहरिसियमणा, तो तेण समं समागया रत्तो । पासे असोगचंदस्स, पायवडिया य विन्नवड ॥८॥
 सो एस देव! मुणिकूल-वालगो मज्झ पाणनाहो ति । जं कायव्वं इमिणा, तं संपइ देह आएसं ॥९॥
 रत्ता भणियं भद्वय!, तह कुण जह भज्जए इमा नयरी । पडिवज्जइ सो वयणं, तिदंडिरुवं च काऊण ॥१०॥
 पविसइ पुरीए मज्झे, मुणिसुव्वयनाहथूहमडह दट्टुं । चिन्नेइ नेव भज्जइ, धुवमेयपभावओ नयरी ॥११॥
 ता तह करेमि अवणेन्ति, जह इमं नयरिवासिणोमणुया । इइ चिन्तिऊण भणियं, हंहो लोगा! इमं थूभं ॥१२॥
 जइ अवणेह लहुं चिय, ता परचक्कं सदेसमणुडसरइ । इहरा नयरीरोहो, न फिड्ढिही जावजीवं पि ॥१३॥
 संकेइओ य राया, अवसरियव्वं तए वि थूभम्मि । अवणिज्जंते दूरं, घेतुं णियसव्वसेत्तं ति ॥१४॥
 अह लोणेणं भणियं, भयवं! को एत्थ पच्चओ अत्थि । तेणं पर्यपियं थूभे, थेवमेत्तम्मि अवणीए ॥१५॥
 जइ परचक्कं वच्चइ, ता एसो पच्चओ ति इइ वुत्ते । लोणेणं आरद्धं, अवणेउं थूभसिहरडगं ॥१६॥
 अवणिज्जंते तम्मि, वच्चंतं पेच्छिऊण रिउसेत्तं । संजायपच्चएणं, अवणीयं सव्वडवि थूभं ॥१७॥
 तो भग्गा बलिऊणं, रत्ता नयरी विडम्बिओ लोगो । अवडम्मि निवडिओ चेड-गो य जिणपडिमामाडडदाय ॥१८॥
 इय एवंविहगिरिगरुय-पावरासिस्स भायणं जाओ । जं कूलवालगो सुगुरु पच्चणीयत्तदोसेण ॥१९॥
 जं च सुदुक्करतवचरण-करणनिरओ वि रत्तयासी वि । भग्गपइत्तो जाओ, तमडसेसं गुरुपओसफलं ॥२०॥
 तेणं सविसेसमिणं, लिंगं गुरुपयपसायणारुवं । आराहणाडरिहाणं, भन्नइ कयमिह पसंगेण ॥२१॥
 इय निव्वुइपहसंदणसमाए, संवेगरंगशालाए । परिकम्मविहीपामोक्ख-चउमहामूलदाराए ॥२२॥
 आराहणाए पन्नस्स-पडिदारमयस्स पढमदारस्स । लिंगाभिहाणमेयं, अक्खायं बीयपडिदारं ॥२३॥
 पुव्वुत्तलिंगजुत्ता वि, सम्ममाडडराहणं न पावेंति । जम्हा विणा इमीए, ता एत्तो भण्णए सिक्खा ॥२४॥

“तृतीयशिक्षाद्वारस्वरूपम् - ग्रहणशिक्षास्वरूपम्” —

गहणाडडसेवणतदुभय-भेएहिं सा भवे तिहा तत्थ । नाणभाससरुवा, सिक्खा वुच्चइ गहणसिक्खा ॥२५॥
 सा य जहन्नेण जइस्स, सावयस्स य पडुच्च सुत्तत्थे । अट्ट उ पवयणमाया, जाव भवे तुच्छमइणो वि ॥२६॥
 उक्कोसेणं साहुस्स, सुत्तओ अत्थओ य होइ इमा । पवयणमायाइबिंदु-सारपुव्वाडवसाण ति ॥२७॥
 जावं छज्जीवणियं, उक्कोसा सुत्तओ गिहत्थस्स । अत्थं पडुच्च पिंडेस-णाडवसाणा स किर जेण ॥२८॥
 पवयणमायाडहिगमं, विणा वि सामाइयं कह करेज्ज । छज्जीवणियानाणं, विणा य कह रक्खइ जीवे ॥२९॥
 पिंडेसणडत्थविन्नाण-विरहओ कह व देज्ज समणाणं । फासुयएसणियाइं, पाणाडसणवत्थपत्ताइं ॥३०॥
 इय घोरभवडन्नवतरण-तरीसमुद्दामपायडपहावं । पुत्ताडणुबंधिपुण्णाण, कारणं परमकल्लाणं ॥३१॥
 मुहपरिणईसु महुरं, पमायदढसेलवज्जडमणवज्जं । जरमरणरोगपसमण-मणहारिरसायणविहाणं ॥३२॥
 जिणवयणं पढमं सुद्ध-मडविकलं सुत्तओ पढेयव्वं । पच्छा सुसाहुपासे, सोयव्वं अत्थओ सम्मं ॥३३॥

पडिय-सुणियं पि एक्कसि, जत्तेण पुणो पुणो हु पेहेज्जा । आजम्ममडप्पणो तयणु-बंधिरीकरणहेउ ति ॥३४॥
 तं किं पि परमतत्तं, इमं मए पावियं सुपुत्रेहिं । एवं च भावसारं, बहुमन्नेज्जाडणवज्जं तं ॥३५॥
 भदं समंतभदस्स, तस्स पायडियसुगइमग्गस्स । जिणवयणस्स भगवओ, भवंति जतो गुणा एए ॥३६॥
 आयहियपरिन्ना भाव-संवरो नवनवो य संवेगो । निक्कंपया तवो भाव-णा य परदेसियत्तं च ॥३७॥
 नाणेण सच्चभावा, जीवाडजीवाडसवाइणो सम्मं । नज्जंति आयहियं, अहियं च भवे इह परे य ॥३८॥
 आयहियमडयाणंतो, मुज्झइ मूढो समाइयइ पावं । पावनिमित्तं जीवो, भमइ भवसायरमणंतं ॥३९॥
 जाणंतस्सायहियं, अहियनियत्ती य हियपवित्ती य । होइ जओ ता निच्चं, आयहियं आगमेयच्चं ॥४०॥
 सज्झायं कुच्चंतो, पंचिदियसंवुडो तिगुतो य । संवरइ असुहभावे, रागदोसाडडइए घोरे [दारं] ॥४१॥
 जह जह सुयमडवगाहइ, अइसयरसपसरनिभ्रमडउच्चं । तह तह पल्हाइ मुणी, नवनवसंवेगसद्धाए [दारं] ॥४२॥
 आयोवायविहिन्नू, विज्जा तवनाणदंसणचरित्ते । विहरइ विसुद्धलेसो, जावज्जीवं पि निक्कंपो [दारं] ॥४३॥
 बारसविहम्मि वि तवे, सम्भिनतरबाहिरे कुसलदिट्ठे । नडवि अत्थि नडवि य होही, सज्झायसमं तर्वाकम्मं [दारं] ॥४४॥
 सज्झायभावणाए य, भाविया होंति सच्चगुतीओ । गुतीहिं भावियाहिं, मरणे आराहओ होइ [दारं] ॥४५॥
 आयपरसमुत्तारो, आणावच्छल्ल दीवणा भत्ती । होइ परदेसियत्ते, अब्बोच्छिती य तित्थस्स ॥४६॥

अत्र च—

उवएसमंडतरेण वि, कामडत्थे कुसलो सयं लोगो । धम्मो उ गहणसिक्खं, विणा न ता तीए जइयच्चं ॥४७॥
 अत्थाडडइसु अविहीए, तदभावो चैव जइ परनराणं । रोगचिगिच्छाडडहरणा, धम्मे अविही अणत्थकए ॥४८॥
 ता निच्चं धम्मडत्थी, जत्तपरो होज्ज गहणसिक्ख्राए । निम्मोहं धम्मिजणे, पवित्तिहेऊ तदुज्जोओ ॥४९॥
 नाणं चिंतारयणं, नाणं कप्पहुमो परो लोए । तह सच्चगयं चक्खू, धम्मस्स य साहणं नाणं ॥५०॥
 जस्सेह न बहुमाणो, अफल च्चिय तस्स धम्मकिरियाडवि । पेक्खणगेक्खणकिरिया, जह जच्चंधस्स लोयम्मि ॥५१॥
 अत्रं च विणा नाणं, जो वट्टइ कामचारओ किच्चे । लहइ न तस्सिद्धिं सो, न सुहं न परं गइं वाडवि ॥५२॥
 इय मोत्तूण पमायं, पढमं चिय कज्जसाहणमणेण । सम्मं सया वि जतो, कायच्चो नाणगहणम्मि ॥५३॥
 अत्रं च पत्थुयडत्थे, एत्थं नीसेसनयमयाणं पि । संग्राहिणो नया दोन्नि, नाणकिरियाडभिहाणाओ ॥५४॥
 तत्थ किर नाणनयमय-मेयं जं सच्चहा वि कज्जत्थी । गहणस्सिक्ख्राए च्चिय, जएज्ज सम्मं सइ तहाहि ॥५५॥
 हेओवाएयडत्थे, विन्नाए चैव गहणसिक्ख्राए । सम्मं बुहेहिं जइयच्चं, अन्नहा फलविसंवाओ ॥५६॥
 फलसाहणेक्कहेऊ, सन्नाणं चिय नराण नो किरिया । मिच्छानाणपवताणं, फलविसंवायभावाओ ॥५७॥
 इय इहलोगफलं पइ, जह भणियं तह भवंडतरफलं पि । आसज्ज सो च्चिय विही, जिणनाहेहिं जओ भणियं ॥५८॥
 'पढमं नाणं तओ दया, एवं चिद्धइ सच्चसंजए । अन्नाणी किं काही, किंवा नाही छेयपावयं' ॥५९॥
 इह जह ख्राओवसमिग-नाणस्स तहेव ख्राइगस्साडवि । संमं विसिद्धफलसाह-गतणं होइ विन्नेयं ॥६०॥
 जम्हा अरिहन्तस्स वि, संसारसमुद्दपारपत्तस्स । दिक्खापडिवन्नस्स वि, पगिद्धतवचरणवंतस्स ॥६१॥
 नो ताव सिद्धिगमणं, केवलनाणं न जाव उप्पन्नं । जीवाडडइसमत्थपयत्थ-सत्थवित्थारणसमत्थं ॥६२॥
 तम्हा इहपरलोइय-फलसंपत्तीए कारणमडवंडं । सन्नाणं चिय ततो, तम्मि पयत्तो न मोत्तव्यो ॥६३॥
 नाणं विणा न गोरव-मेइ नरो इंददत्तपुत्तोच्च । नाणाउ तस्सुओ च्चिय, सुरिंददत्तो च्च गउरविओ ॥६४॥
 तथाहि—

“सुरेन्द्रदत्तस्य दृष्टान्तः”

इंदपुरे इव रम्मे, इंदपुरे वरपुरम्मि नरनाहो । नामेण इंददत्तो, इंदो इव विबुहमहणिज्जो ॥६५॥
 सिरिमालिपमुहपुत्ता, बावीसमणंगचंगरुवधरा । बावीसाए देवीण-मडतया तस्स य अहेसि ॥६६॥
 एगम्मि य पत्थावे, अमच्चधूया रइ च्च पच्चक्खा । दिट्ठा तेणं गेहे, कीलंती विविहकीलाहिं ॥६७॥
 तो पुच्छिओ परियणो, कस्सेसा तेण जंपियं देव! । मंतिसुया अह रत्ता, तदुवरि संजायरणेण ॥६८॥

| | |
|------------------------------------------------------------------------------------------------------------|-------|
| विविहपयारेहि मग्गिऊण, मंतिं सयं समुच्चूढा । परिणयणाणंउतरमवि, खिता अंतउरे सा य | ॥६९॥ |
| अन्नन्नपवररामा-पसंगवासंगओ य नरवइणो । विस्सुमरिया चिरेण य, दट्ठुं 'ओलोयणठियं तं | ॥७०॥ |
| जंपियमउण्णेण ससहर-सरिच्छपसरंतकंतिपम्भारा । का एसा कमलउच्छी, लच्छी विच सुंदरा जुवई | ॥७१॥ |
| कंचुइणा संलत्तं, सा एसा देव मंतिणो थूया । जा परिणिऊण मुक्का, तुम्भेहिं पुच्चकालम्मि | ॥७२॥ |
| एवं भणिए राया, तीए समं तं निसीहिणिं चुत्थो । उउण्हाय ति तय च्चिय, पाउम्भूओ य से गम्भो | ॥७३॥ |
| अह सा पुच्चमउमच्चेण, आसि भणिया जहा तुहं पुत्ति! । पाउम्भवेज्ज गम्भो, जं च नरिंदो समुल्लवइ | ॥७४॥ |
| तं साहेज्जसु तइया, महं ति तीए वि सच्चवुत्ततो । सिट्ठो पिउणो तेणाउवि, भुज्जखंडम्मि लिहिऊण | ॥७५॥ |
| पच्चयकएण मुक्को, पइदियहं सारवेइ अपमतो । जाओ य तीए पुत्तो, सुरिंदत्तो कयं नामं | ॥७६॥ |
| तम्मि य दिणे पसूयाणि, तत्थ चत्तारि चेडरूवाणि । अग्गियओ पच्चयओ, बहुली तह सागरयनामो | ॥७७॥ |
| उवणीओ पढणत्थं, लेहाउउयरियस्स सो अमच्चेण । तेहिं चेडेहिं समं, कलाकलावं अहिज्जेइ | ॥७८॥ |
| ते वि सिरिमालिपमुहा, रत्तो पुत्ता न किंचिवि पढंति । थेवं पि कलाउउयरिएण, ताडिया निययजणणीए | ॥७९॥ |
| साहेति रोयमाणा, एवं एवं च तेण हणियम्ह । अह कुवियाहिं भणिज्जइ, उज्झाओ रायमहिलाहिं | ॥८०॥ |
| हे कूडपंडिय! सुए, अम्हाणं कीस हणसि २णिस्सट्ठं । पुत्तरयणाइं जह तह, न होंति एयं पि नो म्णसि | ॥८१॥ |
| हो! होउ तुज्झ पाढणविहीए, अच्चंतमूढ! विहलाए । जो न सुए थेवं पि हु, ताडितो वहसि अणुकंपं | ॥८२॥ |
| इय ताहिं फरुसवयणेहिं, तज्जिएणं उवेहिया गुरुणा । अच्चन्तमहामुक्खा, जाया ताहे नरिंदसुया | ॥८३॥ |
| राया वि वइयरमिमं, अयाणमाणो मणम्मि चिन्तेइ । अच्चंतकलाकुसला, मम चेव सुया परं एत्थ | ॥८४॥ |
| सो पुण सुरिंदत्तो, कलाकलावं अहिज्जिओ सयलं । अगणंतो समवयचेड-रूवविहियं पि पच्चूहं | ॥८५॥ |
| अह महुराए नयरीए पच्चयगनराहिवो निययधूयं । पुच्छइ पुत्ति! तुह वरो, जो रोयइ तं पणामेमि | ॥८६॥ |
| तीए पयंपियं ताय!, इंददत्तस्स संतिया पुत्ता । सुच्चंति कलाकुसला, सूरा धीरा सुरूवा य | ॥८७॥ |
| तेसि एक्कं सुपरिक्खिऊण, राहापवेहविहिणाउहं । जइ भणसि ता सयं चिय, गंतूण तहिं वरेमि ति | ॥८८॥ |
| पडिवन्नं नरवइणा, ताहे पउराए रायरिद्धीए । सा परिगया पयट्ठा, गंतु नयरम्मि इंदपुरे | ॥८९॥ |
| तं इतिं सोऊणं, तुट्ठेणं इंददत्तनरवइणा । कारविया नियनयरी, उम्भवियविचित्तधयनिवहा | ॥९०॥ |
| अह आगयाए तीए, दवाचिओ सोहणो य आवासो । भोयणदाणप्पमुहा, विहिया उचिया पविती वि | ॥९१॥ |
| चिन्नत्तो तीए निचो, राहं जो विधिही सुओ तुज्झ । सो च्चिय मं परिणेही, एत्तो च्चिय आगयाउहमिहं | ॥९२॥ |
| रत्ता भणियं मा सुयणु!, एत्तिएणाउवि तं किलिस्सिहसि । एक्केक्कपहाणगुणा, सच्चे वि सुया जओ मज्झ | ॥९३॥ |
| उचियपएसे य तओ, सच्चेयरभमिरचक्कपंतिल्लो । सिरिरइयपुत्तिगो लहु, महं पइट्ठाविओ थंभो | ॥९४॥ |
| अक्खाडओ य रइओ, बद्धा मंचा कया य उल्लोया । हरिसुल्लसन्तगतो, आसीणो तत्थ नरनाहो | ॥९५॥ |
| उवविट्ठो नयरिजणो, आहूया राइया निययपुत्ता । वरमालं घेतूणं, समागया सा वि रायसुया | ॥९६॥ |
| अह सच्चपुत्तजेट्ठो, सिरिमाली राइणा इमं वुत्तो । हे वच्छ! मणोवंछिय-मउचंझामेतो कुणसु मज्झ | ॥९७॥ |
| धवलसु नियकुलं पर-मुन्नइं नेसु रज्जमउणवज्जं । गिण्हाहि जयपडायं, सत्तूणं विप्पियं कुणसु | ॥९८॥ |
| एवं रायसिरिं पिय, पच्चक्खं निच्चुइं नरिंदसुयं । परिणेषु कुसलयाए, राहावेहं लहुं काउं | ॥९९॥ |
| एवं च वुत्तु सो रायपुत्तु, संजायस्सोहु निन्नइसोहु । पस्सेयकिन्नु अइचित्तसुन्नु दीणाउउणत्थं पगलंतकच्छु | ॥१००॥ |
| विच्छायगतु नं लच्छिचत्तु, लज्जायमाणु विहलाउभिमाणु । हेट्ठं नियंतु पोरिसु मुयंतु, ठिउ थंभिउ व्व दढजंतिउ व्व | ॥१०१॥ |
| पुणरवि भणिओ रत्ता, संख्रोहं उज्झिऊण हे पुत्त! । कुणसु समीहियमउत्थं, केत्तियमेत्तं इमं-तुज्झ | ॥१०२॥ |
| संख्रोहं पुत्त! कुणंति, ते परं जे कलासु न वियड्ढा । तुम्हारिसाण स कहं, अकलंककलाकुलगिहाणं | ॥१०३॥ |
| इय संलत्तो थिट्ठिम-मउवलंबिय सो मणागमउवियड्ढो । कह कहवि धणुं गेण्णइ, पकंपिरेणं करउग्गेण | ॥१०४॥ |
| सच्चसरीराउउयासेण, कहवि आरोविऊण कोदंडं । जत्थ व तत्थ व वच्चउ, मुक्को सिरिमालिणा बाणो | ॥१०५॥ |

| | |
|----------------------------------------------------------------------------------------------|------|
| थंभे अम्भिडिता, झडति, सो भंगमुवगतो तयणु । लोगो क्यतुमुलरवो, निहुयं हसिउं समारद्धो | ॥६॥ |
| एयं सेसेहि वि नर-वइस्स पुतेहिं कलायिउतेहिं । जह तह मुक्का बाणा, न कज्जसिद्धी परं जाया | ॥७॥ |
| लज्जामिलंतनयणो, वज्जाडसणिताडिओ व्व नरनाहो । विच्छायमुहो विमणो, सोगं काउं समाढतो | ॥८॥ |
| भणिओ य अमच्चेणं, देव! विमुंचह विसायमडन्नो वि । अत्थि सुओ तुम्हाणं, ता तंपि परिकख्ह इयाणि | ॥९॥ |
| रत्ता भणियं को पुण, समप्पियं मंतिणा तओ भुज्जं । तं वाइऊण रत्ता, पयपियं होउ तेणाडवि | ॥१०॥ |
| अच्चंतपाडिएहिं पि, इमेहिं पावेहिं जं समायरियं । सो वि हु तमाडडयरिस्सइ, धी धी एवं विहसुरेहिं | ॥११॥ |
| जइ पुण तुह निब्बंथो, विन्नासिज्जउ तदा सुओ सो वि । तो मतिणोचणीओ, सुरिंददतो सउज्जाओ | ॥१२॥ |
| अह तं भूमीवइणा, विचित्तपहरणपरिस्समकिणंकं । उच्छंणे विणिवेशिय, पयपियं जायतोसेणं | ॥१३॥ |
| पूरेसु तुमं मम वच्छ!, वंछियं विंधिऊण राहं च । परिणेषु निव्वुइं राय-कन्नेगं अज्जिणसु रज्जं | ॥१४॥ |
| ताहे सुरेददतो, नरनाहं नियगुरुं च नमिऊण । आलीढड्डाणठिओ, धीरो धणुदंडमाडडदाय | ॥१५॥ |
| निम्मलतेल्लाऊरिय-कुंडयसंकंतचक्कगणछिड्डं । पेहित्तो अवरेहिं, हीलिज्जन्तो वि कुमरेहिं | ॥१६॥ |
| अग्गीययप्पमुहेहिं, रोडिज्जन्तो वि तेहिं चेडेहिं । गुरुणा निरुविएहिं, पासडिएहिं च पुरिसेहिं | ॥१७॥ |
| आयडिडयख्खग्गेहिं, जइ चुक्कसि ता वयं हणिस्सामो । इइ जंपिरेहिं दोहिं, तज्जिज्जंतो वि पुणरुत्तं | ॥१८॥ |
| लक्खुम्महुकयचक्खू, एगगमणो महामुणिदो व्व । उवलद्धचक्कविवरो, राहं विंधइ सरेण लहुं | ॥१९॥ |
| विद्धाए तीए खिता, वरमाला निव्वुइए से कण्ठे । आणंदिओ नरेदो, जयजयसद्धो समुच्छलिओ | ॥२०॥ |
| विहिओ वीचाहमहो, दिन्नं रज्जं पि से महीवइणा । एवं सुरेददतो, नाणाउ गउरवं पत्तो | ॥२१॥ |
| इय नाणनयमएणं, जत्तो निच्चं पि गहणसिक्खाए । कायव्वो इहपरभव-सुहदाणअवंझहेऊए | ॥२२॥ |
| एयरहिया न जम्हा, किरियाजुत्ता वि होति जणपुज्जा । अचंतकलावियला, निवसुयसिरिमालिपमुह व्व | ॥२३॥ |
| इय ताव गहणसिक्खा, निर्दसिया इत्तिं पुव्वउद्धिडा । किरियाकलावरुवा, वुच्चइ आसेवणासिक्खा | ॥२४॥ |
| एयाए विणा वणमालईए, कुसुमोग्गमो व्व विहवाए । रुवाडडइगुणगणोइव, होइ विहला गहणसिक्खा | ॥२५॥ |
| किंच— | |
| “आसेवनशिक्षास्वरूपम्” | |
| जोगतिगेणासेवण-सिक्खं चिय सम्ममायरन्तस्स । गहणस्सिक्खा जायइ, न अन्नहा जेण पयडमिणं | ॥२६॥ |
| गुरुचरणपसायणओ, असेसवक्खेवंवज्जणुज्जमओ । सुस्सूसणपडिपुच्छण-पमुहगुणपउंजणेणं च | ॥२७॥ |
| बहुबहुतरबहुतमबोह-संभवा परमपगरिसमुवेइ । गहणस्सिक्खा न उ अन्न-हा वि सिरिमालिणो व्व धुवं | ॥२८॥ |
| एवं जाया वि अभिक्खणं पि, मणवयणकायकिरियाहिं । आसेविज्जन्त च्चिय, वड्डइ एसा थिरा य भवे | ॥२९॥ |
| ता होइ अहुन्ता वि हु, हुंतीए अहुंतियाए हुन्ता वि । न हु होइ जप्पभावा, भव्याण इमा गहणसिक्खा | ॥३०॥ |
| तीए च्चिय एक्काए, नमोडत्थु सव्वसुहसिद्धिभूमीए । आसेवणसिक्खाए, भवतरुपलवानलसमाए | ॥३१॥ |
| एत्थ य किरियानय-मयमेयं जं सव्वहा वि कज्जत्थी । किरियाए च्चिय सम्मं, जएज्ज निच्चं चिय तहाहि | ॥३२॥ |
| हेओवादेयडत्थे, विन्नाए उभयलोगफलसिद्धिं । इच्छन्तेण मइमया, जइयव्वं चेव जतेण | ॥३३॥ |
| जम्हा पवित्तिलक्खण-पयत्तविरहे न नाणिणो वि इहं । अहिलसियवत्थुसिद्धी, दीसइ अन्नेहि वि जमुत्तं | ॥३४॥ |
| किरिय च्चिय फलजणणी, नो नाणं संजमडत्थविसयाण । विन्नाया वि सुनिउणं, न नाणमेत्ता सुही होइ | ॥३५॥ |
| तिसिओ वि हु सलिलाइय-मवल्लोयन्तो वि जाय न पयट्ठो । पिण्णाडडइकिरियाए, तत्तित्तिफलं न ता लहइ | ॥३६॥ |
| अग्गट्टियइट्टरसोववेय-भोयणतडोचयिट्ठो वि । हत्थमवावारिन्तो, नाणी वि हु मरइ भुक्खाए | ॥३७॥ |
| अइपंडिओ वि वाई, आहसिय परं गतो निवसभाए । वयणमवावारिन्तो, न लहइ अत्थं सलाहं च | ॥३८॥ |
| इय इहलोयफलं पइ, जह वुत्तो तह भवन्तरफलं पि । आसज्ज सो च्चिय विही, जओ जिणिदेहिं भणियमिणं | ॥३९॥ |
| चेइयकूलगणसंधे, आयरियाणं च पवयणसुए य । सव्वेसु वि तेण कयं, तवसंजममुज्जमन्तेण | ॥४०॥ |
| इय जह खाओवसमिग-चरणस्स तहेव खाइगस्सावि । सम्मं पगिट्ठफलसाह-गतणं होइ विन्नेयं | ॥४१॥ |

जम्हा अरिहन्तस्स वि, पतस्स वि विमलकेवलाऽऽलोयं । नो ताव नाणओ च्विय, संपज्जइ मुत्तिसंपत्ती ॥४२॥
जाव न समत्थकम्मिं-धणग्गितुल्ला परा विसुद्धिकरी । लहुपंचऽक्खरसंगिरण-मेत्तकालप्पमाणट्ठिई ॥४३॥
नीसेसाऽऽसवसंवर-रूवा एत्थं अपत्तपुच्चा य । सेसकिरियापहाणा, पत्ता चारित्तकिरिय ति ॥४४॥
नायं च एत्थ सो च्विय, सुरिंददत्तो न जइ मुणत्तो वि । राहं विंधंतो ता, परे व्व हीलापयं हुंतो ॥४५॥
तम्हा इहपरलोइय-फलसंपत्तीए कारणमऽवंडं । आसेवासिक्ख च्विय, ता इह जत्तो न मोत्तव्यो ॥४६॥
एवं च नाणकिरिया-नएहिं उद्धिट्टमुभयपक्खे वि । सिद्धंतुद्धिविचित्त-जुत्तिनिविहं निसामेता ॥४७॥
एगत्थ मांसलाऽऽमोय-मणहरं फूडियकेयईकोसं । अन्नतो दरविदलिय-भवलोइय मालईमउलं ॥४८॥
तग्गंधलुद्धओ महु-यरो व्व दोलायमाणमणपसरो । सिस्सो पुच्छइ सट्ठाण-जुत्तिगरुयत्तणे भंतो ॥४९॥
किं तत्तमेत्थ गुरुणा, परंपियं हंत उभयसिक्ख ति । गहणाऽऽसेवणरूवा, अन्नोन्नसवेक्खयाए जओ ॥५०॥
आसेवणाए सिक्खा, न गहणसिक्खं विणा भवइ सम्मं । सहला न गहणसिक्खा वि, इह विणाऽऽसेवणासिक्खं ॥५१॥
संमतं पि जओ इह, सुयाऽऽणसारेण जा पविती उ । सुत्तऽऽत्थगहणपुच्चा, किरिया तेणेह सिवजणणी ॥५२॥
किंच—

“ज्ञानक्रियासापेक्षउपादेयता”

सुयनाणम्मि वि जीवो, वट्टन्तो सो न पाउणइ मोक्खं । जो तवसंजममइए, जोए न चएइ चोदुं जे ॥५३॥
‘हयं नाणं कियाहीणं, हया अन्नाणओ किया । पासंतो पंगुलो दड्ढो, धावमाणो य अंधओ’ ॥५४॥
‘संजोगसिद्धीए फलं वयंति, न हु एगचक्केण रहो पयाइ । अंधो य पंगू य वणे समेच्चा, ते संपउत्ता नगरं पविट्ठा’ ॥५५॥
नाणं नयणसमाणं, चरणं चरणप्पवित्तिपडिरूवं । दोण्हं पि समाजोगे, सिवपुरगमणं जिणा बिंति ॥५६॥
सिक्खादुगोउवएसो, जइ ता मुणिणो वि वन्निओ एवं । सविसेसं समणोवास-एण ता तत्थ जइयव्वं ॥५७॥
एतो च्विय वन्निज्जइ, ते च्विय धन्ना जयम्मि सप्पुरिसा । जे निच्चमऽप्पमत्ता, नाणी य चरित्तजुत्ता य ॥५८॥
परमत्थम्मि सुदिट्ठे, अचिनट्टेसु तवसंजमगुणेसु । लब्भइ गई विसिद्धा, कम्मसमूहे विणट्टम्मि ॥५९॥
लक्खित्ता दक्खो लक्ख-णिज्जभावे उ गहणसिक्खाए । लक्खाणुरुवमह अणु-सरेज्ज आसेवणासिक्खं ॥६०॥
जइ ताव गहणसिक्खा, एकक् च्विय फलवई हवेज्ज इहं । ता नहिं सुयनिही सो वि हु, महुरामंगू तहा हुंतो ॥६१॥
तहाहि—

“आर्यमङ्गूआचार्यदृष्टान्तः”

महुराए नयरीए, जुगप्पहाणो सुयस्स य निहाणो । अणवरयसिस्ससुत्तत्थ-कहणपडिबद्धवावारो ॥६२॥
अग्गियपरिस्समो भव्व-सत्तसद्धम्मदेसणाईसु । नामेण अज्जमंगू, आसि सूरी जणपसिद्धो ॥६३॥
सो पुण जहुत्त किरिया-कलाववियलो सुहाभिलासी य । सावयकुलपडिबद्धो, पग्गहिओ गारवतिएण ॥६४॥
अणवरयभत्तजणदिज्ज-माणपाणऽन्नवत्थलाभेण । तत्थेव चिरं वुत्थो, चिच्चा अब्भुज्जयविहारं ॥६५॥
अह सिढिलियसामन्नो, निस्सामन्नं पमायमुवचिणिउं । अकयनियदोससुद्धी, मरिऊणं आउविगमम्मि ॥६६॥
तीए चेव पुरीए, निद्धमणाऽऽसन्नजक्खभवणम्मि । अच्चंतं किच्चिसिओ, जक्खो होऊण उप्पन्नो ॥६७॥
मुणिऊण विभंगेणं, पुच्चभवं तो विचित्तिउं लग्गो । हा हा पावेण मए, पमायमयमत्तचित्तेण ॥६८॥
पत्तं पि विचित्ताऽऽइसय-रयणपडिपुन्नजिणमयनिहाणं । तक्कहियपवित्तिपरं-मुहेण विहलत्तमुवणीयं ॥६९॥
माणस्सखेत्तजाई-पमोक्खसद्धम्महेउसामग्गिं । चरणं पमायभट्टं, एतो कत्तो लहिस्सामि ॥७०॥
हा जीव! पाव! तइया, इड्ढीरसगारवाण विरसत्तं । सत्थऽत्थजाणगेण वि, न लक्खियं किं तए आसि ॥७१॥
मायंगनिच्चिसेसं, किच्चिसियसुरत्तणं इमं पत्तो । जाओऽग्गि चिरमऽजोगो, विरइपहाणस्स धम्मस्स ॥७२॥
धी धी सत्थत्थपरि-स्समो ममं धी मईए सुहुमतं । धी धी परोवएस-प्पयाणपडिच्चमच्चंतं ॥७३॥
धी भाववियलकिरिया-कलावमणुदिणमणुट्ठियं तं पि । वेसानेवत्थं पिय, परचित्तपसायणामेत्तं ॥७४॥
इय एवं नियदुच्चरिय-मणुखणं परमजापवेरग्गो । निंदंतो दिवसाइं, गमेइ २गोत्तीनिहितो व्व ॥७५॥
अह तेण पएसेणं, उच्चारमहिं पडुच्च वच्चंतं । दट्टूण निययसिस्से, मुणिणो पडिबोहणऽट्ठाए ॥७६॥
जक्खपडिमाहुहाउ, दीहं निस्सारिउं ठिओ जीहं । तं च मुणिणो पलोइय, पइदियहं भणिउमाढत्ता ॥७७॥
जो कोई एत्थ देवो, जक्खो रक्खो व किन्नरो याऽवि । सो जंपउ पयडं चिय, न किंपि एवं वयं मुणिमो ॥७८॥

तो सविसायं जक्ख्रेण, जंपियं भो तवस्सिणो सोऽहं । तुब्भाण गुरु किरियाए, मंगुलो अज्जमंगु ति ॥७९॥
 तेहिं वुत्तं हा सुयनिहाण!, सिक्खादुग्गमि वि सुदक्ख! । कह हीणजक्खजोणिं, गतोऽसि चोज्जं महंतमिमं ॥८०॥
 तेणं भणियं नो किं पि, चोज्जमिह साहुणो महाभागा! । एस च्चिय होइ गई, सिढिलियसद्धम्मकम्माण ॥८१॥
 सावयपडिबद्धाणं, इडिढरससायगारवगुरुणं । सीयविहारीणं मारि-साण जिब्भिंदियजियाण ॥८२॥
 इय मह कुदेवजोणिं, जाणित्ता साहुणो महासत्ता! । जइ सुगईए कज्जं, ता दुलहं संजमं लद्धं ॥८३॥
 परिहरिणपमाया, निज्जियाऽणंगजोहा । चरणकरणरत्ता, नाणवंताण भत्ता ॥८४॥
 परिचइयममत्ता, मोक्खमग्गे पसत्ता । विहरह लहुभूया, भूयक्खं कुणंता ॥८५॥
 भो भो देवाणुप्पिया!, संमं संबोहिया तए अम्हे । इइ जंपिऊण मुणिणो, पडिवन्ना संजमुज्जोयं ॥८६॥
 इय पुत्ता वि हु वंछिय- सोग्गतिफलसाहिगा गहणसिक्खा । आसेवणसिक्खाए, रहिया नो जायइ कहं पि ॥८७॥
 आसेवणसिक्खा वि हु, असहाय च्चिय गुणाय नो भणिया । अंगारमद्दगस्स व, सम्मं सन्नाणसुत्तस्स ॥८८॥
 तथाहि— “अङ्गारमर्दकस्य दृष्टान्तः” —

अत्थि पुरं गज्जणयं, सुसाहुगणपरिवुडो विजयसेणो । सूरी सद्धम्मपरो, तत्थ ठिओ मासकप्पेण ॥८९॥
 पच्छिमरयणीसमए, सीसेहिं तस्स सुमिणओ दिट्ठो । पंचसयकलहकलिओ, कोलो वसहीए किल पत्तो ॥९०॥
 विम्हियमणेहिं तेहिं, सुमिणऽत्थं पुठिया य तो सूरी । तेहिं कहियं एही, गुरुकोलो साहुगयसहिओ ॥९१॥
 अह उग्गयमि सूरे, सोमग्गहसंगओ रविसुओ व्व । कप्पतरुसंडमंडल-सहिओ एरंडरुक्खो व्व ॥९२॥
 पंचसयसुमुणिजुतो, आयरिओ रुद्धेवनामोति । पत्तो साहुहिं कया, उचिया से सच्चपडिवती ॥९३॥
 अह वत्थव्वा मुणिणो, परिक्खणऽट्ठा निसिम्मि कोलस्स । गुरुवयणेणं ख्रिविउं, काइयभूमिम्मि अंगारे ॥९४॥
 पच्छन्नपएसगया, पलोयमाणा य जाव चिट्ठति । पाहुणगसाहुणो ताव, पट्टिया काइयमहीए ॥९५॥
 अंगारक्कमणुप्पन्न-किसिकिसाऽऽरायसवणओ चव । मिच्छा मि दुक्कडं हा, किमेयमेवं ति जंपंता ॥९६॥
 अंगारकिसिकिसारव-ठाणमि विरइऊण चिंधाइं । गोसे पेहिस्सामो, होज्ज किमेयं ति बुद्धीए ॥९७॥
 विणियत्तंति जवेणं, तेसिं गुरु पुण तदारवे तुट्ठो । एए वि जिणेहिं अहो, जीवा कहिय ति भासंतो ॥९८॥
 २खरययरं अंगारे, मद्धंतो काइयामहिम्म गओ । एसो य वइयरो तेहिं, संसिओ निययसूरिस्स ॥९९॥
 तेणाऽवि जंपियं भो, तवस्सिणो एस सो गुरु कोलो । एए वि महामुणिणो, सिस्सा एयस्स गयकलहा ॥१००॥
 तो पत्थाये पाहुणग-साहुणो विजयसेणसूरिहिं । जहदिट्ठहेउजुत्तीहिं, बोहिऊणं इमं भणिया ॥१००॥
 भो भो महाणुभावा! तुम्ह गुरु एस निच्छियमऽभव्वो । जइ मोक्खकंखिणो ता, चएह एयं लहुं चव ॥१०१॥
 जम्हा गुरुणो वि हु उप्पहम्मि, लग्गस्स मूढबुद्धिस्स । चागो विहिणा जुतो, इहरा दोसप्पसंगाओ ॥१०२॥
 एवं सोच्चा तेहिं, उवायओ उज्झिओ इमो इति । कयउग्गतवविसेसेहिं, पाविया देवलच्छी वि ॥१०३॥
 अंगारमद्दगो पुण, सन्नाणविचज्जियत्तणेण चिरं । कट्ठाणुट्ठाणपरो वि, दुक्खभागी भवे जाओ ॥१०४॥
 इय भो देवाणुपिया!, गहणाऽऽसेवणसरुवसिक्खासु । दोसु वि जएज्ज सम्मं, तुममाराहणमभिलसंतो ॥१०५॥

“ग्रहण-आसेवन शिक्षाभेदाः” —

एयं तदुभयसिक्खा, भणिया वि पुणो हवेज्ज दुवियप्पा । सामन्नविहिसरुवा, सविसेसविहीसरुवा य ॥१०६॥
 एक्केक्का वि य दुविहा-जइगिहिविसयत्तणेण नायव्वा । ताव गिहत्थाणमऽहं, भणामि सामन्नविहिसिक्खं ॥१०७॥

“साधु-गृहस्थाभ्यां सामान्य-आचारधर्मः” —

वयहारसुद्धी जणणिंदणिज्ज-वाचारचागनिप्फन्ना । कालुस्सवियलसद्धम्म-कम्मपरिवालणसरुवा ॥१०८॥
 संख्राण व धवलपहा गभीरया, विव महासमुद्दाणं । चंदाण सिसिरजोण्ह व्व, नयणसोह व्व हरिणीणं ॥१०९॥
 उच्छूण महुरया विय, सुस्सावयकुलपसुइसम्भावे । जइ वि हु सिद्धा सा तेसिं, तह वि एवं समवसेया ॥११०॥
 नाणवयवुड्ढसेवा, सत्थऽव्भासो परोवयारितं । सच्चरियजणपसंसा, दक्खिन्नपरायणत्तं च ॥१११॥
 उत्तमगुणाणुरागो, अणूसुगतं अग्रुद्दभावो य । परलोयभीरुयत्तं, सच्चत्थ अणक्खपरिहारो ॥११२॥

| | |
|---------------------------------------------------------------------------------------------------|------|
| गुरुदेवाऽतिथिपूयण-मपक्ववाएण नायदरिसितं । असदङ्गहवज्जणया, सपणयपुव्वाऽभिभासितं | ॥१३॥ |
| वसणम्मि सुधीरत्तं, संपतीए ^१ अणुत्तुणत्तं च । सगुणपसंसालज्जण-मऽत्तुक्करिसस्स परिहारो | ॥१४॥ |
| नयविककसमालितं, लज्जालुत्तं सुदीहदरिसितं । उत्तमकमवत्तितं, पडियन्नभरेक्कधवलत्तं | ॥१५॥ |
| उचियठिडपरिवालण-मऽदुराराहतणं जणपियत्तं । परपीडापरिहारो, थिरयासंतोससारत्तं | ॥१६॥ |
| अणवरयगुणऽब्भासो, परत्थसंपाडणेक्करसियत्तं । पयइए विणीयत्तं, हिओवएसोवजीयितं | ॥१७॥ |
| गुरुजणरायाऽऽईणं, अवन्नवायाऽऽइकारिपरिहरणं । इहपरलोयाऽपायाऽऽइ-चिन्तणं चेव अइनिउणं | ॥१८॥ |
| एमाइगुणगणो सायगेहिं, इह परभवे य हियहेऊ । अप्पाणयम्मि निच्चं, निवेसियच्चो पयत्तेण | ॥१९॥ |
| इय गुणजोगाराऽऽहिय-सामन्नविही गिही अ जत्तेण । साहेइ विसेसविहिं पि, नूण तदऽवंड्दहेउत्ता | ॥२०॥ |
| सामन्नगुणाऽसतो, किमडलं थरिउं नरो विसेसगुणे । न हु सरिसवं पि वोदुं, असमत्थो मंदरं थरिही | ॥२१॥ |
| लोगड्डिपगिट्ठो, एवं चिय भूमिगाऽणुसारेण । सामन्नविहीसिक्खं, सुस्समणो वि हु अणुसरेज्ज | ॥२२॥ |
| अह पुव्वसूइयं चिय, संखेवेणं विसेसविहिंसिक्खं । सुस्सावगसाहुगयं, भणामि दुविहं पि सुविभत्तं | ॥२३॥ |
| “गृहस्थस्य विशेषाराधना” — | |
| तत्थ य सामन्नविहि-प्पवित्तिअब्भहियजोगयगयस्स । गिहिणो विसेससिक्खा, पढमं चिय युच्चए ताय | ॥२४॥ |
| सम्ममवगयस्स जिणमय-मऽणुदिणवड्दन्तसुद्धपरिणामो । परिणाममंगुलं जाणि-ऊण घरवासवासंगं | ॥२५॥ |
| पडुपवणंऽदोलियकयलि-पत्तपडिबद्धतोयविंदुं व । सुविणिच्छिऊणं भंगुर-माऽऽउं तारुन्नमऽत्थं च | ॥२६॥ |
| पयइविणीओ पयईए, भद्दओ पयइपरमसंविग्गो । पयईउदारचित्तो, पयइजहुक्खित्तभरधवलो | ॥२७॥ |
| निच्चं चिय साहम्मिय-वच्छल्ले जुन्नचेइउद्धारे । परपरियायच्चाए, जएज्ज सुस्सावगो मइमं | ॥२८॥ |
| निदाविरमम्मि तहा, सम्मं कयपंचमंगलविहाणो । अणुसरणपुव्वयं उट्ठि-ऊण उचियं च काऊण | ॥२९॥ |
| संखेवेणं पि हु वीय-रायपडिमाउ वंदिउं सगिहे । गच्छेज्ज साहुवसहिं, करेज्ज आवस्सयाइ तहिं | ॥३०॥ |
| एवं हि कीरभाणे, जिणाणमाऽऽणा कया हवइ सम्मं । गुरुपरतंतत्तं सुत्त-अत्थसविसेसनाणं च | ॥३१॥ |
| जहठियसामायारी-कुसलत्तमऽसुद्धबुद्धियिगमो य । गुरुसक्खिओ य धम्मो, संपुण्णविही य होइ कया | ॥३२॥ |
| साहूण असइ वसही-संकिन्नताइकारणेहिं वा । गुरुणा समणुत्ताओ, पोसहसालाईसु वि कुज्जा | ॥३३॥ |
| सज्जायं काऊणं, खणं अपुव्वं पढेज्ज सुत्तं पि । ततो य विणिक्खमिउं, होऊण य दव्वभावसुई | ॥३४॥ |
| पढमं नियगेहे चिय, निच्चं चिइवंदणं समयविहिणा । विभवाऽणुसारिपूया, पुव्वमऽणुट्ठेज्ज गोसम्मि | ॥३५॥ |
| तयणंतरं तु जइ ता, तहाविहं तस्स नऽत्थि गिहकिच्चं । ता तव्वेलं चिय कय-सरीरसुद्धी सुनेवत्थो | ॥३६॥ |
| पुप्फाइपरवपूयंग-वग्गहत्थेण परियणेण समं । वच्चेज्ज जिणिंदगिहे, पंचविहाभिगमपुव्वं च | ॥३७॥ |
| तत्थ पविसित्तु विहिणा, उदारपूयापुरस्सरं सम्मं । चिइवंदणं करेज्जा, पणिहाणंऽत्तं सुसंविग्गो | ॥३८॥ |
| अह कारणेण केणऽवि, जिणवरभवणम्मि अहव नियगेहे । पोसहसालाए वा, हवेज्ज सामाइयाऽऽइ कयं | ॥३९॥ |
| तो साहुसमीवम्मि, गंतुं किइकम्मपुव्वगं सम्मं । कुज्जा पच्चक्ख्राणं, खणं च जिणवयणसवणं च | ॥४०॥ |
| भतीए तहा काउं, बालगिलाणाइगोयरं पुच्छं । तक्किच्चं च समगं, संपाडेज्जा जहाजोगं | ॥४१॥ |
| अणइक्कमणेण कुलक्कमस्स, लोगाऽवचायविरहेण । ततो चित्तिनिमित्तं, ववहारमऽणिंदियं कुज्जा | ॥४२॥ |
| भोयणकाले य गिहं, आगम्म चउव्विहाए पूयाए । ^२ पुप्फाऽऽमिसवत्थेहिं, थोत्तेहिं य भावसारेहिं | ॥४३॥ |
| संपूइऊण विहिणा, जिणविंबं तयणु साहुमूलम्मि । गंतूण भणइ एवं, अणुग्गहं कुणह मे भंते! | ॥४४॥ |
| असणाऽऽईदव्वाणं, गहणेण भवाऽवडे निवडियस्स । जयजीववच्छलेहिं, दिज्जउ हत्थावलंबो मे | ॥४५॥ |
| संपट्टियसंधाडग-पट्टिठिओ जाइ जाव नियदारं । एत्थंतरमऽन्ने वि हु, गिहट्टिया अभिमुहा इति | ॥४६॥ |
| वंदति य तो सड्ढो वि, जायसड्ढो पमज्जिउं पाए । दाऊण आसणं कुणइ, संविभागं जहाविहिणा | ॥४७॥ |
| वंदणपुव्वं अणुगच्छिऊण, ततो गिहे समागम्म । भुंजाविय जणयाई, चित्तिय गोणाइ ^३ पेसाई | ॥४८॥ |
| देसंउतराऽऽगयाणं, चित्तं काऊण सायगाणं पि । पडियग्गिउं गिलाणे, ताहे उचियप्पएसम्मि | ॥४९॥ |

1. अनुत्तानत्वं = गर्वरहितत्वम् इत्यर्थः । 2. पुष्पनैवेद्यवस्त्रैः (यहां पर भी प्रथम पुष्प पूजा का विधान दर्शाया है) । 3. प्रेष्यादीनां

उचियाऽऽसणोचविट्टो, पच्चक्ख्राणं च सरिय जहगहियं । कयपंचनमोक्कारो, सुसावगो तयणु भुंजेज्जा ॥५०॥
 भोतूण तओ विहिणा, पुरओ घरचेइयाण ठऊण । तव्वंदणं करिता, पच्चक्खइ दिवसचरिमाऽऽई ॥५१॥
 खणमेतं सज्झायं, अपुव्वपढणं च किंचि काऊणं । पुणरवि यित्तिनिमित्तं, ववहारमऽण्णियं कुज्जा ॥५२॥
 संझासमयम्मि पुणो, पूयं काऊण जिणवरिंदाणं । सारथुइथोतपुव्वं, सगिहम्मि वि वंदणं कुज्जा ॥५३॥
 तो जिणभवणे गंतुं, वंदेज्जा पूइऊण जिणबिंबे । सामाइयपडिक्कमणाऽऽइ, गोसभणियं पिय करेज्जा ॥५४॥
 साहुसमीवे अकए य, तम्मि गच्छेज्ज साहुवसहीए । वंदणमालोयणयं, खामणयं पि य तहिं काउं ॥५५॥
 गिणहइ पच्चक्ख्राणं, खणमिह सवणं च धम्मसत्थस्स । विस्सामणाऽऽई विहिणा, भत्तीए करेज्ज साहूणं ॥५६॥
 संदिद्धपए पुच्छिय, सावगवग्गस्स काउमुचियं च । गिहगमणं विहिसुयणं, विहेज्ज गुरुदेवसरणं च ॥५७॥
 उक्कोसबंभयारी, परिमाणक्कडो च होज्ज नियमेण । कंदप्पाइविउत्तो, पइरिक्कम्मि य तुयट्टेज्जा ॥५८॥
 उद्दाममोहवसओ, पयट्टिउं कहवि अहमकिच्चम्मि । उवसन्तमोहवेगो, चिन्तेज्जा भावसारमिमं ॥५९॥
 मोहो दुहाण मूलं, मूलं च विवज्जयस्स सब्बस्स । एयस्स वसं पत्ता, सत्ता मन्नंति हियमऽहियं ॥६०॥
 जस्स वसेणं पि य कामिणीण, वयणाऽऽइयं असारं पि । १'चंदाईहुवमिज्जइ, धिरत्थु ही तस्स मोहस्स ॥६१॥
 इत्थीकडेचराणं, २सतत्त-चिन्तं तओ तहा कुज्जा । जह मोहाऽरिजयाउ, संवेगरसो समुच्छलइ ॥६२॥
 तहाहि—

जं ताव कामिणीणं, मणोहरं हरिणलच्छणच्छायं । वयणं तं पि हु मूलगलिर-^३विचरसत्तयसमाउत्तं ॥६३॥
 विच्छिन्नथोरथणया, मंसचया पोइमऽसुइमंजूसा । मंसट्टिनसाविरयण-मेतं सेसं पि हु सरिं ॥६४॥
 जं पि य पयईए च्चिय, दुग्गंधिमलाऽऽविलं विलीणं च । पयइअहोगतिदारं, बीभच्छं कुच्छणिज्जं च ॥६५॥
 अइलज्जणीयमंगुल-रूयं ति ४ठइज्जइ य किर रमणं । तम्मि वि रमेज्ज जो नणु, स केण अब्बो विरज्जेज्ज ॥६६॥
 एवं गुणाण सीमंतिणीण, रमणम्मि जे विरत्तमणा । जम्मजरामरणाणं, दिन्नो हु जलंउजली तेहिं ॥६७॥
 इय जेण जेण बाहा, हवेज्ज तं तस्स तस्स पडिक्खं । पुव्वाऽऽवरनिसिसमए, सम्मं भावेज्ज किं बहुणा ॥६८॥
 तित्थयरप्पडिचत्तिं, पंचविहाऽऽयारसारगुरुभत्तिं । सुविहियजइजणसेवं, सम-समहियगुणसमावासं ॥६९॥
 अप्पुव्वगुणसमज्जण-मऽप्पुव्वापुव्वतरसुयऽब्भासं । अप्पुव्वत्थाऽऽहिगमं, अपुव्वाऽऽपुव्वसिक्खगहं ॥७०॥
 सम्मत्तगुणविसुद्धिं, जहगहियवएसु निरइयारत्तं । अंगीकयधम्मगुणा-विरोहिगिहक्कज्जकारितं ॥७१॥
 धम्मे च्चिय धणबुद्धिं, समधम्मिसु चेव गाढपडिबंधं । आगमविहिविहियाऽऽतिहि-प्पयाणपरिसेसभोइत्तं ॥७२॥
 इहलोयसिद्धिलभायं, परलोयाराहणेक्करसियत्तं । चरणगुणलंपडत्तं^५, जणवायाऽऽभिगमभीरुत्तं ॥७३॥
 संसारमोक्खपरमत्थ-दोसगुणभावणाणुसारेण । पइवेले चिय सम्मं, परमं संवेगरसगमणं ॥७४॥
 सब्बत्थ विहिपरत्तं, जिणसासणपरमसमरसाऽऽपत्तिं । संवेगसारसमइय-सज्झायज्झाणरसियत्तं ॥७५॥
 एमाइ उत्तरोत्तर-गुणगणमऽचियन्हमाणसो धीमं । आराहेतो सम्मं, गमेज्ज कालं कुलपसूओ ॥७६॥
 एवं च गुरुं पि गिरिं, आरुहइ पयंपएण जह कोई । आराहणागिरिं तह, सम्मं धीरो समारुहिही ॥७७॥
 एवं धम्मऽत्थिगिहत्थ-गोयरा इह विसेसविहिसिक्खा । वुत्ता एत्तो वुच्चइ, मुणिविसया सा समासेण ॥७८॥

“साधु विशेषाराधना” —

नयरं समयविऊहिं, सा च्चिय भणिया विसेसविहिसिक्खा । जा किर पइदिणकिरिया, जईण पुण सा इमा नेया ॥७९॥
 पडिलेहणापमज्जण-भिक्षिरियालोयभुंजणा चेव । पत्तगधुवणवियारा, थंडिलमाऽऽवस्सयाऽऽइया ॥८०॥
 जा वि य इच्छामिच्छ-प्पमुहा उवसंपयाऽऽवसाणाओ । सुविहियजणपाउग्गा, सामायारी दसपयारा ॥८१॥
 पढउ सयं पाढेउ य, परे वि तत्तं पि चिंतउ पयत्ता । जइ नत्थि विसेसविहिम्मि, आयरो ता मुणी वसणी ॥८२॥
 इय गुणदोसपरिक्खं, काउं अवगम्म तह गहणसिक्खं । समणुसरेज्ज अभिक्खं, सम्मं आसेवणासिक्खं ॥८३॥
 एवं च सम्पभेओ-भयसिक्खजुओ हवेज्ज धम्मऽत्थी । सब्बो वि सब्बया वि, किं पुण आराहणाचित्तो ॥८४॥
 आराहणा वि न जओ, पायं तह सम्ममरिहइ होउं । एमेव अत्थिणो वि हु, पुव्वमऽणब्भत्थजोगस्स ॥८५॥

1. चन्द्रादिभिः उपनीयते । 2. स्वतत्त्वचिन्ताम् = स्वरूपचिन्तनम् । 3. विवरसप्तकम् । 4. स्थग्यते = आच्छाद्यते । 5. लंपडत्तं = लम्पटत्वं

तम्हा तदडत्थिणा सव्वहा वि, एयासु भणियसिक्खासु । जइयव्वं जत्तेणं, एत्तो य कियं पसंणेण ॥८६॥
 इय धम्मवएसमणो-हराए, संवेगरंगशालाए । परिकम्मविहीपामोक्ख-चउमहामूलदाराए ॥८७॥
 आराहणाए पनरस-पडिदारमयस्स पढमदारस्स । तइयं सिक्खादारं, समत्तमेयं सभेयं पि ॥८८॥
 आराहणो न पुव्वुत्त-सिक्खदक्खो वि विणयविरहेण । होइ कयत्थो जत्तो, एत्तो वुच्चइ विणयदारं ॥८९॥

“चतुर्थ विनयद्वारवर्णनम्” —

विणओ य पंचरुवो, परुवियो नाणदरिसणचरित्ते । तवविणओ य चउत्थो, चरिमो उवयारिओ विणओ ॥९०॥
 ‘काले विणए बहुमाणे, उवहाणे तहा अनिहवणे । वंजण-अत्थ-तदुभए, विणओ नाणस्स अट्टविहो’ ॥९१॥
 ‘निस्संकिय निक्कंखिय, निव्वितिगिच्छा अमूढदिट्ठी य । उववूह थिरीकरणे, वच्छल्ल पभावणे अट्ट’ ॥९२॥
 पणिहाणपहाणस्स उ, गुत्तीओ तिन्नि पंच समिईओ । आसज्ज उज्जमंतस्स होइ विणओ चरित्तस्स ॥९३॥
 भत्ती तवम्मि तह तवरएसु सेसेसु हीलणच्चाओ । जहविरिअमुज्जमो वि अ, तवविणओ एस नायव्वो ॥९४॥
 काइयवाइयमाणस्सिओ अ, तिथिहोवयारिओ विणओ । सो पुण सव्वो वि दुहा, पच्चक्खो तह परोक्खो अ ॥९५॥
 तत्थ य गुणवंताणं दंसमणमेत्ते वि आसणच्चाओ । सत्तट्टपओसप्पणम-उभिमुहमिन्ताण सप्पणयं ॥९६॥
 अंजलिकरणं पाय-प्पमज्जणं आसणोवणयणं च । आसीणेषु य तेषु, समयमुवविसणं उचियठाणे ॥९७॥
 इच्चाइ काइओ वाइ-ओ य नाणाहिए पडुच्च भवे । कित्तंतस्स गुणगणं, गउरवसारेहिं चयणेहिं ॥९८॥
 अकुसलमणनिरोहो, कुसलस्स उदीरणं च ते चेवं । आसज्ज जं किर भवे, एसो माणस्सिओ विणओ ॥९९॥
 आसणदाणाईओ पच्चक्खो, एस चेव गुरुविरहे । तक्कहियविहिपहाण-प्पवित्तिओ हवइ य परोक्खो ॥१००॥
 इय भूरिभेयभिन्नं, विणयं निउणं वियाणिउं थीरो । आराहणाउभिलासी सम्मं कुज्जा तयं जम्हा ॥१०१॥
 जो परिभवइ अविणया, धम्मगुरुं जत्थ सिक्खाए विज्जं । सा सुगहिया वि विज्जा, दुक्खेणं तस्स देइ फलं ॥१०२॥
 किंच—

सव्वत्थ लभेज्ज नरो, वीसंभं पच्चयं च बुद्धिं च । जइ गुरुजणोवइइं, विणयं भावेण गिण्हेज्जा ॥१०३॥
 पव्वइयस्स गिहिस्स च, विणयं चेव कुसला पसंसंति । न हु पावइ अविणीओ, कित्तिं च जसं च लोयम्मि ॥१०४॥
 जाणंता वि य विणयं, केई कम्माउणुभावदोसेण । नेच्छंति पउंजेउं, अभिभूया रागदोसेहिं ॥१०५॥
 विणओ सिरीण मूलं, विणओ मूलं समत्थसोक्खाणं । विणओ हु धम्ममूलं, विणओ कल्लाणमूलं ति ॥१०६॥
 विणएण विहीणस्स, उ, सव्वं पि, निरत्थयं अणुट्टाणं । तं चेव विणयसारं, सयलं सहलत्तणमुवेइ ॥१०७॥
 तह विणयविहीणम्मि सिक्खा वि निरत्थिया भवे सव्व्या । विणओ सिक्खाए फलं, विणयफलं सव्वपाहन्नं ॥१०८॥
 दोसा वि गुणा विणयाउ, होंति दोसा गुणा वि अविणीए । सज्जणजणमणरंजण-जणणी मेत्ती वि विणयाओ ॥१०९॥
 विणयपरम्मि गुरुत्तं, सम्मं दंसंति जणणिजणया वि । विणयविहीणे पुण ते वि, अहह! सत्तं विसेसेंति ॥११०॥
 विणयोवयारकरणा, अदिस्सरुवा वि दिंति दरिसावं । ^१अविणयजणियाउणक्खा, फिडंति पासट्टिया वि लहुं ॥१११॥
 पत्थरखरहियया ^२दुक्कुहावि विणयाउ पल्हयंति लहुं । नियवच्छदंसणेण च, पसूयसुरहि व्व निब्भंतं ॥११२॥
 विणयाओ विस्सासो, विणयाउ सयलअत्थसिद्धीओ । विणयाओ च्विय फलदाइ-णीओ सव्व्याओ विज्जाओ ॥११३॥
 अविणीयस्स पणस्सइ जइ न पणस्सइ न जुज्जइ गुणेहिं । विज्जा सुसिक्खियावि हु, गुरुपरिभवबुद्धिदोसेणं ॥११४॥
 अविणीयस्स उ विज्जं, गुरु वि दिंतो लहेज्ज चयणिज्जं । हारेज्ज सकज्जं पि हु, पावेज्ज ततो विणासं पि ॥११५॥
 किंच—

विज्जा वि होइ बलिया गहिया पुरिसेण विणयवंतेण । सुकुलपसूया कुलबा-लिय व्व पवरं पइं पत्ता ॥११६॥
 संकमइ दुव्विणीए, गुरुपरिभवकारए य नो विज्जा । सेणियनिवे व्व तत्थेच, संकमेज्जा उ विवरीए ॥११७॥
 तहाहि—

“श्री श्रेणिकनृपदृष्टान्तः”

रायगिहम्मि नगरे, राया नामेण सेणिओ आसि । ^३संमत्थिरत्तपहि व्व, सक्कविप्फारियपसंसो ॥११८॥

1. अविनयजनितरोषाः । 2. दुक्कुहा = अरुचयः । 3. सम्यक्त्वस्थिरत्वप्रधीः ।

| | |
|---------------------------------------------------------------------------------------------|------|
| सयलंतेउरपवरा!, देवी नामेण चेल्लणा तस्स । चउच्चिहबुद्धिसमिद्धो, मंती पुतो य अभओ ति | ॥१९॥ |
| एगम्मि य पत्थावे, देवीए पत्थिवो इमं भणिओ । पासायमेगखंभं, मम जोग्गं कारवेसु ति | ॥२०॥ |
| दुन्निग्गहेण इत्थी-गहेण, संताविएग नरवइणा । पडिवन्नं तव्ययणं, अभयकुमारो य आइट्ठो | ॥२१॥ |
| तो वड्ढइणा समगं थंभनिमित्तं महाडवीए गओ । दिट्ठो तहिं च रुक्खो!, सुसिणिद्धो अइमहासाहो | ॥२२॥ |
| १अहिट्ठिओ सुरेणं, होहि ति २विचित्तकुसुमधूवेहिं । अहिवासिओ स साही, कओववासेण अभयेण | ॥२३॥ |
| अह बुद्धिरंजिएणं, तरुवासिसुरेण निसिपसुत्तस्स । सिट्ठं अभयस्स महाणु-भाव! मा छिंदिहिसि एयं | ॥२४॥ |
| वच्चसु तुमं पि सगिहं, काहमहमेगखंभपासायं । सव्वोउयतरुफलफुल्ल-मणहराडडरामपरिकलियं | ॥२५॥ |
| इय पडिसिद्धो अभओ, वड्ढइणा सह गओ सगेहम्मि । देवेण वि निम्मयिओ, आरामसमेयपासाओ | ॥२६॥ |
| तम्मि य देवीए समं, विचित्तकीलाहिं कीलमाणस्स । रडसागरावगाढस्स, राइणो जंति दियहाइं | ॥२७॥ |
| अह तन्नयरनिवासिस्स, पाणवइणो कयाइ गब्भवसा । भज्जाए समुप्पन्नो, दोहलओ अंबगफलेसु | ॥२८॥ |
| तो तम्मि अपुज्जंते, पइदियहं खिज्जमाणसव्वर्णिं । तं दट्ठूणं पुट्ठं, तेण पिए! कारणं किमिह? | ॥२९॥ |
| परिपक्कंडबयफलदोहलो य, तीए निवेइओ ताहे। पाणाडहिवेण भणियं, चूयफलाणं अकालोडयं | ॥३०॥ |
| जइ वि हु तथावि कतो वि, सुयणु! संपाडिमो थिरा होसु । निसुओ य तेण रत्तो, सव्वोउयफलदुमारामो | ॥३१॥ |
| तं चाडडरामं बाहिट्ठिएण, पेहंतएण पक्कफलो । दिट्ठो अंबयसाही ताहे जायाए रयणीए | ॥३२॥ |
| ओणामणीए विज्जाए, साहमोणामिऊण गहियाइं । अम्बयफलाइं पुणरवि पच्चोणामणिसुविज्जाए | ॥३३॥ |
| साहं विसज्जिऊणं, समप्पियाइं पियाए हिट्ठेण । पडिपुन्नदोहला सा, गब्भं योढुं समाढत्ता | ॥३४॥ |
| अह अयरावरतरुयर-पलोयणं राइणा कुणंतेण । पुव्वदिणदिट्ठफलपडल-वियलमवलोइउं चूयं | ॥३५॥ |
| भणिया रक्खगपुरिसा रे! केणेसो विलुत्तफलभारो । विहिओ ति तेहिं वुत्तं, देव! न तावेत्थ परपुरिसो | ॥३६॥ |
| नूणं पविट्ठो न य नीहरंत-पविसंतयस्स वि पयाणि । कस्स वि दीसंति मही-यलम्मि ता देव! चोज्जमिणं | ॥३७॥ |
| जस्साडमाणुससामत्थ-मेरिसं तस्स किंपिडकरणिज्जं । नत्थि ति य चिंतंतेण, राइणा सिट्ठमडभयस्स | ॥३८॥ |
| एवंविहडत्थकरण-क्खमं लहुं लहसु पुत्त! चोरं ति । जह हरियाइं फलाइं, तहउन्नया दारमडवि हरिही | ॥३९॥ |
| भूमियलनिलीणसिरो, महापसाओ ति जंपिउं अभओ । तियचच्चरेसु चोरं निरुविउं बाढमाडडढतो | ॥४०॥ |
| वोलीणाइं कइवयदिणाइं पत्ता न तप्पउत्ती वि । चिंतावाउलचित्तो, ताहे अभओ दढं जाओ | ॥४१॥ |
| पारद्धमडन्नदियहे नडेण नयरीए बाहि पेच्छणयं । मिलिओ पउरनरगणो अभएण वि तत्थ गंतूणं | ॥४२॥ |
| भावोवलक्खणट्ठा, परंपियं भो जणा! निसामेह । जाव नडो नागच्छइ, ताव ममडक्ख्राणयं एक्कं | ॥४३॥ |
| तेहिं परंपियं नाह!, कहह तो कहिउमेवमाडडरद्धो । नयरम्मि वसंतपुरे, आसि सुया जुन्नसेट्ठिस्स | ॥४४॥ |
| दारिद्विदुयतेण, नेव परिणाविया य सा पिउणा । वड्ढकुमारी जाया, वरडत्थिणी पूयए मयणं | ॥४५॥ |
| आरामाउ सा चोरियाए, कुसुमोच्चयं करेमाणी । पत्ता मालागारेण, जंपियं किंपि सवियारं | ॥४६॥ |
| तीए वुत्तो किं तुज्झ, भइणिधूयाओ मह सरिच्छाओ । नेवडत्थि जं कुमारिं पि, मं तुमं एवमुल्लवसि | ॥४७॥ |
| संलत्तं तेण तुमं, उव्वूढा भतुणा अभुत्ता य । एसि समीवे जइ मे, मुंचामि अन्नहा नेव | ॥४८॥ |
| एयं ति पडिसुणित्ता, गया गिहं सा कयाइ तुट्ठेण । मयणेणं से दिन्नो, मंतिस्स सुओ वरो पवरो | ॥४९॥ |
| सुपसत्थे हत्थग्गह-जोगे लग्गम्मि तेण उव्वूढा । एत्थंतरम्मि अत्थगिरि- मुवगयं भाणुणो बिम्बं | ॥५०॥ |
| कज्जलभसलच्छाया वियंभिया दिसिसु तिमिरिंछोली । हयकुमुयसंडजहुं समुग्गयं मण्डलं ससिणो | ॥५१॥ |
| अह सा विचित्तमणिमय-भूसणसोहंतकन्तसव्वंग्गा । वासभवणम्मि पत्ता, भत्ता, एयं च विन्नत्तो | ॥५२॥ |
| तव्वेलुव्वूढाए, आगंतव्वं ति मालियस्स मए । पडिवन्नमाडडसि पिययम!, ता जामि तहिं विसज्जेसु | ॥५३॥ |
| सच्चपइन्ना एस ति, मन्नमाणेण तेणणुन्नाया । वच्चन्ती परिहियपवर-भूसणा सा पुराउ बहिं | ॥५४॥ |
| दिट्ठा चोरेहिं तओ, महानिही सो इमो ति भणिरेहिं । गहिया नवरं तीए, णिवेइओ निययसब्भावो | ॥५५॥ |

1. अधिच्छित्तः । 2. विविधः ।

चोरेहिं जंपियं सुयणु!, जाहि सिग्धं परं वलेज्जासि । मुसिऊणं जेण तुमं, जहाडडगयं पडिनियत्तामो ॥५६॥
 एवं काहं ति परंपियऊण संपट्टिया अहडद्धपहे । तरलतरतारयाडडउल-समुच्छन्तडच्छिविच्छोहो ॥५७॥
 रणरणिरीदीहदंतो, दूरपसारियरउदमुहकुहरो । चिरछुहिणं लद्धाडसि, एहि एहि ति जंपन्तो ॥५८॥
 अच्चन्तभीसणंङगो, समुट्टिओ रक्खसो सुदुप्पेक्खो । तेणाडवि करे धरिया कहिओ तीए य सब्बावो ॥५९॥
 पामुक्का आरामे गंतूणं बोहिओ सुहपसुत्तो । मालागारो भणिओ य, सुयणु! साडहं इहं पत्ता ॥६०॥
 एवंविहरयणीए, साडडभूसणा कह समागया तं सि । इय तेणं सा पुट्टा सिट्ठं तीए य जहवितं ॥६१॥
 अब्बो! सच्चपइत्ता, 'महासईम ति भावमाणेण । चलणेसु निवडिऊणं, मालागारेण तो मुक्का ॥६२॥
 पत्ता रक्खसपासे, सिट्ठो से मालियस्स चुत्तन्तो । अब्बो! महप्पभाया, एसा जा उज्झिया तेण ॥६३॥
 इति भावेंतेण निवडिऊण, पाएसु तेण वि विमुक्का । चोरसमीवे य गया, सिट्ठो तह पुव्वयुत्तन्तो ॥६४॥
 तेहि वि अणप्पमाहप्प-दंसणुप्पन्नपक्खवाएहिं । सालंकार च्विय वंदि-ऊण सगिहम्मि पट्टियिया ॥६५॥
 अह आभरणसमेया अक्खयदेहा अभग्गसीला य । पत्ता पइस्स पासे, कहियं सव्वं जहावितं ॥६६॥
 परितुट्टमणेण समं, तेण पसुत्ता समत्थरयणिं पि । जाए पभायसमए, चित्तियमिय मत्तिपुत्तेण ॥६७॥
 छंदट्टियं सुरुवं, समसुहदुक्खं अनिग्गयरहस्सं । धन्ना सुत्तविउद्धा, मितं महिलं च पेच्छंति ॥६८॥
 इति भावेंतेण क्या, घरस्स सा सामिणी समग्गस्स । किं व न कीरइ निक्कवड-पेमपडिबद्धहिययम्मि ॥६९॥
 इय पइतक्कररक्खस-मालागाराण मज्झओ केण । तच्चागेण कयं दुक्क-रं ति भो! मज्झ साहेह ॥७०॥
 ईसालुएहिं भणियं, सामी! पइणा सुदुक्करं विहियं । परपुरिससमीवे जेण, पेसिया सब्बरीए पिया । ॥७१॥
 भणियं छुहालुएहिं सुदुक्करं रक्खसेण चेव कयं । जेण चिरं छुहिणं वि, न भक्खिया भक्खणिज्जा वि ॥७२॥
 अह पारदारिएहिं, परंपियं देव! मालिओ एक्को । दुक्करगारी जेणं, चत्ता सा निसि सयं पत्ता ॥७३॥
 पाणेण जंपियं होउ, ताव चोरेहिं दुक्करं विहियं । पइरिक्के वि विमुक्का, ससुवन्नाजेहिं सा तइया ॥७४॥
 एवं चुत्ते चोरो ति, निच्छिउं सोडभएण मायंगो । गिण्हाविऊण पुट्टो, कहमाडडरामो विलुत्तो ति ॥७५॥
 तेणं परंपियं नाह!, पवरविज्जाबलेण णियएण । कहिओ य वइयरो सेणि-यस्स एसो समग्गो वि ॥७६॥
 रत्ता वि संसियं देइ, मज्झ जइ कहवि निययविज्जाओ । सो पाणो ता मुंचह, इहरा से हरह जीयं ति ॥७७॥
 पडिवन्नं पाणेणं, विज्जादाणं पि अह महीनाहो । सिंहासणे निसण्णो, विज्जाओ पडिउमाढत्तो ॥७८॥
 पुणरुत्तपयत्तुक्कित्तिया वि, रत्तो न ठंति जा विज्जा । सो ता तज्जइ रुट्ठो, न रे! तुमं देसि सम्मं ति ॥७९॥
 अभएण भणियमिह देव!, नत्थि एयस्स धेवमवि दोसो । विणयग्गहिया हि विज्जाओ, ठंति फलदा य जायंति ॥८०॥
 ता पाणमिमं सीहासणम्मि, ठविऊण सयमडवि महीए । होऊण विणयसारं, पढसु जहा ठंति इहिं पि ॥८१॥
 तह चेव कयं रत्ता संकंताओ लहुं च विज्जाओ । सक्कारिऊण मुक्को, पाणो अच्चंतपणइ व्य ॥८२॥
 इय जइ इहलोइयत्तुच्छ-कज्जविज्जा वि भावसारेण । पाविज्जइ हीणस्स वि, गुरुणो अच्चंतविणएण ॥८३॥
 ता कह समत्थमणवच्छियत्थ-दाणक्खमाए विज्जाए । जिणभणियाए २दाएण विणयविमुहो बुहो होज्ज ॥८४॥
 अन्नं च—
 पत्थरकया वि देवा, साण्णिज्झपरा हवंति विणयाओ । जइ ता का गणणा अन्न-वत्थुसिद्धीए धीराणं ॥८५॥
 जइ वि सुयनाणकुसलो होइ नरो ३हेउकारणविहन्नू । अविणीयं तहवि न तं, समयउत्थविज्ज पसंसंति ॥८६॥
 संमत्तनाणचारित्त-पमुहगुणहेउविणयकरणपरं । अबहुस्सुयं पि कुसला, बहुस्सुयपयम्मि ठायंति ॥८७॥
 जस्स विणओ स नाणी, जो नाणी तस्स सम्मकिरियाओ । सम्मकिरियाओ जस्स उ, सो च्विय आराहणाजोग्गो ॥८८॥
 तम्हा कल्लाणपरंपराए, संपाडणेक्कपडुयम्मि । विणयम्मि निमेसं पि हु, बुहेण न पमाइयव्वं ति ॥८९॥
 इय संसारमहोयहि-तरीए संवेगरंगशालाए । परिकम्मविहीपामोक्ख-चउमहामूलदाराए ॥९०॥
 आराहणाए पनरस-पडिदारमयस्स पढमदारस्स । संखेवेणं भणियं, विणयो ति चउत्थपडिदारं ॥९१॥

1. महासती इयम् । 2. दातरि (समम्यर्थे तृतीया) 3. हेतुकारणविधिज्ञः ।

“समाधिनामकपञ्चमद्वारवर्णनम्” —

१चिणयपणयस्स वि परं, समाहिविरहम्मि जेण पुरिसस्स । सग्गाडपवग्गजणणी, न सम्ममाडडराहणा घडइ ॥९२॥
 ता एत्तो दारं पिव, मणयंछियसच्चकज्जसिद्धीए । सिद्धीपुरीए पवरं, समाहिदारं पवक्खामि ॥९३॥
 सो य समाही दुविहो, दव्वे भावे य तत्थ दच्चम्मि । पयडप्पहाणदच्चो-वओगओ जायइ समाही ॥९४॥
 अहवा वि सुदुल्लंभं, पयईए सुंदरं तहा इट्ठं । सहं रूवं च रसं, गंधं फासं च जहसंखं ॥९५॥
 सोउं दट्ठुं भोत्तुं, जिधित्ता फासिउं समाहाणं । जं पाउणेज्ज पाणी, दच्चसमाही भवे सो उ ॥९६॥
 तेण न इहाडहिगारो, अहवा सो वि हु क्कहिं पि केसिं पि । भावसमाहिनिमित्तं, इच्छिज्जइ चेव जं भणियं ॥९७॥
 ‘मणुन्नं भोयणं भोच्चा, मणुन्नं सयणाडडसणं । मणुन्नम्मि अगारम्मि, मणुन्नं झायए मुणी’ ॥९८॥
 भावम्मि समाही पुण, एणंतेणेव चित्तविजयाओ । चित्तविजओ य सम्मं, रागदोसाण परिहरणा ॥९९॥
 तप्परिहारो य सुहेयरेसु, सद्दाइएसु विसएसु । पत्तेसु विचित्तेसु वि, अभिसंगपओससंचारो ॥१००॥
 तम्हा कुमग्गलगं, विचेयरज्जए चडुलतुरगं य । सुदढं संजमिऊणं, माणसमुस्सिंखलपयारं ॥१०१॥
 जइयच्चं सच्चेण वि, सुहडत्थिणा सुपुरिसेण निच्चं पि । सम्मं समाहिकरणे, विसेसओ धम्मनिरएण ॥१०२॥
 तत्थडवि सविसेसतरं, पज्जताडडराहणुज्जयमणेण । न तमंतरेण हि सुहं, धम्मो आराहणा य भवे ॥१०३॥
 तहाहि—

असमाहीओ दुक्खं, दुहिणो पुण अट्टमेव न उ धम्मो । धम्मविहीणस्स पुणो, दूरे आराहणामग्गो ॥१०४॥
 मोत्तुं समाहिमेक्कं, असेससेसंङगसंगया वि जओ । सच्चा सुहसामग्गी, दावडग्गी चेव पुरिसस्स ॥१०५॥
 जं वा तं वाडसिस्स वि, जेण व केणं पि पाउयस्साडवि । जत्थ व कत्थ व वासिस्स, जम्मि कम्मि वि अहव काले ॥१०६॥
 जं वा तं वा विसमं, समं य संपावियस्स वि अवत्थं । परमसुहं चिय निच्चं, समाहिमंतस्स पुण नियमा ॥१०७॥
 सोक्खं च समाहिकयं, अभयं अकिलेसजं अलज्जणियं । परिणामसुंदरं सवस-मडक्खयं निरुवममपावं ॥१०८॥
 किंच—

पज्जत्तमेत्तिएण वि, सुसमाहिठियस्स वीरपुरिसस्स । जं सो न ^२भरइ कस्सवि, नयावि से ^२भरइ को वि परो ॥१०९॥
 अवि य—

जे सुसमाहिम्मि रया, विरया नीसेसपावठाणाओ । सुहिसयणधणाडडइविणास-दंसणे वि हु न तेसिं मणो ॥११०॥
 अचलो व्व चलइ थेंवं पि, सुसंजमाउ ममतचत्ताण । सुसमाहिनिही भयवं, रायरिसिनमीह दिट्ठंतो ॥१११॥
 तहाहि—

“नमिराजर्षिदृष्टान्तः”

नगनगराडडगरवरपुर-धणधणसमिद्धगामरंमम्मि । नामेण विदेहाजण-वयम्मि मिहिलापुरी आसि ॥११२॥
 नयविणयसच्चसूरत्त-सत्तपमुहप्पहाणगुणकलिओ । पालेइ तं च राया, जयभमिरजसो नमी नाम ॥११३॥
 जम्मि नरेंदे रज्जं, पालिते खंडणाडहरदलाण । करपीडणं उरोजाण, जइ परं तरुणिलोगस्स ॥११४॥
 गुणबाहाए वुड्डी य, सइसत्थेसु सुम्मइ विरोहो । उप्पेक्खा वि य दीसइ, जइ पर सुक्कईण कच्चेसु ॥११५॥
 सो एवंविहगुणवं, अणप्पमाहप्पनिहयपडिवक्खो । सहसक्खो इव, विसए, निसेवमाणो गमइ कालं ॥११६॥
 अह एगम्मि अवसरे, वेयणियवसेण पलयजलणसमो । नरवइणो तस्स महा-घोरो दाहज्जरो जाओ ॥११७॥
 तेण य वाउलियतणू, यज्जाडनलमुम्मुरे निवडिओ व्व । उच्चेल्लइ परिगतइ, सुदीहमुस्ससइ स महप्पा ॥११८॥
 वाहरिया वरयेज्जा, कया य तेहिं च भेसहपओगा । न य पसममुवगतो से, मणागमेत्तं पि परितावो ॥११९॥
 अचरे वि मंतंतताडडइ-जाणगा जे जणे पसिद्धिगया । आहूया ते वि त्तिहिं असाहियद्धा य नीहरिया ॥१२०॥
 नयरं पइखणचंदण-रससिसिरमुणालियाजलद्दाहिं । अच्चंतदाहविहुरस्स, होइ से थेंवमाडडहारो ॥१२१॥
 अह तन्निमित्तमणडवरय-मेव अंतोउरीहिं समकालं । पियविहुरजायदुक्खाहिं, चंदणम्मि घसिज्जंते ॥१२२॥
 पयलंतकोमलभुया-परोप्परप्फिडियकणगचलयभवो । अवहरियडन्ननिनाओ, वियंभिओ रणझाणाडडरावो ॥१२३॥
 तं चायण्णिय रत्ता, पयपियं किंसमुब्भवो एसो । बाढमडणिव्वुइकारी, अहो निनाओ पवित्थरइ ॥१२४॥

1. विनयप्रणतस्य = विनयतत्परस्य 2. भरइ = स्मरति ।

| | |
|--------------------------------------------------------------------------------------------|------|
| भणियं च परियणेणं देव! रवो कणयवलयरसंभूओ । अंतेउरीण चंदण-मुग्घरिसंतीणमेसो ति | ॥२५॥ |
| सोउं च नरवइगिरं, एक्केक्कं धरिय सेसवलयाइं । अवणीयाइं अंते-उरीहिं भुयवल्लरीहिंतो | ॥२६॥ |
| खणमेत्तम्मि अइगए, पुणो वि पुच्छियमिमं नरिंदेण । किं रे! न संपयं सो, निसुणिज्जई कणयवलयरवो | ॥२७॥ |
| भणियं जणेण सामी!, परोप्परप्फिडणविरहओ इण्हिं । एगागीणं वलयाण, कह रवो संभवेज्ज इहं | ॥२८॥ |
| अव्वो! जह एयाणं, असहायाणं तहा जीयाणं पि । नूणमणत्थुप्पाओ, रवो व्व नो जायइ कहं पि | ॥२९॥ |
| जेत्तियमेतो संगो, तेत्तियमेता अणत्थपत्थारी । संगं विवज्जिऊणं, ता होमि अहं पि निस्संगो | ॥३०॥ |
| इय संवेगोवगयस्स, राइणो जाइसरणमुप्पन्नं । पुव्वभवचिन्नसामन्न-सुत्तमणुसुमरियं इति | ॥३१॥ |
| अणुकूलकम्मवसओ, सो वि हु दाहज्जरो अवक्कंतो । अह निययपए पुत्तं, ठविऊणं सो महाभागो | ॥३२॥ |
| पतेयबुद्धलिंगी, एगागी सव्वसंगमवहाय । नयरी बहियाडडरामे उस्सग्गेणं ठिओ भयवं | ॥३३॥ |
| तो रायरिसिम्मि नमिम्मि, तहड्डिए हरियसव्वसार व्व । अच्चंतपणइविच्छो-हिय व्व गुरुरोगविहुर व्व | ॥३४॥ |
| कयकरुणविप्पलाया, वाउलहलबोलबहुलियदियंता । अंसुजलाडडविलनयणा,, तव्वेलं चिय अहेसि पया | ॥३५॥ |
| अह ओलबियभुयपरिह-मडमरसेलं व निच्चलं दट्टुं । नमिरायरिसिं सक्को, चित्तेउमिमं समाढतो | ॥३६॥ |
| पढमं पडिवन्नम्मि, सामन्ने संपयं नमिमुणिसस । केरिच्छा हु समाही, हवेज्ज गंतुं परिक्रामि | ॥३७॥ |
| तो कयमाहणरुवो, विउच्चिउं नयरिदाहमुद्दामं । विलवंतलोयनिवहं च, कुलिसपाणी नमिं भणइ | ॥३८॥ |
| किं मुणिपुंगव! मिहिलाए, अज्ज सुव्वंति सव्वठाणेसु । करुणप्पलाचरुवा, लोयाणं विविहआरावा | ॥३९॥ |
| नमिणा भणियं सच्छाय-फुल्लफलमणहरम्मि वच्छम्मि । जह भज्जंते वारण, पक्खिणो दुक्खिया संता | ॥४०॥ |
| कंदंति सरणरहिया, तह लोया वि हु पुरीविणासम्मि । अच्चंतसोगविहया, परिदेवन्ति बहुदुहता | ॥४१॥ |
| सक्केण जंपियं पेच्छ, पेच्छ एसा कहं तुहं नयरी । कीलापासाओ वि य, डज्जइ पबलेण जलणेण | ॥४२॥ |
| अंतेउरं पि पेच्छसु, उब्भियभुयनालमुग्घडपलावं । हा नाह! रक्ख रक्ख ति, जंपिरं परमकरुणमयं | ॥४३॥ |
| नमिणा भणियं परिचत्त-पुत्तसुहिसयणगिहकलत्तस्स । जइ मज्ज होज्ज किंचि चिय, किंचणं ता तयं दज्जे | ॥४४॥ |
| तदडभावे मिहिलाए, डज्जंतीए वि किं नु डज्जेज्जा । एवं च पेहियाए वि, भद्द! किं वा मह पुरीए | ॥४५॥ |
| एयं हि परमसोक्खं, नूण मुमुक्खूण चत्तसंगाण । जं नत्थि पियं न य किं पि, अप्पियं मोक्खकंखीण | ॥४६॥ |
| इय पसमसारमाडडयन्निऊण, नमिणो पर्यपियं सक्को । संहरियनयरिदाहो, पुणो वि एवं समुल्लवइ | ॥४७॥ |
| नाहो ति ताणकारि ति, सरणकारि ति परभयवसट्टो । निबिडभुयदंडमंडव-मडल्लीणो एस तुज्ज जणो | ॥४८॥ |
| तम्हा पुरीए पायारं, गोउरग्गलदुग्गमं । आउहाणि य कारिता, पव्वज्जं काउमडरिहसि | ॥४९॥ |
| मुणिणा जंपियं हंत! सद्ध च्विय पुरी महं । कओ य तीए पायारो, सुतुंगो खंतिलक्खणो | ॥५०॥ |
| संवरडग्गलदुग्गम्मो, धिईकेयणसंगओ । परक्कमो धणू तत्थ, तवो नारायराइयं | ॥५१॥ |
| आउहं पि कयं चारु, कम्मसत्तुविणासगं । एवं पि कयरक्खस्स, किं न पव्वइउं खमं | ॥५२॥ |
| सक्केण जंपियं भन्ते!, कारइत्ताणमुत्तमे । पासाए विविहे पच्छ, पव्वज्जं काउमडरिहसि | ॥५३॥ |
| नमिणा भासियं भद्द!, को करेज्ज पहे गिहं । जीवस्स जत्थडवत्थाणं, तत्थ कुव्वेज्ज तं बुडो | ॥५४॥ |
| वज्जाउहेण संलत्तं, खुद्दे चोराइणो परे । हणित्ता लोगखेमत्थं, पव्वज्जं काउमडरिहसि | ॥५५॥ |
| नमिणा जंपियं एए, मिच्छा हम्मंति निच्छियं । अख्रेमयाणि कम्माणि,, हंतुं जुत्ताणि ताणि मे | ॥५६॥ |
| हरिणा जंपियं भंते!, जे नमंति न पत्थिवा । ते लहुं निज्जिउं सव्वे, पव्वज्जा तुज्ज जुज्जए | ॥५७॥ |
| मुणिणा वुत्तमत्ताणं, जो जिणेज्ज सुदुज्जयं । सहस्सजोहिणो वीह, सो एक्को विजई परं | ॥५८॥ |
| ता अप्पणा समं ताव, जुज्जिउं मज्ज जुज्जए । निस्सेयसत्थिणो बज्ज-जुज्जेणं विहलेण किं | ॥५९॥ |
| कोहं लोहं मयं माय-मिन्दियाणि य पंच वि । जियाणि जेण सव्वंपि, जेयव्वं तेण निज्जियं | ॥६०॥ |
| अक्कमिता तिलोक्कं पि, किन्ती तस्स परं ठिया । सासया सिद्धिखेतं व, जेण एयं विणिज्जियं | ॥६१॥ |

| | |
|----------------------------------------------------------------------------------------------|------|
| सोच्चा एयं सहस्सक्खो, भत्तिपम्भारसंगओ । पुणो नमि रायरिसिं, एवमाडडह महायसं | ॥६२॥ |
| जइत्ता पउरे जन्ने भोइत्ता माहणाडडइणो । दाणं दीणाडडइयाणं च सामन्नं काउमडरिहसि | ॥६३॥ |
| गिहासमं विमोत्तूण किं वा पव्वज्जमिच्छसि । पोसहाडभिरओ राय!, एत्थेवाडडवससु तुमं | ॥६४॥ |
| नमिणा भासियं जन्ने, दक्खिणालक्खसुंदरे । जो कारयेज्ज ततो वि, संजमो गुणकारगो | ॥६५॥ |
| मासे मासे कुसडग्गेण, जो भुंजेज्ज गिहट्टिओ । विमुक्कसव्वसंगस्स, लेसेण वि न सो समो | ॥६६॥ |
| जंपियं हरिणा राया!, सुवन्नं मणिसंचयं । कंसं दूसं च वड्डिता, पव्वज्जं काउमडरिहसि | ॥६७॥ |
| मुणिणा भणियं भद्द!, सुवन्नमणिमाडडइणो । केलासतुंगकूडा वि, असंखा वि पणाभिया | ॥६८॥ |
| लुद्धस्स जंतुणो तिंति, एगस्स वि जणिति नो । इच्छा आगाससंकासा सक्का केण च पूरिं | ॥६९॥ |
| जहा जहा भवे लाभो, लोहो होइ तहा तहा । एवं तेलोक्कलाभे वि, न होज्जा का वि निव्वुई | ॥७०॥ |
| वज्जिणा जंपियं राय! संते भोगे मणोहरे । चिच्चा असंते पत्थिंतो, संकप्पेणं विहम्मसि | ॥७१॥ |
| मुणिणा भासियं मुद्ध!, वरं सल्लं वरं विसं । वरं आसीविसो सप्पो, वरं कुद्धो य केसरी | ॥७२॥ |
| वरं अग्गी य नो भोगा, चिंतिज्जंता वि जे नरं । नरयं निंति दुत्तारं, भामयंति भवडन्नवे | ॥७३॥ |
| सल्लाईणं हि जोगे वि, मच्चू एगभवो भवे । भोगाणं पत्थणेणावि, पाणी हम्मइ लक्खसो | ॥७४॥ |
| ता चत्तभोगवंछो हं, अहोगइकरं परं । कोहं हंतूण माणं च, दिन्नाडहमगईगमं | ॥७५॥ |
| सुगईघायगं मायं, लोहं पि दुहओ भयं । विद्धंसिऊण सामन्ने, उज्जमिस्सामि एगगो | ॥७६॥ |
| इय परमसमाही-मंतमडच्चन्तसन्तं; बहुविहभभिईहिं, तं परिकिञ्चतु सक्को । | |
| कणगमिय मुणिता, एगरुवं सरुवं; पयडियहरिसेणं, थोउमेवं पयत्तो | ॥७७॥ |
| जयसि विजियकोह!, थंसियासेसमाण!; पडिहयपसरंतु-दाममायापवंच । | |
| मुणिवर! हयलोह-जोहसंचत्तसंगो; तुममिह परमेक्को, पुज्जणिज्जो जयम्मि | ॥७८॥ |
| तुममिह परमेक्को, उत्तमो उत्तमाणं; भविहसि परजम्मे, उत्तमो तं सि चेव । | |
| तिजयतिलयतुल्लं, उत्तमं सिद्धिस्खेतं; अणुसरिहिसि नूणं, पिट्टकम्मडडुगंठी | ॥७९॥ |
| भवति कह न सुद्धी, तुज्झ संकित्तेणं; कहमुवसममेई, दंसणे वा न पावं । | |
| फुरति मणनिरोहा-डडयाससज्झो अवंडो; सियसुहजणणम्मि, जस्स एसो समाही | ॥८०॥ |
| इय थुणिय मुणिदं, वंदिऊणं च पाए; कमलकुलिसचक्काड-लंकिए भतिसारं । | |
| भसलगयलनीलं, वोममुल्लंधिऊणं; सुरपुरमडणुपत्तो, तक्खणेणं सुरेन्दो | ॥८१॥ |
| एवं नमि व्व धीरा,, इहलोइयपावसंगविरयमणा । अच्चंतसमाहीए, कुणंति सव्वुज्जमं जम्हा | ॥८२॥ |
| धम्मगुणनागराणं निवासनपरं परं चिय समाही । आराहणालयाए, रुंदो कंदो तह समाही | ॥८३॥ |
| सम्मत्तनाणचारित्त-खन्तिपमुहा महागुणा वि फलं । देन्ति ससज्झं सम्मं, समाहीगब्भ च्चिय जहुत्तं | ॥८४॥ |
| उवविसउ य एगंते, बन्धउ पउमासणं पयत्तेण । थरउ य सासं रुंधउ, बज्झं तह कायचेट्टं पि | ॥८५॥ |
| निमिओट्टपुडं मंथर-तारं दिट्ठिं च निसउ नासग्गे । जइ न समाही लग्गइ तप्फलभोगी न ता जोगी | ॥८६॥ |
| करयलनिलीणनिम्मल-फलहं व सुदिव्वजोइणो जं च । पासंति जगं सचरा-चरं पि तं पि हु समाहिफलं | ॥८७॥ |
| किंच- | |
| चित्तं समाहियं जस्स होइ सवसं २विसोत्तियारहियं । सो बहइ निरडयारं, सामन्नधुरं अपरितंतो | ॥८८॥ |
| ते धन्ना भुयणयले, समाहिबलदलियरायदोसा जे । परमं देहाडडहारं, आहारं पि हु अणीहंता | ॥८९॥ |
| सुविडधवत्थुसरुवा,, हरिसविसायाडडइएहिं अप्पुट्टा । बहुजम्मनिम्मियपि हु, कम्मं निम्मूलयंति लहुं | ॥९०॥ |
| ता चित्तयिजयलक्खण-भावसमाहीए होइ जइयच्चं । एएणं चिय एत्थं, पगयं ति कयं पसंगेण | ॥९१॥ |
| इय सुत्तवुत्तजुतीजुयाए, संवेगरंगसालाए । परिकम्मविहिपामोक्ख-चउमहामूलदाराए | ॥९२॥ |

1. न्ययस्तु । 2. विस्त्रोतसिका = दुर्ध्यानम् ।

| | |
|------------------------------------------------------------------------------------------------|------|
| आराहणाए पनरस-पडिदारमयस्स पढमदारस्स । पंचमगं भणियमिमं, समाहीनामं पडिद्वारं | ॥१३॥ |
| एसो य समाही चित्त-विजयजणिओ वि न हु थिरो होइ । आराहगो मणं जइ वारंवारं न सासेइ | ॥१४॥ |
| जओ— | |
| “षष्ठम् मनः अनुशास्तिद्वारं” — | |
| पोयवहणं व चित्तं, चिन्तासागरगयं परिभ्रमंतं । अन्नाणपवणपेल्लिय-विसोत्तियावीइहम्मंतं | ॥१५॥ |
| पडियं मोहायते, कह लग्गेज्जा समाहियरमग्गे । जइ जाएज्ज न सम्मं अणुसासणकन्नधारो से | ॥१६॥ |
| दोसाण नासणं गुण-पयासणं ताडणुसासणं एतो । चित्तस्स वुच्चइ तयं, एवं सुसमाहिओ कुज्जा | ॥१७॥ |
| हं भो! चित्त! विचित्तं, चित्तं व तुमं पि वहसि बहुभावे । किंतु परतंतैहिं, मोहेइ तुमं तु अप्पाणं | ॥१८॥ |
| सइ रुइयगीयनच्चिय-हसियाडडइवियारओ जणं दट्ठुं । मत्तं व हियय! तह तं, वट्टसु जह नाडसि हसणीयं | ॥१९॥ |
| मोहभुजंगमदट्ठं, सुविसंथुलचेट्ठियं जयमसंतं । किं न पुरत्थं पेच्छसि, विवेयमंतं न जं सरसि | ॥२०॥ |
| चित्तचपलत्तणेणं, रसायलं विससि जासि गयणं पि । भमसि दिसिमंडलाणि वि, असंगयं पुण न तं फुससि | ॥२१॥ |
| जम्मजरमरणसिहिणा, भवभवणे सच्चओ पलितंमि । नाणोदहिमडवगाहिय, सुत्थतं लहसु हियय! तुमं | ॥२२॥ |
| हियय! तुमे एस कओ, भववासणवागुराए महबन्धो । ता तह पसिय इयाणि, जह तच्चिगमो लहुं होइ | ॥२३॥ |
| किं चित्त! चित्तिएहिं, विहवेहिं अत्थिरेहिं अह न तुहं । तत्तण्हाडवगमो ता, संतोसरसायणं पियसु | ॥२४॥ |
| हे हियय! भवसरुयं, पुतकलताडडइवइअरविचित्तं । चिन्तेसु इंदजालं ति, जइ सुहं महसि अविचारं | ॥२५॥ |
| भववणगयम्मि सारंग-गहणपडुयम्मि कामगुणकुडे । हिययगयमडप्पयं किं नो, कासि जं तुह सुहमरट्ठो | ॥२६॥ |
| भवपभवे जइ दुक्खे, तुज्झ पओसो सुहे य मणवंछा । ता तह कुण जह न सिया, तं तं च भवे जह अणंतं | ॥२७॥ |
| मिताडमित्तेसु समा, चित्तपविती जया य तुह होही । लहिहिसि तं तइय च्चिय सुहमडवगयसयलसंतावं | ॥२८॥ |
| नरयतिदिवेडरिमित्ते, भवमुक्खे दुहसुहे तणमणीसु । जइ लेटटुकंचणेसु य सममडसि ता मण! कयत्थमडसि | ॥२९॥ |
| दुव्वारमिमं मच्चुं, पच्चासन्नीभवन्तमडणुसमयं! हे हियय! चित्तसु तुमं किं सेसवियप्पजालेण | ॥३०॥ |
| हे हियय! चिन्तसि तुमं, नाडणज्जजराए जज्जरिज्जतिं । नियतणुकुडिं पि एयं, अहह महामोहमहिमा ते | ॥३१॥ |
| जत्थ जरमरणदारिद्र-रोगसोगाइदुहगणो लोए । तत्थ वि कहं तुमं मूढ-हियय! न विरागमुच्चहसि | ॥३२॥ |
| जीयं पि तणुम्मि गयाडगयाइं सासच्छलेण कुणमाणं । किं न मणो! मुणसि जेणं, चिट्ठसि अजराडमरं व तुमं | ॥३३॥ |
| सह रागेण मण! तुमं, सुहाडभिमाणाउ भमडियं सुइरं । चय तं भय तदुवसमं इयाणिं जं मुणसि सुहभेयं | ॥३४॥ |
| अविवेयता बालत्तणम्मि वियलत्तणाउ युड्ढते । मण! धम्मचित्तविरहे, बहू वि विहलो नरभवो ते | ॥३५॥ |
| मयरद्धएक्कमित्तं, कुगइमहादुक्खं संततिनिमित्तं । विसयाणुगामिचित्तं मोहुप्पतीए हेउं च | ॥३६॥ |
| अविवेयविडविकदं, चन्दणरुक्खो व्य दप्पसप्पस्स । नीरंधमेहपडलं, सन्नाणमयंकविबस्स | ॥३७॥ |
| तारुण्णं पि हु तुह मण! उम्मायपरस्स निच्चकालं पि । सव्वाडणत्थकए च्चिय, न धम्मगुणसाहगं पायं | ॥३८॥ |
| एयं कयं इमं पुण, करेमि काहं इमं च गिहकिच्चं । इय आउलस्स तुह हियय!, यासरा जंति अकयत्था | ॥३९॥ |
| वीवाहिया न दुहिया, न पाडिओ बाढमेस बालो वि । तं तं च किंचि वि महं अज्जडविकज्जं न सिद्धं ति | ॥४०॥ |
| अज्ज इमं काहमडहं इमं च कल्लम्मि किर करिस्सामि । एयं च तम्मि दियहे, पक्खे या अहय मासंते | ॥४१॥ |
| वरिसंउते या एयं, काहं इच्चाइ निच्चचिन्ताहिं । हे खिज्जमाणमाणस!, कत्तो तुह निच्चुइलयो वि | ॥४२॥ |
| किंच— | |
| एयं करेमि इहिं एयं काऊण पुण इमं कल्ले । काहं को मण! चिन्तइ, सुमिणयतुल्लमि जियलोगे | ॥४३॥ |
| कत्थ गयं होसि गयं मण! काउं किं च होहिसि कयडत्थं । थिरयाए गच्छ कुणसु य, न गयस्संउतो न य कयस्स | ॥४४॥ |
| चिन्तासन्ताणपरं जइ चिट्ठसि चित्त! निच्चकालं पि । अच्चन्तदुरुत्तारे, ता रे! निवडसि दुहसमुद्वे | ॥४५॥ |
| हा हियय! किं न चिन्तसि, जमेस रिउरुवचरणठक्किल्लो । वित्थारियपक्खदुगो, तिलोयपउमस्स सारं व | ॥४६॥ |
| पिचमाणो वि पइदिणं, अतित्तिमं चेव अक्खलियपसरो । सच्चजगजीचतुल्लो, इह कीलइ कालभमरुल्लो | ॥४७॥ |
| अधणे धणं धणे पुण, कमेण निवचक्किसक्कपयवीओ । | |
| मण! मणसि तुमं लहसि य, जइ वि तहा वि हु न ते तित्ती, | ॥४८॥ |

पविसंता सल्लं पिव, पयईए पइदिणं पि पीडकरा । जे कामकोहपमुहा, अभिन्तरसतुणो तुज्झ ॥२९॥
 निच्चं देहगय च्चिय, चित्त! तदुच्छायणे न वंछा वि । बज्झारिसु पुण थायसि, अहो महामोहमाहप्पं ॥३०॥
 बज्झारिसु मित्तं, करेसि सत्तुतमन्तरारीसु । जइ ताहे हियय! तुमं, अइरा साहसि सकज्जं पि ॥३१॥
 मुहमहुरकडुविवागेषु हियय! विसएसु कुणसु मा गिद्धिं । विहिवसविबज्जमाणा, सुतिक्खदुक्खाइं से देन्ति ॥३२॥
 जइ पढमं पि न रज्जसि, मुहमहुरउच्चसाणयिरसविसएसु । ता हियय! तुमं पच्छा वि, लहसि न कयावि संतावं ॥३३॥
 विसएहिं विणा न सुहं, विसया वि हवन्ति बहुकिलेसेहिं । ता तच्चिमुहं चिन्तसु,, सुहंउतरं किं पि हे हियय! ॥३४॥
 जह आवायं विसयाणं पेच्छसे जइ तहा विवागं पि । ता चित्त! एतिय तुमं, न कयाइ विडंबणं लहसि ॥३५॥
 विसतुल्लविसयवंछाए, कीस हे हियय! वहसि संतावं । ता किंपि चिन्तसु तुमं, होइ जओ निव्वुई परमा ॥३६॥
 तह विसयासाछिडडेण, नाणजणिया गुणा गलिस्सन्ति । ता चयसु तं तुमं मूढ-हियय! तेसि थिरत्तकए ॥३७॥
 विसयासावाओलि-जणियरओगुण्डियं कह न हियय! । सहजायकरणवग्गस्स, लज्जसे भमिरमडणिवद्धं ॥३८॥
 कामसरजज्जरे रे!, तुमंमि मणकुंभ! कम्ममलहरणं । भवसंतावस्त्रयकरं, न ठाइ सच्चवयणजलं ॥३९॥
 अह तं पि ठियं कहमवि, किं नो पसमइ कसायदाहो ते । एसो किं व न भिज्जइ, जो तुह अविवेयमलगंठी ॥४०॥
 अणवरयणरुयदुक्खोह-मन्दरुदाममंथमहियस्स । तहवि तुह हिययसायर!, विवेयरयणं न उच्छलियं ॥४१॥
 अविवेयपंककलुसस्स, चित्त! नो ताव तुह मई कुसला । जायइ न जाव विहिओ, सुविवेयजलाडभिसेयविही ॥४२॥
 हे हियय! सुंदरा वि हु, सदा रुवाणि रसविसेया य । गंधा फासा य वरा, ताव च्चिय तरलयन्ति तुमं ॥४३॥
 जाव न सम्मं अचगा-हिओ तए तत्तबोहरयणिल्लो । सुहसलिलपूरपुत्रो, सुयनाणअगाहमयरहरो ॥४४॥
 सदा 'निरु सुइसुहया रुवाणि य चक्खुहरणचोराणि । रसणासुहया य रसा, गंधा घाणिन्दियाडणंदा ॥४५॥
 फासा फरिसणसुहया, संगे दाउं पि सुहमउह वियोगे । देन्ति दुहं तहउणंतं, चित्त! अलं तुज्झ ता तेहिं ॥४६॥
 अइरम्मं हम्मयलं, सरयससी पियजणेण संगो य । कुसुमाणि मलयजरसो, दाहिणपवणो य मइरा य ॥४७॥
 एयाणि समुदिताणि वि, चित्त! सरागस्स होंति खोभाय । तुह विसयसंगविमुहस्स, किं पुणेयाणि काहिंति ॥४८॥
 किं बहुणा दाणेणं, किं वा बहुणा तवेण तविएण । कट्टाडणुद्वारेण वि, बज्झेण किमेत्थ बहुणा वि ॥४९॥
 किं च पढिएण बहुणा, जइ ता मण! मुणसि अप्पणो पत्थं । ता रागाइपयाओ विरमसु रमसु विरागपए ॥५०॥
 कसिणाहिबिलसमीवे, बहुच्छिड्डं चारुचंदणदलेण । काउं गिहं तदन्तो य, मालईकुसुमसयणिज्जे ॥५१॥
 निदं जिगीससि तुमं, जं सुहमेयं ति कट्टु हे हियय! । अभिलससि विसयसंगं, नीरागतं विमोत्तूणं ॥५२॥
 अणहं परिणामसुहं, जइ ईसरीयतमीहसे हियय! । ता तुममप्पाणुगयं, धरेसु सन्नाणवररयणं ॥५३॥
 घोरं तमो तुहंउतो, जा वियरइ ता तुमं निरालोयं । अह हियय! जिणमयरविं, धरेसि ता होसि साडउलोयं ॥५४॥
 मोहमहातमसंकुल-भवविसमगुहंतराउ तुह हियय! । न विणा नाणपईवं निग्गमुवायं परं मन्ने ॥५५॥
 दव्वाइसु पडिबंधं, मोत्तुं चित्ताडणुसरसु संवेगं । जेणाडडमूलाओ तुह, तुइइ एसो भवपबंधो ॥५६॥
 हियय! सकिलेसविहवेहिं, सुहकए कामिएहिं किं मूढ! । अप्पाणं संतोसे, निवेसिउं होसु तं सुहियं ॥५७॥
 जणयन्ति किलेसं अज्जणम्मि, मोहं समज्जियाओ पुणो । तावं परं च नासे, पयईए च्चिय विभूईओ ॥५८॥
 ता तासु कुगइगमवत्तिणीसु, रायग्गिचोरसज्झासु । हे चित्त! तत्तचिन्तण-पुरस्सरं चयसु पडिबन्धं ॥५९॥
 अट्टियथूणाधरिए, पए पए ण्हारुबन्धणनिबद्धे । तयमंसयसाछन्नम्मि, इंदियाडडरक्खगुत्तम्मि ॥६०॥
 अंतो सकम्मनिगडा-उवबद्धजीवे य गुत्तिगेहे व्य । दुक्खाणुभवणटाणे, मण! कुण काए वि मा मोहं ॥६१॥
 सच्चित्तपमुहदव्वाइ-विसयपडिबन्धनिबिडतंतूहिं । अप्पाणमप्पणो चेव, चित्त! निच्चं पि हु समंता ॥६२॥
 गाढं परिवेढंतस्स, तुह कहं कोसियारकिमिणो व्य । मोक्खो पुणो वि होही, हे मूढ! इमं पि चिन्तेसु ॥६३॥
 इंदियगज्जं जं किञ्चि, कत्थई एत्थ अत्थि वत्थु न तं । थिरमउह तत्थ वि जइ रमसि, मण! तुमं चेव ता मूढं ॥६४॥
 एक्कं निययाडणुभवा वीयं पुण जिणवरिंदययणाओ । करिकलहकन्नपाली-तरलतरत्तं खु पयईए ॥६५॥

संसारसमुत्थसमत्थ-वन्थुसत्थस्स मण! मुणित्ताणं । मा पडिबन्धं बंधसु, खणमेत्तपि हु तुमं तत्थ ॥६६॥
किंच—
निस्सारे संसारे, सारो सारंगलोयणा चेव। इय कुब्भममइरामत्त-चित्त! तुह निव्वुई कत्तो ॥६७॥
एत्थ परत्थ व जम्मे, जंतूणं जाणि तिक्खदुक्खाणि । ताण न निमित्तमउत्तं, मोत्तूणं मण! मयच्छीओ ॥६८॥
मुहमहुरत्तं पज्जंत-दारुणत्तं च पेच्छिऊण विही । पलियच्छलेण मत्ते जुवईण सिरे खिवइ छारं ॥६९॥
तहा—
पफुल्लाणि वि सुविसाल-नेत्तपत्तोयसोहियाणि वि । लायण्णजलउद्दाणि वि, अलयाउलिकुलाउलाणि वि ॥७०॥
पसरंतपरिमलाणि वि, असरिसरुवसिरिपरिगयाइं पि । मयपरवसलीलाउलस-विलासिणीवयणकमलाणि ॥७१॥
आवायमेत्तसुहदाय-गाणि होऊण किंपि ताइं पि । हे मणमहुर! बंधाय, तुज्झ होहित्ति पज्जंते ॥७२॥
वसफेफसहडुकरं-णहारुजंबालपूइपमुहाण । बीभच्छकुदव्याण वि, रासी जं जुवईजणदेहं ॥७३॥
स्तुप्पलरंभास्सम्भ-जच्चकंचणसिलासुकलसेहिं । कंकल्लिपल्लवलया-ससिविदुमकुंदकलियाहिं ॥७४॥
कुवलयदलउट्टमीचंद-सिहिकलावेहिं उवमइ बुहो वि । तं चित्त! तुहंतो विप्फु-रंतरागस्स माहप्पं ॥७५॥
कलमलगमंससोणिय-पुरीसकंकालकलुसकोट्टासु । दीसंतसुंदरासु वि, ता मण मा रच्च रमणीसु ॥७६॥
सदाउडइसमुदयदहे, विलसन्तं इति पक्खिवित्ताणं । जुवइजणनिबिडबडिसं, मयरद्धयधीवरेण तुमं ॥७७॥
तस्संगाउडमिसरसियं, वेगादाउडगरिसिऊण मणमीण! । तिब्बाउणुरागअगीए, मूढ! ताविज्जसि समन्ता ॥७८॥
थेवं पि हु न वियारं, कुणन्ति रमणीण हसियललियाइं । जिणवयणमउमयभूयं, जइ मण! तुह परिणमइ सम्मं ॥७९॥
जीए विओगउग्गिपली-विओ तुमं मण! मुहुत्तमेत्तं पि । वरिससयसमइरित्तं, परिमन्नसि समयमेत्तं पि ॥८०॥
सह तीए विप्पओगो, स कोवि तुह होहिइ न जेण पुणो । जायइ संजोगाउडसा वि, सागरोचमसएहिं पि ॥८१॥
अच्चन्तं संवासो, लब्भइ न सए वि चित्त! देहम्मि । नियजीवेणाउवि सया, किं पुण अन्नेण केणाउवि ॥८२॥
जोगा य वियोगा वि य जीवाण धुवं जयम्मि जायाण । मण! बुब्बुय व्व सलिले, भवन्ति न भवन्ति य खणेण ॥८३॥
जं पयइचला पाणा, चिट्ठति खणं पि तं मण! उच्छेरं । न हु होइ खणाउ परं, विज्जुलयाए समुज्जोओ ॥८४॥
इट्ठेहिं विप्पओगो, जम्मसहस्साइं संगमो य खणं । तह वि तुमं हे ह्यहियय!, महसि पियसंगमं चेव ॥८५॥
आवायमेत्तरमणीयगाण, पियसंगमाण हे हियय! । ^२भुत्ताणमउपत्थाण व, परिणामो दारुणो चेव ॥८६॥
संतोसपरस्स तवे रयस्स, सब्बत्थ निरभिलासस्स । चिट्ठउ ता इह धम्मो, दूरीकयदुग्गईमग्गो ॥८७॥
एत्तिपमेत्तेणं चिय, हे माणस! तुज्झ किं न पज्जत्तं । तम्मसि तोसकए जं, न चक्किस्सक्कत्तणाणं पि ॥८८॥
तह अत्थउडज्जणरक्खण-^३वयणकयं वेयणं न पावेसि । मण! परमनिव्वुई ते, भवे वि संतोसओ होही ॥८९॥
संतोसाउमयरससिच्चमाण-माणस! सुहं सया जं ते । तमउसंतुट्ठे क्तो, इओ तओ चिन्तणाउडसत्ते ॥९०॥
तमुदारत्तं तं चिय, गुरुत्तणं तह तमेव सोहगं । सा कित्ती तं च सुहं, संतोसपरं तुमं मण! जं ॥९१॥
सब्बाउ संपयाओ, संतोसपरे तुमम्मि हे चित्त! । चक्कित्तसुरत्तेसु वि, इहरा दारिदमेव सया ॥९२॥
दीणत्तमेसि अत्थी, लद्धत्थं गव्वमउपरितोसं च । नद्धणं पुण सोगं सुहेण चिट्ठसि मण! निरासं ॥९३॥
अन्तोसारो नीसरइ, नूणमत्थित्तणेण सममेव । अन्नह तदवत्थस्स वि, कह मण! हलुयत्तमउत्थिस्स ॥९४॥
जं किर मयस्स भारो! तं पि फुडं जाणियं जह जियन्तो । अत्थिताउ हलुओ हुंतो तं पुण मए नत्थि ॥९५॥
उच्चियसि दुहेहित्तो निच्चं पि समीहसे पुण सुहाइं । न य पुण कुणसि तुमं तं, समीहियं लहसि मण! जेण ॥९६॥
जं विहियं हियय! पुरा, तुमए च्चिय तमउहुणा तुह उवेइ । मा कुण हरिसविसायं, सह सम्मं परिणत्ति काउं ॥९७॥
किंच—
संजोगा सविओगा, विसं व विसया वि परिणईविरसा । काओ य बहुअवाओ, रूवं खणभंगुरसरूवं ॥९८॥
एवं परोवएसं, देन्तस्स जहा महं फुरइ वयणं । तह जइ! चित्त तुमम्मि वि, एवं ता किं न पज्जत्तं ॥९९॥

जं पुण्णपाचरुवं, चड्डइ तुह हियय! निबिडनिगडदुगं । सज्झाणकुंचियाए, विहाडिउं लहसु तं मुत्तिं ॥१९००॥
 मायण्हियाउ तण्हा-विगमकए पिबसि चित्त! चुलुएहिं । सारगवेसणहेउं, तयमुब्बेडेसि कयलीए ॥१९१॥
 नवणीयकए सलिलं, विरोलसे बालुयं च तेल्लकए । पीलसि तुमं जमीहसि, संसारे वि हु सुहाडणुभवं ॥१९२॥
 किं पि हु निप्फज्जन्तं, किंपि हु निप्पन्नमिह परं मुक्कं । अंकम्मि कीरमाणं, परं च विहडइ जहा भंडं ॥१९३॥
 तह गम्भाइअवत्थं, विधिहं पावित्तु पाणिणोडणेगे । विहडंते मुण्डिउं चित्त!, चिन्तसु किं पि सुहचिन्तं ॥१९४॥
 एककं पि तुमं बहुवत्थु-चिन्तणा चित्त! पावसि बहुत्तं । तहभूयं पुण एतिय, कस्स न दुक्खस्स होसि पयं ॥१९५॥
 सयलडन्नवत्थुचिन्तं, चइत्तु ता चित्त! चिन्तसु परं तं । एककं पि किंपि वत्थुं, जेण परं निब्बुइं लहसि ॥१९६॥
 सज्झाणबलेणं कम्म-मूलभवकाणणम्मि भग्गम्मि । मत्तमहाकरिणा इव, तुमए हे चित्त! लहु मज्झ ॥१९७॥
 रागाडडइएहिं पमिलाण-मेय पच्चग्गपल्लवेहिं च । कम्मोहिं पक्खीहि च, उड्डेऊणं कहिं पि गयं ॥१९८॥
 जम्मजरामरणेहिं, पुप्फेहि च सच्चहा पण्डं व । दुक्खेहिं तु फलेहिं च, खीणं जह होइ तह कुणसु ॥१९९॥
 कम्मजलसंगवड्डंत-गुविलभववल्लरिं दुहफलिल्लं । झाणडग्गिणा मण! तुमं, जइ डहसि न रोहइ तओ सा ॥२००॥
 लच्छीए जइ न मज्जसि नयाडयि रागाइयाण वसमेसि । रमणीहिं न हीरिज्जसि, तरलिज्जसि जइ न विसएहिं ॥२०१॥
 संतोसेण न मुच्चसि, आलिगिज्जसि य जइ न इच्छाए । पावं च जइ न चिन्तसि, तुह चेव नमोडत्थु ता चित्त! ॥२०२॥
 तहा-

जइ ताव तुमं माणस!, रागं अभिसंगचागओ जिणसि । दोसं अपीइपरिहा-रओ य मोहं तु सन्नाणा ॥२०३॥
 कोहं खमाए सम्मं, मिउभावाडडनयणओ य पुण माणं । सरलत्तणेण मायं, संतोसगुणेण लोहं तु ॥२०४॥
 संतोसवसं नयसि य, इंदियगामं बला वि जइ निच्चं । जइ जीवाणं कप्पसि य, अप्पियं पियकए चेव ॥२०५॥
 अस्संजमम्मि अरइं, रइं च पुण संजमम्मि जइ कुणसि । जइ भयसि भवभयं चिय, पावं चिय जइ दुगुच्छिहसि ॥२०६॥
 जइ वत्थुसरुडडवालोयणाउ, न करेसि हरिससोगाइ । तह वयणनिसिरणे जइ सच्चं चिय चिन्तसे निच्चं ॥२०७॥
 जइ जिणवरेसु भत्तिं, निच्चं तप्पवयणे पुण पसत्ति । सम्मं जहसतीए, धम्मगुणेसुं च आसत्ति ॥२०८॥
 कालाडणुरुवसुंदर-किरियापरपरमसाहुबहुमाणं । दीणदुहिएसु करुणं, पावपरेसु पुण उवेहं ॥२०९॥
 जइ कुणसि ता परेणं, किं किरियावित्थरेण विहलेणं । तुज्झ पसाएण ममं, मुत्ती करपल्लवडल्लीणा ॥२१०॥
 मइलिज्जइ निस्सासेहिं, दप्पणो लहु जहा सुविमलो वि । धूमेणं जलणसिहा, कलुसिज्जइ जह सुबहुलेण ॥२११॥
 विच्छाडज्जइ जह ससहरो वि, पसरंतरेणुपडलेण । तह मण! कुवासणाए, मलिणिज्जसि थवलमडयि तं पि ॥२१२॥
 जं नियमिय अप्पाणं, न रागदोसाडडइनिग्गहो विहिओ । न य सुहझाणग्गीए, दड्ढो कम्मधणपबत्थो ॥२१३॥
 विसएहिंता खंचिय, धरिओ सारे न इंदियगामो । तं किं न तुज्झ हे चित्त!, मुत्तिसोक्खम्मि वंछा वि ॥२१४॥
 सज्जिज्जन्ति न करिणो, न पक्खरिज्जन्ति तुरयघट्टाइं । नाडडयासिज्जइ अप्पा, वाचारिज्जइ न खग्गं पि ॥२१५॥
 किन्तु सुहझाणेणं, अरिणो रागाडडइणो हणिज्जन्ति । तह वि तुमं माणस! कीस, परिभवं सहसि तेहिं तो ॥२१६॥
 गुरुकहिओचाएणं, पढमं सालंबणं पयत्तेण । अब्भसिऊणं जोगं, वियलियनिसेसपच्चूहं ॥२१७॥
 जइ बज्झविसयचिन्ता-वाचारविवज्जणा निरालंबे । तत्ते परे निलीयसि, ता चित्त! न चेव चरसि भवे ॥२१८॥
 पयईए चलसहावं, दुइतिंदियतुरंगथट्टमिणं । विसयाभिलासवेगं, विवेगरज्जूए संजमिउं ॥२१९॥
 जइ मण! धरेसि सवसं, फुरन्ति रागाइसत्तुणो न तओ । इहरा उ परिभयिज्जसि, लद्धप्पसरेहिं तेहिं सया ॥२२०॥
 जह न वरिसन्तमेहेहिं, नेय पयिसंतसरिसहस्सेहिं । उक्करिसो जलनिहिणो, न याडवकरिसो वि तदडभावे ॥२२१॥
 तह सयमुचित्तभोगोव-भोगजोगे वि हियय! जइ तुह वि । नोक्करिसो तदडभावे, न याडवकरिसो वि होइ तथा ॥२२२॥
 संपत्तपावियच्चं, सुकयडत्थं तह परं तुमं चेव । भोगाइकयाडडसंसो, दुक्करकारी वि न उण मुणी ॥२२३॥
 अन्नं च-

मोहो एस नराणं जं गिहचागा वणम्मि जोगरओ । साहइ मोक्खं ति भणंति, जेण सन्नाणओ मोक्खो ॥२२४॥

तं पुण गिहे व रत्ने व, होइ कज्जं पि साहइ ससज्झं । उज्झिय सेसवियप्पं, चित्त! विचिन्तेसु ता नाणं ॥३५॥
संसारुत्थपयत्था परं सुरम्मा वि न हु हरंति तुमं । जइ मण चिट्ठसि सन्नाण-पवरपागारपरिखित्तं ॥३६॥
जइ सन्नाणतरंडं अक्खण्डं छड्डसे न कइया वि । हे हियय! हीरसि न ता, अविवेयसरिप्पवाहेण ॥३७॥
जीवे सुपत्तभूए, चिट्ठंति मोहतन्तुमयवट्ठिं । नेहं च निट्ठंति, मिच्छन्ततमोविणासी य ॥३८॥
कालुस्सकज्जलं उव्व-मन्तओ जइ गिहस्स व तुहंउतो । सन्नाणपईवो जलइ, चित्त! ता किं न पज्जत्तं ॥३९॥
गुरुगिरितडसंभूयं, विसयविरागमज्झामुद्धरक्खंधं । धम्मउत्थिसउणरुद्धं च, परमततोवएसत्तं ॥४०॥
होऊणमउणुत्तालं, सणियं चित्त! जइ समाकहिउं । गिन्हसि सन्नाणफलं, ता आसाएसि मुत्तिरसं ॥४१॥
रोगाण व कम्माणं, विज्जासिद्धो व्व वियरइ सुगुरु । बज्झोवयारविमुहं, पसमणपरमोवएसं जं ॥४२॥
तं झायसु चित्त! न केव-लं जओ अहिगयक्खओ चेव । सयलकिलेसविमुक्कं जायइ अजरामरत्तं पि ॥४३॥
हे चित्त! पयतेणं, चिन्तसु तत्तं तुमं तयं किंचि । चिन्तियमेतेणं चिय, चिरं पि जेणासि सुनियुत्तं ॥४४॥
धीमं विऊ सुरुवो, चाई सूरुओहमेव इच्चाई । दप्पजरु ता तुह मण!, जा न निलीयसि परे तत्ते ॥४५॥
अविवेयमिठमुल्लुत्तिऊण, थंभं पि भंजिय दढं पि । पुत्तकलत्ताइसिणेह-निबिडनिगडाइं तोडेउं ॥४६॥
रागाउडइबन्धणदुमे वि, दूरमुम्मूलिऊण धम्मवणे । हे चित्त! चरसु हत्थी व, जं परं निव्वुइं लहसि ॥४७॥
सक्खं जिणिन्दभणियं, इमं ति एयं च गणहरेण पुणो । तस्सीसेण य एयं, चोइसदसपुब्बिणा य इमं ॥४८॥
पत्तेयबुद्धपमूहेहिं, भासियं पुब्बजिणवरेहि इमं । भणियं इच्चाई पर-पच्चायणवयणचिन्तणओ ॥४९॥
हे चित्त! खिज्जसि च्विय, सयं रसाउणुभवसुन्नमेव तुमं । दव्वि व्व दिव्वभोयण-बहुविहरसपयडणपरा वि ॥५०॥
अहवा वासिज्जइ भिज्जइ य, दव्वी रसेहिं न उण तुमं । जिणवयणमउणुसरत्तं पि, मूढ! हे हियय! कहमिहरा ॥५१॥
वररिसिसुहासियाइं अणेगसो पढसि सुणसि तह निच्चं । भावेसि य अइनिउणं, तप्परमउत्थं च बुज्झसि य ॥५२॥
न उण अणुभवसि पसमं, न य संवेगं न यावि निच्चयं । न मुहुत्तमेत्तमयि तह, तब्भाचत्थेण परिणमसि ॥५३॥
जिणवयणसमरसाउडपत्ति-मन्तरेणं तु बज्झचरणे वि । सुविसुद्धसाहुकिरिया-सेवणरुवे जहाथामं ॥५४॥
उच्छहसि वि न मण! तुमं, पमायमयधुम्मिरं मणागं पि । एवं च लद्धपोयं पि, मूढ! बुड्डसि भवोहउन्तो ॥५५॥
अहव न जिणवयणत्थेण केवलं न परिणमसि चेव तुमं । साभिप्पायविसरिसं, किंतु तयं उव्ववत्थिसि वि ॥५६॥
नियबोहवाहणेणं, हे हियय! कहिं पि जिणमएणाउवि । मउलाविज्जसि बाढं, मूढ! तुमं सब्बहा वि जओ ॥५७॥
कइयवि रुहसि नहग्गे एगंतुस्सग्गतरलियं संतं । कइयवि विससि रसायल-मउववाए च्विय निलीणं तु ॥५८॥
उस्सग्गदिट्ठिणो तुह, अववायठिया न चेव रोयन्ते । अववायदिट्ठिणो उण, उस्सग्गठिया न रोयन्ति ॥५९॥
तह दव्वखेतकालाउडइयाण-मउणुसारओ जहाविसयं । उभयपयसेवगा जे य, ते वि नो तुज्झ रोयन्ति ॥६०॥
एवं मण! निच्छयनय-ठियस्स ववहारनयठिया तुज्झ । ववहारनयठियस्स उ, रोयन्ति न निच्छयनयत्था ॥६१॥
तह दव्वखेतकालाउडइयाण-मउणुसारओ जहाविसयं । उभयनयमयठिया जे उ, ते वि णो तुज्झ रोयन्ति ॥६२॥
उस्सग्गपमूहसमत्थ-नयमयं मयमरोयमाणस्स! । कह नज्जइ निरवज्जा, मण! जिणमयपरिणई तुज्झ ॥६३॥
तच्चिसए सुयनिहिणो, नो बहु पुच्छसि वि किर मए तत्तं । नायं ति किं पि अंसं, निरुवसमं चित्त! घेतूण ॥६४॥
एवं च तुज्झ न गिलाण-कज्जविसया वि जायए चिन्ता । कालाउणुरुवगुणिगोय-रं च न पमोयकरणं पि ॥६५॥
वच्छल्लथिरीकरणोव-यूहणाइ वि न चेव सब्बत्थ । अविगाणेणं चिन्तसि, साहिप्पाया जइ कहं पि ॥६६॥
एवंविहं च कुग्गह-चक्कं छेतुं विवेयचक्केण । सब्बोवाहिविसुद्धं, सद्धम्मे कुणसु पडिबन्धं ॥६७॥
जइ तुममिह पडिबन्धं, हुंतं थेवंपि ता न इयकालं । होज्ज महदुक्खजालं, किं न सुयमिमं तए चित्त! ॥६८॥
एगदिवसं पि जीवो पव्वज्जमुवागओ अन्नन्नमणो । जइ वि न पावइ मोक्खं, अवस्स वेमाणिओ होइ ॥६९॥
अहवेगदिवसमिच्चाइ-थूलं माणं जओ मुहुत्ते वि । सन्नाणपरिणईए उ, फलमिट्ठं होइ जमिहुत्तं ॥७०॥
जं अन्नाणी कम्मं, खवेइ बहुयाहिं वासकोडीहिं । तं नाणी तिहिं गुत्तो, खवेइ ऊसासमेतेण ॥७१॥
कहमिहरा मरुदेवी, पुब्बं अगुणा वि तक्खणा चेव । सिद्धा तुमं तु हे मण!, सुनाणपरिणइगुणविहीण! ॥७२॥

कइया वि रागरत्तं, कइयवि दोसेण कलुसियसरूवं । कइया वि मोहमूढं कया वि कोहगिसंततं ॥७३॥
 कइयावि माणयद्धं कयाइ मायाए बाढमाडडविद्धं । कइया वि महालोहोय--हिम्मि सच्चंगनिम्मग्गं ॥७४॥
 कइया वि वेरमच्छर-रणरणयभयट्टरोद्धाणगयं । कइया वि दव्वखेताडडइ-विसयचिन्ताभरक्कन्तं ॥७५॥
 निच्चं पि चावडं चिय, खरपवणपणुन्नधयवडो व्व तुमं । नाडयत्थाणं थेवं पि, लहसि कइया वि परमत्थे ॥७६॥
 इच्चाइ चित्त! केतिय-मडणुसासिज्जसि तुमं सयं चैय । कुसलाडकुसलविभागं परिभावसु तह य निच्छयसु ॥७७॥
 ततो कुसलपविर्त्ति, निच्चं कुसलट्टिएसु बहुमाणं । कुणसु अ कुसलाडकुसलत्थ-चायमज्झत्थभावे य ॥७८॥
 एयमडकुसलविवज्जण-कुसलपवित्तिप्पहाणकारणओ । कज्जं पि मण! समाही-रूवं परमं चिय लहेसि ॥७९॥
 इय जो निच्चं पि मणो, अणुसासइ भावसारमडणुसमयं । 'समयं मायं कोहं लोहं, च जिणेज्ज किं चोज्जं ॥८०॥
 इहरा अणप्पकुविकप्प-कप्पणाडडसत्तचित्तवेलविओ । हियमवि अहियं सयणं पि, परज्जणं मित्तमवि सत्तुं ॥८१॥
 सम्भूयमडसम्भूयं पि, मन्नमाणो करि व्व दुच्चारो । किं किं न पावटाणं वसुदत्तो इव करेज्ज जणो ॥८२॥
 तहाहि— "वसुदत्तदृष्टान्तः"
 उज्जेणीए पुरीए नरवइणो सूरतेयनामस्स । सोमप्पहो ति नामं, आसी उवरोहिओ विप्पो ॥८३॥
 नीसेससत्थपरमत्थ-जाणगो सव्वदरिसणविहन्नू । अच्चन्तवल्लहो गुणि-जणस्स रत्तो य सुगुणो ति ॥८४॥
 एगम्मि य पत्थावे, दिवं गओ सो तओ य से पुतो । वसुदत्तो नामेणं, तप्पयविनिवेसणट्टाए ॥८५॥
 सयणोहिं दंसिओ नरवइस्स, नवरं लहु ति अपढो ति । पडिसिद्धो रत्ता सो, अन्नोय निवेसिओ तत्थ ॥८६॥
 परिभूयं अप्पाणं, मन्नंतो गुरुविसायसंततो । वसुदत्तो नीहरिओ, पढणडत्थं तयणु गेहाओ ॥८७॥
 पयरं विज्जाखेतं, नाणाविहविउससंगयं सोच्चा । पाडलिपुतं लोयाओ, तत्थ गन्तुं समारद्धो ॥८८॥
 कालक्कमेण पत्तो, पडियाओ तहिं च सव्वविज्जाओ । अह सिद्धवंछियडत्थो, समागतो निययनयरम्मि ॥८९॥
 तुद्धो विज्जाए निवो दिन्ना पिउसंतिया य से भुती । जाओ य सम्मओ राय-पउरलोयस्स सव्वस्स ॥९०॥
 नरवइसम्माणेणं, इस्सरिएणं च सुयमएणाडवि । तिणमिच जयं नियन्तो, कालं वोलेइ सो तत्थ ॥९१॥
 इस्सरियाडडइलवेण वि, तरलिज्जइ माणसं अधीराणं । किं पुण कुलबलविज्जाडडइ-याण सव्वेसिं समवाए ॥९२॥
 अवि तीरिज्जइ जुगयिगम-जलहिकल्लोलपडलमडवि खलिउं । इस्सरियाडडइमहामय-विचसं तु मणो न थेवं पि ॥९३॥
 इय सो उम्मतमणो, एगम्मि दिणे नडाण पेच्छणयं । कोऊहलेणं दट्टुं, निसिम्मि मित्तेहिं संलत्तो ॥९४॥
 हे मित्त! एहि जामो नडपेच्छणयं खणं पलोएमो । दिट्ठी दट्टव्वपलोय-णेण सहलत्तणमुवेइ ॥९५॥
 तेसिं अणुवित्तीए गओ तहिं सो ठिओ य खणमेक्कं । अह तत्थ तथा जुचई, विडेण सह जंपिरी एवं ॥९६॥
 अलियविउसेण पइणा, निरुद्धपसराए संपयं मज्झ । तुह सुहय! दंसणामडय-लाभेणं निव्वुई जाया ॥९७॥
 हे पेच्छणगपयट्टग!, चिरकालं जीयियं हवउ तुज्झ । जेण कओ वक्खेवो, मह पइणो कोवजलनिहिणो ॥९८॥
 ता एहि सुहय! जावेस, कूडविउसो इहेव जावेइ । ताव खणं कीलित्ता, नियनियगेहेसु वच्चामो ॥९९॥
 इय तीए पणयसारं, गिरमायन्निय विचिन्तियं तेण । अलियवियप्पविगप्पण-पवणपणोल्लियमणेण इमं ॥२०००॥
 नूणं सा मे भज्जा, एसा परपुरिसमणुसरइ पावा । कूडविउसं च मन्ने, ममं च उदिस्स वागरइ ॥१॥
 पुव्वं पि दुइसीला, लिङ्गेहि मए वियाणिया आसि । संपइ पच्चक्खं चिय, दिट्ठा ता निग्गहामि इमं ॥२॥
 इय चित्तेन्तो जा ताड-णट्टया पट्टिओ इमो तीए । ता सच्छंदपयारा, सा जुचई कत्थइ गय ति ॥३॥
 मन्ने इंतं मं पेच्छिऊण, पावा घरं गया तुरियं । इय बुद्धीए तओ सो, वेणेण गिहुम्महो चलिओ ॥४॥
 अह पबलकोवविचसो, जा पत्तो निययगेहदारम्मि । ताव य सरीरचिन्तं, काउं गेहम्मि पयिसंती ॥५॥
 दिट्ठा नियगा भगिणी, भज्ज ति वियाणिऊण तो तेण । आ पावे! मज्झ गिहे, दुस्सीला वि हु कंह विससि ॥६॥
 कूडविउसं ति मं दूसिऊण, पुरओ विडस्स रमिउं च । तेण सह सहरिसं आग-याडसि इय उल्लवंतेण ॥७॥
 हा हा किमेवमेयं, को एसो किं मए कयमडकज्जं । इइ पुणरुत्तं बहुजं-पिरी वि अच्चन्तकोववसा ॥८॥

अधियाणिता तह तेण, जट्टिमुट्टीहिं निट्ठुरं पहया । सा मम्मपएसम्मि जह मुक्का जीवियव्वेण ॥११॥
 अह अणुमग्गेणं चिय, समागणं समित्तवग्गेण । पडिसिद्धो सविसेसं, कुद्धो ततो इमं भणइ ॥१०॥
 रे पावा! तुम्हाणं, भेएणं नूणमेरिसमडकज्जं । मह भज्जाए कीरइ तेणं तुम्भे ममं खलह ॥११॥
 नडपेच्छणए वि धुवं, एतो च्विय अहमण्णिच्छमाणो वि । नीओ तुम्हेहिं इमीए, कज्जनिव्विग्घसिद्धिकए ॥१२॥
 कित्तिममेतीजुताण, होज्ज अहवा न किंचि वि अकिच्चं । परिचयह दुट्ठसीला!, ता एतो मज्झ चक्खुपहं ॥१३॥
 एवं वसुदत्तेणं, अलीयकुवियप्पवाउलमणेण । निदोसा वि हु ते तज्जि-या तहा जह गया सगिहं ॥१४॥
 कोलाहलं च सोच्चा, समागया मन्दिराओ से भज्जा । दट्ठूण वइयरमिमं, एवं भणिउं पवत्ता य ॥१५॥
 हा हा निग्घिण! निल्लज-उणज्ज! किं हणसि अप्पणो भइणिं । जेणेवविहपावं, सोवागा वि हु न कुव्वंति ॥१६॥
 एवं तीए चुतो, पुरलोगेण वि य निन्दिओ संतो । सो चिन्तेइ पुणो वि हु, अणप्पकुविगप्पविहुरमणो ॥१७॥
 असई न केवलं चिय, मह भज्जा किन्तु साईणी वि भवे! । एवं वामोहिता, ममं पि जा सयमडवक्कंता ॥१८॥
 भइणीए विणिहयाए, पसंतकोयो ति मं धियाणिता । विणिवारिउमाडउरद्धा, साहु व्व अभिन्नमुहरागा ॥१९॥
 किमडहं नियभइणिं पि हु, न मुणेमि सुदूरमन्धयारे वि । जइ एयाए नो दिट्ठि-वंचणं मह कयं हुंतं ॥२०॥
 इय चिन्तिऊण कुवलय-दलसामं कडिढऊण असिधेणुं । पावे डाइणि! भइणी-विणासजणणि! पलाइहसि ॥२१॥
 कथेयाणिं सुरगुरुसमो वि, जो हं तए वि विब्भमिओ । इति जंपन्तो भज्जाए, लुणइ नासं सउट्टुउडं ॥२२॥
 अह उग्गयम्मि सूरे, निसिवइयरसवणजायरोसेण । लोणेण नरिंदेण य, सो नयरीओ विणिच्छूढो ॥२३॥
 एगागी य भमंतो, वइदेसाए पुरीए संपत्तो । तारापीढो राया, तहिं च आराहिओ तेण ॥२४॥
 तुट्ठेण नरिन्देणं, दिन्नं से जीवणं पहिड्डमणो । तत्थ द्विउं पवत्तो, अह जाए सूरगहणम्मि ॥२५॥
 सो चिन्तिउं पवत्तो, अज्ज अहं बम्भणे निमत्तिता । बहुभक्खं वंजणाडउल-मण्णेगपाणगसमाइन्नं ॥२६॥
 बहुविच्छित्तिसणाहं, भोयणजायं करावइस्सामि । खीरं च खीरहरियाउ, राइणो मग्गइस्साम्मि ॥२७॥
 जइ सो कह वि न दाही, पुणो पुणो मग्गिओ वि सप्पणयं । तो अत्ताणं हणिउं, बम्भणहच्चं पि से काहं ॥२८॥
 एवं कूडविगप्पेहिं, भामिओ, चिन्तणं पि सच्चं व । मन्नंतो सो भोयण-वेलापत्त ति पुणरुत्तं ॥२९॥
 किर सुचिरमग्गिओ वि हु, न खिरहरिओ पणामए खीरं । तो गाढकोववसओ, छुरियाए हणइ अप्पाणं ॥३०॥
 वाहरंडं य उद्धकरो, बम्भणहच्चा इमा अहो लोगा! । खीरहरियस्स रत्तो, जेणं खीरं न मे दिन्नं ॥३१॥
 इय खणमेगं वाहरिय, गाढघाएण हम्मिओ संतो । रोद्धज्जाणोवगओ, मरिऊणं नारगो जाओ ॥३२॥
 एवं सच्छंदपयडु-चित्तदोघट्टपडिहयडप्पाणो । जम्हा जीवा ठाउं, खणं पि न सुहेण पारैति ॥३३॥
 तेणाडणुसासणं माणसस्स, कीरइ पइक्खणं चेव । इहरोवदंसियठिईए, होइ न खणं पि कुसलत्तं ॥३४॥

किंच—
 दासं व मणं अवसं, सवस जो कुणइ तेण जयरंगे । गहिया विजयपडागा, सो च्विय सूरो स विक्कमवं ॥३५॥
 अवि नाम कहवि कीरइ, पियणं पुरिसेण जलनिहीणं पि । पज्जलियजलणजाला-कलावमज्झे य सयणं पि ॥३६॥
 चंकमणं पि हु तिक्खडग्ग-खग्गधाराए वीरचरिण । पउमाडउसणं पि बज्जइ, तिक्खडग्गिजलंतकुंतडग्गे ॥३७॥
 न य पुण पयईए च्विय, चलस्स कुप्पहपसज्जमाणस्स । कीरइ जओ जए माण-सस्स अकयाडउउहस्साडयि ॥३८॥
 मतगइदं पि दमन्ति, निंति सीहं पि अप्पवसिगतं । पक्खुहियजलहिजल-पसरमवि लहुं निरुंभन्ति ॥३९॥
 न य सक्का अकिलेसेण, चेव पुण माणसं जिणेउं जे । अह कह वि तं पि हु जियं, जियं खु ता सव्वजेयव्वं ॥४०॥
 किं बहुणा तच्चिज्जए, विजिओ च्विय दुज्जओ हवइ अप्पा । सो पुण विजिओ जायइ, परमप्पा परमपयसामी ॥४१॥
 इय मणअलिमालइमालियाए, संवेगरंगसालाए । परिकम्मविहीपामोक्ख-चउमहामूलदाराए ॥४२॥
 आराहणाए पनरस-पडिदारमयस्स पढमदारस्स । चित्ताणुसासणमिणं, भणियं छट्टं पडिदारं ॥४३॥

“अनियतविहारनामकसप्तमद्वारवर्णनम्” —

अणुसासिज्जंतं पि हु, चित्तं पाएण निच्चवासाओ । पडिबन्धलेवलित्तं, निरभिस्संगं न भविउमडलं ॥४४॥
 अनिययविहारमेतो, ता कित्तो समत्थदोसहरं । जं सोच्चा परिचइउं, आलस्समडवस्समुज्जुतो ॥४५॥

| | |
|----------------------------------------------------------------------------------------------|------|
| वसहीसु य उवहीसु य, गामे नयरे गणे य सन्निजणे । सच्चत्थ अपडिबद्धो, विसुद्धसद्धम्मकरणरई | ॥४६॥ |
| सइ अनिययं विहारं, करेज्ज साहू विसेसगुणकंछी । तित्थजत्ताडडइकरणे, जएज्ज तह सावगो वि सया | ॥४७॥ |
| जम्हाडनिययविहारो, सक्खं चिय नत्थि किर गिहत्थस्स । किन्तु गिहत्थो वि अहं, दच्चत्थयसारमरिहन्ते | ॥४८॥ |
| निक्खमणपमुहत्थेसु, ताव वंदामि तो पवज्जिस्सं । चिच्चा संगमडसेसं, आराहणमडहव पव्वज्जं | ॥४९॥ |
| एवंविहबुद्धीए, पसत्थत्थेसु वच्चमाणस्स । सुट्ठियगवेसणं वा, कुणमाणस्स य भवे सो वि | ॥५०॥ |
| तत्थ य जो पव्वज्जं, काउं आराहणं समीहइ से । सुट्ठियगवेसणं गण-संकमदारे निदंसिस्सं | ॥५१॥ |
| जो पुण गिहट्ठिओ च्चिय, आराहणमेक्कमेव काउमणो । सुट्ठियगवेसणविही, वत्तव्यो तस्स इह चेव | ॥५२॥ |
| अह साहुसावयाणं, सव्वाण वि जिणमयाडणुसारीणं । खित्ताओ खित्तमडन्नं, गच्छंताणं विही एसो | ॥५३॥ |
| किर जस्स जेण सद्धिं, मणसा वयणेण अहव काएणं । किं पि कयं कारियमणु-मयं च जं दुक्कडं अत्थि | ॥५४॥ |
| थेवं पि तं समत्थं, सम्मं खामेइ समाहिमग्गंतो! । मा होउ कहवि मरणा-इए वि वेराणुडबन्धो ति | ॥५५॥ |
| जइ ताव मुणी गंता, वंदित्ता सूरिणो सउज्झाए । परियायलहू पुण सेस-ए वि समणेडभिवंदित्ता | ॥५६॥ |
| इय भणइ जहाडहं तुज्ज, सन्तियं चेइयाण साहूणं । संघस्स य नयराईसु, गच्छंतो वंदणं काहं | ॥५७॥ |
| अहवा गंता जेट्ठो, तो तं वंदित्तु बिंति ठियसमणा । अम्हच्चयं करेज्जसु, चेइयसाहूण वंदणयं | ॥५८॥ |
| ततो चेइयभवणे, गंतुं भत्तीए चेइयाण पुरो । सम्मं तव्वंदावण-पच्चयमिह कुणइ पणिहाणं | ॥५९॥ |
| एमेव सावगो वि हु, सम्मं खामियसमत्थवत्थव्यो । सम्मं कयचेइयसूरि-साहुवंदणविहाणो य | ॥६०॥ |
| तदिन्नगहियनिरवज्ज-विसयसंदेसगो सपणिहाणो । गामनगरागराडडइसु महया जाणाइविहवेण | ॥६१॥ |
| नायडज्जियवित्तेणं, मग्गट्ठियभूरिधम्मठाणेसु । जिणसासणुन्नइं निच्च-मेव परमं पकुब्बन्तो | ॥६२॥ |
| दीणाडणाहाण परं, अणुकंपादाणओ य आणंदं । उप्पायन्तो धीमं, परिभमइ समत्थत्थेसु | ॥६३॥ |
| तत्थ गिही साहू वि य, पासित्ता चेइयाइं तो सम्मं । संघो किरेस वंदइ, इय पणिहाणेण पढमं तु | ॥६४॥ |
| काऊण वंदणं संघ-संतियं चेइयाणमुवउत्तो । तो अप्पसंतियं पि हु, तदडवत्थो च्चिय कुणइ सम्मं | ॥६५॥ |
| अह दव्वखेत्तकालाडडइयाण, संकिन्नया भवे कहडवि । ताहे पणिहाणाडडइ, संखित्तं पि हु कुणइ चेव | ॥६६॥ |
| अह साहुसावगजणं, नाणाडडइगुणागरं भणइ दट्ठुं । अमुगत्थामे तुब्भे, वंदाविज्जह जिणवरिन्दे | ॥६७॥ |
| ते वि ससंभमपाउब्भवंत-रोमंचकंचुइयकाया । महिवट्ठवियसीसा, सुभत्तिभरनिब्भरमणा य | ॥६८॥ |
| जय तइलोक्कमहापहु!, पभूयगुणरयणसायर! जिणिंद! । इय देवगुणे अहवा, तमोडत्थुणं एवमाईणि | ॥६९॥ |
| सक्कत्थयवयणाइं, कित्तंति ताव जाव आगंता । भणइ पुणो आयरियाइ-पेसिए धम्मलाभाडडई | ॥७०॥ |
| अभियन्दणाडणुवन्दण-रूयं उचियट्ठिइं किर जणो ता । कुणइ ततो अन्नोन्नं, विसेसपुच्छाइसु विभासा | ॥७१॥ |
| इय पेरेणीयपेरग-भावा, सुहजोगओ य उभएसि । सुहबन्धो जयगुरुणो, निदिट्ठो इट्ठिसिद्धिफलो | ॥७२॥ |
| एयं सामायरिं, नाऊण विहीए जे पउंजन्ति । ते एत्थ कुसला, सेसा सव्वे अकुसला उ | ॥७३॥ |
| इय भणियविहीए गिही, हिडंतो तेसु तेसु देसेसु । अप्पाणए परम्मि य, सविसेसे कुणइ धम्मगुणे | ॥७४॥ |
| तहाहि- | |
| दट्ठूण सावयजणं सविसेसं दव्वभावथयनिरयं । सयमडवि सविसेसं चिय, तक्करणपरायणो होइ | ॥७५॥ |
| तं च तहाविहिनिरयं, पए पए पासिउं पयइंतं । पवियंभन्ति सुहगुणा, धम्मपराणं पराणं पि | ॥७६॥ |
| किंच- | |
| तइंसणाउ सद्धा, पायमडसद्धालुणो वि सद्धम्मे । सद्धालुणो सयं पुण, संजायइ तप्पवित्ती वि | ॥७७॥ |
| अथिरा जायन्ति थिरा, थिराउ गिण्हन्ति तह विसेसगुणे । अगुणा वि होति सगुणा, सगुणा दढबहुतरगुणा य | ॥७८॥ |
| इय जिणदिक्खानिच्चाण-नाणत्थेसु सुप्पसत्थेसु । वंदंतो सव्वन्नू, सुट्ठियगुरुणो य पेहन्तो | ॥७९॥ |
| ता भमति गिही जा कह वि, पाविओ सुट्ठिओ गुरु परमो । पत्ते य तम्मि हरिसु-ल्लसंतरोमंचकंचुइओ | ॥८०॥ |
| संपत्तपावणिज्जं, समत्थत्थोहपूयपायं च । अप्पाणं मन्नंतो, विहिणा आलोयणं देज्जा | ॥८१॥ |

| | |
|--------------------------------------------------------------------------------------------|-------|
| तो गुरुजणोवड्डं, पडिवज्जेज्जा य सम्मं पच्छित्तं । एवं च विचिन्तेज्जा, अहो कहं पावकलुसो वि | ॥८२॥ |
| पच्छित्तदाणजलखालणेण, नीओ परं विसोहिमडहं । निक्कारणकरुणासा-यरेण एएण मुणिवड्डणा | ॥८३॥ |
| नूणमिमो जणणि पि हु, जणगं पि हु बन्धवं पि मित्तं पि । अभिभविऊणं वच्छल्ल-भावतो विहरति जयम्मि | ॥८४॥ |
| कहमडन्नत्रा अदिट्ठं, असुयं देसंतराडडगयं च ममं । पियपुत्तं पिव एवं, बहुमन्नेज्जा महाभागो | ॥८५॥ |
| अह परमविम्हिउप्फुल्ल-तोयणो पज्जुवासिऊण चिरं । तस्सुवएसे गिण्हिय, निमन्ताइ गुरुं विहारेण | ॥८६॥ |
| इय ताव पुन्नपम्भार-पुन्नवंछस्स साचयवरस्स । कस्सवि निच्चिग्घं चिय, वंछियसिद्धी हवेज्ज फुडं | ॥८७॥ |
| कस्स वि य तथा संपट्टियस्स, अवि नाम अंतरा चेव । होज्जा पाणवियती, उवक्कमाडडविहिवसेण | ॥८८॥ |
| सुहपणिहाणगुणेणं, तित्थाईणं अपूयणेणाडवि । दुग्गयनारीए इव, तस्सज्झफलं तहवि होज्जा | ॥८९॥ |
| तहाहि— | |
| “दुर्गतानारीदृष्टान्तः” | |
| कायंदीए पुरीए सुरसिर-मणिकिरणविच्छुरियचरणो । चरणपयट्टियलोगो, लोगाडलोगप्पयासकरो | ॥९०॥ |
| करुणामयखीरनिही, निहीणउत्तमजणेसु समदिट्ठी । सिद्धत्थपत्थिवसुओ, समोसढो सिरिमहावीरो | ॥९१॥ |
| पवरमणिरयणरुइरं, नाणाविहधुव्वमाणधवलधयं । सिंहासणाडभिरामं, सुरेहिं रइयं च ओसरणं | ॥९२॥ |
| तत्थ य पुच्चाडभिमुहो, ससुराडसुरतिजयपूयणिज्जकमो । आसीणो जयनाहो, भव्वजणविबोहओ वीरो | ॥९३॥ |
| असुरसुरखयरकिंनर-नरनरवड्डणो य पुलइयसरीरा । जिणवन्दणडट्टमडचिरा,, ओसरणमहिं समल्लीणा | ॥९४॥ |
| नयरीजणो वि हरिकरि-जाणविमाडडणाइएसु आरुढो । उब्भडकयसिंगारो, तियससमूहो व्व सोहंतो | ॥९५॥ |
| धूवसमुग्गयवरगन्ध-कुसुमपडलाडडइवावडक्रेण । किंकरनियरेण समं, झति जिणं वंदिउं चलिओ | ॥९६॥ |
| अह तत्थेव पुरीए, वत्थव्वाए दरिदथेरीए । घेतूण दारुयाइं, इंतीए नयरीबाहिम्मि | ॥९७॥ |
| अच्चन्तविम्हियाए, पुट्ठो एणो नरो अहो भद्द! । एगाभिमुहो लोगो, कत्थ इमो गन्तुमाडडरुद्धो | ॥९८॥ |
| तेणं पयंपियं तिजय-बन्धुणो धुयकिलेसकलुसस्स । जम्मजरमरणवत्थेली-वियाणविच्छेयपरसुस्स | ॥९९॥ |
| सिरिवीरजिणस्स पयाडरविंद-पूयणनिमित्तमेस जणो । वच्चइ सिवसुहकारण-धम्मनिसामणनिमित्तं च | ॥१००॥ |
| एवं सोच्चा सुहकम्म-जोगओ जायभत्तिपम्भारा । सा चिन्तिउं पवत्ता, किमडहमडपुन्ना दरिदा य | ॥१०१॥ |
| पकरेमि जेण सुविसिद्ध-डणघपूयं डगवग्गसामग्गी । नेवडत्थि जीए जिणवर-चरणुप्पलजुयलमडच्चेमि | ॥१०२॥ |
| अहवा किमडणेणं सिंदु-वारकुसुमाइं पुव्वदिट्ठाइं । मुहियालम्भाइं लहुं, घेतूण करेमि जिणपूयं | ॥१०३॥ |
| ताहे ताइं घेतुं, वड्डंतजिणिंदपूयपरिणामा । ओसरणस्साडभिमुहं, तुरियं गन्तुं समारुद्धा | ॥१०४॥ |
| नवरं अद्धपहे च्चिय, अच्चन्तं थेरभावविहुरंगी । पंचतमुवगया सा, वड्डंतविसुद्धपरिणामा | ॥१०५॥ |
| अह जिणपूयापणिहाण-मेत्तसुविढत्तकुसलकम्मणेण । सोहम्मदेवलोए, अतुच्छसुरलच्छिमडणुपत्ता | ॥१०६॥ |
| थेरत्तणेण मुच्छं, गय ति सुडिय ति वा विचिन्तन्तो । अणुकंपाए लोगो, जलेण सिंचइ य से अंगं | ॥१०७॥ |
| अपरिप्फंदं, च तयं, पलोइउं पुच्छइ जिणं भन्ते! । किं सा जियइ मया वा, वुत्तं नाहेण य मय ति | ॥१०८॥ |
| अह सो थेरीजीवो, देवत्तं पाविऊण तव्वेलं । ओहीए मुणियनियपुव्व-वइयरा परमभतीए | ॥१०९॥ |
| जयगुरुचरणसरुरुह-मडभिवन्दिय संनिहिम्मि वड्डंतो । लोगस्स दंसिओ भग-वया य जह तीए थेरीए | ॥११०॥ |
| जीवो देवो एसो ति, विम्हिओ तो पयंपई लोगो । सुकयविरहे वि कह तीए, सुरसिरी एरिसी पत्ता | ॥१११॥ |
| नाणं दाणं च तवो, सीलं सवन्नपूयणं वा वि । सोग्गइनिबन्धणं नाह!, कित्थियं किर कयं तीए | ॥११२॥ |
| एयं च कहमिमीए, सयाडवि दारिदरुंदकंदाए । आजम्मदुक्खियाए, परपेसत्तोवत्ताए | ॥११३॥ |
| तो जयगुरुणा कहिओ, पूयापणिहाणगोयरो सच्चो । तव्वुत्तन्तो पुणरवि, लोगेणं पुच्छिओ सामी | ॥११४॥ |
| अत्रायजिणवरगुणा, पूयापणिहाणमेत्तओ चेव । कह भयवं! उप्पन्ना, सुरलोयम्मि इमा थेरी | ॥११५॥ |
| भणियं जिणेण अमुणिय-गुणा वि मणिणो जहा पणांसिति । जररोगाडडइसमुदयं, तह जयगुरुओ जिणिंदा वि | ॥११६॥ |
| अच्चन्तगुणपहाण-तणेण सामन्नमेत्तमुणिया वि । बहुमाणपराण पराण-मडसुहकम्मं पणांसिति | ॥११७॥ |
| एत्तो च्चियडणुन्नाओ, एत्थं दव्वत्थओ गिहत्थाणं । एयविरहम्मि जम्हा, दंसणसुद्धी वि नेव भवे | ॥११८॥ |

| | |
|-----------------------------------------------------------------------------------------|------|
| ता मोक्षसोक्षमूलं, पुव्यञ्जियपावसेलवज्जसमं । जिणपूयापणिहाणं, निहाणमभिवंछियउत्थाण | ॥११॥ |
| जिणपूयापरिणामो, न होइ सुहकम्मणो अभावमि । अच्चंतकंतचिन्ता-मणिगहणिच्छेव मुद्धाण | ॥२०॥ |
| ता भो देवाणुपिया!, एतियमेते वि चोज्जमुव्वहह । अज्जउवि एस महप्पा, सिवपयमउवि पाविही जम्हा | ॥२१॥ |
| एसो इओ चइता, कुले पहाणमि पाविउं जम्मं सुस्साहुसंगईए, पवज्जिही पवरपव्वज्जं | ॥२२॥ |
| ततो देवो होही, पुणो वि पुत्ताउणुबन्धिपुत्तेण । मणुओ एवं अट्टम-भवमि नयरमि कणगपुरे | ॥२३॥ |
| होही पुहवीनाहो, कणगज्जयनामगो जयपसिद्धो । सो अन्नया य थन्नो, काले सरयमि संपते | ॥२४॥ |
| इंदमहपेच्छणउट्ठा, महाविभूर्इए निग्गओ संतो । अवलोइऊण ददुरम-उहिणा महया गसिज्जंतं | ॥२५॥ |
| अहिमवि कुररेणं चण्ड-चंचुणा कुररमउवि य करुणरवं । घोरेणमउयगरेणं, गसिज्जमाणं जमेणं व | ॥२६॥ |
| परिचिन्तिही महप्पा, मंडुक्को इव इमो जणो हीणो । अहिगारिणा गसिज्जइ, भीमेण भुयंगमेणेव | ॥२७॥ |
| अहिगारी वि गसिज्जइ, कुररेण व मण्डलस्स अहिवइणा । सो वि य सव्वग्गासेण, अयगरेणं पिय जमेण | ॥२८॥ |
| इय अणवरयं निवडंत-आवयाउवायपूरिए लोणे । भोगप्पसंगवंछा, जणस्स ही ही महामोहो | ॥२९॥ |
| जम्मणमरणविमुक्को, तइलोक्कमि न विज्जए कोई । वेरग्गं तह वि न अत्थि, अहह मणुयाण मूढतं | ॥३०॥ |
| इय चिन्तिऊण रज्जं, रट्टं अंतैउरं पुरं चिच्चा । समणो होही सिद्धिं च, पाविही खवियकम्मंसो | ॥३१॥ |
| एवमउरिहंतपूया-पणिहाणं पि हु हवेज्ज मोक्खकरं । एत्तो य भन्नइ इहं, पूयापणिहाणओ चैव | ॥३२॥ |
| तित्थाण पूयणफलं, सड्ढो पावेज्ज अद्धमग्गे वि । पंचतं संपतो वि, कह वि तिच्चाउउवयवसेण | ॥३३॥ |
| एवं आलोयणपरि-णओ वि संपट्टिओ गुरुसयासं । जइ अंतरा वि असुहो, हवेज्ज आराहओ तहउवि | ॥३४॥ |
| आलोयणापरिणओ, सम्मं संपट्टिओ गुरुसयासे । जइ अंतरा स कालं, करेज्ज आराहओ तह वि | ॥३५॥ |
| एवं आलोयणपरिणयस्स, संपट्टियस्स वि गुरुसयासे । असुहो भवेज्ज अहवा, मरेज्ज आराहओ तह वि | ॥३६॥ |
| सल्लं उद्धरिउमणो, संवेगुव्वेयतिव्वसद्धाए । जं जाइ सुद्धिहेउं, सो तेणाउउराहओ होइ | ॥३७॥ |
| एवं तवस्सिणो वि हु, आलोयणपरिणयस्स इन्तस्स । गुरुणो व अप्पणो वा, वियलते होज्ज संसोही | ॥३८॥ |
| अहवा साहुगिहीणं, दोण्ह वि साहारणे गुणे पायं । अणिययविहारजणिए, सव्वन्नमए इमे सुणह | ॥३९॥ |

“अनियतविहारकरणे गुणाः” —

| | |
|---------------------------------------------------------------------------------------------------------------------------------------------|------|
| दंसणसोही ^१ थिरकरण, ^२ । भावणा ^३ अइसयउत्थं कुसलतं । “जणवयपरिक्खणा वि यं । अणिययवासे गुणा होंति [दारगाह] ॥४०॥ | ॥४०॥ |
| निक्खमणनाणनिव्व्याण-ठाणचिइचिन्थजम्मभूमीओ । पेच्छंतो उ जिणाणं, सुविसुद्धं दंसणं कुणइ [दारं] ॥४१॥ | ॥४१॥ |
| संवेगं संविग्गाणं, जणइ इय सुविहिओ सुविहियाण । अथिरमइणं च पुणो, जणेइ धम्ममि थिरीकरणं ॥४२॥ | ॥४२॥ |
| संविग्गपरे पासिय, पियधम्मपरे यउयज्जभीरु य । सयमवि पियथिरधम्मो पायं विहरंतओ होइ [दारं] ॥४३॥ | ॥४३॥ |
| चरिया छुहा य तण्हा, सीयं उण्हं च भावियं होइ । अहियासिया य सेज्जा, सम्मं अणिययविहारेण [दारं] ॥४४॥ | ॥४४॥ |
| सुत्तउत्थथिरीकरणं, अइसइयउत्थाण होइ उवलंभो । अइसइयसुयहराणं, पलोयणे विहरमाणस्स [दारं] ॥४५॥ | ॥४५॥ |
| निक्खमणपवेसाईसु, आयरियाणं च बहुपयाराणं । सामायारीकुसलो, जायति गणसंपवेसेण [दारं] ॥४६॥ | ॥४६॥ |
| साहुण सुहविहारो, निरयज्जो जत्थ सुलहवित्ती य । तं खेतं विहरंतो, नाही आराहणाजोगं ॥४७॥ | ॥४७॥ |
| एमाइयं गुणगणं, समीहमाणेण साहुणा निच्चं । अणिययविहारचरियाए, वट्टियव्वं सइ बलमि ॥४८॥ | ॥४८॥ |
| जो पुण रसाउउइगिद्धी-वसेण बलवं पि इह पमाएज्ज । न स केवलं मुणीहिं, मुंचेज्ज गुणेहि वि अवस्सं ॥४९॥ | ॥४९॥ |
| पच्चागयसुहभावो, सो च्विय इह उज्जओ मुणिगुणेहिं । परिवारिज्जइ सज्जो, उभयउत्थ वि सेलगो नायं ॥५०॥ | ॥५०॥ |

“श्रीसेलकसूरिदृष्टान्तः”

| | |
|------------------------------------------------------------------------------------------|------|
| सेलगपुरमि नगरे, आसी निवो सेलगो पुरा तस्स । पउमावई य देवी, ताण सुओ मड्डुगो नाम ॥५१॥ | ॥५१॥ |
| थावच्चापुत्तमुणिन्द-चलणसेवोवलद्धजिणधम्मो । सो राया नयसारं, भुंजइ निरवज्जरज्जसुहं ॥५२॥ | ॥५२॥ |
| एगमि य पत्थावे, थावच्चापुत्तसूरिपयविती । सुयसूरी विहरंतो, समागओ तत्थ नयरमि ॥५३॥ | ॥५३॥ |
| मियवणउज्जाणमि य, समोसद्धो मुणिजणोचियपएसे । मुणियाउउगमो य राया, समागतो चन्दणनिमित्तं ॥५४॥ | ॥५४॥ |
| तिपयाहिणापुरस्सर-मह तच्चलणुप्पले नमंसिता । हरिसवसपुलइयंगो, आसीणो धम्मसवणउत्थं ॥५५॥ | ॥५५॥ |

| | |
|---------------------------------------------------------------------------------------|------|
| मुणिवड्डणा वि हु संसार-परमनिव्वेयकारिणी तस्स । विसयविरागुप्पायण-पवणा संमोहनिम्महणी | ॥५६॥ |
| संसारसमुत्थसमत्थ-वत्थुविगुणत्तपयडणपहाणा । धम्मकहा सुइसुहवयण-वित्थरेणं कया सुचिरं | ॥५७॥ |
| पडिबुद्धो नरनाहो, परमपमोउब्भवन्तरोमंचो । गुरुचरणे पणमिता, जंपिउमेवं समाढतो | ॥५८॥ |
| भयवं! जाव नियसुयं, ठवेमि रज्जमि ताव तुह पासे । उज्झिता रज्जमडहं, पव्वज्जं संपवज्जामि | ॥५९॥ |
| जुत्तमिणं जाणियभवठितीण, तुम्हारिसाण नरनाह! । ता एतो पडिबन्धं, मा काहिसि थेवमडवि एत्थ | ॥६०॥ |
| एवं गुरुणा अणुसासिओ य, राया गओ सगेहमि । निययपयमि निवेसइ, मड्डुगनामं वरकुमारं | ॥६१॥ |
| ततो कयसिंगारो, सहस्सनरवाहिणीए सिबियाए । आरूढो पंथयपमुह-मंतिसयपंचगाडणुगओ | ॥६२॥ |
| गन्तूण गुरुसमीचे, उज्झियसंगो पवज्जइ दिक्खं । संवेगसारमडणुदिण-मुज्जमइ य धम्मकम्मेसु | ॥६३॥ |
| कालक्कमेण एक्कारसाडवि, अंगाणि सो अहिज्जेइ । दुक्करतवकरणपरो, विहरइ य महीए वाउ व्य | ॥६४॥ |
| अह पंथगपमुहाणं, पंचणं मुणिसयाण सुयसूरी । तं सूरित्ते ठविउं साहुसहस्सेण परियरिओ | ॥६५॥ |
| विहरित्ता बहुकालं, पुंडरियमहानगे कयाडणसणो । असुरसुरविहियपूओ, निव्वाणपयं समणुपत्तो | ॥६६॥ |
| सो पुण सेलगसूरी, तवोविसेसेहिं अरसविरसेहिं । पाणेहिं भोयणेहि य, जातो चम्मडडिमेत्ततणू | ॥६७॥ |
| गहिओ रोगेहिं पि य, तहाडवि सत्ताहिओ ति विहरंतो । सेलगपुरे पटुत्तो, समोसढो मिगवणुज्जाणे | ॥६८॥ |
| पीइपडिबन्धेण य मड्डुगो, निवो वन्दणट्टया पत्तो । सोऊण य धम्मकहं, पडिबुद्धो सावगो जातो | ॥६९॥ |
| अह सो सूरिं दट्ठुं, सरोगमच्चंतकिससरीरं च । जंपेइ अहं भन्ते!, अहापवत्तेण तेगिच्छं | ॥७०॥ |
| कारेमि तुम्ह एसणिय-भत्तपाणोसहाइएणं ति । पडिसुणियं मुणिवड्डणा, कारविया तयणु से किरिया | ॥७१॥ |
| अह पगुणीभूयतणू वि, पबलरसगारवाडडइपडिबद्धो । सूरी मुणिगुणविमुहो, तत्थेव ट्ठाउमाडडरद्धो | ॥७२॥ |
| पंथगयज्जेहिं ततो, परिचत्तो सेसएहिं साहूहिं । अह चउमासगरयणीए, निब्भरं सुहपसुत्तो सो | ॥७३॥ |
| चउमासियाडइयारं, खामेउं पंथगेण सीसेणं । छिक्को चलणेसु ततो, इति विउद्धो भणति कुद्धो | ॥७४॥ |
| को एस दुरायारो, मं पाएसुं सिरेण घट्टेइ । तेणं भणियं भन्ते!, पंथगनामो अहं साहू | ॥७५॥ |
| खामेमि चउम्मासिय-मेक्कसि खमह न पुणो इमं काहं । अह संवेगोवगओ, सूरी इय भणिउमाडडरद्धो | ॥७६॥ |
| रसगारवाडडइविसविहय-चेयणो सुट्ठु बोहिओ तुमए । पंथय! ता कयमेत्तो, एत्थाडवत्थाणसोक्खेण | ॥७७॥ |
| अह विहरिउमाडडरद्धो, स महप्पा अणिययाए वितीए । विहरंतो परियरिओ, पुणरडवि पोराणसिस्सेहिं | ॥७८॥ |
| कालंतरे य विहुणिय-रयमलो मलियपबलमोहभडो । सेतुंजपव्वयमि निव्वाणमडणुत्तरं पत्तो | ॥७९॥ |
| इय दोसगुणे नाउं, सीयल-उज्जयविहारचरियाए । अविहारपक्खमाडडसज्ज को णु वट्टेज्ज कुसलडत्थी | ॥८०॥ |

| | |
|----------------------------------------------------------------------------------|------|
| किंच- | |
| पडिबन्धो लहुयत्तं, न जणुवयारो न देसविन्नाणं । नाडडणाडडराहणमेए, दोसा अविहारपक्खमि | ॥८१॥ |
| कालाडडइदोसओ पुण, न दव्वओ एस कीरइ नियमा । भावेण उ कायव्वो, संथारगवच्चयाडडईहिं | ॥८२॥ |
| इय पावकलिलजलविब्भमाए, संवेगरंगसालाए । परिकम्मविहीपामोक्ख-चउमहामूलदाराए | ॥८३॥ |
| आराहणाए पनरस-पडिदारमयस्स पढमदारस्स । अणिययविहारनामं, सत्तमदारं समत्तमिं | ॥८४॥ |

“नृपस्यानियतविहारनामकाष्टमद्वारवर्णनम्” —

| | |
|-------------------------------------------------------------------------------------|------|
| अणिययविहारचरिया, एसा गिहिसाहुगोयरा भणिया । संपइ नरिंदविसयं, एयं चिय किं पि कित्तेमि | ॥८५॥ |
| जम्हा को वि हु चिरभूरि-सुकयसंभारभाविकल्लाणो । नरनाहो वि य होउं, अच्चंतं पसमरसरसिओ | ॥८६॥ |
| परलोयभीरुचित्तो, सम्मं विसकप्पकलियविसयसुहो । मोक्खसुहबद्धबुद्धी, आराहणकरणमीहेज्जा | ॥८७॥ |
| तस्स सए देसे, जिणिन्दबिंबाइं वंदमाणस्स । होज्ज अणिययो विहारो, परदेसे विग्घसम्भावा | ॥८८॥ |

| | |
|------------------------------------------------------------------------------------|------|
| तहाहि- | |
| करडिघडुम्भडसुहडोह-तुरयरहवूहपरिवुडे तमि । परदेसेसु वि तित्थाइं, वंदिउं संपयट्टमि | ॥८९॥ |
| रज्जाडवहारमाडडसंकिऊण, पडिनरवई पकुप्पेज्जा । हीरेज्ज व तद्देसो, पडिरिउणा सामिरिओ ति | ॥९०॥ |
| तम्हा भन्ते गुणसंगयमि, सत्थडत्थबोहकुसलमि । मंतिमि रज्जभारं, आरोचिय अप्पतुल्लमि | ॥९१॥ |

| | |
|--------------------------------------------------------------------------------------------------|------|
| साहियजेयव्यगणो, सुत्थीकयमण्डलो महाकोसो । नियनियनियोगसुनिउत्त-भक्तिमन्तप्पहाणजणो | ॥१२॥ |
| अच्चंतपवरपूया-पुरस्सरं लोकपीडमडकरंतो । जिणभवणाइं वन्देज्ज, निययदेसे च्चिय नरिंदो | ॥१३॥ |
| अह तं अदुदुदोघट्ट-घट्टपडिरुद्धरायपहपसरं । सहरिसहरिहेसाडडरव-खरखुररवभरियनहविवरं | ॥१४॥ |
| पम्मुक्कहक्कपोक्कार-घोरपाइक्कचक्कपरिकिन्नं । पउरसियछत्ताइय-दिणयरकरपहकराडडभोगं | ॥१५॥ |
| नियदेसट्टियजिणभवणाण, पेच्छणं आयरेण कुणमाणं । दट्ठुं धम्मपसंसं, के के मणुया न कुव्वंति | ॥१६॥ |
| के वा उतमजणपूइयं ति, सोमं ति मोक्खहेउं ति । विमंसिऊण जिणधम्म-मेक्कचित्ता न गेण्हंति | ॥१७॥ |
| एवं च सो महप्पा, संपाइयपवरधम्मकायव्वो । कइया वि विसयनिंदं, करेइ जिणभणियनीईए | ॥१८॥ |
| कइया वि महामुणिपवर-चरियमेगगमाणसो सुणइ । कइया वि मंतिसामन्त-संगओ कुणइ जणचित्तं | ॥१९॥ |
| धम्मविरोहं कइया वि, पेच्छिउं सव्वहा निरुंभेइ । कइया वि निययपरियण-मुवउत्तो एवमुल्लवइ | ॥२०॥ |
| हंहो! निउणं पेहह, संसारे सारमडत्थि नो किं पि। जं तडिचवलं जीयं, तरंगतरलाओ रिद्धीओ | ॥२१॥ |
| अवरोप्परपडिबन्धा, बन्धा इव दिन्ति निव्वुइं नेव । निच्चपगुणो य मच्चू, निस्सारो वत्थुपरिणाओ | ॥२२॥ |
| कम्मविवागो अच्चंत-भीसणो सोक्खसंभवो तुच्छो, अस्संखदुक्खकारी, सेविज्जंतो पमाओ य | ॥२३॥ |
| दुलहो य मणुस्सभवो, दुलहा सद्धम्मकम्मसामग्गी । नीसेसदोसकारण-अतुच्छमिच्छत्तचागेण | ॥२४॥ |
| तइलोककचक्कचमढण-विढत्तजयकाममल्लमलणखमो । दुलहो देवो भवजलहि-तारगो वीयरगो वि | ॥२५॥ |
| दुलहा विमुक्कसंगा, गुरुणो सव्वन्नसासणं दुलहं । लद्धे वि एत्थ धम्म-ज्जमो न जं तं महडच्छरियं | ॥२६॥ |
| एवं समीचवत्तिण-मडणुसासित्ता जणं स कइया वि । गीयडत्थे संविग्गे, मुणिवइणो पज्जुवासेइ | ॥२७॥ |
| ते वि य गम्भीरुत्तीहिं, जुत्तिजुत्ताहिं वागरिन्ति जहा । नरवर! पयईए च्चिय, धीमं तुम्हारिसो पुरिसो | ॥२८॥ |
| जिणवयणाओ नाउं, निबन्धणं असुहकम्मबन्धस्स । अयराहकरे वि परे, न पउस्सेज्जा मणागं पि | ॥२९॥ |
| नभिरनरिंदामरमउड-लग्गरयणप्पहापहासिल्लं । चक्कधरसुरपहुतं पि, मोक्खकंखी न कंखेज्जा | ॥३०॥ |
| सारीरमाणसाडणेग-तिक्खदुक्खोहख्योहपउराओ । गुत्तिट्टिओ च्च मुत्तिं, चिन्तेज्जा पयइभीमभवा | ॥३१॥ |
| दट्ठूण य दुक्खत्ते, तट्ठुक्खाडडलिं गिओ च्च सव्वंगं । करुणापहाणचित्तो, दीणाडडणाहेडणुकंपेज्जा | ॥३२॥ |
| जीवाडजीवाइसमत्थ-वत्थुवित्थारमडवितहं सम्मं । मन्नेज्ज जिणाणाए, सम्मतविसुद्धिमिच्छंतो | ॥३३॥ |
| कामो कोहो लोहो, हरिसो माणो मओ य इयरुवं । दरियाडरिछक्कमन्तर-मडलद्धपसरं सया कुज्जा | ॥३४॥ |
| सव्वाओ वि किरियाओ, किलिट्ठचित्तस्स होंति विहलाओ । तस्साफल्लकए ता, सया विसुद्धं धरेज्ज मणं | ॥३५॥ |
| विसपरिभावियधारा-करालकरवालतच्छियंडगो च्च । संजायइ जीए परो, न तं गिरं कह वि भासेज्जा | ॥३६॥ |
| न कयाइ कुलप्पसूओ, सुहलेसविमोहिओ महासत्तो । खणभगिसरीरेणं, किलिट्ठचेट्टं अणुट्टेज्जा | ॥३७॥ |
| तहा- | |
| चिन्ताडणंतरसमकाल-मेव संपज्जमाणसयलत्थं । वीरस्स धरापहुणो, रज्जं पि हु भुंजमाणस्स | ॥३८॥ |
| धम्माडभिमुहा चिन्ता, सम्मं संवेगभावियमइस्स । संसारसरुवविभा-विरस्स एवविहा होज्जा | ॥३९॥ |
| हद्धी सव्वंगं पि हु, सया वि सावज्जजीविणो मज्झ । संसारसरणकारण-वाचारपरायणमणस्स | ॥४०॥ |
| नणु होही तं किंपि हु, भविस्सवरिसं रिऊ व सा काडवि । सो मासो पक्खो वा, तमडहोरत्तं अहव दिवसो | ॥४१॥ |
| दियसे वा स मुहुत्तो, तम्मि खणो अहव को वि सो वारो । वारे तां नक्खत्तं, जत्थाडहं विइयपरमडत्थो | ॥४२॥ |
| संकामिऊण पुत्ते, रज्जधुरं धीरपुरिसपन्नत्तं । सव्वन्नपणीयाडडणाए, पारत्तं परिवहंतो | ॥४३॥ |
| संवेगगरुयगीयडत्थ-सुकिरियाणं गुरुण पयमूले । पडिचज्जिऊण दिक्खं, निरवेक्खो सव्वसंगेसु | ॥४४॥ |
| छट्टडट्टमदसमदुवालसाडडइ-विधिहेहिं तवविसेसेहिं । संलिहियडप्पा तह दव्व-भावसंलेहणविहीए | ॥४५॥ |
| वोसट्टचत्तदेहो, निबद्धपउमाडडसणो गिरिसिलाए । थाणुमईए परिजुत्त-हरिणकयकायकंडुयणो | ॥४६॥ |
| सव्वाडडहारच्चाई, जहट्टियाडडराहणाविहाणेण । पंचनमोक्कारपरो, पाणच्चायं करिस्सामि | ॥४७॥ |
| नवरं नो जावडज्जवि, लभामि पव्वज्जमडकयपुत्तोडहं । ता सगिहे च्चिय वसहिं, दाउं सेवेमि मुणिणो ति | ॥४८॥ |

“वसतिदानस्यगुणाः” —

जुता य इमा चिन्ता, विसेसओ वसहिदाणविसयम्भि । जं सेसदाणडविक्र्वाए, वसहिदाणं चिय पहाणं ॥२९॥
 वसहिअलाभे हि मुणीण, दाउमडणवड्डियाण न तरंति । अत्ताडणुगहहेउं, गिहिणो भत्ता वि भत्ताडडई ॥३०॥
 न य भेसज्जं न य ओसहं च, नो कंबलं न वत्थं च । फासुयमडकयमडकारिय-मडणणुमयं नेव पायं पि ॥३१॥
 नो पायपुंछणं डंड-गं च मइमन्तयं विणेयं च । सत्थं पोत्थयमडन्नं पि, साहुजणजोग्गमुवगरणं ॥३२॥
 दाउं पारेन्ति न सुगुरु-सेवणं नेव तव्वयणसवणं । काउं खमंति के वि हु, भववासविरत्ताचिता वि ॥३३॥
 अणिययविहारचरियाए, आगयाणं च जइ न खेतम्भि । वसहीलाभो जायइ, जईण ता कह ठिती तत्थ ॥३४॥
 ठिइमडन्तरेण तक्खेतजा य, कह उभयलोगसंभविणो । समणाण गिहत्थाण य, पत्तेयं संभवन्ति गुणा ॥३५॥
 तत्थ इहलोइया संजयाण असणाडडइलाभपभिईया । परलोयसंभवा पुण, संजमपरिपालणाडडईया ॥३६॥
 गिहीण उ इहभविया पुण, मुणिसंगाउ कुसंगचागाई । परभविया पुण सद्धम्म-सवणपमुहा गुणाडणेगे ॥३७॥
 तह ते सयं न गेहं, कुणन्ति न य कारविति अन्नेहिं । अणुमन्नंति वि नो पर-कयं पि मणवयणकाएहिं ॥३८॥
 जम्हा न सुहुमबायर-छज्जीवनिकायहणणविरहेण । जायइ गिहं कुडीरग-मेतं पि अओ च्विय पवुत्तं ॥३९॥
 अविकत्तिऊण जीवे, क्तो घरसरणगुत्तिसंठप्पं । अवि कप्पिऊण तं तह, पडिओ अस्संजयाण पहे ॥४०॥
 अन्नं च—

जइ तूररवपुरस्सर-मडणेगजणसुगुरुसंघपच्चक्खं । चईय गिहं च करेमि, भन्ते! सामइयं इण्हिं ॥४१॥
 सव्वं पि हु सावज्जं, जोगं पच्चक्खिमो उ जाजीवं । तिविहं तिविहेणं ति, महापइन्ना कया एसा ॥४२॥
 ता कह सव्वंगेहिं, छज्जीवनिकायरक्खणेक्कपरं । सकयपइन्नं मोत्तुं, कुणंति मुणिणो गिहाडडइ सयं ॥४३॥
 तम्हा अन्नकए च्विय पारद्धं निड्डियं च अन्नकए । मणवइकाएहिं सयं अकयमडकारियमडह परेहिं ॥४४॥
 अणणुमयं च अओ च्विय, मूलुतरगुणजुयं पमाणिल्लं । थीपसुपंडगदुस्सील-वज्जमुज्झियतदाडडसन्नं ॥४५॥
 सज्झायकालउच्चार-पासवणभूमिसंजुयं गुत्तं । जइजोगं निरवज्जं सेज्जं देज्जा जईण गिही ॥४६॥
 दव्वं खेतं कालं भावं च पडुच्च जइ तहारुया । नो संपज्जइ तहवि हु, चिन्तिय सारेतरविभागं ॥४७॥
 सुहुमप्पदोसजुत्तं, गुरुबहुगुणसंगयं सया वसहिं । देज्ज जईणं न जं ते, तीए विणा संजमायाडलं ॥४८॥
 दुतरमडवि भवजलहिं, सेज्जाए तरइ जेण तद्दाया । सेज्जायरो ति वुत्तो, एत्तो च्विय समयकेऊहिं ॥४९॥
 तत्थ ड्डिया य जइणो, अन्नेहिंतो वि वत्थपत्ताडडई । जं पायंति तयं पि हु, दिन्नं परमत्थओ तेण ॥५०॥
 जइ वि न कहिं पि हु सयं संपन्नं पुव्ववन्नियं ताणं । तह वि हु वसहीदाया, जातो तम्मूलहेउ ति ॥५१॥
 जं मूलकारणं सो, अह उत्तरकारणाइं इयरे उ । सइ मूलंङगे पायं, विसयो किर उत्तरंङगाणं ॥५२॥
 बलिय मूलजुपम्भि, जहा तरु लहइ परमवित्थारं । तह वसहिमूलबलिओ, पावइ पसरं जइजणो वि ॥५३॥
 किंच—

वायरयवासधारा-सीयाडडयवमारुओवसग्गाणं । चोरण दुट्टसावय-गणाण तह दंसमसगाण ॥५४॥
 रक्खेमाणो मुणिपुंगवे उ, सगिहम्भि वसहिदाणाओ । ताण मणवयणकाये, कुणइ पसन्ने सयाकालं ॥५५॥
 जोगप्पसन्नयाए य, चेव जायइ सुई मई सन्ना । तह निव्वुईसुहं तणु-बलं च सुहझाणवुड्डीकए ॥५६॥
 जम्हा सुमणुत्ताडडलय-सयणाडडसणभोयणेसु पाएणं । सुमणुत्तझाणझाई, जायति साहु भवविरागी ॥५७॥
 जस्साडडसमम्भि मुणिणो, मुहुत्तमेतं पि विस्समन्ति सो । कयकिच्चो तेणं चिय, किमडन्नपुन्नेण किर तस्स ॥५८॥
 धन्नो तेसिं जम्भो, कुलं च धन्नं सयं पि ते धन्ना । पक्खालियपावमला, सुसाहुणो जाण ठंति गिहे ॥५९॥
 जइ पुण दुगांछिएसु, कुत्तेसु एयाण जणणमिह हुंतं । ता कह जएक्कपुज्जा, ठायंता तग्गिहे मुणिणो ॥६०॥
 पुन्नकलियाण गेहेसु, ठन्ति मुणिणो पणइमयमोहा । न कयाइ रयणवुट्टी, निवडइ पावाण गेहेसु ॥६१॥
 सो नाम को वि कालो, कलिकलुसविज्जिओ जियाण भवे । गुणरयणमहानिहिणो, जम्भि गिहे ठंति वरमुणिणो ॥६२॥
 सेवा वि दुल्लह च्विय महाणुभावाण पावनिद्वलणी । छाया वि कप्पतरुणो, पुन्नेहिं विणा न संपडइ ॥६३॥
 अक्खण्डसंजमधुरं-धराण धीराण धम्मबुद्धीए । मुणिवसभाणं वसहिं, दिंतेण इमं इमं च कयं ॥६४॥

| | |
|-------------------------------------------------------------------------------------------|--------|
| चारित्तपक्खवाओ गुणाणुरागित्तणं सुधम्मिंतं । सुद्धाण पक्खवाइ-तणं च किन्तीसमुच्छालो | ॥६५॥ |
| संमग्गवुद्धिदकरणं, कुसंगचाइत्तणं सुसंगरई । सगिहंउगणम्मि कप्प-दुमस्स आरोवणविहाणं | ॥६६॥ |
| कामदुहधेणुगहणं, चिन्तामणिणो य करयले धरणं । निययभवणंउगणे च्चिय, पहाणरयणायरउउणयणं | ॥६७॥ |
| धम्मपवाए दाणं, पियणं अमयस्स पवरनिहिगहणं । सब्बसुहसंचयारो, विजयपडायाए गहणं च | ॥६८॥ |
| परमं च सब्बकामिय-विज्जामन्ताण साहणविहाणं । भवइ य विवेगसंगय-गुणन्नयापयडणं च कयं | ॥६९॥ |
| तह तस्सुवस्साए संठियाण, साहूण गुणसमिद्धाणं । पायसमीवमुवागम्म, धम्मसवणं कुणंति जणा | ॥७०॥ |
| जं जं च तदाउउयन्नण-पच्चागयचेयणा भवियसत्ता । धम्मकिरियासु निच्चं, रमन्ति विविहासु जं च तहा | ॥७१॥ |
| पडणीया भद्वते भद्दा उ दयाए जं च जहसतिं । मंसाउउसवाइणियमे, अन्ने पुण जं च संमते | ॥७२॥ |
| संपावियसम्मत्ता य, जं परे परमभतिसंजुत्ता । मणहरजिणिंदमंदिर-विंबपइइच्चवणाईसु | ॥७३॥ |
| जिणहरजत्ताईसु य, महूसवेसु सया पयइंति । जं जं च जिणप्पवयण-पभावणापमुहकिच्चे य | ॥७४॥ |
| जं उज्जमंति केई, गिलाणसाहम्मियाउउइकज्जेसु । जं च जिणाउउगमपोत्थय-लिहावणं केई कारिंति | ॥७५॥ |
| जं केइ देसविरतिं गिणहंति जं च सब्बविरइं च । जं च विचित्तेसु तवो-कम्मेसु य के वि हु रमंति | ॥७६॥ |
| सब्बाण ताण तेहिं, विहिज्जमाणान पुत्रहेऊणं । साहूवस्सयदाया, निद्धिद्धो मूलहेउ ति | ॥७७॥ |
| सो च्चिय राया सो चेव, रायमत्थयमणी स थिररज्जो । रज्जे जस्स जइजणो विहरति अप्पडिहयप्पसरं | ॥७८॥ |
| रज्जे य सेसदेसाण, रायभूओ स चेव देसो वि । उव्वहइ आरियत्तं, सुसाहुणो जत्थ विहरंति | ॥७९॥ |
| देसे पुण नयरं सेस-नयरसिरसेहरं पवित्तं च । तं चिय चरंति निच्चं, जत्थ गुणइद्धा महामुणिणो | ॥८०॥ |
| नगरे य पाडगो पाव-साडगो जइजणो जहिं वसइ । सो चिय धन्नो, पुत्रो, सुत्रो अन्नोउति मन्नेउहं | ॥८१॥ |
| तत्थ पुण जत्थ गीयत्थ-सुत्थियजईण जायए वसही । भवणं तं चिय एक्कं, लक्खणपुत्रं ख्खु मन्नेउहं | ॥८२॥ |
| लच्छीए तमाउउवासो, तं अरिहं पवररयणवुट्ठीए । वत्थु पुरिसो वि भुवि, तस्स चेव परमत्थओ उदई | ॥८३॥ |
| कहमउन्नहा मुणीणं, संजम-सिरिपरमरमणभूमीणं । तत्थाउवत्थाणं पि हु, होज्जा जिणवयणनिरयाणं | ॥८४॥ |
| न हु होंति तत्थ दोसा, सिद्धंतुग्घोसणाइणुगुणेण । ख्खुदोवइवपमुहा, अब्भुदयाउउई य होंति गुणा | ॥८५॥ |
| जं रोगउग्गिपिसाय-ग्गहपभिइयख्खुददेवजा दोसा । कूरनरतिरियजा वि य, पावा पावाउ पभवंति | ॥८६॥ |
| पावस्स य पडिवक्खो, दक्खो नेओ जिणिंदसद्धम्मो । जत्थ पुण तप्पयारो, पाववियारा कुओ तत्थ | ॥८७॥ |
| नहि बलियम्मि सपक्खे, दीसइ पडिवक्खसंभवो पायं । पभवंते सइ मायंड-मंडले तिमिरनियरो व्व | ॥८८॥ |
| इय मोक्खसाहणाउवंड-हेउणो नाणदंसणसमग्गा । विविहतवनियमसंजम-सज्जायउउज्जयणइणाणाई | ॥८९॥ |
| सद्धम्मगुणा गुणिसेव-गस्स रन्नोउहवा अमच्चस्स । सेट्ठिस्स सत्थवाहस्स, इब्भपमुहस्स वसहीए | ॥९०॥ |
| अन्नस्स व जस्स परं, अणुग्गहं समणुमन्नमाणस्स । चिद्धंताणं साहूण, निच्चहंति निराबाहं | ॥९१॥ |
| धम्माउणुभायओ चेव, तस्स दोसा न होंति पावकया । हुंति य सद्धम्मकया, परमब्भुदया, विविहरूवा | ॥९२॥ |
| अच्चंतउणुरत्तकलत्त-पुत्तसुविणीयपरियणप्पमुहा । चउरंगबलाईया, नियनियपयवीए अणुसरिसा | ॥९३॥ |
| दाउं वसहिमिहभवे, जरंततणकयकुडीरकोणे वि । भवसोक्खनिराकंख्रीण, मोक्खसोक्खेक्कलक्ख्राणं | ॥९४॥ |
| साहूण सुविहियाणं, महाणुभावाण परमभत्तीए । चइउं मलाविलं देह-पंजरं अन्नजम्मम्मि | ॥९५॥ |
| मणिमयमहंतभासंत-भित्तिविच्छित्तिचित्तरइजणए । सुविसालसालभंजिय-मत्तालंबाइसयकलिए | ॥९६॥ |
| नाणामणिघडणुब्भड-थंभसहस्सूसियम्मि रयणयले । अणवरयरयणमणिकंत-किरणभरनिब्भरुज्जोए | ॥९७॥ |
| गयणंउगणसंलग्गउग्ग-तुंगतोरणमणाभिरामिल्ले । धुच्चंतधवलधयवड-मालाकलिए परमरम्मे | ॥९८॥ |
| आएसाउणंतरतुर-माणअणुरत्तिकिरसुरइडे । ललमाणजणियनयण-च्छणउच्छराजणसमाइन्ने | ॥९९॥ |
| वररयणकणगमणिमय-सयणाउउसणउत्तचमरभिगारे । तह पंचवन्नमणिरयण-कुसुमदेवंउसुयसमिद्धे | ॥२३००॥ |
| चिंताउणंतरसमकाल-संमिलंताउणुकूलसयलउत्थे । सब्बुत्तमे विमाणे, जायति देवो महिडिडओ | ॥११॥ |
| तत्तो य चुओ संतो, उदग्गसोहग्गरूवधारी य । जणमणनयणाउउणंदी, निरुवक्कमदीहनिरुयाउउऊ | ॥२१॥ |

लायन्नपुत्रगतो, बंदियणुघुस्समाणुणनिवहो । मणिकणगरयणसयणा-सणहुपासायतलललणो ॥३॥
 संपज्जमाणमाणस-समीहियउत्थो महाविभूडल्लो । सच्चाडइसयनिहाणं, दिसि दिसि पसरंतजसपसरो ॥४॥
 पुत्राडणुबंधिपुत्रो, अखंडंछक्खंडंभरहभोता य । होज्जेह चक्कवट्टी, राया वाडखंडमंडलिओ ॥५॥
 तदमच्चो वा सेट्टी, सत्थाहो वा महिम्मपुतो वा । संपाविऊण परमे, चारित्तगुणे ततो धत्तो ॥६॥
 तेणेव भवेणं सो, तिहिं सत्तिहिं वा भवेहिं नियमेणं । काऊणं कम्मखयं, खिप्पं मोक्खं पि पाउणइ ॥७॥
 इय भावसारवसही-दाणेण नरिंदपुत्रमडकलंकं । वंछियपूरणपवणं, जं जायइ तं किमडच्छरियं ॥८॥
 अच्छरियं पुण तं जं, उवरोहेणाडवि वसहिदाणाओ । अणवरयसाहुदंसण-ईसिं पडिबन्धभावेण ॥९॥
 अहमगइमुचगओ वि हु, पमायमयमोहिओ वि मुद्धो वि । पडिबुद्धो कुरुचंदो, जाइं सरिऊण सयमेव ॥१०॥
 तहाहि-

“वसतिदाने ताराचन्दकुरुचन्दयोःदृष्टान्तः”

कुलभवणं व सिरीए, अच्छरियाणं पि जम्मभूमि व्व । विज्जाणमागरो इव, सावत्थी, नाम आसि पुरी ॥११॥
 तत्थ य नमंतपत्थिव-सिररयणपहापहासिपयजुयलो । नामेणाडइवरहो भुवणपसिद्धो महीनाहो ॥१२॥
 तस्स य अप्पडिमगुणो, रुवेणं वम्महो व्व पच्चक्खो । समरंगणरणपरिहत्थ-याए जिण्हु व्व विण्हु व्व ॥१३॥
 ताराचंदो नामेण; अत्तओ रायलक्खणाडणुगतो । नियजीयनिच्चिसेसो, कुरुचंदो नाम से मित्तो ॥१४॥
 अह सो ताराचंदो, जुवरायपयप्पयाणकामेण । इयरकुमारेहिंतो, सविसेसं पेहिओ रत्ता ॥१५॥
 अह निवसिणिद्धसविधास-चक्खुचिक्खेवगोयरीभूयं । दट्ठुं सवत्तिजणणीए, रायसन्निहिनिसन्नाए ॥१६॥
 नियपसुयरज्जचिग्घं, विभावयंतीए निहुयमेगंते । भक्खविमिस्सं कम्मण-मुवणीयं तस्स हणणट्ठा ॥१७॥
 अविगप्पिऊण तेण य, उवभुतं अह तदुत्थदोसेण । रुवबलंङगविणासी, पाउम्भूओ महावाही ॥१८॥
 तेण य विहरमडसारं, दुगुंछणिज्जं च पेच्छिय सरीरं । अच्चतसोगघत्थो, ताराचंदो विचित्तेइ ॥१९॥
 अधणाण गरुयरोगाडउराण, नियसयणपरिहवहयाण । मरणमहवडन्नदेसे, गमणं जुज्जइ सुपुरिसाण ॥२०॥
 ता एत्थ निवसिउं मे, खणं पि न खमं विणडुदेहस्स । खलसविलासडद्धच्छीहिं, निच्चं पेच्छिज्जमाणस्स ॥२१॥
 तो रयणीए अनिवेइऊण, नियपरियणस्स वि 'सवत्तं । गंतुं जया पयट्ठो, पुव्वदिसाहुतमेगागी ॥२२॥
 अच्चंतं विमणमणो, सणियं सणियं कमेण गच्छंतो । अन्नडन्नगाडडगरनगर-गामनियरं च पेच्छंतो ॥२३॥
 सम्मेयमहागिरिपरि-सरम्मि पत्तो पुरम्मि एगम्मि । लोगो य पुच्छिओ तत्थ, को गिरि भन्नइ इमो ति ॥२४॥
 लोगेण जंपियं मुद्धा, दूरदेसाडडगयत्तणेण इमं । रविमिव सुविस्सुयं पि हु, जइ पुच्छसि ता निसामेसु ॥२५॥
 सम्मेयमहागिरिराउ एहु!, जहिं जिणसमूहु परिचत्तदेहु । निव्याणह पत्तु सुरासुरेहिं, थुव्वंतु भत्तिम्मरनिम्मरेहिं ॥२६॥
 पवणुल्लसंततरुपल्लवेहिं, सव्वायरेण २नावइ करेहिं । आराहणत्थु पहि इन्त भव्व, जो विहरगरेहिं निमंतइ व्व ॥२७॥
 नासगनिवेसियचक्खुलक्खु, थेवं पि देहसोक्खाणडवेक्खु । एगगचित्तु निच्चिग्घु जित्तु, परमक्खरु झायइ जोगिसत्थु ॥२८॥
 भूमिगुणेण जहिं मुक्कवेर, कीलांति दुट्ठसत्ता वि पउर । मुद्धा वि जेत्तु कयपाणचाय, देवतणु ३पावहिं गयविसाय ॥२९॥
 अइरम्मयगुणरंजिय, पडिभयवज्जिय; विलसहिं जहिं किन्नरमिहुण ।

सव्वोउयकुसुमसमुद्धर, फलभरमणहर; चाउदिसि छज्जंति वण ॥३०॥
 एवं निसामिऊणं, अच्चंतं जायचित्तपरितोसो । सो देहं चइउमणो, चलित्तो तित्थं ति काऊण ॥३१॥
 गयणगलग्गदीहर-करालसिहरोवरुद्धदिसिपसरं । अह उवउत्तो सम्मं, सणियं सणियं तमाडडरुद्धो ॥३२॥
 कयकरचरणविसुद्धी, सरसिरुहाइं गहाय सरसीओ । असुयसंजमियमुहो, अजियाडडईणं जिणिंदाणं ॥३३॥
 मणिरयणभासुराणं, पडिमाणं कंतिसलिलधोयाणं । फालियसिद्धसिलाण य, पूयापम्मारमुचरयइ ॥३४॥
 जिणपायपूयसुहसिद्ध-खेत्तगुणचड्डमाणसुहभावो । आणन्दसंदिरडच्छो, थुइं च इय काउमाडडढत्तो ॥३५॥
 इह निहणियमोहा-डणंतकालप्परुद्धं । पबलजणणमच्चू-वेल्लिमुल्लूरिऊणं ।
 दरिसियसिवमग्गा, जे गया सिद्धिवासं । सिवमडयलमडणंतं, ते जिणिंदा जयंति ॥३६॥

1. स्ववार्ताम् । 2. इव । 3. पावहिं = प्राप्नुवन्ति । (गाथा नं. ३६-३७ निर्णयसागर प्रेस में प्रकाशित प्रत में तीन गाथा के रूप में है।)

| | |
|--------------------------------------------------------------------------------------------------------|------|
| पयपण्डपभावे-णंपि जेसि असेस-प्पवरसुहसणाहा हुंति लीलाए भव्या । | |
| निययकरयलं वा-डडलोइयाडलोयलोया, तिहुयणजणपुज्जा ते जिणिन्दा जयंति | ॥३७॥ |
| इय थोऊण जिणिंदे-समुच्चगिरिसिहरमडवरमारुहइ । रोगघुणजजरं देह-मुज्झिउं जाय परितुट्ठो | ॥३८॥ |
| ताव सरइंदुसुंदर-पसरंतुदामकंतिपञ्जारं । सीलंगभरक्कंतं व, दूरमोणपियकायलयं | ॥३९॥ |
| हेट्टामुहलंबियदीह-बाहुकरनहमऊहरज्जुहिं । नरयावडनिवडियपाणि-लोयमाडडगरिसयंतं व | ॥४०॥ |
| अमराचलनिच्चलचलण-अंगुलीविमलकंतिनहमिसओ । खंतिपमोक्खं दसविह-मुणिधम्मं पिव पयासंतं | ॥४१॥ |
| फालिहमणिरुइरप्पह-गिरिकंदरसंठियं सुदिततणुं । साहुं उस्सग्गयं, पेच्छइ सुहनियवहभूमिं व | ॥४२॥ |
| सवसं चिय मरणं मह, ताव मुणिंदं इमं नमंसामि । इति चित्तिऊण संभम-भरियडच्छो नमइ सो साहुं | ॥४३॥ |
| नमिऊण भतिसारं, रूवं जां नियइ विम्हइयचित्तो । ता विज्जाहरमिहुणं, गयणयलाओ समोयरियं | ॥४४॥ |
| हरिसवसवियसियडच्छं पडियं चलणुप्पलम्मि से मुणिणो । गुणसंथवं च काउं, निसन्नमडमले महीवट्टे | ॥४५॥ |
| ताराचंदेण ततो, भणियं इह भे कुओ समागमणं । केण व कज्जेण ततो, वुत्तं विज्जाहरेण इमं | ॥४६॥ |
| विज्जाहरसेणीओ, पहुणो एयस्स वंदणनिमित्तं । भणियं ताराचंदेण, भद्द! को एस मुणिसीहो | ॥४७॥ |
| परिचत्ताडडभरणो वि हु, दिव्वालांकारभूसियंङगो व्व । लक्खिज्जइ मणुओ वि हु, अमणुयमाहप्पकलिओ व्व | ॥४८॥ |
| अह ख्येरेण हरिसूसियेण, अच्चपयतेण पुच्छिणं । पडिभणित्तु निसुणि बहुगुणसणाहु, विज्जाहरसेणीहि एहु नाहु | ॥४९॥ |
| जरजम्मरणरणरणयभीम, सयमेव मुणिवि भवदुहु असीम । रज्जम्मि ठवेविणु निययपुत्तु, सुस्समणु जाउ समसत्तुमित्तु | ॥५०॥ |
| सा रायलच्छी अच्चंतभत्त, जिं लीलइं खलमहिल व्व चत्त । जसु अज्ज वि विरहहुयासत्तु, अंतोरु विरमति नो रुयंतु | ॥५१॥ |
| पन्नतिपमोक्खपहाणविज्ज, दासि व्व जस्सु कज्जेसु सज्ज । | |
| चिरु वडिडय नड्डिय जेम्ब कित्ति, तडलोक्करंगि नच्चिय सुदित्ति | ॥५२॥ |
| तवसतिए जायअणेगलद्धि, जसु अणुवम रेहइ सुहसमिद्धि । | |
| जो कुणइ अखंडिउ मासखवणु, तसु तुल्लु होउ धरणीए कयणु | ॥५३॥ |
| एरिसगुणजुत्तउ, भवह विरत्तउ; चारित्तुत्तमरणनिहि । एहु मुणिहि मुणीसरु, पणयनरेसरु; निरुयमकरुणाडमयरसजलहि | ॥५४॥ |
| इय जंपिऊण विरए, ख्येरे रोमंचकंचुइयकाओ । ताराचंदो भतीए, तं मुणिं पणमइ पुणो वि | ॥५५॥ |
| अह तस्स तणुं गुरुरोग-जजरं पेच्छिउं भणइ ख्येरो । हंहो महायस! तुमं, न कीस एयस्स वरमुणिणो | ॥५६॥ |
| कप्पतरुक्सिलयसमं, पयजुयलं नणु परामुसित्ताणं । अयणेसि रोगमेयं, अणप्पमाहप्पगुणनिहिणो | ॥५७॥ |
| एवं वुत्तो परम-प्पमोयलच्छिं समुव्वहंतो सो । परिमुसइ महामुणिणो, पयपंकयमुत्तमंगेण | ॥५८॥ |
| अह मुणिमाहप्पेणं, तक्खणमेव य पणट्टचिररोगो । अब्भहियसुरुवतणू, ताराचंदो दढं जातो | ॥५९॥ |
| परमपरितोससारं, तद्विपहुयलद्धजीवियव्वं व । अप्पाणं मन्नंतो य, थोउमेवं समाढत्तो | ॥६०॥ |
| जय निज्जियकुसुमाउह!, वज्जियसायज्जपडिबंध! । अंगीकयसंजमभर!, समाहिनिग्गहियमोहगह! | ॥६१॥ |
| सुरविज्जाहरवंदिय!, रागमहाकरिविणासखरनहर! । हरिणुच्छिसुतिकक्कडक्क-बाणलक्खेहि वि अखुद्ध! | ॥६२॥ |
| तिव्वदुहजलणसंतत्त-सत्तपीऊसवरिससंकास! । कासकुसुमप्पगासु-च्छलंतजसथवलियदियंत! | ॥६३॥ |
| कलिकालुब्भडपसरंत-थंतहीरंतसिवपहपईव! । निस्सामन्नमहागुण-रयणोहनिहाण! जयसि तुमं | ॥६४॥ |
| रोगाडडउरंगचागत्थ-मित्थ मज्झागमो वि धुवमिण्हिं । सहलो जाओ तुह नाह!, पायपंकयपभावेण | ॥६५॥ |
| ता एत्तो जयबंधव!, माया जणगो य बंधवो सयणो । तुममेवेक्को मुणिवर!, आइससु मए जमिह किच्चं | ॥६६॥ |
| अह मुणिवइणा जोग्गो ति, कलिय पाराविऊण उस्सग्गं । सम्मत्तुत्तममूलो, पंचाणुव्वयमहाखंधो | ॥६७॥ |
| तिगुणव्वयसाहालो, चउसिक्खावयमहंतपडिसाहो । बहूनियमकुसुमकिन्नो, जससोरभभरियदिसिनियहो | ॥६८॥ |
| सुरमणुयरिद्धिफलपडल-मणहरो पावतावपसरहरो । उवइट्टो तस्स जिणिंद-कहियसद्धम्मकप्पतरु | ॥६९॥ |
| अच्चंतसुद्धसद्धा-वेरग्गविलग्गतिव्वभावेण । सद्धहणनाणसारं, जहोचियं तेण य पयन्नो | ॥७०॥ |
| पडिबोहिऊण एव, ताराचंद पुणो वि मुणिवसभो । मुख्खेक्कबद्धलक्खो, काउस्सग्गे ठिओ थिमिओ | ॥७१॥ |

| | |
|---------------------------------------------------------------------------------------------|--------|
| तो विज्जाहरमिहुणं, ताराचंदो य झाणविग्घो ति । बाहिं नीहरियाइं, सप्पणयं पणमिउं साहुं | ॥७२॥ |
| साहम्मिओ ति संजाय-पणयभावेण तेण खयरण । ताराचंदस्स विसाडडइ-दोसविद्धंसणी गुलिया | ॥७३॥ |
| दिन्ना भणितो य इमं, अहो महाभाग! तुममिमं भोत्तुं । विसकम्मणाडडइभोगे वि, निब्भओ भमसु निस्सकं | ॥७४॥ |
| गहिया ताराचंदेण, सायरं तयणु खयरमिहुणम्मि । गयणयलं उप्पइए, सा उवभुत्ता पहिद्वेण | ॥७५॥ |
| ओयरिओ सेलाओ, पग्गुणसरीरो कमेण गच्छन्तो । पुच्चमहोयहितीरे, रयणपुरं नयरमणुपत्तो | ॥७६॥ |
| अइकसिणकंतकुंतल-कलावरेहंतसीसमडइरुइरं । रुवजियकुसुमविसिहं, दट्ठुणं तं च गणियाए | ॥७७॥ |
| रुवाडडगरिसिवहिययाए, मयणमंजूसनामथेयाए । भणिया जणणी अम्मो!, जइ पुरिसमिमं न आणेसि | ॥७८॥ |
| ता जीवियव्वमुज्झामि, निच्छियं मा करेज्जसु विगप्पं । इय भणिए अत्ताए, रायसुओ आणीओ सगिहे | ॥७९॥ |
| हाणविलेवणभोयण-पमुहपडिवतिपुच्चमडह तत्थ । वुत्थो तीए सद्धि, सुचिरं सो निययगेहि व्व | ॥८०॥ |
| नवरं अत्ता जंपइ आ पावे मुद्धि मयणमंजूसे! । समणं च निद्धणं धरसि, कीस एयं तुमं पहियं | ॥८१॥ |
| पणरमणीणं वच्छे, कुलक्कमो एस जं न धणहीणो । कामिज्जइ वज्जहरो वि, अहव मीणज्जओ वि सयं | ॥८२॥ |
| धूयाए जंपियं अम्म!, तुज्ज पायप्पसायओ होही । आसत्तवेणियं धण-मिमं पि किं काहिसि परेण | ॥८३॥ |
| अह निट्ठुरेहिं वयणेहिं, तज्जिया वारिया य सा बहुसो । जा नेव तं विमुंचति, अत्ताए चिन्तियं ताव | ॥८४॥ |
| एयम्मि जीवंते पडिवज्जइ मज्झा नेव वयणमिमा । ता उग्गविसं दाउं, हणामि निहुयं ठियाडहमिमं | ॥८५॥ |
| तो एगम्मि अवसरे, उग्गविसुम्मिस्सचुन्नयसणाहो । तंबोलबीडगो से, उवणीओ तीए पणएण | ॥८६॥ |
| गहिओ ताराचन्देण, भक्खिओ वि य वियप्परहिएण । जाओ य विसवियारो, न पुच्चगुलियाडणुभावेण | ॥८७॥ |
| हा! कह विसप्पओगे वि, नो मओ एस संपयं पावो । इइ तीए जीयहरणं, पुणो वि से कम्मणं दिन्नं | ॥८८॥ |
| तेणाडवि तस्स गुलियाडणु-भावओ नो अहेसि जियनासो । अवि अहिययरी आरोग्ग-रुवलच्छी पवित्थरिया | ॥८९॥ |
| वज्जाडडहय व्व मुसिय व्व, सयणदूरुज्झिय व्व सा ततो । करपल्लहत्थियवयणा, सोगं काउं समाढत्ता | ॥९०॥ |
| भणिया ताराचन्देण, अम्म! तं कीस अज्ज कसिणमुही । पेच्छिज्जसि पढमसमुब्भ-वंतघणपाउससिरि व्व | ॥९१॥ |
| तीए भणियं हे वच्छ!, तेण कहिएण को गुणो होही । हियमडवि सुजुतियं पि हु, जं काउं नेव सक्किहसि | ॥९२॥ |
| तेणं पर्यपियं अम्म!, कहसु काहामडहं तुहं वयणं । तीए वुत्तं पुत्तय!, जइ एवं ता निसामेहि | ॥९३॥ |
| सुविसिट्ठलक्खणधरो, रुवी सुगुणो मणोरमसरीरो । तं वच्छ! विसयगिद्धीए, निहणमडचिरेण पाविहसि | ॥९४॥ |
| जं वायामं न करेसि, नेव उवविससि सिद्धगोद्धीसु । देवभवणाडडसमेसु य, न कयाइ वि जं च परिभमसि | ॥९५॥ |
| अच्छिन्नविसयवंछाए, वच्छ! गच्छति हरी वि मच्चुमुहं । किं पुण तुमं सरोरुह-मुणालदलकोमलसरीरो | ॥९६॥ |
| दुल्लहलंभं पि हु वत्थु-मडवरमिह संघडेज्ज विहिजोगा । पुरिसरयणाण तुम्हारि-साण कत्तो पुणो घडणा | ॥९७॥ |
| ता वच्छ! अहं एयाए, चेव चिंताए सोगसंतता । पइदियहहीयमाणं, दट्ठुं तुममेव वट्टामि | ॥९८॥ |
| सच्छसहावत्तणओ, ताराचंदेण पडिसुयमिमं च । नवरं रहम्मि इयरीए, कवडमेयं ति सिद्धं से | ॥९९॥ |
| अह पुच्चट्ठिईए पइ-दिणं पि वट्टंतयम्मि सा तम्मि । चित्तेइ विसाईण वि, अगोयरो एस पाविट्ठो | ॥२४००॥ |
| जइ सत्थेण हणिज्जइ, एसो ता मरइ नूण धूया वि । अहह पडियाररहियं, केरिसगं वसणमाडडवडियं | ॥१॥ |
| इय सोगाडडउलहियया, गिहम्मि ठाउं अपारयंती सा । चेडीहिं परिवुडा नयर-परिसरं निग्गया दट्ठुं | ॥२॥ |
| पेच्छंती य जहिच्छं, इओ तओ जलहितीरमणुपत्ता । दिट्ठं च तत्थ देसं-तराडडगयं तीए बोहित्थं | ॥३॥ |
| पुट्ठो तव्वासिजणो, कत्तो इममाडडगयं कया जाही । तेणं वुत्तं दूराओ आगयं अज्ज निसि जाही | ॥४॥ |
| एवं भणिए तीए वि, चिन्तियं होउ सेसचिंताहिं । इह सो आरोविज्जउ, निसाए अइनिब्भरपसुत्तो | ॥५॥ |
| वच्चइ य दूरदेसंत-रम्मि जह तह पुणो वि न वलेज्ज । एवं च कए धूया वि, मज्झ नो जीवियं चइही | ॥६॥ |
| अह जाणवत्तनाहो, एगंते तीए भासिओ एवं । पुत्तसमेया अहयं, तुमए सह आगमिस्सामि | ॥७॥ |
| तेणं पर्यपियं अम्ब!, जइ तुमं इच्छसे समागन्तुं । ता मज्जरत्तसमए, अज्जं नावं सरेज्जासि | ॥८॥ |
| पडिवन्नं तीए गया य, मंदिरे आगए य निसिमज्झे । निब्भरनिदासुत्तो, ताराचंदो ससयणिज्जे | ॥९॥ |

धूयाए पसुताए, सणियं चेडीहिं उक्खियि वीओ । नावाए एगदेसे, सेज्जाडडरुढो च्विय विमुक्को ॥१०॥
 भणियो य तीए नावाए, नायगो एस मज्झ पुत्तो ति । एसा अहं पि एत्तो, तुममेक्को अम्ह सत्थाहो ॥११॥
 आमं ति जाणनाहेण, जंपिए भूरिक्खडभरिया सा । तज्जणदिट्ठिं वंचिय, जहाडडगयं लहु पडिनियता ॥१२॥
 मुक्कं च जाणवत्तं, वज्जंताडडउज्जघोररसिएण । बुद्धो ताराचंदो य, संभमुम्भंतनयणपुडो ॥१३॥
 किं एयं को देसो, कत्थाडहं को य मम इह सहाओ । इय चिंतनो जा नियइ, ताव पेच्छइ महाजलहिं ॥१४॥
 अच्चंतचंडकोदंड-मुक्ककंडं य सिग्घवेगेण । आपूरियसियवडयं, गच्छंतं जाणवत्तं पि ॥१५॥
 विम्हियमणो य चिन्तइ, छायाखेड्डं य इंदजालं य । अविभावणिज्जरुवं, किमिव ममाडडवडियमिममडहवा ॥१६॥
 चिंताडडक्कंतमडवयण-गोयरं विहलपुरिसवावारं । अघडंतघडणरइणो, हयविहिणो विलसियं किं पि ॥१७॥
 ता होउमिण्हि एयं पि, किं पि किं एत्थ विहलचिन्ताए । इति भावियुण पुणरवि, सुत्तो सेज्जाए निच्चिन्तो ॥१८॥
 अह उग्गमंतरविमंडलम्भि, अत्ताए विलसियं नाउं । सुपसन्नवयणकमलो, सेज्जाए समुट्ठिओ संतो ॥१९॥
 नावाडहिचेण चिररुढ-गाढपणएण बालमितेण । कुरुचंदेणं दिट्ठो, झडति तह पच्चभिन्नाओ ॥२०॥
 आलिंकिणुण गाढं, ससंभमं पुच्छिओ य सो तेण । अच्छरियमिमं कत्तो, वयंस! तुह एत्थ आगमणं ॥२१॥
 कत्थ व एतियकालं, सावत्थीओ विणिक्खमित्ताणं । भमिओ सि कह व संपइ, पुणन्नवंगो तुमं जातो ॥२२॥
 ताराचन्देण ततो, ता नयरीनिग्गमाओ आरब्भ । कहिओ से वुत्ततो, जाव निसंते पबुद्धो ति ॥२३॥
 कुरुचन्देण वि सिट्ठो, अत्ताए वइयरो समग्गो वि । तो नायतप्पवंचो, ताराचन्दो विचिन्तेइ ॥२४॥
 अन्नं जपंति कुणंति, अन्नमडन्नं नियन्ति ससिणेहं । नेहरहिया विकामिति, अन्नमित्थीण थी! चरियं ॥२५॥
 मायंगाण वि गंडं, जाओ चुंबंति दाणलोभेण । भभरीओ विव जुवईण, ताण किं एत्थ वयणिज्जं ॥२६॥
 अहवा गिरिसिरनिवडंत-सरियकल्लोलचंचलमणाण । कवडकुडीणं रामाण, नूण एसो च्विय सहावो ॥२७॥
 इइ चिन्तिऊण भणियं, हंहो कुरुचन्द! कहसु नियवत्तं । किं एत्थ तुहाडडगमणं, गमणं च पुणो कहिं होही ॥२८॥
 कह वा ताओ, निवसति, अवि कुसलं सयलरायचक्कस्स । सुत्था सावत्थी वि य सगामपुरजणवथा थणियं ॥२९॥
 कुरुचन्देणं भणियं, रायाडडएसेण एत्थ रयणपुरे । आओन्हि संपयं पुण, सावत्थीए गमिस्सामि ॥३०॥
 कुसलं च रायचक्कस्स तह य नयरीए जणवयजुयाए । तुह गाढविरहदुहियं, एक्कं मोतुं महीनाहं ॥३१॥
 जदियहाओ तं निग्गओ सि, तत्तो वि पेसिया पुरिसा । सब्बदिसासुं रत्ता तुज्ज पउतीए लहणउत्थं ॥३२॥
 ता रयणपुराडडगमणं, जायं मे बहुफलं महाभाग! । जं लद्धो तुममिण्हिं, पुत्रेणाडतक्कियाडडगमणो ॥३३॥
 इओ य—

ताराचन्दं सयणे, पडिबुज्झिय इति मयणमंजूसा । अनियंती हा पिययम!, कहिं सि इति जंपिरी जाव ॥३४॥
 रोचिउमाडडरुद्धा! ताव, तीए अत्ताए रयणडलंकारं । अवहरिऊणं भणिया, अच्छिन्नं रुयसि किं वच्छे! ॥३५॥
 तीए कहियं पेच्छामि, एत्थ नो हिययवल्लभं अम्मो! । तो कवडेण पलोइय, सबाहिरडडभंतरं गेहं ॥३६॥
 अत्ताए आउलाए, वुत्तं सो वि हु न रयणडलंकारो । दीसइ मन्ने तं गिण्हि-ऊण सो अज्ज नट्ठो ति ॥३७॥
 आ पाविट्ठि! सुमुट्ठाडसि, तेण जोग्गाडसि एतियस्स तुमं । जा वारिया वि बहुसो, अणुरत्ता निद्धाणे पहिए ॥३८॥
 एमाइ पवंचपहाण-वयणनिवहेण तज्जिया तीए । तह सा जह जायभया, सहसा मोणं समल्लीणा ॥३९॥
 एत्तो य जलहिपारे, पत्ता नावा समुज्झिउं तं च । कुरुचंदेण समेओ, ताराचन्दो रहारुढो ॥४०॥
 वच्चंतो कालेणं, पत्तो सावत्थीनयरीबाहिम्भि । जाणियतदागमेणं, पिउणा य पवेसिओ गेहे ॥४१॥
 पुट्ठो नियवुत्तंतं कहिओ सयलो वि से कुमारेण । तुट्ठेण तओ रत्ता, कओ अमच्चो उ कुरुचन्दो ॥४२॥
 सुपसत्थवासरम्भि, ताराचन्दो निवेसिओ रज्जे । सयमडवि कयपच्चज्जो, मरिऊण सुरालयं पत्तो ॥४३॥
 पउररहजोहचारण-तुरंगवडडंतकोसकोट्टारो । राया ताराचन्दो, निरवज्जं रज्जमडणुहवइ ॥४४॥
 चारणमुणिपुंगवकहिय-धम्ममेगगमाणसो कुणइ । अच्चन्तभावसारं, पूयइ य जिण्हिदविंबाडं ॥४५॥
 अह एगम्भि अवसरे, बहुस्सुया सूरिणो विजयसेणा । अणिययविहारवित्तीए, आगया तत्थ विहरंता ॥४६॥

| | |
|--------------------------------------------------------------------------------------------------|------|
| महर्इए विभूर्इए, ताराचन्देण वंदिया ते य । दिन्ना वसही सगिहे, सविसेसं धम्मसवणद्धा | ॥४७॥ |
| तो अणवरयं नयभंग-संगयं बहुवियारभारसहं । जुतीहिं अविच्छं, सिद्धंतमडयिस्समं सुणइ | ॥४८॥ |
| इय अणवरयं समयं, सुणमाणेणं सया वि नरवइणा । संलेहणाडवसाणो, मुणिओ गिहिधम्मपरमडत्थो | ॥४९॥ |
| पडिबुद्धा अन्ने वि य, तन्नयरिनिवासिणो बहुलोगा । सद्धम्मविमुहचितं, एक्कं मोत्तूण कुरुचन्दं | ॥५०॥ |
| तं च तहाविहमवलोइऊण, रत्ता विचिन्तिमिमिस्स । नो उवगारो जातो, मए समं धम्मसवणेडवि | ॥५१॥ |
| जइ पुण गेहसमीवे, ठिएहिं सूरीहिं होज्ज धम्ममई । एयस्स पइखणं चिय, मुणिकिरियाडडलोयणवसेण | ॥५२॥ |
| ताहे वाहरिऊणं, कुरुचन्दो भासिओ नरिंदेण । हंभो देवाणुप्पिय!, जंगमतित्थं इमे गुरुणो | ॥५३॥ |
| ता एयाणं नियमन्दिरम्मि, थीपसुविवज्जिए देहि । वसहिं तयणु निसामेहि, धम्ममडरिहंतपन्नंतं | ॥५४॥ |
| धम्मो च्विय दोग्गइमज्ज-माणमाणवसमुद्धरणधीरो । सग्गाडपवग्गसुहफल-संपाडणकप्पविडवी य | ॥५५॥ |
| सेसं पुण खणभंगुर-मडसारमच्चन्तमाडडहिजणं च । पियपुत्तमित्तधणदेह-पमुहमेगंतसो मुणसु | ॥५६॥ |
| इय भणिए नरवइणा, कुरुचन्दो धम्मकम्मविमुहो वि । उवरोहेणं सगिहे, उवस्सयं देइ सूरीणं | ॥५७॥ |
| गुरुणो धम्मवएसे, सुणेइ पेच्छइ य विविहतवनिरयं । ईसिं पडिबन्धबंधुर-हियओ निच्चं तवस्सिजणं | ॥५८॥ |
| तह वि हु न भावसारं पडिवज्जइ वीयरयसद्धम्मं । कम्मगरुयाण किं वा, करेज्ज सुगुरुण संजोगो | ॥५९॥ |
| अह कप्पसमत्तीए, ठाणंउतरमुवगएसु सूरीसु । ताराचन्दो राया, अहिगयजिणसमयसब्भावो | ॥६०॥ |
| कारियजिणिन्दभवणो, जत्तापूयाडडइकरणनिरयमणो । अणुकंपादाणाडडईसु, जहाविहाणेण वट्टंतो | ॥६१॥ |
| गेहसमीवनिवेसिय-पोसहसालाए पोसहुज्जुत्तो । अट्टमीचउदसीसुं, अन्नेसु य धम्मदियहेसु | ॥६२॥ |
| पासं पिय गिहवासं, कप्पित्तो पावलोयपरिहारी । पवरुत्तरोत्तरगुणेसु, चित्तचित्तिं ठयित्तो य | ॥६३॥ |
| बाहिरवित्तीए च्विय चिन्तन्तो रज्जरट्टवावारं । सच्चरिएसु पयट्टं, अणुमोयंतो य धम्मिजणं | ॥६४॥ |
| आराहणाडभिलासी, निम्मलपरिणामसंगओ सो य । मरिऊण अच्चुए दिव्व-देवरिद्धिं समणुपत्तो | ॥६५॥ |
| कुरुचन्दो वि तहाविह-धम्मविहिवज्जिओ पमाई य । अट्टज्जाणोवगओ, मरिउं तिरिएसु उववन्नो | ॥६६॥ |
| ततो उच्चट्टिता, महाडवीए पुलिंदगो जातो । सत्थेण समं समणे, वच्चंतो पेच्छिउं तत्थ | ॥६७॥ |
| एगंतनिलुक्केणं, तेणेरिसगा पुरा मया के वि । आसी दिट्ठ ति विचिन्ति-रेण सरिओ सपुच्चभवो | ॥६८॥ |
| संभरिया य महागुण-मणिनिहिणो सगिहे वि धारिया मुणिणो । तेहिं पुणरुत्तदिन्ना, सरिया धम्मोवएसा वि॥६९॥ | ॥६९॥ |
| तो चिन्तिउं पवत्तो, महाणुभावेहिं तेहिं तइयाडहं । सासिज्जन्तो वि तहा, धम्मज्जोगं न पडिचन्नो | ॥७०॥ |
| जइ वि हु महाणुभावेण, राइणा ठाविया मह गिहम्मि । गुरुणो उवयारडद्धा, उवयारो तह वि नो जातो | ॥७१॥ |
| गुरुकम्मणो कहं मह, एत्तो होही सुधम्मसामग्गी । अहवा किमडणेण विचिन्ति-एण एवं ठित्तो वि लहुं | ॥७२॥ |
| काऊण अणसणं सास-णं च धरिउं मणम्मि जयगुरुणो । झायंतो ते च्विय सूरी-णो वि साहेमि नियकज्जं॥७३॥ | ॥७३॥ |
| इय निक्कलंकसम्मत्त-संगतो उज्झिऊण आहारं । कुरुचन्दो सोहम्मे, मरिउं देवत्तमडणुपत्तो | ॥७४॥ |
| एवं वसहिपयाणं, उवरोहकयं पि जणइ कल्लाणं । पाएण परभवम्मि वि, दंसियकुरुचन्दनाएणं | ॥७५॥ |
| ता सब्वसंगरहियाण, तियसमहियाण जयजियहियाणं । साहूण वसहिवियरण-परंमुहो कह बुहो होज्ज | ॥७६॥ |
| किंच- | |
| साहूण वसहिदाने, तब्बहुमाणा विसुद्धिभावेणं । अकलंकचरणसेवा, कम्मखओ निच्चुई य भवे | ॥७७॥ |
| तहा- | |
| सोम्ममुणिदंसणेणं, केई तद्धम्मदेसणाए परे । तक्कयदुक्करकिरियं, दट्टूणउन्ने पबुज्जन्ति | ॥७८॥ |
| बुद्धा अन्ने पडिबोहयन्ति, कारिन्ति चेइयधराइं । साहम्मियवच्छल्लं, करेन्ति साहूण विहिदाणं | ॥७९॥ |
| एवं तित्थविवड्ढी, थिरया सेहाण तित्थवन्नो य । जीवाणमडभयदाणं, तम्हा एयम्मि जइयव्वं | ॥८०॥ |
| एवं सुगुरुसमीवा-दाडडयन्निय भूवई विसिद्धेसु । वट्टेज्जा किच्च्वेसुं, निच्चं पि कयं पसंगेण | ॥८१॥ |
| इय करणसउणिपंजर-तुलाए संवेगरंगसालाए । परिकम्मविहीपामोक्ख-चउमहामूलदाराए | ॥८२॥ |
| आराहणाए पनरस-पडिदारमयस्स पढमदारस्स । रायाभिहाणमेयं, पडिदारं अट्टमं भणियं | ॥८३॥ |

“परिणामनामकनवमद्वारम्” —

पुञ्जुतगुणगणाडलं-किओ वि न विणा विसेसपरिणामं । आराहेउं पारइ, पत्थुयमाडडराहणं जीवो ॥८४॥
 ता परिणामद्वारं, एतो भन्नइ दुहा य तं होइ । गिहिसाहुगोयरतेण, तत्थ गिहिवग्गविसयस्स ॥८५॥
 इहपरभवगुणचिन्ता^१, सुयसिक्खा^२ कालविगमणं चेव^३ । सुयबोहणं च^४ सुट्ठिय-घडणा^५ आलोयणादानं^६ ॥८६॥
 आउपरिन्नाणं पि य^७, अणसणसंधारदिक्खपडिवती^८ । अट्टप्पडिदाराइं, इमाइं परिणामदारस्स ॥८७॥

“धर्मजागरिकाः इहभव-परभव-हितचिन्तनम्” —

तत्थ य इहभवपरभव-गुणचिन्तादारमेवमडवसेयं । किर पुञ्जुदंसियगुणो, राया सामन्नमणुओ वा ॥८८॥
 कारियजिणिंदभवणो, पयट्ठियाडणेगधम्मठाणो य । लोगदुगसलहणिज्ज-ट्ठिईए किच्चेसु वट्ठंतो ॥८९॥
 मंदीकयविसयरई, धम्मे च्चिय णिच्चवद्धपडिवन्थो । अत्थोवज्जणगिह-विचिहकज्जवासंगविसयमणो ॥९०॥
 सो अन्नया कयाई, पुञ्जाडवररत्तकालसमयम्मि । जागरमाणो सम्मं, सुपसन्नो धम्मजागरियं ॥९१॥
 गुरुसंवेगपरिगतो, भववासुब्बिग्गमाणसो धणियं । आसन्नभाविभदो, निउणं एवं विचिन्तेइ ॥९२॥
 अणुकूलकम्मपरिणति-वसेण केणाडवि अह उ ताव मए । अइदुल्लहो वि लद्धो, जम्मो चिउलुज्जलकुलम्मि ॥९३॥
 अन्नडन्नगुणगणाडडरोवणेक्क-रसियंतकरणवित्तीण । जाया पुणो वि दुलहा, मायावित्ताण संपत्ती ॥९४॥
 दिट्ठसुयसत्थपरमडत्थ-गहणनिउणा य तप्पभावेणं । बुद्धिविज्जाविन्नाण-पयरिसो वि य महं जातो ॥९५॥
 निजभुयजुयलबलडज्जिय-मडणवज्जमडवज्जवज्जियविहीए । विनिओइयं जहिच्छं, दचियं पि हु उचियठाणेसु ॥९६॥
 भुत्ता य कामभोगा, अभग्गपसरं मणुस्सपाउगा । निप्फाइया य पुत्ता, तदुचियकायव्यमडवि विहियं ॥९७॥
 एवं सम्माणियसयल-इहभवाडविक्खणिज्जभावस्स । इहभवियभूरिसद्दाडडइ-विसयसम्माणणाविसयं ॥९८॥
 आलम्बणभरियस्स वि, इमस्स दुल्ललियमामगजियस्स । अहुणा वि किर किमडण्णं, विज्जइ आलंबणट्ठाणं ॥९९॥
 जं नेगंतेणं चिय, चिन्तामणिकप्पपायवडम्भिए । विसयाडडसतिं मोत्तुं, धम्मे च्चिय निच्चलो होमि ॥१००॥
 अहह! कुसलस्स कस्स वि, विवेगसारस्स भविउकामस्स । पयइगरुयस्स बाढं, भववासुब्बिग्गचित्तस्स ॥१०१॥
 संते वि हु भोगाणं, समग्गसामगिसमुदए सवसे । तदडवत्थुचित्ताओ, तदप्पवित्तिप्पहाणस्स ॥१०२॥
 जम्माउ च्चिय निच्चं, धम्मे च्चिय किच्चवुद्धिणो धणियं । परलोयविसयकिच्चेसु, चेव संजायइ पवित्ती ॥१०३॥
 आसापिसाइयाविणडियस्स, अम्हारिसस्स तुच्छस्स । तच्चिवरीयस्स भवा-डभित्तिदिणो पुण इमा कुमई ॥१०४॥
 एयं न सुयं दिट्ठं पि, नेवमेयं तु नेव अणुभूयं । कत्थवि कयावि सुविणे वि, अहह! विहलो गओ जम्मो ॥१०५॥
 ता ताव इममिममहं, इहं तहिं तं च तं च माणेमि । तदडसंमाणणजणियं, जेण ण दुक्खं खुडुक्कइ मे ॥१०६॥
 अहया इमं तयं पि य, अणुभूयं किंतु परिमियं कालं । ता ताव किंपि कालं, करेमि वंछाडणुरुवमडहं ॥१०७॥
 कालाइक्कमणेण य, पच्छा वोच्छिन्नवंछरिंछोली । सीईभूओ जं जं, काहं तं तं सुहं होही ॥१०८॥
 को नाम किर सकन्नो, करेज्ज एयं वियप्पणमजुतं । पयईए च्चिय करिकलह-कन्नपालीचले जीए ॥१०९॥

तहा—

एयं करेमि इण्णिं, एयं काऊण पुण इमं कल्ले । काहामि को विचित्तइ, सुमिणयतुल्लम्मि जियलोए ॥१०९॥

अन्नं च—

जइ ता तत्तगवेसी, ता अणणुभवे वि माणियं सव्वं । अह न तहा ता तम्माण-णे वि सव्वं अणणुभूयं ॥११०॥

जओ—

हियइच्छियाइं जह जह, संपज्जंतीह कह वि जीवाण । तह तह विसेसतिसियं, चित्तं दुहियं चिय वरायं ॥१११॥

किंच—

उवभोगोवायपरो, पसमेउं मणइ विसयतण्हं जो । नियछायडक्कमणकए, पुरोडवरण्हे पहावइ सो ॥११२॥

तहा—

सुट्ठु वि भुत्ता भोगा, सुट्ठु वि रमियं पिएहिं दारेहिं । सुट्ठु वि पियं सरीरं, हा जिय! कइया वि मोत्तव्वं ॥११३॥

सुचिरं वसिउं सह बंधवेहिं, रमिऊण इट्ठमितेहिं । सुचिरं पि सरीरं लालि-ऊण छडडेवि गंतव्वं ॥११४॥

इद्वजणो धणधन्नं, भयणं विसया य मणहरणचोरा । एगपए मोत्तव्वा तहा वि किं गयनिमीला मे ॥१६॥
 अरिहं देवो गुरुणो य, साहुणो जिणमयम्मि पडिवत्ती । धम्मियसंसग्गी निम्म-लो य बोहो भवविरागो ॥१७॥
 एमाइ मए सम्मं, पत्तो परलोयसाहगो वि विही । भवसयपरंपरासु वि, दुल्लंभो मंदपुत्राणं ॥१८॥
 अह पते तम्मि महं, महंतपुत्रेहिं संपयं धम्मो । आराहेउं जुतो, विसेसओ अत्तहियहेउं ॥१९॥
 तं च न तह काउमणो वि, विविहगिहकिच्चनिच्चपडिबद्धो । पुत्तकलत्ताऽऽसत्तो, तरामि काउं सुनिच्चिग्घं ॥२०॥
 ता जाव अज्जवि जरा, दूरे वाहीओ नेव बाहिति । जाव पबलं बलं पि हु, इंदियवग्गो समग्गो य ॥२१॥
 जावऽणुरागी लोगो, जाव न चवलत्तणं भयइ लच्छी । जाव न इद्वविओगो, जाव वियंभेइ न कयंतो ॥२२॥
 ताव परिवारदुत्थत्त-भाविजिणधम्मंखिसरक्खण्डा । निप्पच्चयायनिरवज्ज-कज्जसंसाहणद्धा य ॥२३॥
 नियगं कुडुंबभारं, पुत्ते संकाभिऊण विहिपुच्चं । सिढिलियत्तप्पडिबंधो, तप्परिणतिदंसणकएण ॥२४॥
 परमगुरुपरमपूया-संपाडणलक्खणं जहाऽवसरं । नियभतिसत्तिसरिसं, मोत्तुं दव्वत्थयं सेसे ॥२५॥
 सावज्जाऽऽरंभपए, परिच्चइत्ताण तणुयमेत्ते वि । कारावणकरणेहिं, मणेण वायाए काएणं ॥२६॥
 पोसहसालमऽइगओ, आगमविहिसुद्धधम्मकिच्चेहिं । सम्मं भावियचित्तो, किं पि हु कालं किल गमेमि ॥२७॥
 पच्छा पुत्ताऽणुमओ, संलेहणपुच्चयं जहाऽवसरं । आराहणविहिमऽणहं, सच्चपयत्तेण काहामि ॥२८॥
 इय उभयलोगगोयर-गुणचित्तणदारमाऽऽहियं पढमं । एत्तो य पुत्तसिक्खा-दारं लेसेण कित्तेमि ॥२९॥

“पुत्रशिक्षा दापनम्” —

अह पुच्चपवंचियउभय-लोगहियधम्मपरिणइपहाणो । सो गिहवई निवो वा, उज्झिउकामो घरनिवासं ॥३०॥
 रयणिविरामविउद्धं, सच्चाऽऽयरकयपयप्पणामं च । पुत्तं नियगाऽभिप्पाय-संसणद्धा इय वएज्ज ॥३१॥
 पयईए च्चिय पुत्तय!, जइ वि विणीयस्स गुणगवेसिस्स । सुविसिद्धचेद्वियस्स य, सिक्खिवियच्चं न तुह अत्थि ॥३२॥
 अम्मापिऊण तह वि हु, हिओवएसप्पयाणमुववणं । ता तं पइ संपइ सप्प-ओयणं किं पि जंपेमि ॥३३॥
 वच्छ! सुगुणा वि भइसालिणो वि, सुकुलुग्गया वि नरवसभा । उच्चणजोच्चणगहनिय-बुद्धिणो लहु विसीयंति ॥३४॥
 ससिरविरयणहुयासण-पहापवाहाऽऽहयं पि अणवरयं । विरमइ न मणागं पि हु, जम्हा तारुण्णतिमिरमिमं ॥३५॥
 एयम्मि य पसरंते, फुरइ कुवियप्पतारयाचक्कं । पसरइ विचित्तविसया-भिलासकडपूयणाविचहो ॥३६॥
 उम्मायघूयसंधा, समुच्छलंति य पावियाऽवसरा । पवियंभइ सच्चतो, कलुसमई वग्गुलीवग्गो ॥३७॥
 सज्जो पमायखज्जोय-या वि विलसंति पत्तपहपसरा । वग्गइ कुवासणापंसु-लीण सत्थो १अणुप्पित्थो ॥३८॥
 तह वच्छ! दप्पदाह-ज्जरो वि सिसिरोवयारनिरुवसमो । जलण्हाणाऽणुतारो, दढरागमलाऽवलेवो वि ॥३९॥
 तह विसयविसवियारो, अनिवारो मंतंतंतजंताणं । लच्छिमयंउधत्तं पि हु, असज्जमंउजणपओगाणं ॥४०॥
 विसयसुहसन्निवाओ-ब्भवा य निद्दा निसाऽवसाणे वि । अप्पडिबोहा इह वच्छ!, निच्छियं जायइ जणाणं ॥४१॥
 पुत्तय! तुमपि तरुणो, उदग्गसोहग्गसंगयसरीरो । पवरिस्सरियसणाहो य, नूणमाऽऽबालकालातो ॥४२॥
 अप्पडिमरुवभुयबल-साली विन्नाणनाणसंपन्नो । एवंगुणो य एएहिं, चेव हीरिज्जसि गुणेहिं ॥४३॥
 न जहा तह वट्टेज्जसु, एक्केक्को वि हु गुणो जओ एसिं । दुब्बिणयकारणं किं, पुणेसि सव्वेसिं समवाओ ॥४४॥
 ता पुत्त! परित्थीपेच्छणम्मि, आजम्मचक्खुवियलेण । परमम्मजंपणम्मि, सया वि अच्चंतमूएण ॥४५॥
 अस्सच्चवयणसवणे, बहिरेणं पंगुणा कुसंचरणे । आलस्ससंगएणं, सच्चासु असिद्धचेद्व्यासु ॥४६॥
 पुच्चाभिभासिणा पाणि-लोयपीडावियज्जिणा णिच्चं । वितहाऽभिणिवेसपरं-मुहेण गंभीरभावेण ॥४७॥
 उचियमुदारत्तं पि य, समुच्चहंतेण परियणपिएण । लोगाऽणुवित्तिजुत्तेण, उज्जमंतेण धम्मम्मि ॥४८॥
 सुमरंतेणं चिरपवर-पुरिसचरियाइं तदणुसारेण । संचरमाणेण सया, वडिढंतेणं च कुलकित्तिं ॥४९॥
 गुणकित्तणं कुणंतेण, गुणिजणाणं पमोयमऽणुसमयं । धारंतेणं धम्मिय-जणम्मि परिहारिणाऽऽणत्थे ॥५०॥
 कल्लाणमित्तसंसग्गि-कारिणा कुसलसयलचेद्वेण । सच्चत्थ लद्धलक्खेण, पुत्त! होयच्चमऽणवरयं ॥५१॥
 इय वट्टंतो पुत्तय!, पियामहप्पमुहपुरिसकमपत्तं । माणेसु विभूइमिमं, चिरभवसुकयाऽणुसारेण ॥५२॥

1. अणुप्पित्थो = अत्रस्तः ।

| | |
|--------------------------------------------------------------------------------------------|------|
| अंगीकरेसु सयलं, कुडुंबभारं विहेहि तच्चिंतं । अब्भुद्धरेसु बंधव-जणं पि पीणेसु पणइगणं | ॥५३॥ |
| अप्पोवरिसंक्रामिय-समग्गकायव्वभारमडहुणा मं । पकरेसु वच्छ! संपइ, तुह जुतं वट्टिउं एवं | ॥५४॥ |
| उक्खिअतसव्वभारस्स, तुज्झ अहयं तु संनिहिम्मि ठिओ । कल्लाणवल्लिजलकुल्लि-तुल्लसद्धम्मगुणनिरओ | ॥५५॥ |
| तुह सच्चरियकलावाड-वलोयणत्थं कियंतमडवि कालं । चिट्ठामि तयणु तुह अणु-मईए संलेहणं काहं | ॥५६॥ |
| इच्चवेवमाडडयाहि गिराहिं कंताहिं तह मणुत्ताहिं । सुयमडपडिवज्जमाणं, दढपिडपडिवंधभावेण | ॥५७॥ |
| पडिवज्जाविय सम्मं, दंसियभूमीगयं पि निहिनिवहं । जाणाविऊण लेक्खग-मह वहिगासंपुडाडडइगयं | ॥५८॥ |
| दावाविऊण दायव्व-मडत्थमुग्गाहिऊण लब्भं च । घरभारनायगते, ठवेज्ज सयणाडडइपच्चव्वखं | ॥५९॥ |
| नवरं किं पि हु वितं जिणभवणमहूसवाइकरणत्थं । साहारणजोग्गं किंचि, किंचि सयणाण प्राउग्गं | ॥६०॥ |
| किंचि सविसेससीयंत-संतसाहम्मिओवठभडत्थं । किंचि वि अहिणवपडिवन्न-धम्मसम्माणणनिमित्तं | ॥६१॥ |
| भइणीधूयाजोग्गं च-किंचि दीणाडणुकंपगं किंचि । उवयारिमित्तबंधव-उद्धरणणिवंधणं किंचि | ॥६२॥ |
| धारेज्ज सहत्थे च्चिय, सुसावगो सकिलेसचागडट्टा । इहरा जिणभवणाडडइसु, निउजिउं नेव पभवज्जा | ॥६३॥ |
| इय सामन्नगिहीविही, राया पुण सोहणे तिहिमुहुते । रज्जाडभिसेयपुव्वं, पुतं सपए निवेसिता | ॥६४॥ |
| कुज्जा सव्वसमप्पण-मुवदंसेज्जा नयक्कमं णिउणं । सामी मंती रट्टं, एमाई पुव्वविहिणा उ | ॥६५॥ |
| सामंतमंतिसेणाडहिवाण, पयईण सेवगाणं पि । नरवइणो वि य साहा-रणं च सिक्खं पयच्छेज्जा | ॥६६॥ |
| एवं कयकायव्वो, पुताडडरोवियसमत्थकज्जभरो । पवरुत्तरोत्तरगुणे, आराहेज्जा जहाडभिमए | ॥६७॥ |
| जो पुण धम्मपवत्तो वि, निम्मलाडडराहणाडभिलासी वि । पुव्वुत्तविहाणेणं, नरेज्ज सुयस्स सिक्खवणं | ॥६८॥ |
| नेव य मुच्छाडडइवसा, उवदंसेज्जा सविहववित्थारं । सो तस्स कम्मबंधाय, होज्ज वइरो व्व केसरिणो | ॥६९॥ |
| तहाहि- | |
| “पुत्रस्य अशिक्षणे दोषोपरिवज्र-केसरिदृष्टान्तः” | |
| कुसुमत्थलंमि नयरे, धणसारो नाम आसि वरसेट्ठी । निययसमुद्धरिद्धीए, दूरमुवहसियवेसमणो | ॥७०॥ |
| उवजाइयसयतोसिय-देवयदिन्नो अणामयसरीरो । वइरो नामेण सुओ, अहेसि एक्को परं तस्स | ॥७१॥ |
| सो पुण समहिगयकलो, पिउणा तरुणत्तणं समणुपत्तो । परिणाविओ महेसर-सेट्ठिसुयं विणयवइकन्नं | ॥७२॥ |
| अह विज्जुलयासरयडब्भ-चंचलत्तेण सव्वभावाणं । हरिचक्किसक्कविक्कम-अगोयरत्तेण मच्चुस्स | ॥७३॥ |
| पइखणविणाससीलत्तेण, अच्चंतमाडडउकम्मस्स । धणसारो निययपए, तं ठविउं मरणमडणुपत्तो | ॥७४॥ |
| हा ताय! परमवच्छल!, गुणणिवहनिवास! पणइकयतोस! । पुरलोयलोयणोवम!, कत्थ गतो देहि पडिवयणं | ॥७५॥ |
| हा ताय! तायसु ममं, विओगवज्जाडसणीए भिज्जंतं । हिययं हिययसुहावह!, नियपुत्तमुवेहसे कीस | ॥७६॥ |
| ताय! तए सग्गए, गयाइ पंच वि इमाइं सग्गमि । गंभीरत्तं खंती सच्चं विणओ नओ य धुवं | ॥७७॥ |
| ताय! तुह विप्पयोगे, न दुक्खमेक्को अहं चिय पयन्नो । विफलियमणोरहो पइ-दिणं पि नणु मग्गणणो वि | ॥७८॥ |
| इय जंपिरेण पामुक्क-दीहपोक्केण सोगविहुरेण । वइरेण पारलोइय-किच्चमसेसं कयं तस्स | ॥७९॥ |
| पइदिणदंसणसारत्तेण, पेम्माडणुबंधबुद्धीणं । कालक्कमेण ववगय-सोगाडडवेगो य सो जातो | ॥८०॥ |
| पुव्वपवाहेणं चिय, कुडुंबचिंताए लोयववहारे । दाणाडडईसु य वट्टइ, नो खंडइ पुव्वपुरिसकमं | ॥८१॥ |
| नवरं लच्छी तुच्छत्त-मुयगया नाडडगया वणियपुता । देसंतरेसु चिरकाल-पेसिया लाभकज्जेण | ॥८२॥ |
| निहिणो सुन्नीहूया, वडिडपउत्तो खयं गतो अत्थो । धन्नाडडइसंचया वि हु, निइडढा तिव्वजलणेण | ॥८३॥ |
| जं जत्तो तं तत्तो, पुन्नविवज्जयवसेण से नट्टं । सयणो वि परजणो इव, सव्वो वि परंमुहीहूओ | ॥८४॥ |
| इय छायाखेड्डं पिव, सुमिणुवलद्धं व सो पलोइता । दव्वाइसरुवं जाय-पउरसोगो विचिंतेइ | ॥८५॥ |
| परिचत्तकुसंगस्स वि, थीजूयविचज्जिणो वि ही! मज्झ । नायट्टियस्स वि कहं, सव्वमडवक्कंतमडत्थाई | ॥८६॥ |
| अहवा वच्चउ अत्थो, विज्जुज्जोउ व्व चंचलसहावो । अनिमित्तमेव सयणा वि, कीस विवरंमुहीहूया | ॥८७॥ |
| हुं नायं सयणा वि हु, धणभंगे कज्जसिद्धिविरहेण । दंसिति कह वरागा, पणयं मइ रोरतुल्लम्मि | ॥८८॥ |
| ताय च्चिय सयणा बंधवा य, मित्ता य हांति मणुयस्स । जाव न मुच्चइ कुचलय-दलदीहडच्छीए लच्छीए | ॥८९॥ |

| | |
|----------------------------------------------------------------------------------------------|--------|
| धणवज्जियस्स य ममं, एत्तोडवत्थाणमेत्थ नो जुत्तं । परमा विडंबणा का वि, पुच्चकमखंडणा जेण | ॥९०॥ |
| इइ चिंतिऊण तेणं, कहिओ खेमिलगनामथेयस्स । मित्तस्सडन्नत्थगमा-डभिलसरुवो सवुत्तंतो | ॥९१॥ |
| मित्तेण जंपियं जुत्त-मेव देसंतरंमि तुह गमणं । नवरं अहं पि तुमए, समगं चिय आगमिस्सामि | ॥९२॥ |
| तो दो वि नियपुराओ, विणिक्खमिता सुवन्नभूमीए । ते सिग्घगईए गया, पारद्धा तत्थ य उवाया | ॥९३॥ |
| अत्थोवज्जणकज्जेण-डणेगसो अह कहं पि विहिवसओ । खेताडणुभावओ विय, उवज्जियं केत्तियं पि धणं॥९४॥ | ॥९४॥ |
| तेण य धणेण रयणाइं, अट्ट गहियाइं पवरमुल्लाइं । सुमरिय गिहाय तत्तो, विणियत्ता नियपुराडभिमुहं | ॥९५॥ |
| इंताण य अद्धपहे, अइपबलत्तेण लोहपसरस्स । खेमिलगस्स पयट्टा, समत्थरयणग्गहणवंछा | ॥९६॥ |
| कह वंचिस्सामि इमं, कह व गहिसामि सच्चरयणाइं । अणवरयमेगचित्तो, चिंतिउमेवं समाढत्तो | ॥९७॥ |
| अह एगम्मि दिणम्मि, गामस्संडतो गयम्मि वड्डरम्मि । रयणडट्टयगंठिसमा, अंतो पक्खित्तलेट्टुदला | ॥९८॥ |
| रइया अवरं गंठी, वड्डरस्स इमं समप्पइत्ताणं । रयणीए वच्चिस्सं, इति चिन्तेऊण पाविट्टो | ॥९९॥ |
| सो जाव गंठिजुयलं, संजमइ ससंभमं लहुं ताव । वड्डरो समागतो भणइ, मित्त! किं कुणसि तुममेयं | ॥२६००॥ |
| किं दिट्ठोडहमडणेणं ति, संकिण्णाडवि नियडिनिउणेण । तेणं परंपियं मित्त!, कुडिलरुवा हि कम्मगई | ॥१॥ |
| सच्छंदविलसियाइं, विहिस्स चिंतापहे वि न पडंति । जं सुमिणे वि न दीसइ, तं पि बला कज्जमाडडवडइ॥२॥ | ॥२॥ |
| एवं विभाविऊणं, कयं मए रयणगंठिजुयलमिमं । मा एगट्टाणठियं, पणस्सिही कहवि हत्थाओ | ॥३॥ |
| ता नियरयणचउक्कस्स, गंठिमेगं तुमं धरसु हत्थे । अवरं च अहं धारेमि, होउ दढरक्खणा एवं | ॥४॥ |
| इति संसिऊण-सम्मोहमूढहियएण वड्डरत्थम्मि । साररयणाण गंठी, बद्धा इयरा य नियगकरे | ॥५॥ |
| तो तत्थेव पंसुत्ता, संपत्ते कहवि मज्झरत्तम्मि । तं लेट्टुगंठिमाडडदाय, खेमिलो निग्गओ तुरियं | ॥६॥ |
| गंतुं जोयणसत्तग-मुच्छोडइ जाव तं रयणगंठिं । ता पेच्छइ पुच्चनिहित-लेट्टुसयलाइं से अंतो | ॥७॥ |
| हा असिवत्तुक्कत्तिय-सच्छंदद्वामविलसियसहाव! । पावविहि! किमिव तुमए, मम चिंतियमडन्नहा विहियं | ॥८॥ |
| हंदि पुच्चभवुभूय-भूरिपावस्स दुक्खदाइत्तं । मित्तविधोगत्थकयं फलजणगत्तेण निव्वडियं | ॥९॥ |
| मन्ने सुद्धसहावस्स, तस्स मित्तस्स वंचणाजणियं । पावं इह जम्मे च्चिय, उवट्टियं पत्तपागं व | ॥१०॥ |
| एवं समुल्लवन्तो, सोगमहाभरसमोत्थयसरीरो । संजमिओ इव वज्जा-हउ व्व ठाऊण खणमेक्कं | ॥११॥ |
| अच्चंतछुहाडभिहओ, मग्गपरिस्समकिलामिओ बाढं । भिक्खं भमिउमडसत्तो, गिहम्मि एगंमि य पविट्टो | ॥१२॥ |
| भणिया तग्गिहविलया, अम्मो! मे देहि भोयणं किंपि । आसडग्गलाए खलियं, जावडज्ज वि जाइ नो जीयं॥१३॥ | ॥१३॥ |
| तदीणवयणसवणुब्भवंत-करुणाए तीए सम्पणयं । आरद्धं दाउं नवर-माडडगओ इति गिहनाहो | ॥१४॥ |
| सो तं च पजेमंतं, पेक्खिय रोसाडरुणच्छिविच्छोहो । आ पावे! मइ गेहाउ, निग्गए पोससि विडे तं | ॥१५॥ |
| इय निब्भच्छिय गिहिणिं, खेमिलमुवणेइ रायपुरिसाण । एसो अकज्जकारिति, तेसि पुरतो निवेइत्ता | ॥१६॥ |
| भयकंपंतसरीरो, विच्छायमुहो य सो तओ तेहिं । कहिओ जारो ति निवस्स, तेण वज्जो य आणत्तो | ॥१७॥ |
| तो विरसमाडडरसंतो, सो नीओ तेहिं वज्जटाणम्मि । भणितो य इट्टदेवय-मडणुसुमरसु रे! तुममियाणिं | ॥१८॥ |
| भयवसविसंतुलंडतक्ख-राए वाणीए किंपि जंपंतो । उल्लंबिउं विमुक्को, दीहररज्जूए रुक्खम्मि | ॥१९॥ |
| अह जावज्जडवि नीहरइ, नेव जीयं कहंपि तुडिजोगा । ता उल्लंबणरज्जू, तुट्टा पडिओ य सो इति | ॥२०॥ |
| सिसिरचणमारुएणं, मणागमाडडसासिओ खणद्धेण । मरणमहाभयविहुरो, ठाणाउ तओ लहुं चलिओ | ॥२१॥ |
| जाव य केत्तियमेत्तं पि, भूमिभागं स जाइ वेगेण । ताव तमालमहातरु-तलम्मि पेच्छइ मुणि एगं | ॥२२॥ |
| सज्झायं कुणमाणं, वरविणावेणुयिजइवाणीए । तस्सवणडक्खित्तकुरंग-वग्गसेविज्जमाणपयं | ॥२३॥ |
| तो अच्छरियभूयं, तं वंदित्ता महीए उवविट्टो । जोगो ति लक्खिऊणं, मुणिणा वि परंपिओ एवं | ॥२४॥ |
| हंभो देवाणुप्पिय!, अणाइसंसारमडणुसरंताण । जीवाण वंछियत्था, के वि य सिज्झन्ति कह वि परं | ॥२५॥ |
| भत्ती जिणेसु मेत्ती, जिएसु तत्ती गुरुवएसेसु । पीई सीलगुणड्डेसु, तह मई धम्मसवणम्मि | ॥२६॥ |

| | |
|-----------------------------------------------------------------------------------------------|------|
| परउय्यारे वित्तं चित्तं परलोयकज्जचित्ताए । धम्मपहाणो जम्मो, निरुचमपुत्राण जइ होइ | ॥२७॥ |
| लद्धे वि दुल्लहे माणु-सत्तणे धम्मगुणविहूणाण । चोलेंति जाण दियहा, विहल च्चिय ताण ते नेया | ॥२८॥ |
| ताण वरमउज्जणं चिय, जणणे वि हु वरमउरन्नपसुभायो । धम्मगुणविरहिण्हिं, जेहिं जम्मो कओ विहलो | ॥२९॥ |
| आसन्नं चिय जेसिं, महाणुभावाण भाविभदत्तं । धम्मपवितिपहाणाइं, जंति तेसिं चिय दिणाइं | ॥३०॥ |
| ते च्चिय धन्ना ते पुत्र-भाइणो ताण जीवियं सहलं । धम्मज्जयाण जेसिं, रमइ मई नेव पावेसु | ॥३१॥ |
| एवं मुणिणा कहिए, नियदुच्चरिएण जायवेरगो । पव्वज्जं पडिवज्जइ, खेमिलगो सुद्धभावेण | ॥३२॥ |
| एतो य सो महप्पा, चइरो मिताउचलोयणं काउं । तच्चिरहहुयवहाउउल-देहो कह कहवि दीणमणो | ॥३३॥ |
| कुसुमत्थलंमि पत्तो, कयं च से पारलोइयविहाणं । रयणविणिचट्टणेण य, जाया पउरा समिद्धी य | ॥३४॥ |
| भोगे भुंजंतस्स य, जातो कालक्कमेण से पुत्तो । सुपसत्थचासरम्मि, अभिदाणं केसरि त्ति कयं | ॥३५॥ |
| अणुकूलयाए कम्मोदयस्स, थेवुज्जमे वि निरवज्जा । धणसंपत्ती जाया, सयणा वि हु सम्मुहीहूया | ॥३६॥ |
| तो तेण चित्तियं लच्छि-वज्जिओ सच्चहा इहं मणुओ । तूललवकासकुसुमं व, नूणं लहुयत्तणमुवेइ | ॥३७॥ |
| ता एतो उवरि मए, रक्खेयव्वं धणं सजीवियं व । एएण विणा नूणं, पुत्तो वि हु परिभवं कुणइ | ॥३८॥ |
| इति चित्तिऊण सच्चो, अत्थचओ सायरं सहत्थेण । निक्खित्तो धरणियले, सुयं पि दूरे ठवित्तेण | ॥३९॥ |
| अह अन्नया कयाइ, सो खेमिलगाउभिहाणसाहुवरो । सुत्तउत्थपारग्गामी, विचित्तवसोसियसरीरो | ॥४०॥ |
| अणिययविहारचरियाए, विहरेमाणो समागतो तत्थ । चइरेण वंदिओ तह, कह कहवि य पच्चभिन्नाओ | ॥४१॥ |
| अवितक्किपतदुयागम-चट्टंताउउणंदसंदिरउच्छेण । भणिओ य सबहुमाणं, भयवं! को एस वुत्तंतो | ॥४२॥ |
| पावेण मए तुज्झं, पंचत्तगमो वितक्किओ आसि । तह तेसु तेसु ठाणेषु, पेहणेण वि अदिट्टस्स | ॥४३॥ |
| ताहे मुणिणा निच्छउम-मेव सच्च्या जहट्टिया वत्ता । नियगा सवित्थरं तस्स, संसिया सच्छहियएण | ॥४४॥ |
| आयन्निऊण य इमं, परमं विम्हयमुवांगओ चइरो । पडिबोहिओ य मुणिणा, विचित्तजुत्तीहिं वयणेहिं | ॥४५॥ |
| अब्भुवगओ य तेणं, संसारुव्वेयमुव्वहंतेण । सग्गापवग्गहेऊ, धम्मो सच्चन्नुपन्नतो | ॥४६॥ |
| पालेइ निरइयारं, तं च पयत्तेण परमसाहुजणं । अच्चंतभतिजुत्तो, पइदियहं पज्जुवासइ य | ॥४७॥ |
| थेरत्तंमि य पत्ते, तेण सुओ केसरी निययठाणे । ठविओ सयं च पवरो, पारद्धो धम्मकम्मविहि | ॥४८॥ |
| नयरं सुचिरायासेणु-वज्जियं निहिगणं महिनिहितं । मुच्छायसेण साहइ, पुच्छिज्जंतो वि न सुयस्स | ॥४९॥ |
| अज्जं कहेमि कल्लं, कहेमि एवं पयंपइ सया वि । जाणंतो वि हु नियजीवि-यव्वमइइथोयदियहथिरं | ॥५०॥ |
| सतोवरोहरहिए गिहेगदेसे य पोसहाउउईहिं । आराहणाभिलासेण, चित्तपरिकम्मणं कुणइ | ॥५१॥ |
| पुत्तो वि पियरमउच्चंत-थेरमुवलक्खिउं पइखणं पि । अत्थं पुच्छइ सो विय, अच्छइ सामाइयंमि ठिओ | ॥५२॥ |
| नो किंपि कहइ अह सो, अन्नम्मि दिणम्मि मरणमउणुपत्तो । इयरो य तेण दुक्खेण, दुक्खिओ जायवियलमणो | ॥५३॥ |
| हा! हा! निहिणो धरणीए 'सोत्थया ते कहं मुहा विगया । हा! हा! अणज्ज हे ताया!, पुत्तवेरी तुमं परमो | ॥५४॥ |
| धी धी धम्मो वि हु तुज्झ, मूढ! धी धी विवेयसारो ते । इय विलवंतो संतो, मरिउं तिरियत्तणं पत्तो | ॥५५॥ |
| इय सो धम्मत्थी वि हु, जातो पुत्तस्स कम्मबंधाय । धम्मत्थीणं पुण कम्म-बंधहेउत्तणमउजुत्तं | ॥५६॥ |
| तेणं चिय भुवणगुरु, वीरो तह वरिसयालमज्जे वि । अन्नत्थ विहरिओ ताव-साणमउप्पत्तियं नाउं | ॥५७॥ |
| ते धन्ना सप्पुरिसा, ते च्चिय सद्धम्मकम्मपडिवज्जा । जे नो होंति निमित्तं, जीवाणं कम्मबंधस्स | ॥५८॥ |
| बहुमवपरंपरावेर-वज्जणट्टा सुयं ठवेऊण । जत्तेण समाहीए, ता धम्मम्मि जएज्ज गिही | ॥५९॥ |
| इय पुत्तसिक्खपडिदार-मेत्थ वीयं इमं समक्खायं । एतो य कालविगमण-पडिदारं तइयमउक्खामि | ॥६०॥ |

“कालनिर्गमनद्वारम्” —

| | |
|-----------------------------------------------------------------------------------------|------|
| सो पुव्वुत्तो सइढो, राया वा पुत्तनिहियनिययपओ । तप्परिणइमवलोइउ-कामो जा किंपि किर कालं | ॥६१॥ |
| अच्छिउमिच्छइ ता सच्च-सत्तसंताणबाहरहियम्मि । सच्चरियजणाउहिद्विय-पेरंतं पयइसोमंमि | ॥६२॥ |
| सुचिवित्तंमि पएसे, परिवाराउणुमयसुद्धचित्तेणं । परिसुद्धेण दलेण य, विड-विलयासंगपरिमुक्कं | ॥६३॥ |

सुविसिद्धमद्वयिस्थोर-थंभमडडघणकवाडसंपुडयं । मसिणसमभित्तिभागं, सुमद्वमणिभूमिवट्टं च ॥६४॥
सुकरपडिलेहपमज्जणं च, पविसंतसत्तचित्तरं । बहुसावगपाउग्गं, तिकालसाहारणसरुवं ॥६५॥
उच्चारभूमिजुत्तं, पाचमहारोगिलोगपडियारं । सद्धम्मोसहसालं, पोसहसालं करावेज्जा ॥६६॥
अहवा पारद्धविसुद्ध-धम्मकरणोचियं पुरा सिद्धं । पेहेज्ज किंपि गेहं, तं चिय पगुणं करावेज्जा ॥६७॥
तत्थ य पसत्थधम्मडत्थ-चित्तणक्खिन्नत्तचित्तवाचारो । सावज्जकज्जपरिवज्ज-णुज्जओ पायमाडडसज्ज ॥६८॥
कइया वि वायणाए, कइया वि य पुच्छणाए कइया वि । परिपट्टणाए कइया वि, सत्थपरमडत्थचित्तए ॥६९॥
कइया वि य ज्ञाणेणं, मोणेण कयाइ संकुचियगतो । वीरासणाडडइणा तह, आसणबंधेण कइयावि ॥७०॥
कइया वि दुवालस भाव-णाण परिभावणेण कइया वि । सद्धम्मकहासवणेण नेज्ज कालं समाहीए ॥७१॥
उचियसमए य मुणिणो, सिद्धंतमहारहस्समणिनिहिणो । बहुमाणभत्तिमंतो गंतूणं पज्जुवासेज्ज ॥७२॥
भोयणकाले य तहा, ताय! पसीयह अणुग्गहं कुणह । एह मह मंदिरंमी, संपइ आहारगहणडत्थं ॥७३॥
इय पुत्तेण सविणयं, आहूओ थिमियमाणसो सणियं । गंतूण घरे विहिणा, रहिओ मुच्छाए भुंजेज्जा ॥७४॥
तह पवरवीरियवसा, सइ सामत्थम्मि अत्तहियकंखी । सवियसेसुज्जमजुत्तो, मइमं पडिमाउ पडिवज्जे ॥७५॥
ताओ पुण एक्कारस, संख्याए सावगाण भणियाओ । दंसणपडिमाडडईया, जिणेहिं इय महियमोहेहिं ॥७६॥

“एकादशपडिमावर्णनम्” —

दंसणं वयं सामाडयं, पोसहं पडिमां अबंभं सच्चित्तं । आरंभं पेसं उद्विद्ध-वज्जए^० समणभूए य^१[दारगाहा] ॥७७॥
पुव्वपवंचियगुणमणि-पसाहिओ सावगो महप्पा सो । पढमं दंसणपडिमं, पडिवज्जइ तीए पुण सम्मं ॥७८॥
मिच्छत्तपंकविधलत्तेण, थेवं पि कुग्गहकलंकं । नाडडयरइ जेण मिच्छत्त-मेव तस्साहणायाडलं ॥७९॥
होज्ज णडणाभोगजुओ, न विवज्जयवं तहेस धम्ममि । अत्थिक्काडडइगुणजुओ, सुहाडणुबंधो निरइयारो ॥८०॥
नणु पुव्वपरुवियगुण-गणस्स सुस्सावयस्स सम्मते । विज्जंते वि किमेयं, दंसणपडिमा पुणो भणिया ॥८१॥
भन्नइ इह आगारे, रायाडभिओगाडडइणो वि वज्जेइ । परिपालेइ य सम्मं अट्टविहं दंसणाडडयारं ॥८२॥
इय सवियसेसं दंसण-पडिवत्तिपहाणभावमाडडसज्ज । दंसणपडिमा पढमा, नायव्वा सावयस्स भवे ॥८३॥
नणु जो निसग्गओ वा, अहिगमओ वा वि जायसुहबोहो । देवगुरुत्तगोथर-गरुयवियज्जासजणं ति ॥८४॥
नाऊणं मिच्छत्तं, पच्चक्खइ दंसणं पवज्जइ य । तं पइ पडिवत्तिकमो, को णु भवे भण्णए एसो ॥८५॥
स महप्पा दंसणनाण-पमुहगुणरयणरोहणगिरीणं । सुगुरुण भत्तिसारं, कयप्पणामो पयंपेइ ॥८६॥
तुम्ह समीवे भंते!, करणेणं कारणेणडणुमईए । मणवायाकाएहिं, जावज्जीवं पि मिच्छत्तं ॥८७॥
पच्चक्खिऊण नीसेस-मोक्खसंपाडणेक्ककप्पतरं । जावज्जीवं सम्मं, सम्मतं संपवज्जामि ॥८८॥
अज्जप्पभिइं मज्झं, जावज्जीवं पि परमभतीए । सम्मतसंठियस्स, होउ इमा भावपडिवत्ती ॥८९॥
अंतरअरिहणणाओ, देवो अरिहं खु देवबुद्धीए । निव्वाणसाहगगुणाण साहणा साहुणो गुरुणो ॥९०॥
जिणपहुपणीयजीवाडडइ-तत्तमयसमयसत्थसदहणं । निव्वुइपुरप्पयाणे, पउणप्पयवीपडिसमाणं ॥९१॥
होउ य मे पईदिण-मुचियपूयपुव्वं जिणिंदयंदणयं । सुसमाहियमणवइकाय-वित्तिणो तिसु वि संझासु ॥९२॥
धम्माडभिप्पाएण य, न कप्पए किं पि मह समायरिउं । लोइयत्तित्थेसु ण्हाण-दाणपिंडप्पयाणाडडई ॥९३॥
तह अग्निहुणणकिरिया, घडिवाहडिगाडडइजुत्तहलदाणं । संकंतिगहणदाणं, कन्नाहलविसयदाणं च ॥९४॥
संडपरिणयणकरणं, तिलगुलकणगकयथेणुदाणं च । कप्पासपवागोलोह-पमुहदाणं तहडन्नं पि ॥९५॥
धम्ममईए नाडहं, दाहं जम्हा अधम्मविसए वि । धम्ममईए नियेसो, नासइ पत्तं पि सम्मतं ॥९६॥
जं सम्मतं सुत्ते, अविवज्जासो मईए निद्विद्धो । सो पुण पुव्वुत्तेसुं, पवत्तमाणस्स कह होइ ॥९७॥
नो मे संपइ कप्पइ, कुत्तित्थपडिबद्धदेवलिगीसु । देवगुरुणो ति काउं, पडिवत्ती धम्मबुद्धीए ॥९८॥
नो मह तेसु पओसो, मणयं पि न भत्तिमेत्तमडवि किंतु । देवगुरुणुणविओगा, तेसु उदासत्तणं चैव ॥९९॥
को नाम किर सकन्नो, कणगगुणवियज्जिए वि वत्थुम्मि । कणगं ति मइं कुज्जा, कणगडत्थी जइ वि सो गाढं ॥१००॥
नहि अकणगं पि संतं, जणेण गहियं पि कणगबुद्धीए । कणगप्पओयणाइं, साहेउमडलं परं वत्थुं ॥१०१॥

| | |
|----------------------------------------------------------------------------------------------|------|
| गयरागदोसमोहतणेण, देवस्स होइ देवत्तं । तच्चरियाडडगमपडिमाण, दंसणा तं च विन्नेयं | ॥२॥ |
| सिवसाहगुणगणगउरवेण, सत्थडत्थसम्मगिरणेण । इह गुरुणो वि गुरुत्तं, होइ जहत्थं पसत्थं च | ॥३॥ |
| एवं नियनियलक्खण-लक्खियफुडदेवगुरुसरुवस्स । तत्थुत्ततपडिवत्ति-रुवसम्मत्तपडिमा मे | ॥४॥ |
| भवउ दव्वविसुद्धा, दुल्लंभगुणप्पहाणदव्वेहिं । सत्तीए दंसणंउगाणं, गउरवेणं पगिट्ठेणं | ॥५॥ |
| खेतविसुद्धा सव्वत्थ, देवगुरुगोयरा हु पडिवत्ती । तुल्ल च्चिय मज्झ परं, सीयंतेयरविभासाओ | ॥६॥ |
| कालविसुद्धा सा निर-इयारपरिपालणेण जाजीवं । भावविसुद्धा वि दढं, हट्ठप्पहट्ठत्तणं जाव | ॥७॥ |
| अहवा भावेणेवं, साइणिगहपमुहदोसगयसन्नो । उम्मत्तुक्खयचित्तो य, जाव न भवामि किं बहुणा | ॥८॥ |
| जाव य दंसणपडिमा-परिणामो कह वि नोवधायवसा । परिवडइ ताव मज्झं, दंसणपडिमा इमा होउ | ॥९॥ |
| एत्तो संकं संखं, वित्तिगिच्छं तह कुत्तिथिसत्थस्स । संथवपसंसणाइ य, वज्जइस्सामि जाजीवं | ॥१०॥ |
| नरवइगणबलदेवय-अभियोगा एत्थ मोक्कला मज्झ । वित्तिअभावो पिइमाइ-पमुहगुरुनिग्गहो य तहा | ॥११॥ |
| इय कयपडिमापडिवत्ति-सुंदरं सावगं गुरुजणो वि । उव्ववूहइ कयपुत्तो, धत्तो य तुमं ति जेण इहं | ॥१२॥ |
| ते धत्ता ताण नमो, ते च्चिय चिरजीविणो बुहा ते य । जे निरइयारमेयं, धरंति सम्मतवररणं | ॥१३॥ |
| एयं हि परं मूलं, कल्लाणाणं तहा गुणगणस्स । एएण विणाडणुट्ठाण-मडफलमुच्छूण पुक्कं व | ॥१४॥ |
| अविय- | |
| “मिथ्यात्वे अन्धपुत्रस्यदृष्टान्तः” | |
| कुणमाणो वि हु किरियं, परिच्चयंतो वि सयणधणभोए । दित्तो वि दुहस्स उरं, जिणइ न अंधो जह विपक्खं | ॥१५॥ |
| तह लित्तो वि निवित्तिं, परिच्चयंतो वि सयणधणभोए । दित्तो वि दुहस्स उरं, मिच्छदिट्ठी लहइ न सिव | ॥१६॥ |
| एत्थ य अंधक्ख्राणय-मेवं अक्खंति किर वसंतपुरे । नयरे राया नामेण, आसि रिउमदणो तस्स | ॥१७॥ |
| अंधो अहेसि पुत्तो, पढमो बीओ य दिव्वचक्खु ति । अज्झावगस्स पढणउत्थ-मप्पिया ते य नरवइणा | ॥१८॥ |
| गंधव्वप्पमुहाओ कलाओ, अंधो ति तेण जेट्ठसुओ । जाणाविओ तदियरो, धणुवेयाडडईओ सव्वाओ | ॥१९॥ |
| अह परिभूयं मुणिरुण अप्पयं, विगयचक्खुणा वुत्तो । उज्झाओ कीस न मइ, सत्थं तुं सिक्खवेसि ति | ॥२०॥ |
| उज्झाएणं जंपिय-मडहो महाभाग! चक्खुरहियस्स । कह तुज्झ तमडहमुज्जो-गिणो वि पारेमि परिक्हिउं | ॥२१॥ |
| अंधेणं पडिभणियं, जइ वि हु एवं तहा वि मं अहुणा । सिक्खवसु धणुव्वेयं, अह तग्गाढोवरोहेण | ॥२२॥ |
| उचइट्ठो गुरुणा से, तेण वि नाओ सुबुद्धिविभवेण । जाओ य सद्वेही, चुक्कइ न कहं पि लक्खस्स | ॥२३॥ |
| एवं ते दोवि सुया, कलासु कुसलत्तणं परं पत्ता । अन्नम्मि य पत्थावे, समागयं तत्थ परचक्कं | ॥२४॥ |
| अह सो कणिट्ठपुत्तो, पिउणो आणाए पवरबलकलितो । आहवविहिपरिहत्थो, चलिओ रिउचक्कमडक्कमिउं | ॥२५॥ |
| कह जेट्ठे विज्जंते, काउमिमं जुज्जए कणिट्ठस्स । इति जंपिऊण सामरिस-मडसमकोवं परिवहंतो | ॥२६॥ |
| रिउसेत्तं पइ अंधो चच्चंतो सासिओ इमं पिउणा । चच्छ! नियभूमिगाए उचियं चिय जुज्जए काउं | ॥२७॥ |
| न य सुट्टु कलाकुसलो वि, पबलभुयजुयलबलसणाहो वि । दिट्ठिविरहेण काउं, तुममडरिहसि समरवावारं | ॥२८॥ |
| इच्चाइभूरिवयणेहिं, णेगचाराउ चारिओ वि बहुं । अवगन्निऊण अंधो, दढकंकडनूमियसरीरो | ॥२९॥ |
| करडतडपगलियमयं, निविडगुडाडडडोवक्कप्पणाभीमं । आरुहिऊण गयवरं, निहरिओ झत्ति नयराओ | ॥३०॥ |
| सदाडणुसारपम्मुक्क-मग्गणुप्पीलछाइयदियंतो । परचक्केणं सद्धिं, जुज्जेणं संपलग्गो य | ॥३१॥ |
| अह सव्वत्तो सदाडणु-सारनिवडंतघायसंधायं । दट्ठूण मुणियत्तता, रिउणो मोणं समल्लीणा | ॥३२॥ |
| रिउसदं असुणंतो, तत्तो अंधो पहारमडकुणंतो । पारद्धो हणिउमडरीहिं, सव्वओ विहियमोणेहिं | ॥३३॥ |
| मोयाविओ य कहकहवि, भाउणा सो सचक्खुणा झत्ति । दिट्ठंतोवणओ इह, पढमं चिय दंसिओ चव | ॥३४॥ |
| पत्थुयमेत्तो भन्नइ, जाजीवं दंसणं गिही घेतुं । पच्छा य निरइयारं, दंसणपडिमं पवज्जेइ | ॥३५॥ |
| अह तं सम्मं परिपालि-ऊण तग्गुणजुओ पुणो बीयं । वयपडिमं पडिवज्जइ, तीए पुण गिण्हइ वयाइं | ॥३६॥ |
| पाणिवहाडलियअदत्त-बंधपरिग्गहनियित्तिरुवाइं । बंधाडडई अइयारे, वज्जइ य इमे सुजत्तेण | ॥३७॥ |
| सविसेसधम्मसवणाडडइएभु, किच्चेसु वट्ठई सम्मं । अणुकंपारसरसियंउत-करणविती य हवइ सया | ॥३८॥ |
| अह तइयं सामाइय-पडिमं पुव्वोवइट्ठगुणकलिओ । पडिवज्जेइ महप्पा, सम्ममुदासीणयाडडइजुओ | ॥३९॥ |

| | |
|--------------------------------------------------------------------------------------------|------|
| उदासीणय १ मज्झत्थ २-संकिलेसविसुद्धीओ ३ । अणाउलत्त ४ असंगत्तं, ५ एए पंच गुणा इहं | ॥४०॥ |
| जेहिं तेहिं जह तह, भोयणसयणाडडइएहिं चित्तस्स । जो संतोसो जायइ, सा हु उदासीणया वुत्ता | ॥४१॥ |
| सामाइयपढमंगं, एसा य विसुद्धिकारणतेण । भणिया जिणेहिं संपइ, भन्नइ मज्झात्थवित्ती उ | ॥४२॥ |
| एस सयणो परो वा, इय बुद्धी पयइतुच्छचित्ताण । पयईए विउलचित्ताण, पुण इमं जयमवि कुडुंबं | ॥४३॥ |
| जम्हा अणाइनिहणे, संसारमहासरे सरंताणं । बहुभवसयअज्जियकम्म-रासिवसगाण सताणं | ॥४४॥ |
| अन्नोन्नमउणेगविहो, कस्सेह न केण को य संबंधो । संजाओ इय चिंता, जा सा मज्झत्थवित्ती उ | ॥४५॥ |
| अह संकिलेसविसुद्धी, भन्नइ संवसइ जेहिं सह ताणं । अन्नाण य दुन्नयदंस-णे वि जमउणक्खपरिहरणं | ॥४६॥ |
| ठाणगमसुयणजागर-लाभाउलाभाइएसु सव्वत्थ । जो हरिसवेमणस्सा-उभावो सो पुण अणाउलया | ॥४७॥ |
| अह कणयकयवरेसुं, मित्ताउमित्तेसु सोक्खदुक्खेसु । बीभच्छपेच्छणिज्जेसु, तह य थुइचायनिंदासु | ॥४८॥ |
| अन्नत्थ य विविहमणो-वियारकारणसमागमे वि सया । समचित्तं जं तं, असंगयं बिंति जयपहुणो | ॥४९॥ |
| एयाणं समुदाओ पंचण्ह गुणाण परमसामइयं । अहव उदासत्तं चिय, एककं तक्कारणं परमं | ॥५०॥ |
| किं बहुणा- | |
| सावज्जजोगवज्जण-निरवज्जजोगसेवणारूवं । सामाइयमित्तरियं, गिहिणो परमं गुणट्ठाणं | ॥५१॥ |
| इय तइयाए सम्मं, करेइ सामाइयं स पडिमाए । मणदुप्पणिहाडडणाई, तहाडईयारे य परिहरइ | ॥५२॥ |
| पुव्वपडिमाजुत्तो, अट्टमीमाईसु पव्वदियहेसु । पडिवज्जई चउत्थीए, पोसहं चउविहंपि गिही | ॥५३॥ |
| अप्पडिदुप्पडिलेहिय-सेज्जासंथारगाडडइ वज्जेइ । सम्मं च अणणुपालण-माडडहारईसु एयाए | ॥५४॥ |
| अह पंचमपडिमाए, पोसहदिवसेसु एगराईयं । सो पडिमं पडिवज्जइ, पुव्वोइयसव्वगुणजुत्तो | ॥५५॥ |
| असिणाणो दिणभोई, अबद्धकच्छो दिणम्मि कयबंभो । रत्तिं परिमाणकडो, पडिमावज्जेसु दियहेसु | ॥५६॥ |
| झायइ पडिमाए ठिओ, तिलोयपुज्जे जिणे जियकसाए । नियदोसपव्वणीयं, अन्नं वा पंच जा मासा | ॥५७॥ |
| छट्ठीए बंभचारी, रत्तिं पि स होइ नवरि सविसेसं । जियमोहो अविभूसो, ठाइ रहे सह न इत्थीहिं | ॥५८॥ |
| चयइ य अइप्पसंगं, सिंगारकहं च जाव छम्मासा । पुव्वोइयपडिमासु, पडिवज्जमणो य अपमाई | ॥५९॥ |
| सत्तमपडिमाए पुणो, सचित्तमाडडहारमेस परिहरइ । पुव्वोइयगुणजुत्तो, अपमतो सत्त जा मासा | ॥६०॥ |
| आरंभमडट्टमीए सावज्जं कारवेइ पेसेहिं । पुव्वपवत्तं न सयं वित्तिकए अट्ट जा मासा | ॥६१॥ |
| नवमीए पेसेहि वि, सावज्जं कारवेइ नाडडरंभं । धणवं संतुट्ठो पुत्त-भिच्चनिक्खित्तभारो ति | ॥६२॥ |
| लोगववहारविरओ, थेवममतो य परमसंविग्गो । एसो पुव्वपवंचिय-गुणजुत्तो जाव नव मासा | ॥६३॥ |
| दसमीए तदुद्देसेण, जं कडं तंपि भुंजइ न भत्तं । छुरकयमुंडो कोई, सिहाथरो वा हवेज्ज गिही | ॥६४॥ |
| पुट्ठो य निहाणाडडई, सयणेहिं कहेज्ज जइ स जाणेज्जा । पुव्वपडिमासमग्गो, दस मासा जाव विहरेज्जा | ॥६५॥ |
| एगारसीए एसो, खुरेण लोएण वा वि मुंडसिरो । रयहरणोवग्गहधारी, समणभूओ दढं विहरे | ॥६६॥ |
| नवरं सयणसिणेहे, अब्बुच्छिन्ने तहाविहे कहवि । सन्नायसन्निवेसं, दट्ठुं वच्चेज्ज नियसयणे | ॥६७॥ |
| तत्थ वि सो आहारं, साहू विव एसणाए उवउत्तो । कयकारियाडणुमोयण-विचज्जियं चैव गिण्हेज्जा | ॥६८॥ |
| अह तस्सडभिगमणाउ, पुव्वाउत्तं तु भत्तसूयाई । कप्पइ आहारगयं, पच्छाउत्तं तु नो कप्पे | ॥६९॥ |
| तस्स य भिक्खट्ठाए, घरप्पविट्ठस्स जुज्जए वोत्तुं । पडिमोवगयस्स महं, भिक्खमडहो देह गिहिणो ति | ॥७०॥ |
| एवं च विहरमाणो, को सि तुमं इय परेण सो पुट्ठो । सड्ढो सावगपडिमा-पडिवन्नो हं ति पडिभणइ | ॥७१॥ |
| एवं उक्कोसेणं, एककारस-मास जाव विहरेइ । एगोहादियरेणं, सेसासु वि इय जहन्नेणं | ॥७२॥ |
| सम्मत्तासु य एयासु, कोवि धीरो गहेज्ज पव्वज्जं । अन्नो गिहत्थभावं, चएज्ज पुत्ताडडइपडिबंधा | ॥७३॥ |
| गेहट्ठिओ य संतो, पायं पम्मुककपाववावारो । सइ सामत्थे सीयंत-जिणगिहाडडई पडियरेज्जा | ॥७४॥ |

“साधारणद्रव्यविषयवर्णनम्” -

| | |
|---------------------------------------------------------------------------------------|------|
| तदउभावे साहारण-दव्ववएण वि करेज्ज तच्चिंतं । साहारणउत्थविणिओग-विसयमिय नवरि जाणेज्जा | ॥७५॥ |
| जिणभवणं१ जिणबिंबं२, तहजिणबिंबाण पूयणं तइयं३ । जिणपवयणपडिवज्जाइं, पोत्थयाणि य पसत्थाइं | ॥७६॥ |

निव्याणसाहगुणाण, साहगा साहुणो, य५ समणीओ६ । सद्धग्मगुणाडणुगया, सुसावगा७ साधिगाओ तथा८ ॥७७॥
पोसहसाला९ दंसण-कज्जं पि तथाविहं भवे किंपि१० । एवं दस ठाणाई, साहारणदव्वचिसओ ति ॥७८॥

“जिनभवनं” —

तत्थ य समणा अणियय-विहारचरियाकमेण जहसुत्तं । अणुपुव्वेण पुराईसु, मास-चउमासकप्पेण ॥७९॥
पडिबंधपरिच्चाएण, दव्वखेत्ताडडइएसु विहरंता । तह सावगा वि वाणिज्ज-तित्थजत्ताडडइकज्जेण ॥८०॥
मुणियाडडगमपरमत्था, जिणसासणपरमभत्तिसंजुता । गामाडडगरनगराईसु, किर चरमाणा पयतेण ॥८१॥
मग्गाडणुलग्गामाडडइएसु, जिणभवणपमुहनियपक्खं । गामदुवारडडभासाइ-संठियं पसिणयंति जणं ॥८२॥
तव्वयणाओ अत्थि ति, सम्ममडवगम्म जिणगिहाडडइयं । गच्छंति तत्थ विहिणा, पमोयभरपुलइयसरीरा ॥८३॥
जइ ताव थिरा ता पढम-मेव चिअवंदणं जहुत्तविहिं । काऊणं जिणगेहम्मि, भग्गालुग्गाइ पेहंति ॥८४॥
अह ऊसुगतणं ता, संखित्तरं पि पणमिडं पच्छा । तस्सडियपडियमंगं, पेहंति होज्ज तं कह वि ॥८५॥
तत्तो कुणंति सामत्थ-संभवे सावगा उ तच्चित्तं । तद्देसणादुवारेण, चेव मुणिणो वि जहजोग्गं ॥८६॥
अहवा सदेसपरदेस-गामनगराडडगराइठाणेसु । सच्चरियजणाडडइन्नेसु, सावगेहिं विरहिएसु ॥८७॥
परिदुब्बलसावगसंग-एसु या उदयियत्थुपुरिसेसु । जं होज्ज जिणघरं जिण्ण-सिण्णपरिसडियपडियाइं ॥८८॥
विहडियसंधिचयं वा, परिखीणदुवारदेसपिहणं वा । देसणपयट्टमुणिजण-मुहाउ तं अहव लोगातो ॥८९॥
सोच्चा किंपि कहिं पि च, दट्ठुं सयं सावगो विचित्तेज्जा । अणुरत्तअट्टिमिजो, जिणसासणभत्तिरागेण ॥९०॥
केणाडवि पुन्ननिहिणा, इयरुचजिणालयं कुणंतेण । परिपुंजिऊण धरिओ, नियजसपसरो अहं मत्ते ॥९१॥
किंतु इय निबिडघडणे वि, अहह! कालेण विहियमिह खूणं । अहवा विणस्सरा च्विय, सव्वपयत्था भवसमुत्था ॥९२॥
ता अहमडहुणा भंजेमि, एयक्ख्रूणं तथा कए य इमं । भवगतंतोणिवडिय-जणहत्थाडडलंबणं होही ॥९३॥
इति चित्तिऊण जइ तं, सत्तो सयमेव सुंदरं काउं । ता एक्को च्विय कुणेइ, सक्को काउं अह न एक्को ॥९४॥
ता अन्नेसिं पि हु सावगाण, जाणाविडं तमडत्थं तो । तच्चिसयमडड्ढुवगमं, कारावेज्जा भणिइकुसलो ॥९५॥
अह जह सो तह ते वि हु, असमत्था तत्थ पत्थुए अत्थे । अन्नो वि नडत्थि तक्कज्ज-कारओ को वि जइ ताहे ॥९६॥
इह अंतरम्मि साहा-रणस्स दव्वस्स होइ तं. विसओ । न हु साहारणदव्वं, यएज्ज थीमं जहकहंपि ॥९७॥
सीयंतजिणगिहाइ वि, नो वट्टेज्जा अओ उ अन्नतो । दव्वाडभावे साहा-रणं पि विवेज्जसु तथाहि ॥९८॥
जिन्नं नवीकरेज्जा, २सिन्नं पुण संठवेज्ज ल्हसियं च । पुणरवि संपधरेज्जा, सडियं च पुणो वि संधेज्जा ॥९९॥
पडियं समुद्धरेज्जा, लिंपावेज्जा य विगयलेवं च । विगयछुहं च ३छुहावेज्ज, देज्ज पिहणं च अपिहाणे ॥१००॥
तह कलसाडडमलसारग-पट्ठथंभाडडइयं तदंगं च । सडियपडियं तथा पडिय-खंडिच्छिड्डं च पायारं ॥१०१॥
एमाईयं अन्नं पि, तग्गयं परिविसंतुलं दट्ठुं । सम्मं समारएज्जा, सव्वं सव्वप्पयत्तेण ॥१०२॥
साहारणदव्वेण वि, तं जिणगिहमुद्धरावियं संतं । गुणरागिपेच्छगाणं, होइ धुवं बोहिलाभकए ॥१०३॥
पुढयाइयाण जइ वि हु, होइ विणासो जिणिदगिहकरणे । तच्चिसया तह वि सुदिट्ठि-णोडत्थि नियमेण अणुकंपा ॥१०४॥
एयाहितो बुद्धा, विरया रक्खंति जेण पुढयाई । तत्तो निव्याणगया, अबाहगा आभवमिमाणं ॥१०५॥
रोगिसिरावेहाडडइसु, वेज्जकिरिया व सुप्पउत्ता उ । परिणामसुंदर च्विय, चेट्टा संबाहजोगे वि ॥१०६॥
इय जिणभवणद्वारं, भणियं जिणबिंबदारमडह भणिमो । तत्थ पुराडडइसु सव्वंग-संगयं अत्थि जिणभवणं ॥१०७॥

“जिनबिम्बं” —

किंतु न तत्थडत्थिजिणिद-बिंबमतो जओ उ केणाडवि । तमयहीरियं व होज्जा, भग्गं व विलुगियं च तओ ॥१०८॥
पुव्वत्तविहाणेणं, साहारणदव्वमचि समादाय । नियसामत्थाडभावे, सम्मं कारेज्ज जिणबिंबं ॥१०९॥
कारित्ता जिणबिंबं, निरुवमरुवं ससिं थ सोमं च । पुव्वुत्तजिणगिहे तं, उचियविहीए पडिट्टेज्जा ॥११०॥
तं च गुणरागिणो केई, पेच्छिड्डं उच्छलंतरोमंचा । बोहिं लभेज्ज अन्ने, जिणदिक्खं तम्मि चेव भवे ॥१११॥
जइ पुण अणज्जजणसंगएसु, खिज्जंतवत्थुपुरिसेसु । पच्चंतदेसवत्तिसु सावगजणयज्जिएसुं च ॥११२॥

1. भग्गालुगाइ = रुग्णं = जीर्णम् । 2. सिन्नं = शीर्णम् । 3. छुहावेज्ज = सुधयेत् = धवलयेत् ।

गामनगराडडगराइसु, जिणभवणं होज्ज नवरि जज्जरियं । जिणबिंबं पुण सव्वंग-सुंदरं दरिसणीयं च ॥१३॥
 तत्थ अणारियजणकीर-माणआसायणाडडइदोसभया । ततो जिणालयाओ, तहट्टियाओ वि कडिद्धता ॥१४॥
 जिणबिंबं अन्नम्मि वि, संचारेज्जा पुराइए उचिए । अन्नतो संचारण-सामग्गीए पुण अभावे ॥१५॥
 साहारणदव्वाओ, तस्सामग्गिं करेज्ज जहजोगं । एगं च कए के के, न बोहिबीयाडडइणो सुगुणा ॥१६॥
 इय जिणबिंबद्वारं, भणियं जिणपूयदारमडह भणिमो । तत्थ सुचरियजणडडत-पमुहगुणजुत्तखेत्तेसु ॥१७॥
 अणहं जिणिंदभवणं, अणहं जिणबिंबमडवि परं किंतु । न कुओ वि पत्तियामेत-मडवि तहिं किंपि पूयंगं ॥१८॥

“साधारणद्रव्यव्ययविषये जिनपूजा” —

होइ ति सयं दट्ठुं, पुच्चुत्तविहीए अहव सोऊणं । तो मेलिय सव्वे वि हु, तप्पुरगामाइमयहरगे ॥१९॥
 साहू व सावगो वा, सुनिउणवयणेहिं पन्नवेज्ज जहा । इह तुम्हे चेव परं, एक्के धन्ना न अन्ने उ ॥२०॥
 जाण किर सन्निवेसे, इयरुवाइं विचित्तभतीणि । दीसंति कित्ताणं, मणोहराइं तहउत्तं च ॥२१॥
 सव्वे वि पूयणिज्जा, सम्मं सव्वे वि वंदणिज्जा य । सव्वे वि अच्चणिज्जा, तुम्हाणं देवसंधाया ॥२२॥
 तह कीस इह न संपइ, पूया जुत्तं न चेव तुम्हाणं । पूयंउतरायकरणं, देवाणेवमाइएहिं च ॥२३॥
 वयणेहिं ते सम्मं, उवरोहेज्जा अणिच्छमाणेसु । अन्नतो पूयाडसं-भवे य साहारणं पि धणं ॥२४॥
 दाउं तत्थाडडवासिय-मालागाराडडइलोयहत्थेणं । पूयं धूवं दीवं च, संखसइं च कारेज्जा ॥२५॥
 एवं च कए ठाणाडणु-रागकारीण भव्वसत्ताण । कप्पदुदुमो व्व उत्तो, नूणं गेहंउगणे चेव ॥२६॥
 दट्ठुं पूयाडइसयं, परमगुरुणं जिणाण विंबेसु । बंधंति बोहिबीयं, जीवा संजायबहुमाणा ॥२७॥
 एवं पूयादारं, सम्मं संखेवओ समक्खायं । वोच्छं गुरुवएसा, पोत्थयदारं पि अह तत्थ ॥२८॥

“आगमलेखन” —

अंगोवंगनिबद्धं, अणुओगचउक्कओवओगिं वा । जोणीपाहुडजोइस-निमित्तगम्भउत्थमडवरं वा ॥२९॥
 जं सत्थं जिणपवयण-परमुन्नइकारणं महत्थं च । वोच्छिज्जंतं दिट्ठं, सुयं च तं जइ लिहावेउं ॥३०॥
 सयमडसमत्थो अन्नो य, नउत्थि जइ तल्लिहावगो कोई । ता साहारणदव्वेण, तं लिहावेज्ज वुडिद्धकए ॥३१॥
 तिसरं चउस्सर बहुस्सरं च, विहिणा लिहाविऊणं च । तप्पोत्थयाइं सुवियडड-संघट्टाणेसु ट्ठवेज्जा ॥३२॥
 जे गहणधारणाए पडुया ओयस्सिणो यईकुसला । पइभाडडइगुणसमेया, ताण समप्पेज्ज विहिपुव्वं ॥३३॥
 आहारवसहिवत्थाडडइएहिं, काऊणुवग्गहं ताण । सासणवन्ननिमित्तं, कुज्जा तव्वायणविहिं च ॥३४॥
 अद्धरिसणीयमडत्तेसिं, सासणं कयमिणं कुणंतेणं । थिरया नवधम्माणं, चरणगुणाणं विसुद्धी य ॥३५॥
 अव्वोच्छिती जिणसासणस्स, भव्वाडणुकंपणं अभयं । सत्ताण य ता एत्थं पयट्टियव्वं जहासत्ति ॥३६॥
 पोत्थयदारं भणिऊण, भन्नई साहुदारमडह तत्थ । वत्थाडसणपत्तोसह-भेसज्जाडडइसमत्थं पि ॥३७॥

“साधु-साध्वी” —

फासुयमडकयमडकारिय-मडणणुमयं कोडिनवगपरिसुद्धं । उस्सग्गेणं मुणिपुंग-वाण संजमकए देज्जा ॥३८॥
 संजमपोसकए च्चिय, जइ जइदाणं कहं तपट्टाउ । एमेव पुढविकायाइ-हिंसणं होइ जुत्तं ति ॥३९॥
 ‘संथरणम्मि असुद्धं, दोण्ह वि गिण्हंतदित्तयाणडहियं । आउर-दिट्ठंतेणं, तं चेव हियं असंथरणे’ ॥४०॥
 चोरहरिओवहितं, गाढगिलाणत्तमोभवत्तितं । एमाई अन्नं पि हु, अववायपयं पडुच्च पुणो ॥४१॥
 वत्थाडसणाडडइयाणं, ओसहभेसज्जमाडडइयाणं च । जइ सव्वोवाएहिं अहागडाणं न संपती ॥४२॥
 तो कीयगडाडडईणि वि, संपाडेज्जा हु सपरसामत्था । अह अन्नतो तस्सत्ति-संभवो नेव से अत्थि ॥४३॥
 संपाडेज्जा इय अंतरम्मि, साहारणेण सो सम्मं । साहू वि ताणि गिण्हइ, छड्डणचित्तो अयन्नाए ॥४४॥
 जं उस्सग्गनिसिद्धाइं, जाइं दव्वाणि संथरे मुणिणो । कारणजाए जाए, सव्वाणि वि ताणि कप्पंति ॥४५॥
 चोयग आह—

जं चिय पए निसिद्धं, तं चिय जइ कप्पई पुणो तस्स । एवं होइ अणवत्था, न य तित्थं नेय सच्चं तुं ॥४६॥
उम्मत्तयायसरिसं खु, दंसणं न चिय कप्पडकप्पं तु । अह ते एवं सिद्धी, न होज्ज सिद्धी उ कस्सेवं ॥४७॥
आपरिय आह—

न वि किंचि अणुत्तायं, पडिसिद्धं वा वि जिणवरिंदेहिं । एसा हु तेसिमाडडणा, कज्जे सच्चेण होयव्वं ॥४८॥
किंच—

दोसा जेण निरुब्भंति, जेण खिज्जंति पुव्वकम्माइं । सो सो मोक्खोयाओ, रोगाडवत्थासु समणं व ॥४९॥
उज्जुयमग्गुस्सग्गो, अववाओ तस्स चेव पडिवक्खो । उस्सग्गा विणिवइयं धरेइ सालंबमडववाओ ॥५०॥
धावंतो उच्चाओ, मग्गन्नू किं न गच्छति कमेण । किं वा मउई किरिया, न कीरई असहओ तिक्खं ॥५१॥
उन्नयमडवेक्ख निन्नस्स पासिद्धी उन्नयस्स निन्नाओ । इय अन्नोन्नपसिद्धा, उस्सग्गडववाय दो तुल्ला ॥५२॥
जावइया उस्सग्गा, तावइया चेव होंति अववाया । जावइया अववाया उस्सग्गा ततिया चेव ॥५३॥
सट्ठाणे सट्ठाणे सेया बलिणो य होंति खलु एए । सट्ठाणपरट्ठाणा य, होंति वत्थुउ निप्फन्ना ॥५४॥
संथरओ सट्ठाणं, उस्सग्गो असहुणो परट्ठाणं । इय सट्ठाण परं वा न होइ वत्थुं विणा किंचि ॥५५॥
अववाओ वि ठियस्स हु, गीयस्स य पुट्टकारणे नेओ । अलमडइपसंगभणणेण, पत्थुयं चेव अह भणिमो ॥५६॥
सणाडडइलाभे, चएज्ज साहू असुद्धए विहिणा । पगुणत्ते आलोयइ, असुद्धमडन्नाइ जं भुत्तं ॥५७॥
इय जह साहुदारं, समणीदारं पि तह वियाणेज्जा । नवरं इत्थिताओ, तासिमडवायाण बहुलत्तं ॥५८॥
परिपिक्कसाउफलभर-बदरिसमाओ हवंति अज्जाओ । गुत्तिवइपरिगयाओ वि, सव्वग्ग्माउ पयईए ॥५९॥
ता ताण परमजत्तेण, सव्वओ निच्चरक्खणीयाण । जइ पच्चणीयदुस्सील-लोयवसओ भवेडणत्थो ॥६०॥
ता साहारणदव्व-प्पयाविहिणा वि सयमडसामत्थे । कुज्जा संजमपच्चूह-कारियिद्धंसणं सम्मं ॥६१॥
भणियं समणीदारं, सावगदारं भणामि तहियं च । धम्माणुरत्तचित्तो, धम्माणुट्ठाणनिरओ य ॥६२॥

“श्रावक-श्राविका” —

जह कहवि गुणपहाणो, सुसावओ वित्तिदुब्बलो होइ । अत्थि य वणिक्कला से, दविणविणासी य जइ नो सो ॥६३॥
ताहे साहारणदव्वओ वि, काऊण कं पि हु ववत्थं । ववहारनिमित्तं, तस्स, मूलरासिं समप्पेज्जा ॥६४॥
अह निच्चिन्नाणो तह वि, अद्धपायाडडइ देज्ज से अहवा । जइ नो वसणोवहओ न, कलहणो नेय पिसुणो य ॥६५॥
करकच्छाडडइसु सुद्धो, पवन्नदक्खिन्नविणयसारो य । ततो कम्मकरंतर-ठाणे सो च्चिय धरेयव्वो ॥६६॥
समधम्मवतिणो वि हु, तच्चिवरीयस्स धारणे नियमा । संभवइ अप्पणो पव-यणस्स खिसापयं लाए ॥६७॥
एवं सावगदारं व, साविगादारमडवि वियाणेज्जा । सविसेसमडइ विहेया, तच्चिंता अज्जियाणं व ॥६८॥
एवं च कुणतेणं, तेणं जिणसासणस्स धीरेणं । अब्बोच्छित्तिनिमित्तं, परमपयतो कओ होइ ॥६९॥

अहवा—

एवं विहिए विहियं, सम्मत्ताडडइगुणपक्खवाइत्तं । सव्वन्नसासणं पि य, पभावियं होइ तेणेव ॥७०॥
अविभावियसपरजणो, अणविक्खियसरिसजाइउवयारो । सहधम्मपरा मह बंध-व ति निच्चं विचिंतिंति ॥७१॥
साहम्मियाण सड्ढो, करेइ संसुमरणं पगरणेसु । संभासणं च दिट्ठाण, पूयणं पूगमाईहिं ॥७२॥
पडियरणं रोगाईसु विस्सामणमडद्धगमणखिन्नाणं । ताण सुहेण सुहितं, तग्गुणउब्भावणं चेव ॥७३॥
अवराहगोचणं जोयणं च, बहुगुणअवंइलाभम्भि । ववहारे सीयंताण, सारणं धम्मकिच्चेसु ॥७४॥
दोसाण सेवणे वा-रणं तथा चोयणं सुमहुरेहिं । वयणेहिं तेहिं परुसेहिं, चेव पडिचोयणं बहुसो ॥७५॥
सइ सामत्थे उवठंभ-करणमडह वित्तिदुब्बलाणं च । पडियारकरणमडच्चन्त-वसणगताविडियाणं ॥७६॥
नीसेसधम्मकज्जुज्जयाण, साहेज्जकरणमडणवरयं । दंसणनाणचरित्ते, ठियाण सम्मं थिरीकरणं ॥७७॥
इय बहुविहप्पगारं, साहम्मियवच्छलतणं नियमा । कुणमाणो सड्ढो तित्थ-वुड्ढिमडणहं जणइ भुवणे ॥७८॥
एवं पसंगपत्तडत्थ-जुत्तमडव्वायसाविगादारं । पोसहसालादारं पि, संपयं संपवक्खामि ॥७९॥

“पोषधशाला स्वरूपम्” —

| | |
|--------------------------------------------------------------------------------------------|--------|
| सुस्सामिपरिग्गहिणसु, तहय सुविसिद्धजणसमिद्धेसु । गामनगराडडगराइसु, पोसहसाला सडियपडिया | ॥८०॥ |
| जइ होज्ज होज्ज सड्ढा य, तत्थ भवभीरुणो महासत्ता । निच्चं पि छब्बिहाडडवस्स-याइसद्धम्मकम्मरया | ॥८१॥ |
| नवरि तहाविहलाभं-उतरायकम्मोदयस्स दोसेण । सब्बवसाया वि हु कट्ट-कप्पणा होंति निव्वाहा | ॥८२॥ |
| उद्धरिउमणा वि न चेव, सत्तिमंता तमुद्धरेउं जे । वियलियपक्खा सलहा य अप्पयं दीवए पडियं | ॥८३॥ |
| ता सइ सत्तीए सयं अन्नतो देसणं च काऊणं । उभयाडभावे साहा-रणाओ तं उद्धरावेज्जा | ॥८४॥ |
| एवं समुद्धराविय-पोसहसालो विहीए सो धन्नो । अन्नेसिं सुपयिती-निबंधणं होइ नियमेण | ॥८५॥ |
| दंसाई अगणिते, पोसहसामाइयं पवत्ते उ । संवेगभावियमई, झाणडज्झयणं करंते उ | ॥८६॥ |
| दट्टूण तत्थ सड्ढे, केइ निबंधंति बोहिबीयाइं । अन्ने उ लहयकम्मा, एत्तो च्विय संपबुज्झंति | ॥८७॥ |
| तित्थस्स चन्नवाओ, गुणरागीणं तहा पयिती य । अब्बोच्छिती तित्थे अभयं घोसावियं लोए | ॥८८॥ |
| एत्तो जे पडिबुद्धा, नियमा निव्वाणभायणं ते उ । ता तक्कयवहणाउ, विमोइया होंति जीवा उ | ॥८९॥ |
| जइ वि निपनियगिहेसु, आणंदाईण पुरिससीहाणं । एक्केक्कगाणुवासग-दसापमोक्खेसु सत्थेसु | ॥९०॥ |
| पोसहसालाओ चन्नियाओ, न तहा वि संभवइ दोसो । सुबहूणं साहारण-पोसहसालाए भणणे वि | ॥९१॥ |
| जम्हा सुबहूणं मीलगम्मि, सविसेसभाविणो सुगुणा । सम्मं अन्नोन्नकया, अणुहवसिद्ध च्विय तहाहिं | ॥९२॥ |
| अन्नोन्नयिणयकरणं, अन्नोन्नं सारणाडडइकरणं च । धम्मकहावायणपुच्छ-णाडडइसज्झायकरणं च | ॥९३॥ |
| सज्झायपरिस्संताण, तह य विस्सामणाडडइकरणं च । अन्नोन्नं सुहदुक्खाइ-पुच्छणं धम्मबंधूणं | ॥९४॥ |
| सुत्तडत्थतदुभयाणं, तुट्टाणं संधणं च अन्नोन्नं । अन्नोन्नं दिट्ठस्सुय-सामायारीए परिकहणं | ॥९५॥ |
| अन्नोन्नसुयडत्थाणं, विसयविभागम्मि ठावणं सम्मं । कायव्वं जोगविसए विहिअविहिनिरुवणं च मिहो | ॥९६॥ |
| पुच्छा य एक्कपोसह-सालामिलियाण होइ अन्नोन्नं । सइ निव्वहंतगेयर-धम्मडक्खणगोयरा ततो | ॥९७॥ |
| तन्निव्वहणुववूहा, इयरेसुच्छाहणं सुयविहीए । इय पेणीयपेरग-भावेण गुणुभवो परमो | ॥९८॥ |
| एत्तो च्विय चवहारे वि, रायपुत्ताडडइयाण निदिट्ठं । धम्मक्खणस्स करणं, पोसहसालाए एक्काए | ॥९९॥ |
| एवं किर सुबहूण वि, सुसावयाणं सुधम्मकरणाय । पोसहसाला एक्का, जुत्त ति कयं पसंगेण | ॥२९००॥ |
| पोसहसालादारं, गुरुवएसेण साहियं एयं । दंसणकज्जद्वारं, दरिसेमि संपयं किंपि | ॥१॥ |

“दर्शनकार्यस्वरूपम्” —

| | |
|----------------------------------------------------------------------------------------------|------|
| दंसणकज्जं नेयं, चेइयसंघाइगोयरं जमिह । अवितक्कियं कया वि हु, विसेसकिच्चं तहारूवं | ॥२॥ |
| तं पुण दुविहं इहइं, अपसत्थपसत्थभेयओ जाण । तत्थाडपसत्थगं तं, जं पडणीयाडडइदारेण | ॥३॥ |
| तित्थयरभवणपडिमा-भवंतभंगाडडइयाडणुबद्धाणं । संघोचद्ववछोभगरूवं, पडणीयकयमडहवा | ॥४॥ |
| देवादायाडडइकरावणाडडइ-विसयं च जं पसत्थं तं । तत्थ दुमे वि हु रायाइ-दंसणं संभवइ पायं | ॥५॥ |
| तं च न विणोचयारं, तदडसंपत्ती जया उ अन्नतो । ता साहारणदव्वाओ, तं विचिंतेज्ज उचियन्नू | ॥६॥ |
| एवं च कए के के, न उभयलोगुम्भवा गुणा तस्स । इह लोयम्मि किती, परलोए सुगइगामितं | ॥७॥ |
| चेइयकुलगणसंघे, आयरियाणं च पचयणसुए य । सब्बेसु वि तेण कयं, एत्थ जयंतेण जहजोगं | ॥८॥ |
| साहारणस्स जम्हा, चेइयभवणाडडइयं इमं चेव । वुत्तं दसगं विसओ, ता धन्नाणं खु एत्थ मई | ॥९॥ |
| इह होज्ज कस्सइ मई, ठाणगदसगं इमं न हु कर्हिंपि । वुत्तं जिणुत्तसुत्ते, न परुत्तं पुण पमाणत्ते | ॥१०॥ |
| स इमं वत्तव्वो हंत!, समुदियं नो कर्हिं पि भणियमिणं । भेएणं पुण सुत्ते भणियं चिय बहुसु ठाणेसु | ॥११॥ |
| तह साहारणदव्वं, पयडं चिय ताव दंसियं सुत्ते । चेइयदव्वं साहा-रणं च इच्चाइवयणेहिं | ॥१२॥ |
| तस्स विणिओगठाणं पि, अत्थओ भणियमेव भयइ धुवं । इह पुण दसहा जिणमंदि-राडडइरूवेण तं चेव | ॥१३॥ |
| विसयविभागेण फुडं, निरुचियं भव्वजणहियडट्टाए । आगमविरोहविरहेण, कुसलबंधिक्कहेउ ति | ॥१४॥ |
| जिणभवणाडडइपयाणं, एक्केक्कमि वि कया य पडिवती । पुत्तनिमित्तं जायइ, किं पुण ताणं समुदियाणं | ॥१५॥ |
| साहारणं च दव्वं आरंभंतस्स तदिणाओ वि । जिणभवणप्पमुहेसु, जायइ सब्बेसु पडिवती | ॥१६॥ |

जं तस्स साडणुबंधो, पथावइ पढममेव समकालं । तच्चिसयसच्चदच्च-कखेताडडइसु चित्तपडिबंधो ॥१७॥
 तम्हा नियदव्याओ, किंचि विहवाडणुसारओ चेव । परिचिन्तिऊण साहा-रणस्स पारंभगा जे उ ॥१८॥
 जे य अण्णियविहिणा, पइदिणमेयंनयति परिचुडिडं । परिवालयति जे वि य, अचलियचित्ता महासत्ता ॥१९॥
 जे वि य पुच्चुत्तकमेण, चेव जुंजति त जहाजोगं । तित्थयरनामगोत्तं, कम्मं बंधंति ते थीरा ॥२०॥
 पइदिणतच्चिसयपयडड-माणमाणसविसेसपरिओसा । नारयतिरयगइदुगं, ते नूण नरा निरुंभंति ॥२१॥
 संपज्जंति क्या वि य, न बंधगा अयसनीयगोत्ताणं । जायंति य सविसेसं, निम्मलसम्मतरयणधरा ॥२२॥
 थी पुरिसो वा पच्छा वि, तत्थ रित्थं नियं पयच्छइ जो । सो कल्लाणपरंपर-मडवियप्पं पावए परमं ॥२३॥
 इह लोगे च्विय जायइ, नियजसपब्भारभरियभुवणयलो । पुण्णाडणुबंधिसंपय-सामी भोई सुपरिवारो ॥२४॥
 जंमंतरम्मि उत्तम-देवो तदणंतं सुकुलउत्तो । पत्तो चरित्तसंपत्ति-भायणं तयणु सिद्धो वि ॥२५॥
 किं बहुणा भणिणं, जइ ता न हु तब्भवेण से मोक्खो । ता तइयसत्तमेसुं, अट्टमयं पुण न लंघेइ ॥२६॥
 जे पुण तम्मूढमणा, वामोहेणं क्हिं पि केणाडवि । नियपक्खवायवसगा, एक्कम्मि चेव जिणभवणे ॥२७॥
 जिणबिंबे वा मुणिसाव-गाडडहए वा वि एक्कहिं चेव । न य सब्बजिणगिहाडडइसु, सम्मं पुच्चोदितविहीए ॥२८॥
 वेच्चंति वंचगा पव-यणस्स ते कुगतिगामिणो जेण । तारिसपवित्तिओ ते, सासणयोच्छेयमिच्छति ॥२९॥
 भणियमियकालविगमण-पडिदारं सप्पसंगमडवि तइयं । बुच्चइ चउत्थमेत्तो, पुत्तपडिबोहपडिदारं ॥३०॥

“पुत्रप्रतिबोधकद्वारं” —

अह पुच्चपयंचियनिच्च-किच्चनिच्चलनिलीणनियचित्तो । केयइए वि हु काले, बोलीणे वाहिविरहेण ॥३१॥
 पुत्तपयपरिणइं पेच्छि-ऊण सविसेसवडिडउच्छाहो । आराहणाडभिलासी, सुसायगो जायवेरग्गो ॥३२॥
 निबिडपडिबंधंधुर-मडणद्धुरं पुत्तगं समाहूय । भववेरगकरीए, गिराए एवं पयंपेज्जा ॥३३॥
 वच्छ! नियच्छसु पयईए, दारुणत्तं भयस्स एयस्स । जम्हा इह दुल्लंभं, पढमं पि जियाण मणुयत्तं ॥३४॥
 मरणस्स संचयारो, जम्मो अच्चंतकट्टसंठपा । संज्झभरायचवला य, संपया पयइओ चेव ॥३५॥
 भीमा रोगभुयंगा, विबलत्तं निंति थेवकाले वि । वडविडविबीयतुच्छो, साडवाओ वि य सुहाडणुभवो ॥३६॥
 सुरगिरिगरुयाइं आव-डंति दुक्खाइं परमतिक्खाइं । अणुपयमडणुलग्गाओ, वियरंति आवयाओ वि ॥३७॥
 निच्छियभाविधियोगा, सब्बे वि हु लड्डइडसंजोगा । उप्पज्जंतमणोरह-पच्चूहा एइ मच्चू वि ॥३८॥
 न य लक्खिज्जइ एत्तो, मरिऊणं पेच्च कत्थ गंतव्वं । एवंविहा य दुलहा, पुणो वि सद्धम्मसामग्गी ॥३९॥
 ता वच्छ! न जावडज्ज वि, कवलज्जिइ मह जरापिसाईए । तणुपंजरमडबलत्तं, वच्चंति न इंदियाइं पि ॥४०॥
 उट्ठाणबलपरक्कम-वियलत्तणमडवि न जाव आवडइ । ताव तुहाडणुन्नाए, परलोयहियं पवज्जामि ॥४१॥
 अह कन्नकुहरकडुयं, विओगसंसूयगं गिरं सोच्चा । गिरिगरुयमोग्गरेणा-डडहओ व्व पाहाणपडिओ व्व ॥४२॥
 मुच्छानिमीलियडच्छो, ताविच्छसरिच्छआणणच्छाओ । उप्पन्नमन्नुरलिरडक्ख-राए वाणीए नियजणं ॥४३॥
 सोगविगलंतनेत्तो, पुत्तो जंपेज्ज ताय! हा कीस । एवमडकंडुडुमर-प्पायं वयणं समुल्लवसि ॥४४॥
 अज्ज वि न पत्थुयडत्थस्स, को वि संपज्जइह पत्थावो । अज्जवसायाओ इमाओ, ताय! ता संपयं विरम ॥४५॥
 तो जणगो से जंपेज्ज, पुत्त! अच्चंतविणयपडिबंधो । संजायपलियसंगं, ममोत्तिमंगं न किं नियसि ॥४६॥
 संचलियसंचयडट्ठिं, न कायजट्ठिं पि किं पलोएसि । ईसिपयासे वि न किं, विचलंति दंतपंतिं पि ॥४७॥
 लोयणबलियं नो नयण-जुवलियं किं न पेहसे वच्छ! । वलिसंतयं सरीरत्त-यं पि निन्नडुलायन्नं ॥४८॥
 पवरपरक्कमनिच्चत्त-णिज्जकज्जोयजायसंदेहं । देहं बिंबं व रयिस्स, पच्छिमाडडसाविलंबिस्स ॥४९॥
 पब्भट्टलडुसोहं, न या विभावेसि किं तुमं वच्छ! । जेणाडकालं जंपसि, पत्थावे पत्थुयडत्थस्स ॥५०॥
 लदधूण हि मणुयत्तं, जिणधम्मजुयं गिहीणमिणमुचियं । जं अब्भुज्जयजीविय-मंते अब्भुज्जयं मरणं ॥५१॥
 किञ्च—

विहियं निंदियदमणं, काऊण मणोनिरुंभणं जेण । लद्धं पि माणुसत्तं, अहह! गयं निप्फलं तस्स ॥५२॥
 ता पुत्त! समणुमन्नसु, सुपुरिसचरियाडणुरुवमडहमिन्दिं । मग्गं समणुसरामि, अह पुत्तो जंपए ताय! ॥५३॥

| | |
|-------------------------------------------------------------------------------------------------------|------|
| कथ्य इमं तुह तेलोक्क-चिम्हउप्यायगं तणुसरुवं । कथ्य य तदन्नहाकरण-कारणं चितियमिणं ते | ॥५४॥ |
| तहाहि— | |
| कट्टाडणुट्टाणमिमा, सुकोमला तुह तणू कहं सहिही । तिच्चाडडयवं दुमो च्चिय विसहइ न उणो कमलमाला॥५५॥ | ॥५५॥ |
| जं जत्थ वत्थु जुज्जइ, काउं तं तत्थ कुणइ किर विबुहो । किं कुणइ कट्टकुंडम्मि, को वि बालो वि हव्ववहं॥५६॥ | ॥५६॥ |
| एवं तुज्ज तणूए, मणहरलायन्नकतिकलियाए । होइ तयाडणुट्टाणं, कीरंतं नणु विणासाय | ॥५७॥ |
| ता ताए! निययबलवीरिय-पुरिसकारपरक्कमे कमसो । सफलतं नेऊणं, कट्टाडणुट्टाणमाडडयरसु | ॥५८॥ |
| अह ईसिहसणवसविहड-माणलट्टोडुडदलं किंचि । दीसंतदन्तपंति च, पुत्तमेवं भणेज्ज पुणो | ॥५९॥ |
| वच्छ! ममोवरि गुरुनेह-मोहिओ तेणमेवमुल्लवसि । कहमउन्नहा वियेए, संते एवं हवइ वयणं | ॥६०॥ |
| किं न कयं पुत्त! मए, मणुस्सजम्ममि जमुचियं किच्चं । सुविसिट्टलोयहिययस्स, तुट्टिजणयं सइ तहाहि | ॥६१॥ |
| अणुरुवट्टाणवयणा नीया लच्छी सलाहणिज्जतं । आरोवियभास्वख्रम-खंधो य सुओ तुमं जणिओ | ॥६२॥ |
| नियवंसपसूयाणं चिरपुरिसाणं कमो य अणुसरिओ । इय कयकिच्चो संपइ, परलोयहियं करिस्सामि | ॥६३॥ |
| जं पुण बलविरियपरक्कमाण, सहलत्तणाडडइयं तुमए । पुच्चिं ममोवइडुं, तं पि न जुत्तं जओ वच्छ! | ॥६४॥ |
| धम्माडणुट्टाणस्स वि, कालो सो चेव होइ पुरिसस्स । सामत्थं जत्थ समत्थ-कज्जविसयं परिप्फुरइ | ॥६५॥ |
| निरवज्जिदियसामत्थ-जोगओ सइ परक्कमे चेव । सयलाण वि करणीयाण, पच्चलो जायए पुरिसो | ॥६६॥ |
| जइया पुण सयलिनदिय-वेयल्लवसेण नीसहसरीरो । इह उट्टिउं पि न तरइ, तइया किं कुणउ कायव्वं | ॥६७॥ |
| जे धम्मअत्थकामा, नूणं तरुणत्तणंमि कीरंति । परिणयवयस्स ते चेव, होन्ति गिरिणो व्व दुल्लंघा | ॥६८॥ |
| जिणवयणमुणियतत्तस्स, सयलकिरियाकलावसज्जम्मि । बलसमुदयम्मि तम्हा, नरस्स धम्मज्जमो जुतो | ॥६९॥ |
| वीरियसज्जो जायइ, तवो हि तणुमेतसाहणो नेय । कुलिसो निद्लइ गिरिं, कयाइ नो मट्टियापिंडो | ॥७०॥ |
| परिवज्जिओ न सामत्थ-याए काउं तरेज्ज किंपि नरो । इच्छामि सबलविरिओ, काउं धम्मे मइं तेण | ॥७१॥ |
| तहा— | |
| तं विन्नाणं सो बुद्धि-पयरिसो बलसमत्थया सा उ । जा उवओगं वच्चइ एगंतेणेव अप्पहिए | ॥७२॥ |
| ता पुत्त! ममं हियइच्छियम्मि, अणुमन्निउं तुमं पि सयं । धम्मक्खणं कुणंतो, करेज्ज इहलोगक्कज्जाइं | ॥७३॥ |
| जओ— | |
| सद्धम्मकरणरहिए, अइक्कमंते खणे वि अप्पाणं । मुसियं मन्नइ थीरो, पमायदददंडं चरडेहिं | ॥७४॥ |
| कुज्जा य मइं सुधम्मे, जावउज्ज वि पभचइ चिरं जीयं । संकिन्नीभूयम्मि, तम्मि किं कीरण पच्छा | ॥७५॥ |
| जइयव्वं चिय धम्म-क्खणम्मि न पमाइयव्वयं तत्थ । सद्धम्मे निरयतरे, जं जायइ जीवियं सहलं | ॥७६॥ |
| जे निच्चं धम्मरया, अमय च्चिय ते जए मया वि नरा । जीवंता वि मय च्चिय, ते उण जे पावपडिबद्धा॥७७॥ | ॥७७॥ |
| जाइजरामरणहरं, सद्धम्मरसायणं पिबेज्ज सया । पीएण जेण जायइ, पुत्तय! मणनिव्वुई परमा | ॥७८॥ |
| तहा— | |
| धम्मज्जाणेण मणं, तयडणुट्टाणेण मणुयजम्मं पि । पसमउज्जणेण य सुयं, पुत्त! पयतेण सलहेज्जा | ॥७९॥ |
| इच्चाईवयणेहिं, पुत्तो पडिबोहिओ समाणो सो । अणुमन्नेज्जा पियरं, परलोयहियडत्थयितीए | ॥८०॥ |
| पुत्तपडिबोहदारं, चउत्थमेत्थं मए समक्खायं । सुट्टियघडणापडिदार-मिण्हि पंचमगमउक्खामि | ॥८१॥ |
| “पञ्चमसुस्थितघटनाद्वारम्” — | |
| अह सो अहिगयसतो कह कह वि तणुव्वेणडणुत्तातो । पइसमयमुत्तरोत्तर-वड्ढंतविसुद्धपरिणामो | ॥८२॥ |
| अप्पविणासाडडसंकाए, मुच्चमाणो व्व रागदोसेहिं । जोगो ति कलिय सहसा, सरिज्जमाणो व्व पसमेण॥८३॥ | ॥८३॥ |
| पुव्वकयकम्मकुलसेल-दलणदंभोलिविभममउदब्भं । चारिताडडराहणमुज्ज-एण चित्तेण प्रत्थित्तो | ॥८४॥ |
| संसारसमुत्थसमत्थ-यत्थुविगुणत्तणं च भावेतो । पेच्छन्तो सुहसुमिणे य, कम्मल्लाघववसेण जहा | ॥८५॥ |
| किर अज्ज मए पत्तो, पवित्तफलफुल्लसीयलच्छाओ । पवरतरु तच्छायाडडइ-एहिं आसासिओ य दढं | ॥८६॥ |
| उत्तारिओ य केणडवि, पहाणपुरिसेण पयइभीमाओ । हत्थाडचलंबदाणेण, सागराओ अपाराओ | ॥८७॥ |

| | |
|------------------------------------------------------------------------------------------------|--------|
| इच्चाइसुमिणदंसण-पमोयवसपसरमाणरोमचो । पडिबुद्धो वि समाणो, सविम्हयं इय विचिंतेज्ज | ॥८८॥ |
| एवविहं न दिट्ठं, न सुयं सुमिणं नया वि अणुभूयं । ता मन्ने कल्लाणं, भावि ममं किंपि अह कहवि | ॥८९॥ |
| तप्पुन्नपगरिसागारि-सिए व्य कालक्कमेण विहरंते । पुच्चगविट्ठे सुट्ठिय-मुणिवइणो आगए सोच्चा | ॥९०॥ |
| आगमणेणं एएसिं, नूणं किं किं न भावि भदं मे । के वा निसामइस्सामि, नेव सिद्धंतपरमत्थे | ॥९१॥ |
| पुच्चिं निसुए थिरपरि-चिए य काहामडहं ति चिंतंतो । गच्छेज्ज गुरुसमीचे, पमोयभरभरियसव्वंगो | ॥९२॥ |
| काउं पयाहिणतिय-माणंद जलाउलउच्छिविच्छोहो । तो पाएसु पडेज्जा, निडालताडियधरावट्टो | ॥९३॥ |
| अह पज्जुवासिऊणं सोउं च तदंतिए समयसारं । सो एस सुमिणदिट्टो, सुचिसिट्टमहाफलो साही | ॥९४॥ |
| सो च्चिय एसो हत्थाउच-लंबदाया ममं समुदंतो । एवं विचिंतयंतो, पत्थावम्मि भणेज्ज गुरुं | ॥९५॥ |
| भयवमउतुच्छविसप्पिर-मिच्छतजलप्पवाहपडहत्थं । दीसंतमहाभीसण-मोहमहावत्तसयकिन्नं | ॥९६॥ |
| अणवरयमरणजम्मण-महल्लकल्लोलवाउलियपारं । पइसमयभमिरबहुरोग-सोगमयरोरगाउउइज्जं | ॥९७॥ |
| पयईए गंभीरं, अणोरपारं च पयइओ चेव । पयईए य रउदं, अपत्तमुदं भवसमुदं | ॥९८॥ |
| पव्वज्जज्जाणवत्तं, समारुहिता विलांधिउं एयं । निज्जामगेण तुमए, हत्थं वंछामि मुणिनाह! | ॥९९॥ |
| अह धम्मगुरु पसरंत-भूरिकारुन्नमंथरपुडाए । अंतोफुरंतउणुग्गह-वससवियासाए दिट्ठीए | ॥३०००॥ |
| अणुगिण्हंतो व्य समत्थ-तित्थजलणहाणपूयपावं च । पकरिंतो महरगिराए, तं च एवं पडिभणेज्जा | ॥१॥ |
| हंभो देवाणुप्पिय! विन्नायसमत्थभवसरुवस्स । पडिवक्खपक्खनिक्खित्त-सव्वविसयाउभिलासिस्स | ॥२॥ |
| आसंसापंकविमुक्क-चित्तवित्तिस्स जियपमायस्स । पसमरसपाणपइखण-पवडढमाणप्पिवासस्स | ॥३॥ |
| परमूसवठाणट्टविय-समयविहिसारमरणकालस्स । अच्चत्तं जुत्तमिमं, तुह काउं एत्थ पत्थावे | ॥४॥ |
| आलोइऊण नवरं, पडिवन्नगुणाउइयारमुज्जुतो । मणवंधियं महायस!, करेसु निरवज्जपव्वज्जं | ॥५॥ |
| एवं चिय गिहिणो पाउणांति, चिरचिन्नसुगिहिधम्मस्स । फलमउहवा पज्जंते, संथारगदिव्खगहणेण | ॥६॥ |
| तदउसंपतीए पुण, सामाइयभावपरिणया संता । सुमुणि व्य चत्तसंगा, भत्तपरिणं पवज्जेति | ॥७॥ |
| इच्छामो अणुसिट्ठिं ति, कट्टु बहुमन्निउं गुरुगिरं सो । चिरकालपुन्नवंछो ति, किं पि इय जंपइ सखेयं | ॥८॥ |
| अहह! न कर्हिंपि भयवं!, विन्नाओ वि हु मए अपुत्रेण । एतियमेतं कालं, अच्छउ ता दंसणं तुम्ह | ॥९॥ |
| अहवा चिट्ठउ दंसण-छायासेवाइसंभवो ताव । कह कप्पपायवं पइ-विन्नाणं पि हु अपुत्राण | ॥१०॥ |
| सयलपुहवीपयाणं, पयडपयावो वि जह सहस्सकरो । निच्चमउविन्नाउ च्चिय, सहावतामसख्रगकुलस्स | ॥११॥ |
| एवं ममाउवि सामिय!, मोहमहातामसेक्कपयइस्स । विगुणस्स य अच्छंतं, कह च तुमं दंसणं एसि | ॥१२॥ |
| एस पुण मोहमइलस्स, मज्झ दोसो न चेव पहु! तुज्झ । पयडो च्चिय दिणनाहो, उलुएण अदीसमाणोवि | ॥१३॥ |
| अणुपयमउक्खलियप्पसर-प्पसरंतसुकंतकित्तिकोस! तुमं । इह कत्थ कत्थ तह केण, केण भयवं! न विन्नाओ॥१४॥ | ॥१४॥ |
| अवि य- | |
| वासावज्जविहारी, जइ वि य न विकत्थए गुणे नियए । अभणंतो च्चिय नज्जइ, पयइ च्चिय सा गुणगणाणं॥१५॥ | ॥१५॥ |
| भमरेहिं महुरीहि य, सेविज्जइ जह विसिट्ठगंधेणं । पाउसकालकयंबो, तह नाह! तुमं पि लोएण | ॥१६॥ |
| कत्थ व न जलइ अग्गी कत्थ व चंदो न पायडो होइ । कत्थ व न होंति पयडा, सुगुणा तुम्हारिसा पुरिसा॥१७॥ | ॥१७॥ |
| उदए न जलइ अग्गी मेहच्छइओ न दीसए चंदो । तुम्हारिसा पुण पहु, सव्वत्थ सया पभासंति | ॥१८॥ |
| अच्चंतमणहरो वि हु नाउउणंदं जणइ कमलसंडाण । छणससहरो न सारय-रवी वि रम्मो वि कुमुयाणं | ॥१९॥ |
| भयवं! तुमं पुण महा-पसमप्पमुहप्पहाणगुणजोगा । परमपरितोसयारी, सव्वस्स वि जीवरासिस्स | ॥२०॥ |
| किं बहुणा भणिणं, अज्जं मह सव्वसामिसम्माणो । अज्जं चिय अणुकूला, जाया भवियव्वया मज्झ | ॥२१॥ |
| अज्जं वद्धावणयं अज्जं सयलूसवाण समवायो । दिणमवि अज्ज कयत्थं, अज्जं चिय सुप्पभायं ति | ॥२२॥ |
| अज्जं चिय चित्तरई, अज्जं चिय परमबंधुसंबंधो । अज्ज कयत्थो जम्मो, साफल्लं लोयणाणउज्ज | ॥२३॥ |
| अज्ज समीहियलाभो, अज्जं चिय पुन्नरासिणा फलियं । अज्ज सवंचं लच्छीए पेच्छियं किर ममाउभिमुहं | ॥२४॥ |
| निरवज्जं अज्ज मए अणप्पपुत्राण पावणिज्जं जं । तुह पावपंसुपसमण! मुणिंद! पयपंकयं पत्तं | ॥२५॥ |

| | |
|------------------------------------------------------------------------------------------------|------|
| इय सुद्वियघडणानाम-धेयं पंचममिमं पडिद्वारं । वन्नियमेतो भन्नइ छट्टं आलोयणादारं | ॥२६॥ |
| “षष्ठम् आलोचनाद्वारम्” — | |
| अह सो सुगुरुवडट्टं, उवट्टिओडणुट्टिउं महासतो । सुस्सावगो विसोत्तिय-वसेण एवं न चिंतेज्जा | ॥२७॥ |
| भुज्जो भुज्जो बहुसो, बहूण सुगुरुणमंतियमि मए । आलोयणा वि दिन्ना, चरियाणि य पायच्छित्ताणि | ॥२८॥ |
| सच्चत्थ वि जयणासार-मेव किरियासु वट्टमाणस्स । थेवं पि मह नेवडत्थि, किं पि आलोइयव्वं ति | ॥२९॥ |
| किंतु दुरवगमसुहुमाडइ-यारसंसोहणडत्थमडवि देज्जा । आलोयणं पडुच्च, चारित्ताडइयारमिह एककं | ॥३०॥ |
| नाणदंसगतवविरिय-गोयराडडलोयणं तु साहु व्व । उवरिपवुत्तविहीए, देज्जा ता देसचारित्तो | ॥३१॥ |
| पुढविदगाडगणपवणे, वणे य पतेयडणंतरुवमि । वितिचउपंचिदियगोय-रं पि अइयारमाडडलोए | ॥३२॥ |
| तत्थ पुढवाडडइपणगे सम्मं जयणा पमायदोसेणं । जं न कया कह वि तयं, आलोएज्जा सुयविहीए | ॥३३॥ |
| वितिचउपण्णिदियाणं, परितावाडडईण करणओ जो य । अइयारो भंगो वा, वियडेज्जा तं च हियकंखी | ॥३४॥ |
| अलिए अब्भक्खाणाडडइ-दिट्टिवंचणमडदत्तदाणंमि । तुरियवए सुमिणमि वि, विवक्खकिड्डुंगफासाई | ॥३५॥ |
| तह सकलतादन्नत्थ-केलिगुज्जङ्गफासणाडडईयं । वीवाहपीडकरणाडडइ, इत्थिपुरिसाणमडविसेसा | ॥३६॥ |
| तह य परिग्गहमाणे खित्ताइअडक्कमं समालोए विसिमाणाउ परेणं, सयंगमं अन्नपेसं च | ॥३७॥ |
| उवभोगप्परिभोगे, अणंतबहुवीयगाडडइभोयणओ । कम्मयओ खरकम्मं, इंगालाई तहाडडलोए | ॥३८॥ |
| वियडे अणत्थदंडे, तेल्लाडडइणं पमायकरणं तुं । पावुवएसं हिंसप्प-याणमडवड्डाणमडवि सम्मं | ॥३९॥ |
| सामाइए फूसणाडडई, दुप्पणिहाणाइ छिन्नणाई य । दंडगचालणमडविहाण-करणपमुहं समालोए | ॥४०॥ |
| देसाडवगासिक्खमि वि, पुढविकायाडडइसंवरडकरणं । अजयणचीवरधुवणा-डडइयं च सच्चं समालोए | ॥४१॥ |
| पोसहविसए सेज्जा-थंडिलपडिलेहणाइ जं न कयं । तप्पालणं च सम्मं, जं न कयं तं पि वियडेज्जा | ॥४२॥ |
| अतिहिविभागो य कओ, असुद्धअमणुन्नभत्तपाणेहिं । इयरेहिं पुण न कओ, जईण जं तं पि वियडेज्जा | ॥४३॥ |
| नियमेण गेण्हियच्चा, अभिग्गहा केई धम्मियजणेणं । निरभिग्गहस्स जम्हा, न वट्टए आसिउं तस्स | ॥४४॥ |
| एएसि जमडगहणं, पमायओ भंसणा व गहियाणं । एसो उ अइयारो, भणितो आलोयणाविसओ | ॥४५॥ |
| इय देसचरणविसए, अइयारे वियडिउं अह जइ व्व । तवविरियदंसणगए वि, नूण वियडेज्ज अइयारे | ॥४६॥ |
| तहा— | |
| साहुसाहुणिवग्गे, गिलाणओसहनिरुचणं न कयं । जिणइंदमंदिराडडईसु, पमज्जणाई य जं न कयं | ॥४७॥ |
| चेइयभवणंउतो जं, सुत्तं भुत्तं च पीयडमह जं च । जं पाणिपायपमुह-पक्खालणं तं च वियडेज्जा | ॥४८॥ |
| तंबुलभक्खणावील-खेलसिंघाणजल्लखिवणाई । तह साहणाइयं वाल-विउरणं तह जिणगिहंउतो | ॥४९॥ |
| जमडणुचियाडडसणगहणं, असक्कहा वि य जिणिंदभवणंउतो । विहिया तं सच्चं पि हु, जिणभत्तिपरो उ वियडेज्जा | ॥५०॥ |
| जं चेइयदच्चुयजीवणं च; रागाइणा कह वि विहियं । 'विवलायंतं चेइय-दच्चं समुवेक्खियं जं च | ॥५१॥ |
| आसायणा अचन्ना अरहंताडडईण जा कया का वि । तं सम्मं सच्चं पि हु, वियडेज्जा अत्तसोहिकए | ॥५२॥ |
| धम्मगुणसंजुयाणं, निच्चं उववूहणाइ जं न कयं । जं मच्छरदोसुब्भा-वणाइकरणं पि तं वियडे | ॥५३॥ |
| किं बहुणा जं किंपि हु, कहिं पि पडिसिद्धकरणमिह विहियं । कायव्याणमडकरणं, करणे वि हु जं न सम्मकयं | ॥५४॥ |
| जिणभणियाडसद्वहणं, वियरीयपरुचणं च जं विहियं । तं सच्चं भव्वेणं, आलोएयच्चयं सम्मं | ॥५५॥ |
| इय छट्टं गिहिगोयर-माडडलोयणदाणदारमुवडट्टं । जंपेमि किंपि संपइ, आउपरिन्नाणदारमडहं | ॥५६॥ |
| “सप्तमम् आयुपरिज्ञानद्वारम्” — | |
| अह दंसियविहिणाडडलो-यणाए दिन्नाए सो गिही कोई । होज्जा २सह ३असह वा, समग्गमाडडराहणं काउं | ॥५७॥ |
| जो तत्थ सह सो वि य, नीरोगंउगो तहेयरो य भवे । असह वि य दुवियप्पो, एवं चिय होइ नायच्चो | ॥५८॥ |
| तत्थ य सह व्व असह, समीयसंपत्तमरणकालो जो । सो पुच्चभणियविहिणा, भत्तपरिन्नं लहु करेज्जा | ॥५९॥ |
| आसन्नाडणासन्नं, सेसाणं पुण वियाणिउं मरणं । भत्तपरिन्नाडडइविही, तक्कालुचिया भवे जुत्ता | ॥६०॥ |

1. विवलायंतं = विपलायमानं = विनश्यद इत्यर्थः। 2. समर्थः। 3. असमर्थः।

| | |
|----------------------------------------------------------------------------------------------------|------|
| आसन्नेयरमच्चू, कालविभागो य जइ वि सव्वन्तुं । न विणा नज्जइ सम्मं, विसेसओ दूसमासमए | ॥६१॥ |
| तस्स परित्राणडट्टा, केइ उवाए तहा वि परिथूले । अहभुवइसामि तव्विसय-सत्थसामत्थजोगेणं | ॥६२॥ |
| जह जलहराउ वुट्टी, जह दीवाउ तमोगयपयत्था । जह धूमाओ अग्गी, जह पुप्फाओ फलुप्पाओ | ॥६३॥ |
| बीयाओ अंकुरो जह, तह एयद्दारसमुदयाओ वि । लक्खिज्जइ पाएणं, कुसलेहिं मरणकालो वि | ॥६४॥ |
| “मृत्युकालपरिज्ञानद्वारे एकादशप्रतिद्वारवर्णनम्” — | |
| देवय-सउण-उवस्सुइ, -छाया-नाडी-निमित्त-जोइसओ । सुविणग-अरिड्ड-जंत-प्पओग-विज्जाहिं कालगमो [दारगाह] | ॥६५॥ |
| अंगुट्टुखग्गदप्पण-कुड्डाइसु पवरविज्जसत्तीए । अवयारिया विहीए, तहाविहा देवया का वि | ॥६६॥ |
| साहेज्ज पुच्छियत्थं, नवरं विहिणा दढं सुइभूओ । निच्चलमणो सरेज्जा, विज्जं तदेवयाडडहवणिं | ॥६७॥ |
| विज्जा एत्थं पुण ‘ॐ नरवीरे ठ ठ’ इम ति नायव्वा । रविससिगहणे एसा, अट्टुतरदससहस्साण | ॥६८॥ |
| जावेण साहियव्वा, अह संपतम्मि कज्जकालम्मि । अंगुट्टाइसु लीयइ, अट्टोतरसहसजावेण | ॥६९॥ |
| ततो कुमारियाओ, वंछियमत्थं नियति निम्भंतं । सम्मतनिच्चलाणं, णवरं वंछियकरी एसा | ॥७०॥ |
| अहव सयं चिय सक्खा, अक्खित्तमणा गुणेहिं खवगस्स । तं नत्थि जं न साहइ केतियमिह मरणकालं तु [देवयादारं] | ॥७१॥ |
| सज्जो व गिलाणो वा, सयं परेणं व आउनाणकए । सउणं निरुवएज्जा, अह पढमं तुत्थ सज्जकए | ॥७२॥ |
| कयदेवगुरुपणामो पसत्थदियहंमि परमसुइभूओ । गेहे बहि व सम्मं, परिभावेज्जा सउणभावं | ॥७३॥ |
| अहिमूसयकिमिकीडा-कीडियगिहगोहविच्छियाडडईणि । रप्फुद्देहियफोडा-मंकुणजूयाइ अइरित्तं | ॥७४॥ |
| लुयमक्कडियाजालय-भमरीगिहधन्नकीडया लोणं । लेवप्फोडविचन्नं, कारणरहियं भवे अहियं | ॥७५॥ |
| उव्वेयकलहइंझा, धणतासो वाहिमरणवसणाई । उच्चाडणं विएसो, सुण्णघरं होइ अचिरेण | ॥७६॥ |
| अह कहयि कया वि कहिं पि, वायसो सुहपसुतउवत्थस्स । चंचूए चिहरचयं, चुंटइ ता मरणमाडडसन्नं | ॥७७॥ |
| वाहणसत्थोवाणह-छत्तयछायंगकुट्टणमडसंको । जस्स किर कुणइ काओ, सो वि लहुं जममुहगमिस्सो | ॥७८॥ |
| पाएहिं महिं गाढं, गावो कुइति असुपुन्नउच्छा । जइ ता न केवलो च्चिय, रोगो मरणं पि तप्पहुणो | ॥७९॥ |
| इय सज्जाडवत्थकए, सउणसरुवं पयासियं किंपि । संपइ गिलाणविसयं पि, किंपि साहेमि निसुणेह | ॥८०॥ |
| जइ पिट्टंउतं चट्टइ, सुणहो वलिऊण दाहिणदिसाए । तो मरइ वाहिघत्थो एगदिणउभंतरे मुणह | ॥८१॥ |
| जइ लिहइ उरं तो दोन्नि, वासरे चट्टियमि नंगूले । दियहाइं तिन्नि जीवइ, णिवेइयं साणसउणेणं | ॥८२॥ |
| जइ सव्वंगं संकोचिऊण, सोचइ निमित्तकालंमि । तो जाणह वाहिल्लो, गयजीओ तक्खणे जातो | ॥८३॥ |
| धुणिऊण कन्नजुयलं, अंगं वलिऊण धुणइ जइ सुणओ । ता मरइ रोगगहिओ, इंदो वि न रक्खिउं तरइ | ॥८४॥ |
| वाइयवयणो लाला-मुयंतओ इंपिऊण नयणजुयं । संकोचिऊण अंगं, सोवंतो जमपूरिं नेइ | ॥८५॥ |
| वायसपक्खिसमूहो, आउरगेहस्स उवरि जइ मिलिओ । संझासु तीसु दीसइ, तो जाण विणासए जीयं | ॥८६॥ |
| जस्स सयणीयगेहे, महाणसे वा ठवित्ति किर कागा । चम्मं रज्जुं वालं हइं वा सो वि लहु मरिही [सउणदारं] | ॥८७॥ |
| अह एतो कितिज्जइ, अब्बभिरियं उवस्सुइदारं । तत्थ पसत्थम्मि दिणे, जाए जणसुयणसमयम्मि | ॥८८॥ |
| अंतो बहिं व लिंपित्तुमुदरेणउद्वचंदणेण तओ । गंधसमुद्धरबंधुरगंधेहिं समभिवासित्ता | ॥८९॥ |
| सूरी परंपराडडगय-गणहरगणमणडभिरामणीएण । मंतेणं कन्नजुयं, अभिमंतिता पयतेणं | ॥९०॥ |
| पंचनमोक्कारेण वि, अहवा कयदेवयागुरुपणामो गंधक्खयजुयहत्थो, सियवत्थकउत्तरासंगो | ॥९१॥ |
| आउपरिमाणकए, कयपणिहाणो अणउन्नचित्तो य । परिपिहियकन्नकुहरो, विणिक्खमिन्ता सठाणातो | ॥९२॥ |
| उत्तरईसाणपसत्थ-दिसिमुहं अह कमेण गंतूण । चंडालवेससिप्पिय-चच्चरतियवलणदेसेसु | ॥९३॥ |
| पक्खिविय अक्खए गंध-बंधुरे तो उवस्सुइसदं । अवधारेज्जा सम्मं सो सद्दो उण दुहा नेओ | ॥९४॥ |
| एगो य पयत्थंतर-ववएसा तस्सरुवगो इयरो । पढमो चिंतागम्मो फुडकहियत्थो च्चिय परो उ | ॥९५॥ |
| जह एस गिहत्थंभो, एवइयदिणेहिं अहव पक्खेहिं । मासेण वच्छरेण च, भज्जिस्सइ नेव वा नूणं | ॥९६॥ |
| आसि असुंदरो वा, किं तु लहुं एस भज्जए लग्गो । चिरटाई वा दीवो, अहवा लहुं नंदए लग्गो | ॥९७॥ |
| २पीढीदीवसिहाकट्ट-पत्तिपभिईउ जाण थीविसए । इच्चाइपयत्थंतर-ववएसा उवसुईसद्दो | ॥९८॥ |

1. रप्फु = वल्मीक = राफडो इति भाषायाम्। 2. पीढी = पीडिउं (देशी)।

एस पुमं इत्थी वा, न जाइहि च्विय इमाउ ठाणातो । न वयं गंतुं देमो, एसो वि न चेव गमणमणो ॥९९॥
दोण्हं तिण्ह चउण्ह व, दिणाण मज्झम्मि अहव उचरिं वा । एवइयसंखदिणपक्ख-मासवरिसुवरि अंतो वा ॥१००॥
जइ अज्ज वि एस गमं, काही अहवा महायरेणाउचि बहुसो वि धरिज्जंतो, गमिही लहु एस न हु ठाही ॥१॥
अज्जं चिय रयणीए, कल्लं वा परतरम्मि वा दिवसे । गमणूसुगो धुवमिमो, वयं पि लहु पेसणमण ति ॥२॥
तेण लहुं गमिहि च्विय, इच्चाई तस्सरुवगो नाम । बीओ उवस्सुईए, सद्दो एवं दुगं सोच्चा ॥३॥
निज्जामगो मुणिवरो, अहवा तप्पेसिओ परो को वि । पत्थुयगिलाणमाउउसज्ज, उचियक्किच्चं करेज्जइहवा ॥४॥
कञ्जुग्घाडणसमणंतरं खुं जं किंपि सुणइ ततो वि । आसन्नाउणासन्नं कलित्ति कालं कलाकुसला [उवस्सुईदारं] ॥५॥
भणियमुवस्सुइदारं, दारं छायाए सपयं तत्थ । छायं बहुभेयं पि हु, वोच्छं सामन्नओ चेव ॥६॥
आउपरिन्नाणकए, सम्मं निक्कंपमणवईकाओ । पइदिवसं पि किर नरो, निरुवएज्जा नियं छायं ॥७॥
सम्मं वियाणइता, सरुवओ अप्पणो तणुच्छायं । सत्थनिदंसियविहिणा, सुहाउसुहं तो वियाणेज्जा ॥८॥
आयवदप्पणसलिलाउउइएसु, अंगाउ जा पडिप्फलइ । संठाणमाणवन्ना-इएहिं सा खलु पडिच्छाया ॥९॥
सा होज्ज जस्स सहसा, छिन्ना भिन्ना तहाउउला सहसा । अहवूणा अहिया वा, संठाणपमाणवन्नेहिं ॥१०॥
रज्जुसमाणाउउगारा व, जस्स कंठप्पइट्टिया छाया । लक्खिज्जइ अक्खिज्जइ, खिप्पं कं खइ खयमिमो ति ॥११॥
जलतीरठिओ पट्टीए, कयरवी पेच्छिरो नियच्छायं । भिन्नठियउत्तिमंगं, जमगेहे गच्छइ हत्थं ॥१२॥
असिरं व बहुसिरं वा, किं बहुणा पयइविसरिससरुवं । नियच्छायं जो पेच्छइ, हत्थं गच्छइ स जमगेहं ॥१३॥
छाया जस्स न दीसइ, वियाण तज्जीवियं दस दिणाणि । छायादुगं च दीसइ, जइ ता दो चेव दिवसाणि ॥१४॥
अहवा—

अंतोमुहुत्तमेत्ते, दिवसे उदयाउ सम्ममुवउतो । अच्चंतसुईभूओ, पट्टीए ठवेत्तु रविबिबं ॥१५॥
अहिगयसुहाउसुहकए, नेमिती निप्पकंपमउप्पाणं । धारंतो थिरचित्तो, छायापुरिसं निरुवेज्जा ॥१६॥
तत्थ जइ ता तमउक्खय-सव्यंगं पासए तथा कुसलं । तप्पायाणं पुण जइ, अदंसणं ता विदेसगमो ॥१७॥
ऊरुण जुगे रोगं, गुज्झो उ विणस्सए पिया नूणं । उयरे अत्थविणासो, हियए मच्चू अदीसंते ॥१८॥
दक्खिणवामभुअदंसणे उ, जाणाहि भायसुयनासो । सीसे उ अदीसंते, छम्मासाओ भवे मरणं ॥१९॥
सव्यंगमउदीसंतम्मि, तम्मि जाणाहि सज्जमरणं तु । एवं छायापुरिसातो, आउकालं वियाणेज्जा ॥२०॥
जो न जलदप्पणाउउईसु, नियच्छायं नियइ नियइ वा विगियं । ^१समवती तस्स फुडं, समीववती परिब्भमइ ॥२१॥
एवं छायाहित्तो वि, सम्ममुवओगसारपारम्भो । पाएण मच्चुविसयं, कलेइ कालं कलाकुसलो [छायादारं] ॥२२॥
एतो नाडिदारं, नाडिं च तिहा भणंति तच्चिउणो । पढमो इडा परा पि-गला य तइया सुसुमणा य ॥२३॥
वामवहा आइल्ला, दाहिणपरिवाहिणी भवे बीया । तइया पुण उभयवहा, तच्चिसयं निच्छियपहाणो ॥२४॥
^२ऊपियवयणो निप्फंद-लोयणो मुक्कसयलवावारो । जो ^३एहावत्थुगतो, सो जोगी लहइ फुडलक्खं ॥२५॥
सड्ढं घडियाण दुगं, वहइ इडा पिंगला य अणुकमसो । खणमेत्तं खु सुसुमणा, एत्थउत्थे विन्ति अन्ने उ ॥२६॥
गरुयक्खरठक्कुच्चार-कालपरिमाणमेगमूसासं । नीसासं वा पाणं ति, बेन्ति सुत्थंउगदेहिस्स ॥२७॥
तेसिं पाणाणं तिहिं, सएहिं सट्टीए समहिएहिं तु । जायइ बज्झा घडिया, एक्का अह तेण माणेणं ॥२८॥
वहइ इडा घडियापं-चगंति तं पिंगला छपाणोणं । छप्पाणे उ सुसुमणा, ^४पइय पवाहो इमाणमिमो ॥२९॥
एत्थ य वामा चंदो, दिणनाहो दाहिणे भवे इण्हिं । कालपरिन्नाचायं, वोच्छं एयाउणुसारेणं ॥३०॥
आउयचिन्ताउवसरे, पाणपवेसाउ जीवियं जाण । निग्गमणे पुण मरणं, भणियमिणं परमरिसिगुरुणा ॥३१॥
चंदाए दिणेसो, अहव दिणेसायए जया चंदो । असमंजसवहगा वा, दो वि तथा जियइ छम्मासं ॥३२॥
जइ उत्तरायणदिणा-दाउउरब्भ दिणाणि पंच परिचहइ । एक्कसरो च्विय सूरु, तो जीवति वरिसतिगमेव ॥३३॥
अह वहति दिवसदसगं, ता जीवति दोण्णि चेव वरिसाणि । पन्नरसदिणवहे पुण, एक्कसरे वरिसमेगं तु ॥३४॥
अह उत्तरायणादेव, जस्स वीसं दिणाणि एक्कसरो । वहई दिणाहियो ता, छम्मासे चेव सो जियइ ॥३५॥

| | |
|---------------------------------------------------------------------------------------------------|------|
| पणुवीसाए तिमासं, छव्वीसाए य जियइ दो मासे । सत्तावीसदिणवहे, रविमि पुण मासमेक्कं खु | ॥३६॥ |
| अह उत्तरायणाउ, अट्टावीसं दिणाणि परिवहति । एक्कसरो चेव रवी, पन्नरस दिणाणि ता जियइ | ॥३७॥ |
| एगूणतीसदिणवह-रविमि पुण जाण दिवसदसगं खु । तीसाए दिणपणगं, एक्कतीसाए दिवसतिग | ॥३८॥ |
| बत्तीसाए दिणदुगं अह तेत्तीसाए जियइ दिणमेक्कं । अन्नं पि सप्पसंगं, किंपि पवक्खामि संखेवा | ॥३९॥ |
| सयलदिणं दिणनाहो, वहमाणो माणवाण साहेइ । उप्पायं किंपि गिहे, दिणदुगवाही य गोतभयं | ॥४०॥ |
| गामे गोते य भयं, तिदिणवहो कहइ चउदिणवहो उ । सत्थायत्थस्स वि जो-गिणो धुवं पाणसंदेहं | ॥४१॥ |
| पंचदिणप्पवहो पुण, मच्चुं सच्चवइ जोगिणो नूणं । वाहिं च किच्छसज्झं, दिणठक्कवहो नरवइस्स | ॥४२॥ |
| सत्ताऽहोरत्तवहो, तुरगाण खयं कहेइ निब्भंतं । अंतेउरभयजणगो, अणवरयं अट्टदिणवाही | ॥४३॥ |
| नववासरवाही पुण, महाकिलेसं कहेइ नरवइणो । मरणं दसदिवसवहो, तंतभयं रुद्धदिणवाही | ॥४४॥ |
| बारसतेरसदिवस-प्पवहो कमसो अमच्चंतिभयं । कुणइ चउद्दहदिणपरि-वहो तहा मंडलभंसं | ॥४५॥ |
| पन्नरसदिणपवाही, महाभयं भणइ सब्बलोयस्स । सब्बमिमं जहभणियं, नेयव्वं चंदचारे वि | ॥४६॥ |
| जस्स रविमि वहंते, पयईए जायए विवज्जासो । बज्झऽभंतरवत्थूसु, कारणविरहे वि किर एवं | ॥४७॥ |
| दिव्वे सद्दे सुणई, समुद्दपुरसंभवे य अच्चंतं । अक्कोसेसु पसीयइ, हरिसिज्जइ न सुहिसद्देसु | ॥४८॥ |
| विज्झायदीवगंधं, न पडुयघाणिदिओ वि उवलभइ । उन्हे वि सीयबुद्धी, सीए पुण उन्हपडिहासो | ॥४९॥ |
| नीलच्छविमच्छीणं, रिंछोलीहिं तु आवरिज्जइ य । मणसो य विंभलत्तं, जायइ जस्स य अकम्हा वि | ॥५०॥ |
| इच्चाई अन्नो वि हु विवज्जओ होइ जस्स पयईए । सूरमि परिवहंते, तस्साऽवस्सं लहुं मरणं | ॥५१॥ |
| चंदोदए वि पयइ-विवज्जयाऽणुभवणेण होइ धुवं । उद्देरोगसोग-प्पहाणभयमाणमलणाऽऽई [नाडीदारं] | ॥५२॥ |
| भणियं नाडीदारं, एत्तो भोमाइअट्टभेयं पि । सामन्नेणेव परं, निमित्तदारं पयंपेमि | ॥५३॥ |
| चंकमणठाणनिसियण-सोवणभूमिनिमित्तविरहे वि । दुग्गंधत्तं जालाओ, जस्स दावेइ विदलइ वा | ॥५४॥ |
| अन्नं वा कलुणक्कंद-सद्दकरणाऽऽइयं जइ वियारं । सहसा दरिसेइ तया, छम्मासंतो भवे मरणं | ॥५५॥ |
| सज्जं परकेसेसुं, धूमाऽग्निफुलिंगसंभवे मरणं । सुणगेहिं अट्टिमडगा-वयवपवेसा गिहे मरणं | ॥५६॥ |
| राया वि उवक्खित्तो, हेट्टा आराहगतणेण इहं । तं पि पडुच्चुप्पाए, केत्तियमेते वि जंपेमि | ॥५७॥ |
| अणभिहयतूरनाओ, सद्दो वा ताडिएसु जइ न भवे । जलमंसउल्लजलणे, अणब्भवुट्टीए नियमरणं | ॥५८॥ |
| सक्कथयधिधतोरण-दुवारथंभिंदकीलगाऽऽईणं । सहसा भंगो पडणाणि, मरणमऽक्खति नरवइणो | ॥५९॥ |
| कुसुमफलाणि अकाले, अहवा जालाउ धूममुयणं च । सुंदरदुमेसु दट्ठुं, हत्थं निच्छयसु रायवहं | ॥६०॥ |
| निसि दिवसे य निरब्भे, पेच्छंतो सुरधणुं जियइ न चिरं । गीयरवतूरसद्दा, गयणे धुवरोगमरणाय | ॥६१॥ |
| पवणस्स गइं फासं, न विंदइ विंदइ य विवरीयं । ससिजुयत्तं वा पेच्छइ, जो तं मरणूसुगं जाण | ॥६२॥ |
| गुदतालुयजीहाऽऽईसु, अनिमित्तमतक्कियं मसाऽइसयं । दट्ठुं दुट्ठुट्टाणं, उवट्टियं जाण लहु मरणं | ॥६३॥ |
| जस्स य जीहऽग्गमि, दीसइकसिणो अदिट्टपुच्चो य । अनिमित्तो च्चिय बिंदू, सो वि न मासा परं जियइ | ॥६४॥ |
| अहवा निमित्तविरहा-दऽतक्कियं कह वि किर सरो वि दढं । जस्स सहावाउ पडइ, चडइ वा कम्मवसगस्स | ॥६५॥ |
| अइकलुणदीणविरस-त्तणं च कंठग्गहं च दरिसेइ । निस्संदेहं देहऽ-तरं लहुं लहइ सो वि नरो | ॥६६॥ |
| एगा व दो व तिन्नि व, चउ पंच व जस्स होति पुरिसस्स । अइदीहराउ पिहुलाउ, भालवट्टमि रेहाउ | ॥६७॥ |
| सो वरिसाणं तीसं, चालीसं सट्टिमऽसिइमेक्कसयं । जीवति अणिदियं चिय, जहासंखेण मुणियव्वं | ॥६८॥ |
| अनिमित्ते सहस च्चिय, जस्सऽगं सब्बहा वि पुरिसस्स । पयईए परिच्चायं, काऊणं दरिसइ वियारे | ॥६९॥ |
| रिज्जइ सिज्जइ खिज्जइ, उचयाराओ वि नचि गुणं लहइ । तं पि हु अयालपत्तं, कालप्पत्तं वियाणाहि | ॥७०॥ |
| लेसुदंसेण इमं, निमित्तदारं मए समक्खायं । एत्तो भणामि किंचि वि, सत्तमयं जोइसद्दारं [निमित्तद्दारं] | ॥७१॥ |
| जमि सणी नक्खत्ते, तं नक्खत्तं मुहंमि दायव्वं । चत्तारि दाहिणकरे, पाएसु य तिन्नि तिन्नि भवे | ॥७२॥ |
| चत्तारि वामहत्थे, हियए पुण पंच तिन्नि सीसमि । लोयणजुयलंमि दुगं, गुज्जे य दुगं विणिदिट्ठं | ॥७३॥ |

1. सच्चवइ = दर्शयति । 2. एकादशदिनवाही । 3. विह्वलत्वम् = व्याकुलत्वम् ।

इय रिक्खंठावणाए ठविउं सणिपुरिसचक्कमडइनिउणं । जोएहु अप्पणो जम्म-रिक्खमडहनामरिक्खं वा ॥७४॥
 त जइ निमित्तकाले, हवेज्ज सणिपुरिसगुज्झदेसत्थं । तह सच्चहा वि सोम-गहेहिं अजुयं अदिट्ठं च ॥७५॥
 पावग्गहेहिं पुण सं-जुयं च दिट्ठं च सयलदिट्ठीए । ता सज्जस्स वि मरणं, सूयइ रोगिस्स का उ कहा ॥७६॥
 अहवा पुच्छालग्गाडणु-सारओ णिउणजोइसविउस्स । आएसाओ जाणेज्ज, मरणकालं फुडं खु जहा ॥७७॥
 पिट्ठोदए वि लग्गे, कूरा लग्गतथहिवुगदसमठिया । जइ होति अट्ठच्छट्ठम्-रासीसु निसाडहिवो होइ ॥७८॥
 तो रोगी मरइ धुवं, अहवा लग्गाडहिवो गहो अत्थं । उवणमइ तो वि मरणं, रोगी सज्जो वि उवणमइ ॥७९॥
 चंदसणिभोमसूरा, लग्गदुवालसनवडट्ठमत्था य । साहेति रोगिमरणं, जइ बलवंतो न देवगुरु ॥८०॥
 चंदो जइ दसमगओ, रवी तइज्जे व संठिओ छट्ठे । मरइ असुहेण मणुओ, तइए दियहे न संदेहो ॥८१॥
 उदयाओ उ चउत्थे, निहणे वा जइ हवंति पावगहा । तो जाणवेति मरणं, तइए दियहे मणुस्साणं ॥८२॥
 कूरग्गहाणमुदए, पंचमए वा वि जइ ठिओ पावो । नीरोगो वि हु फिट्ठइ, दसद्धदियहे न संदेहो ॥८३॥
 धणमिहुणे जामित्ते, असुहगहा जइ भवंति तो वाहिं । साहेति मरणमडहवा, वियाण सव्वन्नुणा भणियं [जोइसद्वारं] ॥८४॥
 इय लेसुद्वेसेणं, जोइसद्वारं पि चन्नियं किंपि । सुविणगविसयं दारं, दरिसेमि संपयं किंपि ॥८५॥

“स्वप्नवर्णनम्” —

वानरी विगरालच्छी, आलिंणइ सुविणयम्मि जइ कहवि । तह मंसुकेसनहक्क-प्पणं च ता मरणमडचिरेण ॥८६॥
 तेल्लमसिलित्तअंगो, विलुलियकेसो य विवसणो सुविणे । खरकरहगओ जमदिस-गामी जइ तो वि लहु मरणं ॥८७॥
 रत्तवडखवणयाणं, सविणे दंसणमडवस्समरणाय । रत्तवसणो य सुविणे, गायंतो निच्छियं मरइ ॥८८॥
 उट्ठखरजुत्तजाणं, एगागी आरुहेज्ज जो सुविणे । जग्गइ तथ ठिओ च्चिय, जइ ता मरणं समासन्नं ॥८९॥
 कसिणंडबरनेवत्थां, कसिणविलेवणविलित्तगत्ता य । नारी जइ उवगूहइ, सुविणे ता मरणमडचिरेण ॥९०॥
 जग्गंतो च्चिय निच्चं, जो पासइ दुट्ठसुविणयं पुरिसो । सो मरइ वच्छरंडतो, सच्चमिणं केवलीभणियं ॥९१॥
 सुविणे पेएहिं समं, सुरं पियंतो सियालसुणएहिं । जो कडिडज्जइ पायं, जरेण सो पाविही मरणं ॥९२॥
 सुमिणे वराहरासभ-कुक्कुरकरभविगमहिसयाईहिं । जो निज्जई जमदिसं, स सोसदोसेण पुण मरिही ॥९३॥
 जायइ हियए तालो, वंसो वा कंटइल्लवली वा । जस्स सुमिणे स नासं, अणुगमिही गुम्मदोसेणं ॥९४॥
 सुविणे च्चिय गयजालं, जलणं तप्पित्तयस्स पुण जस्स । नग्गस्स तह घएणं, सव्वंडम्मंगजुत्तस्स ॥९५॥
 पुरिसस्स हि हिययसरे, उट्ठाणं पाउणंति पउमाइं । लहु गमिही जमगेहं, कुट्ठविणट्ठंडगजट्ठी सो ॥९६॥
 रत्तंबरकुसुमधवे, कडिडज्जइ इत्थियाहि हसमाणो । जो सो गमिही पुण रत्त-पित्तदोसेण पज्जन्तं ॥९७॥
 नेहं सह चंडालेहिं, पिबइ सुमिणे पमेहदोसा सो । जो पुण जले निमज्जइ, सो रक्खसदोसओ मरिही ॥९८॥
 जो पुण मत्तो नच्चंतओ य, पेएण निज्जए सुविणे । उम्मायदोसओ सो, अंते पाणे परिच्चइही ॥९९॥
 नयणाडडमएण मरिही, ससिसूरनिवायदंसणे सुमिणे । सुविणे ससिरविगहणाण, दंसणे पुण अमारीए ॥३२००॥
 पूयगसक्कुलिभक्खी, मरिही पुण तच्चिहं चिय वसंतो । जलतेल्लवसामज्जाडड-पाणओ पुण अईसारा ॥१॥
 वानरखरुट्टमज्जार-वग्घविगसूयरेहिं सुविणम्मि । पेएहिं सियालेहिं च, जस्स गमो सो वि गमणमणो ॥२॥
 रत्तकुसुमस्स पुरिसस्स, सुमिणए मुंडियस्स नग्गस्स । चंडालेहि दक्खिण-दिसाए नयणं पुणो जस्स ॥३॥
 जस्स सिरे वंसलयाइ-संभवो पक्खिनिलयकरणं च । चडणं च कागगिद्धाडड-याण मुंडत्तमडह सुविणे ॥४॥
 सुमिणे च्चिय पेयपिसाय-इत्थीचंडालसंगमो जस्स । तह वेत्तलयातणवंस-उवलकंटगकडिल्लम्मि ॥५॥
 गत्ताए नसाणेसु य, सयणं पडणं च छारपंसूसु । जलपंकखुप्पणं सिग्घ-वेगसोएण हरणं च ॥६॥
 तह रत्तकुसुममाला-विलेवणंडबरविभूसणविहाणं । सुमिणम्मि गीययाइय-नट्ठविहीए य करणं च ॥७॥
 जस्संडगवओचुड्डी, सुविणे अब्भंगणं च गायस्स । मंगलविवाहाहासाडड-कम्मकरणं च तह जस्स ॥८॥
 अब्भयहरणं सुमिणे य, जस्स पक्कन्नपमुहभक्खाण । छट्ठीविरेयणं दम्म-लोहपमुहाण लाभो य ॥९॥
 चल्लीवियाणवक्कल-सव्वंगाडडवेढणं च सुमिणम्मि । तत्थेव कलहकरणं, तह बंधपराजया जस्स ॥१०॥

1. प्रेतैः = भूतैः मृतैः वा । 2. गुल्मदोषेण । 3. अमारीए = मूत्रकृच्छेण । 4. गात्रस्य । 5. छट्ठी = छर्दिः वमनम् ।

| | |
|--------------------------------------------------------------------------------------------------|------|
| देवगहरिक्वचक्वु-पईवदंताडडइपडणनासाडडई । नासो य ^१ पाणहाणं, पाओ कुरचरणचम्माण | ॥११॥ |
| निम्बच्छणं च परिकुविय-पियरलोघाउ जस्स सुविणम्मि । सहसा अइहरिसो वा, पच्चयभेओ य तह जस्स | ॥१२॥ |
| तह पागकम्मगेहे, जणणीए चियाए रत्तकुसुमवणे । अइसंकडंडधयारेसु, जस्स सुविणे च्चिय पवेस्सो | ॥१३॥ |
| कासायवत्थरत्तच्छ-दंडधारीण नग्गकालाणं । मंदाणं खुद्धानं च, दंसणं जस्स सुविणम्मि | ॥१४॥ |
| निस्साहारं च तहा, पडणं पासायपच्चएहित्तो । मच्छेहित्तो गसणं च, जस्स सुविणे च्चिय नरस्स | ॥१५॥ |
| अइकसिणकायचीरं, अइपिंगललोयणं विवत्थं च । विगियागारं खीणो-यरिं च अइदीहनहरोमं | ॥१६॥ |
| हसमाणि जो इत्थिं, अवगूहन्तिं च पेच्छए सुविणे । जो य अईयनिएहिं, हक्कारिज्जइ य गच्छइ य | ॥१७॥ |
| जो वा करिजुत्तेणं, जाणेणं पेयपच्चइयसहिओ । पविसेइ सिंबलीपारि-भददुमदुग्गहणम्मि | ॥१८॥ |
| सो सुत्थो वि हु मरणं, अहवा दव्वाडडइयं महावसणं । पाउणिही रोगी पुण, नियमा मरणं चिय तहाहि | ॥१९॥ |
| मरइ च्चिय रोगी पा-सिऊण इय परमदारुणे सुविणे । सुत्थो पुण संदेहं, संपाविय को वि जीवइ वि | ॥२०॥ |
| दिट्ठो सुओडणभूओ, दोसुत्थो कप्पिओ य पत्थियओ । कम्मजणिओ य एवं, सत्तविहो वन्निओ सुमिणो | ॥२१॥ |
| अह तेसु निप्फला खलु, आइल्ला पंच देसिया सुमिणा । दो चेव सुहाडसुहसू-यणा उ अंतिल्लया नेया | ॥२२॥ |
| तत्थ अइदीहहस्सो, जो सुमिणो जो य दिट्ठपम्हुट्ठो । अइपुक्करत्तकालम्मि, जो य दिट्ठो कर्हिंचि भवे | ॥२३॥ |
| स चिरेण फलं तुच्छं व, देइ अह अइपहायदिट्ठो ता । तद्विसे चेव महं-तयं च अन्ने पुण भणंति | ॥२४॥ |
| रयणीए पढमजामे, दिट्ठो सुविणो फलेइ वासाउ । बीए मासतिगाउ, तइए पहरंमि मासदुगा | ॥२५॥ |
| रयणीए चउत्थे पुण, पहरे दिट्ठो हु मासओ सुविणो । गोसम्मि वासराणं, दसण्ह सत्तण्ह वा फलइ | ॥२६॥ |
| दट्ठुण अणिट्ठं पि हु, पच्छा जो पासइ सुहं सुविणं । तस्स सुहं चेव भवे, एवं इट्ठे वि दट्ठव्वं | ॥२७॥ |
| जिणबिंबपूयणाओ, पंचनमोक्कारमंतसरणाओ । तवनियमदाणओ तह, सुविणो पावो वि मंदफलो [सुविणगदारं] | ॥२८॥ |
| एवं सुविणगदारं, दंसिय दंसेमि रिट्ठमिह जम्हा । न विणा रिट्ठं मरणं, न जीवियं दिट्ठरिट्ठम्मि | ॥२९॥ |
| ता सच्चपयत्तेणं, रिट्ठं आराहणउत्थिणा सम्मं । सययं निरुवणीयं, सुगुरुवएसाडणुसारेण | ॥३०॥ |
| जो अनिमित्तो वि अतक्किओ वि, सहस ति होइ पुरिसस्स । पयइविगाराडणुभवो, निदिट्ठं रिट्ठमिह तं खु | ॥३१॥ |
| पूरओ व पिट्ठओ वा, जस्स पयं पंकपंसुपमुहेसु । खंडमकंडे दीसइ, न जियइ सो अट्टमासे वि | ॥३२॥ |
| घयभायणमज्झगयं, रविबिम्बं आउरेण दीसन्तं । पुव्वादाहिणअवरु-तरासु खंडं जियं कुणइ | ॥३३॥ |
| छम्मास तिन्नि मासा, दो मासा एक्कमासपरिमाणं । रेहा-रंध-सधूमे, पतरस दोपंच पंचदिणा | ॥३४॥ |
| जस्स निवाए वि गिहे, समग्गजलणंडगवंडजोगे वि । ^२ नंदइ दीवो सहसा, बोहिज्जंतो वि पुणरुत्तं | ॥३५॥ |
| तह आउरस्स जस्स वि, गेहे अनिमित्तमेव अइमत्तं । निवडंति भायणाइं, भज्जति य सो वि लहु मरइ | ॥३६॥ |
| नियनियकरणेहि वि जस्स, सद्धरसरुवगंधफासाणं । अनिमित्तमडणुवलद्धी, उवलद्धी वा वि विवरीया | ॥३७॥ |
| तह जो वेज्जवरं ओसहं च, अभिणंदइ न उवणीयं । तं पि हु नीसंदेहं, देहंडतरपत्थियं जाण | ॥३८॥ |
| अंजणपुंजपगासं, बिंबं मयलंछणस्स रविणो य । जो पेच्छइ सो गच्छइ, जमाडडणणं बारसदिणंडतो | ॥३९॥ |
| समहियमुत्तपुरीसो, जो परिमियभत्तपाणभोई वि । ^३ इय विवरीओ जो वा, तस्साडडसन्नं मुणसु मरणं | ॥४०॥ |
| पुव्वं सुविणीओ वि हु, सगुणस्स वि जस्स परियणो सहसा । विवरीयं परिचिट्ठइ, तं पि वियप्पेसु अप्पाउं | ॥४१॥ |
| न गयणगंगं पेच्छइ, पेच्छइ य दिवा य तारए जो य । सुरजाणविमाणाणि य, सो वि समासन्नजमनिलओ | ॥४२॥ |
| एक्कं व दो बहूणि व, रविससिबिंबेसु तारएसुं वा । जो पेच्छइ छिड्डाइं, जाण तदाडडउं वरिसमेक्कं | ॥४३॥ |
| उभयकरंडगुट्ठइय-कन्नकुहरो न निसुणइ जो य । नियकन्नाणं घोसं, सो मरइ सत्तदिणमज्झे | ॥४४॥ |
| दाहिणकरनिबिडडक्कंत-वामहत्थंडगुलीण पच्चग्गा । जस्साडरुणा न दीसंति, तस्स वि जाण लहु मरणं | ॥४५॥ |
| मुहदेहयणाईसुं, अईव इट्ठो दढं अणिट्ठो वा । जस्सुच्छलइ अहेऊ, गंधो सो वि हु लहुं जाइ | ॥४६॥ |
| जायइ मुणालसीयल-मंडगमडकम्हा सउम्हमडवि जस्स । जमरायरायहाणी- पंथपयट्ठो लहुं सो वि | ॥४७॥ |
| पस्सेयहेउगेहे, होउं निच्चं निएज्ज नियभालं । जइ ता न हाइ ^४ सेओ, ता जाण जहाडडगओ मच्चू | ॥४८॥ |


जस्स य सुक्का विट्ठा, निट्ठयं च लहुं बुड्ढि जलंमि । सो पुरिसो मासेणं, पासेणं वच्चइ जमस्स ॥४९॥
 जूया व मच्छिया वा, निरंतरं ज भयंति पच्छा वा । उवसप्पंति य तं काल-कवलियं कुसल! कलसु लहुं ॥५०॥
 विज्जुं पुरंदरधणुं, धणियमडमेहे वि नहयले नियइ । सुणइ य गज्जियसद्धं, जो सो लहु जमपुरपवेसी ॥५१॥
 जस्स सिरे कागोलूग-कंकप्पमुहा पलासिणो विहगा । सहसाडडवडंति सो जाइ, जमगिहे थोवदिवसेहिं ॥५२॥
 विच्छाए पेच्छंतो, रविससितारागणे जियइ वरिसं । अह सच्चहा न पेच्छइ, अच्छइ छम्मासमेव जइ ॥५३॥
 तह ससिरविबिंबाणं, भूपडणं पासइ अकम्हा जो । निस्संसयं वियाणसु, बारस दिवसाणि तस्साडडउ ॥५४॥
 जो पुण दो रविबिंबे, पासइ नासइ स मासतियगेण । रविबिम्बमंडतरिच्छे, पेच्छइ भमिरं अह लहुं ता ॥५५॥
 सूरस्स अप्पणो वा, जो जुगवं नियइ चउसु वि दिसासु । रविबिम्बाणि तदाउं, दिणाण घडियाण व चउक्का ॥५६॥
 सब्बंगं व नियंतो, छिड्डं मायंडमंडलमडकंडे । नणु सग्गमग्गलणो, दसदिवसडम्भन्तरे नेओ ॥५७॥
 जियइ तिदिणं स सब्बं, पासइ पीयं पयत्थसत्थं जो । जस्स य कसिणं भिन्नं, हवइ पुरीसं स लहुमरणो ॥५८॥
 बद्धच्चकच्चुलक्खो, निरिक्खमाणो वि न य नियं नियइ । भुमयाण जुयं जो सो, नवदिवसडम्भन्तरे मरइ ॥५९॥
 भालुवरि धरियहत्यो, पयइत्थं चैव नियइ मणिबंधं । जो न पुण अइकिसतरं, तरसा सो वि हु मरणसरणो ॥६०॥
 न नियइ नियनयणाणं, अग्गंडगुलिघट्टियडच्छिपेरंतो । जो जोइं जाइ जमा-डडणणं स नियमा दिणतिगंडते ॥६१॥
 वामडच्छिणो न पेच्छइ, अह रुद्धाडवंगकोणजोइं जो । तं पि कमेण वियाणसु, छत्तिदुमासेक्कमासाडडउं ॥६२॥
 अह तं सकरंडगुलिचंपियस्स, इयरडच्छिणो न पेच्छइ जो । दस पंच तिन्नि दो वा-सरे उ तज्जीवियं जाण ॥६३॥
 अणविक्खियडन्नलक्खं, अहोमुहाडडवडियलोयणुद्धउडं । परिमंथरथिरतारं, नासग्गाडडसंगिदिट्टियुयं ॥६४॥
 जह होइ तहा निययं, निययं जो नासियं नियंतो वि । न हु पिच्छइ सो गच्छइ, २हत्थं पंचाडहमितेण ॥६५॥
 एवं चिय जीहगं, नियगमुहा निगयं नियंतो वि । जो न हु पिच्छइ अच्छइ, सो परमेगं अहोस्तं ॥६६॥

“कालचक्रस्य विधि” —

तह भूमिगाडणुरुवं, होऊणं परमदव्वभावसुई । काऊण परमपूयं, परमगुरूणं परंमविहिणा ॥६७॥
 सुक्किलपक्खं दक्खिण-पाणिं परिकप्पिउं कमेण पुणो । हेट्टिमज्झिमउवरिम-पव्वाणि कणिट्टियाए य ॥६८॥
 पडिययछट्टिक्कारसि-तिहीओ परिकप्पिउं पयाहिणओ । सेसंडगुलिपव्वेसु तु, सेसतिहीओ वियप्पेज्जा ॥६९॥
 पंचमिदसमीपुन्निम-तिहीओ ता जाव ठविय अंगुट्टे । एवं वामकरे पुण, परिकप्पिय कसिणपक्खकमं ॥७०॥
 ता जाव तदंगुट्टे, उवरिमपव्वे अमावसाडडईए । एवं तीस तिहीओ, परिकप्पित्ता जहाभणियं ॥७१॥
 ततो विवित्तदेसे, निबद्धपउमासणो महासत्तो । बद्धकरकमलकोसो, पसण्णथिरमणवईकाओ ॥७२॥
 झाएज्ज कसिणवन्नं, सुन्नं करकमलकोसमज्झगयं । सियवत्थछाइयडप्पा, सुबद्धलक्खो तहिं चैव ॥७३॥
 उग्घाडिय करकमलं, पलोइओ जीए कीए वि तिहीए । दीसइ स कालबिंदू, सो कालो नत्थि संदेहो ॥७४॥
 जम्मन्तरलक्खेण वि, न मुणिज्जइ कह वि अप्पणो अप्पा । सयलसमयण्णुणा वि हु, सिरिगुरूवयणं पमोत्तूणं ॥७५॥
 इय कालचक्कसारं, गाहादसगेण वन्नियमिमं च । पडिययदिवसे झायह, ३जिं पेच्छह आगयं मच्चुं ॥७६॥
 बालिंदुसमाउ आगिईए, भालम्मि वच्छि सीसे वा । जस्स अपुव्वाउ सिराउ, अहव रेहाउ जायंति ॥७७॥
 जस्स सिरे गोमयचुण्ण-वण्णचुण्णो सिणिद्धधूमो वा । उवलक्खिज्जइ खिज्जइ, मासंडतो जीवियं तस्स ॥७८॥
 दंता वि जस्स सहसा, सुपुष्फिया सक्कराडडउला लुक्खा । सामा वा होंति तमं- ४तगंडतिगं पत्थियं जाण ॥७९॥
 विरहे वि दंतरोगस्स, जस्स तेसिं अतक्कियं चैव । पडणं भंगो व भवे, भवंडतरं तुरियगामी सो ॥८०॥
 जीहा वि जस्स सामा, सुक्का ५सूणा पमाणओ अहिगा । हीणा वा थद्धा वा, सरणं मरणं खु तस्साडवि ॥८१॥
 अनिमित्तं अविलंबी, चक्खुस्सावो य लंबगे सोसो । जइ ता कमेण दससत्त-वासरंडते धुवं मरणं ॥८२॥
 कंठक्खोभे पहरा, तालुक्खोभे य आणुपाणुसया । अणवज्जवज्जपंजर-गयं पि पुरिसं जमो नेइ ॥८३॥
 जस्संडगुलीओ सहसा, फुडन्ति आयड्डणं विणा चैव । सो वि अवस्सं काही, देही देहडन्तरं तरसा ॥८४॥
 अनिमित्तथक्कवयणो, अनिमित्तं चैव नट्टदिट्ठी वा । वासरतिगं जइ परं, पुरिसो जीवइ न उवरिं पि ॥८५॥

1. नियतम् । 2. शीघ्रम् । 3. यथा । 4. अन्तकान्तिकम् = यमराजके पास । 5. शूना = सूजी हुई ।

सत्थो वि सरिरेणं, न नियड नियवामख्रंधसिहरं जो । तं पि न चिरकालेणं, कालेणं कवलियं कलसु ॥८६॥
 धरिसिज्जन्ता वि ददं, निस्सदा चैव जस्स करचरणा । जस्स य निसि दिसिमोहो, रेयं च सरन्तमडडरितं ॥८७॥
 छीयणकासणमुत्तण-किरियासुं कारणं विणा चैव । जस्स य अपुब्बसद्दो, जायड जमकवलियो सोडवि ॥८८॥
 ण्हायंतस्स वि नलिणी-दलं व सलिलेण छिप्पड न जस्स । अंगं संगं काही, स जमेण समं छमासंडतो ॥८९॥
 ण्हायाडणुलित्तगतस्स, जस्स सुक्कड उरत्थलं पढमं । सेसंडगेसुं उल्लेसु, अद्धमासं न सो जियड ॥९०॥
 तेल्लाडडयिल व्य लुक्खा वि, जस्स सहसा भवति सुसिणिद्धा । केसा 'असमारा वि हु, विभत्तसीमन्तजुत्ता य ॥९१॥
 तहडसंखित्तभुजुयलं, दीसड य अतक्कियं सुसंखित्तं । अंतोपविट्टमडहवा, विणिग्गयं लुलियपम्हउडं ॥९२॥
 घूयकवोयडच्छिसमं, उम्मेसनिमेसरहियमडच्छिजुयं । जस्स पणट्टडम्भत्ता-लोयं व लहुं मरड सो वि ॥९३॥
 नासा वि जस्स सहसा, कुडिला पिडगाडडउला ददं फुडिया । सवुडडिड्डा य भवे, भवंडतरं सो वि अभिलसड ॥९४॥
 अनिमित्तं चिय सत्ती, सील वाऊ २सई बलं बुद्धी । छक्कमिणं विणियतड, छम्मासाडडसन्नमरणस्स ॥९५॥
 नीसरड देहवेहे, विगंधि अडकसिणसोणियं जस्स । जीहामूले सूलं, पाणितले वा महाविण्या ॥९६॥
 साडो तयकेसाणं, लुयरोमाणं न जस्स बुड्ढी य । हियए अईव उम्हा, जस्सुयरे पुण सुसीयत्तं ॥९७॥
 वालविलुंचणवेयण-मडणुभवड न जो उ दिवसछक्केण । अवगच्छ गच्छमाणं व, माणवं तं जमपुरीए ॥९८॥
 भणियं अरिडुदारं, जो होज्ज विसिडुधारणाकलिओ । तं पुण पडुच्च जंत-प्पओगमह किंपि जंपेमि ॥९९॥
 वक्खेयंडतरविरओ, तग्गयचित्तो कओवयारविही । पढमं मज्झे नसिडं, अहिगयसत्तस्स नाम ततो ॥३३०॥
 अणंतरगाहासूडयजंतठवणा इमा-



ॐकारगम्भमडग्गेय-मंडलं कोणमज्झटियरेहं ।

सोत्थियलंछियबाहिर-कोणं सिहिजालजडिलं व

साडणुस्सारअगाराड-छस्सराडडवेडियं च पासेसुं ।

स्वाअक्खरमज्झागयं, चउपासट्टियगुरुजयारं

मारुयमंडलपरिवेडियं च, कप्पेतु निययबुद्धीए ।

तं पायतले हियए, सीसे संधीसु य नसेडं

तो पट्टीए सूरं, काडं सूरुदए च्चिय सुनिउणं । सपराडडउनिच्छयकए, नियछायं चिय पलोएज्जा ॥१०॥
 जड संपुण्णं पासड, आचरिसं ता न अत्थि मच्चुभयं । अह नियड कन्नसुन्नं, ता जीवड वरिसवारसगं ॥११॥
 करचिरहे दस वरिसे, अंगुलिविरहे य अट्ट वरिसाणि । खंधाडभावे सत्त उ, पासाण अदंसणे तिन्नि ॥१२॥
 नासाविरहे चरिसं, केसाडभावे य जियड तप्पणं । सिरधियलच्छायादं-सणे नरो जियड छम्मासं ॥१३॥
 गीवाचिरहे मासं, चिबुगाडभावे य जियड छम्मासं । एक्कारस चैव दिणाणि, दिट्टीचिरहे जियड पुरिसो ॥१४॥
 सच्छिड्डे पुण हियए, दीसंतं सत्त वासरे जियड । अह छायदुगं पासड, जमपासे पडड ता खिप्पं ॥१५॥
 ण्हायस्स य जस्संडगाणि, कन्नपमुहाणि इति सुक्कति । पुब्बविहिभणियवच्छर-मासदिणेहिं स मरड धुवं ॥१६॥
 जंतप्पओगदारं, निदंसियं आउजाणणोवायं । एक्कारसमं चरमं, विज्जादारं भणामिण्हिं ॥१७॥
 विज्जामंतकुऊहल-परो वि आराहगो तदडपरो वा । सम्मं जह सपरगयं, कलेड कालं तह भणामि ॥१८॥
 विण्णसिऊण सिहाए, स्वा ॐ सीसे तहा क्षि चक्खुम्मि । पं ठविऊण य हियए, हा नाहीए नसित्तु तओ ॥१९॥
 'ॐ जुसः ॐ मृत्युंजयाय, ॐ वज्जपाणिने शूलपाणिने हर हर दह दह स्वरूपं दर्शय दर्शय हुं फट्'
 एयाए विज्जाए, सुडभूओ दढमडनन्नचित्तो य । अट्टुत्तरसयवारं, सम्मं नयणेडभिमंतिता ॥२०॥
 अरुणोदयवेलाए, छायं पि नियं तहाडभिमंतिता । पट्टीए ठावित्ता, आइच्चं निच्चलसरीरा ॥२१॥
 अह अप्पणिज्जमेव-डप्पणो कए परकए य परछायं । सम्मं तक्कयपूओ, परमुवउत्तो पलोएज्जा ॥२२॥
 जड तं संपुन्नं, चिय पासड ता नत्थि मरणमाडडवरिसं । कम-जंघ-जाणुचिरहे, ति-दु-इगवरिसेहिं मरड धुवं ॥२३॥
 दसमासंडतमि तदूरु-संखए कडिखए नवडडुहिं च । मरड तदुदरअभावे, मासेहिं पंचहिं छहिं वा ॥२४॥

1. असमारचिताः । 2. स्मृतिः ।

गीवाडभावे चउतिदु-एककगसंखेहिं मरइ मासेहिं । पक्खं कक्खाण खए, बाहुखए दस दिणे जियइ ॥१९॥
 खंधखए अट्ट दिणे, चउमासं जियइ हिययछिड्डते । पहरदुगं चिय जीवइ, छायाए सिरोविहूणाए ॥२०॥
 अह सव्वहा वि छाया-वोच्छेओ भवइ जोगिणो कहवि । ता तक्खणमज्झे च्विय, खिप्पं अक्खइ खयं नूणं ॥२१॥
 एमाइणो अणेगा, जइवि उवाया निदसिया समए । आउपरिन्नाणकए, तह वि हु लेसेण इह कहिया ॥२२॥
 इय पडु पडिदारं आउ-नाणदारं भणित्तु सत्तमं । वोच्छं अणसणसंधार-दिक्खपडिवत्तिदारमहं ॥२३॥

“अनशनप्रतिपत्तिद्वारम्” —

अह भणियविहाणवसा, विन्नायाडउसन्नमरणसमयस्स । पज्जन्ताडउराहणविहि-मडसेसमाडउराहिउमणस्स ॥२४॥
 जम्मजरामरणदारुण-दीहरसंसारवासभीरुस्स । जिणवयणसवणजायंत-तिव्वसंवेगसद्धस्स ॥२५॥
 पयईए च्विय निच्चं, सुस्समणोवासगस्स चित्तमि । पसमाडउइगुणसमिद्धस्स, भावणा भवइ किर एसा ॥२६॥
 अहह कहं परमाडमय-कप्पे मह परिणए वि जिणवयणे । वसितं जुज्जइ अज्जं पि, गिहवासे दुक्कियनिवासे ॥२७॥
 धी! धी! मज्झ अणज्जस्स, इंदियउत्थेसु संपउत्तस्स । परमत्थवेरिएसु वि, दाराडउइसु गाढरत्तस्स ॥२८॥
 ते च्विय थन्ना निज्जिणिय-मोहजोहा जिइंदिया सोमा । रागदोसविउत्ता, भवतरुनिसियाडसिणो समणा ॥२९॥
 पिहियाडउसवा तवड्ढा, धणियं किरियासु संपउत्ता जे । सासयसोक्खं मोक्खं, पडुच्च अब्भुज्जमंति दढं ॥३०॥
 ता कइया तं होही, दियहं गीयत्थगुरुसमीवमि । जत्थ चरणं पवज्जिय, मोक्खउत्थं उज्जमिस्सामि ॥३१॥
 संपतेसु वि सेसेसु, सयलमोक्खउत्थसाहणंउगेसु । सव्वविरइं विणा कह, सासयसोक्खो भवइ मोक्खो ॥३२॥
 ता जावउज्जवि छम्मास-वरिसपमुहं ममाडउउयं अत्थि । ता सव्वसंगचागेण, मोक्खमगं अणुसरामि ॥३३॥
 कह व चिरं चिट्ठउ ता, समभावठियस्स किर मुहुत्तं पि । पव्वज्जपरिणईं जइ, जायइ ता किं न पज्जत्तं ॥३४॥
 इय परिणामपरिणओ, सविसेसुल्लसियतिव्वसंवेगो । गंतूण गुरुसमीचे, अपावभावो भणइ भंते! ॥३५॥
 कारुन्नाडमयनीसंद-सुंदरं भणियमाडउसि जं तुमए । आलोयणाइपुव्वं, पव्वज्जाडउइ करेज्जासु ॥३६॥
 इच्छामो ति भणित्ता, मए वि पडिवन्नमाडउसि जं इत्थिं । आउमि पहुप्पंते, चेव तयं तह करेमि अहं ॥३७॥
 आरुहिउमडहं सुपुरिस!, पव्वज्जासुप्पसत्थबोहित्थं । निज्जामएण भवया, भवउन्नवं तरिउमिच्छामि ॥३८॥
 ततो य तस्स निब्भर-भतिभारोणमन्तसीसस्स । निरवज्जं पव्वज्जं, गुरु वि आरोवए विहिणा ॥३९॥
 अह होज्ज देसविरओ, संमत्तरओ रओ य जिणधम्मो । ता तस्सउणुव्वयाइं, आरोवइ सुपरिसुद्धाइं ॥४०॥
 अणिआणोदारमणो, हरिसयसविसट्टकंटयकरालो । पूएइ गुरुं संघं, साहम्मियमाडउइ भतीए ॥४१॥
 नियदव्वमडउव्वजिणंद-भवणतब्बिंबवरपइट्ठासु । वियरइ पसत्थपोत्थय-सुत्तित्थतित्थयरपूयासु ॥४२॥
 अह कहवि सव्वविरइ-कयाडणुराओ विसुद्धमइकाओ । छिन्नसयणाडणुराओ, विसयविसाउ विरत्तो ता ॥४३॥
 संधारयपव्वज्जं पि, सव्वसावज्जवज्जणुज्जुत्तो । पडिवज्जइ संजमसज्ज-रज्जरसिओ हु स महप्पा ॥४४॥
 तत्थ यउणुव्वयधारी, पवन्नसंधारसमणदिक्खो य । संलेहणापुरस्सर-मंडतमि अणसणं कुणइ ॥४५॥
 इय अणसणसंधारग-दिक्खापडिवत्तिदारमडुमयं । भणियं तब्भणणे पुण, भणिओ गिहिविसयपरिणामो ॥४६॥

“परिणामद्वारम्” —

संपइ समग्गुणमणि-निहिणो मुणिणो पडुच्च परिणामो । उवदंसिज्जइ सो पुण, हवेज्ज इय चिन्तणेण सुहो ॥४७॥
 पुव्वावरत्तकाले, जागरमाणो य धम्मजागरियं । परिचडिइयपरिणामो, मुणी मणमि विचिन्तेइ ॥४८॥
 रोगजरामगरालो, निरंतरुप्पतिमरणनीरिल्लो । दव्वक्खेत्ताडउइचउ-व्विहाडउवयापूरिओउणाई ॥४९॥
 अणवरउट्ठितवियप्प-लहरीहीरंतजन्तुसंताणो । अइतिक्खदुक्खहेऊ, अहो! रउदो भवसमुदो ॥५०॥
 लद्धण वि इह किच्छा, सुदुल्लहं कहवि माणुसं जम्मं । न लहंति परमदुलहं, जीवा धम्मं जिणक्खायं ॥५१॥
 लद्धे वि तमि अविरइ-पिसाइयानिबिडपासपडियाण । दुलहं चिय सामन्नं, निस्सामन्नं गुणपहाणं ॥५२॥
 किच्छेण पाचिऊण य, सामन्नं दुल्लहं पि ओसन्ना । सीर्यति सायबहुला, पंकोसन्ना गइंद व्व ॥५३॥
 जह कागणीए हेउं, महग्घरयणाण हारए कोडिं । तह भवसुहप्पसत्ता, सत्ता हारिंति मुत्तिसुहं ॥५४॥

अहह! अणिच्चमडसारं, परिणामे भंगुरं सरीरमिमं । जीयं जोच्चणमिड्डी, पिअसंजोगा सुहं च तओ ॥५५॥
 अइदुलहं मणुयत्तं, जिणिंदवयणाडडइयं च सामग्गिं । पप्प पुरिसेण सासय-सुहेएक्करसिएण होयच्चं ॥५६॥
 जं अज्ज सुहं भविणो, संभरणीयं तयं भवे कल्लं । मग्गंति निरुवसग्गं, अपवग्गसुहं बुहा तेणं ॥५७॥
 नरविबुहेसरसोक्खं, दुक्खं चिय भावओ बुहा बेति । परिणामदारुणमडसा-सयं च जं ता अलं तेणं ॥५८॥
 सासयसुहं च नियमेण, जिणाडडणाडडराहणाफलं जम्हा । ता तीए उज्जमिमो, जिणवयणविसुद्धबुद्धीए ॥५९॥
 चिन्नं सामन्नेणं, सामन्नं एतियं मए कालं । अह संपयं विसेसा-डणुट्टाणमडणुट्टिमो किंचि ॥६०॥
 पच्छायावपरद्धो, पिपथम्मो दोसनिरसणसयन्हो । अरिहइ पासत्थाई वि, जं तयं जइ वि दुस्सीलो ॥६१॥
 निच्चं परिगलति बलं, निच्चं परिगलति पुरिसयारो वि । निच्चं परिगलति वओ, निच्चं परिगलइ विरियं पि ॥६२॥
 निच्चं परिगलइ सुई, निच्चं परिगलइ दिट्ठिसामत्थं । निच्चं परिगलई मई, निच्चं परिगलइ आउं पि ॥६३॥
 ता जाव बलं सन्तं, सन्तं विरियं तहडज्जवि जाव । संतो य पुरिसयारो, संतो य परक्कमो जाव ॥६४॥
 जावडज्जवि अणुवहओ, इमो समग्गो वि इंदियग्गामो । जावडज्जवि अणुकूला, दव्वक्खेताडडइसामग्गी ॥६५॥
 जिणकप्पियाडडइविसयं, विहारमडम्मुज्जयं किमणुसरिमो । अहवा विसिद्धसंघयण-विसयमेयं न अम्हाणं ॥६६॥
 ता अज्जकालियजइ-संघयणाडणुसरिसं विसेसविहिं । विहिणा पडिवज्जामो, दुल्लहनरभवफलमिमं ति ॥६७॥
 एयं न केवलं चिय, सामन्नमुणी मुणीण वसभो वि । निययाडवत्थासरिसं, जग्गेज्जा धम्मजागरियं ॥६८॥
 जहा—

परिचालिओ सुदीहो, परिचाओ वायणा य मे दिन्ना । निप्फाइया य सीसा, तदुचियमडवि विहियमेवं च ॥६९॥
 जं अम्ह भूमिगाए, उचियं किच्चं कमकमेण तयं । विहियं तयं विसेसेण, अप्पणो किंपि कप्पेमि ॥७०॥
 अच्चंतदुप्परक्कम-पमायपरचक्कपारवस्सेण । जं किंचि किच्चवग्गे, कयाडकयत्तं तयं चेच्चा ॥७१॥
 चिरचरियचरणकरणस्स, चिरप्परुवियजिणिंदधम्मस्स । 'सेयं मज्झं संपइ, विसेसहियमडप्पणो काउं ॥७२॥
 किंतु अहालंदविहिं, परिहारविसुद्धियं व जिणकप्पं । पाओवगमणमिंणिणी-भत्तपरिन्नाविहिं वा वि ॥७३॥
 सइ सामत्थे सइ आउगे य, अनिग्ग (गु)हियडतबलविरिओ । सइ सद्धासंवेगे, अहिगयजिणसमयसारस्स ॥७४॥
 पसमाडडइगुणगणाडलं-कियस्स सीसस्स नियपयं दाउं । संठाविऊण य गणं, पडिवज्जामि इयाणीमडहं ॥७५॥
 एयं विचारइत्ता, तुलिऊण य अप्पयं पयत्तेण । सेसाणमडसतीए, भत्तपरिन्नाए कुणइ मई ॥७६॥
 इय सुद्धबुद्धीसंजीवणीए, संवेगरंगसालाए । आराहणाए सिवपुर-पयइजणजाणतुल्लाए ॥७७॥
 पढमदारनवमए, दुभेयपरिणामनामपडिदारे । साहुपरिणामनामो, भेओ बीओ वि परिकहिओ ॥७८॥
 तब्भणणा पुण भणियं, परिकम्मविहिस्स मूलदारस्स । नवमं दुभेयजुयमडवि, एयं परिणामपडिदारं ॥७९॥

“त्यागद्वारवर्णनम्” —

सुहपरिणामेणं परि-णओ वि न विसेसचागविरहेण । आराहणमाडडराहिउ-मलं भवे अहिगओ सत्तो ॥८०॥
 ता चागदारमडहुणा, किलेमो सो य चउविहो चागो । दव्वं खेतं कालं, भायं च पडुच्च नायव्वो ॥८१॥
 तत्थ य गिहिणा जइ वि हु, आराहणकरणमूलकाले वि । पुत्तदविणडप्पणेणं, विहिओ च्चिय दव्वओ चागो ॥८२॥
 तह वि हु सरीरपरियण-उवहिप्पमुहाणि भूरिदव्वाणि । पडिबंधाडकरणेणं, सविसेसं वज्जणिज्जाणि ॥८३॥
 तह खेतओ वि जइ वि हु, पुरा पुराडडगरगिहाडडइयं चत्तं । तह वि समीहियठाणे वि तेणं मुच्छा विमोत्तव्वा ॥८४॥
 न य कालओ वि सरयाडडइएसु पडिबंधंधुरा बुद्धी । कायव्वा एवं चिय, भावमि वि अप्पसत्थमि ॥८५॥
 एयं संजमसाहण-मेत्तं मोत्तुं समत्थमडवि उवहिं । चयइ विसुद्धलेसो, मुणी वि मुत्ति गवेसंतो ॥८६॥
 अप्पपरिकम्ममुवहिं, बहुपरिकम्मं च दो वि वज्जेइ । सेज्जासंथाराई वि, उस्सग्गपयं गवेसंतो ॥८७॥
 किंच—

जे साहु पंचविहं, सुद्धिमडलद्धूण मुत्तिमिड्छंति । पंचविहं च विवेयं, ते हु समाहिं न पावेंति ॥८८॥
 आलोयण' सेज्जाए', उवहीए' तह य भत्तपाणस्स' । वेयावच्चकरण' य, सुद्धी खल्लु पंचहा भणिया ॥८९॥

| | |
|-----------------------------------------------------------------------------------------|--------|
| अहवा दंसणनाण-चरित्तसुद्धी य विणयसुद्धी य । आवासयसुद्धी वि य, पंचवियप्पा हवइ सुद्धी | ॥९०॥ |
| इंदिय'कसाय'उवहीण', भत्तपाणस्स' तह सरीरस्स' । एस विवेगो भणितो, पंचविहो भावदव्वगता | ॥९१॥ |
| अहवा सरीर'सेज्जा'-संधारु'वहीण' भत्तपाणस्स' । वेयायच्चवगराण य, एस विवेगो उ पंचविहो | ॥९२॥ |
| इय कयसव्वच्चागो, लीलाए हरइ मरणकाले वि । विजयपडायं सहसा, सहस्समल्लो व्व मुणियसभो | ॥९३॥ |
| तहाहि— “सहस्रमल्लदृष्टान्तः” | |
| संखउरमि पुरवरे, अहेसि भूमिवई कणगकेऊ । नयसच्चचायसोडीर-याडडईगुणरयणरयणनिही | ॥९४॥ |
| सेवाविहिंमि कुसलो, गुणाडणुरागी य परमभत्तो य । नामेण वीरसेणो, तस्साडसी सेवगो एक्को | ॥९५॥ |
| सो पुण विणयपरक्कम-पमुहगुणाडवज्जिएण नरवइणा । गामसयजीवणं पि हु, दिज्जन्तं नो समीहेइ | ॥९६॥ |
| अह एगंमि अवसरे, सदेससीमामडंबनाहेण । दुग्गबलगच्चिएणं, चोराहिवकालसेणेणं | ॥९७॥ |
| हीरंतं निजदेसं, निसामिउं जायगाढकोवेणं । उब्बद्धभिउडीमीमा-डडणणेण भणियं महीवइणा | ॥९८॥ |
| हंहो महन्तसामन्त-मन्तिसेणाहिवा! सुहडपवरा! । किं कोवि कालसेणं, णिज्जिणिउं भे समत्थोडत्थि | ॥९९॥ |
| अह जावडज्ज वि सामन्त-पभिइणो नेव किंपि जंपंति । देव! समत्थोडहं ताव, जंपियं वीरसेणेणं | ॥३४००॥ |
| तो सविलासाए सपम्हलाए, वियसंतकुमुयसोहाए । दिट्ठीए सप्पसायं, पलोइओ सो नरिंदेणं | ॥१॥ |
| सामिसपसायलोयण-पलोयणुडप्पन्नगुरुपमोएण । पुणरवि तेणं भणियं, देव! विसज्जेसु मं एगं | ॥२॥ |
| रत्ता सहत्थतंबोल-दाणपुव्वं विसज्जिओ ताहे । सामन्ताडडइजणो वि य, मोणेण ठिओ असूयाए | ॥३॥ |
| अह रायाणं पणमिय, नीहरिओ सो झडति नयराओ । पत्तो य कालसेणस्स, पल्लिनाहस्स पासम्मि | ॥४॥ |
| भणितो य तेण एसो, रुट्ठो तुह भूवई कणगकेऊ । 'कालमुहं पविससि काल-सेण! सेणाए सममिहिं | ॥५॥ |
| दुव्वहगव्वुग्गीवेण, कालसेणेण सोउमडवि एवं । किं एगागी काही, इमो चरागो ति अवगणिओ | ॥६॥ |
| तो कुवियकयन्तकडक्ख-तिक्खमुक्खणियक्खग्गधेणुलयं । पाइक्कचक्कपम्मुक्क-घायसंधायमडगणेतो | ॥७॥ |
| अत्थाणमंडलिं भिंदिऊण, कयकरणयाए रणसूरो । केसेसु कालसेणं, झडति सो गिण्हिउं भणइ | ॥८॥ |
| रे रे पुरिसा! जइ मज्झ, घायमेतो करिस्सह हयासा! । कालेण नूण कवलि-ज्जिही तथा तुम्ह एस प्हू | ॥९॥ |
| तग्घायकरा पुरिसा, पडिसिद्धा तयडणु कालसेणेण । जो इह पहरइ सो मह, पहरइ २जीए ति भणिरेण | ॥१०॥ |
| एत्थंउतरंमि तग्गुण-रंजियमणकणगकेउचयणेण । हरिकरिरहजोहाडडउल-मडणुपत्तं चाउरंगबलं | ॥११॥ |
| ताहे सो वंचित्ता, अणाडडउलंगेण वीरसेणेण । भत्तिभरनिब्भरेणं, उचणीओ कणयकेउस्स | ॥१२॥ |
| तुट्ठो राया दिन्नं गामसहस्सं च से पसाएण । नाममडवि तस्स ठवियं, सहस्समल्लो ति भूवइणा | ॥१३॥ |
| सो वि मडंबाडहिवई, संधिं घडिऊण निययठाणम्मि । सक्कारिऊण रत्ता, विसज्जिओ हरिसियमणेण | ॥१४॥ |
| कालक्कमेण पवरो, सुदंसणो नाम मुणिवई तत्थ । उज्जाणम्मि णिसन्नो, दिट्ठो य सहस्समल्लेण | ॥१५॥ |
| अह भत्तिभरोणयमत्थाएण, वंदित्तु तस्स सो चरणे । जिणधम्मं सोउमणो, आसीणो भूमिवट्ठम्मि | ॥१६॥ |
| गुरुणा वि य संसारा-डसरत्तपरुयणागुणपहाणो । निव्वाणलाभसारो, कहिओ जिणदेसिओ धम्मो | ॥१७॥ |
| आयन्निऊण य इमं, महन्तजायन्तपवरवेरग्गो । नमिऊण पुणो चलणे, गुरुणो भणिउं समाढत्तो | ॥१८॥ |
| भयवं! तवचरणविवज्जियाण, अच्चंतमोहमूढाण । भवजलहिनिवडियाणं, जीवाणं कामभोगेहिं | ॥१९॥ |
| धणसयणाडडईएहिं, थेवो वि हु जायए न साहारो । मोतूणमेक्कमडमलं, धम्मं, चियं परभवसहेज्जं | ॥२०॥ |
| ता जइ पेच्छह मम किंपि, जोग्गयं देह झति पव्वज्जं । पज्जंतदारुणेणं, पज्जतं गेहवासेणं | ॥२१॥ |
| ता सुत्तुवओगेणं, गुरुणा से जोग्गयं मुणेऊण । दिन्ना जिणिंददिक्खा, असंखदुक्खोहंखयजणणी | ॥२२॥ |
| तो नायसाहुजणजोग्ग-पवरकिरियाकलावपरमत्थो । अहिगयबहुसुत्तुत्थो, सो जाओ थेवदियहेहिं | ॥२३॥ |
| कालक्कमेण य दढं, देहाडडईसु चत्तपणयभावेण । पडिवत्तो जिणक्कप्पो, तेण सुहनिप्पिवासेण | ॥२४॥ |
| जत्थडत्थमियनिवासी, सुसाणसुन्नहररन्नसेवी य । वाउ व्व अपडिबद्धो, अणिययचित्तीए विहरन्तो | ॥२५॥ |
| संपत्तो स महप्पा, तत्थ मडंबम्मि जत्थ चिरवेरी । वसति किर कालसेणो, सणि व्व कूरो सहावेण | ॥२६॥ |

अह तव्वहिया उस्सग्ग-मुवगतो सो पलोइओ तेण । तद्देसमाडडगणं, पावेणं कालसेणेणं ॥२७॥
तो भणिया नियपुरिसा, रे! रे! सो एस वेरिओ मज्झ । एगागिणा वि जेणं, तइया बद्धो म्हि लीलाए ॥२८॥
ता संपयं पणासह, संहसा एयस्स पोरुसडवलेवं । मुक्काडडउहो सयं चिय, जा चट्टइ एस वीसत्थो ॥२९॥
सोऊण इमं पुरिसेहिं, कोवयसफुरुफुरंतअहरेहिं । सत्थेहिं विचित्तेहिं, सो हम्मन्तो विचित्तेइ ॥३०॥
रे जीव! मणागं पि हु, मा काहिसि बालिसेसु एसु । वहणुज्जएसु वि तुमं, पओसभावं कहंपि जओ ॥३१॥
‘सव्वो पुव्वकयाणं, कम्माणं पावए फलविवागं । अवरगहेसु गुणेसुं य, निमित्तमितं परो होइ’ ॥३२॥
जइ पच्छा वि हु तुमए, सोढव्या तिक्खदुक्खदंदोली । ता वरमिहिं सहिया, सन्नाणसहाइसहिण ॥३३॥
जइ चंडचक्किणो वि हु, तहाविहं बंधदत्तनामस्स । नयणुप्पाडणदुक्खं, विहियं पसुवालमेतेण ॥३४॥
जइ अरिहा वि हु होउं, पतो उयसग्गवग्गमडइघोरं । तइलोक्करंगमज्जे, अतुल्लमल्लो महावीरो ॥३५॥
जइ वा वि तहा दुसहं, बंधुक्खयपमुहपायवेहंउतं । अच्चन्ततिक्खदुक्खं, पतो सिरिवासुदेवो वि ॥३६॥
ता जीव! तुमं थेवं पि, कीस अययारकारिसु पओसं । अचहंतो नो चट्टसि, सायते पसमसोक्खम्मि ॥३७॥
उवहिगणगुरुकुलेसु वि, पडिबंधो सव्वहा जइ विमुक्को । सइ भंगुरे, असारे, तथा सरीरे कह णु मोहो ॥३८॥
इय धम्मज्झाणपरो, स महप्पा तिक्खखग्गघाएहिं । निहओ तेहिं जाओ, देवो सव्वट्टसिद्धम्मि ॥३९॥
इय जं भणियं पुव्विं, कयचागो निम्ममो य लीलाए । साहू पत्थुप्पमउत्थं, साहइ तं दंसियमिमं ति ॥४०॥
इय मणअलिमालइमा-लियाए संवेगरंगसालाए । आराहणाए मूलि-ल्लयम्मि परिकम्मविहिदारे ॥४१॥
पत्थुयपन्नरसण्हं, पडिदाराणं कमाडणुसारेण । चायाडभिहाणमेयं, पडिदारं देसियं दसमं ॥४२॥

“मरण विभक्तिद्वारम्” —

सव्वच्चागो पुव्वं, पचन्निओ सो य संभवति मरणे । ता मरणविभक्तिमडहं, दारं एतो निदंसेमि ॥४३॥
आवीचि^१ ओहिं^२ अतिय^३-बलायमरणं^४ वसट्टमरणं च^५ । अंतोसल्लं^६ तब्भव^७-बालं^८ तह पंडियं^९ मीसं^{१०} ॥४४॥
छउमत्थमरणं^{११} केवलि^{१२}-वेहाणसं^{१३} गिद्धपिट्टमरणं^{१४} च। मरणं भत्तपरिन्ना^{१५}, इंगिणि^{१६} पाओवगमणं^{१७} च ॥४५॥
इय सत्तरस विहीउ^१, मरणे गुरुणो गिरंति गुणगुरुया । तेसिं सरुवमडहुणा, वोच्छामि अहाडडणुपुव्वीए ॥४६॥
पइसमयाडडउयदलविह-डणं जमाडडवीइमरण वुत्त तं । नरगाडडइभवनिमिता-डडउकम्मदलियाणि पुण जाणि ॥४७॥
अणुभविय संपयं मरइ, जइ पुणो ताणि चेव अणुभवियं । मरिही तथा तमेवं-भूयं भणियं अवहिमरणं ॥४८॥
नरगाडडइभवनिमिता-डडउदलियमडणुभविय मरइ हु मओ वा । न य तदणुभविय मरिही, पुणो तमाडडयंतियं मरणं ॥४९॥
संजमजोगविसन्ना, मरंति जे तं बलायमरणं ति । इंदियविसयवसगया, मरंति जे तं वसट्टं ति ॥५०॥
लज्जाए गारवेण य, बहुस्सुयमएण वा वि दुच्चरियं । जे न कहंति गुरुणं, न हु ते आराहगा हंति ॥५१॥
गारवपंकनिबुद्धा, अइयारं जे परस्स न कहेन्ति । दंसणनाणचरित्ते, ससल्लमरणं भवति तेसिं ॥५२॥
एयं ससल्लमरणं, मरिऊण, महाभए दुरुत्तारे । सुइरं भमंति जीवा, दीहे संसारकंतारे ॥५३॥
नरतिरिभवपाउग्गाडडउं, बंधियं तक्कए मरंतस्स । तिरियस्स नरस्स य जं, तं तब्भवमरणमाडडहंसु ॥५४॥
मोत्तुं अकम्मभूमग-नरतिरिए सुरगणे य नेरइए । सेसाणं जीवाणं, तब्भवमरणं तु केसिंपि ॥५५॥
मोत्तूण ओहिमरणं, आवीचिआइयं ति पंचेव । सेसा मरणा सव्वे, तब्भवमरणेण नेयव्या ॥५६॥
अविरयमरणं बालमरणं ति, विरयाण पंडियं वेति । जाणाहि बालपंडिय-मरणं पुण देसविरयाणं ॥५७॥
मणपज्जवोहिनाणी-सुयमइनाणी मरंति जे समणा । छउमत्थमरणमेयं, केवलिमरणं तु केवलिणो ॥५८॥
मिद्धाडडइभक्खणं गिद्ध-पट्टमुब्बंधणाडडइ वेहासं । एए दोन्नि वि मरणा, कारणजाए अणुन्नाया ॥५९॥
जओ—
आगाढे उयसग्गे, दुब्भिक्खे सव्वओ दुरुत्तारे । अविहिमरणं पि दिट्ठं, कज्जे कडजोगिणो सुद्धं ॥६०॥
तेणं चिय मुणिपवरा, जयसुंदरसोमदत्तनामाणो । मरणाइं पडिवन्ना, वेहाणसगद्धपट्टाइं ॥६१॥
तहाहि—

“जयसुंदरसोमदत्तदृष्टान्तः”

वइदेसाए पुरीए, नरविक्कमरायविहियरक्खाए । सेट्टी सुदंसणो आसि, तस्स पुत्ता दुवे जाया ॥६२॥
 जयसुंदरो ति पढमां, बीओ पुण सोमदत्तनामो ति । दो वि य कलासु कुसला, दो वि य रुवाडडइगुणजुत्ता ॥६३॥
 दो वि परोप्परपणय-प्पहाणचित्ता पगिट्ठसत्ता य । वट्टंती किच्चेसुं, इहपरलोयाडविरुद्धेसु ॥६४॥
 एगम्मि य पत्थावे, महल्लमुल्लं कयाणय घेतुं । ते बहुतरपरियरिया, अहिछत्ताए पुरीए गया ॥६५॥
 तत्थ य अच्छंताणं, ववहारवसा परोप्परं मेत्ती । जाया भावपहाणा, जयवद्धणसेट्टिणा सद्धिं ॥६६॥
 सोमगिरी विजयसिरी, दोण्णि य धूयाड तस्स सेट्टिस्स । दिन्ना तो तेण तेसिं, विहियो य विहीए वीवाहो ॥६७॥
 तो ते ताहिं सद्धिं, अण्णियं बुहयणस्स जहसमयं । पंचविहविसयसोक्खं, उवभुंजंता परिवसंति ॥६८॥
 अन्नम्मि अवसरम्मि, निजनगराडडगयनरेण ते वुत्ता । हंभो! पिउणा तुब्भे, सिग्घं एह ति आणत्ता ॥६९॥
 जम्हा अणिवत्तयसास-कासपमुहेहिं भूरिरोगेहिं । सो पीडिओ समीहइ, तुब्भाणं दंसणं हत्थं ॥७०॥
 एवं सोच्चा ते त-क्खणेण मोत्तुं तहिं चिय कलत्ते । ससुरस्स कहिय वत्तं, पिउपासे पट्टिया झत्ति ॥७१॥
 अच्छिण्णपयाणेहिं, वच्चंता निययमंदिरे पत्ता । दिट्ठो य परियणो तत्थ, सोयविच्छायमुहसोहो ॥७२॥
 दिट्ठं भवणं पि पणट्ठ-सोहमडइभीसणं सुसाणं व । उवरयदीणाडणाह-प्पयाणसालानिउत्तजणं ॥७३॥
 हा हा हयम्ह ताओ, दिवंगओ फुडमिमं घरं तेणं । कमलवणं पिव अत्थमिय-दिणयरं जणइ नेव रइ ॥७४॥
 एवं परिभायित्ता, चेडीदिन्नाडडसणम्मि आसीणा । एत्थंउतरंमि गुरुसोग-वेगवाहाडडउलडच्छेण ॥७५॥
 काऊण पायवडणं, णिवेइया परियणेण नीसेसा । अच्चंतसोगजणणी, तेसिं पिउणो मरणवत्ता ॥७६॥
 तो ते विमुक्ककंठं, विसंथुलं रोविउं समारद्धा । पडिसिद्धा य कहं पि हु, महुरगिराए परियणेण ॥७७॥
 अह तेहिं जंपियं कहह, असरिसं पेममुव्वहंतेण । अम्हाणमडपुण्णाणं, ताएणं किं समाइट्ठं ? ॥७८॥
 सोगभरगग्गिरेणं, ता भणियं परिजणेण निसुणेह । ताएण तुम्ह दंसण-मडच्चंतं अहिलसंतेण ॥७९॥
 एहन्ति मज्झ पुत्ता, ते तप्पुरओ इमं च तं च अहं । साहिस्सामि ति पयं-पिरेण नो पुच्छिराणं पि ॥८०॥
 अम्हाण किंपि सिट्ठं, अच्चन्तपयंडरोगवसओ य । तुम्हमडणागमणे च्चिय, पत्तो सो झत्ति पंचत्तं ॥८१॥
 एयं च निसुणिऊणं, किं पि अणाइक्खणिज्जसंतावं । तिच्चं समुव्वहन्तेहिं, तेहिं पामुक्कपोक्करवं ॥८२॥
 हा कीस निग्घिण! तए, कीणास! न संगमो समं पिउणा । विहियो ति किं च पावेहिं, तत्थ अम्हेहिं वुत्थं ति ॥८३॥
 एमाडडइ विलविरेहिं, पुणो पुणो ताडिउत्तमंगेहिं । तह कह वि परुणं जह, जणेहिं पहिएहि वि य रुणं ॥८४॥
 तो चत्तभत्तपाणा, ते कहमडवि परियणेण पण्णयिया । तह वि य उवरोहेणं, समत्थकिच्चेसु वट्टंति ॥८५॥
 अण्णम्मि अवसरम्मि, तेहिं दमघोससूरिणो पासे । संसारुच्छेयकरो, निसुओ सव्वन्नुणो धम्मो ॥८६॥
 तो मच्चुरोगदोगच्च-सोगजरपमुहदुक्खपडिहत्थं । संसारमडसारं नि-च्छिऊण संजायवेरग्गा ॥८७॥
 ते दो वि हु गुरुपुरतो, भणन्ति भालयलधरियकरकमला । भयवं! तुम्ह समीचे, पव्वज्जं गिण्णिमो अम्हे ॥८८॥
 अह गुरुणा सुत्तुवओग-मुणियतम्भावविग्घलेसेण । भणियं महाडणुभावा!, उचिया तुम्हाण पव्वज्जा ॥८९॥
 नवरं थीपच्चइओ, भावी तुम्हं सुदूरमुवसग्गो । जइ तं जीवाडवगमे वि, निप्पकंपा सहह सम्मं ॥९०॥
 ता पडिवज्जह सज्जो, पव्वज्जं उज्जमेह मोक्खकए । इहरा हासद्धाणं, किरियां आरूढवडियाण ॥९१॥
 तेहिं भणियं भयवं!, जइ अम्हं जीचियच्चपडिबंधो । होज्ज मणाणं पि तया, न धरेज्जा विरतिगहणमई ॥९२॥
 ता भववासुच्चिग्गाण, तुज्झ पयपउमजुयललग्गाण । विग्घे वि अविचलाणं, अम्हाणं देहि पव्वज्जं ॥९३॥
 तो दिक्खिऊण गुरुणा, कायव्वविही निदंसिओ सव्वो । सुत्तउत्थेहिं च परं, निप्फत्तिं सम्ममुवणीया ॥९४॥
 गुरुकुलवासे सुचिरं, वसिउं ते एगया महासत्ता । नियगुरुणो आणाए, एगागिविहारिणो जाया ॥९५॥
 अह कहवि विहरमाणो, अणिययचित्तीए सम्ममुवउत्तो । अहिछत्ताए पुरीए, साहू जयसुंदरो पत्तो ॥९६॥
 तत्थ य जा किर तेणं, परिणीया आसि सेट्टिणो धूया । सोमसिरी सा पावा, तक्कालं असईचित्तीए ॥९७॥
 गम्भवई संजाया, चिंतइ जयसुंदरो जइ इहेइ । 'उप्पच्चाविय तो तं, नियदुच्चरियं निगूहेमि ॥९८॥

भिक्षुः पवित्रो, दिव्यो तीए य सो कहवि साहू । गेहे 'सएज्झियाए, समाणसीलाए तो इत्ति ॥९१॥
 गेहस्संडतो खित्तो, भणितो य सविणयपणयचलणाए । हे जीयनाह! विरमसु, दुक्करतवचरणओ एत्तो ॥३५००॥
 तुज्झ मए जत्थ दिणे, दिक्खावत्ता निसामिया सुहय! । वज्जवडणाडइरित्तं, दुक्खं जायं ममं तत्थ ॥१॥
 अज्जं चयामि कल्लं, चयामि किर जीवियं तुह विओगे । नवरं एत्तियदियहे, ठियं पि तुह दंसणाडउसाए ॥२॥
 इण्हिं च तए सद्धिं, जीयं मरणं व नत्थि संदेहो । ता पाणनाह! जं तुज्झ, रोयए तं समायरसु ॥३॥
 एवं तीए भणिए, साहू सरिऊण सूरिणो वयणं । पुब्बुवइडुं ताउं च, धम्मपच्चुहमडणुवसमं ॥४॥
 मोक्खडत्थबद्धलक्खो, बाडं नियजीवियव्वनिरवेक्खो । तं भणति खणं एक्कं, भदे! तं ठाहि गिहवाहिं ॥५॥
 जाय अहं नियकिच्चं, करेमि किंपि हु तदुत्तरं जं ते । होही हियमाडउयंतिय-सुहं च तं आयरिस्सामि ॥६॥
 अह सा पहिडुवयणा, तहत्ति पडिसुणिय संठिया बाहिं । दाऊण गिहकवाडाइं, निविडकयडुक्कडाडउयारा ॥७॥
 साहू वि कयाडणसणो, धम्मज्झाणे परमि वट्टन्तो । वेहाणसेण विहिणा, मरिउं अच्चुयसुरो जातो ॥८॥
 जाया पुरमि वत्ता, इमीए साहू हओ ति तो पिउणा । हत्थं णिब्भच्छेउं, निच्छूढा सा नियगिहातो ॥९॥
 अच्चंतसिणेहवसा, विजयसिरी वि हु समं विणिक्खन्ता । मग्गे च्चिय सोमसिरी, सूइदोसा गया निहणं ॥१०॥
 विजयसिरी पुण एगत्थ, आसमे तावसाण पच्चज्जं । घेतूण ठिया सम्मं, भुंजंती कंदमूलाइं ॥११॥
 अवरमि अवसरमि, पुब्बोइयमुणिवरस्स लहुभाया । सो सोमदत्तनामो, विहरन्तो तत्थ संपत्तो ॥१२॥
 तिक्खडगकीलएणं, विद्धो चलणमि अक्खमो भमिउं । थक्को एगपएसे, विजयसिरीए कहवि दिव्वो ॥१३॥
 नाओ य तओ तीए, मयणाडनलदज्झमाणहिययाए । विविहेहिं पयारेहिं, पारद्धो खोहिउं सो य ॥१४॥
 एवं पइक्खणं चिय, खोभिज्जंतस्स तीए पाचाए । सुमरियगुरुवयणस्सा, गंतुं च अचायमाणस्स ॥१५॥
 कह उज्झामि सजीयं ति, चिन्तयन्तस्स तमि देसमि । जायं दोण्ह निवाणं, तत्थ खणे बद्धवेराणं ॥१६॥
 २आओहणं महंतं, नियाडियाडणेगसुहडकरितुरयं । पवहंतरुहिरपवहं, दंसणमेते वि भयजणं ॥१७॥
 परपक्खसपक्खखयं, दट्टुं च निवेसु पडिनियतेसु । मडएसु खज्जमाणेसु, गिद्धभल्लुकमाडउईहिं ॥१८॥
 साहू परिचिन्तइ नउत्थि, मरणाकिच्चे परो उवाओ ता । ठाउं रणंउगणे गद्ध-पट्टमरणं पवज्जामि ॥१९॥
 एवं विणिच्छिऊणं, स महप्पा तीए कह वि पाचाए । कंदफलाडउइनिमित्तं, गयाए कयसव्वकायव्वो ॥२०॥
 सणियं सणियं गंतुं, तेसिं मडयाण मज्झयारमि । पडिओ निज्जीवो इव, खद्धो अह दुट्टसत्तेहिं ॥२१॥
 अच्चंतसमाहीए, मरिउं जाओ सुरो जयंतमि । इय गद्धपट्टमरणं, सम्मं आराहियं तेणं ॥२२॥
 एवं वेहाणसगद्ध-पट्टमरणाइं कारणवसेण । नूणमडणुण्णायाइं, जिणेहिं तइलोक्कमहिएहिं ॥२३॥

तहा—

^३अभिमरणं निवडमि, मारिए गहियसमणलिंगेणं । उट्टाहपसमणउत्थं, सत्थग्गहणं कयं गणिणा ॥२४॥

तहाहि—

“उदायिनृपमारकस्यदृष्टान्तः”

पाडलिपुत्तमि पुरे, अच्चन्तपयंडसासणो राया । सामन्तचक्कपणओ, उदायिनामो जयपसिद्धो ॥२५॥
 थेवाडवराहमेते वि, तेण एगस्स राइणो रज्जं । अवहरियं नीसेसं, सो पुण राया लहुं नट्टो ॥२६॥
 पुत्तो य तस्स एगो, उज्जेणीए गओ परिभमंतो । ओलग्गिउं च लग्गो, उज्जेणीपत्थिवं पयओ ॥२७॥
 अह सो उज्जेणिनियो, ^४परिसवइ उदायिराइणो बहुसो । तेण य रायसुएणं, चिन्नतो रहसि नमिऊण ॥२८॥
 देव! मह जइ सहाई होसि तुमं ता हणामि तुह सत्तुं । पडिसुयमेयं रत्ता, दिन्नं से जीवणं च बहुं ॥२९॥
 तो कंकलोहकतिय-माडउदाय सुगोविउं इमो वि गतो । मारिउमुदायिरायं, नवरं छिदं अपाचिंतो ॥३०॥
 अट्टमीचउदसीसुं, मुणिवइणो राउलंमि वच्चंते । कयपोसहस्स रत्तो, रयणीए सासणनिमित्तं ॥३१॥
 दट्टूण सो विचिन्तइ, सिस्सो होउं इमाण समणाण । पविसित्तु राउलं वं-छियत्थमडचिरा य साहेमि ॥३२॥
 तो कंककतियं गो-विऊण गहिया अणेण पच्चज्जा । अच्चंतविणयवितीए, तोसिया सूरिणो य दढं ॥३३॥

1. प्रातिवेस्मिकयाः = पाडोशणना घरमां । 2. आयोधनम् = युद्धम् । 3. अभिमरणेण = घातकेन । 4. परिशपति = आक्रोशयति

| | |
|--------------------------------------------------------------------------------------------------|------|
| एगम्नि य पत्थावे, रयणीए पोसहं पवन्नस्स । रत्तो धम्मकहउत्थं, दट्टुणं पट्टियं सूरिं | ॥३४॥ |
| सो इति अइयिणीय-तणेण घेतूण कतियं चलितो । संथारगाडउइहत्थो, रायउले सूरिणा सद्धिं | ॥३५॥ |
| चिरदिक्खिओ ति संजम-रओ ति सुपरिक्खिओ ति काऊण । न निसिद्धो सूरिहिं, गया ततो रायभचणम्मि | ॥३६॥ |
| ततो य पोसहं गाहिऊण, भूमीचइं सुचिरवेलं । कहिऊणं धम्मकहं, सुत्ता रयणीए मुणिवइणो | ॥३७॥ |
| तेसिं चेव समीचे, राया वि हु निद्वमुयगतो सहसा । अह ते निब्भरसुत्ते, स दुट्टसिस्सो विजाणिता | ॥३८॥ |
| रत्तो कंठम्मि नियेसिऊण, तं कतियं विणिक्खन्तो । साहू ति न य निसिद्धो, वच्चंतो जामइल्लेहिं | ॥३९॥ |
| अह कंककतियाच्छिन्ना-कंठनि(न)वरुहिरभूरिपवहेण । सित्तसरीरो सूरि, इति विबुद्धो निवं दट्टुं | ॥४०॥ |
| वावाइयं विचिंतइ, तस्स कुसीसस्स नूण कम्ममिमं । ता जइ पाणच्चायं, इन्हिमउहं नो करिस्सामि | ॥४१॥ |
| तो पवयणस्स खिंसा, होही सच्चत्थ धम्मनासो य । इति चिन्तिऊणमउणसण-पमुहं सच्चं विहिं काउं | ॥४२॥ |
| तं चेव कतियं नियय-कंठदेसम्मि ठावइत्ताणं । कालं कुणइ महप्पा उस्सग्गउववायविहिकुसलो | ॥४३॥ |
| इय सत्थुब्बंधणपभिइणा वि, आगाढकारणे मरणं । निदोसं चिय चुत्तं, भत्तपरिणं अह भणामि | ॥४४॥ |
| भत्तं हि भुत्तपुच्चं, अणेगसो णेगहा मए एत्थ । जाया तित्ती ततो, न तओ तह कहवि जीवस्स | ॥४५॥ |
| कहमउन्नहा पुणो वि हु, असुयं व अदिट्टमिव अभुत्तं व । अमयं व पढमलाभे, बहुमन्नइ दिवसदिवसे तं | ॥४६॥ |
| असुइत्तणाडउइबहुविह-वियारपरिणामधम्मणा तम्हा । किमिमिणा मणसा वि अचज्ज-हेउणा चित्तिएणाउवि | ॥४७॥ |
| इय जाणगप्परिन्नाए, भत्तविसयं हि जं परिन्नाणं । पच्चक्खाणपरिन्नाए, तह य भयवंतवयणाओ | ॥४८॥ |
| सच्चं पि असणपाणं, चउच्चिहं जा य बाहिरो उवही । अब्भित्तरो य तं पि हु, जाजीवं वोसिरे सच्चं | ॥४९॥ |
| इच्चाइ जा उ तिविहस्स, अहव सम्मं चउच्चिहस्साउवि । आहारस्सिह जाव-ज्जीवं पि परिच्चयणरूवं | ॥५०॥ |
| पच्चक्खाणं जं तं, भत्तपरिन्न ति तीए किर मरणं । भत्तपरिन्नामरणं, सप्पडिकम्मं तयं णियमा | ॥५१॥ |
| भत्तपरिन्नामरणं, दुविहं सवियारं मो अवीयारं । सपरक्कमस्स मुणिणो, संलिहियतणुस्स सवियारं | ॥५२॥ |
| अपरक्कमस्स मुणिणो, भत्तपरिन्नं भणंति अवियारं । काले अपहुप्पंते, तं पि हु तिविहं समासेणं | ॥५३॥ |
| पढमं जाण निरुद्धं, निरुद्धतरयं च भन्नए बीयं । परमनिरुद्धं तइयं, तेसिं सरूवं पुण भणामि [दारगाहा] | ॥५४॥ |
| जो जंघाबलरहिओ, रोगाउउयंकेहिं करिसियसरीरो । तस्स मरणं निरुद्धं, अवियारं भण्णए पढमं | ॥५५॥ |
| तम्मि वि पुच्चुत्तविही, दुविहं तं पि य पयासमउपयासं । जणनायं तु पयासं, जणे अविन्नायमउपयासं [दारं] | ॥५६॥ |
| वाल-उग्गि-वग्घमाउउईहिं, सूल-मुच्छा-विसूइयाउउईहिं । नच्चा संवट्टिज्जन्त-माउउयं सिग्घमेव मुणी | ॥५७॥ |
| जाव न वाया अक्खिचइ, जाव चित्तं न होइ अक्खित्तं । संनिहियाणाउउलोयइ, गणिमाउउईणं पि सो ताव | ॥५८॥ |
| एयं निरुद्धतरयं, बीयं मरणं भणंति अवियारं । सो चेव जहाजोगं, पुच्चुत्तविही भवइ तम्मि [दारं] | ॥५९॥ |
| वायाइउउएहिं जइया, अक्खित्ता होज्ज भिक्खुणो वाया । तइया परमनिरुद्धं, तइयं मरणं अवीयारं | ॥६०॥ |
| नच्चा संवट्टिज्जन्त-माउयं सिग्घमेव सो भिक्खू । अरिहन्तसिद्धसाहूण, अन्तियं सच्चमाउउलोए | ॥६१॥ |
| एवं भत्तपरिन्ना, सुयाउणुसारेण वन्निया एसा । एत्तो इंगिणिमरणं, भणामि सम्मं समासेणं | ॥६२॥ |
| इंगिज्जइ चेद्विज्जइ, पइनियए, चेव भूपएसम्मि । अणसणकिरिया इमाए, इंगिणी तीए य जं मरणं | ॥६३॥ |
| भन्नइ इंगिणिमरणं, तं चउहाउउहारंचायजुत्तस्स । निप्पडिकम्मस्सिंणिय-देसंतोवत्तिणो चेव | ॥६४॥ |
| जो भत्तपरिन्नाए, उवक्कमो भन्निही सवित्थारो । सो चेव जहाजोगं, उवक्कमो इंगिणीमरणे | ॥६५॥ |
| संलिहियदच्चभायो, इंगिणिमरणम्मि बद्धववसाओ । आइमतियसंघयणो, धीमंतो खामिउं सगणं | ॥६६॥ |
| अंतो बाहिं च ततो, विसुद्धमाउउरुहिय थंडिलं एक्को । संथरिय तणाइं तहिं, उत्तरसिरमउहव पुच्चसिरो | ॥६७॥ |
| अरिहाउउइअंतिगे सो, सीसम्मि कयंउजली विसुद्धमणो । आलोयणं च दाउं, वोसिरइ चउच्चिहाउउहारं | ॥६८॥ |
| सयमेव अप्पणो सो, करेइ आउंटणाउउइकिरियाओ । उच्चारोउउइ विगिंचइ, सयं च सम्मं निरुवसग्गो | ॥६९॥ |
| जाहे पुण उवसग्गा, दिच्चा माणुस्सया च से होज्जा । ताहे निप्पडिकंपो, ते अहियासेइ विगयभयो | ॥७०॥ |
| पत्थिज्जंतो वि ततो, किंनरकिंपुरिसदेवकन्नाहिं । न य सो तहाउवि खुब्भइ, न विम्हयं कुणइ रिद्धीए | ॥७१॥ |

जइ से दुक्खत्ताए, सव्वे वि हु पोग्गला परिणमेज्जा । तहवि न से थेवा वि हु, विसुत्तिया होइ झाणस्स ॥७२॥
जइ सव्वपोग्गलचओ, अहव सुहत्ताए तस्स परिणमइ । तह वि न से संजायइ, विसोत्तिया सुद्धझाणस्स ॥७३॥
सच्चित्ते साहरिओ, सो तत्थुप्पिक्खए विमुक्कंडगो । उवसंते उवसग्गे, जयणाए थंडिलमुवेइ ॥७४॥
वायणपरियट्टणपुच्छणाओ, मोत्तूण तह य धम्मकहं । सुत्तडत्थपोरिसीए, सरैइ सुत्तं च एगमणो ॥७५॥
एवं अट्ट वि जाने, अनुअट्टो झायए पसन्नमणो । आहच्च निदभावे वि, नडत्थि थेवं पि सइनासो ॥७६॥
सज्झायकालपडिले-हणाडडइयाओ न संति किरियाओ । जम्हा सुसागटाणे वि, तस्स झाणं न पडिकुट्टं ॥७७॥
आवासयं च सो कुणइ, उभयकालं पि जं जहिं कमइ । उवहिं पडिलेहेइ य, मिच्छक्कारो य से खलिए ॥७८॥
वेउव्वियआहारग-चारणखीरासवाडडइलद्धीओ । कज्जे वि समुप्पन्ने, विरागभावा न सेवइ सो ॥७९॥
मोणाडभिग्गहनिरओ, आयरियाडडईण पुट्टवागरगो । देवेहिं माणुसेहि य, पुट्टो धम्मक्कहं कहइ ॥८०॥
एवं इंगिणिमरणं, सुयाडणुसारेण साहियं सम्मं । पाओवगमणमेतो, समासओ चेव वन्निस्सं ॥८१॥
किर जत्थ कत्थई एत्थ, मरणभेयम्मि पायवस्सेव । उवगमणमडवत्थाणं, जायइ पाओवगमणं तं ॥८२॥
जं जत्थ जहा अंगं, निक्खिवइ तं तहिं तह धरेइ । पाओवगमणमेयं, नीहारं वा अनीहारं ॥८३॥
उवसग्गेण वि जं सो, साहरिओ कुणइ कालमडन्नत्थ । तं भणियं नीहारिय-मियरं पुण निरुवसग्गम्मि ॥८४॥
पुढवी-आऊ-तेऊ,-वाउ-वणस्सइ-तसेसु साहरितो । वोसट्टचत्तदेहो, अहाडडउयं पालइ महप्पा ॥८५॥
मंडण-गंधाडडलेवण-भूसियदेहो वि जावजीवं सो । पाओवगतो विट्टइ, निच्चैट्टो सुद्धलेसागो ॥८६॥
जं पायवो व्व उद्धट्टिओ व्व, पासट्टिओ व्व सो भाइ । उव्वत्तणाडडइरहितो, निच्चैट्टो होइ तेणं ति ॥८७॥
इय सत्तरसमरणसरुव-कित्ठणं किंपि काउमेताहे । तच्चरिमत्तिगविसयं, वत्तव्वं किंपि देसेमि ॥८८॥
सव्वाओ अज्जाओ, सव्वे च्चिय पढमसंघयणवज्जा । सव्वे वि देसविरया, भत्तपरिन्नं पवज्जति ॥८९॥
अह इंगिणिमरणं पुण, दढतरथिइबलजुया अणुट्टिन्ति । अज्जापमुहाणं पुण, लक्खिज्जइ तस्स पडिसेहो ॥९०॥
पढमिल्लुयसंघयणा, संलिहियडप्पाडहवा असंलिहिया । दढतमधीबलजुत्ता, पाओवगमं पुण कुणंति ॥९१॥
नेहवसा देवेणं, साहरिया 'देवडरन्नमाइसु । न वि तं चलंति धीरा, पारद्धविसुद्धझाणातो ॥९२॥
तेसिं पुणवोच्छेओ चोदसपुव्वीण होइ वुच्छेए । पढमिल्लुयसंघयणं ततो न परेण होइ जओ ॥९३॥
एवं इमंमि दारे मरणं संखेयतो समक्खायं । आराहणफलदारे, फलं तु एयस्स वि भणिस्सं ॥९४॥
इय समओदहिअमओ-वमाए संवेगरंगशालाए । आराहणाए मूलि-ल्लयंमि परिकम्मविहिदारे ॥९५॥
पत्थुयपन्नरसणं पडिदाराणं कमाडणुसारेण । एक्कारसमं भणियं, मरणविभत्ति ति पडिदारं ॥९६॥
पुव्विं मरणाणि पव-न्नियाणि सामन्नओ बहुविहाणि । एतो य पगयमरण-द्वारसरुवं परुवेमि ॥९७॥

“अधिगतमरणद्वारम्” —

किं पुण पगयं भण्णइ, पंडियमरणं दुहोहवल्लीण । विद्धंसणेक्क^२निक्कड-धारुअडपरसुपडितुल्लं ॥९८॥
एयविवक्खं पुण, बाल-मरणमडक्खंति खीणमोहमला । उभयसरुवं च इमं, पंचवियप्यं परिकहेमि ॥९९॥
पंडियपंडियमरणं^१, पंडिययं^२ बालपंडियं तइयं^३ । बालमरणं चउत्थं^४, पंचमगं बालबालं ति^५ ॥३६००॥
तत्थ पढमं जिणाणं, बीयं साहूण देसविरयाणं । तइयं^३संसु तुरियं, मिच्छदिट्ठीण पंचमयं ॥१॥
अन्ने उ सूरिणो पुण, एत्थं पत्थुयपमेयविसयम्मि । मरणपणगस्सरुवे, इमं विभागं भणंति जहा ॥२॥
पंडियपंडियमरणं, मरमाणाणं तु केवलीण भवे । भत्तपरिन्नाडडई पुण, पंडियमरणं मुणिवराणं ॥३॥
देसविरयाणमडविरय-संमाण य बालपंडियं मरणं । मिच्छदिट्ठीउवसम-पराण जं बालमरणं तं ॥४॥
जं च कसायकलुसिया, मरंति दढमडभिग्गहीयमिच्छता । सव्वजहन्नं भन्नइ, तं मरणं बालबालं ति ॥५॥
अहवा पंडियमरणाइं, तिन्नि दो चेव बालमरणाइं । पढमाइं संमदिट्ठिस्स, जाण बीयाइं इयरस्स ॥६॥
तत्थाडडइल्लेहिं तिहिं, मरमाणाणं कमेण मरणेहिं । उत्तम-मज्झ-जहन्नो, नेओ अब्भुज्जओ उ यिही ॥७॥
संमत्ताडणुगयमणो, जीवो मरणे असंजओ जइ वि । जिणवयणमडणुसरंतो, परित्तसंसारियो तहवि ॥८॥

१. देवरन्नमाइसु - तमस्कायादिषु । २. ०निःकड = कटिन । ३. सभ्यगृह्णितु ।

सद्वहगा पतियगा य, रोयगा जे हु जिणवराडणाय । संमत्तमडणुसरंता, ते खलु आराहगा होंति ॥१९॥
जिणभणियपवयणमिणं, असद्वहंतेहिं अणेगजीवेहिं । बालमरणाणि तीए, मयाणि काले अणंताणि ॥१९०॥
न य तेहिं अणंतेहिं वि, विवेयवियलाण नाणरहियाण । जीवाण वरायाणं, संपन्नो को वि गुणलेसो ॥१९१॥
बालमरणस्स तम्हा, वित्थरमडवहत्थिउं विवागं मे । संखेवेण भणन्तस्स, दिन्नकण्णा निसामेह ॥१९२॥
बालमरणेहिं जीवा, वियडंमि भवाडडवीकडिल्लमि । भमिया भमिन्ति भमिहिन्ति, दीहकालं किल दुहता ॥१९३॥
तहाहि—

एत्थ पुणरुत्तदुत्तर-जम्मजरामरणपरिसरणरीणा । भवजंतजंतुगोणा, अपत्तपारा परिभमंता ॥१९४॥
चउसु वि गईसु जं जं, जं जं चुलसीइजोणिलक्खेसु । जीवाणमडणिट्टपयं, तं तं दुक्खं अणुभवन्ति ॥१९५॥
किंच—

जं निरडणुबंधमिडं, जं चाडणिट्टमडणुबंधि दुद्धरिसं । तं बालमरणतरुणो, फलविलसियमाडडहु मुणिवसभा ॥१९६॥
इय बालमरणभीसण-सरुवमुवजाणिऊण धीरेहिं । पंडियमरणं 'गज्झं, नामडथो तस्स पुण एवं ॥१९७॥
पंडा भन्नइ बुद्धी तीए जुओ पंडिओ ति नायव्वो । तस्स मरणं तु जं तं, पंडियमरणं समक्खायं ॥१९८॥
तं पुण भत्तपरिन्ना-मरणं चिय एत्थ पत्थुयं सत्थे । जेण मरंताण धुवं, जायइ वंछियफलपसिद्धी ॥१९९॥
काले वि दुस्समाए, संघयणे वि हु अणिट्टेवट्टे । विरहे वि ^२अइसईणं, तह दढधिइबलअभाये वि ॥२००॥
एयं पि वियरइ, च्चिय, सुंदरकालाडडइजोगसज्झाणं । पाओवगमणइंगिणि-मरणाणं साहणिज्जफलं ॥२०१॥
एयं हि मणोवंछिय-सुहफलदाणेक्ककप्पतरुसंडं । इममडन्नाणतमोघण-दुस्समरयणीए सरयससी ॥२०२॥
एयं हि भीमभवमरु-मज्झे विलसंतयिमलजलसरसी । अच्चंतियदोगच्चे, चित्तारयणं पहाणमिणं ॥२०३॥
इममडइदुरंतदुगइ-गत्ताओ उत्तमुत्तरणमगो । एयं सिधपासाया-डडरुहणविहीए सुनिस्सेणी ॥२०४॥
धीबलवियलाणमडकाल-मच्चुकलियाणमडकयकरणाण । निरवज्जमडज्जकालिय-जईण जोगं निरुवसगं ॥२०५॥
निच्छियमरणाडवत्थो, चाहीघत्थो जई गिहत्थो वा । भयिओ भत्तपरिन्ना-पंडियमरणे जएज्ज ततो ॥२०६॥
पंडियमरणेण मया, अणंतसत्ता सिवाडडलयं पत्ता । बालमरणेण य पुणी, भमंति भीमं भवाडरन्नं ॥२०७॥
एगं पि एगवारं, पंडियमरणं जियस्स दुक्खाइं । निन्नासित्ता दूरं, सगगडपवग्गे सुहं देइ ॥२०८॥
जाएण जीचलोगे, सब्बेण वि जं अवस्समरियव्वं । ता कहवि तह मरिज्जइ, जह मरणं पुण ण संभवइ ॥२०९॥
तिरियत्तमुवगतो वि हु, पंडियमरणं कहं पि जइ लहइ । तो वंछियत्थसिद्धिं, सुंदरिनंदो व्व कुणइ जिओ ॥२१०॥
तहाहि—

“सुन्दरीनन्ददृष्टान्तः”

एत्थेव जंबुदीवे, भरहे वासम्मि वासवपुरि व्व । विबुइजणहिययहरणी, अणवरयपयट्टपरममहा ॥२११॥
सिरिवासुपुज्जजिणवर-वयणिं दुयिबुद्धभयियकुमुयवणा । लच्छीए सोहिया चक्क-पाणिमुत्ति व्व जयपयडा ॥२१२॥
चंपा नामेण पुरी, आसि परिभवियधणवइधणोहो । वत्थव्वो तत्थ धणो, अहेसि सेट्ठी गुणविसिद्धो ॥२१३॥
तस्स य वसुनामेणं, निवासिणा तामलितिनयरीए । वणिण्ण समं मेती, संजाया निरुवचरिय ति ॥२१४॥
जिणधम्मपालणपरा-यणाण सुस्समणचलणभत्ताणं । तेस्सिं वच्चंतेसुं, दिणेसु एगम्मि पत्थावे ॥२१५॥
अव्वुच्छिन्नं पीइं, पवंछमाणाण निच्चकालं पि । सुंदरिनामा धूया, नियगा धणसेट्ठिणा दिन्ना ॥२१६॥
नंदस्स वसुसुयस्स उ, कओ विवाहो य सोहणमुहुते । दावियभुवणडच्छरिओ, महया रिद्धीसमुदएणं ॥२१७॥
अह सुंदरीए सद्धिं, पुव्वडज्जियपुत्रपायवस्सुचियं । नंदस्स विसयसुहफल-मुवभुंजंतस्स जंति दिणा ॥२१८॥
अच्चंतयिमलबुद्धि-त्तणेण विन्नायजिणमयस्सायि । तस्सेगम्मि अवसरे, जाया चित्ता इयसरुवा ॥२१९॥
ववसायविभवधिगलो पुरिसो लोगम्मि होइ अवगीओ । कापुरिसो ति विमुच्चइ, पुव्वसिरीए वि अच्चिरेण ॥२२०॥
ता पुव्वपुरिससंतइ-कमाडडगयं जाणवत्तवाणिज्जं । पकरेमि पुव्वधणविल-सणेण का चंगिमा मज्झ ॥२२१॥
किं सो वि जीवइ जए, नियभुयजुयलडज्जिण्ण दव्वेण । जो वंछियं पयच्छइ, न मग्गणाणं पइदिणं पि ॥२२२॥

1. गज्झं = ग्राह्यम् । 2. अतिशयिनाम् = अतिशययुक्तज्ञानिपुरुषाणाम् ।

विज्जाविक्रमगुणसलह-णिज्जवितीए जो धरइ जीयं । तस्सेव जीयियं वन्न-णिज्जमियरस्स किं तेण ॥४३॥
उप्पज्जति विणस्संति, णेगसो के जयम्मि नो पुरिसा । जलबुब्बुय व्य परमत्थ-रहियसोहेहिं किं तेहिं ॥४४॥
कह सो वि पसंसिज्जइ, न जस्स सप्पुरिसकित्ताणवसरे । चागाडडइगुणगणेणं, पढमं चिय जायए रेहा ॥४५॥
इति चित्तिऊण तेणं, परतीरदुल्लंभभंडपडिहत्थं । पारे पारावारस्स, इति पगुणीकयं पोयं ॥४६॥
गमणुम्मणं च तं पेच्छि-ऊण अइविरहकायरत्तेण । अच्चंतसोगविहुराए, सुंदरीए इमं भणियं ॥४७॥
हे अज्जउत्त! अहमडवि, तुमए सह नूणमाडडगमिस्साभि । पेमपरायत्तमिमं, चित्तं न तरामि संठविउं ॥४८॥
इय भणिए दढतरपणय-भाववक्खित्तचित्तपसरेणं । पडिवन्नमिमं नंदेण, तयडणु जायम्मि पत्थावे ॥४९॥
आरुढाडं दोन्नि वि, ताइं विसिद्धम्मि जाणवत्तम्मि । पत्ताणि य परतीरं, ख्मेणाडणाडडउलमणाणि ॥५०॥
विणिचट्टियं च भंडं, उवज्जिओ भूरिकणगसंभारो । पडिभंडं घेतूण य, इंताण समुद्धमज्झम्मि ॥५१॥
पुव्वकयकम्मपरिणति-वसेण अच्चंतपबलपवणेण । विलुलिज्जन्ती नावा, क(झ)डति सयसिक्करा जाया ॥५२॥
अह कहवि तहाभवियव्वयाए, उवलद्धफलगखंडाणि । एक्कम्मि चेव वेला-उलम्मि लग्गाणि लहु ताणि ॥५३॥
अघडंतघडणसुघडिय-विहडणवावडविहिस्स जोगेण । जायं परोप्परं दंस-णं च गुरुविरहविहुराणं ॥५४॥
तो हरिसविसायवसु-च्छलन्तदढमन्नु'फुन्नमलसरणी । सहस ति सुंदरी नंद-कंठमडवलविउं दीणा ॥५५॥
रोचिउमाडडरद्धा निब्बि-रामनिवडंतनयणसलिलभरा । जलनिहिसंगुवलगंगडबु-बिंदुनिवहं मुयंति व्य ॥५६॥
कह कहवि धीरिमं धा-रिऊण नंदेण जंपियं ताहे । सुयणु किमेवं सोगं, करेसि अच्चंतकसिणमुही ॥५७॥
को नाम मयच्छि! जए, जाओ सो जस्स नेव वसणाणि । पाउब्भूयाणि न या, जायाणि य जम्ममरणाणि ॥५८॥
कमलमुहि! पेच्छ गयणं-गणेक्कचूडामणिस्स वि रविस्स । उदय-पथाव-विणासा, पडिदिवसं चिय वियंभंति ॥५९॥
किं वा न सुयं तुमए, जिणिंदवयणम्मि जं सुरेंदा वि । पुव्वसुकयकध्रयम्मि, दुत्थाडवत्थं उवलभंति ॥६०॥
कम्मवसवत्तिजंतूण, सुयणु! किं एत्तिए वि परितावो । जेसिं छाय व्य समं, भमडइ दुक्ख्राण दंदोली ॥६१॥
इय एवमाडडइवयणेहिं, सुंदरिं सासिउं वसिमहुत्तं । तीए समं चिय चलिओ, नंदो तद्दासुहकिलंतो ॥६२॥
अह सुंदरीए भणियं, पिययम! एत्तो परिस्समकिलन्ता । अच्चंततिसाडभिहया, पयमडवि न तरामि गंतुमडहं ॥६३॥
नंदेण जंपियं सुयणु, एत्थ वीसमसु तं खणं एक्कं । जेणाडहं तुज्झ कए, सलिलं कतो वि आप्णेमि ॥६४॥
पडिसुयमडणाए ताहे, नंदो आसन्नकाणणुद्देसे । सलिलाडवल्लोयणत्थं, तं मोतूणं गतो सहसा ॥६५॥
दिट्ठो य कयंतेण व, विजंभिउब्भडमुहेण सीहेण । तिब्बुछुहाडभिहएणं, अइचवलललंतजीहेण ॥६६॥
ततो भयसंभंतो, विस्सुमरियअणसणाडडइकायव्वो । अट्टज्जाणोवगतो, निहओ सो असरणो तेण ॥६७॥
उववन्नो य तहिं चिय वणसंडे बालमरणदोसेण । चुयसम्मत्तसुहगुणो, सो नंदो वानरत्तेण ॥६८॥
एत्तो य सुंदरीए, परिवालिंतीए अइगयं दिवसं । तह वि हु न जाव नंदो, समागतो ताव संखुद्धा ॥६९॥
निच्छइयतव्विणासा, धसति सा निवडिया धरणिवट्ठे । मुच्छानिमीलियडच्छी, मय व्य ठाऊण खणमेक्कं ॥७०॥
वणकुसुमसुरहिमारुय-मणागउवलद्धचेयणा दीणा । रोचिउमाडडरद्धा निब्बिड-दुक्खपामुक्कपोक्कारा ॥७१॥
हा अज्जउत्त! हा जिणवरिंद-पयपउमपूयणाडडसत्त! । हा सद्धम्ममहानिहि!, कत्थ गओ? देहि पडिवयणं ॥७२॥
हा पाचदइव! धणसयण-गेहनासे वि किं न तुट्ठो सि । जमडणज्ज! अज्जउत्तो वि, निहणमिहिं समुवणीओ ॥७३॥
हे ताय! सुयावच्छल! हा हा हे जणणि! निक्कवडपेमे । दुहजलहिनिवडियं कीस, निययधूयं उवेहेह ॥७४॥
इय सुचिरं विलवित्ता, निब्बिडपरिस्समकिलाभियसरीरा । करयलनिहितवयणा, सुतिक्खदुक्खं अणुहयंती ॥७५॥
तुगपरिवाहणडत्थं, तत्थोवगएण सिरिउरनिवेण । दिट्ठा कह वि पियंकर-तामेणं चिन्तियं च इमं ॥७६॥
सावब्भट्ठा किमिमा, तियसवहू मयणविरहिया व रई । वणदेवया व विज्जा-हराण रमणि व्य होज्ज ति ॥७७॥
विन्हियमणेण पुट्ठा य, सुयणु! का तं सि? किमिह आवससि? । कतो य आगया? कीस, वहसि संतावमेवं ति ॥७८॥
अह सुंदरीए दीहुउण्ह-मुक्कनिस्सासतरलियगिराए । सोगवसमउलियडच्छीए, जंपियं भो महासत्त! ॥७९॥

1. फुन्न = पूर्ण । 2. प्रेतैः = भूतैः मृतैः वा । 3. गुल्मदोषेण ।

वसणपरंपरनिव्यतणेक्क-पडुविहिविहाणवसगाए । मज्झ पउत्तीए अलं, इमाए दुहणिवहहेऊए ॥८०॥
 आवडगया वि उत्तम-कूलप्पसूयतणेण नो एसा । साहिस्सइ नियवत्तं ति, चिंतिऊणं महीयइणा ॥८१॥
 अणुणइऊणं मंजुल-गिराहिं नीया कहं पि नियगेहे । काराविया य गाढो-वरोहओ भोयणाडडइविहिं ॥८२॥
 मणवंछियं च सव्वं संपाडइ तीए मेइणीनाहो । अणुरागेणं सप्पुरिस-वितिभावेण य सया वि ॥८३॥
 समाणदाणसप्पणय-संकहारंजिय ति मुणमाणो । महुरगिराए नरेंदो, एगंते सुंदरिं भणइ ॥८४॥
 ससिमुहि! सरीरमणनि-व्युइहरं पुव्वकालयुत्तंतं । मोत्तूण मए सद्धिं, जहिच्छियं भुंज विसयसुहं ॥८५॥
 पइदिणसोगोवहया, सुकुमारा सुयणु! तुज्झ कायलया । दीवयसिहोवतत्ता, मालतिमाल व्य पमिलाइ ॥८६॥
 न य सुयणु! जोव्वणं पव्व-णिंदुबिबं व जणमणाडडणंदं । सोगविडप्पकडप्पु-प्पीडियमुवचिणइ सोहगं ॥८७॥
 अच्चंतसुंदरं पि हु, मणोडभिरामं पि भुवणदुलहं पि । पब्भट्टं नट्टं वा, वत्थुं सोईति नो कुसला ॥८८॥
 ता होउ भूरिभणिएण, कुणसु मह पत्थगं तुमं सहलं । पत्थावुचियपवितीए, चेव जत्तं कुणति बुहा ॥८९॥
 अच्चन्तकन्नकडुयं, अस्सुयपुव्वं च तीए सोच्चेमं । वयभंगभयवसट्टाए, गाढदुक्खाडडउलमणाए ॥९०॥
 भणियं भो नरपुंगव!, सुकुलपसूयाण जणपसिद्धाण । नयमग्गदेसगाणं, तुम्हारिसपवरपुरिसाण ॥९१॥
 अच्चन्तमडणुचियं उभय-लोगविद्धंसणेक्कपडुयं च । पररमणिरमणमेयं, अवजसपडहो तिहुयणे वि ॥९२॥
 रत्ता पयंपियं कमल-वयणि! चिरपुत्रनिवहउवणीयं । रयणनिहिमडणुसरंतस्स, होज्ज किं दूसणं मज्झ ॥९३॥
 तो नरवइनिरुवक्कम-निब्बंधं मुणिय तीए पडिभणियं । जइ एवं ता नरवर!, चिरगहियाडभिग्गहो जाव ॥९४॥
 पुज्जइ ता पडियालेसु, मज्झ तं केत्तियं पि नणु कालं । पच्छा य तुज्झ वंछा-डणुरुक्कमडहमाडडचरिस्सामि ॥९५॥
 एवं सोच्चा तुट्ठो, भूमिवई नट्टखेड्डमाडडईणि । चित्तविणोयडत्थं से, दरिसाचिन्तो गमइ कालं ॥९६॥
 अह पुव्वभणियनंदो, वानरभावेण वट्टमाणो सो । गहिओ मक्कडखेड्डा-वगेहि उविओ ति काऊण ॥९७॥
 नट्टाइबहुकलाओ, सिक्खविद्यो पइपुरं पि दंसिता । ते पुरिसा तं घेतुं, समागया सिरिपुरे कहवि ॥९८॥
 खेल्लाचिता पइमंदिरं च, ते रायमंदिरम्मि गया । पारद्धो य तहिं सो, पणच्चिउं सव्वजतेण ॥९९॥
 अह नच्चंतेण कहिं पि, सुंदरी रायसंनिहिनिसत्ता । दिट्ठा णेणं चिरपणय-भाववियसंतनेतेण ॥१००॥
 कत्थ मए दिट्ठेयं ति, चित्तयंतेण तेण पुणरुत्तं । जाई सरिया नाओ, सव्वो च्चिय पुव्ववित्तंतो ॥१०१॥
 तो परमं निव्वेयं, समुव्वहंतेण चिन्तियं तेण । हा! हा! अणत्थनिहिणो, धिरत्थु संसारवासस्स ॥१०२॥
 जेण तहाविहनिम्मल-विवेयजुत्तो वि धम्मरागी वि । अणुसमयसमयसंसिय-विहिणाडणुट्टाणकारी वि ॥१०३॥
 तह बालमरणवसओ, विसमदसं एरिसिं समणुपत्तो । तिरियत्ते वट्टंता य, संपयं किं करेमि अहं ॥१०४॥
 अहवा किमडणेण विचिंतिएण, इय अवसराडणुरुवं पि । पकरेमि धम्मकम्मं, पज्जत्तं जीयियव्वेण ॥१०५॥
 इय सो परिभावंतो 'सुडिओ ति मुणित्तु तेहिं पुरिसेहिं । नीओ सट्टाणम्मि उ, तेणं पुण अणसणं गहियं ॥१०६॥
 पंचपरमेट्टिमंतं, अणुसुमरंतो य सुद्धभावेण । मरिऊणं उववन्नो, दिव्वो देवो महिडिद्वयो ॥१०७॥
 ओहिवसमुणियचिरवइ-यरो य अवयरिय बोहइ नरिंदं । सुंदरिमडवि सूरीणं, अप्पइ पव्वज्जगहणडत्थं ॥१०८॥
 इय तिरियत्तगयस्स वि, पंडियमरणं पणामइ जीयस्स । सुगइपुरपरमरज्जं, निरवज्जं भणियजुत्तीए ॥१०९॥

किंच—
 आजम्मं पि करिता, कडमदं रइयपावपब्भारं । पच्छा पंडियमरणं, लहिऊण य सुज्झाए जीवो ॥११०॥
 संसाररत्तपडिओ, अणाडडइजीवो न ताव उत्तरइ! जाव न पंडियमरणं, अपत्तपुव्वं इहं लहइ ॥१११॥
 पंडियमरणेण मया, तेणेव भवेण केई सिज्झति । केई पुण देवलोए, गंतूण इहाडडगया सन्ता ॥११२॥
 सावयकुलेसु जम्मं, पायिता सुचिरचरियसामन्ना । पंडियमरणेण मया, सिज्झति भवम्मि तइयम्मि ॥११३॥
 तारयतिरियविवज्जं, सुमणुयदेवेसु विलसमाणा वि । अट्टभवडब्भन्तरओ, पंडियमरणेण सिज्झति ॥११४॥
 तत्थ य गिही मुणी वा, निज्जंतुपएससंठियो विहिणा । उद्धरियसव्वसल्लो वज्जियनीसेसआहारो ॥११५॥

1. सुडिओ = श्रान्तः ।

छक्कापरक्यणपरो, खामणमरिसायणार्हि उज्जुतो । अविराहगो अचचलो, जिइंदियो जियतिदंडरिऊ ॥१६॥
जियचउकसायसेन्नो, समसत्तमितयाए वट्टंतो । इय पंडियमरणेण, जो हु मओ 'सुम्मओ सो हु ॥१७॥
एयं पंडियमरणं, सम्मदिट्ठी लहंति लहुक्कम्मा । पावेंति मंदपुत्रा वि, किमिह चिन्तामणीरयणं ॥१८॥
सेसं तु बालमरणं, बालाण पए पए सुलभमेव । नवरं तमडणत्थफलं, संसारपवडडणं जेण ॥१९॥
बालो मुक्खो सो पुण, सनियाणं अणसणं तवं विविहं । काऊण मओ जायइ, वंतरजाईसु असुहासु ॥२०॥
तत्थुप्पन्नो तं तं, करेइ बालो व्य केलिपडिबद्धो । जेण पुण भवसमुदे, अणोरपारम्मि परिभमइ ॥२१॥
तो तं पंडियमरणं, असेसकम्मक्खयत्थमुवउत्ता । कृणमाणा सइ धीरा, नित्थारगपारगा हुंतु ॥२२॥
एगं पंडियमरणं, मरिऊण पुणो बहूणि मरणाणि । न मरंति अप्पमत्ता, चरित्तमाडडराहियं जेहिं ॥२३॥
संजमगुणेषु सम्मं, सुसंवुडा सव्वसंगओ मुक्का । जे उ चयंति सरीरं, पंडियमरणं कयं तेहिं ॥२४॥
जं निज्जरेइ कम्मं, असंवुडो सुबहुणा वि कालेण । तं संवुडो तिगुत्तो, खवेइ ऊसासमित्तेण ॥२५॥
निच्छयतिदंडविरया, तिगुत्तिगुत्ता तिसल्लनिस्सल्ला । तिविहेण अप्पमत्ता, जयजीवदयापहाणमणा ॥२६॥
पंचमहव्वयनिरया, संपुन्नचरित्तसीलसंजुत्ता । विहिपुव्वविहियमरणा, भवति आराहगा मुणिणो. ॥२७॥
अच्चाहीणा जाहे, धीरा सुयसारकलियपरमउत्था । तो आयरियविदिन्नं, उवंति अब्भुज्जयं मरणं ॥२८॥
पंडियमरणं च इमं, विसुज्झमाणस्स चेव जीवंस्स । कस्स वि जइ संपज्जइ, विसेसकुसलाडणुबन्धस्स ॥२९॥
रयणकरंडयतुल्लं, उम्बरपुप्फं व दुल्लहं लोए । एयं पंडियमरणं, पुत्रयिहीणा न पावेंति ॥३०॥
मरणं चिय मरणाणं, जराण पुण पडिजर च्चिय विणासे । एयं पंडियमरणं, अपुणभावो य जम्मस्स ॥३१॥
सारीरमाणसोभय-समुब्भवाडसंघ्रतिक्खदुक्खाणं । पंडियमरणमएणं, सव्व्याण जलंउजली दिन्नो ॥३२॥
अन्नं च—

जं जं जयम्मि जायइ, जीवाणं साडणुबंधमिडुसुहं । तं तं वियाण सव्वं, पंडियमरणस्स विप्फुरियं ॥३३॥
अहवा—

जं साडणुबंधमिडुं, जमडणिट्ठं निरडणुबंधमिह किंपि । तं सव्वं पि वियाणसु, पंडियमरणदुमस्स फलं ॥३४॥
एक्कं पंडियमरणं, सव्वभवाडणिट्ठनिट्ठयणदक्खं । अहवेक्को अग्गिकणो, न डहइ किं इंधणपबंधे ॥३५॥
एयं पंडियमरणं पिया व माया व बंधुवग्गो व । जीवाणं हियकरणे, रणम्मि सुहडोव्वं परिहत्थं ॥३६॥
ढक्कियकुगइदुवारं पयडीकयसुगइपुरपवेसं च । निदारियदुरियस्यं, पंडियमरणं जए जयउ ॥३७॥
अहमपुरिसाण दुलहं, उत्तमपुरिसाण सेवणिज्जं जं । उत्तमफलसंजणयं, पंडियमरणं जए जयउ ॥३८॥
जं जं अहिलसणिज्जं, जं जं च सुदुल्लहं सलहणिज्जं । तस्संपाडणपडुयं, पंडियमरणं जए जयउ ॥३९॥
जं किर चिन्तामणिकाम-धेणुकप्पदुमाण वि असज्झं । तस्संपाडणपडुयं पंडियमरणं जए जयउ ॥४०॥
एक्कं पंडियमरणं, छिन्दइ जाईसयाइं बहुयाइं । तं मरणं मरियव्वं, जेण मओ सुहमओ होइ ॥४१॥
जइ भयमउत्थि मरणत्तं, पंडियमरणेण ता मरेयव्वं । एक्कं पंडियमरणं छिन्दइ सयलाणि मरणाणि ॥४२॥
के सक्का यत्तेउं, पंडियमरणस्स गुणगणं सम्मं । जं चरिऊण सुधीरा, असेसकम्मक्खयमुवेंति ॥४३॥
इय पावजलणजलभर-समाए संवेगरंगसालाए । आराहणाए मूलिल्ल-यम्मि, परिकम्मविहिदारे ॥४४॥
पत्थुयपन्नरसण्हं, पडिदाराणं कमाडणुसारेण । भणियमिमं बारसमं, अहिगयमरणं ति पडिदारं ॥४५॥

“श्रेणिद्वारम्” —

अहिगयमरणे अंगी-कए वि नाडडराहणं विणा ३सीतिं । आरोद्धमडलं जीवो ति, सीइदारं पवक्खामि ॥४६॥
सीई य होइ दुविहा, दव्वे भावे य तत्थ दव्वम्मि । उच्चट्टाणाडडरोहण-हेऊ निस्सेणिगाडडईया ॥४७॥
संजमठाणाणं कंडगाण, लेसाठिईविसेसाणं । सुद्धतराणडक्कमणं भावसिई केवलं जाव ॥४८॥
तहाहि—

उवरुयरिमगुणठाणं, पडियज्जंतस्स होइ भावसिई । दव्वसिई निस्सेणी, पासायमियाडडरुहंतस्स ॥४९॥

1. सुमुत्त । 2. परिहत्थं = कुशलं = समर्थमित्यर्थः । 3. सीतिं = श्रेणिम् ।

अह सो सिद्धमाडडरुढो!, वसहिं उवहिं च उग्गमाडडईहिं । दोसेहिं उवहयं परि-हरित्तु सम्मं खु विहरेज्जा ॥५०॥
गणिणा सह संलावो, कज्जं पइ सेसएहिं साहूहिं । मोणं से मिच्छजणे, भज्जं 'सत्रीसु सजणे य ॥५१॥
इहरा जह तह अनोडन्न-संकहक्खित्त चित्तपसरस्स । कस्स वि पमायओ पत्थु-यडत्थविग्घो वि होज्ज तओ ॥५२॥
आराहणमिच्छंतो, तदेगचित्तो जएज्ज सीईए । एयाए विगमम्मि, सयंभुदत्तो व्व सीएज्ज ॥५३॥

तहाहि-

“स्वयम्भूदत्तदृष्टान्तः”

कंचणपुरम्मि नगरं, वसंति दो भायरा जणपसिद्धा । अचरोप्परदढपणया, सयंभुदत्तो सुगुत्तो य ॥५४॥
णिययकुलक्कमअविरुद्ध-सुद्धवितीए जीयणोवायं । कुणमाणणं तेसिं, कालो वोलेइ लीलाए ॥५५॥
अह एगम्मि अचसरे, युट्ठीविरहेण कूरगहवसओ । पउरजणजणियदुक्खं, दुब्भिक्खं निवडियं घोरं ॥५६॥
खीणा चिरसंगहिया, ताहे तणरासिणो महंता वि । सुमहल्ला वि य पल्ला, धन्नाण वि उवगया निहणं ॥५७॥
सीयंतचउप्पयदुपयवग्ग-मडवलोइऊण उब्बिग्गो । परिचतयवत्थो प-त्थियो वि आणवइ नियपुरिसे ॥५८॥
रे! रे! पुरीए जस्सडत्थि, जेत्तिओ धन्नसंचओ एत्थ । तत्तियमेतस्सडद्धं, तस्स बलो गेण्हह लहु ति ॥५९॥
एवं आणतेहिं, तहेव सव्वं अणुट्ठियं तेहिं । रायपुरिसेहिं जमभिउडि-भंगभीमेहिं सव्वत्थ ॥६०॥
तो सविसेसं लोगो छुहाओ धणसयणतासओ य दढं । अच्चन्तरोगभरविहु-रियो य मरिउं समाढत्तो ॥६१॥
सुत्रीहुंतेसु य मंदिरेसु, रत्थासु रुंडमुंडेहिं । दुग्गम्मासु लोएसु, सुत्थदेसे सरंतेसु ॥६२॥
सो वि हु सयंभुदत्तो, सुगुत्तसहितो पुराउ नीहरिओ । सत्थेण समं लग्गो, गंतुं देसंतराडभिमुहं ॥६३॥
दूरपहमडइक्कंते सत्थे, पत्ते य रत्तमज्झम्मि । संतद्धा रणसज्जा, चिलायधाडी समावडिया ॥६४॥
पमुक्कहक्कभीसणा, चावोवलग्गमग्गणा । उब्बद्धउद्धकेसिया, जमेण ^२नाइ पेसिया ॥६५॥
तमालतालंसामला, विपक्खभंगपच्चला । फुरंततारख्रगिया, सविज्जू ^३नं ^४घणोलिया ॥६६॥
वेल व्व सागरुट्ठिया, संछन्नभूमिवट्ठिया । सच्छंदचारदारुणा, निब्बिन्नरत्तवारणा ॥६७॥
कुरंगमंसपोसिया, विसिद्धलोयदूसिया । जुज्जेण सा य लग्गिया, रणेक्कबद्धरंगिया ॥६८॥
अह कुंतख्रग्गभल्लय-पमुहप्पहरणकरा समरधीरा । सत्थसुहडा वि तीए, समगं जुज्जेण संलग्गा ॥६९॥
खंडियपयंडसुहडं, विहडियरणरहसनस्सिरनरोहं । ^५उप्पित्थसत्थनाहं, जायं समरं महाभीमं ॥७०॥
अच्चंतनिद्वएणं, पबलबलेणं चिलायनिवहेणं । कलिकालेण व धम्मो, निहतो सत्थो समत्थो वि ॥७१॥
घेत्तूण सारमडत्थं, सुरुवरामाजणं मणुस्से य । बंदग्गाहेण ततो, चिलायसेणा गया पल्लिं ॥७२॥
सो वि य सयंभुदत्तो, कहं पि नियलहुगभाउगविउत्तो । धणयं ति चिंतिऊणं, चिलायसेणाए संगहितो ॥७३॥
सुचिरं निद्वयकसघाय-बंधणाडडईहिं उवहओ वि दढं । सो इच्छइ जाय न किंपि, देयदव्वं चिलाएहिं ॥७४॥
ताव विणासियपसुमहिस-रुधिरधाराडणुलित्तभवणाए । दाराडयबद्धकुस्सर-रणंतगुरुघंटयाडडलीए ॥७५॥
पइदिणपुत्तोवाइय-चिलायकीरंततप्पणविहीए । रत्तकणवीरमाला-विरइयपूओवयाराए ॥७६॥
गयचम्मनिवसणाए, चामुंडाए पयंडरुवाए । उवहारडत्थं नीओ, भयवसवेवंतसव्वंडगो ॥७७॥
रे वणियाडहम! जइ जीवि-यव्वमडभिलससि ता लहुं दव्वं । अज्ज वि इच्छसु अन्हं, किमडकंडे जासि जमभवणं ॥७८॥
एवं ते जपंता, सयंभुदत्तं न जाव खग्गेण । घायंति ताव सहसा समुट्ठिओ बहलहलबोलो ॥७९॥
हंहो! मुंचह एयं, वरागमडणुसरह वेरियग्गमिमं । थीबालबुड्ढविद्धंस-कारिणं मा चिरावेह ॥८०॥
एसा हम्मइ पल्ली दज्झन्ति इमां मंदिराइं पि । इय उल्लावं सोच्चा, सयंभुदत्तं विमोत्तूण ॥८१॥
पवणजइणा जवेणं, सुमरियचिरवेरिसुहडसंपाया । कच्चाइणीगिहातो, ते पुरिसा इत्ति नीहरिया ॥८२॥
जाओ अज्जेव अहं, अज्जे व य सयलसंपयं पत्तो । इइ चित्तं तो तुरियं, सयंभुदत्तो अचक्कंतो ॥८३॥
भीसणचिलायभयतर-लिओ य गिरिकुहरमज्झयारेण । बहलतरुवल्लिपडला-डडउलेण अपहेण वच्चंतो ॥८४॥
खद्धो भुयंगमेणं, उप्पन्ना वेयणा महाघोरा । परिचिंतियं च तेणं, नूण विणस्सामि एत्ताहे ॥८५॥

1. सत्रीसु = सम्भृदृष्टिषु । 2. नाइ = इव । 3. नं = इव । 4. घणोलिया = मेघपङ्क्तिः । 5. उप्पित्थ = त्रस्त ।

जइ कहवि चिलाएहिं, पम्मुक्को ता कयंततुल्लेण । डसिओहिं भुयंगेणं, अहह! विचितं विहिसरुवं ॥८६॥
अहवा जम्मो मरणेण, जोव्वणं सह जराए संजोगो । सममेव वियोगेणं, उप्पज्जइ किमिह सोगेण ॥८७॥
एवं परिभावेतो, जा वच्छच्छायमणुसरइ सिसिरं । ता तरुणो हेट्ठिठियं, चारणसमणं महासतं ॥८८॥
सुतं परियतंतं, विचित्तनयभंगसंगदुव्विगमं । पेच्छइ पउमासणबन्ध-धीरमुवरुद्धमणपसरं ॥८९॥
विसमविसोरगविसविहु-रियस्स भयवं! ममेत्थ पत्थावे । सरणं तुमं ति जंपिय, विचेयणो तयणु सो पडिओ ॥९०॥
अह तं विसवसनिन्नट्ट-चेयणं पेच्छिऊण करुणाए । परिचितइ मुणिवसभो, किमियाणि जुज्जाए काउं ॥९१॥
पावपओयणनिरयाण, नो गिहत्थाण ताव उवयारे । वट्ठिउमुचियं साहूण, सब्बभूयउप्पभूयाण ॥९२॥
ताणुवयारे तव्विहिय-पावट्टाणाण कारणं जम्हा । निरवज्जवित्तिणो वि हु, भवंति गिहिसंगदोसेणं ॥९३॥
जइ पुण ते उवयरिया, मोतूणं सब्बसंगमणुचिरेणं । पडिवज्जिय पव्वज्जं, जयंति सद्धम्मकज्जेसु ॥९४॥
ता होज्ज तक्कया नि-ज्जरा वि इय चित्तिरस्स समणस्स । अतिमितमेव सहसा, विप्फुरियं दाहिणं नयणं ॥९५॥
तो तदुवयारमाउउभो-गिऊण दट्टूण से भुयंगदंसं । चरणोवरिम्भि सुहुमं, वियाररहियं च मुणिवसभो ॥९६॥
परिभावइ नूणमिमो, जीविस्सइ जेण दंसटाणमिमं । अविच्छं सिरपमुहाणि, चेव सत्थे विरुद्धाणि ॥९७॥
तहाहि—
सीसे लिंगे ^१चिबुए, कंठे ^२संखेसु तह गुदे य थणे । ओट्टे वच्छयलम्भि य, भुमयासुं नाभिनासउडे ॥९८॥
करचरणतले खंधे, कक्खासुं इक्खणे निडाले य । केसंतसंधिदेसेसुं, जाइ दट्टो जमगिहम्भि ॥९९॥
तहा—
पंचमीअट्टमीछट्टी-नयमीचउइसीतिहीसु अहिदट्टो । पक्खंतं वि विणस्सइ, अज्जं च तिही वि न विरुद्धा ॥३८००॥
नक्खतं पि हु दुट्टं, मघा विसाहा य मूलमणुसिलेसा । रोहिणिअद्वा^३कितिय, तं पि न वट्टइ इह मुहुत्ते ॥११॥
रिट्टं पि पुव्वमुणिणो, भणंति मणुयस्स भुयंगदट्टस्स । कंपो लालामुयणं, ^४जिंभा नयणाउरुणतं च ॥१२॥
मुच्छा सरीरभंगो, कवोलख्रामत्तणं पहाहाणी । ^५हिक्का सरीरसीय-तणं च अचिरेण मरणाय ॥१३॥
न य एत्तो एगं पि हु, दीसइ रिट्टं इमस्स भव्वस्स । ता कीरइ पडियारो, दयापहाणो हि जिणधम्मो ॥१४॥
परिभाविऊण एवं, मुणिवसहो ज्ञाणनिमियथिरनयणो । अणुसुमरिउं पवतो, विसेससुतं समुवउत्तो ॥१५॥
अह जाय सरयससहर-निब्बरपसरंतपहपहासिल्लं । उल्लयइ अमयकुल्ला-उणुकारिणिं अक्खरस्सेणिं ॥१६॥
ताव तिमिरं च दिवसयर-पहभरउव्वाहयं महाउहिविसं । नट्टं सुतवियउद्धो व्व, उट्टिओ सो वि पडुदेहो ॥१७॥
तो जीवियव्वदाय ति, पयरसाहु ति जायपडिबन्धो । नमिऊण सबहुमाणं, तं समणं भणिउमाउउडत्तो ॥१८॥
भयवं! भमंतभीसण-साययकुलसंकुलाए अडवीए । मन्ने पुत्रेणं मे, तुम्ह निवासो इहं जातो ॥१९॥
कहमउन्नहा महाविस-विसहरविसहरियचेयणस्स ममं । होज्जेह जीवियव्वं, जइ न तुमं नाह! हंतो सि ॥२०॥
कत्थ मरुमंडलो कत्थ, कप्पविडवी महाफलसमिद्धो । कत्थ अधणस्स गेहं, कत्थ व तत्थेव रयणनिही ॥२१॥
कत्थाउहं सुदुहट्टो, अणप्पमाहप्पवं च कत्थ तुमं । अहह! विहिविलसियाणं, को परमत्थं जए मुणइ ॥२२॥
एवंविहोययारिस्स, तुज्झ भयवं महं अधन्नस्स । दिन्नेण केण केण च, कएण जाएज्ज रिणमोक्खो ॥२३॥
मुणिणा भणियं भइय!, जइ रिणमोक्खं समीहसे काउं । निरवज्जं पव्वज्जं, पडिवज्जसु ता तुममियाणि ॥२४॥
उवयारो वि मए तुह, एईए कएण नणु कओ इहरा । अस्संजयचिन्ताए, अहिगारो नत्थि सुमुणीण ॥२५॥
न य भइ! धम्मवियलं, सलहिज्जइ जीवियं मणुस्साणं । ता चयसु गिहाउउसंगं, णिस्संगो हवसु सुस्समणो ॥२६॥
भालयलाउउरोवियपाणि-कमलमउलेण तेण तो भणियं । भयवं! करेमि एयं, नवरं लहुभाइपडिबंधो ॥२७॥
विहुरेइ मम मणं जइ य, होज्ज सह तेण दंसणं कहवि । ता निस्सल्लो पव्वज्ज-मेक्कचित्तो करेज्जमउहं ॥२८॥
मुणिणा परंपियं भइ!, जइ तुमं विसवसा मओ हंतो । ता कह लहुगं भाउग-मउवलाइंतो सि एवं च ॥२९॥

1. चिबुके = होठना नीचेना भागमां । 2. शङ्खेषु = आंखनी नजीकना अवयवोने विषे । 3. कृतिकानक्षत्रम् । 4. जृम्भा = बगासुं ।
5. हिक्का = हेडकी आववानो रोग।

परिचय पडिबंधमिमं, निरत्थयं सरसु धम्ममणवज्जं । भाइ-पिइ-माइतुल्लो, एक्को एसो च्विय जियाण ॥२०॥
 एवं मुणिणा भणिए, सयंभुदत्तो परेण विणएण । पडिवज्जइ पव्वज्जं, कुणइ विचितं तवोकम्मं ॥२१॥
 विहरइ गुरुणा सद्धिं, गामाडडगरनगरसंकुलं वसुहं । दुस्सहपरीसहचमुं, अहियासितो महासतो ॥२२॥
 एवं च चिरं कालं, विहरिता नाणदंसणसमग्गो । थोवाडडउयं च नाउं, भत्तपरिन्नं पवज्जंतो ॥२३॥
 गुरुणा पन्नविओ सो, अहो महाभाग! पुन्नभरलब्धं । पज्जंतकालियमिमं, सयिसेसाडडराहणविहाणं ॥२४॥
 ता सयणे उवहिम्मि य, कुले य गच्छे य निययदेहे वि । पडिबंधं मा काहिसि, मूलमणत्थाणमेस जओ ॥२५॥
 इच्छामो अपुसट्ठिं ति, जंपिउं गुरुगिराए बद्धरई । ताहे सयंभुदत्तो, पडिवन्नो उत्तमं अट्ठं ॥२६॥
 तप्पुन्नपरिसेण य, ^१आउट्टो कुणइ पुरजणो पूयं । अह सो पुव्वविउत्तो, सुगुत्तनामो लहुगभाया ॥२७॥
 परिभममाणो पत्तो, तम्मि पएसम्मि तो पुरीलोगं । एगाडभिमुहं मुणिवं-दणडट्ठमिं तं पलोइत्ता ॥२८॥
 पुच्छियडमणेण किं एस, एत्थ वच्चइ जणो समग्गो वि । कहियं नरेण एक्केण, तस्स जह एत्थ मुणिवसभो ॥२९॥
 कयभत्तपरिच्चागो, सद्धम्ममहानिहि व्य पच्चक्खो । निवसइ तं पुण तित्थं य, वंदिउं एस जाइ जणो ॥३०॥
 एवं सोच्चा कोऊहलेण, लोणेण सह सुगुत्तो वि । समणं सयंभुदत्तं, दट्ठुं तं देसमणुपत्तो ॥३१॥
 अह मुणिणो रुवं पे-च्छिऊण संजायपच्चभिन्नाणो । पम्मक्कदीहपोक्कं, रोइत्ता भणिउमाडडढत्तो ॥३२॥
 हे भाय! सयणवच्छल!, छलिओ सि कहं व कूडसमणेहिं । जं एरिसिं अवत्थं, गओ तुमं दूरकिसियंउगो ॥३३॥
 अज्ज वि छडेहि लहुं, पासंडमिमं वयामु नियदेसं । तुज्झ वियोगेण फुडं, फुट्टइ मह हिययमणचिरेण ॥३४॥
 इय जंपियम्मि तेणं, सयंभुदत्तो वि ईसिपडिबंधा । तं वाहरिउं पुच्छइ, समग्गमणवि पुव्ववुत्तं ॥३५॥
 सो वि य चिलायधाडी-विहडणपामोक्खनियगवुत्तं । साहेइ सोगखलिर-डक्खराए वाणीए दुक्खत्तो ॥३६॥
 अह कलुणवयणसवणुब्भवंतं-पडिबंधकलुसियज्झाणो । सव्वट्ठिसिद्धिपाओग्ग-^२कंडगाइं पि खंडित्ता ॥३७॥
 तदुवरि सिणेहदोसेणं, मरिय सोहम्मदेवलोगम्मि । मज्झिमगाडडऊ देवो, सयंभुदत्तो समुप्पन्नो ॥३८॥
 एवं भावसिईए, जो जो जोगो हवेज्ज पडिपंथी । आराहणाडभिलासी, तं तं यज्जेज्ज उज्जुत्तो ॥३९॥
 एत्तो च्विय गणिणा सह, इच्चाइ निदंसियं पयत्तेण । आराहणुच्चपासाय-भावसिइं विलग्गस्स ॥४०॥
 ता उत्तिमट्ठकारी, सव्वं सुहसीलयं ^३पयहिऊण । भावसिइमाडडरुहिता, विहरेज्जा पेमपामुक्को ॥४१॥
 इय मयणभुयगगरुलो-वमाए संवेगरंगसालाए । आराहणाए मूलि-ल्लियम्मि परिकम्मविहिदारे ॥४२॥
 पत्थुयपन्नरसणं, पडिदाराणं कमाडणुसारेण । भणियमिमं तेरसमं, सीइविसयं पडिद्वारं ॥४३॥

“भावनाद्वारम्” —

सीइसमारुढो वि हु, न भावणाए विणा थिरो होइ । ता भावणदारमणह, सवित्थरत्थं परूवेमि ॥४४॥
 भाविज्जइ इमीए, जीथो जं तेण भावणा भणिया । दुविहा सा पुण गेया, अपसत्था तह पसत्था य ॥४५॥
 कंदप्प^१ देवकिब्बिस^२, अभियोगा^३ आसुरी^४ य संमोहा^५ । एसा हु अप्पसत्था, पंचविहा भावणा तत्थ ॥४६॥
 कंदप्पभावणा नाम, जत्थ हासाडडइबहुपयारेहिं । अप्पाणं भावेई, सा य भवे पंचहा एवं ॥४७॥
 कंदप्पे^६ कोक्कुइए^७, दुयसीलते य^८ हासकरणे य^९ । परविम्हयजणणे वि य, कंदप्पो णेगहा तत्थ ॥४८॥
 अट्टट्टहास-परिहास-णिहुयउल्लावकामकहरुयो । कामोचएसकाम-प्पसंसविसओ य नायव्यो ॥४९॥
 कुक्कुइयं पुण तं जं, ^४सयमणहसं अच्छिभुमयपमुहेहिं । देहाडचयवेहिं परं, सपरिप्फंदेहिं हासेइ ॥५०॥
 दुयसीलत्तं तं पुण, जं किर दप्पेण गमणभासाडडइ । सव्वं पि कज्जजायं, अच्चंतदुयहुयं कुणइ ॥५१॥
 हासकरणं पि तं जं, वेसविसेसस्स करणओ अहवा । सवियारवयणतो वा, सपरेसिं हासजणणं ति ॥५२॥
 परविम्हयजणणं पि हु, जमिंदजालक्कुहेडगा^५डडईहिं । परविम्हयं जणेई, थेवं पि सयं अविम्हइओ ॥५३॥
 इय निदिट्ठा कंदप्प-भावणा अह कुदेवभावकरी । पंचवियप्पा किब्बिसिय-भावणा भन्नए बीया ॥५४॥
 सुयनाण^१ केवलीणं^२, धम्मायरियाण^३ सव्वसाहूणं^४ । ^६अव्वन्नभासणं तह य, गाढमाइल्लया य ति ॥५५॥

1. आवृत्तः = आवर्जित । 2. कण्डकानि = संयमश्रेणिअध्यवसायस्थानानि । 3. प्रहाय । 4. स्वयमहसन् । 5. कुहेडगं = चमत्कारकारकं मन्त्रतन्त्रादिज्ञानम् । 6. अवर्णवादकथनम् ।

| | |
|------------------------------------------------------------------------------------------------------------------------------------------------|------|
| तत्थ सुयस्साडवन्ना, एवं जे जीववयपमायाडडई । अत्था एगत्थुत्ता, अन्नत्थ वि ते पुणो वुत्ता | ॥५६॥ |
| केवल्लिणं पि अवन्ना, जइ सच्चं ते पणडुपेमाणो । तो कीस भव्वसत्ताणं, चेव धम्मं उवइसंति | ॥५७॥ |
| धम्मगुरुणमवडन्ना, जच्चाडडईहिं तु हीलणे तेसिं । एगक्खेत्ते न रइं, लहन्ति एमाडडइ य मुणीणं | ॥५८॥ |
| माइल्लया उ अप्पस्स, भावविणिगूहणाडडइवादारो । इय भणिया पंचविहा, किब्बिसिया भावणा बीया | ॥५९॥ |
| गारवपडिबद्धस्सा-डभिओगिएहिं च मंतमाडडईहिं । जं अप्पभावणं सा, अभिओगियभावणा नेया | ॥६०॥ |
| कोउय! भूइकम्मं२, पसिणेहिं३ तह य पसिणपसिणेण४ । तह य निमित्तेणं चिय, पंचवियप्पा भवे सा य | ॥६१॥ |
| तत्थ य अग्गीहोमो-सहाडडइणा जं परं वसे काउं । भत्ताडडइ उवजीवइ, कोउगआजीवणं तं तु | ॥६२॥ |
| जं पुण भूइसुत्ताडडइएहिं, रक्खं परस्स काऊणं । असणाडडई आजीवइ, भूइकम्माडडजीवणं तं च | ॥६३॥ |
| अंगुट्टाडडइसु देवय-मडवयारिय जा परडत्थनिन्नयणे । भत्ताडडईणुवलद्धी, तं पसिणाडडजीवणं बिन्ति | ॥६४॥ |
| सुमिणगविज्जाघंटिग-सबरीहिंतो परडत्थनिच्छयणे । विट्तिं पसिणापसिणा-डडजीवणमाडडहंसु मुणिवसभा | ॥६५॥ |
| लाभाडलाभाडडइणिवे-यणेण उवजीवइ परेहिंतो । असणाडडइ जं निमिता-डडजीवणमडक्खंति तं गुरुणो | ॥६६॥ |
| अभियोगभावणा वि य, निदंसिया इन्दि असुरसिरिजणगा । पंचवियप्पा आसुरिय-भावणा भन्नए किंपि | ॥६७॥ |
| सइ विग्गहसीलत्तं, संसत्ततयो ^१ निमित्तकहणं च ^२ । निक्किवया वि य अयरा ^३ , पंचमगं निरडणुकंपत्तं | ॥६८॥ |
| तत्थ उ विग्गहसीलत्त-माडडहु निच्चं पि कलहकरणरइं । आहाराडडइनिमित्तं, तयं पि संसत्ततयकम्मं | ॥६९॥ |
| अभिमाणेण पओसेण, या वि तीयाडडइयाण जं कहणं । भिक्खुस्स गिहत्थं पइ, निमित्तकहणं तयं भणियं | ॥७०॥ |
| जं हट्टसरीरो वि हु, चंकमणाडडईणि किर तसाडडईसु । पकरेइ निरडणुतावो, भणियमिमं निक्किवत्तं तु | ॥७१॥ |
| दट्टण वि दुक्खत्तं, अच्चंतभएण कंपमाणं च । जं निट्टुरहिययत्तं, तं भणियं निरडणुकंपत्तं | ॥७२॥ |
| आसुरियभावणेवं, वुत्ता संमोहभावणा इन्दि । भन्नइ सपरेसिं पि हु, संमोहुप्यायणसरुवा | ॥७३॥ |
| उम्मग्गदेसणा ^१ मग्ग-दूसणा ^२ मग्गविपडिवती य ^३ । मोहो ^४ य मोहजणणं ^५ , एवं सा भवति पंचविहा | ॥७४॥ |
| उम्मग्गदेसणा तत्थ, सम्मनाणाडडइयाणि दूसिता । तच्चिपरीयं सिवपह-मुवइसमाणस्स मुणियव्या | ॥७५॥ |
| निव्याणमग्गभूयाणि, नाणमाडडईणि तट्टियं च जणं । दूसितस्स भवे मग्ग-दूसणा मूलमडसुहस्स | ॥७६॥ |
| तह मग्गविपडिवती, मग्गं दूसित्तु नियवितक्काए । उम्मग्गमडणुसरंतस्स, जंतुणो होइ नायव्या | ॥७७॥ |
| नाणंउतरेसु चरणंउतरेसु, परत्तिथियाण रिद्धिसु य । मोहिज्जइ जेण, जिओ, सो मोहो भन्नइ तहाहि | ॥७८॥ |
| मन्ने परमडत्थेणं, धम्मो ससरक्खगेरुयाडडईण । पूयासक्कारा जेसिं, होंति लोगे परा एवं | ॥७९॥ |
| सब्भावेणं कवडेण, वा वि अन्नयरकुमयविसए जं । लोयस्स मोहमुवजणइ, तं भवे मोहजणणं ति | ॥८०॥ |
| एयाओ भावणाओ, चरित्तमलिणत्तहेउभूयाओ । अच्चंतदुग्गदुग्गइ-करीओ भणियाओ लेसेण | ॥८१॥ |
| जो संजओ वि एयासु, अप्पसत्थासु वड्डइ कहंपि । सो तच्चिहेसु गच्छइ, सुरेसु भइओ चरणहीणो | ॥८२॥ |
| एयाहिं अप्पाणं, भावेंतो देवदुग्गइ जाइ । ततो चुओ समाणो, भमइ भवसायरमडणंतं | ॥८३॥ |
| ता एयाओ दूरेण, वज्जिउं भावणाओ भावेइ । सुपसत्थाओ सम्मं, निस्संगो सब्वसंगेसु | ॥८४॥ |
| तवभावणा ^१ य सुय ^२ सत्त ^३ , भावणेगतभावणा ^४ चेव । धीइबलभावणा वि य ^५ , इय ताओ भवति पंचविहा | ॥८५॥ |
| तवभावणाए पंचेन्दियाणि, दंताणि जस्स वसमेंति । इंदियजोग्गाडडयरिओ, समाहिकरणाणि सो कुणइ | ॥८६॥ |
| मुणिनिंदियम्मि इंदिय-सुहम्मि सत्तो परीसहपरद्धो । अकयपरिकम्मकीवो, मुज्झइ आराहणाकाले | ॥८७॥ |
| जोगमडकारिज्जंतो, आसो सुहलालिओ चिरं कालं । रणभूमीए वाहिज्ज-माणओ जह न कज्जकरो | ॥८८॥ |
| पुव्वमडकारियजोगो, समाहिकामो तहा मरणकाले । न भवइ परीसहसहो, विसयसुहपरम्महो जीवो | ॥८९॥ |
| सुयभावणाए नाणं, दंसणतवसंजमं च परिणमइ । तो उवयोगपइन्नं, सुह ^१ मडव्यहिओ समाणेइ | ॥९०॥ |
| जयणाए जोगपरिभावियस्स, जिणवयणमडणुगयमइस्स । परिणामो न भविस्सइ, घोरे वि परीसहाडडवाए | ॥९१॥ |
| समगं आवाए वि हु, सारीरियमाणसोभयदुहाण । चिन्तिय दुहं अईअं, न हु मुज्झइ सत्तभावणओ | ॥९२॥ |

बालमरणाणि धीरो, परिभाविय अत्तणो अणताइं । मरणे समुट्टिए वि हु, न मुज्झइ सत्तभावणंतो ॥९३॥
 जुज्झपरिभावियडप्पा, बहुसो मुज्झइ रणे न जह सुहडो । तह सत्तभावणाए, मुज्झइ न मुणी वि उवसग्गे ॥९४॥
 देवेहिं भेसिओ वि हु, दिया व राओ व भीमरुवेहिं । तो सत्तभावणाए, धम्मधुरं निम्भरो वहइ ॥९५॥
 एगत्तभावणाए. न कामभोगे मणे सरीरे वा । सज्जइ वेरग्गतो, फासेइ अणुतरं धम्मं ॥९६॥
 भगिणीए वि हम्मंतियाए, एगत्तभावणाए जहा । जिणकप्पियो न मूढो, खवगो वि न मुज्झइ तहेव ॥९७॥
 तथाहि—

“पुष्पचुलदृष्टान्तः”

पुष्फउरे नरवइपुष्फ-केउणो पणइणीए उप्पन्नो । पुष्फयईए जमल-तणेण पुत्तो य धूया य ॥९८॥
 उच्चियसमयंमि नामं, विहियं पुत्तस्स पुष्फचूलो ति । धूयाए पुष्फचूल ति, दो वि पत्ताइं तारुणं ॥९९॥
 अच्चंतपरोप्परनिविड-पणयमवलोइऊण तेसिं च । रत्ता वियोगवज्जण-कएण अणुरुवपत्थावे ॥३९००॥
 परिणाविऊण पडिरुव-पुरिसहत्थेण पुष्फचूला उ । धरिया नियभवणे च्चिय, पइणा सह सा गमइ कालं ॥१॥
 भुंजेइ पुष्फचूलो य, रज्जलच्छिं जहिच्छमउच्छिन्नं । अविरहियं भइणीए, परमप्पणयमि वट्टन्तो ॥२॥
 एगमि य पत्थावे, स महप्पा जायपरमसंवेगो । पव्वइओ तन्नेहेण, पुष्फचूला वि पव्वइया ॥३॥
 सो अहिगयसुत्तथो, जिणकप्पवज्जणइया धीरो । एगत्तभावणाए, परिकम्मइ बाढमडप्पाणं ॥४॥
 अह तच्च्वीमंसडट्टा, एककेण सुरेण पुष्फचूलाए । विडपुरिसहडाडरंभिय-वयभंगाए दुहडट्टाए ॥५॥
 जेड्डज्ज! रक्ख रक्ख ति, जंपिरीए, विउच्चियं रुवं । तं दट्टुं पि स धीमं, अगणंतो सुद्धपरिणामो ॥६॥
 एगो च्चिय जीव! तुमं, किमिमेहिं बज्झसयणजोगेहिं । इय भावणाए चलितो, थेवं पि न धम्मझाणाओ ॥७॥
 कसिणा परीसहचमू, सहोवसग्गेहिं जइ वि उट्टेज्जा । दूरं दुस्सहवेगा, भयजणणी अप्पसत्ताणं ॥८॥
 धिइधणियबद्धकच्छो, हत्थं पीडिज्जमाणगतो वि । पडिपुन्नवच्छियउत्थो व्व-डणाउलो तमडहियासेइ ॥९॥
 एयाए भावणाए, चिरकालं पयिहरेज्ज सुद्धाए । काऊण अत्तसुद्धिं, दंसणनाणे चरित्ते य ॥१०॥
 पडियज्जंतो कप्पं, अप्पाणमिमाहिं तुलइ मुणियसभो । एसो वि जहासत्तिं, भावेइ इमाउ को दोसो ॥११॥
 धन्नो सो च्चिय भयवं, सिरिअज्जमहागिरी गरुयसत्तो । २तीए वि हु जिणकप्पे, तप्परिकम्मं कयं जेण ॥१२॥
 तथाहि—

“श्रीआर्यमहागिरिदृष्टान्तः”

कुसुमपुरनगररत्तो, नंदस्स विसिद्धबुद्धिमयरहरो । मंती सगडालो नाम, सावगो जिणमयविहन्नू ॥१३॥
 नलकूबरो व्व रुवेण, तस्स पुत्तो पवित्तगुणकलितो । १नामेण थूलभदो, परमविलासी य भोगी य ॥१४॥
 सो सगडालेण विस-प्पओगओ साहियमि मरणट्टे । वररुइपवंचरुट्टं, दट्टुं नंदं महासत्तो ॥१५॥
 भणिओ रत्ता ३पिउसं-तियं पयं भयसु पुव्वनाएण । रज्जभरमुद्धरं धरसु, धीर! मोतूण कुवियप्पं ॥१६॥
 मुहमहुरं परिणइमंगुलं च, सो चिन्तिऊण घरवासं । निच्छिन्नविसयवंचो, पडिवन्नो संजमुज्जोगं ॥१७॥
 संभूयविजयमुणिवइ-पयंडतिएडहिगयसयलासुत्तउत्थो । अणुयोगधरो जातो, तक्कालियमुणिवरवरिद्धो ॥१८॥
 जो पुव्वपरिचियाए, उवकोसविलासिणीए गेहमि । वुत्थो चाउम्मासं, मुसुमूरियमयणमाहप्पो ॥१९॥
 अच्चंतविम्वयकरं, चरियं अज्जइवि निसामिडं जस्स । के के न होंति आणंद-बहलपुलयंडचियसरीरा ॥२०॥
 धीरा ते च्चिय जेसिं, संते वि मणवियारहेउमि । न वियारमेइ तग्गिह-गएण इति संसियं जेण ॥२१॥
 सीहगुहामुहउस्सग्ग-कारिपमुहप्पहाणमुणिमज्जे । अइदुक्करदुक्करकार-गो ति जो भासिओ गुरुणा ॥२२॥
 निम्मलसीलाडडणंदिय-मणाए तरनाहदिन्नपइपुरओ । उवकोसाए वि सभत्ति-पुव्वमुवयूहिओ जो य ॥२३॥

‘न दुक्करं अम्वयलुंबितोडणं, न दुक्करं सिक्खिउ नच्चियाए ।

तं दुक्करं तं च महाडणुभावं, जं सो मुणी पमयवणमि वुत्थो’

इय कोमुइमयलंछण-सच्छहजसलच्छिमंडियजयस्स । जाया से दो सीसा, महागिरि तह सुहत्थी य ॥२५॥
 ते वि तहाविहनिम्मल-गुणमणिनिहिणो विणिज्जियाडणंगा । भव्वजणकुमुयबोहण-पयंडससिमंडलसमाणा ॥२६॥
 चरणकरणाडणुओग-प्पहाणसव्याडणुओगपरिहत्था । उच्छाइयबहलसमु-च्छलन्तमिच्छत्ततमपसरा ॥२७॥

उचलद्धसुद्धगुणमणि-खणिगणिपयपयडपसरियपयावा । भ्रुवणजणपणयचरणा, चिरकालं विहरिया वसुहं ॥२८॥
 अह सिस्सपसिस्साण वि, विहिपुव्युवइडुसयलसुत्तत्थो । निययगणमडप्पिउणं, महागिरी सिरिसुहत्थिस्स ॥२९॥
 वुच्छिन्नं जिणकप्पं, मुणिऊण वि तदडणुरुवपरिकम्मं । कृणमाणो सो विहरिउ-माडडरुद्धो गच्छतिस्साए ॥३०॥
 विहरंतो य महप्पा, पाडलिपुत्तम्मि वरपुरम्मि गतो । भिक्खडड्ढा य पविट्ठो, समुचियसमयम्मि उवउत्तो ॥३१॥
 अह तत्थेव पुरम्मि, वत्थव्वेणं स सयणबोहडत्थं । अज्जसुहत्थी वसुभूइ-सेट्ठिणा नियगिहे नीओ ॥३२॥
 पारद्धा धम्मकहा, तेणाडवि य तव्विबोहणनिमित्तं । एत्थंतरम्मि पत्तो, महागिरी तत्थ भिक्खडड्ढा ॥३३॥
 दट्ठं सुहत्थिणा भाव-सारमडम्भुट्ठिओ य स महप्पा । तो विम्हइयमणेणं, भणियं वसुभूइणा एवं ॥३४॥
 भयवं! किं तुम्हाण वि, अन्ने विज्जंति सूरिणो गरुया । जं एवमिमस्स कया, अब्भुट्ठणाडडडडडिपडिती ॥३५॥
 भणियं सुहत्थिणा भद! एस भयवं सुदुक्कराडडरंभे । अईए वि ह्जिणकप्पे, तप्परिकम्मं इय करेइ ॥३६॥
 उवसग्गवग्गसंसग्ग-निच्चलो उज्झियडन्नभोई य । निच्चोलंबियहत्थो, धम्मज्झाणेक्कपडिबद्धो ॥३७॥
 ससरीरे वि ह्जि मुच्छा-विवज्जियो नियगणे वि अममत्तो । सुन्नहरसुसाणाडडडसु, विचित्ठाणोवठाई य ॥३८॥
 इय एवमाडडडडडिजिणकप्प-विसयपरिकम्मकारिणो तस्स । गुणसंथवं करित्ता, सूरी धम्मे य ठविऊणं ॥३९॥
 वसुभूइसयणवग्गं, विणिग्गओ तग्गिहाओ अह सेट्ठी । भणइ नियपरियणं जइ, कहंपि एवंविहो साहू ॥४०॥
 आगच्छेज्जा भिक्खडड्ढ-मेत्थ उज्झंतगाणि ता तुम्भे । काऊणाडडसणपाणाडडई, तस्स देज्जह पयत्तेणं ॥४१॥
 एवं दिन्नं हि बहु-फलं भये इय परुविए संते । पत्तो महागिरी अन्न-वासरे भिक्खणट्ठ्याए ॥४२॥
 वसुभूइदिन्नसिक्खाडडणु-रूवओ परियणं च दट्ठुणं । दाणडडडडडुवडुवियमुज्झि-यडन्नपाणप्पयारेण ॥४३॥
 दव्याडडडसु उवउत्तो, महागिरी मंदरो व्व गुरुसत्तो । जाणइ कवडविरयणं, अगहियभिक्खो नियत्तइ य ॥४४॥
 कहइ य सुहत्थिणोडणेस-णा कया सो भणेइ नणु केण । तुमए मइ इंतम्मि, अब्भुट्ठाणं कुणंतेण ॥४५॥
 अह ते दो वि समं चिय, वडडिसनयरिं गया विहारेण । जियपडिमं वंदित्ता, तत्थडडज्जमहागिरिमुणिंदो ॥४६॥
 तत्तो विणिक्खमिक्खिता, गयग्गपयवंदणट्ठया चलितो । नयरम्मि एलगच्छे, तमेलगच्छं च जह जायं ॥४७॥

“एडकाक्षनगरोत्पत्तिवर्णनम्” —

तह भन्नइ किर पुव्वं, नामेण इमं दसन्नपुरमाडडसि । तत्थ य सुसाविया मिच्छ-दिट्ठिणो संतिया गिहिणी ॥४८॥
 जिणधम्मनिच्चलमणा, पच्चक्खाणं पओससमयम्मि । कृणमाणी हीलाए, भणिया सा भत्तुणा एवं ॥४९॥
 रयणीए मुद्धि! किं कोई, भोयणं कृणइ जेण संवरणं । एवं पइदियहं पि ह्जि, निरडत्थयं तं समायरसि ॥५०॥
 जइ पुण अभुज्जमाणडत्थ-पच्चक्खाणे वि होज्ज कोई गुणो । ता कहसु जेण अहमडवि, पच्चक्खाणं करेमि ति ॥५१॥
 तीए पर्यपियं अत्थि, चेव विनिवित्तिसंभवो सुगुणो । नवरं पच्चक्खाणे, घेतुं भग्गे महादोसो ॥५२॥
 आ मुद्धि! निसिम्मि तए, दिट्ठो हं किं कयाइ जेमंतो । इय हीलाए जंपिय, पच्चक्खाणं कयं तेण ॥५३॥
 अह तद्देसगयाए, विचिंतियं देवयाए एक्काए । हीलाकरस्स एयस्स, अज्ज फेडेमि दुव्वियणं ॥५४॥
 तत्तो भगिणीरूवेण, दिव्वमोयग^१पहेणयं घेतुं । देवी समागया से, पणामियं तीए तं भोज्जं ॥५५॥
 सो भुजिउमाडडरुद्धो, पडिसिद्धो साविगाए तो भणइ । हो! होउ कयं तुह मुद्धि! कूडनियमेहिं मह इन्हिं ॥५६॥
 आ पाव! जिणमयं पि ह्जि, उवहससि विणट्ठसुहसमायाए! । इइ जंपिरीए दढजाय-कोववसपाडलडच्छीए ॥५७॥
 तह देवयाए पहओ, मुहम्मि सो रयणिभोयणाडडसत्तो । जह अच्छिगोलगा दो वि, निवडिया तस्स भूवट्ठे ॥५८॥
 अहह! मह अवजसो एस, होहिइ इय वियक्कजायभया । काउस्सग्गेण ठिया, जणपुरओ साविगा ताहे ॥५९॥
 अह अडडरत्तसमए, समागया देवया इमं भणइ । किं सुमरियन्हि तीए, पर्यपियं देवि! अवणेषु ॥६०॥
 अवजसमिमं ति तक्खण-हणिज्जमाणेलगस्स अच्छीणि । अह घेतुं देवीए, तस्सडच्छिजुयम्मि ठवियाणि ॥६१॥
 जाए पभायसमए, सविम्हयं सयणनयरलोएण । भणियं चोज्जमिमं भो!, जाओ तं एलगडच्छो ति ॥६२॥
 एवं च एलगडच्छो ति, सो पसिद्धिं गतो ह्जि सब्बत्थ । तस्संबंधेण पुरं पि, एलगडच्छं तओ जायं ॥६३॥
 अह पुव्वडभिहाणेणं, दसन्नकूडो ति विस्सुओ वि जए । स गयडग्गपओ सेलो, जह जाओ तह परिकहेमि ॥६४॥

१. पहेणयं = भोजनम् वा प्राभृतम्।

“दशार्णकूटस्य गजाग्रपदनामोत्पत्तिः” —

| | |
|-----------------------------------------------------------------------------------------|------|
| किर पुच्छिं तत्थ पुरे, दसन्नभदो महानिवो आसि । तस्स य पंच सयाइं, सुरुवरमणीण १ओरोहो | ॥६५॥ |
| नियजोच्चणेण रुवेण, रायलच्छीए पयरसेणाए । पडिबद्धो सो सेसे, अचमन्नइ मेइणीयइणो | ॥६६॥ |
| अह एगम्मि अवसरे, दसन्नकूडे गिरिम्मि जगनाहो । सिरिवद्धमाणसामी, समोसढो आगया तियसा | ॥६७॥ |
| तह वंदिस्सामि जिणं, जह केणवि नेव वंदिओ पुच्छिं । इइ गव्वमुच्चहंतो, सव्वयिभूईए संजुतो | ॥६८॥ |
| चउरंगबलसणाहो, दसन्नभदो निवो गयाडडरूढो । अंतेउरपरियरिओ, गंतूणं वंदए नाहं | ॥६९॥ |
| अह तम्मणोगयकुवियप्प-मडवगच्छिऊण सुरनाहो । अइरावणययणे निम्म-वेइ अट्टेय वरदसणे | ॥७०॥ |
| एक्केक्कम्मि य दसणे, विउच्चइ अट्ट अट्ट वावीओ । एक्केक्काए वावीए, तयडणु अट्टडट्ट पउमाइं | ॥७१॥ |
| पउमे पउमे पचराइं, अट्ट पत्ताइं तत्थ एक्केक्के । पत्ते बत्तीसनिबद्ध-नाडयं निम्मवित्ताणं | ॥७२॥ |
| तत्थाडडरूढो संतो, अणेगसुरकोडिपरियुडो सामि । तिपयाहिणिउं वंदइ, अच्छरियकरीए रिद्धीए | ॥७३॥ |
| इय रिद्धिजुयं सक्कं, दट्टुं गयरिद्धिगारवो राया । पुच्छिं अणेण धम्मो, कओ मए नो अहन्नेण | ॥७४॥ |
| ता संपयं पि तं उवचिणेमि, इइ चिंतिऊण तव्वेलं । पव्वज्जं पडिवज्जइ, चेच्चा रज्जं महप्पा सो | ॥७५॥ |
| अह सक्कहत्थिणो तत्थ, पच्चए देवयाडणुभावेण । अग्गपयाइं खुत्ताइं, टंकि उक्कीरियाणि व्व | ॥७६॥ |
| तो सो दसन्नकूडो, तप्पभिइं चिय समत्थलोयम्मि । पत्तो परं पसिद्धिं, गयडग्गपयगो ति नामेण | ॥७७॥ |
| इय तत्थ गयडग्गपए, भयवं स महागिरी समणसीहो । चिरसुचरियसामन्नो, निस्सामन्नं तवं काउं | ॥७८॥ |
| जहयिहिभावियभावण-निवहो कयभत्तपच्चक्खाणो य । असुरसुरखयरमहिओ, मरिउं देवत्तमडणुपत्तो | ॥७९॥ |
| एवं सव्वेणं चिय, भववासयिणासमडभिलसंतेण । सुपसत्थभावणासुं, पमायविरहेण जइयव्वं | ॥८०॥ |
| इय चउकसायभयभंजणीए, संवेगसंगसालाए । आराहणाए मूलिल्ल-यम्मि परिकम्मयिहिदारे | ॥८१॥ |
| पत्थुयपन्नरसण्हं, पडिदाराणं, कमाडणुसारेणं । भणियमिमं चोदसमं, भावणयिसयं पडिदारं | ॥८२॥ |
| सुपसत्थभावणाभावगो वि, नाडडराहणं खमइ काउं । जेण विणा तं भन्नइ, एत्तो संलेहणादारं | ॥८३॥ |
| अहवा सव्वेसुं पि हु, अरिहाडडइसु पुव्वभणियदारेसु । परिकम्ममेव पगयं, तं च भवे भावसुद्धीए | ॥८४॥ |
| भावयिसुद्धी उ हवेज्ज, तिव्वरागाडडइयासणाविगमे । तव्विगमो पुण मोहो-दयस्स विद्धंसभावम्मि | ॥८५॥ |
| तव्विद्धंसो पाएण, देहधाऊणमडवचयवसेण । तदडवचओ पुण जायइ, विचित्ततयसेवणाडडईहिं | ॥८६॥ |
| तयसेवणं पि संले-हणाडणुगं होइ पत्थुयडत्थकरं । ता एत्तो वित्थरओ, भन्नइ संलेहणादारं | ॥८७॥ |

“संलेखनाद्वारम्” —

| | |
|-----------------------------------------------------------------------------------------|------|
| संलेहणा य एत्थं, तवकिरिया जिणवरेहिं पन्नता । जं तीए संलिहिज्जइ, देहकसायाडडइ नियमेण | ॥८८॥ |
| ओहेणं सव्वा चिय, तवकिरिया जइ वि एरिसी होइ । तह वि य इमा विसिद्धा, घेप्पइ जा चरिमकालम्मि | ॥८९॥ |
| एसा हि सुदीहरदुप्प-सज्झवाहिम्मि अहव उवसग्गे । चारित्तथणविणासण-करम्मि वा कारणम्मि परे | ॥९०॥ |
| सोइंदियाडडइयिगलत्त-संभवे अहव तिकखदुब्भिकखे । कायव्वा धीरेणं, समणेणं सावएणं च | ॥९१॥ |

| | |
|-------------------------------------------------------------------------------------------|------|
| जओ- | |
| परिवालिकुण विमलं, सावगधम्मं सुदीहरं कालं । आगमविहीए काउं, सम्मं संलेहणं अंते | ॥९२॥ |
| आराहिउग्गकिरिया, इह आणंदाडडइणो महासत्ता । पत्ता कमेण परमं, कल्लाणपरंपरमुयारं | ॥९३॥ |
| तह आदिकखाउ च्चिय, चिरं पि चरिऊण दुच्चरं चरणं । आजम्मं तं दित्तं, तवं च तयिउं महापुरिसा | ॥९४॥ |
| अंते विसेससंले-हणाए संलिहियदव्वभावा य । कालं काउं सुव्वंति, पुव्वरिसिणो वि सिद्धिगया | ॥९५॥ |
| तित्थयरा वि हु तइलोक्क-तिलयभूया वि विबुहमहिया वि । अप्पडिहयनिम्मलनाण-किरणउज्जोवियजया वि | ॥९६॥ |
| सिरिरिसहसामिपमुहा, जेहि वि किर सिज्झियव्वयमडवस्सं । ते वि विसेसतवपरा, अंते जाया किर तहाहि | ॥९७॥ |
| २निव्वाणमेतकिरिया, सा चोदसमेण पढमनाहस्स । सेसाणं मासिएणं, वीरजिणिंदस्स छट्टेणं | ॥९८॥ |
| तप्पक्खवाइणो ता, ताण कमेणेव भविउकामस्स । भवभीयरसडन्नस्स वि, जुत्ता संलेहेणा काउं | ॥९९॥ |

1. ओरोहो = अवरोधः = अन्तःपुरम् । 2. निव्वाणमन्तकिरिया = निर्वाणम् = अन्तःक्रिया = मोक्षः B ।

| | |
|---------------------------------------------------------------------------------------------------------------------------------------------------|--------|
| किंतु विणा तयकम्मं, पायं नो इति उज्झइ देहो । चियमंससोणियत्तं, ता कायव्वं इमं पढमं | ॥४०००॥ |
| चियमंससोणियस्स हि, असुहपयितीए कारणमउयंझं । संजायइ मोहुदओ, सहकारिविसेसजोगेण | ॥१॥ |
| सइ तम्मि विवेगी वि हु, साहेइ न नियमओ अहिगयउट्टं । किं पुण विवेपविघलो, अदीहदरिसी अतवसेवी॥२॥ | ॥२॥ |
| ता जह न देहपीडा, न याडवि चियमंससोणियत्तं तु । जह धम्मझाणयुड्ढी, तहेय संलेहणं कुज्जा | ॥३॥ |
| एसा य दुविहभेया, उक्कोसा तह भवे जहन्ना य । उक्कोसा वरिसवारस-छम्मासे जाव य जहन्ना | ॥४॥ |
| अहवा वि दव्वओ भावओ य, संलेहणा दुहा तत्थ । दव्वे सरीरगस्सा, भावे इंदियकसायाणं | ॥५॥ |
| तत्थ य जा उक्कोसा, बारसवरिसाइं कालओ भणिया । सा दव्वओ पवुच्चइ, सुत्तणुसारेण इय किंपि | ॥६॥ |
| विविहाडभिग्गहसंगय-चउत्थछट्टुड्डुमाडडइविविहतवं । काऊण सव्वकाम-ग्गुणिएणं चैव पारंतो | ॥७॥ |
| पढमं वासचउक्कं, गमेइ खमगो पुणो वि चत्तारि । सुविचित्तवोजुताइं, नवरि भुंजइ न सो विगइं | ॥८॥ |
| एगंउतरिओवासा-डडयंबिलपारणगविहिसणाहाइं । तवइ वरिसाइं दोन्नि, इय वरिसाइं दस गयाइं | ॥९॥ |
| अह एक्कारसवच्छर-छम्मासे आइमे तवं काउं । नाडइविगिट्टं परिमिय-माडडयामेणं च भुंजेइ | ॥१०॥ |
| अन्तिमछम्मासे पुण, अट्टमदसमाडडइतवविहिं काउं । आयामेण जहिच्छं, भुंजइ तणुधारणट्टाए | ॥११॥ |
| एवं एक्कारसवच्छराणि, गमिऊण बारसमवरिसं । कोडीसहियाडडयंबिल-तवकरणेणं समाणेइ | ॥१२॥ |
| नवरं बारसमस्सा वरिसस्स उ अन्तिमम्मि चउमासे । एगंउतरियं सुचिरं, धारेज्जा तेल्लगंडूसं | ॥१३॥ |
| तं छारमल्लगे प-क्खिवित्तु, धोवेज्ज आणणं ततो । किं पुण एत्थ निमित्तं, भन्नइ वाएण मा वयणं | ॥१४॥ |
| संमिल्लेज्जा तस्स उ, एवं च कयम्मि मरणसमए वि । उच्चरइ नमोक्कारं, सयं अजत्तेण स महप्पा | ॥१५॥ |
| एसुक्कोसा संले-हणा मए दव्वओ समक्खाया । छ-च्चउम्मासाडडइया, एस च्विय भन्नइ जहन्ना | ॥१६॥ |
| सविसयपसत्तइंदिय-कसायजोगाण निग्गहणरूया । एसा उ भावसंले-हणेह नाणीहिं उवइट्टा | ॥१७॥ |
| इय ताव विसेसविहिं, पडुच्च संलेहणा विणिदिट्टा । चित्रियसामन्नेणं, एवं चिय अणसणाडडईहिं | ॥१८॥ |
| अणंसणं मूणोयरिया ^१ , वित्तीसंखेवणं ^२ रसच्चाओ ^३ । कायकिलेसो ^४ सेज्जा, विवित्तसंलीणयाडडई ^५ य | ॥१९॥ |
| देसे सव्वेणसणं, सव्वाणसणं भणंति भवचरिमं । देसे चउत्थमाडडई, जहसतीए कुणइ एसो | ॥२०॥ |
| ऊणोयरिया दुविहा, दव्वे भावे य तत्थ दव्वम्मि । उवगरणभत्तपाणे, सा उवगरणे जिणाडडईणं | ॥२१॥ |
| जिणकप्पडम्भासीण व, न उ अन्नेसिं पि संजमाडभावा । अइरित्तपरिच्चाया, सव्वेसिं वा जओ भणियं | ॥२२॥ |
| जं वट्टइ उवयारे, उवगरणं तं खु होइ नायव्वं । अइरेगं अहिगरणं, अजओ अजयं परिहरंतो | ॥२३॥ |
| तहा— | |
| बतीसं किर कवला, आहारो कुच्छिपूरओ भणितो । पुरिसस्स महिलियाए, अट्टावीसं भवे कवला | ॥२४॥ |
| कवलाण उ परिमाणं, कुक्कुडिअंडयपमाणमेत्तं तु । जं वा अविगियवयणो, वयणम्मि छुहेज्ज वीसत्थो | ॥२५॥ |
| एवं ववत्थियम्मि, ऊणोयरिया उ भत्तपाणेसु । जिणगणहरपन्नता, अप्पाडडहाराडडइपंचविहा | ॥२६॥ |
| अप्पाडडहार-अवड्ढा, दूभागपत्ता तहेव किंचूणा । अट्टदुवालससोलस-चउवीस तहेक्कतीसा य | ॥२७॥ |
| अहवा— | |
| एगाडडइकवलहाणी, नियगाडडहाराउ ताव जा कवलं । कवलडद्धमेगसित्थं, ऊणोयरिया इमा दव्वे | ॥२८॥ |
| कोहाडडईणमडणुदिणं, चाओ जिणवयणभावणाए उ । भावेणोमोयरिया पन्नता, वीयरामेहिं | ॥२९॥ |
| वित्तीसंखेवो पुण, गोयरकालम्मि दत्तिभिक्ष्राण । जं परिमाणं पिंडे-सणाण पाणेसणाणं च | ॥३०॥ |
| अहवा पइदियसं सो, चित्ताडभिग्गहपरिग्गहणरूयो । ते पुण दव्वे खेत्ते, काले भावे य नायव्वा | ॥३१॥ |
| तत्थ— | |
| लेयडमडलेवडं वा, अमुगं दव्वं व अज्ज २चेच्छामि । अमुगेण व दव्वेणं, अह दव्वाडभिग्गहो नाम | ॥३२॥ |
| तहा— | |
| अट्ट उ गोयरभूमी, एलुगविकखंभमेत्तगहणं च । सग्गामपरग्गामे, एवइयघराउ खेत्तम्मि | ॥३३॥ |

1. चित्त० = चित्र = विविध० । 2. चेच्छामि = ग्रहीष्यामि ।

| | |
|-----------------------------------------------------------------------------------------------|------|
| उज्जुयगतं पच्चाडडगई य, गोमुत्तिया पर्यंगविही । पेडा य अद्धपेडा, अभिन्तरबाहिसंबुक्का | ॥३४॥ |
| काले अभिग्गहो पुण, आई मज्झे तहेव अयसाणे । अप्पत्ते सइ काले, आई बी मज्झि तइयंउते | ॥३५॥ |
| दितगपडिच्छगाणं, हवेज्ज सुहुमं पि मा हु अचियत्तं । इइ अप्पत्त अईए, पवत्तणं मा य तो मज्झे | ॥३६॥ |
| उक्खिन्नत्तमाडडइचरगा, भायजुया खलु अभिग्गहा होंति । गाथं तो य रुयंतो, जं देइ निसन्नमाडडई वा | ॥३७॥ |
| ओसक्कणअहिसक्कण-परंमुहाडलंकिएयरो वा वि । भावडन्नपरण जुओ, अह भावाडभिग्गहो नाम | ॥३८॥ |
| खीराडडईरसो विगई, तासिं चाओ उ होइ परिहारो । संथरओ जं ताओ, दुग्गइमूलाउ भणियाउ | ॥३९॥ |
| चत्तारि महाविगईओ, होंति नवणीयमंसमहुमज्जं । कंखापसंगदप्पा-डसंजमकारीउ एयाउ | ॥४०॥ |
| आणाडभिकंखिणाडवज्ज-भीरुणा तवसमाहिकामेण । ताओ जायज्जीवं, ^१ निज्जूढाओ पुरा चेवं | ॥४१॥ |
| खीरदहिसप्पितेल्लं, गुलो य ओगाहिमं च जहसत्तिं । निज्जूहइ अन्नाणि वि, सो लोणपलंडुमाडडईणि | ॥४२॥ |
| विगतिपरिणतिधम्मो, मोहो जमुदिज्जए उइन्ने य । सुट्टु वि चित्तजयपरो, कहं अकज्जे न वट्ठिहिइ | ॥४३॥ |
| दावाडनलमज्झगतो, को तदुयसमडट्टयाए जलमाडडई । संते वि न सेवेज्जा, मोहाडनलदीविएसुवमा | ॥४४॥ |
| अणुसूरं पडिसूरं च, उडढसूरं च तिरियसूरं च । समपायमेगपायं, गद्धोलीणाडडइठाणाइं | ॥४५॥ |
| वीराडडसण-पलियंकं, समपुय-गोदोहिया य उक्कुडुयं । दंडाडडयय-उत्ताणय-ओमंथ-लगंडसयणाडडई | ॥४६॥ |
| मगरमुहहत्थिसुंडी-उडढसइनेगपाससाइते । तणकलगसिलाभूमी-सयणाणि निसाअसाइत्तं | ॥४७॥ |
| अण्हाणमडणुव्वट्टण-मडकायकंडुयणकेसलोय च । कायकिलेसो एसो, सीओण्हाडडयावणाडडई य | ॥४८॥ |
| दुक्खसहत्तमिह गुणा, कायनिरोहो दया य जीवेसु । परलोयमई य तहा, बहुमाणो चेव अन्नेसिं | ॥४९॥ |
| एत्तोडणंततरगुणा, कट्ठाओ वेयणाओ नरणसु । ^२ अवसेहिं सहिज्जंती, तदवेक्खाए किमिह कट्टं | ॥५०॥ |
| इय भावणवसपाउ-अवंतसंवेगपरिसगुणाण । कायकिलेसो संसार-वासनिव्वेय-रसभवणं | ॥५१॥ |
| तरुमूलाडडरामुज्जाण-गिरिगुहाडडसम-पवा-मसाणेसुं । सुन्नघर-देउलेसु य, जाइयपरदिन्नगेहेसु | ॥५२॥ |
| उग्गमउप्पायण-एसणाहिं परिसुद्धिया अओ चेव । अकया अकारियाडणणु-मया य मूलाडवसाणेसु | ॥५३॥ |
| इत्थिनपुंसगपसुवज्जिया य, सीया व होज्ज उसिणा वा । उच्चावया व समयिसम-भूमिगा वा वि बहिरंउतो | ॥५४॥ |
| भद्वयपावयसद्दाडडइएहिं, जीए विसोत्तिया णडत्थि । सज्झायझाणविग्घं व, नडत्थि सेज्जा विविता सा | ॥५५॥ |
| एवंविहसेज्जाए, जम्हा पायं न संभवंती वि । सपरोभयसंजणिया, रागदोसाडडइया दोसा | ॥५६॥ |
| सेज्जाए अणुगुणाए वि, संठिओ भावएज्ज अप्पाणं संलीणयाए सम्म, निग्गिन्हिय इंदियाडडईणि | ॥५७॥ |
| सो नडत्थि इंदियडत्थो, निच्चमडत्तित्ताणि जमडणुभविऊण । जंतिन्दियाणि तित्तिं, नाणाविहविसयरसियाणि | ॥५८॥ |
| एक्केक्को य इमेसिं, विसयाण विसोवमाण हणणखमो । खेमं पुण तस्स कहं, पंच वि जो सेवए जुगवं | ॥५९॥ |
| जह किर दुदंतेहिं, तुरएहिं रणंडगणम्मि सारहिणो । विणडिज्जंति तह इहं, परत्थ वि इंदिएहिं पि | ॥६०॥ |
| अन्ने वि बहुविहा इह, मुक्कमहापुरिससेवियकमाण । इंदियनिग्गहरहियाण, होंति दुहदारुणा दोसा | ॥६१॥ |
| एमाडडइदुहविवागं, सम्मं परिभाविउं नियमईए । विसयरसिइंदियाणं, धीरो संलीणयं कुज्जा | ॥६२॥ |
| सा पुण तेसिं इट्ठे-यरेसु विसएसु सम्मभावेणं । रागदोसपसज्जण-धज्जणरुवा मुणेयव्वा | ॥६३॥ |
| अवि य- | |
| सोच्चा दट्टुं भोत्तुण, जिंधिउं फासिऊण तह विसए । जस्स न रई न अरई, इंदियसंलीणया तस्स | ॥६४॥ |
| ता गुविलविसयरणे, अणिबद्धमिओ तओ य वियरंतं । नाणंडकुसेण कुज्जा, अप्पवसं इंदियगइंदं | ॥६५॥ |
| इय धीबलेण धीरो, दमेज्ज मणकुंजरं पि तह कहवि । जह निज्जियपडिवक्खो, गिण्हेज्जाडडराहणपडायं | ॥६६॥ |
| एवं कसायजोगे, निरुद्धपसरेडरिणो व्य कुणमाणो । जणइ च्चिय तग्गोयर-मडणहं संलीणयं धीमं (धणियं) | ॥६७॥ |
| संलीणयं उवगतो, पसत्थजोगेहिं सुप्पउत्तेहिं । पंचसमिओ तिगुत्तो, ^३ आयडट्टपरायणो होइ | ॥६८॥ |
| जं निज्जरेइ कम्मं, असंवुडो सुमहया वि कालेणं । तं संवुडो तवस्सी, खवेइ अंतोमुहुत्तेणं | ॥६९॥ |

1. निर्यूढा = त्यक्ता । 2. अवशैः = परवशैः । 3. आयट्टु = आत्मार्थः ।

तवमडवि तं कुज्जा सो, जेण मणो मंगुलं ण चित्तेइ । जेण य न जोगहाणी, मणनिव्वाणी य होइ जओ ॥७०॥
दव्वं खेतं कालं, भावं मुणिरुण धाउणो य तहा । कुज्जा तवं जहा वाय-पित्तसिंभा न खुब्भति ॥७१॥
इहरा उग्गमउप्पा-यणेसणासुद्धभत्तापाणेण । मियलहुयविरसलुक्काडड-इणा वि जावेज्ज अप्पाणं ॥७२॥
अणुपुव्वेणाडडहारं, संवट्ठितो य संलिहे देहं । आर्यविलं तु तहियं, समयविऊ बिति उक्कोसं ॥७३॥
अप्पाडडहारस्स न इंदियाइं, विसएसु संपयट्ठति । नेव किलिम्मइ तवसा, रसिएसु न सज्जए वा वि ॥७४॥
किं बहुणा एक्केक्कं, तह २असइं सो तवं समडब्भसइ । जह तेण करिसियस्स वि, न जायए कहवि असमाही ॥७५॥
एवं सरीरसंले-हणाविहिं बहुविहं पि फासंतो । अज्झवसाणविसुद्धिं, खणं पि खवओ न मुंचेज्जा ॥७६॥
अज्झवसाणविसुद्धीए, वज्जिओ जो तवं विगिट्ठं पि । कुणइ न जायइ जम्हा, सुद्धि च्चिय तस्स कइया वि ॥७७॥
अविगिट्ठं पि तवं जो, करेइ सुविसुद्धसुक्कलेसागो । अज्झवसाणविसुद्धो, सो पावइ केवलं सुद्धिं ॥७८॥
अज्झवसाणविसुद्धी, कसायकलुसीकयस्स य न अत्थि । ता तस्स सुद्धिहेउं, संलिहइ ददं कसायकलिं ॥७९॥
कोहं खमाए माणं च, महवेणडज्जवेण मायं च । संतोसेण य लोभं, संलिहइ लहुं लहुब्भूओ (लहूभूओ) ॥८०॥
कोहस्स य माणस्स य, मायालोभाण सो न एइ वसं । जो ताणं मूलाओ, उप्पतिं चेव वज्जेइ ॥८१॥
तं वत्थुं मोत्तव्वं, जं पइ उप्पज्जए कसायडग्गी । तं वत्थुमाडडयरेज्जा, जेण कसाया न उट्ठिति ॥८२॥
जं अज्जियं चरित्तं, देसूणाए वि पुव्वकोडीए । तं पि कसाइयमेतो, हारेइ नरो मुहुतेण ॥८३॥
जलिओ हि कसायडग्गी, चरित्तसारं डहेज्ज कसिणं पि । संमत्तं पि विराहिय, अणंतसंसारियं कुज्जा ॥८४॥
धन्नाणं खु कसाया, ३जगडिज्जंता वि परकसाएहिं । न चयंति उट्ठिउं जे, सुनिविट्ठो पंगुलो चेव ॥८५॥
जइ जलइ जलउ लोए, कुसत्थपयणाडडहतो कसायडग्गी । तं चोज्जं जं जिणवयण-सलिलसित्तो वि पज्जलइ ॥८६॥
कलुसफलेण न जुज्जइ, किं चोज्जं जं इह हं विगयरागो । संते वि जो कसाए, निगिणहइ सो वि तत्तुल्लो ॥८७॥
रुवं उच्चं गोयं, अघिसंवाओ सुहो य लाभो ति । कोहाडडइनिग्गहाणं, फलं कमेणुत्तमं नेयं ॥८८॥
ता उप्पज्जंतो च्चिय, कसायदावाडनलो लहुं चेव । इच्छामिच्छाउक्कड-जलेण विज्झावणिज्जो हु ॥८९॥
तह चेव नोकसाया, संलिहियव्वा परेणुवसमेणं । संनाओ गारवाणि य, तह लेसाओ असुद्धाओ ॥९०॥
परिवट्ठिओवहाणो, यियडसिरान्हारुपंसुलिकडाहो । संलिहियकसाओ वि य, दुविहं संलेहणमुवेइ ॥९१॥
एवं सम्मं कयदव्व-भावपरिकम्मविहिसमाओगो । संलिहियडप्पा पाउणइ, चेव आराहणपडागं ॥९२॥
जो पुण इयविहिविपरीय-करणओ नियमईए वट्टेज्जा । आराहगो न सो होज्ज, गंगदत्तो च्च पज्जंते ॥९३॥
तथाहि-

“गङ्गादत्तस्य दृष्टान्तः”

पुरनगरनिगमसंकुल-कुलगिरिगुरुदेवभवनरमणिज्जे । वच्छाविसए नयरं, जयवद्धणमाडडसि सुपसिद्धं ॥९४॥
सिद्धंतपसिद्धविसुद्धधम्म-कम्मक्कबद्धपडिबंधो । बंधुपिओ नाम तहिं, अहेसि ४सिटी नयविसिट्ठो ॥९५॥
सिद्धाडणुमओ पुत्तो य, गंगदत्तो ति तस्स सुविणीत्तो । सो य कमेणडणुपत्तो, तारुणं तरुणिमणहरणं ॥९६॥
तं च तहाविहमडवलोइऊण, पिउणा सयंभुनामस्स! वणिणो धूया वरिया, वीवाहडडं पहिट्टेणं ॥९७॥
अह सुपसत्थे हत्थग्गहस्स, जोग्गम्मि तिहिमुहुत्तम्मि । सा हरिसमुवगएणं, उव्वूढा गंगदत्तेणं ॥९८॥
नवरं जव्वेलं चिय, तीसे सो पाणिपल्लवे लग्गो । तव्वेलं चिय तीए, वियंभिओ दुस्सहो दाहो ॥९९॥
किं हुयवहेण आलिगियम्मि, सित्तम्मि किं विसरसेण । इति चिंतंती पल्लहत्थ-वामहत्थाडडणणा विमणा ॥१००॥
अच्छिन्नमडच्छिपुडसं-घडंतबाहच्छडा वलियगीवा । निहुयं परिदेवंती, सयंभुणा एवमुल्लविया ॥१०१॥
वच्छे! हरिसट्ठाणे वि, कीस संतावमेवमुव्वहसि । पहिसिरवयणा जं सहि-जणं पि नाडडलवसि सप्पणयं ॥१०२॥
किंच न पेच्छसि तुह ५छणए, लोयणाडडणंदनिब्भरमणस्स । सविलासगीयनट्टाइं, सयणलोयस्स पुत्ति! तुमं ॥१०३॥
ता कुण सरलं गीवा-मुणालमडवणेहि नयणजलकणियं । सच्छायं मुहलच्छिं, पयडेहि विमुंच सोगमिमं ॥१०४॥
अह अत्थि गाढतरसोग-कारणं किंपि ता तमडविसंकं । फुडवयणेहिं साहेहि, जेण अवणिज्जए सज्जो ॥१०५॥

1. जावेज्ज=निर्वाहयेत्। 2. असइं=असकृत् = पुनः पुनः इत्यर्थः। 3. जगडिज्जंता = उत्थाव्यमाना=उत्पन्न कराता। 4. सिटी=श्रेष्ठी। 5. क्षणके=उत्सवे।

तीए पर्यपियं ताय! इण्हिं किमडईययत्थुकहणेण । नक्खत्तमग्गणा मुं-डिए सिरे कं गुणं कुणइ ॥६॥
 भणियं सयंभुणा पुत्ति!, तहवि साहेहि एत्थ परमत्थं । तो तीए सच्चो वि य, वरवुत्तं तो समाडडइट्टो ॥७॥
 सोऊण तं च वज्जाडड-हओ व्व अवहरियगेहसारो व्व । 'मसिसलिलोहलिओ इय, सो विच्छायत्तमडणुपत्तो ॥८॥
 यित्तो य विवाहविही, सयणजणो वि य गओ सगेहेसु । अह अवरवासरम्मि, ससुरगिहे निज्जमाणीए ॥९॥
 अच्चंतदइयदोहग्ग-खग्गनिब्बिज्जमाणहिययाए । अन्नं मोक्खोवायं, थेवं पि अपेच्छमाणीए ॥१०॥
 पासायसिहरमाडडरुहिय, तीए मरणडट्टया लहु विमुक्को । अप्पा निवडियमेत्ता य, सा गया झत्ति पंचत्तं ॥११॥
 मिलिया अम्मापिउणो, सयणजणो वि य समागतो तुरियं । विहिओ य से समग्गो, सरीरसक्कारपमुहयिही ॥१२॥
 तम्मरणनिमित्तं पि य, सब्बत्थ पुरम्मि तत्थ वित्थरियं । नियदोहग्गेण दढं च, लज्जिओ गंगदत्तो वि ॥१३॥
 नवरं पिउणा भणिओ, मा वच्छ! विसायमेत्थ थेवं पि । काहिसि तहा जइस्सं, जह अवरा होज्ज तुह भज्जा ॥१४॥
 अह कहवि दूरपुरवासि-वणियधूयं पुणो वि सो तेण । परिणाविओ तहाविह-पभूयत्तरदव्वविणिओगा ॥१५॥
 सा वि तहच्चिय हत्थ-ग्गहाओ उडढं गया परमसोगं । तग्गिहगमणाडवसरे, नवरं उल्लंबणेण मया ॥१६॥
 तो सब्बत्थ वि देसे, दुस्सहदोहग्गदूसणं पत्तो । सोगभरविहुरियंउगो य, गंगदत्तो विचित्तेइ ॥१७॥
 किं पुव्वभवेसु मए, पावं पावेणुवज्जियं गरुयं । जस्स पभावेणेवं, भवामि २वेसोडहमित्थीणं ॥१८॥
 धन्ना भयवंतो ते, सणंकुमाराडडइणो महासत्ता । दढपणयसालिणं पि हु, तत्तियमंडतेउरं मोत्तुं ॥१९॥
 लग्गा संजममग्गे, अहं तु निब्बग्गवग्गवग्गु^३ वि । दोहग्गवमित्थीणं, सुमिणे वि अपत्थणिज्जो य ॥२०॥
 मिगपोयगो व्व मायण्हियाए, निव्विसयविसयतण्हाए । विणडिज्जामि हयाडडसाए, अहह! एत्तो सुहं कत्तो ॥२१॥
 इय जाव सो विचित्तइ, ताव पिया से समाडडगओ भणइ । वच्छ! परिच्चय सोगं, निरत्थयं कुणसु कायव्वं ॥२२॥
 चिरभवपरंपरोवज्जियाण, पावाण विलसियं एयं । वयणिज्जमेत्थ कस्स वि, परमडत्थेणं अओ नत्थि ॥२३॥
 ता एहि पुत्त! जामो, भयवं गुणसायरो इहं सूरी । सुव्वइ समोसदो तं च, वंदिमो नाणरयणनिहिं ॥२४॥
 पडिवन्नं तेण तंतो, सूरिसमीवे गया विणयपुव्वं । वंदित्तु तं निसन्ना, संनिहियम्मि धरावट्टे ॥२५॥
 सूरी वि दिव्वनाणो-वओगविन्नायसव्वनायव्वो । अक्खेवणिविक्खेवणि-सरुवमडह कहइ धम्मकहं ॥२६॥
 अह पत्थावं उवलब्भ, गंगदत्तेण पुच्छिओ सूरी । भयवं! पुरा मए किं?, दोहग्गकरं कयं कम्मं ॥२७॥
 जेणेह भवे परमं, विदेसं पाविओ म्हि जुवईण । इति तेण पुच्छियम्मि, भणइ गुरु भो! निसामेहि ॥२८॥
 नयरम्मि सयदुवारे, रत्तो सिरिसेहरस्स तं भज्जा । अच्चंतवल्लहा आसि, गाढकामाडणुबंधा य ॥२९॥
 तस्स य रत्तो निम्मेर-रुवलायन्नमणहरंउगीण । भज्जाणमडणूणाइं, हुत्ताणि सयाणि किर पंच ॥३०॥
 ताणि य तुमए विदेसणाडडइ-बहुकूडमंतंतंतेहिं । हणियाणि जहिच्छमडविग्घ-मवणिवइरमणवंछाए ॥३१॥
 समुवज्जिउं च वज्जं च, दारुणं भूरिपावसंभारं । तप्पच्चयं च अच्चंत-दुग्गदोहग्गकम्मं पि ॥३२॥
 पज्जन्ते य सुदुस्सह-सासाडडइपभूयपवलरोगेहिं । मरिऊण नरयतिरिएसु, णेगसो सहिय दुक्खाइं ॥३३॥
 कहकहयि कम्मलाघव-वसेण एत्थोवलद्धमणुयत्तो । पुव्वकयपावदोसेण, इन्दि दोहग्गमडणुहवसि ॥३४॥
 एव सोच्चा संजाय-धम्मसद्धो भवाउ उव्विग्गो । आपुच्छिऊण पियरं, सो पव्वज्जं पवज्जित्ता ॥३५॥
 गामाडडगरनगरेसुं, विहरइ वाउ व्व चत्तपडिबंधो । गुरुकुलयासोवगतो, सुत्तडत्थविभावणुज्जुत्तो ॥३६॥
 अह केत्तियं पि कालं, पव्वज्जं निक्कलंकमणुचरिउं । भत्तपरिन्नाविहिणा, उवट्ठिओ अणसणं काउ ॥३७॥
 भणिओ थेरेहिं तओ, अहो महाभाग! अणुचियमिमं ते । उवचियसोणियमंसस्स, अणसणं एत्थ पत्थावे ॥३८॥
 चत्तारि विचित्ताइं, विगईनिज्जुहियाइं चत्तारि । इच्चाडडइणा कमेणं, तम्हा संलेहणं कुणसु ॥३९॥
 संलिहियदव्वभावो, पच्छाडणुट्टेज्ज वंछियडत्थंपि । इहरा विसोत्तिया वि हु, भवेज्ज बहुविग्घमिममाडडहु ॥४०॥
 इय पन्नविओ वि बहुं, तग्गिरमडवगन्निऊण सच्छंदो । घेतूण अणसणं गिरि-सिलायले सो निसन्नो ति ॥४१॥
 अह तस्स तहा ज्ञाण-ट्टियस्स पडिरुद्धदुट्टुजोगस्स । अणसणगयस्स जं किर, वित्तं तं संपइ सुणेह ॥४२॥

1. मषीसलिलावलितः । 2. वेसो = द्वेष्यः 3. वग्गु = अग्रेसरः ।

| | |
|----------------------------------------------------------------------------------------------|------|
| ताविच्छगुच्छसच्छह-सुकंतकुंतलकलायकलियाहिं । छणमयलंछणसच्छह-मुहजोन्हाधवलियदिसाहिं | ॥४३॥ |
| निम्मलमऊहमुत्ताकलाय-रेहंतथोरथणयाहिं । सुसिलिडुलडुमणिकंचि-दामसोहंतरमणीहिं | ॥४४॥ |
| वट्टाडणुपुव्वरंभा-डभिरामदिप्पंतजंघजुयलाहिं । चरणपरिलगरणझणिर-मंजुमंजीररम्माहिं | ॥४५॥ |
| अच्चंतयिचित्तमहग्घमुल्ल-दोगुल्लवरनियत्थाहिं । मंदारकुसुमपरिमल-मिलंतभसलोलिसामाहिं | ॥४६॥ |
| सुंदेरमणहराहिं, तरुणीहिं परिगतो अणेगाहिं । विज्जाहररायसुओ, अणंगकेऊ ति सुपसिद्धो | ॥४७॥ |
| सिद्धाडडयणाइं वंदिऊण, सगिहं पडुच्च वच्चंतो । मुणिमडणसणट्टियं जाणि-ऊण भूमितलमोइत्तो | ॥४८॥ |
| तो गंगदत्तमडइभूरि-भत्तिभरनिस्सरंतरोमंचो । सुचिरं धुणिऊण गतो, रामाजणपरियुडो सपुरं | ॥४९॥ |
| साहू वि तस्स सोहग्ग-मुग्गमडबलामणोहरणदक्खं । दडुं पडिभग्गमणो चिंतिउमेवं समाढतो | ॥५०॥ |
| एस महप्पा एवं, विलासिणीसत्थपरिगओ ललइ । अहयं तु पावकम्मो, तह तइया ताहिं परिभूओ | ॥५१॥ |
| ता धी! निरत्थयं मज्झ, जीवियं दुडु माणुसं जम्मं । निरुवहयंङगो वि तहा, विडंबणं जोडणुपत्तो म्हि | ॥५२॥ |
| इय कुवियप्पवसगतो, सो जंपइ जइ इमस्स फलमडत्थि । सामन्नस्स तथा हं, इमो व्व होज्जामि परजम्मे | ॥५३॥ |
| एयं नियाणबंधं, काऊण मओ महिंदकप्पम्मि । उववत्तो पवरसुरो, तत्थ य विसए निसेविता | ॥५४॥ |
| आउगयिगमम्मि चुओ, उववत्तो भूमितिलयभूयाए । उज्जेणीए पुरीए, रत्तो सिरिसमरसीहस्स | ॥५५॥ |
| भज्जाए सोमनामाए पुत्तभावेण पवरसुमिणेहिं । कयसूओ नीरोओ, समुचियसमए पसूओ य | ॥५६॥ |
| विहियं वद्धावणयं पत्थावे ठावियं च से नामं । रणसूरो ति कमेणं, तारुन्नं पवरमडणुपत्तो | ॥५७॥ |
| अह पुव्वडज्जियनिरवग्ग-हुग्गसोहग्गसंगतो जत्थ । सो भमइ तत्थ जुवईण, तम्मि निक्खित्तचक्खूण | ॥५८॥ |
| मयणवसविहियबहुहाव-भावविभमविलासलीलाण । अवहत्थियलज्जाणं, अवरे विरमंति वावारा | ॥५९॥ |
| राइसरसेणावइ-महिब्भसामंतमंतिधूयाहिं । एसोडम्ह पई अहवा वि, हुयवहो इइ वयंतीहिं | ॥६०॥ |
| उव्वूढो गाढपरूढ-पणयसाराहिं ताहिं समगं च । पंचविहविसयसोक्खं, अणुभुंजइ दीहरं कालं | ॥६१॥ |
| मरिउं च भयुत्थसुतिक्ख-दुक्खलक्खाण भायणं भूओ । नियदुच्चिलसियवसओ, चिरकालं गंगदत्तो ति | ॥६२॥ |
| एएण कारणेणं, युच्चइ संलेहणं दुयिहरुवं । काउं पुव्वं पच्छा, भत्तपरिन्नं अणुट्टेज्जा | ॥६३॥ |
| एवं कयपरिकम्मस्स, पायसो नो विसोत्तिया होइ । आराहिज्जइ सम्मं, एवं चिय जिणवराडडणा वि | ॥६४॥ |
| इय सिरिजिणचन्दमुणिन्द-रइयसंवेगरंगसालाए । परिकम्मविहीपामोक्ख-चउमहामूलदाराए | ॥६५॥ |
| आराहणाए पनरस-पडिदारमयस्स पढमदारस्स । परिकम्मविहीनामस्स, दंसियं चरमपडिदारं | ॥६६॥ |
| तइंसणाओ पनरस-पडिदारमयं पदंसियं सम्मं । परिकम्मविहीनामग-मेयं पढमं महादारं | ॥६७॥ |
| संवेगरंगसालाडडराहणाए, पनरसपडिदारपडिबद्धं । परिकम्मविहीनामगं पढमदारं समत्तं ति | ॥६८॥ |

॥ प्रथमद्वारम् समाप्तः ॥

“परगणसंक्रमनामक द्वितीयद्वारम्” -

अणहं अरयं अरुयं, अजरं अमरं अरागमउपओसं । अभयमउकम्ममउजम्मं, सम्मं पणमह महावीरं ॥६९॥
अह कयपरिकम्मविहिस्स, तस्स गणसंकमं करंतस्स । विहिमउवितहं भणिस्सं, तत्थ य दाराणिमाणि दस ॥७०॥
दिसं ख्रामणं अणुसट्ठीं, परगणं सुट्ठियगवेसणा चेव । उवसंपयां परिच्छां, पडिलेहां पुच्छणं पडिच्छां ॥७१॥

“प्रथम दिशाद्वारम्” -

तत्थ य दिस ति गच्छो, जं तीए दिसिज्जए जइसमूहो । तीए दिसाए अणुण्णं, वण्णेमि जहायिहिं एतो ॥७२॥
इह पुण पुव्वपयंचिय-कमाउणुसारेण गहियपव्वज्जो । सड्ढो व सुचिरपालिय-पव्वज्जो कोई साहू वा ॥७३॥
अहवा निम्मलगुणगण-वसपावियपूयणिज्जसूरिपओ । साहू च्विय आराहण-विहिमणहं काउमिच्छेज्जा ॥७४॥
एत्थ य जो सूरिपयं, पवयणविहिणाउणुपालिउं सुचिरं । निष्फाइउं च सिस्से, सुत्तउत्थेहिं समत्थेहिं ॥७५॥
इडिढरससायगारव-रहियं आगमठिईए विहरिता । बोहिता भव्वजणं, वंछिज्जाउउराहणविहाणं ॥७६॥
वड्ढन्तउत्तरोत्तर-पसत्थपरिणामपरमसंवेगो । सो अणुसरेज्ज पढमं, बहुजइजोगं महाख्वेतं ॥७७॥
तो वाहरिऊण गणं, निययं पुरखेडकब्बडाउउइगयं । तप्पुरओ पयडेई, तहायिहं अप्पउभिप्पायं ॥७८॥
आभोइऊण य तओ, अपक्खवाएण सम्मबुद्धीए । पढमं खु सगच्छे च्विय, परगच्छे वा पुरिसरयणं ॥७९॥

“आचार्यस्य योग्यतावर्णनम्” -

आरियदेसुप्पन्नं, जाईकुलरुवसंपयाकलियं । कुसलं कलाकलावे, लोयट्ठिइसुट्ठुपत्तइं ॥८०॥
पयइसुविसिड्ढचेट्ठं, पयइगुणउआसनिच्चतल्लिच्छं । पयईए थिमियरुवं, पयईए जणाउणुरागपयं ॥८१॥
पयइसुपसन्नचित्तं, पयईए पियपयंपणपहाणं । पयइसुपसंतमुत्तिं, एतो च्विय पयइगंभीरं ॥८२॥
पयइसुविसालसीलं, पयइमहापुरिसचरियचित्तरइं । पयइनिरउवज्जयिज्जा-समज्जणुज्जुत्तचित्तं च ॥८३॥
कल्लाणमित्तमेती-पहाणमउविकत्थणं अमाइल्लं । दढसंघयणं धीबलिय-मउणुमयं धम्मियजणाण ॥८४॥
आहिंडियबहुदेसं, अवधारियसयलदेसभासं च । परिचियबहुववहारं, आयन्नियविहिवुत्तंतं ॥८५॥
दीहदरिसणमउखुद्धं, दक्खिन्नमहोयहिं सुलज्जालुं । वुड्ढाउणुगं विणीयं, सव्वत्थ सुबद्धलक्खं च ॥८६॥
अदुराउउराहं गुणपक्ख-वाइणं देसकालभावन्नुं । परहिपरइं विसेस-नुयं परं पावभीरुं च ॥८७॥
सुगुरुविहिदिन्नदिक्खं, तयउणुकमाउहीयसपरसमयविहिं । चिरपरिचियसुत्तउत्थं, जुगप्पहाणाउउगमधरं च ॥८८॥
सुत्ताउणुसारिबोहं, तत्तयिहिविसारयं च खंतिख्रमं । सक्किरियाकरणरयं, संविगं लद्धिमंतं च ॥८९॥
भावियभवनेगुन्नं, सम्मं ततो विरत्तचित्तं च । सन्नाणाउउइगुणाणं, परुवगं पालगं च सयं ॥९०॥
संगहसीलं अपमाइणं च, कडजोगिणं भणिइनिउणं । तह परलोगपसाहग-गुणगणसंगाहणे कुसलं ॥९१॥
निच्चाउउसेवियगुरुकुल-निवासमाउउदेयमउसमपसमरसं । संजमगुणेक्करसियं, वच्छल्लपरं पवयणस्स ॥९२॥
मणसुद्धं वइसुद्धं, कायविसुद्धं विसुद्धउणुट्ठाणं । दव्वाइअगिद्धिपरं, जयणासारं च सव्वत्थ ॥९३॥
दंतिदियं तिगुत्तं, गुत्ताउउयारं अमच्छरमउणीसं । जहसतीए तवचाय-संगयं गयमयवियारं ॥९४॥
अणुवत्तणापहाणं, सच्चुवयारुज्जयं दढपइन्नं । उक्खित्तभरुव्वहणेक्क-धीरधवलं अणाउउसंसं ॥९५॥
तेयस्सिणमोयस्सिण-मउविसाइणमउपरिसाविणं धीरं । हियमियफुडवतारं, कन्नसुहोदत्तघोसं च ॥९६॥
मणवयणकायचावल्ल-वज्जियं सयलजइजणगुणइं । अगिलाणीए जहट्ठिय-पवयणसुत्तउत्थवतारं ॥९७॥
दढजुत्तिहेउदाणा, पारद्धपमेयठावणपडिइं । तक्कालुप्पन्नुत्तर-पयाणपडुयं सुमज्झत्थं ॥९८॥
पंचविहाउउयारधरं, भवियाणुवएसदाणदुल्ललियं । जियपरिसं जियनिद्धं, विविहाउभिग्गहगहणनिरयं ॥९९॥
कालसहं भारसहं, उवसग्गसहं परीसहसहं च । ख्वेयसहमउवक्कसहं, कट्टसहमिलव्व सव्वसहं ॥१००॥
उस्सग्गउववायाणं, नियनियसमए निसेवणपहाणं । मुद्धजणसमक्खं पुण, निसेवगं नाउववायाणं ॥१०१॥
आवाए संवासे य, भद्दगं तह समुद्धबुद्धिल्लं । रायकरंडगतुल्लं, महुकुंभं महुपिहाणं च ॥१०२॥
वुट्ठिपरगज्जिरहिणण, जणगनिष्फायगेण य तहेव । ख्वेते च्विय काले च्विय, देसे सव्वे य वुड्ढिमया ॥१०३॥
पुक्खलसंवट्टेण य, मेहेण समं वहंतमुवमाणं । अंतो बहिं च सारं, तह अप्पपराउणुकंपपरं ॥१०४॥

| | |
|--------------------------------------------------------------------------------------------------------|------|
| तह परिगलंतसोयं, निच्चं आसंगलंतसोयं च । सुयदाणगहणविहिणा, सीयासीओयहरयं च | ॥५॥ |
| कालपरिहाणिदोसा, एत्तो एक्काडडइगुणविहीणं पि । अप्पलहुदोसवंतं पि, सेसबहुगुरुगुणोवेयं | ॥६॥ |
| एवंविहं सुसिस्सं, सूरी रिणमोयणं करिउकामो । आपुच्छित्ताण गणं, गणाडहियते निरुवेज्जा | ॥७॥ |
| नवरं गुरुसीसाणं, दोणं पि हु पवरचंदबलकलिए । उच्चट्टाणट्टियसच्च- ^१ सुहगहालोगिए लगे | ॥८॥ |
| नीसेससंधसहिओ, हिओयउत्तो गणे गणवई सो । सुत्तुत्तविहाणेणं, निययपयं निसिरइ तम्मि | ॥९॥ |
| अह संघसमक्खं चिय, सुत्तुत्तविहीए चेव निस्संगो । अणुजाणेइ दिसं सो, एस दिसा भे ति भणमाणो | ॥१०॥ |
| जो पुण सविसेसाडसेस-गुणगणोवेयपुरिसविरहम्मि । कइवयसुगुणुववेयं पि, तदवरस्समणउवेक्खाए | ॥११॥ |
| नियए पयम्मि न ठवेज्ज, नेव तस्साडणुजाणइ दिसं पि । सो हारेज्ज सकज्जं, गणं च सिवभद्रसूरि व्व | ॥१२॥ |
| तहाहि- | |
| “सिवभद्रसूरि कहा” | |
| कंचणपुरम्मि नयरे, सुयरयणमहोयही महाभागो । आसि सिवभद्रसूरी, बहुसिस्सगणस्स चक्खुसमो | ॥१३॥ |
| सो य महप्पा एगम्मि, अवसरे रयणिमज्झसमयम्मि । कालपरिन्नाणडट्टा, अवलोयइ नहयलं जाव | ॥१४॥ |
| तावुच्छलन्तजोन्हा-पवाहधवलियसमग्गदिसिचक्कं । समकालं पेच्छइ हरिण-लंछणाणं जुगमडकम्हा | ॥१५॥ |
| मइसंमोहा किं दिट्ठि-विब्भमो किं विहीसिया किं वा । इति विन्धियचित्तेणं, तेणुट्टविओ अवरसाहु | ॥१६॥ |
| भणितो य भद! पेच्छसि, गयणे हरिणंउकमंडलजुगं किं । तेणं पर्यपियं एक्क-मेव पेच्छामि निसिनाहं | ॥१७॥ |
| तो मुणिवइणा नायं, नूणं पज्जंतपत्तमिव जीयं । तेणेसुप्पाओ मे, अदिट्टपुच्चो पजाओ ति | ॥१८॥ |
| न क्याइ जेण चिरजीवि-णो जणा एरिसे उ उप्पाए । पेक्खंति विम्हयकरे, परेसिमउच्चंतमउघडंतं | ॥१९॥ |
| अहवा किडमणेण विगप्पिएण, उप्पायविरहओ वि जियं । तिणयडगल्लगजलमिव, न चिराडवत्थाणमडणुभवइ | ॥२०॥ |
| ता किमिह चोज्जमउह किं च, वाउलतं क एव संमोहो? । अणुसमयविणस्सिरजीवि-यव्वजुत्ताण सत्ताण | ॥२१॥ |
| चिरकालकलियनिम्मल-सीलाणं घोरचरियसुतवाणं । परमउब्भुदयनिमित्तं, मरणं पि मणोरइं कुणइ | ॥२२॥ |
| अणुवज्जियसद्धम्मा अपोढपाहेज्जदूरपहिय व्व । परभवसंकमकाले, जे ते पुण दुत्थिआ होंति | ॥२३॥ |
| तम्हा पडिरुचगुणम्मि, सयलमुणिलोयलोयणाडडणंदे । आरोविऊण गणभर-मेगम्मि नियविणेयम्मि | ॥२४॥ |
| अच्चंतविगिट्ठिसिद्ध-तवविसेसेहिं संलिहियकाओ । दीहरसामन्नफलं, एगग्गमणो उवचिणांमि | ॥२५॥ |
| नवरं सिस्साणमिमाण, कोवि कोवाडडउरो सहावेण । को वि य वियक्खणो नेव, सत्थपरमउत्थबोहम्मि | ॥२६॥ |
| को वि य वियलो रुवेण, को वि सिस्साडणुवत्तेण अविऊ । को वि य कलिप्पिओ को वि, लोभमायाडभिभूतो या | ॥२७॥ |
| को वि पभूयगुणो वि हु, थद्धो हा! किं करेमि सच्चगुणो । नेवउत्थि कोवि गणहर-पयमिममाडडरोविमो जस्स | ॥२८॥ |
| भन्नइ य इमं गणधर-पयं हि जो ठवइ किर कुपत्तम्मि । जाणंतो वि सिणेहा, सो पवयणपच्चणीओ ति | ॥२९॥ |
| इय ^२ दुक्कहयाए तहायिहेहिं, केहि वि गुणेहिं जुतं पि । सिस्सगणं अवगणितं, अविभावियभाविराडणत्थो | ॥३०॥ |
| कालाडणुरुवकायच्च-मूढभावो तहाविहं किंचि । संलेहणं करेत्ता, भत्तपरिणं चिय पवन्नो | ॥३१॥ |
| तम्मि य तहट्टिए जा न, सारणावारणाडडइ संभवति । ताव वणवारणा इव, सीसावि निरंकुसीहूया | ॥३२॥ |
| तह अप्पणो उवेहा-परं पहुं पेक्खिऊण निरवेक्खा । तप्पडियरणाडडइपओ-यणेसु मंदाडडदरा जाया | ॥३३॥ |
| सूरी वि ते तहा पे-च्छिऊण हिययम्मि धरियसंतावो । असमत्थिउत्तिमट्टो मरिउं असुरेसु उप्पन्नो | ॥३४॥ |
| सीसगणो वि य बाढं, नायगविरहेण नयरलोगो व्व । अक्कंतो अइनिक्किव-पमापरिसुहडचक्केण | ॥३५॥ |
| सिडिलियमुणिकायच्चो, कोउयमंताडडइएसु वट्टंतो । जाओ य सामिविरहे, आभागी अणत्थसत्थाण | ॥३६॥ |
| एएण कारणेणं, मज्झिमगुणसंगयं पि ठविय पए । तव्विहियगणाडणुत्तो, गणी जएज्जुत्तिमट्टम्मि | ॥३७॥ |
| इहरा पवयणखिंसा, धम्मब्भंसो य मग्गवुच्छेओ । अहिगरणं धम्ममुह-विप्परिणामाडडइया दोसा | ॥३८॥ |
| इय कुगइतिमिरदिणयर-पहाए संवेगरंगसालाए । मरणरणजयपडागो-वलंभनिच्चिग्घहेऊए | ॥३९॥ |
| आराहणाए पडिदार-दसगजुत्तस्स बीयदारस्स । गणसंकमस्स भणियं, दिस ति पढमं पडिदारं | ॥४०॥ |

१. सुहगहाभोगिए पाठां। २. दुक्कहयाए = अरुचिमत्तेन ।

“क्षामणाद्वारम्” —

एवं नियप्रयठाविय-सीसनिवेइयदिसस्स वि गणिस्स । एगंतनिज्जरापे-हिणो वि जीए यिणा सम्मं ॥४१॥
उल्लासं न लहइ अइ-महल्लकल्लाणवल्लरी कहवि । सा खामणा इयाणिं, कित्तिज्जइ कुगइनिम्महणी ॥४२॥

“क्षमापनाद्वारम्” —

अह सो पसंतचित्तो, सबालवुड्ढाडडउलं गणं गियणं । तक्कालणिवेसियगण-वइं च वाहरिय महुरगिरा ॥४३॥
इय वागरेज्ज हंभो!, महाडणुभावा! सहाडडवसंताणं । सुहुमं च बायरं वा, अचियत्तं किंपि होज्ज धुवं ॥४४॥
ता जं कया वि असणं, पाणं वत्थं च पत्तमडह पीढं । धम्मोवयारजणयं, अन्नं पि तहाविहं किंपि ॥४५॥
लद्धं पि विज्जमाणं पि, कप्पणिज्जं पि नो मए दिन्नं । दिज्जंतं वा अवरणं, कहवि होज्जा च पडिसिद्धं ॥४६॥
जं वा पुच्छंताण वि, अक्खरपयगाहअज्झयणमाडडई । सुत्तं नेवुवइट्ठं, सम्मं वक्ख्राणियं नो वा ॥४७॥
जं वा किंपि कहं पि हु, इड्ढीरससायगारवयसेण । खरफरुसगिराहि चिरं च, चोइया तज्जिया वा वि ॥४८॥
अच्चंतविणयपणया वि, गाढपडिबंधंधुरा वि दढं । जं पि य रागाडडइवसा, पलोइया विसमदिट्ठीए ॥४९॥
जं च न संमं सुगुणड-ज्जणे वि उववूहिया जहाडवसरं । तं भे खामेमि अहं, निस्सल्लो निक्कसाओ य ॥५०॥
तह भो देवाडणुपिया!, पियस्स वि अपियमन्नणाए जं । अपए वि दूमिया काल-मेत्तियं तं पि खामेमि ॥५१॥
किं केणाडवि पियं चिय, अणिसं कस्साडवि तीरण काउ । ता जमडपियं कयं किंपि, तुम्ह तं मे खमेज्जाह ॥५२॥
किं बहुणा—

दव्वं खेतं कालं, भावं च पडुच्च अणुचियं जमिह । किंपि कयं तुम्ह मए, तं सब्बं पि हु खमावेमि ॥५३॥
अह ते वि तिब्बगुरुभति-चित्तजुत्तडप्पयित्तिणो एयं । गुरुवयणमडसुयपुव्वं, सोऊण ससज्झसं सब्बे ॥५४॥
उप्पन्नमन्नुमंथर-गग्गरगलनालिणो सुविउणो वि । अणवरयफुरंतोदार-बाहसलिलोल्लनयणिल्ला ॥५५॥
जंपति पहुं अप्पा-णयं पि सब्बप्पणा किलेसेउं । अम्हे च्चिय परिपुट्ठा, सामिय! तुम्भेहिं जेहिं सया ॥५६॥
ते वि कहं तुम्हे हं, खामेमि इमेरिसं भणह वयणं । अवि य सुगुणेषु ठविया, अणुमोएमो ति वत्तव्वं ॥५७॥
अप्पत्तगुणाणं पावग ति, पत्ताण वुडिडजणग ति । कल्लाणवल्लरीका-रिणो ति एगंतहियय ति ॥५८॥
इय वच्छल ति निव्वाण-गमणसुपसत्थसत्थवाह ति । निक्कारणेक्कपियबंध-व ति संजमसहाय ति ॥५९॥
सयलजयजीवपरिता-इणो ति भवजलहिकन्नधार ति । सब्बंउगिवग्गपरमत्थ-जणणिजणग ति काऊण ॥६०॥
जे तुम्हे सब्बेसिं, परमवियड्ढाण भव्वलोयाणं । जणणिजणगे वि चइउं, ^१आसयणिज्जा महासत्ता ॥६१॥
ते कह कस्स वि तुम्भे, भयत्तभयमूयणा हियपरा य । होऊण अणुचियं भे-डवसा वि चिंतिस्सह वि लोए ॥६२॥
दव्वं खेतं कालं, पडुच्च पियमेव सब्बसत्ताण । निच्चं चेद्वंताणं, तुम्ह वि किं खामणिज्जपयं ॥६३॥
एवं खु गुणो होहि ति, जं पि जंपेह किंपि फरुसाइं । तं पि परिणतिसुहडट्ठा, सुवेज्जकडुओसहकमेण ॥६४॥
तम्हा अम्हेहिं चिय, तुम्हे उ पडुच्च अणुचियं किंपि । जमिह कयं कारियमडणु-मयं च तं होइ खमणिज्जं ॥६५॥
तं पुण रागाउ दो-सओ य मोहेण वा अणाभोगा । मणसा वयसा काएण, जमिह भंते कयं तत्थ ॥६६॥
रागेण अप्पबहुमाणओ उ, दोसेण पहुपओसाओ । मोहेणं अन्नाणा, विणोवओगं अणाडडभोगा ॥६७॥
सम्ममडणुग्गहबुद्धीए, अम्हं विहियं हियं पि तुम्हेहिं । संभावियं च वितहं, अम्हेहिं किंपि जं मणसा ॥६८॥
अन्तरभासाविप्पिय-पर्यपणं पट्टिमंसभक्खित्तं । पेसुन्नं तह जच्चाडडइ-खिसणं जं च वायाए ॥६९॥
करचरणोडवहिसंधट्टणाडडइ, काएण अणुचियं जमिह । विहियं तं खामेमो, तिविहं तिविहेण सब्बं पि ॥७०॥
तहा—

पाणाडसणाइ सुत्तडत्थ-तदुभयं वत्थपत्तदंडाडडई । सारणवारणचोयण-पडिचोयणपमुहमडह जं च ॥७१॥
तुम्हेहिं चियतेहिं, दिन्नं अम्हेहिं अविणएणं जं । भंते! पडिच्छियं कहवि, तं समगं पि खामेमो ॥७२॥
दव्वे खेते काले, भावे य कहिं पि का वि हु कया जं । आसायणा य तं पि हु, तिविहंतिविहेण खामेमो ॥७३॥
कयमेत्थ पसंगेणं, एवं ते गुणगुरुं गुरुं गिययं । धम्माडडयरियं धम्मो-वएसयं धम्मधुरधवलं ॥७४॥

1. आसयणिज्जा = आश्रयणीयाः ।

| | |
|------------------------------------------------------------------------------------------------|-------|
| भक्तिभ्रमरनिभ्रमरंङगा, सम्मं कमकमलमिलियभालयला । पुणरुत्तमउत्तविहियं, अहम्मकम्मं ख्रमावेति | ॥७५॥ |
| आदिक्रमाकालाओ, अन्नाणपमायदोसवसगेहिं । पडिलोमिया जमाडङगा, हिओवएसं पि दिंताण | ॥७६॥ |
| तुम्हाणं अम्हेहिं, संजमभरथरणधवलगुणनिलय! । मणवायाकाएहिं, सच्चं पि हु तं ख्रमावेमो | ॥७७॥ |
| आणंदंउसुनिवायं, कुणमाणा इय मही'निमियसीसा । ख्रामेति ते जहउरिहं, जहारिहं ख्रामिया गुरुणा | ॥७८॥ |
| एवं च ख्रामणाए, कयाए जाएज्ज अत्तणो सुद्धी । थेवं पि वेरकारण-मउचरभवे नाणुवट्टेज्जा | ॥७९॥ |
| इहरा नाणउम्भासो, परोवएसाडडधम्मवावारो । नयशीलसूरिणो इव, भवेज्ज विहलो परभवम्मि | ॥८०॥ |
| तहाहि— | |
| “नयशीलसूरिदृष्टान्तः” | |
| एगम्मि गरुयगच्छे, अतुच्छसुयनाणनायनायव्यो । दूरदिसाडङगयसुस्सु-सिस्ससंसयसयुम्महणो | ॥८१॥ |
| नामेणं नयशीलो, अहेसि सूरि सयं सुरगुरु व्व । बुद्धीए नवरि न तहा, सुहशीलतेण किरियाए | ॥८२॥ |
| सिस्सो य तस्स एगो, सम्मं नाणी य चरणजुत्तो य । तो तस्स समीवम्मि, समयउत्थवियक्खणा लोगा | ॥८३॥ |
| निसुणंति जिणवराडङगम-मुवउत्तमणा तहति जंपंता । पक्कुणंति य बहुमाणं, पवित्तचारित्तजुत्तो ति | ॥८४॥ |
| एवं वच्चंतम्मि, काले सो चित्तइ इमं सूरि । मोतूण ममं मुद्धा, किमिममिमे पज्जुवासति | ॥८५॥ |
| अहवा कुणंतु किंपि हु, एए सच्छंदचारिणो २निहिणो । एसो वि कीस सिस्सो, बहुस्सुओ तह कओ वि मए॥८६॥ | |
| तह दिक्खिओ वि तह पालिओ वि, तह गुरुगुणेषु ठवियो वि । ३ममउवगणिऊणेंवं, वट्टइ परिसाए भेयम्मि॥८७॥ | |
| ‘रायम्मि जीवमाणे, न छत्तभंगो हवेइ’ एसो वि । मन्ने लोगपवाओ, न सुओ णेणं अणज्जेण | ॥८८॥ |
| जइ इण्हिं निवारिज्जइ, धम्मकहाकरणओ मए एसो । ता मच्छरि ति लोगो, मन्नेज्ज ममं महामुद्धो | ॥८९॥ |
| ता कुणउ किंपि एवं विहाण जुत्तं उवेहणं एककं । कीरंतउवरमउफलं तम्भत्तजणे विरुद्धं च | ॥९०॥ |
| इय संकिलेसवसगो, पओसवं तदुवरिम्मि सो सूरि । अंतसमए वि तदउविहिय-ख्रामणो मरणमउणुपत्तो | ॥९१॥ |
| तो संकिलेसदोसा, तत्थेव यणम्मि पन्नगतेण । उववन्नो कूरउप्पा, सन्नी ताविच्छसच्छाओ | ॥९२॥ |
| अह तेसिं चिय साहूण, कहवि सज्झायझाणभूमीए । आगंतूणं तु ठिओ, इओ तओ परिभमंतो सो | ॥९३॥ |
| तम्मि य काले सज्झाय-करणवंछाए पट्टिए सिस्से । अवसउणो संजाओ, पडिसिद्धो सो य थेरेहिं | ॥९४॥ |
| पडिवालिय खणमेक्कं, पुणो पयट्टम्मि तम्मि अवसउणो । पुणरवि तहेव जाओ, ताहे थेरा विचिंतंति | ॥९५॥ |
| होयव्वमेत्थ केणाडवि, कारणेणं वयं पि ता जामो । इइ तेणं चिय समगं, गया उ सज्झायभूमीए | ॥९६॥ |
| अह थेरमज्झायारे, पुव्वभवाडतुच्छमच्छरवसेण । तं पेच्छिऊण भीमो, भुयगस्स वियंभिओ कोवो | ॥९७॥ |
| तंडवियपयंडफणो, अरुणउच्छिच्छोहपाडलियगयणो । दूरविदारियवयणो, पडुच्च तं धाविओ ताहे | ॥९८॥ |
| मोतूण सेसमुणिणो, महया वेगेण सिस्समउणुसरिउ । वच्चंतो सो कहमउवि, पडिरुद्धो इति थेरेहिं | ॥९९॥ |
| नायं च तेहिं नूणं, को वि इमो साहुपच्चणीओ ति । विद्धंसियसामन्नो, एवं जो उव्वहइ वेरं | ॥१००॥ |
| एगम्मि य पत्थावे, समागओ तत्थ केवली भयवं । पुट्टो वुत्तंतिमिं च, सो य थेरेहिं जत्तेणं | ॥१०१॥ |
| तो केवलिणा तेसिं, पुव्वोइयसूरिवइयरो सच्चो । तदुवरि पओसगब्भो, निदेसिओ मूलओ चेव | ॥१०२॥ |
| एवं निसामिऊणं, वेरगाडउवडियबुद्धिणो मुणिणो । जंपंति अहो भीमं, पओसदुच्चिलसियं जेण | ॥१०३॥ |
| तारिससुयनाणगुणाडङगरे वि, धीमं पि मुणियकिच्चो वि । सूरि महाउणुभावो, भीसणभुयगतणं पत्तो | ॥१०४॥ |
| कह पुण भयवं! वेरो-वसामणं तस्स संपयं होज्जा । केवलिणा पडिभणियं, गंतूणं तस्समीवम्मि | ॥१०५॥ |
| उवइसह पुव्वभववेर-वइयरं कुणह ख्रामणं बहुसो । एवं कयम्मि सो जाय-जाइसरणो विबुज्झिहिइ | ॥१०६॥ |
| चेच्चा मच्छरमुप्यन्न-धम्मवंछो य अणसणं काउं । आराहिही पुणो वि हु, तक्कालुचियं सुधम्मविहिं | ॥१०७॥ |
| तो थेरेहिं तह च्विय, सच्चं भुयगं पडुच्च पडिविहियं । कयअणसणाडउइकिच्चो, मरिऊण य सो सुरो जाओ॥१०८॥ | |
| इय वेरपरंपरपसम-णट्टया उतिमडुकालम्मि । सविसेसा सिस्सगणस्स, ख्रामणा सुहफला होइ | ॥१०९॥ |
| किंच— | |
| ख्रामितस्स इह गुणा, निस्सल्लया विणयदीवणा मग्गो । लाघवियं एगत्तं, अप्पडिबंधो य होइ कओ | ॥११०॥ |

1. निमिय = न्यस्त । 2. निहिणो = तुच्छः । 3. माम् ।

| | |
|--------------------------------------------------------------------------------------------|------|
| इय गुणमणिरोहणगिरिधराए, संवेगसंगसालाए । मरणरणजयपडागो-वलंभनिच्यिग्धहेऊए | ॥११॥ |
| आराहणाए पडिदार-दसगमइयम्मि बीयदारम्मि । गणसंकमणे भणियं हि, खामणा बीयपडिदारं | ॥१२॥ |
| “तृतीय अनुशास्त्रिद्वारम्” — | |
| समयविहिविहियमुणिखामणो वि, न समाहिमवल्भइ सम्मं । जीए विणा सा एत्तो, दंसिज्जइ किंपि अणुसट्ठी | ॥१३॥ |
| अह जहविहीए एगग्याए, सव्वेसु धम्मजोगेसु । उज्जममाणमडणुदिणं, वड्ढंतविसुद्धउच्छाहं | ॥१४॥ |
| अवगयसमयरहस्सं, जइजणजोग्गं समत्थमाडडयारं । सयमडविकलं कुणंतं, सेसमुणीणं पि दंसंतं | ॥१५॥ |
| नियपयपइट्टियं पेच्छि-ऊण सूरिं गणं च नीसेसं । संजमरयं महप्पा, सो पुच्चुवदंसिओ सूरी | ॥१६॥ |
| अणुवकयपराडणुग्गह-पसत्तचित्तो दढं महासत्तो । संवेगगम्भहियओ, अणुमोयइ उचियसमए य | ॥१७॥ |
| वियरइ गुरुगुणनिवह-प्यवुडिडपुट्टीए धुयकुबुद्धिमलं । सुपसन्नमणो बुहमण-तुट्टिपयपसमनिस्संदं | ॥१८॥ |
| सुसिणिद्धमडसंदिद्धं, गंभीरं भवविरागसंजणणिं । अणहमडमोहं अभिहेय-गाहिणिं कुग्गहग्गसणिं | ॥१९॥ |
| मणतुरयधम्मजट्ठिं, महुरत्तणविजियखीरमहुलट्ठिं । अणुरंजियमंसडट्ठिं, गणिणो सगणस्स अणुसट्ठिं | ॥२०॥ |
| हंभो देवाडणुपिया!, धण्णा तुब्भे जयम्मि जेहिं इमं । पत्तं विसेसदुलहं, आरियदेसम्मि मणुयत्तं | ॥२१॥ |
| पणइयणसंकुलम्मि, कुलम्मि जम्मो पसत्थजाई य । तह रुवं च उदग्गं, बलमाडडरोग्गं सुचिरमाडडउ | ॥२२॥ |
| विन्नाणं सद्धम्मे, बुद्धी सम्मतमडविकलं सीलं । न हि इय कुसलकलावो, कह वि अउन्नाण संपडइ | ॥२३॥ |
| एवं सामन्नेणं, सव्व्याणुववूहणं करेताणं । तो पढमं अणुसट्ठिं, वियरइ, गणनायगस्स जहा | ॥२४॥ |
| निज्जामओ-भवडन्नव तारणसद्धम्मजाणवत्तम्मि । मोक्खपहसत्थवाहो, अन्नाणंउधाण चक्खू य | ॥२५॥ |
| अत्ताणाणं ताणं, नाहोडनाहाण भव्वसत्ताणं । तेण तुमं सुपुरिस! गरुय-गच्छभारे निउत्तो सि | ॥२६॥ |
| छत्तीसगुणधुराधरण-धीरधवलेहिं पुरिससीहेहिं । गोयमपामोक्खेहिं, जं अक्खयसोक्खमोक्खकए | ॥२७॥ |
| सव्वुत्तमफलजणयं, सव्वुत्तमपयमिमं समुच्चुडं । तुमए वि तयं दढमडसढ-बुद्धिणा धीर! धरणीयं | ॥२८॥ |
| धन्नाण निवेसिज्जइ, धन्ना गच्छंति पारमेयस्स । गंतुं इमस्स पारं, पारं दुक्खाण वच्चंति | ॥२९॥ |
| न इओ वि परं परमं, पयमडत्थि जए, वि कालदोसाओ । वोलीणेषु जिणेषुं, जमिणं पवयणपयासकरं | ॥३०॥ |
| अओ- | |
| नाणाविणेषयवग्गाडणु-सारिसिरिजिणवराडडगमाडनुगयं । अगिलाणीएडणुवजीवि-णा य विहिणा पइदिणं पि | ॥३१॥ |
| कायव्वं वक्खाणं जेण परत्थुज्जएहिं धीरेहिं । आरोचियं तुममिमं, नित्थरसि पयं गणहराणं | ॥३२॥ |
| जम्मजरमरणदारुण-दीहरभवगहणभमणरीणाणं । परमपयकप्पायव-सुहफलसंपत्तिमिच्छूणं | ॥३३॥ |
| एयाण भव्वसत्ताण, जं न भुवणे वि सुंदरो अन्नो । जिणभणियधम्मसत्थो-वएससरिसोडत्थि उवयारो | ॥३४॥ |
| जं च परमत्थगोयर-संसयतमखंडणेक्कमायंडं । संवेगपसमजणगं, कुग्गहगहनिग्गहपहाणं | ॥३५॥ |
| सपरोवयारगरुयं, पसत्थतित्थयरनामनिम्मवणं । जिणभणियाडडगमवक्खाण-करणमिममडणडणुगुणजणगं | ॥३६॥ |
| अगणियपरिस्समो ता, परेसिमुवयारकरणदुल्ललिओ । सुंदर! दरिसेज्ज तुमं, सम्मं रम्मं अरिहधम्मं | ॥३७॥ |
| पडिलेहणाडडइदसभेय-भिन्नमुणिचक्कवालकिरियाए । खंतीमद्ववपमुहे, दसप्पयारे य जइधम्मे | ॥३८॥ |
| सत्तरसयिहे तह संजमम्मि, सीले य सयलसुहफलए । किं बहुणा अन्नेसु वि, सभूमिगाउचियकिच्च्वेसु | ॥३९॥ |
| निच्चं पि अप्पमाओ, कायव्वो सव्वहा वि धीर! तुमे । उज्जमपरे पडुम्मि, सीसा वि समुज्जमंति जओ | ॥४०॥ |
| सत्तेसु सया मेत्ती, पसंतचित्तेण तह तुमे किच्च्वा । सम्माणदाणवयणाडड-इएहिं पीई पुण गुणिसु | ॥४१॥ |
| करणीयं कारुण्णं, दीणाडणाहंडधबहिरदुहिएसु । अगुणिगुणिनिन्दगेसुं, पावपसत्तेसु य उवेहा | ॥४२॥ |
| वड्ढंतओ विहारो, कायव्वो सव्वहा तहा तुमए । हे सुंदर! दरिसणनाण-चरणगुणपयरिसनिमित्तं | ॥४३॥ |
| संघित्ता वि हु मूले, जह वड्ढइ वित्थरेण वच्चंती । उदहिंउतेण चरनई, तह सीलगुणेहिं वड्ढाहि | ॥४४॥ |
| मज्जाररसियसरिसं, सुंदर! तं मा हु काहिसि विहारं । इहरा हारिहिसि धुवं, अप्पाणं चव गच्छं च | ॥४५॥ |
| सीयावेइ विहारं, गिद्धो सुहसीलयाए जो मूढो । सो नवरं लिंगधारी, संजमसारेण निस्सारो | ॥४६॥ |
| जो रज्जदेसपुरगाम-गिहकुले चइय ते च्विय 'ममाइ । सो नवर लिंगधारी, संजमसारेण निस्सारो | ॥४७॥ |

| | |
|---------------------------------------------------------------------------------------------------------|------|
| निवड्विहूणं खेतं, निवई वा जत्थ दुड्डओ होज्जा । पव्वज्जा य न लब्भइ, संजमघाओ य तं वज्जं ॥४८॥ | ॥४८॥ |
| वज्जेसु वज्जणिज्जं, नियपरपक्खे तहा विरोहं च । वायं असमाहिकरं, विसडग्गिभूए कसाए य ॥४९॥ | ॥४९॥ |
| जो नियघरं पलितं, नेच्छइ विज्झाविउं पयत्तेण । सो कह सद्धहियव्वो, परघरदाहं पसामेउं ॥५०॥ | ॥५०॥ |
| नाणम्मि दंसणम्मि य, चरणम्मि य तीसु समयसारेसु । चाएइ जो ठवेउं, गणमडप्पाणं गणहरो सो ॥५१॥ | ॥५१॥ |
| पिंडं उचहिं सेज्जं, उग्गमउप्पायणेसणाडडईहिं । परिसुद्धं गिन्हेज्जासु, वच्छ! चारित्तसुद्धिकए ॥५२॥ | ॥५२॥ |
| एसा गणहरमेरा, आयारत्थाणवन्निया सुते । आयारविरहिया जे, ते तमडवस्सं विराहेति ॥५३॥ | ॥५३॥ |
| अप्परिसावी सम्मं, समदंसी होज्ज सव्वकज्जेसु । संरक्खसु चक्खुं पिय, सबालवुड्ढाडडउलं गच्छं ॥५४॥ | ॥५४॥ |
| कणगतुला सममज्झे, धरिया भरमडविसमं जहा धरइ । तुल्लगुणपुत्तजुगलं, माया व समं जहा वहइ ॥५५॥ | ॥५५॥ |
| नियनयणजुयलियं वा, अविसेसियमेव जह तुमं वहसि । तह होज्ज तुल्लदिट्ठी, विचित्तचित्ते वि सीसगणे ॥५६॥ | ॥५६॥ |
| अइनिविडमूलगुणकलिय-मिह जहा पायवं सुपत्ताणि । परिवारिंति समंता, विविहदिसामुहसमुत्थाणि ॥५७॥ | ॥५७॥ |
| तह निविडमूलगुणसं-गयं ति तुममडवि इमे महामुणिणो । परिवारिंहिति नाणा-दिसासमुत्था वि सव्वतो ॥५८॥ | ॥५८॥ |
| अन्नं च मोक्खफलकंछि-भवियसउगाण सेवणिज्जो तं । होहिसि लद्धच्छाओ, तरु व्व मुणिपत्तजोगेण ॥५९॥ | ॥५९॥ |
| ता एए वरमुणिणो, मणयं पि हु नाडवमाणणीया ते । उक्खित्तभरुव्वहणे, परमसहाया तुह इमे जं ॥६०॥ | ॥६०॥ |
| जह भद्द-मंद-मिग-सं-किन्नतणभेयभिन्नहत्थीणं । विविहाण वि विंझागिरी, आहारो निच्चकालं पि ॥६१॥ | ॥६१॥ |
| तह खतिय-माहण-वइस-सुद्ध-कुलसंभवाण साहूण । सव्व्याण वि आहारो, होज्ज तुमं संजमटियाणं ॥६२॥ | ॥६२॥ |
| तह जह सो च्चिय आसन्न-दूरवणवत्तिहत्थिजुहाणं । आधारभावमडविसेस-मेव उव्वहइ सव्व्याणं ॥६३॥ | ॥६३॥ |
| एवं तुमं पि सुंदर!, दूरं सयणेपराडडइसंकप्पं । मोत्तुमिमाण मुणीणं, सव्व्याण वि होज्ज आहारो ॥६४॥ | ॥६४॥ |
| सयणाणमडसयणाण य, ^२ भूणप्पायाण सयणरहियाण । रोगिनिरक्खरक्कव्वीण, बालजरजज्जराडडईण ॥६५॥ | ॥६५॥ |
| पेमइदपिया व पियामहोडह-वाडणाहमंडवो वा वि । परमोवट्ठंभकरो, सव्वेसि मुणीण होज्ज तुमं ॥६६॥ | ॥६६॥ |
| तह इह दुसमागिन्हे, साहूणं धम्ममइपिवासाणं । परमपयपुरपहाडणुग-सुविहियचरियापवाए ठिओ ॥६७॥ | ॥६७॥ |
| संपाडेज्जडज्जाण वि, किच्चजलं देसणापणालीए । वज्जियसंसग्गीण वि, तुममंडतेवासिणीउ ति ॥६८॥ | ॥६८॥ |
| तह दुविहो आयरियो, इहलोए होइ तह य परलोए । इहलोए सारणिओ, परलोए फुडं भणंतो य ॥६९॥ | ॥६९॥ |
| जीहाए वि लिहंतो, न भद्दओ जत्थ सारणा णडत्थि । दंडेण वि ताडंतो, स भद्दओ सारणा जत्थ ॥७०॥ | ॥७०॥ |
| जह सरणमुचगयाणं, जीवियवचरोवणं कुणइ कोई । एवं सारणियाणं, सूरी वि असारओ गच्छे ॥७१॥ | ॥७१॥ |
| ता भो देवाडणुपिया!, परलोए होज्ज सम्ममायडडरिओ । मा होज्ज सपरनासी, होउं इहलोइयाडडयरियो ॥७२॥ | ॥७२॥ |
| जं पाविऊण परमे, नाणाडडई दुहियतायणसमत्थे । भवभयभीयाण ददं, ताणं जो कुणइ सो धन्नो ॥७३॥ | ॥७३॥ |
| तह मणवंडकाएहिं, करिंतु विप्पियसयाइं तुह समणा । तेसु तुमं तु पियं चिय, करेज्ज मा विप्पियलवं पि ॥७४॥ | ॥७४॥ |
| निग्गहिऊण ^३ अणक्खे, अकुणंतो तह य एगपक्खित्तं । साहम्मिएसु समचित्त-याए सव्वेसु वट्टेज्जा ॥७५॥ | ॥७५॥ |
| सव्वजणबंधुभावाडरिहं पि, एक्कस्स चेव पडिबद्धं । जो अप्पाणं कुणइ, तओ वि मूढो हु को अन्नो ॥७६॥ | ॥७६॥ |
| अप्पाणं पि हु परिपीडिऊण, साहम्मियाण कज्जेसु । तह कह वि वट्टियव्वं, जहडप्पतुल्लो भवसि तेसि ॥७७॥ | ॥७७॥ |
| एवं च कीरमाणे, होही तुह भुवणभूसणा किन्ती । एतो चेव य चंदं, पडुच्च केणाडवि जं भणियं ॥७८॥ | ॥७८॥ |
| गयणंउगणपरिसक्कण-खंडणदुक्खाइं सहसु अणवरयं । न सुहेण हरिणलंछण!, कीरइ जयपायडो अप्पा ॥७९॥ | ॥७९॥ |
| तहा— | |
| जे तुह अन्नाणवसा, जे वा पयइधियारदोसेण । मणसा वयसा कारण, परिभवं चेव जणयंति ॥८०॥ | ॥८०॥ |
| ते वि पहुणा वि तुमए, बहुं खमंतेण महुरवयणेहिं । खुद्वचरियाउ ततो, निवत्तणीया पयत्तेणं ॥८१॥ | ॥८१॥ |
| अविणीए सांसितो, कारिमकोवे वि मा हु मुंचेज्जा । भद्द! परिणामसुद्धिं, रहस्समेसा हि सव्वत्थ ॥८२॥ | ॥८२॥ |
| उप्पाइयपीडाण वि, परिणामवसेण गतिविसेसो जं । जहा गोव-खरय-सिद्ध-त्थयाण थीरं समासज्ज ॥८३॥ | ॥८३॥ |

1. वज्जं = वज्जं = त्याज्यम् । 2. भूण = बालतुल्यानाम् । 3. अणक्खे = रोषादीन् ।

| | |
|--------------------------------------------------------------------------------------------------|-------|
| कन्ने कीलं छोदुं, गोवो वीरस्स पावियो नरयं । तं कडिढत्ता पत्ता, सुरलोयं खरय-सिद्धत्था | ॥८४॥ |
| तहा— | |
| अतितिक्रुओ ख्रेयकरो, होहिसि परिभवपयं अइमिऊ य । परिवारम्मि वि सुंदर!, मज्झत्थो तेण होज्ज तुमं | ॥८५॥ |
| सपराडवायनिमित्तं, संभवइ जहा 'असीअपरिवारो । एवं पहू वि ता तयडणु-वत्तणाए जएज्ज तुमं | ॥८६॥ |
| अणुवत्तणाए सीसा, पायं पाविंति जोग्गयं परमं । रयणं पि गुणुक्करिसं, पावइ परिकम्मणगुणेण | ॥८७॥ |
| अन्नोन्नविरुद्धाण वि, जलजलणाडमयविसाडडइयाण जहा । जोगे वि महाजलही, अवियारो चैव पयईए | ॥८८॥ |
| इय बज्झकारणवसु=च्छलंतविविहंतसंगभावेहिं । सुंदर! तुमं पि निच्चं, अविगियरूचो च्चिय हवेज्जा | ॥८९॥ |
| को नाम भणिइकुसलो वि, एत्थ अच्चडम्भुयप्पभावम्मि । गणहरपए पइपयं, सच्चुवएसे खमो चोतुं | ॥९०॥ |
| परमेत्तियं भणामो, जायइ जेणुन्नई पवयणस्स । तं तं विचिंतिऊणं, तुमए सयमेव कायव्वं | ॥९१॥ |
| एवमडणुसासिउणं, पढमं गणगायगं विहाणेणं । अह सेससाहुणो सो, अणुसासइ सुयविहीए जहा | ॥९२॥ |
| हंभो देवाडणुपिया!, पियाडपिएसुं समत्थविसएसुं । होज्जाह मा हु तुम्भे, क्या वि रागप्पओसपरा | ॥९३॥ |
| होज्जाह अप्पमत्ता, सज्झायडज्झयणझाणजोगेसु । अन्नेसु वि समणजणो-चिएसु किच्च्वेसु निच्च्वरया | ॥९४॥ |
| जहवाइणो तहाका-रिणो वि होज्जाह मा य होज्जाह । निग्गंथे पावयणे, परिसिद्धिलमणा मणागं पि | ॥९५॥ |
| कुणह पमायं माडडवस्सएसु, संजमतचोविहाणेसु । निस्सारे माणुस्से, दुलहं बोहं वियाणित्ता | ॥९६॥ |
| समिया पंचसु समिईसु, सया वि जिणवयणअणुगयमईया । तिहिं गारवेहिं रहिया, होह विणिग्गहियदंडाय | ॥९७॥ |
| सन्नाउ कसाए वि हु, अइं रोदं च परिहरह निच्चं । दुट्ठाणि इंदियाणि य, सम्मं सच्चडप्पणा जिणह | ॥९८॥ |
| जह सन्नद्धो पग्गहिय-चावदंडो भडो पलायंतो । निंदिज्जइ तह इंदिय-कसायवसमडणुगओ साहू | ॥९९॥ |
| धन्ना य साहुणो ते, जे विसयवसाडणुगम्मि लोगम्मि । विहरंति विगयसंगा, अकलंका नाणचरणेसु | ॥४००॥ |
| जे य विमुक्कविरोहा अच्चामोहा अभिन्नमुहसोहा । अगलियगुणसंदोहा, जयन्ति ते पसरियजसोहा | ॥१॥ |
| सीसाडणुसासणे वि हु, पारद्धे अह इमं तुमं पि खणं । वन्निज्जंतं जइपहु!, पहिडुचित्तो निसामेहि | ॥२॥ |
| “महिलासङ्गे दोषाः” — | |
| वज्जेह अप्पमत्ता! अज्जा-संसग्गिमडग्गिविससरिसं । अज्जाडणुचरो साहू, पावइ वयणिज्जमडचिरेण | ॥३॥ |
| थेरस्स तवस्सिस्स वि, सुबहुसुयस्स वि पमाणभूयस्स । अज्जासंसग्गीए, निवडइ वयणिज्जदढवज्जं | ॥४॥ |
| किं पुण तरुणो अबहुस्सुओ य, अविगिट्ठतवपसत्तो य । सद्दाडडइगुणपसत्तो, न लहइ जणजंपणं लोए | ॥५॥ |
| सच्चत्तो वि विमुक्को, साहू सच्चत्थ होइ अप्पवसो । सो चैव होइ अज्जाओ, अणुचरंतो अणडप्पवसो | ॥६॥ |
| साहुस्स नडत्थि लोए, अज्जासरिसी हु बंधणे उवमा । लद्धपसराओ जं ताओ, भावसंमग्गखलणीओ | ॥७॥ |
| जइ वि सयं थिरचित्तो, तहा वि संसग्गिलद्धपसराए । अग्गिसमीवे घयमिव, मणं विलीएज्ज अज्जाए | ॥८॥ |
| एमेव सेसमहिला-वग्गेण वि दूरओ पयतेण । वज्जेज्जह संसग्गिं, इंदियदमदारुदहणडग्गिं | ॥९॥ |
| महिला कुलं सवंसं, पइं सुयं मायरं च पियरं च । विसयंउथा अगणंती, दुक्खसमुद्दम्मि पाडेइ | ॥१०॥ |
| माणुन्नयस्स पुरिसहुमस्स, नीयो वि आरुहइ सीसं । महिलानिस्सेणीए, गुणगणफलकलियसाहस्स | ॥११॥ |
| माणुन्नया वि पुरिसा, ओमंथिज्जंति दुट्ठमहिलाहिं । जह अंकुसेण करिणो, निसियाविज्जंति बलिणो वि | ॥१२॥ |
| सुव्वंति य महिलडत्थे, लोणे जुज्जाइं बहुपयाराइं । भयजणयाइं जणाणं, भारहरामायणाडडईसु | ॥१३॥ |
| नीयंगमाहिं सुपओहराहिं, उप्पित्थमंथरगईहिं । महिलाहिं निन्नयाहिं च, गिरि व्व गरुया वि भिज्जंति | ॥१४॥ |
| सुट्ठु वि जियासु सुट्ठु वि पियासु, सुट्ठु वि परूढपेमासु । महिलासु भुयंगीसु च, वीसंभं नाम को कुणइ | ॥१५॥ |
| वीसंभनिब्भरं पि हु, उवयारपरं परूढपणयं पि । क्यविप्पियं पियं झत्ति, निति निहणं हयाडडसाओ | ॥१६॥ |
| सीमन्तिणीण सीमं, दोसाण लहंति नेय विउसा वि । जं गुरुदोसाण जए, ताओ च्चिय होंति सीमाओ | ॥१७॥ |
| स्मणीयदंसणाओ, सूमालंडगीओ गुणनिबद्धाओ । नवमालइमाला इव, हरंति हिययं महिलियाओ | ॥१८॥ |
| किंतु महिलाण तासिं, दंसणसुंदेरजणियमोहाणं । आलिगणमडचिरा देइ, वज्जमालाण व विणासं | ॥१९॥ |

| | |
|-------------------------------------------------------------------------------------------------------|------|
| निक्कचडपेमपरवसमणो वि, सोमालियाए नरनाहो । पंगुलहेउं छूढो, नईए गंगाडभिहाणाए | ॥२०॥ |
| तहाहि— | |
| “सुकुमारिकादृष्टान्तः” | |
| नयरम्मि वसन्तपुरे, जियसत्तुनराडहियो जयपसिद्धो । सोमालियाडभिहाणा, भज्जा निप्पडिमरूचा से | ॥२१॥ |
| दढमडणुरागपराजिय-हियओ सो तीए सद्धिमडणवरयं । परिचत्तरज्जकज्जो, कीलंतो बोलइ कालं | ॥२२॥ |
| रज्जं च विसीयंतं, दट्टुं मंतीहिं तीए सह सहसा । निक्कूढो सो पुत्तो य, तस्स रज्जम्मि अहिसित्तो | ॥२३॥ |
| जियसत्तु पुण मग्गे, गच्छंतो निवडिओ अडविमज्झे । तन्हाडडउराए देवीए, मग्गिओ पाणियं पाउं | ॥२४॥ |
| ओसहियस-अविणस्सिर-भुयरुहिरं पाइया य नरवइणा । मा बीहेज्ज ति विचिं-तिरेण अच्छीणि ठइऊण | ॥२५॥ |
| पुणरडवि छुहाडभिभुया, ऊरुं छेतुं असाविया मंसं । संरोहिणीए ऊरु, पुणन्नवो तक्खणं च कओ | ॥२६॥ |
| पत्ताणि दूरनयरे, तस्साडडभरणोहिं नरवई ताहे । नीसेसकलाकुसलो, वाणिज्जं काउमाडडढतो | ॥२७॥ |
| दिन्नो य तीए बीयो, पंगू णेणं सुनिच्चियारो ति । गीयच्छलियकहाडडईहिं, नवरि तेण ^१ डज्जिया देवी | ॥२८॥ |
| जाया तदेगचित्ता, भत्तारोवरि गया पओसं च । अवरम्मि अवसरम्मि, उज्जाणगओ सुचीसत्थो | ॥२९॥ |
| जियसत्तु पाइत्ता, पभूयतरमडरमडमरसरियाए । पक्खित्तो किर तीए, तं पंगुलमडभिसरंतीए | ॥३०॥ |
| इय निययमंससोणिय-पणामणेणं पि पीणियंङगीओ । विस्सुमरिओवयाराओ, निति निहणं हयाडडसाओ | ॥३१॥ |
| पाउसकालनईउ व्व, जाओ निच्चं पि कलुसहिययाओ । धणहरणकयमईओ, चोरो व्व सकज्जगरुयाओ | ॥३२॥ |
| वग्धि व्व घोररूवाओ, ताओ संझ व्व चवलरागाओ । मयभिभलाओ णिच्चं, गयाडडवलीओ व्व महिलाओ | ॥३३॥ |
| अलिणहिं हसियभणिणहिं, अलियरुन्नेहिं अलियसवहेहिं । विवसं कुणंति चित्तं, नरस्स सुवियक्खणस्साडवि | ॥३४॥ |
| महिला पुरिसं वयणेहिं, हरइ हियएण हणइ निक्करुणा । अमयमइया व वाया, विसमयमिव होइ हिययं से | ॥३५॥ |
| ^२ सोयसरि दुरियदरी, कवडकुडी महिलिया किलेसकरी । वइरविरोयणअरणी, दुक्खरुणी सोक्खपडिवक्खां | ॥३६॥ |
| एत्तो च्विय मायरमडवि, ससं पि धूयं पि नेव एगंते भांसिति महासत्ता, मा सवियारं मणो होहि | ॥३७॥ |
| अविहियपरियम्मो सम्मं, को नाम नामिउं तरइ । वम्महसवरसरोहे, दिट्ठिच्छोहे मयच्छीणं | ॥३८॥ |
| घणमालाओ व समुन्नमंत-सुपओहराओ वड्ढंति । मोहविसं महिलाओ, गोणसगरलं व पुरिसस्स | ॥३९॥ |
| परिहरह तहा तासिं, दिट्ठिं दिट्ठिविसस्स व अहिस्स । पायं तीए निवाओ, चरित्तपाणे हणइ जम्हा | ॥४०॥ |
| महिलासंसग्गीए, अग्गीए घयं व अप्पसारस्स । मयणं व मणो मुणिणो वि, हंत सिग्घं चिय विलाइ | ॥४१॥ |
| जइ वि परिचत्तसंगो, तवतणुयंङगो तहा वि परिवडइ । महिलासंसग्गीए, कोसाभवणुसिओ व्व रिसी | ॥४२॥ |
| “सिंहगुफावासीमुनिदृष्टान्तः” — | |
| गुरुविहियथूलभद्वोव-वूहणुप्पन्नमच्छरुच्छाहो । किर उयकोसघरम्मि, वासावासम्मि वट्टन्तो | ॥४३॥ |
| संभूयविजयसिस्सो, दुक्करतवसत्तिसमियमयराओ । सीलोवरक्खणट्टा, उवकोसाए, सुवेसाए | ॥४४॥ |
| सवियारहसियभासिय-चंकमणडडच्छीपेच्छियाडडइहिं । तह विहिओ लीलाए, ^३ साडडयत्तो जह लहुं जाओ | ॥४५॥ |
| अप्पुव्वसाहुसयसहस-मुल्लकंबलगदाइनरवइणो । पासम्मि पेसियो रयण-कंबलस्सोवलंभट्टा | ॥४६॥ |
| इय संजमजीवियहरण-बद्धलक्ख्राण विहियदुक्ख्राण । परमत्थचित्तणाए, अरीण नारीण न विसेसो | ॥४७॥ |
| तहा— | |
| सिंजारतरंगाए, विलासवेलाए जोव्वणजलाए । पहसियफेणाए मुणी, नारिनईए न ^४ वुब्भन्ति | ॥४८॥ |
| विसयजलं मोहकलं, विलासबिब्बोयजलयराडडइन्नं । मयमयरं उत्तिन्ना, तारुन्नमहडन्नयं धीरा | ॥४९॥ |
| पासो व्व बंधिउं जे, छेतुं महिला असि व्व पुरिसस्स । सल्लं व सल्लिउं जे, विमोहिउं इंदजालं व | ॥५०॥ |
| फालेउं करवत्तं व, होइ सूलं व महिलिया भेतुं । पुरिसस्स खुप्पिउं क-इमो व्व मच्चु व्व मरिउं जे | ॥५१॥ |
| खेलाडडलीढा तुच्छ व्व, मच्छिया दुक्करं विमोएउं । इत्थीसंसग्गीओ, अप्पा णो पुरिसमेत्तेण | ॥५२॥ |
| सव्वत्थ इत्थिवग्गम्मि, अप्पमतो सया अवीसत्थो । नित्थरइ बंधचेरं, तव्विवरीओ न नित्थरइ | ॥५३॥ |
| महिलाणं जे दोसा, ते पुरिसाणं पि होति नीयाणं । ततो अहिगतरा वा, तेसिं बलसत्तिमंताणं | ॥५४॥ |

1. अज्जिया = वशीकृता । 2. सोयसरि = शोकसरित् । 3. साडडयत्तो = स्वायत्तः = स्वाधीनः । 4. वुब्भन्ति = उद्भवन्ते

ता सीलरक्खगाणं, पुरिसाणं निंदियाउ महिलाउ । सीलं रक्खंताणं, महिलाणं निंदिया पुरिसा ॥५५॥
 किं पुण गुणकलियाओ, महिलाओ दूरयित्थयजसाओ । तित्थयरचक्किहलहर-गणहरसप्पुरिसजणणीओ ॥५६॥
 सीलवईओ सुच्चंति, महीयले पत्तपाडिहेराओ । नरलोयदेवयाओ, चरमसरीराओ पुज्जाओ ॥५७॥
 ओहेण न वूढाओ, जलंतघोरउग्णिणा न दड्ढाओ । सीहेहिं सावएहिं य, परिहरियाओ अपावाओ ॥५८॥
 ता सब्बहा न एयं, वोत्तुं जुत्तं जहा महिलियाओ । अविसेसेणं होंति, नियमेणं सीलवियलाओ ॥५९॥
 किंतु भवे मोहवसा, जीवो सब्बो वि चेव दुस्सीलो । नवरं सो महिलाणं, पाएण जमुक्कडो होइ ॥६०॥
 तेणेयं पन्नवणं, पडुच्च वुच्चंति थीकया दोसा । ते य परिचितयंतो, विसएसु विरज्जए पुरिसो ॥६१॥
 ते सुकयसालिणो च्चिय, निययिणीणं वसंति जे हियए । ताओ न जाण ते पुण, होंति सुराणं पि नमणिज्जा ॥६२॥
 इय भाविऊण भावेण, सब्बहा अत्तणो हियउत्थीहिं । एत्थउत्थे अच्चत्थं, अपमत्तेहिं भवेयच्चं ॥६३॥
 एमाउउइणा कमेणं, सीसे अणुसासिऊण मुणिवसभो । संपइ पवत्तिणिं पि हु, अणुसासइ समयनीईए ॥६४॥

“प्रवर्तिन्यैः अनुशास्तिः” —

जइ वि तुमं कुसल च्चिय, सब्बत्थ वि तहवि अम्ह अहिगारो । सिक्खवादाने तेणं, देवाउणुपिए! पियं भणिमो ॥६५॥
 संपत्ता इय पयविं, समत्थगुणसाहणम्मि गरुययरीं । ता तीए उत्तरोत्तर-बुडिडकए कीरउ पयत्तो ॥६६॥
 अविय—

“साध्वीवर्गानुशास्तिः”

सुत्तउत्थोभयरुवे, नाणे ^१नाणुत्तकिच्चवग्गेसु । सत्तिं अइक्कमिता वि, उज्जमो किर तुमे किच्चो ॥६७॥
 पावाओ वि पयित्ती, सुभम्मि परिणामसुंदरा पायं । किं पुण संवेगाओ, ता संवेगे य जइयच्चं ॥६८॥
 सुचिरं पि तवो तवियं, चिन्नं चरणं सुयं च बहु पढियं । संवेगरसेण विणा, विहलं जं ता तदुवएसो ॥६९॥
 तहाहि—

सन्नाणाउउइगुणेषु, पयत्तणेणं इमाण समणीणं । सच्चं पवत्तिणिं च्चिय, जह होसि तहा जएज्ज तुमं ॥७०॥
 सोहगनइरुवाउउइ-विविहविन्नाणरागरत्ताओ । लीयंति लोयदिट्ठीओ, रंगयनट्टियाए जहा ॥७१॥
 सन्नाणपमुहबहुविह-सद्धम्मगुणाउणुरागरत्ताओ । नाणादेससमुब्भव-विसालकुलसंपसूयाओ ॥७२॥
 देवाउणुपिए! पिइमाइणो वि, मोत्तूण तह इमाओ वि । पावियपवत्तिणिपय-रम्माए तुह समल्लीणा ॥७३॥
 तम्हा जह स च्चिय नच्चणीह, संजससदिट्टिदानेण । भणियगुणपयउणेण य, पेच्छगदिट्ठीओ पीणेइ ॥७४॥
 संजसदिट्टिपसाएण, धम्मगुणदानओ य तह निच्चं । सम्मं तुमं पि पीणेज्ज, अज्जियाओ धुवमिमाओ ॥७५॥
 निययगुणेहिं महग्घं, सियवियासं ससिकलं जह कलाओ । कमसो समल्लियंति, पयइहिमहारधवलाओ ॥७६॥
 तह तुह वि तहाविहनिय-गुणेहिं अग्घाउरिहाए लोणम्मि । एयाउ समल्लीणा पयइसुधवलुज्जलगुणाओ ॥७७॥
 जह ताहिं तीए बुड्ढी, मूलाउउधारो उ ताण सा जह य । न घडइ ठिइ वि जह वा, तयं विणा ताण थेवं पि ॥७८॥
 तह तुह इमाहिं बुड्ढी, मूलाउउधारो तुमं पुण इमाण । सज्जणसलाहणिज्जा, ठिई वि न विणा तुममिमासिं ॥७९॥
 तहा—

सा चेव चंदलेहा, कलाहिं रहिया विरायए न तहा । जह तह ताओ वि न तं, विणा तहा जह विरायंति ॥८०॥
 एवं तुमं पि एत्थं, इमाहि रहिया विरायसे न तहा । एयाओ वि य न तहा, राइस्संति विणा तुमए ॥८१॥
 तम्हा निव्वाणपसाहगाण, जोगाण साहणविहीए । सम्मं सहाइणीए, होयच्चं सइ इमाण तए ॥८२॥
 तह वज्जसिखला इव, मंजूसा इव सुनिबिडवाडी व । पायारो व्व हवेज्जसु, तुममउज्जाणं पयतेण ॥८३॥
 अन्नं च विट्ठमलया, मुत्तासुत्तीउ रयणरासीउ । अइमणहराउ धारइ, न केवलाओ जलहिवेला ॥८४॥
 किंतु जलसिप्पिणीउ, भेरीओ वराडियाउउइयाओ वि । ^२जलजोणित्तसमत्ता, असुंदराओ वि धारेइ ॥८५॥
 एवं राईसरसेट्टि-पमुहपुत्तीओ पउरसयणाओ । बहुपढियपंडियाओ, ^३सवग्गसयणीओ जाओ य ॥८६॥
 मा ताओ चेव तुमं, धारेज्जसु किंतु तदियराओ वि । संजमभरवहणगुणेण, जेण सब्बाउ तुल्लाओ ॥८७॥
 अवि नाम जलहिवेला, ताओ धरिउं कयाइ उज्झइ वि । निच्चं पि तुमं तु धरेज्ज, चेव एयाओ धन्नाओ ॥८८॥

| | |
|------------------------------------------------------------------------------------------------|--------|
| अन्नं च दुत्थियाणं, दीणाणमडणक्खराण विगलाणं । ऊणहियाण निब्बंध-याण तह लद्धिरहियाणं | ॥८९॥ |
| पयइतिराडडेयाणं, विन्नाणविचज्जियाण अमुहाणं । असहायाण जरापरि-गयाण निब्बुद्धियाणं च | ॥९०॥ |
| भग्गविलुग्गंङगीण वि, विसमाडवत्थगय 'खंडंखरडाणं' । इयरूवाण वि संजम-गुणेक्करसियाण समणीणं | ॥९१॥ |
| गुरुणी व अंगपडिचारिग व्व, धावी व पियवयंसी व । होज्ज भगिणी व जणणी व, अहव पिइमाइभाया व॥९२॥ | ॥९२॥ |
| तह दढफलियमहादुम-साह व्व तुमं पि उचियगुणसहला । समणीजणसउणिसाहा-रणा दढं होज्ज किं बहुणा॥९३॥ | ॥९३॥ |
| एवमडणुसासिउणं, पवत्तिणिं अज्जियाउ अणुसासे । जह एसो तुम्ह गुरु, बंधू व पिया व माया व | ॥९४॥ |
| एए वि महामुणिणो, सहोयरा जेडुभायरो व सया । तुम्हं देवाणुपियाण, परमवच्छल्लतल्लिच्छा | ॥९५॥ |
| ता गुरुणो मुणिणो वि य, मणसा वयसा तहेव काएणं । न य पडिकूलेयव्वा, अवि य सुबहुमन्नियव्वा उ | ॥९६॥ |
| एवं पवित्तिणी वि हु, अखलियतव्वयणकरणओ चेव । सम्ममडणुवत्तणिज्जा, न कोवणिज्जा मणागं पि | ॥९७॥ |
| कुविया वि कहवि तुम्हं, सदोसपडिवत्तिपुव्वमडणुवेलं । खामेयव्वा एसा, मिगावईए व्व नियगुरुणी | ॥९८॥ |
| एसा सिवपुरगमणे, सुपसत्था सत्थवाहिणी जं भे । एसा पमायपरचक्क-पेल्लणे पहु (डु) यपडिसेणा | ॥९९॥ |
| सिक्खालक्खणअक्खंड-खीरधारापयाणधेणुसमा । अन्नाणंउथाण तहा, सत्ताणंउजणसलागाओ | ॥४५००॥ |
| मालइकलिया इव महुरीण, नलिणी व रायहंसीण । वणराई इव सउणीण, सेवणीया इमा तुम्ह | ॥१॥ |
| तह कोलिकलहविगहा-पमायपरचक्कमडक्कमित्ताणं । परलोगकिच्चनिच्चु-ज्जमाहिं जम्मो गमेयव्वो | ॥२॥ |
| जेडुक्कणिट्टसहोयर-भगिणिगणेण व परोप्परं सम्मं । संजमजोगपसाहण-सहाइणीहि य भवियव्वं | ॥३॥ |
| तह निहुयं चंकमणं, निहुयं हसणं पयंपियं निहुयं । सव्वं पि चेड्डियं निहुय-मडहव तुम्हेहिं कायव्वं | ॥४॥ |
| बाहिं उवस्सयाओ, पयं पि नेगागिणीहिं दायव्वं । वुड्ढज्जियाजुयाहिं य, जिणजइगेहेसु गंतव्वं | ॥५॥ |
| एक्केक्कवग्गमेवं, अणुसासित्ताण ताणमेव पुरो । सव्वेसिं साहारण-मडह सूरी देइ अणुसट्ठिं | ॥६॥ |
| भतीइ य सतीइ य, वेयावच्चुज्जया सया होह । आणति ^२ निरय ति य, सबालवुड्ढाडडउले गच्छे | ॥७॥ |
| सज्झायतवाडडईणं च, जेणं तं चिय पहाणयं बेति । सव्वं किर पडिवाई, वेयावच्चं अपडिवाई | ॥८॥ |
| भरहो बाहुबली वि य, दसारकुलनंदणो य वसुदेवो । वेयावच्चाडडहरणा, तम्हा ^३ पडितप्पह जई णं | ॥९॥ |
| तहाहि- | |
| “वैयावृतस्य माहात्म्यम्” | |
| रणसवडम्महुपडिभड-भिडणुब्भडरायचक्कमडक्कमित्तं । छक्खंडंखोणिमंडल-साहणअप्पडिहयपयावं | ॥१०॥ |
| चउसट्ठिसहस्ससुरुच-पवररामाडभिराममडच्चत्थं । पउरकरितुरयपाइक्क-संकुलं नवनिहिसणाहं | ॥११॥ |
| ^४ ईसि सवियासलोयण-पलोयणाओ नमंतसामंतं । निययपओयणनिरवेक्ख-जक्खकीरंतसाणिज्झं | ॥१२॥ |
| जं चक्कवट्ठिरज्जं, भरहो भरहम्मि पायिओ पुव्विं । तं पुव्वजम्मजइजण-वेयावच्चस्स फलमाडडहु | ॥१३॥ |
| जं सो वि महप्पा पबल-भुयबलुव्वूढधरणिभारो वि । पउररणंउगणपविढत्त-सरयससिनिम्मलजसो वि | ॥१४॥ |
| पडिवक्खसिरविदारण-निक्किवविककंतचक्कपाणी वि । मन्ने किमेस चक्कि ति, रोयिओ संसयतुलाए | ॥१५॥ |
| दिट्ठीजुद्धाडडईहिं, निज्जिणिओ तियसलोयपच्चक्खं । लीलाए बाहुबलिणा, पयंडभूयदंडबलनिहिणा | ॥१६॥ |
| तं पि सुसाहुजणोचिय-वेयावच्चस्स विलसियमडसेसं । पवरोत्तरोत्तरफलु-प्पायणकप्पहुमं बेति | ॥१७॥ |
| जं च नियरूचचंगिम-निज्जियजयपयडदप्पकंदप्पा । अहमहमिगाए मिगलो-यणाहिं विज्जाहरसुयाहिं | ॥१८॥ |
| उत्तुंगथणत्थलसालिणीहिं, नवजोव्वणाडभिरामाहिं । छणरयणीससहरवयणि-याहिं मयणाडडउरंडगीहिं | ॥१९॥ |
| जह तह परिभमिरो वि हु, दसारकुलकुमुयकोमुइमयंको । वसुदेवो तह तइया, उव्वूढो गाढपणयाहिं | ॥२०॥ |
| तं पि सुतवस्सिसिक्खग्ग-बालगिलाणाडडइगोयरस्स फलं । निज्जियचिंतामणिणो, वेयावच्चस्स नीसेसं | ॥२१॥ |
| इय भो महाडणुभावा!, वेयावच्चं अचिंतमाहप्पं । जो न करेइ समत्थो, संतो तं जाण सुहविमुहं | ॥२२॥ |
| नित्थयराडडणाकोवो, सुयधम्मचिराहणा अणाडडयारो । अप्पा परो पवयणं, तेणं दूरुज्झिया होति | ॥२३॥ |

1. खंड = कुब्ज (अनुमानात्) खरडाणं = हीनजातीनाम् । 2. निज्जर पाठो अथवा आज्ञामिनिरताः ।

3. पडितप्पह जई णं = प्रतितर्पयत यतीन् ननु । 4. ईसि = ईषत् ।

“संसर्गजन्यगुणदोषवर्णनम्” —

| | |
|-----------------------------------------------------------------------------------------------------|------|
| किं च अहंतगुणकए, हंतगुणाणं तु वुडिडकरणाय । सुयणेहिं चैव सद्धिं, सया वि संगं करेज्जाह | ॥२४॥ |
| हंतगुणनासणभया, अहंतगुणदूरतरगमभएणं । दोसडल्लियणभएण य, दुज्जणसंगं विवज्जेह | ॥२५॥ |
| भाविज्जइ जइ दव्वेण, नवघडो सुरहिणेयरेणं वा । ता गुणदोसेहिं नरो, भाविज्जइ किं न परसंगा | ॥२६॥ |
| दुज्जणसंसग्गीए, पायं सुयणो वि नियगुणं चयइ । संसग्गीए अग्गिस्स, जह जलं सीयलत्तगुणं | ॥२७॥ |
| दुज्जणसंसग्गीए, संकिज्जइ सज्जणो वि दोसेहिं । चंडालगिहे दुद्धं, पिबंतओ बंभणो व्व जणे | ॥२८॥ |
| वेरग्गवं पि दुज्जण-जणसंसग्गीए भाविओ पायं । न रमइ सज्जणमज्झे, रमइ य दुज्जणजणस्संडतो | ॥२९॥ |
| कुसुममडगंधं पि जहा, देवयसेस ति कीरण सीसे । तह सुयणमज्झवासी, पूइज्जइ दुज्जणो वि जणो | ॥३०॥ |
| अन्नं पि तहा वत्थुं, जं जं चरणगुणनासणं कुणइ । तं तं परिहरह तओ, होहिह दढसंजमा तुब्भे | ॥३१॥ |
| निच्चं पासत्थाडडईहिं, संथवं पि य पयत्तओ चयह । पुरिसो संसग्गिवसेण, तम्मओ होइ अचिरेण | ॥३२॥ |
| तहाहि— | |
| संविग्गस्स वि तस्संगईए, पीई ततो वि वीसंभो । सइ वीसंभे य रई, होइ रईए य तम्मयया | ॥३३॥ |
| ततो लज्जाविगमो, पयत्तणं निच्चिसंकमडसुहडत्थे । पियधम्मो वि हु एचं, परिभस्सइ संजमाओ लहु | ॥३४॥ |
| संविग्गाण उ मज्झे, अप्पियधम्मो वि कायरो वि नरो । उज्जमइ चरणकरणे, भावण-भय-माण-लज्जाहिं | ॥३५॥ |
| संविग्गो पुण तस्संगमेण, सविसेसगुणजुओ नियमा । जायइ जह कप्पूरो, सुरभितरो मिगमए मिलितो | ॥३६॥ |
| पासत्थसयसहस्साओ, हंदि एक्को वि वरमिह सुसीलो । जं संसियाण दंसण-नाणचरित्ताणि वड्ढंति | ॥३७॥ |
| वरमिह कुसीलकयपूयणाओ, संजयकओडवमाणो वि । पढमाउ सीलविगमो, संपज्जइ न उण इयराओ | ॥३८॥ |
| कुसलेहिं पसमियं पि हु, कुसीलसंसग्गिमेहवदलए । वंतरविसं व कुप्पइ, पुणो वि मुणिणो पमायविसं | ॥३९॥ |
| तम्हा पियदढधम्मेहिं, ^२ वज्जभीरुहिं कुणह संसग्गिं । उज्जमइ मंदधम्मो वि, तप्पभावा जओ भणियं | ॥४०॥ |
| “नवधम्मस्स पाएणं, धम्मे न रमइ मई । वहए सो वि संजुत्तो, गोरिवाडविधुरं धुरं” | ॥४१॥ |
| संवासं सीलगुणड्ढएहिं, जो संकहं वियड्ढेहिं । पीई अलुद्धबुद्धीहिं, कुणइ सो कुणइ अप्पहियं | ॥४२॥ |
| आसयवसेण एवं, पुरिसा दोसं गुणं च पावेति । तम्हा पसत्थगुणमेव, आसयं अल्लिएज्जाह | ॥४३॥ |
| कन्नकडुयं पि पत्थं, परोप्परं वागरेज्ज अद्दुट्ठा । कडुओसहं व होही, परिणामे सुंदरं तं खु | ॥४४॥ |
| सगणे व परगणे वा, परपरिवायं च मा करेज्जाह । अच्चाडडसायणविरया, होह सया पावभीरु य | ॥४५॥ |
| अन्नं च सब्बहा तह, परिकम्मह अप्पयं पयत्तेण । जह तुम्ह गुणपसूया, किन्ती सब्बत्थ वित्थरइ | ॥४६॥ |
| एए निम्मलसीला, बहुसुया नयपरा अणुवतावी । करणगुणसुद्धिय ति य, धन्नाणं घोसणा भमइ | ॥४७॥ |
| एसो य मए तुम्हं, मग्गमडजाणाण मग्गदेसरओ । चक्खू व अचक्खूणं, सुवाहिविहराण वेज्जो व्व | ॥४८॥ |
| असहायाण सहाओ, भवगतगयाण हत्थदाया य । दिन्नो गुरु गुणगुरु, अहं च परिमोक्कलो इन्दिं | ॥४९॥ |
| एयस्स य पयमूलं, मोत्तूण कयाइ कत्थइ तुम्ह । गंतुं जुत्तं न वरं, वयणेण इमस्स जइ कहवि | ॥५०॥ |
| एयाडडएसगएहि वि, कहिंचि पुत्राडडगरो गुरु एस । भावेण न मोत्तव्यो, आणानिद्देसनिरएहिं | ॥५१॥ |
| सामी भडेहिं अंधेहिं, कड्ढओ पंथिएहिं सत्थाहो । जह न विमुच्चइ एसो, तह तुम्भेहि वि न मोत्तव्यो | ॥५२॥ |
| एयम्मि सारणावार-णाडडइदाने वि नेव कुवियच्चं । को हि सकन्नो कोवं, करेज्ज हियकारिणि जणम्मि | ॥५३॥ |
| कडुयं पि कहवि भणियं, सप्पणयं तमडमयं व मन्नंता । मा कुलवहु व्व तुम्हे, विणयं एयम्मि छड्ढिहिह | ॥५४॥ |
| गुरुछंदाडडणंदरुई, गुरुदिट्ठिनिवायनियमियपयारा । गुरुइयविणयवेसा, कुलवहुसरिसा अओ सीसा | ॥५५॥ |
| भाविगुणाडवेक्खाए, कयगेणियरेण वा वि कोवेणं । आबद्धभीमभिउडी-भीसणयरभालबद्धो वि | ॥५६॥ |
| होऊण कह वि तुम्हे, जइ वि इमो कज्जकारणविहन्नू । निब्भच्छइ निच्छुभइ य, तह वि इमो चैव सिंगारो | ॥५७॥ |
| अम्हं ति मन्नमाणा, सुनिउणतरविणयजोगओ तुम्हे । अमुमेव पसाएज्जह, एवं हिययम्मि भावेता | ॥५८॥ |
| सब्भावगब्भबहुविह-तहाविहप्पहुपसायणप्पवणे । पुणरुत्तमडवंच्छफले, विचिहोवाए नियमणम्मि | ॥५९॥ |

1. तम्मओ = तन्मयः = तद्रूपः । 2. अवद्यभीरुभिः ।

| | |
|---------------------------------------------------------------------------------------------------------|--|
| चित्तिताणं धी जीविणं, भव्वाण ताण जाण इहं । आकंपियपासजणं, खणं पि पहुणो न कुप्पति ॥६०॥ | |
| तहा— | |
| जह सागरम्मि मीणा, संखोभं सागरस्स असहंता । निति तओ सुहकामी, निग्गयमेत्ता विणस्संति ॥६१॥ | |
| एवं गच्छसमुद्धे, तुब्भे गुरुसारणाडडइवीइहया । मा सुहकामी ^२ नीहिह, इहरा मीण व्व नासिहिह ॥६२॥ | |
| एसो तुम्हाण पहु, पभूयगुणरयणसायरो धीरो । नेयो एस महप्पा, तुम्ह भवाडडविनिवडियाणं ॥६३॥ | |
| ओमो समराइणिओ, अप्पयरसुओडहव ति धीरमिमं । परिभविहिह मा तुब्भे, गणि ति इन्हिं दढं पुज्जो ॥६४॥ | |
| एयस्स नाणनिहिणो, वयणं न कयाइ लंघणीयं भे । वायाए तं पडिच्छिय, कायव्वं कम्मणा सम्मं ॥६५॥ | |
| जम्हा इमस्स उवमा, न विज्जए बंधुणा न पिउणा वि । न य जणणीए वि तहा, निक्कारणवच्छलस्स जए ॥६६॥ | |
| तम्हा एसो च्चिय निच्च-मेव धम्मेक्कबद्धबुद्धीहिं । आमरणंउतं ताणं, सरणं च पवज्जियव्वो ति ॥६७॥ | |
| मोक्खडट्ठिणो हि तुब्भे, न य तदुवाओ गुरुं विणा अन्नो । ता गुणनिही इमो च्चिय, सेवेयव्वो हु तुम्हाणं ॥६८॥ | |
| अन्नं च इमस्स गिरा, अन्नोन्नवगारिभावओ सम्मं । तुम्हेहिं वड्डियव्वं, विवज्जए जं गुणो नत्थि ॥६९॥ | |
| तहा— | |
| तुम्भं विणा न अरया, न पुप्फपताइं जह विणा विंठं । बंधंति चयं तुब्भे वि, एवमेयं विणा नूणं ॥७०॥ | |
| तुंबं पि अरयरहियं, विंठं पि य खुडियदलचयं न जहा । रेहइ न य कज्जकरो, पभू वि एवं अपरिवारो ॥७१॥ | |
| जइ पुण होज्ज परोप्पर-साडवेक्खा अवयवा अवयवी य । तो वंछियडत्थसिद्धी, सोहा वि हवेज्ज चेव तहा ॥७२॥ | |
| नासा मुहेण मुहमडंवि, नासाए सोहए जह तहेव । वरपरिवारेण पहु, परिवारो वि हु पवरपहुणा ॥७३॥ | |
| तह रक्खणीयरक्खग-भावं वणसीहविसयमडन्नोन्नं । परिभाविऊण सम्मं, अन्नोन्नं वड्डियव्वं भे ॥७४॥ | |
| किं बहुणा— | |
| भमियव्वे जिमियव्वे, भणिअव्वे सब्बचिड्डिअव्वे य । होज्जह अईव ^३ निहुया, एसो उवएससारो ति ॥७५॥ | |
| एवमुयइइमडम्हेहिं, तुम्ह करुणाए इड्याए य । ता जह न हवइ विहलं, तह तुम्भेहिं विहेयव्वं ॥७६॥ | |
| “शिष्यस्य गुरुं प्रतिकृतज्ञता” — | |
| अह ते धरपीढलुठंत-सीसवीसन्तगुरुपयंडबुरुहा । आणंदंसुपवाहं, परिमुंचंता गुरुण पुरो ॥७७॥ | |
| तह मन्नुपुन्नमंथर-कंठसमुद्धितगग्गरगिरिल्ला । गाढधरिज्जंतुणहुण्ह-दीहनीहंतनीसासा ॥७८॥ | |
| कल्लाणं मंगलयं, देवयमडह चेइयं ति मन्नंता । इच्छामो अणुसट्ठिं ति, जंपिउं इय पुणो बिति ॥७९॥ | |
| भयवं! अणुग्गहो णे, जं नियदेहं व पालिया तुमए । सारणवारणपडिचो-यणाहिं संठाविया मग्गे ॥८०॥ | |
| अचक्खुणो वि सच्च-क्खुणो दढं सहियया अहियया वि । निक्कन्ना वि सकन्ना, अइदुल्लहलद्धसिद्धिपहा ॥८१॥ | |
| विहिया अम्हे तुम्हेहिं, संपयं पुण पणट्टसन्नाणा । तुम्ह वियोए सामिया!, हा अम्हे कह भविस्सामो ॥८२॥ | |
| सव्वज्जजीवहिए, थेरे सब्बज्जजीवनाहम्मि । पवसंते य मरंते, ही! देसा सुन्नया होंति ॥८३॥ | |
| सीलड्ढगुणड्ढेसुं, पहुसु अपरोपतावकारीसु । पवसन्तमरन्तेसु य, देसा ओखंडिया होंति ॥८४॥ | |
| वियलियबलेण जरजज्जरेण, गयदंतपंतिण्णा वि । अज्ज वि कुलं सणाहं, जूहाडहिव! ^४ पइं चरंतेण ॥८५॥ | |
| सव्वस्सदायगाणं, समसुहदुक्खाण निप्पकंपाणं । दुक्खं खु विसहिउं जे, किर ^५ प्पवासो वरगुरुणं ॥८६॥ | |
| इय कुनयकुरंगयवागुराए, संवेगरंगसालाए । मरणरणजयपडागो-वलंभनिव्विग्घहेऊए ॥८७॥ | |
| आराहणाए पडिदार-दसगमइयम्मि बीयदारम्मि । गणसंकमणे भणियं, तइयं अणुसट्ठिपडिदारं ॥८८॥ | |
| अणुसट्ठिपयाणे वि हु, गणिणो सगणट्ठियस्स न समाही । होज्ज ति बेमि एत्तो, परगणसंकमणविहिदारं ॥८९॥ | |
| “परगणसङ्क्रमणाय अनुमतियाचनम्” — | |
| अह स महप्पा पुव्व-प्पदंसिओ मुणिवई निययसूरिं । गणमडवि पुव्वुवदिट्ठा-डणुसासणाडणुगुणकिच्चपरं ॥९०॥ | |
| पुणरडवि वाहरिऊणं, मयंकजोन्हापवाहसिसिराए । आणंदसंदिराए, गिराए एवं समुल्लवड ॥९१॥ | |
| हंभो देवाडणुपिया!, संपइ तुम्हे पडुच्च जाओ हं । सुत्ताडडइपयाणेणं, सम्मं कयसव्वकायव्वो ॥९२॥ | |

1. भिच्चाण पादां० । 2. नीहिह = निर्गच्छत । 3. निहुया = निभृताः । 4. पइं = त्वया विचरता । 5. प्रवासः = वियोगः

ता एतो अवरं मह, उवओगवओ वि तुम्ह विसयम्भि । विप्फुरइ किच्चमुवद-सियव्यमडच्चंतथोवं पि ॥९३॥
ता एतो वि हु पुव्वं, निव्विग्घाडडराहणाए सिद्धिकए । सम्मडणुमन्नह ममं, परगणसंकमणकरणाय ॥९४॥
भुज्जो भुज्जो मह संतियं च, मिच्छा मि दुक्कडमियाणिं । हवउ विणीयाण वि भे, गुरुवरिं गरुयभतीण ॥९५॥
अह ते वि सोगभरसं-गिलंतददमन्नपुत्रगलरंधा । नीरंधवाहजलबिंदु-पूरुम्भंतनयणपुडा ॥९६॥
सूरिपयपंकउच्छंग-संगिसीसा सगगयं सीसा । जंपंति पहा! किं सयण-सल्लतुल्लं समुल्लवह ॥९७॥
एवं तुम्हे अच्चंत-दूस्सहं जइ वि सब्बहा अम्हे । न तथा उवयारकरा, न तथा दक्खवा न तह गीया ॥९८॥
न तथा जोग्गा गुरुपाय-पंकयाडडराहणस्स न तथा य । पज्जंतसमयसंसिय-संलेहणपमुहविहिकुसला ॥९९॥
तह वि य एगंतेणं, पराडणुकंपापरेक्कचित्तेहिं । परडणुग्गहप्पहाणेहिं, पत्थणाभंगभीरुहिं ॥४६००॥
तुम्हेहिं नेव भयवं!, मोत्तुं उचिया जओ इमं जूहं । मज्झट्टिएहिं रेहइ, अज्ज वि भे चलणकमलेहिं ॥१॥
ता कालचक्कनिवडण-कप्पेणं जंपिएण पज्जतं । एएण चिंतिएण वि तुम्हाणडम्हं सुहट्टाए ॥२॥
इय तेहिं जंपियम्भि, महुरगिराए गुरु वि वागरइ । हंहो महाडणुभाया!, परिणयअरिहंतवयणाण ॥३॥
नियमइविहवविभाविय-जुत्ताडजुत्ताण णेव तुम्हाणं । मणसा वि चिंतिउमिमं, जुतं दूरे पयंपेउ ॥४॥
को नाम किर सकन्नो, करेज्ज विक्खंभमुचियपक्खे वि । अहवा किमिमं अरिहंत-भणियसमयम्भि नाडणुमयं॥५॥
चिरपुरिसेहिं किंवा, न सेवियं किं न कत्थ वि य दिट्ठं । किंच न पेच्छह पडुवण-पहयथयवडचलं जीयं॥६॥
जेणेवं निरडवग्गह-मडसदग्गहमडणुसरित्तु वागरह । ता मा पडिकूलह सब्ब-हा वि मह पत्थुयं अत्थं ॥७॥
इच्चाडडइ गुरुगिरं निसुणि-ऊण तं विन्नविंति पुण एवं । भयवं! जइ वि हु एवं, तह वि अलं परगणगमेणं ॥८॥
सगणे च्चिय कुणह समीहि-यडत्थमेत्थ वि जमडत्थि गीयत्था । पत्थुयकज्जसमत्था, निव्वूढभरा महामइणो ॥९॥
उच्छाहवुडिडजणगा, निक्कंपा भेरवप्पडिभएसु । संविग्गा खंतिखमा, सुविणीया साहुणो णेगे ॥१०॥
एवं सुसाहुभणिओ, को वि हु तत्थेव वंछियं कुज्जा । निदिस्समाणगुणदोस-पक्खमडभिविक्खिउ अवरो ॥११॥
भणियविहीए पुच्छिय, सगणं अब्भुज्जएण भावेण । आराहणाणिमित्तं परगणगमणं कुणइ जम्हा ॥१२॥
सगणे आणाकोयो^१, फरुसवई^२ कलहकरण^३ परिताव^४ । निब्भय^५ सिणेह^६ ^२कोलुणिय^७, झाणविग्घो^८ असमाही^९॥१३॥
उड्डाहकरा थेरा, कलहकरा खुड्डया खरा सेहा । आणाकोवं गणिणो, करेज्ज तो होज्ज असमाही ॥१४॥
जं तेसु न वावारो, जुज्जइ परगणनिवासिणो गणिणो । ता कह असमाहाणं, आणाकोवम्भि वि कयम्भि ॥१५॥
खुड्डो थेरे सेहे, असंचुडे दट्ठं भणइ सो फरुसं । पडिचोयणमडसहंतैहिं, तेहिं सह होज्ज कलहो वि ॥१६॥
ततो गणिणो ताण य, होज्जा परितावणाडडइया दोसा । तेसु सगणम्भि गणिणो, ममत्तदोसेण असमाही ॥१७॥
रोगाडडयंकाडईहि य, सगणे परियावणाडडइ पत्तेसु । गणिणो भवेज्ज दुक्खं, असमाहो वा सिणेहो वा ॥१८॥
तन्हाडडइएसु अइदुस्सहेसु, सगणम्भि निब्भओ संतो । जाएज्ज व सेवेज्ज व, अकप्पियं किंचि वीसत्थो ॥१९॥
अज्जाओ अणाहाओ, वुड्ढे य नियंउकवडिडए बाले । पासंतस्स सिणेहो, भवेज्ज अच्चंतियविओए ॥२०॥
खुड्डा व खुड्डिया वा, अज्जाओ च्चिय करेज्ज ^२कोलुणियं । ता होज्ज झाणविग्घो, असमाही वा गणधरस्स ॥२१॥
तहाहि—
भते वा पाणे वा, सुस्सूसाए व सीसवग्गम्भि । कुव्वंतम्भि पमायं, असमाही होज्ज गणवइणो ॥२२॥
एए दोसा गणिणो, पाएण हवंति सगणवासिस्स । भिक्खुस्स वि ^३अप्पसमा, सरेज्ज तम्हा परगणं सो ॥२३॥
संतं पि भत्तिमंतं पि, निययं गच्छं पि छड्डिउ एत्थ । पत्तो एस महप्पा, अम्हे मणसीकरेमाणो ॥२४॥
इइ चिंतिऊण परमाडडयरेण, सब्बाए निययसत्तीए । भत्तीए परमाए, वट्टइ से परगणो वि दढं ॥२५॥
गीयत्थो चरणत्थो, पुच्छेऊणाडडगयस्स खमगस्स । सब्बाडडयरेण सूरी वि, तस्स निज्जामगो होज्जा ॥२६॥
संविग्गडवज्जभीरुस्स, पायमूलम्भि तस्स विहरंतो । जिणवयणसव्वसारस्स, होइ आराहओ नियमा ॥२७॥
इय सुद्धबुद्धिसंजीवणीए, संवेगरंगशालाए । मरणरणजयपडागो-वलंभनिव्विग्घहेऊए ॥२८॥
आराहणाए पडिदार-दसगमइयम्भि बीयदारम्भि । गणसंकमे चउत्थं, भणियं परगणपडिदारं ॥२९॥

1. विक्खंभं = विरोधम् । 2. कौलुणिय = कारण्य । 3. अप्पसमा = अप्रशमाः ।

“सुस्थितगवेषणाद्वारम्” —

परगणसंकमणमि वि, जहुतसुद्विद्यगवेषणाऽभावे । न समीहियऽत्थसिद्धी, ता तं संपई पक्खेमि ॥३०॥
 अह स महप्पा समय-प्पसिद्धताएण मुक्कनियगगणो । समरपरिहत्थसंमिलिय-भूरिसेत्रं व निचरहियं ॥३१॥
 दूरयरनयरपत्थिय-सत्थं पिय सत्थवाहपरिचत्तं । चरणाऽऽङ्गुणाऽऽङ्गर-गुरुरहियं परगणं मुणित्तं ॥३२॥
 जोयणसयाणि छ-स्सत्त, वा वि चरिसाण जाय बारसगं । निज्जामगमाऽऽयरियं, समाहिकामो गवेसेज्जा ॥३३॥
 सो पुण चरणपहाणो, सरणाऽऽगयवच्छलो धिरो सोमो । गंभीरो कयकरणो, पसिद्धिपत्तो महासत्तो ॥३४॥
 आयाख'माऽऽहारवं', ववहारो'वीलए'पक्खी'य । निज्जव'अवायदंसी', अपरिस्सावी य' बोधव्वो [दारगाहा] ॥३५॥
 आयाखं पंचविहं, चरइ चरावेइ जो निरऽइयारं । उवदंसइ य जहुत्तं, एसो आयाखं नाम ॥३६॥
 दसविहठियकप्पमि, आचेलक्काऽऽङ्गए य जो निरओ । आयाखं स भन्नइ, पवयणमायासु उवउत्तो ॥३७॥
 आयाख्थो दोसे, 'पयहिय खमगं गुणेषु ठावेइ । आयाख्थो तम्हा, निज्जवगो होइ आयरियो ॥३८॥
 चोइसदसनवपुच्ची, महामई सायरो व्व गंभीरो । कप्पववहारथारो, भन्नइ आहारवं नाम ॥३९॥
 नासेज्ज अगीयत्थो, चउरंगं तस्स लोयसारंगं । नट्टमि य चउरंगे, न य सुलहं होइ चउरंगं ॥४०॥
 संसारसायरमि, अणंतभवतिक्खदुक्खसलिलमि । कह कहवि संसरंतो, लहेइ जीवो मणुस्सत्तं ॥४१॥
 तमि हि दुल्लहलंभा, जिणवयणसुई य तीए पुण सद्धा । लद्धाए वि सद्धाए, सुदुल्लहो संजमो होइ ॥४२॥
 लद्धे य संजमे सो, संवेगकरिं सुई अपावंतो । परिवडइ मरणकाले, अकयाऽऽहारस्स पासमि ॥४३॥
 किंच—

आहारमओ जीवो, कहिं वि आहारधिरिओ संतो । अट्टवसट्टो न रमइ, पसत्थतवसंजमाऽऽरामे ॥४४॥
 जिणवयणाऽमयसुइपाणएण, सरसाऽणुसद्विचयणेणं । तण्हाछुहाकिलंतो वि, होज्ज झाणमि आउत्तो ॥४५॥
 पढमेण व दोच्चेण व, बाहिज्जंतस्स तस्स खवगस्स । न कुणइ उवएसाऽऽई, समाहिकरणं अगीयत्थो ॥४६॥
 तेण पढमाऽऽङ्गणा पुण, बाहिज्जंतो स कहवि कम्मवसा । कलुणं कालुणियं वा, जायणकिचणतणं कुज्जा ॥४७॥
 उक्कूवेज्ज व सहसा, निग्गच्छेज्ज व करेज्ज उड्ढाहं । गच्छेज्ज व मिच्छत्तं, मरेज्ज असमाहिमरणेण ॥४८॥
 एवं च—

इच्छासंपाडणओ, सरीरपरिकम्मकरणओ तह य । अत्रेहिं व उवाएहिं, दव्वक्खेत्ताऽऽङ्गअणुरुवं ॥४९॥
 परिजाणइ गीयत्थो, सुयविहिणा कारणं समाहीए । पन्नवणं च तदुचियं, दिप्पइ जह से सुझाणङ्गी ॥५०॥
 मुणइ य फासुयदव्वं, उयकप्पेउं तहा उदिन्नाणं । जाणइ पडियारं वाय-पित्तसिंभाण गीयत्थो ॥५१॥
 सम्मं उवायपुव्वं, उस्सगऽववायजाणओ सो हु । खमगस्स पयलियं पि हु, चित्तं विहिणा पसामंतो ॥५२॥
 सम्मं समाहिकरणाणि, कुणइ तुइं च कहवि कम्मवसा । संधेइ पुण समाहिं, वारेइ असंवुडगिरं च ॥५३॥
 जिणवयणसुइपभावा, पायियपसमो पणट्टमोहतमो । गयपरितोसपओसो, विरागरोसो सुहं झाइ ॥५४॥
 निम्महिय मोहजोहं, समच्छरं रागरायमुद्धरित्तं । चउरंगबलेण तओ, भुंजइ निव्व्याणरज्जसुहं ॥५५॥
 गीयत्थपायमूले, होंति गुणा एवमाऽऽङ्गया बहवे । न हु होइ संकिलेसो, जायइ असमा समाही य ॥५६॥
 पंचविहं ववहारं, जो जाणइ तत्तओ सवित्थारं । बहुसो य दिट्ठपट्टा-वओ य ववहारवं नाम ॥५७॥
 आणासुयआगमधारणे य, जीए य होंति ववहारा । एएसिं सवित्थारा, पक्खणा सुत्तनिदिट्ठा ॥५८॥
 दव्वं खेतं कालं, भायं करणपरिणाममुच्छाहं । संघयणं परियायं, आगमपुरिसं च विन्नाय ॥५९॥
 मोत्तूण रागदोसे, ववहारं पट्टवेइ सो तस्स । ववहारकरणकुसलो, जिणवयणविसारओ धीरो ॥६०॥
 ववहारमऽयाणंतो, ववहरणिज्जं च ववहरंतो य । ओसीयइ भवपंके, असुहं कम्मं च आयरइ ॥६१॥
 जह रोगिणं न सज्जी-करेइ विज्जो तिगिच्छयाऽकुसलो । तह अव्ववहारविज्ज, न सोहिकामं विसोहेइ ॥६२॥
 तम्हा संवसियव्वं, ववहारविउस्स पायमूलमि । तत्थ हु विज्जा चरणं, समाहिबोहीओ नियमेण ॥६३॥
 ओयंसी तेयंसी, वच्चंसी पहियकिती आयरिओ । सीहोवमो य भणिओ, जिणेहिं ओवीलओ नाम ॥६४॥

1. पयहिय = प्रहाय = त्यक्त्वा । 2. उदिन्नाणं = उदीर्णानाम् = क्षुब्धानामित्यर्थः ।
 3. ओवीलओ = अपवीडकः = लज्जा दूर कराकर प्रायश्चित्त लेने के लिए शिष्य को तैयार करनेवाला ।

| | |
|------------------------------------------------------------------------------------------------|--------|
| निद्धमहुरेहिं हिययंगमेहि, पल्हायणिज्जवयणेहिं । परहियकरणपरायण-मणेण तेणाडवि मुणिवइणा | ॥६५॥ |
| इह पण्णविज्जमाणो, सम्मं पि हु तिच्चगारवाडडईहिं । कोई गियए दोसे, सम्मं नाडडलोयए खवगो | ॥६६॥ |
| तो ओवीलेयव्वो, गुरुणा ओवीलएण सो अहवा । जह उयरत्थं मंसं, वमयइ सीही सियालीए | ॥६७॥ |
| तह फरुसगिराहिं अणुज्जयस्स, खवगस्स नीहरइ दोसे । आयरिओ तं कडुओ-सहं व पत्थं भवइ तस्स | ॥६८॥ |
| सुलहा लोए आयट्ट-चित्तगा परहियम्मि मुक्कधुरा । आयट्टं च परट्टं च, चित्तयंता जए दुलहा | ॥६९॥ |
| खवगस्स जइ न दोसे, उग्गालेइ सुहुमे व इयरे वा । ता न नियत्तइ ततो, खवगो न गुणे य परिणमइ | ॥७०॥ |
| तम्हा गणिणा ओवीलएण, खवगस्स दोससव्वस्सं । उग्गालेयव्वं खलु, तस्स हियं चित्तयंतेण | ॥७१॥ |
| सेज्जासंधारोचहि-संभोगाडडहारनिक्खमपवेसे । ठाणनिसीयतुपट्टण-विगिंचणुव्वत्तणाडडईसु | ॥७२॥ |
| अब्भुज्जयचरियाए, उवयारमडणुत्तरं पकुव्वंतो । सव्वेण आयरेणं च, सव्वसत्तीए भतीए | ॥७३॥ |
| अप्पपरिस्सममडगणिय, वट्टइ खवगस्स निच्चपडियरणे । जो आयरियो सो खलु, इह होइ पकुव्वओ नाम | ॥७४॥ |
| खवगो किलामियंङगो, पडियरणगुणेण निच्चुइं लहइ । तम्हा उ निचसियव्वं, खवगेण पकुव्विणो पासे | ॥७५॥ |
| संधारभत्तपाणे, अमणुत्ते अह चिरस्स दिन्ने वा । पडिचरगपमाएण व, सेहाडडइअसंवुडगिराहिं | ॥७६॥ |
| सीउन्हछुहातन्हा-किलामिओ तिच्चवेयणत्तो वा । कुविओ भवेज्ज खवगो, मेरं वा भेतुमिच्छेज्जा | ॥७७॥ |
| निव्यावएण गणिणा, -चित्तं खवगस्स निच्चवेयव्वं । अक्खोभेण खमाए, जुत्तेण पणट्टमाणेण | ॥७८॥ |
| अंगसुए य बहुविहे, नोअंगसुए य बहुविहे चेव । रयणकरंडयभूए, अइनिउणो तह तदउत्थस्स | ॥७९॥ |
| वत्ता कत्ता य दढं, विचित्तसुयधारओ विचित्तकहो । आओवाययिहन्न, मइसंपन्नो महाभागो | ॥८०॥ |
| निद्धं महुरं हिययंगमं च, आहरणहेउजुत्तं च । कहइ कहं निच्चवओ, समाहिकरणाय खवगस्स | ॥८१॥ |
| खुहियं परीसहुम्मीहिं, साहुपोयं भवोहवुब्भंतं । संजमरयणं निज्जा-मओ व्व निज्जावओ धरइ | ॥८२॥ |
| धीबलकरमाडडयहियं, महुरं कन्नाडडहुइं जइ न देइ । सिवसुहकरिं च तो णं, चत्ता आराहणा होइ | ॥८३॥ |
| ता निज्जामगसूरी, निच्चवओ चेव होइ खवगस्स । आराहणा वि निव्या-वगस्स दारेण चेव धुवं | ॥८४॥ |
| तडपत्तस्साडवि विचित्त-कम्मपरिणइवसेण खवगस्स तण्हाछुहाडडइएहिं, अवि होज्ज विसोत्तियाडडइयं | ॥८५॥ |
| तं पुण पूयाकामो, किन्तीकामो अवन्नभीरु य । निज्जूहणाभएणं, लज्जाए गारवेणं वा | ॥८६॥ |
| को वि विवेयवियलो, जइ नाडडलोएइ सम्ममुवउत्तो । तं जो अवायदंसण-पुरस्सरं सासए एवं | ॥८७॥ |
| इहलोए अवियडंते, सढो ति संभावणा अकिन्ती य । परलोए पुण माइ-तणेण अंतो असारस्स | ॥८८॥ |
| इहभवकयभावविहूण-कट्टकिरिया वि कुगइहेउ ति । सो च्चिय वुच्चइ सूरी, अवायदंसि ति नामेण | ॥८९॥ |
| एवंविहगुणगणसंगओ य, एसो महुरवयणेहिं । जंपेइ भो महायस!, खवग! विभावेसु सम्ममिमं | ॥९०॥ |
| जह नाम कंटगप्पमुह-दव्वसल्लं पि धुवमडणुद्धरियं । जणयइ जणस्स देहे, ण केवलं वेयणं चेव | ॥९१॥ |
| किंतु जरडाहरप्फग-जालागदभदुसज्जलुयती य । तदउचररोगसमूहं पि, जणइ ता जाव मरणं पि | ॥९२॥ |
| तह चेव भावसल्लं, भिक्खुस्स वि मोहमोहियमइस्स । सम्मं खु अणुद्धरियं, धरियं अप्पाणए चेव | ॥९३॥ |
| जणयइ ण केवलं इह-भवम्मि अजसाडडइ चेव किंतु परं । संजमजीवियहरणा, चारित्ताडभावमरणं पि | ॥९४॥ |
| आसमलणं व अरिपोसणं व, निम्मवणमडसुहकम्माणं । जणयइ भवंउतरेसुं, अइदुल्लहबोहियत्तं च | ॥९५॥ |
| तो भट्टबोहिलाभो, अणंतकालं भवन्नवे भीमे । जम्मणमरणाडडवत्ते, अणोरपारम्मि दुहसलिले | ॥९६॥ |
| उच्चाडणुच्चासु विचित्त-भेयजोणीसु दुक्खदोणीसु । वच्चंतो पच्चंतो, सुत्तिक्खदुक्खडगिणा चिट्ठे | ॥९७॥ |
| तहा- | |
| लद्धूणमेत्थ जीवो, संसारमहन्नवम्मि सामन्नं । तवसंजमं च अबुहो, नासेइ ससल्लमरणेण | ॥९८॥ |
| मरिउं ससल्लमरणं, संसाराडडविमहाकडिल्लम्मि । सुइरं भमंति जीवा, अणोरपारम्मि ओइन्ना | ॥९९॥ |
| न वि तं सत्थं व विसं व, दुप्पउत्तो व्व कुणइ वेयालो । जंतं व दुप्पउत्तं, सप्पो व्व पमाइओ कुद्धो | ॥४७००॥ |

1. ज्वर-दाह-रप्फग = वल्मीको = रोगविशेषः - ज्वाला-गर्दभ = रोगविशेषः - दुःसाध्य-लुयती = रोगविशेषः इत्यादयो रोगाः ।

| | |
|-------------------------------------------------------------------------------------------------|------|
| जं कुण्ड भावसल्लं, अणुद्धियं मरणदेसकालम्भि । दुल्लहबोहीयत्तं, अणंतसंसारियत्तं च | ॥१॥ |
| ता न खमं खु पमाया, मुहुत्तमडवि चिद्धिउं ससल्लेण । लज्जागारवरहिओ, अओ तुमं सल्लमुद्धरसु | ॥२॥ |
| उप्पाडिता सल्लं, मूलमडसेसं पुण्णभवलयाए । उम्मुक्कभया धीरा, तरंति भवसायरं जेण | ॥३॥ |
| इय जइ अवायदंसी, न होज्ज निज्जामगो वि खवगस्स । ता तस्स ससल्लस्स वि, किंफलमाडडराहणाकरणं | ॥४॥ |
| तम्हा खवगेण सया, अवायदंसिस्स पायमूलम्भि । अप्पा निवेसियच्चो, धुवा हि आराहणा तत्थ | ॥५॥ |
| आयसपत्तनिहितं जलं व, आलोइया अईयारा । न परिस्सवन्ति जत्तो, अपरिस्साविं तयं विंति | ॥६॥ |
| भिदंतेण रहस्सं, सो साहू तेण होइ परिचत्तो । अप्पा गणो पवयणं, धम्मो आराहणा चव | ॥७॥ |
| लज्जाए गारवेण य, कोई दोसे परस्स कहियम्भि । विप्परिणवेज्ज ओहा-वेज्ज व गच्छेज्ज मिच्छत्तं | ॥८॥ |
| कोई रहस्सभेए, कए ^१ पउट्टो हणेज्ज तं सूरिं । अप्पाणं वा गच्छं, भिदेज्ज करेज्ज उट्टाहं | ॥९॥ |
| इच्चेवमाडडइदोसा, न होंति भणिणो रहस्सधारिस्स । अपरिस्साची तेणं, मग्गिज्जइ निज्जवगसूरी | ॥१०॥ |
| इय अट्टगुणोवेयस्स, सूरिणो पयपसायओ खवगो । आराहणमाडडराहइ, संपुण्णं हयपमायरिऊ | ॥११॥ |
| इय पावकमलहिमभर-समाए संवेगरंगसालाए । मरणरणजयपडागो-वलंभनिच्चिग्घहेऊए | ॥१२॥ |
| आराहणाए पडिदार-दसगमइयम्भि बीयदारम्भि । गणसंकमम्भि पंचम-मुचइट्टं सुट्टियदारं | ॥१३॥ |
| सुट्टियगवेसणेवं, कया वि न फलप्पसाहणायाडलं । जच्चिरहे तं भणिमो, संपयमुवसंपयादारं | ॥१४॥ |

‘उपसंपदा द्वार स्वरूपम्’

| | |
|---------------------------------------------------------------------------------------|------|
| अह सो परिमग्गिता, निज्जवयगुणेहिं जुत्तमाडडयरियं । विज्जाचरणसमग्गं, उचसंपज्जइ तओ तस्स | ॥१५॥ |
| किइकम्मं काऊणं, पणुवीसाडडवासएहिं परिसुद्धं । विणएण पंजलिउडो, सब्बाडडयरमेवमुल्लवइ | ॥१६॥ |
| भयवं! निस्सेसदुवालसंडग-सुयजलहिपारगा तुम्हे । तुम्हेत्थ सयलसिरिसमण-संघनिज्जामगा गुरुणो | ॥१७॥ |
| तुम्हे च्चिय अज्ज इहं, जिणसासणभवणधारणक्खंभा । भवगहणभमणरीणंङ्गि-वग्गानिच्चुइपयं तुम्भे | ॥१८॥ |
| तुम्हे गई मई चिय, सरणमडसरणाण अम्ह तुम्हेत्थ । तुम्भे चव अणाहाण, अम्ह नाहा वि ता भंते! | ॥१९॥ |
| आदिक्खादिवसाओ, काऊणाडडलोयणापयाणेण । दंसणनाणचरित्ते, सुचिसुद्धे सम्मभावेण | ॥२०॥ |
| तुम्ह पयपउममूले, दीहरसामन्नफलमडहमियाणिं । कयउचियसेसकिच्चो, निस्सल्लाडडराहणं काहं | ॥२१॥ |
| एवं वुत्ते तेणं, निज्जामगमुणिवई भणइ भद्द! । मणवंछियउत्थमडचिरा, साहेमि तुह अविग्घेणं | ॥२२॥ |
| धन्नो सि तुमं सुचिहिय!, असेससंसारदुक्खअयजणणिं । जो आराहणमडणहं, एवं काउं समुच्छहसि | ॥२३॥ |
| अच्छाहि ताव सुंदर!, वीसत्थो अणूसुगो य जाव खणं । पडिचरणेहिं सममडहं, इणमडट्टं संपथारेमि | ॥२४॥ |
| इय दुग्गइपुरपरिहो-वमाए संवेगरंगसालाए । मरणरणजयपडागो-वलंभनिच्चिग्घहेऊए | ॥२५॥ |
| आराहणाए पडिदार-दसगमइयम्भि बीयदारम्भि । गणसंकमणे भणियं, छट्टं उवसंपयादारं | ॥२६॥ |

‘परीक्षाद्वारम्’

| | |
|-----------------------------------------------------------------------------------------------|------|
| उचसंपन्नो वि मुणी, अन्नोन्नपरिच्छणाए चिरहम्भि । न लभइ समाहिमडणहं, परिच्छदार अओ भणिमो | ॥२७॥ |
| अह जो अणसणकामो, साहू सूरी व पुच्चनिद्धिट्ठो । तग्गणनाहो मुणिणो य, निहुयबुद्धीए पढमं पि | ॥२८॥ |
| तेणं परिकिखियच्चो, किमिमे भावियमणा व इयरे वा । तग्गणगयसाहूहिं वि, परिकिखियच्चो इमो बहुहा | ॥२९॥ |
| तप्पहुणा वि न केवल-मडणसणकामी परिकिखियच्चो हु । किंतु नियगा वि मुणिणो, तदउत्थनिच्चोहिणो व न वा | ॥३०॥ |
| आगंतुगेण तत्थ उ, विभावणिज्जो गणाडहिवो ताव । जइ हरिसवियसियउच्छो, सागयमिच्चोइ जंपंतो | ॥३१॥ |
| अब्भुट्टेज्ज सयं चिय, इंतं दट्टुण अहव नियमुणिणो । पेसेज्जुचियं काउं, ता सो पत्थुयविहिहिहाया | ॥३२॥ |
| कसिणमुहच्छाओ सुन्न-चक्खुक्खेवो य विस्सरगिरो य । एवंविहो य नेओ, इयरो पत्थुयपवितीए | ॥३३॥ |
| मुणिणो वि हु भणियच्चो, भिक्खाकाले अहो! मह निमित्तं । कलमोयणं सखीरं, तुम्भेहिं आणियच्चं ति | ॥३४॥ |
| जइ ते एवं वुत्ता, हसंति अन्नोन्नमडहयमुल्लुंठं । जंपंति ता अभाविय-मइणो ति विभावणिज्जा ते | ॥३५॥ |

अह ते सहरिसमेवं, वयंति तुमए अणुग्निहीयम्ह । एवं चिय काहामो, सइ लाभे सव्वजत्तेण ॥३६॥
 आगंतुगेण एवं, वत्थव्वपरिक्खणा उ कायव्वा । आगंतुगं पि वत्थव्व-साहुणो इय परिक्खन्ति ॥३७॥
 कलमोयणाऽऽइउत्तम-आहारमऽमग्गिया वि उवणिति । आगंतुगस्स जइ सो, सविम्हयं एवमुल्लवइ ॥३८॥
 अहह चिरधरणिभमणे वि, एरिसा पवरगंधबंधुरया । सरसत्तणं पि नेवो-यणस्स दिट्ठं कहिं पि मए ॥३९॥
 न य वंजणसामग्गी वि, दीसइ अन्नत्थ एरिससरुवा । भुजिस्सामि पकामं पि, ता अहं भोयणमिमं ति ॥४०॥
 ता सो णिसेहियव्वो, न उत्तिमऽट्ठप्पसाहणायाऽलं । अजिइदिओ ति पुणरवि, जहाऽऽगयं पेसियव्वो य ॥४१॥
 जो पुण तारिसमऽसणं, दट्ठुं जंपेज्ज उत्तिमऽट्ठथी । हंहो महाऽणुभावा!, किमऽणणेण ममोवणीएण ॥४२॥
 एवंविहस्स पवराऽसणस्स, को भुजिउं ममं कालो । तो णं पडिच्छियव्वो, स महासतो समुचिओ ति ॥४३॥
 एवं कओवयारा, परोप्परं ठाणगमणसज्झाए । आवस्सयभिक्खग्गह-वियारमाऽऽइसु परिक्खन्ति ॥४४॥
 अह जइया सो अब्भु-च्छहेज्ज आराहणं पकाउं जे । वत्थव्वसूरिणा वि हु, परिक्खियव्वो तथा एवं ॥४५॥
 सुंदर! तुमए अप्पा, संलिहिओ? जइ वएज्ज सो एवं । किं चम्मऽट्ठियमेतं, भयवं! नो पेच्छसि ममंऽगं ॥४६॥
 असुणंतो व्व पुणो वि हु, ता पुच्छेज्जा पुणो वि स सरोसं । अइनिउणो सि न सिट्ठे वि, नेव दिट्ठे वि पत्तियसि ॥४७॥
 इइ जंपंतो जइ नियग-मंऽगुलिं भजिऊण दंसेज्जा । पेच्छसु निउणं भयवं!, जह एत्थ सुथेवमेतं पि ॥४८॥
 मंसं व सोणियं वा, मज्जं वा अत्थि एचमऽवि भंते! । किं संलिहामि? तो णं, स सूरिणा एव भणियव्वो ॥४९॥
 'न हु ते दव्वसंलेहं, पुच्छे पासामि ते किसं । कीस ते अंगुली भग्गा, भावे संलिह मा तुर' ॥५०॥
 'इंदियाणि कसाए य, गारवे य किसे कुरु । ण चेयं ते पसंसामि, किसं साहू! सरीरगं' ॥५१॥
 सिलोयजुयलं चेयं, वुत्तं वत्थव्वसूरिणा । आराहणानिमित्तेणं, आगयप्पडिबोहणे ॥५२॥
 एवं परोप्परं सइ, सुक्यपरिक्खणा उभयपक्खणा । भत्तपरिन्नाकाले, थेवं पि ण होज्ज असमाही ॥५३॥
 अइरभसक्याणं पुण, पाएण पओयणाण पज्जंते । धम्मऽत्थसंगयाण वि, न विचागो निव्वुइं जणइ ॥५४॥
 इय धम्मतावसाऽऽसम-समाए संवेगरंगशालाए । मरणरणजयपडागो-वलंभनिव्विग्घहेऊए ॥५५॥
 आराहणाए पडिदार-दसगमइयमि बीयदारमि । गणसंकमे परिच्छ ति, सत्तमं दारमुवइट्ठं ॥५६॥

‘प्रतिलेखना द्वारम्’

विहिओभयपक्खपरिक्खणे वि, नाऽऽराहणऽत्थिणो कज्जं । जीए विणा निव्विग्घं, संपज्जइ भाविकालमि ॥५७॥
 तं पडिलेहं एतो, कित्तेमि सा पुणो भवइ एवं । किर निज्जामगसूरी, सुगुरुपरंपरयपत्तेण ॥५८॥
 खवगस्सुवसंपन्नस्स, तस्स आराहणाए चक्खेवं । दिव्वेण निमित्तेणं, पडिलेहइ अप्पमतमणो ॥५९॥
 रज्जं खेतं अहिचइ-गणमऽप्पाणं च पडिलिहिताणं । तमऽविग्घमि पडिच्छइ, अप्पडिलेहाए बहुदोसा ॥६०॥
 परओ वा तं नाउं, पासगभिच्छंति इहरहा नेव । सिचखेमसुभिक्खेसुं, निव्वाघाएण पडिचत्ती ॥६१॥
 इहरा रायाऽऽईणं, सरुवपडिलेहणाए विरहमि । आराहणाए विग्घो वि, होज्ज हरिदत्तमुणिणो व्व ॥६२॥
 तथाहि—

‘हरिदत्तमुनिदृष्टान्त’

संखपुरे नयरमि, पसिद्धिपत्तो नराऽऽहिवो आसि । सिचभदो नामेणं, महाबलो विजियसत्तुकुलो ॥६३॥
 उवरोहिओ य वेथ-प्पमोक्खनीसेससत्थकुसलमई । मत्तिसागराऽभिहाणो, अहेसि से सम्मओ बाढं ॥६४॥
 तेण य राया अणवरय-मेव निव्विग्घरज्जसुहहेउं । दुग्गइनिबंधणेसु वि, पयट्ठियो 'जन्नकज्जेसु ॥६५॥
 अह एगमि अवसरे, समोसढो नयरबाहिरुज्जाणे । बहुसमणसंधसहिओ, सूरी गुणसेहरो णाम ॥६६॥
 तव्वंदणवडियाए, सबालवुड्ढाऽऽउलो नगरलोगो । वाहणजाणाऽऽरुढो, महाविभूर्इए तत्थ गओ ॥६७॥
 राया वि तमि समए, तेणेव पुरोहिएण सह तुरए । आवाहिउं पयट्ठो, पुरस्स बहियाविभागमि ॥६८॥
 अह तं नयरीलोयं, इंतं विणियत्तमाणमऽवि दट्ठुं । कोऊहलेण रत्ता, पुट्ठं किं अज्ज को वि महो? ॥६९॥
 जेणेस जणो एवं, पवराऽलंकारभूसियसरीरो! । निययविहवाऽणुसारेण, सव्वओ वियरइ जहिच्छं ॥७०॥

| | |
|-------------------------------------------------------------------------------------------------------|--------|
| सिद्धो य परियणेणं, परमत्थो तो सविहओ राया । उज्जाणे तम्मि गओ, वंदिय सूरिं निसन्नो य | ॥७१॥ |
| तो रायपमुहपरिसं, उदिसिउं सूरिणा वि धम्मकहा । पारद्धा जलहरगज्जि-गहीरघोसाए वाणीए | ॥७२॥ |
| जहा— | |
| हंभो नरवर! नीसेस-सत्थपरमत्थसंगया एत्थ । सलहिज्जइ जीवदया, एक्क च्चिय सव्वसोक्खकरी | ॥७३॥ |
| एयाए न विउत्तो, ससि व्व रयणि विणा मणागं पि । पावइ सोहं धम्मो, तवनियमकलावकलियो वि | ॥७४॥ |
| एयाए निरयमणा, गिहिणो वि गया सुरिंदभवणेसु । एयविमुहा य मुणिणो वि, नरयमउइदुहकरं पत्ता | ॥७५॥ |
| जो वंछइ अच्छिन्नं, सोक्खमउतुच्छं तहाउउयं दीहं । सो कप्पमहापायव-लयं व पालेइ जीवदयं | ॥७६॥ |
| सुमुणिपणीओ वि सुजुत्तिओ वि, जो नाम जीवदयारहिओ । सो भीमभुयंगो इव, धम्मो दूरेण हेयव्वो | ॥७७॥ |
| एवं भणिए गुरुणा, जागविहिपरुवगम्मि नरवइणा । उवरोहियम्मि दिट्ठी, कुवलयदलसच्छहा खित्ता | ॥७८॥ |
| उवरोहिणण ततो, अंतो पसरंततिव्वरोसेण । भणियं हंहो मुणिवर!, तुममउम्हं दूससे जागं | ॥७९॥ |
| वेयउत्थं अमुणेतो, पुराणसत्थाण किंपि परमउत्थं । अवियाणमाणो वि हु, अहो! सुधिदुत्तणं तुज्झ | ॥८०॥ |
| गुरुणा भणियं भद्वया!, किमेवमुल्लवसि रोसवसगो तं । वेयपुराणाण तुमं, परमउत्थं नेव मुणसि ति | ॥८१॥ |
| किं भद! तुज्झ सत्थेसु, पुव्वमुणिविरइएसु सव्वत्थ । जीवदया न कहिज्जइ, तव्वयणं वा न सुयमेयं | ॥८२॥ |
| ‘यो ददाति सहघ्राणि, गवामउधशतानि च । अभयं सर्वसत्त्वेभ्य-स्तदानमउतिरिच्यते | ॥८३॥ |
| समग्रावयवान् दृष्ट्वा, नरान् प्राणिवधोद्यतान् । पङ्गुभ्यश्छिन्नहस्तेभ्यः, कुष्ठिभ्यः स्पृहयाम्यहं | ॥८४॥ |
| कपिलानां सहस्रं तु, यो द्विजेभ्यः प्रयच्छति । एकस्य जीवितं दद्यात्, कलां नाडर्हति षोडशीं | ॥८५॥ |
| नाडतो भूयस्तमो धर्मः कश्चिदउन्योउस्ति भूतले । प्राणिनां भयभीतानां, अभयं यत्प्रदीयते | ॥८६॥ |
| वरमेकस्य सत्त्वस्य, दत्ता ह्यभयदक्षिणा । न तु विप्रसहस्रेभ्यो, गोसहस्रमउलङ्कृतं | ॥८७॥ |
| अभयं सर्वसत्त्वेभ्यो, यो ददाति दयापरः तस्य देहाद्रिमुक्तस्य, भयं नाडस्ति कुतश्चन | ॥८८॥ |
| हेमधेनुधराउदीनां, दातारः सुलभा भुवि । दुर्लभः पुरुषो लोके, यः प्राणिष्वभयप्रदः | ॥८९॥ |
| महतामउपि दानानां, कालेन क्षीयते फलं । भीताउभयप्रदानस्य, क्षय एव न विद्यते | ॥९०॥ |
| दत्तमिष्टं तपस्तप्तं, तीर्थसेवा तथा श्रुतं । सर्वाण्यभयदानस्य, कलां नाडर्हन्ति षोडशीं | ॥९१॥ |
| यथा मे न प्रियो मृत्युः, सर्वेषां प्राणिनां तथा । तस्मान्मृत्युभयत्रस्ता-स्त्रातव्याः प्राणिनो बुधैः’ | ॥९२॥ |
| ‘एकत्र क्रतवः सर्वे, समग्रवरदक्षिणाः । एकतो भयभीतस्य, प्राणिनः प्राणरक्षणं | ॥९३॥ |
| सर्वसत्त्वेषु यदानं, एकसत्त्वे च या दया । सर्वसत्त्वप्रदानाद्धि, दयैवैका प्रशस्यते | ॥९४॥ |
| सर्वे वेदा न तत् कुर्युः, सर्वं यज्ञा यथोदिताः । सर्वतीर्थाभिषेकाश्च, यत् कुर्यात् प्राणिनां दया’ | ॥९५॥ |
| इय भो महायस! तुमं, नियसत्थउत्थं पि किं न सुमरेसि? । परमत्थयडंतं पि हु, पडिवज्जसि जं न जीवदया॥९६॥ | ॥९६॥ |
| एयमउणुसासिओ सो, समणोवरि दढपओसमाउउवन्नो । थेवमुवसंतचित्तो, राया पुण भद्वगो जातो | ॥९७॥ |
| सूरी वि भव्वसत्ते, ठाविय धम्मे जिणप्पणीयम्मि । ततो विणिक्खमिता, विहरिउमउन्नत्थ आरद्धो | ॥९८॥ |
| अपुव्वखेडकब्बड-पुराउउगराउउइसु चिरं च विहरिता । पुणरवि तत्थे व पुरे, समोसढो उचियदेसम्मि | ॥९९॥ |
| तत्थ य टियस्स हरिदत्त-नामगो मुणिवरो निययगच्छं । मोतूण उत्तिमइं, काउ कयकायसलिहणो | ॥४८००॥ |
| आगंतूण महप्पा, पयओ पयपंकयं पणमिऊणं । भालयलरइयपाणी, चिन्नविउं एवमाउउढतो | ॥११॥ |
| भयवं! कुणह पसायं, संसारसमुदनावकप्पेणं । संलिहियस्सा अणसण-दाणेणाउणुगुहं मज्झ | ॥१२॥ |
| तो निययगणं आपुच्छिऊण, करुणापहाणचित्तेण । पडिवन्नं तव्वयणं, मुणिवइगुणसेहरेण लहुं | ॥१३॥ |
| अह सोहणे मुहुत्ते, अविभाविय पत्थुयउत्थपच्चूहं । सहस च्चिय मुणिवइणा, सो ठविओ उत्तिमइम्मि | ॥१४॥ |
| जाया पुरे पसिद्धी, ताहे भतीए कोऊहल्लेण । अणवरयमेइ लोगो, वंदणवडियाए खवगस्स | ॥१५॥ |
| तस्स य सिवभद्वनराउहिवस्स, समयम्मि तम्मि जेइसुओ । अवितक्किपाउउगमेणं, रोगेणं आउरो जाओ | ॥१६॥ |
| वाहरिया वरवेज्जा, कया तिगिच्छा विचित्तमंताउउई । उवजुजिया तहा वि य, पडियारो से न संपत्तो | ॥१७॥ |

| | |
|-------------------------------------------------------------------------------------------------------|------|
| किंकायव्ययवाउल-मणो य भूमीवई तओ बाढं । विच्छायवयणकमलो, सोगं काउं समाढतो | ॥८॥ |
| एत्थंतरम्मि तेणं, चिरकालच्छिद्वपेच्छणपरेण । धम्मपदुद्वेण पुरो-हिएण लद्धाडवगासेण | ॥९॥ |
| भणियं देव! कहं चिय, होइ सुहं तत्थ जत्थ निग्गंथा । अप्पत्थावे वि कुणंति, मरणमडसणं परिच्चवइउं | ॥१०॥ |
| कहिओ य समग्गो उत्ति-मड्डडियस्समगसाहुवुत्तंतो । सुणिऊण तं च राया, अच्चंतं रोसमाडडवन्नो | ॥११॥ |
| आणत्ता नियपुरिसा, अरे इमे साहुणोडम्ह विसयाओ । तह कुणह जहा सिग्घं, सव्वे वि य नीहरंति ति | ॥१२॥ |
| तो तेहिं सूरिणो नर-वइस्स आणा निवेइया पुरओ । अह एगेणं मुणिणा, पयंडविज्जाबलजुएण | ॥१३॥ |
| जिणसासणलहुयतण-मडवलोइय जंपियं सरोसेण । हंहो मूढा! निम्मेर-मेवमुल्लवह किं तुब्भे | ॥१४॥ |
| किं न मुणह मुणिणो जत्थ, समयसत्थुत्तजुत्तिअविरुद्धं । धम्मकिरियं पवज्जंति, जंति असिवाडडइणो ततो | ॥१५॥ |
| भावे वि तेसिं कहमडवि, सकम्मणो चेव एस अवरारो । साहूसु कीस कुप्पइ विहलं चिय 'कुप्पइ तुम्ह | ॥१६॥ |
| ता अम्ह गिराए निचं, मग्गे ठावेह मोयह कुतक्कं । ते किं भिच्चा सासेंति, जे पहं न कुपहपवणं | ॥१७॥ |
| एवं भणिए पुरिसेहिं जंपियं समण! मा बहुं वयसु । जइ अच्छिउमिच्छसि ता, गंतुं सयमेव सिक्खवसु | ॥१८॥ |
| अह सो पुरिसेहिं समं, गओ समीवम्मि पुहइनाहस्स । आसीवायपुरस्सर-मेवं वोत्तुं पवत्तो य | ॥१९॥ |
| नरनाह! न जुत्तं तुज्झ, धम्मे विग्घं पकप्पिउं एवं । धम्मं पालेत च्चिय, चुडिढं पावंति भूवइणो | ॥२०॥ |
| तं पुण समणाणं समय-वुत्तकिरियापवन्नचित्ताण । समदिट्ठीए पडणीय-लोयपडिसेहणेण भवे | ॥२१॥ |
| मा य तुमं मुणसु इमे, समणा किं कोविया वि काहिति । नणु अइमहिज्जमाणं, चंदणमडवि मुयइ ^२ हव्ववहं | ॥२२॥ |
| एमाडडइ भूरि भणिओ वि, भूवइ जा न कुग्गहं मुयइ । ता तेण मुणिवरेणं, दुट्ठो ति विभाविउं विहियं | ॥२३॥ |
| चलिरथिरथोरथंभं, कंपिरमणिकुट्टिमं टलंतसिरं । विहडंतपट्टसालं, नमंतवरतोरणाडवयवं | ॥२४॥ |
| पक्खुभियभित्तिभागं, सव्वत्तो वेवमाणपागारं । पल्लत्थसंधिबंधं, विज्जासत्तीए तब्भवणं | ॥२५॥ |
| अह तं तहाविहं पे-च्छिऊण भीओ निवो सबहुमाणं । चलणेसु निचडिऊणं, साहुं विन्नविउमाडडढत्तो | ॥२६॥ |
| भयवं! उवसमसारो, दयाडडगरो दमधरो तुमं चेव । तुममेव भयाडवडनिवडि-याण हत्थाडवलंबो सि | ॥२७॥ |
| ता खमसु कलुसमइणो, एक्कं दुब्बिलसियं ममं एयं । न पुणो काहामि पसीय, इण्हिं नियदुब्बिणेये व्व | ॥२८॥ |
| न मुणिंद! काउमेवं, मणसा वि क्या वि संपहारेमि । किं तु सुयविहरयाए, दुट्ठवएसा विहियमेयं | ॥२९॥ |
| इन्हिं च तुज्झ सामत्थ-मंथेमंथिज्जमाणमणजलही । इय वइयरववएसा, विवेयरयणाडडयरो जाओ | ॥३०॥ |
| ता पज्जतं पुतेण, तेण तेण वि य रज्जरट्टेण । जं तुम्हं पयपंकय-पडिकूलत्तेण मे होही | ॥३१॥ |
| अह पणयवच्छलेणं, मुणिणा भीओ ति भाविउं भूवो । आसासिओ पसंता-डडणणेण महुरेहिं वयणेहिं | ॥३२॥ |
| एत्थंतरम्मि सडढो, जिणदासो तप्पभावपरितुट्ठो । वागरइ नरवइं देव!, नूणमेयस्स वरमुणिणो | ॥३३॥ |
| नामग्गहणेण वि उवसमंति, गहभूयसाइणीदोसा । चलणक्खालणपयसा पसमंति उदग्गरोगा वि | ॥३४॥ |
| एवं सोच्चा रण्णा, मुणिपयपक्खालणोदगेण सुओ । अभिसित्तो तव्वेलं च, पगुणदेहतणं पत्तो | ॥३५॥ |
| तो तम्माहप्पुप्येहणेण, निच्छइयधम्मसारत्तो । जिणधम्मं पडिवन्नो, राया साहुस्स वयणेण | ॥३६॥ |
| ततो सद्धम्मविरुद्ध-जंपिरं तं पुरोहियं अहियं । सुमुणिजणपच्चणीयं, निच्चासेऊण नयरीओ | ॥३७॥ |
| राया सव्विड्ढीए, सव्वेणं आयरेण खवगस्स । उज्झियनियकायव्वो, बहुमाणं काउमाडडरद्धो | ॥३८॥ |
| एवं हरिदत्तमहा-मुणिस्स लीणस्स उत्तिमड्डम्मि । समुवट्ठिओ वि विग्घो, अइसइणा झत्ति पडिखलिओ | ॥३९॥ |
| एवंविहा य अइसय-समन्निया केत्तिया व होहिंति । ता पढमं चिय विग्घं, पडिलेहिय उज्जमेयव्वं | ॥४०॥ |
| इय समयसिधुवेलोचमाए, संवेगरंगसालाए । मरणरणजयपडागो-वलंभनिच्चिग्घहेऊए | ॥४१॥ |
| आराहणाए पडिदार-दसगमइयम्मि बीयदारम्मि । गणसंकमणे वुत्तं, पडिलेहणदारमडडमगं | ॥४२॥ |
| पच्चूहाणं पडिलेहणे वि, नो जं विणा कुसलमडडं । काउं पारइ खवगो, तं पुच्छादारमडह भणिमो | ॥४३॥ |

'पृच्छाद्वारम्'

अह वत्थव्वगसूरी, णियगच्छगए तवस्सिणो सव्वे । वाहरिऊणं जंपइ, एसो खवगो महासत्तो ॥४४॥

1. कुप्पइ तुम्ह = कुप्यते युष्माभिरित्यर्थः । 2. हव्ववहं = हव्यबाहम् = अग्निम् ।

निस्साए तुम्ह काउं, वंछइ आराहणाचिहिं अणहं । जइ पाणगाऽऽइदव्याणि, खवगसुसमाहिकारीणि ॥४५॥
सुलभाणि एत्थ खेत्ते, तुम्हे एयं च पडियरह सम्मं । ता साहह जेणेमं, महाऽणुभावं पडिच्छेमो ॥४६॥
तो जइ सहरिसमिय ते, भणति सुलभाणि असणमाऽऽईणि । अणुगिण्हह खवगमिमं, सज्जा अम्हे वि एत्थऽत्थे ॥४७॥
ताहे पडिच्छियव्यो, खवगो इय होज्ज तस्स निव्विग्घा । वंछियसिद्धी न परो-प्परं च थेवं पि असमाही ॥४८॥
निज्जावगाऽऽयरियाण, गणंतरादाऽऽगयस्स खवगस्स । णिज्जावगसाहूण य, पुच्छा सव्वेसि गुणजणिगा ॥४९॥
तदऽपुच्छणे परोप्पर-मऽचियत्तं भत्तपाणविरहे य । खवगस्स वि असमाही, एमाऽऽई होति बहुदोसा ॥५०॥
इय निव्वुइपहसंदणसमाए, संवेगरंगसालाए । मरणरणजयपडागो-वलंभनिव्विग्घहेऊए ॥५१॥
आराहणाए पडिदार-दसगमइयम्मि बीयदारम्मि । गणसंकमणे कहियं, नवमं पुच्छापडिदारं ॥५२॥
जहविहिकयपुच्छस्स वि, उत्तरकायव्वसंगयं सम्मं । खवगं पडुच्च संपइ, पडिच्छदारं पवक्खामि ॥५३॥

‘प्रतीच्छाद्वारम्’

पुव्वपवंचियविहिणा, खमगं समुवट्ठियं पडिच्छंति । सव्वाऽऽयरेण मुणिवइ-तवस्सिणो उज्जया नवरं ॥५४॥
जइ तत्थ गणे कहमऽचि, समकालं चिय उवट्ठिया दोन्नि । खवगा तेसिं एक्को, पढमं चिय संलिहियकाओ ॥५५॥
जो सो संथारगओ, चयइ सरीरं जिणोवएसेण । बीयो संलिहइ तणुं, उग्गेहिं तवोविसेसेहिं ॥५६॥
तइयं च पुणो खवगं, वारेज्ज उवट्ठियं पि विहिपुव्वं । पडिचरगाणमऽभावे, समाहिविगमो भवे इहरा ॥५७॥
अहव पहुप्पंति कहंपि, तस्स जोग्गा वि पवरपडियरगा । तदऽणुत्राओ संतो, ता सो वि पडिच्छियव्यो ति ॥५८॥
तह भत्तपच्चस्त्राया, जइ सो नो पत्थुयऽत्थनित्थरणं । काउं तरेज्ज लोणेण, जाणिओ पेहिओ य भवे ॥५९॥
ता तस्स द्वाणम्मि, बीयो संलेहणाकरो साहू । ठवियव्यो रइयव्या, तदंतरे चिलिमिणी सम्मं ॥६०॥
तो जेहिं पुव्वं सो, सुओ व दिट्ठो व होज्ज तो तेसिं । वंदिउमुवागयाणं, दंसेयव्यो मणागं पि ॥६१॥
इहरा होज्जुड्डाहो, पवयणखिंसाऽऽइया महादोसा । चिलिमणिबाहिठिय च्चिय, तेणं वंदावियव्या ते ॥६२॥
गणसंकमणं काउं, विहिणा एएण विहडियममत्ता । आणं आराहिता, करंति दुक्खक्खयं थीरा ॥६३॥
इय सिरिजिणचंदमुणिंद-रइयसंवेगरंगसालाए । मरणरणजयपडागो-वलंभनिव्विग्घहेऊए ॥६४॥
आराहणाए पडिदार-दसगमइयम्मि बीयदारम्मि । गणसंकमे पडिच्छति, दसममुत्तं पडिदारं ॥६५॥
तम्भणणाओ य पुणो, परगणसंकमणनामगं एयं । मूलदारचउक्के, भणियं दारं दुइज्जं पि ॥६६॥

॥ परगणसंकमाऽभिहाणं बीयं मूलदारं समत्तं ॥

“तृतीयममत्वव्युच्छेदद्वारम्”

‘मंगलाचरणम्’ —

दव्ये खेते काले, भावमि य सव्यहा धुयममत्तो । भयवं भवंऽतयारी, निरंऽजणो जयइ चीरजिणो ॥६७॥

‘अन्तरद्वारनामानि’ —

परिकम्मियऽप्पणो वि हु, कयपरगणसंकमस्स वि य जम्हा । अब्बुच्छिन्नममत्तस्स, नत्थि आराहणा तम्हा ॥६८॥

भणिउं गणसंकमणं, इत्थिं वोच्छं ममत्तवोच्छेयं । तम्मि य पडिदाराइं, कमेण एयाइं नव होन्ति ॥६९॥

आलोयणाविहाणं^१, सेज्जा^२ संधारओ^३ य निज्जवचा^४ । दंसण^५ हाणी^६ पच्च-क्खणं^७ तह ख्रामणा^८ ख्रमणा^९ ॥७०॥

अब्बुचगओ वि ख्रमणो, गुरुणु नाऽऽलोयणं विणा सुद्धिं । पावइ जं ताऽऽलोयण-विहाणदारं परुवेमि ॥७१॥

‘आलोचनाविधानद्वारम्’

किर भणइ गुरु ख्रवगं, विहिणा महुरऽक्खरं गणसमक्खरं । हंहो देवाऽणुप्पिय!, सम्मं संलिहियकाओ सि ॥७२॥

सम्मं पवन्नसामन्न-वन्नियाऽऽसेसकिच्चनिरओ सि । सम्मं सीलगुणाऽऽगर-गुरुजणपयसेवणपरो सि ॥७३॥

सम्ममऽपुन्नदुलंभं, परमं पयविं तुमं पवन्नो सि । ता एत्तो सयिसेसं, मुक्काऽऽहंकारममकारो ॥७४॥

अइदुज्जयं पि इंदिय-कसायगारवपरीसहाऽणीयं । निज्जिणिऊणं सम्मं, उवसंतविसोत्तियातावो ॥७५॥

आलोएसु विहीए, सुविहिय! हियमऽप्पणो समीहंतो । दुच्चरियमऽणुयमेतं पि, इह पुणाऽऽलोयणविहाणे ॥७६॥

आलोयण दायव्वा, केवइकालउं कस्स^१ केणं^२ वा । के य अंदाणे दोसा^३, के य गुणा होन्ति दाणम्मि^४ ॥७७॥

कह दायव्वा य तहा^५, आलोएयव्वयं च^६ किं गुरुणो । कह व दवावेयव्वा^७, पच्छित्तं फलं च^८ दाराइं ॥७८॥

जइ वि हु पंडदिणमऽपमत-माणसो जयइ सव्यकिच्चेसु । कंटकवेहं व पहे, तहा वि किंपि हु अईयारं ॥७९॥

आवज्जइ साऽवज्जयिचज्जगो वि, कम्मोदयस्स दोसेण । कथइ किच्चविसेसे, तस्स य सुद्धिं समीहन्तो ॥८०॥

पक्खियचऽमासाऽऽइसु, नियमेणाऽऽलोयणं मुणी देज्जा । गिण्हेज्जऽभिग्गहे पुण, पुव्वग्गहिए निवेइत्ता ॥८१॥

एमेव उतिमऽट्ठे, संवेगपरेण सीयलेणाऽवि । आलोयणा हु देया, जाणियजिणवयणसारेण ॥८२॥

इय जेतियकालाओ, देया आलोयण ति निदिट्ठं । एत्तो जारिसयस्सा, देया सा तं पवक्खामि ॥८३॥

पयडिज्जइ जह रोगो, कुसलस्स चिगिच्छगस्स लोगम्मि । लोगुत्तरे वि तह कुसल-सूरिणो भावरोगो वि ॥८४॥

कुसलो य सो च्चिय इहं, दोसस्स नियाणमाऽऽइ जो मुणइ । अच्चंतमऽप्पमाई, सव्वत्थ समो य सो दुविहो ॥८५॥

आगमओ सुयओ वा, आगमओ छच्चिहो विणिदिट्ठो । केवलं मणो-हि^१-^२ चोदस^३-दसं^४ नव^५-पुच्ची य नायव्यो ॥८६॥

कप्पपकप्पो य सुए, आणाइत्तो य धारणाए य । एसो वि हु कारणओ, कुसल इव जिणेहऽणुत्ताओ ॥८७॥

जह किर विभंगिणो रोग-कारणं ओसहं च तस्समणं । नाउं विविहाऽऽमइणं पि, दिन्ति विविहोसहसमूहं ॥८८॥

पावेंति तदुयओगेण, रोगिणो तक्खणेण रोगखयं । निव्वुइमऽणहं च सया, एसेवुवमाओ इहइं पि ॥८९॥

विभंगिणो इव जिणा, रोगी साहू य रोग अचराहा । सोही य ओसहाइं, सुद्धं चरणं तु आरोगं ॥९०॥

जह य विभंगिकएहिं, रोगं नाऊण वेज्जसत्थेहिं । भिसजा करिति किरियं, तह पुव्वधरा वि सोहिति ॥९१॥

कप्पपकप्पधरो चिय, आयारखमाऽऽइगुणगणोवेओ । सोहेइ भव्वसत्ते, सोहीए जिणोवइट्ठाए ॥९२॥

जंधाबलहाणीए, देसंऽतरसंठियाण दोण्हं पि । अग्गीयगूढवियडणा, सोही आणाए एस विही ॥९३॥

असइं कयं विसोहिं, अवधारियसयलतत्तत्तम्मत्तो । तह चेव ववहरंतो, धरणाजुत्तो मुणेयव्वो ॥९४॥

निज्जुत्तीसुत्तऽत्थे, पीढधरो चिय किलेत्थ जोगो ति । कालं पडुच्च-नेओ, जीयधरो जो वि गीयत्थो ॥९५॥

सेसा न होन्ति जोगा, जह कूडचिगिच्छगा उ अवियड्ढा । रोगविवुड्ढं मरणं च, रोगिमणुयाण उवर्णंति ॥९६॥

पावेंति य ते गरिहं, लोए दंडं च निचसयासाओ । लोउत्तरे वि एवं, जोएज्जा सव्वमेयं ति ॥९७॥

कूडाऽऽलोइयसोही-दाणं विवरीयदोसपरिवुड्ढी । ततो चरणाऽभावो, मरणं पुण एत्थ नायव्वं ॥९८॥

गरिहा भवंऽतरेसु वि, जिणवयणावेराहगाण गरिहेसु । ठाणेसु समुप्पती, दंडो पुण दीहसंसारो ॥९९॥

आलोयणाऽरिहेसो, उस्सग्गऽववायओ विणिदिट्ठो । सा जारिसेण देया, तारिसयं संपयं वोच्छं ॥४९००॥

1. विभङ्गिनः = वैद्याः (अनुमानात्) ।

| | |
|-------------------------------------------------------------------------------------------------------------------------|------|
| जाइकुलविणयनाणे, दंसणचरणेहिं होइ संपन्नो । खंतो दंतो अमाई, अपच्छयावी य बोधव्यो | ॥११॥ |
| जाईकुलसंपन्नो, पायमडकज्जं न सेवइ कहिंचि । आसेचिउं च पच्छा, तग्गुणओ सम्ममाडडलोए | ॥१२॥ |
| विणएण उ संपन्नो, निसेज्जकिइकम्ममाडडइविणएणं । आलोएइ जहुतं, सुद्धसहावो सयं पावं | ॥१३॥ |
| नाणेण उ संपन्नो, दोसविवागं वियाणित्तं घोरं । आलोएइ सुहं चिय, पायच्छित्तं च अवगच्छे | ॥१४॥ |
| सुद्धो अहं ति सम्मं, सदहई दंसणेण संपन्नो । चरणेण उ संपन्नो, न कुणइ भुज्जो तमडचराहं | ॥१५॥ |
| अवियडिए य चरित्तं, न सुज्जइ मे ति सम्माडडलोए । खंतो आयरिएहिं, फरुसं भणिओ वि नो रुसे | ॥१६॥ |
| दंतो समत्थु वोढुं, पच्छित्तं जमिह दिज्जए तस्स । न प्पलित्तं चे व अमाई, अपच्छयावी न परितप्पे | ॥१७॥ |
| एयारिसेण तम्हा, दायव्वाडडलोयणा जइजणेणं । संविग्गेणडप्पाणं, कयत्थमिय मन्नमाणेणं | ॥१८॥ |
| परलोयम्मि अवाया, एएसिं दारुण ति दोसाणं । धन्नो हं जस्स गुरु, इहेव ते मे विसोहित्ति | ॥१९॥ |
| सोहीए अभीएणं, अपुणक्करणज्जएण दोसाणं । नो पडिचक्खज्जुएणं, जमेस भणिओ अजोगो ति | ॥२०॥ |
| आकंपइत्ता ^१ अणुमाणइत्ता ^२ , जं दिट्ठं ^३ बायरं ^४ च सुहुमं ^५ वा । | |
| छन्नं ^६ सदाडडऊलयं ^७ , बहुजणं ^८ 'अव्यत्तं ^९ तस्सेवी' ^{१०} [दारगाहा] | ॥२१॥ |
| वेयावच्चाडडईहिं, पुव्वं आकंपइत्तु आयरियं । आलोएइ कहं मे, थेवं वियरेज्ज पच्छित्तं | ॥२२॥ |
| तथाहि— | |
| भतेण व पाणेण व, उवगरणेणं च कीइकम्मणेणं । आकंपेऊण गणिं, करेइ आलोयणं कोई | ॥२३॥ |
| आलोइयं असेसं, होही काही अणुगहमिमो ति । इय आलोइंतस्स उ, पढमो आलोयणादोसो | ॥२४॥ |
| नाऊण विसं पुरिसो, जह को वि पिवेज्ज जीवियडत्थी उ । मन्नंतो हियमडहियं, सल्लविसोही तहेसा वि | ॥२५॥ |
| किं एस उग्गदंडो, मिउदंडो व ति एवमडणुमाणे । अहव अबलो ति थेवं, पच्छित्तं मज्झ देज्जाहि | ॥२६॥ |
| धन्ना ते भगवंतो, सुट्ठ ^२ निसट्ठं च जे कुणंति तवं । वयइ निहीणो खु अहं, जं न समत्थो तवं काउं | ॥२७॥ |
| जाणह य मज्झ थामं, गहणीदोबल्लया अणाडडरोगं । तुम्ह पभावेण इमं, सोहिं बहु नित्थरिस्सामि | ॥२८॥ |
| अणुमाणेऊण गुरुं, एवं आलोयणं तओ पच्छा । कुणइ ससल्लो ता सो, बीयो आलोयणादोसो | ॥२९॥ |
| गुणकारओ ति भुंजइ, जहा सुहडत्थी अपत्थमाडडहारं । पच्छा विवागकडयं, सल्लविसोही तहेसा वि | ॥२०॥ |
| दिट्ठा उ जे परेणं, दोसा वियडेइ ते च्चिय न अन्ने । सोहिभया जाणंतु व, एसो एयाडचराहो ति | ॥२१॥ |
| मोहेण मोहियमई, अदिट्ठं सव्वहा निगूहेतो । आलोएइ जं तं, तईओ आलोयणादोसो | ॥२२॥ |
| जह चालुयाए अवडो, पूरइ उक्कीरमाणओ चेव । तह कम्माडडयाणकरी, सल्लविसोही इमा होइ | ॥२३॥ |
| बायरवडुडयराहे, जो आलोएइ सुहुमए नेय । अहवा सुहुमे वियडइ, वरमन्नंतो उ एवं तु | ॥२४॥ |
| जो सुहुमे आलोयइ, सो किह नाडडलोए बायरे दोसे । अहवा जो बायरए, वियडइ सो किं न सुहुमे उ | ॥२५॥ |
| बायरमाडडलोएइ, वयभंगो जत्थ जत्थ से जाओ । पच्छाएइ य सुहुमं, चउत्थओ वियडणादोसो | ॥२६॥ |
| जह कंसियभिगारो, अंतो मइलो वि सुद्धओ बाहिं । अंतो ससल्लदोसा, सल्लविसोही तहेसावि | ॥२७॥ |
| ^२ केवलइ च्चिय सुहुमे, आलोयइ थूलए उ गोवेइ । भयमयमायासहिओ, भवइ य सो पंचमो दोसो | ॥२८॥ |
| रसपीयलं व कडयं, जह वा जुत्तीसुवन्नकडयं च । जह व जउपूरकडयं, सल्लविसोही तहेसा वि | ॥२९॥ |
| जइ मूलगुणे उत्तर-गुणे य कस्सइ विराहणा होज्जा । पढमे बीए तइए, चउत्थए पंचमे च वए | ॥३०॥ |
| को तस्स दिज्जइ तवो, इय पच्छन्नं पपुच्छित्तं कुणइ । सयमडवि पायच्छित्तं, छट्ठो आलोयणादोसो | ॥३१॥ |
| अहवा आलोइंतो, छन्नं आलोयए जहा नवरं । निसुणेइ अप्पण च्चिय, न परो छट्ठो भवइ एवं | ॥३२॥ |
| मयतण्हाओ उदयं, इच्छइ कूरं व चंदपरिवेसे । जो सो इच्छइ सोहिं, अकहेता अप्पणो दोसे | ॥३३॥ |
| पक्खिय-चाउम्मासिय-संवच्छरिएसु सोहिकालेसु । सदाडडउले कहेइ, दोसे सो होइ सत्तमओ | ॥३४॥ |
| अरहट्टघडीसरिसी, अहवा ^४ बुंदंछिओवमा होइ । भिन्नघडसरिच्छा वा, सल्लविसोही इमा तस्स | ॥३५॥ |
| एक्कस्साडडलोइत्ता, जो आलोए पुणो वि अन्नस्स । ते चेव उ अवरारे, तं होइ बहुजणं ना | ॥३६॥ |
| आलोइऊण गुरुणो, पायच्छित्तं पडिच्छित्तं ततो । तमडसदहओ पुच्छइ, अन्नछन्नं अट्टमो दोसो | ॥३७॥ |

1. अच्छन्त पाठां० । 2. निसट्ठं = प्रचुरम् । 3. केवलइ = केवलान् । 4. बुंदंछिओवमा = यथा वृन्दे क्षुत्तं न गण्यते तथा इति प्रतिभाति B ।

पउणो वणो ससल्लो, जह संतावेइ आउरं पच्छा । तिच्चसहिं वेयणाहिं, सल्लविसोही तहेसा वि ॥३८॥
जो सुयपरियाएहिं, अब्बतो तस्स निययदुच्चरियं । आलोयंतस्स फुडं, णवमो आलोयणादोसो ॥३९॥
कूडहिरन्नं जह निच्छएण, दुज्जणकया जहा मेत्ती । पच्छा होइ अपत्थं, सल्लविसोही तहेव इमा ॥४०॥
ते चेव जोउचराहे, सेवइ सूरी स होइ तस्सेवी । तस्स समीये एसो, मम समदोसो ति नो दाही ॥४१॥
अइगरुयं मह दंडं ति, मोहओ संकिलिद्धभावस्स । आलोयंतस्स भवे, दसमो आलोयणादोसो ॥४२॥
लोहियदूसियवत्थं, थोचइ जह कोवि लोहिएणव । सोहीकएण मूढो, सल्लविसोही तहेव इमा ॥४३॥
पवयणनिहवयाणं, जह दुक्करयं तवं करेताणं । दूरं खु सिद्धिगमणं, सल्लविसोही तहेसा वि ॥४४॥
इय दस वि इमे दोसे, सो भयलज्जाओ माणमायाओ । निज्जुहिता, सुद्धं करेइ आलोयणं खवगो ॥४५॥
नट्ट^१चलवलियगिहिभास-मूयडडुडरसरं च मोत्तूण । आलोएइ स धन्नो, सम्मं गुरुणो अभिमुहत्थो ॥४६॥
इय जेणं दायव्वा, सविचक्खो सो समासओ भणिओ । जे य अदाणे दोसा, तीए ते संपयं वोच्छं ॥४७॥
लज्जाए^२ गारवेण^३ य, बहुस्सुयमएण या वि^३ दुच्चरियं । जे न कहेति गुरुणं, न हु ते आराहगा होंति ॥४८॥
जाए कहिंचि खलिये, लज्जा नो^२ वियडणाए कायव्वा । सा णवरं करणीया, अकिच्चपडिसेवणे णिच्चं ॥४९॥
आहरणं जुवरन्नो, सागारियरोगअकहणं वेज्जे । लज्जाए रोगवुड्ढी, न भोग मरणं उवणओ उ ॥५०॥
जुवरायसमा साहु, सागारियरोगतुल्ल अवराहा । अकहण-वेज्ज-समा पुण, एत्थमडणाडडलोयणाडडयरिया ॥५१॥
लज्जाए होइ तुल्ला, रोगविचड्ढी उ अचरणविचुड्ढी । सुरमणुएसु न भोगा, असई मरणं तु संसारो ॥५२॥
अहवा लज्जावसओ, सम्ममडकहणम्मि जो भवे दोसो । लज्जाचागे य गुणो, दिट्ठतो तत्थ विप्पसुओ ॥५३॥
तथाहि—

‘कपिलविप्रदृष्टान्तः’

उज्जाणभवणदीहिय-सुरगिहवावीतडागरमणिज्जे । नीसेसजयपसिद्धे, पाडलिपुत्तम्मि नयरम्मि ॥५४॥
वेयपुराणविद्याणग-दियप्पहाणो पसिद्धिपतो य । कयिलो नामेण दिओ, अहेसि धम्मज्जयमई उ ॥५५॥
सो य मयमत्तरमणी-कडक्खमिव भंगुरं भयसरुवं । पवणाडडहयंतूलं पिव, तरलं तारुन्नलायन्नं ॥५६॥
मुहमहुरमंडतविरसं, किंपागफलं च विसयसोक्खं पि । निबिडतरबंधणं पिव, सब्बं पि हु सयणसम्बन्धं ॥५७॥
नियबुद्धीए परिभा-विऊण परिचतगेहपडिबन्धो । एगम्मि वणनिगुंजे, तावसदिकखं पवन्नो ति ॥५८॥
समयनिदंसियविहिपुव्वयं च, विविहं करेइ तवचरणं । फलमूलकंदमाडडईहिं, समुचियं पाणवित्तिं च ॥५९॥
अह एगया गओ सो, ण्हाणणिमित्तं णईए तीरम्मि । पेच्छेइ मच्छमंसं, भक्खंतं मच्छिए पावे ॥६०॥
तो पावसीलयाए, बाढं जिम्भिंदियस्स पवलता । तम्मंसभक्खणम्मि, महई वंछा समुप्पन्ना ॥६१॥
ततो तं मग्गिता, आकंठं जेमिओ स तेहितो तब्भुंजणे य जाओ, अजेन्नदोसा जरो घोरो ॥६२॥
तस्स चिगिच्छनिमित्तं, कुसलो वेज्जो पुराओ वाहरिओ । पुट्ठो य तेण पुव्वं, तुमए किं भद्द! भुत्तं ति ॥६३॥
लज्जाए य जहट्टिय-मडकहितेणं पयंपियं तेणं । तं भुत्तं जं भुंजंति, तावसा कंदफलमाडडई ॥६४॥
एवं कहिए वेज्जेण, वायदोसुब्भवं जरं नाउं । तदुवसमकरी किरिया, कया गुणो को वि नो जाओ ॥६५॥
पुणरवि पुट्ठेण तहेव, तेण लज्जावसेण सिट्ठम्मि । वेज्जेणं सविसेसा, स च्चिय किरिया कया णवरं ॥६६॥
विचरीयचिगिच्छाए, अच्चंतं वेयणाए अक्कंतो । मरणभयवेविरंउगो, एगंते वज्जिउं लज्जं ॥६७॥
सो मूलाओ वेज्जस्स, कहेइ सब्बं पि मंसवुत्तंतं । तो विज्जेणं भणियं, हा मूढ! किमेत्तियदिणाणि ॥६८॥
संतावं उवणीओ, अप्पा एवं ति संपयं पि तए । लट्ठं चिय भद्द! कयं, रोगनिमित्तं जमुवइट्ठं ॥६९॥
ता मा भाहिसि एत्तो, तह काहं जह निराडडमओ होसि । तो तदुचियं चिगिच्छं, पजुंजिउं सो कओ पगुणो ॥७०॥
इय एयनिदंसणओ, लज्जं मोत्तूण जं जहा विहियं । तं तह आलोइंतो, परमं आरोग्गयं लभइ ॥७१॥
नो गारवपडिबंधो, कायव्वो अवि य चरणपडिबंधो । गारवरहिया मुणिणो, थिरचरणा जं गया मोक्खं ॥७२॥
^३इडडाडडुडगारवेसुं, दोग्गइमूलेसु जे उ पडिबद्धा । वियडंति नाउचराहे, मा अम्ह इमे न होहिंति ॥७३॥
ते अथिरकायमणिए, काऊण पिए जडाडवमन्नंति । निरुवमसुहसंजणयं, निच्चं चिंतामणीरयणं ॥७४॥

| | |
|------------------------------------------------------------------------------------------------------------------------------------------------------------------------------------------------|--------|
| ता चत्तगारवेणं, जिइंदियेणं कसायरहिणं । रागदोसयिमुक्केण, वियडणा होइ कायव्वा | ॥७५॥ |
| जाणामि जहा सम्मं, पच्छित्तमडहं तथा णु को अत्तो । को वा बहुस्सुओ मे, मएण इय जो न वियडेइ | ॥७६॥ |
| दुच्चरियं अत्तेसिं, पमायओ सम्मकिरियपरिहीणो । वेज्जो च न सो पावो, पावइ आराहणाडडरोगं | ॥७७॥ |
| जह कोई रोगिवेज्जो, अकहिय अत्तेसि नाणगव्वेण । रोगं तब्बाहाए, सयक्यकिरिओ हु विणट्ठो | ॥७८॥ |
| तह चेव य गव्वाओ, नासं पावेति आणओ चेव । जे न अवरारोहो, सम्मं वियडेति अत्तेसिं | ॥७९॥ |
| छत्तीसगुणजुएण वि, जम्हा एसा अवस्सकायव्वा । परसक्खिय च्विय सया, सुट्टु वि वयहारकुसलेणं | ॥८०॥ |
| दंसणनाणचरित्ताडड-यारा अट्टुडट्टुभेयभिन्ना तो । बारसविहतवजुत्ता, छत्तीसगुणा य इय होति | ॥८१॥ |
| वयछक्काडडई अट्टारसेव, आयारवाइ अट्टेव । पच्छित्तदसगमेए, अहवा छत्तीससुरिगुणा | ॥८२॥ |
| तह पवयणमायासमण-धम्मवयछक्ककायछक्काडडई । अट्टदसडट्टारसभेय-ओ गुणा होति छत्तीसं | ॥८३॥ |
| आयारवमाडडइया, अट्ट गुणा दसविहो य ठियकप्पो । बारसतव छाडडवासय-छत्तीसगुणा इमे अहवा | ॥८४॥ |
| इय बहुभेयछत्तीसगुण-गणाडलांकिएण वि विसोहि । परसक्खिय च्विय सया, कायव्वा मोक्खसोक्खकए | ॥८५॥ |
| जह कुसलो वि हु वेज्जो, अन्नस्स कहेइ अप्पणो चाहिं । सोऊण तस्स वेज्जस्स, सो वि किरियं समाडडरभइ | ॥८६॥ |
| एवं जाणंतेण वि, पायच्छित्तविहिमडप्पणो सम्मं । तहवि य पागडतरयं, आलोएयव्वयं गुरुणो | ॥८७॥ |
| आलोयणं अदाउं, सइ अन्नमि वि तहडप्पणो दाउं । जे वि हु करंति सोहिं, ते वि न आराहणा होति | ॥८८॥ |
| एतो च्विय सोहिकए, गीयस्सडत्तेसणा उ उक्कोसा । जोयणसयाणि सत्त उ, बारस वरिसाणि कायव्वा | ॥८९॥ |
| आलोयणाअदाणे, दोसा इइ वन्निया समासेणं । वोच्छामि अओ उडढं, जे उ गुणा होति दाणमि | ॥९०॥ |
| लहुया ^१ ल्हाईजणणं ^२ , अप्पपरनियत्ति ^३ अज्जवं ^४ सोही ^५ । दुक्करकरणं ^६ विणयो ^७ , निस्सल्लतं ^८ च सोहिगुणा | ॥९१॥ |
| इह कम्मचओ भारो भंजइ जीवे स जेण अच्चत्थं । भग्गा य तेण सिवगइ-गमणमि ण पच्चला होति | ॥९२॥ |
| वियडंतस्स उ दोसे, असंकिलिट्टस्स सुद्धभावस्स । सो परिहायइ बहुसो, पुव्वचिओ कम्मगुरुभारो | ॥९३॥ |
| तह भावओ य गुरुई, चारित्तगुणे पडुच्च जीवाणं । सिवगतिकारभूआ, जायइ परमत्थओ लहुया | ॥९४॥ |
| जह जह सुद्धसहावो, दोसे वियडेइ सम्ममुवउत्तो । तह तह पल्हाइ मुणी, नचनवसंवेगसद्धाओ | ॥९५॥ |
| पत्तो मया सुवेज्जो, दुलहो एसो य भाववाहिमि । लज्जाडडइया य तुच्छा, चाहिस्स विवड्ढया घोरा | ॥९६॥ |
| ता वियडिऊण सम्मं, इमस्स चलणंतियमि धन्नस्स । काहामि अप्पमतो, भवदुक्खनिवारणिं किरियं | ॥९७॥ |
| तह वियडिए य ल्हाई, उप्पज्जइ एव सुद्धभावस्स । धत्तो हं भवगहणे, जेण मए सोहिओ अप्पा | ॥९८॥ |
| न कुणइ अओडवराहे, चरणाउं लज्जओ य किच्चाणं । पायच्छित्तभएण य, नियत्तिओ एवमडप्पा उ | ॥९९॥ |
| दट्टुण तं सुसाहुं, एव जयंतं परे वि भयभीया । न कुणंति अकिच्चाइं, सेवंति य नवरं किच्चाइं | ॥५०००॥ |
| अप्पपरनियत्तीए, एवं सपरोवयारभावो उ । न य सपरुवगाराउ, महल्लतरयं गुणट्टाणं | ॥११॥ |
| आलोयणाए अज्जव-सोहीओ परमनेव्वुइकरीओ । भवभयनिवारणीओ, पन्नता वीयरारोहिं | ॥१२॥ |
| सोही उज्जुयभूयस्स, धम्मो सुद्धस्स ^१ चेट्टइ । निव्वाणं परमं जाइ, घयसित्ते व्व पावए | ॥१३॥ |
| णियडीकिलिट्टचित्तो, बंधइ कम्मं किलिट्टमेव बहुं । जीवो पमायबहुलो, किलिट्टकम्मस्स य नियाणं | ॥१४॥ |
| अइसंकिलिट्टकम्माडणु-वेयणे जो उ होइ परिणामो । सो संकिलिट्टकम्मस, कारणं जमिह पाएणं | ॥१५॥ |
| ततो य भवविचड्ढी, तओ य दुक्खाइं णेगभेयाइं । इइ संकिलेसमूलं, नियडि च्विय होइ नायव्वा | ॥१६॥ |
| उम्मूलणेण तीसे, संजायइ अज्जवं जओ तेण । आलोयण दायव्वा, सोहिनिमित्तं च जीवस्स | ॥१७॥ |
| दुक्करकरणं च इमं, जं सेविज्जइ सुहं पमाएण । दुक्खं आलोइज्जइ, जहट्टियं कम्मदोसाओ | ॥१८॥ |
| लज्जाअभिमाणाडडइ-महाबले णेगभवसयडब्भत्थे । वियडंति जे अगणिउं, ते दुक्करकारया लोए | ॥१९॥ |
| पाविति वि ते चेव य, अकलंकाडडराहणं महासत्ता । भवसविचागमहणिं, जे आलोयति इय सम्मं | ॥१९०॥ |
| तित्थयराडडणापालण-गुरुजणविणओ य सेविओ होइ । आलोयणापयाणे, सम्मं नाणाडडइविणओ य | ॥१९१॥ |
| विणओ सासणे मूलं, विणीओ संजओ भवे । विणयाओ विप्पमुक्कस्स, कओ धम्मो कओ तवो | ॥१९२॥ |

जम्हा विणयइ कम्मं, अट्टविहं चाउरंतमोक्खाए । तम्हा उ वयंति विऊ, विणयो ति विलीणसंसारा ॥१३॥
जं जायइ निस्सल्लो, नियमा आलोइऊण जइमत्थो । नो अन्नहति तम्हा, निस्सल्लतं गुणो तीए ॥१४॥
न हु सुज्झइ ससल्लो, जह भणियं सासणे धुरयाणं । उद्धरियसव्वसल्लो, सुज्झइ जीवो धुयकिलेसो ॥१५॥
तो उद्धरंति गारव-रहिया मूलं पुणब्बवलयणं । मिच्छादंसणसल्लं, मायासल्लं नियाणं च ॥१६॥
उद्धरियसव्वसल्लो, आलोइयनिंदिओ गुरुसयासे । होइ अइरेगलहुओ, ओहरियभरो व्व भारवहो ॥१७॥
आलोयणागुणा खलु, इइ एवं वन्निया समासेणं । एत्तो जह दायव्वा, तह वोच्छं तत्थिमा मेरा ॥१८॥
वक्खेवविरहिणं पसत्थदव्वाडडइजोगं सुदिसाए । विणएणं मुज्जुणाडडसे-वणाडडइलोमेण छस्सवणा ॥१९॥
वक्खेवविरहिणं, निच्चं चिय जइजणेण होयव्वं । मोतूण संजमपयं, विसेसओ वियडणाए उ ॥२०॥
विहिं तिहिं वा दिवसेहिं, दायव्वाडडलोयण ति तो सम्मं । सुतविउद्धो हियए, अचराहपए निवेसेज्जा ॥२१॥
तो ऋजुभावमुवगओ, सव्वे दोप्पे सरित्तु तिक्खुत्तो । लेसाहिं विसुज्झंतो, उवेइ सल्लं समुद्धरिउं ॥२२॥
पच्चाडडगयसवेगो, सम्मं वियडेज्जे तह जहा कम्मं । परिणामविसेसेणं, छिंदेज्ज भवंतरकयं पि ॥२३॥
दव्वाडडइया य चउरो, एक्केक्क दुहा पसत्थमडपसत्था । अपसत्थे वज्जेउं, पसत्थाएसुं तु आलोए ॥२४॥
अमणुन्नधन्नरासी, अमणुन्नदुमा य होति दव्वम्मि । खेतम्मि भग्गझामिय-घरऊसरपमुहठाणाइं ॥२५॥
काले दइढतिही तह, अमावसा अट्टमी य नवमी य । छट्ठी य चउत्थी बा-रसी य दोण्हं पि पक्खाणं ॥२६॥
तह संझागयरविगय-पमोक्खनक्खत्तअसुहजोगा य । भावे य रागदोसा, पमायमोहाडडदओ अहवा ॥२७॥
एएसुं नाडडलोए, आलोएज्जासु तच्चिवक्खेसु । दव्वे सुवन्नमाडडईसु, खीरदुमाडडईसु चाडडलोए ॥२८॥
उच्छुवणे सालिवणे, चेइहरे चेव होइ खेतम्मि । गंभीरसाडणुनाए, पयाहिणाडडवत्तमुदए य ॥२९॥
पुव्वुत्तसेसतिहिरिक्ख-करणजोगाडडइए सुकालम्मि । भावे मणाडडइपसमे, उच्चाडडइठिएसु य गहेसु ॥३०॥
सोमग्गहलग्गोसु व, पुत्तेसु पसत्थभावजणगेसु । सुहदव्वाडडइसमुदओ, जोगो पुण एत्थ विन्नेओ ॥३१॥
सुदिसाओ पुण पुव्वुत्तराउ, अहवा चरंति जिणमाडडई । जा नवपुव्वी जीए, जीए जिणचेइयाइं वा ॥३२॥
तत्थ —

जइ पुव्वमुहाडडयरिओ, तो इयरो ठाइ उत्तराडभिमुहो । अह उत्तरआयरिओ, तो इयरो ठाइ पुव्वमहो ॥३३॥
पाईणोदीणमुहो, चेइयहुतो व्व सुहनिसन्नो य । आलोयणं पडिच्छइ, परोययारेक्करसियमणो ॥३४॥
भत्तिबहुमाणपुव्वग-मुचियं दाऊणमाडडसणं गुरुणो । काऊण य किइकम्मं, कयंउजली अभिमुहो य ठिओ ॥३५॥
संविग्गभवुच्चिग्गो, विसयविरत्तो य सो महासत्तो । उक्कोसेणुक्कुडुओ, जइ पुण अरिसाडडइरोगत्तो ॥३६॥
बहुपडिसेवी य भेव, अणुन्नवेउं तओ निसेज्जगओ । भत्तिविणउत्तमंगो, वियडेज्जा अवितहं सव्वं ॥३७॥
जह बालो जंपंतो, कज्जमडकज्जं च उज्जुओ भणइ । तं तह आलोएज्जा, मायामयविप्पमुक्को य ॥३८॥
दुविहेणडणुलोमेणं, आसेवणवियडणाडभिहाणेणं । आसेवणाडणुलोमं, जं जह आसेवियं वियडे ॥३९॥
आलोयणाडणुलोमं, गुरुगडवराहे उ पच्छओ वियडे । पणगाडडइणा कमेणं, जह जह पच्छित्तवुड्डीओ ॥४०॥
तह आउट्टियदप्प-प्पमायओ कप्पओ य जयणाए । कज्जे वा जयणाए, जहट्टियं सव्वमाडडलोए ॥४१॥
चउसवणा साहूणं, छस्सवणा साहूणीण नायव्वा । सा पुण गुरुम्मि वुड्ढे, वुड्ढाए अप्पबीयाए ॥४२॥
होइ तह अट्टसवणा, तरुणम्मि गुरुम्मि अप्पबीयस्स । अप्पबीयाए देया, तरुणीए थेरिसहियाए ॥४३॥
जह दायव्वा तह वन्निया उ, आलोयणा समासेणं । एत्तो उ अणेगविहं, आलोएयव्वयं वोच्छं ॥४४॥

‘आलोचयितव्यविषयद्वारम्’ —

तं पुण नाणदंसण-चरणतवोविरियभेयभिन्नस्स । पंचविहाडडयारस्स उ, वितहपवितीए नायव्वं ॥४५॥
तत्थ समत्थपयत्थ-प्पयासणे सरयसूरसरिसस्स । अइसयनिहिणो नाणस्स, भयवओ भुवणमहियस्स ॥४६॥
जो को वि हु अइयारो, कालाडडइसु वितहसेवणाजणिओ । सो कुसलसल्लभूओ, आलोएयव्वओ सम्मं ॥४७॥
सन्नाणलच्छिविच्छु-थारगाणं च पुरिससीहाणं । तह नाणाडडधाराणं, पोत्थयपडपट्टियाडडईणं ॥४८॥
चरणाडडइघट्टणेणं, हीलाकरणेण अविणएणं वा । जो अइयारो विहिओ, आलोएयव्वओ सो वि ॥४९॥

| | |
|--------------------------------------------------------------------------------------------|------|
| एवं ख्रु दंसणम्मि वि, संकाडडईण कंहं पि करणेण । उववूहणाडडइयाण य, पमायदोसा अकरणेण | ॥५०॥ |
| तह पवयणप्पभावग-पुरिसविसेसाण जणपसिन्दाणं । पावयणियपमुहाणं, उचियपवित्तीअकरणेण | ॥५१॥ |
| सम्मत्तनिमित्ताणं, तहेय जिणभयणविम्बमाडडईणं । जिणसिद्धसुरिवायगा-समणाण तवस्सिणीणं च | ॥५२॥ |
| सावयसुसाविगाण य, अच्चाडडसायणअवन्नमाडडईहिं । जो विहिओ अइयारो, सो वि हु आलोयणाविसयो | ॥५३॥ |
| चरणम्मि वि मूलुत्तर-गुणरूवे समिडगुत्तिरूवे य । जो अइयारो सो वि हु, आलोएयव्वओ तत्थ | ॥५४॥ |
| छज्जीयनिकायाणं, घट्टणपरितावणाए उद्वणे । पाणाडडइवायथिरमण-विसयो संभवइ अइयारो | ॥५५॥ |
| एवं बीयवयम्मि वि, कोहेणं माणमार्यलोभेहिं । हासेण भएणं वा, तहाविहाडसच्चवयणम्मि | ॥५६॥ |
| पहुणा जमडदिन्नाणं, सच्च्यताडचित्तमीसदव्वाणं । हरणं तं तइयव्वय-गोयरमडइयारमडवगच्छ | ॥५७॥ |
| सुरतिरियनरित्थीणं, पत्थणअहिलसणसेवणाडडईहिं । तुरियवए अइयारं, आलोएयव्वयं जाण | ॥५८॥ |
| देसकुलगिहत्थेसुं, अइरित्तुवहिम्मि जो अइयारो । चरिमवए अइयारो, सो वि हु आलोयणाजोग्गो | ॥५९॥ |
| दियगहियाडडइचउहा, निसिभत्तवयम्मि जो अइयारो । सुगुरुसमीवे सो वि हु, सम्मं आलोयणाअरिहो | ॥६०॥ |
| उत्तरगुणे य पिडग्गहम्मि, अहवा वि भिक्खुपडिमासु । भावणवारसगम्मि, दव्वाडडइअभिग्गहेसुं च | ॥६१॥ |
| पडिलेहणापमज्जण-पत्तुअहिनिसीयणाडडइविसयम्मि । जो अइयारो विहिओ, सो वि हु आलोयणिज्जो तो | ॥६२॥ |
| ईरियाए* अणुयओगे, सावज्जोहारिणीए भासाए । अविमुद्धभत्तपाणाडडइ-गहणओ एसणाए वि | ॥६३॥ |
| अप्पडिलेहपमज्जिय-भंडगउवगरणगहणनिकक्खेवे । उच्चारार्इणमडयं-डिले वि जह तह य परिद्ववणे | ॥६४॥ |
| इय* पंचसु समिईसुं, गुत्तीसु य तीसु जो अइयारो । जाओ पमायओ को वि, सो वि आलोयणाअरिहो | ॥६५॥ |
| इय रागाडडइवसेणं, नट्टविवेगेण असुहलेसेणं । जं कलुसियं चरित्तं, तं सइ आलोयणिज्जं तु | ॥६६॥ |
| एवं तवम्मि अणसण-माडडइपयारेहिं बज्झरूवम्मि * अम्भित्तरम्मि वि तहा, पायच्छिताडडइभेएहिं | ॥६७॥ |
| सत्तीसम्भावम्मि वि, जमडणायरणं कवं पमाएणं । सो होइ अइयारो, आलोएयव्वओ नियमा | ॥६८॥ |
| विरिए वि हु अइयारं, सपरक्कमगोवणेण किच्च्वेसु । सिवगइनिबंधणेसुं, आलोएयव्वयं जाण | ॥६९॥ |
| रागदोसकसाओ-वसग्गइंदियपरिसहट्टेण । जं दुट्टु वट्टियं तं पि, संममाडडलोइयव्वं ति | ॥७०॥ |
| मंदाडवधारणत्तेण, जे य नो सुमरणापहे ठंति । असढस्स तस्स ओहेण, ते वि आलोइयव्वा उ | ॥७१॥ |
| एवं विचित्तभेयं, आलोएयव्वयं तु निदिट्ठं । जह सा दवावियव्वा, गुरुणा तह संपयं वोच्छं | ॥७२॥ |
| पुव्वुत्तो चेव गुरु, णवरं जो तत्थ होइ आगमिओ । पडिवज्जिहि ति नाउं, पम्हुट्टे सारणं कुणइ | ॥७३॥ |
| जो पुण नो पडिवज्जइ, सुट्टुवि जत्तेण सासिओ तं तु । नो सारेइ भयवं, जम्हा सो सारणवसेण | ॥७४॥ |
| गच्छं पि परिचएज्जा, गुणगणपरिमंडियं तु लज्जाए । अहवा होज्ज गिहत्थो, मिच्छंत वा वि गच्छेज्जा | ॥७५॥ |
| गुणदोसे मुणिकुणं, इच्छइ आलोयणं पुणो पच्छ । चोएइ देसकाले, सम्मं पडिवज्जिही जम्मि | ॥७६॥ |
| एगंतेण अजोगं, मुणिकुणं अहव नो पडिच्छेइ । तह जह से न वि जायइ, सुहुमं पि अपत्तियं किंपि | ॥७७॥ |
| इयरे य सुयाडडईया, आलोयावैति ते पुण तिख्रुत्तो । सरिसडत्थअपलिउंत्तिं, आगाराडडईहिं नाऊण | ॥७८॥ |
| आगारेहिं सरेहिं, पुव्वाडवरवाहयाहिं य गिराहिं । पलिउंत्तिस्स सरूवं, कुसला पाएण जाणंति | ॥७९॥ |
| जो सम्मं नाडडलोए, तस्सडणुसट्टिं पुणो पजुंजंति । तह वि हु अठायमाणे, कारणओ नवरि पडिसेहो | ॥८०॥ |
| आह न छउमत्थेणं, पडिच्छियव्वे वि चियडणा नेय । दायव्वं पच्छित्तं, नाणस्स अभावओ सम्मं | ॥८१॥ |
| परिणामहेउकम्मं, न य नज्जइ कस्स केरिसो सो य । निच्छयओ अन्नाए, तम्मि य कम्मं पि तेण समं | ॥८२॥ |
| भन्नइ जह छउमत्थो वि, आगमे कयपरिस्समो वेज्जो । दिट्ठकिरिओ य रोगं, अवणेइ तहेव एसो वि | ॥८३॥ |
| इय जह दवावियव्वा, गुरुणा आलोयण ति तह भणिया । पच्छित्तदारमेत्तो, समासओ संपवक्खामि | ॥८४॥ |
| दसविहपायच्छित्तं, आलोयणमाडडइयं मुणेयव्वं । जो तत्थ जेण सुज्झइ, अइयारो तं तदडरिहं तु | ॥८५॥ |
| आलोयणेण सुज्झइ, अइयारो को वि को वि पडिकमणे । मिस्सेण को वि तां जाव, को वि पारंचिएणं ति॥८६॥ | ॥८६॥ |
| पच्छिताइं चरंतस्स, सुद्धचित्तस्स अप्पमायाओ । जायइ पावविसुद्धी, भुज्जो तदडकरणसत्तस्स | ॥८७॥ |
| तम्हा बज्झाडवन्तर-करणसमग्गेण धम्मिएणेह । निच्चं चिय होयव्वं, न अन्नहागाहजुत्तेणं | ॥८८॥ |

पच्छित्तदारमेवं, कमपत्तं वन्नियं समासेण । फलदारमडओ वोच्छं, चोएइ य चोयगो तत्थ ॥८९॥
 आलोयणाए पुच्चं, जे चेव गुणा पवन्निया इहइं । तयडणंतरभावाओ, ते चेव फलं किमेएण? ॥९०॥
 भन्नइ न एत्थ दोसो, ते चेवाडणंतरं फलं किंतु । इहइं परंपरफलं, पडुच्च दारस्सुवन्नासो ॥९१॥
 तं पुण इमीए भणियं, जिणेहिं जियरागदोसमोहेहिं । मोक्खो सारीयेर-दुक्खक्खयओ सयासोक्खो ॥९२॥
 सम्मतनाणचरणा, तवो य जं मोक्खहेयवो भणियो । सइ चरणम्मि य नियमा, हवन्ति सम्मतनाणाइं ॥९३॥
 तस्स य पमायदोसा, मालिन्नमुवागयस्स संतस्स । भवसयसहस्समहणी, कीरइ सोही इमाए उ ॥९४॥
 सुद्धचरणो य साहू, जयमाणो अप्पमायवं धीरो । खविऊण कम्मसेसं, अचिरा वरकेवलमुवेइ ॥९५॥
 संपत्तकेवलो पुण, तेणेव भवेण नीरओ भयवं । असुरसुरमणुयमहिओ, उवेइ मोक्खं सयासोक्खं ॥९६॥
 एवं पच्छित्तफलं, लेसुद्धेसेण किंपि उवइइं । तब्भणणा पुण भणियं, पत्थुयमाडडलोयणविहाणं ॥९७॥
 एयं च सम्ममडवगम्म, खवगः परिचत्तअत्त^२उक्कोसो । उक्कोसं आराहण-विहाणमडभिलसिउकामो सो ॥९८॥
 ठाणाडडइसु अइयारं, अणुमेत्तं पि हु समुद्धरसु धीर! । अकयप्पडियारो विस-लवो वि मारेइ णियमेण ॥९९॥
 थेवो वि हु अइयारो, पायं जं होइ बहुअणिट्टफलो । एत्थं पुण आहरणं, विन्नेयं सूरतेयनिवो ॥५१००॥
 तहाहि — “सुरतेजनरसुन्दरयोः दृष्टान्तः”

पउमावईए पुरीए, विविहडच्छेरयनिवासभूयाए । राया अहेसि नामेण, विस्सुओ सूरतेओ ति ॥११॥
 निककवडपेमधरणो नामेणं धारणी उ से भज्जा । तीए समं नरवइणो, विसयसुहं भुंजमाणस्स ॥१२॥
 उचियसमयाडणुरुवं, जणवयकज्जं च चिंतयंतस्स । धम्मडत्थं पि हु परिभा-विरस्स वच्चन्ति दियहाइं ॥१३॥
 अह एगम्मि अवसरे, सुयसागरपारगो जयपसिद्धो । पुरबहिया उज्जाणे, एगो सूरि समोसरिओ ॥१४॥
 तस्साडडगमणं सोउं, राया पुरिपवरलोयपरियरियो । करिकंधराडधिरुद्धो, सिरोवरिं धरियसियछतो ॥१५॥
 पासडियतरुणीयण-करचालियचारुचामरुप्पीलो । सहरिसपुरपरिसप्पिर-मागहगिज्जंतगुणनिवहो ॥१६॥
 अरिहंतधम्मसवणडत्थ-माडडगओ तम्मि चेव उज्जाणे । नमिउं च सूरिचरणे, उचियपएसम्मि आसीणो ॥१७॥
 अह मुणिवइणा नाऊण, जोग्गयं सजलमेहगहीराए । वाणीए सुद्धसद्धम्म-देसणा काउमाडडरद्धा ॥१८॥
 जहा —

परियट्टिऊण जीवा, सुचिरं भवसायरे अपारम्मि । कहकहवि कम्मलहुय-तणेण पावन्ति मणुयत्तं ॥१९॥
 पत्ते वि तम्मि हीण-तणेण खेतस्स होन्ति निद्धम्मा । पवरे वि तम्मि जाती-कुलवियला किं पकुच्चन्ति ॥१०॥
 उत्तमजाइकुला वि हु, रुचाडडरोग्गाडडइगुणगणविउत्ता । न खमन्ति किंपि काउं, छायापुरिस व्व सुहमडत्थं ॥११॥
 रुचाडडरोग्गाडडईहिं पि, संगया थोयआउयतेण । नेवाडवत्थाणं पा-उणन्ति जलबुब्बुय व्व चिरं ॥१२॥
 सुचिराडडउणो वि बुद्धी-सवणोग्गहविरहिया हियडत्थेसु । विमुहा के वि हु मूढा, अच्चन्तं विसमसरविहुरा ॥१३॥
 ततोवएसयं सुह-गुरुं पि वेरिं च दुज्जणजणं व । मन्नता विसएसु, अणवरयं पि हु पयट्ठन्ति ॥१४॥
 ते य तह संपयट्ठा, विविहाहिं आचयाहिं परियरिया । मरणमुवन्ति अवंति-निवो व्व विहलियमणुस्सभया ॥१५॥
 अन्ने पुण कुसलमईए, मुणियविसयत्थसोक्खविगुणत्ता । नरसुंदरो व्व दढधम्म-बद्धलक्ख्खा लहुं होन्ति ॥१६॥
 अह सूरतेयरन्ना, विम्हियहियएण पुच्छियं भन्ते! । कोडयमडवंतीनाहो, को वा नरसुंदरो एसो ॥१७॥
 गुरुणा भणियं नरवर!, कहेमि सम्मं तुमं निसामेसु । धरणियलमंडणाए, नथरीए तामलित्तीए ॥१८॥
 कोवम्मि जमो कित्तीए, अज्जुणो भुयजुयम्मि बलभदो । एगो वि अणेगो इव, राया नरसुंदरो आसि ॥१९॥
 अप्पडिमरुवकलिया, रइ व्व लच्छि व्व पवरलायन्ना । भइणी बंधुमई से, अहेसि दढनेहपडिबद्धा ॥२०॥
 सा य विसालापु रिनायगेण, रन्ना अवंतिनाहेण । परमेण आयेरेणं, परिणीया पत्थणापुच्चं ॥२१॥
 ता सो तीए बाढं, अणुरत्तो मज्जपाणवसणे य । आसत्तो अणवरयं, दिवसाइं गमेउमाडडरद्धो ॥२२॥
 तस्स उ पमायदोसा, रज्जे रट्ठे य सीयमाणम्मि । पयइपहाणजणेहिं, सचिवेहि य मन्तिउं सम्मं ॥२३॥
 तप्पुत्तो रज्जम्मि, ठविओ सो पुण निसाए पासुत्तो । पउरं पाइय मइरं, देवीए समं नियतरेहिं ॥२४॥

| | |
|---------------------------------------------------------------------------------------------|------|
| पल्लंकठिओ संकेइएहिं, नेऊण उज्झिओ रत्ने । हरिहरिणकोलसदुल-भिल्लभल्लुंकिबहुलम्भि | ॥२५॥ |
| बद्धो य उत्तरिज्जे, लेहोड-णाडडगमणसूयगो तस्स । अह पच्चूसे उवलद्ध-चेयणो वचगयमओ य | ॥२६॥ |
| पासाइं जा-पलोयइ, राया ता वत्थअंचलनिबद्धं । लेहं दट्टुं तं वा-इं च विन्नायपरमत्थो | ॥२७॥ |
| भालयलघडियभिउडी, कोववसाडडयंबिरडच्छिविच्छोहो । दसणडगदट्टुडट्टो, इय भज्जं भणिउमाडडढत्तो | ॥२८॥ |
| ओ! पेच्छ पेच्छ पावाण, मंतिसामंतभिच्चपमुहाण । निच्चं कओचयाराण, निच्चं दिज्जंतदाणाणं | ॥२९॥ |
| निच्चमडपुच्चाडपुच्च-प्पसायविप्फारियडप्पसिद्धीणं । अवराहे वि हु निच्चं, सपणयदिट्ठीए दिट्ठाण | ॥३०॥ |
| अविभिन्नरहस्साणं, संसइयडत्थेसु पुच्छणिज्जाणं । नियकुलकमाडणुरुवं, एवविहचेट्ठियं सुयणु! | ॥३१॥ |
| मन्ने सयमेव मुहम्मि, मच्चुणो पयिसिउं समीहंति । ते पावा कहमिहरा, सामिदोहे मई होज्जा | ॥३२॥ |
| ता तम्मंडाईं खंडिऊण, महिमंडलं अहं इन्हिं । मंडेमि निसिचरे वि हु, तदीयपिसिएण पोसेमि | ॥३३॥ |
| तल्लोहिएण तण्हं, अवणेमि य पूयणासमूहस्स । कीणासस्स व कुवियस्स, मज्झ किमडसज्झमिह सुयणु! | ॥३४॥ |
| एमाडडइ जंपमाणो, अविभावियनिययदेव्यपरिणामो । राया बंधुमईए, विन्नतो मंजुलगिराए | ॥३५॥ |
| देव! पसीयसु संपइ, मुंचसु कोवं न एस पत्थावो । समओचियं हि सव्वं, कीरंतं बहुगुणं होइ | ॥३६॥ |
| तुममडसहाओ पब्भट्ट-लट्टरज्जो विरत्तपयई य । कह नाह! इन्हि सतूण, विप्पियं काउमुच्छहसि | ॥३७॥ |
| ता ऊसुगतमुज्झसु, वच्चामो तामलितिनयरीए । पच्छामो दढपणयं, तत्थ य नरसुंदरनरेंदं | ॥३८॥ |
| पडिचन्नमिमं रत्ता, कमेण गंतुं च संपयट्टाईं । पत्ताणि य सामंते, नयरीए तामलितीए | ॥३९॥ |
| अह देवीए भणियं, नरवर! तुममेत्थ ठाहि उज्जाणे । अहमडवि कहेमि गंतूण, भाउणो तुज्झ आगमणं | ॥४०॥ |
| जेणं सो हरिकरिजोह-संदणुदामनिययरिद्धीए । आगंतूणाडभिमुहो, तुमं पवेसेइ नयरीए | ॥४१॥ |
| एवं होउ ति निवेण, जंपिए सा गया नरेंदहरं । सीहासणे निसन्नो, दिट्ठो नरसुंदरो य तहिं | ॥४२॥ |
| अवितक्कियमाडडगमणं, दट्टुं तेणाडवि विन्हियमणेणं । उचियपडिवतिपुच्चं, पुट्ठा सव्वं पि वुत्तंतं | ॥४३॥ |
| सिद्धो य तीए ता जाव, अमुगट्ठाणम्मि चिट्ठइ निवो ति । तो सो सव्विड्डीए, तदडभिमुहं पट्ठिओ इति | ॥४४॥ |
| सो पुण अवंतिनाहो, तव्वेलं दढछुहाए संततो । वालुंकिक्कच्छयम्मि, चिम्भिडिगाभक्खणनिमित्तं | ॥४५॥ |
| चोरो व्व अवदारेण, पयिसमाणो उ कच्छगनरेण । मम्मपएसे पहओ, जट्ठीए निरडणुकंपेण | ॥४६॥ |
| अह घोरघायवसनट्ट-चेयणो वत्तिणी'विईणंउतो । कट्टघडिओ व्व पडिओ, निच्चेट्टो धरणिवट्टम्मि | ॥४७॥ |
| एत्थंउतरम्मि नरसुं-दरो निवो विजयरहवराडडरूढो । तस्साडवलोयणउत्थं, पतो तम्मि पएसम्मि | ॥४८॥ |
| नवरं तरलतुरंगम-खुरप्पहारुक्खएहिं रेणूहिं । तिभिरभरडक्कंतं पिव, तव्वेलं नहयलं जायं | ॥४९॥ |
| अवलोयणविरहेण य, निवरहतिक्खग्गचक्कधाराए । तह निवडियस्स कंटो, दुहाकओ अवंतिनाहस्स | ॥५०॥ |
| अह पुच्चुवदिट्ठे ठाणगम्मि, भइणीवतिं अपेच्छंतो । राया बंधुमईए, वित्तंतमिमं कहावेइ | ॥५१॥ |
| हा हा दिव्व! किमेयं? ति, संभमुब्भंततरलतारडच्छी । बंधुगिरं बंधुमती, सुणिऊण समागया इति | ॥५२॥ |
| तो अवलोयंतीए, सुनिउणदिट्ठीए नट्टरयणं व । तमडवत्थं संपतो, कहकहयि हु तीए सो दिट्ठो | ॥५३॥ |
| दट्टुं च नट्टजीयं, तं मोग्गरचूरिय व्व दुक्खता । मुच्छानिमीलियडच्छी, इडति धरणीयले पडिया | ॥५४॥ |
| पासपरिवत्तिपरियण-कयसिसिरुवयारविगयमुच्छा य । पम्मुक्कदीहपोक्कं, विलविउमेवं समारद्धा | ॥५५॥ |
| हा हा अवंतिनरवर!, निरुवययिक्कमनिहाण! पावेण । एचंविहं अयत्थं, केणाडणज्जेण नीओ सि | ॥५६॥ |
| हा पाणनाह! तुमए, सग्गोवगयम्मि मह अपुन्नाए । अज्ज वि य जीवियव्वे, विज्जइ नाडडलंबणं किंपि | ॥५७॥ |
| हयदिव्व! किं न तुट्ठो, रज्जडवहारेण देसचाएण । सुहिजणविओयणेण य, जमेयमडवि ववसिओ पाव! | ॥५८॥ |
| हे हियय! हीण! निग्घिण!, अणज्ज! वज्जेण किमडसि निम्मवियं? । | |
| जं न विलिज्जसि अज्ज वि, पियविरहहुयासतवियं पि | ॥५९॥ |
| सा रायसिरी सो भय-नमंतसामंतमंडलो सामी । तमडणन्नकामिणीजण-कमणीयं तस्स मइ पेम्मं | ॥६०॥ |
| तं आणिससरियं सयल-लोयसाहारणं धणं धिद्धी! । नट्टं एक्कपए च्चिय, सव्वं गंधव्वनयरं व | ॥६१॥ |

| | |
|-----------------------------------------------------------------------------------------------|------|
| आणंदसदिसुंदर-मुहेंदुमडवल्लोइउं च देवस्स । कहमिन्हिं पेच्छिस्सं, थुडुकिपाइं खलु मुहाइं | ॥६२॥ |
| कह वा देवपसाएण, विविहकीलाहिं कीलिऊणिहिं । रुद्धपयारा रिउगे-हिणि व्व चसिहं परगिहम्मि | ॥६३॥ |
| एमाडडइ विलवमाणी, करताडणदलियपीणथणवट्ठा । विलुलियकुंतलभुयउत्त-रिज्जपरिगलियवलया य | ॥६४॥ |
| अप्याणं सुचिरं झूरिऊणं, तं किंपि सोगसंभारं । हिययम्मि उव्वहंती, नरसुंदरराइणा बहुसो | ॥६५॥ |
| वारिज्जंती वि बहु-प्पयारवयणेहिं भत्तुणा समगं । जालाडडउलम्मि जलणम्मि, निवडिया सा पयंगि व्व | ॥६६॥ |
| अह संवेगोवगओ, राया नरसुंदरो विचिंतेइ । अविचिंतणीयरूवा, थिद्धी प्पमा भवस्स ठिई | ॥६७॥ |
| जत्थ सुही वि हु दुहिओ, निवो वि रोरो सुमित्तमडवि सत्तू । संपत्ती वि विवती, परिणमइ निमेसमिते वि | ॥६८॥ |
| कहमडहुण च्चिय तीए, चिरकालाओ समागमो जाओ । कहमिन्हिं पि विओगो, धिरडत्थुं संसारवासस्स | ॥६९॥ |
| मन्ने करिकन्नसुरिंदचाय-तडिचावलेण निम्मवियं । वत्थु समत्थं एत्थं, तेणं खणदिट्टनट्टं तं | ॥७०॥ |
| एवंचिहे य कहमिह, खणमडवि निवसंति मुणियपरमत्था । वीसत्था सगिहेसुं, अहह! महा थिड्ढिमा तेसिं | ॥७१॥ |
| इय संसारविरतो, स महासत्तो सुयं निययरज्जे । ठविऊण कयाडणसणो, सुहम्मि भावम्मि वट्टंतो | ॥७२॥ |
| सव्वन्नसासणम्मि, बहुमाणमडपुव्वमुव्वहंतो य । मरिऊण बंभलोए, भासुररूवो सुरो जाओ | ॥७३॥ |
| ततो य उत्तरोत्तर-विसोहिवसओ स कइ वि भवगहणे । नरसुरसिरिमडणुभविउं, परमसुहं सिवपयं पत्तो | ॥७४॥ |
| एवमडवंतीवइणो, रत्तो नरसुंदरस्स वि य चरियं । जं पुच्छियमाडडसि तए, नरवर! तमडसेसमडयि सिट्टं | ॥७५॥ |
| सोच्चा य इमं पडिवक्ख-पक्खनिक्खित्तअसुहकायव्वो । तह कह वि पयट्टसु सूर-तेय! जह सूरतेओ सि | ॥७६॥ |
| एवं गुरुणा कहिए, राया परमुल्लसन्तसंवेगो । देवीए धारिणीए, सह पव्वइओ गुरुसमीवे | ॥७७॥ |
| अहिगयसुत्तडत्थाण य, पइदिणवड्डंतसुद्धभावाण । अइआरकलंकविमुक्क-साहुकिरिआरइपराण | ॥७८॥ |
| छट्टडडमाडडइणिट्टुर-तयोविहाणेक्कबद्धलक्ख्राणं । दोणं पि तेसि अपमत-याए वोलेति दियहाइं | ॥७९॥ |
| अह अण्णया कयाई, स महप्पा विविहदूरदेसेसु । विहरित्ता संपत्तो, नयरम्मि हत्थिणागपुरे | ॥८०॥ |
| थीपसुपंडगरहिए, ठिओ य एगस्स गहवइस्स घरे । ओग्गहमडणुजाणाविय, वासावासस्स करणत्थं | ॥८१॥ |
| सा वि हु अज्जा कहमडवि, विहरंती तत्थ चेव नयरम्मि । वासाकालं काउं, वुत्था उचियप्पएसम्मि | ॥८२॥ |
| तेसिं च समणधम्मं, पालिताणं विसुद्धचित्ताणं । जो वितंतो जाओ, तत्थ पुरे तं णिसामेह | ॥८३॥ |
| नियधणवित्थरनिज्जिय-कुबेरविहवस्स विन्हुनामस्स । इव्वस्स सुओ दत्तो ति, विस्सुओ मयणपडिरूवो | ॥८४॥ |
| नीसेसकलाकुसलो, विविहविलासाडडलओ विमलसीलो । विउसवयस्साडणुगओ, नडपेच्छणयं गओ दट्टुं | ॥८५॥ |
| तत्थ य विसट्टकंदोइ-दीहरडच्छी रइ व्व पच्चक्खा । दिट्ठा नडस्य थूया, तदुवरि रागो य से जाओ | ॥८६॥ |
| तव्वेलं चिय अविआरिऊण, आजन्मकालियकलंकं । निययकुलस्स स दूरं, उज्झियलज्जो गिहे गंतुं | ॥८७॥ |
| तं चेव सुमरमाणो, जोगि व्व निरुद्धसेसवावारो । मत्तो व्व मुच्छिओ इव, घरेगदेसे ठिओ विजणे | ॥८८॥ |
| आपुच्छिओ य पिउणा, वच्छ! किमेवं तुमं अयंडे वि । करचरणचंपिओ चंप-गो व्व नज्जसि सिरीमुक्को | ॥८९॥ |
| किं रोसवसा किं वाड-वमाणओ किं व कहिंवि पडिबंधा । एवं वट्टसि पुत्तय!, कहेसु जा तदुचियं कुणिमो | ॥९०॥ |
| दत्तेण जंपियं ताय!, किंपि न मुणेमि कारणं सम्मं । नयरं अन्नाणं अणु-भवामि पीलिज्जमाणं च | ॥९१॥ |
| तो आदत्तो सेट्ठी, कया य तप्पसमणे बहुउवाया । न य थेवो वि हु जाओ, पडियारो अह वयस्सेहिं | ॥९२॥ |
| पेच्छणयदिट्टनडधूय-पेहणुप्पन्नरागवुत्तंतो । सिट्ठो सेट्ठिस्स तओ, सो चिंतेउं समाढत्तो | ॥९३॥ |
| अहह कुलीणत्तम्मि वि, पडिखलणपरम्मि सुंदरविवेगे । पभयंते वि स उल्लसइ, को वि जीचस्स उम्माओ | ॥९४॥ |
| जेण न गणेइ गुरुणो, न लोयलज्जं न धम्मविद्धंसं । नो कित्तिं नो बंधुं, नो दुग्गइपडणपडिघायं | ॥९५॥ |
| ता किं करेमि एवं, ठियस्स एयस्स मूढहिययस्स । नडत्थि स को वि उयाओ, जो लोयदुगस्स अविरुद्धो | ॥९६॥ |
| तह वि हु सुकुलपसूयाउ, कन्नगाउ मणोहरंङ्गीउ । दंसेमि इमस्स मणो, जइ पुण विरमइ कहवि ततो | ॥९७॥ |
| एवं विभाविऊणं, निदंसिओ कन्नगाजणो तस्स । नडधूयाहरियमणो, खिवइ न सो तत्थ चक्खुं पि | ॥९८॥ |
| तो अचिकिच्छो ति विभा-विऊण सो सेट्ठिणा कओ सिढिलो । उज्झियलज्जेण तओ, तेणं दाउं नडाण थणं | ॥९९॥ |

परिणीया सा कन्ना, अहह! अकज्जं कयं ति नयरे य । सव्वत्थ वि वित्थरिओ, लोयडववाओ अपडिघाओ ॥५२००॥
जणमहुपरंपराए, सोऊण इमं च ईसि रागवसा । जंपेइ सूरतेओ, सविम्हयं नत्थि रागस्स ॥११॥
नूणमडसज्झं किंचिवि, कहमिहरा पवरकूलपसूओ वि । एवंविहं अकज्जं, काउं ववसेज्ज स वरागो ॥१२॥
तीए वि साहूणीए, वंदणवडियाए आगयाए तहिं । वित्तंतमिमं सोच्चा, भणियं ईसिं पओसवसा ॥१३॥
भो! होउ हीणजणसंकहाए, नियकज्जसाहणे जयह । मयणवसाणमडकिच्चं, सुलहं चिय किमिह वयणिज्जं ॥१४॥
इय संकहाए, मुणिणो, सुहुमो रागो तवस्सिणीए वि । सुहुमपओसो आओ, पमायओ तं च गुरुमूले ॥१५॥
सम्ममडणालोइत्ता, तच्चसओ नीयगोयमुवचिणिउं । पज्जंतम्मि मयाइं, काऊणं अणसणविहाणं ॥१६॥
उववन्नाणि य देवत्तणेण, सोहम्मदेवलोयम्मि । घुसिणघणसारनिब्भर-सोरभपब्भारभरियम्मि ॥१७॥
उवभुंजिऊण तत्थ य, पंचपयाराइं विसयसोक्खाइं । सो सूरतेयजीवो, चचिऊणं इब्भवणियगिहे ॥१८॥
पुत्ततेणववन्नो, देवी वि हु लंघ्यगस्स गेहम्मि । धूयतेणुववन्ना, कयं च दोहि वि कलागहणं ॥१९॥
पत्ताणि य तारुणं, न य कहमडवि तस्स जुवइवग्गम्मि । उप्पज्जइ रागमई, तीए वि हु पुरिसवग्गम्मि ॥१९०॥
एवं च तेसि वच्चंतयम्मि, कालम्मि एगया कहवि । तुडिजोगा संजोगो, जाओ अच्चंतरागो य ॥१९१॥
दत्तेण य तेण तओ, मयणहुयासणतविज्जमाणेण । वारिज्जंतेण वि जणणि - जणगपमुहेहिं सयणेहिं ॥१९२॥
नडभूरिदाणपुच्चं, उव्वूढा सा विमुक्कलज्जेण । उज्झियगिहो य अह सो, नडेहिं सह भमिउमाडडढतो ॥१९३॥
सुचिरं च दूरदेसंडतरेसु, भमिरस्स कहवि से जायं । मुणिदंसणमीहाडपोह-भावओ जाइसरणं च ॥१९४॥
अह सुमरियपुच्चभवो, स महप्पा उज्झिउं विसयसंगं । पच्चज्जं पडिवन्नो, पत्तो अंते य देवत्तं ॥१९५॥

“सुरतेजनरसुन्दरयोः दृष्टान्तः समाप्तः”

इय अकयपडिविहाणं, अइयारं थोयमडवि मुणेऊण । कुसलपडिखलणपडुयं, परिणतिकडुयं च कुसलमई ॥१९६॥
पुच्चपवंचियविहिणा, तह कहवि हु कुणइ अत्तणो सोहिं । जह सुक्कज्झाणडग्गीए, दडढनीसेसकम्मवणो ॥१९७॥
लोयडग्गमत्थयमणी, सिद्धो बुद्धो निरंडजणो । सच्चनू सच्चदरिसी य, अणंतसुहचीरिओ ॥१९८॥
अक्खओ निरुजो निच्चो, कल्लाणी मंगलाडडलओ । अपुणब्भू सिचं ठाणं, उवेइ अपुणाडडगमं ॥१९९॥
एवं पवयणसायर-पारगओ सो चरित्तसोहीए । पायच्छित्तविहन्नू, कुणइ विसुद्धं तयं ख्वगं ॥२००॥
एयारिसस्स गणिणो, असइ उवज्झायमाडडइपामूले । सोहेज्जा अप्पाणं, ख्वगो आराहणाकंखी ॥२०१॥
पडिसेवणाडइयारा, जइ वीसरिया कहिं पि होज्जाहि । सल्लुद्धरणनिमित्तं, तच्चिसए इय भणेयच्चं ॥२०२॥
जे मे जाणंति जिणा, अवरहा जेसु जेसु ठाणेसु । ते हं आलोएमि, उचट्टिओ सच्चभावेणं ॥२०३॥
एवं आलोइंतो, गारवरहिओ विसुद्धपरिणामो । विस्सुमरियाडवराहु-त्थपावपसरं पि पडिहणइ ॥२०४॥
इय पावकलिलजलविब्भमाए, संवेगरंगसालाए । संविग्गमणोमहुयर-कुसुमियवणराइतुल्लाए ॥२०५॥
आराहणाए पडिदार-नवगमइए ममत्तयोच्छेए । तइए दारे आलो-यणाविहाणं पढमदारं ॥२०६॥
पुच्चुदंसियविहिणा, कयसोही वि हु न जं विणा ख्वगो । पावइ समाहिमडह तं, सेज्जादारं परुवेमि ॥२०७॥

“द्वितीयशय्याद्वारम्” —

सेज्जा भन्नइ वसही, तं पुण ख्वरकम्मियाण चोराण । वेसाण मच्छबंधाण, लोह्दयाडडईण पावाण ॥२०८॥
हिंसग-असब्भभासग-कीवाणं कामुयाडडइयाणं च । लोयाण १पाडिवेसे, नो पडियाहेज्ज ख्वगकए ॥२०९॥
मा असमंजससद्दाडडइयाण, सवणाडडइणा उ ख्वगस्स । एवंविहसेज्जाए, होज्ज समाहीए वाघाओ ॥२१०॥
कुच्छियसंसग्गीए, भावियमइणो वि भावपरियत्तो । संपज्जइ एत्तो च्चिय, पडिसिद्धा पावसंसग्गी ॥२११॥
असुहसुहसंगवसओ, दीसंति य पयडमेव दोसगुणा । तेरिक्खजोणियाण वि, गिरिसुयजुगलं इहं नायं ॥२१२॥

“गिरिसुयजुगलदृष्टान्तः” —

धिंझमहागिरिपरिसर-सरंतसरियासहस्सरमणिज्जा । कुलडेव विडयरुद्धा, अडवी कायंबरी अत्थि ॥२१३॥
निंबंडबजंबुजंचीर-सालअंकोल्लवेणुसेलुया । सल्लइमोयइमालुय-बउलपलासा करंजा य ॥२१४॥

| | |
|-----------------------------------------------------------------------------------------------------|------|
| पुंतागनागसीचन्नि-सत्तवन्नप्पमुक्खरुक्खगणा । रेहंति जत्थ मंसल - परिमलकुसुमेहिं संछन्ना | ॥३५॥ |
| तत्थ य दीहरवडविडवि-कोडरे सुडगा सुगे दोण्णि । अविण्णडुलडुदेहे, समुचियसमयम्मि उ पसूया | ॥३६॥ |
| पक्खाडनिलपइदिणचूण्णि-दाणओ वडिडया य ते तीए । थेवोवलद्धनहगम-सामत्था अवरदियहम्मि | ॥३७॥ |
| चावल्लयाए तत्तो, उड्डिता जाव गंतुमाडडरद्धा । दुब्बलपक्खत्तणओ, ता पडिया अद्धमग्गम्मि | ॥३८॥ |
| तद्देसमाडडगएहिं, अह एगो तेसि तावसेहिं सह । नीओ आयासम्मि, इयरो भिल्लेहिं पल्लीए | ॥३९॥ |
| 'हण छिंद भिंद मंसं, अससु लहुं लोहियं पिब इमस्स' । इच्चाडडइदुडुवयणाइं, भिल्लपल्लीठिओ कीरो | ॥४०॥ |
| पइखणमडविरामं चिय, सुणमाणो तम्मणो दढं जाओ । इयरो य तावसाणं, करुणारसियंउतकरणाण | ॥४१॥ |
| 'मा मा मारह जीवे, कुणह दयं पंथियाडडइणो दुहिए । अणुकंपह' इच्चाडडइ-वयणेहिं भाविओ बाढं | ॥४२॥ |
| एवं वच्चंतम्मि, काले एगम्मि अचसरे राया । नामेण कणगकेऊ, वसंतपुरनयरवत्थव्यो | ॥४३॥ |
| विचरीयसिक्खतुरगेण, सिग्घवेगेण अवहडो इंतो । भिल्लसुएणं तरुसिहर-संठिएणं कहवि दिट्ठो | ॥४४॥ |
| अह पावभावणाभाविएण, तेणं परंपियं 'रे रे । भिल्ला! धायह गेण्हह, सिग्घमिमं नरवइं जंतं | ॥४५॥ |
| एयस्स दिव्वमणिकणग-रयणाडलंकारमडवहरह तुरियं । इहरा पेच्छंताण वि, तुम्हाण पलायणे लग्गो' | ॥४६॥ |
| देसम्मि जत्थ विहगा वि, एरिसा दूरओ स मोत्तव्यो । इइ चिन्तिऊण राया सिग्घं तत्तो अवक्कंतो | ॥४७॥ |
| पत्तो य तावसाडडसम-समीवदेसम्मि कहवि तुडिजोगा । इयरसुणेणं दट्ठण, महुरवाणीए तो भणियं | ॥४८॥ |
| हंहो तावसमुण्णिणो!, तुरंगहरिओ नराडहिवो एसो । एइ चउराडडसमगुरु, ता कुणह इमस्स पडिवत्तिं | ॥४९॥ |
| तव्वयणेण य सब्वाडड-यरेण निययाडडसमम्मि नरनाहो । नेऊण तावसेहिं, उवयरिओ भोयणाडडईहिं | ॥५०॥ |
| अह वीसत्थसरीरो, विम्हइयमणो निवो सुगं भणइ । तुल्लम्मि वि तिरियत्ते, विसरिससीलत्तणं किं भे | ॥५१॥ |
| जेणं स भिल्लपल्ली-सुगो तहा निट्ठुरं परंपेइ । तुममडवि एवं मंजुल-गिराए उल्लवसि हियमेव | ॥५२॥ |
| ताहे सुगेण सिट्ठं, एगा जणणी पिया वि एक्को य । मम तस्स य नवरं सो, नीओ पल्लीए भिल्लेहिं | ॥५३॥ |
| अहमडवि मुणीहिं नियनिय-संसग्गसमुम्भवा य गुणदोसा । संजाया अम्हाणं, पर्यडं तुमए वि दिट्ठमिमं | ॥५४॥ |
| एवं जइ तिरियाण वि, संसग्गिवसेण दोसगुणसिद्धी । लोयम्मि वि सुपसिद्धा, ता न कहं तवेण किसियस्स | ॥५५॥ |
| दुरडणुचरमुत्तिमट्ठं, पसाहिउं उज्जयस्स खवगस्स । दुट्ठजणपाडिवेसेण, होज्ज सज्झाणविग्घाडडई | ॥५६॥ |
| सुट्ठु वि समी वि सुट्ठु वि, दमी वि सुट्ठु वि पणट्ठमाणो वि । किं चोज्जं कलुसिज्जइ, कुसीलजणसन्निहाणेण | ॥५७॥ |
| कलहो बोलो इंझा, वामोहो संकरो ममतं च । झाणडज्झयणविघाओ, नडत्थि विविताए वसहीए | ॥५८॥ |
| तम्हा मणखोहकरो, पंचिंदियगोयरो जहिं णडत्थि । चिट्ठउ तत्थ तिगुत्तो, खवगो सुहझाणसंजुत्तो | ॥५९॥ |
| उग्गमउप्पायणएसणाहिं, सुद्धाए अपरिकम्माए । वसईइ असंसताए, निप्पाहुडियाए सेज्जाए | ॥६०॥ |
| घणकुडडे सकवाडे, गामबाहिं बालवुड्ढगणजोगे । उज्जाणघरे ठायइ, सेलगुहाए य सुन्नघरे | ॥६१॥ |
| दो तिन्नि य वसहीओ, लेज्जा सुहनिग्गमप्पवेसाओ । कडचिलिमिणिजुत्ताओ, धम्मकहामंडवजुयाओ | ॥६२॥ |
| एगत्थ ठवे खवगं, गच्छट्टियसाहुणो य अन्नत्थ । मा होज्ज भोयणरुई, खवगस्साडडहारगंधेण | ॥६३॥ |
| पाणाडडईणि वि तहियं, ठवेज्ज जम्मि निएज्ज नो खवगो । न य अपरिणया मुण्णिणो, कम्हा नणु भन्नइ निमित्तो | ॥६४॥ |
| असमाहियस्स खवगस्स, कहवि मा पेच्छिऊण दिज्जंतं । असणाडडई मुद्धाणं, तदुवरि अप्पच्चओ होज्जा | ॥६५॥ |
| चिरभवपरंपरापरि-चियत्तणेणाडवि कहवि मा गिद्धी । पाउम्भवेज्ज सहसा, खवगस्स महाडणुभावस्स | ॥६६॥ |
| आराहणामहोयहि-तडपत्तस्साडवि खवगपोयस्स । आवडइ कहवि विग्घो वि, जेण तेणेस जत्तो ति | ॥६७॥ |
| इय धम्मसत्थमत्थयमणीए, संवेगरंगशालाए । संविग्गमणोमहुर-कुसुमियवणराइतुल्लाए | ॥६८॥ |
| आराहणाए पडिदार-नवगमइए ममतवोच्छेए । तइए दारे बीयं, भणियं सेज्ज ति पडिदारं | ॥६९॥ |

'तृतीयसंस्तारकद्वारम्' -

| | |
|------------------------------------------------------------------------------------|------|
| सेज्जाए जहुत्ताए वि, होज्ज संथारगं विणा न रई । आराहगस्स तम्हा, तदारमियाणि कित्तेमि | ॥७०॥ |
| पुव्वं पवंचियाए, सेज्जाए जत्थ किर पएसम्मि । मूसगरयउक्केरस्स, नत्थि थेवं पि उद्वणं | ॥७१॥ |
| ऊसतुसाराडडईणं, न विणासो न य पईवविज्जुणं । न य पबलप्पवणाणं, पाईणपडीणपभिईणं | ॥७२॥ |

| | |
|-----------------------------------------------------------------------------------------------|--------|
| न य संघट्टो बीयाण, सालिपमुहाण नेव हरियाणं । नोवद्वयणं पि पिपीलि-याडडइयाणं तसजियाणं | ॥७३॥ |
| अमणुन्नदव्वगंधा-डडइणो य असमाहिकारिणो न जहिं । तत्थ घसभिलुगरहिए, ^१ हियए खवगस्स पयईए | ॥७४॥ |
| पुढवीसिलामओ वा, फलहमओ तणमओ य संथारो । कीरइ समाहिहेउं उत्तरसिर अहव पुव्वमुहो | ॥७५॥ |
| तत्थ य फासुयदेसे, समे अङ्गुसिरे य भूमिसंथारो । अप्फुडियअसंसतो, समपट्टिसिलामओ होइ | ॥७६॥ |
| निच्छिड्डुगनिककंपो, लहुओ एगंडगिओ य फलहमओ । निस्संधी ^२ अप्पोल्लो, तणसंथारो भवति मउओ | ॥७७॥ |
| एसो पुण संथारो, उभओकालपडिलेहणासुद्धो । जुत्तपमाणविरइओ, आरुहियव्वो तिगुतेण | ॥७८॥ |
| निस्संगयाए लिंगं, भणिया एए वि दव्वसंथारा । मुणियो भावसमाहीए, कारणतेण अह तत्थ | ॥७९॥ |
| संलीणयाठियडप्पो, संवेगगुणडन्निओ य तक्कालं । संथारम्मि निसन्नो, विहरइ संलेहओ धीरो | ॥८०॥ |
| अह दढकडिणतणओ, तणसंथाराडडइएसु खवगस्स । चिट्ठिउमडपारयंतस्स, होज्ज जइ कह वि असमाही | ॥८१॥ |
| ता तत्थ पत्थरिज्जंति, एगदुगमाडडइया वि से [कंधा] कप्पा । अववाएणं ता जा, पाचारगतूलिमाडडई वि | ॥८२॥ |
| एवमडणेगपयारो, वुत्तो दव्वं पडुच्च संथारो । तं चिय अणेगभेयं, जाणसु भावं पुण पडुच्च | ॥८३॥ |
| रागं दोसं मोहं, कसायजालं च दूरमुज्झितो । संपत्तपरमपसमो, ^३ आय च्चिय होइ संथारो | ॥८४॥ |
| सावज्जजोगविरओ, संजमसारो तिगुत्तिगुतो य । समियडप्पा भावजई, आय च्चिय होइ संथारो | ॥८५॥ |
| निम्ममनिरडहंकारो, समतणमणिलेड्डुकंचणो धणियं । मुणियपरमडत्थसारो, आय च्चिय होइ संथारो | ॥८६॥ |
| जस्स परे सयणे वा, मित्ते सत्तुम्मि अप्पपरविसए । परमसमया हु सो च्चिय, आया संथारओ नेओ | ॥८७॥ |
| जस्स पियविप्पियपरे, परे समुक्करिसमडहव अवकरिसं । न मणो मणयं पि हु भयइ, तस्स आया हु संथारो | ॥८८॥ |
| दव्वे खेत्ते काले, भावे पडिबंधवज्जणुज्जुत्तो । सत्तेसु मेतिसारो, आय च्चिय होइ संथारो | ॥८९॥ |
| सम्मत्तनाणचारित्त-लक्खणा मोक्खसाहगुणा जे । एत्थे खु संथरिज्जंति, तेण आया हु संथारो | ॥९०॥ |
| अनिरुद्धाडडसवदारो, अप्पाणं न य धरेइ सारम्मि । आरुहइ य संथारं, अविमुद्धो तस्स संथारो | ॥९१॥ |
| जो गारवेहिं मत्तो, नेच्छइ आलोयणं गुरुसगासे । आरुहइ य संथारं, सुविसुद्धो तस्स संथारो | ॥९२॥ |
| जो पुण पत्तम्भूओ, करेइ आलोयणं गुरुसगासे । आरुहइ य संथारं, अविमुद्धो तस्स संथारो | ॥९३॥ |
| सच्चविगहाविमुक्को, सत्तभयट्टाणविरहिओ धीमं । आरुहइ य संथारं, सुविसुद्धो तस्स संथारो | ॥९४॥ |
| नवबंधचेरगुत्तो, जुत्तो जो दसविहे समणधम्मे । आरुहइ य संथारं, सुविसुद्धो तस्स संथारो | ॥९५॥ |
| अट्टमयट्टाणविसंतुलस्स, निद्धंधसस्स लुद्धस्स । उवसमविउत्तचित्तस्स, काहिइ किमिह संथारो | ॥९६॥ |
| रागी दोसी मोही, कोही माणी य माययं लोभी । जो सो संथारत्थो वि, नेय संथारफलभागी | ॥९७॥ |
| अनिरुद्धजोगपसरो, सब्बंडगं जो असंबुडडप्पा य । परमत्थसाररहिओ, कह सो संथारफलभागी | ॥९८॥ |
| जइ ता गुणरहिओ वि हु, संथारत्थो समीहए मोक्खं । तो पहियदमगसेवग-जणाण पढमं हवउ मोक्खो | ॥९९॥ |
| बज्झंडतरगुणहीणो, बज्झंडतरदोसदूसियडप्पा य । संथारत्थो न वि थेव-मडवि फलं लहइ स चराओ | ॥५३००॥ |
| बज्झंडतरगुणकलिओ, बज्झंडतरदोसदूखती य । संथारगडणुवविट्ठो वि, इट्ठफलभायणं होइ | ॥१॥ |
| गारवतिगेण रहिओ, तिदंडपरिमोडणे पहियकित्ती । जो य निराडडसंसमणो, सफलो खलु तस्स संथारो | ॥२॥ |
| छक्कायरक्खणडट्टा, निविट्ठचेट्टो पणइअट्टमओ । विसयसुहनिप्पिवासो, जो सो संथारफलभागी | ॥३॥ |
| समणो समाहियमणो संजमतवनियम जोगजुत्तमणो । सपरकसायपसमणो, जो सो संथार फल भागी | ॥४॥ |
| सुविहियगुणवित्थारं, संथारं जे लहंति सप्पुरिसा । तेहिं जियलोगसारं, रयणाडडहरणं कयं होइ | ॥५॥ |
| सव्वंसहत्तसन्नाह-विहियसव्वंडगरक्खणो खिप्पं । सम्मन्नाणाडडइगुणो, मोहमहापडरणवमालो | ॥६॥ |
| अइयारमलविवज्जिय-पंचमहव्ययगइंदमाडडरुद्धो । पत्थुयसंथाररणंड-गणाडडवलीलिलसमाणो य | ॥७॥ |
| उवसग्गपरीसहुसुहड-उब्भडं पबलकम्मरिउसेणं । निज्जिणिऊणं गेण्हइ, वीरो आराहणपडागं | ॥८॥ |
| सम्मत्तभूमिगाए, विसुद्धसद्धम्मगुणतणेसुं च । पसमफलगे व सुविसुद्ध-माणलेसासिलाए वा | ॥९॥ |
| संथारइ अप्पाणं, काउं संलेहणं परं आया । जम्हा तिगुत्तिगुत्तो, ता सो च्चिय होइ संथारो | ॥१०॥ |

1. हितदे । 2. अप्पोलो = शुषिररहितः । 3. आय = आत्मा ।

किंच—

न वि कारणं तणमओ, संथारो न वि य फासुया भूमी । अप्पा खलु संथारो, भवति विसुद्धं मरंतस्सा ॥११॥
अग्निमि वि उदगमि वि, पाणेषु य तह य बीयहरिएसु । तस्स भवे संथारो, तिविहेण वि जो असंभंतो ॥१२॥
अग्निउदगपाणाऽऽइसु, जहाकमेणं भवंति आहरणा । गयसुकुमालऽन्नियसुय-चिलाइपुत्ताऽऽइणो धीरा ॥१३॥

तहाहि—

“गजसुकुमालदृष्टान्तः”

बारवईए नयरीए, अहेसि क्हो ति पच्छिमो चिन्हू । जायवकुलेक्ककेऊ, भरहऽद्धवसुंधरानाहो ॥१४॥
गयसुकुमालो नामेण तस्स, आसी कणीयसो भाया । सो य अणिच्छंतो वि हु, जणणिजणहणपमोक्खेहिं ॥१५॥
सयणेहिं सोमसम्माऽ-भिहाणयिप्पस्स संतियं धूयं । परिणाविओ वि सोउं, धम्मं जिणनेमियासमि ॥१६॥
नयजोव्वणो वि कामोवमो वि, खणनस्सरं जयं नाउं । पव्वज्जं पडिवन्नो, चरिमसरीरो महासत्तो ॥१७॥
विहरइ पुराऽऽगराऽऽइसु, जिणेण सद्धिं पणट्टभयमोहो । चिरकालाओ पुणरवि, नयरिं बारवइमऽणुपत्तो ॥१८॥
रेवयगिरिमि य जिणो, समोसढो तियसचिरइओसरणो । गयसुकुमालमुणी पुण, पडिमाए ठिओ समाणमि ॥१९॥
अह कहवि तं पएसं, पत्तेणं तेण सोमसम्मेण । सो एस मज्झ धूया, परिणित्ता उज्झिया जेणं ॥२०॥
इइ जायतिव्वकोवेण, हणिउकामेण तस्स सीसमि । काऊण मट्टियाए, पाली भरिया चियऽग्गीए ॥२१॥
ताहे गयसुकुमालो, इज्झंतो तेण सीसजलणेण । आपूरियसुहइणाणो, अंतगडो केवली जाओ ॥२२॥
इय अग्गी संथारो, इमस्स एतो य सलिलसंथारो । जस्साऽहेसि स सीसइ, अन्नियपुत्तो मुणिवरिंदो ॥२३॥

“अर्णिकापुत्रस्य दृष्टान्तः” —

सिरिपुप्फभद्वनयरे, पर्यंडरिउपक्खदलणदुल्ललिओ । आसी महानरेंदो, नामेणं पुप्फकेउ ति ॥२४॥
देवी से पुप्फवई, तीए पुण जमलगतणुप्पन्नो । पुत्तोऽत्थि पुप्फचूलो, धूया पुण पुप्फचूल ति ॥२५॥
ताणि य परोप्परं गाढ-पणयवंताणि पेच्छिउं रत्ता । अवियोगकए परिणा-वियाणि अन्नोन्नमेव तओ ॥२६॥
पुप्फवई तेणं चिय, निव्वेणं पवज्जिउं दिक्खं । देवतं संपत्ता, अह सा करुणाए सुमिणमि ॥२७॥
नरए नेरइए वि य, दरिसइ तह तिक्खदुक्खसंतते । पडिबोहणऽट्टया सुह-सुताए पुप्फचूलाए ॥२८॥
अह ते भीसणरुवे, दट्टुं सा इति जायपडिबोहा । साहेइ नरयवित्तं, नरवइणो सो वि वाहरिउं ॥२९॥
पासंडिणो असेसे, पुच्छइ देवीए पच्चयनिमित्तं । भो! केरिसया नरया, तह तेसु दुहं? ति साहेह ॥३०॥
नियनियमयाऽणुरुवेण, तेहिं सिट्ठो य नरयवित्तंतो । नवरं नो पडिवन्नो, देवीए तयऽणु भूवइणा ॥३१॥
अन्नियपुत्ताऽऽयरियो, बहुस्सुओ विस्सुओ य थेरो य । वाहरिऊणं पुट्ठो, जहट्टिओ तेण सिट्ठो य ॥३२॥
तो भत्तिनिभराए, भणियं देवीए पुप्फचूलाए । किं भयवं! तुमए वि हु, दिट्ठो सुमिणमि एसो ति ॥३३॥
गुरुणा भणियं भदे!, जिणिंदसमयप्पईवसामत्था । तं णऽत्थि जं न नज्जइ, केतियमेत्तं नरयवित्तं ॥३४॥
अवरसमए य तिस्सा, तीए जणणीए दंसियो सग्गो । सुविणमि विम्हयाऽऽवह-विभूइरेहंतसुरनियरो ॥३५॥
पुव्वं पिय पुणरवि पत्थिवेण, ता जाव पुच्छिओ सूरी । तेणाऽवि तस्सरुव्वं, निव्वेइयं हरिसिया देवी ॥३६॥
चलणेसु णिवडिऊणं, भत्तीए जंपिउं समाढता । कह होज्ज नरयदुक्खं, कह वा सुरसोक्खसंपत्ती ॥३७॥
गुरुणा भणियं भदे!, विसयपसतिप्पमोक्खपावेहिं । पाविज्जइ नरयदुहं, तच्चागेणं च सग्गसुहं ॥३८॥
ताहे सा पडिबुद्धा वि, सम्मं मोत्तूण विसयवासंगं । पव्वज्जागहणऽत्थं, आपुच्छइ पत्थिवं ततो ॥३९॥
अन्नत्थ विहरियव्वं, तुमए ण कया वि इइ पइन्नाए । कहकहवि अणुन्नाया, नरवइणा विरहविहुरेण ॥४०॥
घेतूण य पव्वज्जं, विचित्ततयकम्मनिम्महियप्पत्था । “ओम” ति दूरदेसे, पेसियनीसेससीसस्स ॥४१॥
जंघाबलपरिहीणस्स, तस्स एगागिणो ठियस्स तहिं । सूरिस्स असणपाणं, निवभवणाओ पणामेइ ॥४२॥
एवं वच्चंतमि, काले अच्चंतसुद्धपरिणामा । निद्धुणियघाइकम्मा, सा पत्ता केवलाऽऽलोयं ॥४३॥
पुव्वपंचत्तं विणयं च, केवली अमुणिओ न लंघेइ । इइ सा पुव्वकमेणं, गुरुणो असणाऽऽइ उवणेइ ॥४४॥
एगमि य पत्थावे, सिंभेणऽब्भाऽऽहयस्स सूरिस्स । जायाए तित्तभोयण-वंछाए उचियसमयमि ॥४५॥
तीए य तहच्चिय पूरियाए, विम्हइयमाणसो सूरी । भणइ कहं नायमिणं, मम भाणसियं तए अज्जे! ॥४६॥

जं उवणीयं अइदुल्लहं पि, भोज्जं अकालपरिहीणं । तीए भणियं नाणेण, केण? पडिवायरहिण ॥४७॥
 धी! धी! मए अणज्जेण, कहमिमो केवली महासत्तो । आसाइओ ति सोगं, तो सूरी काउमाडउरद्धो ॥४८॥
 मा मुणिवर! कुण सोगं, अमुणिज्जंतो हु केवली वि जओ । पुव्वडिइं न भिंदइ, एवं तीए य पडिसिद्धो ॥४९॥
 चिरसुचरिषसामन्नो वि, किं न निव्वुडमउहं लहिस्सामि । इइ संसयं कुणंतो य, तीए सूरी पुणो भणिओ ॥५०॥
 संदेहं कीस मुणीस!, कुणसि निव्वुडकएण जेण लहुं । सुरसरियमुतरंतो, काहिसि कम्मक्खयं तुमउवि ॥५१॥
 एवं निसामिऊणं, सूरी नावाए आरुहिय गंगं । अइलंधिउं पवत्तो, परतीरगमाडभिलासेण ॥५२॥
 णवरं जत्तो जत्तो, स निसीयइ कम्मदोसओ सो सो । नावादेसो मज्जइ, सुरसरिसलिलमि अत्थाहे ॥५३॥
 सव्वयिणासं आसंकिऊण, निज्जायगेहिं तो खित्तो । अत्रियपुत्ताडउयरियो, नावाहितो सलिलमज्जे ॥५४॥
 अह परमपसमरसपरिणयस्स, सुपसन्नचित्तवित्तिस्स । सव्वप्पणा निरुंभिय-नीसेसाडउसवदुवारस्स ॥५५॥
 दव्वेणं भावेण य, परमं निस्संगयं उवगयस्स । सुविसुज्झमाणदढसुक्क-झाणनिम्महियकम्मस्स ॥५६॥
 जलसंधारगयस्स वि, अच्चंतनिरुद्धसव्वजोगस्स । मणवंछियउत्थसिद्धी, जाया निव्व्याणलाभेणं ॥५७॥
 एवं जलसंधारय-माडउसज्जउत्रियसुओ समउणुसिद्धो । तससंधारगविसए य, संसिओ च्चिय चिलाइसुओ ॥५८॥
 अन्नत्थ वि जो जम्मि, समभावा पाउणेज्ज पज्जंते । सुसमाहिं सो सव्वो, नायव्वो तस्स संधारो ॥५९॥
 इय संधारगओ सो, अणुतरं तवसमाहिमाडउरुद्धो । पप्फोडंतो विहरइ, बहुभवबाहाकरं कम्मं ॥६०॥
 चक्कीण वि न य सुहं तं, न तं सुहं सयलसुरवरणं पि । जं दव्वभावसंधा-रगत्थमुणिणो अरागस्स ॥६१॥
 एवं संधारगतो, गओ व्व चिररुद्धकम्मदुमगहणं । चूरंतो चरणेणं, चरेज्ज निरउवज्जतरजोगो ॥६२॥
 इय मयणभुयगगरुत्तोवमाए, संवेगरंगशालाए । संधिग्गमणोमहुपर-कुसुमियवणराइंतुल्लाए ॥६३॥
 आराहणाए पडिदार-नवगमइए ममतवोच्छेए । तइए दारे भणियं, तइयं संधारपडिदारं ॥६४॥
 तह संधारगयस्स वि, निज्जामगमंतरेण न समाही । संपज्जइ खवगस्सा, ता तद्दारं निदंसेमि ॥६५॥

‘चतुर्थः निर्यामकद्वारम्’ —

अह सो कयसंलेहो, निहयपरीसहकसायसंताणो । छत्तीसगुणोवेए, पच्छित्तविसारए धीरे ॥६६॥
 पंचसमिए तिगुत्ते, अणिस्सिए रागदोसमयरहिए । कडजोगी कालन्नू, नाणचरणदंसणसमिद्धे ॥६७॥
 मरणविहिकालकुसले, इंगियपत्थियसहावचेत्तारे । ववहारविहिविहन्नू, अब्भुज्जयमरणसारहिणो ॥६८॥
 अक्खलियाडउइगुणउत्रिय-दुबालसंगीसुएक्कजलनिहिणो । नियनिज्जामगगुरुणो, मग्गेज्जा निज्जवगमुणिणो ॥६९॥
 तो तेसिं सूरीणं, पयमूले पवयणप्पईवाणं । पडिचज्जेज्ज महत्थं, धीरो अब्भुज्जयं मरणं ॥७०॥
 अह तस्स अप्पनिद्धा, संधिग्गाडवज्जभीरुणो धीरा । पासत्थोसन्नकुसील-ठाणपरिवज्जणुज्जमिणो ॥७१॥
 खंतिय्खमा मद्दविया, असदअलोला य लद्धिसंपन्ना । असदग्गाहविमुक्का, दक्खा सुसरा महासत्ता ॥७२॥
 सुत्तउत्थअपडिबद्धा, निज्जरपेही जिइंदिया दंता । कोऊहलविप्पमुक्का, पियदढधम्मा सउच्छाहा ॥७३॥
 आगाढमणत्ता गाढे, सदहगनिवेयगा य सट्ठाणे । छंदन्नू पक्वइया, पक्वक्खाणम्मि य विहन्नू ॥७४॥
 कप्पाडकप्पे कुसला, समाहिकरणुज्जया सुयरहस्सा । मुणिणो अडयालीसं, गुरुदिन्ना होति निज्जवगा ॥७५॥
 तहाहि—

उवत्तं दारं संधारं, कहगं वाईं य अग्गदारम्मिं । भत्तं पाणं उच्चारं वियारं, कहगं दिसासुं च चउ चउरो ॥७६॥
 उव्वत्तणपरियत्तण-संचारणपमुहमंउगपरिकम्मं । अच्चंतकोमलकरा, करंति चत्तारि खवगस्स ॥७७॥
 संचारिज्जति उत्थंधिओ हु, अह जइ स नाडहियासेइ । संधारगट्ठिओ च्चिय, ता संचारिज्जए तेहिं ॥७८॥
 अब्भंतरदारम्मि, चउरो चिइंति सम्ममुवउत्ता । चत्तारि य संधारं, रइंति पडिलेहणापुव्वं ॥७९॥
 अव्याविद्धमउविच्चा-मिलियमउक्खलियमउणहियमउणुणं । अविलंबियमउदुयमउमि-लियमउपुणरुत्तं सुघोसं चा ॥८०॥
 फुडवन्नमउणुच्चमउणीय-मउणलीयं तह य साउणुणायं च । सुद्धं सपरिच्छेयं, जह होइ तहा असंदिद्धं ॥८१॥
 खवगस्स कहयेव्वा उ, सा कहा जं सुणित्तु सो सम्मं । चयइ विसोत्तियभावं, वच्चइ संवेगनिव्वेयं ॥८२॥
 चत्तारि वाइंमुणिणो, खलंति परिवाइणो पयंपंते । अग्गदुवारे चउरो, तवस्सिणो ठंति उवउत्ता ॥८३॥

मग्गंति अणुच्चिग्गा, पाउग्गं भोयणं च चत्तारि । छंदियमडवगयदोसं, अमाइणो लद्धिसंपन्ना ॥८४॥
 चत्तारि जणा पाण्ण-मुवकप्पेति अ गिलाणपाउग्गं । उज्झंति अ उच्चारं, चउरो खवगस्स मुणिवसभा ॥८५॥
 चउरो चयंति विहिणा, पासवणं खेलमल्लगाडडई य । बाहिम्मि धम्मकहिणो, गीयत्था ठंति चत्तारि ॥८६॥
 चउसु वि दिसासु चउरो, सहस्समल्ला तवस्सिणो ठंति । इय निज्जवंति खवगं, अडयालीसं तु निज्जवगा ॥८७॥
 जो जारिसओ कालो, भरहेरवएसु होइ वासेसु । ते तारिसया तइया, अडयालीसं तु निज्जवगा ॥८८॥
 कालाणुसारओ पुण, चउरो चउरो कमेण हावेज्जा । जा चउरो अहवा दो, होंति जहन्नेण निज्जवगा ॥८९॥

भणियं च—

“जो जारिसओ कालो, भरहेरवएसु होइ वासेसु । ते तारिसया तइया, दुवे जहन्नेण निज्जवया” ॥९०॥
 एगो खवगं पडिचरइ, पासवत्ती सया वि अपमतो । बीओ तदप्पणोचिय-मडसणाडडई मग्गइ पयओ ॥९१॥
 जइ पुण एगागि च्विय, कहं पि खवगस्स होज्ज निज्जवओ । ता सो सनिमित्तं पि हु, भिक्खम्ममणाडडई अकुणंतो ॥९२॥
 अप्पाणं परिवेयइ, तच्चिवरीयत्तणेण खवगं वा । तच्चागे य अवस्सं, दूरं चत्तो समणधम्मो ॥९३॥
 जं सेवेज्ज अकप्पं, कुज्जा वा जायणाइ उड्डाहं । तन्हाछुहाडडइभग्गो, खवगो निज्जवगविरहम्मि ॥९४॥
 असमाहिणा व कालं, करेज्ज वच्चेज्ज दुग्गईए वि । तेण जहण्णेण वि होंति, दुन्नि खवगस्स निज्जवया ॥९५॥

किंच—

संलेहगं सुणेत्ता, जुत्ताडडयारेहिं निज्जविज्जंतं । सव्वेहि वि गंतव्वं, जईहिं इयरत्थ भयणिज्जं ॥९६॥
 संलेहगस्स मूलं, जो वच्चइ तिव्वभत्तिराएण । भोत्तूण दिव्वसोक्खं, सो पावइ उत्तमं ठाणं ॥९७॥
 एक्कम्मि वि भवगहणे, समाहिमरणेण जो मओ जीवो । न हु सो हिंडइ बहुसो, सत्तडडुभवे पमोत्तूणं ॥९८॥
 सोऊण उत्तमडडुस्स, साहगं तिव्वभत्तिसंजुत्तो । जइ नो वच्चइ का उत्त-मडडुमरणम्मि से भत्ती ॥९९॥
 जस्सुत्तमडडुमरणम्मि, नेव भत्ती वि विज्जए तस्स । कह उत्तमडडुमरणं, संपज्जइ मरणकालम्मि ॥५४००॥
 न य खमगस्स समीवे, अल्लियणमडसंबुडाण दायव्वं । तेसिं असंबुडगिराहिं, होज्ज खवगस्स असमाही ॥१०॥
 तेल्लकसायाडडईहिं, बहुसो गंडूसया य दायव्वा । इइ जिब्भाकन्नबलं, जायइ वयणं च से विसयं ॥११॥
 इय धम्मवएसमणोहराए, संवेगरंगसालाए । संविग्गमणोमहुयर-कुसुमियवणराइतुल्लाए ॥१२॥
 आराहणाए, पडिदार-नवगमइए ममतवोच्छेए । तइए दारे तुरियं, भणियं निज्जवगपडिदारं ॥१४॥
 एवं सामग्गीसंभवम्मि, आहारचायकामस्स । खवगस्स सव्ववत्थूसु, सम्मं नाउं निरीहत्तं ॥१५॥
 दायव्वमडणसणं तं च, नज्जए भोयणाडडइदंसणओ । ता तदंसणदारं, एत्तो लेसेण साहेमि ॥१६॥

“पञ्चमदर्शनद्वारम्” —

अह स महप्पा पइसमय-पयरवड्डंतसुद्धपरिणामो । गिम्हाडभिहउ व्व मरुम्मि, बहलदलकिन्नतरुणो व्व ॥७॥
 अच्च्यंतरोगविहुरो व्व, दक्खपडिचारए व्व निज्जवए । लद्धूण गुरुं पणमित्तु, भत्तीए विन्नवेज्ज इमं ॥८॥
 भयवं! दुल्लहलंभा, सामग्गी एरिसी मए पत्ता । ता एत्तो नो जुत्तो, कालविलंबो ममं काउं ॥९॥
 कुणसु पसायं वियरसु, अणसणमेत्तो वि किं ममं इमिणा । असणाडडईणुवभोगेण, सुचिरसंलिहियकायस्स ॥१०॥
 तो तं निरीहभावो-वलंभहेउं गुरु पदसेज्जा । पयइसुरसाणि पयईए, चित्तसंतोसकारीणि ॥११॥
 पयईए सुरहिगंधु-द्धुराणि उक्कोसगाणि दव्वाणि । असणपभिईणि पयईए, तस्स अक्खेवजणगाणि ॥१२॥
 एएसु दंसिएसु य, हिययगतो तस्स नूण संकप्पो । कुरराडडरवं निसामिय, मीणगणो इव भवे पयडो ॥१३॥
 दव्वपयासमडकिच्चा, जइ कीरइ तस्स तिविहवोसिरणं । ता कहिं वि भत्तभेयम्मि, उज्जुगो होज्ज सो खवगो ॥१४॥

किंच—

भुत्तभोगी पुरा जो य, गीयत्थो वि सुभायिओ । सत्थो आहारधम्मेषु, सो वि खिप्पं तु खुब्भए ॥१५॥
 तन्हा तिविहाडडहारं, पडुच्च संवरणकरणकामस्स । उक्कस्सियाणि सव्वाणि, तस्स दव्वाणि दंसेज्जा ॥१६॥
 इय चउकसायभयभंजणीए, संवेगरंगसालाए । संविग्गमणोमहुयर-कुसुमियवणराइतुल्लाए ॥१७॥

| | |
|----------------------------------------------------------------------------------------------------|------|
| आराहणाए पडिदार-नवगमइए ममत्तवोच्छेए । तइए दारे पंचम-मुत्तं दंसणपडिदारं | ॥१८॥ |
| दव्वप्पयासणाउणं-तरं च खवगस्स जो हु परिणामो । कमपत्तहाणिदार-प्परुचणेण तयं वोच्छं | ॥१९॥ |
| ‘षष्ठमहानिद्वारम्’ — | |
| अच्चंतपबलसत्तो-उणुण्णाओ भोयणउड्डया गुरुणा । पुरओ उवणीयाइं, दव्वाइं असणमाउडईणि | ॥२०॥ |
| पासिता फासिता, जिंघिता अहय ताइं गिन्हेता । ववगयकोऊहल्लो, सम्मं एवं विचिंतेज्जा | ॥२१॥ |
| भवगहणम्मि अणाइम्मि, णंतसो इह मए भमंतेणं । किं नो भुत्तं किं नेव, फासियं जिंघियं किं नो | ॥२२॥ |
| किं किं संपन्नं नेव, वंछियं तह वि पावजीवस्स । तित्ती मणागमेत्तं पि, जा पुरा नेव संपन्ना | ॥२३॥ |
| सा किं अहुणा होही, ता तीरगयस्सिमेहिं किं मज्झ । इइ चिंततो कोई, संवेगपरायणो होइ | ॥२४॥ |
| आसाइत्ता कोई, तीरं पत्तस्सिमेहिं किं मज्झ । वेरग्गमउणुसरंतो, संवेगपरायणो होइ | ॥२५॥ |
| देसं भोच्चा कोई, हा हा! इन्हिं इमेहिं किं मज्झ । वेरग्गमउणुसरंतो, संवेगपरायणो होइ | ॥२६॥ |
| सव्वं भोच्चा कोई, थिद्धि! इन्हिं इमेहिं किं मज्झ । वेरग्गमउणुसरंतो, संवेगपरायणो होइ | ॥२७॥ |
| कोई तमाउडयइत्ता, मणुन्नरसरसियचित्तपरिणामो । पकुणइ अणुबंधं सव्व-देसविसयं तहिं चैव | ॥२८॥ |
| तस्स य रसाउणुबंधाउ-वहारिपल्हायणिज्जवयणेहिं । धम्मकहं कहइ गुरु, खवगस्स पुणो वि बोहकए | ॥२९॥ |
| धम्मकहं चिय न कहेइ, केवलं किंतु तस्स भयहेउं । सुहुमस्साउवि अवाए, इय दंसइ गिद्धिसल्लस्स | ॥३०॥ |
| हिमवंतमलयमंदर-दीवोदहिधरणिसरिसरासीतो । अहिययरो आहारो, छुहिएणाउडहारिओ होज्जा- | ॥३१॥ |
| संसारचक्क्याले, सव्वे वि य पोग्गला तुमे बहुसो । आहारिया य परिणा-मिया न तुमं तह वि तित्तो | ॥३२॥ |
| आहारनिमित्ता गंतुं, मंखु सव्वेसु नरयलोएसु । उववन्नो अइबहुसो, सव्वासु य मेच्छजातीसु | ॥३३॥ |
| आहारनिमित्तागं, मच्छा गच्छंत ^१ उणुत्तरं नरयं । सव्वं आहारविहिं, ता मा मणसा वि चिंतेज्जा | ॥३४॥ |
| तणकडेहिं वं अग्गी, लवणजलो वा नईसहस्सेहिं । न इमो जीवो सक्को, तिप्पेउं भोयणविहीहिं | ॥३५॥ |
| जं किर जलं पि पीयं, घम्माउडयवजगडिण तं पि इहं । सव्वेसु वि अगडतलाय-नईसमुदेसु वि न होज्जा | ॥३६॥ |
| पीयं थणयच्छीरं, सागरसलिलाउ होज्ज अहिययरं । संसारम्मि अणंते, माऊणं अन्नमउन्नाणं | ॥३७॥ |
| घयस्त्रीरुच्छुरसेसु य, साऊसु महोयहीसु बहुसो वि । उववन्नो न य तण्हा, छिन्ना ते सीयलजलेण | ॥३८॥ |
| जइ ता न गतो तित्तिं, अणंतएण वि अईयकालेण । ता किमियाणि वि एवं, ठियस्स तुह एत्थ गिद्धीए | ॥३९॥ |
| जह जह कीरइ गिद्धी, अवगासो तह तहा अचिरईए । जह जह य तदउवगासो, तप्पच्चइओ तह तहेह | ॥४०॥ |
| जीवाण कम्मबंधो, तओ भवो दुहपरंपरा य तहिं । इय सयलाउवायाणं, रसगिद्धी कारणं तम्हा | ॥४१॥ |
| नीसेसकिलेसाउडयास-गरुयमाणाउवमाणमूलपयं । संसारियसत्ताणं, विद्धि एसा हु रसगिद्धी | ॥४२॥ |
| एवं स महासत्तो, सम्मं आराहणाविहिंपसत्तो । नाणाउडइगुणगुरुणा, गुरुणा ^२ दियदीहदुहतुरुणा | ॥४३॥ |
| निउणमुवदंसिएसुं, विविहाउवाएसु गिद्धिसल्लस्स । भवभमणदुक्खभीओ, संविग्गो चयइ रसगिद्धिं | ॥४४॥ |
| अह कोयि कम्मदोसा, न चएज्जा तं भणिज्जमाण्हे वि । ता तप्पयईए हियं, विपरिज्जइ भोज्जमउणवज्जं | ॥४५॥ |
| तदउसंपतीए पुण, मग्गिज्जइ तह अलब्भमाणं च । कीयाउडइपयारेण वि, दावेयव्वं समाहिकए | ॥४६॥ |
| नवरं गुरुणा मुणिणो, सिक्खविद्यच्चा रहम्मि एयपुरो । वत्तव्वं तुब्भेहिं, “पाउग्गं एत्थ दुलहं ति” | ॥४७॥ |
| ते य तहा पन्नविया, तहेय जंपंति खवगमुणिपुरओ । किच्छेण थोयथोयं, अणुदियहं देति य सखेया | ॥४८॥ |
| उचियसमयम्मि य गुरु, सासइ भो खवग! पेच्छ तुज्झ कए । मुणिणो दुल्लहअसणाउडइ-जायणे कह किलिस्संति | ॥४९॥ |
| अह जायपच्छयावो, खवगो एक्केक्ककवलचागेण । पइदियहं हावेंतो, ठवेइ पोरणमाउडहारं | ॥५०॥ |
| अणुपुच्चेण य तं पि हु, संवट्ठेतो वि सव्वमाउडहारं । पाणगपरिकम्मणं, खवगो भावेइ अप्पाणं | ॥५१॥ |
| इय कुमयकमलाहिमभर-समाए संवेगरंगशालाए । संविग्गमणोमहुयर-कुसुमियवणराइतुल्लाए | ॥५२॥ |
| आराहणाए पडिदार-नवगमइए ममत्तवोच्छेए । तइए दारे भणियं, छट्टं हाणि ति पडिदारं | ॥५३॥ |
| अह पाणगपरिकम्मण-पुरस्सरं जह स कुणइ संवरणं । तह पच्चखाणदारं, लेसुदेसेण साहेमि | ॥५४॥ |

1. अणुत्तरं = चरमाम् । 2. दिय = दित = छेदित ।

‘सप्तमपानकपरिकर्मयुक्तप्रत्याख्यानद्वारम्’ —

अच्छं बहलं लेखड-मडलेखडं तह ससित्थयमडसित्थं । छव्विहपाणगमेयं, भणियं परिकम्मपाओगं ॥५५॥
 तं पुण तिलजवगोहूम-पमुहधन्नाण धोयणुप्पन्नं । गुडखंडभंडधोयण-संभूयं अबिलाडडईयं ॥५६॥
 एयपयारं अवरं पि, सपरसत्थेहिं जायविदधंसं । नयकोडिपरिसुद्धं, मुहियाए जणाउ उवलद्धं ॥५७॥
 साहूण होइ जोगं, जहोवलदधेण तेण खवगमुणी । परिकम्मेज्जडप्पाणं, समाहिहेउं सया णवरं ॥५८॥
 आर्यबिलेण सिंभो, खिज्जइ पितं च उवसमं जाइ । वायस्स रक्खणट्ठा, पुव्वुचइइं विहिं कुज्जा ॥५९॥
 तित्ताइं पाणयाइं, वज्जिता उदरमलविसुद्धिकए । महुरं पज्जेयव्यो, मंदं च विरेयणं खवगो ॥६०॥
 एलतयनागकेसर-तमालपत्तं ससक्करं दुद्धं । पाऊण कडियसीयल-समाहिपाणं इमं पच्छा ॥६१॥
 महुरविरेयणमेसो, कायव्यो फोफलाडडइदव्येहिं । निव्वाविओदरडग्गी, जेण समाहिं सुहं लहइ ॥६२॥
 आणाइ बत्थिमाडडईहिं, वा वि कायव्यमुदरसोहणयं । वेयणमुप्पाएज्जा, करीसमडच्छंतयं उदरे ॥६३॥
 तो जाजीवं तिविहं, आहारं वोसिरेहिइ खवगो । इइ निज्जवगाडडयरिओ, संघस्स इमं भणावेइ ॥६४॥
 एस महप्पा खवगो, जाजीवियमडणसणं गहेउमणो । सिरि रइयपाणिपउमो, तुब्भं पयवंदणं कुणइ ॥६५॥
 विन्नवइ य तह कहमडयि, सपसाएणं ममं भवेयव्वं । भयवं! तुमए जह वं-छियडत्थनित्थारगो होमि ॥६६॥
 आराहणपच्चइयं, खवगस्स य निरुवसग्गपच्चइयं । काउस्सग्गमडणुव्विग्ग-माणसो कुणइ तो संघो ॥६७॥
 पच्चक्खावेइ तओ, सूरी खवगं चउव्विहाडडहारं । संघसमवायमज्जे, चिइवंदणपुव्वयं विहिणा ॥६८॥
 अहवा समाहिहेउं, साडडगारं चयइ तिविहमाडडहारं । तो पाणगं पि पच्छा, वोसिरियव्वं सयाकालं ॥६९॥
 जं पाणगपरिकम्ममि, छव्विहं पाणगं समक्खायं । तं से ताहे कप्पइ, तिविहाडडहारस्स वोसिरणे ॥७०॥
 आरुहियचरित्तभरेण, गुरुसयासे अणुसुणेण सया । दव्वे खेते काले, भावमि य अपडिबदधेण ॥७१॥
 पच्चक्खाणमि कए, आसवदाराइं होंति पिहियाइं । आसववोच्छेयमि उ, तन्हावोच्छेयणं होइ ॥७२॥
 तन्हावोच्छेयमि, जीवस्स उ पावपसमणं होइ । पावस्स पसमणेण उ, विसुद्धमाडडयासयं लहइ ॥७३॥
 आवासयसोहीए, दंसणसोहिं तु पावए जीवो । दंसणसोहीए पुणो, चरित्तसोहिं धुवं लहइ ॥७४॥
 लहइ चरित्तविसुद्धो, झाणडज्जरणस्स सोहणं जीवो । झाणडज्जयणविसुद्धो, परिणामविसुद्धयं लहइ ॥७५॥
 परिणामविसुद्धीए, कम्मविसुद्धतणं लहइ जीवो । कम्मविसोहिविसुद्धो, वच्चइ सिद्धिं धुयकिलेसो ॥७६॥
 इय दुग्गइपुरपरिहोवमाए, संवेगरंगशालाए । संविग्गमणोमहुयर-कुसुमियवणराइतुल्लाए ॥७७॥
 आराहणाए पडिदार-नवगमइए ममतवुच्छेए । तइए दारे पच्च-क्खाणं सत्तमपडिद्वारं ॥७८॥
 कयपच्चक्खाणस्स वि, न सोग्गई खामणाए विरहेण । खवगस्स तेण एतो, खामणदारं निदंसेमि ॥७९॥

‘अष्टमक्षामणाद्वारम्’ —

अह निज्जामगसूरी, खवगं महुरडक्खरेहिं वागरइ । इंहो देवाणुप्पिया, पिया व बंधू व भित्तो व्व ॥८०॥
 एसो बहुगुणसंघो, संघो तइलोक्कवंदणिज्जेहिं । तित्थयरेहिं नमिओ, “तित्थस्स नमो” ति काऊण ॥८१॥
 तुममडणुगिन्हेउमिहइं, समागओ चइए महाभागो । बहुभवपरंपरुब्भव-दुक्कियतमकंडमायंडो ॥८२॥
 ता भत्तिनिव्वरमणो, एयं भयवंतमाडडयरेण तुमं । खामेसु पुव्वकालिय-आसायणनिवहचाएण ॥८३॥
 अह सो भत्तिभरोणय-सीसोचरि विरइयंजली सम्मं । इच्छामो अणुसट्ठिं, लट्ठं अणुसासिओ हं ति ॥८४॥
 गुरुगिरमुव्वुहंतो, तिकरणसुद्धीए कयपणामो य । खामेइ सव्वसंघं, संवेगं संजणेमाणो ॥८५॥
 हे भंतो! भट्टारगो, गुणरयणसमुद्ध! सिरिसमणसंघ! । जं किंचि पडुच्च तुमं, पावं पावाडणुबंधि मए ॥८६॥
 सुहुमं य बायरं वा, एत्थ भवमि भवंतरे वा वि । मणसा विचिंतियं भा-सियं च वयसा कयं तणुणा ॥८७॥
 अहवा मणवइकाएहिं, जं कयं कारियं अणुमयं वा । तं सव्वं तिविहेणं, संपइ सव्वं खमावेमि ॥८८॥
 तुज्झ नमो तुज्झ नमो, भावेण पुणो वि तुज्झ चेव नमो । षायवडिओ च्चिय तुमं, भुज्जो भुज्जो खमावेमि ॥८९॥
 खमउ य भयवं संघो वि, मज्झ दीणस्स काउमडणुकंयं । होउ य आसीसपरो, निव्विग्घाडडराहणाए कए ॥९०॥
 तुह खामणाए तं नत्थि, एत्थ भुवणे वि खामियं जं नो । जणणिजणगोवमाणो, तुमं खु जं जीवलोयस्स ॥९१॥

आयरियउवज्झाए, सीसे साहम्मिए कुलगणे य । जे मे केई कसाया, सव्ये तिविहेण खामेमि ॥९२॥
मणवइकाएहिं पुरा, कए य तह कारिए अणुमए य । सव्ये तव्विसए वि हु, अहमउवराहे खमावेमि ॥९३॥
समसत्तुमित्तचित्ता, जियाण करुणारसेक्कजलनिहिणो । भगवंतो ते वि महं, खमंतु अणुकंपणीयस्स ॥९४॥
इय खामंतो 'संघं, सबालवुड्डं खमावए ततो । सम्मं संविग्गमणो, पुव्वविरुद्धं विसेसेण ॥९५॥

जहा—

जं किंपि पमाएणं, न सुट्टु भे वट्टियं मए पुव्विं । निस्सल्लनिककसाओ, सव्वं खामेमि तमियाणि ॥९६॥
इय समओयहिअमओ-वमाए संवेगरंगशालाए । संविग्गमणोमहुयर-कुसुमियवणराइतुल्लाए ॥९७॥
आराहणाए पडिदार-नवगमइए ममत्तवोच्छेए । तइए दारे खामण-पडिदारं भणिअमउट्टमयं ॥९८॥
नो खामणिज्जवग्गम्मि, खामिए वि हु सयं अखमणाए । वंछियसिद्धी होइ ति, खवणदारं इओ वोच्छं ॥९९॥

“नवमस्वयंक्षमणाद्वारम्” —

सम्भावगम्भमिच्छा-दुक्कडदाणाउड्डणा कसायजओ । जो एत्थं परमत्थेण, सा परं भण्णइं खमणा ॥५५००॥
एईए च्विय जम्हा, तिव्वडणुभागाण दीहठिइयाण । कम्माण निबिडबद्धाण, होज्ज विगमो पुरकयाणं ॥१॥
एवं सोच्चा सम्मं, निज्जामगसूरिणो सयासाउ । संवेगमुव्वहंतो, पुणरवि खवगो भणेज्ज इमं ॥२॥
सव्ये अवराहपए, खामेमि अहं खमेउ मह भयवं । अहमउवि खमामि सुद्धो, गुणसंधायस्स संघस्स ॥३॥
विज्जायमउविज्जायं, अवराहपयं परस्स निस्सेसं । सुविसुद्धतिगरणउप्पा, खमामि सम्मं खु एस अहं ॥४॥
जाणंतो अजाणंतो व, खमउ मा वा परो खमउ मज्झं । तहवि अहं निस्सलो, तिविहेण खमामि चैव सयं ॥५॥
जइ ता परो वि खमई, ता लट्ठं होइ उभयवग्गे वि । अह गाढाउणुसयपरो, परो न खमिउं तरइ तह वि ॥६॥
मुक्काउहंकारपओ, पवियंभियपसमपयरिसाउडरुद्धो । सुविसुद्धतिगरणणो, सामाइयपरिणयउप्पा य ॥७॥
अक्खमणपरे वि परे, सम्मं तक्खमणकारणपरो हं । एस खमामि खलु सयं, जमेस मह खामणाकालो ॥८॥
खामेमि अहं सव्ये, जीवे ते वि य खमंतु मह सव्ये । उवरयवइरो मेत्ती-परो अहं सव्वजीवेसु ॥९॥
एवं खामेमाणो, सयं पि खमणापरो विसुद्धमणो । सिरिचंडरुद्धसूरि व्व, तक्खणा कुणइ कम्मखयं ॥१०॥
तहाहि—

“चण्डरुद्रसूरिदृष्टान्तः”

उज्जेणीनयरीए, गीयत्थो अवज्जचज्जणुज्जुतो । सूरी अहेसि नामेण, विस्सुओ चंडरुद्धो ति ॥११॥
पयईए च्विय सो पुण, पयंडकोयत्तणेण मुणिमज्झो । ठाउं सयमउतरं तो, साहुविवित्ताए वसहीए ॥१२॥
सज्झायज्झाणपरो, जत्तेणं पसमभावणाए दढं । अप्पाणं भावेंतो, विहरइ गच्छस्स निस्साए ॥१३॥
अह एगम्मि अवसरे, केलिप्पियपियवयस्सपरिगरिओ । एगो महिअपुत्तो, नवपरिणीओ कयविभूसो ॥१४॥
वियरंतो तियचच्चर-चउप्पहाउडईसु तेसि साहूणं । परिहासकयपणामो, आसीणो पायदेसम्मि ॥१५॥
तो तस्स वयस्सेहिं, परिहासेणं पयंपियं भंते! । एसो अम्ह वयस्सो, भययासाओ समुव्विग्गो ॥१६॥
इच्छइ घेतुं दिक्खं, एतो च्विय विहियपवरसिंजारो । इहइं समागओ ता, पव्वज्जमिमस्स देह ति ॥१७॥
आगारिं गियकुसला, मुणिणो य मुणित्तु तेसि परिहासं । अमुणेंता इव ठिया निय-कज्जाइं काउमाउडढता ॥१८॥
भुज्जो भुज्जो सुइर-प्पलाविणो जाव नेव विरमंति । दुस्सिक्खिया हु सिक्खंतु, ताव इइ चिंतयंतंहेहिं ॥१९॥
साहूहिं विवित्तपएस-संठिओ चंडरुद्धमुणिनाहो । अम्हाण गुरु एसो, दाही दिक्खं ति निदिट्ठो ॥२०॥
केलीकिलत्तणेणं, ततो ते सूरिणो गया पासे । पुव्वठिईए य सिद्धा य, इअसुयदिक्खगहणिच्छा ॥२१॥
अहह! मए वि हु सद्धिं, केलिं कुव्वंति कह महापावा । इइ चित्तउअंतरजाय-तिव्वकोवेण तो तेणं ॥२२॥
भणियं जइ एवमउहो, ता मह भूइं लहुं समप्पेह । उवणीया य लहुं चिय कतो वि य से वयंसेहिं ॥२३॥
तो इअसुयं निबिड-गहेण घेतूण तं सहत्थेण । उच्चरियनमोक्कारो, सूरी लुंचेउमाउडरुद्धो ॥२४॥
भवियव्वपावसेण य, जाव वयस्सा न किंपि जंपंति । न य इअसुओ ता तेण, सीसलोओ विणिम्मविओ ॥२५॥
तो भणियमिअपुत्तण, भयवमाउडसी य एतियं कालं । परिहासो संपइ पुण, सम्भावो ता कुण पसायं ॥२६॥

वियरेसु भावसारं, संसारसमुद्गतरणतरकंडं । दिन्नसिवनयरसोक्खं, जयगुरुजिणदेसियं दिक्खं ॥२७॥
 एवं वृत्ते दिग्णा, पच्चज्जा तस्स तेण मुणिवइणा । वेलक्खयं उवगया, गया सठाणेसु य वयंसा ॥२८॥
 तेणं भणियं भंते!, बहुसयणो नो लहिस्समडहमेत्थ । धम्मं काउमडविग्घं, ता जामो अन्नगामम्मि ॥२९॥
 एवं होउ तिडणुमन्नि-ऊण सो पेसिओ तओ गुरुणा । मग्गपडिलेहणडत्थं, पडिलेहिय आगए तम्मि ॥३०॥
 सणियं कयपयखेवो, वेवंतो सो जराए मुणिनाहो । तक्खंधनिहियदक्खिण-करो य गंतुं समाडडढंतो ॥३१॥
 धेवपयक्खलणे वि हु, पहम्मि रयणीए चक्खुबलवियलो । जायपकोवो बाढं, निब्भच्छइ सिक्खगं भुज्जो ॥३२॥
 ताडेइ दंडएण य, सिरम्मि एवंधिहो पहो तुमए । पडिलेहिओ ति पुणरुत्त-मेव परुसं पर्यंपंतो ॥३३॥
 अह सिक्खगो वि चिंतइ, अहो महापावभायणेण मए । एस महप्पा एरिस-किलेसजलहिम्मि पक्खित्तो ॥३४॥
 अहमेक्को च्चिय एयस्स, धम्मरासिस्स सिस्सछउमेणं । जाओ म्हि पच्चणओ, थिद्धी! दुच्चिलसियं मज्झ ॥३५॥
 इय अप्पाणं निंदंतयस्स, सा का वि भावणा जाया । पाउब्भूओ जीए, से विमलो केवलाडडलोओ ॥३६॥
 तो सो निम्मलकेवल-पईवपायडियतिहुयणाडडभोगो । गंतुं तहा पयट्टो, पयखलणा जह न से हवइ ॥३७॥
 अह जायम्मि पभाए, दंडपहारुत्थरुहिरउल्लसिरं । दट्टुण सिक्खगं चंड-रुद्धसूरी विचिंतेइ ॥३८॥
 पढमदिणदिक्खियस्स वि, अहो! खमा सिक्खगस्स एवंधिहा । एवंधिहमाडडयरियं, मह पुण चिरदिक्खियस्साडवि ॥३९॥
 धी! धी! ममं विवेओ, थिद्धी! सुयसंपया ममं विहला । धी! धी! ममं सूरित्तं, खमागुणेणं विहीणस्स ॥४०॥
 इय संवेगोवगओ, तं खामंतो पराए भत्तीए । तं झाणं पडिवन्नो, जेणं सो केवली जाओ ॥४१॥
 एवं खामणखमणाहिं, दूरनिम्महियपावसंधाओ । भवइ जिओ तेणेमा, किच्च ति कयं पसंगेणं ॥४२॥
 खमणापरो य खमगो, अणुत्तरं तवसमाहिमाडडरुद्धो । पप्फोडंतो विहरइ, बहुभवबाहाकरं कम्मं ॥४३॥
 तहाहि-

जमडतुच्छमहामिच्छत्त-वासणापरिगएण चिरकालं । अच्चंतपावपच्चल-पावट्टाणाडणुचरणेण ॥४४॥
 जं च पमायमहामय-मत्तेण कसायकलुसिएणं वा । दुग्गइगमेक्कसज्जं, अयज्जमाडडवज्जियं किंपि ॥४५॥
 तं सुद्धभावणाडणिल-संधुक्कियखमणजलणजालाहिं । खमगो खणेण निदहइ, सुक्कवडयिडयिनिवहं व ॥४६॥
 इय सम्मं घाइयविग्घ-संधसंधाडडइखामणापरमो । सयमडवि विरइय-निस्सेस-संधपामोक्खसत्तखमो ॥४७॥
 इहलोए परलोए, अनियाणो जीविए य मरणे य । यासीचंदणकप्पो, समो य माणाडचमाणेसु ॥४८॥
 निसिरित्ता अप्पाणं, सच्चगुणसमन्नियम्मि निज्जवए । संथारगविनिविट्टो, अणुसुगो चेव विहरेज्जा ॥४९॥
 इय परिकम्मविहीए, गणंडतरत्थो ममत्तवोच्छेयं । काऊण मोक्खकंखी, समाहिलाभत्थमुज्जमइ ॥५०॥
 इय सिरिजिणचंदमुणिंद-रइयसंवेगरंगसालाए । संधिग्गमणोमहुयर-कुसुमियवणराइतुल्लाए ॥५१॥
 आराहणाए पडिदार-नवगमइए ममत्तवोच्छेए । तइए दारे भणियं, नवमं खमण ति पडिदारं ॥५२॥
 तब्भणणाओ य पुणो, ममत्तवोच्छेयनामयं एयं । मूलदारचउक्के, भणियं दारं तइज्जं पि ॥५३॥
 संवेगरंगसालाराहणाए, पडिदारनवगनिम्मायं । ममत्तवोच्छेयाडभिहाणं, तइयं मूलदारं समत्तं ॥५४॥

॥ तइयं मूलदारं सम्मत्तं ॥

'चतुर्थसमाधिलाभद्वारप्रारम्भः'

'मङ्गलाचरणम्' -

सद्धम्मोसहदाणा, पसमियकम्माडडमयो तयडणु काउं । सव्यंगनिव्युडं लद्ध-जयपसिद्धी सुवेज्जो व्य ॥५५॥
 तइलोक्कमत्थयमणी, 'मणीहियत्थाण दाणदुल्ललिओ । सिरिवद्धमाणसामी, समाहिलाभाय भवउ ममं ॥५६॥
 परिकम्मउ अप्पाणं, गच्छउ गच्छंउतरं ममतं पि । छिंदउ तहवि न साहइ, विणा समाहिं अहिगयडत्थं ॥५७॥
 जम्हा खयगो तम्हा, ममतवोच्छेयमडक्खिउं वोच्छं । दारं समाहिलाभो ति, तत्थ पडिदारनवगमिमं ॥५८॥
 'अणुसट्ठी 'पडिवती य, 'सारणा 'कवयमडह परं 'समया । 'झाणं 'लेसा 'आराह-णाफलं 'विजहणा चरिमं॥५९॥
 इह खलु कारणविरहे, न कज्जमुप्पज्जइ ति कज्जं च । एत्थं पत्थुयमडच्चत्थ-मेक्कमाडडराहणारुव्यं ॥६०॥
 तक्कारणं च पडिवन्न-चउविहाडडहारपच्चक्खाणस्स । परमं समाहिलाभो, सो पुण अणुसट्ठिदाणम्मि ॥६१॥
 होइ ति वित्थरेणं, वोच्छं पढममडणुसट्ठिदारमडहं । पडिसेहविहिपहाणडत्थ-सत्थपयडणपईवसमं ॥६२॥

'अनुशास्तिद्वारम्' -

किर सुप्पसंतचित्तं, सयमडवि परिचत्ताववावारं । महुरगिराए खवगं, भणंति निज्जामगा गुरुणो ॥६३॥
 हंहो देयाणुप्पिय!, धन्नो सुहलक्खणो सुकयसीमा । ससहरसीरच्छजसलच्छि-धवलियाडडसो तुमं एत्थ ॥६४॥
 माणुस्सजम्मजीविय-फलं तु तुमए परं समणुपतं । दोग्गइनिबंधणाण य, कम्माण जलंउजली दिन्नो ॥६५॥
 जेणं तुमए तणमिय, पुत्तकलत्ताडडइपरियणपहाणं । संतं पि गिहाडडयासं, मोतूण जिणिंदवरदिक्खा ॥६६॥
 अच्चंतभावसारं, पडिवन्ना पालिया य चिरकालं । इन्हिं च सुणिज्जंतं पि, चित्तसंखोभसंजणं ॥६७॥
 अइदुक्करं च पागय-जणस्स इममुत्तिगड्ढमडणुसरिय । एवं वट्टसि अपमत्त-चित्तयाए तुमं धीरो ॥६८॥
 एवं ठियस्स य तुडं, सविसेसगुणप्पसाहणसमत्थं । दावियदुग्गइपट्ठिं, देमि अहं किंपि अणुसट्ठिं ॥६९॥
 एत्थं पुण परिहरणीय-वत्थुविसयाणि पंच दाराणि । करणीयवत्थुविसयाणि, ताणि तेरस्स वियाणाहि ॥७०॥
 ताइं पुण 'अद्वारस-पावट्टाणाइं 'अट्टमयठाणा । 'कोहाडडइणो 'पमाया, 'पडिबंधच्चायदारं च ॥७१॥
 तह 'संमत्तथिरत्तं, 'अरिहाडडईठक्कभतिमतं च । 'पंचनमोक्कारपरत्तं, 'सम्मनाणोवओगो य ॥७२॥
 'पंचमहव्वयरक्खा, तहाडवरं 'खवगचउसरणगमणं । 'दुक्कडगरिहाकरणं 'तह सुकडडणुमोयणा अण्णं ॥७३॥
 'बारसभावणनामं, तहाडवरं 'सीलपालणं जाण । 'इंदियदमणं 'तयउज्जु-गत 'निस्सल्लयं चैव ॥७४॥
 एवं अद्वारसगं, पडिदाराणमडणुसट्ठिदारम्मि । पडिसेहविहिमुहेणं, निदिट्ठं नाममेत्तेणं ॥७५॥
 नियनियकमपताइं, ताइं चिय वित्थरेण कित्तिस्सं । सिद्धंतसिद्धदिट्ठंत-जुत्तिपरमत्थजुत्ताइं ॥७६॥

'अद्वारसपावठाणद्वारम्' -

इन्हिं तु तेसिं पढमं, अद्वारसपावठाणदारमडहं । अद्वारसपडिदार-प्पडिबद्धं ताव वन्नेमि ॥७७॥
 पंसयइ अवगुंडइ, जीवं जं तेण भन्नइ पावं । ठाणाणि पयाणि भवंति, तस्स अद्वारस इमाणि ॥७८॥
 'पाणियहाड 'लिय 'मदत्त-गहण 'मेहुण 'परिग्गहो 'कोहो । 'माणो 'माया 'लोभो, 'पेज्जं 'दोसो तहा 'क्कलो॥७९॥
 'अब्भक्खाणं 'अरईरई य, 'पेसुण्ण 'परपरीवाओ । 'मायामोसं 'मिच्छा-दंसणसल्लं ति पढममिह ॥८०॥

'प्राणिवधत्याग स्वरूपम्' -

पाणा उस्सासाडडई, संति इमेसिं ति पाणिणो जीवा । तेसिं वहो विद्धंसो, पाणिवहो सो य नरयपहो ॥८१॥
 धम्मज्झाणसरोरुह-संडाणमडकंडचंडहिमवुट्ठी । निस्सूगयाडगणीए, महल्लचुल्लीपरिक्खेवो ॥८२॥
 तह रोइडट्टज्झाणतणंउकु-रेक्कपारोहपाउसाडडरंभो । जलकुल्ला य महल्ला, अकित्तिवल्लीवियाणस्स ॥८३॥
 परचक्काडडगमसयणं, पसन्नजणवयपमणजणवयाणं । तह असहणयाअविरई-रइपीईणं कुसुमबाणो ॥८४॥
 पज्जलियदीवपतं, महंतपाणिपथंगयग्गस्स । तलमुदहिणो अगाहं, अच्चुक्कडपावपंकस्स ॥८५॥
 अच्चंतदुग्गदुग्गइ-सेलगुहाए महं मुहपवेसं । भयदहणतयियबहुदेहि-लोहघणघायअहिगरणी ॥८६॥
 खंताडडइगुणकणुक्कर-पीसणकरघणघरइजंतं च । तह नरयभूमिहरयस्स, पउणअवपरणनिस्सेणी ॥८७॥

1. मनईहिताथानाम् ।

| | |
|--------------------------------------------------------------------------------------------------|--------|
| वहबंधरोहधणहरण-जायणामारणाणि इह चेव । पाणिवहम्मि पसत्तो, सत्तो पावेइ पुणरूतं | ॥८८॥ |
| दिक्ख्रादेवउच्चणदाण-झाणतवविणयपमुहकिरियाओ । जीवदयाए विहीणा, सव्वाउ निरत्थिया होंति | ॥८९॥ |
| जइ नाम परमधम्मो, गोबंभणमहिलवहनिवित्तीए । तत्तो वि कहं न परमो, सो सव्वजियाण रक्ख्राए | ॥९०॥ |
| सव्वे चिय संबंधा, पत्ता जीवेण सव्वजीवेहिं । तो मारंतो जीवे, मारइ संबंधिणो सव्वे | ॥९१॥ |
| मारइ एगमउवि जो, जीवं सो बहुसु जम्मकोडीसु । बहुसो मारिज्जंतो, मरइ विहाणेहिं बहुएहिं | ॥९२॥ |
| जावइयाइं दुक्खाइं, होंति चउंगइगयस्स जीवस्स । सव्वाइं ताइं हिंसा-फलाइं निउणं निरूवेसु | ॥९३॥ |
| जीववहो अप्पवहो, जीवदया अप्पणो दया होइ । इय सव्वजीवहिंसा, परिचत्ता अत्तकामेहिं | ॥९४॥ |
| नत्था मच्चुदुहते, नाणाजोणीसमस्सिए जीवे । न हणेज्ज बुहो केवल-मउप्पोयम्मेण पासेज्जा | ॥९५॥ |
| विद्धस्स कंटगेण वि, जायइ जीवस्स वेयणा तिच्चा । किं पुण पहम्ममाणस्स, सेल्लकुंताउउइसत्थेहिं | ॥९६॥ |
| दट्ठुमुवट्ठियहत्थत्थसत्थ-वहगे थिसायभयविहुरो । कंणइ जीवो ही! णत्थि, मच्चुतुल्लं भयं लोए | ॥९७॥ |
| 'मरसु' इमम्मि वि भणिए, जायइ जीवस्स दारुणं दुक्खं । किं पुण मारिज्जंतस्स, तिक्खसत्थाउभिघाएहिं॥९८॥ | ॥९८॥ |
| जो जत्थेव य जायइ, जीवो सरे तत्थ चेव कुणइ रई । दयमेव तेण संतो, निच्चं कुच्चंति जीवेसुं | ॥९९॥ |
| अभयप्पयाणसरिसं, अन्नं दाणं न विज्जइ जए वि । ता तदाया जो किर, सच्चं सो चेव २दाणवई॥५६००॥ | ॥५६००॥ |
| दिज्जइ धणकोडी जीवियं च, इह जंतुणो मरंतस्स । न य धणकोडिं गेणइ, इच्छंतो जीवियं जीवो | ॥१॥ |
| राया वि देज्ज वसुहं, मरणे समुवट्ठिए इय महग्घं । जो देइ जीवियं अखय-दाणदाई स जियलोए | ॥२॥ |
| सो धम्मिओ विणीओ, सुविऊ दक्खो सुई विवेगी य । जीवेसु सुहदुहं जो, अप्पोयम्मेण परिमिणइ | ॥३॥ |
| दट्ठुं समुवट्ठियमरण-मउप्पणो जायए महादुक्खं । दट्ठ्वा सव्वे वि हु, जीवा तेणाउणुमाणेणं | ॥४॥ |
| जं अप्पणो अण्डिं, परेसिमउवि तं न सव्वहा कुज्जा । जारिसयं इह किज्जइ, पेच्चा वि फलं पि तारिसयं॥५॥ | ॥५॥ |
| पाणेहितो वि पियं, न किंचि जीवाण विज्जइ जए वि । ता अप्पोयम्मेणं, तेसु दया चेव कायव्वा | ॥६॥ |
| जो जह करेइ पावं, जेहिं निमित्तेहिं जेण विहिणा य । सो तप्फलं पि पावइ, बहुसो तेहिं चिय कमेहिं॥७॥ | ॥७॥ |
| जह दाया छेत्ता वा, एत्थ फलं लहइ तव्विहं चेव । सुहदुहदाई वि तहा, पुन्नं पावं च पाउणइ | ॥८॥ |
| दुद्धमणवयणकायाउउहेहिं, जीवे उ जे विहिंसंति । दसगुणियाउउइअणंतं, तेहिं चिय ते विहम्मंति | ॥९॥ |
| भीमभवक्खयदक्खं, दयं न बुज्झंति जे उ हिंसिल्ला । नियडइ तेसु सगज्जा, अवज्जवज्जाउसणी घोरा॥१०॥ | ॥१०॥ |
| ता भो! भणामि सच्चं, विवज्जियव्वेव सव्वहा हिंसा । हिंसा विवज्जिया जइ, कुगती वि विवज्जिया चेव॥११॥ | ॥११॥ |
| पाणाउइवायसंजणिय-पावपम्भारभारिया संता । जीवा पडंति नरए, जले जहा लोहमयपिंडो | ॥१२॥ |
| जे पुण इह जीवेसुं, कुणंति सम्मं विसुद्धजीवदयं । ते सग्गे मंगलगीय-तूररवसवणसुहएसु | ॥१३॥ |
| अच्छरगणाउउलेसु य, रयणपयासेसु वरविमाणेसु । जहचित्तियसंपज्जंत-सयलविसया सुरा होंति | ॥१४॥ |
| तत्तो वि चुया असरिच्छ-लच्छिविच्छड्डुपंडरजसेसु । सुकुलेसु घेव जापंति, सयलजयजीवसुहया य | ॥१५॥ |
| दीहाउउया अरोगा, निच्चमउणुप्पन्नसोगसंताया । कायकिलेसविमुक्का, दयाउणुभावेण होन्ति नरा | ॥१६॥ |
| जायंति न हीणंउगा, न पंगयो न चडहा न खुज्जा य । नो वामणा न लायन्न-वज्जिया नो विरूया य॥१७॥ | ॥१७॥ |
| सुंदररूया सोहग्ग-संगया बहुधणा गुणगरिद्धा । अप्पडिमबलपरक्कम-गुणरयणविराइयसरीरा | ॥१८॥ |
| अम्मापिइपीइपरा, अणुरत्तकलत्तपुत्तमिता य । हुंति य कुलयुडिडकरा, नरा, दयाधम्मकरणाओ | ॥१९॥ |
| न पिएहिं विप्पओगो, न याउवि अप्पियसमागमो तेसिं । न भयं न गिलाणत्तं, न दोमणस्सं न हाणी य॥२०॥ | ॥२०॥ |
| पुन्नाउणुबंधिपुन्नाउणु-भावओ बज्झमउतरं सव्वं । एवं अणुकूलं चिय, सया वि संपज्जए तेसिं | ॥२१॥ |
| लहिऊण य संपुन्नं, जिणमयमाउउराहिउं च तं विहिणा । जीवदयाए फलं पार-मत्थियं पाउणंति नरा | ॥२२॥ |
| एवं कल्लाणपरं-परं परं पाणिणो समज्जंति । जीए पसाया पुज्जा य, होंति सा जयउ जीवदया | ॥२३॥ |
| लोइयसत्थेसुं पि हु, परिहरणिज्जत्तणेणं वुत्तमिमं । पुव्वं व पाणिवहणं, किं पुण लोगतुरे समए | ॥२४॥ |
| एत्थेव भवे पाणिवह-निरत्थविरयाण होंति दोसगुणा । उभयत्थ वि दिट्ठंतो, सासुयसुहा तहा धूया | ॥२५॥ |

तर्हाहिं—

“प्राणिवधेश्वरश्रुतुषयाः दृष्टान्तः”

| | |
|-----------------------------------------------------------------------------------------------|------|
| जणबहुले धणबहुले, अदिदुपरचक्कचोरमारिभए । संखउरे नयरम्मि, अहेसि राया बलो नाम | ॥२६॥ |
| तस्स य रत्तो पडिबंध-भायणं सयलधणियलोयमओ ^१ । सेट्टी सागरदत्तो, आसी सब्वत्थ सुपसिद्धो | ॥२७॥ |
| भज्जा य संपया से, पुत्तो मुण्णिचंदनामगो ताणं । धूया बंधुमई दास-चेडओ थावरो नाम | ॥२८॥ |
| तस्स पुरस्स अदूरे वडवइइभिहाणगोउले नियगे । सेट्टी गंतुं चिंतं, करेइ नियगोसमूहस्स | ॥२९॥ |
| पइमासं आणेइ य ततो घयदुद्धभरियसगडाइं । चियरइ य बंधुमित्ताण, दीणदुत्थाण य जणाण | ॥३०॥ |
| बंधुमई वि जिणाणं, धम्मं सोऊण साविया जाया । पाणिवहपमुहपाव-ट्टाणविरत्ता पसंता य | ॥३१॥ |
| अह अन्नया कयाई, हरिधणुचडुलत्तणेण जीयस्स । सागरदत्तो सेट्टी, कमेण पंचत्तमडणुपत्तो | ॥३२॥ |
| ठविओ तस्स पयम्मि य, मुण्णिचंदो पउरसयणलोएण । पुब्बठिईए वट्टइ, सब्वेसु वि सपरकज्जेसु | ॥३३॥ |
| दंसेइ य बहुमाणं, पुब्बपवाहेण थावरो तस्स । धरकज्जाणि य चिंतइ, सुहि व्व पुत्तो व्व बंधु व्व | ॥३४॥ |
| नवरं इत्थिसहावा, विवेयवियलत्तणेण य विसीला । तं दट्ठुणं चित्तेइ, संपया मयणसरविहुरा | ॥३५॥ |
| केणोवाएण समं, इमेण अणिवारियं विसयसोक्खं । भुजिस्समडहं निप्पच्च-वायमेगंतमडल्लीणा | ॥३६॥ |
| कह वा मुण्णिचंदमिमं, वावाइत्ता सयस्स भवणस्स । धणकणगसमिद्धस्स वि, नाहमिमं ठावइस्सामि | ॥३७॥ |
| एवं विचिंतयंती, सविसेसं ष्हाणभोयणाडडईहिं । उवचरइ थावरं अहह!, दुट्टया पावमहिलाण | ॥३८॥ |
| अमुणियतदडभिप्पाओ, वट्टंति तं च तह निएऊण । चित्तेइ थावरो इय, जणणितं मह करेइ इमा | ॥३९॥ |
| अह उज्झिऊण लज्जं, दूरे मोत्तुं च सकुलमज्जायं । तीए तस्सेगंते, सव्वाडडयरमडप्पिओ अप्पा | ॥४०॥ |
| भणिओ य भइ! वावाइऊण, मुण्णिचंदमेत्थ गेहम्मि । सामि व्व मए सद्धिं, भोगे भुंजाहि वीसत्थो | ॥४१॥ |
| तेणं भणियं एसो, मुण्णिचंदो कह णु मारियव्वो ति । तीए वुत्तं गोउल-पडियरणत्थं तुमं तं च | ॥४२॥ |
| पेसिस्सामि अहं किर, तो तुममडसिणा वहेज्ज तं मग्गे । पडियन्नमिमं तेणं, किमडकिच्चं चत्तलज्जाण | ॥४३॥ |
| बंधुमईअ एसो य, वइयरो निसुणिओ सिणेहेण । सिट्ठो य भाउणो त-क्खणेण गेहम्मि इंतस्स | ॥४४॥ |
| तं तुण्हिक्कं काउं, मुण्णिचंदो मंदिरम्मि संपत्तो । कवडेणं जणणी वि हु, रोविउमडच्चंतमाडडरद्धा | ॥४५॥ |
| पुट्टा तेणं किं रुयसि, अम्म! तीए पयंपियं वच्छ! । णियकज्जाइं सीयंत-याइं दट्ठुण रोएमि | ॥४६॥ |
| जीवंतो तुज्झ पिआ, जया तया नूण मासपज्जंते । गंतूण गोउलाओ, घयदुद्धाइं पणामंतो | ॥४७॥ |
| इन्हिं तु तुमं पुत्तय!, अच्चंतपमायसंगओ संतो । गोउलत्तंति न करेसि, किंपि भण कस्स साहेमि | ॥४८॥ |
| भणियं च तेण अम्मो!, मा रुयसु अहं सयं पभायम्मि । वच्चामि गोउले था-वरेण सद्धिं चयसु सोगं | ॥४९॥ |
| इय सोउं सा तुट्टा, ठिया य मोणेण अह बिडज्जदिणे । आरुहिऊण तुरंगं, चलिओ सो थावरेण समं | ॥५०॥ |
| वच्चंतो य विचिंतइ, थावरओ जइ कहं पि मुण्णिचंदो । पुरओ वच्चइ ता खग्ग-जट्टिणा लहु हणामि अहं | ॥५१॥ |
| मुण्णिचंदो वि हु भइणी-निवेइयं वइयरं विभावंतो । जमलो से अपमत्तो, मग्गे गंतुं पवत्तो ति | ॥५२॥ |
| अह विसमगड्ढेसे, पत्ते तुरओ कसप्पहारेण । पहओ थावरएणं, पुरओ गंतुं पयट्टो य | ॥५३॥ |
| मुण्णिचंदो य ससंको, जा गच्छइ ताव तेण करवालो । पट्टिठिएणाडडयडिडउ-माडडरद्धो तव्वहनिमित्तं | ॥५४॥ |
| पेच्छइ य पडिच्छायं, मुण्णिचंदो तारिसं तओ तुरओ । वेगेण वाहिओ तेण, वंचिओ खग्गघाओ य | ॥५५॥ |
| पत्तो य गोउलं सो, गोउलवइणा कया य पडिवती । अन्नडन्नसंकहाहिं, ठिया य ता जाव दिवसंतं | ॥५६॥ |
| घाओवाए पेहइ, तम्मरणकारणेण थावरओ । चित्तेइ य रयणीए, वावाइस्सामि धुवमेयं | ॥५७॥ |
| अह मंदिरस्स मज्झे, सयणिज्जे चिरइयम्मि रयणीए । मुण्णिचंदेणं भणियं, चिरकाला आगओडहमिह | ॥५८॥ |
| ता गोवाडम्मि इमं, एएह जह तत्थ संठिओ सब्वं । गोमहिसीणं जूहं, सम्मं पेहेमि पत्तेयं | ॥५९॥ |
| तह चेव तं कयं परि-यणेण तो तत्थ संठिओ संतो । चित्तेइ भिच्चविलसिय-मडसेसमडहमडज्ज पेच्छामि | ॥६०॥ |
| पइरिक्के य ठियं तं, दट्ठुं तुट्टो मणम्मि थावरओ । निच्चयणिज्जं अज्जं, सुहेण वज्झो ति काऊण | ॥६१॥ |
| अह सुत्तम्मि जणम्मि, मुण्णिचंदो निसियखग्गमाडडदाय पडपाउयं च खोडिं, णियसयणिज्जम्मि ठविऊण | ॥६२॥ |

तद्दुब्बिलसियअवलो-यणट्टया बाढमडप्पमतमणो । निहुओ मोणेण ठिओ, एगंते अह खणस्संडते ॥६३॥
 आगतुं थावरओ, वीसत्थो जाव पहरए तत्थ । ता मुण्णिचंदेण हओ, असिणा पत्तो य पंचत्तं ॥६४॥
 वित्तंतस्स य एयस्स, गोवणट्टं समग्गोवग्गं । वाडाओ नीणित्ता, वाहरिउमिमो समाढत्तो ॥६५॥
 हंहो! थावह थावह, गावीओ तक्करेहिं हरियाओ । वहिओ य थावरो तो, सब्बत्तो थाविया पुरिसा ॥६६॥
 गावीओ बालियाओ, नट्टा चोर ति चिंतियं तेहिं । मयकिच्चं णिव्वतिय-मडसेसमडवि थावरस्स तओ ॥६७॥
 किं होहि ति सचिंता, जा तम्मग्गं पलोयए जणणी । ता एगागी गेहे, मुण्णिचंदो इति संपत्तो ॥६८॥
 दिन्नाडडसणो निसण्णो, खग्गं गिहकील्लगे विमोत्तूण । पयसोहणं च काउं, पारद्धं तस्स भज्जाए ॥६९॥
 पुट्टो य ससोगाए, जणणीए वच्छ! थावरो कत्थ । तेणं वुत्तं अम्मो, मंदगई पिट्टुओ एइ ॥७०॥
 तो संखुद्धा एसा, असिहुत्तं जा पलोयए ताव । पेच्छइ पिपीलियाओ, इंतीओ रुहिरगंधेण ॥७१॥
 सम्मं पेहंतीए, दिट्टो खग्गो वि लोहियविलित्तो । ता पबलकोहहुयवह-पलितगत्ताए पावाए ॥७२॥
 आयडिद्धऊण तमडडिस्स-माणदेहाए इति पुत्तस्स । सीसं छिन्नं तीए, कहं पि वक्खित्तचित्तस्स ॥७३॥
 तो सामिमारणुप्पन्न-तिव्वकोवाए तस्स भज्जाए । मुसलेण मारिया सा, बंधुमईए नियंतीए ॥७४॥
 सा पुण पाणिवहाओ, विरत्तचित्ता महंतसंतावं । हिययम्मि उव्वहंती, ठिया घरस्सेगदेसम्मि ॥७५॥
 मिलिओ य नयरलोगो, वित्तंतं मुणिय तं च सा भणिया । कीस तए नो हणिया, मायाए विणासिगा एसा ॥७६॥
 पाणिवहविरइरुवो-डभिप्पाओ साहिओ य सो तीए । तो सलहिया जणेणं, थिसिक्कियाइं च सेसाइं ॥७७॥
 गिहसारं नरवडणा, गहियं सुन्हा य चारगे धरिया । इयरी य पूइया इय, पाणिवहोडणत्थहेउ ति ॥७८॥
 पाणवहनामगमिमं पावट्टाणं निदंसियं पढमं । एत्तो उ अलियवयणाड-भिहाणगं बीयमडक्खेमि ॥७९॥

“अलीकवचनस्वरूपम्” —

अलियं हि रुद्धकंदो, बाढमडविस्सासदुमसमूहस्स । वज्जाडसणीनिवाओ, जणपच्चयसेलसिहरस्स ॥८०॥
 गरिहापणतरुणीए, गहणगदाणं सुवासणासिहिणो । जलपक्खेवो संकेय-मंदिरं अजसकुलडाए ॥८१॥
 उभयभवभाविआवय-कुमुयपबंधस्स सारयमयंको । सुविसुद्धधम्मगुणसस्स-संपयाए कुवाओ य ॥८२॥
 पुव्वाडवरवयणविरोह-रुवपडिबिंबस्स आयरिसो । सत्थाहमत्थयमणी, नीसेसाडणत्थसत्थस्स ॥८३॥
 सप्पुरिसत्तणकाणण-निद्वहणम्मि य सुतिव्वहव्ववहो । ता एयप्परिहारो, कायव्वो सब्बजत्तेण ॥८४॥

किंच—
 जह परमडन्नस्स विसं, विणासयं जह य जोव्वणस्स जरा । तह जाण असच्चं पि हु, विणासयं सब्बधम्मस्स ॥८५॥
 होउ य जडी सिंहंडी, मुंडी वा वक्कली व नग्गो वा । लोए असच्चवाई, भन्नइ पासडिचंडालो ॥८६॥
 अलियं सइं पि भणियं, विहणइ बहुयाइं सच्चवयणाइं । एवं च सच्चवयणे वि, तम्मि अप्पच्चओ चव ॥८७॥
 अलियं न भासियव्वं, गरहिज्जइ जं जणे अलियवाई । अप्पच्चयं च अप्पा-णयम्मि संजणइ जणमज्जे ॥८८॥
 कारावेइ य अलिय-प्पयंपणे धिट्टवेट्टियं दट्ठुं । जीहाछेदाडडईयं, चंडं दंडं नरवई वि ॥८९॥
 इहलोगम्मि अकित्ती, सब्बजहन्ना गई य परलोए । अलियपयंपणपभवेण, होइ पावेण जीवस्स ॥९०॥
 तो कोहमाणमाया-लोभेहिंतो न हासओ न भया । भासेज्ज अलियवयणं, परलोयाराहणेक्कमणो ॥९१॥
 ईसाकसायकलिओ, अलियगिराहिं परं उवहणंतो । मुणइ वराओ नेवं, जह अप्पाणं चिय हणेमि ॥९२॥
 उक्कोडागहणरओत्ति, कुडसक्खित्ति अलियवाइत्ति । थिक्कारमोग्गरहओ, णिवडइ नरए महाघोरे ॥९३॥
 तो किती नो अत्थो, नयाडवि मणनेव्वुई न धम्मो ति । उक्कोडागहणरयस्स, किंतु कुगईगमो चेय ॥९४॥
 सीलं कुलमडप्पाणं, लज्जं मज्जायमडह जसो जाइं । नायं सत्थं धम्मं च, कूडसक्खी परिच्चयइ ॥९५॥
 वियलिंदिया जडा मूअ-ल्ला य हीणस्सरा य पूइमुहा । मुहरोगिणो गरहिया, जायति असच्चवाइत्ता ॥९६॥
 सग्गापवग्गमग्गडग्गलं च, कुगतीए पुण प्हो पउणो । अलियप्पयंपणं अप्प-णो य माहप्पलुंपणयं ॥९७॥
 लोए वि मुसावाओ, समत्थसाहुजणगरहिओ गाढं । भूयाणमडविस्सासो, तम्हा भासेज्ज मा मोसं ॥९८॥
 लोए वि जो ससूगो, अलियं सहसा न भासए किंपि । जइदिक्खियो वि अलियं, भासइ ता किं च दिक्खाए ॥९९॥

सच्चं पि न यत्तव्यं, असच्चवयणं कर्हिपि सच्चं पि । जं जीवदुक्खजणयं, सच्चं पि असच्चतुल्लं तं ॥५७००॥
जं परपीडाजणं, हासेण य तं न होइ वत्तव्यं । हासेण भक्खियं किं, कडुयविवागं विसं न भवे ॥११॥
ता भो! भणामि सच्चं, वज्जेयव्यं खु सच्चहा अलियं । तं जइ विवज्जियं तो, कुगई वि वज्जिया चेव ॥२॥
अलियपयंपणसंपत्त-पावपब्भारभारिया संता । जीवा पडंति नरए, जले जहा लोहमयपिंडो ॥३॥
ता चइऊणमडसच्चं, सच्चं चिय निच्चमेव भासेज्ज । सग्गाडपयग्गमणे, मणोहरं तं विमाणं जं ॥४॥
कित्तिकरं धम्मकरं, नरयदुवारडग्गलं सुहनिहाणं । गुणपयडणप्पईवं, इडं मिडं च सिट्ठाणं ॥५॥
परिहरियसपरपीडं, बुद्धीए पेहियं पयइसोमं । निरवज्जं कज्जखमं, जं वयणं तं मुणसु सच्चं ॥६॥
इय सच्चवयणमंताड-भिमंतियं नो विसं पि पक्कमइ। धीरेहिं सच्चवयणेण, साविओ डहइ न सिही वि ॥७॥
उम्मग्गविलग्गा गिरि-नई वि थंभिज्जइ हु सच्चेण । सच्चेण साविया कीलि-य व्व सप्पा वि चिट्ठंति ॥८॥
पभयइ न सच्चवयणेण, थंभिओ दित्तपहरणगणो वि । दिव्वट्ठाणेसु वि सच्च-सावणा इति सुज्जांति ॥९॥
आकंपिज्जंति सुरा वि, सच्चवयणेण धीरपुरिसेहिं । डाइणिपिसायभूया-डडइणो वि न छलंति सच्चहया ॥१०॥
एत्थ भवे सच्चेणं, निब्भिच्चं संचिऊण पुन्नचयं । होउं महिडिद्वयसुरो, सुमाणुसतं लभइ तत्थ ॥११॥
सच्चत्थ गेज्जायक्को, आदेओ दित्तमं पयइसोमो । दीसंतो दिट्ठिसुहो, चित्तियज्जंतो य मणहारी ॥१२॥
खीरं व महं व सुहा-रसं व सुइमाणसं सुनिसिरेइ । इइ वयणगुणो पुरिसो, भासंतो होइ सच्चेणं ॥१३॥
न जडो न भूयलो वा, नयाडवि हीणस्सरो न कागसरो । न य मुहुरोगी न य पूइ-गंधवयणो य सच्चेण ॥१४॥
सुहिओ समाहिपत्तो, पमुइअपक्कीलिओ रइपरो य । सुहसलहणिज्जचेट्ठो, इट्ठो कंतो परियणस्स ॥१५॥
जे पढमपावठाणग-पडिवक्खगुणा उ यन्निया पुच्चिं । तेहि इमेहि य कलिओ, होइ नरो सच्चभासि ति ॥१६॥
एवं कल्लाणपरं-परं परं पाणिणो समज्जंति । जीए पसाया पुज्जा य, हॉति सा जयइ सच्चगिरा ॥१७॥
सच्चम्मि तवो सच्चम्मि, संजमो तम्मि चेव सच्चगुणा । अइसंजओ वि मोसेण, होइ तिणलवसमो पुरिसो ॥१८॥
इय सुंदर! जाणित्ता, सच्चाडसच्चचवियाण दोसगुणे । चेच्चा असच्चवयणं, सच्चगिरं चिय समुल्लवसु ॥१९॥
वीयगपावट्ठाणे, ठाणब्भंसाडडइणो बहू दोसा । वसुणो व्व तन्नियताण, पुण गुणा नारयस्सेव ॥२०॥

तहाहि-

“वसुनृपदृष्टान्तः”

जंबुदीवे दीवे, सुत्तिमईए पुरीए नरनाहो । अभिचंदनामथेओ, अहेसि पुत्तो य तस्स वसू ॥२१॥
वेयाडवगमनिमित्तं, सो पिउणा आयरेण उवणीओ । अज्जावगस्स गुणिणो, खीरकयंबस्स विप्पस्स ॥२२॥
पव्वयणेणं उज्जाय-सूणुणा नारएण य समेओ । पढइ वसुरायपुत्तो, वेयरहस्सं अविस्सामं ॥२३॥
अन्नदियहम्मि तिन्नि चि, एए पासित्तु गयणगामीहिं । अइसयनाणीहिं महा-मुणीहिं अवरोप्परं भणियं ॥२४॥
वेयमडहिज्जंति इमे, जे तेसिं दोन्नि अहरगइगामी । एगो य उडढगामि ति, जंपिउं ते तिरोभूया ॥२५॥
खीरकयंबो य इमं, सोच्चा धी! धी! निरत्थपाडेण । इति संवेगमुयगतो, पव्वइओ मोक्खमडणुपत्तो ॥२६॥
अह अहिचंदेण वसू, अहिसित्तो णियपए णिवो जाओ । रज्जं च भुंजमाणस्स, तस्स एगेण पुरिसेण ॥२७॥
आगंतूणं भणियं, अडवीए गएण देव! अज्ज मए । हणणट्ठा पामुक्को, बाणो हरिणस्स सो य लहुं ॥२८॥
पच्छाहुत्तो अम्भिट्ठिऊण, पडिओ सविम्हएण मए । तो फलिहसिला विमला, दिट्ठा करफरिसणवसेण ॥२९॥
जेणंउतरिओ हरिणो, पयडो दीसइ तमडब्भुयं रयणं । देवस्स चेव जोगं ति, आगओ तुम्ह कहणट्ठा ॥३०॥
एवं सोच्चा रत्ता, फलिहसिलाडडणाविऊण सा रहसि । सिंहासणकरणट्ठा, समप्पिया सिप्पियजणस्स ॥३१॥
निम्मायम्मि य तम्मि, अत्थाणीमंडवे य ठवियम्मि । आसीणो नरनाहो, नज्जइ गयणंउगणठिओ व्व ॥३२॥
विम्हइओ नयरिजणो, गया पसिद्धी य सेसराईसु । सच्चेण वसू राया, जह अच्छइ नहयलाडडसीणो ॥३३॥
एयपवायनिमित्तं च, सिप्पिणो ते विणासिया सच्चे । दूरट्ठिओ य लोगो, लहेइ विन्नतियं काउं ॥३४॥
एवं वच्चति काले, ते पुण पव्वयगनारया सिस्से । वेयरहस्सं पाढंति, नियगनियगेसु गेहेसु ॥३५॥
अवरम्मि य पत्थावे, पुव्वप्पणएण पव्वयगपासे । बहुसिस्सपरिवुडो ना-रओ गओ सगुरुपुत्तो ति ॥३६॥
विहिया से पडिवत्ती, पव्वयणेणं ठिया य गोट्टीए । पत्थावे पव्वयणेण, अद्धवक्खायवेयपयं ॥३७॥

जन्नाडहिगारसंतिय-मडजेहिं जड्व्यमिति ससिस्साणं । वक्खाणियं अजेहिं, छयलेहिं इइ विमूढेणं ॥३८॥
तो नारएण भणियं, भण्णति अजा तिवरिसपरिवसिया । इह वीहियाडडदओ तेहिं, चेव जड्व्यमाडडह गुरु ॥३९॥
नो पडिवन्नमिमं प-व्यएण जाओ महं विसंवाओ । जिब्भच्छेयपइन्ना, कया य जो जिप्पइ याए ॥४०॥
सहपडिओ ति वसुनिवो, एत्थ पमाणं कया इय ववत्था । अह तज्जणणी भीया, सच्चगिरं नारयं नाउं ॥४१॥
धुवमिहिं मह पुतो, जीहच्छेएण पाविही मरणं । ता पन्नवेमि नरवइ-मिइ सा वसुमंदिरम्मि गया ॥४२॥
अब्भुट्टिया य रत्ता, गुरुणो भज्ज ति तीए तो सिट्ठो । एगंते से सब्बो, नारयपव्ययगवुत्ततो ॥४३॥
वसुणा य जंपियं अम्म!, कहसु किं एत्थ मज्झ किच्चं ति । तीए वुत्तं पुतो, जह जिणइ तहा करेज्जासु ॥४४॥
उयरहसीलयाए, पडिवन्नमिमं पि वसुनरिंदेण । बीयदिवसे य दोन्नि वि, पक्खा तस्संउतियं पत्ता ॥४५॥
काऊण सच्चसावण-मडह भणियं नारएण भो राय! । तुममिहइं थम्मतुला, तं पढमो सच्चवाइणं ॥४६॥
ता कहसु कहं गुरुणा, अजेहिं अड्व्यमिइ पवक्खायं । ताहे रत्ता परिचत्त-सच्चवाइत्तयाएण ॥४७॥
जंपियमडजेहिं छगलेहिं, भद! जड्व्यमिइ पवक्खायं । एवं भणिए कुलदेव-याए अइकूडसक्खि ति ॥४८॥
कुवियाए पाडिऊणं, फालियसीहासणाओ सो निहओ । अन्ने वि भूमिवइणो, तप्पयपरिचत्तिणो अट्ठ ॥४९॥
पव्ययगो वि जणेणं, धिसिक्किओ दढमडसच्चवाइ ति । मरिऊण य नरयम्मि उववण्णो वसुनरंदो वि ॥५०॥
इयरो य सच्चवाइ ति, नयरलोएहिं विहियसक्कारो । ससिसमदितिं किर्त्तिं, पत्तो सुरलोयलच्छिं च ॥५१॥
वीयं पावट्ठाणग-मेवं मोसाडभिहाणमुवइट्ठं । एत्तो तइयमडदत्ता-दाणडभिहाणं पवक्खाणि ॥५२॥

“ अदत्तादानस्वरूपम् ” —

पंको व्य जलं किट्ठो व्य, दप्पणं चित्तभित्तिभिय धूमो । मइलेइ चित्तरयणं, परधणहरणस्स सरणं पि ॥५३॥
एयपसत्तो सत्तो, अविभावेऊण धम्मविद्धंसं । अवहत्थिऊण सप्पुरिस-सेवियं कुलयवत्थं पि ॥५४॥
कित्तिकलंकं पि अपेहिऊण, अवहीरिऊण जीयं पि । गीयरयं हरिणो इय, पईवकलियं पयंगो व्य ॥५५॥
बडिसाडडमिसं व मीणो, भमरो कमलं व करियहूफरिसं । वणयारणो व्य पावो, परधणहरणं कुणइ सो य ॥५६॥
तज्जम्मे च्चिय पावइ, करकन्नच्छेयमडच्छिनासं वा । करवत्तकिंतणं उत्ति-मंगपमुहंउगभंगं वा ॥५७॥
परसंतियं हरित्ता, अत्थं हरिसिज्जइ नियडत्थे य । हरिए परेण सहसत्ति, सत्तिभिन्नो व्य होइ दुही ॥५८॥
लोओ वि कुणइ पक्खं, अवरज्जंतस्स अन्नमडवराहं । ^२नीयल्लया वि पक्खे, न होति चोरिक्कसीलस्स ॥५९॥
अन्नं अवरज्जंतस्स, देति नियए घरम्मि ओगासं । माया वि हु ओगासं, न देइ परदव्वहारिस्स ॥६०॥
जस्स य घरम्मि सो लहइ, अल्लियायं कहंपि तं सहसा । पाडेइ अइमहल्ले, अयसे दुक्खे महावसणे ॥६१॥
कहकहवि किंपि सुचिरेण, विविहआसाहिं संचिणइ दव्वं । इय जो जीयसमं तं, हरेज्ज ततो वि को पावो ॥६२॥
संसारियसत्ताणं, पाणसमो सब्बहा इमो अत्थो । तेसिं च तं हरंतो, हरेइ तज्जीयियमडहम्मो ॥६३॥
विहवम्मि उ अचहरिए, केवि छुहाए मरंति दीणमुहा । कियणप्पाया तप्पति, केवि सोयडग्गिणा अन्ने ॥६४॥
पढमपसूयंपि चउ-प्पयाडडइयं अचहरंति निक्करुणा । जणणिविउत्ता तव्यच्छ-गा य दुहिया मरंति तओ ॥६५॥
एवं च हणइ पाणे, भासइ मोसं अदत्तहरणपरो । तो इहभवे वि पावइ, बहुविहयसणाणि मरणं च ॥६६॥
दारिदं भीरुत्तं, पियपुत्तकलत्तबंधुवोच्छेयं । एमाडडइए य दोसे, भवंउतरे ^३तेन्नपायाओ ॥६७॥
ता भो! भणांमि सच्चं, विवज्जणीयं खु परधणं सब्बं । परधणवियज्जणाओ, कुगई वि विवज्जिया दूरं ॥६८॥
अदत्तगहणसंजाणिय-पावपम्भारभारिया संता । नरए पडंति जीवा, जले जहा लोहमयपिंडो ॥६९॥
अदत्ताडडदाणफलं, एयं नाऊण दारुणविचागं । तच्चिरई कायव्या, अत्तहियनिहित्तचित्तेण ॥७०॥
परदव्वहरणबुद्धिं पि, जे न कुच्चंति सब्बहा जीवा । पुच्चुत्तदोसजालं, ^४मलंति ते यामपाएणं ॥७१॥
पावेंति सुदेवत्तं, ततो सुकुलेसु माणुसत्तं च । लद्धुं च सुद्धधम्मं, आयहियम्मि पयट्ठंति ॥७२॥
मणिकणगरयणधणसंचयड्ढ-कुललद्धमणुयजम्मस्स । तेन्नययपत्तपुन्नाडणु-बंधिपुन्नस्स धन्नस्स ॥७३॥
गामे वा नगरे वा, खेत्ते व खले व अह अरन्ने वा । गेहे वा पंथे वा, राओ वा दिवसओ वा वि ॥७४॥

1. निजार्थे = स्वधने । 2. नीयल्लया = निजकाः = स्वजनाः B । 3. स्तैन्यपापात् । 4. मलंति = मूढन्ति = नाशयन्ति ।

भूमीए निहाणगयं, अहवा जहकहवि गोवियं संतं । पयडं चिय मुक्कं वा, एमेव कहिं वि पडियं वा ॥७५॥
 पम्हुइं वा कत्थवि, वडिडपउत्तं च उज्झियं जइवि । नो तस्स नस्सइ थणं, थणियं वडूइ अ किं बहुणा ॥७६॥
 सच्चित्तं अच्चित्तं मीसं वा किंपि तं पि हू अपयं । दुपयं चउप्पयं वा, तहा जहा कहमडवि ठियं पि ॥७७॥
 देसनगराडडगराणं, गामाण य दारुणोवघाए वि । न कहिं पि किंपि पलयं, पावेइ तप्परिग्गहियं ॥७८॥
 अकिलेसघडंताणं, जहिच्छियाणं व होइ दव्वाणं । सामी भोई य तहा, तस्स अणत्था खयं जंति ॥७९॥
 भोज्जाडडगयहेरियहरिय-थेरिगिहसारललियगोद्वी व । इह तइयपावठाणग-निरया पाविंति बंधाडडई ॥८०॥
 जे पुण तओ विरत्ता, ते सुद्धसहावओ च्विय न होति । तम्मज्झवुत्थसावय-पुतो व्व कया वि दोसपयं ॥८१॥
 तहाहि—

“श्रावकपुत्रवसुदत्तदृष्टान्तः”

नयरम्मि वसंतपुरे, वसंतसेणाडभिहाणथेरीए । जेमाविओ पुरजणो, एगम्मि महूसवे सव्वो ॥८२॥
 अह तथेव पुरम्मि, वत्थव्वा अत्थि दुल्ललियगोद्वी । तीए य थेरिगेहं, हेरित्ता रयणिसमयम्मि ॥८३॥
 लुंटेउं आरद्धं, नवरं सावयसुओ उ वसुदत्तो । तग्गोट्टिमज्झवती वि, नेव चोरिक्कयमडकासी ॥८४॥
 तो तं मोतुं थेरीए, चोरचरणा पणामववएसा । मा चोरह ति भणिरीए, अंकिया मोरपित्तेण ॥८५॥
 मुसिरुण गेहसारं, निक्खंता ते तओ पभायम्मि । थेरीए नरवइणो, तच्चुत्ततो लहुं कहिओ ॥८६॥
 अह मोरपित्तलंछिय-पयपुरिसपलोयणं कुणंतेहिं । रायनिउत्तनरेहिं, दिट्ठा सा दुल्ललियगोद्वी ॥८७॥
 सच्छंदपाणभोयणविहीए, सव्वाडडयरं विलसभाणी । संजायनिच्छएहिं, तो नीया नरवइसमीवे ॥८८॥
 अल्लंछियपयसावय-मेक्कं चेवुज्झिरुण ते सेसा । छिंदणभिदणबहुजा-यणाहिं निहणं समुवणीया ॥८९॥
 एवमडदत्तादाण-प्पवित्तिविणिवित्तिमंतजंतूणं । दट्टणमडसुहफल-मेतो विरमसु तुमं वच्छ! ॥९०॥
 इय तइयपावठाणग-मडदत्तगहणाडभिहाणमुचइइं । भूरिविसयं पि एतो, लेसेण चउत्थमडक्खेमि ॥९१॥

“मैथुनस्वरूपम्” —

मेहुन्नं सुचिरकिलेस-पत्तवितस्स मूलविद्धंसो । दोसुप्पतीणमडवंडं, कारणं ठाणमडजसस्स ॥९२॥
 गुणपयरिसकणनियरस्स, दारुणोदूहलो २हलगं च । सच्चमहीए महिया, विवेयरविकिरणपसरस्स ॥९३॥
 एत्थ पडिबद्धचित्तो, सत्तो विवरम्महो भवे गुरुणो । पडिवक्खते वट्टइ, भाउयभइणीसुयाणं पि ॥९४॥
 कुणइ अकज्जं कज्जं पि, चयइ लज्जइ विसिट्ठगोद्वीए । झाएइ बज्झवाचार-विरयचित्तो सया एवं ॥९५॥
 अहह! रमणीण रेहइ, अरुणाडरुणनहमऊहविच्छुरियं । चलणजुयं कमलं पिच, नवदिणयरकिरणसंवलयं ॥९६॥
 अणुपुच्चवट्टमणहर-मुरुमणिभिंगारनालरमणीयं । जंघाजुयलं वम्मह-करिकर^३करणं समुच्चहइ ॥९७॥
 रमणफलयं पि पंच-प्पयाररुइरयणकंतिपडिबद्धं । गयणयलं पिच सोहइ, फुरंतसुररायथणुकलयं ॥९८॥
 उयरम्मि मुट्ठिगेज्जे, मणोहरा वलिपरंपरा सहइ । थणगिरिसिहराडडरोहण-कएण सोवाणपंति व्व ॥९९॥
 अंतवियसंतनवकमल-कमलनालोयमं समुच्चहइ । कोमलनंसलकररेह-माणभुयवल्लरीजुयलं ॥५८००॥
 आणंदविंदुसंदि-सुंदेरुद्दामभिंदुबिंबं व । कामिचओराण मणो, उल्लासइ वयणसयवत्तं ॥१०॥
 अलिकुलकज्जलकसिणो, सुसिणिद्धो सहइ केसपम्भारो । चित्तडम्भन्तरपज्जलिय-मयणसिधिधूमनिवहो व्व ॥११॥
 एवं विलासिणीजण-सव्वंङगाडवयवचित्तणाडडसत्तो । तदुयहयमाणसो इव, तदडट्टिसंघायघडिओ व्व ॥१२॥
 तदडहिट्ठिओ व्व सव्वडप्प-णावि तप्परिणईपरिणओ व्व । जंपइ अहो! जयम्मि, कुवलपदलसच्छहडच्छीणं ॥१३॥
 जुवईण विजियहंसं, गइविलसियमडहह! मणहरा वाणी । अद्धडच्छिपेच्छियाणं, अहहो! छेयत्तणमडतुच्छं ॥१४॥
 अहह! दरदलियकइरव-सुहयं हसियं फुरंतदंतडग्गं । उक्कंपिरथोरथण-त्थलं अहो कणगकंडुयणं ॥१५॥
 रंगंतयलीवलयं, पायडियविसट्टनाभिकंदोइं । फुट्टंतकंचुयमडहो!, पेहह मोट्टाइयमरट्टं ॥१६॥
 एक्कक्कमवि इमेसिं, दुलहमिमाणं किमंङग समवाओ । अहवा किं वन्निज्जइ, तासिं संसारसाराणं ॥१७॥
 चित्तणमडवि सयमोल्लं, जासिं अवलोयणं सहसमुल्लं । गोद्वी य कोडीमुल्ला, अमोल्लओ अंगसंभोगो ॥१८॥
 एवं च सो वराओ, तग्गपचित्तायिलावचेट्टाहिं । मत्तो व्व मुच्छिओ इव, सव्वग्गहनियहयचेट्टो व्व ॥१९॥

1. हेरित्ता = निरीक्ष्य । 2. हलाग्रम् । 3. करणि = सादृश्यम्

| | |
|--------------------------------------------------------------------------------------------|------|
| दिवसं निसं पिवासं, छुहं अरण्यं परं सुहं दुक्खं । सीयं उण्हं गम्मं, अगम्ममडवि नो मुणइ किंतु | ॥११॥ |
| वामकरधरियवयणो, विच्छाओ दीहमुस्ससइ खलइ । वेल्लइ परिदेवइ रुयइ, सुवइ जंभायइ य बहुसो | ॥१२॥ |
| एवं अणंतचित्ता-संताणुत्तम्ममाणकामीण । कयदुग्गइप्पयारं, वियारमडवल्लोइय बुहेण | ॥१३॥ |
| सव्वं पि हु मेहुणं, दिव्वं माणुस्सयं तिरिच्छं च । उड्डमडहतिरियखेत्ते, राओ वा दिवसओ वा वि | ॥१४॥ |
| रागाओ दोसाओ वा, दोसाण समुस्सयं महापावं । सव्वाडवायनिमित्तं ति, चित्तिणज्जं न मणसा वि | ॥१५॥ |
| चित्तिज्जंते य इमम्मि, पायसो पवरबुद्धिणो वि दढं । अविभावियपरनियजुवइ-सेवणादोसगुणपक्खो | ॥१६॥ |
| आरन्नकरिवरो इव, दुव्वारो जायए तदडभिलासो । जीवाण जमडइगरुई, मेहुणसण्णा सहावाओ | ॥१७॥ |
| तो पइदिणवडढंता-डभिलासपवणप्पदिप्पमाणसिहो । निरुवसमं सव्वंङ्गं, पयंङ्गमयणाडनलो जलइ | ॥१८॥ |
| तेण य डज्झंतो असम-साहसं मणसि संपहारिता । जीयं पि पणं काउं, गुरुजणलज्जाडडइ अवगणितं | ॥१९॥ |
| सेवेज्ज मेहुणं पि हु, ततो इह परभवे बहू दोसा । होति जओ सो निच्चं, ससंकिओ भमइ सव्वत्थ | ॥२०॥ |
| अह तक्कारि ति कयाइ, कहवि लोणेण जइ स नज्जेज्जा । तो दीणमुहो जायइ, खणेण मरमाणलिंगो य | ॥२१॥ |
| गिहसामियनगराडडरक्खिण्हिं, वा गहियनिहयबद्धस्स । दुद्धखराडडरोवणपुव्व-गं च अह से वरायस्स | ॥२२॥ |
| उघोसणा पुरे तिक्-चउक्कचच्चरपहेसु परिभमइ । जह हंभो पउरजणा!, अवरज्जइ नेह रायाडडई | ॥२३॥ |
| केवलमडवरज्जंति, पावाइं सयं कडाइं कम्माइं । ता भो! इयरुवाइं, इमाइं अन्नो वि मा कुज्जा | ॥२४॥ |
| करचरणछेयवहबंध-रोहणुल्लंबणाडडइमरणंता । के के न होति दोसा, इहभविया? मेहुणपरस्स | ॥२५॥ |
| परभविए पुण दोसे, केतियमेते उ कित्तिमो तस्स । जं मेहुणपाउब्भव-पावाउ अणंतभवभमणं | ॥२६॥ |
| ता भो! भणांमि सव्वं, चयाहि सव्वं पि मेहुणं सम्मं । तप्परिचागा कुगई, चत च्विय होइ दुहपगई | ॥२७॥ |
| अन्नं च- | |
| पायडिंयविगियरुवं, आयासकिलेससाहणिज्जं च । सव्वंङ्गियगुरुवायाम-जणियसेयाडहिउव्वेगं | ॥२८॥ |
| सज्झसरुज्जंतगिरं, विलज्जकज्जं जुगुच्छणिज्जं च । एत्तो चैव निमित्ता, पच्छन्नाडडसेवणीयं पि | ॥२९॥ |
| हिययुक्खइख्यपामोक्ख-विविहवाहीण हेउभूयं च । अप्पत्थभोयणं पिव, बलवीरियहाणिजणं च | ॥३०॥ |
| किपागफलं पिव भुज्ज-माणमडवसाणविरसमडइतुच्छं । वामोहकरं नडनच्चि-यं च गंधव्वनयरं च | ॥३१॥ |
| सयलजणजणियनिरसण-सुणगाडडइनिहीणजंतुसामन्नं । सव्वाडभिसंक्कणीयं, धम्मत्थपरत्तविग्घकरं | ॥३२॥ |
| आवायमेत्तसुहलेस-संभवम्मि विवेगयं को णु । निहुयणसोक्खं कंखेज्ज, मोक्खसोक्खेक्कपरिकंखी | ॥३३॥ |
| मेहुणपसंगसंजणिय-पावपम्भारभारिया संता । निवडंति नरा नरए, जले जहा लोहमयपिंडो | ॥३४॥ |
| अक्खंडंबभचेरं, चरितं संपुन्नपुन्नपम्भारा । समुत्थिति चित्तियडत्थं, पावेंति पहाणदेवत्तं | ॥३५॥ |
| ततो चुया नरत्ते वि, तियसतुल्लोवभोगभोगजुया । जायंति पुन्नदेहा, विसिट्टकुलजाइसंपन्ना | ॥३६॥ |
| होति 'जणगज्जवयणा, सुभगा पियभासिणो सुसंठाणा । रुवस्सिणो य सोमा, पमुइयपक्कीलिया निच्चं | ॥३७॥ |
| नीरोगा य असोगा, चिराडडउसो कित्तिकोमुइमयंका । अकिलेसाडडयासपयं, सुहोइया अतुलबलविरिया | ॥३८॥ |
| सव्वंङ्गलक्खणधरा, साडलंकारा सुक्खव्वगंध व्व । सिरिमंता य विपड्ढा, विवेइणो सीलकलिया य | ॥३९॥ |
| भरियाडवत्था थिमिया, दक्ख्वा तेयस्सिणो बहुमया य । परितूलियविण्हुबंभा, बंभव्यपालगा होति | ॥४०॥ |
| इह तुरियपावठाणग-पवित्तिविणिवित्तिदोसगुणविसए । गिरिनयरनिवासिवयंसि-दारगा होइ दिट्ठंतो | ॥४१॥ |
| तहाहि- | |
| “गिरिनयरनिवासिनीदृष्टान्तः” | |
| रेवययगिरिविराइय-विसिट्टसोरडुदेसतिलयम्मि । गिरिनयरे तिन्नि वयंसि-याओ इब्भाण धूयाओ | ॥४२॥ |
| परिणीयाओ तत्थेव, पवरसुंदेरमणहरंङ्गीओ । ताओ य पसूयाओ, कालेणे-क्केक्कगं तणयं | ॥४३॥ |
| अह अन्नया कयाई, पुरपरिसरकाणणम्मि मिलियाओ । किलंतीओ ताओ, तिन्नि वि चोरेहिं घेतूणं | ॥४४॥ |
| पारसकूले वेसंङ्गणाण, दिन्नाओ भूरिदव्वेण । सिक्खवियाओ ताहिं, वेसाचरियं निरडवसेसं | ॥४५॥ |
| दूरदिसाडडगयउत्तम-वणिपुत्ताडडईण तयडणु ठवियाओ । उवभोगत्तेण जणा, लद्धपसिद्धी य जायाओ | ॥४६॥ |

अह तासि पुव्वसुया, तिन्नि वि तारुन्नभावमडणुपत्ता । जणणीनाएणं चिय, वडुंतडन्नोन्नपीईए ॥७७॥
 णवरं एगो तेसिं, सावयपुत्तो अणुव्वयधरो य । नियदारुवभोगी चिय, अवरे पुण मिच्छदिट्ठि ति ॥७८॥
 एगम्मि य पत्थावे, विचित्तभंडं गहाय नावाहिं । दव्योवज्जणहेउं, पारसकूलम्मि ते य गया ॥७९॥
 भवियव्वयावसेणं, वुत्था तासिं गिहेसु वेसाणं । णवरमडणुव्वयधारिणमडवल्लोडय निव्वियारमणं ॥८०॥
 भणियं एगाए भद्द!, कहसु कत्तो समागओ तं सि। किं होति तुज्झ एए, तो तेण पयंपियं भद्दे! ॥८१॥
 गिरिनयराओ अम्हे, तिन्नि वि होमो परोप्परं मित्ता । अम्हं पुण जणणीओ, तिण्हं पि १हडाओ चोरेहिं ॥८२॥
 तीए पयंपियं संप-यं पि किं भद्द! तत्थ जिणदत्तो । पियमित्तो थणदत्तो य, तिन्नि वणिणो परिवसंति ॥८३॥
 तेणं भणियं किं तेहिं, तुज्झ तीए पयंपियं पडणो । ते अम्हाणं तिण्हं पि, आसि पुत्तो य एक्केक्को ॥८४॥
 एमाडई सव्यो वि हु, वुत्तंतो साहिओ तओ तेण । भणियं जिणदत्तसुओ, अहं ति एए य इयरसुया ॥८५॥
 एवं वुत्ते पुत्तो ति, कंठमाडडलंबिऊण सा बाढं । रोधिउमाडडढत्ता मुक्क-कंठमियरो वि तह चेव . ॥८६॥
 सुहदुक्खं खणमेत्तं च, पुच्छिउं सो जवेण मित्ताण । अक्कज्जकरणचारण-बुद्धीए गओ समीवम्मि ॥८७॥
 सिद्धो एगंतम्मि, सव्यो तव्वइयरो तओ ते य । तव्वेलकयाडकज्जं ति, सोगविहुरा दढं जाया ॥८८॥
 अह सव्वाओ वि पभूय-दव्वदाणेण वेसहत्थाओ । मोयावित्ता वलिया, ताहिं समं नियपुराडभिमुहं ॥८९॥
 इंताणमुयहिमज्झे, तेसिं चित्ता इमा समुप्पन्ना । सयणाण कयाडकज्जा, दंसिस्सामो कहं वयणं ॥९०॥
 इय संखोभवसेणं, लज्जाए गया दुवे विदेसम्मि । तम्मायरो य जलहिम्मि, चेव पडिउं विवन्नाओ ॥९१॥
 सो उ अणुव्वयधारी, जणणिं घेतुं गओ सनयरम्मि । चिन्नायवइयरेणं, पसंसियो पउरलोएण ॥९२॥
 इय सोऊणं सुंदर!, दरजणणं मुणियपरमतताणं । चय अब्बंभ बंभं च, भयसु आराहणेक्कमणो ॥९३॥
 एवं मेहुणनामग-पावट्टाणं चउत्थमडक्खायं । पंचमपावट्टाणं, परिग्गहमडओ निदंसेमि ॥९४॥

“परिग्रह स्वरूपम्” —

एसो य सयलपाव-ट्टाणगपासायनिच्चलपड्डा । भूरिसिरासंपवहो, गभीरसंसारकूवस्स ॥९५॥
 महसमओ बुहनिंदिय-कुवियप्पअणप्पपल्लवुब्भेए । एगग्गचित्तयादीहि-याए गिम्हुम्हसंभारो ॥९६॥
 पाउससमओ नाणाडडइ-विमलगुणरायहंसवग्गस्स । सरयाडडगमो य गरुयाडड-रंभमहासस्ससिद्धीए ॥९७॥
 साडडयत्ताडडणंदविसिद्ध-सोक्खकमलिणिवणस्स हेमंतो । सिसिराडवसरो सुविसुद्ध-धम्मतरुपत्तसाडस्स ॥९८॥
 मुच्छायल्लीए अखंड-मंडवो काणणं दुहतरुणं । संतोससरयससिणो, दाढुग्गाढं विडप्पमुहं ॥९९॥
 अच्चंतमडविस्सासस्स, भायणं मंदिरं कसायाणं । दुन्निग्गहो गहो इय, परिग्गहो कं न चिनडेइ ॥१००॥
 थणधन्नखेतवत्थूसु, रूप्यसुवन्ने चउप्पए दुपए । कुविए य करेज्ज बुहो, एत्तो च्चिय निच्चपरिमाणं ॥१०१॥
 ईहरा उ इमा इच्छा, दिन्नजहिच्छा अईय दुचिगिच्छा । सपरजणरुद्धदिच्छा, पूरिज्जइ कहवि जइ किच्छा ॥१०२॥
 जीयस्स जमिह तोसो, न सया न सहस्सओ न लक्खाओ । न य कोडिओ न रज्जा, न य देवता न इंदत्ता ॥१०३॥
 जओ—

अयराडगो वराडग-मडह पत्तयराडगो पुण वराओ । अहिलसइ रुयगं तंपि, पाविउं ईहए दम्मं ॥१०४॥
 पत्तो वि तं तदेगु-त्तराए वुड्डीए जाय दम्मसयं । तं पत्तो य सहस्सं, सहस्सय कंखए लक्खं ॥१०५॥
 लक्खयई पुण कोडिं, कोडिचई पुण समीहए रज्जं । रज्जचई चक्कित्तं, चक्की पुण महइ देवतं ॥१०६॥
 तं पि कहंपि हु पत्तो, पावो ईहइ पुरंदरत्तं पि । तम्मि वि पत्ते इच्छा, २दीहट्टा वट्टए चेव ॥१०७॥
 उयरि पवित्थरइ दढं, अणुक्कमं मल्लगस्स घडणव्व । इच्छा जस्स स सुगइं, अवहत्थिय पत्थइ कुगइं ॥१०८॥
 बहुसो वि मिज्जमाणो, न आढओ कहवि मूडओ होइ । इय जो थणलवभागी, सो किं कोडीसरो होइ ॥१०९॥
 जं पुव्वकम्मनिम्मिय-मडजतओ लभइ तत्तियं चेव । दोणघणे वि य वुडे, चिड्डइ न जलं गिरिसिरम्मि ॥११०॥
 जो किर जहन्नपुत्तो, समडहियमीहइ थणं थणियचेट्टो । गयणंङगणं गहेउं, सो नियहत्थेण पत्थेइ ॥१११॥
 जइ लब्भइ निब्भग्गेहिं, भूयले एत्थ पत्थियपयत्थो । रज्जाडडई ता न दुही, दीसेज्ज कयावि कोवि कहिं ॥११२॥

1. हताः । 2. दीर्घत्वात् ।

मणिकणगरस्यणपुत्रं, लोयं पि हु पाउणेज्ज जइ कह वि । तह वि य अछिन्नचंओ, ही! अकयत्थो च्चिय वराओ॥८३॥
 पुत्रोहिं सुन्नो वि हु, अत्थे जो विमूढोप्या । एमेव सो दिणस्सइ, असमतमणोरहो चव ॥८४॥
 पवणेणं पूरेउं, न सक्कणिज्जो जहेत्थ कोत्थलओ । इय अत्थेण न सक्को, कहिं पि अप्पा वि पूरेउं ॥८५॥
 इच्छावोच्छेयकए, संतोसो चव ता वरं विहिओ । संतोसिणो हि सोक्खं, दुक्खमडसंतोसिणो धणियं ॥८६॥
 पंचमपावडाणग-पसत्तुविणियतयाण दोसगुणा । जह लोहनंदजिणदास-सावगाणं तहा णेया ॥८७॥
 तहाहि— “ लोहनन्दजिनदासदृष्टान्तः”

पाडलिपुत्ते नगरे, बहुसमारविद्धतविजयजसपसरो । आसि जयसेणनामो, नरनाहो भूरिगुणकलिओ ॥८८॥
 तत्थ य पुरम्मि अथरिय-कुबेरधणवित्थरा परिचसंति । नंदपमोक्खा वणिणो, जिणदासाडडई सुसड्ढा य ॥८९॥
 अह एगम्मि अवसरे, समुद्धत्ताडभिहाणवणिणण । चिरकालियं सरोवर-माडडरद्धं खाणित्तं एक्कं ॥९०॥
 तत्थ खणिज्जंतम्मि, उड्ढेहिं पुब्बपुरिसपक्खित्ता । लद्धा सुवन्नकुसया, चिरकालियकिट्टचयमलिणा ॥९१॥
 तो लोहमय ति वियाणिऊण, वणियाण तेहिं उवणीया । जिणदासेणं गहिया य, दोन्नि नाऊण लोहमया ॥९२॥
 अह तेण नियंतेणं, सम्मं नाउं सुवन्नमइय ति । परिमाणाडडक्कमभया, दिन्ना तित्थयरभवणम्मि ॥९३॥
 अवरे पुणो न गहिया, नवरं नंदेण जाणमाणेण । आढत्ता ते घेतुं, समहियअत्थव्वएणाडवि ॥९४॥
 उड्ढा य इमं भणिया, लोहकुसे मा परस्स देज्जाह । अहमिच्छियं दलिस्सामि, तुम्ह तेहिं च पडिवणं ॥९५॥
 अवरम्मि दिणे मित्तेण, सो बला भोयणडड्या नीओ । तेण य पुतो भणिओ, जह तह गिण्हेज्जसु कूस ति ॥९६॥
 पडिसुयमिमं सुएणं, भोत्तुं मित्तग्गिहे गओ ताहे । अच्चंतवाउलमणो, भोत्तुं च गिहंमुहो चलिओ ॥९७॥
 अमुणियपरमत्थेण य, समडहियमोल्ल ति नो कूसा गहिया । तेण सुएणं उड्ढा य, जायकोवा परत्थ गया ॥९८॥
 जत्तो ततो य खिवंतयाण, अह कहवि ववगए किट्टे । एगस्स उ कुसयस्सा, पयडं चामीयरं जायं ॥९९॥
 रायपुरिसंहिं ततो, उड्ढा गहियं समप्पिया रत्तो । पुट्ठा य कत्थ अन्ने, चिक्कीया कहह कुसग ति ॥१००॥
 तेहिं कहियं नराडहिव!, दिन्ना जिणदाससेट्ठिणो दोन्नि । अवसेसे नीसेसा, उवणीया नंदवणियस्स ॥१०१॥
 एवं भणिए रत्ता, चाहरित्तं पुच्छिओ हु जिणदासो । सिट्ठो य तेण सब्बो, जहट्ठिओ नियगवुत्तंतो ॥१०२॥
 ताहे रत्ता सम्माणिऊण, सो पेसिओ नियगिहम्मि । नंदो य नियगहट्टं, समागओ पुच्छए पुत्तं ॥१०३॥
 किं रे! कुसया गहिया, न व ति तेणं पयंपियं ताय! । बहुमुल्ल ति न गहिया, तो ताडित्तो उरं नंदो ॥१०४॥
 हा! हा! मुट्ठो ति पयंपिरो य, जंघाउं भंजइ कुसेण । एयाणमेस दोसो, जेण गओ हं परगिहे ति ॥१०५॥
 तो वज्झो आणत्तो, सो रत्ता अवहडं च सब्बस्सं । एमाडडई बहु दोसा, इच्छाविणिवित्तिरहियाणं ॥१०६॥
 इय खमग! मणागं पि हु, परिग्गहे मा मणो थरिज्जासि । खणदिट्ठनट्ठरूवे, का चंछा तत्थ धीराण ॥१०७॥
 एवं परिग्गहविसयं, पंचमगं पावडाणगं वुत्तं । कोवसरूवाडडवेयण-परमेतो भन्नइ छट्टं ॥१०८॥

“क्रोधस्वरूपम्” —

कोहो विगंधिदब्बु-ब्भवो व्व कोहो न कस्स उव्वेयं । उवजणयइ एत्तो च्चिय, चत्तो दूरेण विबुहेहिं ॥९१॥
 किञ्च—

गुरुकोवजलणजाला-कलावसविसेसकवलियविवेगो । न वियाणइ अप्पाणं, परं च परमत्थओ पुरिसो ॥१०९॥
 उप्पज्जमाणओ च्चिय, कोहो पुरिसं डहेइ ता पढमं । जत्थुप्पण्णो तं चव, इंधणं धूमकेउव्व ॥११०॥
 नियकत्तारं कोवो, डहइ अवस्सं परे अणेगंतो । नियपयडहणे सिहिणो वि, अहय नियमो न अन्नत्थ ॥१११॥
 सो किं य कुणउ अन्नस्स, पेसिओ खीणसत्तिसंजोगो । जो निययमाडडसयं नि-डहेइ कोवो महापावो ॥११२॥
 जस्स किर कोवकलिणा, कलुसीकयमाणसस्स जंति दिणा । इह परलोगे वि नरस्स, तस्स कह सोक्खसंपत्ती॥११३॥
 अवयारी किर वेरी वि, होइ एक्कम्मि चव जम्मम्मि । कोहो पुण होइ दढं, दोसु वि जम्मेसु अवयारी ॥११४॥
 जं कज्जमुवसमपरो, साहइ न हु तं कया वि कोवपरो । जं कज्जकरणदक्खा, बुद्धी कुद्धस्स सा कत्तो ॥११५॥
 अन्नं च—

कोहो उच्चैवणओ, पियबंधुविणासओ महापावो । कोहो संतावयो, सोग्गइपहबंधणो कोहो ॥१७॥
 बुहयणसहस्सपरिनिदियस्स, पयईए पावसीलस्स । कोहस्स न जंति वसं, विवेइणो तेण कइया वि ॥१८॥
 कोहाउ हणइ पाणे, कोहाओ भासइ मुसावायं । कोहा अदत्तगहणं, कोहाओ बंभवयभंगो ॥१९॥
 कोहाउ महाउउरंभो, परिग्गहो वि हु पयइए कोहा । किं बहुणा सब्बाणि वि, पावट्टाणाणि कोहाओ ॥२०॥
 ता तिक्खखंतिखग्गेण, खंडिउं दक्खघाए निरवेक्खो । कोहमहापडिमल्लं, पडिवज्जसु पसमजयलच्छिं ॥२१॥
 कोहो दुक्खणिमित्तं, तप्पसमो पुण सुहेक्कहेउ ति । उभए वि हु अप्पवसे, तप्पसमो च्चिय वरं जुतो ॥२२॥
 कोहो मणसा वि कओ, नरगाय भवे सिवाय तदुवसमो । उभयत्थ वि रायरिसी, पसन्नचंदो इहं नायं ॥२३॥
 तहाहि—

“प्रसन्नचन्द्रदृष्टान्तः”

उग्गविसविसहराउउल-घरं च पोयणपुराउहिवो रज्जं । मोतुं वीरजिणंउते, पसन्नचंदो विणिक्खंतो ॥२४॥
 विहरंतो जयगुरुणा, समं च रायग्गिहम्मि संपतो । ओलंबियभुयपरिहो, उस्सग्गेण य ठिओ सम्मं ॥२५॥
 जिणवंदणउट्टपट्टिय-सेणियनिवअग्गसेन्नगामीहिं । दिट्ठो दुम्मुहसुमुहाउ-भिहाणपुरिसेहिं दोहिं तओ ॥२६॥
 सुमुहेण जंपियं जयइ, एसो सहलं च जीवियमिमस्स । जो रज्जं तह वज्जिय, पव्वज्जं इय पवन्नो ति ॥२७॥
 तो दुम्मुहेण भणियं, भद्द! अलं संकहाए एयस्स । जो असमत्थं पुत्तं, रज्जे ठविउं सयं कीवो ॥२८॥
 पासंडं पडिवन्नो, वेरिभया एवमेत्थ संवसइ । रज्जं सुओ पया वि य, तह पीडिज्जंति सत्तूहिं ॥२९॥
 एवं सोच्चा तक्खण-विस्सुमरियधम्मझाणपडिबंधो । साहू पसन्नचंदो, कुवियो चिंतेउमाउउढतो ॥३०॥
 को मइ जीयंतम्मि वि, मज्झ सुयं रज्जमउवि य विद्वइ । मन्ने सीमालमही-वईण दुब्बिलसियं एयं ॥३१॥
 ता ते विद्धंसिता, करेमि सुत्थं ति पुव्वनाएण । उस्सग्गठियो वि रणेण, तेहिं सद्धि समाउउवडिओ ॥३२॥
 धम्मज्झाणठियं पिव, अह तं दट्ठूण सेणिओ राया । अहह! महप्पा कह वट्टइ ति, विम्हयरसाउउउलिओ ॥३३॥
 भत्तिभरमुव्वहन्तो, सब्बाउउयरविहियतप्पयपणामो । चिंतइ एरिससुहझाण-संगओ जइ जियं चयइ ॥३४॥
 एसो महाउणुभावो, उप्पज्जइ ता कहिं ति जिणनाहं । पुच्छिस्सं ति विभाविय, जयगुरुपासं समल्लीणो ॥३५॥
 पुट्ठो य जएक्कपहू, पसन्नचंदो तहाविहे भावे । वट्टंतो मरिऊणं, उप्पज्जइ कत्थ मे कहसु ॥३६॥
 भणियं पहुणा सत्तम-नरए उप्पज्जइ ति तो राया । नूणं मए न सम्मं, सुयं ति चिंताउउउरो जाओ ॥३७॥
 एत्थंतरम्मि मणसा, जुज्जंतेणं पसन्नचंदेणं । निट्टियपहरणनिवहेण, सीसताणेण वि रिउस्स ॥३८॥
 घायं काउमणेणं, सीसे हत्थो निवेसिओ सहसा । लुंचियचिहुरचयम्मि य, तम्मि छिक्कम्मि उवउत्तो ॥३९॥
 समणो हं ति विसायं, कुणमाणो किं पि तं सुहं झाणं । पडिवन्नो स महप्पा, जेण लहुं केवली जाओ ॥४०॥
 केवलिमहिमा य कया, संनिहियसुरेहिं दुंदुही पहया । पुट्टं च सेणिएणं, किं तूररयो इमो भयवं! ॥४१॥
 भणियं जएक्कपहुणा, केवलिमहिमं पसन्नचंदस्स । देवा कुणंति एए, विम्हइओ सेणिओ ताहे ॥४२॥
 पुव्वाउवरवयणाणं, विरोहमुव्भाविऊण पुच्छेइ । को नाह! इहं हेऊ, कहियं च जहट्टियं पहुणा ॥४३॥
 इय मुणिय खवग! तं कोह-विगमसंपत्तपसमरससिद्धी । सुपसन्नमाणसो तं, विसुद्धमाउउराहणं लहसु ॥४४॥
 छट्टं पावट्टाणं, परुवियं कोहनामथेयमिमं । माणाउभिहाणमेत्तो य, सत्तमं किंपि जंपेमि ॥४५॥

“मानस्वरूपम्” —

माणो संतावयो, माणो पंथो अणत्थसत्थाण । माणो परिभवमूलं, पियबंधुविणासगो माणो ॥४६॥
 माणमहागहगहिओ, जसं च कितिं च अत्तणो हणइ । थद्धत्तणदोसाओ, जायइ अवहीरणाठाणं ॥४७॥
 लहुयतणस्स मूलं, सोग्गइपहनासणो कुगइमग्गो । सीलसिलोच्चयवज्जं, एसो माणो महापावो ॥४८॥
 माणेण थद्धकाओ, अयाणमाणो हियाउहियं अत्थं । अहमउवि किमेत्थ कस्स वि, हीणो किं वा वि गुणवियलो ॥४९॥
 इय कलुसबुद्धिचसगो, संजममूलं न कुव्वए विणयं । विणयरहिए ण नाणं, नाणाउभावे य नो चरणं ॥५०॥
 चरणगुणविप्पहीणो, पावेइ न निज्जरं जए विउलं । तयउभावाउ न मोक्खो, मोक्खाउभावे य किं सोक्खं ॥५१॥
 किंच—

माणतमभरउक्कंतो, कज्जाउकज्जेसु मुज्झिउं मूढो । बहुमन्निउं अगुणिणो, गुणिणो अवमन्निउं बहुसो ॥५२॥

| | |
|------------------------------------------------------------------------------------------------|------|
| गयबुद्धी गोद्रामा-हिलो व्य पावो असेससुहमूलं । सम्मतकप्पतरुमडवि, उम्मूलइ मूलओ चव | ॥५३॥ |
| एवं नीयागोयं, माणंउधो कम्ममडसुहमुवचिण्डं । नीएसु वि नीयतमो, परियडइ अणंतसंसारं | ॥५४॥ |
| तहा— | |
| चइऊण वि किर संगं, संपाविता वि चरणकरणगुणे । चरिऊणं पि तवाडडई, कट्टाडणुट्टाणमडच्चुग्गं | ॥५५॥ |
| वयमेव चतसंगा, वयमेव बहुस्सुया वयं गुणिणो । वयमेव उग्गकिरिया, लिंगुवजीवी किमडन्ने उ | ॥५६॥ |
| इय विलसमाणमाणाड-णलेण हद्धी! दहंति संतं पि । पुव्वपवन्नियनियगुण-वणसंडं अहह! कट्टमडहो! | ॥५७॥ |
| अन्नं च— | |
| विवरीयवितिधम्मा, आरंभपरिग्गहाउ अनियता । पावा सयं विमूढा, सेसं पि जणं विमोहिता | ॥५८॥ |
| हिंसति जीवनिचहं, करेति कम्मं सयाडडगमविरुद्धं । तहवि य वहंति गव्वं, धम्मनिमित्तं इहं अम्हे | ॥५९॥ |
| सायरसरिद्धिगरुया, दव्वक्खेत्ताडडइकयममता य । निययकिरियाडणुरुव्वं, परुवयंता जिणमयं पि | ॥६०॥ |
| दव्वक्खेत्ताडडईण अणु-रुव्वमि बलवीरियपमुहे । संते वि जहासतिं, अजयंता चरणकरणेसु | ॥६१॥ |
| अववायपयपसत्ता, पूइज्जंता तहाविहजणेणं । अम्हे चव इह ति, अतुक्करिसाडभिमाणाओ | ॥६२॥ |
| कालाडणुरुव्वकिरिया-रण य संविग्गगीयवरमुणिणो । माइट्टाणाडडइपरा-यण ति ख्विसंति जणपुरओ | ॥६३॥ |
| निययकिरियाडणुरुवेणं, वट्टमाणं ममत्तपडिबद्धं । निक्कुडिलं ति वयंता, पासत्थजणं च सलहंति | ॥६४॥ |
| एवं च असुहचेट्टा, कम्मं बंधंति किंपि तं बहुसो । जेण बहुतिक्खदुक्खे, भमंति संसारकंतारे | ॥६५॥ |
| जह जह करेइ माणं, पुरिसो तह तह गुणा परिगलंति । गुणपरिगलणेण पुणो, कमेण गुणविरहियतं से | ॥६६॥ |
| गुणसंजोगेण विवज्जिओ य, पुरिसो जयमि धणुहं व । साहइ न इच्छियडत्थ उत्तमवंसुब्भवते वि | ॥६७॥ |
| सपरोभयकज्जहरो, इह परलोए य तिक्खदुक्खकरो । जतेण परिच्च्यतो, माणो दूरं विवेईहिं | ॥६८॥ |
| ता सुंदर! चयसु तुमं पि, माणमडणवज्जयं गव्वेसंतो । ख्रविए पडिवक्खमि, सपक्खसिद्धी जओ भणिया | ॥६९॥ |
| एयमि अवगयमि, जरे व्य परमं सरीरसुत्थतं । जायइ तह एवं चिय, गुणकरमाडडराहणापत्थं | ॥७०॥ |
| सत्तमपावट्टाणग-दोसेण किलेसिओ हु बाहुबली । सो च्विय तओ नियतो, सहस च्विय केवली जाओ | ॥७१॥ |
| तहाहि— | |
| “बाहुबलीदृष्टान्तः” | |
| तक्खसिलानयरीए, इक्ख्रागकुलुब्भवो जयक्ख्रातो । बाहुबलि ति जहडत्थो, उसभसुओ पत्थिवो आसि | ॥७२॥ |
| भरहेण चक्कवइणा, अट्टाणवइकणिट्टभाऊसुं । पव्वइएसुं सेवं, अपडिच्छंतो स इय भणिओ | ॥७३॥ |
| परिचयसु लहुं रज्जं, अहवा आणापरायणो होसु । अज्जेव समरसज्जो, वट्टसु सवडम्महो अहवा | ॥७४॥ |
| एवं सोच्चा निप्पडिम-भुयबलोहामियडन्नसुहडेणं । संगामो पारद्धो, तेणं चक्काडहिवेण समं | ॥७५॥ |
| अवि य— | |
| पडंतमतकुंजरं, हम्मन्तजोहनिम्भरं । पलायमाणकायरं, निभिन्नसंदणुक्करं | ॥७६॥ |
| मिलंतजोगिणीकुलं, वहंतलोहियाडडकुलं । कयंतगेहदारुणं, महाभएक्ककारणं | ॥७७॥ |
| सराडवरुद्धभूयलं, गइंददाणवदलं । पयट्टसूरमग्गणं, भमंततुट्टमग्गणं | ॥७८॥ |
| पलोइउं रणंउगणं, अणेगलोगमारणं । दयारसेक्कमाणसो, भणेइ सो महायसो | ॥७९॥ |
| हे भरह! किं जणेणं, निरवराहेण मारिएणिमिणा । जुज्झामो तुममडहयं च, जेसिमडवरोप्परं वेरं | ॥८०॥ |
| पडिवन्नमिमं भरहेण, जुज्झिउं ते तओ समाढत्ता । ता जाव बाहुबलिणा, सव्वत्थ विणिज्जिओ भरहो | ॥८१॥ |
| तो सो चिंतइ चक्की, किमडहं न भवामि एस चक्कहरो । जं भुयबलेण सव्वत्थ, णेण जिप्पामि इयरो व्य | ॥८२॥ |
| इय चित्तिरस्स भरहस्स, दंडरयणं फुरंततडितरलं । करकमलमि निलीणं ^१ , पयंडजमदंडदुप्पेच्छं | ॥८३॥ |
| अह बाहुबली तं तह, पलोइउं विलसमाणकोहडग्गी । दंडेण समं पि इमं, किं चूरेमि ति चिंतंतो | ॥८४॥ |
| खणमेगं अच्छिता, मणागमुवलद्धसुद्धबुद्धीए । परिभाविउं पयत्तो, धिद्धी! विसयाडणुसंगस्स | ॥८५॥ |
| जेणडभिभूया सता, मित्तं सयणं पि बंधवजणं पि । न गणंति तिणसमं पि हु, काउमडकिच्चं पि ववसंति | ॥८६॥ |

1. अन्य कथाओं में देवेन्द्र द्वारा दोनों भाईयों के युद्ध की बात और बाद में चक्ररत्न को फेंकने की बात आती है।

ता विसयवासणाए, नियडउ वज्जाडसणि ति चिंततो । सयमेव विहियलोओ, निस्संगो सो महासतो ॥८७॥
 पव्वज्जं घेतूणं, कह लहुभाऊण वंदणं काहं । सामिसमीवम्मि गओ ति, माणदोसेण तत्थेव ॥८८॥
 काउस्सग्गेण ठिओ, उप्पन्ने केवलम्मि वच्चिस्सं । एतो ति कयपइन्नो, आवरिसं निरडसणो किसिओ ॥८९॥
 वरिसंउते जिणपेसिय-बंधीसुंदरीतवस्सिणीहिं च । भणिओ भाउग! ताओ, आणवइ न हत्थिचडियाण ॥९०॥
 उप्पज्जइ किर नाणं ति, तयणु सो जा विभावए सम्मं । ता माणमेव हत्थिं, मुणिकुणं जायसुहभावो ॥९१॥
 उज्झियमाणो जिणपाय-मूलगमणाय उक्खियवियचलणो । तिन्नपइन्नो जाओ, वरकेवलनाणलाभेणं ॥९२॥
 इय माणपयित्तिनिवित्तिभाव-संपज्जमाणदोसगुणे । खमग! महासत! विहा-विऊण सुद्धाए बुद्धीए ॥९३॥
 तुममाडडराहणमेयं, आराहिय चरणवरगुणोवेयं । दंसणनाणसमेयं, पावसु सिवसोक्खमडपमेयं ॥९४॥
 सत्तमयपावठाणं, उवइडुं माणगोयरं एयं । एतो मायाविसयं, अट्टमयं किंपि साहेमि ॥९५॥

“मायास्वरूपम्” —

माया उच्च्येकरी, धम्मियसत्थेसु निंदिया माया । माया पावुप्पती, धम्मक्खयकारिणी माया ॥९६॥
 माया गुणहाणिकरी, दोसाण विवडुणी फुडं माया । माया विवेयहरिणंउक-बिंबगसणेक्कराहुगहो ॥९७॥
 पडियं नाणं चरियं च, दंसणं पाचियं च चारित्तं । तवियं सुचिरं पि तवं, जइ माया ता हयं सच्चं ॥९८॥
 अच्छउ ता परलोए, इहलोए च्चिय नरो उ माइल्लो । जइ वि अकयाडवराहो, तहा वि सप्पो व्व भयहेऊ ॥९९॥
 जह जह करेइ मायं, तह तह ^१अप्पच्चयं जणे जणइ । अप्पच्चयाओ पुरिसो, ^२अक्कयतूला लहू होइ ॥६००॥
 ता भाविकुण एयं, सुंदर! परिहरसु सच्चहा मायं । तव्वज्जणेण अणवज्जं, अज्जवं जायए जेण ॥११॥
 अज्जवगुणेण पुरिसो, संचरई जत्थ जत्थ तत्थ तहिं । सुयणो सरलसहावो, इमो ति सलहिज्जइ जणेणं ॥१२॥
 आरूढजणपसंसस्स, पुण्णगुणा संकमंति सयरहं । गुणगणवेसिणो ता, जुतो जतो तहिं काउं ॥१३॥
 महुरत्तं दंसित्ता, माई पच्छा वि दरिसियवियारो । तक्कं च जयम्मि नरो, न रोयए वत्तमहुरतो ॥१४॥
 अट्टमयपावठाणग-दोसे नायमिह पंडरज्जाए । अहवा दोसगुणेसु वि, अहक्कमं दो वणियपुत्ता ॥१५॥
 तथाहि—
 “द्वेषणिकपुत्रस्यदृष्टान्तः”

एगम्मि पुरे धणवंत-गरुयकुलसंभवा भवुच्चिग्गा । पव्वज्जं पडियन्ना, एगा सुस्सावगाण सुया ॥६॥
 सुस्समणीणं मज्झे, वसमाणी सा य गिम्हसमयम्मि । अच्छंतमलपरीसह-पराजिया देहसक्कारं ॥७॥
 असुयसक्कारं पि हु, कुणमाणी चोयणं च समणीहिं । दिज्जतिं असहंती, भिन्नम्मि पडिस्सयम्मि ठिया ॥८॥
 पंडरपडदेहतेण, सा पसिद्धा य पंडरज्ज ति । कुणइ य पूयाहेउं, विज्जाए नयरजणस्सोभं ॥९॥
 अह पच्छिमम्मि काले, कहं पि संजायपरमवेरग्गा । सुगुरुसमीवे पडियन्न-पुव्वदुच्चरियपच्छित्ता ॥१०॥
 संघसमक्खं घेतूण-मडणसणं सा ठिया सुहज्जाणे । णवरं पूयाहेउं, मंतेणाडडयइडु लोयं ॥११॥
 तीए समीवे पुरलोय-मित्तमडणिसं पलोइउं गुरुणा । भणिया महाडणभावे!, मंतडभिओगो न ते जुतो ॥१२॥
 “मिच्छा भि दुक्कडं” “तो, पुणो वि काहामि चोइया सुट्टु” । पडिभणियमिणं तीए, नवरं अवरम्मि पुण दियहे ॥१३॥
 विजणे ठाउं अतरतियाए, आयडिडओ पुणो लोगो । पडिसिद्धा य गुरुहिं, ता जाव चउत्थवेलाए ॥१४॥
 मायासीलतेणं, तीए भणियं न किंपि भंते! हं । विज्जाबलं पजुंजेमि, किंतु सयमेइ एस जणो ॥१५॥
 एवं सा मायावस-विहुणियआराहणाफला मरिउं । सोहम्मे एरावण-सुररमणीभावमडणुपत्ता ॥१६॥
 इय दोसे दिडुंतो, निदिट्ठो ताव पंडरज्जाए । दोसगुणेसु य पुव्वो-वइडुवणिए निदंसेमि ॥१७॥
 अवरविदेहे दो वणि-यवयंसा माइउज्जुगतेण । ववहरिउं चिरकालं, दो वि मया भरहवासम्मि ॥१८॥
 उज्जुगभावो मिहुणतणेण, अवरो य हत्थिभावेण । उप्पन्ना कालेणं, परोप्परं दंसणं जायं ॥१९॥
 मायावसविडवियआभि-योगकम्मोदणण अह करिणा । खंधाम्मि विलइयं तं, मिहुणगमडच्चत्तपीईए ॥२०॥
 इय माइणो अणत्थं, तव्विवरीयस्स पेच्छिउं च गुणं । खमग! तुमं निम्माओ, सम्मं आराहणं लहसु ॥२१॥
 पावट्टाणगमडट्टम-मेयं लेसेण संसियं एतो । लोभसरूयाडडवेयण-परमं नवमं पि कित्तेमि ॥२२॥

“लोभस्वरूपम्” —

जायइ जाओ वडूढइ, जह पाउसजलहरो अहुंतो वि । तह पुरिसस्स वि लोभो, जायइ पसरइ य पइसमयं ॥२३॥
लोभे य पसरमाणे, कज्जाडकज्जं अचिन्तयन्तो य । मरणं पि हु अगणेतो, कुणइ महासाहसं पुरिसो ॥२४॥
अडइ गिरिदरिसमुद्धे, पविसइ दारुणरणंउगणम्मि तहा । पियबंधवे नियं जी-वियं पि लोभा परिच्चयइ ॥२५॥
किंच—

अच्चंतमुत्तरोत्तर-समीहियउत्थाउउगमे वि लोभवओ । तण्ह च्विय परिचडूढइ, सुभिणे वि न जायए तित्ती ॥२६॥
लोभो अक्खयवाही, सयंभुरमणोदहि व्व दुप्पूरो । लाभिधणेण जलणो व्व, वुड्ढिमउच्चंतमउणुसरइ ॥२७॥
लोभो सब्बविणासी, लोभो परिवारचित्तभेयकरो । सब्बाउउवइकुगईणं, लोभो संचाररायपहो ॥२८॥
एयद्वारेण नरो, घोरं पावं पवंचिउं सुचिरं । अविहियतप्पडियारो, परिचडइ भवकडिल्लम्मि ॥२९॥
जो पुण लोभविवागं, नाऊण विवेगओ महासतो । तच्चिवरीयं चिडूइ, उभयभवसुहाउउवहो स भवे ॥३०॥
एत्थ य पावट्टाणे, दिट्ठंतो होइ माहणो कविलो । जो चडियो कोडीए, कणगस्स दुमासगउत्थी वि ॥३१॥
तप्पडिवक्खे वि हु ख्रविय-सयलपरिथूलसुहुमलोभंसो । सो च्विय दिट्ठंतपयं, संपावियकेवलाउउलोगो ॥३२॥
तहाहि—

“कपिलदृष्टान्तः”

कोसंबीनयरीए, जसोयनामाए माहणीए सुओ । कविलो नामेणाउउसी, लहुयस्स वि तस्स किर जणगो ॥३३॥
पंचत्तं संपतो, पियसमवयसं विभूतिसंपन्नं । माहणमउवरं दट्ठुं, से जणणी संभरियनाहा ॥३४॥
रोचिउमाउउढत्ता पु-च्छिया य कविलेण रुयसि किं अम्मो! । तीए पयंपियं पुत्त!, पउरमिह रोचियच्चं मे ॥३५॥
तेण भणियं किमत्थं?, तीए वुत्तं तुमम्मि जायम्मि । वच्छ! विभूई निहणं, गया तहा जह य एस दिओ ॥३६॥
तह तुज्झ पिया वि पुरा, विभूइमं आसि तेण वज्जरियं । केण गुणेण तीए, पयंपियं वेयकुसलता ॥३७॥
साउमरिसेणं कविलेण, भासियं तं अहं पि सिक्खामि । तीए भणियं एवं, करेसु गंतूण सावत्थिं ॥३८॥
पिइमित्तइंददत्ताउ-भिहाणअज्झावगरस्स पासम्मि । इह अत्थि वच्छ! सम्मं, न तुज्झ सिक्खावगो को वि ॥३९॥
एवं ति सो पवज्जिय, सावत्थिपुरीए इंददत्तस्स । पासम्मि गओ पुट्ठो य, तेण कहिए य वुत्तंते ॥४०॥
पियमित्तसुओ ति वियाणिऊण, अज्झावगेण अवगूढो । भणिओ य वच्छ! गिण्हसु, संउगोवंगं पि चउवेयं ॥४१॥
किंतु समिद्धं धणसेट्ठि-मेत्थ भोयणकएण पत्थेसु । अब्भत्थिओ य कविलेण, साउउयरं तेण वि य भणिया ॥४२॥
एगा नियगा चेडी, भुंजावेज्जासि पाढगमिमं ति । एवं भोयणसुत्थो, वेए सो पडिउमाउउढतो ॥४३॥
नवरं साउउयरपइदिण-भोयणदाणेण संथवेणं च । चेडीए उवरि जाओ, अच्चंतं तस्स पडिबंधो ॥४४॥
अह तीए सो भणिओ, छणो ति कयविविहचारुसिगारा । नियनियकामुयवियरिय-विसिद्धवत्थाउउइरमणिज्जा ॥४५॥
पुरवेसाओ 'नीहिति, कल्लदियहम्मि अच्चिउं मयणं । तासिं च अहं मज्झे, जंती बीभच्छनेवत्था ॥४६॥
सहियाहिं हसिज्जिस्सं, तां पिययम! तं सि पत्थणिज्जो मे । तह कुणसु कह वि जह नो-वहासपयविं पवज्जामि ॥४७॥
एवं सोउं कविलो, कयत्थिओ अद्धिईए पारद्धो । नट्टा निसिम्मि निट्ठा, पुणो वि चेडीए सो भणिओ ॥४८॥
पिय! परिहर संतावं, वच्चसु तं राइणो समीवम्मि । सो किर पइदियहं चिय, पढमपबुद्धो पढमदिट्ठं ॥४९॥
विप्यं सुवन्नमासग-दुगदाणेणाउभिन्दइ इमं च । आयन्निऊण कविलो, अविद्याणियरयणिपरिमाणो ॥५०॥
नीहरिओ गेहाओ वच्चंतो दंडवासिएहिं तओ । चोरो ति गहिय बद्धो, पच्चूसे दंसिओ रण्णो ॥५१॥
आगारिगियकुसलतणेण, साहु ति जाणिउं रत्ता । आपुच्छिओ तगो भइ!, को तुमं? तेण वि य सब्बो ॥५२॥
मूलाओ च्विय सिट्ठो, नियवुत्तंतो तओ सकरुणेण । रत्ता भणियं भइय! जं मग्गसि तं पयच्छामि ॥५३॥
कविलेण जंपियं देव!, रहसि आलोचिऊण मग्गामि । पडिवन्नमिमं रत्ता, एणंते सो तओ ठाउं ॥५४॥
आलोचिउं पयत्तो न किंपि कणगस्स मासगदुगेण । पत्थेमि दम्मदसगं, तेण वि वत्थं भवे एककं ॥५५॥
ता पत्थिज्जइ वीसा, अहवा तीए वि हवइ नाउउभरणं । ता जाएमि सयमउहं, तेण वि किं तीए किं मज्झं ॥५६॥
मग्गेमि सहसमेक्कं, नवरं तेणाउवि थोवनिव्वाहो । एवं दससाहस्सिं, चडिओ ता जाव कोडिं पि ॥५७॥

| | |
|----------------------------------------------------------------------------------------------------|------|
| एवं च उत्तरोत्तर-वडदंतुद्दामदव्ववंछेण । मूलाडभिलासमडणुसरिय, तेण संचितियं एवं | ॥५८॥ |
| “जहा लाभो तहा लोभो, लाभा लोभो पवड्ढइ । दोमासकयं कज्जं, कोडीए वि न निट्टियं” | ॥५९॥ |
| “हा दुट्टु दुट्टु लोभस्स, चेड्डियं” इइ विचिंतयंतो सो । सरिऊण पुव्वभक्कय-पव्वज्जं जायसंवेगो | ॥६०॥ |
| संबुद्धो पव्वइओ, गओ य भूमीवइस्स पासम्मि । तेणाडडवि पुच्छिओ भद्द!, किमिह आलोचियं तुमए | ॥६१॥ |
| कोडीपज्जवसाणो, सिट्ठो नियवइयरो य कविलेण । रत्ता भणियं कोडिं पि, देमि मा कुणसु संदेहं | ॥६२॥ |
| अलमेत्तो मज्झ परिग्गहेण, इइ संसिउं च निक्खंतो । कविलो रायगिहाओ, संपत्तो केवलाडडलोयं | ॥६३॥ |
| इय एयं लोभरिउं, सुंदर! संतोसत्तिकख्रग्गेण । जिणिऊण दुज्जयं पि हु, तमडप्पणो नेव्वुइं कुणसु | ॥६४॥ |
| नयमं पावट्ठाणग-मेवं लोभाडभिहाणमुचइइं । पेज्जाडहिहाणमेत्तो, दसमं पि हु संपवक्खामि | ॥६५॥ |
| “प्रेम(राग)स्वरूपम्” — | |
| अच्चन्तलोभमाया-रुवमडभिस्संगमेत्तमिह पेज्जं । आयप्परिणामं चिय, तिलोयपुज्जा परुवन्ति | ॥६६॥ |
| पेज्जं हि नाम पुरिसस्स, देहे दाहो निरडग्गिओ घोरो । अविस्सुब्भया य मुच्छा, अमंतंततो गहाडडवेसो | ॥६७॥ |
| अणुवहयमडच्छिसवणा-णमडबलत्तं तहेव बहिरत्तं । परवसगतं च अणप्प-विक्कयं अहह थी! पेज्जं | ॥६८॥ |
| अवि य— | |
| अंगुव्वत्त-किसत्तण-परितायुक्कंपियाणि अवणिद्धो । असई वियंभियाओ, दिट्ठीए अप्पसन्नत्तं | ॥६९॥ |
| मुच्छापलावकरतउ-व्वेयुणहुणहदीहनीससणं । इय पेज्जस्स जरस्स व, मणयं पि न लिंगभेओ त्थि | ॥७०॥ |
| चिंतइ अचिंतणीयं पि, तह य निच्चं असच्चमडवि वयइ । पेच्छइ अपेच्छणीयं पि, फुसइ अफरिसणिज्जं पि | ॥७१॥ |
| भक्खइ अभक्खणीयं पि, पिबइ अपेयं अगम्ममडवि जाइ । कुणइ अकज्जं पि नरो, पेज्जपसंगा कुलीणो वि | ॥७२॥ |
| अन्नं च— | |
| जइ पेज्जं चिय न भवे, जीवाण विडंबणाकरं इह ता । असुइकलमलभरिए, रमेज्ज को माणुसीदेहे | ॥७३॥ |
| जं असुइं दुग्गंधं, बीभच्छ बुहजणेण परिहरियं । जो रमइ तेण मूढो, अच्चो! विरमेज्ज सो केण | ॥७४॥ |
| लज्जाकरं ति जं किर, मंगुलरुवं ठइज्जए लोए । तं चेव जस्स रम्मं, अहो! विसं महुरयं तस्स | ॥७५॥ |
| ऊससइ ससइ महिला, मउलइ नयणाइं नीसहा होइ । तं चिय कुणइ भरंती, रागिस्स तहा वि रमणिज्जा | ॥७६॥ |
| असुइ अदंसणिज्जं, मलाडडविलं पूइगंधि दुप्पेच्छं । अच्चंतलज्जणिज्जं, सुगोवणिज्जं अओ चेव | ॥७७॥ |
| तह असुइपवहमडणिसं, बुहनिंदियमंङगदेसमित्थीणं । जं सौंडीरा वि नरा, रमंति ही! रागचरियं तं | ॥७८॥ |
| एवं सरीररागा, अब्भंगुव्वट्टणाडडइणा तस्स । ख्रिज्जइ न य चिंतइ जमिम-मडसुइमेवोवचरियं पि | ॥७९॥ |
| एवं धणधत्तेसुं, सुवण्णरुप्पेसुं श्वेतवत्थूसुं । दुपयचउप्पयविसए य, बद्धरागो कए ताण | ॥८०॥ |
| हिंडइ देसा देसं, पवणुदधुयसुक्कपत्तसमचित्तो । सारीरमाणसाडसंख्र-तिकख्रदुक्खाइं अणुहवइ | ॥८१॥ |
| किं बहुणा भणिण्णं?, जं जं जीवाण जायइ जयम्मि । दुक्खं सुतिकख्रवियणं, तं तं रागफलं सव्वं | ॥८२॥ |
| जं देसचायवट्टण-तिप्पीसणयं च कुंकुमस्साडवि । जं वा मंजिट्ठाए, कंडुप्पाडाडडइकढणंउत्तं | ॥८३॥ |
| जयणक्कंडणपायाडडइ-मद्वणं जं च किर कुसुंभस्स । तं दव्वओ वि रागस्स, चेव दुव्विलसियं जाण | ॥८४॥ |
| एवं तद्दारेणं, दुक्खं दुक्खेण अट्टरोदाइं । तेहिं च होइ देही, इहपरलोगे य दुहभागी | ॥८५॥ |
| सयलाडसमंजसकरो, रागो च्चिय अत्थि जइ जियाणेक्को । ता पज्जत्तं संसार-हेउजालेण अवरेण | ॥८६॥ |
| रागाडडईहि य वत्थुं, इओ तओ साहिऊण य किलेसा । जह जह तमडणुभवेइ, तह तह परिवड्ढइ रागो | ॥८७॥ |
| जइ बिंदूहिं भरिज्जइ, उदही तिप्पेज्ज विंधणेहिं सिही । तो रागतिसापेरिगय-पुरिसो वि लभेज्ज इह तिर्त्ति | ॥८८॥ |
| न य पुण केणाडवि इमं, दिट्ठं व सुयं व एत्थ लोमम्मि । ता तच्चिजए जत्तो, जुत्तो काउं सइ विवेगे | ॥८९॥ |
| जं जं जीवाण जयम्मि, जायए सुहमुयारमडणुबंधि । तं तं दुज्जयरागाडरि-विजयविप्फुरियमडक्खंडं | ॥९०॥ |
| एयस्स पुरो रेहइ, न य दिव्वं माणुसं व वरसोक्खं । लेसेण वि उत्तमरयण-रासिणो कायमणिउ व्व | ॥९१॥ |
| इह पेज्जपावटाणग-दोसे अरिहन्नयस्स किर भज्जा । नायं तप्पडियक्खे, तदियरो चिय अरिहमित्तो | ॥९२॥ |

तथाहि—

“अर्हमित्रस्य दृष्टान्तः”

सिरिखिडपडद्वियपुरे, अरहन्नयअरिहमितनामाणो । अवरोप्परदढपणया, निवसंति भाउणो दोन्नि ॥१३॥
जेट्टस्स गेहिणीए, तिब्बडणुरागाए एगसमयम्मि । अब्भत्थिओ कण्ठिओ, पडिसिद्धा तेण सा बहुसो ॥१४॥
तह वि हु उवसगंती, भणिया किं नियसि भाउगं न हु मे । तो तीए भतारो, विणासिओ अणत्थसीलाए ॥१५॥
पच्छा भणिओ एवं पि, कीस नो इच्छसि ति तो तेणं । ततो भाइविणासं, विणिच्छिउं गिहविरत्तेण ॥१६॥
गहिया जिणपच्चज्जा, साहूहिं समं च विहरिओ बहिया । इयरी अट्टवसट्टा, सुणिगा मरिऊण उप्पन्ना ॥१७॥
गामम्मि जत्थ सुणिगा, सा वट्टइ तत्थ चेव विहरंतो । समणगणेण समेओ, समागओ अरिहमितो वि ॥१८॥
तो पुच्चपेमवसगा, सा सुणिगा तस्स न मुयइ समीवं । उवसगो ति निसाए, ताहे नट्टो अरिहमितो ॥१९॥
इयरी वि तच्चिओगेण, मरिय अडवीए मक्कडी जाया । सो वि महप्पा कहमडवि, तमेव अडविं समडणुपत्तो ॥२०॥
दिट्टो य मक्कडीए, लग्गा कंठम्मि पुच्चपेमेण । मोयाविओ य कहमडवि, सेसमुणीहिं पलाणो सो ॥२१॥
सा पुण तच्चिरहम्मि, मरिऊणं जक्खिणी समुप्पन्ना । तच्छिड्डाइं विमग्गइ, विहरंतं तं च नीरागं ॥२२॥
हसिऊण तरुणसमणा, भणंति धन्नोडसि अरिहमित! तुमं । जं च पिओ सुणियाणं, वयंस! गिरिमक्कडीणं चा ॥२३॥
एवं कयपरिहासो वि, निक्कसाओ स अवरसमयम्मि । जलपवहमडइक्कमिउं, पसारिउं दीहरं जघं ॥२४॥
जा गंतुं आरद्धो, ता गतिभेएण लद्धच्छिड्डाए । पुच्चपरुट्टाए ज-क्खिणीए से ऊरुओ छिन्नो ॥२५॥
हा दुट्टु दुट्टु मा आउ-कायजीवा विराहिया होज्जा । एवं परिभावेतो, अधिइं जा कृणइ सो इति ॥२६॥
ता सम्मदिट्टिगाए उ, देवयाए पराजिणित्ता तं । सपएसो से ऊरु, संघडिय पुणन्नवो विहिओ ॥२७॥
एवं पेज्जवियक्खे, वट्टंतो सो हु सुगतिमडणुपत्तो । इयरी य पेज्जनडिया, विडंबणाभायणं जाया ॥२८॥
इय भो देवाणुप्पिय! तुमं पि जिणवयणविमलसलिलेण । निच्चावसु पेज्जडग्गिं, समीहियडत्थस्स सिद्धिकए ॥२९॥
दसमं पावट्टाणग-मेवं संखेवओ पवक्खायं । दोसाडभिहाणमेतो, एक्कारसमं परिकहेमि ॥३०॥

“द्वेषस्वरूपम्” —

अच्चंतकोहमाणु-ब्भवो इहं असुहआयपरिणामो । दोसो भन्नइ जम्हा, दूसिज्जइ तेण सपरजणो ॥३१॥
दोसो अणत्थभवणं, दोसो भयकलहदुक्खभंडारो । दोसो कज्जयिणासी, दोसो असमंजसाण निही ॥३२॥
दोसो अनिच्चुइकरो, दोसो पियमित्तदोहकारी य । सपरोभयतावकरो, दोसो दोसो गुणयिणासो ॥३३॥
दोसेण चेव कलिओ, परगुणदोसे विकत्थइ पुरिसो । दोसकलुसियमणो च्चिय, आवहइ ऊणहिययत्तं ॥३४॥
ऊणहिययस्स उ परो, जं जं चेट्टइ उ अप्पगयमेव । अप्पविसयं खु तं तं, मन्नइ मूढो किलिस्सइ य ॥३५॥
धम्मोवएसरुवं, रइठाणं पि हु परेण सीसंतं । महुसंभियपायसमिच, दूसइ पित्तडदिओ व जडो ॥३६॥
ता जइ रइठाणं पि हु, अरइपयं होइ जस्स दोसेण । ता दोसस्स न जुतो, दाउमडणज्जस्स अवयासो ॥३७॥
जे जेतिया य पुच्चिं, भणिया दोसा हयाडडसदोसस्स । ते तेतिय च्चिय, गुणा, भवंति सुविसुद्धपसमस्स ॥३८॥
दोसदवाडनलजोगा, दड्डं दड्डं समंडबुवरिसेण । चित्तसमाहाणवणं, नियमेण पुष्पन्नवीहोइ ॥३९॥
इह दोसपावटाणा, चरणमडसल्लं अकासि धम्मरुई । पच्छाडडगयसंवेगो, सो च्चिय सुद्धं तयमडकासि ॥४०॥

तथाहि—

“धर्मरुचिदृष्टान्तः”

गंगामहानईए, नंदो नावाडहिवो बहुं लोगं । मोल्लेणं उत्तारइ, एगम्मि य अवसरे साहू ॥४१॥
बहुलद्धिसंपउतो, धम्मरुई नाम गंगमुत्तिन्नो । नावाए मोल्लकए, धरिओ नंदेण नइपुलिणे ॥४२॥
फिडिया भिक्खावेला, रविकरसंततवेलुयाए दढं । गिम्हेण य अभिभूओ, तह वि हु तेणं अमुच्चंतो ॥४३॥
रुट्टो दिट्टिहुपासेणं, भासरासिं तयं करित्ता सो । अन्नत्थ गओ इयरो, सभाए घरकोइलो जाओ ॥४४॥
साहू वि विहरमाणो, भत्तं पाणं गहाय गामाओ । भोयणकरणनिमित्तं, तं चेव सभं अणुपविट्टो ॥४५॥
दट्टूण तं च दढपुच्च-वेरओ जायतिव्वकोवो सो । भोतुं आरद्धस्स उ, मुणिणो उवरि ठिओ संतो ॥४६॥
पाडिउमाडडरद्धो कयवरं ति, तो उज्झिऊण तं ठाणं । साहू अन्नत्थ ठिओ, तत्थ वि सो खियिउमाडडढतो ॥४७॥

अन्नत्थ वि एवं चिय, कयवरकरणम्मि जायकोवेण । को एस नंदकप्पो ति, जपिओ धम्मरुइणा वि ॥२८॥
 निदइडो सो ताहे, उप्पन्नो मयंगंगतीरम्मि । हंसो मुणी वि ततो, विहरियगामाडणुगामेण ॥२९॥
 तेणेव पएसेणं, वच्चंतो कहवि दिव्वजोएणं । दिट्ठो तेणं कुविएण, तयडणु जलभरियपक्ख्राहिं ॥३०॥
 सिंचिउमाडडरद्धो अह, पयंडकोवेण साहुणा दइडो । मरिऊणं उववन्नो सीहो अंजणगिरिंदम्मि ॥३१॥
 साहू वि सत्थसहिओ, तेण पएसेण कहडवि वच्चंतो । दिट्ठो सीहेण तओ, उज्झियसत्थो मुणिं हंतुं ॥३२॥
 सो इंतो निदइडो, मुणिणा वाणारसीए गयरीए । ताहे बडुगो जाओ, साहू वि य कहडवि तुडिजोगा ॥३३॥
 तं चेव पुरिं पत्तो, तो से भिक्खडडुया पविट्टस्स । बडुगेण आरद्धा, धूलिक्खेवाडडडउवसग्गा ॥३४॥
 तत्थ वि पुच्चिठिईए, दइडो जाओ य तीए नयरीए । राया मुणी वि सुचिरं, विहग्गिउमडन्नत्थ आरद्धो ॥३५॥
 इयरो पुण रज्जसिरिं, अणुभुंजंतो सरित्तु नियजाइं । भयभीओ संचितइ, जइ सो मारेइ एताहे ॥३६॥
 ता होइ महाडणत्थो, टालिज्जामि य विसिद्धसोक्खाओ । जाणामि जइ तमडहं, कहं पि ता लहु ख्रमावेमि ॥३७॥
 तो तन्नाणनिमित्तं, तेण नरेंदेण पुच्चभववित्तं । रइउं सइडसिलोगेण, गेहबाहिम्मि उब्भवियं ॥३८॥
 जहा—

“गंगाए नाविओ नंदो, सभाए घरकोइलो । हंसो मयंगतीराए, सीहो अंजणपव्वए ॥३९॥
 वाणारसीए बडुओ, राया तत्थेव आगओ ति”

जो किर एयं पूरइ राया रज्जस्स देइ से अद्धं । आघोसियं च एवं, पुरीए तो सव्वपुरिलोगो ॥४०॥
 निअमइविहवडणुरुवेण, विरइऊणुत्तरद्धमडणुसरइ । रायाणं नवरं नेव, तेण से पच्चओ होइ ॥४१॥
 अह धम्मरुई सुचिरं, हिंडिय अन्नत्थ आगओ तत्थ . वुत्थो आरामम्मि, सुओ य आरामिओ तम्मि ॥४२॥
 पुणरुत्तमुच्चरंतो, “गंगाए नाविगाडडइयपयाइं” । भणिओ कीस इमाइं, पुणो पुणो वाहरसि भइ! ॥४३॥
 कहिओ सव्वो वि हू तेण, वइयरो जाणिऊण परमडत्थं । ताहे मुणिणा तस्संडति-मडद्धमाडडपूरियं एवं ॥४४॥
 “एएसिं घायगो जो उ, सो एत्थेव समागतो ति”

अह पडिपुन्नसमस्सं, घेतूणाडडरामिओ गओ रन्नो । पासम्मि तयडणु सिट्ठं, तओ नरेंदो भयवसद्धो ॥४५॥
 मुच्छानिमीलियडच्छो, झडति वियलत्तणं समडणुपत्तो । पहुणो अणिट्टकारि ति, जायकोवेण लोणेण ॥४६॥
 सो भणइ हम्ममाणो, कच्चं काउं अहं न याणामि । लोयस्स कलिकरंडो, एसो समणेण मह कहिओ ॥४७॥
 खणलद्धचेयणेणं, पडिसिद्धो राइणा स हम्मंतो । पुट्ठो य केण रइयं ति, तेण सिट्ठं च मुणिण ति ॥४८॥
 ताहे पहाणपुरिसे, पेसिय पुच्छाविओ नरिंदेण । साहू जइ अणुजाणह, ता वंदिउमडहमुवेमि ति ॥४९॥
 पडिवन्नम्मि मुणिणा, समागओ सावगो य संयुत्तो । धम्मरुई वि महप्पा, सरिऊणं पुच्चदुच्चरियं ॥५०॥
 आलोइयपडिकंतो, दूरं निम्महिअसव्वकम्मंडसो । उम्मूलियदोसतरु, सिवमडयलमडणुत्तरं पत्तो ॥५१॥
 एयं नाउं तप्पसम-चारियरिसेण पडिहयप्पसरं । पसरंतदोसदावाड-नलं तुमं कुणसु सणुरिस! ॥५२॥
 एवं कए य सुंदर!, तुमं पि तिच्चयरजायसंवेगो । अंगीकयकज्जसमुद्ध-पारगामी लहुं होसु ॥५३॥
 एक्कारसमं एवं, निर्दंसियं पावठाणगं एत्तो । कलहाडभिहाणपाव-ट्टाणगमडक्खेमि बारसगं ॥५४॥

“कलहस्वरूपम्” —

कोहाडहिट्ठियजणययण-जुज्झसरुवो भणिज्जए कलहो । सो य तणुमाणसुब्भय-असंखसोक्खाण पडिवक्खो ॥५५॥
 कलहो कालुस्सकरो, कलहो वेराडणुबंधफुडहेऊ । कलहो मितुतासी, कलहो कितीए खयकालो ॥५६॥
 कलहो अत्थखयकरो, कलहो दालिइपढमपाओ य । कलहो अविचेयफलं, कलहो असमाहिसमवायो ॥५७॥
 राउलगहो य कलहो, नासइ कलहाउ गिहगया वि सिरी । कलहाउ कुलप्फेडो, कलहाउ अणत्थपत्थारी ॥५८॥
 कलहाओ दोहगं, संपज्जइ पइभवं पि दुव्विसहं । कलहाउ गलइ धम्मो, पावप्पसरो य कलहाओ ॥५९॥
 कलहो सुगइगमहरो, कलहो कुगतीगमे पउणपयवी । कलहाउ हिययसोसो, पच्छा परितप्पणं कलहा ॥६०॥
 कलहो वेयालो इव, लद्धप्पसरो सरीरमडवि हणइ । कलहाओ गुणहाणी, समत्थदोसाडडगमो कलहा ॥६१॥
 आयपरोभयहियउरु-पिडरपरिसंठियं सिणेहरसं । आवट्टिऊण तिच्चाड-नलोच्च कलहो खयं नेइ ॥६२॥

कलहो हि कीरमाणो, धम्मकलं हणइ तेण तन्नाम । “कलहं” ति सदलक्खण-वियक्खणा भिक्खुणो विति।।६३।।
 अच्छउ ता किर अन्नो, निययंगसमुम्भवो वि कलहपिओ । फोडो व्य दुच्चिसहणं, तिक्खं दुक्खं जणे जणइ।।६४।।
 जावइया किर दोसा, सत्थे कलहुम्भवा भणिज्जंति । तावइया चेव गुणा, तप्परिहारेण जायंति ।।६५।।
 पसमवणभंगकलहं, कलहं परिभायिऊण ता थीर! । तच्चिजए निव्वत्तिय-परमसुहे रम सुह निच्चं ।।६६।।
 तह अप्पणोपरस्स य, न होइ कलहो जहा तहा किच्चं । अह कहउवि उट्टिओ तहउवि, कृणसु तह जह न वड्ढइ सो।।६७।।
 कलहो गयपोओ वि हु, पयड्ढमाणो उ होइ दुच्चारो । नाणाविहवहबंधण-निबंधणं जायए ततो ।।६८।।
 इह कलहपावठाणग-दोसेणं दूसिओ उ हरिएसो । नियजणणीजणगाण वि, उच्चियणिज्जो दढं जाओ ।।६९।।
 सो च्विय अहिदुगवइयर-दंसणदारेण नायपरमत्थो । साहुत्तं पडिवण्णो जाओ पुज्जो सुराणं पि ।।७०।।
 तहाहि— “हरिकेशीबलस्यदृष्टान्तः” —

महुराए नगरीए, संखो भूमिचई महाभागो । परिचत्तसव्वसंगो, सुगुरुसमीवम्मि पव्वइओ ।।७१।।
 कालक्कमेण अहिगय-सुत्तउत्थो सो महिं परियडंतो । तियचच्चराडभिरामे, गजउरनगरम्मि संपत्तो ।।७२।।
 भिक्खपविट्ठेण य तेण, गूढसिहिकलियपहसमीवत्थो । पुट्ठो पुरोहिओ सोम-देवनामो पहेणिमिणा ।।७३।।
 किमउहं वच्चामि ततो, हुयवहमग्गेण वच्चमाणमिमं । डज्जंतं पेच्छिस्सं ति, चिंतिउं तेण भणियमिमं ।।७४।।
 वच्चसु भयवं! ति मुणी, इरिउवउत्तो य गंतुमाडउरद्धो । ओलोयणट्टिओ अह, पुरोहिओ सणियसणियं तं ।।७५।।
 योलेत्तं पेच्छिन्ता, तेण पहेणं गओ तओ सिसिरं । तं उवलंभिय विम्हइय-माणसो इय विचिंतेइ ।।७६।।
 धिद्धी! पाविट्ठो हं, जेणाडणुट्टियमिमं महापावं । दट्टच्चो य महप्पा, सो जस्स तवप्पभावेण ।।७७।।
 जलणाडउत्तो वि मग्गो, झडति हिमसलिलसीयलो जाओ । विम्हयकरचरियाणं, महाडणुभावाण किमउसज्जं।।७८।।
 एवं परिभावेत्तो, गओ समीवे तवस्सिणो तस्स । नमिउं च भावसारं, णियदुच्चरियं निवेदेइ ।।७९।।
 मुणिणा वि य जिणधम्मो, परुचियो वित्थरेण से महया । तं सोच्चा पडिबुद्धो, पव्वइओ सो समणधम्मं ।।८०।।
 पालेइ जहाविहिणा, नवरं नो कहवि जाइमयमेसो । उज्झइ निसुणंतो वि हु, तस्स विवागं महाभीमं ।।८१।।
 पज्जंते मरिऊणं, उववन्नो भासुरो सुरो सग्गे । ततो चुओ समाणो, तीरम्मि तियससरियाए ।।८२।।
 जाइमयाडवलेवा, मायंगकुले सुओ समुप्पन्नो । बलनामो गयरुवो, नियबंधूणं पि हसणिज्जो ।।८३।।
 अच्छंतकलहकारी, उच्चियणिज्जो महापिसाउ व्य । दोसेहि य देहेण य, कमेण वुड्ढिढं समणुपत्तो ।।८४।।
 पत्ते य वसंतमहे, पाणपणच्चणपराण सयणाणं । मज्झाओ निच्छूढो, कृणमाणो भंडणं सो य ।।८५।।
 परमविसाओवगओ, पासठिओ पवरविचिहकीलाहिं । अभिरममाणो सयणे, पेच्छंतो अच्छए जाव ।।८६।।
 ताव मसिमेहसामो, समागओ गयकरोवमो सप्पो । तत्थ पएसे वावा-इओ य लोणेण मिलिऊण ।।८७।।
 अह खणमेत्तम्मि गए, तहेव अचरो समागओ सप्पो । नवरमडविसो ति काउं, केणउवि वावाइओ नेव ।।८८।।
 एयं च पेच्छिऊणं, बलेण परिचिंतियं धुवं सच्चो । असुहसुहं लभइ फलं, नियदोसगुणोचियं तम्हा ।।८९।।
 “भद्दगेणेव होयच्चं, पावइ भद्दाणि भद्दओ । सविसो हम्मइ सप्पो, निव्विसो तत्थ मुच्चइ” ।।९०।।
 किं चोज्जं दोसपरा, पराभयिज्जंति जं निएहिं पि । ता उज्झिऊण दोसे, इण्हिं पि गुणे पयासेमि ।।९१।।
 एवं भावेमाणो, धम्मं सोऊण साहुमूलम्मि । भववासादुच्चिग्गो, मायंगमहामुणी जाओ ।।९२।।
 छट्टउट्टमदसमदुवालसउद्ध-मासाडउइविचिहत्तवनिरओ । विहरंतो स महप्पा, पत्तो वाणारसिपुरीए ।।९३।।
 गंडीतिंदुगजक्खस्स, मंदिरे तिंदुगम्मि उज्जाणे । वुत्थो य तं च जक्खो, भत्तीओ पज्जुचासेइ ।।९४।।
 अन्नम्मि य पत्थावे, उज्जाणंउतरनिवासिजक्खेण । आगंतूणं गंडी-तिंदुगजक्खो इमं वुत्तो ।।९५।।
 हे भाय! किन्न दीससि, तेणं भणियं इमं मुणिवरिडं । नीसेसगुणाडउहारं, निच्चं चिट्ठामि थुणमाणो ।।९६।।
 दट्टुं मुणिस्स चेट्टं, परितुट्ठो सो वि तिंदुगं भणइ । तं चिय मित्त! कयत्थो, जस्स वणे वसइ एस मुणी।।९७।।
 मज्झ वि वसंति मुणिणो, उज्जाणे ता खणं तुमं एहिं । गंतुं समगं ते वि हु, वंदामो तो गया दो वि ।।९८।।
 दिट्ठा य तेहिं मुणिणो, कहवि पमायाउ विकहकरणरया । ताहे गाढयरगं, अणुरत्ता तम्मि ते जक्खा ।।९९।।
 अह निच्चं पि य भावेण, वंदमाणस्स पूयपावस्स । तं मुणिवसहं जक्खस्स, परमसोक्खेण जंति दिणा ।।६२००।।

| | |
|-----------------------------------------------------------------------------------------------------|------|
| एगम्नि य पत्थावे, कोसलियमहीवइस्स भद ति । धूया बहुविहफलफुल्ल-पडलकरकिंकराडणुगया | ॥११॥ |
| आगतूणं जक्खस्स, पडिममडच्चेइ परमभतीए । तं अच्चिऊण देंती, पयाहिणं मलविलिततणुं | ॥१२॥ |
| कालयिगरालरूचं, लायन्नयिचज्जियं तवक्किसियं । मायंगमुणिं पेच्छइ, काउस्सग्गेण वडुंतं | ॥१३॥ |
| तो निच्छूढमडणाए, मूढतणओ लहुं च कुद्धेण । मुणिनिंदाकरणाओ, जक्खेण अहिट्टिया सा य | ॥१४॥ |
| असमंजसाइं बहुसो, पलचंती कहवि रायभवणम्मि । नीया नरवइणाडयि ह, अच्चंतविसन्नचित्तेण | ॥१५॥ |
| बहुमतंतं परमत्थ-वेइणो वाहराविया पुरिसा । विज्जा वि य तेहिं कया, चउप्पयारा वि से किरिया | ॥१६॥ |
| अकयप्पडियारेसु य, वेज्जाडडइसु उवरएसु सो जक्खो । जंपइ पतम्मि ठिओ, एयाए निंदिओ साहू | ॥१७॥ |
| ता जइ एयं तस्सेव, देह मुंचामि नडन्नहा मोक्खो । जह तह जियउ वराइ ति, राइणा पडिसुयमिमं पि | ॥१८॥ |
| अह सा पगुणसरीरा, सव्याडलंकारभूसिया घेतुं । वीवाहजोग्गमुवगरण-माडडगया भूरिरीद्धीए | ॥१९॥ |
| चलणेसु निवडिऊणं, भणइ मुणिं कुण पसायमिह भगवं! । मज्झं सयंवराए, गिण्हेसु करं करेणं ति | ॥२०॥ |
| मुणिणा वुतं इत्थीहिं, जे समं जंपिउं पि नेच्छंति । ते कह निययकरेहिं, रमणीण करे गहिस्संति | ॥२१॥ |
| सिद्धिवहुबद्धरागा, दुग्गाइमूलासु कह णु जुवईसु । रज्जंति महामुणिणो, गेवेज्जनिवासितियस व्य | ॥२२॥ |
| अह तिच्चाडमरिसेणं, जक्खेणडच्छाइऊण मुणिरूचं । उव्वूढा वेलविया य, सव्वरयणिं पि सा तेण | ॥२३॥ |
| सुमिणं च मन्नमाणी, पभायसमयम्मि सोगविहुरंङ्गी । पिउणो गया समीचं, सिद्धो सव्वो य वुतंतो | ॥२४॥ |
| ^२ आदन्नो नरनाहो, मुणियसरूवेण । उवरोहिण्ण भणियं, देव! इमा साहुणो पती | ॥२५॥ |
| तेण विमुक्का कप्पइ, पणामिउं तुम्ह बंभणाणं ति । पडिवन्नमिमं रन्ना, दिन्ना तस्सेव सा ततो | ॥२६॥ |
| अह सो तीए सद्धिं, विसयनिसेवणपरो गमइ कालं । अन्नम्मि य पत्थावे, जन्नो तेणं समासद्धो | ॥२७॥ |
| तत्थाडडगया य बहवे, वेयडत्थवियक्खणा उवज्जाया । बहुभट्टचट्टचडयर-सहिया देसंतरेहिंतो | ॥२८॥ |
| अह सो मायंगमुणी, भिक्खकए तत्थ जन्नवाडम्मि । सिद्धबहुभेयभते, समागओ मासपारणए | ॥२९॥ |
| तं च तवकिसियकायं, पंतोवहियं मलीमसं लुक्खं । दट्ठूण धम्मदुट्ठा, बहुप्पयारं पहसमाणा | ॥३०॥ |
| जंपेन्ति भट्टवट्ठा!, कीस तुमं एत्थ आगओ पाव! । इन्हिं चिय एयाओ, थामाओ लहुं विणिस्सरसु | ॥३१॥ |
| एत्थंतरम्मि जक्खो, रिसिणो देहम्मि पविसिकं भणइ । भिक्खात्थमागतो हं, ततो विप्पेहिं पडिभणियं | ॥३२॥ |
| जाव दिएहिं न भुतो, पढमं जलणम्मि जाव न वि छूढो । ताव न दिज्जइ एसो, सुद्धानं वच्च तं समणं! | ॥३३॥ |
| जह कालम्मि सुखेत्ते, विहिणा बीयं सुवावियं फलयं । जायइ तह पिइबंभण-जलणम्मि णिवेसियं दाणं | ॥३४॥ |
| अह मुणिणा ते भणिणा, जाइमित्तेण होंति नो विप्पा । तुम्हारिस व्य पाया, हिंसाडलियमेहुणाडडसत्ता | ॥३५॥ |
| जलणो वि पावहेऊ, कह तम्मि निवेसियं सुहं कुणउ । पिउणो वि परभवगया, इह दिन्नं कह णु गिण्हंतु | ॥३६॥ |
| ^३ नच्चा य पडिकुद्धो ति, जायकोवा तओ मुणिं हन्तुं । दंडकसालेट्टुकरा, सव्वतो धाविया विप्पा | ॥३७॥ |
| छिन्नतरुणो व्य ताणं, निवाडिया केवि तत्थ जक्खेण । अन्ने पहरोहिं हया, अन्ने पुण वामिया रुहिरं | ॥३८॥ |
| एवविहं अवत्थं, संपत्ते पेच्छिऊण ते सव्वे । भयवेवमाणहियया, भट्टा भणिउं समादत्ता | ॥३९॥ |
| एसो सो जेण तया, सयंवरा उवणया अहं चत्ता । जो सिद्धिवहूरतो, नेच्छइ सुरसुंदरीओ वि | ॥४०॥ |
| अइधोरतवपरक्कम-वसीकयाडसेसतिरियनरदेयो । तेलोक्कपणयचलणो, नाणाविहलद्धिसंपन्नो | ॥४१॥ |
| जियकोहमाणमाओ, जियलोहपरीसहो महासत्तो । सूरु व्य दूरपसरंत-पावतमनियरनिदलणो | ॥४२॥ |
| जलणो व्य दहइ भुवणं, कुवियो तं चेव रक्खए तुट्ठो । ता एयं तज्जिंता वच्चिस्सह मच्चुवयणम्मि | ॥४३॥ |
| चलणेसु निवडिऊणं, एयं तोसेह महरिसिं तम्हा । इय सुणिय रुद्धेवो, सभारिओ भणिउमाडडदत्तो | ॥४४॥ |
| रागाडडइएहिं जं भे अवरद्धं तं खमाहि ^४ णे भयवं । पणिवइयवच्छल च्चिय, भवंति लोगम्मि यरमुणिणो | ॥४५॥ |
| अह ते मुणिणा, संसारनिबंधणस्स कोवस्स । को अवगासं देज्जा, विसेसओ मुणियजिणवयणो | ॥४६॥ |
| नवरं मम भतिपरायणस्स, जक्खस्स विलसियं एयं । ता तं चेव पसायह, कुसलतं पाउणह जेण | ॥४७॥ |
| ताहे बहुप्पयारेहिं, जक्खमुवसामिऊण भतीए । साहुं हरिसवसुगय-रोमंचा माहणा सव्वे | ॥४८॥ |

1. वेलविया = वञ्चिता = विडम्बिता इत्यर्थः । 2. आदन्नो = व्याकुलीभूतः । 3. उज्जा पाटां (बुद्धवा) । 4. अस्माकम् ।

पडिलाभिति तेहिं, सनिमितोवक्खडेहिं भत्तेहिं । जक्खेण य तुट्ठेणं, खित्ता गयणाउ वसुहारा ॥३९॥
 गंधोदयं च बुट्ठं, भमराउउलपुप्फनियरसंवलियं । कलहच्चागेणेवं, सो जाओ देवपुज्जो ति ॥४०॥
 कलहे तच्चागम्मि य, इय दोसगुणे विभाविउं सम्मं । तह कहवि खमग! वट्ठसु, जह सिज्झइ पत्थुयउत्थो ते ॥४१॥
 पावट्ठाणगमेवं, बारसमं पि हु पवन्नियं किंपि । अब्भक्खाणउभिहाणं, एतो कित्तेमि तेरसमं ॥४२॥

“अभ्याख्यानस्वरूपम्” —

पाएणं पच्चक्खं, उट्ठिस्स परं असंतदोसाणं । आरोवणं जमेत्थं, अब्भक्खाणं तयं बेति ॥४३॥
 एयं अब्भक्खाणं, सपरोभयदुट्ठचित्तसंजणं । तप्परिणओ य पुरिसो, किं किं पावं न अज्जेइ ॥४४॥
 तज्जंपणे य जे कोह-कलहप्पमुहेसु वन्निया केवि । इहपरभवुब्भवा ते, दोसा सच्चे वि जायंति ॥४५॥
 जइयि किर परमथोयं, पावमउभक्खाणदाणयं तहवि । देइ दसगुणविवागं, सच्चनूहिं जओ भणियं ॥४६॥
 “वहबंधणअब्भक्खाण-दाणपरधगविलोवणाउउईणं । सच्चजहन्नो उदओ, दसगुणिओ एक्कसि कयाणं” ॥४७॥
 “तच्चयरे उ पओसे, सयगुणितो सयसहस्सकोडिगुणो । कोडाकोडिगुणो वा, होज्ज विवांगो बहुतरो वा ॥४८॥
 तहा—

सच्चेसिं सोक्खाणं, निरासकरणम्मि सुपडिवक्खाणं । गणणाए असंखाणं, कुओ वि नो भाविरक्खाणं ॥४९॥
 अच्चंतं तिक्खाणं, हिययदरीदारणेक्कदक्खाणं । एयं अब्भक्खाणं, निबंधणं सच्चदुक्खाणं ॥५०॥
 एयविरत्ताणं पुण, इहपरभवभाविभल्लिमा सच्चा । अप्पवस च्चिय निच्चं, जहिच्छिय जायइ जयम्मि ॥५१॥
 रुदो व्य अजसमउसमं, पावइ तेरसमपावठाणाओ । अंगरिसी विव तच्चिरय-माणसो लभइ कल्लाणं ॥५२॥
 तहाहि—

“अङ्गर्षेदृष्टान्तः”

चंपाए नगरीए, अज्झावगकोसियज्जपासम्मि । अंगरिसी रुदो वि य, धम्मेण पढंति दो सीसा ॥५३॥
 आणत्ताउणज्झाए, ते पुण तेणं अरे उवणमेह । एक्केक'कट्ठहारग-मउडवीहितो लहुं अज्ज ॥५४॥
 पयईए च्चिय सरलो, तहति पडिवज्जिऊण अंगरिसी । अडवीए कट्ठाणं, आणयणट्ठा गओ तुरियं ॥५५॥
 रुदो य दुट्ठसीलो, गेहाउ नीहरित्तु डिंभेहिं । सह कीलिउमाउउरुदो, जाए य विगालसमयम्मि ॥५६॥
 चलिओ अडवीहुतं, दूरे दिट्ठो य गहियकट्ठभरो । इंतो सो अंगरिसी, अविहियकज्जो ति तो भीओ ॥५७॥
 तदेसगाभिणिं कट्ठ-हारिणिं मारिऊण जोइजसं । थेरिं तक्कट्ठभरं, घेतूणं तं च गत्ताए ॥५८॥
 पक्खियिऊणं सिग्घं, समागओ भणइ कवडसीलो सो । उज्झाय! सज्झसकरं, चरियं तुह धम्मसीसस्स ॥५९॥
 अज्ज समत्थं पि दिणं, रमितं इण्हिं च मारिउं थेरिं । तक्कट्ठभरं घेतुं, जवेण सो एइ अंगरिसी ॥६०॥
 जइ पत्तियह न तुब्भे, आगच्छह ता जहा निदंसेमि । जमउवत्थं उवणीया, जहिं च खित्ता य सा थेरी ॥६१॥
 एवं भणमाणम्मि, कट्ठभरं घेतुमाउउगओ इति । अंगरिसी कुट्ठेणं, भणितो अज्झावगेण तओ ॥६२॥
 आ पाव! अकिच्चमिमं, काउं अज्ज वि तुमं गिहे एसि । अवसर दिट्ठिपहाओ, पज्जत्तं तुज्झ पाढेण ॥६३॥
 वज्जवडणं व दुस्सह-मउब्भक्खाणं इमं च सुणिऊण । परमविसायमुवगतो, संचित्तिउमेवमाउउढतो ॥६४॥
 आ पावजीव! पुब्बभवम्मि, एवंविहं कयं कम्मं । किंपि तए तेणेमं, दुच्चिसहं वसणमाउउवडियं ॥६५॥
 इय संवेगोवगतो, सरिउं चिरभवसुचिण्णसामन्नं । सुहज्जाणहणियकम्मो, सो केवललच्छिमउणुपत्तो ॥६६॥
 महिओ देवनरेहि य, रुदो पुण तेहिं चेव सच्चत्थ । पावो ति खिसिओ बहु, तह अब्भक्खाणदाइ ति ॥६७॥
 इय सोऊणं तुममउवि, अब्भक्खाणाउ विरम भो खमग! जेणीहियगुणसाहण-हेउसमाहिं लहुं लहसि ॥६८॥
 तेरसमपावठाणग-मुवइट्ठं लेसओ इमं ताव । अरइरइनामथेयं, एतो दंसेमि चोइसमं ॥६९॥

“अरइरइस्वरूपम्” —

अरइरइहिं दोहिं वि, एक्कं चिय बिंति पावठाणं जं । विसओवयारवसओ, अरई वि रई रई २वरई ॥७०॥
 जह निप्पम्हदिसाए, पावारे पाउयम्मि जा अरई । स च्चिय पम्हदिसाए, तप्पाउरणे रई होइ ॥७१॥
 तह पम्हिल्लदिसाए, पावारे पाउयम्मि जा य रई । स च्चिय इयरदिसाए, तप्पाउरणे भवे अरई ॥७२॥

| | |
|-------------------------------------------------------------------------------------------------|--------|
| जह य असंपतीए, पत्थुयवत्थुस्स होइ जा अरई । स च्विय रइत्तणेणं, तस्संपतीए परिणमइ | ॥७३॥ |
| तह जा संपतीए, पत्थुयवत्थुस्स होइ एत्थ रती । अरइत्तणेण स च्विय, तस्स विवतीए परिणमइ | ॥७४॥ |
| अहवा बज्झनिमित्तं, विणा वि किर अरतिमोहकम्मदया । देहे च्विय जा जायइ, अणागयाडणिट्ठसूयणिया | ॥७५॥ |
| सा अरई तव्वसओ, अलसो विहलंघलो विगयसन्नो । इहपरलोयपओयण-पसाहणेसुं पमायंतो | ॥७६॥ |
| उच्छाहिओ वि उच्छहइ, नेय किच्चम्मि कम्मि वि क्याइ । छगलगतत्थणसरिसं स, तारिसो जियइ जियलोए | ॥७७॥ |
| तह रइपसत्तचित्तो, कहिं वि ततो नियत्तिउमडसतो । चिक्खल्लख्रुत्तजरगोण-उ च्व रतिमोहकम्मवसा | ॥७८॥ |
| कज्जमिहलोइयं पि हु, न कुणइ पारत्तियं पुण-कहं च । अच्चंतपयत्तपउत्त-चित्तनिच्चत्तणिज्जं जं | ॥७९॥ |
| एवं अरइरईऊ, भवभावनिबंधणं वियाणित्ता । मा तासिं अचगासं, खणं पि दाहिसि तुमं अहवा | ॥८०॥ |
| अरइं पि कुणसु अस्सं-जमम्मि संजमगुणेषु य रइं पि । एवं च पकुच्चंतो, लहिहिसि आराहणं पि धुवं | ॥८१॥ |
| किं बहुणा भणिणं, अरइरइं भवनिबंधणं धुणित्तं । काउमडधम्मे अरइं, धम्माडडरामे रतिं कुणसु | ॥८२॥ |
| समभावपरिणईए, इट्ठाडणिट्ठविसएसु जइ तुज्झ । थीर! न रई न अरई, ता तुममाडडराहणं लहसि | ॥८३॥ |
| धम्माडहम्मे अरई-रईओ, पुरिसं करंति जणसोच्चं । खुड्ढगकुमारमुणिमिय, संजमभरधरणपरितंतं | ॥८४॥ |
| सम्मं असंजमे संज-मे य अरईरईहिं पुण होज्जा । सो च्विय पच्चागयचेय-णो जह तह जणे पुज्जो | ॥८५॥ |
| तहाहि- | |
| “शुल्लककुमारमुनिदृष्टान्तः” | |
| साकेयम्मि पुरवरे, पुंडरीओ नाम भूवई तस्स । कंडरीओ लहुभाया, जसभदा नाम से भज्जा | ॥८६॥ |
| अच्चं तमणहरंडगी, चंकम्मंती घरंडगणे सा य । दिट्ठा पुंडरीएणं, अज्झुववन्नेण अह तेणं | ॥८७॥ |
| दई विसज्जिया लज्जि-रीए तीए य सा पडिनिसिद्धा । अच्चंतं निब्बंधे य, राइणो तीए पडिभणियं | ॥८८॥ |
| किं न लहुभाइणो वि हु, तं लज्जसि जेण उल्लवसि एवं । पच्छन्नो कंडरीओ, तयणु विणासाविओ रत्ता | ॥८९॥ |
| अच्चत्थिया पुणो वि हु, ताहे सा सीलखंडणभएण । नियगाडडभरणाणि लहुं, गहाय गेहाओ नीहरिया | ॥९०॥ |
| सत्थेण समं एगागिणी वि, पडिवन्नजणगभावस्स । थेरवणियस्स निस्साए, नयरिं सावत्थिमडणुपत्ता | ॥९१॥ |
| जियसेणसूरिसिस्सिणि-कित्तिमईमयहरीसमीवे य । वंदणवडियाए गया, कहिओ सच्चो य वुत्तंतो | ॥९२॥ |
| संबुद्धा पच्चइया, हुंतो वि न साहिओ तीए गब्भो । मयहरियाए मज्झं, मा पच्चज्जं न दाहि ति | ॥९३॥ |
| कालक्कमेण बुडिडं, गयम्मि गब्भम्मि मयहरीए सा । पुट्ठा एगंतम्मि कारणमडवि तीए परिक्हियं | ॥९४॥ |
| पच्छा पच्छन्न च्विय, ता धरिया जा सुयं पसूया सा । सड्ढकुलम्मि संवडिड-ओ य सो जाय पच्चइओ | ॥९५॥ |
| सूरिस्स समीवम्मि, कयं च से नाम सुड्ढगकुमारो । सिक्खविओ य समगं, जईण जोग्गं समायारं | ॥९६॥ |
| अह जोच्चणमडणुपत्तो, संजममडणुपालित्तं अचाइंतो । पडिभग्गो जणणिं सो, पुच्छइ उन्निक्खमणहेउं | ॥९७॥ |
| पडिसिद्धो जणणीए, बहुप्पयारेहिं तहवि नो ठाइ । पच्छा तीए भणिओ, पुत्तय! मज्झोवरोहेण | ॥९८॥ |
| पडिवालसु बारस वच्छराइं, एवं ति तेण पडिवण्णं । तेसु य अइक्कंतेसु, पट्ठिओ तीए पुण भणिओ | ॥९९॥ |
| मह गुरुणिं आपुच्छसु, आपुट्ठाए य तीए वि य धरिओ । तेत्तियमेतं कालं, आपरिण्णाडवि एमेव | ॥६३००॥ |
| एवं उज्झाएण वि, अडयालीसं गयाणि वरिसाणि । तह वि हु अठायमाणो, उवेहिओ णवरि जणणीए | ॥१॥ |
| पिउनामंडका मुद्दा, कंबलरयणं च पुच्चसंठवियं । तस्सडप्पिऊण सिट्ठं, मा पुत्तय! तत्थ तत्थेव | ॥२॥ |
| वच्चिहिसि किंतु पुंडरीय-भूवइ होइ ते महल्लपिया । पिउणामंडकं मुद्दं, दरिसेज्जासि य तस्स इमं | ॥३॥ |
| जेणं स तुज्झ रज्जं, परियाणित्ता पणामइ अवस्सं । एवं ति पवज्जित्ता, विणिग्गओ खुड्ढगकुमारो | ॥४॥ |
| कालक्कमेण पत्तो, साकेयपुरम्मि राइणो गेहे । तव्वेलं पुण वट्ठइ, पेच्छणयं अच्छरियभूयं | ॥५॥ |
| कल्ले पेच्छिस्सं भू-वइं ति संचित्तिऊण तत्थेव । आसीणो नट्टविहिं, एगग्गो दट्ठुमाडडरद्धो | ॥६॥ |
| तत्थ य सच्चपि निसं, पणच्चिउं नट्टिया परिस्संता । ईसिं निद्दायंती, जणणीए पभायसमयम्मि | ॥७॥ |
| विविहकरणप्पओगाड-भिरामसंजायरंगभंगभया । गीईगाणमिसेणं, सहस च्विय बोहि रा एवं | ॥८॥ |
| “सुट्ठु गाइयं सुट्ठु चाइयं, सुट्ठु नच्चियं सामसुंदरि! । अणुपालिय दीहराइयाउ, सुमिणंउते मा पमायए” | ॥९॥ |

1. आपुच्छिया पाठां० । 2. विज्जंतो वि हु न साहिओ गब्भो पाठां० ।

सोच्चेमं चेल्लेणं, कंबलरयणं पणामियं तीए । कुंडलरयणं नरवइ-सुएण तह सत्थयाहीए ॥१०॥
सिरिकंताए हारो, कडगो जयसंधिणा अमच्चेण । रयणंउकुसो य मिंठेण, लक्खमुल्लाईं सव्वाइं ॥११॥
अह भावजाणणट्टा, रत्ता पढमं पि खुड्डगो भणिओ । कीस तए दिन्नमिमं ति, तेण तो सव्ववुत्ततो ॥१२॥
मूलाउ च्विय कहिओ, ता जाव समागओ ण्हे रज्जकए । गीइं इमं निसामिय, संबुद्धो विगयविसइच्छो ॥१३॥
पव्वज्जाथिरचित्तो, जाओ ण्हे अओ इमीए गुरुणो ति । कंबलरयणं दिण्णं, पच्चभिजाणित्तु तं च निवो ॥१४॥
जंपेइ वच्छ! गेण्हसु, रज्जमिमं चेल्लएण पडिभाणियं । आउयसेसम्मि किं, चिरसंजमविहलणेणिण्हिं ॥१५॥
अह नियपुत्तप्पमुहा, भणिया रत्ता कहेह तुम्हाणं । दाणम्मि कारणं किं, तो वुत्तं रायपुत्तेण ॥१६॥
ताय! तुमं वावाइय, रज्जमउहं गिण्हिउं समीहंतो । गीइयमेयं च निसा-मिऊण रज्जाउ विणियत्तो ॥१७॥
तह सत्थाहीए वि हु, भणियं पइणो ममं पउत्थस्स । वोक्कंताइं बारस, वरिसाइं अहं च चित्तेमि ॥१८॥
अवरं पइं करेमि ति, तस्स आसाए किं किलिस्सामि । सिद्धमउमच्चेण तओ, देव अहं अन्नराईहिं ॥१९॥
संधिं घडामि किं वा, न व ति पुव्वं इमं विचिंतंतो । मिंठेणाउवि य भणियं, अहं पि सीमालराईहिं ॥२०॥
आणेहि पट्टहत्थिं, अहवा मारेहि इइ बहुं वुत्तो । संसयदोलाचलचित्त-वित्तिओ संठिओ य चिरं ॥२१॥
अह तेसिमउभिप्पायं, जाणिय तुट्टेण पुंडरीपरत्ता । दिन्नाउणुत्ता जं भे, पडिहासइ तं करेह ति ॥२२॥
एवंविहं अकिच्चं, काउं केवच्चिरं वयं कालं । जीविस्सामो ति पयं-पिऊण संजायवेरग्गा ॥२३॥
खुड्डगकुमारमूले, सव्वे वि य तक्खणेण पव्वइया । तेहिं च सह महप्पा, विहरइ सो सयलजणपुज्जो ॥२४॥
इय एयनिदंसणओ, अस्संजमसंजमे पडुच्च तुमं । अरइरईओ वि करेसु, खमग! मणवंछियउत्थकए ॥२५॥
चोदसमपावठाणग-मेवं लेसेण साहिउं एत्तो । पेसुन्ननामधेयं, पन्नरसमं पि हु परिकहेमि ॥२६॥

“पैशुन्यस्वरूपम्” —

पच्छन्नं चिय जमउसंत-संतपरदोसपयडणसरुवं । पिसुणस्स कम्ममिह तं, भन्नइ लोगम्मि पेसुन्नं ॥२७॥
एयं च मोहमूढो, कुणमाणो सुकुलसंपसूओ वि । चाई वि मुणी वि जणे, कित्तिज्जइ एस पिसुणो ति ॥२८॥
तहा—
ता मित्तं सुहचित्तं, ताव च्विय इह नराण मेत्ती वि । थेवं पि अंतराले, जाव न संचरइ हयपिसुणो ॥२९॥
पेसुन्नतिक्खंतरपरसु-हत्थओ अहह पिसुणलोहारो । दारेइ च्विय निच्चं, पुरिसाणं पेमदारुणि ॥३०॥
बाढं बीहावणओ, लोयाणं दारुणो पिसुणसुणओ । जो पट्टीए भसंतो, खणेइ कन्ने अनिविच्चो ॥३१॥
अहवुज्जलवेसे पाडि-वेसिए सामिए परिचिए य । दाणपरे य न सुणओ, भसइ वराओ जहा पिसुणो ॥३२॥
सज्जणसंजोगम्मि वि, गुणो न पिसुणस्स जायए अहवा । ससिमंडलमज्झपरि-ठिओ वि कलुसो च्विय कुरंगो ॥३३॥
जइ इह पेसुन्नं चिय, ता किं अन्नेण दोसजालेण । एयं चिय एक्कं उभय-लोगविहलत्तणं काही ॥३४॥
कीरइ पडुच्च जमिमं, तदउणत्थुप्पायणे अणेगंतो । पेसुण्णकारिणो पुण, पओसभावा धुवोउणत्थो ॥३५॥
माइत्तमउसच्चत्तं, निस्सूगतं च दुज्जणत्तं च । निद्धम्मत्ताउडई वि य, दोसा पेसुन्नओ विविहा ॥३६॥
वरमुत्तमंडगछेओ, परस्स विहिओ न चेव पेसुन्नं । जं न तह दुही पढमे, मणउग्गिदाणं तु सइ इयरे ॥३७॥
न य पेसुन्नाउ परं, पायं विहिएण जेण आजम्मं । विसदिद्धसेल्लभल्ली-सल्लियदेहो व्व जियइ परो ॥३८॥
किं सामिघायगो गुरु-विणासगो हीणचिद्धिओ अहवा । पेसुन्नकरो न हि न हि, इमाण अन्नो अहम्मथरो ॥३९॥
पेसुन्नगदोसेणं, सुबंधुसचिवो विडंबणं पत्तो । तदउकरणेणं तदुवरि, चाणक्को पुण गतो सुगतिं ॥४०॥
तहाहि—

“सुबन्धुसचिवचाणक्योःदृष्टान्तः”

पाडलिपुत्ते नयरे, मोरियकुलसंभवो अहेसि निवो । नामेण बिंदुसारो, तस्स सुमंती य चाणक्को ॥४१॥
जिणधम्मनिरयचित्तो, उप्पतियपमुहबुद्धिसंपन्नो । सासणपभावणउब्भु-ज्जओ य सो गमइ दिवहाइं ॥४२॥
पुव्वुच्छाइयनिवनंद-मतिणा एगया य तच्छिद्धं । पाविता नरवइणो, सुबंधुनामेण भणियमिणं ॥४३॥
देव! न जइ वि हु तुब्भे, पसायसवियासचक्खणा वि ममं । पेच्छह तहा वि तुब्भं, हियमेवउम्हेहिं वत्तव्वं ॥४४॥

तुभं जणणी चाणक्क--मंतिणा फालिऊण फुडमुयरं । पंचत्तं उवणीया, ता भे एत्तो वि को वेरी ॥४५॥
 एवं सोच्चा कुविएण, राइणा पुच्छिया नियगथावी । तीए वि तहा कहियं, मूलाउ न कारणं सिद्धं ॥४६॥
 पत्थावे चाणक्को, समागओ भूवई वि तं दट्टुं । भालयलरइयभिउडी, झडिति विपरंमुहो जाओ ॥४७॥
 अहह! कहं गयजीओ ति, परिभवं मह करेइ एस निवो । परिभाविऊण एवं, चाणक्को नियगिहम्मि गओ ॥४८॥
 दाऊण गेहसारं, पुतपोताडडइसयणवग्गस्स । निउणमईए विभावइ, मह पयसंपतित्वंछाए ॥४९॥
 केण वि पिसुणेण इमो, मन्ने राया पकोविओ एवं । ता तह करेमि जह सो, दुक्खाडभिहओ चिरं जियइ ॥५०॥
 ता पवरगंधबंधुर--जुत्तिपओगेण साहिया वासा । खित्ता समुगयम्मि, लिहियं भुज्जम्मि तह एयं ॥५१॥
 जो एए वरवासे, जिधित्ता इंदियाण अणुकूले । विसए निसेवइस्सइ, सो वच्चिस्सइ जमधरम्मि ॥५२॥
 वरचत्थाडडभरणविलेव--गाइं तूलीउ दिव्वमल्लाइं । ण्हाणं सिंगारे वि हु, जो काही सो वि लहु मरिही ॥५३॥
 इय वाससरुवपरुव--णापरं भुज्जयं पि वासंतो । पक्खिअविऊण समुगो, ठविओ मंजूसमज्झम्मि ॥५४॥
 सा वि हु पवरोवरए, जडिउं पउराहिं किलियाहिं दढं । पम्मक्को तालित्ता, तस्स कवाडाइं निबिडाइं ॥५५॥
 खामित्ता सयणजणं, जिण्णिदधम्मे नियोजिऊणं च । रन्नेउणाउलठाणे, इंगिणीमरणं पवन्नो सो ॥५६॥
 जाणियपरमत्थाए, अह धावीए नराडहिवो वुत्तो । पिउणो वि हु अब्भहिओ, चाणक्को कीस परिभूओ ॥५७॥
 रन्ना भणियं जणणी-विणासगो एस तीए तो भणियं । जइ तं न विणासंतो, एसो ता तुमडवि नो हुंतो ॥५८॥
 जम्हा तुह पिउविसभाविउन्न-कवलं गहाय भुंजंती । पइ गम्भटिए देवी, विसविहुरा मरणमडणुपत्ता ॥५९॥
 तम्मरणं च पलोइय, चाणक्केणं महाउणुभावेणं उयरं वियारिऊणं, छुरियाए तुमं विणिच्छूढो ॥६०॥
 तह तुह नीहरियस्स वि, विसबिंदू जो सिरम्मि संलग्गो । मसिवन्नो तेण तुमं, निव! वुच्चिसि बिंदुसारो ति ॥६१॥
 एवं सोच्चा राया, परमं संतावमुवगओ संतो । सव्वविभूईए गतो, सहसा चाणक्कपासम्मि ॥६२॥
 दिट्ठो य सो महप्पा, करीसमज्झट्टिओ विगयसंगो । सव्वाडउयरेण रन्ना, पणमिता खामिओ बहुसो ॥६३॥
 भणिओ य एहि नगरं, रज्जं चित्तेहि तेण तो वुत्तं । पडिवन्नाउणसणो हं, विमुक्कसंगो य वट्ठामि ॥६४॥
 न य नाऊण वि सिद्धं, सुबंधुदुब्बिलसियं तया रन्नो । चाणक्केणं पेसुन्न-कडुविवागं मुणंतेण ॥६५॥
 अह भालयलाडडरोविय-करेण राया सुबंधुणा भणिओ । अणुजाणह देव! ममं, जह भत्तिमिमस्स पकरेमि ॥६६॥
 अणुजाणिएण य तओ, सुबंधुणा खुद्वुद्धिणा य धुवं । दहिऊण तदंउगारो, करीसमज्झम्मि पक्खित्तो ॥६७॥
 सट्ठणगए य नराड-हिवाडडइलोगम्मि सुद्धलेसाए । वट्ठंतो चाणक्को, तेण करीसउग्गिणा दडढो ॥६८॥
 उववन्नो सुरलोए, भासुरबोदी महिडिडओ देवो । सो पुण सुबंधुसचिवो, तम्मरणाडउणादिओ संतो ॥६९॥
 अवसरपत्थियपत्थिव-विदिन्नचाणक्कमंदिरम्मि गओ । पेच्छइ गंधोवरयं, घट्टियनिविडुअडकवाडं ॥७०॥
 इह सव्वमउत्थसारं, लहिहं ति कवाडविहडणं काउं । निच्छूढा मंजूसा, ता जावडग्घाडया वासा ॥७१॥
 दिट्ठं च भुज्जलिहियं, तस्सउत्थो वि य वियाणिओ सम्मं । तो पच्चयत्थमेक्को, वासे अग्घाविओ पुरिसो ॥७२॥
 भुंजाविओ य विसए, गओ य सो तक्खणेण पंचत्तं । एवं विसिद्धवत्थूसु, सेसेसु वि पच्चओ विहिओ ॥७३॥
 हा! तेण मएण वि मारि-ओ ण्हि इइ परमदुक्खसंतत्तो । जीयडट्टी स वरागो, सुमुणी इव ठाउमाडडरद्धो ॥७४॥
 इयदोसं पेसुन्नं, तप्परिहारं च इयगुणं नाउं । तुममाडडराहणचित्तो, चित्ते वि हु मा तयं धरसु ॥७५॥
 पन्नरसमिमं भणियं, पावट्ठाणं इयाणि वन्नेमि । परपरियायडभिहाणं, संखेवेणेव सोलसमं ॥७६॥

“परपरिवादस्वरूपम्” —

लोयाण समक्खं चिय, परदोसविकत्थणं जमिह सो उ । परपरियाओ मच्छर-अत्तुक्करिसेहिं संभवइ ॥७७॥
 जम्हा मच्छरगहिओ, न गणइ पणयं न चेव पडिवन्नं । न य कयमुवयारं पि य, न परिचयं नेव दक्खिन्नं ॥७८॥
 न गणेइ य सुयणत्तं, न यउप्पपरभूमिगाविसेसं पि । न कुलक्कमं न धम्म-ट्टिइं च नवरं स निच्चं पि ॥७९॥
 चलइ ववहरइ कह सो, किं चित्तइ भासइ कुणइ किं वा । इय परच्छिदतिरिक्खण-वक्खित्तमणो मुणइ न सुहं ॥८०॥
 एवं कमेण एक्को वि, मच्छरो जायए परो हेऊ । परपरियायविहीए, किं पुण अत्तुक्करिससहिओ ॥८१॥
 सुरगिरिगरुयं पि परं, परमाडणुं मुणइ अत्तउक्करिसी । अप्पाणं पुण तिणतुल्ल-मडवि गुरुं अमरगिरिणो वि ॥८२॥

एवं परपरिवायं, अकयं कह पोढकारणतणओ । धरिउं सक्को सक्को वि, नामरहिओ वि वेगेण ॥८३॥
जह जह परपरिवायं, करेइ तह तह लहुत्तणमुवेइ । जह जह तमुवेइ जणे, तह तह जायइ दढमउपुज्जो ॥८४॥
जह जह परपरिवाओ, किज्जइ तह तह गुणा पणस्संति । जह जह ताण पणासो, तह तह दोसाणं संकमणं ॥८५॥
जह जह तस्संकमणं, तह तह वयणिज्जभायणं हवइ । एयमउकल्लाणाणं, परपरिवाओ पढमटाणं ॥८६॥
परपरिवाएणं सं-घडंति दोसा अहुंतया वि नरे । हुंता पुण बहुबहुतर-बहुतमघणनिविडया होंति ॥८७॥
परपरिवायं मच्छर-अत्तुक्करिसेहिं जो नरो कुणइ । जम्मंडतरेसु वि चिरं, सो भमइ निहीणजोणीसु ॥८८॥
गुणरयणहारणं दोस-कारणं जाणिऊण न करेति । धन्ना परपरिवायं, परमगुरुहि वि जओ भणियं ॥८९॥
परपरिवायं गिण्हइ, अट्टमयविरिल्लणे सया रमइ । डज्जइ य परसिरीए, सकसाओ दुक्खिओ निच्चं ॥९०॥
विग्गहविवायरुइणो, कुलगणसंधेण बाहिरकयस्स । नउत्थि किर देवलोए वि, देवसमिईसु अचगासो ॥९१॥
जइ ता जणसंववहार-वज्जियमउकज्जमाउउयरइ अन्नो । जो तं पुणो विकत्थइ, परस्स वसणेण सो दुहिओ ॥९२॥
सुट्टु वि उज्जममाणं, पंचेव करेति रित्तयं समणं । अप्पथुई परनिंदा, जिम्भोवत्था कसाया य ॥९३॥
परपरिवायमई उ, दूसइ वयणेहिं जेहिं जेहिं परं । ते ते पावइ दोसे, परपरिवाई इय अपेच्छो ॥९४॥
परपरिवायपसत्तो, सत्तो दोसे परस्स जंपंतो । ते च्चिय भवंउतरगओ-उणंताणंते सयं लहइ ॥९५॥
एवं परपरिवाओ, किज्जंतो परमदारुणविवाओ । वसणसयसन्निवाओ, समत्थगुणकरिसणकुवाओ ॥९६॥
सुहगिरिवज्जनिवाओ, न देइ गंतुं कहिं पि हु भवाओ । इह सव्वदुहसमवाओ, भवंतरे दोग्गइनिवाओ ॥९७॥
परपरिवायपसत्तो, उवरि सुभद्दाए ससुरवग्गो व्व । अजसप्पवायपहओ, जणमज्झे पावए सिंसं ॥९८॥
परपरिवायपरमि वि, तम्मि सा पुण तयं अकुव्वंती । देवकयपाडिहेरा, किंतिं पत्ता महासत्ता ॥९९॥

तहाहि-

“सुभद्रादृष्टान्तः”

चंपाए नयरीए, ¹तच्चणियभत्तवणियपुत्तेण । दिट्ठा कहमउवि जिणदत्त-सड्ढथूया सुभद्द ति ॥६४००॥
उप्पन्नतिच्चरागेण, मग्गिया सा य तेण परिणेउं । जणगेण य नो दिन्ना, मिच्छदिट्ठि ति काऊण ॥१॥
तप्परिणयणनिमित्तं च, तेण कवडेण साहुमूलम्मि । पडिवन्नो जिणधम्मो, भावेण य परिणओ पच्छा ॥२॥
निच्छउमधम्मनिरओ ति, निच्छिउं सावगेण वि सुभद्दा । दिन्ना कओ विवाहो, भणितो य विभिन्नगेहम्मि ॥३॥
धारेज्जसु मह धूयं, विसरिसधम्मम्मि ससुरगेहम्मि । कतो इमीए इहरा, होही नियधम्मवाचारो ॥४॥
पडिवन्नमिमं तेण वि, तहेव ठविया विभिन्नगेहम्मि । जिणपूयणमुणिदाणाउउइ-धम्ममउणिसं च सा कुणइ ॥५॥
जिणधम्मपच्चणीय-तणेण तीए परं ससुरवग्गो । छिद्दाइं पेहमाणो, निंदं काउं समाढतो ॥६॥
तब्भत्ता वि पउट्ट ति, तगिरं धरइ नेव चित्तम्मि । एवं वच्चइ कालो, तेसिं सद्धम्मनिरयाणं ॥७॥
अह एगम्मि दिणम्मि, निप्पडिकम्मो महामुणी एणो । भिक्खउट्टाए पचिट्ठो, ताण गिहे तो सुभद्दाए ॥८॥
भिक्खं देतीए नयण-निवडियं कणुगमउग्गजीहाए । अवणीयं मुणिणो छेय-याए पीडाकरं नाउं ॥९॥
नवरं तीसे तयउवणय-णेण भालयलविरइओ तिलओ । लग्गो मुणिणो भाले, नणंदपमुहाहिं दिट्ठो य ॥१०॥
चिरकाललद्धिद्दाहिं, ताहिं तप्पिययमो ततो भणिओ । पेच्छसु नियभज्जाए, एवंविहसीलमउकलंकं ॥११॥
इहिं चिय एस मुणी, भोए भोतुं विसज्जिओ तीए । पत्तियसि जइ न ता नियसु, समणभालम्मि तत्तिलयं ॥१२॥
तह चेव तं पलोइय, विलिओ अविभाविऊण परमत्थं । सिद्धिलियपुव्वप्पणओ, तदुवरि मंदाउउदरो जाओ ॥१३॥
पायडियं ससुरकुले, सव्वत्थ वि ताहिं तं च वयणिज्जं । अच्चंतपरंमुहपइ-पलोयणाओ जणाओ य ॥१४॥
सासणंखिसासम्मिस्स-मउप्पणो सीलमलिनमालिन्नं । नाऊण सुभद्दाए, बाढं सोगं वहंतीए ॥१५॥
जिणपूयं काऊणं, भणियं जइ को वि देवयविसेसो । सांणिज्जं मज्झ काही, ता एतो हं चलिस्सामि ॥१६॥
तो उस्सग्गेण ठिया, सुनिच्चला परमसत्तसंजुत्ता । तब्भावरंजिओ अह, सम्मदिट्ठी सुरो पत्तो ॥१७॥
भणियं च तेण भदे!, कहेहि जं भे करेमि करणिज्जं । उस्सगं पारित्ता, वुत्तं च इमं सुभद्दाए ॥१८॥
हंहो! तह कुण जह सासणस्स, जायइ पभावणा धणियं । हणिऊण दुट्टजणजणिय-वयणमालिन्नमउचिरेण ॥१९॥

1. तच्चणियभत्तः = बौद्धभक्तः ।

एवं काहं ति पवज्जिऊण, देवेण सा इमं भणिया । कल्लमि तह पुरीए, दारकवाडाणि सव्वाणि ॥२०॥
गाढाणि ठइस्से हं, उग्घाडेउं न को वि जह तरइ । गयणट्टिओ भणिस्सं च, सुद्धसीला परं नारी ॥२१॥
तिक्खुत्तखित्तचालणि-निहित्तजलचुलुयताडियकवाडा । उग्घाडिस्सइ एयाइं, न उण अन्ना ततोउणंगा ॥२२॥
नारीओ अकयपओयणाओ, विरमंति जाव ताव तुमं । पुब्बुत्तविहिसणाहा, उग्घाडेज्जासि लीलाए ॥२३॥
एवं सिक्खविऊणं, झडति सो सुरवरो तिरोभूओ । इयरी वि सिद्धकज्ज ति, उवगया परमसंतोसं ॥२४॥
अह जायमि पभाए, अणुग्घडंतेसु पुरीकवाडेसु । आदन्नो नगरिजणो, जाया गयणे य सा चाणी ॥२५॥
ताहे निवसेणावइ-सुकुलपसूयाओ सीलकलियाओ । दारुग्घाडणहेउं, नारीओ उवट्टियाओ लहुं ॥२६॥
नवरमडठायंते चालणीए, सलिलमि विगयगव्वाओ । अकयप्पओयणाओ, विणियत्तंतीओ दट्ठण ॥२७॥
अच्चंतं आदन्नो, सव्वो लोगो पुणो वि नयरीए । सव्वत्थ वि सविसेसं, सीलवईमग्गणा विहिया ॥२८॥
एत्थंउतरे सुभदा, सासुयपमुहाण सविणयं पणया । भणइ अहं पि हु नयरी-दुवारमुग्घाडिउं जामि ॥२९॥
जइ अणुजाणह तुब्भे, निहुयं हसियं परोप्परं ताहिं । तो भणियं साडसूयं, तुममेव महासई पुत्ति! ॥३०॥
सुपसिद्धा सुमिणमि वि, अजायमलिणा य ता लहुं वच्च । अप्पाणमडप्पण च्चिय, विगोवसु एत्थ किमडजुत्तं ॥३१॥
एवं च ताहिं भणिया, विहियण्हाणा नियत्थसियवसणा । चालणिनिहित्तसलिला, लोगेणं अग्घविज्जंती ॥३२॥
कित्तिज्जंती बंदिण-जणेण सा तिन्नि नयरिदाराइं । उग्घाडिऊण जंपइ, चउत्थगं दारमिममिहिं ॥३३॥
सीलेण मह सरिच्छा, जा उग्घाडेज्ज सा परं नारी । इय तीए तं विमुक्कं, ताहे रायाडडइलोगेण ॥३४॥
सा पूइया समाणी, गेहमि गया तओ ससुरवग्गो । लोगेण खिंसिओ बहु, असच्चपरिवायकारि ति ॥३५॥
इय नाऊणं तुममडवि, खमग! वराडउराहणेक्कतल्लिच्छो । मा मणसा वि हु काहिसि, परपरियायं बहुअवायं ॥३६॥
सोलसमपावठाणग-भुवदंसियमिय समासओ इण्हिं । मायामोसडभिहाणं, सतरसमं पि हु पवक्खामि ॥३७॥

“मायामृषावादस्वरूपम्” —

मायाए कुडिलयाए, संवलियं मोसमडलियमिह वयणं । मायामोसं भन्नइ, अच्चंतकिलिड्डयापभवं ॥३८॥
एयं च बीय-अट्टम-पावट्टाणेषु जइवि उवइट्टं । पत्तेयदोसवन्नण-दारेण तहावि दोहिं पि ॥३९॥
सविसेसपरपयारण-पहाणनेवत्थडेयभणिईहिं । जेण पयट्टइ पावे, तेण पुढो भण्णइ इमं च ॥४०॥
मुद्धजणमणकुंरंगाण, वागुरा सीलवंसियालीए । फलसंभवो य पच्छिम-गिरिगमणं नाणसूरस्स ॥४१॥
मेतीए नासगं विणय-भंसगं कारणं अकितीए । जं ता दुग्गइविमुहो, समायरेज्जा न कहवि बुहो ॥४२॥
अवि य—

हम्मउ गिरी सिरेणं, चाविज्जउ तिक्खखग्गधारडग्गं । पिज्जउ जलियडगिसिहा, छिज्जउ अप्पा करकएणं ॥४३॥
निवडिज्जउ जलहिजले, पविसिज्जउ जममुहमि किं बहुणा । एक्कं चिय मा किज्जउ, मायामोसं निमेसं पि ॥४४॥
सिरगिरिहणणाडडईणि हि, कया वि साहसधणाण धीराण । अवगारीणि न होंति वि, अदिट्टसाण्णिज्जसामत्था ॥४५॥
अह अवगारीणि वि होंति, तह वि एक्कमि चेव जम्ममि । मायामोसविही पुण, अणंतभवदारुणविवागो ॥४६॥
जह अंबिलेण दुद्धं, सुरालवेण जह पंचगव्वं वा । जाइ विहलं समाया-मोसं तह धम्मकरणं पि ॥४७॥
तवउ तवं पढउ सुयं, धरउ वयं तह चिरं चरउ चरणं । जइ ता मायामोसी, गुणाय न तयं तह वि होही ॥४८॥
मायामोसी अइधमिओ य, एवं विरुद्धनामदुगं । एक्कमि चेव पुरिसे, मुद्धाण वि धुवमडसद्धेयं ॥४९॥
को नाम किर सकन्नो, करेज्ज ता अप्पणो हियगवेसी । मायामोसं पोसं, भवस्स सुच्चंतबहुदोसं ॥५०॥
अह दोग्गइगमणमणो, ताव य सेसाणि पावठाणाणि । मायामोसं एक्कं पि, चेव तन्नयणविहिपडुयं ॥५१॥
जइ ता मायामोसं, एगंतेणं न होज्ज बहुदोसं । ता न कहिसु सुघोसं, चिरमुणिणो एवमडपओसं ॥५२॥
जो वि य पाडेऊणं, मायामोसेहिं ख्वाइ मुद्धजणं । तिग्गाममज्जवासी, सोयइ सो कूडग्रवगो व्व ॥५३॥
तहाहि—

“कुटक्षपकदृष्टान्तः” —

उज्जेणीनयरीए, अच्चंतं कूडकवडपडिबद्धो । नामेण अघोरसिवो, अहेसि विप्पो महाखुद्धो ॥५४॥
माइंदजालिओ इव, वइंतो लोयवंचणमि य सो । निद्धाडिओ जणेणं, पुरीओ देसंउतरमि गओ ॥५५॥

तत्थ वि विडाण मिलिओ, भणइ य तो संकिलिद्वपरिणामो । जइ संवाहेह ममं, तुम्हे ता हं मुणी होउं ॥५६॥
 सञ्भावविहवच्छिद्वाणि, जाणिउं निच्छएण लोगाण । साहेमि तुम्ह ततो, सुहेण तुम्हे वि ते मुसह ॥५७॥
 पडिचन्नं सव्यमिमं, विडेहिं सो वि हु तिदंडिणो वेसं । घेतूण गामतिगमज्झ-उचयणम्मि ठिओ गंतुं ॥५८॥
 तेहि य कओ पचाओ, एसो नाणी महातवस्सी य । मासाओ मासाओ, आहारं गिण्हइ महप्पा ॥५९॥
 तं च बहुवसणखिन्नं, सभावओ च्विय किसं पलोइता । लोणो महातवस्सि ति, पूयए परमभतीए ॥६०॥
 निययगिहेसु निमंतइ, सञ्भावं कहइ पुच्छइ निमित्तं । दंसेइ विभववित्थर-मडणुदियहं कुणइ से सेवं ॥६१॥
 सो पुण बगचेट्टाए, लोगाडणुगहपरं निदंसेइ । अत्ताणं चोराण य, तच्छिदाइं परिकहेइ ॥६२॥
 रयणीए चोराणं, मिलिओ गेहाणि मुसइ य अणज्जो । कालंडतरेण य जणो, न स को वि न जो तहिं मुट्ठो ॥६३॥
 एगम्मि य पत्थावे, तेहिं खत्तं खणेउमाडडरुद्धं । एगम्मि घरे घरना-यणेण नायं च तो तेण ॥६४॥
 खत्तमुहम्मि ठवेऊण, पासियं विसहरो व्व पविसंतो । गहिओ एगो चोरो, सेसा सव्वे वि य पलाणा ॥६५॥
 जाए पभायसमए, चोरो भूमिवइम्मस उचणीओ । तेणं भणियं मुंचह, एयं जइ कहइ सञ्भावं ॥६६॥
 मुक्को तहडवि न साहइ, पच्छा कसदंडलेट्टुमुट्ठीहिं । हम्मंतेण तेणं, कहिओ सव्वो वि वुत्तंतो ॥६७॥
 बंधेऊण य सिग्घं, सो वि तिदंडी तओ समाणीओ । ता पहओ जा तेण वि, पडिचन्नं निययदुच्चरियं ॥६८॥
 पच्छा सोतियपुतो ति, चक्खुजुयलं समुक्खयं तस्स । निब्भच्छिऊण हत्थं, पुराउ निव्वासिओ ततो ॥६९॥
 भिक्खं परिब्भमंतो, खिसिज्जंतो जणेण य दुहट्ठो । हा! कीस मए एयं, कयं ति सोएइ अप्पाणं ॥७०॥
 एवमडविणयपहाणं, मायामोसमडसमंजसनिहाणं । मोत्तुं परमपहाणं, सुंदर! कुण मणसमाहाणं ॥७१॥
 सत्तरसमपावठाणं, निदंसियं संपयं च दंसेमि । अट्टारसमं मिच्छा-दंसणसल्लाडभिहाणं पि ॥७२॥

“मिथ्यादर्शनशल्यस्वरूपम्” —

मिच्छा विवरीयं दंस-णं ति दिट्ठीधिवज्जयसरुव्वं । ससहरदुग्दरिसणमिव, जं मिच्छादंसणं तमिह ॥७३॥
 एयं च दुरुद्धरणतणेण, दाइतणेण य दुहाणं । सल्लं य तेण मिच्छा-दंसणसल्लं ववइसति ॥७४॥
 नवरं सल्लं दुविहं, नायव्वं दव्वभायभेएहिं । दव्वम्मि तोमराडडइ, अह मिच्छादंसणं भावे ॥७५॥
 मिच्छादंसणसल्लं, सल्लं व पइट्ठियं हिययमज्झे । सव्वेसिं पि अवायाण, कारणं दारुणविवागं ॥७६॥
 पढममडवायनिमित्तं पि, नूणमेक्कस्स चेव विन्नेयं । भावे जं पुण सल्लं, तं उभयस्साडवि दुहहेउं ॥७७॥
 जह राहुपहापडलं, हणइ पयासं न केवलं रविणो । तामिस्सयाए पहणइ, नूण पयासं जयस्साडवि ॥७८॥
 एवं खु भावसल्लं पि, विलसमाणं न चेव एक्कस्स । हणइ पयासं किं पुण, हणइ पयासं जगस्साडवि ॥७९॥
 जह राहुपहापडलं, किर मिच्छादंसणं तहा नेयं । जह य रवी तह पुरिसो, पयासतुल्लं च सम्मतं ॥८०॥
 एवं च ठिए मिच्छा-दंसणराहुप्पहाकडप्पेणं । हयसम्मत्तपयासो, तहाविहो को वि पुरिसरवी ॥८१॥
 भावतमनियरकारण-मिच्छादंसणयिमोहिओ संतो । तं चेव परे तह अप्प-यम्मि वद्धारइ मूढो ॥८२॥
 तेण य परंपरापसर-माणमाणाडइरित्तएण दढं । गुविलगिरिकंदरे इव, विगयाडडलोयम्मि लोयम्मि ॥८३॥
 भवयासुच्चिग्गाण वि, सम्मं पेच्छिउमणाण वि पयत्थे । कह सम्मतपयासो, सुहेण संपज्जइ जियाण ॥८४॥
 किंच—

एयं सो दिसिमोहो, एयं सो अच्छिपट्टबंधो उ । तमिमं जच्चंडधत्तं, नेतुद्धारो स एयं ति ॥८५॥
 आसुपरिभमणभममाण-भुवणपडिहासमाणमडहव इमं । हिमवंतगमणमिममडहव-सायरं गंतुकामस्स ॥८६॥
 केसुंडुगनाणमिमं, अहवा मइविब्भमो स एसो ति । सुत्तीए रययविसयं, विन्नाणं वा तमेयं ति ॥८७॥
 उज्जलजलविसओ या, एस स मायण्हियासु पडिहासो । तं च इमं जं सुव्वइ, जणम्मि विवरीयथाउत्तं ॥८८॥
 तमडकंडविड्डरमिमं, तह तमिमं पंसुवुट्टिउच्यहणं । घोरंडधक्कुकुहरम्मि, निवडणं नणु तमेयं ति ॥८९॥
 जमिमं मिच्छादंसण-सल्लं सम्मतखलणपडिमल्लं । [वासा]सम्मग्गम्मि महल्लं, पयट्टमाणस्स चिक्खल्लं ॥९०॥
 अन्नं च—

जमडदेवो वि हु देवो, अगुरु वि गुरु अतत्तमडवि तत्तं । जमडधम्मो वि हु धम्म-तेणेण मन्निज्जइ जिएहिं ॥९१॥

| | |
|------------------------------------------------------------------------------------------------|--------|
| जं पि जहुत्तगुणम्मि वि, देवम्मि गुरुम्मि तत्तवग्गे य । धम्मे य परमपयसा-हगम्मि अरई पओसो वा | ॥९२॥ |
| जमुदासीणत्तं पि हु, परमपयत्थेसु देवपमुहेसु । मिच्छादंसणसल्लस्स, तमिह दुच्चिलसियं सव्वं | ॥९३॥ |
| तहा— | |
| अविचेयमूलबीयं, अणुचहयं सव्वहा इमं जम्हा । मिच्छता होइ नरो, मूढमणो जइ वि बुद्धिधणो | ॥९४॥ |
| मयतन्हियाउ उदयं, मग्गंति मिगा जहा गरुयतिन्हा । सभूयमडसभूयं, तहेव मिच्छत्तमूढमणा | ॥९५॥ |
| पेच्छइ असंतमडत्थं, भक्खियथत्तूरओ जहा पुरिसो । मिच्छत्तमोहियमणो, तह धम्माडहम्मविसयं पि | ॥९६॥ |
| मिच्छत्तभावणाए, अणाडडइकालेण मोहिओ जीवो । लद्धे वि खओवसमा, सम्मत्ते दुक्करं रमइ | ॥९७॥ |
| न वि तं करेइ अग्गी, नेव विसं नेय किहसप्यो य । जं कुणइ महादोसं, तिव्वं जीवस्स मिच्छत्तं | ॥९८॥ |
| कडुयम्मि अनिव्वलियम्मि, दोद्धीए जह विणस्सए खीरं । तह मिच्छत्तकलुसिए, जीवे तवनाणचरणाणि | ॥९९॥ |
| संसारमहातरुणो, मिच्छत्तमडत्तुच्छबीपमेयं ति । तम्हा तं मोत्तव्वं, सिवसोक्खं कंखमाणेहिं | ॥६५००॥ |
| मिच्छत्तमोहियमणा, मुणंति जीवा न अतत्तत्तं पि । कुसमयसवणसमुब्भव-कुवासणावासिया संता | ॥११॥ |
| न हु मिच्छत्तंउधत्तण-संछन्नविचेयचक्खुणो जीवा । सद्धम्मदेसगरविं, पेच्छंति वि तामसखग व्व | ॥१२॥ |
| जइ एयं चिय एक्कं, नरेसु मिच्छत्तसल्लमडल्लीणं । ता सयलदुहाण कए, तं चिय होही किमडन्नेण | ॥१३॥ |
| मिच्छत्तसल्लविद्धा, तिव्वाउ वेयणाउ पावेंति । विसलितकंडविद्धा, जह पुरिसा निप्पडीयारा | ॥१४॥ |
| ता पयडिय दच्छत्तं, हत्थं उच्छादिरुण मिच्छत्तं । सुंदर! कुणसु ममत्तं, पडुच्च निच्चं पि सम्मत्तं | ॥१५॥ |
| मिच्छादंसणसल्लं, वत्थुवियज्जासबोहजणगमिणं । सद्धम्मदूसगं का-रगं च भवगहणभमणस्स | ॥१६॥ |
| ताव च्विय मणभवणे, सम्मत्तपर्ईवओ पहं देइ । जाव न मिच्छादंसण-पयंडपवणो पणोल्लेइ | ॥१७॥ |
| पत्तं पि पुन्नपव्वार-लव्वसम्मत्तरयणमुत्तरइ । मिच्छाडभिमाणमइरा-मत्तस्स जहा जमालिस्स | ॥१८॥ |
| तथाहि— | |
| “जमालिदृष्टान्तः” | |
| जयगुरुणो वीरजिणेसरस्स, पासम्मि गहियपव्वज्जो । पंचसयरायपुत्तेहिं, परिगओ चत्तरज्जसुहो | ॥९१॥ |
| भयवंतभइणिपुत्तो, जमालिनामो सुधम्मसद्धाए । संवेगसारमडणगा-रियाए किरियाए वट्ठतो | ॥९०॥ |
| एगम्मि अवसरे पबल-पित्तजरविहुरयाए पडिभग्गो । सयणत्थं णियथेरे, संथारं संथरावेइ | ॥९१॥ |
| अह वयणाडणंतरतूर-माणमुणिदीयमाणसंथारे । कालविलम्बं थेवं पि, असहमाणेण तेण पुणो | ॥९२॥ |
| संथरिओ किं व न व ति, पुच्छिया साहुणो तओ तेहिं । थेवमडसंथरिए वि हु, “संथरिओ” इइ पवुत्तम्मि॥९३॥ | ॥९३॥ |
| तं देसमाडडगओ संथ-रिज्जमाणं पलोइउं तं च । सहस ति जमाली जाय-विब्भमो भणिउमाडडडत्तो | ॥९४॥ |
| मुणिणो! कीस असच्चं, जंपह जं संथरिज्जमाणम्मि । संथरियं संथारं ति, वयह थेरेहिं तो भणियं | ॥९५॥ |
| जह कज्जमाणयं कड-माडडह पहू भुवणदिणयरो वीरो । तह संथरिज्जमाणो, संथरिओ एस किमडजुत्तं | ॥९६॥ |
| एवं पि तेहिं भणिओ, मिच्छाडभिनिवेसनिहयसम्मत्तो । कडमेव कडं ति कुपक्ख-तरलिओ सो चिरं कालं | ॥९७॥ |
| विप्पडियन्नो, तइलोक्क-बंधुणो विहियंदुक्करतयो वि । विहरित्था वसुहाए, वुग्गाहिंतो जणं मुद्धं | ॥९८॥ |
| किंच— | |
| नियदुहिया नियहत्थेण, दिक्खिया सइ सयं च सिक्खविया । पियदंसणा वि अज्जा, जमालिपक्खं अणुसरंती॥९९॥ | ॥९९॥ |
| विप्पडिवन्ना मिच्छत्त-दोसओ अहह! सा वि जयगुरुणो । पच्चक्खभुवणभक्खर-भूयस्स वि वद्धमाणस्स | ॥१०॥ |
| कयमिहिं पसंगेणं, विहलीकयसंजमो अह जमाली । मरिउं लंतयकप्पे, किब्बिसियसुरो समुप्पण्णो | ॥११॥ |
| ते चरणगुणा सो नाण-पयरिसो तं च तरस्स सच्चरियं । एक्कपए च्विय णट्ठं, धिरडत्थु मिच्छाडभिमाणस्स | ॥१२॥ |
| दे! पेच्छ पेच्छ मिच्छत्त-पडलपच्छाइयाण जंतूण । वत्थुं पि अवत्थुत्तेण, तक्खणे चेव परिणमइ | ॥१३॥ |
| सम्मत्ताडडइगुणसिरी, सा तस्स तहाविहा जइ न हुंता । मिच्छत्ततमंडतरिया, न याणिमो ता किमडवि हुंतं | ॥१४॥ |
| इय मुणिय विवेयाडमय-पाणपयोगेण मणसरीरगयं । मिच्छत्तगरलमेयं, वमसु तुमं सव्वहा वच्छ! | ॥१५॥ |
| मिच्छत्तगरलमुक्को, वयगयनिस्सेसत्तच्चियारो य । सुत्थीभूओ सम्मं, पत्थुयमाडडराहणं लहसु | ॥१६॥ |
| एवं मिच्छादंसण-सल्लमिमं कहियमेयकहणाओ । कहियाणि असेसाणि वि, अट्टारस्स पावठाणाणि | ॥१७॥ |

एक्केक्कमडवि इमेसिं, पावट्टाणाण इय विवागकरं । जो उ विवागो तेसिं, समवाए तत्थ किं भणिमो ॥२८॥
अवि य—

इहलोयसुहपसत्ता, सत्ता सत्ताण हिंसभावेण । फरुसाडडइअलियवयणेण—ण्णदव्वहरणेण य परेसिं ॥२९॥
विसयव्वासंगेणं, नरसुरतिरिजुवइगोयरेण दढं । निच्चविचिताडपरिमिय-परिग्गहाडडरंभकरणेण ॥३०॥
कोहेण कयचिरोहेण, तह य माणेण दुहविहाणेण । मायाए फुडअवायाए, निहयसोहेण लोहेण ॥३१॥
पेज्जेण सुमुणिजणवज्जिएण, दोसेण कुगइपोसेण । कलहेण पणयरिउणा, अब्भक्खाणेण य खलेण ॥३२॥
अरइरईहिं कयभवगईहिं, अवजसमहापवाहेणं । परपरिवाएणं नीय-लोयकयहिययतोसेणं ॥३३॥
मायामोसेणं तह, अच्चंतं संकिलेसपभवेणं । मिच्छादंसणसल्लेण, सुद्धपहसुहडमल्लेण ॥३४॥
मणसा वयसा वउसा, मूढमणा अप्पणो सुहनिमित्तं । अकयपरलोयचिंता, समज्जिउं पबलपावभरं ॥३५॥
चुलसीइजोणिलक्खाडड-उलमि भवसायरे अणाडडइमि । पुणरुत्तजम्मरणे, अणुभवमाणा चिरमडडंति ॥३६॥
एयाणि य जो मूढो, उदीरण अप्पणो परस्साडवि । सो तन्निमित्तबद्धेण, लिप्पए पावकम्मेण ॥३७॥
ता भो देवाणुप्पिय!, पयत्तजुत्तो इमं वियाणेत्ता । लहु तेहिंतो विरमिय, तप्पडिवक्खे समुज्जमसु ॥३८॥
भणियमडणुसट्टिदारे, अट्टारसपावठाणदारमिणं । एत्तो बीयं भन्नइ, अट्टमयट्टाणपडिदारं ॥३९॥

“मदनामकद्वितीयद्वारम्” —

अट्टारसपावट्टाण-विरयचित्तं पलक्खिऊण गुरु । सविसेसगुणाडडवज्जण-कएण खवगं इमं भणइ ॥४०॥
धन्नो तुमं गुणायर!, गुरुयाडडराहणधुराधरणधवल! । एत्थ ठिओ सव्वे वि हु, मणोवियारे निरुंभित्ता ॥४१॥
जाइमयं^१ कुलमयं^२, रुचमयं^३ बलमयं^४ सुयमयं^५ च । तवमयं^६मडह लाभमयं^७, इस्सरियमयं^८ च अट्टमयं ॥४२॥
परिहर परिहरणीयं, धम्मडत्थीणं सया अकरणीयं । नीयजणाडडयरणीयं, गुणधणलुंणपराडणीयं ॥४३॥
जिणवयणभावियमई, तत्थ तुमं ताव तिव्वतावकरं । मा काहिसि जाइमयं, पढमं पढमं अणत्थपयं ॥४४॥
जं एस कीरमाणो, माणधणाणं पि माणमालिण्णं । कालेण कुणइ णियमा, पावित्तु तहाविहाडवत्थं ॥४५॥
किं च—

अट्टवियडुं हिंडिय, निहीणजोणीसु कहवि संपत्ते । एक्कसि उच्चागोए, बुहाण किर को मयाडवसरो ॥४६॥
कीरेज्ज व जाइमओ, अवट्टिओ जइ स होज्ज जाइगुणो । इहरा पुण पवणुप्फुन्न-बत्थिपाएण किं तेण ॥४७॥
कम्मवसा जाईओ, उत्तममज्झिमजहन्नियाउ भवे । दट्ठुं सुदिट्ठपरमत्थ-ओ वि को तम्मयं कुज्जा ॥४८॥
इंदियनिव्वत्तणपुव्व-गाओ पावेंति पाणिणो बहुहा । जाईउ संसारे, अवट्टियत्तं न ताण ततो ॥४९॥
राया वि बंभणो इह, होउं जइ ता भयंउतरे सो वि । कम्मवसा सोचागो, जायइ ता तम्मएणाडलं ॥५०॥
सव्व्युत्तमजाइस्स वि, कल्लाणनिबंधणं गुणा चेव । जाइरहिओ वि गुणवं, पूइज्जइ जेण जणमज्झे ॥५१॥
वेयाण पाढगो बंभ-सुत्तधारि ति लोयगउरविओ । भूदेवो हं सव्वु-तिमो ति जाइमओम्मतो ॥५२॥
जइ बंभणो वि सुद्धाडहमाण, गेहेसु होज्ज कम्मकरो । ता जुत्तं काउं से, सरणं मरणं न जाइमओ ॥५३॥
कुणमाणो जाइमयं, बंधइ जाईए चेव नीयत्तं । सावत्थीवत्थव्वो, विप्पसुओ एत्थ दिट्ठतो ॥५४॥
तहाहि—

“जातिमदेविप्रपुत्रदृष्टान्तः” •

सुरभवणवाविदीहिय-पोक्खरणिक्काणणोलिरम्माए । सावत्थीए पुरीए, बहुपत्थिवपणयपयपउमो ॥५५॥
आसी नरेंदसीहो, नामेण महीवई जयपसिद्धो । वेयडत्थवियारविऊ, पुरोहिओ अमरदतो से ॥५६॥
पुत्तो य तस्स सुलसो, तारुण्णेणं सुएण विभवेण । नरवइसक्कारेण य, सो परमं गव्वमुव्वहइ ॥५७॥
समवयवयस्सजणपरि-गओ य तियचच्चराडडइसु पुरीए । सच्छंदं विहरइ वार-णो व्व अवगणियजणसंको ॥५८॥
एगमि य पत्थावे, सुहाडडसणत्थस्स तस्स उवणीया । सहयारमंजरी मालि-एण रणइणिरभमरउत्ता ॥५९॥
तो यम्महलिहियसहत्थ-पत्तलं पिव पलोइऊणं तं । पत्तो वसंतमासो ति, जायहरिसो सहत्थेण ॥६०॥
वियरेऊण य से पारि-ओसियं छेयपरियणाडणुगओ । नंदणवणाडभिहाणे, उज्जाणे सो गओ इत्ति ॥६१॥

तो कयअभ्रुद्वारेण, नंदणुज्जाणपालगेण सयं । भणिओ कुमार! चक्खुं, खिचसु खणं इहपएसम्मि ॥६२॥
पसरंतबहलपरिमल-मिलंतअलियलयकलियसाहडग्गा । रुदक्खमालहत्था, बउला जोगि व्व रेहंति ॥६३॥
कंकेल्लिणो वि उम्मिल्ल-पल्लयुल्लिहियनहयलाडडभोगा । पज्जलियजलणपुंज व्व, दिंति विरहीण संताचं ॥६४॥
कमलमुही किंसुयकुसुम-अंसुया मल्लियामउलदसणा । पाडलनयणा कोरइय-कुरवयत्थवयथोरथणी ॥६५॥
फुरियसुसिणिद्धतिलया, वणलच्छी तारपरहुयरवेण । उग्गायइ व्व वम्मह-महिचइणो तिजयविजयजसं ॥६६॥
इय नंदणवणवालय-पिसुणियतरुसोहदुगुणित्च्छाहो । सो उज्जाणस्सडडभं-तरम्मि परिभमिउमाडडरद्धो ॥६७॥
परिभममाणेण य तेण, कहवि एगत्य वणनिउंजम्मि । वट्टंतो सज्झाए, एगो दिट्ठो मुणिवरिट्ठो ॥६८॥
तो पाविट्टणओ, जाइमयं परममुव्वहन्तेण । परिहासं काउमणेण, वंदिओ भतिसारं च ॥६९॥
भणितो य भदंत! ममं, भवभयभीरुस्स कहसु नियधम्मं । तुज्झ पयपउममूले, जा पडिवज्जामि पव्वज्जं ॥७०॥
उज्जुयभावतणओ, भणिओ मुणिणा वि जीवदयामूलो । अलियपरदव्वमेहुण-परिग्गहच्चायपडिबद्धो ॥७१॥
पिंडविसुद्धिप्पमुह-प्पहाणगुणनिवहबंधुरो सम्मं । सिवगइपज्जवसाणो, जयगुरुजिणदेसियो धम्मो ॥७२॥
अह तं सोऊणं सो, सहासमुल्लविउमेवमाडडरद्धो । हे समण! केण एवं, वेलविओ तं सि धुतेण ॥७३॥
पच्चक्खदिस्समाणं पि, जेण मोतूण दिव्वविसयसुहं । परमडप्पाणं च किलेस-कप्पणाए निवाडेसि ॥७४॥
जीवदयाइविहीए, धम्मो तस्स प्फलं च मोक्खो ति । दट्ठूण केण सिट्ठं, कट्ठं जं एवमाडडयरसि ॥७५॥
ता एहि मए सद्धि, वणलच्छिं पेच्छ मुंच पासंडं । विलससु पासायगओ, समं मयच्छीहि य जहिच्छं ॥७६॥
इय असमंजसभासिय-हासियनियपरियणेण तेण मुणी । घेतूण करे ततो, गिहहुतं नेउमाडडरद्धो ॥७७॥
एत्थंतरम्मि वणदेवयाए, मुणिहसणजायकोवाए । कट्ठं व नट्टचेट्ठो, निवाडिओ सो महीचट्ठे ॥७८॥
साहू वि मणागं पि हु, अपउस्सन्तो ठिओ सक्किच्चम्मि । सुलसो वि तहाडचत्थो, गेहे नीओ वयस्सेहिं ॥७९॥
सिट्ठो तव्वुतंतो, कया य तप्पसमणडट्टया पिउणा । देवयपूयापमुहा, विविहोचाया दुहट्टेण ॥८०॥
न मणागं पि हु जाओ, तदुवसमो तो मुणिस्स सो पासे । नेऊणं पम्मक्को, जाओ पउणो मणागं च ॥८१॥
भणितो य मुणी पिउणा, भयवं! तुह हीलणाफलं एयं । ता कुणसु पसायं अव-हरेसु दोसं सुयस्स ममं ॥८२॥
एमाडडइ जा पयंपइ, पुरोहिओ देवयाए ता वुत्तं । किं रे मिलेच्छसच्छह!, सच्छंदं बहु समुल्लवसि ॥८३॥
जइ दुडुसुओ एसो, मुणिणो दासो व्व वट्टइ सया वि । ता पउणतं पाउणइ, इयरहा नडत्थि जीयं पि ॥८४॥
तो जहतह जीयंतं, पेहिस्समडहं ति चिंतयंतेण । पिउणा समप्पिओ सो, मुणिस्स तेणाडवि भणियमिणं ॥८५॥
अस्संजए गिहत्थे, कुव्वन्ति परिग्गहम्मि नो समणा । पडिवज्जइ जइ दिक्खं, ता ठाउ इमो मह समीवे ॥८६॥
एवं भणिए मुणिणा, पुरोहिणं पयंपिओ पुत्तो । वच्छ! न जइ वि हु जुत्तं, तुहहुतं एवमुल्लविउं ॥८७॥
तहवि हु परो उवाओ, न विज्जए तुज्झ जीवियव्वम्मि । ता एयस्स समीवे, जइस्स गिण्हाहि पव्वज्जं ॥८८॥
न य वच्छ! अकल्लाणं, होही तुह धम्ममाडडयरंतस्स । मणवंछियसंपाडण-पडुओ धम्मो परं जेण ॥८९॥
अह निरुवममरणभयु-अवन्तसन्तावदीणवयणेण । सुलसेण अकामेण वि, वयणं जणगस्स पडिवन्नं ॥९०॥
पव्वाविओ य मुणिणा, कायव्वविही य दंसिओ सब्बो । जाणाविओ य समयडत्थ-वित्थरं उचियसमयम्मि ॥९१॥
मच्चुभयगहियदिक्खो, विचित्तपरिवत्तमाणसुत्तडत्थो । जाओ जिणिदधम्मम्मि, सो थिरो विणयनिरओ य ॥९२॥
नवरं नो जाइमयं, मुयइ मुणंतो वि तस्स फलमडसुहं । तमडणाडडलोइत्तु मओ, जाओ देवो य सोहम्मो ॥९३॥
आउक्खयम्मि ततो, चयिऊणं नंदीवद्धणपुरम्मि । जाईमयदोसेणं, मायंगसुओ समुप्पन्नो ॥९४॥
ईसिचिरसुकयवसओ, रुवी सोहग्गवं च संवुत्तो । जणमणनयणाडडणंदं, कमेण पत्तो य तरुणतं ॥९५॥
दट्ठूण य विलसंते, नायरए सो विचित्तए एवं । सिट्ठजणनिंदणिज्जं, धिद्धी! हु जीवियं मज्झ ॥९६॥
तारुन्नसिरी जस्सेरिसी वि, मायंगसंगगयसोहा । रन्ननलिणि व्व निव्वुइ-मुवजणयइ नो विसिद्धाणं ॥९७॥
हयविहि! विहिओ जम्मो, कुलम्मि जइ निंदियम्मि मह तुमए । रुवाडडइणो गुणा किं, विहल च्विय ता समुवणीया ॥९८॥
अहवा किमडणेणाडण-त्थएण परिदेविएण वच्चांमि । देसम्मि तम्मि जम्मि, जाइं नो मुणइ मज्झ जणो ॥९९॥

| | |
|------------------------------------------------------------------------------------------------|--------|
| एवं परिभाविता, अकहिता निययसुयणमित्ताण । केणाडयि अनज्जंतो अयकंतो सो सनयरीओ | ॥६६००॥ |
| पतो य दूरतरदेस-संठिए कुंडिणम्मि नयरम्मि । ओलगिउं पवतो, तहिं च रण्णो दियाडमच्चं | ॥११॥ |
| जाओ य नियगुणेहिं, पसायठाणं परं अमच्चस्स । निस्संकं विसयसुहं, भुंजइ पंचप्पयारं पि | ॥२१॥ |
| एगम्मि य पत्थावे, सावत्थीउ वयंसया तस्स । अच्चंतगीयकुसला, भममाणा तत्थ संपत्ता | ॥३१॥ |
| गायंतैहिं तेहि य, अमच्चपुरओ पलोइओ एसो । तो हरिसुक्करिसवसा, अविभावियभाविदोसेहिं | ॥४१॥ |
| भणिओ वयंस! इहइं, उवेहि चिरदंसणोचियं जेण । आलिंणणाडइइ कुणिमो, पियाडइइवत्तं च साहेमो | ॥५१॥ |
| अह सो ते दट्ठुणं, यणं पच्छाइउं अयक्कंतो । तो विम्हिण्ण पुट्ठा, ते वुत्तंतं अमच्च्वेण | ॥६१॥ |
| मुद्धतणेण सिट्ठो, जहट्ठिओ तेहि तो अमच्च्वेण । कुयिएणं आणत्तो, वज्झो सूलापओगेण | ॥७१॥ |
| तो रासहम्मि आरोविऊण, पुरिसेहिं नयरिमज्झम्मि । सनिकारं हिंडाविय, नीओ सूलापएसम्मि | ॥८१॥ |
| एत्थंतरम्मि अंजण-सिद्धेण अदिस्समाणरूवेण । जोगेसरनामेणं, उप्पन्नाडपुच्चकरुणेण | ॥९१॥ |
| कह वच्चिही वराओ, अपत्तकाले वि एस पंचत्तं । थोयवओ इत्तिं चिय, एवं परिभावयंतं | ॥१०१॥ |
| अंजणसलाइयाए, झडति से अंजियाइं नयणाइं । भणिओ य वच्च एत्तो, अबीहमाणो जमाओ वि | ॥१११॥ |
| तो सो तओ पलाणो, अंजणसिद्धं नमित्तु विणएण । मरिऊण य उववन्नो, कइ वि भवे हीणजोणीसु | ॥१२१॥ |
| तो पाविय माणुस्सं, केवलिकहणाउ मुणियपुच्चभवो । घेतूणं पच्चज्जं, महिंदकप्पे सुरो जाओ | ॥१३१॥ |
| इय जाइमयसमुब्भव-दोसं दट्ठुं अणिट्ठफलजणं । मा काहिसि जाइमयं, तुमं मणागं पि हे खमग! | ॥१४१॥ |
| एवं पढमं वुत्तं, मयठाणं संपयं च वोच्छामि । कुलमविसयं बीयमडहं, मयठाणं किंचि लेसेणं | ॥१५१॥ |
| एमेव कुलमयं पि हु, कुणमाणा माणवा गुणविहीणा । परमत्थमडजाणंता, अप्पाणं चिय धिडंबंति | ॥१६१॥ |
| जओ- | |
| “कुलमदेमरिचिदृष्टान्तः” | |
| गुणसंकुलं कुलं किं, काहीह दुरडप्पणो सयमडगुणिणो । किं किमिणो कुसुमेसुं, गंधड्ढेसुं न जायंति | ॥१७१॥ |
| हीणकुलुप्पन्ना वि हु, गुणयंतो सच्चहा जणडग्घविया । पंकुम्भवं पि पउमं, सिरोवरिं वम्भइ जणेण | ॥१८१॥ |
| सीलबलरूवमइसुय-विहवप्पमुहडन्नपुत्रगुणसुन्नो । जइ जायइ सुकुलीणो वि, ता अलं कुलमएणाडवि | ॥१९१॥ |
| होउ कुलं सुविसालं, साडलंकारो वि कीरउ कुसीलो चोराडइइदुइसंभावणस्स-किं कुलमओ कुणउ | ॥२०१॥ |
| हीणकुलस्स वि सुकुलु-ग्गया वि जइ इह मुहं पलोयंति । ता सेउ मरणं चिय, न कुलमओ ताण अण्णं च॥२१॥ | ॥२१॥ |
| जइ नडत्थि गुणा ता किं, कुलेण गुणिणो कुलेण न हु कज्जं । कुलमडकलंकं गुणय-ज्जियाण गरुयं कलंकं॥२२॥ | ॥२२॥ |
| जइ ता न कुणंतो च्चिय, मिरिई कुलगोयरं मयं तइया । ता नाडणुभवंतो च्चिय, चरमभवे कुलपरावत्तं | ॥२३॥ |
| तहाहि- | |
| नाहिसुयरज्जकज्जुज्जमंत-नरविणयतुट्ठहियएणं । सक्केण विनिम्मविया, आसि विणीया पुरी पवरा | ॥२४॥ |
| तिहुयणपहुउसभजिणिंद-चलणतामरसफरिसपूयाए । अमराई वि जीए, न पुरो परभागमुवलभइ | ॥२५॥ |
| सुंदेरमुदारं जीए, अणिमिसडच्छीहिं पेच्छमाणेहिं । तियसेहिं अणिमिसत्तं, तयाडइइ पत्तं अहं मन्ने | ॥२६॥ |
| तं पालित्था पत्थिव-मत्थयमणिकिरणविच्छुरियचरणो । लल्लक्कचक्कनिक्क-तियाडरिचक्को भरहराया | ॥२७॥ |
| थणवीढलुढंतं सुय-मुरुपहरयणासियं डगरुइपसरं । मुत्ताहारपरिग्गह-मुवभुंजियसिरिफलसमूहं | ॥२८॥ |
| हरिपीलुकलियमंदिर-मडल्लीणं पयडवालचियणं च । जस्साडरिवहूविदं, होत्था दुत्थं पि सुत्थं व | ॥२९॥ |
| तस्स पियपणइणीए, वम्मानामाए उचियसमयम्मि । सूरुओ व्व सुओ जाओ, मिरिइजालं यिमुंचंतो | ॥३०॥ |
| पत्ते य बारसाडहे, परमविभूईए तस्स नरवइणा । जम्मसमयाडणुरुचं, मिरिइ-ति पइट्ठियं नामं | ॥३१॥ |
| वोक्कंतंबालभावो, स महप्पा एगया जिणिंदस्स । उसभस्स समीवम्मि, धम्मं सोऊण पडिबुद्धो | ॥३२॥ |
| नलिणिदलडग्गविलग्गंडबु-बिंदुलोलं पलोइउं जीयं । विसरारुभवुत्थसमत्थ-वत्थुसत्थं च नाऊण | ॥३३॥ |
| परिचत्तविसयसोक्खो, अणवेविस्त्रयबंधवाडइपडिबंधो । भुवणगुरुणो समीवे, पडिवन्नो संजमुज्जोगं | ॥३४॥ |
| विहरित्था य जिणेणं, समं पढंतो पराए सद्धाए । थेराए अंतियम्मि, सामाइयमाडइइ अंगसुयं | ॥३५॥ |
| अह अन्नया कयाई, पयंडमायंडकरकरालम्मि । जायम्मि गिम्हयाले, संतत्ते मेइणितलम्मि | ॥३६॥ |

| | |
|-----------------------------------------------------------------------------------------------|------|
| वायंतेसु य पवणेसु, सक्करुक्केरफरुसफरिसेसु । अन्हाणवसकिलंतो, इमं कुलिंगं विंचितेइ | ॥३७॥ |
| समणा तिदंडविरया, भगवंतो निहुयसंकुचियगता । अजिइंदियदंडस्स य, होउ तिदंडं महं चिंधं | ॥३८॥ |
| लोइंदियमुंडा संजया उ, अहयं खुरेण ससिहागो । थूलगपाणिवहाओ, वेरमणं मे सया होउ | ॥३९॥ |
| निक्किंचणा य समणा, ममं पुणो होउ किंचणं किंचि । सीलसुयथा समणा, अहयं सीलेण दुग्गंधो | ॥४०॥ |
| ववगयमोहा समणा मोहच्छन्नस्स छत्तयं होउ । अणुवाहणा य समणा, मज्झं तु उवाहणा होतु | ॥४१॥ |
| सुक्कंडबरा य समणा, निरंडबरा मज्झ धाउरताइं । वत्थाइं होतु जमडहं, अरिहामि कसायकलुसमई | ॥४२॥ |
| वज्जेति वज्जभीरु, बहुजीवसमाडडउलं जलाडडरंभं । होउ मम परिमिएणं, जलेण ण्हाणं च पियणं च | ॥४३॥ |
| इय सच्छंदविगप्पिय-विचित्तबहुजुतिनिवहसंजुतं । समणविलक्खणरूवं, पारिव्वज्जं पवतेइ | ॥४४॥ |
| विहरइ य जिणेण समं, भव्वे पडिबोहिंउं समप्पइ य । सीसत्तेणं भुवणेक्क-भाणुणो उसभसामिस्स | ॥४५॥ |
| अह भरहेणोसरणे, निप्पडिमिस्सरियमडरहओ दट्ठुं । होहिति केतिया ताय!, तुज्झ सरिस ति पुट्टेण | ॥४६॥ |
| सिद्धा अजियाडडइजिणा, जयगुरुणा चक्किणो य पुट्टेण । अप्पुट्टेण वि सिद्धा, हरिहलिणो पुण भणइ भरहो | ॥४७॥ |
| भयवं! किमेतियाए, सदेवमणुयाडसुराए परिसाए । तुह संतियाइ होही, इह भरहे कोई तित्थयरो | ॥४८॥ |
| तो एगंतनिलीणं, सिरिवरिं भ्रियिछत्तयं मिरिइं । दंसेइ जिणो भरहस्स, एस चरिमोडरिहा होही | ॥४९॥ |
| एसो च्चिय विण्हूणं, पढमो पोयणपुरम्मि आयाही । मूयाए विदेहे चक्क-वट्टिलच्छिं लहिस्सइ य | ॥५०॥ |
| एवं सोउं भरहो, हरिसवसविसप्पिबहलरोमंचो । सामि आपुच्छिता, मिरिइं अभिवंदिउं जाइ | ॥५१॥ |
| तो तिक्खुत्तो दाउं, पयाहिणं परमभतिसंजुत्तो । सम्ममडभिवंदिऊणं, महरगिरा भणिउमाडडढतो | ॥५२॥ |
| थन्नो तुमं महायस!, तुमए च्चिय पावणिज्जमिह पत्तं । जं होहिसि तित्थयरो, अपच्छिमो वीरनामो ति | ॥५३॥ |
| पढमो य वासुदेवाण, भरहवासडद्धमहिवाइनाहो । छक्खंडखोणीमंडल-सामी मूयाए चक्की य | ॥५४॥ |
| पारिव्वज्जं जम्मं च, तुज्झ नो मणहरं ति चंदामि । किं तु जिणो होहिसि जं, अपच्छिमो तेण पणमामि | ॥५५॥ |
| एमाडडइ संथुणित्ता, गयम्मि भरहे जहाडडगयं मिरिइं । उप्पण्णागाढहरिसो, विसट्टकंदोदुदलनयणो | ॥५६॥ |
| रंगगओ मल्लो इव, तिवइं अप्फोडिऊण तिक्खुत्तो । तं नियविवेयमडवहाय, जंपिउं एवमाडडढतो | ॥५७॥ |
| “जइ वासुदेवपढमो, मूयविदेहाए चक्कवट्टी वि । चरिमो तित्थयराणं, अहो! अलं एतियं मज्झ | ॥५८॥ |
| पढमो हं विण्हूणं, पिया य मे चक्कवट्टिवंसस्स । अज्जो तित्थयराणं, अहो! कुलं उत्तमं मज्झ” | ॥५९॥ |
| एवं नियकुलचंगिम-संकित्तणकलुसभाववसणेणं । नीयागोयं कम्मं, बद्धं तप्पच्चयं च तओ | ॥६०॥ |
| स महप्पा उप्पन्नो, छ भवग्गहणाइं माहणकुलेसु । नीएसुं अन्नेसुं य, हरिचक्किसिरिं च अणुभविउं | ॥६१॥ |
| अरिहंताडडइवीसं, ठाणाइं फासिऊण चरिमभवे । चिरबद्धनीयकम्मस्स, दोसओ माहणकुलम्मि | ॥६२॥ |
| देवाणंदाए माहणीए, गम्भे अरिहा वि उप्पन्नो । बायासीइदिणंउते, नवरं सक्केण नाऊण | ॥६३॥ |
| अणुचियमेयं ति विभाविउं च, हरिणेगमेसिमाडडइसिउं । सिद्धत्थरायगेहिणि-तिसिलाए ठाविओ गम्भे | ॥६४॥ |
| उचियसमए पसूओ, अहिसित्तो मंदरम्मि तियसेहिं । तित्थं पवत्तिऊणं, संपत्तो सो य परमपयं | ॥६५॥ |
| इय जइ सकुलपसंसण-समुवज्जियनीयकम्मदोसेण । एवंविहं अवत्थं, उवेति सिरितित्थनाहा वि | ॥६६॥ |
| ता कह मुणियभवाणं, कुलमयविसया भवेज्ज बुद्धी वि । एवं च खमग! तुममिम-मित्तो मा काहिसि कहं पि | ॥६७॥ |
| इय कुलमयपडिदारं, बीयं पन्नतमिन्दि तइयं पि । रुवमयगोयरमडहं, लेसुदेसेण कित्तेमि | ॥६८॥ |

“रूपमदविषये काकन्दीवास्तव्य-भ्रात्रोः दृष्टान्तः” —

पढमं पि सुक्कसोणिय-संजोयवसेण जस्स उप्पती । रुवस्स तं पि आसज्ज, न हु मओ होइ कायव्वो ॥६९॥
 रोगा पोग्गलगलणं, जरा य मरणं च जस्स नासम्मि । कारणणो सहचरो, तम्मि वि रुवे मओ न मओ ॥७०॥
 वत्थाडडहरणाडडईणं, संजोगा चैव किंचि रमणीए । निच्चं परिसंठप्पे, निच्चं च चयाडडचयथम्मे ॥७१॥
 अंतो कलुसाडडउण्णे, बाहिं तु तयाए वेढिए अथिरे । रुवे मयाडडवगासो वि, नडत्थि चिंतिज्जमाणम्मि ॥७२॥
 होइ विरुवो रुवी, कम्मवसा रुववं पि गयरुवो । कायंदीवत्थव्वा, इह नायं भायरो दोन्नि ॥७३॥
 तहाहि—

| | |
|-------------------------------------------------------------------------------------------|--------|
| बहुदेसपसिद्धाए, विविहडच्छेरयनिवासभूयाए । कायंदीए पुरीए, आसी इब्मो जसो नाम | ॥७४॥ |
| कणगवई से भज्जा, पुत्तो पढमो य ताण वसुदेवो । देवकुमारोवमरुच-लच्छिविम्हइयजियलोगो | ॥७५॥ |
| बीओ य खंदओ नाम, कायरडच्छो अईव मडहंडगो । किं बहुणा सव्वेसिं, निदंसणं सो विरुवाणं | ॥७६॥ |
| लोगुतरं च तेसिं, रुविचिरुवित्तणं णिसामेता । दूराओ एइ जणो, दट्टुं कोऊहलाडडउलिओ | ॥७७॥ |
| एवं वच्चंतेसुं, दिणेषु एगम्मि अवसरे सूरी । विमलजसो नाम तहिं, समोसढो ओहिनाणधरो | ॥७८॥ |
| तस्साडडगमणं नाउं, वंदणवडियाए भूवईपमुहो । नयरिजणो संपत्तो, ते वि य इब्मस्स दो वि सुया | ॥७९॥ |
| तिक्खुत्तो विहियपया-हिणा य उव्वुढगाढभतिभरा । कयसूरिचलणनमणा, समुच्चियठाणेषु आसीणा | ॥८०॥ |
| अह धम्मकहं कुणमाणस्स, दिट्ठी कहिं पि मुणियइणो । इब्मसुएसु य तेसुं, पडिया पीऊसवुट्ठि व्व | ॥८१॥ |
| तो ताण चक्खुपेक्खिय, तप्पुच्चभवेण ईसि हसिरेण । संलतं गुरुणा अहह!, कम्मदुव्विलसियं भीमं | ॥८२॥ |
| जं निरुचमरुचो वि हु, होइ विरुचो दढं विरुचो य । विसमसरोवमरुच-तणेण परिणमइ सो चेव | ॥८३॥ |
| अह विम्हिएण परिसाजणेण, भणियं कयप्पणामेण । परमत्थमेत्थ साहसु, अम्ह कोऊहलं भंते! | ॥८४॥ |
| तो गुरुणा संलतं, होऊणं अवहिया निसामेह । एए हि इब्मपुत्ता, नयरीए तामलित्तीए | ॥८५॥ |
| आसी दो वि वयंसा, धणरक्खियधम्मदेवनामाणो । एसिं रुची पढमो, परमचिरुचो बिइज्जो य | ॥८६॥ |
| कीलंति य अन्नोन्नं, नवरं धणरक्खिओ बहुपयारं । रुचमएणं परिहसइ, धम्मदेवं जणसमक्खं | ॥८७॥ |
| अह एगम्मि अवसरे, भणिओ धणरक्खिएण सो भद! । भज्जाए विणा विहलो, सयलो गिहवासवासंगो | ॥८८॥ |
| दारपरिग्गहविमुहो, ता किं दिणगमणियं करेसि मुहा । एवं पि जइ समीहसि, ठाउं ता होसु पव्वइओ | ॥८९॥ |
| उज्जुसभावत्तणओ य, जंपियं तेण मित्त! सच्चमिणं । गवरं इत्थीलाभे, दो चेव भवंति इह हेऊ | ॥९०॥ |
| जणमणहरणं रुचं, लच्छी वा दूरपत्तवित्थारा । एयमुभयं पि हयविहि-वसेण नो मज्झ संपन्नं | ॥९१॥ |
| अह एवं पि तहाविह-बुद्धिवसा संभवेज्ज थीलाभो । ता साहेसु तुमं चिय, कओ पणामंडजली तुज्झ | ॥९२॥ |
| एवं तेण पवुत्ते, वुत्तं धणरक्खिएण हे मित्त! । निच्चिंतो अच्छ तुमे, एत्थउत्थे हं भलिस्सामि | ॥९३॥ |
| अत्थेणं बुद्धीए, परक्कमेणं नएण अनएण । किं बहुणा जह तह तुज्झ, वंछियउत्थं करिस्सामि | ॥९४॥ |
| तेणं परंपियं कुणसु, किंपि निक्कवडपेम्मनिम्माए । तइ उवणीयसदुक्खो, संवुत्तो हं सुही एत्तो | ॥९५॥ |
| धणरक्खिएण तत्तो, कुबेरसेट्ठिस्स संतिया धूया । तत्तुल्लरुचविहवा, भणाविया दूइवयणेण | ॥९६॥ |
| कुसुमाडडउहसमरुचं, तुज्झ अहं पिययमं पणामेमि । जमडहं भणेमि तं जइ, पडिवज्जसि मुक्ककुवियप्पा | ॥९७॥ |
| तीए भणावियं निच्चि-संकमाडडइससु तेण तो वुत्तं । अज्ज निसाए केणइ, अमुणिज्जंती मुगुंदगिहे | ॥९८॥ |
| एज्जासि जेण सम्मं, तेण समं तुह घडेमि वीवाहं । पडिवन्नं तीए तओ, अत्थमिए कमलबंधुम्मि | ॥९९॥ |
| पसरंतेसुं कलकंठ-कंठकलुसेसु तिमिरनियरेसु । होंतीसु य पइवेलं, निस्संचारासु रत्थासु | ॥६७००॥ |
| परिणयणोचियउवगरण-धारिणा परमहरिसियमणेण । सो तत्थ मुगुंदगिहे, गओ समं धम्मदेवेण | ॥१०॥ |
| तक्कालोचियनेवत्थ-धारिणी सा वि तत्थ संपत्ता । विहियं संखेवेणं, पाणिग्गहणं तओ तेसिं | ॥११॥ |
| उवणेऊण पईवं, तत्तो धणरक्खिएण हसिरेणं । भणिया भदे! पइणो, तारामेलं करेसु ति | ॥१२॥ |
| तो दीवुज्जोएणं, लज्जावसथिमियलोयणा जाव । ईसुन्नमंतययणा, पलोयणं काउमाडडरद्धा | ॥१४॥ |
| ताव अहरडग्लग्गोह-दसणमडच्चंतचिबिडनासग्गं । चिबुगेगदेसनिग्गय-कइवयवीभच्छररोमं | ॥१५॥ |
| धूयाडणुरुचनयणं, वयणडम्भंतरपविट्ठगंडयलं । तिरियट्ठियधूमलयाड-णुरुचभुमयं मसिच्छायं | ॥१६॥ |
| पडियं चक्खुपहम्मि, तस्स मुहं तीए वयणमडवि तस्स । तत्तुल्लगुणं नवरं, तत्तो भेओ अरोमते | ॥१७॥ |
| अह इति वलियकंठं, तीए परियत्तिऊण नियवयणं । भणियं धणरक्खिय! विप्प-यारिया हं धुवं तुमए | ॥८॥ |
| मयणोवमं परंपिय, पिसल्लतुल्लं पइं कुणंतेणं । मह तुमए आचंदं, अप्पा अजसेण उवलित्तो | ॥१९॥ |
| धणरक्खिएण भणियं, मा मे कुप्पसु जओ विही चेव । सरिसं सरिसेण समं, संघडइ क एव मह दोसो | ॥१०॥ |
| अह तिच्चकोवदंतडग्ग-दट्टुडट्टा सभावकसिणं पि । सविसेसं कसिणंती, वयणं अफुडडक्खरं किंपि | ॥११॥ |
| मंदं समुल्लवंती, पल्हत्थियहत्थकंकणा इति । अप्परिणीय व्व तओ, मुगुंदगेहाउ निक्खंता | ॥१२॥ |

हिययवियंभियहासेण, तयडणु धणरक्खिएण सो वुत्तो । हंभो वयंस! एत्तो वि, उत्तरं किंपि ण करेसि ॥१३॥
तो उज्जुयभावेणं, संतावं परममुच्चहंतेणं । भणियमियरेण भाउय!, एत्तो वि हू किं भणेयव्वं ॥१४॥
वच्चसु सगिहम्मि तुमं, ममं तु किं जीविएण एत्ताहे । जो रक्खसितुल्लाए, एवं तीए वि परिभूओ ॥१५॥
धणरक्खिएण वुत्तं, पज्जत्तमिमेण अलियसोगेण । इत्थीसु पुरिसगुणदोस-विसयविन्नाणविमुहासु ॥१६॥
नीओ य कहवि गेहे, नवरं रयणीए नीहरेऊण । पडिवन्नो सो दिक्खं, तावसमुणिणो समीवम्मि ॥१७॥
काऊणं बालतवं, देवत्तं पाविओ मओ रूवी । एसो सो इब्भसुओ, जाओ वसुदेवनामो ति ॥१८॥
धणरक्खिओ वि बाढं, रुवमउम्मत्तमाणसो मरिउं । अकयपरलोयकिच्चो, तिरियाडडइगईसु चिरकालं ॥१९॥
आहिंडिय रुवमउत्थ-दोसओ एस खंदनामो ति । उववन्नो एवंविह-विहीणसव्वंङगलायन्नो ॥२०॥
ता जो तुब्भेहिं पुरा, परमत्थो पुच्छिओ स एसो ति । आयन्निऊण य इमं, जं उचियं तं समायरह ॥२१॥
एवं निसामिऊणं, पडिबुद्धा पाणिणो तहिं बहवे । इब्भसुया पुण घेतुं, पव्वज्जं सिवपयं पत्ता ॥२२॥
इय रुवमयसमुत्थं, दोसं तच्चागसंभवं च गुणं । मुणिऊणं खवग! तुमं, मा तं थेवं पि हू करेज्ज ॥२३॥
रुवमयट्टाणमिमं, तइयं उवदंसियं मए किंपि । एत्तो बलमयटाणं, चउत्थमडक्खेमि संखेवा ॥२४॥

“बलमदे मल्लदेवस्य दृष्टान्तः” —

खणउवचियम्मि खण-अवचियम्मि जंतूण सइ सरीरबले । अणिययरुवत्तणओ, को णु बुहो तम्मयं कुणइ ॥२५॥
तहा—

होऊण पुरा बलवं, पुरिसो संपुण्णगलकवोलो य । भयरोगसोगवसओ, खणेण विबलो जया होइ ॥२६॥
विबलत्तमुवगतो तह होउं परिसुसियगलकवोलो वि । उवयारवसेण पुणो, सो वि य जायइ जया बलवं ॥२७॥
तह पबलबलो वि नरो, जया कयंतं पडुच्च निच्चं पि । अच्चंतं अबलो च्चिय, कह णु तथा बलमओ जुत्तो ॥२८॥
सामन्नभूवईणं, बलेण भद्दा भवंति बलभद्दा । तत्तो य भद्दया चक्क-वट्ठिणो होंति तत्तो वि ॥२९॥
तत्तो वि अणंतबला, तिथ्यरा उत्तरोत्तरपहाणे । एवं बलम्मि नूणं, अबुहा कुव्वंति बलगव्वं ॥३०॥
खओयसमवसोवज्जिय-बललेसेणं पि जो उ मज्जेज्ज । सो तब्भवे वि निहणं, लभेज्ज निवमल्लदेवो व्व ॥३१॥
तहाहि—

सिरिपुरनगरे राया, अहेसि निप्पडिमलच्छिविच्छड्डो । नामेण विजयसेणो, सरयनिसायरसमजसोहो ॥३२॥
सो एगया सभाए, जावडच्छइ आसणे सुहनिसन्नो । दाहिणदिसिपेसियसेन्न-नायगो ताव संपत्तो ॥३३॥
कयपंचंडगपणामो, तयडणु निविट्ठो समीवदेसम्मि । सुसिणिद्धचक्खुणा पेक्खि-ऊण भणितो य नरवइणा ॥३४॥
अइकुसलं तुह तेणं, पंयंपियं देवपयपसाएणं । कुसलं न केवलं चिय, विजिओ दाहिणनरेदो वि ॥३५॥
तो गाढहरिसपयरिस-विप्फारियलोयणेण नरवइणा । संलत्तं कहसु कहं, तेणं भणियं णिसामेह ॥३६॥
देवाडडएसेण अहं, हयगयरहजोहजूहसंजुत्तो । गंतूण ठिओ दाहिण-दिसिभूवइदेससंधीए ॥३७॥
दूयवयणेण तत्तो, भणाविओ सो मए जहा सिग्घं । सेवं मे पडिचज्जसु, संगरसज्जोडहया होसु ॥३८॥
आयन्निऊण एवं, तेणं रत्ता पयंडकोवेणं । निद्धाडिऊण दूयं, आइट्टा नियपहाणनरा ॥३९॥
रे! रे! सिग्घं सन्नाह-सूइगं भेरिमिन्दि ताडेह । पगुणीकरेह चउरंडग-सेन्नमाडडणेह जयहत्थिं ॥४०॥
उवणेह पहरणं मे, सिग्घं च पयाणगं दयावेह । तक्खणमेव नरेहिं, तहत्ति संपाडियं सव्वं ॥४१॥
तो मगरगरुलसददूल-पमुहधयभीसणाए सेणाए । कवलित्तमणो व्व तइलोक्क-मेक्कहेलाए संचलिओ ॥४२॥
अहमडवि चारनियेइय-तदाडडगमो विहियसेन्नसंवाहो । अणवरयपयाणेहिं, गंतुं तदडभिमुहमाडडरद्धो ॥४३॥
नवरं चारेहिन्तो, तस्स समीयं गएण तस्सेणं । नाउं अपरिमियं कइ-यवेण जुज्झित्तमणेण मए ॥४४॥
दरिसावं से दाउं, अइजविणतुरंगमेहिं नियसेन्नं । पच्छाहुत्तं सिग्घं, नियत्तियं ताव जा दूरं ॥४५॥
भीयं ति मं वयंतं, नाउं अच्चंतवडिडउच्छाहो । सो राया मुद्धमई, लग्गो सेन्नस्स पट्टीए ॥४६॥
अह पइदिणगमणवसा, दढसुडियं संकडे य आवडियं । अभयं पमत्तचित्तं च, पेच्छिउं तस्स सेन्नमडहं ॥४७॥

| | |
|----------------------------------------------------------------------------------------------|------|
| सव्यउप्यणा पयद्वो, जुद्धेउं देव! तुह पभावेण । अइरेण निज्जियं पर-बलं च बहुसुहडकलियं पि | ॥४८॥ |
| एत्थंतरम्मि सेणाडहिवुत्-पुरिसेहिं तस्स भंडारो । पुत्तो य अट्टवरिसो, उवणीओ भूमिनाहस्स | ॥४९॥ |
| भणियं सेणावइणा, देव! इमो दाहिणेसभंडारो । पुत्तो य इमो तस्सेव, जमुचियं कुणसु तं इन्हिं | ॥५०॥ |
| तो रण्णो तं सुयमडणि-मिसाए दिट्ठीए पेहमाणस्स । केवलमडणुभवगम्मो, जाओ पुत्ते व्य पडिबंधो | ॥५१॥ |
| पयपीढम्मि उववेसिऊण, चुंबिय सिरम्मि भणितो य । अच्छाहि वच्छ! नियमंदिरे व्य, इहइं अणुव्विग्गो | ॥५२॥ |
| सन्निहिमाडसीणाए, सव्वाडडयरसमप्पिओ य देवीए । एसो सुओ मए तुह, दिन्नो ति पयंपियं रत्ता | ॥५३॥ |
| अब्भुवगओ य तीए, कलाकलावो य अहिगओ तेण । निज्जियसुरसुंदरं, कमेण तारुण्णमडणुपत्तो | ॥५४॥ |
| अच्चंतभुयबलेणं, महल्लमल्ला विनिज्जिया तेण । तत्तो रत्ता ठवियं, नामं से मल्लदेवो ति | ॥५५॥ |
| अह जोगो ति नियपए, निवेसिऊणं तयं महीनाहो । घेतूण तावसाणं, दिक्खं वणवासमडल्लीणो | ॥५६॥ |
| इयरो य पबलभुयबल-निज्जियसीमालसयलमहीवालो । उव्वहमाणो बलमय-मडसमं पालेइ नियरज्जं | ॥५७॥ |
| घोसावियं च तेणं, जो मम पडिमल्लमुवइसइ कोई । दीणारलक्खमेक्कं, नूणमडहं तस्स देमि ति | ॥५८॥ |
| सोऊण इमं एक्को, पाउयजरकप्पडो किसियकाओ । देसंतरिओ पुरिसो, रायाणमुवट्ठिओ भणइ | ॥५९॥ |
| देव! निसामेसु मए, परिब्भमंतेण सयलदिसिचक्कं । पुव्वदिसाए दिट्ठो, राया नामेण वज्जहरो | ॥६०॥ |
| अप्पडिमपगिट्ठबलेण, तेणं निज्जियविपक्खचक्केण । गायाविज्जइ अप्पा, पयडं तेलोक्कवीरो ति | ॥६१॥ |
| न य संभवइ न एयं, जं लीलाए वि तेण भूवइणा । करडी चवेडपहओ, उम्मिंठो वि हु पहे ठाइ | ॥६२॥ |
| एयं निसामिऊणं, दाऊणं तस्स देयमाडडइट्ठा । नियपुरिसा रे! गंतुं, तं भूयं एवमुल्लवह | ॥६३॥ |
| जइ कहवि मागहेहिं, तिलोगवीरो ति कित्तिओ तं सि । दाणउत्थीहिं ता किं, तुमए ते नेव पडिसिद्धा? | ॥६४॥ |
| अहवा किं एएणं, इन्हिं पि विसेसेणं चयसु एयं । इहराडहमाडडगओ एस, जुद्धसज्जो भवेज्जासि | ॥६५॥ |
| पुरिसेहिं तओ गंतुं, तहत्ति सव्वं निवेइयं तस्स । तो बद्धभिउडिभीमाडड-णणेण तेणेवमुल्लवियं | ॥६६॥ |
| को सो रे तुम्ह नियो?, नामं पि हु इन्हि से मए नायं । को वा इय वत्तव्वे, तस्सडहिगारोडहवा होज्ज | ॥६७॥ |
| जइ मह समरहुयासण-सिहाए पावइ पयंगपयविं नो । स वरागो दुन्नयवाय-वलियअसमत्थपक्खबलो | ॥६८॥ |
| ता रे! वच्चह सिग्घं, पेसह तं जेण तम्मयं कुणिमो । सोऊणेयं विणिय-तिऊण पुरिसेहिं से सिट्ठं | ॥६९॥ |
| अह सव्वसेन्नसहिओ, वारिज्जंतो वि मंतिग्गेण । सो गंतुं आरद्धो, कमेण पत्तो य तद्देसं | ॥७०॥ |
| सोउं तस्साडडगमणं, वज्जहरो वि हु समागओ तुरियं । बहुसुहडक्खयजणणं, जायं च परोप्परं जुद्धं | ॥७१॥ |
| दट्ठूणं लोयखयं, वज्जहरेणं भणाविओ इयरो । जइ वहसि बलमयं ता, तुममडहमडवि दो वि जुद्धामो | ॥७२॥ |
| किं निरवराहलोयक्खएण, एएण उभयपक्खे वि । पडिवन्नं तेणेयं, लग्गा अन्नोन्नजुद्धेण | ॥७३॥ |
| मल्लाणं पिव उट्ठाण-पडणपरियत्तणुव्वलणभीमो । विम्हइयदेवमणुओ, जाओ सिं समरसंमद्दो | ॥७४॥ |
| अह पबलभुयबलेणं, वज्जहरेणं स निज्जिओ इति । बलमयकयंतवसगो, इय सो पंचत्तमडणुपत्तो | ॥७५॥ |
| एयंविहदोसविसेस-कारयं बलमयं वियाणित्ता । आराहणाठिओ खमग!, मा तुमं तं करेज्जासि | ॥७६॥ |
| बलमयनामगमेयं, चउत्थयं कित्तियं मयट्ठाणं । सुयगोयरं पि एत्तो, पंचमगं किं पि साहेमि | ॥७७॥ |

“श्रुतमदे स्थूलभद्रदृष्टान्तः” —

| | |
|----------------------------------------------------------------------------------|------|
| संपइ पसरंतनिरंतरोरु-मिच्छत्ततिमिरपब्भारे । पभवंतपबलपरमय-जोइसचक्कप्पयारम्मि | ॥७८॥ |
| परमप्पमायनिब्भर-विलसंतसुदुव्वियड्ढघूयम्मि । दंसणपयत्तपरपाणि-निवहहयदिट्ठिपसरम्मि | ॥७९॥ |
| भुवणगयणंउगणम्मि, सन्नाणदिवायरो अहं चेव । एवं तुमं सुयमयं, मणयं पि करेज्ज मा धीर! | ॥८०॥ |

| | |
|---------------------------------------------------------------------------------------------|------|
| किंच— | |
| सुत्तत्थतदुभाएहिम्मि, चोदसपुव्वाणि जाण होताणि । छट्ठाणाडडवडियत्तं, सुव्वइ ताणं पि अन्नोन्नं | ॥८१॥ |
| जइ ता को णु सुयमओ, विसेसओ अज्जकालियजईणं, जेसिं मइतुच्छत्ता, न तहाविहसुयसमिद्धी वि | ॥८२॥ |

नो ता अंगाडणंगप्यविट्ट-सुयसुद्धपरिचयो अज्ज । नो तह निज्जुत्तीसु चि, न भासचुण्णिसु न वितीसु ॥८३॥
 संविग्गीयसक्किरिय-पुव्वमुणिकयपइन्नगाडडइसु चि । जइ न तह परिचओ ता, न हु कायव्यो सुयमओ चि ॥८४॥
 संते वि सयलसुतडत्थ-पारगते न सुयमओ जुतो । काउं किमंडग! तदडपार-गतणम्मि जओ भणियं ॥८५॥
 मा वहउ को वि गव्वं, एत्थ जए पडिओ अहं चेव । आसव्वन्नमयाओ, तरतमजोगेण मइविहवो ॥८६॥
 दुस्सिक्खियकइरइए, समयचिरुद्धे य अहिगए चि दढं । पगरणकहापबंधे, अचगासो च्चिय न हु मयस्स ॥८७॥
 सामाइयमेतसुया चि, केवलाडडलोयमडमलमडणुपता । सुयसिंधुपाग्गा पुण, बुत्थाडणंतेसु चिरकालं ॥८८॥
 ता मा सव्वमयहरं, सुयं पि संपाविऊण तव्विसयं । थेवं पि मयं काहिसि, तुममडणसणिओ विसेसेण ॥८९॥
 किं न सुयं सुयरासी, सुयमयदोसेण थूलभदो चि । अंतिमचउपुव्वाणं, छिन्नाडणुत्तो कओ गुरुणा ॥९०॥
 तहाहि—

पाडलिपुते नगरे, रत्तो नंदस्स विस्सुयजसस्स । मंती सयडालो आसि, सयलनिरवज्जकज्जकरो ॥९१॥
 पुत्तो य थूलभदो, पढमो से बीयओ सिरिओ ति । रुववईओ धूयाओ, सत जक्खापमोक्खाओ ॥९२॥
 सेणा वेणा रेणत्ति, ताण पज्जंतिमाउ तिन्नेव । गेण्हंति एक्क-दो-तीहिं, वायणेहिं, अपुव्वसुयं ॥९३॥
 जिणपयपूयणवंदण-समयडत्थविभावणप्पमुहधम्मं । सम्मं कुणमाणणं, तेसिं बोलेति दियहाइं ॥९४॥
 अह वत्थव्यो तत्थेव, भूवईं वररुईं कईं विप्पो । अप्पुव्वडडसएणं, वित्ताणं धुणइ पइदियहं ॥९५॥
 तक्कव्वसत्तितुट्ठो, राया दाणं समीहए दाउं । नवरं सयडालम्मि, अपसंसंते न देइ ति ॥९६॥
 तो वररुइणा सयडाल-भारिया कुसुमदाणमाडडईहिं । उवचरिया तो तीए, भणिओ सो कहसु कज्जं ति ॥९७॥
 वज्जरियं तेण तए, भणियव्यो तह कहं पि हु अमच्च्यो । जह रायपुरो कव्वं, पढंतयं मं पसंसेइ ॥९८॥
 पडिसुयमिमीए वुत्तो, मंती किं वररुइं न सलहेसि । तेणं पयपियं कह, मिच्छदिट्ठिं पसंसामि ॥९९॥
 अह पुणरुत्तं तीए, भणिरीए पडिस्सुयं अमच्च्वेणं । रायपुरो पढमाणो, पसंसिओ सो सुपडियं ति ॥१००॥
 तो अट्टसयं रत्ता, दीणारारणं दवावियं तस्स । जाया पइदिवसं चिय, एतियमेत्ता य से विती ॥१०१॥
 अत्थस्त्रयं च पलोइय, भणियमडमच्च्वेण देव! किमिमस्स । देहि ति तेण वुत्तं, सलाहिओ जं तए एस ॥१०२॥
 भणियमडमच्च्वेण मए, अविणट्ठं पढइ लोयकव्वं ति । सलहियमेयस्स ततो, रत्ता पुट्ठो कहं एवं ॥१०३॥
 तेणं भणियं मज्झं, धूयाओ वि हु पढंति जेणेवं । उचियसमए य पत्तो, पढणत्थं वररुईं ततो ॥१०४॥
 जवणियअंतरियाओ, धरियाओ मंतिणा सधूयाओ । सेणाए पढमवाराए, अहिगयं से पढंतस्स ॥१०५॥
 ता तीए नरवइणो, पुरओ अविणट्ठमुच्चरंतीए । वाराहिं दोहिं पडियं, वेणाए तीए वुत्तम्मि ॥१०६॥
 तइयाए वाराए, रेणाए अहिगयं च वुत्तं च । चिरपडियं पिच सयमेव, चिरइयं पिच नरिंदपुरो ॥१०७॥
 तो कुविणं, रत्ता, दुवारमडवि वारियं वररुइस्स । पच्छा सो गंगाए, जंतपयोगेण दीणारे ॥१०८॥
 ठयिऊणं रयणीए, पभायसमयम्मि संथयं काउं । पाएण हणइ जंतं, ततो गिण्हेइ दीणारे ॥१०९॥
 भणइ य लोयाण पुरो, थुइतुट्ठा मज्झ देइ गंग ति । कालंतरेण रत्ता, सोउं सिट्ठं अमच्च्यस्स ॥११०॥
 तेणं भणियं जइ मह, पुरो इमा देइ देइ ता देव! । वच्चामो य पभाए, गंगाए पडिस्सुयं रत्ता ॥१११॥
 अह मंतिणा वियाले, पच्चइओ नियनरो समाइट्ठो । गंगाए पच्छन्नो, अच्छसु जं वररुईं सलिले ॥११२॥
 किं पि हु ठवेइ तं गिहि-ऊण मह भद! उवणमेज्जासि । गंतूण नरेण तओ, आणीया दम्मपोट्टलिया ॥११३॥
 गोसम्मि गओ नंदो, मंती य पलोइओ थुणंतो सो । गंगं जलनिब्बुट्ठो, थुइअवसाणे य तं जंतं ॥११४॥
 करचरणेहिं सुचिरं पि, घट्टियं जाव विथरइ न किंपि । अच्चं तविलक्खत्तण-मडणुपत्तो वररुईं ताव ॥११५॥
 पायडिया सयडालेण, राइणो सा य दम्मपोट्टलिया । वीवाहं काउमणो, सिरियस्स नरिंदजोग्गाइं ॥११६॥
 आरद्धो छिड्डाइं, पलोइउं अन्नया य सयडालो । वीवाहं काउमणो, सिरियस्स नरिंदजोग्गाइं ॥११७॥
 विविहाइं आउहाइं, पच्छन्नं कारवेइ एयं च । उवयरियाए कहियं, वररुइणो मंतिदासीए ॥११८॥
 पावियछिड्डेण तओ, तेणं डिंभाइं मोयगे दाउं । सिंघाडगतियचच्चर-ठाणेसुं पाडियाणि इमं ॥११९॥
 “एउ लोओ नवि जाणइ, जं सगडालु करेस्सइ । नंदु राउ मारेविणु, सिरियउ रज्जि ठवेस्सइ” ॥१२०॥

सुणियं च इमं रण्णा, चरेहिं पेहावियं च मंतिगिहं । दट्ठूण कीरमाणं, पच्छण्णं आउहाडडइबहं ॥२१॥
 सिद्धं रत्तो तेहिं, क्विओ राया ठिओ पराहुतो । सेवाडडगयस्स चलणेसु, निवडमाणस्स मंतिस्स ॥२२॥
 क्विय ति निवं नाउं, सयडालो मंदिरम्मि गंतूण । कहइ सिरियस्स पुत्तय!, राया मारेइ सव्वाइं ॥२३॥
 जइ न मरिस्सामि अहं, ता रत्तो पायनिवडियं वच्छ! । मं मारेज्जासि तुमं, ठइया सिरिएण तो सयणा ॥२४॥
 सयडालेणं भणियं, तालउडे भक्खियम्मि मयपुव्वं । निवपायपडणकाले, मारेज्जसु तं गयाडडसंको ॥२५॥
 सव्वविणासाडडसंकिंय-मणेण पडिसुयमिमं च सिरिएण । तह चेष पायपडियस्स, सीसमेयस्स छिण्णं ति ॥२६॥
 हा! हा! अहो! अकज्जं ति, जंपिरो उट्ठिओ य नंदनियो । भणिओ सिरिएण तओ, देव! अलं वाउलत्तेण ॥२७॥
 जो तुमं पडिकूलो, तेणं पिउणा वि नत्थि मे कज्जं । तो सो रत्ता वुत्तो, पडियज्जसु मंतिपयविं ति ॥२८॥
 तेणं भणियं भाया, जेट्ठो मे थूलभद्वनामोउत्थि । बारसमं से वरिसं, वेसाए गिहे वसंतस्स ॥२९॥
 सद्दाविओ स रण्णा, वुत्तो य भयाहि मंतिपयविं ति । तेणं भणियं चिंतेमि, राइणा पेसियो ताहे ॥३०॥
 सन्निहिपअसोगवणे, तत्थ य सो चिंतिउं समारद्धो । परकज्जयावडाणं, के भोगा किं च सोक्खं ति ॥३१॥
 सोक्खे वि हूं गंतव्वं, नरण अवस्सं अलं तदेतेहिं । इय चिंतिऊण वेरग्ग-मुवगओ भवविरत्तमणो ॥३२॥
 काऊण पंचमुट्ठिय-लोयं सयमेव गहियमुणिवेसो । गंतूणं भणइ निवं, इमं मए चित्थियं राय! ॥३३॥
 उवयूहिओ निवेणं, नीहरिओ मंदिराओ स महप्पा । गणियाए घरे जाहि ति, पेहिओ राइणा जंतो ॥३४॥
 दट्ठूण मयकलेवर-दुग्गंधपहेण वच्चमाणं तं । रत्ता नायं निव्विन्न-कामभोगो धुवमिमो ति ॥३५॥
 ठविओ पयम्मि सिरिओ, इयरो संभूयविजयपामूले । पव्वइओ अच्चुग्गं, करेइ विविहं तवच्चरणं ॥३६॥
 एत्थाउवसरे वररुइ-विणासणाडडइ सुयाउ वत्तव्वं । ता जाव भद्वबाहुस्स, थूलभद्वो गओ पासे ॥३७॥
 पडियाइं पुव्वाइं, देसूणाइं च तेण दस ततो । सुयगुरुणा सह पतो, पाडलिपुत्तम्मि विहरंतो ॥३८॥
 जक्खापामोक्खाओ, सत्त वि भइणीओ गहियदिक्खाओ । भाउयवंदणहेउं, समागयाओ तओ सूरिं ॥३९॥
 वंदित्ता पुच्छंति, जेट्ठज्जो कत्थ सूरिणा भणियं । सुत्तं परिघत्तंतो, अच्छइ इह देवउलियाए ॥४०॥
 तो पत्थियाउ तहियं, दट्ठुं इंतीउ थूलभद्वमुणी । नियरिद्धिदंसणत्थं, केसरिरुव्वं विउव्वेइ ॥४१॥
 तं दट्ठुं नट्ठाओ, अज्जाओ सूरिणो निवेइंति । भयवं! कुरंगराएण, भक्खिओ नूण जेट्ठज्जो ॥४२॥
 उवउत्ता आपरिया, भणंति सीहो न थूलभद्वो सो । वच्चह इन्हिं ताओ, गयाओ वंदंति तं ततो ॥४३॥
 पुच्छिय विहारवत्तं, ठाऊण खणं गयाओ सट्ठाणं । बीयदिणे उद्वेसण-कालम्मि उवट्ठिओ संतो ॥४४॥
 पडिसिद्धो सूरीहिं, तुमं अजोगो ति थूलभद्वमुणी । सीहविउव्वणरुव्वं, तेण य मुणिऊण नियदोसं ॥४५॥
 भणिओ सूरी भंते!, न पुणो काहामि खमह मह एयं । पडिवन्नं मुणिवइणा, कहंपि महया किलेसेण ॥४६॥
 नवरं गुरुणा वुत्तो, अंतिमपुव्वाणि पढसु चत्तारि । अन्नेसिं मा देज्जसु, वोच्छिन्नाइं तओ ताइं ॥४७॥
 एवं विहियाडणत्थो, न सम्मओ सुयमओ वरमुणीणं । ता खमग! तं विवज्जिय, पत्थुयकज्जे समुज्जमसु ॥४८॥
 इय पंचमउक्खायं, सुयमयठाणं इओ पक्खायामि । तवविसयमयनिसेहण-परमं छट्ठं समासेण ॥४९॥

“तपमदस्वरूपम्” —

उग्गं पि तयो तवियं, चिरकालं बालिसो कुणइ विहलं । अहमेव दुक्करतयो-कारि ति मयं परिवहंतो ॥५०॥
 वंसाउ व्व तवाउ, मओ हुयासो व्व अहह! संभूओ । सट्ठाणं डहइ न किं नु, सेसगुणतरुसमूहं पि ॥५१॥
 सेसाडणुट्ठाणाणं, सुदुक्करं वागरंति तवमेव । तं पि मएणं हारिंति, ही! महं मोहमाहप्पं ॥५२॥
 किं च जिणिंदाडडइणं, अगिलाए अणुवजीयणेणं च । अणिगूहियबलवीरिय-त्तणेण निरवेक्खवितीए ॥५३॥
 तिहुयणदिण्णउच्छेरं, तवकम्ममडणुत्तरं निसामेत्ता । मज्जेज्ज को अणज्जो, थेवेणाडवि हु नियतवेण ॥५४॥
 अच्छंतु पुव्वपुरिसा, असरिसबलबुद्धिबंधुरा थणियं । जो न तहाविहअहिगय-सुओ वि सामन्नरुवो वि ॥५५॥
 साहू दढप्पहारी, तस्स वि नाऊण घोरतवचरणं । तवविसए थेवं पि हु, को णु सयण्णो मयं कुज्जा ॥५६॥
 तहाहि—

“वृद्धप्रहारिदृष्टान्तः”

एगम्मि महानगरे, नयवंतो माहणो वसइ एक्को । पुत्तो दुइंतो से, अविणयमाडडयरइ अचिरामं ॥५७॥

संताविण्ण पिउणा, स नीणिओ अन्नया नियगिहाओ । हिंडंतो य कहंपि हु, तक्करपल्लिं समल्लीणो ॥५८॥
 दिट्ठो सेणावइणा, अपुत्तएणं च पुत्तबुद्धीए । संगहिओ सिक्खविओ य, खग्गधणुपहरणाडडइकलं ॥५९॥
 अच्चंतं पत्तट्ठो, जाओ सो निययबुद्धिविभवेण । पाणप्पिओ य सेणा-बइस्स सेसस्स य जणस्स ॥६०॥
 निहयदढप्पहारित्तणेण, नामं दढप्पहारि ति । 'गोत्रं पइट्ठियं से, सेणावइणा पहिडेण ॥६१॥
 अह हयलालाहरिधणु-विणस्सरतेण सच्चभावाणं । सेणावई तहाविह-रोगवसा मरणमडणुपत्तो ॥६२॥
 तम्मयकिच्चं काउं, जणेण सेणावइत्तणे ठविओ । उचिओ विभाविऊणं, दढप्पहारी पणमिओ य ॥६३॥
 पुव्वठिईए पालइ, सो य महाविक्कमो नियं लोयं । लुंटेइ य विगयभओ, गामाडडगरनगरनिगमाणि ॥६४॥
 अह अन्नया कयाई, हंतुं गामं कुसत्थलं स गओ । तहियं च देवसम्मो, अइरोरो माहणो वसइ ॥६५॥
 तम्मि य दिणम्मि पायस-कएण सो पत्थिओ अवच्चैहिं । अच्चंतपयतेणं, घराघरिं मग्गिउं दुद्धं ॥६६॥
 सह तंदुलैहिं अप्पइ, महिलाए तयणु तम्मि सिज्झंते । सरियातीरे वच्चइ, काउं देवडच्चणाडडइविहिं ॥६७॥
 चोरा य तस्स भवणे, पत्ता दिट्ठो य पायसो सिद्धो । गहिओ य तक्करेणं, एक्केण छुहाकिलंतेण ॥६८॥
 तं हीरंतं दट्ठुं, हा! हा! मुट्ठ ति जंपिराइं जया । गंतूण चेडरुखाइं, देवसम्मस्स साहिंति ॥६९॥
 अह सो कोवयसुगय-भालयलकरालभिउडिभीममुहो । पुणरुत्तचंडंतंडियि-तारनयणो विमुक्कसिहो ॥७०॥
 अइवेगगमणविगलिय-कडिल्लसंतवणवायडकरगो । करहसिसुपुच्छसच्छह-मंसूणि परामुसंतो य ॥७१॥
 रे! रे! कहिं गमिस्सह, पाव! मिलेच्छ! ति वाहरेमाणो । परिहं घेतुं लग्गो, जुज्झुउं तक्करेहिं समं ॥७२॥
 गुरुगम्भभरक्कन्ता, जुज्झंतं तं च वारए महिला । तहवि न सो पहरन्तो, विरमइ कुविओ कयंतो व्य ॥७३॥
 तो तेणं हम्मंते, दट्ठुं सेणावई निययचोरे । अच्चंतजायकोवो, आयडिडय तिव्खकरवालं ॥७४॥
 छिंदेइ माहणं माह-णिं च तस्संडतरम्मि वट्ठंति । मा पहरसु ति पुणरुत्त-जंपिरिं अइदिन्नकरं ॥७५॥
 दट्ठुं च फुरुंफुरंतं, असिघाएणं दुहाकयं गम्भं । संजायपच्छयावो, दढप्पहारी विचिंतेइ ॥७६॥
 हा! हा! अहो! अकज्जं, कयं भए कहमिमाउ पावाओ । मुचिस्समडहं एत्तो, ता किं तित्थेसु वच्चामि ॥७७॥
 किं वा भेरवपडणे, पडामि जलणम्मि अहव पविसामि । किं वा ख्रिवामि भागी-रहीए सलिलम्मि अप्पाणं ॥७८॥
 एमाडडइ विसुद्धिकए, उच्चिग्गमणो विचिंतयंतो सो । पेच्छइ मुणिणो एगत्थ, संठिए धम्मझाणपरे ॥७९॥
 तप्पायपंकयं वंदि-ऊण परमाडडयरेण सो भणइ । एवंविहस्स पावस्स, कहह भंते! मह विसुद्धिं ॥८०॥
 नीसेसपावपव्वय-निदलणुद्दामकुलिसपडितुल्लो । कहिओ तस्स मुणीहिं, कयसियसम्मो समणधम्मो ॥८१॥
 उवलद्धकम्मविवरत्तणेण, अमयं च तस्स अभिरुइओ । तो संवेगोवगतो, ताण समीवम्मि निक्खंतो ॥८२॥
 सुमरिस्सं जत्थ दिणे, तं दुच्चरियं न तत्थ भुंजिस्सं । इयडभिग्गहं च घेतुं, विहरइ तत्थेव गामम्मि ॥८३॥
 सो एस तहाविहगरुय-पायकारि ति जंपमाणेण । निदिज्जइ लोणेणं, हम्मइ य पहम्मि हिंडंतो ॥८४॥
 अहियासइ सो सम्मं, अत्ताणं निदइ य पुणरुत्तं । न य गिन्हइ आहारं, धम्मज्झाणम्मि वट्ठइ य ॥८५॥
 एवं च तेण धीरेण, एक्कसिं पि हु कयाइ न हु भुत्तं । उप्पाडियं च नाणं, विहुणियनीसेसकम्मरयं ॥८६॥
 सुरअसुरवाणमंतर-थुव्वंतमयंकनिम्मलगुणोहो । अकलियसुहप्पमाणं, कमेण पत्तो य निव्वाणं ॥८७॥
 एयं णिसामिऊणं, सुट्ठु विगिडुं तवं करंतो वि । मा तम्मयं करेज्जासि, खवग! थयं पि सिवकामी ॥८८॥
 छट्टमयट्ठाणमिमं, निदिट्ठुं लेसओ सदिट्ठंतं । एत्तो य लाभविसयं, सत्तमयं तं पसाहेमि ॥८९॥

“लाभमदस्वरूपम्” —

खउवसमाउ लाभंतराय-नामस्स कम्मणो लाभो । तस्सेव उदयओ पुण, होइ अलाभो नराण तओ ॥९०॥
 लाभे वि लद्धिमंतो-डहमेव एवं न अत्तउक्करिसो । न विसाओ य अलाभे, विवेयवंतेण कायव्यो ॥९१॥
 जो लाभयं इहभवे, भिक्खं पि भवंतरे न सो लभइ । कम्मवसा दिट्ठंतो, इहं मुणी ढंढणकुमारो ॥९२॥
 तहाहि—

“ढंढणकुमार दृष्टान्तः”

मगहाविसए नामेण, धण्णपूरो ति अत्थि वरगामो । किसिपरो पारासरनामो, तत्थ धणड्ढो वसइ विप्पो ॥९३॥

| | |
|-----------------------------------------------------------------------------------------------|--|
| कुण्ड य जं जमुवायं, दव्यकए करिसणाडडइयं किंपि । लाभाय भवइ सो सो, तस्स चिरडज्जियसुकयवसओ ॥१४॥ | |
| विलसइ य पवरभूसण-दिच्चंडसुयकुसुममणहरसरीरो । बंधूहिं समं एयं, लच्छीए फलं ति मत्रंतो ॥१५॥ | |
| मगहाडहिवनरवइणो, आएसा सो य गामपुरिसेहिं । करिसावेइ चरीओ, हलाण पंचहिं सएहिं सया ॥१६॥ | |
| अह अन्नया नराहिय-चरीउ करिसित्तु उवरया एए । भोयणसमयम्मि छुहा-किलाभिया करिसगा सुडिया ॥१७॥ | |
| वसहा य चंभमेक्केक्क-मडप्पणो तेण दाविया छेते । हत्थमडणिच्छंता वि हु, बलाडभियोगा अकरुणेण ॥१८॥ | |
| तप्पच्चइयं च दढं, निच्चित्तियमंडतराइयं कम्मं । मरिऊण समुप्पन्नो, नेरइओ नरयपुढवीए ॥१९॥ | |
| ततो उच्चट्टिता, विचित्तभेयासु तिरियजोणीसु । देवेसु मणुस्सेसु य, संसरिओ कहवि सुकयवसा ॥६९००॥ | |
| जलनिहिसंगेण व पत्त-पुण्णलावण्णमणहरंडगीहिं । रामाहिं रायमाणे, विसिद्धसोरदुदेसम्मि ॥११॥ | |
| धणधन्नसमिद्धाए, पच्चक्खं देवलोगभूयाए । पयइगुणरागिसद्धाण-सूरधम्मिडुलोयाए ॥२१॥ | |
| बारवईए पुरीए, मुसुमूरियकेसिकंसदप्पस्स । तिक्खंडंभरहभूयइ-सिरमणिरुइरुइरचरणस्स ॥३१॥ | |
| जायवकुलनहयलदिणपरस्स, सिरिकन्हवासुदेवस्स । पुत्ततेणुचवन्नो, नामेणं ढंढणकुमारो ॥४॥ | |
| अहिगयकलाकलावो, कमेण सो तरुणभावमडणुपतो । जुवईणं मज्झगओ, विलसइ दोगुंदुगसुरो च्च ॥५॥ | |
| अह अन्नया कयाइ, पसमियसच्चंडगियग्गसंतावो । देहप्पहाहिं दिसि दिसि, कुवलघपयरं व चिकिरंतो ॥६॥ | |
| अट्टारसंसहसेहिं, सीलंगाणं व पवरसाहूणं । सहिओ सहिओ इव धम्म-गारिजूइयखग्गस्स ॥७॥ | |
| भयवं अरिदुनेमी, गामाडडईसुं कमेण विहरंतो । संपत्तो बारवइं, समोसढो रेवउज्जाणे ॥८॥ | |
| तो जिणपउत्तिविणिउत्त-माणवेहिं कयप्पणामेहिं । आगमणेणं तित्थाड-हिवस्स यद्धाविओ कन्हो ॥९॥ | |
| तेसिं च पारिओसिय-मुचियं दावाविऊण महुमहणो । जायवगेण समं, तिक्खमिओ वंदिउं नेमिं ॥१०॥ | |
| तो परमहरिसपगरिस-विप्फारियलोयणो जिणं नमिउं । गणहरपमुहे य मुणी, समुचियटाणे समासीणो ॥११॥ | |
| सुरमणुयतिरियसाहारणाए, वाणीए भुवणनाहेण । पारद्धा धम्मकहा, पडिबुद्धा पाणिणो बहवे ॥१२॥ | |
| अच्चंततहाविहकुसल-कम्मसंभारभायिकल्लाणो । पडिबुद्धो धम्मकहं, सुणिउं ढंढणकुमारो वि ॥१३॥ | |
| मुणियडवयारं मित्तं, भुयंगभीमं गिह व विसयसुहं । उज्झिता सो धन्नो, पव्वइओ जयगुरुसयासे ॥१४॥ | |
| संसाराडसारत्तं, भावंतो सइ सुयं अहिज्जेइ । कुच्चंतो विविहतवं, विहरइ सच्चन्नुणा सद्धिं ॥१५॥ | |
| विहरंतस्स य तं पुच्च-जम्मनिच्चित्तियं अणिट्टफलं । समुदिण्णमंडतराइय-कम्मं ढंढणकुमारस्स ॥१६॥ | |
| तो तद्दोसेणं, जेण, साहुणा सह भमेइ सो भिक्खं । उवहणइ तस्स लद्धिं पि, अहह! भीमाइं कम्माइं ॥१७॥ | |
| एगम्मि अवसरम्मि, मुणीहिं तदडलाभवइयरे सिद्धे । मूलाओ च्चिय सिद्धो, तच्चुत्ततो जिणिंदेण ॥१८॥ | |
| तं सोउं सो धीमं, अभिग्गहं गिण्हइ जिणसगासे । एत्तो परलद्धीए, भंजिस्समडहं न कइया वि ॥१९॥ | |
| एवमडविसण्णचित्तो, सुहडोच्च रणाडवणिं समल्लीणो । दुक्कम्मवेरिविहियं, दुक्खं थेवं पि अगणंतो ॥२०॥ | |
| निच्चान्णविजयलच्छिं, उवलद्धुं विहियविहियावारो उवभुत्ताडमयवरभो-यणो च्च दिवसाइं वोलेइ ॥२१॥ | |
| अह अन्नया जिणिंदो, पुट्टो कंसाडरिणा भयवमेसिं । साहूणं मज्झे को, दुक्करकारि ति वागरसु ॥२२॥ | |
| तो भणियं जयगुरुणा, नणु दुक्करकारया इमे सच्चे । नवरं दुक्करकारी, एत्तो वि हु ढंढणकुमारो ॥२३॥ | |
| बहुकालो वोलीणो, जम्हा एयस्स धीरहिययस्स । दुसहमडलाभपरीसह-मडसमं सम्मं सहंतस्स ॥२४॥ | |
| धन्नो कयपुत्तो सो, जं कितइ इय सयं जएक्कपहू । एवं परिभावंतो, जहाडडगयं पट्टिओ कन्हो ॥२५॥ | |
| पविसंतेण पुरीए, तेण य दिट्टो कहिं पि दिच्चवसा । भिक्खं भममाणो उच्च-नीयगेहेसु स महप्पा ॥२६॥ | |
| तो दूराओ च्चिय करिवराओ, ओपरिय परमभतीए । धरपीढलुलंतसिरेण, वंदिओ सो सिरिहरेण ॥२७॥ | |
| तं महुमहेण वंदिज्ज-माणमडवल्लोइऊण इब्भेण । गेहट्टिण्ण एक्केण, चित्तियं विम्हियमणेण ॥२८॥ | |
| धण्णो एस महप्पा, जो एवं माहवेण भतीए । वंदिज्जइ सविसेसं, देवाण वि वंदणिज्जेण ॥२९॥ | |
| अह वंदिउं नियत्ते, हरिम्मि भिक्खं कमेण भममाणो । इब्भस्स तस्स भवणे, संपत्तो ढंढणकुमारो ॥३०॥ | |
| तो तेण सिंहकेसर-मोयगथालेण गरुयभतीए । पडिलाभिओ महप्पा, गओ य सच्चन्नुपामूले ॥३१॥ | |

नमिऊण भणइ भगवं!, किमंडतरायं ममेण्हि स्त्रीणं ति । जयगुरुणा वागरियं, विज्जइ अज्ज वि य तस्सेसं ॥३२॥
 एसा उ कन्हलद्धी, परमत्थेणं जओ नमतं तं । तुह पेच्छिऊण इब्भेण, वियरिया मोयगा एए ॥३३॥
 एवं जिणेण भणिए, स महप्पा ते परस्स लद्धि ति । गंतूण थंडिलम्मि, सम्मं परिठविउमाडडरद्धो ॥३४॥
 परिठवमाणस्स य कम्म-कडुपविवागं विचित्तयंतस्स । सुद्धज्जाणवसेणं, उप्पन्नं केवलं नाणं ॥३५॥
 तो केवलपज्जायं, पालिता बोहिउं च भव्वजणं । जस्सडद्धा पव्वइओ, तं मोक्खपयं समणुपतो ॥३६॥
 एवं कम्माडडयतं, लाभाडलाभं विभाविउं धीर! । मा लाभवं पि काहिसि, तम्मयमडच्चंतपडिसिद्धं ॥३७॥
 इय लाभमयट्ठाणं, सत्तममुवइडुमडुडुमं इहिं । इस्सरियमयनिवारण-परमं अक्खामि संखेवा ॥३८॥

“ऐश्वर्यमदस्वरूपम्” —

गणिमं धरिमं मेज्जं, पारिच्छेज्जं धणं पभूयं मे । कोट्टागारा ख्वेतं, वत्थुं च अणेगहा मज्झ ॥३९॥
 रूप्यसुयत्ताण चया, आणासंपाडगा विविहभिच्चा । दासीदासजणा विय, रहा य तुरगा करिवरा य ॥४०॥
 गोमहिसिकरहपभिइय-विचित्तभेया पभूयभंडारा । गामनगराडडगराडडई, अणुस्तकलत्तपुत्ताडडई ॥४१॥
 एवं पसत्थसव्वत्थ-वित्थराडवत्थमीसरतं मे । मन्नेडहमेव ता इह, सक्खा जक्खो स वेसमणो ॥४२॥
 इय इस्सरियं पि पडुच्च, न हु मओ सव्वहा वि कायव्वो । संसारुत्थपयत्था, सव्वे वि विणस्सरा जम्हा ॥४३॥
 रायडग्गिचोरदाइय-परिकुवियसुराडडइकारणगणम्मि । सइ सन्निहिए विहव-क्खयस्स न हु तम्मओ जुतो ॥४४॥
 किंच—

न कुणंति दक्खिणुत्तर-महुरावणिपाण सोउमडक्खाणं । समयपसिद्धं धन्ना, इस्सरियते मयलवं पि ॥४५॥
 तहाहि—

“धनसारपुत्रस्यदृष्टान्तः”

सुपसत्थतित्थजयपहु-सुपासमणिथूमसोभिया नयरो । नामेण अत्थि महुरा, मणोहरा चमरचंच व्व ॥४६॥
 तुलिपलविलमहाधण-संभारो तीए लोयविक्ख्राओ । इब्भो परमविलासी, अहेसि नामेण धणसारो ॥४७॥
 सो अन्नया तहाविह-कज्जवसा भूरिपुरिसपरियरिओ । दाहिणमहुराए गओ, तहिं च समविभवकलिएण ॥४८॥
 धणमित्तेणं वणिएण्ण, विहियपाहुन्नयाडडइकिच्चस्स । अच्चंतपणयसारा, जाया निक्कित्तिमा मेत्ती ॥४९॥
 अन्नम्मि चासरम्मि, पसन्नचित्ताण सुहनिसन्नाण । उल्लावो संयुतो, तेसिं अन्नोन्नमियरुवो ॥५०॥
 पुहवीए भमंताणं, केसिं समं नेव होंति उल्लावा । के वा पणयपहाणं, न मित्तभावं पवज्जंति ॥५१॥
 संबंधमंडतरेणं, किं तु सरंतेसु भूरिदियसेसु । सो पल्हत्थइ वेलुय-निम्माओ पालिबंधो व्व ॥५२॥
 संबंधो य १दुरुवो, मूलभवो होइ उत्तरभवो य । पिइमाइभाइविसओ, मूलो सो इहिं नेवडत्थि ॥५३॥
 उत्तरसंबन्धो पुण, वीचाहितेण संभवइ सो य । जइ णो धूया जायइ, सुओ व काउं तओ जुतो ॥५४॥
 एवं च जायजीवं, विहडइ मेत्ती न वज्जजडिय व्व । पडियन्नमिमं दोहि वि, जुतं ति विमुक्ककुवियप्यं ॥५५॥
 अह धणमित्तस्स सुओ, जाओ धणसारसेट्ठिणो धूया । अण्णोण्णं ताण कयं, बालाण वि तेहिं दिज्जं ति ॥५६॥
 नियनगरीए य गओ, धणसारो साहिऊण नियकज्जं । इयरो य संपउतो, वट्ठिउमडभिकइयकिच्चेसु ॥५७॥
 एगम्मि य पत्थावे, सरयडब्भचलत्तणेण जीयस्स । सो पतो पंचतं, तस्स पयम्मि य ठिओ पुतो ॥५८॥
 सो एगया निसन्नो, मज्जणपीढम्मि ण्हाणकरणत्थं । तइया चउसु दिसासुं, चउरो कलहोयवरकलसा ॥५९॥
 ततो दुच्चणमया, तंबमया तयणु मिउमया ततो । तेहिं च कीरमाणे, ण्हाणे महया पबंधेण ॥६०॥
 इस्सरियतस्स सुरेंद-चायचवलत्तणेण कणयमओ । पुब्बदिसाए कलसो, नट्टो गयणेण खयरो व्व ॥६१॥
 एवं चिय सव्वे वि हु, नट्टा तो उट्ठियस्स ण्हाणाओ । नट्टं मज्जणपीढं पि, विविहमणिकणयचिंचइयं ॥६२॥
 तो जायगाढसोगो, सो तच्चिहवइयरं पलोइत्ता । गेयट्टमुवट्ठियनाड-इज्जपुरिसे विसज्जेइ ॥६३॥
 जाओ भोयणसमओ, भिच्चेहिं रसवई उवट्ठियिया । कयदेवडच्चणकिच्चो, भोयणकरणत्थमाडडसीणो ॥६४॥
 विहियं पुरिसेहिं पुरो, तस्सिंदुसमुज्जलं रययथालं । अच्चंतजच्चकंचण-क्च्चोलयरूप्यसिप्पिजुयं ॥६५॥
 भुंजंतस्स य एक्केक्क-भायणं नासिउं समारद्धं । ता जाय मूलथालं पि, पत्थियं नासणकएण ॥६६॥
 तो तेण विन्धिणं, गहियं हत्थेण तं पणस्संतं । गहियं च जेतियं मोतुं, तत्तिअं सेसयं नट्टं ॥६७॥

तो सिरिहरं पलोयइ, तं पि हु पेहेइ विगयसव्वधणं । नट्टाइं निहाणाइं, यडिडपउत्तं पि नो लहइ ॥६८॥
 आभरणसमूहं पि हु, नो पावइ निययहत्थठवियं पि । व्रह उवयरिओ लहु दास-दासीवग्गो चि हु पलीणो ॥६९॥
 सयणगणो वि समग्गो, कओवयारो वि णेगवाराओ । बाढं अपरिचिओ इव, कत्थइ किच्चे ण वट्टेइ ॥७०॥
 एवं च तं समग्गं, गंधव्वपुरं व सुमिणदिट्ठं च । परिभाविऊण सो सोग-विहरहियओ विचिंतेइ ॥७१॥
 धी! मज्झ जीविएणं, जस्सेवं मंदभग्गसिरमणिणो । जम्मंतरं व पल्लइ-मेक्कदिवसस्स चिय अंते ॥७२॥
 सयखंडं विहडियसं-पयं पुणो संघडंति सप्पुरिसा । हारिंति विज्जमाणं पि, मारिसा अहह! काउरिसा ॥७३॥
 मन्ने पुव्वभवम्मि, धुवं मए किंपि नो कयं सुकयं । पडिओ इण्हिं चिय तेण, एस विसमो दसापागो ॥७४॥
 ता संपयं पि सुकयडज्जणाय, वट्टामि होउ सोगेण । इइ चिन्तिऊण सिरिधम्म-घोसमूलम्मि पव्वइओ ॥७५॥
 संवेगाडडवडियमई, विणयपरो परमधम्मसद्धाए । सुतेणं अत्थेण य, पढेइ एक्कारसंडगाइं ॥७६॥
 पुव्वगहियं च तं थाल-खंडमज्झइ न कोउहल्लेण । जइ पुण विहरंतो कहवि, पुव्वथालं निएमि ति ॥७७॥
 अनिययविहारचरियाए, विहरमाणो य सो कहिं पि गओ । उत्तरमहुरपुरीए, भिक्खट्टाए य भममाणो ॥७८॥
 तस्स धणसारइब्भस्स, मंदिरे सुंदरे कहवि पत्तो । मज्जिता तव्वेलं, इब्भो य उवट्टिओ भोतुं ॥७९॥
 दिन्नं पुरओ तं चेव, रययत्थालं सुया वि से पुरओ । नवजोव्वणाडभिरामा, ठिया गहेऊण वीयणं ॥८०॥
 साहू वि अणिमिसड्छो, खंडं थालं पलोयए जाव । इब्भेण ताव भिक्खा, दवाविया तहवि नो जाइ ॥८१॥
 तो इब्भेणं भणियं, भयवं! किं पेच्छसे ममं धूयं । वागरियं मुणिणा भइ!, नत्थि धूयाए मे कज्जं ॥८२॥
 किं तु कहेसु कहं ते, थालमिणं तेण जंपियं भंते! । अज्जयपज्जयपडिपज्ज-याडडगयं साहुणा भणियं ॥८३॥
 साहेसु अवितहं तो, इब्भेणं पयंपिअं महं भयवं! । ण्हायंतस्स उवट्टिय-मडखिलं ण्हाणोवगरणमिणं ॥८४॥
 भोयणसमए य इमं, भोयणभंडगपमोक्खमुवगरणं । सिरिधरमवि पउरेहिं, निहीहिं आऊरियं गाढं ॥८५॥
 मुणिणा भणियं सव्वं, एयं मह आसि तेण तो वुत्तो । कहमेयं? तो मुणिणा, पच्चयहेउं तओ थालं ॥८६॥
 आणावेत्ता तं थाल-खंडं पुव्वकालसंगहियं । ढोइयमडह तत्तं पिव, 'इडति लग्गं सठाणम्मि ॥८७॥
 सिट्ठो य थामपिउनाम-विभवविद्धंसवइयरो सव्वो । सो एस मज्झ जामा-उओ ति नाऊण तो इब्भो ॥८८॥
 अंतोपसरंतमहंत-सोगवसनीहरंतबाहजलो । साहुमुवगूहिऊणं, बाढं रोवेउमाडडरद्धो ॥८९॥
 विम्हइयमणेण य परि-यणेण कहकहवि वारिओ संतो । गाढपडिबंधंधुर-मेवं साहुं समुल्लवइ ॥९०॥
 धणवित्थारो सव्वो, तदडवत्थो एस अच्छइ तुज्झ । एसा य पुव्वदिण्णा, धूया मे तुज्झ साहीणा ॥९१॥
 आणानिद्वेसकरो, किंकरवग्गो य एस नीसेसो । ता पव्वज्जं मोतुं, विलससु सगिहे व्व सच्छंदं ॥९२॥
 मुणिणा भणियं पुव्वं, पुरिसो परिचयइ कामभोगगुणे । ते वा पुव्वं पुरिसं, चयंति सुकयाडवसाणम्मि ॥९३॥
 जे उज्झिऊण वच्चंति, तेसिं गहणं न माणिणो जुत्तं । सरयडब्भविब्भमेहिं, ता मज्झं तेहिं मज्जत्तं ॥९४॥
 एवं तिसामिऊणं, इब्भो पाउब्भवंतसंवेगो । चिंतेइ ममं पि इमे, पावा निययं चइस्संति ॥९५॥
 ता किं इमेहिं नियमा, विणाससीलेहिं कडुविवागेहिं । दुग्गइनिबंधणेहिं, भूवइचोराडडइगज्जेहिं ॥९६॥
 हिययाडडयासकरेहिं, दुस्संठप्येहिं दुक्खदेएहिं । सव्व्यासु अवत्थासुं, बाढं सम्मोहजणएहिं ॥९७॥
 एवं विभाविऊणं, इब्भो मोत्तूण सव्वमडवि संगं । सुगुरुसमीवे सम्मं, पडिवन्नो सुमुणिपव्वज्जं ॥९८॥
 इय इस्सरियं नाउं, विणस्सरं तम्मयं कहं कुसलो । कुज्जा तहाविहे चि हु, विहवे पत्तम्मि कम्मवसा ॥९९॥
 तहा-

सीसा सीसिणियाओ, आणापरसव्वसंधपरिसा मे । मह सपरसमयसंतिप-महत्थपोत्थयपवित्थारो ॥७०००॥
 मह पउपवत्थपायाडड-सणाइं अहमेव पउरजणनेयो । एवं पमुहो चि दढं, इस्सरियमओ अणिट्ठफलो ॥१॥
 एवं अट्टपयारं, मयं निरुद्धं गिसोग्गइपयारं । कयघणतमंडधयारं, मा काहिसि बहुदुहवियारं ॥२॥

“तप-ऐश्वर्यमदस्थाने, बुद्धिबलमदप्रियतामदस्वरूपम्” —

अहवा तवइस्सरिय-ट्टाणेसुं बुद्धिवल्लहत्ताइं । वत्तव्याइं तेसिं, सऊवमेयं समवसेयं ॥३॥

| | |
|---------------------------------------------------------------------------------------------|------|
| गहणुग्गाहणनवकिङ्-विचारणद्वाडवधारणाडडईसु । बुद्धीए वियप्पेसुं, अणंतपज्जायवुड्ढेसुं | ॥४॥ |
| पुच्चपुरिससीहाणं, विन्नाणाडइसयगुणअणंतत्तं । सोउं संपयपुरिसा, कह नियबुद्धीए जंति मयं | ॥५॥ |
| चाडुसएहिं काऊण, वल्लहं अप्पयं परजणस्स । सुणहो व्य ही! वराओ, गरुयमरट्टं पयट्टेइ | ॥६॥ |
| तह तेणेव स मण्णइ, इमस्स अहमेव वल्लहो एक्को । कत्ता हत्ता च अहं, एयगिहे सब्बकज्जेसु | ॥७॥ |
| न उण वियाणइ मूढो, पुराकडेहिं सुनिउणपुत्तेहिं । एयस्स पुत्तनिहिणो, विहिओ सब्बंगकम्मयरो | ॥८॥ |
| अह अवगण्णिय कइया वि, जइ तहाभूयवल्लहतं से । दंसेइ विप्पियत्तं, ता तं डहइ विसायडग्गी | ॥९॥ |
| तम्हा एवविहव-ल्लहतणे पायिए वि को णु गुणो । मयकरणेणं सुंदर!, दरिसियपच्छावियारमि | ॥१०॥ |
| चाणक्कयसगडालाड-भिहाणमंतीण पुच्चकहिथाइं । सोउं कहाणयाइं, मा काहिसि वल्लहतमयं | ॥११॥ |
| ता एयवल्लहो हं ति, चायमडवहाय भीमभुयगं व । संपत्तवल्लहतो वि, तुममिमं चेव भावेज्जा | ॥१२॥ |
| अणवेक्खियनियकज्जो, चट्टामि इमस्स सयलकज्जेसु । तेण पणयप्पहाणं, पयडइ मइ वल्लहतमिमो | ॥१३॥ |
| जइ पुण निरवेक्खो हं, भवामि ता नूण निरुययारि ति । चक्खुपहम्मि वि ठाउं, न लहामि कयाडवराहो व्य | ॥१४॥ |
| अट्ट मयट्टाणाइं, उवलक्खणवयणमेव जाणाहि । इहरा वाई वत्ता, पोरुसिओ नीइमंतो हं | ॥१५॥ |
| इच्चाडडइगुणक्करिसा, मयठणाइं अणेगभेयाइं । सब्बगुणगोयरं पि हु, ता मा काहिसि मयं वच्छ! | ॥१६॥ |
| जाइकुलाडडइमयपरे, पुरिसे न गुणोडत्थि किं तु मयकरणे । जाइकुलाडडईणं चिय, भवंउतरे लहइ हीणत्तं | ॥१७॥ |
| अन्नं निययगुणेहिं, ख्रिसंतो तेहिं चेव अप्पाणं । उक्करिसंतो बंधइ, नीयागोयं घणं कम्मं | ॥१८॥ |
| तप्पच्चयं च सुचिरं, सरइ अपारमि भवसमुद्दमि । अच्चंताडहमजोणी-कल्लोलुप्पीलहीरंतो | ॥१९॥ |
| इहभवियसच्चगुणगण-गोयरगच्चं अकुच्चमाणो य । जम्मंउतरमि निम्मल-समत्थगुणभायणं भवइ | ॥२०॥ |
| इय बीयं पडिदारं, अट्टमयट्टाणनामगं भणियं । कोहाडडइनिग्गहमिओ, तइयं दारं पवक्खामि | ॥२१॥ |

“क्रोधादिनिग्रहद्वारम्” —

| | |
|-------------------------------------------------------------------------------------------------|------|
| कोहाडडईण विवागो, अट्टारसपावठाणगे वुत्तो । पत्तेयं पत्तेयं, जइ वि हु दिट्ठंतदारेण | ॥२२॥ |
| तह वि हु तच्चिणिविती, अच्चंतं दुक्कर ति एत्थं पि । भुज्जो ठाणाडसुण्णत्थ-माडडह ख्वगं पडुच्च गुरु | ॥२३॥ |
| कोहाडडईण विवागं, नाऊणं ताण निग्गहे य गुणं । निग्गिन्हसु तं सुपुरिस!, कसायरिउणो पयत्तेणं | ॥२४॥ |
| जं अइतिक्खं दुक्खं, जं च सुहं उत्तमं तिलोईए । तं जाण कसायाणं, वुडिढक्खयहेउयं सब्बं | ॥२५॥ |
| न वि तं करंति रिउणो, न वाहिणो न य मयारिणो कुविया । कुच्चंति जमडवयारं, मुणिणो कुविया कसायरिऊ | ॥२६॥ |
| रागदोसवसगया, कसायवामोहिया नरा बहवे । संसारुच्छेयकरं, जिणेंदवयणं पि सिद्धिलेंति | ॥२७॥ |
| धण्णाणं खु कसाया, होऊणं जलहरा व्य साडडडोया । परकोवपवणपहया, दूरुल्लसिया वि विहडंति | ॥२८॥ |
| धन्नाणं खु कसाया, मयणवियार व्य कुलपसूयाणं । अंतो च्चिय जंति ख्वयं, अकयाडकज्जा सयाक्कालं | ॥२९॥ |
| धन्नाणं खु कसाया, गिम्हाडडयवसेयसलिलबिंदु व्य । जत्थुप्पन्ना निहणं पि, नूण तत्थेव वच्चंति | ॥३०॥ |
| धन्नाणं खु कसाया, परमुहकोद्दालगरुयघाएहिं । अंतो च्चिय जंति ख्वयं, सुरंगधूलि व्य खम्मंता | ॥३१॥ |
| धन्नाणं खु कसाया, परचयणाडनिलवसेण संभूया । होन्ति असारफल च्चिय, तुंगा वि हु सरयमेह व्य | ॥३२॥ |
| धन्नाणं खु कसाया, अमरिसवसचडिडया सुभीसणया । गरुया वि जंति विलयं, जलकल्लोल व्य तडपत्ता | ॥३३॥ |
| धण्णाण वि ते धण्णा, कसायगोधूमजवकणे जे उ । निप्पिट्ठपेसणे सह-करंति अंतोघरट्ट व्य | ॥३४॥ |
| ता भो देवाणुपिया!, तुमं पि कोहाडडइनिग्गहपहाणो । होऊण तहा जय जह, सम्मं आराहणं लहसि | ॥३५॥ |
| इय कोहाइविणिग्गह-दारं तइयं समासओ कहियं । तुरियमिओ सवियप्पं, पमायदारं पयंपेमि | ॥३६॥ |

“प्रमादद्वारम्” —

धम्मे जेण पमायइ, स पमाओ सो य होइ पंचविहो । मज्जं^१ विसयं^२ कसाए^३ निदं^४ विगहं^५ पि य पडुच्च ॥३७॥

मद्यस्वरूपम्” —

तत्थ य मज्जइ जीवो, जेणं मज्जं ति भन्नई तेण । सब्बेसिं पि वियाराण-मडविकलं कारणं पयडं ॥३८॥
अबुहअविसिद्धपेयं, एयं हेयं तु बुहविसिद्धाण । जम्हा पेयमडपेयं, विबुहविसिद्ध च्चिय मुणंति ॥३९॥

| | |
|--------------------------------------------------------------------------------------------------|------|
| इहपरलोयवियारे, जमडदुद्धं दिद्धमिह विसिद्धेहिं । तं उत्तमं जसकरं, पयडं पेयं पवितं च | ॥४०॥ |
| जं वाडडगमपडिकुद्धं, विसिद्धजणनिदियं वियारकरं । इहलोगे च्विय पच्चक्ख-मेव दीसन्तबहुदोसं | ॥४१॥ |
| जं पीयं पच्छायइ, विमलं पि मइं मणं च उवहणइ । सच्चिंदियाण जणयइ, वत्थुविबोहे वियज्जासं | ॥४२॥ |
| अप्पा वि जओ समभाय-पत्तसच्चिंदियो वि सुत्थो वि । पोढमई वि हु फुडचेय-णो वि छेयाण वि नराण | ॥४३॥ |
| आसाइयमेत्ताओ, सहस च्विय अन्नहा विपरिणमइ । तं किर मज्जमडणज्जं, को णु सयण्णो पिबेज्ज फुडं | ॥४४॥ |
| इहपरभवदुहजणगा, दोसा पइसमयमेव मज्जाओ । पाउब्भवन्ति विविहा, बीयंडकूरा इव जलाओ | ॥४५॥ |
| तहा- | |
| मज्जा रागुक्करिसो, रागुक्करिसाउ वड्ढइ कामो । कामाडडसतो य दढं, गम्माडगम्मं न चित्तेइ | ॥४६॥ |
| विगलत्तमडविगलाणं, मज्जं जइ जणइ इहभवे चेव । ता वहउ विसं समसीसि-यं पि सह तेण किं भणिमो॥४७॥ | ॥४७॥ |
| अह मज्जं चिय जम्मंतरेवि, विगलंदियत्तणं देइ । एककभवियं विसं ता, कह मज्जेणं समं तुलइ | ॥४८॥ |
| न य चित्तीयमेयं, जह संधाणत्तओ विसिद्धाण । पेज्जं चिय मज्जमडहो!, जहाडडरनालं हि जेणेह | ॥४९॥ |
| पेयाडपेयववत्था, सच्चा वि विसिद्धलोयसत्थकया । संधाणसमत्ते वि हु, पेयं एककं परं न तहा | ॥५०॥ |
| सिद्धं संधियदक्खाडडइ-पाणगं सच्चहा जहा पेयं । संधाणत्ते तुल्ले वि, न तह अत्थियकरीरजलं | ॥५१॥ |
| ता एसा लोयकया, पेयववत्था इमा उ सत्थकया । लोइयलोउत्तरियं, तं च दुहा तत्थिमं पढमं | ॥५२॥ |
| गौटी पैष्ठी तथा माध्वी, विजेया त्रिविधा सुरा । यथा चैका तथा सर्वा, न पातव्या द्विजोत्तमैः | ॥५३॥ |
| यस्य कायगतं ब्रह्म, मघेन प्लाव्यते सकृत् । तस्य व्यपैति ब्राह्मण्यं, शूद्रत्वं च नियच्छति | ॥५४॥ |
| नारीपुरुषयोर्हन्ता, कन्यादूषकमघपौ । एते पातकिनः प्रोक्ताः पञ्चमस्तैः सहाडडवसन् | ॥५५॥ |
| वर्षाणि द्वादश वने, ब्रह्महा व्रतमाडडचरेत् । गुरुतल्पः सुरापो वा, नाडमृतौ शुद्धिमडर्हतः | ॥५६॥ |
| मघेन मघगंधेन, स्पृष्टं भाण्डमडपि द्विजः । न संस्पृशेदडथ स्पृष्टं, तदा स्नानेन शुध्यति | ॥५७॥ |
| मज्जप्पमायविरओ, अमज्जमंसाडसि एवमाडडइ पुण । लोउत्तरियं सत्थं, उभयनिसिद्धं तओ मज्जं | ॥५८॥ |
| जेद्धं कारणमेयं, मन्ने पावस्स तेण किर मज्जं । विणिवेशियं विऊहिं, सच्चपमायाणमाडडईए | ॥५९॥ |
| अप्पीए साडडकंखा, पीए विहलंघला य होंति जओ । सच्चडत्थेसुं तम्हा, निच्चमडजोग्गा तदाडडसत्ता | ॥६०॥ |
| विज्जन्ती वि हु न फुरइ, मत्तस्स मइ ति निच्छओ मज्झ । कहमडन्नहा उ अत्थे, गमइ अणत्थे उ आणेइ | ॥६१॥ |
| रिउगम्मत्तप्पमुहा, इहलोगे चेव ताव बहुदोसा । परलोगे पुण दुग्गइ-गमाडडइणो मज्जयाणस्स | ॥६२॥ |
| मत्तस्स वयणखलणं, जं तं आउक्खउच्चुवट्टियओ । नरगं च पत्थिओ तह, अहो लुठंतो सयं जाइ | ॥६३॥ |
| नयणाडरुणत्तमडवि किर, आसन्नीभूयनरयतावकयं । अनिबद्धहत्थखिवणा, मन्ने जाओ निरालंबो | ॥६४॥ |
| रिसिणो य बंभणा विय, अन्ने वि हु धम्मकंखिणो जे य । मज्जम्मि जइ न विज्जइ, दोसो तो कीस न पिबंति॥६५॥ | ॥६५॥ |
| पढमम्मि पमायंडगे, सुहचित्तविदूसगम्मि मज्जम्मि । दोसा पच्चक्खं चिय, भंडणपमुहा अणेगविहा | ॥६६॥ |
| सुच्चइ य लोइयरिसी, होऊण महातवो वि मज्जाओ । देवीहिं खित्तचित्तो, मूढो व्य विडंबणं पत्तो | ॥६७॥ |
| कोइ रिसी तवइ तवं, भीओ इंदो उ तस्स खोभकए । पेसेइ देवीओ, ताहे आगम्म ताउ तयं | ॥६८॥ |
| आराहिऊण विणया, वरदाणोवट्टियं च अभणिसु । मज्जं हिंसं अम्हे, पडिमाभंगं च सेवेसु | ॥६९॥ |
| एयाइं जइ न चउरो, ता एककं किंपि आयरसु भंते! । एवं स ताहिं भणिओ, सेसाणं नरयहेउत्तं | ॥७०॥ |
| परिभाविऊण समई-ए सुहहेउत्तणं च मज्जस्स । मज्जं पिर्विसु मत्तो य, निब्भरं मंसपरिभोगं | ॥७१॥ |
| तप्पागकए दारु-प्पडिमाभंगं च तासि भोगं च । नूणमडकासी उज्झिय-लज्जो पम्मवक्कमज्जाओ | ॥७२॥ |
| तो भग्गतवोसती, मरिऊणं दोग्गइं गओ सो उ । एवं बहुसावज्जं, मज्जं पुंजं च दोसाणं | ॥७३॥ |
| मज्जाउ जायवाणं पि, दोसमडइदारुणं निसामेत्ता । मज्जपमायं सुंदर!, सुदूरमुज्झासु य सुयत्ततो | ॥७४॥ |
| तस्स निरंतरधम्मो, तस्सेव य सच्चदाणफलमडउलं । सो सच्चतित्थन्हाओ, मज्जनियती कया जेण | ॥७५॥ |
| जह संधाणुप्पज्जंत-जंतुसंभारकारणत्तेण । मज्जं च बहुसावज्जं, तह मंसं मक्खणमहुं पि | ॥७६॥ |
| अणवरयजंतुसंभूइ-भावओ सिद्धनिंदियत्तेण । संपाइमसत्तविणा-सओ य एएसि दुद्धंतं | ॥७७॥ |

तहा—

सारो धम्मस्स दया, सा पुण भण मंसभक्खिणो कत्तो । ता सम्मं धम्मवई, वज्जेज्जा मंसमाडडजम्मं ॥७८॥
 संतेसुं अत्तेसु वि, अपाणिपीडाकरेसु पुरिसाणं । सुस्साऊसु सिणिद्धेसु, महुरपयइपवितेसु ॥७९॥
 वन्नरसगंधफासेहिं, पयइसच्चिंदियाडभिरामेसु । अरिहेसु विसिद्धाणं, विसिद्धवत्थुसु लोगम्मि ॥८०॥
 किं गरहिणण मंसेण, असिएणं हा! धिरत्थु मंसस्स । सुविसत्थथिराडतक्किय-परपाणविणासणं जत्थ ॥८१॥
 जेण न रुक्खाहिंतो, जायइ मंसं न पुप्फफलओ वा । न य भूमीओ न गयणा, नवरं घोराड पाणिवहा ॥८२॥
 ता को णु निक्कवो किर, दारुणपरिणामजीववहजायं । मंसमडसेज्जा सज्जो, जं भुंजिय पडइ पयवीओ ॥८३॥
 अन्नं च परारंतर-जायं ताडवस्सजडरभरणस्स । एगस्स वि दड्डसरी-रगस्स एयस्स भरणत्थं ॥८४॥
 जं मुद्धो कुणइ जणो, जीववहं तुच्छसुहकए तमिह । किं तस्स पयइकरिकन्न-पालिचलमडवि थिरं जीयं ॥८५॥
 न य चिंतणीयमेयं, जीवंगतेण नणु विसिद्धाणं । असणीयमेव मंसं, सेसाडडहारो व्व इह जेण ॥८६॥
 भक्खाडभक्खववत्था, सच्चा वि विसिद्धलोपसत्थकया । जीवंगसमते वि य, एगं भक्खं परं न तहा ॥८७॥
 सुपसिद्धमिणं गावीए, जह पयं पिज्जए न तह रुहिरं जीवंगते तुल्ले वि, एवमडण्णत्थ वि य नेयं ॥८८॥
 गोसाणमंसपडिसेह-णं पि न कहिं पि जुज्जए एयं । हड्डाडइ वि असणीयं, होज्जा जीवंगतुल्लता ॥८९॥
 किंच—

जइ जीवंगतसमत-मेतओ किज्जए इह पयिती । जणणीगिहिणीसु थीभाव-ओ य ता सा भवे तुल्ला ॥९०॥
 तो एसा लोगकया, भक्खववत्था इमा उ सत्थकया । लोइयलोउत्तरियं, तं च दुहा तत्थिमं पढमं ॥९१॥
 हिंसाप्रवर्तकं मांसं, अधर्मस्य च वर्द्धनं । दुःखस्योत्पादकं मांसं, तस्मान्मांसं न भक्षयेत् ॥९२॥
 स्वामांसं परमांसेन, यो वर्द्धयितुमिच्छति । उद्विग्नं लभते वासं, यत्र यत्रोपजायते ॥९३॥
 दीक्षितो ब्रह्मचारी वा, यो हि मांसं प्रभक्षयेत् । व्यक्तं स नरकं याति, अधर्मः पापपुरुषः ॥९४॥
 आकाशगामिनो विप्राः, पतिता मांसभक्षणात् । विप्राणां पतनं दृष्ट्वा, तस्मान्मांसं न भक्षयेत् ॥९५॥
 गच्छन्ति नरकं घोरं, तिर्यग्योनिं कुमानुषं । येऽत्र खादन्ति मांसानि, जन्तूनां मृत्युभीमतां ॥९६॥
 योऽति यस्य च तन्मांसं, अनयोः पश्यताडन्तरम् । एकस्य क्षणिका तृप्ति-रन्यः प्राणैर्वियुज्यते ॥९७॥
 श्रूयन्ते यानि तीर्थानि, त्रिषु लोकेषु भारत! । तेषु प्राप्नोति स स्नानं, यो मांसं नैव भक्षयेत् ॥९८॥
 निर्वाणं देवलोकं वा, प्रार्थयन्ति हि ये नराः । न वर्जयन्ति मांसानि, हेतुरेषां न विद्यते ॥९९॥
 किं लिङ्गवेषग्रहणैः, किं शिरस्तुण्डमुण्डनैः । यदि खादन्ति मांसानि, सर्वमेव निरर्थकं ॥१००॥
 यो दद्यात् काञ्चनं मेरुं, कृत्स्नां चैव वसुन्धरां । अभक्षणं च मांसस्य, न च तुल्यं युधिष्ठिर! ॥१०१॥
 नाडकृत्या प्राणिनां हिंसां, मांसमुत्पद्यते क्वचित् । न च प्राणिवधे स्वर्ग-स्तस्मान्मांसं न भक्षयेत् ॥१०२॥
 शुक्रशोणितसंभूतं, यो मांसं खादते नरः । जलेन कुरुते शौचं, हसन्ते तत्र देवताः ॥१०३॥
 यथा वनगजः स्नातो, निर्मले सलिलाडर्णवे । रजसा गुंडयेद् गात्रं, तद्वन्मांसस्य भक्षणं ॥१०४॥
 कपिलानां सहस्रं तु, यो द्विजेभ्यः प्रयच्छति । एकस्य जीवितं दद्यात् कलां नाडर्घति षोडशीं ॥१०५॥
 अनुमन्ता विशसिता निहन्ता क्रयचिक्रयी । संस्कर्ता चाडन्यदाता च, खादकश्चाडष्ट घातकाः ॥१०६॥
 अल्पायुषो दरिद्राश्च, परकर्मापजीविनः । दुःकुलेषु प्रजायन्ते, नरा ये मांसभक्षकाः ॥१०७॥
 इच्चाडडइबहुपयारं, लोइयसत्थमडवि अत्थि एत्थडत्थे । लोउत्तरियं च पुणो, 'अमज्जमंसाडसि' इच्चाइ ॥१०८॥
 अहया जं चिय लोइय-सत्थं इह हेट्टओ विणिद्धिं । लोउत्तरियं तं पि हु, इहाडवयारित्तु भणणाओ ॥१०९॥
 मिच्छादिट्ठीसुयं पि हु, किर सम्मदिट्ठिणा परिग्गहियं । सम्मसुयं होइ रसोव-विद्धलोहं पिव सुवन्नं ॥११०॥
 आह किर जइ बुहेहिं, जीवंगता चिवज्जियं मंसं । मुग्गाडडइणो वि किं नो, जीवंगं दूसिया जं नो ॥१११॥
 भन्नइ जेसि तदंगं, न ते जिया तुल्लरुचिणो जम्हा । जह पंचेदियजीवा, माणसविन्नाणपडिबद्धा ॥११२॥
 तणुदेसडिज्जमाणासु, मंसपेसीसु निसियसत्थेहिं । अच्चंतदुक्खिया होंति, पइखणुम्मुक्कसिक्कारा ॥११३॥
 जीवत्तम्मि तुल्ले वि, नो तहा एगइंदियतेण । मुग्गाडडइणो भवंती, ता कहमेसि मिहो समया ॥११४॥

तहाहि—

रे! रे! मारेह लहं, भक्खामो एयमेवमाडडईयं । अच्चंतकक्कसगिरं, सोतंतता सुणइ फुडमेव ॥१५॥
 उक्खयसुतिक्खखग्गाडडइ-वग्गकरपुरिसओ पहारं पि । भयभमिस्तरलतारा-उ हत्थमडच्छीओ पेच्छति ॥१६॥
 चित्तं च वेयइ भयं, जायभओ पुण पकंपिसरीरो । कप्पेइ इय वराओ, अहह! ममोवड्ढियं मरणं ॥१७॥
 एवं च जियत्तम्मि, तुल्ले वि पणिंदियो जहा तिक्खं । दुक्खं अणुहवइ फुडं, न तहा मुग्गाडडइएगिंदी ॥१८॥
 किंच—

मणवइकायतिगेण वि, साडवेक्खेणं परोप्परमडवस्सं । अच्चंतं वत्तं चिय, दुक्खं अणुहवइ पचिंदी ॥१९॥
 मुग्गाडडइणो य एगिंदिया उ, संपज्जमाणमडवि दुक्खं । काएणं चिय तं पि हु, अब्बत्तं किंचि वेयंति ॥२०॥
 अन्नं च मरणभीओ, दट्ठणमुवड्ढियं कहवि वहगं । निधजीपरक्खणकए, इओ तओ जह जह वराओ ॥२१॥
 चलवलइ तसइ नासइ, लुक्कइ अवलोक्कई य पंचेदी । तह तह वहगो वि दढं, जायाडडवेसो पिसियगिद्धो ॥२२॥
 तच्चिस्सासणवंचण-संगिण्हणमारणाडडइओवाए । जह चित्तइ एगिंदिय-हणणम्मि नो तहा नियमा ॥२३॥
 ता जत्थ जत्थ बहुदुक्ख-संभवो घायणिज्जविसयम्मि । घायगविसयम्मि य जत्थ, जत्थ दुद्धाडभिसंधित्तं ॥२४॥
 तत्थेव य बहुदोसो, तं पुण संभवति तसजिएसु फुडं । तेणं तदंउगमेव हि, मंसं तं चेव य निसिद्धं ॥२५॥
 तच्चिवरीयत्तणओ, जीवबहुते वि मुग्गमाडडईया । नो मंसं न य दुद्धा, लोगम्मि वि तह पसिद्धीउ ॥२६॥
 न य जीवंगत्तादेव, केवलमेयमडभक्खणीयमिमं । किं तु तदुब्भवबहुअन्न-जीवभाया जओ भणियं ॥२७॥
 “आमासु य पक्कासु य, विपच्चमाणासु मंसपेसीसु । आयंतियमुववाओ^२, भणिओ य निओयजीवाणं” ॥२८॥
 अन्ने उ पंचमुग्गाण, भक्खणे भक्खणं पणिंदिस्स । जंपंति मूढमइणो, तण्ण जओ मोहवयणं तं ॥२९॥
 अवरोप्परसाडवेक्खत्त-संगया तंतवो जह पडत्तं । पावेंति न उण निरवेक्ख-याए मिलिया सुबहवो वि ॥३०॥
 इय साडवेक्खाण मिहो, समवायो इंदियाण एगत्थ । पावइ पणिंदियत्तं, सगोयरग्गहणपवणाणं ॥३१॥
 विन्नाणपपरिसो वि हु, सुहदुहसंवेयगो तहिं चेव । पडिभिन्नइदिएसुं, मुग्गाडडइसु बहुसु वि न सो उ ॥३२॥
 इय अच्चंतमडवत्तं, फासिंदियनाणमेक्कमाडडसज्ज । मुग्गाडडइसु बहुएसु वि, पणिंदियत्तं अजुत्तं ति ॥३३॥
 लोइयसत्थे मंसं, भणियकमा चारिउं पडणुन्नायं । आवइसद्धाडडईसुं, तत्थेव य जेण भणियमिणं ॥३४॥
 प्रोक्षितं भक्षयेन्मांसं, ब्राह्मणानां च काम्यया । यथाविधिनियुक्तस्तु, प्राणानामेव वाडत्यये ॥३५॥
 यथाविधिनियुक्तस्तु, यो मांसं नात्ति वै द्विजः । स प्रेत्य पशुतां याति, संभवान्नेकविंशतिम् ॥३६॥
 एयमडणुन्नायस्स वि, इमस्स परिवज्जणं चिय पहारणं । जम्हा तस्सत्थेसु वि, पुणो वि एवं समक्खायं ॥३७॥
 आपघपि च श्राद्धे च, यो मांसं नात्ति वै द्विजः । सदायादः सगोत्रोऽसौ, सूर्यलोके महीयते ॥३८॥
 ता लोइयलोउत्तर-सत्थनिरत्थं अउ च्विय अवत्थुं । परिवज्जणिज्जमेव हि, मंसं दूरेण धीरेहिं ॥३९॥
 सब्वजणाउ अवन्ना, भयंतरे दारुणं दरिद्धत्तं । जाइकुलाणमडलाभो, सुनीयकम्मोवजीवित्तं ॥४०॥
 देहे असत्तिमत्तं, भयाडडउरत्तं सुदीहरोगित्तं । सब्वत्थाडणिडुत्तं, जायइ मंसाडसिणो नियमा ॥४१॥
 विक्किणगो धणलोभा, उवभोगविहाणओ य भक्खागो । बंधणवहेहिं हंता, तिण्ह वि मंसाउ वहगतं ॥४२॥
 जो किर मंसं नाडसइ नासइ सो अप्पणो अजसवायं । जो पुण तयमाडडसेवइ, सेवइ सो नीयठाणाणि ॥४३॥
 एवं अच्चंतदुरंत-दुक्खनरएक्ककारणं मंसं । अपवित्तमडणुचियं सब्व-हा वि हेयं ति नाडडदेयं ॥४४॥
 जं दुट्ठं ववहारे, लोए सत्थे य दूसियं जं च । तं मंसमडभक्खं चिय, चक्खूहि वि नो निरिक्खेज्जा ॥४५॥
 करगहियमंसपेसी, चंडालाडडई वि कहवि मग्गम्मि । पुरओ आगच्छंतं, लज्जइ दट्ठुं विसिद्धजणं ॥४६॥
 गोहेममहीदाणाणि, तेण दिन्नाणि लक्खसंखाणि । जो बहुदोससमुस्सय-मडसेज्ज मंसं न मणसा वि ॥४७॥

तहा—

जह परमंसं तह जइ, समंसमेवाडडयरेज्ज तब्भोई । ता न तहा दोसं पि हु, परपीडाडभावओ मन्ने ॥४८॥
 संभवइ न उण एयं, अट्टारसकणयकोडिओ इहरा । मंसजवतिगकए कह, मिलिया सुव्वंति अभयस्स ॥४९॥

1. वत्तं = व्यक्तम् । 2. सययं चिअ उववाओ ।

तथाहि—

“अभयकुमारेण मांसस्य महर्घत्वस्थापनम्” —

| | |
|--------------------------------------------------------------------------------------------|------|
| राघग्निहस्मि नयरे, अत्थाणीमंडवे निसन्नस्स । अभयकुमारप्पमुह-प्पहाणमंतीहिं सहियस्स | ॥५०॥ |
| सेणियरत्तो पुरओ, विविहकहासुं पयट्टमाणीसुं । पत्थाववसा भणियं, एक्केण पहाणपुरिसेणं | ॥५१॥ |
| देव! महग्घमडसुलहं, धणधन्नाडडइ इह तुम्ह नयरम्मि । नयरमडमहग्घमेक्कं, मंसं सुलभं च सव्यत्थ | ॥५२॥ |
| इय तव्ययणं सामंत-मंतिजुतेण राइणा सम्मं । पडिवन्नं केवलमडमल-बुद्धिणा भणियमडभएण | ॥५३॥ |
| ताय! किमेवं मुज्झह, मंसाओ वि हु महग्घमिह नत्थि । जह तह सुलहाइं कंस-दूसपमुहाणि वत्थूणि | ॥५४॥ |
| मंतीहिं जंपियं थेव-मुल्लदाणे वि भूरिलाभाओ । कहमडच्चंतमहग्घत्त-मेवमुल्लयसि मंसस्स | ॥५५॥ |
| पच्चक्खं चिय सेसाणि, पेच्छ वत्थूणि पउरदब्बेण । लब्भंति एव भणिए, मोणं काउं ठिओ अभओ | ॥५६॥ |
| नयरमिममेव वयणं, पइट्टिउं तेण सेणियनरेंदो । वुत्तो पंच दिणाइं, ताय! महं देहि रज्जं ति | ॥५७॥ |
| वाहरिउं सयलजणं, अभओ रज्जे पइट्टिओ रण्णा । बाहइ सिरं ति सयमडवि, वुत्थो अंतैउरस्संडतो | ॥५८॥ |
| अभएण वि उस्सुंको, अकरो लोगो कओ समत्थो वि । घोसविया अमारी, नियरज्जे वट्टमाणम्मि | ॥५९॥ |
| पत्ते य पंचमदिणे, रयणीए विहियवेसपरियत्तो । सामंतमंतिगेहेसु, सो गतो सोगविहुरो व्व | ॥६०॥ |
| वुत्तो सामंताडडईहिं, नाह! किं एवमाडडगमणकज्जं । भणियमडभएण राया, अइविहुरो सीसदियणाए | ॥६१॥ |
| विज्जेहि य कालेज्जय-मोसहमाडडइट्टमुत्तमनराण । नियगस्स तस्स तुब्भे, ता सिग्घं जवतिगं देह | ॥६२॥ |
| खुट्ठो एसो ति विचिंतिऊण, तेहिं पि अप्परक्खट्टा । रयणीए दिन्नाओ, अट्टारस कणयकोडीओ | ॥६३॥ |
| जाए पभायसमए, पुत्तो अवाहि ति रज्जमुवणीयं । अभएणं नियपिउणो, अह सो तं कणयगुरुरासिं | ॥६४॥ |
| दट्ठूण आउलमणो, विचिंतए निद्धणो धुवमडणेण । लोगो कओ कहडन्नह, एतियमेत्तडत्थसंपत्ती | ॥६५॥ |
| अह नयरवासिलोय-प्पवायमुवलांभिउं नरिंदेण । गूढनरा तियचच्चर-चउप्पहाडडईसु आइट्टा | ॥६६॥ |
| आचंदसूरियं रज्ज-लच्छिमडणुहवउ निग्गयपयावो । सुचिरं अभयकुमारो, मणहारी अमयमुत्ति व्व | ॥६७॥ |
| इय पइगेहं चिय जण-मुहाउ सोउं पुरम्मि जसवायं । गूढनरा नरवइणो, जहट्टियं सव्वमडकहिंसु | ॥६८॥ |
| ताहे विम्हइयमणेण, राइणा पुच्छिओअभयकुमारो । कतो एतियमेत्ता, धणरिद्धी पुत्त! पत्त ति | ॥६९॥ |
| तेणाडवि मंसजवतिग-मग्गणपमुहो उ सव्ववुत्ततो । सिट्ठो जहट्टिओ सेणि-यस्स विम्हइयहिययस्स | ॥७०॥ |
| अच्चंतमहग्घत्तं, सुदुल्लहत्तं च तयडणु मंसस्स । रत्ता निव्वभिचारं, पडिवन्नं सेसएहिं ति (पि) | ॥७१॥ |
| इय सोऊणं सम्मं, मंसस्साडडसेवणं पुरा वि कयं । आराहणाकयमणो, मुणिवर! मा संभरेज्ज तुमं | ॥७२॥ |
| एवं पसंगपाविय-मंसाडडइसरुवकहणसंबद्धं । भणिऊण मज्जदारं, विसयदारं पवक्खामि | ॥७३॥ |

“विषयस्वरूपम्” —

| | |
|--------------------------------------------------------------------------------------------|------|
| पुव्वं अणंतं चिय, जे दोसा मज्जगोयरा भणिया । पाएणं विसएसु वि, ते चेव भवंति सविसेसा | ॥७४॥ |
| जम्हा उ विसेसेणं, सीयंति इमेसु कयमणा मणुया । एएण कारणेणं, विसयत्ति निरुत्तमेएसिं | ॥७५॥ |
| एए उ महासल्लं, इमे महासत्तुष्पो परे लोए । एए उ महावाही, एए उ परमदारिदं | ॥७६॥ |
| सल्लं हिययनिहितं, न सुहेल्लिं देइ दिहिणो उ जहा । अंतो विचिंतिया तह, विसया वि दुहाडडवहा चेव | ॥७७॥ |
| जह नाम महासत्तु, दावेइ कयत्थणाओ विविहाओ । एमेव य विसया वि हु, अहवा एए परभवे वि | ॥७८॥ |
| जह नाम महावाही विहुरत्तं कुणइ इहभवम्मि तहा । विसया वि नयरमेए, भवंतरेसु वि अणंतगुणं | ॥७९॥ |
| ठाणं पराभयाणं, सब्बाण जहेह परमदारिदं । विसया वि किर तह च्चिय, पराभयाणं परं ठाणं | ॥८०॥ |
| पत्ताइं पावेंति, पाविस्संति य बहूणि बहवो वि । परिभवपयाइं पुरिसा, ते जे विसयाडडमिसपसत्ता | ॥८१॥ |
| मन्नइ तणं पिय जगं, संदेहपए वि पविसइ विसइ । मरणस्स वि देइ उरं, अपत्थणिज्जं पि पत्थेइ | ॥८२॥ |
| लंघंति समुदं भीसणं पि, साहेंति घोरवेयालं । किं बहुणा विसयकए, पविसंति जमाडडणणे वि नरा | ॥८३॥ |
| गरुयं पि हु परिवज्जिय, कज्जं विसयाडडउरो मुहुत्तेण । तं कुणइ जेण हासो, जावज्जीवं जए होइ | ॥८४॥ |
| ववसइ पिउणो वि वहं, बंधुं सत्तुं व मन्नइ मूढो । होइ अणिबद्धकज्जो, विसयग्गहपरिगओ पुरिसो | ॥८५॥ |
| विसया अणत्थपंथो, विसया माहप्पलुंगगा पावा । विसया लहतपयवी, अकंडविट्टरकरा विसया | ॥८६॥ |

विसया अयमाणपयं, विसया मालिन्नकारणमडवंडं । विसया दुहेक्कहेऊ, इहपरभवबाहगा विसया ॥८७॥
 खलइ मणो गलइ मई, परिहायइ पोरिसं पि पुरिसस्स । विसयाडडसत्तस्स गुरु-वइइमिडं पि वीसरइ ॥८८॥
 सा जाई तं च कुलं, सा किन्ती भुवणभूसणपयंडा । जइ ता विसयपसती, ता फुसिया वामपाएणं ॥८९॥
 जिणवयणदक्खचक्खू वि, पेक्खए पेक्खणिज्जभाये ता । जावडज्जवि विसयपसति-लक्खणा नीलिमा न भवे ॥९०॥
 धम्माडभिप्पायपई-वओ मणोमंदिरम्मि ता फुरइ । जावडज्जवि विसयपसति-लक्खणा नेइ वाओली ॥९१॥
 सब्बत्रुययणपोओ, ता भवजलहीउ तारणसमत्थो । विसयप्पसंगपवणो, जावडज्जवि नाडयकूलेइ ॥९२॥
 विमलं विवेयरयणं, तावडज्जवि दिप्पए पयासइ या । विसयप्पसंगपंसू, जावडज्जवि नाडयगुंडेइ ॥९३॥
 विमलं पि जीवसंखे, पइडियं सहइ ताव सीलजलं । विसयाडभिनिविसेसाडसुइ-संगा कलुसिज्जइ न जाव ॥९४॥
 धम्मं कारमडसत्ता, विसयपसत्ता निहीणतमसत्ता । 'अत्ताणं अत्ताणं, न मुणंति हियं च न कुणंति ॥९५॥
 विसया विऊण २विसया, दूरडवगन्नियजिणाडडगमंडकुसया । तणुरुहिरहरणमसया, भवति दावियअणिट्ठसया ॥९६॥
 सुच्चिरं पि तवो तवियं, चिन्नं चरणं सुयं च बहु पडियं । जइ ता विसएसु मई, ता तं ही! निष्कलं सब्बं ॥९७॥
 सन्नाणमणिमहग्घं, फुरंतचारितरयणचिंचइयं । ओ! विसयचंडचरडा, लुंटीति जीवभंडारं ॥९८॥
 सा तुंगिमा स तेओ, तं विन्नाणं गुणा वि ते चेव । सब्बं खणेण नट्ठं, धिरत्थु विसयाडडभिलासस्स ॥९९॥
 हद्धी! अलद्धपुब्बं, जिणवयणरसायणं पि घोट्टेउं । विसयमहाहालाहल-हल्लोहलिएहिं उगिलियं ॥१००॥
 सुहचरिए ३अप्पाणं, पावा पावाडडसवेसु सप्पाणं । अप्पाणं अप्पाणं, विसयाण कए कयत्थिति ॥१०१॥
 चिद्धइ दिट्ठिविसगोयरम्मि, वग्गइ य तिक्खखग्गडग्गे । असिपंजरम्मि कीलइ, सोयइ सतीए अग्गम्मि ॥१०२॥
 बंधइ पडम्मि अग्गिं, मूढो नियमत्थरण हणइ गिरिं । आलिंणइ सुहयहुया-सणं च विसमडसइ जीयडत्थी ॥१०३॥
 छुहियं सीहं कुवियं च, पन्नगं सुबहुमच्छियं च महं । आहणइ सो अणज्जो, जो विसएसुं कुणइ गिद्धिं ॥१०४॥
 अहवा विसं मुहे च्चिय, खंधे च्चिय सुनिसिओ असी तस्स । गत्ता मुहपुरओ च्चिय, उच्छंगे च्चिय कसिणसप्पो ॥१०५॥
 पासट्ठिओ च्चिय जमो, हियए च्चिय तस्स जलइ पलयडग्गी । मूलनिलीणो य कली, विसएसुं जस्स किर गिद्धी ॥१०६॥
 अहवा नियक्खंडचल-गंठीबद्धं खु धरइ सो मरणं । सोयइ य निस्सहंडगो, चलंतकुड्डयलपासाए ॥१०७॥
 उवविसइ स सूलाए, पविसइ य जलंतजउहरस्संडतो । कुंतडगम्मि य नच्चइ, करेइ विसएसुं जो गिद्धिं ॥१०८॥
 अहवा दिट्ठिविसाडडई, होंति विणासाय तब्भवे चेव । एए पुण हयविसया, अणंतभयदारुणविवागा ॥१०९॥
 अहवा ते सब्बे मंत-तंतदेयाडडइथंभिया संता । न भवंति तब्भवे वि हु, भयाय विसया उण दुरंता ॥११०॥
 विसए सेविति जडा, अरईदुक्खस्स पसमणनिमित्तं । तं पुण तेहिं दढयरं, उच्छलइ घएण जलणो व्य ॥१११॥
 सूर वि विसयगिद्धा, मुहजोया होंति महिलियाणंपि । जे पुण ताण विरत्ता, ते देवाणं पि पणतिपयं ॥११२॥
 मोहमहागहगहितो, सहितो अरईए धम्मरइरहिओ विसयवसो वावारइ, मणवइकाए अविसए वि ॥११३॥
 विसयरणाडवणिविणिवेसिया य, दुच्चारकरणकरडिघडा । मणवइतणूहिं विलसइ, पेक्खियपडियक्खरूयाडडई ॥११४॥
 अण्णं च विसयवासंग-वज्जिणणाडयि निययबुद्धीए । पुरिसेण धरंतेणं, तहायिहं निम्मलवियेयं ॥११५॥
 सन्भावो वीसंभो, नेहो रइयइयरो य जुयइजणे । कीरंतो अचिरेणं, तवसीलवयाइं फेडेज्जा ॥११६॥
 जह जह कीरइ संगो, तह तह पसरो खणे खणे होइ । थेवो वि होइ बहुओ, न य लहइ थिइं निरुंमंतो ॥११७॥
 एवं च सो अणज्जो, वयगयलज्जो समीहियअकज्जो । तं चेव कुणइ सज्जो, मुक्कंडगीकयसुकयकज्जो ॥११८॥
 भीओ भीयाए समं, समंतओ विहियनिहुयरइकिरिओ । अहह! तहाडयि स विसई, जह होज्ज सुही दुही को णु? ॥११९॥
 किंच—
 दुलहं चरित्तरयणं, खंडिउमेक्कसि कहिंचि विसयवसो । पावइ दुगुष्ठियत्तं, जावज्जीयं पि सयलजणे ॥१२०॥
 आवायमेत्तसुहया वि, किंपि बहुभाविभयनिमित्तत्ता । विसया सप्पुरिसाणं, सेविज्जंता वि दुहजणया ॥१२१॥
 हा! धी! विलीणबीभच्छ-कुच्छणिज्जम्मि रमइ अंगम्मि । किमियो व्य एस जीवो, दुहं पि सोक्खं ति मत्तंतो ॥१२२॥
 ता ताण कए दुहसय-निबंधणं भयइ बहुविहं जीवो । आरंभमहपरिग्गह-मओ उ बंधं पि पावाणं ॥१२३॥

ता नरयवेयणाओ, तिरियगतीओ य पाउणइ बहुसो । इय जरियजंतुणो मज्जि-याडडइपाणोयमा विसया ॥२४॥
जइ होज्ज गुणो विसयाण, कोई ता न हु जिणिंदचक्किबला । दुरुज्झियविसयसुहा, धम्माडडरामे तह रमंता ॥२५॥
ता भो देवाणुपिया!, पयओ परिभायिऊण तुममेवं । चयसु 'मियं विसयसुहं, अपरिमियं भयसु पसमसुहं ॥२६॥
जेणमडकिलेससाहण-मडलज्जणीयं विवागसुंदरयं । पसमसुहमिमाहितो-डणंताणंतेहिं संगुणियं ॥२७॥
ता सुकयत्था एत्थेय, गाढपडिबद्धमाणसा धीरा । धन्ना ते च्चिय परमत्थ-साहगा साहुणो निच्चं ॥२८॥
अणवरय-मरण-रणरणय-भीसणं पेच्छिऊण संसारं । चत्तं विसं व विसमं, विसयसुहं जेहिं दूरेण ॥२९॥
विसयाडडसासंदाणिय-चित्ता य अपत्तविसयसोक्खा यि । हिंडंति कंडरीउ व्य, नियमओ घोरसंसारे ॥३०॥
तहाहि— “कंडरिकस्य दृष्टान्तः”
पुंडरीगिणीपुरीए, पयंडभुयदंडखंडियविपक्खो । आसी पुंडरीयनिवो, जिणिंदधम्मैक्कपडिबद्धो ॥३१॥
सो य महप्पा तडिदंड-भंगुरं जाणिऊण रज्जसिरिं । खरपयणाडडहयदीवय-सिहं व जीयं पि परिलोलं ॥३२॥
किंपागफलं व विराम-दिन्नदुक्खं च विसयसोक्खं पि । लक्खित्ता सविसेसं, सुगुरुसमीचाउ पडिबुद्धो ॥३३॥
पव्वज्जं काउमणो, कणिट्टनियभायरं, दढप्पणयं । कंडरीयनामधेयं, वाहरिउं भणिउमाडडढतो ॥३४॥
हे भाय! रज्जलच्छिं, उवभुंजसु संपयं तुमं एत्थ । भययासाउ विरत्तो, अहमिहिं पव्वइस्सामि ॥३५॥
कंडरीएणं भणियं, दुग्गइमूलं ति जइ तुमं रज्जं । मोत्तूणं पव्वज्जं, वंछसि घेतुं महाभाग! ॥३६॥
ता किं मज्झ यि रज्जेण, सव्वहा हं गुरुस्स पामूले । इहिं चिय निस्संगो, जिणिंददिक्खं गहिस्सामि ॥३७॥
अह नरयइणा सुबहु-प्पयारहेऊहिं वारियो यि दढं । अच्चेततरलघाए, सूरेसमीवे स निक्खंतो ॥३८॥
गुरुकुलयासोवगओ य, विहरमाणो पुराडडगराडडईसु । अणुचियआहारवसा, संजायसरीरगेलन्नो ॥३९॥
चिरकालाओ पुंडरि-गिणीए नयरीए आगओ संतो । उवयरिओ वेज्जोसह-विहीए पुंडरियनरयइणा ॥४०॥
जाओ पगुणसरीरो, रसगिद्धीए तहाडवि अन्नत्थ । विहरिउमडणुच्छहंतो, रन्ना उच्छाहिओ एवं ॥४१॥
धन्नो तुमं महायस!, निस्संगो जो न दव्वमाडडईसु । थेवं पि हु पडिबंधं, करेसि तवसुसियदेहो वि- ॥४२॥
तुममेव अह कुलनह-यलमि संपुन्नपुन्निमाचंदो । सच्चरियपहापसरेण, जस्स धवलज्जाए भुवणं ॥४३॥
अप्पडिबद्धविहारो, तुमए च्चियडणुट्टिओ महाभाग! । जो मज्झडणुवित्तीए यि, ठासि नो एत्थ ठाणमि ॥४४॥
इय उच्छाहगवयणेहिं, राइणा तह कहं पि पन्नविओ । जह सीयविहारी व हु, कंडरिओ विहरिओ बहिया ॥४५॥
संजमपडिभग्गमणो, भूसयणाडडसारभोयणाडडईहिं । सीलमहाभरपडियहण-भंगुरो चत्तमज्जाओ ॥४६॥
विसयाडडभिसंगगरुओ, गुरुकुलयासाउ सो यिनिक्खमिउं । रज्जोवभुंजणट्टा, समागओ पुण सनयरीए ॥४७॥
ततो निवउज्जाणे, तरुसालोलइयधम्मउयगरणो । हरियाडडउलधरणियलमि, संनिसन्नो य निल्लज्जो ॥४८॥
तं च तहट्टियमाडडयन्निऊण, राया समागओ नमिउं । संजमथिरकरणट्टा, एवं भणिउं समारद्धो ॥४९॥
तुममेक्को च्चिय धन्नो, कयपुन्नो लद्धजीवियफलो य । पालेसि निरइयारं, जो पव्वज्जं जिणुदिट्ठं ॥५०॥
दोग्गइनिबंधणेणं, रज्जेणं निबिडबंधणेण व । बद्धो हं पुण न लभामि, धम्मकज्जं किमडवि काउं ॥५१॥
एवं वुत्तो यि हु रुक्ख-चक्खुक्खेयो न जाव सो किंपि । जंपेइ ताव रन्ना, वेरग्गं उव्वहंतेणं ॥५२॥
पुणरयि भणिओ हे मूढ!, पुव्वकाले यि वारिओ बाढं । पव्वज्जापडिवत्तिं, तुमं कुणंतो मए तइया ॥५३॥
दिंतो य रज्जमिहिं च, तस्स दाणे यि किं सुहं तुज्झ । उज्झियनिययपइण्णस्स, तिणलयाओ यि लहुयस्स ॥५४॥
एवं भणिऊण नराडहियेण, रज्जं पणामियं तस्स । काऊण सयं लोयं, गहिओ सव्वो यि तव्वेसो ॥५५॥
तो सयमडवि पडिवज्जिय, पव्वज्जं अइगओ गुरुसमीवे । तत्थ पुणं गहियदिक्खो, छट्ठक्खमणस्स पारणए ॥५६॥
अणुचियआहारवसा, बाढं संजायपोट्टसूलो य । मरिऊणं उवयन्नो, देवो सव्वइसिद्धिमि ॥५७॥
इयरो य मंतिसामंत-दंडनाहाडडइसयललोगेण । हीलिज्जंतो पव्वज्जा-चायकारि ति पावो ति ॥५८॥
अच्चंतविसयगिद्धीए, पउररसपाणभोयणाडडसत्तो । रुद्धज्जाणोवगओ, विसूइयादोसनिहयाडडऊ ॥५९॥
मरिउणं नेरइओ, उप्पन्नो सत्तमाए पुढवीए । एवमडपावियविसया, विसइणो दुग्गइमुवेन्ति ॥६०॥

ता सुंदर! दरिसियदोस-दूसिए निरसिऊण हयविसए । आराहणाकयमणो, मणोडणयज्जं चिय धरेज्जा ॥६१॥
एवं विसयदारं, निदंसियं संपयं च लेसेणं । तइयं कसायदारं, कमपत्तं चिय परूवेमि ॥६२॥

“कषायस्वरूपम्” —

जइ वि कसाया हेट्ठा, उवइट्ठा भूरिभणिइनियहेण । दुज्जेय त्ति तहावि हु, पुणो वि भण्णंति लेसेण ॥६३॥
एए दुट्ठकसाया, विडंबणाकारिणो जह पिसाया । पच्छा विहियविसाया, असुहविहाणेक्कववसाया ॥६४॥
जणियदुरड्ज्जवसाया, अणिट्टदाणेण दावियपसाया । संरुद्धसिद्धिसाया, परलोगे विहियविरसाडडया ॥६५॥
आणेंति परं वसणं, गालेंति य संपयं सुयिउलं पि । कज्जं च हारवेति, सेविज्जन्ता इह कसाया ॥६६॥
धम्मस्स सुयस्स जसस्स, अहवा सव्वस्स गुणकलावस्स । अब्बो! कसायकरणा, पुरिसेण जलंडजली दिण्णो ॥६७॥
सव्वजणगरहियत्तं, कसायकरणेण एत्थ लोगम्मि । परलोए संसारो, जायइ जरमरणदुत्तारो ॥६८॥
अह पुत्रपावखेलय-चउगइसंसारयाहियालीए । गिरिउ व्य भमइ जीवो, कसायचोयाण हम्मंतो ॥६९॥
सव्वाडवत्थासुं पि हि अ-णिट्टियाडणिट्टकारिणो चेव । जीयाण हयकसाया, पुव्वमुणीहि वि जओ भणियं ॥७०॥
कडुयकसायतरुणं, पुप्फं च फलं च दो वि विरसाइं । पुप्फेण झाइ कुयिओ, फलेण पायं समायरइ ॥७१॥
जं किर मणुयाण सुहं, जं च सुहं सव्वसुरवरणं पि । ततोडणंतगुणं तं, कसायजइणो जिणा बेंति ॥७२॥
पीडाकरं पि लोए, खलाउ अक्कोसहणणमाडडइयं । चंदणरसं य मण्णइ, सुतवस्सिजणो अओ चेव ॥७३॥
अक्कोसहणणमारण-धम्मव्भंसाण बालसुलभाणं । लाभं मन्नइ धीरो, जहुत्तराणं अभावम्मि ॥७४॥
अहह! बलिया कसाया, विजिया विजिया समुच्छलंति पुणो । तव्विजयकयमणाण वि, मुणीण समए वि जं भणियां ॥७५॥
उवसामं पुवणीया, गुणमहया जिणचरित्तसरिसं पि । पडियायंति कसाया, किं पुण सेसे सरगत्ये ॥७६॥
जीवो कसायकलुसो, चउगइसंसारसायरे घोरे । भिन्नं य जाणवत्तं, पूरिज्जइ पावसलिलेण ॥७७॥

किंच—

कौहो माणो माया, लोभो रागो य दोसमोहो य । कंदप्पो दप्पो मच्छ-रो य एए महारिउणो ॥७८॥
एए हि जीवसव्वस्स-हारिणो कारिणो अणत्थाणं । सम्मं विवेयपडियूह-विरयणा कुणसु निप्पसरे ॥७९॥
दुम्महणकसायपयंड-सत्तुणा पीडियं जयं सव्वं । ता सो धन्नो जो तं, हंतूण समं समल्लियइ ॥८०॥
कामत्थरइपरद्धा, मुज्झन्ति जमेत्थ धीरपुरिसा वि । तं मन्ने हं नूणं वियंभियं हयकसायाणं ॥८१॥
ता तह कहविहु किच्चं, जह न कसाया उइंति उइया वा । अंतो चेव सुरंगाधूली-निचउ व्य निसमिंति ॥८२॥
जइ जलइ जलउ लोए, कुसत्थपयणाडडहओ कसायडग्गी । तमडजुत्तं जं जिणवयण-सलिलसित्तो वि पज्जलइ ॥८३॥
उक्कडकसायरोग-प्पकोयओ जायनिविडपीडस्स । पसमाडडरोगं जायइ, जिणवयणरसायणाहिंतो ॥८४॥
अइभीमकसायविसप्पि-दप्पसप्पेहिं परिगयंङगाणं । तणुसत्ताणं ताणं, जिणवयणमहंतमंताओ ॥८५॥

किंच—

जइ ताव कसाय च्चिय, विणिज्जिया दुज्जया महारिउणो । ता निज्जियं तुमे खलु, सव्वं जेयव्वचक्कं पि ॥८६॥
हंतुं कसायतेणे, मोहमहायघपेल्लणं काउं । नाणाडडइमगगलगो, लंघसु भीमं भयाडरणं ॥८७॥
एवं कसायदारं, परूवियं संपयं कमप्पत्तं । जहठियदोसाडणुगयं, निदादारं निदंसेमि ॥८८॥

“निद्रास्वरूपम्” —

अद्विस्समाणरूवो, निद्वाराहू जयम्मि कोई इमो । जो जीवससिरवीणं, करेइ गहणं निराडडलोयं ॥८९॥
सा खयमुवेउ निदा, जीवन्तो च्चिय मओ व्य जीए नरो । मत्तो व्य मुच्छिओ इव, पणट्टसत्तो लहुं होइ ॥९०॥
जह पयइकुसलसयलि-दियगामो वि हु नरो विसं पाउं । लहु उवहयतस्सत्ती, जायइ तह निद्वयसगो वि ॥९१॥

किंच—

निउणनिमीलियनयणं, पुणरुत्तयिमुक्कघोरघुरुडुक्कं । विहडियउट्टउडुग्घाड-दंतविगरालमुहकुहरं ॥९२॥
अस्संठयियनिवसणं, इओ तओ खित्तअंगुवंगं च । गयलायन्नमडसन्नं, नियसु पसुत्तं मरंतं य ॥९३॥
तहा—

| | |
|----------------------------------------------------------------------------------------------------|-------|
| निद्रायसेण पुरिसो असमंजससंभवंततणुचेट्टो । सुहुमे य बायरे वि हु, उयमदइ पाणिणोऽण्णे | ॥९४॥ |
| निद्रा उज्जमविग्घो, निद्रा विसघारियत्तमिय परमं । निद्रा असिद्धचेट्टा, निद्रा भयसंभवो परमो | ॥९५॥ |
| निद्रा नाणाऽभावो, निद्रा निस्सेसगुणगणंउतरणं । निद्रा विवेयससिणो, बहलमहामेहपडलसमा | ॥९६॥ |
| इहलोयपारलोइय-ववसायाणं निरुंभणी निद्रा । सव्याऽयायाण परं, निबंधणं निच्छियं निद्रा | ॥९७॥ |
| तेणेव अगलदत्तो, निद्राचागेण जीवियं पत्तो । इयरनरा पुण निद्रा-पमायओ पाविया निहणं | ॥९८॥ |
| तथाहि— | |
| “अगडदत्तस्यदृष्टान्तः” | |
| उज्जेणीए जियसत्तु-राइणो सम्मओ अमोहरहो । नामेण आसि रहिओ, जसोवई पणइणी तस्स | ॥९९॥ |
| पुतो य अगलदत्तो, तम्मि य बाले मओ अमोहरहो । तं जीयणं च दिन्नं, रत्ता अन्नस्स रहियस्स | ॥१००॥ |
| अह तं जसोमई पेच्छि-ऊण विलसंतमउत्तणो य सुयं । अकलाकुसलं बाढं, सोगेण अभिक्खणं रुयइ | ॥१०१॥ |
| पुट्टा पुतेणं सा, अम्मो! तं कीस रुयसि निच्चं । निब्बंधे 'सिद्धं तीए, कारणं तेण तो वुत्तं | ॥१०२॥ |
| अम्मो! किमउत्थि इह कोयि, सो ममं जो कलाउ सिक्खवइ । तीए वुत्तं पुत्तय! नत्थि इहं किं तु पिउमित्तो॥३॥ | |
| कोसंबीए पुरीए, दढप्पहारिति अत्थि तो सिग्घं । सो तत्थ गओ तस्संड-तियम्मि तेणाऽवि पुत्तो व्य | ॥१०४॥ |
| ईसत्थाऽऽइकलासु, परमं कोसल्लयं समुवणीओ । नीओ य रायपासे, निययिज्जादंसणकएण | ॥१०५॥ |
| दंसियमउसेसमीसत्थ-पमुहकोसल्लमउगलदत्तेण । तुट्टो सव्यो लोगो, नयरि न एक्को महीनाहो | ॥१०६॥ |
| तह वि य तेणं वुत्तो, भण किं ते जीयणं दवावेमि । दूरोणामियसीसेणं, भणियमउह अगलदत्तेण | ॥१०७॥ |
| साहुक्कारं जइ मे, न देसि ता किं परेण दाणेण । एत्थंतरम्मि राया, चिन्नतो नगरिलोएणं | ॥१०८॥ |
| देव! समग्गा नयरी, लुटिज्जइ तक्करेण केणाऽवि । गूढपयारेणं तस्स, वारणं कुणउ ता देवो | ॥१०९॥ |
| तो वुत्तो नरवइणा, नयराऽऽरक्खो जहा तुमं भद! । सत्तदियसाण अब्भं-तरम्मि चोरं लहेसु ति | ॥११०॥ |
| अह जा नयराऽऽरक्खो, सुरुक्खचक्खू न किंपि जंपेइ । ता अयसरो ति कलिऊण, जंपियं अगलदत्तेण | ॥१११॥ |
| देव! पसीयह वियरह, आएसमिमं महं जहा तुमह । उयणेमि तक्करं सत्त-रत्तमज्झम्मि कतो वि | ॥११२॥ |
| दिन्नो रत्ताऽऽएसो, ततो सो राउलाओ नहिरिओ । चित्तेइ विविहणेवत्थ-धारिणो लिंगिवेसा य | ॥११३॥ |
| सुन्नसभाऽऽसमदेउल-पमोक्खठाणेसु तक्करा पायं । नियसंति चारपुरिसेहिं, ताणि ता पेहयामि अहं | ॥११४॥ |
| एवं विचिंतिऊणं, सव्यट्टाणाणि मग्गिओ सम्मं । नीहरिओ नयरीओ, पत्तो एगम्मि उज्जाणे | ॥११५॥ |
| अह सहयारतरुत्तले, नियसियमलिणंउसुओ समाऽऽसीणो । चोरग्गहणोचायं, चिंततो अच्छए जाव | ॥११६॥ |
| ता आगओ कुओ वि हु, तत्थ परिव्यायगो रुणुइणंतो । भंजिय तरुसाहं यिर-इयाऽऽसणे सन्निसन्नो य | ॥११७॥ |
| दट्टूण तं च उब्बद्ध-पिंडियं तालदीहयरजंघं । कूरच्छमेस चोरो ति, चिंतियं अगलदत्तेण | ॥११८॥ |
| एवं विचिंतयंतो, तेण परिव्यायगेण सो भणिओ । आओ सि वच्छ! कतो, हिंडसि केण व निमित्तेण | ॥११९॥ |
| तेणं भणियं भयवं!, उज्जेणीओ पहीणविभवो हं । एवं भमामि नेवउत्थि, कोई मे जीवणोवाओ | ॥१२०॥ |
| मुणिणा वुत्तं पुत्तय!, जइ एवं देमि ता अहं दव्यं । संलत्तमउगलदत्तेण, सामि! दढमउणुगिहीओ हं | ॥१२१॥ |
| एत्थंतरम्मि अत्थवण-मुयगयं चंडभाणुणो बिम्बं । तदउक्कज्जकरणवच्छ व्य, पसरिया सव्यओ संझा | ॥१२२॥ |
| तीए य अइगयाए, समुच्छलंतंसेसु तिमिरनियरेसु । आयडिद्धऊण खग्गं, तिदंडमज्झाउ निसियउग्गं | ॥१२३॥ |
| आबद्धपरियरो सो, समगं चिय झत्ति अगलदत्तेण । नगरीए गओ खत्तं, च, पाडियं धणवइगिहम्मि | ॥१२४॥ |
| आयडिद्धयाउ ततो, पेडाउ भूरिभंडभरियाउ । मोत्तूण अगलदत्तं, तहिं च सुरभवणसुत्तनरा | ॥१२५॥ |
| उट्टयिऊणं उवलोभिउं च, परिव्यायगेण आणीया । गिन्हायियाओ ताओ, ततो तेहिं सह पुरीओ | ॥१२६॥ |
| सिग्घं चिय निक्खंतो, पत्तो एगम्मि जिन्नउज्जाणे । भणिया य तेण पुरिसा, सप्पणयं अगलदत्तो य | ॥१२७॥ |
| रे पुता! सुयह खणं, इहेव जा सव्वरी गलइ किंपि । पडियन्नं सव्वेहिं, सुत्ता य सुनिब्भरं सव्वे | ॥१२८॥ |
| नवरं संकियचित्तो, निद्राकयडेण ठाउं खणमेक्कं । तरुगहणम्मि निलुक्को, नीहरिऊणं अगलदत्तो | ॥१२९॥ |
| निद्रायसगा य परे, पुरिसा णाउं तिदंडिणा निहया । सत्थरए हणणत्थं, निरिक्खिओ अगलदत्तो वि | ॥१३०॥ |

तं च अपेच्छन्तो सो, वणगहणे पेहिउं समाडडरद्धो । अभिमुहमितो य हओ, खग्गेण अगलदत्तेण ॥३१॥
 अह गाढघायवियणा- घुम्मिरदेहेण तेण संलतं । विगयप्पायं हे वच्छ, जीवियव्यं मह इयाणि ॥३२॥
 ता गिहसु मम खग्गं, वच्चसु य मसाणपच्छिमविभागे । तहियं च चंडियाडडयण-भित्तिपासम्मि ठाऊणं ॥३३॥
 सइं करेज्ज जेणं, तब्भूमिहराउ नीइ मम भइणी । दंसेज्जसु तीए असिं, जेणं सा भवइ तुह भज्जा ॥३४॥
 दंसइ य गेहसारं, एवं वुत्तम्मि अगलदत्तेण । तह चेव कयं ता जाव, भूमिभवणम्मि वि पइट्ठो ॥३५॥
 दिट्ठा य तत्थ पायाल-कन्नगा विव मणोहरसरीरा । एगा जुवई पुट्ठो, तीए कतो तुमं सि ति ॥३६॥
 आयडिढऊण खग्गं, निदंसियं तीए अगलदत्तेण । मुणियं च णाए नियभाउ-मरणमडह रुंभित्तं सोमं ॥३७॥
 संभमभरियडच्छीए, सुहय! तुहं सागयं ति भणिरीए । उवणीयमाडडसणं से, आसीणो सो य साडडसंको ॥३८॥
 तीए य पुव्वविरइय-गरुयसिलाजंतसंगया सेज्जा । दिव्वोवहाणकलिया, पगुणा सव्वाडडयरेण कया ॥३९॥
 भणिओ य अगलदत्तो, वीसमसु खग्गं इहं महाभाग! । वीसंतो सो य तहिं, नवरं एवं विचित्तेइ ॥४०॥
 नूणं न सुंदरमिहाड-वत्थाणं मा भवेज्ज कूडमिमं । ता निदं अकुणंतो, ठामि इमा वच्चए जाव ॥४१॥
 अह ठाऊण खग्गं सा, जंतनियाडणकएण नीहरिया । इयरो वि पएसन्तर-मडल्लीणो उज्झित्तं सेज्जं ॥४२॥
 तीए य कीलियं फे-डिऊण सा पाडिया सिला सहसा । भग्गा य तीए सेज्जा, सव्वतो निवडमाणीए ॥४३॥
 तो परमहरिसपसरिय-वियसियहिययाए तीए संलतं । हा! सुट्ठु हओ दुट्ठो, मह भाउविणासकारि ति ॥४४॥
 तो धाविऊण धरिया, केसकलावम्मि अगलदत्तेण । हा! हा! दासीधीए!, को मं हणइ ति भणिरेण ॥४५॥
 पाएसु निवडिऊण य, संलतं तीए रक्ख रक्ख ति । चत्ता ततो नीया य, राइणो पायमूलम्मि ॥४६॥
 सयलो से वुत्तंतो, सिट्ठो तुट्ठेण तो महीवइणा । दिन्ना महई भुत्ती, लोणेण य पूइओ बाढं ॥४७॥
 सव्वत्थ जायकित्ती, गओ य कालक्कमेण नियनगरिं । दिन्ना पिउणा भुत्ती, रत्ता सक्कारिऊणं से ॥४८॥
 निदाचागाडचागे, एवं संपेहिऊण गुणदोसे । इहपरभवसुहकामी, को बहुमन्नेज्ज निदं ति ॥४९॥

किंच-

नरवइसेवापमुहे, वयसाए बहुविहे वि इहभविए । सज्जायज्जाणाडडई, परभविए वि हु हणइ निदा ॥५०॥
 रिउणो लहंति छिड्डं, डसंति सप्पा पसुत्तमडह कहवि । अग्गीए होइ गम्मो, सुविरो ति हसंति मित्ताडडई ॥५१॥
 दोसकरोवरिसंठिय-जियमुत्ताडडई मुहेडहवा पडइ । अह खुददेवया या, छलइ पसुत्तं पमतं ति ॥५२॥
 तं दक्खतं सो बुद्धि-पयरिसो तं च किर सुविन्नाणं । पुरिसस्स अन्तरिज्जइ, एक्कपए चेव निदाए ॥५३॥

अन्नं च-

निदातमस्स सरिसो, सव्वाडडवारी परं तमो णडत्थि । ता निज्जिणेज्ज सम्मं, निदं झाणस्स विग्घकरिं ॥५४॥
 जओ-

जागरिया धम्मीणं, आहम्मीणं तु सुत्तया सेया । वच्छाडडहिवभगिणीए, अकहिंसु जिणो जयंतीए ॥५५॥
 सुयइ सुयंतस्स सुयं, संकियखलियं भवे पमतस्स । जागरमाणस्स सुयं, थिरपरिचियमडप्पमतस्स ॥५६॥
 सुयइ य अयगरभूओ, सुयं च से नासाए अमयभूयं । होही! गोणब्भूओ, नट्टम्मि सुए अमयभूए ॥५७॥
 ता भो देवाडणुपिया!, जिणित्तं निदापमायपरचक्कं । अप्पडिहयप्पबोहो, विहरसु थिरपरिचियसुयडत्थो ॥५८॥
 एवं चउत्थमुचइट्ठ-मेत्थ निदाडभिहाणपडिदारं । एत्तो विगहादारं, पंचमगं पि हु पवंचेमि ॥५९॥

“विकथास्वरूपम्” -

विविहा विरुविया या, अहवा संजमविबाहगत्तेण । संभवइ जा विरुद्धा, कहा वि विगह ति सा भणिया ॥६०॥
 विसयं पडुच्च सा पुण, चउप्पायारा परुविया समए । इत्थिकहा भत्तकहा, देसकहा तह य रायकहा ॥६१॥
 इत्थीणं इत्थीसु च, कह ति इत्थीकहा मुणेयव्वा । तद्वारेणं संजम-विरोहिगा जा उ सा विकहा ॥६२॥
 जाइकुलरुवनेवत्थ-गोयरा थीकहा भवे चउहा । तत्थवि खत्तिणिबंभणि-वेसिणिसुदीण मज्झाओ ॥६३॥
 अन्नयरजाइयाए, पसंसणा निंदणा य कीरइ जा । सा जाइकहा भन्नइ, तीए सरुवं इमं तु जहा ॥६४॥
 जाइकहा -

धी! जीविएण खतिणि-बंधणिवेसीण बालविहयाणं । जीयन्तमयाए सव्व-ओ वि तह संकणिज्जाणं ॥६५॥
सुदीओ च्चिय मण्णे, धण्णाउ जयम्मि नवरमेक्काउ । नो जाण नयनवडन्नडन्न-पुरिसकरणे वि दोसोडत्थि ॥६६॥
कुलकहा —
उग्गाडडइ-कुलुप्पन्नाण-मडन्नतरगाण जा पुण पसंसा । निंदा वा किर कीरइ, भणंति तं कुलकहं ति जहा ॥६७॥
चोलुक्कसुयाणं चिय, तहाविहं साहसं न अन्नाणं । निप्पेमा वि हु पयिसंति, जाउ जलणं पइम्मि मए ॥६८॥
रुयकहा —
जा पुण रुयपसंसा, अंधिप्पभिईण अन्नतरगाए । निंदा वा तच्चिउणो, तं रुयकहं भणंति जहा ॥६९॥
लीलाललंतलोयमुहीसु, लायन्नसलिलजलहीसु । रइरमणो वि हु अंधीसु, चेव सव्वंगमडल्लीणो ॥७०॥
अहवा—
धूलिपंगुरियतणू, जउमयभणिया वि नो गले बहुया । जट्टीए कारविया, उट्टुबइस्सं तहवि पहिया ॥७१॥
नेवत्थकहा —
तासिं चिय अन्नयरीए, जा उ नेवत्थसंसणाडडइया । सा पुण नेवत्थकहेह, देसिया तच्चिऊहिं जहा ॥७२॥
अत्तुक्काडणच्छेणं, नवत्थेणं सुछाइयंडगीए । वियसंतनयणनीलु-प्पलाए सोहग्गवावीए ॥७३॥
नारीए उ दिव्वाए, धिरडत्थु तारुण्णयस्स तरुणेहिं । लायन्नजलं नयणंड-जलीहिं नाडडपिज्जाए जीए ॥७४॥
इच्चाडडइ नेवत्थकहा । गया इत्थिकहा ॥
भत्तकहा वि चउद्धा, आवायकहा तहेव निव्वाये । आरंभकहा तइया, निट्टाणकहा चउत्थी उ ॥७५॥
आवायकहा इह रसवतीए, एवइयगाउ सागाडडई । एतियमेत्ता य घयाडड-इणो रसा पुण पउत्ति ति ॥७६॥
इच्चाडडइ आवायकहा ।
निव्वायकहा भन्नइ, एतियमेत्ता उ वंजणपयारा । तह पक्कन्नयिसेसा, एवइया तत्थ भोज्जे ति ॥७७॥
इच्चाडडइ निव्वायकहा ।
अह आरंभकहा पुण, जलथलख्रहयरजियाण उवओगो । एतियमेत्ताण फुडं, संजायइ तत्थ भोज्जे ति ॥७८॥
इच्चाडडइ आरंभकहा ।
निट्टाणकहा एसा, सयं व पंच व सया सहस्सं वा । किं बहुणा लक्खाडडइ वि, उतजुज्जइ तत्थ भोज्जे ति ॥७९॥
इच्चाडडइ निट्टाणकहा । भणिया भत्तकहा ॥
देसकहा वि चउद्धा, छंदकहा विहिकहा वियप्पकहा । नेवत्थकहा य तहा, तत्थ य देसो उ मग्हाडडई ॥८०॥
छंदो गम्माडगम्मं, जह किर लाडाण माउलगधूया । गम्मा गोल्लाडडईणं, भगिणि च्चिय सा अगम्मेव ॥८१॥
अहवा उ उइच्चाणं, माउसवती जहा भवे गम्मा । अन्नेसिं नेव कहा, जणणि व्य इमा उ छंदकहा ॥८२॥
इच्चाडडइ छंदकहा ।
तप्पढमयाए जं जत्थ, भुज्जए सा भवे उ देसविही । तीए कहा पुण जा सा, देसविहिकहा मुणेयव्वा ॥८३॥
अहवा विवाहभायण-भोयण^१भणिव्यए पसाहणाडडईणं । जा विरयणा विहीए, कहेह सा विहिकहा होइ ॥८४॥
इच्चाडडइ विहिकहा ।
अह होइ विगप्पकहा, तत्थ विगप्पो हु सासनिप्फत्ती । तह वप्पकूवसारणि-नइरेल्लगसालिरोप्पाडडई ॥८५॥
घरदेवउलविभागो, तहा निवेसो य गामनगराडडई । एमाडडईओ तस्स उ, कहा भवे इह वियप्पकहा ॥८६॥
नेवत्थं इह भन्नइ, इत्थीपुरिसाण संतिओ वेसो । सो य दुहा साहाविय-भूसापच्चइयभेएणं ॥८७॥
तस्संसा निंदा वा, नेवत्थकहा भवे मुणेयव्वा । इइ चउहा देसकहा, रायकहा भन्नाए अहुणा ॥८८॥
सा वि चउद्धा भणिया, निज्जाणकहा तहेव अइयाणे । होइ बलवाहणकहा, तह कोट्टाडगारकोसकहा ॥८९॥
गामनगराडडगराओ, निग्गमणं नरवइस्स निज्जाणं । एएसुं चिय जं पयि-सणं तु तं बेत्ति अइजाणं ॥९०॥
निज्जाणं अइयाणं, पडुच्च जं वण्णणं णरेंदस्स । सा किर निज्जाणकहा, अइयाणकहा य होइ तहा ॥९१॥

1. ०भणिव्यपसाहणाइणं पाटां० ।

तहा— उदामसहदुंदुहि-झंकारमिलंतमंतिसामंतो । करितुरयचक्किपाइक्क-चक्कअक्कंतमहिवीढो ॥९२॥
 करिपट्टिसनियिट्टो, ससिसच्छहत्तचामराडडडोयो । नयराउ नीइ राया, राया व सुराण रिद्धीए ॥९३॥
 १वियरित्तु चित्तकीलं, कीलागिरिकाणणाडडइसु जहिच्छं । तुरयखुरुक्खयखोणी-रयधूसरसयलसेन्नजणो ॥९४॥
 भूभंगमोक्कलिज्जंत-जंतसामंतकप्पियपणामो । अणवज्जयज्जिराडडउज्ज-मेस राया पुरमडईइ ॥९५॥
 बलवाहणं तु भण्णइ, गयहयवेगसरकरहपभिईयं । तव्यण्णस्सरुया, वुच्चइ बलवाहणकह ति ॥९६॥
 हयगयरहजोहसमूह-दुम्महुम्महियभूरिरिउवग्गं । एवंयिहं न सेण्णं, मन्ने अन्नस्स नरवइणो ॥९७॥
 कोट्टाडगारा धन्नाडडलया उ कोसो य होइ भंडारो । तव्यण्णं तु जं सा, कहा वि तन्नामपुव्वा उ ॥९८॥
 नियभुयपरक्कमक्कन्त-रायकोसेहिं निच्चवड्डंतो । नियवंसजपुरिसपरं-पराडडगओ जयइ से कोसो ॥९९॥
 इच्चेयाओ चउरो, विगहाओ इमीसु कीरमाणीसु । जे दोसा ते भणिमो, तत्थित्थिकहाए ता पढमं ॥७४००॥
 दढमडप्पणो परस्स य मोहस्सुदीरणं थिइकहाओ । उदीरियमोहो पुण, दुरुज्झियलज्जमज्जाओ ॥१॥
 किं किं न चित्तइ मणे, असुहं किं किं न जंपइ गिराए । काएण किं व न कुणइ, कए य तह पवयणुड्डाहो ॥२॥
 इत्थीकहं कहंतं, सोउं दट्टुं च जेण छेयजणो । उग्गाराडडगारेहिं, इयमित्तो एस इइ कलइ ॥३॥
 जओ—

वंकभणिपाइं क्तो, क्तो अद्धउच्छिपेच्छियव्वाइं । ऊससियं पि मुणिज्जइ, वियड्डजणसंकुले गामे ॥४॥
 एवं परेहिं परिकलिय-मज्झसारस्स तस्स तुच्छस्स । बंभव्यए वि कीरइ, नूणमडसंभावणा न कहं ॥५॥
 संभायणाचुत्तो पुण, चित्तइ एवं पि णउत्थि साहुतं । ता तं कयं वरं जं, अप्पाडभिमयं ति तो मूढो ॥६॥
 इय चित्तित्तं पमायइ, न अट्टदसठाणगाइं पेहेइ । हंभो! उत्थ दूसमाए, दुप्पज्जीवीपभीईणि ॥७॥
 इय इत्थिकहादोसा, अहया कमसो कहाचउक्के वि । दोसे भणामि ठाणंउत्त-रुत्तागाहाचउक्केण ॥८॥
 आयपरमोहुदीरण-उड्डाहो सुत्तमाडडइपरिहाणी । बंभव्यए अगुत्ती, पसंगदोसा उ गमणाडडई ॥९॥
 आहारमंउत्तरेण वि, गेहीओ जायए सइंगालं । अजिइंदियओ परिया-वाओ य अणुण्णदोसा य ॥१०॥
 रागद्वोसुप्पत्ती, सपक्खपरपक्खओ उ अहिगरणं । बहुगुण इमो ति देसो, सोउं गमणं च अन्नेसिं ॥११॥
 चारियचोराडभिमरे-हि य मारियसंककाउकामा या । भुत्ताडभुत्तोहाणे, करेज्ज वा आससपओगं ॥१२॥
 तहा—

जो जं किर कहइ कहं, सो तप्परिणामपरिणओ संतो । तं कहइ सउक्करिसं, काउं तरलिज्जइ य पायं ॥१३॥
 तरलियचित्तो य नरो, संतमडसंतं पि पत्थुयउत्थगयं । गुणदोसं आरोवइ, ता तस्स असच्चयाइत्तं ॥१४॥
 रुइयउत्थपरिसाडडरो-वणं च रागाउ होंति तह दोसा । तप्पडिवक्खनिरसणं, एवं पुण रागिदोसित्तं ॥१५॥
 तम्हा असच्चवाइत्त १-रागि २-दोसित्त ३-कारणं विकहा । सव्वा वि वज्जणिज्जा, अयज्जहेउ ति साहूणं ॥१६॥
 विगहा परो पमाओ, विगहा सद्धम्मझाणविग्घयरी । विगहा अबोहिबीयं, विगहा सज्झाय-पलिमंथो ॥१७॥
 विगहा अणत्थजणणी, परममडसंभावणापयं विगहा । विगहा असिद्धयवी, लहुयत्तणकारिया विगहा ॥१८॥
 विगहा य समिइमहणी, विगहा संजमगुणाण हाणिकरी । विगहा गुत्तियवत्ती, कुयासणाकारणं विगहा ॥१९॥
 तम्हा विगहाउ विवज्जिऊण, हे अज्ज! होज्ज तं निच्चं । निच्च्याणंउगमडवंडं, सज्झायं पइ पयत्तपरो ॥२०॥
 तप्परिसंतो संतो, संतोसं चिय मणे परिवहंतो । संजमगुणाडडिरुद्धा, ता चेव कहा कहेज्ज जहा ॥२१॥

“गुणकरस्त्रियादिकथास्वरूपम्” —

तेलोक्कतिलयकप्पं, पसवित्ता पुत्तरयणमंउत्तम्मि । अन्तगडकेवलित्तं, पत्ता मुत्तिं च मरुदेवी ॥२२॥
 पासंडिवयणपवणु-च्छलंतमिच्छत्तपंसुपडलेण । पिहियपहं पि न विहियं, दंसणरयणं च सुलसाए ॥२३॥
 इयं धन्ना इय पुन्ना, अन्ना मन्ने जयम्मि नत्थित्थी । भुवणगुरुग्गिन्नगुणा, सुणं वि सा चेव जं भणिपा ॥२४॥
 रागद्वोसविउत्तं, संतं बायालदोसपरिचत्तं । संजमपोसपवित्तं, निच्चमुवट्टंभियचरित्तं ॥२५॥
 सुत्तुत्तविहिनिउत्तं, सुमुहाजीवित्तमेत्तसंपन्नं । जुत्तं भत्तं भोत्तुं, उत्तमसाहुत्तणनिमित्तं ॥२६॥

आणंदसंदिराडं, जिणिंदचंदाण मंदिराडं जर्हि । अन्नयवडरेगया, गुणा य तेरस इमे जत्थ ॥२७॥
 चिक्खल्लपाणथंडिल-वसहीगोरसजलाडडउले वेज्जे । ओसहनचयाडहिवड-पासंडा भिक्खसज्झाए ॥२८॥
 साहम्मियजणपउरो, अणुडुओ आरिओ अपच्चन्तो । संजमगुणेक्कहेऊ, साहुविहाराडरिहो देसो ॥२९॥
 चंडभुयदंडमंडव-निवेसियाडसेसक्ककवट्टिसिरी । नभिरनरनाहसिरमणि-मऊहविच्छुरियपंयवीढो ॥३०॥
 भरहो राया रयणंड-गुलीयगलणुभ्वन्तसंवेगो । अंतेउरमज्झगओ वि, केवलं इति संपत्तो ॥३१॥
 एयंविहाउ थीभत्त-देसनरनाहगोयराओ वि । धम्मगुणहेउयाओ, कहाओ ताओ न विक्कहाओ ॥३२॥
 इय जड विगहागहगसिय-धम्मसारस्स परिगलंति गुणा । संजमगुणोवउत्तस्स, ता वरं चिट्ठिउं जुत्तं ॥३३॥
 एस विक्कहापमाओ, भणिओ व्रब्भणणओ य पुण भणिओ । मज्जाडडइलक्खणो खलु, पंचपयारो पमाओ वि ॥३४॥
 अन्नं पि समयविउणो, जूयपमायं भणंति किर छट्टं । सो पुण लोगदुगस्साडवि, बाहगो चैव निदिट्ठो ॥३५॥
 इहलोगे ताव नरो दुज्जयजूयप्पमायसत्तुजिओ । चउरंगबलसमेयं, सज्जो रज्जं पि हारेड ॥३६॥
 हारेड धणं धन्नं, खेतं वत्थुं सुवन्नयं रूपं । दुपयं चउप्पयं पि हु, निस्सेसं कुवियजायं च ॥३७॥
 किं बहुणा अंगगयं पि, जाव कच्छोटयं पि हारिता । पहपडियपत्तक्कप्पड-पच्छाइयकडियलविभागो ॥३८॥
 हारियसव्वसो वि हु, देहाडवयवं पि हत्थपायाडडई । उड्डिय जूयाराणं, जूयं चिय रमड मूढमणो ॥३९॥

“द्यूतस्वरूपम्” —

१दिंडो रणाडवणीए, अगणियअत्थव्वओ सह परेहिं । जयबद्धमणो यिलसड, जूयारो रायपुत्तो व्व ॥४०॥
 अहवा—

अगणियछुहापिवासो, अगणियसीउण्हदंसमसगो य । अगणियअत्तसुहदुहो, अगणियसयणाडडइपडिबंधो ॥४१॥
 अगणियपरोवहासो, निप्पडिकम्मो निराडडवरणदेहो । जियनिदो थिरएगग-धारणो पत्थुयत्थम्मि ॥४२॥
 अन्नतो विणियत्तिय, तुरंगतरतरलइंदियप्पसरो । ओ! नज्जइ जूयारो, झाणोवगओ महरिसि व्व ॥४३॥
 जरचीरियानिवसणो, लीहालयखडियखरडियसरीरो । कंडूयणुट्टियरेहो, समंतओ लुलियकेसो य ॥४४॥
 खरफरुससरीरच्छवि-कडित्तघसणुत्थहत्थकिणजालो । अयणियद्वयरत्तडच्छो, उयमिज्जइ केण जूयारो ॥४५॥
 सो तारिसो वराओ, पइदिणयडडंतजूयदढराओ । पइखणअवरोप्परयिहिय-संपराओ अगाराओ ॥४६॥
 किंपि हु अपावमाणो, हारड भज्जं पि तं च मोएउं । चिंतेड चोरियं पि हु, तप्परिणयमाणसो य तओ ॥४७॥
 तत्थेव संपयड्डइ, तहा पयट्ठो य पावड पायो । सो तइयपावठाणग-यन्नियदोसे असेसे वि ॥४८॥
 ओवाइयाडं इच्छइ, कुलदेवयजक्खसक्कमाडडईणं । नियडंतसमत्थाडणत्थ-सत्थनित्थरणकज्जकए ॥४९॥

जहा—

अहियं सडहिओ खिज्जउ, जूययरा खयमुवेंतु सव्वे वि । पसमंतु अणत्था पुण, होउ य अत्थो महं विउलो ॥५०॥
 एवं च चिंतयंतो, अपुन्नयंछो वहं च बंधं च । रोहं अंगच्छेयं, तेहिंतो लहइ मरणं पि ॥५१॥
 एवं च कुलं सीलं, किंतिं मिंतिं परक्कमं सकमं । सत्थं अत्थं कामं, जूयप्पसतो पणासेड ॥५२॥
 इय इहलोइयगुणव-ज्जिओ कहं सुगइहेउणो सम्मं । सक्को समडज्जिणेउं, गुणे जणे लद्धधिककारो ॥५३॥
 पामाकंडुयणसुहेल्लि-तुल्लमडवि वासणाजणियमडणुयं । किर किंपि कामकीलाए, कामुओ कलयइ सुहं पि ॥५४॥
 नीरसचिरकालियहड्ड-खंडकवलणसमेण साणो व्व । जूयरमणेण किर किं, जूयारो पुण मुणइ सोक्खं ॥५५॥
 गेहसिरी देहसिरी, सिद्धत्तसिरी य सुहसिरी अहवा । इहपरलोयगुणसिरी, सज्जो जूयाओ जाइ खयं ॥५६॥
 सुव्वंति य एत्थडत्थे, सत्थेसु अणेगहा कहाणाडं । हारियरज्जाडडईणं, नलपंडयपमुहराईणं ॥५७॥

“प्रमादस्य अष्टस्थानानि” —

अन्ने पुण अन्नाणं^१, मिच्छानाणं^२ च संसयं^३ रागं^४ । दोसं^५ सुईए^६ भंसं, अणाडडयरं तह य धम्मम्मि^७ ॥५८॥
 मणवयणकायजोगाण, दुप्पणिहाणाणमडहं परं काउं । पत्थुयपमायमेयं, अट्टपयारं परुवेति ॥५९॥
 तत्थ य नाणाडभावं, अन्नाणं नाणरासिणो वेति । तं पुण सव्व्याणं पि हु, जीवाणं दारुणो सत्तु ॥६०॥

1. दिंडो = पलित ।

कट्टाण परमकट्टं, अहिट्टिओ जेण एस जंतुगणो । अप्पगयं पि हियाहिय-मडट्टं न मुणइ मणागं पि ॥६१॥
 नवरं नाणाडभावो, थोवत्तवियक्खया इहं नेयो । नो पुण स सब्बह च्चिय, जहा इमा अणुदरी कण्णा ॥६२॥
 थेवत्तणे वि नाणस्स, मासतुसयाडडइयाण जइ वि सुए । सुव्वंति केवलाइं, बहुनाणत्तं खु तहवि यरं ॥६३॥
 जओ—
 जह जह सुयमडवगाहइ, अइसयरसपसरनिब्बरमडपुव्वं । तह तह पल्हाइ मुणी, नवनवसंवेगसद्धाओ ॥६४॥
 सुगुरुपरत्तंथाए, सिद्धे वि हु मासतुसपमोक्खयाणं । नाणित्ते अन्नाणं, बहुनाणाडभावओ नेयं ॥६५॥
 पायं पमायदोसा, जम्हा जायइ जियाणमडन्नाणं । कारणकज्जुययारा, ता अन्नाणं चिय पमाओ ॥६६॥
 नाणं पुण थेयं पि हु, भवंतमिह किंपि जायए सम्मं । अन्नं न तहा तं पुण, मिच्छानाणं मुणयेव्वं ॥६७॥
 मिच्छत्तभणणओ च्चिय, हेट्टा खलु तं निदंसियमिहेव । अह संसओ ति सो पुण, मिच्छानाणस्स चेवंडसो ॥६८॥
 दोलायमाणमाणस-करणाओ देससव्वगो एस । उपज्जंतो जीवाडड-इएसु जिणदेसियडन्त्थेसु ॥६९॥
 सम्मतमहारयणं, निम्मलमडवि जेण कुणइ अइमलिणं । जिणडपच्चयादडकिच्चो, जीवाडडइसु संसओ तम्हा ॥७०॥
 रागदोसपमाया वि, हेट्टओ पेज्जदोसभणणेण । भणिय च्चिय ता ते वि हु, खमग! तुमं परिचयसु जेण ॥७१॥
 जं न लहइ सम्मतं, लद्धूण य जं न एइ संवेगं । विसयसुहेसु य रज्जइ, सो दोसो रागदोसाणं ॥७२॥
 न वि तं कुणइ अमित्तो, सुट्ठु वि सुयिराहिओ समत्थो वि । जं दो वि अणिग्गहिया, करेइ रागो य दोसो य ॥७३॥
 इहलोए आयासं, अयसं च करेति गुणविणासं च । पसवति य परलोए, सारीरमणोगए दुक्खे ॥७४॥
 धी! धी! अहो अकज्जं, जं जाणंतो वि रागदोसेहिं । फलमडउलं कडुयरसं, तं चेव निसेवए जीवो ॥७५॥
 को दुक्खं पावेज्जा, कस्स य सोक्खेहिं विम्हओ होज्जा । को व न लभेज्ज मोक्खं, रागदोसा जइ न होता ॥७६॥
 तो बहुगुणनासाणं, सम्मतचरित्तगुणविणासाणं । न हु वसमाडडगंतव्वं, रागदोसाण पावाणं ॥७७॥
 सुइभंसो पुण नेओ, जिणिवयणस्स सवणविद्धंसो । सपरोभयाण विगहा-कलहाडडइविग्घकरणेणं ॥७८॥
 एसो य महापावो, पयप्पिसओ परमसमयकेऊहिं । निविडुक्कडनाणाडडवरण-कम्मबंधेक्कहेउ ति ॥७९॥
 धम्मे अणाडडयरो पुण, पमायभेओ सुदारुणो चेव । धम्माडडयराउ जम्हा, समत्थकल्लाणनिप्फत्ती ॥८०॥
 को नाम किर सकन्नो, कहिं पि चिंतामणिं पि पाविता । कल्लाणेक्कनिहाणे, होज्जाडणाडडयरपरो तत्थ ॥८१॥
 दुप्पणिहाणंतिगं पि हु, निस्सेसाडणट्टदंडमूलपयं । सम्ममडवगम्म सुप्पणि-हाणतिगे चेव जइयव्वं ॥८२॥
 एवं एस पमाओ, मज्जाडडइबहुप्पयारनिम्माओ । सद्धम्मगुणाडवाओ, भणिओ कयकुगइविणिवाओ ॥८३॥
 दव्वं खेतं कालं, भावं च पडुच्च भयकडिल्लम्मि । कट्टाडवत्था जायइ, जीवाणं एत्थ जा का वि ॥८४॥
 तं सव्वं पि वियाणसु, इमस्स अच्चन्तकडुविवागस्स । जम्मंडतरनिव्वत्तिय-पावपमायस्स विप्फुरियं ॥८५॥
 सुबहुं पि सुयमडहिज्जिय, सुदीहमडवि पालिऊण परियायं । पावपमायपरवसा, मूढा हारति सव्वं पि ॥८६॥
 तं सामग्गिं संजमगुणाण, तं तारिसं महापयविं । ओहारेइ पमाई, धिरत्थु ही! ही! पमायस्स ॥८७॥
 देवा वि दिणभावं, पच्छायावं परव्वसत्ताडडई । जमडणुभवन्ति फलं तं, जम्मंडतरकयपमायस्स ॥८८॥
 तिरियत्तमडणेगविहं, हीणनरत्तं च नारगतं च । जं जीवाणं तं पि हु, जम्मंडतरकयपमायफलं ॥८९॥
 एसो परमत्थरिऊं, एसो परमत्थदारुणो नरओ । एसो परमत्थवाही, एसो परमत्थदारिइं ॥९०॥
 एसो परमत्थखओ, एसो परमत्थदुक्खसमवाओ । एसो परमत्थरिणं, जीवाणमिमो पमाओ जो ॥९१॥
 सुयकेवली वि आहारगो वि, उवसमियसव्वमोहो वि । जइ पडइ पमायवसा, कहा वि ता का परेसिं तु ॥९२॥
 धम्मो अत्थो कामो, मोक्खो य पमायओ परिगलंति । विरलतरंडगुलिकरयल-निलीणसलिलं व पुरिसस्स ॥९३॥
 इमिणा विडंबिओ एक्क-सिं पि जो होज्ज इह भवे जीवो । भवकोडिसयसहस्से, अडेज्ज स विडंबणानडिओ ॥९४॥
 एयम्मि अणिग्गहिए, समग्गकल्लाणनिग्गहो विहिओ । अह निग्गहो पमायस्स, सयलकल्लाणपभवो ता ॥९५॥
 इय भो देवाणुप्पिय!, पिया व इह निग्गहो पमायस्स । विहिओ हियावहो होही, तुह ता तत्थेव कुण जत्तं ॥९६॥
 एवमडणुसट्टिदारे, सवित्थरडत्थं सभेयपडिभेयं । भणियं पमायनिग्गह-नामं तुरियं पडिद्वारं ॥९७॥

| | |
|---------------------------------------------------------------------------------------------|-------|
| एतो पमायनिग्गह-निमित्तभूयं भणामि संखेवा । सव्यपडिबंधवज्जण-नामं पंचमपडिद्वारं | ॥९८॥ |
| “सर्वप्रतिबन्धत्यागद्वारम्” — | |
| अभिसंगलक्खणं खलु, पडिबंधं बेति बुद्धययणयिऊ । दव्वं खेतं कालं, भायं च पडुच्च सो चउहा | ॥९९॥ |
| तत्थ सचित्तमउचित्तं, मीसं च तिभेयमिह भवे दव्वं । दुपयं चउप्ययं अपय-मिय पुणो तं तिहेक्केक्कं | ॥१००॥ |
| एवं च विसयभेया, तब्भेयन्नूहिं समयकेऊहिं । संखेवेणउक्खाओ, नयभेओ दव्वपरिबंधो | ॥१०१॥ |
| पढमो पुरिसित्थिसुगाउउइएसु, बीओ य हयगयाउउईसु । तइओ पुप्फफलाउउइसु, इय ता सच्चित्तदव्वगओ | ॥१०२॥ |
| सगडरहाउउइसु तुरिओ उ, पट्टखट्टाउउइएसु पंचमओ । कणगाउउइएसु छट्टो, इमो उ अच्चित्तदव्वगओ | ॥१०३॥ |
| सत्तउट्टमा उ कमसो, साउउहरणाउउवरणनरगयाउउईसु । नयमो य कुसुममालाउउ-इएसु इय मीसदव्वगओ | ॥१०४॥ |
| अह गामनगरगेहाउउ-वणाउउइविसएसु खेतपडिबंधो । काले वसंतसरयाउउ-इएसु राओ दियाओ वा | ॥१०५॥ |
| भावे पुण पडिबंधो, सुंदरसद्दाउउइगोयरा गिद्धी । अहवा उ कोहमाणाउउ-इयाण निच्चं अचाओ जो | ॥१०६॥ |
| एसो य कीरमाणो, सब्बो वि दुस्तदीहदुहदाई । दिट्ठो विसिद्धदिट्ठीहिं, देसिए सासणे जइणे | ॥१०७॥ |
| किंच— | |
| जत्तियमेतो एसो, पडिबंधो तत्तिओ दुहो होइ । जायइ जीवाण जओ, ता वरमेसो परिच्चत्तो | ॥१०८॥ |
| एयम्मि अपरिचत्ते, न होइ चत्ता अणत्थरिंछोली । अह सो परिचत्तो ता, सा वि हु दूरं परिच्चत्ता | ॥१०९॥ |
| पडिबंधो वि हु कीरइ, जइ ता तव्विसयवत्थुजायम्मि । सारत्तं किंपि भवे, अह नो ता किं च एएण | ॥११०॥ |
| पयइखणभंगुरेसु वि, पयइअसारेसु पयइतुच्छेसु । का भल्लिमा भणिज्जइ, संसारसमुत्थवत्थूसु | ॥१११॥ |
| तहाहि— | |
| काओ करिकन्नचलो, रूवं पुण खणल्लिणस्सरसरूवं । तारुणं पि परिमियं, लायन्नं दिन्नवेवन्नं | ॥११२॥ |
| सोहगं पि हु विहडइ, विगलत्तमुवेति इंदियाइं पि । सरिसवमेत्तं पि सुहं, सुरगिरिगुरुदुहभरउक्कंतं | ॥११३॥ |
| चवलत्तमुवेइ बलं, जीयं पि य जलतरंगतरलमिणं । सुमिणसमाणं पेम्मं, छायसरिच्छाओ लच्छीओ | ॥११४॥ |
| भोगा सुरचावचवला, संजोगा सिहिसिहोवमा सब्बे । तं नउत्थि सेसवत्थुं पि, किं पि जं सासयसहावं | ॥११५॥ |
| एवं च समत्थेसु वि, भयुत्थवत्थूसु सोक्खकज्जेण । कीरंतो पडिबंधो, सुंदर! दुक्खेण परिणमिही | ॥११६॥ |
| जाओ न समं बंधूहिं, किर तुमं न य मओ वि सह तेहिं । ताउलं तेहिं पि समं, सुंदर! पडिबंधकरणेणं | ॥११७॥ |
| जं भवजलहिम्मि जिया, कम्ममहालहरिवेगयुब्भंता । संघडणविहडणाओ, लहन्ति ता कस्स को बंधू | ॥११८॥ |
| पुणरूतजम्मरणे, चिरं भमतो भवम्मि न हु कोई । अत्थि स जीवो जाओ, जो न मिहोउणेगहा बंधू | ॥११९॥ |
| जं चेच्चा गंतव्वं, तम'उप्पणिज्जं कहं भवे नाम । इय चित्तिउं चएज्जा, बुहो सरीरे वि पडिबंधं | ॥१२०॥ |
| चिरमुचयरियं विविहो-वयारकरणेहिं जइ सरीरं पि । दरिसइ वियारमंउते, ता सेसउत्थेसु का आसा | ॥१२१॥ |
| पडिबंधो बुद्धिहरो, पडिबंधो बंधणं धणियमुगं । पडिबंधो भवसंधो, पडिबंधं धीर! ता चयसु | ॥१२२॥ |
| जइ पुण तुमं महायस!, सक्को न हु सब्बहा इमं चइउं । पडिबंधं ता सुपसत्थ-वत्थुविसयं करेसु जओ | ॥१२३॥ |
| तित्थयरे पडिबंधो, पडिबंधो सुविहिए जइजणे य । एसो पसत्थगो च्चिय, सरागसंजमजईणउज्ज | ॥१२४॥ |
| अहवा सियसुहसाहग-गुणसाहणहेउगम्मि दव्वे वि । तह सियसाहगगुणसा-हणाउणुकूलम्मि खेत्ते वि | ॥१२५॥ |
| तह सियसाहगगुणसा-हणाउवसरलक्खणम्मि काले वि । सियसाहगगुणरूवे, भावम्मि वि कुणसु पडिबंधं | ॥१२६॥ |
| एयं पि पसत्थपयत्थ-विसयपडिबंधकरणमउच्चंतं । केवलनाणदियायर-पयासयिक्खंभगं भणियं | ॥१२७॥ |
| एतो च्चिय जयगुरुवीर-नाहविसए वि बद्धपडिबंधो । सुचरियचरणो वि चिरं, न गोयमो केवलं पत्तो | ॥१२८॥ |
| हंभो देवाणुप्पिय!, इह जइ सुहवत्थुगोयरो वि इमो । एयविहपरिणामो, पडिबंधो ता अलं तेण | ॥१२९॥ |
| किं च सुहउत्थी जीवो, सुहं च संजोगओ इहं पायं । ता संजोगं इच्छइ, सो दव्वाउउईहिं सुहहेउं | ॥१३०॥ |
| दव्वाण य निच्चवओ, खेत्ताणि वि निच्चमेव न रइकए । कालो वि परावत्तइ, एगसहावो न भावो वि | ॥१३१॥ |
| संजोगो वि इमेहिं, जो होत्था अत्थि होहिइ कोवि । कस्स वि सो सब्बो वि हु, नियमेण वियोगपज्जंतो | ॥१३२॥ |

एवं च वियोगंते, नियमा दव्याडडइएहिं संजोगे । दव्याडडइसु पडिबंधो, कीरन्तो कं गुणं लहइ ॥३३॥
 अन्नं च जीवदव्याडडइयाण-मडवरोप्परेण अन्नतं । अन्नाडडयत्तं असुहं च, सुहं चिय परवसत्तेण ॥३४॥
 जइ पढमं पि न काहिसि, अन्नाडडयत्तम्मिचित्तं! पडिबंधं । ता तव्वियोगजणियं, दुक्खं पि हु नेव पाविहिसि ॥३५॥
 जह जह किर पडिबंधं, संसारपयत्थवित्थरे कुणइ । तह तह बंधइ कम्मं, इह मूढो गाढगाढयरं ॥३६॥
 एवं पि नो विभावइ, पडिबंधो जत्थ कीरइ पयत्थे । स खलु विणासी तुच्छो, विचित्तभवहेउओ य तओ ॥३७॥
 बीहसु भीमभवाओ, उव्वियसु य पुव्वविहियपावाओ । कुणसु पडिबंधचायं, जइ इच्छसि अप्पणो पत्थं ॥३८॥
 जह जह संगच्चाओ, तह तह कम्माण अवचओ होइ । जह जह सो पुण तह तह आसन्नं होइ परमपयं ॥३९॥
 आराहणाकयमणो, मुणियर! सव्वं पि पावपडिबंधं । ता दूरमुज्झिऊणं, आयाडडरामो भवसु निच्चं ॥४०॥
 पंचममेवं भणियं, पडिबंधच्चायनामपडिदारं । सम्मतविसयमेतो, छट्ठं पडिदारमडक्खेमि ॥४१॥

“सम्यक्त्वद्वारम्” —

जमडणंतम्मि वि न कयाइ, पत्तपुव्वं अईयकालम्मि । लंघिज्जइ गोपयमिव, जस्सामत्थेण भवजलही ॥४२॥
 अल्लियइ पाणिकमले, जस्स पभावेण मोक्खसोक्खसिरी । जं च पयेसदुवारं, महल्लकल्लाणकोसस्स ॥४३॥
 मिच्छत्तपबलहुबयह-तायियजीवाण जं च अमयं व । पडियारपयं पत्तं, सम्मतं खवग! तं तुमए ॥४४॥
 एत्थ य संपत्तम्मि, मा भाहिसि भीमभवभयाहिंतो । एयाडणुगएहिं जओ, भवस्स सलिलंजली दिन्नो ॥४५॥
 किंच—

नरयम्मि वरं अइदीहरं पि, कालं ठिओ समं इमिणा । मा पुण एयविउत्तस्स, देवलोगे वि उववाओ ॥४६॥
 जम्हा नरयाउ इहाडडगयाण, सुद्धस्स तस्स अणुभावा । सुव्वंति केसु वि सुए, तित्थयरताडडइलद्धीओ ॥४७॥
 सम्मतगुणविहीणस्स, देवलोगाओ पुण चुयस्सेह । पुढवाडडईसु वि गमणं, सुव्वइ दीहड्डिई य तहिं ॥४८॥
 अंतोमुहुत्तमेतं पि, फासियं जइ भवेज्ज कहयि इमं । ता एस अणाडडई वि हु, भवोयही गोपयं मण्णे ॥४९॥
 धणवमडधणो वि पुरिसो, सम्मतमहाधणं हि जस्सडत्थि । इहभवसुही जइ धणी, सुही सुदिट्ठी पइभवंपि ॥५०॥
 सम्मतरयणमडइयार-पंसुपरिवज्जियं मणोभवणे । जस्स वियंभइ मिच्छत्त-तिमिरविहुरो कहं स भवे ॥५१॥
 सव्वाडडइसयनिमित्तं, मणम्मि सम्मतलक्खणो मंतो । जस्सडत्थि न तं पुरिसं, मोहपिसाओ छलेउमडलं ॥५२॥
 जस्स मणोयणयले, सम्मतदियायरो परिप्फुरइ । न कुमयजोइसचक्कं, तम्मि पयासं पि पाउणइ ॥५३॥
 पासंडिदिट्ठिविस-विसयगो वि, सम्मतदिव्वमणिधारी । जो न हु कुवासणाविस-संकन्ती तस्स संभवइ ॥५४॥
 तो मा कासि पमायं, सम्मते सव्वदुक्खखयजणगे । जेणेयपइट्ठाणाइं, नाणतववीरियचरणाइं ॥५५॥
 नगरस्स जह दुवारं, मुहस्स चक्खुं तरुस्स जह मूलं । तह जाणसु सम्मतं, वीरियतयनाणचरणाणं ॥५६॥
 भावाडणुरायपेमाडणुराय-सुगुणाडणुरायरत्तो य । धम्माडणुरायरत्तो य, होसु जिणसासणे निच्चं ॥५७॥
 अन्नो को वि पभावो, इमस्स निस्सेसगुणपहाणस्स । सम्मतमहारयणस्स, पावियस्सेह जं भणियं ॥५८॥
 जस्स दिवसं पि एककं, समत्तं निच्चलं जहा मेरु । संकाडडइदोसरहियं, न पडइ सो नरयतिरिएसु ॥५९॥
 दंसणभट्ठो भट्ठो, न हु भट्ठो होइ चरणपद्मट्ठो । दंसणमडमुयंतस्स हु, परियडणं नडत्थि संसारे ॥६०॥
 सुद्धे सम्मते अथिरओ वि, अज्जिणइ तित्थयरनामं । जं आगमेसिभद्दा, हरिकुलपहु-सेणिया जाया ॥६१॥
 कल्लाणपरंपरयं, लभंति जीवा विसुद्धसम्मता । सम्मतमहारयणं, नडग्घइ ससुराडसुरो लोगो ॥६२॥
 सो च्विय जयम्मि जाओ, पत्तं सम्मतरयणमिह जेण । अरहट्टजंतसरिसे, संसारे को किर न जाओ ॥६३॥
 निज्जियचित्तामणिकप्प-पायवं ता लहित्तु सम्मतं । तुमए एत्थं सुंदर!, खणं पि जत्तो न मोत्तव्वो ॥६४॥
 सम्मतजाणवत्तं, अप्पत्ता दुत्तरे भवसमुदे । एत्थ निमज्जिस्संति, तहा निमग्गा निमज्जंति ॥६५॥
 सम्मतजाणवत्तं, पावित्ता दुत्तरंपि भवजलहिं । तिन्ना तरंति भविया, अचिरेण तहा तरिस्संति ॥६६॥
 आराहणाकयमणो, मणोरहाणं पि दुल्लहं तम्हा । पावित्ता सम्मतं, धीर! तुमं मा पमाएज्ज ॥६७॥
 इहरा उ पमायपरस्स, पत्थुयाडडराहणा इमा तुज्झ । नाव व्य भट्टिपत्ता, तडत्ति विहडिस्सइ नूणं ॥६८॥
 सम्मतणामधेयं, छट्ठं पडिदारमेवमडक्खायं । अरिहाडडइछक्कभती-विसयं अह सत्तमं भणिमो ॥६९॥

“अरिहंतादिभक्तिद्वारम्” —

अरिहंतं^१ सिद्धं^२ चेइयं^३-आयसि^४ उज्झायं^५ साहुणो^६ ति इमं । उक्कं सिवपुरपयवी-सत्थाहसमं मुणेऊण ॥७०॥
हे खवग! हरिसपयरिस-वसवियसियहिययसररुहस्संतो । भतीए धरसुं सम्मं, निच्चियं पत्थुयउत्थकए ॥७१॥
एगा वि किर समत्था, जिणभती दुग्गइं णिवारेउं । दुलहाइं लहावेउं, आसिद्धिपरंपरसुहाइं ॥७२॥
किं पुण परमेसरसिद्ध-चेइयाउउयरियवायगाउउईसु । भती न होज्ज संसार-कंदनिककंदणसमत्था ॥७३॥
विज्जा वि ताण भतीए, सिद्धिमुययाइ होइ फलदा य । किं पुण निच्चुइविज्जा, सिज्झिहिइ अभत्तिमंतस्स ॥७४॥
तेसिं आराहणनाय-गाण न करेज्ज जो नरो भतिं । विहलेइ संजमं सो, ऊसरमहियवियसालिं व ॥७५॥
वीएण विणा सस्सं, इच्छइ सो वासमउभएण विणा । आराहणमीहइ जो, आराहगभत्तिविरहेण ॥७६॥
विहियवियस्स वि सस्सस्स, जह य निष्फावगं भवइ वासं । तह आराहगभती, तवदंसणनाणचरणानं ॥७७॥
एक्केक्कगोयरा वि हु, अरिहाउउइसु सुहपरंपरं जणइ । भती उ कीरमाणा, कणगरहनिवो इहं नायं ॥७८॥
तहाहि—

“कनकरथनृपदृष्टान्तः”

सुंदरपइकयरक्खा, सुदीहरउच्छा सुवच्छकलिया य । जा महिल व्य विरायइ, तीसे मिहिलाए नयरीए ॥७९॥
आसी कणगरहनिवो, जस्स रविस्स व पयावपसरेण । हयमउरिक्कुलमउसिरीयं, संकुइयं कुमुयसंडं व ॥८०॥
पणइजणजणियतोसं, अवरोप्परदूरवज्जियपओसं । तस्स य नीइपहाणं, रज्जसुहं भुंजमाणस्स ॥८१॥
एगम्मि अवसरे रयण-रुइरसिंहासणे निसन्नस्स । दूरोणाभियसिरसा, विण्णतं संधिपालेण ॥८२॥
देव! महउच्छरियमिमं, जं जिप्पइ दिणयो वि तिभिरेण । केसरिकिसोरकेसर-सडा वि तोडिज्जइ मिगेण ॥८३॥
चिरकालपेसियं तुम्ह, संतियं तितियं पि चउरंडगं । सेत्रं भज्जइ उत्तर-दिसिनाहमहिंदसीहेण ॥८४॥
किर तप्पउत्तिविणिउत्त-गूढपुरिसेहिं सिग्घमाउउगंतुं । इहिं चिय मह कहिओ, जहट्टिओ समरवुत्ततो ॥८५॥
तत्थ य जो तुम्ह पसाय-ठाणमाउउसि कलिंनरनाहो । सो पडियक्खेण समं, पडिवन्नो भेयमउविलज्जो ॥८६॥
कुरुदेसाउहिवई वि हु, तुह सेणाउहियपओसदोसेण । तव्येलमउवक्कंतो, रणंडगणाओ अदक्खिन्नो ॥८७॥
अत्रे य कालकुंजर-सिरिसेहरसंकराउउइसामंता । ओसरिया समराओ, दट्ठूण विसंहयं सेत्रं ॥८८॥
एवं य मत्तकरिकर-चूरिज्जंतप्पहाणरहनिवहं । रहनिवहचूरणत्तट्ट-तुरयहम्मंतनरनियरं ॥८९॥
नरनियरपडणदुग्गम-मग्गाउउउलसंचरंतवरसुहंडं । यरसुहडपरोप्परभिडण-याउलिज्जंतसेत्रजणं ॥९०॥
सेत्रजणमुक्कपोक्कार-बोलनासंतकायरनरोहं । हयजोहं जमगेहं, तुह सेत्रं पायियं रिउणा ॥९१॥
एवं सोच्चा भालयल-घडियविगरालभिउडिणा रत्ता । ताडाविया गरुवा, पयाणयाउउवेइया भेरी ॥९२॥
अह मेहसंधनिग्घोस-निब्भरेणं रवेण लहु तीए । मुणियपयाणपओयण-मुवट्टियं चाउरंगबलं ॥९३॥
ताहे तेणाउणुगओ, कणगरहमहीवई दढं कुविओ । अविलंबियप्पयाणेहिं, सत्तुणो भूमिमउणुपत्तो ॥९४॥
अह तं आगयमुवलक्खिऊण, उव्यूढगाढरहसेण । पडिरिउणा पारद्धो, सुमहंतो समरसंभो ॥९५॥
अह मुक्कचक्कनारायवग्ग, उत्थरिय सुहड तेइण उदग्ग । कंकणमणिकंतिकयाउउयरोह, नं कुवियकयंतह दिट्ठिओह ॥९६॥
मणपवणवेगतुरयाण थट्ट, रिउसेत्रिण सह जुज्झिण पयट्ट । हयदंड सहहिं पुंडरीयजाल, भुंजेवि चत्त नं जमिण थाल ॥९७॥
पडिवक्खस्सग्गानिल्लुणियकंठ, रणकम्मणतोसियतियसवंठ । णियसामिकज्जपरिचत्तदेह, कयकिच्च नाइ नच्चिय सुजोह ॥९८॥
रुहिरइमुंडमंडियधरिति, रत्तुप्पलेहिं नं रइय भित्ति । दोहंडियकुंजर भूमिवडिय, नं रेहहि अंजणकूड खुडिय ॥९९॥
इय एवंधिहसंगरि बहुजणखयकरि, वट्टंतइ मिहिलाउहिवेण ।

नियकुंजरु चोयाविउ रणपहे ठाविउ, रिउसवडम्महु दुद्धरिण ॥७६००॥

एत्थंतरम्मि मंतीहिं, जपियं देव! विरमह रणाओ । मा पूरह सत्तूणं, मणोरहे नियह नियसत्तिं ॥११॥

एसो हि उत्तरदिसा-नराउहिवो समरकम्मपरिहत्थो । तियसकयपाडिहेरो, पयंडपक्खो महासत्तो ॥१२॥

एयं गूढचरेहिं, णिवेइयं अम्ह संपयं चेव । ता न खमं खणमेत्तं पि, अच्छिउं एत्थ थाणम्मि ॥१३॥

अजहाबलमाउउरंभो य, देव! मूलं वयंति मच्चुस्स । ता सव्यपयारेहिं वि, अप्प च्चिय रक्खियव्वो ति ॥१४॥

अविदलियबलो इण्हिं पि, जइ तुमं देव! विरमसि रणाओ । ता अकलियमज्झो निय-पुरिं पि पावेसि निच्चियं ॥१५॥

इहारा विहियसविहडिय-विजयस्स परेहिं भग्गपसरस्स । असहायस्स य एत्तो, पलायणं पि हु न तुह सुलहं ॥६॥
 इय मंतिवयणगाढो-वरोहओ निब्भओ वि कणगरहो । ओसरिओ समराओ, फुडमडवसरवेइणो गरुया ॥७॥
 पडिभग्गं पडिवक्खं, पलायमाणं महेंदसीहो वि । अवलोइऊण चलिओ, करुणाए अकयतप्पहरो ॥८॥
 अह जायमाणभंगो, हिययडम्भंतरफुरंतदढसोगो । अप्पाणं निहयं पिय, मज्जंतो कणगरहराया ॥९॥
 पेच्छइ विणियत्तंतो, तियसाडहिवनियहविहियपयसेवं । सिरिमुणिसुव्वयसामिं, समोसडं सुंसुमारपुरे ॥१०॥
 ताहे दुरुज्झियराय-चिंघउवसंतधरियनेवत्थो । तिक्खुत्तो दाऊणं, पयाहिणं गाढभत्तीए ॥११॥
 जयनाहं वंदिता, गणधरमुणिकेवलीहिं परियरियं । सुद्धमहीए निसण्णो, नरनाहो धम्मसवणत्थं ॥१२॥
 खणमेतं च निसामिय, सामिगिरं समरवइयरं सरिउं । परिचितिउं पयत्तो, धिरउत्थु मह जीवियव्वस्स ॥१३॥
 जस्स तह सत्तुपडिहय-परक्कमस्स पणट्टसारस्स । अवहरियपुव्वसुकया, वित्थरिया धणियमडपसिद्धी ॥१४॥
 एवमडणुचितयंतो, विच्छायमुहो महीवई सामिं । नमिऊण निक्खमंतो, ओसरणाओ सकरुणेण ॥१५॥
 विज्जुप्पभनामेणाड-सुरेंदसामाणिण देवेण । भणिओ भद्द! किमेवं, पहरिसटाणे वि तुममेत्थ ॥१६॥
 हिययडम्भंतरनिक्खित्त-तिक्खसल्लो व यहसि संतावं । करमलियनलिणतुल्ले, गयसोहे धरसि नयणुल्ले ॥१७॥
 सायरकयप्पणामेण, तयणु मिहिलाडहिवेण पडिभणियं । सयमेव मुणह तुम्भे, जहट्टियं किमिह साहेमि ॥१८॥
 चिरकालवोलियाणि वि, अच्चवंतं दूरकालभावीणि । जे किर मुणांति कज्जाणि, तेसिं नणु केत्तियं एयं ॥१९॥
 एवं रत्ता भणिण, ओहिन्नाणेण नायपरमत्थो । विज्जुप्पभो सुरयरो, पर्यपिउं एवमाडडत्तो ॥२०॥
 रिउपरिभवलक्खणतिक्ख-दुक्खमुव्वहसि तुममडहो! हियए । दुक्खविमोक्खणमूला य, गिज्जए जिणवरे भत्ती ॥२१॥
 ता नरवर! जयगुरुपाय-पउमयंदणविहीए तुज्झ अहं । तुट्टो अह सत्तुजयं, ममाडणुभावेण कुणसु लहुं ॥२२॥
 इय तियसवयणमाडडयन्निऊण, राया वियासिमुहकमलो । सेन्नाडणुगओ सहसा, पडिपडिवक्खं पडिनियत्तो ॥२३॥
 अह भूरिसमरसंपन्न-विजयगव्वो पुणो वि तं इंतं । सोच्चा महेंदसीहो, सज्जीहोउं ठिओडभिमुहो ॥२४॥
 जुज्झं च समावडियं, नयरं विज्जुप्पभप्पभावेण । मिहिलाडहिवेण विजिओ, महिंदसीहो पढममेव ॥२५॥
 अवहरिय पुव्वपग्गहिय-हत्थितुरगाडडइवियिहरज्जङ्गे । सेवं च गाहिऊणं, मुक्को तत्थेव रज्जम्मि ॥२६॥
 अह निज्जियजेयव्वो, कणगरहो आगओ निययनयरिं । सरयनिसायरकरगोर-लद्धकिती जए जाओ ॥२७॥
 अवरम्मि य पत्थावे, विसुद्धलेसाए चट्टमाणो सो । परिचितिउं पवत्तो, अहो जिणिंदस्स माहप्पं ॥२८॥
 जमडहं तइया वंदण-मेत्तेण वि वंछियउत्थमडच्चत्थं । पत्तो मणोरहाण वि, अगोयरं नूण लीलाए ॥२९॥
 एवं च सो च्विय परं, परमप्पा कप्पपायवप्पडिमो । इहपरभवभायिरभद्द-करणसीलो जएक्कपहु ॥३०॥
 अणुसरणिज्जो भवइ ति, चिंतिउं सुव्वयस्स पामूले । पडिवन्नो पव्वज्जं, राया काउं च तं विहिणा ॥३१॥
 गुणगणहरगणहरनाम-गोयकम्मं च बंधिऊणंउते । मरिउं देवो जाओ, महिडिडओ भासुरसरीरो ॥३२॥
 ततो चुओ य सुकुले, माणुस्सं पाविऊण भोगे य । तित्थयरपायमूले निक्खमिउं गणहरो होउं ॥३३॥
 निम्मूलुम्मूलियभव-महददुमो पत्तकेवलाडडभोगो । जरजम्ममरणरहियं, निव्वाणं पाविही परमं ॥३४॥
 एवविहोत्तरोत्तर-कल्लाणनिबंधणं मुणेऊणं । अरिहाडडईसुं भत्तिं, खवग! तुमं सम्ममाडडयरसु ॥३५॥
 अरिहाडडइछक्कभत्ति ति, सत्तमं दारमिय मए वुत्तं । अट्टममिओ भणिस्सं, पंचनमोक्कारपडिदारं ॥३६॥

“पंचनमोक्कारद्वारम्” —

हंभो खवगमहामुणि! पारद्धयिसुद्धधम्मअणुबंधं । बंधयभूयाण जिणाण-मिण्हि तह सब्वसिद्धाणं ॥३७॥
 आयारपालयाणं, आयरियाणं च सुत्तदाईणं । उज्झायाणं सिचसा-हगाण तह सब्वसाहूणं ॥३८॥
 निच्चं भव उज्जुत्तो, समाहियडप्पा पहीणकुयियप्पो । सिद्धिसुहसाहणम्मि, नूण नमोक्कारकरणम्मि ॥३९॥
 जेणेस नमोक्कारो, सरणं संसारसमरपडियाण । कारणमडसंखदुक्ख-क्खयस्स हेऊ सियपयस्स ॥४०॥
 कल्लाणकप्पतरुणो, अबंझवीयं पर्यंडमायंडो । भवहिमगिरिसिहराणं, पविक्खपहु पावभुयगाणं ॥४१॥
 आमूलुक्खणणम्मि, वराहदाढा दरिद्वकंदस्स । राहणधरणी पढमु-भवंतसम्मतरयणस्स ॥४२॥

| | |
|-------------------------------------------------------------------------------------------|------|
| कृसुमोग्गमो य सोग्गइ-आउयबंधददुमस्स निव्विग्घं । उवलंभचिघमडमलं, विसुद्धसद्धम्मसिद्धीए | ॥४३॥ |
| अन्नं च- | |
| एयस्स जहाविहिविहिय-सव्वआराहणापयारस्स । कामियफलसंपायण-पहाणमंतस्य य पभाया | ॥४४॥ |
| सत्तु वि होइ भित्तो, तालउडविसं पि जायए अमयं । भीमाडडवी वि वियरइ, चित्तरइं यासभवणं च | ॥४५॥ |
| चोरा वि रक्खगत्तं, उर्वेति साडणुग्गहा भवंति गहा । अयसउणा वि हु सुहसउण-साहणिज्जं जणंति फलं | ॥४६॥ |
| जणणीओ इव न कुणंति, डाइणीओ वि थोवमडवि पीडं । पभवति न रुद्धा मंत-तंतजंतप्पयारा वि | ॥४७॥ |
| पंकयपुंजो व्व सिही, सीहो गोमाउओ व्व वणहत्थी । मिगसावो व्व विहावइ, पंचनमोक्कारसामत्था | ॥४८॥ |
| एत्तो च्चिअ सुमरिज्जइ, निसियणउट्टाणखलणपडणेसु । सुरख्वेयरपभिईहिं वि, एसो परमाए भत्तीए | ॥४९॥ |
| धण्णाण मणोभवणे, सद्धाबहुमाणयडिद्धनेहिल्लो । मिच्छततिमिरहरणो, वियरइ नवकारवरदीयो | ॥५०॥ |
| जाण मणवणणिगुंजे, रमइ णमोक्कारकेसरिकिसोरो । ताणं अणिट्टदोघट्ट-घट्टघडणा न नियडे वि | ॥५१॥ |
| ता निविडनिगडघडणा-गुत्ती ता वज्जपंजरनिरोहो । नो जावडज्जवि जविओ, एस नमोक्कारवरमंतो | ॥५२॥ |
| दप्पिडुदट्टनिट्टुर-सुरुट्टदिट्टी वि होइ ताव परो । नवकारमंतचित्ताण-पुव्वं न पलोइओ जाव | ॥५३॥ |
| मरणरणंङगणणसं-गमे गमे गामनगरमाडडईणं । एयं सुमरंताणं, ताणं संमाणणं च भवे | ॥५४॥ |
| तहा- | |
| जलमाणमणिपहुफुन्न-प्फारफणिवइफणागणाहिंतो । पसरंतकिरणभरभग्ग-भीमतिमिरम्मि पायाले | ॥५५॥ |
| चिन्ताडणंतरघडमाण-माणसाडडणंदिइंदियडत्था जं । विलसंति दाणया किर, तं पि नमोक्कारफुरियलवो | ॥५६॥ |
| जं पि य विसिडुपयवी-चिज्जाचिन्नाणविणयनयनिउणं । अक्खलियपसरपसरंत-कंतजसभरियभुवणयलं | ॥५७॥ |
| अच्चवंतडणुरत्तकलत्त-पुत्तपामोक्खसयलसुहिसयणं । आणापडिच्छणुच्छाहि-दच्छगिहकम्मकारिजणं | ॥५८॥ |
| अच्छिन्नलच्छिविच्छड्ड-सामिभोइत्तवियरणपहाणं । रायाडमच्चाडडइविसिडु-लोयपयईबहुमयं च | ॥५९॥ |
| जहंचितियकलसंपत्ति-सुंदरं दिण्णदुक्कहचमक्कं । पायिज्जइ मणुपत्तं, तं पि नमोक्कारफललेसो | ॥६०॥ |
| जं पि य सव्वंगपहाण-लडहचउसट्टिसहसविलयालं । बत्तीससहस्समहप्प भाव भासंतसामन्तं | ॥६१॥ |
| पयरपुरसरिसछन्नवइ-गामकोडीकडप्पदुप्पसरं । सुरनयरसरिसपुरवर-बिसत्तरीसहससंख्खालं | ॥६२॥ |
| बहुसंख्खेडकब्बड-मडंबदोणमुहपमुहबहुयसिमं । दीसंतकंतसुंदर-संदणसंदोहदिण्णदिहिं | ॥६३॥ |
| परचक्ककप्पणाडणप्प-दप्पपाइक्कचक्कसंकिन्नं । पगलंतगंडमंडल-पयंडदोघट्टथट्टिल्लं | ॥६४॥ |
| मणपयणजयणचंचल-खुरुक्खययखोणितलतुरंगालं । सोलससहस्सपरिसंख्ख-जक्खरक्खापरिकिन्नं | ॥६५॥ |
| नयतिहिचोइसरयण-प्पभायपाउभयंतसयलडत्थं । छक्खंडभरहख्वेत्ताड-हिवत्तणं लब्भए भुवणे | ॥६६॥ |
| तं पि हु किर सद्धासलिल-सेयपरिचुडिडयस्स तस्सेव । पंचनमोक्कारतरुस्स, को वि फलविलसियविसेसो | ॥६७॥ |
| जं पि य सियदेवंडसुय-संयुपसुरसयणसुंदरुच्छंणे । सिप्पिपुडंतो मुत्ता-हलं य उययज्जई ततो | ॥६८॥ |
| आजम्मं रम्मतणु, आजम्ममुदग्गजोव्वणाडवत्थो । आजम्मं रोगजरा-रयसेयविवज्जियसरीरो | ॥६९॥ |
| आजम्मं ण्हारुवसडट्टि-मंसरुहिराडडइतणुमलविमुक्को । आजम्मं अमिलायन्त-मल्लवरदेवदूसधरो | ॥७०॥ |
| उत्ततजच्चकंचण-तरुणदियायरसमप्पहसरीरो । पंचप्पहरयणाडडहरण-किरणकब्बुरियदिसियक्को | ॥७१॥ |
| अक्खंडगंडमंडल-लुलंतकुंडलपहापहासिल्लो । रमणीयरसणअमरण-रमणीगणमणहरो किं च | ॥७२॥ |
| गहचक्कमेक्कहेलं, पाडेउं भूयलं भमाडेउं । सयलकुलाडचलचक्कं, चूरेउं तह य लीलाए | ॥७३॥ |
| माणसपमुहमहासर-सरियादहसायरण सलिलाइं । पलयपवणो व्व समकाल-मेव सतो विसोसेउं | ॥७४॥ |
| तेलोक्कपूरणत्थं इति विउव्वियमहलबहुरुवो । परमाणुमेतरुवो वि, तह य होउं लहु समत्थो | ॥७५॥ |
| तह एकककरंडगुलिपंचगस्स, पत्तेयमडग्गभागेसु । मेरुपणगाउ एककेक्क-मेक्ककालं धरणसतो | ॥७६॥ |
| किं बहुणा सत्तं पि हु, असंतयं तह असंतमडवि संतं । वत्थुं एकक्खणे च्चिय, दंसेउमडलं करेउं च | ॥७७॥ |
| नमिरसुरविसरसिरमणि-मऊहरिंछोलिविच्छुरियपाओ । भूभंगाडडइपहिट्ट-संभमुट्टितपरिवारो | ॥७८॥ |
| चित्ताडणंतरसहसत्ति-संधडंताडणुकूलविसयणो । अणवरयरइरसाडडविल-विलासकरणेक्कदुल्ललिओ | ॥७९॥ |

| | |
|-------------------------------------------------------------------------------------------------|-------|
| निम्मलओहिन्नाणा-उनिमेसदिट्ठीए दिट्ठदट्ठव्यो । समकालोदयसमुर्वित-सयलसुहकम्मपर्यई य | ॥८०॥ |
| रिद्धिप्पबंधबंधुर-विमाणमालाउहिवत्तणं सुइरं । पालइ अखलियपसरं, सुरलोए किर सुरंदो वि | ॥८१॥ |
| तं पि असेसं जाणसु, सम्मं सब्भावगग्भविहियस्स । पंचनमोक्काराउउरा-हणस्स लीलाइयलवोत्ति | ॥८२॥ |
| उड्ढाउहोतिरियतिलोग-रंगमज्झमि अइसयविसेसो । दव्व खेतं कालं, भावं च पडुच्च चोज्जकरो | ॥८३॥ |
| दीसइ सुणिज्जए वा, जो को वि हु कहवि कस्स वि जियस्स । सब्बो वि सो नमोक्कार-सरणमाहप्पनिष्कन्नो | ॥८४॥ |
| जलदुग्गे थलदुग्गे, पव्वयदुग्गे मसाणदुग्गे वा । अन्नत्थ वि दुत्थपए, ताणं सरणं नमोक्कारो | ॥८५॥ |
| वसियरणुच्चाडणथोभ-णेसु पुरखोभयंभणाउउइसु य । एसो च्चिय पच्चलओ, तहा पउत्तो नमोक्कारो | ॥८६॥ |
| मंतंउतरपारद्धाइं, जाइं कज्जाइं ताइं वि समेइ । ताणं चिय नियसुमरण-पुव्वाउउरद्धाण सिद्धिकरो | ॥८७॥ |
| ता सयलाओ सिद्धीओ, मंगलाइं च अहिलसंतेण । सब्बत्थ सया सम्मं, चित्तेयव्यो नमोक्कारो | ॥८८॥ |
| जागरण-सुयण-ठीयण-चिट्ठण-चंक्रमण-खलण-पडणेसु । एस किर परममंतो, अणसरियव्यो पयत्तेणं | ॥८९॥ |
| जेणेस नमोक्कारो, पत्तो पुन्नाडणुबंधिपुण्णेणं । नारयतिरियगईओ, तस्साउवस्सं निरुद्धाओ | ॥९०॥ |
| न स पुणरुत्तं पावइ, कया वि किर अयसनीयगोताइं । जम्मंउतरे वि दुलहो, तस्स न एसो नमोक्कारो | ॥९१॥ |
| जो पुण सम्मं गुणितं, नरो नमोक्कारलक्खमउक्खंडं । पूएइ जिणं संघं, बंधइ तित्थयरनामं सो | ॥९२॥ |
| होन्ति नमोक्कारपभा-वओ य जम्मंउतरे वि किर तस्स । जाईकुलरूयाउउरोग्ग-संपयाओ पहाणाओ | ॥९३॥ |
| ताव न जायइ चित्तेण, चित्तियं पत्थियं च वायाए । काएण य पारद्धं, जाव न सरिओ नमोक्कारो | ॥९४॥ |
| अन्नं च इमाउ च्चिय, न होइ मणुओ कयाइ संसारे । दासो पेसो दुहगो, नीओ विगलिदिओ चेव | ॥९५॥ |
| इहपरलोयसुहयो, इहपरलोयदुहदलणपच्चलओ । एस परमेट्टियिसओ, भत्तिपउत्तो नमुक्कारो | ॥९६॥ |
| किं यन्निण्ण बहुणा, तं नत्थि जयमि जं किर न सक्को । काउं एस जियाणं, भत्तिपउत्तो नमुक्कारो | ॥९७॥ |
| जइ ताव परमदुलहं, संपाडइ परमपयसुहं पि इमो । तावदउ ^१ णुसंगसज्जे, तदउन्नसोक्खमि का गणणा | ॥९८॥ |
| पत्ता पाविस्संति, पाविन्ति य परमपयपुरं जं ते । पंचनमोक्कारमहा-रहस्ससामत्थजोगेण | ॥९९॥ |
| सुचिरं पि तवो तवियं, चिन्नं चरणं सुयं च बहु पढियं । जइ ता न नमोक्कारे, रई तओ तं गयं विहलं | ॥७००॥ |
| चउरंउगाए वि सेणाए, नायगो दीयगो जहा होइ । तह भावनमोक्कारो, दंसणतयनाणचरणाणं | ॥१॥ |
| भावनमोक्कारवियज्जियाइं, जीवेण अकयकज्जाइं । गहियाणि य मुक्काणि य, अणंतसो दव्वलिंगाइं | ॥२॥ |
| तम्हा नाऊणेवं, जत्तेण तुमं पि भायणासारं । आराहणाकयमणो, मणमि सुंदर! तयं धरसु | ॥३॥ |
| हंभो देवाणुप्पिय!, पुणरुत्तं पत्थिओ सि एत्थ तुमं । संसारजलहिसेउं, सिढिलेज्जसु मा नमोक्कारं | ॥४॥ |
| जं एस नमोक्कारो, जम्मजरामरणदारुणसरूये । संसाराउरन्नमि, न मंदपुन्नाण संपडइ | ॥५॥ |
| विज्झइ राहा वि फुडं, उम्मूलिज्जइ गिरी वि मूलाउ । गम्मइ गयणयलेणं, दुलहो य इमो नमोक्कारो | ॥६॥ |
| सब्बत्थउन्नत्थ वि धीधणेण, सरणं ति एस सरियव्यो । सविसेसं पुण एत्थे, समहिगयाउउराहणाकाले | ॥७॥ |
| आराहणापडागा-गहणे हत्थो इमो नमोक्कारो । सग्गाउपवग्गमग्गो, दोग्गइदारउग्गला गरुई | ॥८॥ |
| पढियव्यो गुणियव्यो, सुणियव्यो समउणुपेहियव्यो य । एसउन्नया वि निच्चं, किमंउग पुण मरणकालमि | ॥९॥ |
| गेहे जहा पलित्ते, सेसं मोत्तूण लेइ तस्सामी । एगं पि महारयणं, आयइनित्थारणसमत्थं | ॥१०॥ |
| आउरभए भडो वा, अमोहमेक्कं पि लेइ जह सत्थं । आबद्धभिउडिभडसं-कडे रणे कज्जकरणखमं | ॥११॥ |
| एवं न आउरत्ते, सक्को बारसविहं सुयक्खंधं । सब्बं पि विचित्तेउं, सम्मं तग्गयमणो वि तओ | ॥१२॥ |
| मोत्तुं पि बारसंउगं, स एव मरणमि कीरण सम्मं । पंचनमोक्कारो खलु, जम्हा सो बारसंगउत्थो | ॥१३॥ |
| सब्बं पि बारसंउगं, परिणामविसुद्धिहेउमेत्ताणं । तक्कारणभावाओ, कह न तदउत्थो नमोक्कारो | ॥१४॥ |
| तग्गयचित्तो तम्हा, समउणुसरेज्जा विसुद्धसुहलेसो । तं चेव नमोक्कारं, कयत्थयं मन्नमाणो उ | ॥१५॥ |
| को नाम किर सक्कन्नो, कन्नाउमयसच्छहं नमोक्कारं । नो आपरेज्ज मरणे, रणे व्व सुहडो जयपडागं | ॥१६॥ |

१. अणुसंगसज्जे = प्रसङ्गसाध्ये = प्रासङ्गिके इत्यर्थः ।

एक्को वि नमोक्कारो, परमेष्टीणं पगिड्ढभावाओ । सयलं किलेसजालं, जलं च पवणो पणोल्लेइ ॥१७॥
 संविग्गेणं मणसा, अख्रलियफुडमणहरेण य सरेण । पउमाडडसणिओ करबद्ध-जोगमुदो य काएणं ॥१८॥
 सम्मं संपुत्रं चिय, समुच्चरेज्जा सयं णमोक्कारं । उस्सग्गेणस विही, अह बलगलणे तहा न पहू ॥१९॥
 तत्रामाडणुग असिया-उस ति, पंचक्खरे तहवि सम्मं । निहुयं पि परावतेज्ज, कह वि अह तत्थडवि असत्तो ॥२०॥
 ता झाएज्जा ओमिति संगहिया जं इमेण अरहंता । असरीरा आयरिया, उवझाया, उवझाया मुणिवरा सव्वे ॥२१॥
 एयत्रामाडडडनिसन्न-वन्नसंधिप्पयोगओ जम्हा । सहन्नएहिं एसो, ओंकारो किर विणिदिट्ठो ॥२२॥
 एयज्झाणा परमे-ट्टिणो फुडं झाइया भवे पंच । अहया जो एयं पि हु, झाएउं होज्ज असमत्थो ॥२३॥
 सो पासट्टियकल्लाण-मित्तयग्गेज पंचनवकारं । निसुणेज्ज पढिज्जंतं, हिययम्मि इमं च भावेज्जा ॥२४॥
 एसो स सारगंठी, एस स को वि हु दुलंभलंभो ति । एसो स इट्ठसंगो, एयं तं परमतत्तं ति ॥२५॥
 अहह! तडत्थो जाओ, नूणं भयजलहिणो अहं अज्ज । अन्नह कहिं अहं कह च, एस एयं समाओगो ॥२६॥
 धन्नो हं जेण मए, अणोरपारम्मि भवसमुदम्मि । पंचणह नमोक्कारो, अचिंतचिंतामणी पत्तो ॥२७॥
 किं नाम अज्ज अमय-तणेण सव्वंङ्गियं परिणओ हं । किं वा सयलसुहमओ, कओ अकंडे वि केणाडवि ॥२८॥
 इय परमसमरसापत्ति-पुव्वमाडडयन्निओ नमोक्कारो । निहणइ किलिड्ढकम्मं, विसं च सियधारणाजोगो ॥२९॥
 जेणेस नमोक्कारो, सरिओ भावेण अंतकालम्मि । तेणाडडहूयं सोक्खं, दुक्खस्स जलंजली दिन्नो ॥३०॥
 एसो जणओ जणणी य, एस एसो अकारणो बंधू । एसो मित्तं एसो, परमुवयारी नमोक्कारो ॥३१॥
 सेयाण परमसेयं, मंगल्लाणं च परममंगल्लं । पुत्राण परमपुत्रं, फलं फलाणं नमोक्कारो ॥३२॥
 तह एस नमोक्कारो, इहलोगगिहाओ जीवपहियाण । परलोयपहपयट्टाण, परम^१पच्छयणसारिच्छो ॥३३॥
 जह जह तस्सयणरसो, परिणमइ मणम्मि तह तह कमेण । खयमेइ कम्मगंठी, नीरनिहिताडडमकुंभो व्य ॥३४॥
 तयनियमसंजमरहो, पंचनमोक्कारसारहिपउत्तो । नाणतुरंगमजुत्तो, नेइ नरं नेव्युइनगरं ॥३५॥
 जलणो वि होज्ज सीओ, पडिपहहुत्तं वहेज्ज सुरसरिया । न य नाम न नेज्ज इमो, परमपयपुरं नमोक्कारो ॥३६॥
 आराहणापुरस्सर-मडणन्नहियओ विसुद्धलेसागो । संसारुच्छेयकरं, ता मा सिडिलसु नमोक्कारं ॥३७॥
 एसो हि नमोक्कारो, कीरइ नियमेण मरणकालम्मि । जं जिणवरेहिं दिट्ठो, संसारुच्छेयणसमत्थो ॥३८॥
 अक्खेवेणं कम्म-क्खओ तहा मंगलाडडगमो नियमा । तक्काले च्चिय सम्मं, पंचनमोक्कारकरणफलं ॥३९॥
 कालन्तरभाविफलं तु, दुयिहमिहभयियमडण्णभयियं च । इहभयियमडत्थकामा, उभयभवसुहायहा सम्मं ॥४०॥
 इहभवसुहायहा तत्थ, ताय अकिलेसभयणओ ताण । आरोग्गपुव्वगं तह, निव्विग्घं ताण माणणओ ॥४१॥
 परभवसुहायहा पुण, सुत्तविहीए सुठाणविणियोगा । पंचनमोक्कारफलं, अह भन्नइ अन्नभयियं पि ॥४२॥
 जइ वि न तज्जम्मे च्चिय, सिद्धिगमो कह वि जायए तह वि पत्तनमोक्कारा एक्क-सिं पि किर तमडविराहिंता ॥४३॥
 उत्तमदेवेसु तहा, कुलेसु विउलेसु अतुलसुभकलिया । हिंङ्गिता पज्जंते, सिज्झंति चैव विहुयरया ॥४४॥
 इह पुण परमत्थेणं, नाणावरणाडडइयाण कम्माणं । पइय्थणमडणंतपोगल-विगमम्मि जायमाणम्मि ॥४५॥
 पाउणइ नमोक्कारस्स, पढमं वण्णं नकारमडह सेसे । वन्ने पत्तेयं चिय, तदडणंतविसुद्धिसव्भावो ॥४६॥
 एवं एक्केक्कं पि हु, अक्खरमडच्चन्तकम्मखयलब्भं । जस्स स कहं न वंछिय-फलदाई होइ नवकारो ॥४७॥

किंच—

इहभयियमडत्थकामा, जं भणियं तत्थ अत्थविसए ता । सावगपुत्तो नायं, जायडत्थो मडगयइयरओ ॥४८॥

तहाहि—

“श्रावकपुत्रदृष्टान्तः”

एगम्मि महानगरे, सावगपुत्तो उ जोव्वणुम्मत्तो । वेसाजूयपसंगी, अच्चंतपमायपडिबद्धो ॥४९॥

सुचिरं बहुप्पयारेहिं, भन्नमाणो वि धम्मपडिवितिं । न कुणइ निरंडकुसो करि-वरो व्य विस्संथुलं ललइ ॥५०॥

अह सो पिउणा करुणाए, याहरेऊण मरणसमयम्मि । भणिओ पुत्तय! जइ वि हु, दढं पमतो तहावि तुमं ॥५१॥

1. पच्छयणं = पथ्यदनं = शम्बलम् ।

पंचनमोक्कारमिमं, समन्थवन्थूण साहणसमन्थं । पढसु सया य सरेज्जसु, दुत्थाडवत्थासु वरमंतं ॥५२॥
 एयस्स पभावेणं, न विद्वन्तीह भूयवेयाला । खुद्दोवद्वयवग्गो, सेसो वि पणस्सइ अवस्सं ॥५३॥
 एयं पिउणो वयणो-वरोहओ सो तहति पडियन्नो । कालं गए य जणए, खीणम्मि य अत्थसारम्मि ॥५४॥
 सच्छंदभमणसीलो, घडेइ मेत्ति तिदंडिणा सद्धिं । उज्झियकुलक्कमाणं, केतियमिममडहव पुरिसाणं ॥५५॥
 एगम्मि अवसरे सो, भणिओ य तिदंडिणा सविस्संभं । कसिणचउदिसिरयणीए, मडयमडविणट्टलट्टंउंगं ॥५६॥
 आप्पेसि जइ तुमं भद!, ता तुहं विद्ववेमि दारिदं । तं साहिऊण अहयं, दिव्वए मंतसत्तीए ॥५७॥
 पडिवन्नमिमं सावयसुएण, पत्ते य भणियसमयम्मि । विजणमसाणपएसे, तहेव तेणोवणीयं से ॥५८॥
 पाणिपइद्वियखग्गं, ठवियं च तयं तु मंडलगउवरिं । सावयसुओ य पुरओ, तस्सेव निवेसियो तत्थ ॥५९॥
 सो य तिदंडी बाढं, विज्जं उच्चारिउं समाडउरद्धो । विज्जाडउवेसयसेण य, मडगं उट्टेउमाडउरद्धं ॥६०॥
 भीओ सावयपुत्तो, सरिओ य झडति पंचनवकारो । तप्पडिहयसामन्थं, पडियं च महीयले मडयं ॥६१॥
 पुणरवि तिदंडिदढविज्ज-जायओ उट्टिऊण पडियम्मि । मडए भणियमडणेणं, सावयसुय! मुणसि किंपि तुमं ॥६२॥
 तेणं परंपियं नेव, किंपि अह झाणपरिसाडउरुद्धो । जविउं पुणो तिदंडी, पारद्धो निययवरविज्जं ॥६३॥
 सडढसुयमडक्खमेणं, पंचनमोक्काररक्खियं हंतुं । 'दोहंडिओ तिदंडी, मडएण झडति खग्गेण ॥६४॥
 अह मडयखग्गाघायप्पभाव-संजायजायरुवंडगो । सावयसुएण दिट्ठो, झति तिदंडी पहिट्ठेण ॥६५॥
 ताहे तदंडगुयंगाइं, खंडिउं णियगिहे निहिताइं । पंचपरमेट्टिमंत-प्पभावओ ईसरो जाओ ॥६६॥
 कामविसयम्मि नायं तु, सायिगा मिच्छदिट्ठिणो भज्जा । जीए नमोक्काराओ, जाओ सप्पो वि ^२कुसुमसरी ॥६७॥
 तथाहि—

“श्रीमतीदृष्टान्तः”

एगम्मि सन्निवेसे, मिच्छदिट्ठी गिहाडहिवो एक्को । भज्जा य सायिया से, अच्चयन्तं धम्मपडिबद्धा ॥६८॥
 तीसे उवरिं अवरं, भज्जं परिणेउमीहमाणो सो । ससवत्तिगो ति तं पुण, अलहंतो खुद्दपरिणामो ॥६९॥
 चिन्तेइ पुव्वभज्जं, कहं हणिस्सं ति अन्नया कसिणं । सप्पं घडे ^३निहिता, भयणस्सडब्भन्तरे ठयइ ॥७०॥
 कयभोयणो य तं भणइ, सायियं अमुगठाणणिहियाउ । घडयाओ कुसुममालं, भद! मज्झं पणामेहि ॥७१॥
 अह सा गिहे पविट्ठा, अचक्खुविसओ ति पंचनवकारं । सरमाणी तम्मि घडे, कुसुमन्थं पक्खिवइ हत्थं ॥७२॥
 एत्थंतरम्मि सप्पो, अवहरितो देवयाए गंधड्ढा । ठविया य तम्मि ठाणे, वियसियसियकुसुमवरमाला ॥७३॥
 घेतुं सा तीए सम-प्पिया य पइणो तओ ससंभंतो । गंतूण तं णिहालइ, घडयं नो पेच्छइ प्पं ॥७४॥
 ताहे महप्पभाव ति, पायवडिओ कहेइ नियवत्तं । खामेऊण य ठावइ, तं नियघरसामिणिपयम्मि ॥७५॥
 इय इहलोगे धणकाम-साहगो एस ताव नवकारो । परलोगे च्चिय सुहओ, हुंडियजक्खस्स व इमो ति ॥७६॥
 तथाहि—

“हुण्डिकयक्षादिदृष्टान्तः”

महुराए नगरीए, हुंडिज्जनामो उ तक्करो लोयं । मुसमाणो अणवरयं, पत्तो आरक्खपुरिसेहिं ॥७७॥
 आरोवेऊणं रास-भम्मि नगरीए भामिओ पच्छा । पक्खित्तो सूलाए, भिण्णसरीरो य तीए दढं ॥७८॥
 तन्हाक्किलामियंडगो, तेण पएसेण पेच्छिउं जंतं । जिणदत्तणामधेयं, सुसावगं भणइ सुदुहट्ठो ॥७९॥
 हंभो! महायस! तुमं, सुसावगो दुक्खिएसु करुणपरो । ता मम तिसियस्स लहुं, कत्तो वि जलं पणामेहि ॥८०॥
 अह सावएण भणियं, इमं नमोक्कारमडणुविचिन्तेहि । जा ते आप्पेमि जलं, जइ पुण विस्सारिहिसि एयं ॥८१॥
 ता आणीयं पि न तुज्झ, भद! दाहामि एव भणिओ सो । तल्लोलुययाए दढं, नवकारं सरिउमाडउरद्धो ॥८२॥
 जिणदत्तो पुण सलिलं, गहाय गेहाओ आगओ जाव । नवकारमुच्चरंतस्स, ताव से अइगयं जीयं ॥८३॥
 तो तप्पभावओ सो, मरिउं जक्खत्तणं समडणुपत्तो । अह चोरभत्तदाइति, रायपुरिसेहिं जिणदत्तो ॥८४॥
 घेतूण अप्पिओ नरवइस्स तेणाडवि जंपियमिमं पि । सूलाए आरोवह, तक्करपडितुल्लदोसं ति ॥८५॥
 एवं वुत्ते नीओ, जिणदत्तो तेहिं आघयणठाणे । एत्थंतरम्मि हुंडिय-जक्खेण पउंजिओ ओही ॥८६॥

1. दोहंडिओ = द्विखण्डितः । 2. कुसुमसरी = कुसुममाला । 3. छुहिता पाठो० ।

सूलाए निम्बिन्त्रं, नियदेहं सावयं च तह दट्टुं । रुद्धो सो नयरोवरि, पव्ययमुप्पाडिउं भणइ ॥८७॥
 रे! रे! देवयभूयं, सावयमेयं ख्रमाविउं मुयह । इहरा इमेण गिरिणा, तुम्मे सव्ये वि चूरिस्सं ॥८८॥
 अह भीएणं रत्ता, जिणदत्तो ख्रामिऊण पम्मुक्को । इय हु डियचोरस्स व, परलोगसुहो नमुक्कारो ॥८९॥
 एवं च उभयलोगे वि, सोक्खमूलं इमं मुणेऊणं । आराहणाडभिलासी, ख्रवग! तुमं सइ सरेज्ज जओ ॥९०॥
 “पंचण्ह णमोक्कारो, जीवं मोएइ भवसहस्साओ । भावेण कीरमाणो, होइ पुणो बोहिलाभाय ॥९१॥
 पंचण्ह णमोक्कारो, धन्नाण भवक्खयं करेन्ताणं । हिययं अणुम्मयंतो, विसोत्तियावारओ होइ ॥९२॥
 पंचण्ह नमोक्कारो, एवं ख्रलु वन्निओ महडत्थो ति । जो मरणम्मि उवग्गे अभिक्खणं कीरण बहुसो ॥९३॥
 पंचण्ह नमोक्कारो, सव्यपावप्पणासणो । मंगलाणं च सव्वेसिं, पढमं भवइ मंगलं” ॥९४॥
 इय ताव भणियमेयं, पंचनमोक्कारनामपडिदारं । सम्मन्नाणुवओगाडभि-हाणमडक्खेमि अह नवमं ॥९५॥

“सम्यग्ज्ञानोपयोगद्वारम्” —

ख्रमग! पमायं उम्मूलिऊण, नाणोयओगयं होसु । जम्हा सव्वाडडबाहा-विवज्जियं जीवलोगस्स ॥९६॥
 नाणं चक्खू नाणं, पईवओ नाणमेव दिणणाहो । तिहुयणतिमिसगुहाए, पगासरयणं परं नाणं ॥९७॥
 जइ ताव नाणचक्खू, न होज्ज जीवाण जीवलोगम्मि । ता मोक्खमग्गविसया, सम्मपवित्ती न जाएज्जा ॥९८॥
 कह या कुबोहसलहाड-वहारिणाणप्पईवविरहेण । होज्जा जयं वरायं, मिच्छततमोभरडक्कतं ॥९९॥
 तह फुरइ फुडं हयतम-सन्नाणदिवायरप्पभावेण । संसारसरे सुंदर-विवेयकमलाडडयरवियासो ॥१००॥
 तिहुयणतिमिसगुहाए, अन्नाणतमंडधयारघोराए । जइ नो हुतो सन्नाण-कागणीरयणवाचारो ॥१०१॥
 ता कह इमं वरायं, मूढं जिणचक्किमग्गमडणुलगं । अप्पडिहयप्पयारं. इह ^१नीहंतं भवियसेणं ॥१०२॥
 सक्का सुएण णाउं, उडुडं च अहं च तिरियलोगं च । ससुराडसुरं समणुयं, सगरुलभुयगं सगंधव्यं ॥१०३॥
 बंधं मोक्खं गइमाडडगइं च, जीवाण जीवलोगम्मि । जाणंति सुयसमिद्धा, जिणसासणभावियमईया ॥१०४॥
 सूई जहा ससुत्ता, न नासइ कयवरम्मि पडिया वि । जीवो वि तह ससुत्तो, न नासइ गओ वि संसारे ॥१०५॥
 सूई जहा असुत्ता, नासइ पडिया कयारमज्झम्मि । पुरिसो वि तह असुत्तो, नासइ संसारगहणम्मि ॥१०६॥
 जह आगमेण वेज्जो, जाणइ वाहिं चिगिच्छिउं निउणो । तह आगमेण नाणी, जाणइ सोहिं चरित्तस्स ॥१०७॥
 जह आगमपरिहीणो, वेज्जो, वाहिस्स न मुणइ तिगिच्छं । तह आगमपरिहीणो, चरित्तसोहिं न याणाइ ॥१०८॥
 तम्हा पुव्वं पुव्वरिसि-परुवियम्मि अप्पमत्तेहिं । उज्जोओ कायव्यो, नरेहिं मोक्खाडभिकंखीहिं ॥१०९॥
 मेहा होज्ज न होज्ज व, जं सा कम्मक्खओवसमसज्झा । उज्जोओ कायव्यो, नाणं अभिकंखमाणेहिं ॥११०॥
 जइ वि य दिवसेण पयं, पढेइ पक्खेण वा सिलोगद्धं । नाणं सिक्खेउमणो, तह वि हु मा मुंच उज्जोगं ॥१११॥
 पेच्छह ता अच्छेरं, अणडच्छमाणीए अच्छमाणस्स । पासाणस्स बलवओ, ख्रओ कओ वारिधाराए ॥११२॥
 तह सीयएण मउयएण, जोगं अमुंचमाणेण । उदएण गिरी भिन्नो, थेवं थेवं वहंतेण ॥११३॥
^२अपरिजिएण मणूसो, बहूणा वि सुएण अपरिसुद्धेण । ख्रलिएण संकिएण य, जाणुयजणहासओ होइ ॥११४॥
 थेवेण वि अख्रलियसुद्धएण, थिरपरिचिएण गहियत्थो । सज्झाएण मणूसो, अलज्जियाडणाउलो होइ ॥११५॥
 गंगाए वालुयं जो मिणेज्ज, उस्सिंचिऊण य समत्थो । हत्थउडेहिं समुद्धं, सो नाणगुणे अणुमिणेज्जा ॥११६॥
 पावाउ विणिवित्ती, तहा पवित्ती य कुसलधम्मस्स । विणयस्स य पडिवत्ती, तिन्नि वि नाणस्स कज्जाइ ॥११७॥
 संजमजोगे आराहणा य, आणा य वद्धमाणस्स । सक्का नाउं नाणेण, तेण नाणं अहिज्जेज्जा ॥११८॥
 नाणे आउत्ताणं, नाणीणं नाणजोगजुत्ताणं । को निज्जरं तुलेज्जा, पयडियसियपउणपयवीणं ॥११९॥
 छट्टुडुमदसमदुवालसेहिं, अबहुस्सुयस्स जा सोही । ततो बहुतरगुणिया, हवेज्ज जिमियस्स नाणिस्स ॥१२०॥
 एक्काडहेण तयस्सी, भवेज्ज नडत्थेत्थ संसओ को वि । एक्काडहेण सुयधरो, न होइ धंतं पि तूरंतो ॥१२१॥
 जं नेरइओ कम्मं, ख्रवेइ बहुयाहिं वासकोडीहिं । तं नाणी तिहिं गुत्तो, ख्रवेइ ऊसासमेतेणं ॥१२२॥
 नाणेण सव्यभावा, नज्जति चराडचरा तिहुयणत्था । तम्हा नाणं कुसलेण, सिक्खिययं पयतेणं ॥१२३॥

1. नीहंतं = निरसरिष्यत् B । 2. अपरिचितेन ।

| | |
|---------------------------------------------------------------------------------------------------|------|
| नाणं गिण्हइ नाणं गुणेज्ज, नाणेण कुणइ किच्च्वाइं । इय संसारसमुद्धं, नाणी नाणट्ठिओ तरइ | ॥२४॥ |
| नाणं खु सिक्खियय्यं, नरेण लद्धूण दुल्लहं बोहिं । जइ इच्छा नाउं जे, जीवस्स विसोहणं परमं | ॥२५॥ |
| सव्वत्थामेण सुयं, घेतव्यं जहबलं तवो किच्चं । उस्सुत्तं कीरंतो, तवो वि न जओ गुणाय भवे | ॥२६॥ |
| किंच— | |
| न हु मरणम्मि उवग्गे, सक्को बारसविहो सुयक्खंधो । सव्वो अणुचितेउं, धणियं पि समत्थचित्तेणं | ॥२७॥ |
| ता जो एक्कपयम्मि वि, संजोगं कुणइ वीयरामए । सो तेण मोहजालं, छिंदइ अज्झप्पजोगेणं | ॥२८॥ |
| एक्कम्मि वि मोक्खनिबंधणम्मि, जो होइ निच्चमाडउत्तो । तं तस्स होइ नाणं, जेण विरागतणमुवेइ | ॥२९॥ |
| जे पयणुभत्तपाणा, सुयहेउं ते तवस्सिणो नेया । सुत्तयित्ताण तवो, जरविहराण व छुहामारो | ॥३०॥ |
| नाणेण वज्जणिज्जं, वज्जिज्जइ किज्जइ य करणिज्जं । नाणी जाणइ काउं, कज्जमडकज्जं च वज्जेउं | ॥३१॥ |
| नाणसहियं चरित्तं, नूणं संपायगं गुणसयाणं । एसा जिणाणमाडउणा, नउत्थि चरित्तं विणाडउणाए | ॥३२॥ |
| जं नाणं तं करणं, जं करणं पवयणस्स सो सारो । जो पवयणस्स सारो, सो परमत्थो ति नायव्वो | ॥३३॥ |
| परमत्थगहियसारो, बंधं मोक्खं मुणेइ जीवाणं । नाऊण बंधमोक्खं, खवेइ भवसंचियं कम्मं | ॥३४॥ |
| नाउदंसणिस्स नाणं, न य अन्नाणिस्स होंति चरणगुणा । अगुणस्स नत्थि मोक्खो, नत्थि असुत्तस्स निव्व्याणं | ॥३५॥ |
| भदं बहुस्सुयाणं, सव्वत्थेसु परिपुच्छणिज्जाणं । नाणेणुज्जोयकरा, जे सिद्धिगएसु वि जिणेसु | ॥३६॥ |
| किं एत्तो लट्ठयरं, अच्छेरयरं व सुंदरतरं वा । चंदमिव जमिह लोया, बहुस्सुयमुहं पलोयंति | ॥३७॥ |
| चंदाउ नीइ जोन्हा, बहुस्सुयमुहाउ नीइ जिणवयणं । जं सोऊण मणूसा, तरंति संसारकंतां | ॥३८॥ |
| चोदसपुव्वधरा जे, ओहिन्नाणी य केवली चेव । लोगुत्तमपुरिसाणं, तेसिं नाणं अभिन्नाणं | ॥३९॥ |
| ददमूढमहाणम्मि वि, वरमेगो वि सुयसीलसंपन्नो । मा हु सुयसीलधिगलं, काहिसि माणं पवयणम्मि | ॥४०॥ |
| तम्हा सुयम्मि जत्तो, कायव्वो होइ अप्पमत्तेणं । जेणउप्पाणं परमउवि, दुक्खसमुद्दाउ तारेइ | ॥४१॥ |
| नाणोवयोगरहितो, न तरइ नियचित्तनिग्गहं काउं । नाणं अकुसभूयं, चित्तस्सुम्मतकरिणो च | ॥४२॥ |
| विज्जा जहा पिसायं, सुट्ठु पउत्ता करेइ पुरिसवसं । नाणं हिययपिसायं, सुट्ठु पउत्तं तह करेइ | ॥४३॥ |
| उवसमइ किन्हसप्पो, जह मंतेण विहिणा पउत्तेण । तह हिययकिन्हसप्पो, सुट्ठुयउत्तेण नाणेण | ॥४४॥ |
| आरन्नओ वि हत्थी, मत्तो नियमिज्जए वरत्ताए । जह तह इह नियमिज्जइ, नाणवरत्ताए मणहत्थी | ॥४५॥ |
| जह मक्कडओ खणमउवि, रज्जूए विणा न ठाइ एगत्य । तह खणमउवि मज्झत्थो, नाणेण विणा न होइ मणो | ॥४६॥ |
| तम्हा सो अइचयलो, मणमक्कडओ जिणोवएसेणं । काउं सुत्तनिबद्धो, रामेयव्वो सुहज्जाणे | ॥४७॥ |
| नाणुवओगो तम्हा, खमगस्स विसेसओ सया भणिओ । जह चक्कडट्ठुवओगो, चंदगवेज्जं करंतस्स | ॥४८॥ |
| नाणपईयो पज्जलइ, जस्स हियए विसुद्धलेसस्स । जिणदिट्ठमोक्खमग्गे, न पणासभयं भवे तस्स | ॥४९॥ |
| नाणुज्जोएण विणा, जो इच्छइ मोक्खमग्गमुवगंतुं । गंतुं कडिल्लमिच्छइ, जम्मंउथो इव वरागो सो | ॥५०॥ |
| जइ खंडसिलोगेहिं वि, मरणाउ रक्खिओ जयो साहू । ता कह नो रक्खिज्जइ, जिणुत्तसुत्तेण भवभयओ | ॥५१॥ |
| तहाहि— | |
| “यवमुनिदृष्टान्तः” | |
| उज्जेणीनगरीए, अनिलसुओ नरवई जयो आसि । पुत्तो य गदभो से, जुवराओ परमपणयपयं | ॥५२॥ |
| नीसेसरज्जकज्जाण, चिंतगो दिग्घपिट्ठनामो य । मंती अहेसि विस्सास-भायणं सव्वकज्जेसु | ॥५३॥ |
| अच्चंतरुवकलिया, जवस्स धूया अडोल्लिया आसि । भइणी जुवरन्नो गद-भस्स नवजोव्वणसुहंउगी | ॥५४॥ |
| तं एगया पलोइय, जुवराया मयणविहुरिओ संतो । तदउसंपतीए किसो, पइदियहं होउमाडउरद्धो | ॥५५॥ |
| पुट्ठो य अमच्चेणं, कीस किसो होसि गाढनिब्बंधे । तेणेगंते सिद्धं, ताहे युत्तं अमच्चेण | ॥५६॥ |
| जह कोवि नेव जाणइ, तह भूमिहरे इमं छुहेऊण । भुंजेसु विसयसोक्खं, संतप्पसि कीस तं कुमर! | ॥५७॥ |
| एवं कयम्मि लोगो वि, जाणिही नूण केणई हडति । पडिवन्नं कुमरेणं, कयं च तह चेव मूढेणं | ॥५८॥ |

1. ददमूढपहाणम्मि B । 2. चक्राष्टकोपयोगः ।

वइयरमिमं च नाउं, जवराया जायगाढनिव्वेओ । पुतं रज्जे ठविउं, सुगुरुसमीवम्मि पव्वइओ ॥५९॥
 अणुसासिज्जंतो वि हु, न तहा पाढम्मि सो समुज्जमइ । पुतप्पडिबंधेण य, पुणो पुणो एइ उज्जेणिं ॥६०॥
 अह अन्नया कयाई, उज्जेणिपुरिं पडुच्च वच्चंतो । जवखेतरक्खणुज्जय-मडइनिहुयमिओतओ हुंतं ॥६१॥
 अणुसरिय रासहं खेत-सामिणा फुडगिराए भण्णंतं । पायडियभावमेयं, खंडसिलोगं निसामेत्या ॥६२॥
 “आधावसि पधावसि, ममं चेव निरिक्खसि । लक्खितो ते मए भावो, जवं पत्थेसि गइहा!” ॥६३॥
 एयं च सिलोगं कोउणेण, अवधारिऊण सो साहू । गंतुं पहे पयट्ठो, नवरं एगत्य ठाणम्मि ॥६४॥
 रममाणेहिं डिंभेहिं, खिप्पमाणा कहिं पि बिलमज्झे । पडिया अमुणिज्जंती, अडोल्लिया तं च सव्वत्थ ॥६५॥
 मगांति डिंभाइं, निउणं जा नेव कहवि पेच्छंति । ता तं बिलं पलोइय, डिंभेणेक्कण पडियमिमं ॥६६॥
 “इओ गया इओ गया, मग्गिज्जंती न दीसइ । अहमेयं यियाणामि, बिले पडिया अडोल्लिया” ॥६७॥
 सोच्या इमो वि मुणिणा, कोऊहलओडवधारिओ सम्मं । पत्तो य स उज्जेणिं, ठिओ गिहे कुंभयारस्स ॥६८॥
 तत्थ वि य कुंभयारो, भयभीयमिओतओ पलायंतं । मूसगमाडसज्ज इमं, खंडसिलोगं पढेइ जहा ॥६९॥
 “सुकुमालया भदलया, रतिं हिंडणसीलया । दीहपिट्ठस्स बीहेहि, नत्थि ते ममओ भयं” ॥७०॥
 एसो वि रायरिसिणा, जवेण अवधारिओ सिलोयतियं । एयं च विभायंतो, अच्छइ सो धम्मकिच्चपरो ॥७१॥
 नवरं पुव्वाडणुसयं, किंपि चहंतेण दिग्घपिट्ठेण । तव्वसहीए विविहाडड-उहाणि ठविउं णिवो भणिओ ॥७२॥
 सामन्नपराभग्गो, रज्जत्थमिहाडडगओ तुहं जणगो । पतियसि जइ न मज्झं, ता तव्वसहीए पेहेसु ॥७३॥
 विविहाइं आउहाइं, विविहपयारेहिं नूमियाइं तओ । पेहावियाइं रत्ता, दिट्ठाणि य ताइं तह चेव ॥७४॥
 रज्जाडवहारभीओ, तयडणु णिवो दिग्घपिट्ठपरियरिओ । लोयाडववायरक्खण-कएण रयणीए घेतूण ॥७५॥
 १नीलपहोलिकरालं, करवालं कुंभयारभवणम्मि । केणइ अमुणिज्जंतो, गतो लहुं साहुहणणट्ठा ॥७६॥
 एत्थंतरम्मि मुणिणा, कहंपि पडिओ स पढमसिलोगो । रत्ता नायं नूणं, अइसेसी एस नाओम्हि ॥७७॥
 अह बीओ, वि हु पडिओ, मुणिणा तं पुण निसामिउं राया । विम्हइओ अहह! कहं, भइणीवित्तं पि नायंति ॥७८॥
 अह तइओ वि हु पडिओ, तत्तो राया पवडिदयाडमरिसो । चिन्तइ उज्झियरज्जो, कह मज्झ पिआ पुणो रज्जं ॥७९॥
 वंछेइ नवरमेसो, पावाडमच्चो ममं विणासेउं । एवं कुणइ पयत्तं, ता दुट्ठमिमं हणेमि ति ॥८०॥
 सीसं से छिंदिता, कहेइ साहुस्स निययचुत्तंतं । तो सो सुयपढणे जाय-उज्जमो इय विचितेइ ॥८१॥
 सिक्खिययव्वं मणूसेण, अवि जारिसतारिसं । पेच्छ खंडसिलोगेहिं, जीवियं परिरिक्खियं ॥८२॥
 एत्तो च्चिय पढणत्थं, पुरा ममं गुरुजणोडणुसासितो । मुक्खत्तणेण य अहं, तइया थेवं पि न पढंतो ॥८३॥
 जइ मूढलोयरइयं पि, पडियमेवंफलं सुयं होइ । ता जिणवरप्पणीयं, कहं न होही महाफलयं ॥८४॥
 एवं विभाविउं सो, गओ समीवे गुरुस्स दुच्चिणयं । खामेत्ता जत्तेणं, पडिउं सुतं समारद्धो ॥८५॥
 जीयं संजमपरिपालणं च, एवं जवो समणुपत्तो । इयरो य जणगअविणा-सणेण कितिं च सुगतिं च ॥८६॥
 इय सामन्नसुयस्स वि, पहावमुवलक्खिऊण खवग! तुमं । तेल्लोक्कपहुपणीए, सुयम्मि सव्वाडडयरं कुणसु ॥८७॥
 एयं सम्मंताणोवयोग-पडिदारमडक्खियं एत्तो । पंचमहव्वयरक्खा-दारं दसमं पवक्खामि ॥८८॥

“पञ्चमहाव्रतरक्षाद्वारम्” —

सम्मन्नाणोवओगस्स, होइ वयरक्खणं फलं । वरनिव्व्याननयरपहसं-दणाण ताणं पुण वयाण ॥८९॥
 पढमं वहचाओ बीय-मडलीयविरई तइज्जगमडतेणं । मेहुणनिवित्ती तुरियं, पंचममडपरिग्गहो तत्थ ॥९०॥
 परिहर छज्जीवचहं, सम्मं मणवयणकायजोगेहिं । जीवयिसेसे नाउं, जाजीवमिमे य ते जीवा ॥९१॥
 पुढविदगाडगणिवाया, एक्केक्का सुहुमबायरा हांति । साहारणपत्तेओ, दुविहो य वणस्सई होइ ॥९२॥
 साहारणो य दुविहो, सुहुमो तह बायरो य नायव्वो । पज्जताडपज्जत्तग-भेया सव्वे वि बावीसं ॥९३॥
 दुतिचउरिंदियविगला, पणिंदि सण्णी असन्निणो दुविहा । पज्जताडपज्जत्तग-भेएण तसा दसवियप्पा ॥९४॥
 एमाडडइयियप्पेसुं, जीवेसु सया वि नायपरमत्थो । सव्वाडडयरमुवउत्तो, अप्पोवम्मेण कुणसु दयं ॥९५॥

तहाहि—

“अहिंसामहाव्रतस्वरूपम्”

सव्ये वि हृ जीवा जीवियं स्रु, इच्छन्ति नेय मरिउं जे । ता पाणवहं घोरं, धीरा परिचज्जयन्ति सया ॥९६॥
 तन्हाछुहाडडपरिताविओ वि, जीवाण घायणं काउं । पडियारं सुमिणम्मि वि, कइयावि हृ मा करेज्जासि ॥९७॥
 रइअरइहरिसभयऊसु-गत्तदीणतणाडडडजुतो वि । भोगपरिभोगहेउं, मा तं चिन्तेसु जीववहं ॥९८॥
 तेलोक्कजीवियाणं, वरेहि एगयरयं ति देवेहिं । भणिए तेलोक्कं को, वरेज्ज नियजीवियं मोतुं ॥९९॥
 जं एवं तेल्लोकं, णडग्घइ जीवस्स जीवियं तम्हा । भुवणतयलाभाओ वि, दुल्लहं वल्लहं च सया ॥१००॥
 थोवत्थोवेण बहुं, संजममडज्जिणिय महुरो व्य महुं । तिहुयणसारं हिंसा-महंतकलसेहिं मा चयसु ॥१०१॥
 नत्थि अणूओ अप्पं, आयासाओ महल्लयं नत्थि । जह तह जियरक्खाओ, अवरं पवरं न वयमडत्थि ॥१०२॥

तहा—

जह पव्वएसु मेरु, उच्चागो होइ सव्वलोगम्मि । तह जाणसु अइगरुयं, सीलेसु वएसु य अहिंसं ॥१०३॥
 जह आयासे लोगो, दीवसमुद्दा जहा य भूमीए । तह जाण अहिंसाए, ठियाणि तवदाणसीलाणि ॥१०४॥
 जं जीववहेण विणा, विसयसुहं नत्थि जीवलोगम्मि । ता जीवदया जायइ, महव्वयं विसयविमुहस्स ॥१०५॥
 परिचत्तविसयसंगे, फासुयआहारपाणभोइम्मि । मणवयणकायगुत्ते, होइ अहिंसावयं सुद्धं ॥१०६॥
 कुव्वंतस्स वि जत्तं, तुंबेण विणा न ठंति जह अरया । अरएहिं विणा य जहा, तुंबं पि न साहइ सकज्जं ॥१०७॥
 तह जाण अहिंसाए, विणा उ न पयं लहंति सेसगुणा । न य तेहिं च यिउत्ता, कुणइ सकज्जं अहिंसा वि ॥१०८॥
 सच्चवडमचोरिक्कं बंभ-चेरमडपरिग्गहो अनिसिभत्तं । एयाइं अहिंसाए, रक्खा दिक्खाए गहणं च ॥१०९॥
 जम्हा असच्चवययणाडडइएहिं, दुक्खं परस्स होइ दहं । तप्परिहारो तम्हा, परं अहिंसा गुणाडडहाणं ॥११०॥
 मारणसीलो कुणइ, जीवाणं रक्खसो व्य उव्वेवं । संबंधिणो वि मारंत-यंमि नो जंति विस्सासं ॥१११॥
 जीवगयाडजीवगया, दुविहा हिंसा उ तत्थ जीवगया । अट्टुत्तरसयभेया, इयरा एककारसविहा उ ॥११२॥
 जोगेहिं कसाएहिं, कयकारियअणुमईहिं तह गुणिया । संरंभसमारंभा-डडरंभाउ भवंति अट्टसयं ॥११३॥

तत्थ—

संरंभो संकप्पो, परितायकरो भवे समारंभो । आरंभा उद्वओ, सव्वनयाणं विसुद्धाणं ॥११४॥
 निक्खेवो निव्वत्ती, तहेव संजोयणा निसग्गो य । कमसो चउ-दुग-दुगतिग-भेयादेक्कारस भवंति ॥११५॥
 अपमज्जियदुपमज्जिय-सहसाडणाभोगओ य णिक्खेवो । कोउयदुप्पउत्तो, तहोवगरणं च निव्वत्ती ॥११६॥
 संजोयणमुवगरणाण, पढममियरं च भत्तपाणाणं । दुद्धनिसिद्धा मणवइ-काया भेया निसग्गस्स ॥११७॥
 हिंसाओ अचिरमणं, वहपरिणामो य होइ हिंसा जं । तम्हा पमत्तजोगो, पाणव्यवरोवओ निच्चं ॥११८॥
 जीवो कसायबहुलो, संतो जीवाण घायणं कुणइ । जो पुण विजियकसायो, सो जीववहं परिच्चयइ ॥११९॥
 आयाणे निक्खेवे, वोसिरणे ठाणगमणसयणे य । सव्वत्थ अप्पमत्ते, टयावरे होइ हृ अहिंसा ॥१२०॥
 काएसु निरारंभे, सन्नाणे रइपरायणमणम्मि । सव्वत्थुवओगपरे, संपुत्ता होइ हृ अहिंसा ॥१२१॥
 तेणेवाडडरंभरया-णाडणेसणीयाडडइपिंडभोईण । घरसरणप्पडिबद्धाण, सायरसगिद्धिगिद्धाणं ॥१२२॥
 सच्छंदपयाराणं, गामकुलाडडईसु कयममत्ताण । अन्नाणीणमडहिंसा, न घडइ खरसिरविसाणं च ॥१२३॥
 ता नाणदाणदिक्खा-दुक्करतवजागसुगुरुसेवाणं । जोगडड्भासाणं पि हृ, सारो एक्को च्विय अहिंसा ॥१२४॥
 अप्पाउमडणारोग्गं, दोहग्ग-दुरुवया य दोगच्चं । दुव्वन्नगंधरसया य, हींति वहगस्स परलोए ॥१२५॥
 तम्हा इह परलोए, दुक्खाणि सया अणिच्छमाणेणं । उवओगो कायव्वो, जीवदयाए सया मुणिणा ॥१२६॥
 जं किंचि सुहमुयारं, पहुत्तणं पयइसुंदरं जं च । आरोग्गं सोहग्गं, तं तमडहिंसाफलं सव्वं ॥१२७॥

“मृषावादविरमणस्वरूपम्” —

परिहर असच्चवयणं, खमग! चउब्भेयमडवि पयतेण । संजमवंता वि जओ, भासादोसेण लिप्पंति ॥१२८॥
 सव्वभूयडत्थनिसेहो, पढममडसच्चं न सन्ति जह जीवा । बीयमडसव्वभूयकहा, संति जहा भूयकत्तारा ॥१२९॥
 अन्नह वयणं तइयं, निच्चो जीवो भवे अणिच्चो वा । साडचज्जमडणेगयिहं, वयणमडसच्चं चउत्थं तु ॥१३०॥

जतो पाणिचहाडडई, दोसा जायति तमिह साडवज्जं । अप्पियवयणं च तहा, कक्कसपेसुण्णमाडडइयं ॥३१॥
 हासेण व कोहेण व, लोभेण भणण वा वि तमडसच्चं । मा भणसु भणसु सच्चं, जीवहियत्थं पसत्थमिणं ॥३२॥
 मियमहुरमडखरमडफरुस-मडच्छलकज्जोवगं असावज्जं । धम्माडहम्मियसुहयं, भणाहि तं चेव य सुणाहि ॥३३॥
 सच्चं वयंति रिसिणो, रिसीहिं चिहियाउ सच्चयिज्जाउ । मेच्छस्स वि सिज्झंती, नियमेणं सच्चवाइस्स ॥३४॥
 विस्ससणिज्जो माय व्व, होइ पुज्जो गुरुव्व लोगस्स । सयणो व्व सच्चावाई, पुरिसो सच्चस्स होइ पिओ ॥३५॥
 सच्चम्मि तवो सच्चम्मि, संजमो तम्मि चेव सच्चगुणा । इह संजओ वि मोसेण, होइ तणतुच्छओ पुरिसो ॥३६॥
 न डहइ अग्गी न जलं पि, बोलए सच्चवाइणं पुरिसं । सच्चबलियं सुपुरिसं, न नेइ तिक्खा गिरिनई वि ॥३७॥
 सच्चेण देवयाओ, नमंति पुरिसस्स ठंति य वसम्मि । सच्चेण गहग्गहियं, मोइंति करंति रक्खं च ॥३८॥
 सच्चं ववगयदोसं, वोत्तूण जणस्स मज्झयारम्मि । पावइ परमं पीइं, जसं च जययिस्सुयं लहइ ॥३९॥
 मायाए वि हु वेसो, पुरिसो अलिणण होइ एक्केण । किं पुण सेसाण भुयं-गमो व्व नो होज्ज अइवेसो ॥४०॥
 अप्पच्चओ अकित्ती, धिक्कारो कलहवेरभयसोगा । धणनासो वहबंधो, असच्चवाइम्मि संनिहिया ॥४१॥

“अदत्तादानविरमणस्वरूपम्” —

परलोगम्मि वि दोसा, ते चेव हवंति अलियवाइस्स । चोरिक्काडडई सेसे, जतेण वि परिहरंतस्स ॥४२॥
 इहलोगपारलोइय-दोसा जे होंति अलियवयणस्स । कक्कसवयणाडडईण वि, दोसो ते चेव नायव्वा ॥४३॥
 अलियं पयंपमाणो, एमाडडई पावए बहु दोसे । परिहरमाणो तं पुण, तच्चिवरीए य लहइ गुणे ॥४४॥
 मा कुणसु धीर! बुद्धिं, अप्पं च बहुं च परधणं घेतुं । दंतंतरसोहणयं, किलिचमेतं पि अविइण्णं ॥४५॥
 जह भक्कडओ पक्कप्फलाइं, दट्टूण धाइ^१धाओ वि । इय जीवो परविहवं, विविहं दट्टूण अहिलसइ ॥४६॥
 न य तं लहइ न भुंजइ, भुत्तं पि न कुणइ निव्वुइं तस्स । सच्चजएण वि जीवो, लोभाडडविट्ठो न तिप्पइं य ॥४७॥
 तह जो अत्थं अचहरइ, जस्स सो जीवियं पि से हरइ । जं सो अत्थकएणं, उज्झइ जीयं न उण अत्थं ॥४८॥
 हुंते य तम्मि जीवइ, सुहं च सकलत्तओ तओ लहइ । तं पुण तस्स हरंतेण, तेण सच्चं पि हडमेव ॥४९॥
 ता जीवदयं परमं, धम्मं गहिऊण गेण्ह माडदिण्णं । जिणगणहरपडिसिद्धं, लोयविरुद्धं च अहमं च ॥५०॥
 चरिउं पि चिरं चरणं, किलिचमेतं पि घेतुमडविदिण्णं । तणलहुओ होइ नरो, अप्पच्चइओ य चोरो व्व ॥५१॥
 वहबंधजायणाओ, छायाभंसं पराभवं सोगं । पावइ चोरो सयमडवि, मरणं सच्चस्सहरणं च ॥५२॥
 निच्चं दिया य रत्तिं च, संकेमाणो न निद्धमुवलभइ । भयतरलं पेच्छंतो, अच्छइ गच्छइ य हरिणो व्व ॥५३॥
 उंदुरकयं पि सद्धं, सोच्चा परिवेवमाणसच्चंउगो । सहसा समंतओ तह, उच्चिणो धावइ खलंतो ॥५४॥
 परलोगम्मि वि चोरो, करेइ नरयम्मि अप्पणो वसहिं । तिच्चाओ वेयणाओ, अणुभवइ तत्थ सुचिरं पि ॥५५॥
 तिरिचगईए वि तहा, चोरो पाउणइ तिक्खदुक्खाइं । किं बहुणा दुत्तारे, संसारसरे सरइ बहुसो ॥५६॥
 हरिया व अहरिया वा, नस्संति नरभवेवि तस्सउत्था । न हु से धणमुवचीयइ, सयं च ओलोइइ धणाओ ॥५७॥
^२परदव्वहरणबुद्धी, सिरिभूई दुक्खदारुणे नरए । पडिओ ततोउणंतं, भमिओ संसारकंतारे ॥५८॥
 एए सच्चं दोसा, न होंति परदव्वहरणविरयस्स । होंति समग्गा य गुणा, एतो च्विय निच्चमुवउत्तो ॥५९॥
 देवेदरायगहवइ-सागरिसाहम्मिओग्गहम्मि तुमं । समुचियविहिणा दिण्णं, गेण्हसु सामण्णहेउं ति ॥६०॥

“मैथुनविरमणस्वरूपम्” —

रक्खाहि बंधचेरं च, बंधगुत्तीहिं नवाहिं परिसुद्धं । निच्चं पि अप्पमतो, पंचविहे इत्थिचेरग्गे ॥६१॥
 जीवो बंधा जीवम्मि, चेव चरिया भवेज्ज जा जइणो । तं जाण बंधचेरं, विमुक्कपरदेहतत्तिस्स ॥६२॥
 “वसहिकहनसेज्जोदिय-कुडुंतरपुच्चकीलियपणीए । अइमायाडडहारविभूसणा य, नव बंधगुत्तीओ” ॥६३॥
 कामकया^१ इत्थिकया^२, दोसा असुइत्त^३ वुडडसेवा^४ य । संसग्गीदोसा^५ वि य, करंति इत्थीसु वेरग्गं ॥६४॥
 जाचइया किर दोसा, इह परलोगे दुहाडडवहा होंति । आवहइ ते उ सच्चं, मेहुणसन्ना मणूसस्स ॥६५॥
 सोयइ वेवइ तप्पइ जंपइ कामाडडउरो असंबद्धं । रत्तिं दिया वि निद्धं, न लहइ पज्झाइ विमणो य ॥६६॥

1. धातः = तूमः । 2. इयं गाथा ताडपत्रीयप्रत्यां नास्ति ।

सयणे जणे च सयणाडडसणे वि, गामे घरे अरन्ने वा । कामपिसायग्गहिओ, न रमइ तह भोयणाडडईसु ॥६७॥
कामाडडउरस्स गच्छइ, खणो वि संवच्छरो च्च पुरिसस्स । सीयंति य अंगाई, वहइ मणे इट्टउक्कठं ॥६८॥
करयलकलियकवोलं, बहुसो चिंतेइ किंपि दीणमुहो । कामुम्मतो अंतो, अंतो डज्झइ य चिंताए ॥६९॥
विवरीयविहिचसेण य, कामिज्जंते जणे अलब्भंते । पाडइ निरत्थयं सो, गिरिजलजलणेसु अप्पाणं ॥७०॥
अरइरइतरलजीहाजुएण, संकप्पउब्भडफडेण । विसयविलयासिणा मय-सुहेण बिब्बोयरोसेण ॥७१॥
कामभुयगेण दट्ठा, विलासनिम्मोयदप्पदाढेण । नासंति नरा अयसा, दुसहदुक्खुक्कडविसेण ॥७२॥
आसीविसेण दट्टस्स, होंति वेया नरस्स सत्तेव । कामभुयंगमदट्टस्स, होंति वेया दस दुरंता ॥७३॥
पढमे चिंतइ वेगे, दट्टुं तं इच्छए बिइयवेगे । नीससइ तइयवेगे, आरुहइ जरो चउत्थम्भि ॥७४॥
डज्झइ पंचमवेगे, अंगं छट्टे न रोयए भत्तं । मुच्छिज्जइ सत्तमए, उम्मतो होइ अट्टमए ॥७५॥
नचमे किंपि न याणइ, दसमे पाणेहिं मुच्चइ अयस्सं । संकप्पवसेण पुणो, वेगा तिच्चा य मंदा य ॥७६॥
सूरडग्गी दहइ दिया, रत्तिं च दिया य दहइ कामडग्गी । सूरग्गिणोउत्थि उच्छा-यणं पि कामग्गिणो नत्थि ॥७७॥
विज्झायइ सूरग्गा, जलोचयाराडडइणा न कामग्गी । सूरग्गी दहइ तयं, सबाहिरउब्भंतरं इयरो ॥७८॥
कामपिसायग्गहिओ, हियमडहियं वा न अप्पणो मुणइ । पेच्छइ कामग्घत्थो, हियं भणंतं पि सत्तुं च ॥७९॥
कामग्घत्थो पुरिसो, तिलोयसारं पि चयइ सुयरयणं । तेलोक्कपूइयं न य, माहप्पं पि हु गणइ मूढो ॥८०॥
तेलोक्कपूयणिज्जे, जिणेहिं भणिए सयं च विन्नेये । मन्नइ तणं च तयनाण-चरणदंसणयरगुणे वि ॥८१॥
अरहंतसिद्धआयरिय-वायगाणं च साहुवग्गस्स । कुणइ अयन्नमडधन्नो, अविभार्वंतो भवुत्थभयं ॥८२॥
अयसमडणत्थं दुक्खं, इहलोए दुग्गइं च परलोए । संसारं च अणंतं, न गणइ विसयाडडमिसे गिद्धो ॥८३॥
लल्लक्कनरयविणयाउ, धोरसंसारसायरुव्वहणं । संगच्छइ न य पेच्छइ, तुच्छत्तं कामियसुहस्स ॥८४॥
गायइ नच्चइ धोवइ, चलणजुयं पि हु मलेइ अंगाई । सोहइ मुत्तपुरीसं, कुलम्भि जाओ वि विसयवसो ॥८५॥
वम्महसरसयविद्धो गिद्धो वणिओ च्च रायपत्तीए । पाउक्खालयगेहे, दुग्गंधे गेगसो वसिओ ॥८६॥
कामुम्मतो न मुणइ, गम्माडगम्मं च वेसियाणो च्च । सेट्ठी कुबेरदत्तो च्च, नियसुयासुरयरइसत्तो ॥८७॥
इहलोगे वि महल्लं, दुक्खं कामस्स वसगओ पत्तो । मरिउं च पावबद्धो, कडारपिंगो गओ नरयं ॥८८॥
एए सच्च्ये दोसा, न होंति पुरिसस्स बंभयारिस्स । तच्चिवरीया य गुणा, भवंति विविहा विरागिस्स ॥८९॥
महिला इहपरभविए, हणिऊण गुणे नरस्स सवसस्स । उभयभवदुक्खज्जणगे, दोसे नियमेण आणेइ ॥९०॥
महिला सहावकुडिला, अडणिव्व बहुं पि अणुसरिज्जंती । पुरिसं सभूमिगाउ, वालिय विविहं भमाडेइ ॥९१॥
महिला पहधूलिसमा, सहावकलुसा अकलुसपयइं पि । लद्धप्पसरा पुरिसं, सव्वंगं चेव कलुसेइ ॥९२॥
महिला वंसकुडंगी च, गहणभूया सहावओ चेव । संपन्नफला वि हु कुणइ, निययवंसक्खयं दुट्ठा ॥९३॥
महिलासु नत्थि वीसंभएण, पणयपरिचयकयन्नुयाडडइगुणा । उज्झति नियकुलाई, जमडन्नचित्ताओ ताओ लहुं ॥९४॥
पुरिसे वीसंभेइ, महिला हेलाए चेव पुरिसा उ । महिलं वीसंभेउं, बहुप्पयारेहिं वि न सक्का ॥९५॥
अइलहुगे वि अविणए, कयम्भि सुकयाण लक्खमडगणेंती । पडमडप्पाणं सयणं, कुलं धणं नासए महिला ॥९६॥
अहवा-
अकए वि हु अवराहे, नारीओ नरंडतरे कयमणाओ । कुच्चंति वहं पइणो, सुयस्स ससुरस्स पिउणो वि ॥९७॥
सक्कारं उचयारं, गुणं च सुहलालणं च नेहं च । महुरचयणं च महिला, परप्पसत्ता परिप्फुसइ ॥९८॥
चोरडग्गिचग्घविसजलहि-मत्तगयकसिणसप्पसत्तूसु । सो वीसंभं गच्छइ, वीसंभइ जो महिलियासु ॥९९॥
वग्घाडडइया य अहवा, दोसं न नरस्स तमिह कुच्चंति । जं कुणइ महादोसं, दुट्ठा महिला मणूसस्स ॥१००॥
रोगो दारिदं वा, जरा च न उवेइ जाव पुरिसस्स । ताव पिओ हवइ नरो, कुलजायाए वि महिलाए ॥१०१॥
जुन्नो च दरिदो वा, रोगी च पिओ च होइ से विस्से । निप्पीलिओ च्च उच्छू, माला च मिलाणगयगंधी ॥१०२॥
महिला पुरिसमडवन्नाए, चेव वंचेइ कूडकवडेहिं । पुरिसो समुज्जओ वि हु, महिलं न चएइ वंचेउं ॥१०३॥

वाओलीउ च्च स्याडडउलाउ, मड्लित्ति महिलियाउ नरं । संझाउ च्च अवस्सं, भवंति खणमेत्तरागाओ ॥४॥
 जावइयाइं जलाइं, वीईओ वालुगा च्च जलहीसु । नइसु य हवंति ततो, महिलाचित्ताइं बहुयाइं ॥५॥
 आगासभूमिजलनिहि-सुरगिरिपयणाडडइणो वि पुरिसेहिं । नाउं सक्का न पुणो, कहमडवि इत्थीण चित्ताइं ॥६॥
 चिड्ढंति जहा न चिरं, विज्जू जलबुब्बुया च्च उक्का वा । तह न चिरं महिलाणं, एक्कम्मि नरे रमइ चित्तं ॥७॥
 परमाणू वि कहंचि वि, आगच्छेज्ज गहणं मणूसस्स । न य सक्का घेतुं जे, चित्तं महिलाण अइसुहुमं ॥८॥
 कुविओ वि कन्हसप्पो, दुट्ठो सीहो वि मत्तहत्थी वि । घेप्पइ कह वि नरेणं, न य चित्तं दुट्ठमहिलाए ॥९॥
 उदगम्मि वि तरइ सिला, सिही वि न दहेइ होइ हिमसिसिरो । न उण महिलाण कइय वि, उज्जुभावो भयइ पुरिसे ॥१०॥
 उज्जुगभावम्मि असंतयम्मि, कह होइ तासु वीसंभो । वीसंभे य असंते, का होज्ज रई महिलियासु ॥११॥
 गच्छेज्ज समुद्दस्स वि, पारं पुरिसो भुयाहिं तरिऊण । मायाजलमहिलोयहि-पारं न य सक्कए गंतुं ॥१२॥
 रयणसहिंया सवग्घा, गुहा च्च सीयलजला सगाहा य । सरिय च्च जणमणहरा (विहु), उच्चियणिज्जा य ही! महिला ॥१३॥
 दिड्ढं पि न सम्भावं, पडिवज्जइ नियडिमेव उड्ढेइ । गोहानिलुक्कमित्थी, करेइ पुरिसम्मि कुलजा वि ॥१४॥
 तारिसओ णत्थि अरी, नरस्स अन्नो ति वुच्चए नारी । पुरिसं सया पमुत्तं, कुणइ ति य वुच्चए पमया ॥१५॥
 पुरिसम्मि अणत्थसए, विलायइ जेण तेण विलया सा । जोजेइ नरं दुक्खे य, तेण जुवई य जोसा य ॥१६॥
 अबल ति होइ जं से, न दढं हिययम्मि थिइबलं अत्थि । इय महिलानामाणि वि, चित्तिज्जंताणि असुहाणि ॥१७॥
 निलओ क्लीए अलियाण, आलओ कुलहरं अविणयाणं । आयासस्स य वसही, महिला मूलं तु कलहस्स ॥१८॥
 धम्मस्स परमविग्घो, पाउब्बायो य धुवमउधम्मस्स । संदेहो देहस्स वि, हेऊ माणाडवमाणाणं ॥१९॥
 बीयं पराभवाणं, महिलाओ कारणं अक्तीए । अत्थाणं सच्चगमो, समागमो तह अणत्थाणं ॥२०॥
 दोग्गइमग्गो सग्गाडप-वग्गमग्गे य अग्गला उग्गा । दोसाण नियाडडवासो, सच्च-गुणाणं पवासो य ॥२१॥
 चंदो वि होज्ज उण्हो, सीओ सूरुो वि निबिडमाडडयासं । न य होज्ज अदोसा भ-दिया य महिला सुकुलजा वि ॥२२॥
 इच्चाडडई बहुदोसे, महिलाविसए विचित्तयंतस्स । पायं विरज्जइ मणो, महिलाहितो विवेइस्स ॥२३॥
 जह जाणिऊण दोसे, वग्घाडडई एत्थ परिहरिज्जंति । तह दट्ठूणं दोसे, महिलाहितो वि विरमेज्ज ॥२४॥
 किं बहुणा भणिएणं, दोसा महिलाकया इहं चेव । हेट्ठाडणुसट्ठिदारे, गणचइणा देसिया चेव ॥२५॥
 जं सुद्धकारणकयं, कारणसुद्धीए सुज्जइ तयं तु । कतो अमेज्जघडियस्स, होज्ज सुद्धी सरीरस्स ॥२६॥
 देहस्स सुक्कसोणिय-मडसुई उप्पत्तिकारणं जम्हा । ता देहो च्चिय असुई, अमेज्जघडिओ जहा घडओ ॥२७॥
 तहाहि—

“गर्भावस्थास्वरूपम्”

अम्मापिउसंजोगे, सोणियसुक्काण मीलणे कलुसं । जं होइ तत्थ जीवो, उप्पज्जइ पढममेव तओ ॥२८॥
 तं कलुसं सत्ताहं, कललं होऊण अब्बुयं होइ । सत्ताहं चिय ततो, घणरुवं पढममासम्मि ॥२९॥
 करिसूणं पलमेत्तं, जायइ बीयम्मि तं च मासम्मि । घणरुवमंसपेसी, संपज्जइ तइयमासे य ॥३०॥
 जणणीए जणइ डोहल-मंडगाणि य पीणइ चउत्थम्मि । निव्वत्तइ पंचमगे, सिरकरचरणंउकुरमडवत्तं ॥३१॥
 उवचिणइ छट्टमासे, सोणियपित्ताइं सत्तमम्मि पुणो । सत्तसयाइं सिराणं, पंच सयाइं च पेसीणं ॥३२॥
 धमणीओ नव सच्चंडग-भाविअद्धुट्टरोमकोडीओ । निव्वत्तइ अट्टमए, वितीकप्पो भयइ पच्छा ॥३३॥
 नवमे वा दसमे वा, जणणिं अप्पाणयं च पीडंतो । नीसरइ जोणिकुहराओ, विरससदं रसेमाणो ॥३४॥
 अणुपुच्चिए बुड्ढीगए य, देहम्मि मुत्तरुहिराणं । पत्तेयमाडडडयं कुल-वओ य तह सिंभपित्ताणं ॥३५॥
 सुक्कस्स अद्धकुलवो, हवेइ पत्थो य मत्थुलिंगस्स । अद्धाडडडओ वसाए, एक्को पत्थो पुरीसस्स ॥३६॥
 अट्टीणं तिन्नि सया, भरिया बीभच्छकुणिमज्जाए । संधीणं सच्चग्गं, सट्टीअहियं सयं होइ ॥३७॥
 नव हारुण सयाइं, सिरासंघाइं च होंति सत्तेव । होंति य पंच सयाइं, देहम्मि मंसपेसीणं ॥३८॥
 इय सुक्कसोणियप्पमह-कलुसपोग्गलचएण निम्माओ । नवमाससमाओ असुई-रसपाणुवलद्धपरिवुड्ढी ॥३९॥
 जोणिमुहनीहरिओ वि, जणणीथण्ठीरपीणिओ बाढं । पगइअमेज्जमइओ, सुइत्तमाडडवहइ कहं देहो ॥४०॥

एवंविहे य इहइं, बहिरंउतो वा वि कयलिथंबे(भे) च्च । सम्मं पेहिज्जंते, न विज्जए सारलेसो वि ॥४१॥
 सप्पेसु मणी दंता, गएसु चमरीसु केसपब्भारो । दिट्ठो सारो न उणउत्थि, को वि सारो मणुयदेहे ॥४२॥
 छगणे मुत्ते दुद्धे, गोणीए दीचिणो य चम्ममि । सुचिया दिट्ठो न उणउत्थि, क्ख वि सुचिया मणुयदेहे ॥४३॥
 वाइयपित्तियसिंभिय-रोगा तन्हाछुहाउडइया य तहा । निच्चं तवंति देहं, ^१अद्वहियजलं व जलियउग्गी ॥४४॥
 एवंविहदेहो वि हु, बालो जोव्वणमएण चामूढो । ससरीरतुल्लकारण-निम्मायमि वि जुवइदेहे ॥४५॥
 उयमेइ केसहत्थं, बरहिकलावेण भालवट्टं पि । अट्टमिमयंकविंवेण, नयणमंडभोरुहदलेण ॥४६॥
 अहरं पि पोमराएण, गीयमुवमेइ पंचयत्तेण । कणयकलसेहिं थणए, भुयजुयलं नलिणिनालेण ॥४७॥
 पाणिं पि पल्लवेणं, नियंबफलयं पि कंचणसिलाए । रंभाहिं ऊरुजुयं, चलणे रतुप्पलेहिं च ॥४८॥
 न विभावेइ अणज्जो, कत्तिच्छणं अमेज्जनिम्मायं । कलमलयमंससोणिय-पुत्रमिमं अप्पदेहं व ॥४९॥
 सुरहिविलेवणतंबोल-कुसुमनिम्मलदुगूलभूसहिं । खणमेतपत्तबाहिर-सोहं रम्मं ति काऊण ॥५०॥
 केवलमउबलादेहं, परिभुज्जइ काममोहियमणेहिं । जह कडुहड्डाउडइजुयं, मंसमउसिज्जइ सपूइं पि ॥५१॥
 तहा—

बालो अमेज्जलित्तो, अमेज्जमज्जामि चेव जह रमइ । तह रमइ नरो मूढो, महिलअमेज्जे सयमउमेज्जा ॥५२॥
 कुणिमरसकुणिमगंधं, सेवंता महिलियातणुकुडीरं । सायाउभिमाणो जे, ते लोए होंति हसणिज्जा ॥५३॥
 एव एए अत्थे, देहे चिन्तन्तयस्स पुरिसस्स । परदेहं परिभोत्तुं, इच्छा कह होज्ज सधिणस्स ॥५४॥
 एए अत्थे सम्मं, देहे पेच्छंतओ नरो सधिणो । ससरीरे वि विरज्जइ, किं पुण अण्णस्स देहमि ॥५५॥
 थेरा वा तरुणा वा, बुड्ढा सीलेहिं हुंति बुड्ढेहिं । थेरा वा तरुणा वा, तरुणा सीलेहिं तरुणेहिं ॥५६॥
 खोभेइ पत्थरो जह, दहे पडंतो पसंतमउयि पंकं । खोभेइ तहा मोहं, पसंतमउयि तरुणसंसग्गी ॥५७॥
 कलुसीकयं पि उदयं, विमलं जह होइ कयगफलजोगा । तह मोहकलुसियमणो, जीवो वि हु बुड्ढसेवाए ॥५८॥
 तरुणो वि बुड्ढसीलो, होइ नरो बुड्ढसंसिओ अइरा । लज्जाउवरोहसंका-गउरवभयधम्मबुद्धीहिं ॥५९॥
 बुड्ढो वि तरुणसीलो, होइ नरो तरुणसंसिओ अइरा । वीसंभनिच्चिसंको, समोहणिज्जा य पयईए ॥६०॥
 लीणो वि मट्टियाए, जायइ जलजोगओ जहा गंधो । तह लीणो वि वियंभइ, मोहो तरुणाण सेयाओ ॥६१॥
 तरुणेहिं सह वसंतो, संतो वि चलिंदिओ चलमणो य । अचिरेण सइरचारी, पावइ महिलागयं दोसं ॥६२॥
 पुरिसस्स य अपसत्थो, भावो तिहिं कारणेहिं संभवइ । विरहमि अंधयारे, कुसीलसेवाए सयराहं ॥६३॥
 जह चेव चारुदत्तो, गोट्टीदोसेण आवइं पत्तो । पत्तो य उन्नइं सो, पुणो वि तह बुड्ढसेवाए ॥६४॥
 तहाहि—

“चारुदत्तदृष्टान्तः”

चंपाए नयरीए अहेसि भाणू ति सावगो इब्भो । भज्जा य से सुभद्दा, पुत्तो पुण चारुदत्तो ति ॥६५॥
 जोव्वणमउणुपत्तो वि हु, सो पुण साहु च्च निच्चियारमणो । वंछइ न विसयनामं पि, गेण्हिउं किं पुणाउडयरिउं ॥६६॥
 तो जणणीजणगेहिं खित्तो दुल्ललियगोट्टिमज्जमि । भावपरियत्तणकए, तो तीए सह स वट्टंतो ॥६७॥
 जातो विसयाउभिमुहो, ठित्तो य गेहे वसंतसेणाए । वेसाए समा बारस, नीयं निहणं च सच्चधणं ॥६८॥
 निच्चसिओ य भवणाहि, ^२वाइयाए गओ स गेहमि । अम्मापिऊण मरणं, सोऊण य गाढदुक्खत्तो ॥६९॥
 भज्जाउलंकारं गेण्हिऊण, वाणिज्जकरणचंछाए । माउलगेणं सद्धिं, उसीरवत्ते पुरमि गओ ॥७०॥
 कप्पासं गेण्हेत्ता, तत्तो वलितो य तामलितीए । दावउग्गिणा य दड्ढो, कप्पासो अद्धमग्गमि ॥७१॥
 अह संभममि मोत्तुं, माउलगं तुरगमाउडरुहिय तुरियं । पुव्वदिसाए पलाणो, पत्तो य पियंगुनयरमि ॥७२॥
 दिट्ठो य तहिं पिउणो, मित्तेण सुरेददत्तनामेण । पुत्तो च्च गोरवेणं, धरिओ य चिरं नियगिहमि ॥७३॥
 अह तस्स जाणवत्तेण, दव्वुवज्जणकएण परतीरे । गंतूण चारुदत्तेण, अज्जिया अट्ट धणकोडी ॥७४॥
 वलमाणस्स य सहसा, मज्जे उदहिस्स विहडियं वहणं । लद्धं च फलगखंडं, कहकहवि य चारुदत्तेणं ॥७५॥

ता उत्तिन्नो जलहिं, पत्तो य कर्हिपि रायउरनयरे । दिट्ठो य तर्हि एक्को, रवि व्य रुइरो तिदंडिमुणी ॥७६॥
 पुट्ठो य तेण कत्तो, तुमं ति सिट्ठा य चारुदत्तेण । सच्च च्चिय निययता, भणियं च तिदंडिणा वच्छ! ॥७७॥
 एहि करेमि धणड्ढं, वच्चामो पव्वयं रसं ततो । अणित्ता चिरदिट्ठं, पच्चइयं कोडिवेहं ति ॥७८॥
 पडिवन्नं इयरेणं, गया य ते दो वि पव्वयनिगुंजे । कीणासवयणभीमा, दिट्ठा रसकूचिया य तर्हि ॥७९॥
 वुत्तो तिदंडिणा सो, भद्द! इहं पविस तुंबयं घेतुं । रज्जुमडवलंबिऊणं, पुणो वि लहु नीहरिज्जासि ॥८०॥
 तो रज्जुबलेणं सो, तीए पविट्ठो अईव उंडाए । ठाऊण मेहलाए, जाव रसं गेण्हिउं लग्गो ॥८१॥
 ताव निसिद्धो केणइ, मा मा भो भद्द! गेहसु रसं ति । भणियं च चारुदत्तेणं, को तुमं मं निवारेसि ॥८२॥
 तेणं पयंपियं उयहि-भिन्नपोओ अहं इहं वणिओ । धणलुद्धो रसहेउं, तिदंडिणा रज्जुणा खित्तो ॥८३॥
 रसभरियतुम्बाए अप्पि-यम्मि पावेण उज्झिओ एवं । रसविवरपूयणत्थं, छगलो व्य सकज्जसिद्धिकए ॥८४॥
 रसखद्धडद्धसरीरो, वट्ठामि य इण्हि कंठगयजीवो । जइ अप्पिहिसि रसं से, ता तुममडवि इय विणस्सिहिसि ॥८५॥
 ढोएसु मे अलाबुं, जेणं भरिऊण ते समप्पेमि । एवं तेणं वुत्ते, तमडप्पियं चारुदत्तेण ॥८६॥
 अह रसभरिए तेणं, उवणीए तम्मि चारुदत्तेण । ततो उत्तरणत्थं, करेण संचालिया रज्जू ॥८७॥
 आयडिडउमाडउरद्धो, तं च तिदंडी रसं समीहंतो । नवरं न चारुदत्तं, उत्तरइ जाव कहमडवि य ॥८८॥
 ताव रसो परिचत्तो, कूवे च्चिय इति चारुदत्तेण । तो सो सरज्जुओ च्चिय, रुसिएण तिदंडिणा मुक्को ॥८९॥
 पडिओ य मेहलाए, एत्तो नो जीवियं ति चिंततो । कयसाडउगारअणसणो, परमेट्ठिं सरिउमाडउरद्धो ॥९०॥
 भणिओ य तेण वणिणा, अईयदिणे इह रसं गया पाउं । गोहा जइ एज्ज पुणो, ता तुज्झ हवेज्ज नीहरणं ॥९१॥
 एवं सोऊणं सो, ईसिं उवलद्धजीवियव्वाडउसो । पंचनमोक्कारपरो, जावउच्छइ ताव अन्नदिणे ॥९२॥
 गोहा समागया तं, रसं च पाऊण निकखमंती सा । पुच्छम्मि दढं गहिया, जीयत्थं चारुदत्तेण ॥९३॥
 उत्तारिओ य तीए, ततो अच्चंतजायपरितोसो । गंतुं पुणो पयट्ठो, उत्तिण्णो कहवि कंतारं ॥९४॥
 एगम्मि य कुग्गामे, मिलिओ रुद्धो ति माउलगमित्तो । तेणेव तओ सद्धिं, टंकणदेसम्मि संपत्तो ॥९५॥
 तत्थ य सुवन्नभूमी-गमणकए दो अजे दढे घेतुं । चलिया पत्ता दूरे, वुत्तो रुद्धेण तो इयरो ॥९६॥
 भाय! न एत्तो गंतुं, तीरिज्जइ ता इमे अजे हणिउं । कीरंति भत्थाओ, अब्भंतरनिहियरोमाउ ॥९७॥
 तासु य सत्थं गेण्हिय, पविसिज्जइ जेण आमिसाडउसाए । घेतुणं भारुंडा, सुवन्नभूमीए मेल्लंति ॥९८॥
 तत्थ य संपत्ताणं, होही विउला सुवन्नसंपत्ती । उप्पण्णाधिणेण तओ, पयंपियं चारुदत्तेण ॥९९॥
 मा मा एवं उल्लवसु, भद्द! को पायमेरिसं ङ्काही । जं जीववहेण धणं, तं मज्झ कुले वि मा होउ ॥८१००॥
 रुद्धेण जंपियमडहं, निययअजे निच्छियं हणिस्सामि । किं तुज्झ एत्थ ततो, उच्चिग्गमणो ठिओ इयरो ॥१॥
 अह हणिउं पारद्धो, रुद्धेण अजो सुनिग्घिणमणेण । ठाऊण कन्नमूले, अजस्स अह चारुदत्तेणं ॥२॥
 भणिओ पंचाडणुव्वय-सारो परमेट्ठिपंचनवकारो । तस्सुइसुहभावेण य, मरिऊण अजो सुरो जाओ ॥३॥
 तक्खल्लाए ततो, पक्खिविउं चारुदत्तमियराए । अजखल्लाए य सयं, सो रुद्धो लहु पविट्ठो ति ॥४॥
 तो आमिसलोलैहिं, भारुंडेहिं दुवे वि उक्खित्ता । णवरं वच्चंताणं, पक्खीणं परोप्परं जुज्झे ॥५॥
 पडिओ चंचुपुडाओ, सलिलोवरि कहडवि चारुदत्तो तं । सत्थेण भिदिऊणं, गब्भाओ इव विणिकखंतो ॥६॥
 एवंविहवसणाइं, अणिट्ठसंगेण पाविओ इण्हिं । जह सिट्ठसंगतो सिरि-मडणुपत्तो सो तहा सुणसु ॥७॥
 तं जलमुल्लंधित्ता, संनिहिए सो गतो रयणदीवे । तं च पलोएमाणो, आरुद्धो सेलकूडम्मि ॥८॥
 काउस्सग्गेण ठियं, अमियगइं नाम चारणं समणं । तत्थ य दट्ठुं वंदइ, पहरिसपुलयंचियसरीरो ॥९॥
 मुणिणा वि काउसगं, पाराचिय दिन्नधम्मलाभेण । भणियं कह दुग्गे इह, समागओ चारुदत्त! तुमं ॥१०॥
 सुमरसि किं न महायस!, जं तुमए हं पुरीए चंपाए । सत्तुब्बद्धो काणण-गएण पस्सिओइओ पुव्वं ॥११॥
 विज्जाहररज्जसिरिं, भुजित्ता केत्तियाणि वि दिणाणि । पडिवन्नो पव्वज्जं, आयार्चित्तो इह वंसामि ॥१२॥
 एमाडउइ जा पयंपइ, अमियगती ताव मयणपडिरुवा । ओयरिया गयणाउ, दोण्णि विज्जाहरकुमारा ॥१३॥

| | |
|-----------------------------------------------------------------------------------------------------|------|
| साहुं नमंसिऊणं, अभिवंदेऊण चारुदत्तं च । आसीणा धरणीए, भालोवरि रइयकरकमला | ॥१४॥ |
| एत्थंतरम्मि मणिमय-मउडोणाभियसिरो सुरो एइ । वंदइ य चारुदत्तं, पढमं पच्छा तवस्सिं पि | ॥१५॥ |
| अह विम्हिएहिं विज्जाहरेहिं, पुट्टो सुरो अहो! कम्हा । साहुं मोतुण तुमं, पडिओ गिहिणो पएसुं ति | ॥१६॥ |
| भणियं सुरेण एसो, धम्मगुरु मज्झ चारुदत्तो ति । पावाविओ इमेणं, दितेणं जिणणमोक्कारं | ॥१७॥ |
| मरणम्मि अजो हुंतो, देवसिरिं एरिसं सुदुल्लभं । एत्तो च्विय जाणामि, मुणिणो सब्वन्नणो य जओ | ॥१८॥ |
| वुत्तो य चारुदत्तो, सुरेण भो! वरसु संपइ वरं ति । एज्जासि सुमरणम्मि, इय भणिओ चारुदत्तेण | ॥१९॥ |
| देवो गओ सथामं, ततो विज्जाहरेहिं गुणवं ति । पउरमणिकणयसंभार-भरियगुरुए विमाणम्मि | ॥२०॥ |
| आरोविऊण चंपा-पुरीए नेऊण निययभवणम्मि । मुक्को य चारुदत्तो, पत्तो य समुन्नइ परमं | ॥२१॥ |
| इय दुइसिद्धगोट्टी-फलाइं आलोइउं इहभवे वि । निम्मलगुणइडुसुवियइडु-युइडुसेवाए जइयव्वं | ॥२२॥ |
| किंच- | |
| “महिलासंसर्गदोषाः त्यागे गुणाः तद्विषये उपदेशः च” | |
| निच्चं वुइडुसहावे, तरुणे वुइडे य सुट्टु सेवंता । तह गुरुकुलमउमुयंता, चरंति बंभव्ययं धीरा | ॥२३॥ |
| कामाडणिलेण हिययं, पचलइ पुरिसस्स अप्पस्सारस्स । पेच्छंतस्स य बहुसो, इत्थीयणवयणरमणाणि | ॥२४॥ |
| मंथरगइठाणविलास-हासबिब्बोयहावभावेहिं । सोहग्गरुवलावन्न-लट्टसंठाणचेट्टाहिं | ॥२५॥ |
| अद्धउच्छिपेच्छिएहिं वि, विसेसदरहसियजंपियव्वेहिं । सरसपइक्खणसंलाव-ललियलीलाइयव्वेहिं | ॥२६॥ |
| पयईए सिणिद्धेहिं, पयईए मणोहरेहिं पाएणं । थीसतिएहिं पुरिसो, रहमिलणेहिं च खुभइ तओ | ॥२७॥ |
| कमवडिडयपीइरइ-पावियवीसंभपणयपसरो य । लज्जालुओ वि पुरिसो, किं किं तं जं न वि करेइ | ॥२८॥ |
| तथाहि- | |
| पिडमाइमित्तगुरुसिद्ध-लोयरायाउउइसंतियं लज्जं । गउरवमउवरोहं परि-चयं च दूरेण परिहरइ | ॥२९॥ |
| किंति अत्थविणासं, कुलक्कमं पाविए य धम्मगुणे । करचरणकन्ननासाउउइ-लुंपणं पि हु न पेहेज्जा | ॥३०॥ |
| संसग्गीमूढमणो, मेहुणरमिओ विमुक्कमज्जाओ । पुब्बावरमउगणेतो, किमउकिच्चं जं न आयरइ | ॥३१॥ |
| इंदियकसायसन्ना-गारवपमुहा सहावओ सब्वे । संसगिलद्धपसरे, पुरिसे अचिरा वियंभंति | ॥३२॥ |
| थेरो बहुस्सुओ वि हु, पमाणभूओ मुणी तवस्सी वि । अचिरेण लहइ दोसं, महिलावग्गस्स संसग्गा | ॥३३॥ |
| किं पुण तरुणा अबहु-स्सुयाउउइणो सरुइचारिणो मंदा । तस्संसग्गीए, मूलओ, (ते) विनट्ट च्विय भवंति | ॥३४॥ |
| महिलासंसग्गीए, अमाणुसाउउइयिकडिल्लवासी वि । नइकुलवालगमुणी, विडंबणं पाविओ परमं | ॥३५॥ |
| जो महिलासंसग्गिं, विसं य दूराउ चेव परिहरइ । नित्थरइ बंभचेरं, जावज्जीवं अकंपं सो | ॥३६॥ |
| अवल्लोयणमेत्तेण वि, जं मुच्छं ताओ देंति पुरिसस्स । तेण हयमहिलियाणं, नयणाइं विसाउउलयाइं फुडं | ॥३७॥ |
| मारेइ एक्कसिं चिय, तिच्चविसभुयंगवग्गसंसग्गी । इत्थीसंसग्गी पुण, अणंतस्सुत्तो नरं हणइ | ॥३८॥ |
| इय वयवणमूलउग्गिं, थीसंसग्गिं सया वि जो चयइ । स सुहेण बंभचेरं, नित्थरइ जसं च वित्थरइ | ॥३९॥ |
| ता खवग! विसयवच्छा, जइ होज्ज कयाइ मोहदोसेण । तह वि हु होसु उवउत्तो, पंचविहे इत्थिवेरग्गे | ॥४०॥ |
| जायं पंकम्मि जलम्मि, वडिडयं पंकयं जह न तेहिं । लिप्पइ मुणी वि एवं, विसयसलिलइत्थिपंकेहिं | ॥४१॥ |
| बहुदोससावयगणे, मायामाइण्हियासणाहम्मि । कुमइगहणे वि मुणी, न मुज्झइ इत्थिरन्नम्मि | ॥४२॥ |
| सव्वम्मि इत्थिवग्गम्मि, अप्पमतो सया सुवीसत्थो । बंभवयं गित्थरइ, चरित्तमूलं सुगइहेउं | ॥४३॥ |
| मज्झन्हतिकप्पसूरं च, इत्थिरुवं न पासइ चिरं जो । खिप्पं पडिसाहरइ य, दिट्ठिं सो नित्थरइ बंभं | ॥४४॥ |
| किं जंपइ कह पासइ, परो ममं कहमउहं च वट्टामि । इइ जो सयाउणुवेहइ, सो दढबंभव्वओ होइ | ॥४५॥ |
| जोव्वणजलहिं दरहसिय- ¹ जंपिउम्मीचियं विसयसलिलं । धण्णा समुत्तरंती, महिलाभगरेहिं अच्छिक्का | ॥४६॥ |

“अभ्यन्तरबाह्यग्रन्थयोः स्वरूपम्” -

| | |
|------------------------------------------------------------------------------------|------|
| अभ्यन्तरबाहिरिए, सब्वे गंथे तुमं विवज्जाहि । कयकारियअणुमईहिं, मणवइकाएहिं तत्थ इहं | ॥४७॥ |
| मिच्छत्तं वेयतिगं, जाणसु हासाउउइयाण छक्कं च । कोहाउउइण चउक्कं, चोदस अभ्यन्तरा गंथा | ॥४८॥ |

1. जंपिउम्मीचियं = जल्पितोर्मिचितम्।

बाहिरगंधं खेतं, वत्थुं धणधन्नकुप्परुप्पाणि । दुपयचउप्पयमउपयं, सयणाउउसणमाउउइ जाणाहि ॥४९॥
जह कुंडओ न सक्का, सोहेउं तंदुलस्स सतुसस्स । तह जीवस्स न सक्का, कम्ममलं संगसहियस्स ॥५०॥
जइया रागा दोसा, गारवसन्नाउ तह उदयमेति । तइया गंधं घेतुं, लुद्धो बुद्धिं कुणइ ततो ॥५१॥
तस्स निमित्तं मारइ, भणेइ अलियं करेइ चोरिककं । सेवइ मेहुणमउत्थं च, अपरिमाणं कुणइ जीवो ॥५२॥
सन्नागारवपेसुण्ण-कलहफरुसाणि भंडणविवाया । के के न होति अच्चत्थ-मउत्थवामोहमूढस्स ॥५३॥
गंधो भयं नराणं, सहोयरा एलगच्छया जं ते । अन्नोउन्नं मारेउं, अत्थनिमित्तं मइमउकासी ॥५४॥
अत्थनिमित्तमउइभयं, जायं चोराणमेक्कमेक्केहिं । मज्जे मंसे य विसं, संजोइय मारिया जं ते ॥५५॥
संगो महाभयं जं, विहेडिओ सायएण संतेण । पुतेण हिए अत्थम्मि, मुणिवई कुंचिएणाउवि ॥५६॥
अत्थनिमित्तं सीयं, उण्हं तण्हं छुहं च वासं च । दुस्सेज्जं दुब्भतं च, सहइ वहई य गुरुभारं ॥५७॥
गायइ नच्चइ थायइ, कंपइ विलवेइ मलइ असुइंपि । नीयं च कुणइ कम्मं, कुलम्मि जाओ वि गंधउत्थी ॥५८॥
एवं चिद्धंतस्स वि, संसइओ होइ अत्थलाभे से । न य संचीयइ अत्थो, सुचिरेण वि मंदभग्गस्स ॥५९॥
जइ पुण कहिंचि संचय-मुवेइ अत्थो तहाउवि से नत्थि । तिती पउरउत्थेण वि, लाभे लोभो पवइडइ जं ॥६०॥
जह इंधणेण अग्गी, न तिप्पइ जलनिही जलनईहिं । तह जीवस्स न तिती, अत्थि तिलोए वि लद्धम्मि ॥६१॥
आहम्मइ भारिज्जइ, रुब्भइ भिज्जइ य निरवराहो वि । धणवं आमिसहत्यो, तत्थो पक्खीहिं जह पक्खी ॥६२॥
मायापिइपुत्तेसु वि, दारेसु वि नेय जाय वीसंभं । गंधनिमित्तं जग्गइ, रक्खंतो सव्वरतिं पि ॥६३॥
अंतोहुतं डज्जइ, पुरिसो नट्टे सयम्मि अत्थम्मि । उम्मतो इय विलवइ, परिदेवइ कुणइ उक्कठं ॥६४॥
गंधस्स गहणरक्खण-सारवणाइं सयं करेमाणो । यक्खित्तमणो झाणं, उवेइ कह मुक्कमज्जाओ ॥६५॥

किंच—

गंधेसु १गढियहियओ, होइ दरिदो भवेसु बहुएसु । गंधनिमित्तं कम्मं, किलिद्धहियओ समाइयइ ॥६६॥
एहिं दोसेहिं, मुच्चइ मुंचंतओ मुणी अत्थं । परमउब्बुदयपहाणं, पावेइ गुणाण पब्भारं ॥६७॥
सप्पबहुले अरण्णे, अमंतयिज्जोसहो जहा पुरिसो । पावइ अणत्थमउत्थं, धरंतओ तह मुणी वि परं ॥६८॥
रागो होइ मणुण्णे, गंधे दोसो य होइ अमणुण्णे । गंधच्चाएण पुणो, रागदोसा दुवे चत्ता ॥६९॥
सीउण्हदंसमसगाउउइयाण, दिन्नो परीसहाण उरो । तच्चिणिवारणहेउं, अत्थं दूरे चयंतेण ॥७०॥
निस्संगो चेव सया, कसायसंलेहणं कुणइ साहू । संगो कसायहेऊ, अग्गिस्स य होति कट्टाणि ॥७१॥
सव्वत्थ होइ लहुओ, रुवं वेसासियं भवइ तस्स । गरुओ य संगसतो, संकिज्जइ चेव सव्वत्थ ॥७२॥
तम्हा सव्वे संगे, अणागए वट्टमाणएउतीए । परिहरसु तुमं सुविहिय!, कयकारियअणुमईहिं सया ॥७३॥
इय चत्तसव्वसंगो, सीईभूओ पसंतचित्तो य । जीवंतो च्विय पावइ, साहू निव्याणसुहमउण्हं ॥७४॥
साहेति जं महउत्थं, आयरियाइं च जं महल्लेहिं । जं च महल्लाइं तओ, महव्वयाइं ति भण्णंति ॥७५॥
एसिं च रक्खणट्टा, करेसु सइ रयणिभोयणनिवितिं । पत्तेयं भावेज्जसु, सम्मं तब्भावणाओ य ॥७६॥
तत्थ—

“महाव्रतस्य भावना स्वरूपम्”

जुगमित्तनिमित्तनयणं, अखलियलक्खं पए पए २अदुयं । जायइ जयं चरंतस्स, पढमवयभावणा पढमा ॥७७॥
आराहिएसणस्स वि, अवलोयणपुच्चयं असणपाणे । जायइ जयं कुणंतस्स, पढमवयभावणा बीया ॥७८॥
सपमज्जसपडिलेहं, भंडुवगरणस्स गहणनिक्खेवं । जायइ जयं कुणंतस्स, पढमवयभावणा तइया ॥७९॥
असुहविसयं निरुंभिय, सम्मं सुहविसयमाउउगमविहीए । जायइ मणं कुणंतस्स, पढमवयभावणा तुरिया ॥८०॥
रुद्धपसरं अकज्जे, कज्जे वि हु सुयविहीए निउणवइं । निसिरंतं पढमवयस्स, भावणा पंचमी होइ ॥८१॥
भणियक्कमविचरीयं, चिद्धंतो पुण विहिंसए जीवे । पढमवयदढत्तकए, भावणपणगे जएज्ज तओ ॥८२॥
हासं विणा वयंतस्स, बीयवयभावणा भवे पढमा । अणुवीइभासिणो पुण, बीयवयभावणा बीया ॥८३॥

1. गढिय = आसक्ता। 2. अदुयं = अद्भुतम्।

कोहाओ लोभाओ, भयाओ अस्सच्चसंभवो पायं । तो ताण चायओ चेव, बीयवयभावणा तिन्नि ॥८४॥
 पडुमडह पडुसदिदं, अणुजाणावेज्ज ओग्गहं विहिणा । इहरा भावअदत्तं ति, तइयवयभावणा पडमा ॥८५॥
 अह दव्वाडडईचउहा-डणुन्नवणं कारवेज्ज सागरियं । तस्सीमाडवगमकए, तइयवयभावणा बीया ॥८६॥
 कयसीमं चिय विहिणा, सेवेज्जाडवग्गहं सया इहरा । होज्ज अदत्तं एवं च, तइयवयभावणा तइया ॥८७॥
 साहम्मियसामण्णं, अण्णं पाणं च तेहिं गुरुणा य । अणुजाणियं असंतस्स, तइयवयभावणा तुरिया ॥८८॥
 मासाडडइकालमाणं, पंचकोसाडडइखेतखं च । गीयत्थसमंतुज्जय-विहारिसाहम्मियगुणाण ॥८९॥
 ओग्गहमडह तव्वसहिं, तदडणुण्णापुव्वगं निसेवेज्जा इहरा होज्ज अदत्तं ति, तइयवयभावणा चरिमा ॥९०॥
 सुसिणिद्धमडइपमाणं, आहारं परिहरेज्ज बंधवई । एवं चिय संजायइ, चउत्थवयभावणा पडमा ॥९१॥
 सिंगारदव्वजोगं, सरीरनहदन्तकेससंठप्पं । भूसाकए न कुज्जा, चउत्थवयभावणा बीया ॥९२॥
 इत्थीगईदियाइं, सरागचेट्टाउ नो मणे कुज्जा । जोएज्जा वि न एयं, चउत्थवयभावणा तइया ॥९३॥
 पसुपंडगइत्थीहिं, संसत्तं वसहिमडडसणं सयणं । परिहरमाणस्स भवे, चउत्थवयभावणा तुरिया ॥९४॥
 इत्थीण केवलाणं, तव्विसयं वा कहं अकहमाणो । पुव्वरयं असरंते, चउत्थवयभावणा चरिमा ॥९५॥
 अमणुत्तेयरसदाइ-विसयपणगे पओसगेहीओ । अकुणंतस्स उ जायइ, पंचमवयभावणापणं ॥९६॥
 इय पंचमहव्वयभावणाण, पणुवीसइं पि भावेसु । सुंदर! इच्छंतो अप्प-यम्मि परमं वयदढत्तं ॥९७॥
 इहरा पडुपवणपणोल्लमाण-नववणलयासमाणमणो । तेसु अणवट्टियप्पा, पाचिहिसि न तप्फलं खवग! ॥९८॥
 ता भो देवाणुपिया!, पंचसु वि महव्वएसु वि महव्वएसु होज्ज दढो । एएसु वंचिओ जो, स वंचिओ सयलठाणेषु ॥९९॥

“महाव्रतानामरक्षणे दोषाः” —

जह तुंबस्स दढत्तं, विणा न अरया सकज्जकरणखमा । एवं महव्वएसु वि, अदढस्स असेसधम्मगुणा ॥८२००॥
 जह तरुणो साहपसाह-पुप्फफलकारणं भवे मूलं । एयं धम्मगुणाण वि, मूलं सुमहव्वयदढत्तं ॥१॥
 घुणखद्धमज्झसारो, नाडलं खंभो जहा घरं धरिउं । एवं वएसु अदढो, पोढो वोढुं न धम्मधुरं ॥२॥
 अदढा छिड्डुया वि य, भंडं नाया जहा न वोढुमडलं । एवं वएसु अदढो, अइयारजुओ य धम्मगुणे ॥३॥
 अदढो छिड्डुओ वि य, नाडलं कुंभो जहा जलं धरिउं । एवं वएसु अदढो अइयारजुओ य धम्मगुणे ॥४॥
 अन्नं च—

भमिया भमंति भमिंहिति, एत्थ वित्थिण्णभवसमुद्दम्मि । एयाणमडणत्थित्ते अदढत्ते साडइयारत्ते ॥५॥
 अन्नं च तुमं सुंदर!, सम्मं संविग्गमाणसो होउं । पुव्वरिसिभासियाइं, परिभावेज्जसु इमाइं जहा ॥६॥
 संसारो य अणंतो, भट्टचरित्तस्स लिंगजीविस्स । पंचमहव्वयतुंगो, पागारो भेल्लिओ जेण ॥७॥
 महव्वयअणुव्वयाइं, छडेउं जो तयं चरइ अन्नं । सो अन्नाणी मूढो, नायबुद्धो^१ मुणेयव्वो ॥८॥
 सीलव्वयाइं जो बहुफलाइं, हंतूण सोक्खमडहिलसइ । धीदुब्बलो तवस्सी, कोडीए कागणी किणइ ॥९॥
 अन्नं च चउव्विहमिलिय-सयलसिरिसंधरंगमज्झम्मि । भीमभववाहिविहुरो, अन्नतो ताणमडलभंतो ॥१०॥
 एसो महाडणुभावो, वेज्जाण व अन्ह सरणमडल्लीणो । ता अणुकंपेयव्वो, इय बुद्धीए सुहगुरुहिं ॥११॥
 एयाइं तुज्ज सुंदर!, निवेसियाइं अणुग्गहपरेहिं । ता होसु इमेसु दढो, होउं कुवियप्पविप्पजढो ॥१२॥
 जह नाम सारगब्भो, खंभो भारं गिहस्स वोढुमडलं । एवं वएसु सुदढो, पोढो वोढुं सुधम्मधुरं ॥१३॥
 सव्वंडगेसुं पि दढो, गोणो जह होइ भरमडलं वोढुं । एवं वएसु सुदढो, पोढो वोढुं सुधम्मधुरं ॥१४॥
 सुदिदंगी निच्छिड्डा, भंडं वोढुं जहा अलं नाया । एवं वएसु वि दढो, निरईयारो य धम्मगुणे ॥१५॥
 कुंभो वि जह दढंगो, अखंडछिड्डो अलं जलं धरिउं । एवं वएसु वि दढो, निरईयारो य धम्मगुणे ॥१६॥
 तिन्ना तरंति तरिंहिति, एत्थ वित्थिण्णभवसमुद्दम्मि । एयाणं सव्भावे, सुदढत्ते निरइयारत्ते ॥१७॥
 धण्णाणमेयलाभो, धण्णाणं चिय इमेसु सुदढत्तं । धन्नाणं चिय एएसु, निरइयारत्तणं परमं ॥१८॥
 पंचमहव्वयरयाणाइं, ता तुमं पाचिउं सुदुलाहाइं । मा उज्जेज्जसु एओ-वजीचणं मा^२ करेज्जसु य ॥१९॥

1. (बुद्धो) B । 2. कुणेज्जसु पाठो० ।

इहारा तुमं पि उज्झिय-भोगवतीओ जहा तथा एत्थ । लद्धं जहन्नपयविं, अजसमउसोक्खं च पाविहिसि ॥२०॥
तो होसु दढचित्तो, पंचमहव्वयधुराधरणथवलो । पालेज्ज इमाइं सयं, अण्णेसिं पि य पयासेज्ज ॥२१॥
पत्तो उत्तमपयविं, किंति च सया वि होहिसि सुहीओ । धणनामसेट्टिसुण्हाउ, रक्खिया रोहिणीउ जहा ॥२२॥
तहाहि—

“उज्झिकादिदृष्टान्तः”

रायगिहे धणसेट्टी, धणपालाउडई सुया उ चत्तारि । उज्झियभोगवतीरक्खि-या य तह रोहिणी वहुया ॥२३॥
वयपरिणामे चिंता, गिहं समप्पेमि तासि पारिच्छा । भोयणसयणनिमंतण-भुत्ते तब्बंधुपच्चक्खं ॥२४॥
पत्तेयं अप्पिणणं, पालेज्जह मगिया य देज्जाह । इय भणिउमाउडयरेणं, पंचण्हं सालिकणयाणं ॥२५॥
पढमाए उज्झिया ते, बीयाए छोल्लिया य तइयाए । बंधण करंडिरक्खण, चरिमाए रोविया विहिणा ॥२६॥
कालेणं बहुएणं, भोयणपुव्वं तहेव जायणया । पढमा सरणयिलक्खा, तह बीया तइय अप्पिणणं ॥२७॥
चरिमाए कुचिगाओ, खित्ताओ तुम्ह वयणपालणया । सा एवं चिय इहारा, सत्तिविणासा न सम्मं ति ॥२८॥
तब्बंधूणउभिहाणं, तुज्जे कल्लाणसाहगा मे ति । किं जुत्तमेत्थ मज्झं, ते आहु तुमं मुणेसि ति ॥२९॥
तत्तो य कज्जउज्झण-कोट्टगभंडारगिहसमप्पणया । जाहासंखमिमीणं, नियकज्जं साहुवाओ य ॥३०॥
जह सेट्टी तह गुरुणो, जह नाइजणो तथा समणसंघो । जह वहुया तह भव्वा, जह सालिकणा तह वयाइं ॥३१॥
जह सा उज्झियनामा, उज्झियसाली जहत्थअभिहाणा । पेसणगारित्तेणं, असंखदुक्खक्खणी जाया ॥३२॥
तह भव्वो जो कोई, संघसमक्खं गुरुहिं दिन्नाइं । पडिवज्जिउं समुज्झइ, महव्वयाइं महामोहा ॥३३॥
सो इह चैव भवम्मि, जणाण धिक्कारभायणं होइ । परलोए उ दुहतो, नाणाजोणीसु संचरइ ॥३४॥
जह वा सा भोगवई, जहत्थनामोवभुत्तसालिकणा । पेसणयिसेसकारि-तणेण पत्ता दुहं चैव ॥३५॥
तह जो महव्वयाइं, उवभुंजइ जीविय ति पालेतो । आहाराउडइसु सत्तां, चत्तो सिवसाहणिच्छाए ॥३६॥
सो एत्थ जहिच्छाए, पावइ आहारमाउडई लिंगि ति । विउसाण नाउडपुज्जो, परलोगम्मि दुही चैव ॥३७॥
जह वा रक्खियवहुया, रक्खियसालीकणा जहत्थक्खा । परिजणमण्णा जाया, भोगसुहाइं च संपत्ता ॥३८॥
तह जो जीवो सम्मं, पडिवज्जिता महव्वए पंच । पालेइ निरइयारे, पमापलेसं पि वज्जितो ॥३९॥
सो अप्पहिएक्करई, इहलोगम्मि वि विऊहिं पणयपओ । एगंतसुही जायइ, परम्मि मोक्खं पि पावेइ ॥४०॥
जह रोहिणी उ सुण्हा, रोवियसाली जहत्थनामा उ । वडिढता सालिकणे, पत्ता सव्वस्ससामितं ॥४१॥
तह जो भव्वो पाविय, वयाइं पालेइ अप्पणा सम्मं । अन्नेसि वि भव्व्याणं, देइ अणेगेसि सुहहेउं ॥४२॥
सो इह संघपहाणो, जुगप्पहाणो ति लहइ संसदं । अप्पपरेसिं कल्लाण-कारओ गणहरपहु व्व ॥४३॥
तित्थस्स वुडिढकारी, अक्खेवणओ कुतित्थियाउडईणं । विउसनरसेवियकमो, कमेण सिद्धिं पि पावेइ ॥४४॥
एवमउणुसट्टिदारे, सवित्थरत्थं मए समक्खायं । पंचमहव्वयरक्खा-नामं दसमं पडिद्वारं ॥४५॥
एत्तो कमाउणुपत्तं, परमपवित्तजणणसुनिमित्तं । चउसरणगमणनामे-गारसमउक्खेमि पडिद्वारं ॥४६॥
अरहन्तसिद्धसाहु-जिणधम्मचउक्कमिममउहो खवग! । सरणतेण पवज्जसु, कयवयरक्खाविहाणो वि ॥४७॥
तत्थ—

“चतुःशरणस्वीकारवर्णनम्”

निट्टियनाणाउडवरणे, अप्पडिहयनाणदंसणपयारे । भीमभवभमणकारण-विद्धंसणपत्तअरुहन्ते ॥४८॥
सव्वुत्तमचारित्ते, सव्वुत्तमलक्खणंउक्कियसरीरे । सव्वुत्तमगुणकलिए, सव्वुत्तमपुन्नपम्भारे ॥४९॥
सव्वजगज्जीवहिए, सव्वजगज्जीवपरमबंधुजणे । अरिहंते भगवंते, सुंदर! सरणं पवज्जाहि ॥५०॥
सव्वंगनिककलंके, समत्थतेलोक्कनहयलमयंके । परिगलियपावपंके, दुहतजयजीवजणयंके ॥५१॥
परमगरुयाउणुभावे, परमपयपसाहणे परमपुरिसे । परमप्पाणे परमे-सरे य तह परमकल्लाणे ॥५२॥
सम्भूयभावपरमत्थं-देसगे भूसगे य भुवणस्स । अरिहंते भगवंते, सुंदर! सरणं पवज्जाहि ॥५३॥
भवियजणकुमुयचंदे, तइलोक्कपयासणेक्कदिणनाहे । संसारसरणरीणंउगि-वग्गवीसामथामे य ॥५४॥
परमाउइसयसमिद्धे, अणंतबलविरियसत्तसंजुते । भीमभवजलहिमज्जंत-जंतुगणजाणवत्ते य ॥५५॥

| | |
|-----------------------------------------------------------------------------------------------------|------|
| हरिहरबंभपुरंदर-दुम्महवम्महमहाडरिदप्पहरे । अरिहंते भगवंते, सुंदर! सरणं पवज्जाहि | ॥५६॥ |
| तेलोक्कसिरीतिलए, मिच्छततमोविणासदिवसयरे । तेलोक्करंगमज्झे, अतुल्लमल्ले महासते | ॥५७॥ |
| तेलोक्कपणयपाए, समत्थतेलोक्कपसरियपयावे । पसरियपयावय्यंडिय-पयंडपासंडियपभावे | ॥५८॥ |
| पसरंतकित्तिकमलिणि-वित्थरसंधडसमत्थभुवणसरे । भुवणसररायहंसे, धम्मधुराधरणवरधवले | ॥५९॥ |
| सव्वाडचत्थपसत्थे, अप्पडिहयसासणे अमियतेए । संपुण्णपुण्णपब्भार-लब्भदंसणविसेसे य | ॥६०॥ |
| सिरिमंते भगवंते, करुणावंते पगिड्डजयवंते । सव्वे वि हू अरिहंते, सुंदर! सरणं पवज्जाहि | ॥६१॥ |
| परिपालिय इह चरणं, काउं पावाडडसवाण संवरणं । मरिउं पंडियमरणं, निरसिय संसारपरिसरणं | ॥६२॥ |
| सिद्धे कयकिच्चत्ता, बुद्धे उण विमलकेवलगुणेण । मुक्के भवहेऊहिं, परिनिव्वुडए सुहसिरीए | ॥६३॥ |
| कयसयलदुक्खअंते, सन्नाणाडडइगुणेहिं य अणंते । विरियसिरीए अणंते, अणंतसुहरासिसंकंते | ॥६४॥ |
| सव्वोवलेवरहिए, अहेउणो सपरकम्मबंधस्स । अह भगवंते सिद्धे, सुंदर! सरणं पवज्जाहि | ॥६५॥ |
| वयगयकम्माडडवरणे, नित्थरियसमत्थजम्मजरमरणे । तेलोक्कसिराडडभरणे, सव्वजगज्जीववरसरणे | ॥६६॥ |
| खाइयगुणप्पभूए, समत्थतेलोक्ककयपरमपूए । सासयसोक्खसरुवे, दूरुज्झियवन्नरसरुवे | ॥६७॥ |
| मंगलनिलए मंगल-निबंधणे परमनाणमयतणुणो । अह भगवंते सिद्धे, सुंदर! सरणं पवज्जाहि | ॥६८॥ |
| लोयडग्गसंनिचिट्ठे, साहियदुस्सज्झसव्वपरमट्ठे । पत्तपगिड्डपइट्ठे, एतो च्चिय निट्ठियट्ठे वि | ॥६९॥ |
| सदाडडईणमडग्गम्मे, अमुत्तिमंते अनिंदियजनाणे । परमाडडसयसमिद्धे, सिद्धे सरणं पवज्जाहि | ॥७०॥ |
| अच्छिज्जे धाराणं, अभिंदणिज्जे य सव्वअणियाणं । अपलावणिज्जरुवे, जलाणमडग्गीण य अडज्झे | ॥७१॥ |
| पलयपबलाडनिलाण वि, अहीरणिज्जे न वज्जदलणिज्जे । सुहुमे निरंजणे अक्ख-ए य अच्चिन्तमाहप्पे | ॥७२॥ |
| अच्चन्तपरमजोगीहिं, चेव जाणियजहट्ठियसरुवे । कयकिच्चे निच्चे वि य, अजे य अजरे अमरणे य | ॥७३॥ |
| हणिउमणो नियकम्मं, सम्मं आराहणाणिविद्धो य । सुंदर! तुमं विसप्पंत-तिव्वसंवेगरसफुण्णो | ॥७४॥ |
| सिरिमंते भगवंते, अरुहंते सव्वहा विजयवंते । परमेसरे सरण्णे, सिद्धे सरणं पवज्जाहि | ॥७५॥ |
| सइ अहिगयजीवाडजीव-प्रमुहपरमत्थवित्थरे सम्मं । समवगयपयइनिग्गुण-संसाराडडवाससब्भावे | ॥७६॥ |
| संवेगगरुयगीयत्थ-सुद्धकिरियापराण धीराणं । सारणवारणचोयण-पडिचोयणदायगाणं च | ॥७७॥ |
| सुगुरुण पायमूले, सम्मं पडिवन्नपुन्नसामण्णो । अह समणे निग्गंथे, सुंदर! सरणं पवज्जाहि | ॥७८॥ |
| मोक्खम्मि बद्धलक्खे, संसारियसुहविरत्तचित्ते य । गुरुसंवेगा संसार-वाससव्वंगनिव्विन्ने | ॥७९॥ |
| एतो च्चिय चत्तकलत्त-पुत्तमिताडडइचित्तपडिबंधे । पडिबंधमेत्तपरिचत्त-सयलंगिहवासवासंगे | ॥८०॥ |
| सव्वजियअप्पभूए, निब्भरपसमरसथिमियसव्वंगे । अह समणे निग्गंथे, सुंदर! सरणं पवज्जाहि | ॥८१॥ |
| इच्छामिच्छाडडईयं, पडिलेहपमज्जणापमुहमडहवा । दसभेयचक्कवालय-सामायारिं पइ सुलग्गे | ॥८२॥ |
| छट्टुडट्टमदसमदुवालसडद्ध-मासाडडइत्तवविसेसेसु । जहसत्तिमुज्जमंते, ^१ पउमाडडतीहिं उवमिणिज्जे | ॥८३॥ |
| पंचसमिड्ढपहाणे, पंचविहाडडयारधारए धीरे । सुंदर! पावपसमणे, समणे सरणं पवज्जाहि | ॥८४॥ |
| गुणरयणमहानिहिणो, समत्थसावज्जजोगपडिविरए । विहडियसिणेहनियडे, संजमभरवहणधुरधवले | ॥८५॥ |
| जियकोहे ^२ हियमाणे, जियमाए विजियलोहजोहे य । जियरागदोसमोहे, जिइंदिए विजियनिद्वे य | ॥८६॥ |
| जियमच्छरे जियमए, जियकामे जियपरीसहाडणीए । अह समणे भगवंते, सुंदर! सरणं पवज्जाहि | ॥८७॥ |
| वासीचंदणक्कप्पे, तुल्ले संमाणणाडवमाणेसु । सुहदुहसमाणचित्ते, समचित्ते सत्तुमित्तेसु | ॥८८॥ |
| सज्झायडज्झयणपरे, परोचयारेक्ककरणदुल्ललिए । सुविसुज्झमाणभावे, सम्मं पिहियाडडसवदुवारे | ॥८९॥ |
| मणगुत्ते वडगुत्ते य, कायगुत्ते ^३ पसत्थलेसे य । अह भगवंते समणे, सुंदर! सरणं पवज्जाहि | ॥९०॥ |
| नयकोडीपरिसुद्धं, मियमडपणीयं अरागदोसं च । कारणछक्काडणुगयं, महुयरचित्तीपचित्तं च | ॥९१॥ |
| निरवज्जमेगवेलिय-मरसं यिरसं च समणजणजोगं । भत्तं भुजिउकामे, भोच्चा संजमगुणरए य | ॥९२॥ |

१. पउमातीहिं = पद्मादिभिः । २. हियमाणे = हृतमानान् । ३. पसन्तलेसे पाठां० ।

| | |
|-------------------------------------------------------------------------------------------------|--------|
| उगतवसा किसंङगे, सुक्के लुक्खे य अपडिकम्मंङगे । अहिगयदुवालसंङगे, समणे सरणं पवज्जाहि | ॥९३॥ |
| संविग्गे गीयत्थे, धुवमुस्सप्पंतचरणकरणगुणे । संसारसरणकारण-पमायपयवज्जणुज्जुत्ते | ॥९४॥ |
| वोक्कंताङ्गुत्तरदेव-तेओलेसेडवहत्थियकिलेसे । सफलीकयचउरंङगे, दूरसमुज्झियसयलसंगे | ॥९५॥ |
| धीमंते गुणवंते, सिरिमंते सीलवन्तभगवंते । सुंदर! सुहभावेणं, समणे सरणं पवज्जाहि | ॥९६॥ |
| सव्वाडइसयनिहाणं, समत्थपरतित्थिसासणपहाणं । सुविचित्तसंविहाणं, निबंधणं निरुवमसुहाणं | ॥९७॥ |
| असमंजससुइदुक्खडद्वियाण, आणंददुंदुंभित्तिनायं । रागाडइवज्झपडहं, मग्गं सग्गाडपवग्गाणं | ॥९८॥ |
| भीमभवाडगडनिवडिय-भुवणसमुद्धरणसज्जरज्जुं व । अह जिणधम्मं सम्मं, सुंदर! सरणं पवज्जाहि | ॥९९॥ |
| जोयमहामइमुणिजण-पणमियचलणेहिं तित्थनाहेहिं । झेयत्तेणुवइट्ठो, मुणीण तं मोहनित्थमहणं | ॥८३००॥ |
| सुनिउणमडणाइनिहणं, भूयहियं भूयभावणमडणग्घं । अमियमडजियं महत्थं, महाणुभावं महाविसयं | ॥११॥ |
| सुविचित्तजुत्तिजुत्तं, अप्पुणरुत्तं सुहाडइसयणमित्तं । अनिउणजणदुन्नेयं, नयभंगपमाणगमगहणं | ॥१२॥ |
| नीसेसकिलेसहरं, हरिणंकवलक्खणगणोवेयं । अह सुंदर! जिणधम्मं, सम्मं सरणं पवज्जाहि | ॥१३॥ |
| सग्गाडपवग्गमग्गाडणु-लग्गसंविग्गसव्वभव्वाणं । अप्पडिहयप्पमेयं, परमपमाणं जमडच्चत्थं | ॥१४॥ |
| दव्वं खेतं कालं, भावं च पडुच्च सयललोयगयं । जम्मजरमरणवेयाल-वारणे सिद्धवरमंतं | ॥१५॥ |
| पयडियपयत्थगोयर-हेओवाएयसम्मपविभागं । तं सुंदर! जिणधम्मं, सम्मं सरणं पवज्जाहि | ॥१६॥ |
| सयलसरियालुयासयल-जलहिजलमेलसमुदयाहिंतो । पइसुत्तमडणंतगुणं, अत्थं अणहं परिचहंतं | ॥१७॥ |
| मिच्छत्ततमंङधाणं, निव्वाघायप्पयासवरदीवं । आसं दीणासासग, दीवं च भयोपहिगयाणं | ॥१८॥ |
| चित्ताडइक्कत्तपयाणओ य, चिन्तामणीओ अब्भहियं । हे खवग! जिणपणीयं, धम्मं सरणं पवज्जाहि | ॥१९॥ |
| जणगं च हियं जणणिं च, वच्छलं बंधवं च गुणजणगं । मित्तं च अदोहकरं, समत्थजयजीवरासिस्स | ॥१०॥ |
| सोयव्वाण पयरिसं, दुलहाणं परमदुल्लहं लोए । भावाडमयं च परमं, देसगमडसमं सिवपहस्स | ॥११॥ |
| नाहं अपत्तपावणगुणेण, पत्तस्स पालणेणं च । सुंदर! जिणधम्मं, सम्मं सरणं पवज्जाहि | ॥१२॥ |
| वत्थुगयबोहसाहग-मंङगाडणंगप्पविट्ठसुयरुवं । विहिपडिसेहाडणुगकिरिय-रुवं चारित्तरुवं च | ॥१३॥ |
| निव्वियरवेरिवारोव-रुद्धकायरनरो व्व तायारं । नावं च जलहिपडिओ, धम्मं सरणं पवज्जाहि | ॥१४॥ |
| अट्ठविहकम्मचयरिति-कारगं वारगं च कुगतीए । परिचित्तं सोडं पि, दुक्करं कायरजणाणं | ॥१५॥ |
| सुपसत्थमहात्थाणं, सव्वाण वि दव्वभावरूचाणं । साइसययिचित्ताणं, निबंधणं लद्धिरिद्धीणं | ॥१६॥ |
| असुरसुररायकिंनर-नरवरयिंदाण वंदणिज्जगुणं । सुंदर! जिणधम्मं, सम्मं सरणं पवज्जाहि | ॥१७॥ |
| सम्भाववज्जियं पि हु, बाहिरकिरियाकलावरुवं पि । अक्खंडं कीरंतं, गेवेज्जगसुरसमिद्धिफलं | ॥१८॥ |
| तेणेव भवेणं पुण, उक्कोसाडइराहगाण सिवफलयं । सत्तडट्ठभवन्ते उण, जहन्नआराहगाणं पि | ॥१९॥ |
| लोगुत्तमगुणमइयं, लोगुत्तमगुणहरेहिं निम्मवियं । लोगुत्तमसेवियमयि, फलं पि लोगुत्तमं देति (देतं B) | ॥२०॥ |
| सिरिकेवलपन्नतं, सिद्धंतनिबंधणं च भगवंतं । सम्मं रम्मं धम्मं पि, धीर! सरणं पवज्जाहि | ॥२१॥ |
| इय कयचउसरणगमो, खमग! महाकम्मसत्तुसंभूयं । भयमडविगणयंतो तुम-मिच्छियमडत्थं लहुं लहसु | ॥२२॥ |
| चउसरणगमणनामं, भणियं एक्कारसं पडिद्वारं । दुक्कडगरिहानामं, एत्तो कित्तेमि बारसमं | ॥२३॥ |

“दृष्टतगर्हाद्वारम्” —

| | |
|-------------------------------------------------------------------------------------------------------|------|
| अरिहंतप्पमुहाणं, चउण्हमिण्हं च उवगओ सरणं । गरिहाहि दुक्कडं कडु-विवागनिग्गहकए धीर! | ॥२४॥ |
| तत्थ जमडरिहंतेसुं, जं वा तच्चेइएसुं सिद्धेसुं । सूरीसु ओज्झाएसु, साहसुं साहुणीसुं च | ॥२५॥ |
| एमाडइसु अण्णेसु वि, सव्वेसु विसुद्धधम्मठाणेसु । वंदणपूयणसक्कार-करणसम्माणविसएसुं | ॥२६॥ |
| जं च तहा माईसु य, पिईसु य बंधवेसु मित्तेसु । उवगारीसुं कइया वि, कहवि मणवयणकाएहिं | ॥२७॥ |
| किंचि वि कयं अणुचियं, उचियं च न चेव जं व किंपि कयं । तं सम्मं सव्वं पि हु, तिविहं तिविहेण गरिहाहि॥२८॥ | ॥२८॥ |
| अट्ठमयट्ठाणेसुं, अट्ठारसपावठाणेसुं वा । जं कहवि किंपि कइया वि, वट्ठियं तं पि गरिहाहि | ॥२९॥ |
| जं पि कयं कारियमडणु-मयं च पावं पणिट्ठमियरं वा । कोहा माणा मायाए, लोभओ तं पि गरिहाहि | ॥३०॥ |

| | |
|--------------------------------------------------------------------------------------------------|------|
| रागा वा दोसा वा, मोहा वा गयविवेयरयणेण । इहपरलोयविरुद्धं, जं पि कयं तं पि गरिहाहि | ॥३१॥ |
| एत्थ भवे अन्नत्थ व, मिच्छादिद्वित्तमणुसरंतेणं । जिणभवणविम्बसंघाडडइ-याण मणवयणकाएहिं | ॥३२॥ |
| जो किर कओ पओसो, अवन्नवाओ तहोवघायाडडई । तं तिविहं तिविहेणं, सुंदर! सव्वं पि गरिहाहि | ॥३३॥ |
| अच्चन्तपावमइणा, मोहमहागहगसिज्जमाणेणं । जिणविम्बभंगगालण-फोडणकयविवक्कया जे य | ॥३४॥ |
| लोभाडडलिं गियमणसा, कया य कारायिया य सपरेहिं । गरिहाहि ते वि सम्मं, स एस तुह गरिहणाकालो | ॥३५॥ |
| तह एत्थ भवे अन्नत्थ, वा वि मिच्छत्तवुड्ढिसंजणं । सुहुमाण बायराण य, तसाण तह थावरणं च | ॥३६॥ |
| जीयाणं एगंतेण, चेव उवघायकारणमडवंडं । उक्खलअरहट्टघरट्ट-मुसलहलकुलिससत्थाडडइ | ॥३७॥ |
| धम्मडग्गिद्वियवावी-कूवतलायाडडइजागपमुहं च । जमडहिगरणं पवत्तिय-मडसेसमडवि तं पि गरिहाहि | ॥३८॥ |
| सम्मत्तं पि हु लदधूण, तव्विरुद्धं कयं जमिह किंचि । तं पि तुमं संविग्गो, सम्मं सव्वं पि गरिहाहि | ॥३९॥ |
| इह अन्नत्थ व जम्मे, जइणा सड्ढेण वा वि संतेण । जिणभवणविम्बसंघाडड-इएसु रागाडडइवसणेण | ॥४०॥ |
| जं सपरबुद्धिकप्पण-पुरस्सरं थेवमडवि उदासत्तं । विहियं जा य अचण्णा, कया विघाओ पओसो वा | ॥४१॥ |
| खवग! मणवयणकाएहिं, करणकारावणाडणुमोयणओ । सम्मं तिविहंतिविहेण, तं पि सव्वं पि पडिकमसु | ॥४२॥ |
| संपत्तसावगत्तेण, जं पि अणुव्वयगुणव्वयाडडईसु । अइयारपयं किंपि हु, पकप्पियं तं पि पडिहणसु | ॥४३॥ |
| इंगालकम्ममडह जं, वणकम्मं जं च सागडीकम्मं । जं वा भाडीकम्मं, फोडीकम्मं च जं किंचि | ॥४४॥ |
| जं वा दंतवाणिज्जं, रसवाणिज्जं च लक्खवाणिज्जं । विसवाणिज्जं जं वा, केसवाणिज्जं च जं किंचि | ॥४५॥ |
| जंतप्पीलणनेलंछणाण, कम्मं दवग्गिदाणं जं । सरदहतलायसोसं, असईपोसं च जं किंपि | ॥४६॥ |
| एत्थ भवे अन्नत्थ व, कयं तहा करियं अणुमयं च । तं पि दुगंछसु सम्मं, तिविहं तिविहेण सव्वं पि | ॥४७॥ |
| जं किंचि कयं पावं, पमायओ दप्पओ उवेच्चाए । सहसाडणाभोगेण व, तं पि हु तिविहेण गरिहाहि | ॥४८॥ |
| परपरिभवकरणाओ, परवसणसुहितणाउ जं अहवा । जं परहसणाओ वा, जं परविस्सासघाडता | ॥४९॥ |
| जं परदक्खिन्नाओ, सुतिव्वविसयाडभिलसओ जं च । जं वा कीलाकेली-कूजहलाडडसत्तचित्तता | ॥५०॥ |
| रोदट्टेहिं जं वा, अत्थाओ अणत्थदंडओ अहवा । पावं समज्जियं किंपि, तं पि सव्वं पि गरिहाहि | ॥५१॥ |
| तह धम्मसामायारी-भंगो जो जो य नियमवयभंगो । मोहंउधेणं विहिओ, तं पि पयत्तेण निंदाहि | ॥५२॥ |
| देवे अदेवबुद्धी, जमडदेवे चेव देवबुद्धी य । सुगुरुम्मि अगुरुबुद्धी, अगुरुम्मि वि. जं च गुरुबुद्धी | ॥५३॥ |
| तते अतत्तबुद्धी, जं च अतते वि तत्तबुद्धी उ । धम्मे अधम्मबुद्धी, जमडधम्मे धम्मबुद्धी उ | ॥५४॥ |
| एत्थ परत्थ व जम्मे, कया तहा कारिया अणुमया य । मिच्छत्ततमंउधेणं, तं च विसेसेण निंदाहि | ॥५५॥ |
| सत्तेसु जं न मेत्ती, कया पमोओ न जं गुणड्ढेसु । जं च न कयं कया वि हु, किलिस्समाणेसु कारुणं | ॥५६॥ |
| तह पावपसत्तेसुं, सत्तेसुं नो कया उवेहा जं । जं च न सुस्सूसा तह, कया पसत्थेसु सत्थेसु | ॥५७॥ |
| जं च जिणपहुपणीए, चरित्तधम्मे कओ न अणुरागो । वेयावच्चं गुरुदेव-गोयरं जं च नो विहियं | ॥५८॥ |
| विहियं च हीलणं ताण, जं च मिच्छत्तमोहमूढेण । तं पि य सव्वं सुंदर! दूरं निंदाहि गरिहाहि | ॥५९॥ |
| जिणवयणमडमयभूयं, पत्थमडतुच्छं च भव्वसत्ताणं । निसुयं पि जं न सम्मं, नो सद्वहियं च सोऊणं | ॥६०॥ |
| संतम्मि बले संतम्मिं, वीरिए तह परक्कमे संते । संते य पुरिसयारे, सोऊणं सद्वहेउं वा | ॥६१॥ |
| अंगीकयं न सम्मं, अंगीकयमडवि न पालियं जं च । तप्पालणापरेसु य, जं च पओसो समुब्बूढो | ॥६२॥ |
| भंगो य पओसाओ, विहिओ तक्करणगोयरो जं च । तं तं गरिहाहि तुमं, स एस तुह गरिहणाकालो | ॥६३॥ |
| तह नाणे जो को वि हु, अइयारो दंसणे य चरणे वा । विहिओ तथे य विरिए, तं पि हु तिविहेण गरिहाहि | ॥६४॥ |
| नाणे तत्थ अकाले, विणएण विणा य अबहुमाणेण । अविहियजहोवहाणं, सुत्तथे गिन्हमाणेणं | ॥६५॥ |
| तद्दापगनिणहवणा, सुयाडडइअसुयाडडइजंपणाउ तहा । सुत्तस्स व अत्थस्स व, उभयस्स व अन्नहाकरणा | ॥६६॥ |
| चोलीणाडणागयवट्टमाण-कालेसु जो कओ कह वि । अइयारो तमडसेसं, तिविहं तिविहेण गरिहाहि | ॥६७॥ |

1. धम्मग्गिद्विय = कर्षणार्थं क्षेत्रे जीर्णतृणानि दहन्ते सा धर्माग्निच्छिका उच्यते ।

| | |
|---------------------------------------------------------------------------------------------------|--------|
| अह दंसणम्मि जीवाऽऽइ-गोयरं देससच्चयं संकं । अवरऽवरदंसणगाह-गोयरं दुविहमऽवि कंखं | ॥६८॥ |
| तह दाणसीलतवभावणाऽऽइ-फलगोयरं च वितिगिच्छं । जल्लमललितगतते, मुणिणो य पडुच्च वि दुगुच्छं | ॥६९॥ |
| दिट्ठीमोहं च कुणंतण, अकुणंतण धम्मीणं । उववूहथिरीकरणे, वच्छल्लपभावणाओ य | ॥७०॥ |
| कालम्मि अईयम्मि, पडुपण्णेऽणागए य जो विहिओ । अइयारो तमऽसेसं, तिविहं तिविहेण गरिहाहि | ॥७१॥ |
| तह चरणपहाणासुं, पंचसु समिईसु तीसु गुतीसु । पढमाए तत्थ जो अणु-वउत्तगमणं कुणंतेणं | ॥७२॥ |
| तह वयणमऽणुवउत्तं, जो भासंतेण बीयसमिईए । तइयाए अणुवउत्तं, भत्तग्गहणं कुणंतेण | ॥७३॥ |
| उवगरणगहणनिक्खिणवण-मऽणुवउत्तं चउत्थसमितीए । चरिमाए चयणीय-च्चायमऽजयणं कुणंतेणं | ॥७४॥ |
| तह पढमगुतिविसए, भाणसमऽसमंजसं धरंतेण । बीयाए कज्जवज्जं, कज्जे वा जयणवज्जं पि | ॥७५॥ |
| वयणं भासंतेणं, एवं कारण तइयगुतीए । चेदंतेण अकज्जे, जयणावज्जं च कज्जे वा | ॥७६॥ |
| जो को वि हु अइयारो, विहिओ कालत्तए वि चरणम्मि । तं तिविहं तिविहेणं, सम्मं सच्चं पि गरिहाहि | ॥७७॥ |
| रागद्दांसकसायाऽऽइ-इएसु पसरेण कलुसियं जं च । चारित्तमहारयणं, तं पि विसेसेण निंदाहि | ॥७८॥ |
| एतो दुवालसविहे, तवम्मि कइया वि कहवि जो विहिओ । सच्चंपि तंपि सम्मं, अइयारं धीर! गरिहाहि | ॥७९॥ |
| तह नाणाऽऽइगुणेषुं, बलविरियपरक्कमाण भावे वि । न परक्कमियं जं तं, विरियऽइयारं पि गरिहाहि | ॥८०॥ |
| जो दसविहजइधम्मे, जो वा किर चरणकरणगुणविसए । तिविहंतिविहेण तयं पि, धीर! गरिहाहि अइयारं | ॥८१॥ |
| जे पाणवहाऽऽईणं, मूलगुणाणं पि के वि अइयारा । सुहुमा व बायरा वा, सम्मं गरिहाहि ते सच्चं | ॥८२॥ |
| पिंडविसुद्धाऽऽईणं, अइयारा जे य उत्तरगुणाणं । सुहुमा व बायरा वा, ते वि हु गरिहाहि भावेणं | ॥८३॥ |
| मिच्छतुच्छाइयसुद्ध-बुद्धिणा धम्मिए जणे जं च । पावमऽचन्नाख्वं, रइयं गरिहाहि तं सच्चं | ॥८४॥ |
| आहारभयपरिग्गह-मेहुणसन्नानिसन्नचित्तेणं । पावं जं पि पवत्तिय-मेत्ताहे तं पि निंदाहि | ॥८५॥ |
| इय दुक्कडगरिहं कारिऊण, ख्वयं गुरु जहाजोगं । दुक्कडगरिहाकज्जं, ख्रामणमऽवि इय करावेइ | ॥८६॥ |
| चउगइगएण हे ख्रमग! पाणिणो ठाविया तुमे दुक्खे । जे के वि ते ख्रमावेसु, एस तुह ख्रामणाकालो | ॥८७॥ |
| तथाहि- | |
| नेरइयत्ते जं नारयाण, नरयम्मि कम्मवसगाणं । भवधारणिज्जउत्तर-वेउच्चियरुवदेहेहिं | ॥८८॥ |
| विउलुज्जलकक्कसदुस्सहाउ, वियणाउ निम्मियाउ दढं । ख्रामेसु तं समगं, न एस तुह ख्रामणाकालो | ॥८९॥ |
| तह वन्नगंधरसफास-भेयभिन्नाण पुढविपभिईण । एगिंदियजीवाणं, तिरियत्ते संसरंतेण | ॥९०॥ |
| एगिंदियत्तपतेण, चेव अन्नोन्नसंगसत्थाओ । जा का वि कहिं पि कया, विराहणा तं पि ख्रामेसु | ॥९१॥ |
| बेईदियाऽऽइपंचे-दियाऽवसाणाण जा वि जीवाणं । एगिंदियत्तणे च्चिय, विराहणा तं पि ख्रामेसु | ॥९२॥ |
| तत्थ पुढवित्तणाओ, विराहणा किर बिईदियाऽऽइणं । उवरिम्मि सिलालेट्टुग- ^१ भिउडीपडणाऽऽइदारेण | ॥९३॥ |
| आउक्कायत्तणओ, तब्बाहा तप्पलावणा अहवा । हिमकरगवरिसधारा-जलच्छडच्छोडणाऽऽईहिं | ॥९४॥ |
| विज्जुविणिवायजलियग्गि-पडणवणदवपलीवणाऽऽईसु । तेउक्कायत्ताओ, बिईदियाऽऽइणं विदवणं | ॥९५॥ |
| वाउक्कायत्तणओ वि, होइ तेसिं विराहणा नूणं । सोसणछणणुप्पाडण-भंजणपरिमोडणाऽऽईहिं | ॥९६॥ |
| अहवा वणस्सइत्ता, तरुसाहानिवडणादुवरि तेसिं । पयइयिरुद्धयिसरुव-वणस्सईभक्खणाओ य | ॥९७॥ |
| बेईदियाऽऽइभावं, गएण एगिंदियाऽऽइजीवाणं । विहिया विराहणा जा, तं पि हु तिविहेण ख्रामेसु | ॥९८॥ |
| तब्भावणा फुड च्चिय, अलसाऽऽइददुराऽवसाणा जं । संवडिढत्ता पुढविं, पढमं बाँदिं पि गिण्हति | ॥९९॥ |
| आउक्काउप्पणा, अणवरउप्फिडणफंदणाऽऽईहिं । परिचमढणपिवणाऽऽइ, कुणमाणा तं विराहेति | ॥८४००॥ |
| ख्रारकडुतिक्खकक्कस-रसफासबिईदियाऽऽइदेहाओ । संभवइ तेउवाउ-क्कायाण वि किर विराहणया | ॥१॥ |
| वणसइकायंतोबहि-जायंतैहिं बिईदियाऽऽईहिं । वणसतिकायस्स वि सा, किज्जइ तक्ख्रामणा तेण | ॥२॥ |
| बेईदियाऽऽइभावं, गएण बेईदियाऽऽइणो चेव । सपरोभयजातीया, विराहिया के वि जे जीवा | ॥३॥ |

1. भिउडी = भूमङ्गः ।

| | |
|-------------------------------------------------------------------------------------------------|------|
| एत्थ भवे अन्नत्थ व, सयं परेणं च ते वि खामेसु । तिविहं तिविहेणं पि हु, स एस तुह खामणाकालो ॥४॥ | ॥४॥ |
| जलचरथलचरखर-जाइतमुवागएण जा का वि । सपरोभयजाईणं, जलथलखयराण चव मिहो ॥५॥ | ॥५॥ |
| आहारभयाडडलयडवच्च-रक्खणाडडइकए नराणं च । विहिया विराहणा जा, तं पि य तिविहेण खामेसु ॥६॥ | ॥६॥ |
| इय तिरियत्ते तिरिनर-जीवाण विराहणं खमावेत्ता । खामेसु पुण नरत्ते, तिरिनरसुरगोपरं पि तयं ॥७॥ | ॥७॥ |
| तत्थ नरत्ते सुहुमा, इयरा वा जे विराहिया जीवा । खामेसु ते वि सव्वे, स एस तुह खामणाकालो ॥८॥ | ॥८॥ |
| दंतालहलक्खडणेसु, कूपचावीतलायखणणेसु । घरहट्टाडडरंभाडडईसु, विराहिया पुढविजीवा जं ॥९॥ | ॥९॥ |
| एत्थ भवे अन्नत्थ व, सयं परेणं च तं पि गरिहेसु । तिविहं तिविहेणं, पि हु, स एस तुह खामणाकालो ॥१०॥ | ॥१०॥ |
| करचरणमुहक्खालण-अंगोहलिण्हाणसोयपाणेसु । जलकीलणाडडइएसु य, विराहिया आउजीवा जं ॥११॥ | ॥११॥ |
| एत्थ भवे अन्नत्थ व, सयं परेहिं व तं पि खामेसु । तिविहं तिविहेणं पि हु, स एस तुह खामणाकालो ॥१२॥ | ॥१२॥ |
| सेयणचिसीयणाडडहार-पागडहणंउकणप्पईवेसु । सेसतदाडडरंभेसु य, विराहिया तेउजीवा जे ॥१३॥ | ॥१३॥ |
| एत्थ भवे अन्नत्थ व, सयं परेहिं व ते वि खामेसु । तिविहं तिविहेणं पि य, स एस तुह खामणाकालो ॥१४॥ | ॥१४॥ |
| तालोडुवियणगोफण-तिस्ससणुस्सासधचणफुक्कासु । संखाडडइवायणेसु य, विराहिया वाउजीवा जे ॥१५॥ | ॥१५॥ |
| एत्थ भवे अन्नत्थ व, सयं परेहिं व ते वि खामेहि । तिविहं तिविहेणं पि हु, स एस तुह खामणाकालो ॥१६॥ | ॥१६॥ |
| तच्छण्ठेयणमोडण-तोडणउक्खणणभक्खणाडडईहिं । खेतखलाडडरामाईसु, विराहिया जे वणस्सइणो ॥१७॥ | ॥१७॥ |
| एत्थ भवे अन्नत्थ व, सयं परेहिं च ते वि खामेसु । तिविहं तिविहेणं पि य, स एस तुह खामणाकालो ॥१८॥ | ॥१८॥ |
| गंडोलयअलसजलूय-किमियसंखाणअसंखसंखा य । सिप्पिकवड्डाडडईया, विइंदिया जे वि कहवि हया ॥१९॥ | ॥१९॥ |
| एत्थ भवे अन्नत्थ व, सयं परेहिं च ते वि खामेसु । तिविहं तिविहेणं पि हु, स एस तुह खामणाकालो ॥२०॥ | ॥२०॥ |
| मंकुणमंकोडगकुंथु-कीडिया कतरा य घेइल्ला । उदेहियजूयाडडई, तिइंदिया जे वि कहवि हया ॥२१॥ | ॥२१॥ |
| एत्थ भवे अन्नत्थ व, सयं परेहिं च ते वि खामेसु । तिविहं तिविहेणं पि हु, स एस तुह खामणाकालो ॥२२॥ | ॥२२॥ |
| कंडरतिट्ठपयंगा, दंसा मसगा य मच्छिया भमरा । विच्चुयपमुहा उ विरा-हिया उ चउरिंदिया जे य ॥२३॥ | ॥२३॥ |
| एत्थ भवे अन्नत्थ व, सयं परेहिं च ते वि खामेसु । तिविहं तिविहेणं पि हु, स एस तुह खामणाकालो ॥२४॥ | ॥२४॥ |
| अहिनउलसरडगोहा, कुड्डगिरोलगतदंडगाडडईया । मूसगकागसियाला, सुणगा मज्जारपमुहा य ॥२५॥ | ॥२५॥ |
| हासेण पओसेण व, अत्थाओ अणत्थओ य कीलणओ । आभोगअणाभोगा, वहिया पंचेदिया जे य ॥२६॥ | ॥२६॥ |
| एत्थ भवे अन्नत्थ व, सयं परेहिं च ते वि खामेसु । तिविहं तिविहेणं पि हु, स एस तुह खामणाकालो ॥२७॥ | ॥२७॥ |
| अहवा- | |
| मंडुक्कमच्छकच्छभ-मगराडडईया य जलचरा जे य । थलचारिणो य हरिहरिण-रोइसूयरससाडडईया ॥२८॥ | ॥२८॥ |
| खेचरा य हंससारस-पारावयकुंचतितिराडडईया । संकप्पाडडरंभेहिं, विराहिया विविहजीवा जे ॥२९॥ | ॥२९॥ |
| जे वा संघट्टियअभिहया य, परिताविया य तासियया । ठाणाउ ठाणंतर-मडहवा संकामिया जे य ॥३०॥ | ॥३०॥ |
| जे वा किलामिया दूमिया य, संघाइया य अन्नोन्नं । इय विविहदुहे ठविया, पाणे छड्डाविया जाव ॥३१॥ | ॥३१॥ |
| एत्थ भवे अन्नत्थ व, सयं परेहिं व ते वि खामेसु । तिविहं तिविहेणं पि य, स एस तुह खामणाकालो ॥३२॥ | ॥३२॥ |
| जे वि मणुयत्तणे च्चिय, वट्टेण मणुया तए कहवि । रायाडवत्थाडडइगएण, पीडिया ते वि खामेसु ॥३३॥ | ॥३३॥ |
| जे तत्थ दुट्टचित्तेण, चिंतिया जे य दुट्टवायाए । भणिया तह जे तणुणा, पलोइया दुट्टदिट्टीए ॥३४॥ | ॥३४॥ |
| नायं पि हु अन्नायं, नायमडनायं पि ठावमाणेण । कलुसत्तणओ दिव्वे, दहाविया सोहिया जे य ॥३५॥ | ॥३५॥ |
| सच्चमडलियं व दोसं, आरोयिता गहाविया जे य । खोडगअट्टिल्लासुं, गोत्तिसुं व खियाविया जे य ॥३६॥ | ॥३६॥ |
| बंधाविया य निगडाविया य, ताडाविया य तह जे य । कुट्टाविया य सेहा-विया य विविहप्पयारेहिं ॥३७॥ | ॥३७॥ |
| दंडाविया य मुंडाविया य, छिंदावियाइं तह जाण । जाणुकरचरणनासोड्ड-कन्नपमुहंउगुवंगाइं ॥३८॥ | ॥३८॥ |
| गहिऊण य सत्थाइं, तच्छिय उक्कतिऊण वा देहं । पच्छा वि य सच्चंगं, खारेहि दहाविया जे य ॥३९॥ | ॥३९॥ |
| पीलाविया य जंतैहिं, जे य पउलाविया य अग्गीए । निहणाविया य गत्तासु, जे उ उल्लंबिया रुक्खे ॥४०॥ | ॥४०॥ |

१ गालियवसणा उक्खणिय-चक्खुणो जे विलुत्तदसणा य । विहिया तह तिक्खाए, सूलाए रोविया जे य ॥४१॥
 आहेडगेसु अहवा, रणंङगणेसुं च तिरियमणुया जे । छिन्ना भिन्ना य २ विलुं-पिया य घुम्माविया जे य ॥४२॥
 पहरंतअपहरंता, जे वि य मुक्काडडउहा पलायंता । अइतिव्वरागदोसा, वयगयजीवा कया जे य ॥४३॥
 एत्थ भवे अन्नत्थ व, सयं परेहिं च ते वि खामेसु । तिविहं तिविहेणं पि हु, स एस तुह खामणाकालो ॥४४॥
 पुरिसत्ते इत्थित्ते, जं परदाराडडङ्गोपरमणज्जं । रगंङ्गधेणं पायं, समज्जियं तं पि निंदाहि ॥४५॥
 जं च कयाइ कत्थई, एत्थ भमंतेण भवकडिल्लमि । विहवाडडइपंसुलित्ते, पावसमुब्भुयगम्भाणं ॥४६॥
 तिण्हण्हदव्वभक्खण-कट्टतुवरसुतिक्खस्वारपाणेहिं । तह पोट्टमलणखील्लग-पक्खेयाडडइपओगेहिं ॥४७॥
 अवरणमडप्पणो वा, पगिट्टरागाडडइगाढमूढेण । गालणसाडणपाडण-विणासणाडडइ कयं पायं ॥४८॥
 पच्चागयसंवेगो, तिविहं तिविहेण सव्वहा सव्वं । गरिहाहि खवग! वंछिय-निव्विग्घाडडराहणकएण ॥४९॥
 जं च जुवइत्तणमि, सवक्खियेहाडडइणा कयं पायं । तग्गभ्भयंभणाडडइय-मडहवा पडघायणाडडइयं ॥५०॥
 जं च वसियरणकारण-कयकम्मणविहडणाडडइ णो विहियं । विहियं जीवंतमय-त्तणं तुमं तं पि निंदाहि ॥५१॥
 जं पि किर पंसुलित्ते, विहियं जीवंतडिंभउड्डणयं । वेसत्ते पुण परबा-लियाण हरणं अदत्ताणं ॥५२॥
 जं च मणुयत्तणे च्चिय, रागदोसाडभिभूयचित्तेणं । सुपउत्तमंततंत-प्पओगओ निविडपीडकरं ॥५३॥
 थंभणथोभुच्चाडण-विदेसीकरणवसियरणमाडडई । जेसि कहंपि विहियं, जीवाणं मोहमूढेणं ॥५४॥
 एत्थ भवे अण्णत्थ व, सयं परेहिं च ते वि खामेसु । तिविहं तिविहेणं पि हु, स एस तुह खामणाकालो ॥५५॥
 तह जे भूयाडडईया, सुरा वि मंताडडदिसत्तिजोगेण । कत्थइ कयाइ कहयि हु, आगरिसित्ता बला चेव ॥५६॥
 कारावणेण आणाडडई, पीडिया अहव पतमोइन्ना । जे के वि किलीया ता-डिया व मोयाविया पत्तं ॥५७॥
 एत्थ भवे अन्नत्थ व, सयं परेहिं च ते वि खामेसु । तिविहं तिविहेणं पि हु, स एस तुह खामणाकालो ॥५८॥
 इय तिरियमणुयदेये, मणुयत्तविराहिए खमावेत्ता । खामेसु खवग! संपइ, देवत्तविराहिए सम्मं ॥५९॥
 भयणवइवाणमंतर-जोइसवेमाणियत्तपत्तेणं । नेरइयतिरियमणुया, दूहविया जे य देवा य ॥६०॥
 मज्झत्थमणो होउं, तिविहं तिविहेण भावओ खवग! । खामेसु संपयं ते, स एस तुह खामणाकालो ॥६१॥
 तत्थ—
 परमाहम्मियभावं, गणण दुक्खाइं बहुपयारेहिं । नेरइयाणं रइयाइं, जाइं ताइं पि खामेसु ॥६२॥
 उवभोगपरीभोगाडडइ-कारणपुढविकायपभिईणं । तन्निस्सियाण बेइं-दियाडडइजीवाण तह जं च ॥६३॥
 देवत्तणमि विहियं, विराहणं रागदोसमोहेहिं । खामेसु तं पि सम्मं, स एस तुह खामणाकालो ॥६४॥
 जं च किर माणुसाणं पि, वइरनिज्जायणाडडइकज्जेण । अवहरणं बंधवहउये-भेयथणहरणभरणाडडई ॥६५॥
 देवत्तणे च्चिय कयं, तिक्खं दुक्खं कसायकलुसेणं । खामेसु तं पि सम्मं, स एस तुह खामणाकालो ॥६६॥
 जं च तियसत्तणे च्चिय, महिडिडयत्तेण इयरदेयाणं । आएसदाणवाहण-ताडणपरिभवकरणपमुहं ॥६७॥
 विहियं महंतमडसुहं, चित्ताडचलचुत्तणेक्कवज्जसमं । खामेसु तं पि सम्मं, स एस तुह खामणाकालो ॥६८॥
 इय नारयतिरियनराडमरंङ्गि-कयखामणो वि पत्तेयं । पंचमहव्वयविसयं, अइयारं इण्हि परिहरिउं ॥६९॥
 सव्वजगज्जीवेसुं, सुहुमेसु य बायरेसु जं दुक्खं । इह परभवे य मणयं पि, कप्पियं तं पि निंदाहि ॥७०॥
 संजणियपाणिपीडं, पओसहासाडडइणा अलियवयणं । अन्नाणंङ्गधेणं जं पि, जंपियं तं पि निंदाहि ॥७१॥
 परसंतमडदत्तं कहयि, किंपि लोभाडडइगहियमडवलियं । जं तं पि पावपंसुं, पसरन्तं भद्द! रुंभाहि ॥७२॥
 नरतिरियाडमरगोयर-मणवायाकायमेहुणसमुत्थं । जं पि य पावं तं पि हु, तिविहं तिविहेण निंदाहि ॥७३॥
 सच्चित्ताडच्चित्ताडडईसु, दव्वेसु परिग्गहं कुणंतेणं । जं पावं खवग! कयं, तं णिंदसु तिविहंतिविहेण ॥७४॥
 रसगिद्धीए कारणवसेण, अन्नाणओ य किंपि कहिं । जं स्तीए भुत्तं, तं पि हु सव्वं पि निंदाहि ॥७५॥
 वोलीणाडणागयवट्टमाण-कालेसु जाइं वइराइं । जीवेहि सह कयाइं, ताणि वि निंदाहि सव्व्याणि ॥७६॥

जे य मणोचङ्काया, असुहा उ सुहाऽसुहेसु वत्थूसु । वावारिया उ तीसु वि, कालेसुं ते वि निंदाहि ॥७७॥
दव्यं खेतं कालं, भावं च पडुच्च जं च सक्कं पि । न कयं किच्चमऽकिच्चं पि, विहियमऽह तं पि गरिहाहि ॥७८॥
लोयम्मि कुतित्थपवत्तणाउ, मिच्छत्तसत्थदिसणाउ । मग्गविणिगूहणाओ, उम्मग्गपरुवणाओ य ॥७९॥
कम्मप्पबंधबंधण-निबंधणं अप्पणो परेसिं च । जाओ सि खवग! जं तं, तिविहं तिविहेण गरिहाहि ॥८०॥
पावाऽऽरंभपसताइं, जाइं एत्थं अणाइनिहणम्मि । पइजम्मं कम्मवसा, भवचक्के चंक्रमंतेणं ॥८१॥
गहियाणि य मुक्काणि य, हे खमग! सरीरगाणि विविहाणि । सुसिणिद्धकुडुंबाणि य, ताई सव्याणि वोसिरसु ॥८२॥
लोहयसट्टेण समज्जिऊण, जो पावठाणपडिबद्धो । विहोओ अत्थो तं पि हु, सम्मं सव्वं पि वोसिरसु ॥८३॥
वोलीणाऽणागयवट्टमाण-काले पवत्तिया जे य । पावाऽऽरंभा ते वि हु, सम्मं सव्वे वि वोसिरसु ॥८४॥
वितहं परुवियं जं, जिणवयणं वितहमेव सदहियं । अणुमण्णियं व वितहं, तं तं सव्वं पि गरिहाहि ॥८५॥
खेतऽद्धाऽऽइदोसा, जइवि न सम्मं अणुट्टिउं तरियं । जिणवयणं तह वि हु जं, पडिबंधो असदऽणुट्टाणे ॥८६॥
विहोओ मणोरहा वि हु, सम्माऽणुट्टाणगोयरा न कया । तं सविसेसं सुंदर!, निंदाहि पुणो पुणो सम्मं ॥८७॥
किं बहुणा भणिणं, समतणमणिलेट्ठुकंचणो होउं । समसत्तुमित्तचित्तो य, गरुयसंवेगसारो य ॥८८॥
सच्चित्तमऽचित्तं मीस-गं च दव्यं पडुच्च जं पावं । विहियं तं पि हु गरिहाहि, तिविहंतिविहेण खवग! तुमं ॥८९॥
तगनगराऽऽगरगामाऽऽ-रामविमाणाऽऽइभवणखलगाऽऽइ । आसज्ज जं पि किंचि वि, उद्धाऽहोतिरियलोएसु ॥९०॥
वोलीणाऽणागयवट्टमाण-सीउण्हावासकालेसु । जं पि य कहं पि राओ, दियाओ दीहऽप्पठिइयं वा ॥९१॥
ओदइयाऽऽइयभावट्टिएण, गुरुरागदोसमोहेहिं । सुवणे जागरणे वा, तिव्याऽऽइभेयभित्रं च ॥९२॥
पावाऽणुबंधिपावं, सुहुमं वा बायरं व मणसा वा । वायाए काएण व, कयं व कारियमऽणुमयं वा ॥९३॥
एत्थ व जम्मे जम्मन्तरे व, सव्वन्नवयणओ निउणं । नाऊण दुक्कडं गरह-णीयमिणमुज्झणीयं च ॥९४॥
अरहन्तसिद्धगुरुसंघ-सक्खियं दुक्खसंखयनिमित्तं । निंदसु गरिहसु पडिकमसु, सव्वहा सव्वमवि सम्मं ॥९५॥
इय खवग! भावसारं, सारंउगं सयलपावसुद्धीए । आराहणाकयमणो, मणे विसप्पंतसंवेगो ॥९६॥
मिच्छा मि दुक्कडं भण, पुणो वि मिच्छा मि दुक्कडं चेव । मिच्छा मि दुक्कडं ती, तदऽपुणकरणं च पडिवज्ज ॥९७॥
दुक्कडगरिहानामं, बारसमं वन्नियं पडिद्वारं । सुकयाऽणुमोयणादार-मिण्हे साहेमि तेरसमं ॥९८॥

“सुकृत-अनुमोदनाद्वारम्” —

भावाऽऽरोग्गणिमित्तं, खवग! महारोगवग्गविहुरंउगो । सत्थऽत्थकुसलवेज्जो-वइट्टकिरियाकलावं व ॥९९॥
सुहंमसमाऽऽसेवण-भावियभावत्तणं बहुभवेसु । अणुमोएज्जसु सम्मं, सव्वेसिं जिणवरिंदाणं ॥८५००॥
तह तित्थयरभवाओ, आरेणं ऊसरित्तु तइयभवे । तित्थयरत्तनिबंधण-वीसट्टाणाऽणुसेवित्तं ॥१॥
सुरलोगभवाउ च्चिय, सरिसाऽऽगयमइसुओहिरुवेणं । निम्मलनाणतिगेणं, सहियं गब्भाऽय्यारित्तं ॥२॥
सहसा निरंतरोवित्तं-सयलसुरपूरियंऽबरत्तणओ । नियकल्लाणदिणेसुं, दावियलोगतिगेगतं ॥३॥
सव्वजगजीवचच्छल-तित्थपवत्तणपरायणत्तं च । सव्वगुणपपरिसत्तं, सव्वुत्तमपुण्णरासित्तं ॥४॥
सव्याऽइसयनिहित्तं, तह ववगपरंगदोसमोहतं । लोयाऽलोयपगासग-केवलसिरिसंगयत्तं च ॥५॥
अमरविणिम्मियलडुऽट्ट-पयडपहपाडिहेरसोहित्तं । सुरविरइयचामीयर-पउमोवरिपयनिवेसित्तं ॥६॥
अगिलाणीएऽणुवजीवणेण, भव्याण धम्मदेसित्तं । अणुयकयपराऽणुग्गह-संपायणलंपडत्तं च ॥७॥
समकालोदयमाऽऽगच्छमाण-निस्सेसपुत्रपयडित्तं । तेलोक्कचक्ककीरंत-पायपउमोवसेवित्तं ॥८॥
अप्पडिहयपसरफुरंतनाण-दंसणगुणाण धारित्तं । अहखायचरणलक्खण-सिरीसमिद्धासियत्तं च ॥९॥
अप्पडिहयप्पयावं, विहरित्तु अणुत्तराए चरियाए । जम्मजरमरणवज्जिय-सासयसुहपयगमित्तं च ॥१०॥
सव्वेसिं सव्वन्नूण, सव्वदरिसीण जिणवरिंदाणं । तिविहंतिविहेण सया, अणुमोएज्जसु तुमं सम्मं ॥११॥
एवं सिद्धाणं पि हु, पहीणपुणरुत्तभवनिवासित्तं । ववगयनाणाऽऽवरणाऽऽइ-सयलकम्मोवलेवत्तं ॥१२॥
तह राहुगहपहापडल-विगमओ सूरससहराणं व । अणुमोएज्जसु सम्मं, जहट्टियप्पाऽवभासित्तं ॥१३॥
अमरत्तं अजरत्तं, अजम्मणत्तं अमुत्तिमतं वा । निरुज्जत्तमऽसामित्तं, सिद्धिपुरीए णिवासित्तं ॥१४॥

| | |
|------------------------------------------------------------------------------------------|------|
| अपरायतेगंतिय-अच्चंतियऽणंतसुहसमिद्धतं । वितिमिरअणंतकेवल-नाणदंसणसरुवतं | ॥१५॥ |
| समकालसंपललोयाऽ-लोयगसम्भूयभावदरिसितं । एत्तो च्चिय अच्चंतिय-अणंतवीरियपरिगयतं | ॥१६॥ |
| सदाऽऽइअगम्मतं, अच्छेज्जतं अभिदणीयतं । निच्चं कयकिच्चतं, अण्णिदियतं अणुवमतं | ॥१७॥ |
| सव्वाऽसुहवियलतं, अणवज्जतं निरंजणतं च । निदंत्तमऽकिरियत-मऽच्चुयतं सुथिमियतं | ॥१८॥ |
| सव्वाऽवेक्खारहियतणं च, ख्वाइगसमत्थगुणवतं । ववगयपरतंतं, तिलोयचूडामणितं च | ॥१९॥ |
| सव्वेसिं सिद्धाणं, समत्थतेलोककवंदणिज्जाणं । तिविहंतिविहेण सया, अणुमोएज्जसु तुमं सम्मं | ॥२०॥ |
| तह पंचपयारस्स वि, सम्मं सुविहियजणाऽणुचिन्नस्स । आयारस्स भगवओ, पहुपायपसायपत्तस्स | ॥२१॥ |
| अगिलाणीएऽणुवजीवणेण, परिपालगतणं सम्मं । सम्मं परुवगतं, सव्वेसिं भव्वसत्ताणं | ॥२२॥ |
| अहिणवपुरस्सरं तेसि-मेव कारावणं च तस्सेव । सव्वेसिं सूरीणं, अणुमोएज्जसु तुमं सम्मं | ॥२३॥ |
| एय उचज्झायाणं, पंचविहायारपालणरयाणं । पयईए चेव परो-वयारकरणेक्करसियाणं | ॥२४॥ |
| सुत्तऽत्थतदुभएहिं, अंगोवंगपाइन्नगप्पमुहं । सुत्तं जिणप्पणीयं, अहिज्जमाणेण ताव सयं | ॥२५॥ |
| तह अत्तेसिं पि दुवालसंडग-गणिपिडगसुत्तदाइतं । तिविहंतिविहेण सया, अणुमोएज्जसु तुमं सव्वं | ॥२६॥ |
| एवं कयउत्ताणं, चरित्तचूडामणीण धीराणं । सुगिहीयणामधेयाण, विविहगुणरयणरासीणं | ॥२७॥ |
| समणाण सुविहियाणं, अकलंकविसालसीलसालितं । जायज्जीवं निरऽवज्ज-वित्तिवत्तित्तणं तह य | ॥२८॥ |
| जयजीववच्छलतं, ससरीरे वि हु ममतरहियतं । सयणजणेसु समतं, सुनिरुद्धपमायपसरतं | ॥२९॥ |
| पसमरसनिम्भरतं, सज्झायज्झाणपरमरसियतं । आणापरतंतं, संजमगुणवद्धलक्खतं | ॥३०॥ |
| परमत्थगवेसितं, भवद्विइनिग्गुणतभायितं । तत्तो य तच्चिरागि-तणं परं परमसंवेगा | ॥३१॥ |
| भवसंकडिल्लपडिवक्ख-भूयकिरियाकलावकारितं । तिविहंतिविहेण सया, अणुमोएज्जसु तुमं सम्मं | ॥३२॥ |
| तह सव्वेसिं पि हु सावगाण, पयईए पियसुधम्मतं । जिणवयणधम्मरागा-ऽणुरत्तदेहऽट्टिमिजतं | ॥३३॥ |
| जीवाऽजीवाऽऽइसमत्थ-वत्थुविसयम्मि परमकुसलतं । निग्गंथा पावयणा, देवाऽऽईहि वि अख्रोभितं | ॥३४॥ |
| सम्मदंसणपामोक्ख-मोक्खसाहगुणेषु गाढतं । तिविहंतिविहेण सया, अणुमोएज्जसु तुमं सम्मं | ॥३५॥ |
| अत्तेसिं पि हु आसण्ण-भाविभद्दाण भविउकामाणं । कल्लाणाऽऽसयवितीण, पयणुकम्माऽणुभावाणं | ॥३६॥ |
| देवाण दाणवाण य, नरतिरियाणं पि सव्वसत्ताणं । सम्मगाऽणुगयतं, अणुमोएज्जसु तुमं सम्मं | ॥३७॥ |
| एवं अरिहंताऽऽईसु, सुकडऽणुमोयणमऽणुक्खणं सम्मं । भालयलाऽऽरोवियपाणि-पल्लवो भद्द! कुणमाणो | ॥३८॥ |
| सिद्धिलेसि तेसि हाणि, ख्वेसि चिरसंचियं पि कम्ममलं । निहणियकम्मा सम्मं, सुंदर! आराहओ होसि | ॥३९॥ |
| सुकडाऽणुमोयणादार-मेवमऽक्खायमिण्हि साहेमि । चउदसमं पडिदारं, भावणपडलाऽभिहाणं ति | ॥४०॥ |

“भावनापटलद्वारम्” —

| | |
|-------------------------------------------------------------------------------------------------------|------|
| पाएणं सव्वरसाण, लघणवेहेण जह पहाणतं । जह वा पारयरससं-गमेण लोहाण कणगतं | ॥४१॥ |
| एवं दाणाऽऽईण वि, धम्मंडगाणं न भावणाए विणा । वंछियफलदाइतं, ता तीए खवग! कुण जतं | ॥४२॥ |
| तथाहि— | |
| दिन्नं बहुं पि दाणं, सीलं पि हु पालियं चिरं कालं । सुट्ठु तवियं तयो वि हु, भावणवियलं न किं पि तयं॥४३॥ | ॥४३॥ |
| दाणे अहिणवसेट्ठी, दिट्ठंतो होइ भावसुन्नम्मि । सीलतवेसुं पुण विर-हिणसु भावेण कंडरिओ | ॥४४॥ |
| हलिपारावणकयमण-हरिणस्स किमाऽऽसि दाणमऽह तह वि । तव्भावणापयरिसा, दायगतुल्लं फलं जायं | ॥४५॥ |
| अह वा उ जुन्नसेट्ठी, दिट्ठंतो सो वि दाणविरहे वि । तप्परिणामपरिणओ, पत्तो तह पुन्नपब्भारं | ॥४६॥ |
| तह सीलतवाऽभावे वि, पयइपसरंतत्तियसंवेगा । तप्परिणामपरिणया, मरुदेवीसामिणी सिद्धा | ॥४७॥ |
| तह परिमियसीलतवाऽ-वही वि भयवं अवंतिसुकुमालो । सुहभावणागुणा भो! जाओ देवो महिडिद्धओ | ॥४८॥ |
| अन्नं च दाणधम्मो, अवेक्खई नूणमऽत्थसव्भावं । सीलतवा वि जहुत्ता, संहणणविसेससाऽवेक्खा | ॥४९॥ |
| एसा हि भावणा पुण, न पयत्थंतरमऽवेक्खाए किं पि । किं तु सुहचित्तपभवा, ता जइयव्वं चिय इमीए | ॥५०॥ |
| नणु अंतरदिहीए, बज्झं कारणमऽवेक्खइ इमा वि । न सुहं झाउमडलं जं, उच्चिग्गमणो मणाणं पि | ॥५१॥ |

एतो च्विय कितिज्जइ, मणुन्नभोयणमणुण्णगेहेसु । संतेसु झायइ मुणी, मणोन्नमडविसन्नमणजोगो ॥५२॥
 तन्न अवेक्खाकारण-विरहेणं भावणा वि सच्चमिणं । नचरं मणोनरोहा-डसमत्थमुणिणो पडुच्च इमा ॥५३॥
 जे पुण अणप्पतरविरिय-जोगसामत्थनिहयमणपसरा । पसरंततिव्वपरकय-वियणावाउलियतणुणो वि ॥५४॥
 भिंदंति थेवमेतं पि, नो सुहज्जाणमुज्झियकसाया । खंदगसिस्साणं पिव, किं तेसिं बज्झहेऊहिं ॥५५॥
 तह सवसे चेष सुहाडसुहम्मि, भावे वरं सुहो स कओ । साहीणाडमयमुज्झिय, को नाम विसं गहेज्ज बुहो ॥५६॥
 ता भो देवाडणुप्पिय!, पियं ममेयं ति निच्छयं काउं । मोक्खेक्कबद्धलक्खो, होसु सया भावणासरो ॥५७॥
 भीमभवुब्भंतेहिं, भाविज्जंतीह भव्यभविण्हिं । जं तेहिं इमासिं भाव-णत्ति विहियं निरुत्तं पि ॥५८॥
 जा किर एगंतसुहो, भावो सो चेष भावणाउ वि । जाउ वि भावणाउ, ता एवेगंतसुहभावो ॥५९॥
 सो भावो बारसहा, अहवा ताउ भवंति बारसहा । सो ताउ य सुहा पुण, संवेगरसाडइरेगाओ ॥६०॥
 तो तस्स कए कमसो, भावेज्ज अणिच्चयं असरणत्तं । संसारं एगत्तं अन्नत्तं तह य असुइत्तं ॥६१॥
 भावेज्ज आसवं संव-रं च कम्माण निज्जरं तह य । लोगसहावं बोहीए, धम्मगुरुणो य दुलहतं ॥६२॥

“अनित्यभावनास्वरूपम्” —

संसारसमुत्थसमत्थवत्थु-सत्थस्स एत्थ बारसगे । भावेज्जा पढमं चिय, निच्चमडणिच्चत्तणं एवं ॥६३॥
 विज्जु व्व जोव्वणं संप-भा वि संझडभ्रारागरेह व्व । जलबुब्बुओ व्व जीविय-मडच्चंतमडणिच्चमेवमडहो! ॥६४॥
 मायापिडपुत्तेहिं, मित्तेहि य परमपेमपत्तेहिं । जो संवासो सो वि हु, अणिच्चयाकवलिओ सव्वो ॥६५॥
 देहो सुभगतमडहीण-पुन्नपंचेदियतणं रुवं । बलमाडडोर्गं लायन्नसंपया सयलमडवि अधिरं ॥६६॥
 भवणयइवाणमंतर-जोइसकप्पाडडइपभवदेवाणं । सव्वाणं पि हु सव्वं पि, देहरूवाडडइ वि अणिच्चं ॥६७॥
 भवणेहिं उववणेहि य, सयणाडडसणजाणवाहणाडडईहिं । जो संजोग्गे सो वि हु, इहपरलोगेसु वि अणिच्चो ॥६८॥
 एगपयत्थडणुमाणेण-डणिच्चयं निच्छिऊण सव्वगयं । धन्ना धम्ममि समुज्ज-मंति नग्गइनरंदो व्व ॥६९॥

तथाहि—

“नग्गइनदपदृष्टान्तः”

गंधारजणवयवई, नग्गइनामो निवो सनयरीओ । बहुहयगयरहसंठिय-सामंतसमूहपरियरिओ ॥७०॥
 महुसमयसमागमसोह-माणवणराइपेच्छणट्टाए । नीहरिओ महया रिद्धि-समुदणं विरायंतो ॥७१॥
 अह पेच्छइ अद्धपहे, उम्मिल्लमहल्लपल्लवसिरिल्लं । मयरंदबिंदुपिजरिय-मंजरीपुंजरमणिज्जं ॥७२॥
 उग्गायंतं व भमंत-भमरनिउरुंबगुजियमिसेण । पवणपणोल्लिरसाहा-भुयाहिं पारद्धनट्टं व ॥७३॥
 मयमत्तपरहुयारव-मिसेण मीणज्झयं थुणंतं व । नीरंधपत्तपरियर-परिकिण्णं तरुणचूयतरुं ॥७४॥
 अह तस्स रम्मयागुण-रंजियहिघएण राइणा तेणं । कोऊहलेण गहिया, जंतणं मंजरी एक्का ॥७५॥
 तो निययसामिमागाड-णुगामिसेवगजणाण मज्झाओ । केणाडवि मंजरीपत्त-गुच्छमडवरेण साहडगं ॥७६॥
 केणाडवि हु पल्लववय-मडन्नेणमडपिक्कफलभरं पि दढं । गिण्हंतेणं विहिओ, खणेण खाणु व्व सो रुक्खो ॥७७॥
 राया वि पयट्टडरहट्ट-जंतचिक्कारबहिरियदिसेसु । उप्पित्थपउत्थ व तीसे, वियसिरसिसिरप्पएसेसु ॥७८॥
 पसरंतपरिमलुप्पील-मिलियभसलाडडवलीमणहरेसु । उज्जाणेसुं विहरिय, खणमेक्कं पडिनियत्ततो ॥७९॥
 तेण पहेणं चूयं, अपेच्छमाणो य पुच्छती(इ) लोयं । सो कत्थ चूयसाहि ति, दंसियो तयडणु लोणेण ॥८०॥
 सो खाणुसरिसरूवो, ताहे विम्हियमणेण भणियमिणं । किं एरिसो ति सिट्ठो, लोणेण वि पुव्ववुत्ततो ॥८१॥
 आयन्निऊण तं नर-वई वि संजायपरमसंवेगो । परिचित्तुं पवत्तो, अच्चंतं सुहुमबुद्धीए ॥८२॥
 धी! धी! भवदुब्बिलसिय-मडहो न जत्थडत्थि वत्थु किंपि तयं । सव्वंगीणं घत्थं, जं नेवाडणिच्चयाए सया ॥८३॥
 चूयाडणुमाणओ च्विय, अणिच्चयडक्कंतसव्ववत्थूसु । किं पडिबंधट्टाणं, ससरीराडडइसु वि विउसाण ॥८४॥
 इय सो विचित्तुणं, रज्जं अंतैउरं पुरं चेच्चा । पतेयबद्धलिंणो, जाओ समणो महासत्तो ॥८५॥
 एवं सोच्चा सुंदर!, विजणमि गीयसाहुसहिण्ण । भावेयच्चा तुमए, अणिच्चया सव्वभावाणं ॥८६॥

“अशरणभावनास्वरूपम्” —

जेणेव समत्थाण वि, भवत्थवत्थूण दढमडणिच्चतं । तेणं चिय तेहितो, सरणं पि न किंपि पाणीणं ॥८७॥

| | |
|-------------------------------------------------------------------------------------------------|--------|
| नीसेससत्तसंताण-ताणकरणेक्कवच्छलमडतुच्छं । एककं चिय करुणारस-पहाणजिणवयणमडवहाय | ॥८८॥ |
| जम्मजरमरणरणय-सोगसंताववाहिविहुरम्मि । नत्थेत्थ कत्थइ भीम-भववणे सरणमंडगीण | ॥८९॥ |
| तहा- | |
| साडडवरणमतकरितरल-तुरयरहजोहजुहवूहेहिं । बुद्धीए नीइबलेण, वा वि फुडपोरिसेणं वर | ॥९०॥ |
| पुरिसाणं तह देवाण, वा वि मज्झाओ दिव्वसतीए । जिणवयणठिए मोत्तुं, जियपुव्वो केण वि न मच्चू | ॥९१॥ |
| मायापिडपुत्तकलत्त-मित्तसुसिणिद्धबंधुणनिचया । वाहिविहुरे वि पुरिसे, थेवं पि न होति सरणाय | ॥९२॥ |
| मंगलकोउयजोगेहिं, मंतवेज्जोसहीहिं विविहाहिं । नो हवइ परिताणं, मोत्तुं जिणवयणमेवेक्कं | ॥९३॥ |
| जेणं चिय चिंतिज्जंत-मेत्थ नो वत्थु किंपि सरणाय । तेणं चिय दुस्सहक्खु-वेयणावाउलियगतो | ॥९४॥ |
| कोसम्बिडम्पुत्तो, वट्टंतो दिव्वजोव्वणे पढमे । संगमडवहाय धीमं, पडिवणो संजमुज्जोगं | ॥९५॥ |
| तहाहि- | |
| “अनाथीमुनिदृष्टान्तः | |
| रायगिहनगरनाहो, सेणियराया विहारजत्ताए । नीहरिओ पेच्छइ मंडि-कुच्छिउज्जाणमज्झम्मि | ॥९६॥ |
| तरुमूलम्मि निसण्णं, ससिरीयं वम्महं व रइरहियं । सरइंदुकलाकोमल-सरीरमेगं मुणिप्पवरं | ॥९७॥ |
| तं पेच्छिऊण राया, रूवाडडइगुणे पसंसिउं बाढं । साडडयरक्यप्पणामो, तिपयाहिणपुव्वयमडदूरे | ॥९८॥ |
| ठाऊण पंजलिउडो, सविम्हयं भणिउमेवमाडडढतो । तरुणत्तणे वि भन्ते!, उचट्टिओ कीस? सामण्णे | ॥९९॥ |
| समणेण जंपियं पुहइ-नाह! सरणं न को वि मह हुंतो । तेणेसा पडिवण्णा, दिक्खा दुक्खाण खयजणणी | ॥८६००॥ |
| अह हासवसविसप्पंत-दंतकंतीए धवलयंतेण । पढमुग्गमंतदिणयर-रुइरोट्टं जंपियं रत्ता | ॥१०॥ |
| अप्पडिमरूवलक्खण-पिसुणियबहुविहवचित्थरस्स कहं । तुह भयवमडसरणत्तं, कहिज्जमाणं पि सइहिमो | ॥२०॥ |
| अहवा किमडणेणं, होमि, तुज्झं सरणं अहं भयसु गेहं । भुंजसु य विसयसोक्खं, दुलहं खु पुणो वि माणुस्सं | ॥३०॥ |
| मुणिणा भणियं नरवर!, सयमडवि सरणेण विरहियस्स तुहं । कहमिव परेसि सरण-प्पयाणसामत्थउवलंभो | ॥४०॥ |
| एवं वुत्तो संतो, संभंतो नरचई पयंपेइ । पउरकरितुरयरहसुहड-लक्खसामगिकलिओ हं | ॥५०॥ |
| कहमिव सरणाय परेसि, नेव होमि ति मा मुसं वयसु । भयवं! कह वा सयमडवि, निस्सरणो हं तए वुत्तो | ॥६०॥ |
| मुणिणा संलत्तं भूमि-नाह! एयस्स मुणसि नेवडत्थं । नेव य उत्थाणं ता, सुणेहि एग्गचित्तो तं | ॥७०॥ |
| कोसंबीनयरीए, उवहसियकुबेरविहवचित्थारो । आसि बहुसयणवग्गो, मज्झ पिया पायडो भुवणे | ॥८०॥ |
| होत्था य ममं तइया, पढमवए च्चिय सुदुस्सहा धणियं । अच्छिवियणा महंती, तव्वसओ देहदाहो य | ॥९०॥ |
| देहंउतो भमिरमहंत-निसियकुंतो व्व असणिनिहओ व्व । उक्कुवियनयणपीडा-भरेण विवसो म्हि संवुत्तो | ॥१००॥ |
| बहुमंततंतयिज्जा-चिगिच्छसत्थउत्थवेइणो य जणा । कासी मज्झ चिगिच्छं, नाडडसी थेवो वि पडियारो | ॥११०॥ |
| पिउणा वि य पडिवन्नं, सब्बस्ससमप्पणं पि किर तस्स । जो मज्झ थेवमेतं पि, वेयणं अवहरेज्ज लहुं | ॥१२०॥ |
| पम्मुक्कपाणभोयण विलेयणाडडहरणपमुहवावारो । मायाभाउगभगिणी-कलत्तमेत्ताडडइसयणगणो | ॥१३०॥ |
| अच्चन्तचित्तपीडा-विणिन्तवाहप्पवाहधोयमुहो । किं कायव्वयमूढो, ठिओ समीवम्मि मे सव्वो | ॥१४०॥ |
| तह वि हु अणियत्तंतीए, अच्छिवियणाए थेवमेतं पि । अहह! न को वि हु सरणं, ममं ति परिचिन्तयन्तेणं | ॥१५०॥ |
| विहिया मए पइत्ता, जइ मुंचेज्जा इमाइ वियणाए । तो चत्तसव्वसंगो, काहं अणगारियं धम्मं | ॥१६०॥ |
| एवं विहियपइन्नस्स, मज्झ रयणीए आगया निद्दा । खयमुवगया य वियणा, जाओम्हि पुणणवसरीरो | ॥१७०॥ |
| जाए पभायसमए, ततो आपुच्छिउं सयणवग्गं । सब्बन्नुणा पणीयं, दिक्खं सरणं पवन्नोम्हि | ॥१८०॥ |
| ता नरवर! एवंविह-दुहनियवहघत्थपाणिसत्थस्स । मोत्तुं जिणिदधम्मं, सरणं ताणं न अन्नतो | ॥१९०॥ |
| एवं सोउं राया, तहत्ति पडिवज्जिउं कयपणामो । निययट्टाणमुवगओ, साहू वि तओ विणिक्खंतो | ॥२००॥ |
| इय खयग! समत्थभवुत्थ-वत्थुपडिबंधुबुद्धिमडवहाय । भावेसु निहुयचित्तो, निस्सरणयभावणं सम्मं | ॥२१०॥ |
| जेणं चिय पइवत्थुं पि, एत्थ चिंतिज्जमाणमंडगीणं । सरणं न किंपि तेणेव, नियसु संसारमडइविसमं | ॥२२०॥ |
| “संसारभावनास्वरूपम्” - | |
| जिणवयणविरहिओ इह, मोहमहातिमिरपडलपडिहणिओ । जीवो वियारवोक्कंत-वेयणाविवससव्वंडगो | ॥२३०॥ |

इगिविगलिदियजलथल-खयराडडदिविचित्तिरियजोणीसु । सव्यसुरमणुयजोणीसु, नरएसु य भमडिओ बहुसो ॥२४॥
 वहबंधणधणहरणाड-वमाणगुरुरोगसोगसंताया । पत्ता विचित्तरुवा, बहुसो एक्केक्कजातीसु ॥२५॥
 उड्डं तिरियमडहे वा, लोयपएसो वि नत्थि सो को वि । पत्ताइं जत्थ बहुसो, न जम्मजरमरणपभिईणि ॥२६॥
 भोगोवक्खरदेहत-बंधवहणाडडइकारणतेण । बहुसो वि रुविदव्याणि, पत्तपुव्याणि सव्याणि ॥२७॥
 सयणसुहिसामिदासत्त-सत्तुभावेहिं परिणया सव्वे । जीवा अणेगसो च्चिय, संसारे संसरंतस्स ॥२८॥
 हद्धी! उच्चियणिज्जो, संसारो जत्थ णिययजणणी वि । मरिऊण होइ दुहिया, पिया य मरिऊण पुण पुत्तो ॥२९॥
 सोहगुरुवगव्वं, समुव्वहंतो जुवा वि मरिऊण । तत्थेव नियसरीरे, जायइ जम्मि किमित्तेण ॥३०॥
 जणणी वि भवंडतरपत्त-पुत्तपिसियं पि भक्खए जं च । ही! एत्तो वि किमडन्नं, कड्डं दुट्टम्मि संसारे ॥३१॥
 सामी भिच्चो भिच्चो वि, नायगो नियसुओ वि हवइ पिया । जणगो वि चेरिबुद्धीए, हम्मए धी! भवसरुव्वं ॥३२॥
 केत्तियमेतं भण्णइ, विविहडच्छेरयनिहिम्मि संसारे । तावससेट्टिव्व चिरं, विणडिज्जइ जत्थ जंतुगणो ॥३३॥

तथाहि--

“तापसश्रेष्ठिनःदृष्टान्तः”

कोसंबीनयरीए, तावससेट्टि ति आसि सुपसिद्धो । सद्धम्मबाहिरमई, महयरआरंभकरणपरो ॥३४॥
 अच्चन्तगेहमुच्छा-गढिओ मरिउं सए च्चिय गिहम्मि । कोलत्तेणुववन्नो, जाईसरणं च से जायं ॥३५॥
 अन्नम्मि अवसरे तस्स, सूणुणा तस्स चेव कज्जेणु । संवच्छरियविहाण, पारद्धं गुरुपबंधेणं ॥३६॥
 सयणा माहणसमणा, निमंतिया तन्निमित्तमोक्खडियं । मंसं सूयारीए, मज्जात्तडडईहिं तं च हडं ॥३७॥
 अह गिहवइभीयाए, परमंसंडतरमडपाउणंतीए । सो च्चिय कोलो हणिओ, झडति तीए उवक्खडिओ ॥३८॥
 तत्तो मओ य सो पुण, तत्थेव घरम्मि पन्नगो जाओ । सूयारिदंसणेण य, मरणमहाभयवसट्टेण ॥३९॥
 सरिया जाई तेणं, तीए वि हु सूयाररमणीए । पकओ बोलो मित्तिओ, जणो वि निहओ भुयंगो सो ॥४०॥
 कयपाणच्चागो पुण, निधपुत्तस्सेव पुत्तभावेणं । संवुत्तो सरिऊण य, जाइं एवं विचिंतेइ ॥४१॥
 कह नियपुत्तं पियरं, वहं च जणणिं उदाहरिस्सामि । इइ कयसंकप्पो सो, मोणेणं ठाउमाडडरद्धो ॥४२॥
 पत्तो कुमारभावं, कालेण समागओ तहिं नाणी । धम्मरहो नाम गणी, समोसढो बाहिरुज्जाणे ॥४३॥
 नाणाडडलोएण पलोइयं च, को बुज्झिहि ति तेण परं । मुणिओ मोणव्वइओ, सो च्चिय तो साहुणो दोणि ॥४४॥
 पुव्वभवप्पडिबद्धं, गाहं सिक्खरिय पिसिया तस्स । पासम्मि बोहणत्थं, तेहिं गंतूण पडिया य ॥४५॥
 “तावस! किमिणा मोणव्वएण, पडिवज्ज जाणिउं धम्मं । मरिऊण सूयारोग, जाओ पुत्तस्स पुत्तो ति” ॥४६॥
 अह सो नियभववित्तं, सोऊणं तक्खणेण पडिबुद्धो । सूरिसमीवे गंतुं, पडिवन्नो तित्थयरधम्मं ॥४७॥
 अलमेत्थ पसंगेणं, संसारे तिक्खरदुक्खरलक्खाइं । पत्ताइं पाविही तह, जीवो धम्मं जइ न काही ॥४८॥
 इय खवग! महादुहहेउ-भूयभवभावणुज्जुत्तो । भवसु तहा जह पत्थुय-मडत्थं लीलाए साहेसि [संसारो] ॥४९॥

“एकत्वभावनास्वरूपम्” -

जेणं चिय संसारो, एस अणिच्चत्तणेण चत्थूण । अणुवलभणिज्जसरणो, तेणेव जियाण एगतं ॥५०॥
 एगतभावणं ता, पइसमयपवड्डमाणसंवेगो । भावसु छिन्नमत्तो, तत्तं हिययम्मि काऊण ॥५१॥
 एगो आया संजोगियं तु, सेसं इमस्स पाएण । दुक्खनिमित्तं सव्वं, मीतुं, मज्झत्थभावं तु ॥५२॥
 जं एक्को च्चिय जीवो, सुहं दुहं वा भवम्मि अणुभवइ । न हु तस्स को वि बीओ, सो वि न अन्नस्स कस्साडवि ॥५३॥
 एगो एक्को च्चिय सोयंताण, चेव मज्झओ जाइ बंधूणं । न य तं अणुगच्छंती, पियपुत्तकलत्तमित्तजणा ॥५४॥
 एक्को करेइ कम्मं, एक्को च्चिय तप्फलं पि भुंजेइ । जायइ मरइ य एक्को, एक्को हु भवंडतरं सरइ ॥५५॥
 को केण समं जायइ, को केण समं च परभवं जाइ । को कस्स किं करेइ, कस्स वि को किं च फेडेइ ॥५६॥
 अणुसोयइ अण्णजणं, अन्नभवडन्तरगयं तु बालजणो । न य सोयइ अप्पाणं, किलिस्समाणं भवे एक्कं ॥५७॥
 संतं पि समत्थपपत्थ-वित्थरं बज्झमुज्झिउं इति । परलोगा इहलोगे, आगच्छइ गच्छइ एक्को ॥५८॥
 एक्को नरयम्मि दुहं, सहइ न भिच्चा न बंधुणो तत्थ । एगो सग्गे वि सुहं, भुंजइ न य से परे सयणा ॥५९॥
 एक्को च्चिय भवपंके, किलिस्सइ नेव से वरायस्स । इट्ठो दिट्ठिपहे वि हु, निवडइ समसोक्खदुक्खरसहो ॥६०॥

एतो च्विय तिव्युवसग-वग्गदुक्खे वि नो अयेक्खंति । परसाहेज्जं मुणिणो, वीरो व्य सहंति किं तु सयं ॥६१॥

तथाहि—

“परसहायानिच्छोपरी वीरविभुदृष्टान्तः”

कुंडग्गामपुरप्पहु-पसिद्धसिद्धत्थपत्थिवंगरुहो । नियजम्मजणियतिहुयण-परममहो सिरिमहावीरो ॥६२॥
 भत्तिभरनमिरसामंत-मंतिमणिमउडलीढपयवीढं । आणापडिच्छकिंकर-नरनियरं रज्जमडवहाय ॥६३॥
 जयजयरवमुहरमिलंत-तियसकीरंतपूयपम्भारो । परिचत्तपेमबंधुर-बंधुजणो गहियसामण्णो ॥६४॥
 पढमे च्विय दिक्खदिणे, कुम्मारग्गामबाहिरुद्देसे । वट्टंतो गोवेणं, भणिओडणज्जेण फिर एवं ॥६५॥
 देवडज्जय! जाव अहं, गेहे गंतूण पडिनियत्तेमि । ताव तुमं मम वसभे, सम्मं एए निएज्जासु ॥६६॥
 एवं भणिउं तम्मि, गयम्मि वसभा जहिच्छमडडमाणा । अडविं अणुप्पविट्ठा, उस्सग्गठियस्स जयगुरुणो ॥६७॥
 ख्रणमेत्तेणं च समागओ य, वसहे अपेच्छमाणो सो । ते कत्थ गय ति जिणं, पुच्छइ संजायसंतावो ॥६८॥
 पडिवयणमडलभमाणो, सच्चत्तो पेहिउं समारद्धो । ते वि य वसभा सुचिरं, चरिउं जिणपासमडल्लीणा ॥६९॥
 इयरो वि सयलरयणिं, परियडिउं तं पएसमडणुपत्तो । पेहेइ निययवसभे, रोमंथंते जिणसमीवे ॥७०॥
 नूणं नूमिय देवडज्जएण, हरणडट्टया इमे धरिया । कहमडन्नहा न कहिया, मए बहुं पुच्छिण्णाडवि ॥७१॥
 इय कुवियप्पवसुप्पन्न-तिव्यकोवो जयेण सो गोवो । आकोसितो निट्टुर-मुवट्ठिओ जयगुरुं हणिउं ॥७२॥
 एत्थंतरम्मि ओहीए, सुरचई पेच्छिऊण जयपहुणो । तारिसमडवत्थमुप्पित्थ-माणसो इति ओइन्नो ॥७३॥
 निव्वच्छिऊण गोवं, तिपयाहिणपुव्वगं जिणं नमिउं । भालयलविरइयंजली, भतीए भणिउमाडडत्तो ॥७४॥
 संवच्छराइं बारस, एतो होहिंति तुम्ह उवसग्गा । ता देह ममाडडएसं, जेणुज्झियसेसकायव्वो ॥७५॥
 नरतिरियतियसविहिए, उवसग्गे पडिखलेमि पासठिओ । जयपहुणा संलत्तं, सुरिंद! तं कुणसि सव्वमिमं ॥७६॥
 नयरं इमं न होही, नो हूयं भवइ नेव कइया वि । जं पुव्वविहियदुच्चिलसि-उत्थकम्माण निज्जरणं ॥७७॥
 साणिज्जेणं कस्स वि, भवेज्ज मोत्तुं सयं समणुभवणं । दुक्करतवचरणं वा, जीवाण भवे भमंताणं ॥७८॥
 एक्को च्विय सुहदुक्खे, जीवो अणुभवइ कम्मपरतंतो । उवयारडवयारकरा, तदडवेक्खच्चिय परे होंति ॥७९॥
 एवं जिणेण भणिए, सक्को नमिउं गओ जहाडभिमयं । दुस्सहपरीसहे सहइ, एग्गो भुवणनाहो वि ॥८०॥
 इय जइ चरमजिणो वि हु, एक्को च्विय सहइ दुक्खसोक्खाइं । ता कह न ख्रवग! एगत्त-भावणाभावगो होसि ॥८१॥
 जेणं चिय संतेसु वि, सयणाडडइविचित्तबज्जवत्थूसु । एगत्तमंजिणो तेण, ताणमडन्नोन्नमडन्नतं ॥८२॥

“अन्यत्वभावनास्वरूपम्” —

भुंजंताण सयंकड-कम्मफलं भिन्नभिन्नमंजिणं । को कस्स एत्थ सयणो, भवेज्ज को वा परजणो वि ॥८३॥
 अन्नो देहाउ जिओ, अन्नो य इमाउ सयलविभवाउ । अन्नो च्विय पियपिडपुत्त-मित्तसयणाडडइवग्गाओ ॥८४॥
 एए वि जियादडन्ने, सच्चिताडचित्तवित्थरा सव्वे । ता काउ ख्रमं से अप्प-णो हियं अप्पणो चेव ॥८५॥
 एतो च्विय नरयसमुत्थ-तिक्खदुक्खोवहम्ममाणंजो । अणुसासिओ सिवेणं, जेट्ठो भाया सुत्तसनामो ॥८६॥
 तथाहि—

“सुलसपरिहासवचनेन शिवस्य वैराग्यम्”

नगरम्मि दसन्नपुरे, सुलसो य सियो य भायरो दोन्नि । नियसंति परोप्परपउर-पणयपडिबद्धदढचिता ॥८७॥
 नयरं पढमो अइनिबिड-कम्मगंठित्तणेण जिणधम्मं । सहइ न भन्नंतं पि, हेउदिट्ठंतजुत्तीहिं ॥८८॥
 वीओ पुण अइलहुकम्मयाए, पडिवन्नतित्थयरथम्मो । जइपज्जुवासणाडडइसु, पयट्टइ सिट्ठचेट्ठासु ॥८९॥
 अच्चंतपावपडिबद्ध-माणसं जेट्ठभाउगं च सया । अणुसासइ कीस करेसि, भाय! असमंजसाइं तुमं ॥९०॥
 किं नो पेच्छसि आउं, सठिडुकरकमलकलियसलिलं व । गलमाणमडणुक्खरणमंजग-चंगिमं पि हु पणस्सतिं ॥९१॥
 किं वा न पेच्छसि सिरिं, हायंति सरयमेहसोहं व । विहडंतं पियजणसंग-मं पि सरियातरंगं व ॥९२॥
 किं वा न पेक्खसि सयं, पइदिणमरमाणमाणवसमूहं । विविहाडडवयाडवगाढं, महासमुद्धं व. जियलोयं ॥९३॥
 जेणेयं नरयनिवास-कारणं घोरपावमाडडयरसि । उज्जमसि न थेवं पि हु, तवदाणदयाडडइधम्मम्मि ॥९४॥
 सुलसेण जंपियं मुद्ध!, धुत्तलोगेण विनडिओ तं सि । सोसेसि जो नियतणुं, तवसा दुहहेउभूएण ॥९५॥
 वियरसि य किलेसडज्जिय-मडत्थं तित्थाडडइएसु णिच्चं पि । जीवदयारसियमणो, ठवसि न चरणं पि धरणीए ॥९६॥

| | |
|------------------------------------------------------------------------------------------|--------|
| एवंविहस्स य तुहं, सिक्खादाणेण नडत्थि मे कज्जं । को पीडइ अप्पाणं, पच्चक्खसुहं विमोत्तूणं | ॥९७॥ |
| इय सपरिहासभाउग-वयणाइं णिसामिउं सियो विलिओ । इममेव य वेरगं, समुच्चहंतो सुगुरुमूले | ॥९८॥ |
| पच्चइउं उग्गतवं च, सुचिरकालं चरित्तु कालगतो उवयन्नो कयपुण्णो, देवतेणउच्चुए कप्पे | ॥९९॥ |
| सुलसो वि विहियपाव-प्पबन्धमउच्चन्तमउज्जिऊण मओ । उवयण्णो नेरइओ, तइयाए नरयपुढवीए | ॥८७००॥ |
| अणवरयदहणताडण-बंधणपामोक्खभूरिदुक्खाइं । विसहइ तहिं च कलुणं, विलवंतो गुत्तिखित्तो व्व | ॥११॥ |
| अह तं तहाविहं पेच्छिऊण, ओहीए पुच्चपणएण । सो देवो तस्संडतिय-मांयरिउं भणिउमाडडढतो | ॥२१॥ |
| किं पच्चभिजाणसि भद्द!, नेव तो सो ससंभमं भणइ । को मणहररुवधरं, देवं न तुमं वियाणाइ | ॥३१॥ |
| ताहे तियसेणं पुच्च-जम्मरुवं जहट्टियं तस्स । उवदंसियं तओ सो, पच्चभिजाणित्तु तं सम्मं | ॥४१॥ |
| ईसि सवियासचक्खु, भणइ कहं दिव्वदेवरिद्धीयं । उवलद्धा तुमए भाय!, कहसु तियसेण तो वुत्तं | ॥५१॥ |
| भद्द! मए दुक्करतय-विसेस-त्तज्जायझाणजोगीहिं । देहो कयत्थिओ तह, जह रिद्धिमिमं समणुपत्तो | ॥६१॥ |
| तुमए पुण बहुविहलालणाहिं, पुट्टिं तणुं नयंतें । धणसयणाडडइनिमित्तं, पावाणि सया कुणंतें | ॥७१॥ |
| सासिज्जतेण वि धम्मकम्म-विसए पमायवसणेण । तह कहयि वट्टियं जह, एवंविहवसणमाडडवडियं | ॥८१॥ |
| एयं पि नेव नायं, जीवाओ जहा इमं सरीरं पि । अन्नं धणसयणा वि हु, विहुरे ताणाय न हवंति | ॥९१॥ |
| एत्तो च्चिय भद्दय! सीय-तावडुहवेयणाओ विसहंति । देहे दुक्खं हि महा-फलं ति मुणिणो विचिंतिता | ॥१०१॥ |
| सुलसेण जंपियं संपयं पि, तं मज्झ संतियं देहं । जइ एवं ता भाउय!, जाएहि जहा सुही होमि | ॥१११॥ |
| देवेण जंपियं भाय!, जीयरहिएण जाइएण गुणो । को? तेण संपयं ता, विसहसु पुच्चं कयं कम्मं | ॥१२१॥ |
| इय तमडणुसासिऊणं, असक्कपडियारवसणमुवलब्भ । देवो गओ सुराडडलय-मियरो नरए चिरं वुत्थो | ॥१३१॥ |
| एवं सरीरधणसयण-भिन्नमुवलक्खिऊण खवग! तुमं । जीवदयापडिबद्धो, धम्मे च्चिय उज्जओ होज्जा | ॥१४१॥ |

“अशुचिभावनास्वरूपम्” —

| | |
|----------------------------------------------------------------------------------------------|-------|
| जेणं चिय देहाओ, अण्णतं तत्तओ य जीवस्स । तेणं चिय सो सिद्धाड-वत्थो च्चिय दव्वभावसुई | ॥१५१॥ |
| इहरा तदडणणता, न सब्बहा दव्वभावसुइभावो । जीवस्स धुवं जायइ, देहस्स सया वि असुइता | ॥१६१॥ |
| तस्साडसुइत्तणं पुण, पढमं चिय सुक्कसोणिउट्टाणा । अणवरयमडभेज्जरसाडड-सायणनिप्फत्तिओ य तहा | ॥१७१॥ |
| जंबालपडलगाढाडड-वेढणओ जोणिनिग्गमाओ य । पूइथणधीरपाणाओ, पबलदुग्गंधभावाओ | ॥१८१॥ |
| रोगसयवाउलत्ता, निच्चं पि पुरीसमुत्तधरणाओ । नयच्छिड्डुगलंतुब्भड-बीभच्छमलतणाओ य | ॥१९१॥ |
| असुइप्फुन्नधडस्स च, समत्थतित्थुत्थसुरहिसलिलेहिं । आजम्मं थोयाण वि हु, थेवं पि अलद्धसुद्धिस्स | ॥२०१॥ |
| जो पुण असुइसरुवे, एत्थं सुइवायवाउलो भमइ । सुइवोदमाहणो इय, सोडणत्थपरंपरं लभइ | ॥२११॥ |

तथाहि—

“शुचिवोदस्यदृष्टान्तः”

| | |
|----------------------------------------------------------------------------------------------|-------|
| एगम्मि महानगरे, वेयपुराणाडडइसत्थकुसलमई । एगो विप्पो सुइवाय-हसियनीसेसपुरलोगो | ॥२२१॥ |
| करधरियकुसडक्खयमिस्स-वारिजुयतम्बभायणो भमइ । असुइयमिमं ति सव्वं, अब्भोखित्तो पुरपहेसु | ॥२३१॥ |
| सो अन्नया विचिंतइ, वसिमे वसिउं न जुज्जए मज्झ । असुइजणसंगदुट्ठे, एत्थं हि सुइत्तणं कत्तो | ॥२४१॥ |
| ता जलनिहिणो दीवे, कम्मि वि जणविरहियम्मि गंतूण । अच्छामि उच्छुमाडडईहिं, पाणवित्तिं पकप्पित्तो | ॥२५१॥ |
| एवं कयसंकप्पो, परतीरपयट्टजाणवतेण । उयहिं विलंधिऊणं, थक्को सो उच्छुदीवम्मि | ॥२६१॥ |
| उच्छुमडतुच्छं छुहिओ, जहिच्छमडणुवासरं च भुंजंतो । पडिभग्गो उच्छुच्छल्लि-छणियवणो परं भोज्जं | ॥२७१॥ |
| अवलोर्यंतो पेच्छइ, एगत्थ समुद्दभिन्ननावस्स । वणिणो उच्छुरसेणं, उप्पाइयदढवियेयस्स | ॥२८१॥ |
| उच्चारं उच्छूणं, हेट्ठा निस्संकमाणसो तं च । पिंडीभूयं उच्छुप्फलं ति, भक्खेउमाडडरद्धो | ॥२९१॥ |
| कालेण तस्स वणिएण, दंसणं तेण कहयि संपन्नं । सह संवासाउ च्चिय, जाया य परोप्परं पीई | ॥३०१॥ |
| भोयणकाले पुच्छा, किं भक्खसि तेण जंपियं इक्खुं । विप्पेण भणियमिक्खु-प्फलाइं किं लहसि नो एत्थ | ॥३११॥ |
| वणिएणं संलत्तं, इक्खूण फलाइं नेव जायति । इयरेण भणियमाडडगच्छ, जेण दंसेमि इण्हिं पि | ॥३२१॥ |
| ताहे कडिणीभूया, विट्ठा हेट्टट्टिया य इक्खूण । सा तेण दंसिया से, भणियं वणिएण तो एवं | ॥३३१॥ |

हा! हा! महायस! विमो-हिओ सि एसो उ मज्झ उच्चारो । एवं सोउं विप्पो, विचिगिच्छं परममाडडचन्नो ॥३४॥
 मणइ कंहं भद्द! एवं, वणिणं पच्चओ तओ विहिओ । तदडवरवोसिरिउच्चार-कडिणसमरुवहेऊहिं ॥३५॥
 परमं सोगमुवगओ, विप्पो तदेसगामिनाचाए । आरुहिऊणं पुणरवि, निययं ठाणं समणुपत्तो ॥३६॥
 इय इहलोए वि भवंति, पाणिणो गाढसोयगहगहिया । एवंविहाणडणत्थाण, भायणं अमुणियसरुवां ॥३७॥
 परलोए पुण असुई-जुगंछणुअभूयपावपसरेण । पावेंति हीणजोणीसु, णेगसो जम्ममाईणि ॥३८॥
 ता खवग! देहविसयं, असुइत्तं सव्वहा वि मुणिऊणं । परमसुइत्तनिमित्ते, धम्मे च्चिय उज्जमं कुणसु ॥३९॥
 अन्ने उ पत्थुयम्मि, एत्थं असुइत्तभावणाठाणे । असुहत्तभावणं उव-इसंति तो तं पि पयडेमि ॥४०॥

“अर्थकामानांअशुभत्वम्” —

वज्जिय जिणिदधम्मं, न सुहं भुवणे वि विज्जए अन्नं । कज्जं वा ठाणं वा, कहिंचि मच्चे व सग्गे वा ॥४१॥
 धम्मडत्थकामभेया, तिविहं कज्जं मणिच्छियं तत्थ । धम्मो च्चिय सुहकज्जं, असुहा पुणं अत्थकामा उ ॥४२॥
 वइराण रायहाणी, आयासकिलेससोगदुहखाणी । सावज्जाडडरंभपयं, पावाण परा य सूईया ॥४३॥
 कुलसीलठिडिडिडंबी, सयणेहिं वि सह विरोहकारी य । कुगईकारणमडत्थो, अणत्थसत्थाण पंथो य ॥४४॥
 लज्जाकरा विलीणा, तुच्छा आयाससाहणिज्जा य किंचि मुहे महुरा-वि ह, दुहाडवसाणा सुबीभच्छा ॥४५॥
 धम्मगुणहाणिजणगा, भयबहुला-अप्पकालिया घोरा । संसारवुड्ढिजणगा, कामा कामिज्जमाणा वि ॥४६॥
 संनरयतिरियगणम्मि, समाणुसाडडमरजणम्मि संसारे । निरुवद्वं न किंचिवि, विज्जइ ठाणं पि जीवाणं ॥४७॥
 बहुविहदुहाडडउलत्ता, परव्यसत्ता महंतमोहता । तिरिएसु वि न सुहत्तं, नरए पुण तं कुओ चेव ॥४८॥
 तह गब्भजम्मदारिद्द-रोगजरमरणविप्पओगेहिं । अभिभूएसुं मणुएसु, नडत्थि-थेवं पि ह सुहत्तं ॥४९॥
 मंसवसणहारुहिरडडि-विट्टमुत्तंउतपयइकलुसम्मि । नवठिडुपज्जअरंते, तदेहे वि ह सुहत्तं किं? ॥५०॥
 पियविप्पओगसंताव-चवणभयगब्भभवणंचिताहिं । विहिएहिं दुक्खेहिं, अभिक्खणं खिज्जामाणाणं ॥५१॥
 ईसाचिसायमयलोह-पमुहददभाववेरिएहिं पि । देवा वि निच्चं नडिया, ता कत्तो ताणं वि सुहत्तं ॥५२॥
 सव्वाडवत्थासुं पि ह, असुहसरुवे भवम्मि-जं किंचि । जीयो इमो किलिस्सइ, पावाडडसवविलसियं तं से ॥५३॥

“आश्रवसंवरनिर्जराभावानां स्वरूपम्” —

पावस्स आसवो सो, पाणवहाडडईहिं तह कसाएहिं । अनिरुद्धिंदियमणवइ-काएहिं अविरईए य ॥५४॥
 मिच्छत्तयासणाए य, पाणिणो आइयंति जं पायं । अच्चंतभूरिसलिलं, भूरिदुवारो तडागो व्व ॥५५॥
 तथाहि—

जह सव्वओ असंबुड-वियडदुवारोहिं कलुससलिलभरो । पविसइ सरोवरम्मि, कत्तो वि अपत्तपडिखलणो ॥५६॥
 तह इहइं पि ह जीवे, पाणवहाडडईहिं गरुयदारोहिं । निच्चं असंबुडोहिं, संगलइ पभूयपावभरो ॥५७॥
 तो तेणं पडहत्थो, मच्छाडडईण व अणेगदुक्खाण । आभागी होइ जिओ, ता वज्जसु आसवं खवग! ॥५८॥
 आसववसगो सत्तो, संतावं तिच्चमुव्वहइ जम्हा । ता पाणवहाडडइविरम-णेण तस्संवरं कुणसु ॥५९॥
 सव्वजियअप्पतुल्लो, संवरियाडडसेसआसवदुवारो । जीवो न तलागो इव, पूरिज्जइ पावसलिलोहिं ॥६०॥
 तथाहि—

जह संवरियदुवारो, न पविस्सइ पाणियं वरतलागे । तह ठवियाडडसवदारो, जीवम्मि पावनिचहो वि ॥६१॥
 ते धण्णा ताण नमो, तेहिं समं निच्च होज्ज संवासो । जे पिहियाडडसवदारो, दूरं पावस्स विहरंति ॥६२॥
 संवरियसव्वआसव-दुवारपसरो य संपयं सम्मं । तवमं विणिज्जराभाव-णं पि भावेसु खवग! जहा ॥६३॥
 पुव्वं सयं कडाणं, सुदुप्परक्कंतदुट्टचिन्नाणं । कम्माणं वेयणाओ, भणिओ मोक्खो जिणेहिं तहा ॥६४॥
 तिच्चसुहडडवसाया, सव्वासिं चेव कम्मपगडीणं । अट्टिकाइयाण पायं, जायइ सज्जो विनिज्जरणं ॥६५॥
 छडुडडमदसमदुवालसडुद्ध-मासाडडइणा विचित्तेण । तवसा पुण कम्माणं, निकाइयाणं पि निज्जरणं ॥६६॥
 तायेइ तयारुहिराडडइ-थाउणो तह य सव्वकम्माणि । तेण तवो ति निरुत्तं, तवस्स समयन्नुणो विति ॥६७॥
 तत्थ किर वेयणेणं, नेरइयाडडईण कम्मनिज्जरणं । सुहभाया भरहाडडईण, संबपमुहाण पुण तवसा ॥६८॥

तथाहि—

नेरइयाडडईणं किर, अणवरयविचित्तदुक्खतयियाणं । कम्माण विणिज्जरणं ति, कित्तिज्जइ देसओ नवरं ॥६९॥
 भरहाडडईणं पि दढं, विसुज्जमाणप्पहाणभावाणं । सिद्धं सिद्धंते वि हु, तहाविहं कम्मनिज्जरणं ॥७०॥
 संबपमुहा य कुमरा, हरिपुच्छियनेमिनाहकहियम्मि । बारसवरिसाणंउते, बारवइपुरीविणासम्मि ॥७१॥
 संवेगसमाडडवण्णा, नेमिसमीवम्मि गिण्हिउं दिक्खं । दुक्करतयचरणरया, कम्मविणिज्जरणमडकरिसु ॥७२॥
 किंच—

जह सीयतायपवणाड-वधूयमुवसुसइ वारि पोरणं । पडिबुद्धाडवरसलिल-प्पवेससलिलासयल्लीणं ॥७३॥
 तह पिहियाडडसयजीवत्थ-पुव्वपायं पि निज्जरमुवेइ । तवनाणझाणउज्जयण-पमुहसुविसुद्धकिरियाए ॥७४॥
 एवं च तुमं सुंदर!, विणिज्जराभावाणासुनावाए । कम्मजले दुतारे, तारेज्जसु खिप्पमडप्पाणं ॥७५॥

“लोकस्वरूपभावनास्वरूपम्” —

अह सव्वसंगचागी, सम्मं होऊण निज्जराभागी । भावणतयगाडडसंगी, लोगटिइं पि हु तुममडरागी ॥७६॥
 भावेज्ज जहसख्वं, उड्डं तिरियं अहो य उवउत्तो । तग्गयसच्चिताडचित्त-सव्वदव्वस्सरुवं च ॥७७॥
 उड्डं तियसविमाणाडडदी, दीवोयहिणो असंखया तिरियं । हेट्टा य सत्त पुढवी, लोगसभावो इय समासा ॥७८॥
 अजहट्टिइलोगट्टिइ-नाया न सकज्जसाहगो होइ । तस्सम्मपरिन्नाणा, होइ च्विय तायससिवो च्च ॥७९॥
 तथाहि—

“शिवराजर्षेः दृष्टान्तः”

गयउरनगरे राया, नामेण सियो विहाय रज्जसिरिं । घेतुं तावसदिक्खं, वणवासविहारमडल्लीणो ॥८०॥
 सूरुम्महनिम्मियनिमेस-रहियनयणो तवेइ गाढतयं । कुणइ य नियसमयडणुरुव-सेसकिरियाकलावं च ॥८१॥
 एवं तवं तयित्तस्स, तस्स पयईए भदधतेण । विब्भंगं संजायं, कम्मखओवसमओ य तहा ॥८२॥
 अह सत्तदीवसायर-मेत्तं लोयं वियाणिउं तेणं । सियरायरिसी तुट्टो, विसिद्धनियनाणपसरेण ॥८३॥
 तो आगंतूणं गय-पुरम्मि तियचच्चरेसु लोयाणं । साहेइ इहं लोए, दीवोदहिणो परं सत्त ॥८४॥
 ततो परेण लोगो, वोच्छिन्नो एवमडमलनाणेण । जाणामि पासामि य, करयलठियकुवलयफलं व ॥८५॥
 तम्मि य समए सामी, समोसढो तत्थ चेव वीरजिणो । भिक्खडडं च पविट्टो, गोयमसामी वि नयरम्मि ॥८६॥
 अह सत्तोयहिदीव-प्पवायमाडडयन्निऊण लोगाओ । विन्धियमणो नियतिय, समुचियसमयम्मि जयनाहं ॥८७॥
 पुच्छेइ गोयमो नाह!, केत्तिया एत्थ दीवजलनिहिणो । जयगुरुणा संलत्तं, अस्संखा सिंधुदीव ति ॥८८॥
 एवं जिणप्पणीयं, लोगाओ निसामिउं सियो सहसा । संकाकंखो-वहओ, जावडच्छइ ताव विब्भंगं ॥८९॥
 परिचडियं से खिप्पं, ताहे अच्चन्तभत्तिभरभरिओ । सम्मन्नाणनिमित्तं, आगंतुं वंदए वीरं ॥९०॥
 सिरविरइयकरकमलो, ठाउं सन्निहियभूमिभागे य । जिणवयणणिहियचक्खू, उज्जुतो पज्जुवासेइ ॥९१॥
 अह तियसतिरियनरसंकुलाए, परिसाए तस्स य जिणिंदो । लोगसरुवं सासइ, सवित्थरं धम्मसारं च ॥९२॥
 तं च निसामिय सम्मं, पडिबुद्धो जिणवरस्स पासम्मि । पव्वज्जं पडिवज्जइ, स महप्पा कयतवच्चरणो ॥९३॥
 कम्मड्डगंठिमडडनिट्टुरं पि, लीलाए निड्डवेऊण । अरुयमडजम्ममडमरणं, सियमडक्खयसोक्खमडणुपतो ॥९४॥
 इय मुणियजगसरुवो, निस्संगो पत्थुयडत्थसिद्धिकए । खवग! मणागं पि मणो-डणिजंतियं मा थरेज्जासु ॥९५॥
 जहठियलोगसरुवं, वियाणमाणो य पयहिय पमायं । बोहीए दुल्लहतं, परमं भावेसु खवग! जहा ॥९६॥

“बोधिदुर्लभभावनास्वरूपम्” —

कम्मपरतंतयाए, इओ तओ भववणे भमंताणं । जीवाण जंगमतं पि, दुल्लभं जं सुए भणियं ॥९७॥
 अत्थि अणंता जीवा, जेहिं न पतो तसत्तपरिणामो । उप्पज्जंति चयंति य, पुणो वि तत्थेव तत्थेव ॥९८॥
 कहकहयि जंगमते, पत्ते पंचिदियत्तमडइदुलहं । जलथलखहयरजोणी-चक्के चिरसंचरणओ य ॥९९॥
 तम्मि वि अगाहजलजलहि-खित्तजुगसमिलजोगनाएणं । दुलहं चिय मणुयत्तं, तम्मि वि अइदुल्लहा बोही ॥८८००॥
 जमडकम्मभूमिअंतर-दीवेसुं मुणिविहारविरहेण । कतो पायं बोही, कम्मगभूमीए अंतो वि ॥९१॥
 छण्हं खंडाणं खंड-पंचगं सव्वहा वि हु अणज्जं । मज्झिमखंडस्स बहिं, धम्माडणरिहं ति काऊण ॥९२॥

जं पि भरहम्मि लद्धं, छट्टं खंडं अउज्झमज्झेणं । सड्डपणुवीसजणवय-वज्जमणज्जं तयं पि दढं ॥३॥
सद्धपणुवीसजणवय-मेतं चिय खित्तमाडडरियं जं च । तत्थ वि साहुविहारो, कर्हिंपि कइया वि जं भणियं ॥४॥
रायगिह मगहं चंपा, अंगा^३ तह तामलित्ति वंगा य^३ । कंचणपुरं कलिंगा^४, वाणारसि चैव कासी य^४ ॥५॥
साएय कोसला^५ गय-पुरं च कुरु^६ सोरियं कुसट्टा य^६ । कंपिल्लं पंचाला^७, अहिष्ठता जंगला चैव^८ ॥६॥
बारवती य सुरट्टा^९, मिहिल विदेहा^{१०} य वच्छ कोसंबी^{११} । नंदिपुरं सडिब्भा(ल्ला)^{१२}, भदिलपुरमेव मलया य^{१३} ॥७॥
चइराड वच्छ^{१४} वरणा, अच्छा^{१५} तह मत्तियावइ दसन्ना^{१६} । सोतीमइ य चेई^{१७}, वीइभयं सिधुसोवीरा^{१८} ॥८॥
महुरा य सूरसेणा^{१९}, पावा भंगी^{२०} य मासपुरि वट्टा(च्छा)?^{२१} । सावथी य कुणाला^{२२}, कोडीवरिसं च लाढा य^{२३} ॥९॥
सेयविया वि य णयरी, केइयअद्धं च आरियं^{२४} भणियं । एत्थुप्पती जिणाणं, वक्कीणं रामकण्हाणं ॥१०॥
पुब्बेण अंगमागह-विसयं अह दाहिणेण कोसंबी । अचरेण (घू)थूणविसओ, कुणालविसयं च उत्तरओ ॥११॥
एयं आरियखेतं, एत्थ विहारो उ कप्पइ जईणं । बाहिं पुण नो कप्पइ, जत्थ च नाणाडडइ नोसप्पे ॥१२॥
जत्थ उण नेय मुणिणो, सम्मन्नाणाडडइगुणरयणनिहिणो । विहरंति वयणकिरणेहिं, हणियमिच्छततमपसरा ॥१३॥
तम्मि पर्यंडपासंडि-मंडलीचंडवयणपवणेहिं । निरु रूयपूणिया इय, पणोल्लिया दुल्लहा बोही ॥१४॥
इय भो देवाणुपिया!, नाउं बोहीए परमदुलहतं । चिरकालभीमभवभमण-ओ तयं पाविऊणं च ॥१५॥
तह कहविं तए किच्चं, निच्चं, अच्चाडडयरेण जह तीए । लद्धाए तुडिवसेणं, साफल्लं जायए जम्हा ॥१६॥
लद्धेल्लियं च बोहिं, अकरंतोडणागयं च पत्थित्तो । अन्नं 'दाइं बोहिं, लब्भिसि कयरेण मोल्लेण ॥१७॥
किंच-

कत्थइ सुहं सुरसमं, कत्थई निरओवमं महादुक्खं । कत्थइ तिरियाडडईणं, दहणंउकणपमुहमडवि असुहं ॥१८॥
दट्टूण वि नियदिट्ठीए, किंचि किंचि वि परोवएसेणं । नाऊणं पि हु मूढा, न बोहिमणहं पवज्जंति ॥१९॥
जह नाम पट्टणगया, मोल्ले सन्ते वि मूढभावेण । न लहंति नरा लाभं, नरभवपत्ता वि तह बोहिं ॥२०॥
तहा-

चित्तामणिं च मूढा, सन्भावपरिकखणं अयाणंता । कहमडवि लद्धं पि हु बोहि-मुत्तमं इत्ति उज्झंति ॥२१॥
गयबोहिणो य पुणरवि, गवेसमाणा वि तं ण पावेंति । वणियंउतरदिन्नाइं, रयणाइं वणियपुत्त च्च ॥२२॥
तथाहि-

“वणिकपुत्रदृष्टान्तः”

एगम्मि महानगरे, महिब्भजणसंकुले कलाकुसलो । वसइ सिवदत्तनामो, सेट्ठी सुपसंतनेवत्थो ॥२३॥
तस्स य जरभूयपिसाय-साइणीपमुहदोसहरणाणि । पायडपहावकलियाणि, संति विविहाणि रयणाणि ॥२४॥
ताणि य सो जीवियमिच, महानिहाणं च रक्खइ सया वि । दंसइ जहा तहा नेव, निययपुत्ताडडइयाणं पि ॥२५॥
अह तत्थ पुरे एगत्थ ऊसवे जत्तियाउ कोडीउ । अत्थस्स जस्स तेणं, इब्भेणं तेत्तियथयाओ ॥२६॥
उब्भविआओ नियनिय-थवलहरडगेसु ससहरसियाओ । ताओ य पलोइत्ता, भणिओ पुत्तेहिं सो सेट्ठी ॥२७॥
विक्किणसु ताय! रयणाइं, कुणेसु अत्थं इमेहिं किं कज्जं । कोडिज्जएहि गेहं, अम्हं पि हु सोहमुच्चहउ ॥२८॥
रुट्ठेण सेट्ठिणा जं-पियं तओ रे! पुणो वि मा एवं । भासेज्जह मह पुरओ, इमाइं न कहं पि विक्केमि ॥२९॥
एवमुवलद्धतन्नि-च्छएहिं पुत्तेहिं मोणमडह विहियं । सेट्ठी वि कज्जवसओ, वीसत्थमणो गओ गामं ॥३०॥
पुत्तेहि वि विजणं जाणिऊण, अविमरिसियउन्नकज्जेहिं । दूरदिसाडडगयवणियाण, ताणि रयणाणि दिन्नाणि ॥३१॥
तच्चिक्कयपत्तपभूयदव्व-कोडिअणुरुवसंखाए । संखधवलाउ गेहे, उब्भविआ उ धयवडा तो ॥३२॥
केवइकालाउ आगयो य, सेट्ठी पलोइउं गेहं । विम्हइयमणो सहसा, पुच्छइ पुत्ते किमेयं ति ॥३३॥
सिद्धो य तेहिं सब्बो, वुत्तंनो तो दढं परुट्ठेणं । निट्टुरगिराहि सुचिरं, निब्भच्छित्ता अतुच्छाहिं ॥३४॥
ताणि रयणाणि घेतुं, एज्जह मे मंदिरम्मि इइ भणिउं । कंठे हठेण धरिउं, निच्छूढा निययगेहाओ ॥३५॥
कह ते पुणो वरागा, दूरदिसोवगयवणियपासाओ । निययरयणाणि पावेंति, नूणं सुचिरं भमंता वि ॥३६॥
अहवा लभंति ते वि हु, कर्हिं पि रयणाइं देवयाडडइवसा । बोही उ न पब्भट्टा, लब्भइ अच्चंतदुल्लंभा ॥३७॥

1. दाइ = दायिनम्, बोधिदातारम् इत्यर्थः ।

किंच—

जाहे य पावियब्बं, इहपरलोए य होइ कल्लाणं । ताहे च्विय जिणभणियं, पडिचज्जइ भावओ धम्मं ॥३८॥
जह जह दोसोवरमो, जह जह विसएसु होइ वेरग्गं । तह तह चिन्नायब्बं, आसण्णो बोहिलाभो ति ॥३९॥
दुग्गे भवकंतारे, भममाणेहिं सुइरं पि नट्टेहिं । इट्ठो जिणोवइट्ठो, सोग्गइमग्गो दढं दुलहो ॥४०॥
पते वि हु मणुयत्ते, मोहस्सुदएण दुल्लहो सुपहो । कुपहबहुयत्तेण य, विसयसुहाणं च लोभेण ॥४१॥
बहुमोल्लरयणनिहिलाभ-सन्निहं पावियुण तं तम्हा । मा तुच्छसुहाण कए, एमेव य निष्फलं नेसु ॥४२॥
लद्धाए दुल्लहाए वि, कहवि बोहीए एत्थ संसारे । दुल्लहो धम्माऽऽयरिओ, पयडं चिय जेण पेच्छ इमं ॥४३॥
रयणऽत्थिणो य थोवा, तदायारो य जह य लोगम्मि । इय सुद्धधम्मरयणऽत्थि-दायगा दढयरं नेया ॥४४॥
एत्थ य सत्थुतकसाऽऽइ-सुद्धधम्मस्स दायगा गुरुणो । साहुत्तणे जहुत्ते, ते पुण पावेति सुगुरुत्तं ॥४५॥
एत्तो च्विय णिदिट्ठो, विसिट्ठदिट्ठीहिं भावसाहु ति । हंदि पमाणटियत्थो, तं च पमाणं इमं होइ ॥४६॥
सत्थुत्तगुणो साहु, न सेस इइ णे पइन्न इह हेऊ । अगुणत्ता इति नेओ, दिट्ठतो पुण सुवण्णं व ॥४७॥

“सुवर्णस्याष्टगुणैः धर्मगुरुः परीक्षा-सद्गुरोःस्वरूपम्” —

विसघाड^१ रसायण^२ मंगलत्थ^३-विणिए^४ पयाहिणाऽऽवत्ते^५ । गरुए^६ अडज्झ^७ऽकुच्छे^८, अट्ट सुवन्ने गुणा होंति ॥४८॥
इय मोहविसं घायइ, सिधोवएसा रसायणं होइ । गुणओ य मंगलत्थं, कुणइ विणीओ य जोगो ति ॥४९॥
मग्गाऽणुसारिपयाहिण-गंभीरो गरुयओ तहा होइ । कोहऽग्गिणा अडज्झो, अकुच्छ सइ सीलभावेणं ॥५०॥
एवं दिट्ठन्तगुणा, सज्झम्मि वि एत्थ होंति नायव्वा । न हि साहम्माऽभावे, पायं जं होइ दिट्ठतो ॥५१॥
चउकारणपरिसुद्धं, कसत्थेयत्तावतालणाए य । जं तं विसघाडरसा-यणाऽऽइगुणसंजुयं होइ ॥५२॥
इयरम्मि कंसाऽऽइया, विसिट्ठलेसा तहेगसारत्तं । अवगारिणि अणुकंपा, वसणे अइनिच्चलं चित्तं ॥५३॥
तं कसिणगुणोवेयं, होइ सुवण्णं न सेसयं जुत्ती । न वि नामरुवमेत्तेण, एवमऽगुणो भवइ साहु ॥५४॥
जुत्तीसुवन्नं पुण, सुवन्नवन्नं पि जइ वि कीरेज्जा । न हु होइ तं सुवण्णं, सेसेहिं गुणेहिं असंतेहिं ॥५५॥
जे इह सत्थे भणिया, साहुगुणा तेहिं होइ सो साहु । वन्नेणं जच्चसुवन्न-गं व संते गुणनिहिम्मि ॥५६॥
जो साहुगुणरहिओ, भिक्खं हिंडइ न होइ सो साहु । वन्नेणं जुत्तिसुवन्न-गं वऽसंते गुणनिहिम्मि ॥५७॥
उद्दिट्ठकडं भुंजइ, छक्कायपमद्दणो घरं कुणइ । पच्चक्खं च जलगए, जो पियइ कहं नु सो साहु ॥५८॥
अन्ने उ कंसाऽऽइया, किल एए एत्थ होंति नायव्वा । एयाहि परिक्ख्राहिं, साहुपरिक्खेह कायव्वा ॥५९॥
तम्हा जे इह सत्थे, साहुगुणा तेहिं होइ सो साहु । अच्चन्तसुपरिसुद्धेहिं, मोक्खसिद्धिति काऊणं ॥६०॥
इय मोक्खसाहगुणाण, साहणा देसिओ य जो साहु । धम्मोवएसगिरणा, सो चेव गुरु वि ता एत्तो ॥६१॥
नीसेससाहुगुणरयणाऽ-लंकियतणुस्स वि गुरुस्स । सविसेसमऽसेसजणं, विबोहिउं भण्णइ परिक्खा ॥६२॥
सा पुण परलोयपरंमुहस्स, इहलोगबद्धबुद्धिस्स । सद्धम्मवासणाविर-हियस्स विसओ न होइ तहा ॥६३॥
लोइयठिईए जो वि य, जणणीजणए वि देवयब्भूए । दुपरिच्चए चइत्ता, निस्सीकाऊण कं पि नरं ॥६४॥
सुययिमुहो गड्डरिया-पवाहमेत्ताऽणुसारिचरिओ य । धम्मऽत्थी वि सबुद्धीए, कट्ठाऽणुट्ठाणविहियरुई ॥६५॥
मग्गं पि चरिउकामो, चरमाणो या मुणी तहारुवो । तस्स वि न चेव जायइ, विसओ एसा गुरुपरिक्खा ॥६६॥
भावियभवनेगुन्नस्स, जंतुणो जायभवविरागस्स । सद्धम्मपरुवगगुरु-गवेसिणो नणु इमा विसओ ॥६७॥
ता भवभयभीएणं, भविणा सद्धम्मबद्धलक्खेणं । धणवं च दरिद्रेणं, तरंडमिव जलहिपडिएण ॥६८॥
इह परमपयपुरप्पह-पयट्टपाणीण परमसत्थाहो । सन्नाणाऽऽइगुणगुरु, परिक्खियव्वो गुरु णित्तणं ॥६९॥
तुच्छप्फलो वि एक्को वि, रुवगो जइ परिक्खियउं गज्झो । परमफलो गुरु ता, परिक्खियव्वो पयत्तेणं ॥७०॥
करितुरयाऽऽइ जह जए, सुगुणं ति मुणिज्जए सुचिंधेहिं । तह सुहगुरु वि नेओ, धम्मज्जमणाऽऽइलक्खणओ ॥७१॥
धम्मऽत्थकाममोक्खा, चत्तारि भवति एत्थ पुरिसत्था । ते सुहगुरुवएसा, लब्भंति विणा किलेसेणं ॥७२॥
इह जोगिणो कयत्था, विसिट्ठनाणाऽवल्लोइयपयत्था । दक्खा सावाऽणुग्गह-करणे गुरुसंगमा होंति ॥७३॥
तिहुयणभवणऽभंतर-पसरंतऽन्नाणतिमिरभरहरणे । सज्जोइदित्तरुवो, पावपयंगक्खए दक्खो ॥७४॥

1. शास्त्रोक्तकषादिशुद्धधर्मस्य ।

वंछियपयत्थपयडण-परो य न भवेज्ज जइ गुरुपईवो । अंधबहिरं इमं तो, जगं वरायं कहं हुत्तं ॥७५॥
 गच्छइ य समुच्छेयं, जह नाम सुवेज्जवयणओ वाही । तह सुहगुरुवएसाउ, कम्मवाही वि विन्नेयो ॥७६॥
 कलिकालकयलियजए, वंछियविधिहफलदाणदुल्ललिओ । अक्खंडगुणो सक्खा, होइ गुरु कप्परुक्खो च्च ॥७७॥
 सम्मतनाणचरणाडड-इएहिं भवजलहितारणसहेहिं । निव्याणकारणेहि य, गुणेहिं गरुओ गुरु होइ ॥७८॥
 देसकुलजाइरुवाडडइ-गुणजुओ चतसव्वसावज्जो । सुहगुरुदिन्नगुरुपओ, पसममहप्पा गुरु भणिओ ॥७९॥
 सयलाडणत्थनिहाणं, मज्जं वज्जेइ जो सयाकालं । मंसं च असुइमूलं, गुरुत्तणं तस्स होइ फुडं ॥८०॥
 हलखेतगाचिमहिसी-घरघरिणीपुत्तभंडववहारो । सीसस्स व गुरुणो वि हु, जइ ता सरियं गुरुत्तेण ॥८१॥
 पावाडडरंभा सीसस्स, जे उ ते चेव होंति गुरुणो वि । जइ ता लीलाए च्चिय, भवंडबुरासी अहो! तिण्णो ॥८२॥
 पाणडच्चए वि पीडं, परस्स न हु सव्वहा विचिंतेइ । जीवाण जणणिसरिसो, करुणेक्करसो गुरु कहियो ॥८३॥
 विसयामिसे पसतो, पुरिसो परवंचणे मणं कुणइ । ता जो विसयविस्तो, परमत्थेणं स चेव गुरु ॥८४॥
 निच्चं अकयमडकारिय-मडणणुमयं सयलदोसपरिहीणं । बालगिलाणाडडइए, संभोइता जहाजोगं ॥८५॥
 वेयावच्चाडडइकारणेहिं, इंगालधूमपरिहीणं । जो उवभुंजइ उंछं, सो च्चिय सच्चं गुरु भणिओ ॥८६॥
 दव्वं खेतं कालं, भावं च पडुच्च णिच्चकालं पि । जो पडिबंधच्चाई, सो च्चिय सच्चं गुरु भणिआ ॥८७॥
 वासाइ महामुणियो, तवसुसियतणू वि जत्थ पडिभग्गा । तं घोरबंभचेरं, चरंतओ चेव भावगुरु ॥८८॥
 निच्चसमुच्छलणपरं, सपरोभयविसयमडवि कसायडणिं । पसमोवएससलिलेण, जो य उवसामणसमत्थो ॥८९॥
 खंतिप्पमोक्खदसविह-निम्मलमुणिधम्मगुणमणिगणस्स । रोहणगिरिभूमिसमो, जिणनिदिट्ठो स इट्ठगुरु ॥९०॥
 पंचसमिओ तिगुतो, जमनियमपरायणो महासतो । समयाडमयरसतितो, जो सो भणिओ उ भावगुरु ॥९१॥
 सक्कयपाययअवहट्ठ-देसीभासाविसेसवयणेहिं । सीसाडवबोहकुसलो, पियंवओ होइ भावगुरु ॥९२॥
 जह रत्तो रंकस्स वि, तहेव समसरिसचित्तवित्तीए । अक्खंतो सद्धम्मं, भावपहाणो गुरु होइ ॥९३॥
 समसुहदुक्खो समतिण-मणी य समकणयकयवरो धीरो । समपरिभवसम्माणो, समसुहिसत्तू य होइ गुरु ॥९४॥
 सारीरमाणसाडणेग-दुक्खसंतावतावियजणाण । तुहिणाडडयो व्व सिसिरो, जो होइ गुरुत्तणं तस्स ॥९५॥
 संवेगगम्भहियओ, सम्मं संवेगगम्भवयणो य । संवेगगम्भकिरियो, जो सो परमत्थओ सुगुरु ॥९६॥
 सावज्जडणवज्जगिरं, जाणइ जो वज्जई य सावज्जं । निरवज्जं कज्जे च्चिय, वज्जरइ य तं गुरुं सयउ ॥९७॥
 सावज्जडणवज्जाणं, वयणाणं जो न जाणइ विसेसं । वोत्तुं पि तस्स न खमं, किमंडग! पुण देसणं काउं ॥९८॥
 ता हेउवायपक्खम्मि, हेऊओ आगमे य आगमिओ । जो स गुरु इयो पुण, जिणवयणविराहणो जम्हा ॥९९॥
 नियमइअवराहेणं, असंगयडत्थाण पोसगो मूढो । जणयइ परस्स बुद्धिं, सव्वन्नू अलियवाई ति ॥९००॥
 दुरडहीयकुनयलवमय-विमोहिओ जिणमयं अयाणंतो । वोत्तुं तमडन्नहा वि हु, कुगईए गमेइ सपरुभयं ॥९१॥
 तम्हा—

ससमयपरसमयविऊं, संविग्गो^१ सेसयाण संवेगं । जणयंतो^२ मज्झत्थो^३, कयकरणो^४ गाहणाकुसलो^५ ॥२॥
 सत्तुवयारम्मि रओ^६, दढप्पइत्तो^७ णणुवत्तओ^८ मइमं^९ । अरिहइ जिणिंदभणियं, धम्मं परिसाए परिकहिउं ॥३॥
 ससमयपरसमयविऊ, तिथियसमयाउ दंसइ विसेसं । जिणधम्मस्स अओ सो, उच्छाहं कुणइ जिणधम्मे ॥४॥
 सत्तत्थं च पयासइ, निस्सेसनएहिं जिणमयन्नू य । उस्सग्गडववाघाणं, जहट्ठियं दंसइ विसेसं ॥५॥
 संविग्गो सव्भावं, कहेइ इइ पच्चओ न इयरम्मि । चरणकरणं चयंतो, चएज्ज सव्वंपि ववहारं ॥६॥
 गुणसुट्ठियस्स वयणं, घयमहुसित्तो व्व पावओ भाइ । गुणहीणस्स न सोहइ, नेहविहीणो जहा दीवो ॥७॥
 आयारे वट्ठंतो, आयारपरुवणे असंवेओ । आयारपरिब्भट्ठो, सुद्धचरणदेसणे भइओ ॥८॥
 भवसयसहस्सलद्धं, जिणवयणं भावओ चयंतस्स । जस्स न जायं दुक्खं, न तस्स दुक्खं परे दुहिए ॥९॥
 जहथाममुज्जमंतो, संवेगं कुणइ तह य मज्झत्थो । अब्भुट्ठिएणुगिण्हइ, कयकरणो गाहणाकुसलो ॥१०॥
 सत्तुवयारम्मि रओ, थिरपरिचियमडत्थसुत्तमडगिलाए । पुणरुत्तवाणिदाणाडडइ-णाउ सेहे करावेइ ॥११॥

सेवेइ नाडवचायं, मियाण पुरओ दढपइन्नो ति [दारं] । अणुवत्तगो अणुवत्तइ, जहजोग्गं बहुविहविणेए ॥१२॥
मइमं जाणइ नियमा, उस्सग्गडवचायगोघरमडसेसं । परिणामगाडडइसीसे य, विविहमयदेसणाजोग्गे ॥१३॥
पुढविं पिव सव्वसहं, मेरुं व अकंपियं ठियं धम्मे । चंदमिव सोमलेसं, तं धम्मगुरुं पसंसंति ॥१४॥
कालञ्चुं देसञ्चुं, नाणाविहहेउकारणविहञ्चुं । संगहुवग्गहकुसलं, तं धम्मगुरुं पसंसंति ॥१५॥
लोइयवेइयलोउत्तरेसु, नाणाविहेसु सत्थेसु । लद्धट्टं गहियट्टं, तं धम्मगुरुं पसंसंति ॥१६॥
धम्मगुरुसहस्साइं, लहइ य जीवो भवेसु बहुएसु । कम्मेसु सिप्पेसु य, अन्नेसु य धम्मचरणेसु ॥१७॥
जो पुण जिणप्पणीए, निगंथे पवयणम्मि धम्मगुरु । संसारमोक्खमग्गस्स, देसओ स इह दुल्लंभो ॥१८॥
जह दीवा दीवसयं, पइप्पएसो य दिप्पए दीवो । दीवसमो धम्मगुरु, अप्पं च परं च दीवेइ ॥१९॥
धम्मञ्चु धम्मपरायणो य, सम्मं च धम्मकत्ता य । सत्ताण धम्मसत्थडत्थ-देसगो भण्णए सुगुरु ॥२०॥
चाणक्कपंचतंतय-कामंदकमाडडइरायनीईउ । चक्ख्राणंतो जीवाण, ण खलु अणुकंपओ होइ ॥२१॥
तह जोइसडग्घकंडाडडइ, वेज्जयं मणुयतुरयहत्थीणं । धणुवेयधाउवायं च, परिकहंतो हणइ जीवे ॥२२॥
वावीकूवतडागाइ-गोयरं न खलु देइ उवएसं । जमडसंख्रविणासेणं, न होइ थोवाणमडणुकंपा ॥२३॥
एत्तो च्चिय सो हलसगड-पोयसंगामगोहणाडडईसु । उवएसं पि हु कहां देइ, सत्तअणुकंपसंजुतो ॥२४॥
ता कसत्थेयाडडइविसुद्ध-धम्मगुणकणगदायगस्सेव । गुरुणो इह पत्थुयभाव-णाए दुलहतणं भणियं ॥२५॥
इय भावणाउ बारस, भद्वय! संवेगसारचित्तेण । भावेसु भीमभवभित्ति-भंजणे करिघडाउ व्व ॥२६॥
जह जह दढप्पइण्णो, समणो वेरग्गभावणं कृणइ । तह तह असुहं सूराडड-हयं व तिमिरं खयमुवेइ ॥२७॥
पइसमयभावणाभाव-णेण सद्भावनिब्भरं भविणो । मयणं व तिव्वतरजलण-संगमा गलइ चिरकम्मं ॥२८॥
एइ न बंधं नवकम्मं, अविताहा भावणापहाणस्स । छिज्जंति चिब्भडुब्भड-गंधा सुकुमारियाउ व्व ॥२९॥
अक्खंडचंडमायंड-किरणकवलियहिमोचलो व्व खयं । वच्चइ कम्मपबंधो, असुहो सुहभावणाहिंतो ॥३०॥
ता सुंदर! दरमउलंत-लोयणो झाणजोगनिदाए । बारसगमडसंगो भाव-णाण भावेसु भवभीओ ॥३१॥
इय बारसविहभावण-पडलपडिद्वारमेयमडक्खायं । कित्तेमि शीलपालण-पडिदारं पन्नरसमेतो ॥३२॥

“शीलपालनद्वारम्” —

शीलं पुरिससहायो, शीलं चारित्तपालणं भणियं । आसवदारनिरोहा, अहवा शीलं मणसमाही ॥३३॥
पुरिससहायो य दुहा, पसत्थओ तह य अप्पसत्थो य । रागदोसाडडईहिं, कलुसो जो अप्पसत्थो सो ॥३४॥
होइ पसत्थो चित्तस्स, सरलया पयणुरागदोसित्तं । धम्माडभिप्पाइत्तं च, एत्थ पगयं पसत्थेणं ॥३५॥
एयं सुपसत्थसहाव-लक्खणं शीलमडविगलं जस्स । सो मूलगुणाडडधारो, धरिही सेसं पि गुणनियरं ॥३६॥
चयरितीकरणाओ, चारित्तं पुण भवे अणुट्ठाणं । विहिपडिसेहाडणुगयं, आसवविरईए तं च भवे ॥३७॥
जम्हा चरित्तापालण-लक्खणशीलस्स चेव बुडिडकए । आसवविरुंभणपरं, इममुवएसं दिसंति जहा ॥३८॥
इंदियदमणं काउं, कसायसेत्रं पि निम्महिय सव्वं । आसवदारनिरोहे, जइज्ज सइ निज्जरापेही ॥३९॥
इंदियकसायहणणा, हणिय च्चिय आसवा जओ होइ । अहियाडडहारे मुक्के, रोगा इव आउरजणस्स ॥४०॥
एत्तो च्चिय सव्वेसु वि, जिएसु चट्टंति अप्पए व्व मुणी । न य एत्तो वि उवाओ, अन्नो विज्जइ सुगइलाभे ॥४१॥
ता नाणज्झाणेहिं, तयोबलेण य बला निरुंभिता । सव्वाडडसवदाराइं, धारेज्जा अविगलं शीलं ॥४२॥
तह मणसमाहिलक्खण-मडवि शीलं मोक्खसाहणगुणाणं । जाणाहि मूलकारण-भूयं जम्हा सुए भणियं ॥४३॥
जस्स थिई तस्स तवो, जस्स तवो तस्स सोग्गइ सुलहा । जे अधिइमंतपुरिसा, तवो वि खलु दुल्लहो तेसिं ॥४४॥
किंच मणवयणकाया, जे भणिया करणसन्निया तिन्नि । ते धित्तिमंतस्स गुणाय, होंति दोसाय इयरस्स ॥४५॥
तम्हा पुरंधिपडिबंध-बंधणं दुहनिबंधणं धुणित्तं । सामन्नं पडिचन्ना, धण्णा भवभवणनिच्चिण्णा ॥४६॥
धण्णा सत्तहियाइं, सुणांति धण्णा करंति निसुयाइं । धन्ना सोग्गइमग्गे, रमंति शीले गुणुप्पीले ॥४७॥
सन्नाणवायसहितो, शीलुज्जलिओ चिगिद्धतवजलणो । संसारमूलवीयं, दहइ दवडग्गी व तणरासिं ॥४८॥
निम्मलशीलधराणं, इहलोए चेव तह य परलोए । गउरवमुवेइ अप्पा, परमप्पा एस चेव ति ॥४९॥

अच्चंतमहाघोरा वि, आवया सच्चसंधणपरेहिं । लीलाए नित्थरिज्जइ, सोच्छाहं सीलबलिएहिं ॥५०॥
 सीलसमलंकियाणं, मरणं पि वरं खु तक्खणा चेव । चिरजीवियं पि मा पुण, सीलाडलंकारचुक्काणं ॥५१॥
 वरमडरिघरेसु भिक्खा, अभिक्खणं भमडिया सुसीलेणं । चक्कित्तणं पि मा पुण, परिमलियविसालसीलस्स ॥५२॥
 गरुयगिरितुंगसिंगा, वरं खु विसमे कहिं पि पडिऊण । दढकढिणपत्थरंडतो, अप्पा सयसिक्करं नीओ ॥५३॥
 परिकुवियफारफुंकार-घोररुहिराडरुणडच्छिदुप्पेच्छे । वरमडहिमुहम्मि हत्थो, पक्खित्तो तिक्खदसणम्मि ॥५४॥
 गयणविसप्पणदुप्पेच्छ-पचुरजालाकलावकलियम्मि । वरमडप्पा पक्खित्तो, खयडग्गिकुंडे पयंडम्मि ॥५५॥
 मत्तकरिकरडपुडपाडणेक्क-दप्पिट्टदुडुकेसरिणो । वरमाडडणणे पवेसो, सुतिक्खदढदाढकढिणम्मि ॥५६॥
 मा पुण सुदीहकालं, परिवालियविमलसीलरयणस्स । हे वच्छ! तए भवसुह-कएण विहिओ परिच्चाओ ॥५७॥
 सीलाडलंकाराडलं-किओ हु अधणो वि होइ जणपुज्जो । दुस्सीलो पुण धणवं-तओ वि सयणेसु वि न पुज्जो ॥५८॥
 विमलं सीलं पालितगाण, चिरकालजीवियं होउ । पावाडडसत्ताणं पुण, न किंचि चिरजीवियव्वेण ॥५९॥
 ता भो धम्मगुणाडडगर!, गरलं व वमित्तु दुडुसीलतं । आराहणाकयमणो, मणहरहरिणंडककरविमलं ॥६०॥
 हयभववंसकरीलं, चित्तचमक्कियसुराडसुरुपीलं । सिवपुरनिवेसकीलं, परिचज्जियजीवपरिपीलं ॥६१॥
 कुगइपहविहियहीलं पावपयितीए कयगयनिमीलं । परमपयललणलीलं, परिपालसु निम्मलं सीलं ॥६२॥
 सीलपरिपालणादार-मेवमडक्खायमिण्हि सोलसमं । इंदियदमाडभिहाणं, पडिदारं किंपि दंसेमि ॥६३॥

“इन्द्रियदमनद्वारस्वरूपम्” —

इंदो जीवो तस्स उ, इमाणि तेणिंदियाणि भन्ति । नाणाडडइगुणसिरीए, स पुण जिओ ललणपासादो ॥६४॥
 तस्स गवक्खाडडइपभूय-दारकप्पाणि इंदियाणि धुवं । नियनिययविसयविरमण-क्वाडविरहेण पुण तेसु ॥६५॥
 पविसन्तपउरकुवियप्प-कप्पणापावपंसुपूरेण । ओमइलिज्जइ जोण्ह-ज्जला वि नाणाडडइगुणलच्छी ॥६६॥
 अहवा अनिरुद्धिंदिय-दारे पविसित्तु जीवपासाए । हयविसयचंडचरडा, नाणाडडइसिरिं अवहरति ॥६७॥
 एवमडवगम्म सम्मं, तस्संरक्खणकए कयपयतो । सब्बेदियदाराइं, सुनिरुद्धाइं धरसु धीर! ॥६८॥
 ससमयपरसमयमया-डवगाहगरुयं पि पंडियं पि नरं । बलवं इंदियगामो, गंजइ अनिरुद्धपडिपसरो ॥६९॥
 धरउ वयं चरउ तवं, सरउ गुरुं झरउ सुत्तअत्थे वि । इंदियदमपरिहीणस्स, तस्स तुसकंडणं सब्बं ॥७०॥
 मयचंडगंडमंडल-करडिघडाविहडणेक्कपडुओ वि । जइ नेव इंदियजई, ता सो च्विय कायरो पढमो ॥७१॥
 ताव च्विय गरुयत्तं, ताव च्विय भुवणभूसणा किली । संभावणा वि पुरिसस्स, ताव जाविंदियाणि वसे ॥७२॥
 अह सो च्विय ताण वसे, जायइ जइ ता कुले जसे धम्मे । संघे गुरुसुहियग्गे, देइ मसीकुच्चयमडवस्सं ॥७३॥
 दीणत्तमणादेयत्तणं च, सब्बाडभिसंकणीयत्तं । किं किं तमडणिडं जं, इंदियवसगा न पावेंति ॥७४॥
 भिज्जइ गिरि वि सिरसा, पिज्जइ जालाकरालजलणो वि । खग्गडग्गे वि चरिज्जइ, दुदमा पुण इंदियतुरंगा ॥७५॥
 विसयाडरन्नपवन्नो, अणवरयमडणंकुसं व दुदन्तो । भंजंतो सीलवणं, ओ वियरइ इंदियगइंदो ॥७६॥
 तत्तं दिसंति तवमडवि, तवन्ति पालिति संजमगुणे वि । इंदियनिरोहकरणे, रणे व्व कीवा विसीयंति ॥७७॥
 सक्को जमडच्छिबहुलो, जं च हरी चयवहूविहियहासो । भट्टारओ चिरिंची वि, जं च जाओ चउव्वयणो ॥७८॥
 निदद्धाडणंगो वि हु, जमडद्धनारीसरो किर हरो वि । तं दुज्जयस्स विलसिय-मडसेसमिंदियनरिंदस्स ॥७९॥
 पंचण्ह वसे होउं, होइ वसे सयलजीवलोगस्स । पंचण्ह जयं काउं, जयइ समत्थं तिहुयणं पि ॥८०॥
 जइ नेव इंदियदमो, विहिओ ता किमिह सेसधम्मेहिं । अह सो वि कओ सम्मं, तहा वि किं सेसधम्मेहिं ॥८१॥
 अहह! बलवत्तमिंदिय-गामस्स जमडत्थिणो वि तं दमिउं । सक्कंति नेव समय-प्पसिद्धतदुवायविउणो वि ॥८२॥
 मोत्तूण जिणे जिणमयठिए य, पहवंतइंदियबलाइं । न जिणिसु जिणइ जेस्सइ, मन्ने अन्नो तिहुयणे वि ॥८३॥
 सो च्विय सूरु सो चेव, पंडिओ नणु गुणी वि सो चेव । सो चेव कुलपईयो, इंदियविजई जए जो उ ॥८४॥
 तस्स गुणा तस्स जसो, तस्स सुहं पाणिपल्लवडल्लीणं । तस्स थिई सो मइमं, जयम्मि जो इंदियदमत्थो ॥८५॥
 जं सग्गे सुरराया, विलसइ सुरसेणिपणयपयकमलो । फणिमणिपहपहयतमो, जं च फणिदो वि पायाले ॥८६॥
 जं व निहयाडरिचक्कं, चक्कं चक्कस्स करयले ललइ । तं दित्तिंदियदमलव-लीलाए विलसियं सब्बं ॥८७॥

तं नमह तं पसंससह, तं सेवह तं विहेह य सहायं । जेण य वसं नीओ, दुइंतो इंदियगइंदो ॥८८॥
सुगुरु स चेव देवो, तस्स नमो तेण भूसियं भवणं । न विसयपवणहओ वि हु, इंदियअग्गी जलइ जस्स ॥८९॥
तेण सुलद्धो जम्मो, जीवियमउवि तस्स चेव इह सहलं । जेण णिरुद्धो पसरो, इमस्स दुइंदियबलस्स ॥९०॥
ता भो देवाणुप्पिया!, पियं भणामो तुमं पि तह कह वि । चेइसु जहिंदियाइं, आयारामाइं जायंति ॥९१॥
इंदियपभवं सोक्खं, सोक्खाउउभासो स न उण तं सोक्खं । तं पि हु कम्मोचचयाय, सो वि दुक्खेक्कहेउ ति ॥९२॥
इंदियविसयपसता, पडंति संसारकंदरे घोरे । पक्खि व्व छिन्नपक्खा, सुसीलगुणपेहुणविहीणा ॥९३॥
महुलितं असिधारं, जहा लिहंतो सुहं मुणइ पुरिसो । इंदियविसयसुहं तह, भयावहं पि हु अणुभवंतो ॥९४॥
सुट्टु वि मग्गिज्जंतो, कत्थइ पयलीए नत्थि जह सारो । इंदियविसएसु तहा, नत्थि सुहं सुट्टु वि गविइं ॥९५॥
गिम्हुहहयस्स दुहं, जह धावंतस्स चिरलतरुहेट्टा । छायासुहमउप्पं चिय, इंदियसोक्खं पि तह जाण ॥९६॥
अहह! कहमउप्पणिज्जो, चिरमुवयरिओ वि इंदियगामो । विसयपसतो संतो, सत्तुजणं पि हु विससेइ ॥९७॥
जो इंदियाण छंदे, चट्टइ मोहेण मोहिओ संतो । सत्तू तस्सउप्पा चेव, अप्पणो, तिकखदुक्खकरो ॥९८॥

“इन्द्रिय-अविजये भद्रादीनां दृष्टान्तः” —

सोइंदिएण भद्दा, चक्सूराएण समरधीरनिचो । घाणेण रायपुत्तो, निहओ रसणाए सोयासो ॥९९॥
फांसिंदिएण दिट्ठो, नट्ठो सयवारनयरवत्थच्चो । एक्केक्केण वि निहया, किं पुण जो पंचसु पसत्तो ॥१०००॥
एयाण य भावत्थं, जहक्कमं साहिमो समासेणं । तत्थेमं अवसेयं, सोइंदियगोयरं नायं ॥११॥
नयरम्मि वसंतपुरे, अच्चन्तं सुस्सरो विरुवी य । नामेण पुप्फसालो ति, गायणो आसि सुपसिद्धो ॥१२॥
तत्थेव पुरे एणो, सत्थाहो सो गओ परं देसं । भद ति तस्स भज्जा, घरचावारं विचितेइ ॥१३॥
तीए य एगया कार-णेण केणाउवि निययचेडीओ । हट्टम्मि पेसियाओ, ताओ पुण पुप्फसालस्स ॥१४॥
किन्नरपडिरुवसरेण, गायमाणस्स भूरिजणपुरओ । गीधरवं सोऊणं, ठियाउ भितीए लिहिय व्व ॥१५॥
चिरवेलं अच्छिता, नियमंदिरमाउउगयाउ कुवियाए । ततो भद्दाए ब्रज्जि-घाओ फरुसेहिं वयणेहिं ॥१६॥
भणियं च ताहिं सामिणि!, मा रूससु सुणसु तत्थ अम्हेहिं । तं किर सुयं पसूण वि, जं हरइ मणं किमउण्णेसिं ॥१७॥
भणियं भद्दाए कहं ति, तयउणु ताहिं निवेइयं सव्वं । तो तीए चितियं कह, सो दट्टच्चो महाभागो ॥१८॥
एगम्मि य पत्थावे, जत्ता पारंभिया सुरगिहम्मि । लोगो य तहिं सव्वो, वच्चइ दट्टुं नियतइ य ॥१९॥
भद्दा वि दासचेडीहिं, परिवुडा उग्गयम्मि सूरम्मि । तत्थ गया गाइत्ता, परिसंतो पुप्फसालो वि ॥२०॥
तम्मि सुरमंदिरपरि-सरम्मि सुत्तो कहं पि चेडीहिं । दिट्ठो सिट्ठो य स एस, पुप्फसालो ति भद्दाए ॥२१॥
अह तं चिविडियनासं, बीभच्छुइं दंतुरं मडहवच्छं । पेच्छिता हुं दिइं, रुवेण वि गेयमेयस्स ॥२२॥
इय जंपिरीए तीए, निच्छूढं दूरचलिययणाए । सुत्तुडियस्स एयं, कुसीलवेहिं च सिइं से ॥२३॥
सोऊण इं सो कोच-दावनिद्वज्जमाणसव्वंउगो । हद्धी! सा वि हयाउउसा, वणिणो गिहिणी ममं हसइ ॥२४॥
इय असरिसअमरिसवस-विस्सुमरियनिययसव्ववाचारो । अवयारं काउमणो, तीए गेहम्मि संपत्तो ॥२५॥
पारद्धो य कलगिरं, पउत्थवइयानिबद्धचित्तं । अच्चन्तमाउउयरेणं, गाइउमेवं जहा तुज्ज ॥२६॥
पुच्छइ वत्तं सत्थाउ-हिवो ददं पेसइ सया लेहं । तुह नामग्गहणेणं, परं पमोयं समुच्चहइ ॥२७॥
तुह दंसणूसुओ एस, एइ इण्हिं गिहम्मि पविसइ य । एमाउउइ तह कहं पि हु, तेणं गीयं पुरो तीसे ॥२८॥
जह सा सव्वं सव्वं, इमं ति एइ य पई ति मण्णंती । अब्भुट्टिउं विमुंचइ, आगासतलाओ अप्पाणं ॥२९॥
अइउच्चभूमिगावडण-घायसंजायजीयनीहरणी । जिणमज्जणसमए हरि-तणु व्व पंचत्तमउणुपत्ता ॥३०॥
कालक्कमेण तीसे, समागओ निसुणिउं पई वत्तं । मुणिउं च 'पईवत्तं, अच्चन्तं पुप्फसालस्स ॥३१॥
सो वाहराविऊणं, विसिद्धतरभोयणेण आकंठं । भुंजाविऊण बुत्तो, गायंतो भद! पासायं ॥३२॥
आरोहसु ति तो सो, अच्चन्तं गाढगेयदप्पेण । गायंतो आरूढो, भवणोवरि सव्वसत्तीए ॥३३॥
अह गेयपरिस्समवडढमाण-वेगुड्डसासफुट्टिसिरो । निहणं गओ वरागो, सोइंदियभिय महादोसं ॥३४॥

“समरधीरदृष्टान्तः” —

| | |
|------------------------------------------------------------------------------------------|------|
| चक्षिर्वादिद्यदोसे पुण, आहरणं पउमसंडनगरम्मि । अणुभवइ रज्जच्छिं, नामेण निवो समरधीरो | ॥२५॥ |
| जणणि व्य परकलत्तं, परकीयधणं तणं व जस्स सया । परकज्जं णियकज्जं व, आसि नीसेसतयनिहिणो | ॥२६॥ |
| सरणाडडगयरक्खणदुक्खि-यंडगिउद्धरणधम्मकिच्चेसु । वट्टंतं चिय नियजीवि-यं पि बहुमन्नियं जेण | ॥२७॥ |
| तस्सेगम्मि अवसरे, सुहाडडसणत्थस्स सणियमाडडगंतुं । विन्नत्तं पडिहारेण, सायरं कयपणामेण | ॥२८॥ |
| देव! तुह पायपंकय-पलोयणत्थं समागओ बाहिं । चिट्ठइ सिवसत्थाहो, आगच्छउ एत्थ गच्छउ या | ॥२९॥ |
| रत्ता वुत्तं एउ ति, तो पविट्ठो कयपणामो य । उचियाडडसणमाडडसीणो, सो भणिउमिमं समाढतो | ॥३०॥ |
| देव! मह अत्थि धूया, उम्माइणिणामियां विसालडच्छी । रुवोहामियरंभा, सुजोव्वणा पव्वणिंदुमुही | ॥३१॥ |
| सा य विलयाण मज्झे, रयणम्भूया तुमं च रयणाण । नाहो सि ता तुममिमं, गिण्हसु जइ देव! पडिहाइ | ॥३२॥ |
| तुज्ज अनिवेइऊणं, कण्णारयणे परस्स दिज्जते । का होइ सामिभति ति, देव! साहिज्जए तुम्ह | ॥३३॥ |
| अम्मापिउणो सलहिति, सच्चमडच्चन्तनिग्गुणाइं पि । निययाडवच्चाइं परं, अन्न च्चिय चंगिमा तीए | ॥३४॥ |
| तथाहि— | |
| जम्मणभवणडम्भन्तर-मिमीए देहेण जम्मसमए वि । विज्जुज्जोएणं पिय, सज्जो उज्जोइयमडसेसं | ॥३५॥ |
| एयमडवल्लोइउं पिय, उच्चट्टाणं ठिया गहा वि फुडं । एवं च देव! तीए, न तुमाहित्तो पई होइ | ॥३६॥ |
| एवं मुणिऊण नराडहिवेण, अच्चन्तविम्हियमणेण । तीसे पलोयणट्टा, पच्चइया पेसिया पुरिसा | ॥३७॥ |
| सत्थाहेणेव समं, गया य ते मंदिरम्मि दिट्ठा सा । अच्छरियम्भूएण य, रुवेणं तोए अक्खित्ता | ॥३८॥ |
| मत्त व्य मुच्छिया इव, अवहडहियय व्य गमिय खणमेक्कं । एगंते ठाऊण य, मंतिउमेवं समाढता | ॥३९॥ |
| विजियडच्छरमडच्छरियं, किंपि इमीए सुरुवनेवत्थं । परिणयवया वि जीए, वयमेवं मोहमुवणीया | ॥४०॥ |
| अम्हारिसा वि परिणयवया वि, जइ दंसणे वि एईए । एवंविहं अवत्थं, पत्ता ता वसुमइनाहो | ॥४१॥ |
| नयजोव्वणाडभिरामो, निरंडकुसो सयलसंपयाडडवासो । अजिइंदिओ कहं नो, एईए वसा भवे चियसो | ॥४२॥ |
| वियसत्ते एयस्स य, कहं न रज्जं दढं विसीएज्ज । तत्थ य विसीयमाणे, अजहत्थं भूमिनाहत्तं | ॥४३॥ |
| इय नाऊण वि रण्णो, वयंसहत्थेणिमं उवणमिता । कह नो समत्थभाविर-दोसाणं कारणं होमो | ॥४४॥ |
| ता किंपि कहिय दोसं, इमीए वावत्तिमो महीनाहं । पडियन्नं सव्वेहिं वि, गया य रत्तो समीवम्मि | ॥४५॥ |
| धरणियलचुंबिणा मत्थ-एण सव्वाडडयरं कयपणामा । ओणमियसीसवीसंत-पाणिणो भणिउमाडडढता | ॥४६॥ |
| देव! समगगुणेहिं, रुवाडडईहिं विराइया कत्ता । सा केवलं अलक्खण-मेक्कं गुरु धरइ पइवहगं | ॥४७॥ |
| तो रत्ता परिचत्ता, ततो तस्सेव भूमिनाहस्स । सेणावइणो दिट्ठा, पिउणा सा परिणीया तेण | ॥४८॥ |
| रुवेण जोव्वणेण य, सोहग्गेणं च अवहरियहियओ । जाओ तदेगचित्तो, दूरं सेणावई तीए | ॥४९॥ |
| वच्चंतसेसु दिणसेसुं, एगम्मि अवसरम्मि नरनाहो । भडचडयरपरियरिओ, तेणं सेणाडहिवेण समं | ॥५०॥ |
| करिकंधराडधिरुढो, धुव्वंतुद्वामचामरुप्पीलो । ऊसियसियाडडयवतो, नीहरियो रायवाडीए | ॥५१॥ |
| अह सेणावइभज्जा, सा चिंतइ कहमडहं महीवइणा । अवलक्खण ति चत्ता, दट्ठव्यो सो मए इन्तो | ॥५२॥ |
| एवं परिभायित्ता, नियंसियाडमलमहग्घदोगुल्ला । रत्तोडवल्लोयणट्टा, पासाए आरुहित्तु ठिया | ॥५३॥ |
| राया वि तुरगकरिरहवरेहिं, काउं परिस्समं बहिया । खणमेक्कं नियभवणं, पडुच्च आगंतुमाडडरद्धो | ॥५४॥ |
| इंतस्स य कहवि नराडहिवस्स, वियसंतकमलदलदीहा । तीए तहट्टियाए, निस्सट्टं निवडिया दिट्ठी | ॥५५॥ |
| किं नु रई किं रंभा, किं वा पायालकन्नगा किं वा । तेयसिरी इय राया, संचितंतो तदेगमणो | ॥५६॥ |
| ठाऊण खणं चक्खुं, लज्जारज्जुहिं संजमिय बाढं । दुट्टतुरगं व कहकहवि, पडिगओ निययभवणम्मि | ॥५७॥ |
| सट्टाणपेसियाडसेस-मंतिसामंतसुहडवग्गो य । वाचारंडतरविरओ, कहमडवि सेज्जाए आसीणो | ॥५८॥ |
| अह तीए अंगपच्चंगं, चंगिमाडडलोयणाडडउलमणस्स । अंगमडणंगो रण्णो, बाढं पीडेउमाडडरद्धो | ॥५९॥ |
| तो तं चिय कुयलयलोय-णं निवो सव्वहिं पलोयंतो । जाओ तम्मयचित्तो, चित्ताडडलिहिओ व्य निष्कंदो | ॥६०॥ |
| निययाडवसरम्मि समागतो य, सेणावई महीवइणा । पुट्टो का तुज्ज तया, भवणोवरि देवया आसि | ॥६१॥ |

तेणं पर्यपियं देव! सा इमा जा तए परिच्यता । सत्थाहसुया मह महिलि-य ति संपइ परं जाया ॥६२॥
 अहह! कहं छलिओ हं, कारणियनरेहिं तं कुरंगउच्छिं । निदोसं पि सदोसं ति, वाहरंतेहिं पावेहिं ॥६३॥
 एवं संचितंतो, राया पम्मुक्कदीहरुस्सासो । दुस्सहचिसमसिलीमुह-सिहिसंतावं परं पत्तो ॥६४॥
 जाणियपरमत्थेणं, सेणावइणा लहितु पत्थावं । सामी! कुणसु पसायं, गिण्हसु तं मज्झ भज्जं ति ॥६५॥
 भिच्चाण संतियं जीवि-यं पि नूणं पहूण साहीणं । किं पुण धणपरियणभचण-वित्थरो बज्झरूवो ति ॥६६॥
 एवं सोउं राया, हिययम्मि विभाविउं समाढत्तो । दुसहो मयणहुयासो, बाढं कुलगंजणा गरुई ॥६७॥
 आचंदकालिअअजस-फंसणा नीइनिहणमउच्चन्तं । परजुवइसेवणं मारि-साण मरणे वि नो जुत्तं ॥६८॥
 इय निच्छिऊण राया, सेणाहिवइं पर्यपए भदा! । एवविहं अकिच्चं, भुज्जो मा मे कहेज्जासि ॥६९॥
 नरयपुरेक्कदुवारं, निम्मलगुणभचणबहलमसिकुच्चो । नीइधरेहिं कीरइ, कहमिय परदारपरिभोगो ॥७०॥
 सेणावइणा युत्तं, जइ परदारं ति गिण्हसि न देव! । देवाउडययणेसु इमं, विलासिणित्तेण ता देमि ॥७१॥
 ततो तुम्भे वेस ति, सेवमाणा परित्थिदोसस्स । न भविस्सह नाह! पर्यं, ता मह इह देह आएसं ॥७२॥
 रत्ता पर्यपियं होउ, किंपि मरणे वि एरिसमउकिच्चं । नो काहमउहं विरमसु, सेणाउहिव! भूरिभणणाओ ॥७३॥
 तो पणमित्ता सेणाउ-हिवो गओ नियगिहम्मि राया वि । तदंसणाणुरागउ-ग्गिणा दढं डज्झमाणंउगो ॥७४॥
 परिचत्तरायकज्जो, तं किंपि हु हिययगाढसंघट्टं । संपत्तो जेण मओ, जाओ तिरिओ य अट्टवसा ॥७५॥
 चक्खुरागो एवं-विहाण दोसाण कारणं भणिओ । घाणम्मि इन्हि दोसं, संखेवेणं निदंसेमो ॥७६॥

“गन्धप्रियकुमारः” —

किर एगो रायसुओ, गाढं गंधप्पिओ सुरहिवत्थुं । जं पेच्छइ अग्घायइ, तमउसेसं सो य कइया वि ॥७७॥
 नावाहिं कीलइ नई-सलिलम्मि बहुवयस्सपरियरिओ । तं च तहा कीलंतं, नाऊण सवत्तिजणणीए ॥७८॥
 निययसुधरज्जवंचाए, तस्स गंधप्पियत्तणं मुणित्तं । मारणहेउं उग्गं, महाविसं भूरिभत्तीहिं ॥७९॥
 ठवियं मंजूसाए, सा नइसलिले पवाहिया तत्तो । रममाणेणं तेणं, दिट्ठा व कहिं पि किर इंती ॥८०॥
 तो तं उत्तारित्ता, उग्घाडइ तीए मज्झ संठवियं । एगं समुग्गयं नियइ, तं पि विहडेइ तस्संउतो ॥८१॥
 पाउणइ गंठिमेक्कं, तं पुण उब्भिदिऊण गंधपिओ । तं विसमुज्जिघंतो, झडति पंचत्तमउणुपत्तो ॥८२॥
 एवंविहवसणकरं, घाणिदियमउक्खियं सदिट्ठंतं । रसणादोसोदाहरण-मिन्हिं लेसेण कित्तेमि ॥८३॥

“सोदासदृष्टान्तः” —

भूमिपइट्टियनगरे, सोदासो नाम भूवई आसि । अच्चंतं मंसपिओ, तेण य एगम्मि पत्थावे ॥८४॥
 घोसाविया अमारी, सच्चत्थ पुरम्मि नवरि सूयस्स । रायनिमित्तं मंसं, उवक्खडिंतस्स जतेण ॥८५॥
 लद्धंउतरेण हरियं, कहवि विरालेण तो स भयभीओ । अन्नं पलमउलहंतो, सोयरियाउडईणं गेहेसु ॥८६॥
 अन्नायमेगडिंभं, रहम्मि वावाइउं नरिंदस्स । भोयणसमए दलयइ, अच्चंतसुसंभियं किच्चा ॥८७॥
 तं भुंजिऊण राया, तुट्ठो वागरइ कहसु हे सूव! । क्तो इमस्स लाभो ति, तेण सिट्ठं च जहवित्तं ॥८८॥
 सोऊणं तं च राया, रसणादोसेण वाउलिज्जंतो । माणुसमंसनिमित्तं, सूवस्स सहाइणो देइ ॥८९॥
 तो सो रायनरेहिं, परियरिओ मारिउं जणं मंसं । उवख्रडइ निवनिमित्तं, एवं जंतेसु दियहेसु ॥९०॥
 कारणियनरेहिं सो, लक्खित्ता रक्खसो ति रयणीए । पाइत्ता पउरसुरं, परिचत्तो अडयिमज्झम्मि ॥९१॥
 तत्थ य करगहियगदो, तप्पहपरिवत्तिणं जणं हणित्तं । भुंजइ परिक्खमेइ य, विगयाउडसंको कयंतो च्च ॥९२॥
 अवरम्मि अवसरम्मि, तेण पएसेण निसि गओ सत्थो । सुतेण वेइओ नेव, तेण णवरं कहवि मुणिणो ॥९३॥
 सत्थम्भट्ठा दिट्ठा, कुणमाणाउडवस्सयं तओ पावो । सो तेसिं हणणट्ठा, पासे ठाउं समारद्धो ॥९४॥
 पबलतवतेयपहओ, साहुसमीवे य ठाउमउचइंतो । चित्तेइ धम्मसवणं, पडिबुद्धो संजओ जाओ ॥९५॥
 जइ वि हु सो पज्जंते, पत्तो बोहिं तहा वि पुच्चं पि । रज्जुदालणपमुहं, दोसं रसणाइ उवणीओ ॥९६॥

“विप्रसुतदृष्टान्तः” —

फासिदियदोसे पुण, आहरणं किर पुरे सयदुवारे । नामेण सोमदेवो, विप्पस्स सुओ परिच्चसइ ॥९७॥
 संपत्तजोच्चणो सो, सद्धिं रइसुंदरीए वेसाए । रुवेणं फासेण य, गढिओ युत्थो चिरं कालं ॥९८॥

पुष्यपुरिसञ्जियं आसि, किंपि जं दच्यमउप्यणो भवणे । तं सच्चं निद्विवियं, ततो अत्थस्स विरहम्मि ॥१९१॥
 निच्छूढो अताए, गेहाउ विमणदुम्मणो ततो । चित्तेइ सो अणगे, अत्थस्स उयज्जणोवाए ॥१९२०॥
 अलभंतो य उवायं, तहाविहं अत्थवंतगेहेसु । जीवं काऊण पणं, पाडइ खत्ताइं रयणीए ॥१९१॥
 विलसइ य जहच्छंदं, तीए समं तदुचलद्धदच्चेणं । दोगुंदुगो व्य अता वि, अत्थलुद्धा वसे जाया ॥१९२॥
 नवरं अतिगूढाए, तक्करकिरियाए तस्स नयरजणो । अच्चंतपीडिओ चोरु-वद्वं कहइ नरवइणो ॥१९३॥
 तो नरवइणाउउरक्खिय-पुरिसा निब्भच्छिया खरगिराहिं । वुत्ता य जइ न चोरे, लहिहि ता भे हणिस्सं ति ॥१९४॥
 अह तियच्चवरचउपह-पवासभाउउईसु विविहठाणेसु । भयभीया ते तक्कर-पलोयणे उज्जया जाया ॥१९५॥
 कत्थइ य अपावेंता, चोरपउत्तिं गिहाणि गणियाणं । अवलोइउमाउउरद्धा, दिट्ठो य कहिं पि सो विप्पो ॥१९६॥
 चंदणरसचच्चिक्खिय-देहो सुविसुद्धपरिहियदुकूलो । वीए वेसाए समं, विलसंतो इब्भपुतो व्य ॥१९७॥
 तो तेहिं चित्तियं कह-मिमस्स एवविहा चरविलासा । पइदियहं चिय, विती-करणपरभवणभमिरस्स ॥१९८॥
 ता निच्छियं इमेणं, होयव्यमउसुंदरेण इइ नाउं । कवडकयकोवतियली-तरंगरंगन्तभालेहिं ॥१९९॥
 रे रूडोडु! वच्चिहसि, कत्थ निवसन्त! एत्थ वीसत्थं । लुट्ठिता सयलपुरं, किं रे ! न वयं तुमं मुणिमो ॥२००॥
 एवं तेहिं भणिए, सकम्मदोसेण सा भउभंतो । मुणिओ ति पलायंतो, गहिओ रत्तो य उवणीओ ॥२०१॥
 रइसुंदरीए गेहं, उक्कडिडत्ता पलोइयं सम्मं । दिट्ठं विविहपयारं, मोसं लोएण नायं च ॥२०२॥
 तो कुविएणं रत्ता, वेसा निब्वासिया सनगराओ । विप्पसुओ पुण वज्जो, आणत्तो कुंभिपाएणं ॥२०३॥
 एवंविहदोससमुस्सयस्स, फासेदियस्स वसगाणं । इहपरभवेसु दुक्खं, होइ असंखं च तिक्खं च ॥२०४॥
 ता विसयकुपहपत्थिय-इंदियतुरगे निरुंभिउं भद! । संगम्मि निजुंजसु, कडिडय वेरगवग्गाए ॥२०५॥
 अप्पउप्यविसयपरिधावमाण-मिंदियकुरंगवग्गमिमं । सन्नाणभावणावागु-राए बद्धं धरेज्जासु ॥२०६॥
 तह धीर! धिइबलेणं, दुइंते दमसु इंदियतुरंगे । जह उक्खयपडिवक्खो, हरेसि आराहणपडाणं ॥२०७॥
 इंदियदमाउभिहाणं, पडिदारं किंपि दंसियं एवं । एत्तो तयाउभिहाणं, तमउहं सत्तरसमं वोच्छं ॥२०८॥
 अभिन्तरवाहिरयं, कुणसु तवं वीरियं अगूहंतो । वीरियनिग्गही बंधइ, मायं विरियंतरायं च ॥२०९॥
 सुहसीलयाए अलस-तणेण देहपडिबद्धयाए य । सतीए तवमउकुच्चं, निव्वत्तइ मायमोहणियं ॥२१०॥
 सुहसीलयाए जीया, तिच्चं बंधंतउसायवेयणियं । अलसतणेण बंधइ, चरित्तमोहं च मूढमई ॥२११॥
 देहपडिबंधओ पुण, परिग्गहो होइ ता विवज्जित्ता । सुहसीलयाउउइदोसे, तवम्मि निच्चं पि उज्जमसु ॥२१२॥
 तवमउकुणंतस्सेए, जहसत्तिं साहुणो भवे दोसा । तं कुणमाणस्स पुणो, इह परलोगे य होति गुणा ॥२१३॥
 कल्लाणिडिडसुहाइं, जावइयाइं भवे सुरनराणं । परमं च निव्वुइसुहं, १एयात्तिं तवेण लब्धंति ॥२१४॥

तथा—

दुरियगिरिकुलिसदंडं, रोगुब्भडकुमुयसंडमायंडं । कामकरिहरिपयंडं, भवसागरतरणतरकंडं ॥२१५॥
 ढक्कियकुगइदुवारं, दावियमणवंछियउत्थसंभारं । कयजयजसप्पसारं सारं एककं तवं वेत्ति ॥२१६॥
 एयं नाऊण तुमं, महागुणं संजमित्तु मणपसरं । सरहसमउणुदिवसं चिय, तवसा भावेसु अप्पाणं ॥२१७॥
 नवरं जह न तणुपीडा, न याउवि चियमंससोणियत्तं च । जह धम्मझाणवुड्डी, तह खवग! इमं करेज्जासु ॥२१८॥
 तवनामप्पडिदारं, परुचियं संपयं समासेण । निस्सल्लयपडिदारं, अट्टारसमं पि साहेमि ॥२१९॥

“शल्यानांस्वरूपम्” —

निस्सल्लस्सेव गुणा, भवंति हे खवग! सल्लमउवि तिविहं । जाणसु नियाणमाया-मिच्छादंसणवियप्पेहिं ॥२२०॥
 तत्थ नियाणं तिविहं, रागदोसेहिं मोहओ चव । रागेण रूवसोहग्ग-भोगसुहपत्थणारूवं ॥२२१॥
 दोसेण पइभवं पि हु, परमारणउणिट्टकरणरूवं तु । धम्मउत्थं हीणकुलाउउइ-पत्थणं मोहओ होइ ॥२२२॥
 अहव नियाणं तिविहं, होइ पसत्थाउपसत्थभोगकयं । तिविहं पि तं नियाणं, वज्जेयच्चं तए तत्थ ॥२२३॥
 संजमहेउं पुरिसत्त-सत्तबलविरियसंघयणवुद्धी । सावयबंधुकुलाउउइसु, होइ नियाणं पसत्थमिणं ॥२२४॥

| | |
|--------------------------------------------------------------------------------------------|------|
| सोहगजाङ्कुलरुच-माडडइआयरियगणहरजिणत्तं । पत्थंते अपसत्थं, माणेणं नंदिसेणे च | ॥३५॥ |
| कोहेण परवहं जो, मरिउं पत्थेइ तस्स अपसत्थं । बारवईविणासनिबद्ध-बुद्धिदीवायणस्सेव | ॥३६॥ |
| देवियमाणुसभोए, राईसरसेट्टिसत्थवाहत्तं । हलधरचक्कधरत्तं च, पत्थमाणस्स भोगकयं | ॥३७॥ |
| पुरिसत्ताडडइनियणं, पसत्थमडवि जं निवारियं एत्थ । तं निरडभिसंगमुणिणो, पडुच्च जेयं न उण इयरे | ॥३८॥ |
| दुक्खक्खयकम्मक्खय-समाहिमरणं च बोहिलाभो य । एमाडडइपत्थणं पि हु, साडभिस्संगाण संभवइ | ॥३९॥ |
| संजमसिहराडडरुढो य, विहियदुक्करतयो तिगुतो वि । अवगन्निउण सिवसुह-मडसमं पि परीसहाडभिहओ | ॥४०॥ |
| एवं नियणबंधं, जो कुणइ सुतुच्छविसयसुहहेउं । सो कायमणिकएणं, वेरुलियमणि पणासेइ | ॥४१॥ |
| मुहमहुरमंउतविरसं, भोत्तुं च सुहं नियणवसलद्धं । नरयाडवडम्मि निवडइ, बहुदुक्खे बंधदत्तो च | ॥४२॥ |
| तथाहि— | |
| “ब्रह्मदत्तचक्रीदृष्टान्तः” | |
| साकेयम्मि पुरवरे, आसि चंडावडेसओ राया । मुणिचंदो से पुत्तो, सो पुण संजायवेरगो | ॥४३॥ |
| सायरचंदमुणिंदस्स, अंतिए गेण्हिऊण पच्चज्जं । सुत्तथेडहिज्जंतो, दुक्करतवकम्ममाडडयरइ | ॥४४॥ |
| वच्चंतो य कहं पि हु, गुरुणा सह दूरदेसमडभिसरिउं । भिक्खवट्टाइ पविट्टो, गामे मुक्को य सत्थेण | ॥४५॥ |
| एगागी वि पयट्टो, गंतुं पडिओ य कह वि अडवीए । तन्हाछुहापरिस्सम-वसेण बाढ किलंतो य | ॥४६॥ |
| गोवालदारगेहिं, चउहिं परिपालियो पयत्तेण । जाओ पगुणसरीरो, सिट्टो धम्मो य तेणेसिं | ॥४७॥ |
| पडिबुद्धा ते सब्बे, जाया सिस्सा य तस्स साहुस्स । कुच्चंति समणधम्मं, नवरं काउं दुगुंछं दो | ॥४८॥ |
| मरिऊण देवलोए, पत्ता देवत्तणं तवपहाया । कालक्कमेण तत्तो, चइऊणं दसपुरे नगरे | ॥४९॥ |
| संडिलदिएण जइमइ-दासीए जमलगा सुया जाया । बुद्धिबलजोव्वणेहिं, कमेण समलंकिया ते य | ॥५०॥ |
| छेतस्स रक्खणट्टा, अडवीए गया णिसिम्मि य पसुत्ता । वडविडविणो तलम्मि, डक्का य तहिं मुयंगेण | ॥५१॥ |
| पडियरणाडभावम्मि य, मरिउं जमलत्तणेण दो वि मिगा । कालिंजरम्मि जाया, नेहेण समं चिय चरंता | ॥५२॥ |
| पारद्धिमुवगएणं, लोद्धेणं एक्ककंडघाएणं । हणिऊण दो वि कीणास-मंदिरं पेसिया विवसा | ॥५३॥ |
| ततो गंगातीरे, हंसा जमलत्तणेण संवुत्ता । तत्थ वि य थीवरेणं, बद्धा एक्केण पासेण | ॥५४॥ |
| विणिवाइया य वलिऊण, कंधरं तेण निदयमणेण । ततो पुरीए वाणा-रसीए मायंगअहिवइणो | ॥५५॥ |
| बहुधणधण्णसमिद्धस्स, भूयदिण्णस्स दो वि ते पुत्ता । उववन्ना दढपणया, नामेणं चित्तसंभूया | ॥५६॥ |
| अह अन्नया कयाई, तीए पुरीए निवेण संख्रेण । नमुई नाम अमच्चो, पत्ते गरुयाडवराहम्मि | ॥५७॥ |
| लोगाडववायगोयण-कएण पच्छन्नवज्झयाडडएसो । कुविएणं उवणीओ, पाणाडहिवभूयदिन्नस्स | ॥५८॥ |
| वज्झट्टाणं नीओ, तेणं वुत्तो य जइ सुए मज्झ । पाढसि भूमिहरठिओ, ता तं मुंचामि अहयं ति | ॥५९॥ |
| जीवियमिच्छंतेणं, पडिवन्नमिमं च तेण तो पुत्ते । पाढेउं आढतो, नवरं पम्मक्कमज्जाओ | ॥६०॥ |
| तज्जणणीए सद्धि, अच्छंतो इंगियाडडइकुसलेण । जारो ति मुणिय पाणाड-हिवेण मारेउमाडडरद्धो | ॥६१॥ |
| उवयारि ति वियाणिय, परमत्थेहिं च तस्स एगंते । नियपिउणो अभिप्पाओ, सिट्टो संभूयचित्तेहिं | ॥६२॥ |
| तत्तो निसाए नट्टो, गओ य नगरम्मि हत्थिणागपुरे । जातो य तहिं मंती, चक्किस्स सणंकुमारस्स | ॥६३॥ |
| तेहिं पुण पाणपुत्तेहिं, गीयनट्टाडडइएसु कुसलेहिं । अच्छंतं हयहियओ, विहिओ वाणारसीलोगो | ॥६४॥ |
| अह अन्नया पयट्टे, पुरीए तियचच्चरेसु मयणमहे । गिज्जंतीसुं विविहासु, चच्चरीसु पुरंधीहिं | ॥६५॥ |
| नच्चंतंतेसुं तरुणी-यणेसु ते तत्थ चित्तसंभूया । तियचच्चरिमज्झगया, गाइउमडच्चंतमाडडरद्धा | ॥६६॥ |
| गेएणं नट्टेण य, अक्खित्तमणो जणो गओ तेसिं । सब्बो वि समीवम्मि, विसेसओ पउरतरुणीजणो | ॥६७॥ |
| तत्तो ईसावसओ, चाउव्वेज्जाडडइपउरलोगेण । विन्नतो महिनाहो, देव! पुरीए जणो सब्बो | ॥६८॥ |
| एएहिं पाणपुत्तेहिं, संचरंतेहिं मुक्कपरिसंकं । एगाडडगारो विहितो ति, तो नरेदेण नगरीए | ॥६९॥ |
| तेसिं पवेसो पडिसे-हिओ ति अवरम्मि नवरि पत्थावे । जायम्मि कोमुइमहे, अवगन्निप सासणं रण्णो | ॥७०॥ |
| लोलिंदियत्तणेणं, कोऊहलओ य विहियसिंगारा । ते नगरीए पविट्टा, ठाऊण य एगदेसम्मि | ॥७१॥ |
| अंसुयकयमुहकोसा, हरिसेणं गाइउं समाढता । परिवारिया य लोणेण, गेयअवहरियहियएण | ॥७२॥ |

| | |
|----------------------------------------------------------------------------------------------|-------|
| अच्चंतसुस्सरा के, इमे ति वत्थे मुहाओ अचणीए । विन्नाया ते एए, मायंगसुय ति कुविएण | ॥७३॥ |
| लोगेण तओ हण, हण ति परिजंपिरेण निस्सट्ठं । सव्वत्तो पारद्धा, हंतुं जट्टिट्ठागाडडइहिं | ॥७४॥ |
| कहकहवि हम्ममाणा, विणिग्गया ते य नयरिमज्झाओ । संचित्तं पवत्ता, अच्चंतं जायसंतावा | ॥७५॥ |
| धी! अम्ह जीविएणं, रुवाडडइसमग्गगुणगणेणं पि । जे तिंदियजाइयसा, एवं हीलापयं जाया | ॥७६॥ |
| तो वेरग्गोवगया, अकहिता सयणबंधवाडडईणं । मरणकयनिच्छया ते, दाहिणहुत्तं लहु पयट्ठा | ॥७७॥ |
| वच्चंतंतेहि य तेहिं, दिट्ठो एगत्थ गिरिवरो तुंगो । मरणत्थमाडडरुहंतंतेहिं, तत्थ एगत्थ सिहरम्मि | ॥७८॥ |
| घोरतचकिसियकाओ, धम्मज्झाणे परम्मि वट्टन्तो । उस्सग्गओ साहु, पलोइओ हरिसियंङगेहिं | ॥७९॥ |
| भत्तीए वंदिओ सो, मुणिणा वि हु जोग्गयं णिएऊण । झाणस्स समत्तीए, पुट्ठा क्तो भवंतो ति | ॥८०॥ |
| तेहिं पि पुव्वयुत्तंत-कहणपुव्वो सचित्तसंकप्पो । गिरिपडणमरणरुवो, निवेइओ तस्स साहुस्स | ॥८१॥ |
| ततो मुणिणा भणियं, महाडणुभावा! अजुत्ततरमेयं । जइ सच्चं उच्चिग्गा, ता जइधम्मं समायरह | ॥८२॥ |
| पडिवन्नं तेहिं तओ, दिन्ना दिक्खा तवस्सिणा तेसिं । जोग ति मुणिय अचित्तह-अइसयनाणोवलंभेण | ॥८३॥ |
| कालक्कमेण जाया, गीयत्था अह कहं पि विहरंता । दुक्करतवकरणपरा, संपत्ता हत्थिनागपुरे | ॥८४॥ |
| एगत्थ काणणम्मि, वुत्था मासस्स पारणगदिवसे संभूयमुणी नगरे, भिक्खट्ठाए अह पविट्ठो | ॥८५॥ |
| दिट्ठो य नमुइणा सो, नाओ य तओ महं इमो कहिही । दुच्चिलसियं जणाणं ति, गाढकुवियप्पवसणेण | ॥८६॥ |
| नियपुरिसे पेसित्ता, जट्ठीमुट्ठीहिं हणिय णिस्सट्ठं । निद्धाडिओ पुराओ, तो मुणिणो निरडवराहस्स | ॥८७॥ |
| उग्गयपयंडकोवस्स, पुरिसदहणट्ठया मुहाहिंतो । नीहरिंडं आरद्धा, तेउलेसा महाभीमा | ॥८८॥ |
| अंधारियं च नगरं, कसिणडब्भसमाहिं धूमवत्तीहिं । ताहे चक्की लोगो य, तोसिंडं तं पवत्तो ति | ॥८९॥ |
| जा न पसीयइ थेवं पि, ताव लोगाउ सुणिय युत्तंतं । चित्तो समागओ इति, महुरवाणीए तं भणइ | ॥९०॥ |
| भो भो महायस! कहं, जिणवयणं मुणिय कुणसि तं कोवं । न वियाणसि तप्पभवं, भवभमणमडणंतभयभवणं | ॥९१॥ |
| को या तस्सडवराहो, अवयारकरस्स नणु वरायस्स । दुक्खे सुहे य कम्माणि, जेण पभवति जंतूण | ॥९२॥ |
| एमाडडइपसमपीऊस-सारवाणीए पसमियकसायो । उवसंतो संभूतो, गया य ते दो वि उज्जाणं | ॥९३॥ |
| पडिवज्जिऊणमडणसण-माडडसीणा दो वि एगदेसम्मि । ततो सणंकुमारो, चक्की अंतोउरेण समं | ॥९४॥ |
| आगंतुं भत्तीए, तेसिं चलणुप्पले नमंसेइ । एवं थीरयणं पि हु, नवरं तच्चियहुरसुहफासं | ॥९५॥ |
| अणुभवमाणो संभूय-मुणिवरो भणइ जइ इमस्स फलं । अत्थि तवस्स तथा हं, भवंतरे होज्ज चक्कि ति | ॥९६॥ |
| एवं नियाणबंधो, तेण कओ चित्तसाहुणा बहुसो । वारिज्जंतेण वि भव-विवागसंसूयगगिराहिं | ॥९७॥ |
| आउक्खएण मरिंडं, सोहम्मे भासुरा सुरा जाया । ततो चविंडं चित्तो, उववन्नो पुरिमतालम्मि | ॥९८॥ |
| इब्भस्स सुयत्तेणं, संभूओ पुण पुरम्मि कंपिल्ले । बंभस्स भूमिवइणो, चुलणीए सुओ समुप्पन्नो | ॥९९॥ |
| विहियं च बंभदत्तो ति, तत्थ नामं पसत्थदिवसम्मि । एत्थ य ता वत्तव्वं, जा सो चक्कित्तणं पत्तो | ॥१००॥ |
| साहियसमग्गभरहो, भरहो इय भुंजए विसयसोक्खं । अह जायजाइसरणो, कहमडवि एगत्थ पत्थावे | ॥१०१॥ |
| पुव्वभवभाउजाणण-कएण दासाडडइपंचभवगब्भं । लोगाणं दंसणत्थं, विरएइ इमं सिलोगद्धं | ॥१०२॥ |
| “आस्व दासौ मृगौ हंसौ, मातंगावमरौ तथा ।” इति | |
| एयं च रायवारे, ओलंबावेतु इय भणावेइ । जो एयपच्छिमद्धं, पूरइ से देमि रज्जद्धं | ॥१०३॥ |
| अह सो पुव्वुचइट्ठो, जीवो चित्तस्स मोतु गिहवासं । संजायजाइसरणो सम्मं घेतूण पव्वज्जं | ॥१०४॥ |
| अप्पडिबद्धविहारं, विहरंतो आगओ तहिं नयरे । एगत्थुज्जाणम्मि, टिओ य सद्धम्मझाणेणं | ॥१०५॥ |
| एत्थंतरम्मि अरहट्टिएण, पडियं तयं सिलोगद्धं । उवउत्तेणं मुणिणा वि, पच्छिमद्धं भणियमेवं | ॥१०६॥ |
| “एषा नौ षष्ठिका जाति-रन्योन्याभ्यां वियुक्तयोः ॥” इति | |
| अह आरहट्टिएणं, एयं गंतुं णिवेइयं रन्नो । राया वि तं णिसामिय, भाइसिणेहाडइरेगेण | ॥१०७॥ |
| मुच्छावसेण वियलत्त-मुवगओ तो अणिट्ठकारि ति । ताडिउमाडडरद्धो आर-हट्टिओ रायपुरिसेहिं | ॥१०८॥ |

हम्मंतेण य तेणं, भणियं मा हणह कयमिणं मुणिणा । खणलद्धचेयणो निसुणि-ऊण एयं च नरनाहो ॥१०॥
 सव्वाइ विभूर्इए, गतो समीवमि तस्स साहुस्स । चलणे य वंदिऊणं, आसीणो दढसिणेहेण ॥११॥
 विहिया मुणिणा सद्धम्म-देसणा तं च अवगणंतेण । साहू भणिओ चक्काड-हिवेण भयवं कृण पसायं ॥१२॥
 अंगीकरेसु रज्जं, भुंजसु भोए चयाहि पव्वज्जं । पुव्वं पिय समगं चिय, कालं अइवाहयामो ति ॥१३॥
 मुणिणा भणियं नरवर!, रज्जं भोगा य दुग्गइमग्गो । ता मुणियजिणमयइत्थो, एए तुममुज्झिउण लहुं ॥१४॥
 पडिवज्जसु पव्वज्जं, जेण समं चिय तवं अणुचरामो । किं तुच्छकालिएणं, रज्जाडडइमुत्थसोक्खेण ॥१५॥
 भणियं रत्ता भयवं!, दिट्ठं मोत्तूण किं अदिट्ठकए । तम्मसि मुहाए जेणं, ययणं मे इय विकूलेसि ॥१६॥
 अह साहू नरवइणो, नियाणदुब्बिलसियस्स सामत्था । मुणिऊण असज्झत्तं, उवसंतो धम्मकहणाओ ॥१७॥
 कालक्कमेण विहुणिय-कम्ममलो सासयं पयं पतो । चक्की वि अंतसमए, रुद्धज्जाणमि चट्ठतो ॥१८॥
 मरिऊण तमतमाए, उक्कोसठिई उ नारगो जाओ । एवंविहदोसकरं, खवग! नियाणं विचज्जेसु ॥१९॥
 भणियं नियाणसल्लं, मायासल्लं तु तं वियाणेहि । जं काऊणडइयारं, थोवं पि चरित्तविसयमि ॥२०॥
 गोरवलज्जाडडईहिं, नेवाडडलोएइ अंतिए गुरुणो । अहचा उवरोहेणं, आलोयइ नवरि नो सम्मं ॥२१॥
 एवंविहं च माया-सल्लमडणुल्लूरिऊण तयनिरया । न सुहं पावंति फलं, चिरकालं पि हु किलिस्संता ॥२२॥
 तेणं चिय तव्वसगा, सुचरियचिरकालदुक्करतया वि । इत्थीभावं पत्ता, तवस्सिणो पीठमहपीढा ॥२३॥
 तथाहि — “पीठमहापीठदृष्टान्तः”

किर पुव्वमाडडसि जिणउसभजीवु, वेज्जस्स पुत्तु नियकुलपईवु । निवमंतिसेट्ठिसत्थाहपुत्त, संजाय तस्स चत्तारि मित्त ॥२४॥
 सो १नियवि साहु किमिकोढस्त्रीणु, सुहधम्मज्जाणि निच्चल निलीणु ।

जायाडणुकंपु तसु कयतिगिच्छु, अज्जिणिवि पुण्णसंचउ अतुच्छ ॥२५॥

आउक्खयमि कयपाणचाउ, सव्वन्नुधम्मरसभिन्नथाउ । चउहिं पि वयस्सिहि सहं २सुरत्तु, अच्चुत्तमु अच्चुयकप्पि पत्तु ॥२६॥

अह जंबुदीवतिलओवमाए, वेसमणनयरिसमविब्भमाए । सिरिपुव्वविदेहसिरोमणीए, नांमि पुरीए पुंडरीगिणीए ॥२७॥

सुररायपणयपयपंकयस्स, सिरिवइरसेणभूमिवइस्स । देवीए विमलगुणधारणीए, जयविस्सुयाए किर धारिणीए ॥२८॥

ते सगह पंच वि चविवि पुत्त, उप्पन्न अणोवमरुवजुत्त । अप्पडिमपरमगुणलच्छिसार, वुड्ढिं च पत्त ते वरकुमार ॥२९॥

तह पढमु चक्किसिरिवइरनाहु, पुरपरिहदीहथिरथोरबाहु । तो बाहुसुबाहु तउ वि पीढु, पंचमु महपीढु गुणाडवलीढु ॥३०॥

अह पुव्वबद्धतित्थयरनामु, सिरिवइरसेणु सुरकयपणामु । आरोवि वि नियपइ वइरनाहु, वरचक्कवट्ठिलच्छीसणाहु ॥३१॥

बहुनिवसयसहिउ सुसमणु जाउ, परिचइवि रज्जु निदधुणियपायु ।

थुव्वंतु देवदाणवगणेहिं, आणंदजलाडडउललोयणेहिं ॥३२॥

अह जिथमोहमहाबलु पाविय केवलु, बोहितउ सो भव्वजणु ।

महिमंडलमंडणु तमभरखंडणु, विहरिउ तह जह खरकिरणु ॥३३॥

विहरेविणु पुरगामाडडगरेसु, कब्बडमडंबआसमधरेसु ।

पुंडरीगिणीए नयरीए पत्तु, ओसरणु रइउ तियसिहिं विचित्तु ॥३४॥

उचयिट्ठु तेत्थु तो तित्थनाहु, अह आगउ तक्खाणि वइरनाहु ।

नियभाउजुत्तु जिणवरु थुणंतु, आसीणु महीयलि भत्तिमंतु ॥३५॥

पारद्ध जिणिदिण धम्मकहा, संसारमहाभयहणणसहा ।

तं निसुणिऊण सिरिवइरनाहु, सहं चउहिं वि भाउहिं जाउ साहु ॥३६॥

अहिगयसमत्थसुत्तइत्थसत्थु, दावेंतउ भव्वहं मोक्खपंधु ।

सज्झायज्जाणपडिबद्धचित्तु, बोलइ दिणाइं समसत्तुमित्तु ॥३७॥

ति वि बाहुसुबाहु तवस्सि दो वि, एक्कारसंडग सम्मं पढेवि । असणाडडइदाणविस्सामणाउ, कुव्वंति तवस्सिहिं सुहमणाउ ॥३८॥

1. नियवि = दृष्टवा । 2. सुरत्तु = सुरत्वम् ।

| | |
|--------------------------------------------------------------------------------------------------------|------|
| इयरे वि दो वि सज्जायझाणि, वडंति उक्कुडुयाडडइठाणि । पढमउ पुण वीसं ठाणगाइं, फासइ जिणत्तनिव्वतगाइं॥३९॥ | |
| अह बाहुसुबाहुहुं विणयविति, अणवरउ पसंसइ जा(उ) भति । | |
| मुणिवइरनाहु किर जिणमयम्मि, उववूहजुत्तवुति य गुणम्मि | ॥४०॥ |
| तं निसुणिऊण महपीढपीढ, चिंतेति किंपि माणोवगूढ । सल्लहिज्जहिं ते जे विणयवंत, नो अम्हे नियसज्जायजुत्त॥४१॥ | |
| एवंविहु य कुवियप्पु तेहिं, नवि सुट्टु सिट्टु वियडंतएहिं । | |
| इत्थित्तजणगु तो बद्धु कम्म, काऊण वि सुचिरु जिणिंदधम्म | ॥४२॥ |
| अह आउगविगमि सच्चद्विसिद्धि, पंच वि लहेवि तियसत्तरिद्धि । | |
| तो एत्थ भरहि नाभिस्स पुत्त, हुउ वइरनाहु रिसहो ति वुत्त | ॥४३॥ |
| ति वि बाहुसुबाहु चविधि पुत्त, रिसहस्स जाय रुवाडडइजुत्त । | |
| पढमउ चक्कीसरु भरहनामु, बीयओ पुण बाहुबली सुथामु | ॥४४॥ |
| इयरे पुण दोन्नि वि धूय जाय, तसु बंभीसुंदरीनामथेय । | |
| पुव्वज्जियमायासल्लदोसु, इय एरिसु असुहहं विहियपोसु | ॥४५॥ |
| एवं मायासल्लं, वज्जिता खवग! सम्ममुज्जुतो । दुग्गइगमणनिमित्तं , चयाहि मिच्छत्तसल्लं पि | ॥४६॥ |
| “मिथ्यात्वशल्योपरीनन्दमणियारदृष्टान्तः” — | |
| मिच्छादंसणसल्लं, मिच्छत्तं चेय सल्लमउक्खायं । मिच्छत्तमोहकम्मस्स, उदयभावम्मि तं च तिहा | ॥४७॥ |
| उप्पज्जइ मइभेएण, संथवेणं कुत्तिथियाडडणंदा । अहवाडभिनिवेसेणं, जीवाणमउपुण्णवन्ताणं | ॥४८॥ |
| एयं च अमुंचंतो, दाणाडडइरओ वि दुग्गइं जाइ । नंदमणियारसेट्ठिव्व, कलुसबुद्धीए हयसम्मो | ॥४९॥ |
| तहाहि— | |
| एत्थेव जंबुद्धीचे, भरहे वासम्मि रायगिहनयरे । अतुलियबलसिरिसेणिय-भूवइभुयपरिहकयरक्खो | ॥५०॥ |
| वेसमणसमाणधणो, लोयाडडणंदो अहेसि नंदो ति । मणियारवणिपहाणो, सेट्ठी रत्तो वि महणिज्जो | ॥५१॥ |
| सो एगया निसामिय, सामिं जयबंधवं जिणं वीरं । पुरपरिसरे सुराडसुर-थुणिज्जमाणं समोसरियं | ॥५२॥ |
| वंदणवडियाए लहुं, समागतो जायभतिपब्भारो । पयचारेणं चिय पउर-पुरिसपरियालपरिखित्तो | ॥५३॥ |
| तिपयाहिणापुरस्सर-मउह महया गउरवेण जिणनाहं । वंदित्ता चिय पउर-पुरिसपरियालपरिखित्तो | ॥५४॥ |
| अह तिहुयणेक्कतिलएण, धम्मनिलएण वीरनाहेण । पाणिवहविरइसारो, असच्चचोरेक्कपम्मक्को | ॥५५॥ |
| मेहुणचायपहाणो, परिग्गहग्गहविणिग्गहुग्गाढो । साहुगिहीण समुचिओ, रम्मो धम्मो समुवइट्ठो | ॥५६॥ |
| नंदमणियारसेट्ठी, सोउण इमं च जायसुहबोहो । बारसवयसंपुत्तं, गिहत्थधम्मं पवज्जेइ | ॥५७॥ |
| संसारुत्तिन्नं पिय, मत्तंता अप्पयं ततो सामिं । गुरुभतीए भुज्जो, वंदित्ता थोउमाडडरद्धो | ॥५८॥ |
| जय देव! भीमभवसंभ-वोरुभयभंगविमलवाहुबल! । कलिकलिलहरणजलभर!, भूरिमहागुणगणाडगार! | ॥५९॥ |
| परसमयबहलतमतिमिर-हरणखरकिरण! मारतरुदाव! । जय तरलतरतुरंगम-समकरणोदारदामसम! | ॥६०॥ |
| जय मोहमहाकुंजर-कंठीरव! लोभकमलहिमकिरण! । संसारसरणिसंचरण-रीणबहुदेहिदाहहर! | ॥६१॥ |
| जय रोगजरामरणाडरि-यारभयविरहिदेह! परमदम! । अदयापरागखरतर-समीर! मायाडहिविहगवर! | ॥६२॥ |
| जय करुणारससागर!, गरलसमाडमय! महीमहासीर! । रंभाडभिरामरामा-रमणरसाडबद्धसंबंध! | ॥६३॥ |
| जय जंतुविसरबंधुर-बंधो! संबंधबुद्धिविलयकर! । करणवरचरणसंगिरण-सार! नयनिवहमयसमय! | ॥६४॥ |
| जय वंदासुराडसुर-चूडामणिकिरणपिंगचरणतल! । कंकल्लिपल्लवाडरुण-पाणिसरोरुह! महाभाग! | ॥६५॥ |
| भववारिनिलयपासग!, गरिमाडडकर! वीर! धरणिधरधीर! । भवविच्छित्तिनिमित्तं, भवंतमउहमउरुहमउभिवंदे | ॥६६॥ |
| इय समसक्कयगाहाहिं, थुणिउं वीरं पवन्नजिणधम्मो । नंदमणियारसेट्ठी, पहट्टचित्तो गओ सगिहं | ॥६७॥ |
| परियालेइ जहुत्तं, बारसवयसुंदरं पि जिणधम्मं । विहरिउमाडडरद्धो जय-गुरु वि अन्नडन्नट्टाणेषु | ॥६८॥ |
| अह अन्नया कयाइ, विरहम्मि सुविहियाण साहूण । पुणरुत्तदंसणेण य, अच्चन्तमउसंजयजणस्स | ॥६९॥ |
| हीयंतेसु य सम्मतपज्ज-वेसुं पइक्खणं चेव । वच्चंतेसु य बुद्धिं, बाढं मिच्छत्तदलिएसुं | ॥७०॥ |

| | |
|---------------------------------------------------------------------------------------------|--------|
| सो सम्मतविउत्तो, पोसहसालाए जेडुमासम्मि । एगम्मि अवसरम्मि, सअट्टमं पोसहं कुणइ | ॥७१॥ |
| अह अट्टमतवकम्मे, परिणममाणम्मि नंदसेट्टिस्स । तन्हाछुहाकिलन्तस्स, एरिसी वासणा जाया | ॥७२॥ |
| ते धन्ना कयपुन्ना, जेहिं पुरीपरिसरम्मि रम्माओ । पुक्खरिणीओ कारा-वियाओ सुइसलिलभरियाओ | ॥७३॥ |
| जासु नयरस्स लोगो, पियइ जलं बहइ मज्जइ य निच्चं । ता जायम्मि पभाए, अहं पि आपुच्छिऊण निवं | ॥७४॥ |
| कारावेमि महंतिं, पोक्खरणिं इय विभावियऊणं सो । सुरे समुगयम्मि, पारित्ता पोसहं ण्हाओ | ॥७५॥ |
| परिहियधिसुद्धवत्थो, पाहुडहत्थो गओ निवसमीयं । साडडयरकयप्पणामो, रायं विन्नविउमाडडरद्धो | ॥७६॥ |
| देव! तुहाडणुन्नाओ, पोक्खरणिं नयरपरिसरम्मि अहं । काउं इच्छामि तओ, रत्ता सो अब्भणुन्नाओ | ॥७७॥ |
| ततो तेण समीहिय-देसे तरुसंडमंडियाडडभोगे । आरोग्गपहियभोयण-विसालसालोवगूढन्ता | ॥७८॥ |
| कल्हारकुमुयकुयलय-यलयधिरायन्तसलिलपडिहत्था । हत्थं चिय कारविया, नंदानामेण पोक्खरिणी | ॥७९॥ |
| मज्जन्तो कीलंतो, जलं पिबन्तो य तत्थ अन्नोन्नं । वाहरइ जणो एवं, धन्नो सो नंदमणियारो | ॥८०॥ |
| जेण इमा पोक्खरिणी, कारविया विमलसलिलपडिपुन्ना । भममाणमच्छकच्छय-विहंगमिहुणोहरमणिज्जा | ॥८१॥ |
| एवंविहप्पचायं च, निसुणिउं जायगाढपरितोसो । मन्नइ स नंदसेट्टी, अत्ताणं अमयसितं व | ॥८२॥ |
| वच्चंतसे सु य दिवसेसु, पुब्बभवअसुहकम्मदोसेण । तस्साडहिट्टियमंडंगं, सतूहि व दुक्खकारीहिं | ॥८३॥ |
| जर' सार' कास' दाह' उच्छि', कुच्छि' सिरसूल' कोढ' कंडूहिं' । | |
| अरिस' दगोदर' कन्नच्छि' वेयणा' अजीर' अरुईहिं' | ॥८४॥ |
| अइउग्गभगंदर' दारुणेहिं, वाहीहिं सोलसहिं जुगवं । तव्वेयणपारद्धेण, तेण घोसावियं च पुरे | ॥८५॥ |
| एएसिं रोगाणं, एककं पि हु जो ममं पणासेइ । दोगच्चविच्चुइकरं, तस्स बहं देमि दव्वमडहं | ॥८६॥ |
| सोऊणेवं बहवे, चिगिच्छसज्जा समागया वेज्जा । पारंभंति तिगिच्छं, हत्थमडणेगप्पगारेहिं | ॥८७॥ |
| थोयो वि नो विसेसो, उप्पज्जइ तस्स तो परिस्संता । लज्जावसविच्छाया, जहागयं पडिगया वेज्जा | ॥८८॥ |
| नंदो पुण रोगाडडवेग-वेयणाविहुरिओ मरेऊण । नियपोक्खरिणीए सन्नि-दहुरतेण उववन्नो | ॥८९॥ |
| धन्नो णंदो सेट्टी, जेणेसा कारिय ति जणवायं । निसुणंतेण य तेणं, नियजाई सुमरिया सहसा | ॥९०॥ |
| तो संवेगोचगतो, मिच्छत्तफलं इमं ति मन्नंतो । देसधिरइप्पहाणं, पुणो वि अणुसरइ जिणधम्मं | ॥९१॥ |
| गेण्हइ य इममडभिगह-मेतो छट्टं सया वि काहडमहं । पारणगे भुंजिस्सं, 'फासुगमुव्वलणिगाइ परं | ॥९२॥ |
| एवं चिणिच्छिऊणं, स महप्पा अच्छिउं समारद्धो । अवरम्मि अवसरम्मि, समोसढो तत्थ वीरजिणो | ॥९३॥ |
| तो पोक्खरिणीए जणो, मज्जंतो तीए एवमडन्नोन्नं । जंपइ चलह लहुं चिय, वंदामो जेण जिणवीरं | ॥९४॥ |
| गुणसिलए उज्जाणे, समोसढं तियसविहियपयपूयं । सोउं च दहुरो इय, संजायाडतुच्छभत्तिभरो | ॥९५॥ |
| जिणनाहवंदणट्टं, उक्किट्टाए गईए निययाए । गुणसिलउज्जाणं पइ, झडत्ति संपट्टियो गंतुं | ॥९६॥ |
| अह गुडियकरिघडाडडरूढ-सुहडदढघडियनिबिडपरिवेढो । तरलतरतुरयपहकर-खरखुरखंडियधरावट्टो | ॥९७॥ |
| सामंतमंतिसत्थाह-सेट्टिसेणाहिवेहिं परिवरियो । करिकंधराडधिरूढो, सिरावरिं धरियसियछत्तो | ॥९८॥ |
| सुमहग्घाडलंकारेहिं, भूसिओ सेणिओ महाराया । भतीए जिणवरवीर-वंदणत्थं लहु पयट्टो | ॥९९॥ |
| तस्स य एणेण तुरंगमेण, सो दहुरो खुरडग्गेण । पहओ पहम्मि जंतो, भतीए वंदिउं नाहं | ॥९३००॥ |
| तो घायपीडिओ सो, घेतूणं अणसणं जिणं 'सम्मं । सुमरंतो मरिऊणं, सोहम्मे देवलोगम्मि | ॥११॥ |
| दहुरवडेसयम्मि, पवरविमाणम्मि दहुरंकोत्ति । देवो जातो ततो य, सिज्झिही सो विदेहम्मि | ॥१२॥ |
| लहुसिद्धिओ वि एवं, जइ नंदो निंदियं तिरियजोणिं । मिच्छत्तसल्लवसओ, पत्तो ता तं चयसु खवग! | ॥१३॥ |
| ता उज्झियसल्लतिगो, पंचहिं समिईहिं तिहि य गुत्तीहिं । सम्मत्ताडडइगुणगणं, कयसिवसोक्खं पसाहेसु | ॥१४॥ |
| इय उवएसामयपाणएण, पल्हाइयम्मि चित्तम्मि । निव्वुइमुवेइ खवगो, पाऊण व पाणियं तिसिओ | ॥१५॥ |
| इय संसारमहोयहि-तरीए संवेगसंगशालाए । चउमूलद्वाराए, सोग्गइगमपउणपयवीए | ॥१६॥ |
| आराहणाए पडिदार-नवगनिम्मियसमाहिलाभस्स । तुरियद्वारडद्वारस-पडिदारेहिं विरइयम्मि | ॥१७॥ |

| | |
|-----------------------------------------------------------------------------------------------|------|
| पढमेडणुसट्टिदारं, चरिमं निस्सल्लयापडिदारं । भणियं तब्भणणाओ, समतमडणुसट्टिदारमिणं | ॥८॥ |
| एचमडणुसट्टिसवणे वि, जं विणा विणयणं न कम्माणं । संपज्जइ तमियाणि, भणामि पडिवत्तिपडिदारं | ॥९॥ |
| “द्वितीय प्रतिपत्तिद्वारप्रारम्भः” — | |
| बहुवत्तव्ययवित्थर-निम्मियअणुसट्टिसवणपरितुट्ठो । मन्नंतो उत्तिन्नं व, अप्पयं भवसमुदाओ | ॥१०॥ |
| सिरधरियपाणिपउमो, हरिसुक्करिसुच्छलंतरोमंचो । अंतोविसप्पिसुहसाहि-अंकुरुप्पीलकलिओ च | ॥११॥ |
| खवगमुणी पुणरुत्तं, सम्मं अणुसासिओ ति जंपंतो । भत्तिभरनिभरणाए, गिराए भासेज्ज गुरुमेवं | ॥१२॥ |
| भयवं! परमत्थेणं, न तुमाहितो वि विज्जए चेज्जो । जो तुममिय मूलाओ, कम्ममहावाहिमुवहणसि | ॥१३॥ |
| तुममेव य अंतरपबल-सतुहम्मंतजंतुनिवहस्स । करणरणरंगभूमीए, सरणमेक्को असरणस्स | ॥१४॥ |
| तुममेव य तिहुयणवित्थरंत-मिच्छत्तिमिरपूरस्स । विद्धंसणम्मि विप्फुरिय-नाणकिरणुक्करो सूरु | ॥१५॥ |
| ता तुमए जं सिट्ठं, विवज्जणीयत्तणेण णिच्चं पि । अच्चन्तदीहसंसार-साहिमूलप्परोहसमं | ॥१६॥ |
| निस्सट्टकयाडणिट्ठं, अट्टारसपावठाणपडलं मे । कालतियगोयरं पि हु, तमडहं तिविहेण उज्झामि | ॥१७॥ |
| सुमुणीणमडकरणीयं, अलियवियद्धाण चेव सरणीयं । निंदामि निंदणीयं, ^१ अट्टमयट्टाणअग्गणीयं | ॥१८॥ |
| दुहनियहहेउदुग्गइ-परिभमणसहाइणो कयाडरइणो । कोहाडइणो वि तिविहं-तिविहेण इयाणि उज्झामि | ॥१९॥ |
| छट्ठावियपसमाडडयं, पइसमयविसप्पमाणउम्मायं । सव्वं चेव पमायं, तिविहं तिविहेण वज्जामि | ॥२०॥ |
| अच्चंतपावसंधं, पायडिअपयंडदुग्गइरंधं । पडिबंधं बंधं पिव, तिविहं तिविहेण वि धुणामि | ॥२१॥ |
| संकाडइपंकपम्मक्क-मेक्कमुक्किट्टिसिट्ठचेट्टाणं । सम्मतमुत्तमं पुण, तुम्ह समक्खं पवज्जामि | ॥२२॥ |
| हरिसुक्करिसुम्भिज्जंत-रोमक्कवो पइक्खणं पि अहं । अरिहाडइडक्कविसयं, करेमि भत्ति पयत्तेणं | ॥२३॥ |
| पुणरुत्तभवपरंपर-करडिघडाविहडणेक्कपंचमुहं । पंचनमोक्कारमडहं, सरामि सव्वं पयत्तेणं | ॥२४॥ |
| पडिवज्जामि य वज्जं व, सव्वसावज्जसेलदलणम्मि । भव्वजणदावियमहं, सम्मन्नाणोवयोगमडहं | ॥२५॥ |
| भवभयभंजणदक्खं, विद्धंसियसव्वपावपडिवक्खं । पंचमहव्वयरक्खं, करेमि तुम्हाण पच्चक्खं | ॥२६॥ |
| तह तिजगजगडणुब्भड-रागाडरिभयप्पणासणसमत्थं । मूढाणं दुरहिगमं, चउसरणगमं पवज्जामि | ॥२७॥ |
| पुव्वभवप्पडिबद्धं, पडुपन्नगयं भविस्सविसयं पि । भुज्जो भुज्जो दुक्कड-मडइउक्कडमडवि दुगुंछामि | ॥२८॥ |
| भुवणजणपणयपयपउम-जुयलसिरिवीयरायवज्जरियं । जमडणुसरंतेण कयं, तं अणुमोएमि अहमडहुणा | ॥२९॥ |
| बहुविहगुणनिम्मायं, सुहमीणगहे पगिट्ठजालं व । भावणजालं विलसंत-सुद्धभावो सरामि ददं | ॥३०॥ |
| सुहुमं पि हु अइयारं, विवज्जयंतो भयंत! सविसेसं । फलिहं व निम्मलं सील-मिन्दि पालेमि अक्खलियं | ॥३१॥ |
| सुकयतरुसंडखंडण-पडिवद्धं गंधसिधुरकुलं व । इंदियवगं पि हु संज-मेमि सन्नाणरज्जूए | ॥३२॥ |
| अब्भित्तरबाहिरभेय-भिन्नं बारसविगप्पतवकम्मं । समओवइट्टविहिणा, काउं ववसेमि सम्ममडहं | ॥३३॥ |
| जं पि य तिविहं सल्लं, तुमए पहु! संसियं महंतं पि । इन्दिं सविसेसतरं, तिविहं तिविहेण वज्जामि | ॥३४॥ |
| इय उज्झियव्वकायव्व-वत्थुविसयम्मि विहियपडिवती । आराहणुत्तरोत्तर-पयविं खवगो! समारुहइ | ॥३५॥ |
| तिसियस्स य अकसायं, अणंडविलं अकडुयं अतित्तं च । पत्थब्भूयं तस्संड-तरंडतरा पाणगं देज्जा | ॥३६॥ |
| अह वोच्छिन्नतदिच्छो, स महप्पा होज्ज पाणगं पि तओ । पच्चक्खावेइ गुरु, निज्जवगो जाणित्तं समयं | ॥३७॥ |
| अह वा भवविगुणताड-वधारणा धरियधम्मपडिबंधो । सुस्सावगो वि को वि हु, भवेज्ज आराहगो तो सो | ॥३८॥ |
| पुव्वुदंसियविहिणा, काउं सयणाडइइख्रामणाकिच्चं । संधारगपव्वज्जं, पवज्जित्तं उज्जमेज्ज इहं | ॥३९॥ |
| तयडभावे गिहिधम्मं, पुव्वपवन्नं दुवालसविहं पि । सुविसुद्धतरं भुज्जो, सुविसुद्धतमं च कुणमाणो | ॥४०॥ |
| नाणस्स दंसणस्स य, अणुव्वयाणं गुणव्वयाणं च । सिक्खावयाण य तहा, परिवज्जंतो अइयारे | ॥४१॥ |
| सिरधरियपाणिपउमो, पइसमयपवड्ढमाणसंवेगो । दुच्चरियसुद्धिहेउं, उचउत्तो इय पयंपेज्जा | ॥४२॥ |

“श्रीसङ्घमाहात्म्यं क्षमापना च” —

मणवइकाएहि कयं, जमडणुचियं किंचि इह मए मोहा । सिरिसंघस्स भवगओ, तमडहं तिविहेण खामेमि ॥४३॥

| | |
|--------------------------------------------------------------------------------------------------|------|
| असहायाण सहायो, सत्थाहो मोक्खपहपवत्ताणं । नाणाडडडगुणपयरिसो, भयवं संघो वि खमउ महं | ॥४४॥ |
| संघो हि गुरु मज्झं, माया व पिआ व मज्झ सिरिसंघो । संघो परमं मित्तं, निक्कारणबंधवो संघो | ॥४५॥ |
| ता तीयाडणागययट्ट-माणकालेसु रागदोसेहिं । मोहेण वा कया का-रिया व अणुमत्रिया जा य | ॥४६॥ |
| सिरिसंघस्स भगवओ, मए उ आसायणा मणागं पि । तं सम्मं आलोए, पायच्छित्तं च पडिवज्जे | ॥४७॥ |
| तह सुविहियाण साहूण, सुविहियाणं तवस्सिणीणं च । संविग्गसावगाणं, तह सुविहियसाविगाणं च | ॥४८॥ |
| मणवइकाएहिं कयं, जमडणुचियं किंचि कहवि कइया वि । सहसाडणाभोगेण व, तमडहं तिविहेण खामेमि | ॥४९॥ |
| कारुणाडडउत्तमणा, इमे वि सब्बे पउत्तविणयस्स । संवेगपरायणमाण-स्सस्स सम्मं खमंतु महं | ॥५०॥ |
| एएसिं पि हु जा का वि, कहवि आसायणा मए विहिया । तं सम्मं आलोए, पायच्छित्तं च पडिवज्जे | ॥५१॥ |
| तह जा विहिया जिणभवण-बिम्बसमणाडडइएसु य उवेहा । हीला पओसबुद्धी य, तं पि सम्मं समालोए | ॥५२॥ |
| चेइयदव्वं साहा-रणं तहा रागदांसमोहेहिं । भक्खियमुवेक्खियं वा, जं तं सम्मं समालोए | ॥५३॥ |
| जं सरवज्जणमत्ता-बिंदुपयाडडईहिं ऊणमडहियं वा । पडियं जिणवयणं उचिय-कालविणयाडडइरहियं च | ॥५४॥ |
| तह रागदोसमोह-प्पसत्तचित्तेण मंदपुत्तेण । मणुयत्ताडडइसुदुल्लह-समग्गसामग्गिजोगे वि | ॥५५॥ |
| सव्वन्नुपणीयाडडगम-वयणं परमत्थअमयभूयं पि । जं न सुयं सुयमडहवा, अविहीए सुयमडवि वा जं | ॥५६॥ |
| जं न मए सद्दहियं, जं वा सद्दहियमडत्तहा कह वि । बहुमत्रियं न जं वा, वितहं व परुवियं जं च | ॥५७॥ |
| तह संतेसु वि बलविरिय-पुरिसकाराडडइएसु न तदुत्तं । नियभूमिगाडणुरुक्कं, कयं मए वितहमडहव कयं | ॥५८॥ |
| जो वा तत्थुवहासो, जो य पओसो मए कओ कहवि । तं सब्बं आलोए, पायच्छित्तं च पडिवज्जे | ॥५९॥ |
| तह भीमभवाडरत्ते, परिभममाणेण विविहज्जमेसु । जस्स जयं अवरद्धं, पत्तेयं तं पि खामेमि | ॥६०॥ |
| खामेमि माइवग्गं, पिइवग्गमडसेसबंधुवग्गं च । खामेमि मित्तवग्गं, सविसेसमडमित्तवग्गं च | ॥६१॥ |
| उवगारिवग्गमित्तो, खामेमि अणुवगारिवग्गं च । खामेमि दिट्ठवग्गं, अदिट्ठवग्गं पि खामेमि | ॥६२॥ |
| सुयमडसुयं वा नायं, अनायमुवयरियमडणुवयरियं च । आभासियं अणाडडभा-सियं च परिचियमडपरिचियं | ॥६३॥ |
| दीणाडणाहप्पमुहं च, अंगिवग्गं समग्गमडवि सम्मं । खामेमि अहं पयओ, स एस मह खामणाकालो | ॥६४॥ |
| सम्मं धम्मियवग्गं, खामेमि अधम्मियाण वग्गं पि । तह साहम्मियवग्गं तदियरवग्गं च खामेमि | ॥६५॥ |
| सम्मग्गडियवग्गं, वग्गमडमग्गडियाण खामेमि । समुवट्ठिओ जमिण्हिं, स एस मह खामणाकालो | ॥६६॥ |
| परमाहम्मियभावं, गएण अवरोप्परं च नरगम्भि । नेरइयाणं जा जा-यणा कया तं च खामेमि | ॥६७॥ |
| एगिंदियाडडइभावं, गएण एगिंदियाडडइजीवाणं । तह जलयरथलयरख्ह-यरत्तणं कह वि पत्तेणं | ॥६८॥ |
| जं किंचि जलयराडडईण, चेव मणवयणकायजोगेहिं । तिरिएसु कयं मणयं पि, मंगुलं तं पि निंदामि | ॥६९॥ |
| तह मणुएसु वि रागा, दोसा मोहा भया व हासा वा । सोगाओ कोहमाणेहिं, मायाउ लोभतो या वि | ॥७०॥ |
| एत्थ भवे अन्नत्थ व, भवम्भि जं दोमणस्समडवहसणं । तज्जणतालणबंधण-निब्भच्छणमारणं तं च | ॥७१॥ |
| सारीरमाणसाडणेग-पीडसंपाडणं कयं कह वि । कारियमडणुमयमडवि तं, तिविहेणं चेव निंदामि | ॥७२॥ |
| तह मंताडडइसामत्थओ य, देवेसु जं पि अवरद्धं । पत्ताडवयारचावण-थंभणकीलणपयोगेहिं | ॥७३॥ |
| अहव तिरियत्तपत्तेण, चेव किर तिरियनरसुराणं जं । तह पत्तनरत्तेण य, तिरिनरसुरगोयरं जं च | ॥७४॥ |
| पत्तसुरत्तेणं पुण, नेरइयतिरिक्खनरसुराणं जं । सारीरमाणसं वा, विप्पियमुप्पाइयं किं पि | ॥७५॥ |
| सम्मं तं पि समत्थं, तिविहं तिविहेण ते वि सयमडवि य । खामेमि तह खमामि य, स एस मह खामणाकालो | ॥७६॥ |
| चिट्ठउ ता पावमईए, पावमाडडहेडगाडडइ जं विहियं । धम्ममईए वि कयं, पावं पावाडणुबंधकरं | ॥७७॥ |
| सुरहिसुयवीवाहण-जागडग्गिडियपवापयाणं जं । जुतहलगोमहीलोह-हेमतिलधेणुदाणं जं | ॥७८॥ |
| जं व इह कुंडकूवाड-रधट्टयावीतलायखायाडडई । गोतरूपूयणचंदण-कप्पासाडडइपयाणाडडई | ॥७९॥ |
| देवे अदेवबुद्धी, जा य अदेवम्भि देवबुद्धी य । अगुरुम्भि वि गुरुबुद्धी, गुरुम्भि पुण अगुरुबुद्धी य | ॥८०॥ |
| तत्ते अतत्तबुद्धी, जा य अतत्ते वि तत्तबुद्धी य । काराविया कया अणु-मया य जइ कह वि कइया वि | ॥८१॥ |
| तं तं सब्बं मिच्छत्त-कारणं परिकलित्तु जत्तेण । आलोएमि सम्मं, पायच्छित्तं च पडिवज्जे | ॥८२॥ |

| | |
|------------------------------------------------------------------------------------------------------|-------|
| मिच्छतमूढमतिणा, जं च कृतित्थं पवत्तियं लोए । अवलविऊण सुमग्गं पि, देसिओ जं कुमग्गो य | ॥८३॥ |
| कुग्गहनिबंधणाइं, मिच्छतपवट्टगाणि य जणाणं । रइयाइं कुसत्थाइं, अह व अहीयाणि तं निंदे | ॥८४॥ |
| पावपसत्तिपराइं, जम्मणगहियाइं मरणमुक्काइं । जाणि सरीराणिण्हिं, ताइं भावेण वोसिरिओ | ॥८५॥ |
| तह जं पि पासपहरण-हलमुसलुक्खलघरट्टजंताडडइं । कयमडहव कारियं अणु-मयं च जीवोवघायकरं | ॥८६॥ |
| एत्थ व जम्मे जम्मंडतरम्मि, वा सच्चमडहिगरणजायं । तं पि सपरिग्गहाओ, तिविहं तिविहेण वोसिरियं | ॥८७॥ |
| आवज्जिऊण किच्छेण, लोभओ मोहओ य रक्खियओ । मूढेण पावटाणेसु, चेव वाचारिओ जो य | ॥८८॥ |
| तं अत्थमडणत्थपयं खु, संपयं भावओ समत्थं पि । सपरिग्गहाओ तिविहं, तिविहेण वासिरामि अहं | ॥८९॥ |
| जा का वि केण वि समं, मह वइरपरंपरा अभू अत्थि । तं पि पसमट्टिओ हं, संपइ खामेमि निस्सेसं | ॥९०॥ |
| जो गेहकुंडुंबाडडइसु य, सुंदरेसु ममाडडसि पडिबंधो । इण्हिं च अत्थि जो वा, सो वि मए संपयं चत्तो | ॥९१॥ |
| किं बहुणा भणिएणं, इत्थेव भवे भवंडतरेसुं वा । इत्थीपुरिसतपुंसग-भावेसुं वट्टमाणेणं | ॥९२॥ |
| गब्भपरिसाडणाइं, परदाराडभिगमणाडडइयमडणज्जं । विसयाडभिलासवसणेणं, जं कयं दारुणं पावं | ॥९३॥ |
| सपरहणणाडडइ कोहेण, जं च परनिरसणाडडइ माणेणं । परवंचणाडडइरुवं, जं पि कयं किंपि मायाए | ॥९४॥ |
| जं च महाडडरंभपरिग्गहाडडइ-लोभाडणुबंधओ विहियं । अट्टदुहट्टवसेणं, विविहमडसमंजसं जं च | ॥९५॥ |
| रागेण मंसभक्खण-पामोक्खं अभक्खभक्खणाडडइयं । महमुज्जलावगरस-प्पमुहं पाणं च जं किंचि | ॥९६॥ |
| दोसेण परगुणाडसहण-निंदणखिसणाडडइ जं किंचि । मोहमहागहगहिएण, बहुविहं बहुविहाणेहिं | ॥९७॥ |
| हेओवाएयवियार-सुन्नचित्तेण जं च किर किंचि । पावाडणुबंधिपावं, पमायओ वा कयं जं च | ॥९८॥ |
| कयमिममिमं च काहं, करेमि इमगं तु इयवियप्पेहिं । बोलीणाडणागयवट्ट-माणकालतिगाडणुगयं | ॥९९॥ |
| तं संविग्गमणो हं, तिविहं तिविहेण गरहणविसुद्धो । आलोयणनिंदणगरि-हणाहिं सच्चं विसोहेमि | ॥१००॥ |
| एवं दुच्चरियगणं, गुणाडडगरो गरहिऊण जहसरियं । पडिबंधनिरोहकए, अप्पाणं पन्नवेज्ज जहा | ॥११॥ |
| अच्चंतपरमरमणीययाए, एत्तो अणंततमगुणिए । सुरलोयरइजणए, सिंगारपए य सद्दाडडइ | ॥१२॥ |
| विसए अणुहविय पुणो, इमे वि इहभवियतुच्छबीभच्छे । तयडणंतगुणविहिणे, मा चित्तेज्जासि जीव! तुमं | ॥१३॥ |
| तहडसंखतिक्खलक्खत्तणेण, एत्तो अणंततमगुणियं । दीहरनिरंतरं दुक्ख-मेव नरएसु सहिऊण | ॥१४॥ |
| नाणाविहसारीरिय बाहाजोगे वि मा इयाणिं पि । आराहणाकयमणो, मणा वि कोवेज्ज जीव! तुमं | ॥१५॥ |
| पेहेसु निउणबुद्धीए, नत्थि थेंचं पि तुज्झ साहारो । दुक्खाण सम्मसहणं, मोत्तुं सयणाओ जेण सया | ॥१६॥ |
| एक्को च्चिय भद्द! तुमं, ण विज्जए तिहुयणे वि तुह बीओ । तुममडवि न चेव बीओ, कस्स वि अन्नस्स भुयणंतो॥१७॥ | ॥१७॥ |
| अक्खंडनाणदंसण-चरित्तपरिणामपरिणओ धणियं । अप्प च्चिय तुह बीयो, सम्मं धम्माडणुगो एक्को | ॥१८॥ |
| संजोगकारणो खलु, जीवाणं दुक्खसमुदयो सच्चो । ता सच्चं संजोगं, जावज्जीवं पि वज्जिंतो | ॥१९॥ |
| सच्चं पि हु आहारं, सच्चं पि तहाविहं उवहिजायं । सच्चं खेतगयं पि हु, पडिबंधं निदधुणाहि लहुं | ॥१०॥ |
| जं पि य इट्ठं कन्तं, पियं मणुण्णं इमं हयसरीरं । जीवस्स दुक्खच्छट्ठं, तिणतुल्लं तं पि मत्तेसु | ॥११॥ |
| इय कयसुहपणिहाणो, सम्मं वडिडयविसेससंवेगो । सम्मं उद्धियसल्लो, सम्मं आराहणाकंखी | ॥१२॥ |
| सम्मं समाहियमणो, मणोरहाणं पि परमदुल्लंभं । अभिलसमाणो य मणे, पंडियमरणं रणं व भडो | ॥१३॥ |
| बद्धपउमाडडसणो च्चिय, जहासमाहीए धरियदेहो वा । संथारत्थाडचत्थो वि, दंसमसगाडडइ अणणंतो | ॥१४॥ |
| नियभालयलनिलीणं, काऊणं पाणिपंकयं थीरो । भत्तिभरनिब्भरमणो, भुज्जो भुज्जो भणेज्ज इमं | ॥१५॥ |
| एस करेमि पणामं, अरिहंताणं तिलोयमहियाणं । परमत्थबंधवाणं, सम्मं देवाहिदेवाणं | ॥१६॥ |
| एस करेमि पणामं, सिद्धाणं परमसुहसमिद्धाणं । निक्कलरुवधराणं, सिवपयसररायहंसाणं | ॥१७॥ |
| एस करेमि पणामं, आयरियाणं पि पसमरासीणं । परमत्थजाणगाणं, ससमयपरसमयकुसलाणं | ॥१८॥ |
| एस करेमि पणामं, उज्झायाणं सुझाणझाईणं । भवियजणवच्छलाणं, सुत्तपयाणप्पसत्ताणं | ॥१९॥ |
| एस करेमि पणामं, साहूणं सिद्धिपहसहायाणं । संजमसिरिनिलयाणं, परमत्थणिबद्धलक्खणाणं | ॥२०॥ |
| एस करेमि पणामं, सच्चन्नुपणीयपवयणस्साडवि । संसारसरणरीणंङगि-वग्गविस्सामथामस्स | ॥२१॥ |

| | |
|-----------------------------------------------------------------------------------------|------|
| एस करेमि पणामं, समत्थतित्थयरकयपणामस्स । सुहकम्मोदयणिदलिय-विग्घसंघस्स संघस्स | ॥२२॥ |
| वंदामि ते पएसे, जम्मणनिक्खमणनाणनिव्वाणं । पतं जेसु जिणेहिं, कल्लाणनिहाणभूएहिं | ॥२३॥ |
| वंदामि सीलसोरभभरविजियवरगुरुण सुगुरुण । भवभीयजंतुसरणे, चरणे कल्लाणकुलभवणे | ॥२४॥ |
| पुब्बिं पि पणयजणवच्छलाण, संविग्गणाणरासीणं । कालाडणुरुक्कित्ति-कलायजुताण थेराणं | ॥२५॥ |
| पामूलम्मि सम्मं, रम्मं धम्मं पवज्जमाणेणं । सव्वं पच्चक्खेयं पच्चक्ख्वायं मए आसि | ॥२६॥ |
| पडिवज्जियव्वयं पुण, पडिवन्नं अह विसेससविग्गो । तं चेव संपयं पुण, सविसेसतमं करेमि अहं | ॥२७॥ |
| तत्थ पढमं पि सम्मं, मिच्छताओ पडिक्कमित्ताणं । तह सविसेसतममडहं, काउं सम्मतपडिवत्ति | ॥२८॥ |
| ततो पडिक्कमिता, अट्टारसपावठाणगेहिंतो । विहियकसायनिरोहो, अट्टमयट्टाणपरिवज्जी | ॥२९॥ |
| परिचत्तपमायपओ, दव्वाडडइचउक्कमुक्कपडिबंधो । जहसंभवंतसुहुमा-डइयारपइसमयसोहिपरो | ॥३०॥ |
| पुणरुत्तुच्चरियअणुव्वओ य, कयसत्तस्वामणो धणियं । पुव्वुत्ताडणसणक्कम-कयसव्वाडडहारपरिहारो | ॥३१॥ |
| नाणोवयोगपुब्बं, पइक्किच्चं निच्चमेव वडढं(ट्टं)तो । पंचाडणुव्वयरक्खा-परायणो सीलसाली य | ॥३२॥ |
| इंदियदमप्पहाणो, निच्चमडणिच्चाडडइभावणापरमो । साहेमि उत्तिमड्डं, एवं कयक्किच्चपडिवती | ॥३३॥ |
| जीवियमरणाडडसंसप्पयोग-पडिवज्जणुज्जु(ज्ज)ओ मड्डमं । इहपरलोगाडडसंस-प्पओगमडवि परिहरंतो य | ॥३४॥ |
| कयकामभोगविसयाडड-संसापरिवज्जणो पसमरासी । पंडियमरणरणाडविणि-विजयपडागागहणसुहडो | ॥३५॥ |
| पच्चक्ख्वायतहाविह-पच्चक्ख्वाणाडरिहडत्थसत्थो सो । तह कायव्वमिणं, ती पडिवन्नपवज्जियव्वो य | ॥३६॥ |
| नयनयतक्कालसमुच्छलंत-संवेगपयरिसगुणेण । अप्पुव्वमिवडप्पाणं, पए पए परिकलंतो य | ॥३७॥ |
| समसत्तुमित्तचित्तो, समतणमणिलेट्ठुकंचणो धीमं । पइख्रणविलसंतमणो-समाहिरसपयरिसमुवेंतो | ॥३८॥ |
| सोच्चा दट्टूणं भुंजिऊण, परिजिधिऊण फासिता । अच्चंताडसुंदरसुंद-रे वि सदाडडइणो विसए | ॥३९॥ |
| अरइरईणमडकरणा, वत्थुसहावाडववोहजोगेण । सारयसरियाजलसुप्प-सन्तचित्तो महासत्तो | ॥४०॥ |
| गुरुदेवयापणामं, काउं उचियाडडसणट्टिओ चेव । एसो स चंदवेज्जग-समओ ति मणे विचिंतंतो | ॥४१॥ |
| निस्सेसकम्मदुमवण-विसेसपच्चलदवानलुत्थाणं । सम्मं धम्मज्झाणं, झाएज्जा तत्थ सो अहवा | ॥४२॥ |
| संपुन्नचंदवयणं, उवमाडइक्कंतरुवलायणं । परमाडडणंदनिबंधण-मडइसयसयसमुदयमयं च | ॥४३॥ |
| चक्कंडकुसकुलिसज्झय-पामोक्खडक्खंडलक्खणधरंडगं । सव्वुत्तमगुणकलियं, सव्वुत्तमपुण्णरासिमयं | ॥४४॥ |
| सरयससिकरवलच्छ-छत्तिगाडसोगतरुतलनिलीणं । सिंहासणोवचिट्ठं, दुंदुहिघणथणियनिग्घोसं | ॥४५॥ |
| धम्ममडणहं सदेवासुराए, परिसाए वागरेमाणं । सव्वजगजीववच्छल-मडचित्ततमसत्तिमाहप्पं | ॥४६॥ |
| सत्तुवयारपवित्तं, समत्थकल्लाणकारणमडवंडं । सिववुद्धबंधमपमुहाड-भिहाणथेयं परेसिं पि | ॥४७॥ |
| जुगवं सव्वं नेयं, निउणं नाणा मुणंतपासंतं । किर मुत्तिमंतधम्मं, झाएज्ज जिणं जगपईवं | ॥४८॥ |
| अहवा तस्सेव जिणस्स, भगवओ तिहुयणस्स वि पमाणं । झाएज्ज सुयं दुहतावि-यंगिपीऊसवरिसं य | ॥४९॥ |
| जइ पुण गेलण्णसा, न हु सक्का एतियं भणेउं सो । 'असियाउस' ति वंजण-पणगं पि मणम्मि झाएज्जा | ॥५०॥ |
| परमेट्टिपंचगाओ, जायइ एक्केक्कयं पि दुरियहरं । जइ त किमंग २समगं, समगं पणगं न पावाणं | ॥५१॥ |
| परमेट्टिपणगमेयं, कुणउ पयं मह मणे ख्रणं जेण । साहेमि सकज्जमडहं, इत्थं पत्थेज्ज य तयाणि | ॥५२॥ |
| भवजलहितरणपोओ, सुगइपहे रहवरो कुगइपिहणं । सग्गमणे विमाणं, सिवपासाए य निस्सेणी | ॥५३॥ |
| परलोयपहे पाहेय-मेस कल्लाणवल्लरीकंदो । दुक्खररो सोक्खररो, परमेट्टीणं नमोक्कारो | ॥५४॥ |
| पंचनमोक्कारसमा, अंतं वच्चंतु नूण मह पाणा । जेण भवसंभवाणं, दुहाण सलिलंजलिं देमि | ॥५५॥ |
| इय पंचनमोक्कारे, पणिहाणपरेण सव्वकालपि । भवियव्वं बुद्धिमया, किं पुण पज्जंतकालम्मि | ॥५६॥ |
| पासट्टिएहिं अहवा, पडिज्जमाणं इमं नमोक्कारं । अवधारेज्जा एगग-माणसो सबहुमाणं सो | ॥५७॥ |
| चंदावेज्जयआराहणाडडइ, संवेगजणगगंथे य । सम्मं अवधारेज्जा, निज्जामगजइपडिज्जंतं | ॥५८॥ |
| वायाडडइउवहयगिरो, अच्चंतं आउरत्तपतो वा । भासिउमडसहो अंगुलि-माडडईहिं करेज्ज सण्णं ति | ॥५९॥ |

निज्जामणापरा ते वि, साहुणो तस्स उत्तिमद्वस्स । आसन्नाऽऽसन्नतमं, होउं सुइसुहयसदेणं ॥६०॥
जावऽज्जवि लक्खिञ्जइ, अंगोवंगाऽऽइसंगया उम्हा । उवउत्तमाणसा ताव, अप्पणो खेयमऽगणेंता ॥६१॥
अइनिज्झुणं करेंता, गंथे संवेगभावणाजणगे । पंचनमोक्कारं वा, पढंति अणवरयमऽक्खलियं ॥६२॥
इट्ठमऽसणं व छुहिओ, सुसाउसीयलजलं व अइतिसिओ । परमोसहं व रोगी, गेण्हइ बहुमन्नइ य सो तं ॥६३॥
इय अक्खंडविहीए, सारीरबलक्खए वि भावबलं । अवलंबिऊण धीरो, करेज्ज कालं पुरिससीहो ॥६४॥
आसण्णभाविभदो हु, जइ परं कोइ किर महासतो । इत्थं कहियकमेणं, पुरिसो पाणे परिच्चयइ ॥६५॥
इय पायजलणजलहर-समाए संवेगरंगसालाए । चउमूलद्वाराए, सोग्गइगमपउणपयवीए ॥६६॥
आराहणाए पडिदार-नवगमइए समाहिलाभम्मि । भणियं चउत्थदारे, बीयं पडिवत्तिदारमिणं ॥६७॥
पडिवत्तिवओ वि कुओ वि, हेऊओ कहवि होज्ज से खोहो । इय तप्पसमनिमित्तं, सारणदारं णिदंसेमि ॥६८॥

“तृतीय सारणाद्वारम्” —

संथारगट्ठियस्स वि, कहं पि आराहणुज्जयस्साऽवि । दढ्धीसंघयणस्स वि, अभिलसियसुदुक्करस्साऽवि ॥६९॥
पयईए च्विय परमं, संसारुव्वेयमुव्वहंतस्स । अच्चंतमुत्तरोत्तर-वड्ढंतसुहाऽऽसयस्साऽवि ॥७०॥
खमगस्स महामुणिणो, चिरभवदुच्चिन्नकम्मदोसेण । वायाऽऽइखोभओ वा, निसियणउव्वत्तणाऽऽइसु वा ॥७१॥
ऊरुदरसिरकरसवण-वयणदसणऽच्छिपट्टिपामोक्खे । अंगे कत्थ वि उट्टेज्ज, वेयणा झाणविग्घकरी ॥७२॥
तो गुणमणिपडहत्थो, हत्थं पोउ व्व भिज्जए खमगो । भिन्नो य भीमभवसा-यरम्मि सुइरं परिम्ममइ ॥७३॥
तं च तहा दट्टुण वि, निज्जामगसइमुव्वहंतो वि । कुणइ उवेक्खं जो किर, निद्धम्मो को तओ अन्नो ॥७४॥
निज्जावगसाहुगुणा, जे पुच्चिं वन्निया इहं आसि । तेसिं स होइ दूरे, खवगमुवेक्खेज्ज जो मूढो ॥७५॥
तो तस्स चिगिच्छाजाण-एहिं साहूहिं अप्पणा चेव । वेज्जाऽऽएसेणऽहवा, परिकम्मं होइ कायव्वं ॥७६॥
वायकफपित्तपमुहं, कारणमुवलक्खिऊण वियणाए । फासुयदव्वेहि करेज्ज, इति विज्झवणमुवउत्तो ॥७७॥
बत्थिअणुवासणतावणेहिं, आलेवसीयकिरियाहिं । अत्थंगणपरिमद्वण-पमुहेहिं चिगिच्छए खवगं ॥७८॥
जह तहवि असुहकम्मोदएण, वियणा न से उवसमेज्जा । अहवा तण्हाऽऽईया, परीसहा से उदिज्जेज्जा ॥७९॥
तो वेयणाऽभिभूओ, परिसहाऽऽईहिं वा वहिज्जंतो । खवगो अणप्पवसगो, ओहासेज्जा व पलवेज्जा ॥८०॥
संमुज्झंतो तो सो, तह कायव्वो जहाऽऽगमं गणिणा । जह सम्मं संवेगा, पच्चाऽऽगयचेयणो होइ ॥८१॥
‘को सि तुमं? किं नामो, कत्थ वससि को व संपयं कालो । किं कुणसि कह व अच्छसि, को वा हं’ इय विचित्तिसु ॥८२॥
एवं सारेयव्वो, निज्जामगसूरिणा सयं खवगो । साहम्मियवच्छल्लं, बहुलाभं मन्नमाणेणं ॥८३॥
इय कुणइतिमिरदिणयर-पहाए संवेगरंगसालाए । चउमूलद्वाराए, सोग्गइगमपउणपयवीए ॥८४॥
आराहणाए पडिदार-नवगमइए समाहिलाभम्मि । भणियं चउत्थदारे, तइयमिणं सारणादारं ॥८५॥
अह सारियो वि खवगो, न जं विणा धीरिमं धरेउमऽलं । धम्मवएएससरुवं, तं कवयद्वारमऽक्खेमि ॥८६॥

“चतुर्थः कवचद्वारम्” —

दुस्सहपरीसहोहामियस्स, मज्जायमुज्झिउमणस्स । आगारिं गियकुसलो, खवगस्स वियाणिऊण गुरु ॥८७॥
विसरिसचेट्ठं णिज्जामणेक्क-निउणो विमुक्कनियकिच्चो । निद्धाहिं महुराहिं, गिराहिं अणुसासणं कुज्जा ॥८८॥
रोगाऽऽयंकं सुविहिय, निज्जिणसु परीसहे य धीबलिओ । तो निव्वूढपइत्तो, मरणे आराहओ होसि ॥८९॥
तहा—

हत्थि व्व तुमं अवहत्थिऊण, आलाणखंभमिव मेरं । हत्थिवयत्थाणीए, गुरुणो वि य अवगणेऊण ॥९०॥
अंकुससरिसं अवधीरिऊण, तेसिं च सदुपदेसं पि । अंगपडिचारणे वि हु, नियगे वि परंमुहे ठविउं ॥९१॥
अच्चंतभत्तिकोऊ-हलाऽऽगयं पेच्छगं पि बहुलोगं । विपरंमुहिउं निरवज्ज-लज्जरज्जुं च तोडिता ॥९२॥
पडिबद्धरिद्धिकुसुमं, पत्तपरिग्गहपसोहियच्छायं । भममाणो सीलवणं, भंजिहिसि लहुं महाभाग! ॥९३॥
खंडिहिसि समिइगिहभित्ति-संचयं लूरइस्ससि असेसं । गुतिवईवगं पि हु, दलिहिसि सुगुणाऽऽचणस्सेणि ॥९४॥
नूणं न भद! कुलसंभवो ति, इय जणपवायरेणूहिं । अवगुंडिज्जिहिसि चिरं, स(ग)रिहिज्जसि बालगजणेण ॥९५॥

| | |
|------------------------------------------------------------------------------------------------|--------|
| पुष्पाङ्गुभूयरायाऽऽङ्ग-विहियसम्माणणाऽऽङ्गयगुणाणं । चुक्किहिसि कुगङ्गङ्गा-वडणेणं अह विणस्सिहिसि | ॥१६॥ |
| ता भद! समीहियकज्ज-सिद्धिविग्घाउ विरमसु इमाउ । कंटगवेह्वमाउ, असमाहिपयाउ इण्हिं पि | ॥१७॥ |
| तह खुड्कुमारो इव, तुमं पि अणुसरसु सम्मबुद्धीए । इण्हिं पि सुट्टु गाइय-मिच्चाइगीइयाअत्थं | ॥१८॥ |
| निच्चाहिया हु तुमए, कोडी वयणिज्जवज्जिएणवे । अहुणा कागणिनिच्चा-हणे वि कीबत्तमुच्चहसि | ॥१९॥ |
| तिण्णो महासमुद्धो, तरियच्चं गोपयं तुहेयाणि । समइक्कंतो मेरु, परमाणू चिट्ठइ एत्तो | ॥१५००॥ |
| ता धीर! धरसु-अच्चन्त-धीरिम्मं चयसु कीवपयइत्तं । हरिणंकनिम्मलं निय-कुलं पि सम्मं विभावेसु | ॥१॥ |
| मल्लो व्व पेल्लिऊणं, पमायपरचक्कमेक्कहेलाए । एत्थेव पत्थुयत्थे, जहसत्तीए परक्कमसु | ॥२॥ |
| परिभावेसु य पयईए, सुंदरत्तं तहाऽणुगामित्तं । भुज्जो य दुल्लहतं, धम्मगुणाणं अणग्घाणं | ॥३॥ |
| तह सरसु खवग! जं तं, मज्झमि चउच्चिहस्स संघस्स । वूढा महापइत्ता, अहयं आराहइस्सं ति | ॥४॥ |
| को नाम भदो कुलजो, माणी थूलाइऊण जणमज्जे । जुज्जे पलाइआवडिय-मेत्तओ चेव अरिभीओ | ॥५॥ |
| थूलाइऊण पुच्चं, माणी संतो परीसहाऽरीहिं । आवडियमेत्तगो चेव, को विसन्नो भवइ साहू | ॥६॥ |
| थूलाइयस्स कुलयस्स, माणिणो रणमुहे वरं मरणं । न य लज्जणयं काउं, जायज्जीचं पि जणमज्जे | ॥७॥ |
| समणस्स माणिणो उज्जयस्स, निहणगमणं पि होउ वरं । न य नियपइन्नभंगेण, इयरजणजंपणं सहियं | ॥८॥ |
| एक्कस्स कए नियजीवियस्स, को जंपणं करेज्ज नरो । पुत्तयपोत्ताऽऽङ्गं, समरम्मि पलायमाणो व्व | ॥९॥ |
| तह अप्पणो कुलस्स य, संघस्स य मा हु जीवियत्थी उ । कुणसु जणे जंपणयं, जाणियजिणवयणसारो वि | ॥१०॥ |
| जइ नाम तहऽन्नाणी, संसारपवट्टणाए लेसाए । तिच्चाए वेयणाए, समाउला तह करिंति धितिं | ॥११॥ |
| किं पुण जइणा संसार-सव्वदुक्खक्खयं करंतेण । बहुतिच्चदुक्खरसजाण-एण न धिई करेयच्चा | ॥१२॥ |
| तिरिया वि तोडपीडा-विहरियदेहा वि गोणपोयलया । किं अणसणं पवन्ना, कंबलसंबला सुया न तए | ॥१३॥ |
| तुच्छतणू तुच्छबलो, पयईए चेव तुच्छतिरिओ य । अणसणविहिं पवन्नो, वेयरणी-वानरो य तहा | ॥१४॥ |
| खुद्धो वि विपीलियविहिय-तिच्चवियणो वि जायपडिबोहो । मासद्धमऽणसणविहिं, पडिवन्नो कोसियो सप्पो | ॥१५॥ |
| जम्मन्तरजणणी को-सलस्स वग्घीभवम्मि लद्धसुई । तिरिया वि छुहावेयण-मऽगणिय तह संठियाऽणसणे | ॥१६॥ |
| जइ ता पसुणो वि इमे, अणसणमऽकरिंसु थिरसमाहिपरा । ता नरसीहो वि तुमं, सुंदर! तं कीस न करेसि | ॥१७॥ |
| देवीदारेणं तहो-वसग्गजोगे सुदंसणगिही वि । अवि मरणमऽज्झवसिओ, पडिवन्नवया न उण चलिओ | ॥१८॥ |
| तह सच्चराइउस्सग्ग-जणियवियणं सुतिच्चमऽगणंतो । चंडावडिसयनिचो, सुगइं पत्तो अचलसत्तो | ॥१९॥ |
| गोट्ठे पायोवगओ, सुबंधुणा गोमए पलिवियम्मि । डज्झंतो चाणक्को, पडिवन्नो उत्तमं अट्टं | ॥२०॥ |
| इय जइ गिहिणो वि तहा, अक्खलियसमाहिणो अहिगयत्थे । जाया तुमं पि ता समण-सीह! तं कुणसु सविसेसं | ॥२१॥ |
| मेरु व्व निप्पकंपा, अक्खोभा सायरो व्व गंभीरा । धीमंतो सप्पुरिसा, होंति महल्लावऽऽवईसुं पि | ॥२२॥ |
| धीरा विमुक्कसंगा, आयाऽऽरोवियभरा अपरिकम्मा । गिरिपम्भारमऽङ्गया, बहुसावयसंकडं भीमं | ॥२३॥ |
| धीधणियबद्धकच्छा, समयुत्तविहारिणो सुहसहाया । सारिंति उत्तिमट्टं, सावयदाढंउतरगया वि | ॥२४॥ |
| भालुंकीए अकरुणं, खज्जंतो घोरवेयणइद्धे वि । आराहणं पवन्नो, झाणेण अयंतिसुकुमालो | ॥२५॥ |
| मुगिल्लगिरिम्मि सुकोसलो वि, सिद्धत्थदइयओ भयवं । वग्घीए खज्जंतो, पडिवन्नो उत्तिमं अट्टं | ॥२६॥ |
| पडिमाए ठिओ सीसे, दिएण पज्जालियम्मि जलणम्मि । भयवं गयसुकुमालो, पडिवन्नो उत्तिमं अट्टं | ॥२७॥ |
| एवं चिय भयवं पि हु, कुरुदत्तसुओ ठिओ य पडिमाए । साएयनयरबारिं, गोहरणे कुडियदिन्नमी | ॥२८॥ |
| उद्दायणरायरिसी, उक्कडविसवेयणापरद्धो वि । अविगणियदेहपीडो, पडिवन्नो उत्तिमं अट्टं | ॥२९॥ |
| नायाओ पक्खित्तो, गंगामज्जे अमुज्झमाणमणो । आराहणं पवन्नो, अंतगडो अन्नियापुत्तो | ॥३०॥ |
| चंपाए मासख्रमणं, करित्तु गंगात्तडम्मि तण्हाए । घोराए धम्मघोसो, पडिवन्नो उत्तिमं अट्टं | ॥३१॥ |
| रोहीडयम्मि सन्नी, हओ वि कुंचेण खंदगकुमारो । तं वेयणमऽहियासिय, पडिवन्नो उत्तमं अट्टं | ॥३२॥ |
| हत्थिणपुर-कुरुदत्तो, सिंबलीफाली व दोणीमंतम्मि । डज्झंतो अहियासिय, पडिवन्नो उत्तमं अट्टं | ॥३३॥ |
| वसहीए पलिबियाए, रिद्धाऽमच्चेण उसभसेणो वि । आराहणं पवन्नो, सह परिसाए कुणालाए | ॥३४॥ |

तह चडरखुडुगो वि हु, पाओचगओ सिलायले तते । आराहणं पचन्नो, मयणं व विलीयमाणो वि ॥३५॥
 छिन्नउद्धाणे सरिया-जलमि सवसे वि तण्हकयदाहो । धणसम्मु खुडुगो वि हु, अहयसमाही दिवं पत्तो ॥३६॥
 समकालमसयपिज्जंत-देहरुहिरो वि सुमणभदमुणी । तदवारणेण सम्मं, अहियासितो दिवं पत्तो ॥३७॥
 मेयज्जो वि महरिसी, सीसाडवेडेण निग्गयडच्छी वि । तह कह वि समाहिमडकासि, इति जाओ जहंडतगडो ॥३८॥
 भगवं पि महावीरो, बारसवासाइं विसहए सम्मं । विविहोवसग्गवग्गं, तेलोक्केक्कल्लमल्लो वि ॥३९॥
 कच्छुजरसाससोसाड-भत्तच्छंदडच्छिकुच्छिवियणाओ । भयवं सणंकुमारो, अहियासइ सत्त वाससए ॥४०॥
 अरिहन्नओ वि भयवं, पच्चाडडगयचेयणो जणणिययणा । सुकुमालयाए तणुणो, अख्रमो चरिउं चिरं चरणं ॥४१॥
 पायोवगओ धीरो, तत्तसिलाए मुहुत्तमेतेणं । सहसा विलीणदेहो, कालगओ गुरुसमाहीए ॥४२॥
 हेमंते रत्तीए, अपाउयंडगा तवस्सिणो लूहा । पुरपव्वयंडतरपहे, आगासे संठिया पडिमं ॥४३॥
 किं न सुया ते सुंदर!, चउरो सिरिभदबाहुणो सीसा । सीएण विचेडुंगा, समाहिणा तह गया सुगइं ॥४४॥
 किं न सुया ते तइया, भगवंतो कुंभकारकडनयरे । खंदगसूरिविणेया, समाहिपत्ता महासत्ता ॥४५॥
 दंडगिरन्नो उवरोहिण्ण, पावेण पालगदिण्ण । आराहणं पचन्ना, पीलिज्जंतो वि जंतेण ॥४६॥
 तह कालवेसियमुणी, अरिसारोगेण तिच्चवियणो वि । तेगिच्छमडणिच्छंतो, विहरंतो मुग्गसेलपुरं ॥४७॥
 पत्तो तत्थद्वियभगिणि-दिन्नअरिसोसहेडहिगरणं ति । भत्तं पच्चक्खित्ता, विचित्तदेसे ठिओ पडिमं ॥४८॥
 तिच्चसडिंभसियालीए, खिक्खियंतीए खज्जमाणो वि । आराहणं पचन्नो, देवाणुपिया तह महप्पा ॥४९॥
 तह सावत्थिपुरीए, जियसत्तुसुओ कुमारभावमि । पच्चइयो भदमुणी, विहरंतो कहवि वेरज्जे ॥५०॥
 रायपुरिसेहिं पणिहित्ते, गेण्हिउं आहणित्तु तच्छित्ता । खयक्खित्तित्तिक्खारो, डब्भेहि य वेडिउं मुक्को ॥५१॥
 सुक्कंतरुहिरखयखुत्त-डब्भतणजणियतिक्खदुक्खो वि । सम्ममडहियासमाणो, समाहिणा चेव कालगतो ॥५२॥
 तिक्खग्गतुंडलगिर-समकालपिवीलियापरद्धो वि । भयवं चिलाइपुत्तो, पडिवन्नो उत्तिमं अट्टं ॥५३॥
 गुरुपक्खवायविहियाड-णुसासणासवणजणियकोवेण । गोसालएण सहसा, मुक्काए तेउलेसाए ॥५४॥
 पलयाडनलतुल्लाए, डज्जन्तो वि हु मुणी सुनक्खतो । आराहणं पचन्नो, एवं सव्वाणुभूई वि ॥५५॥
 तह सुंदर! किं तुमए, न सुओ सो दंडनामअणगारो । उग्गतवो गुणरासी, खंतिख्रमो जो किर महप्पा ॥५६॥
 जउणाचंकुज्जाणे, बाहिं महुरापुरीए नितेणं । आयारित्तो दट्टुं, दुट्टेणं जउणनरचइणा ॥५७॥
 अकुसलकम्मदउब्भव-कोवेण सिरमि निट्टुरफलेण । पहओ तब्भिच्चवेहिं, पत्थररासीकओ सहसा ॥५८॥
 अह तह वि तेण मुणिणा, समाहिणा अहह! कहवि तह सहियं । जह खवियकम्मकवओ, अंतगडो केवली जाओ ॥५९॥
 किं वा कोसंबिनिवासि-जण्णदत्तस्स माहणस्स सुओ । सुणिओ न सोमदेवो, तब्भाया सोमदत्तो य ॥६०॥
 सिरिसोमभूइमुणिणो, पासे सम्मं पचन्नसामन्ना । संविग्गा गीयत्था, जाया ते अह विहरमाणा ॥६१॥
 उज्जेणीसंकंताण, जणणिजणयाण बोहणणिमित्तं । पासमि गया तत्थ य, दिया वि वियडं किर पिबंति ॥६२॥
 तो दव्वंडतरजुत्तं, मुणीण सन्नायगेहिं किर वियडं । दिन्नं अन्ने अन्ना-णओ य वियडं चिय भणंति ॥६३॥
 पीयं च तं विसेसं, अयाणमाणेहिं तेहिं साहूहिं । जाया य वियडविहुरा, तदडवगमे मुणियपरमत्था ॥६४॥
 चित्तेति ही! अकज्जं, कयं ति एयं महापमायपयं । इय वेरग्गा भत्तं, पच्चक्खिय ते महाधीरा ॥६५॥
 एग्गमि नईतीरे, सुविसंतुलकट्टुकूडउवरिमि । पाओचगया य अकाल-वरिससरिपूरहीरंता ॥६६॥
 जलहिगया जलचरभक्ख-णे वि उच्छल्लणाडडइदुत्थे वि । सम्मं समाहिपत्ता, अचलियसत्ता दिवं पत्ता ॥६७॥
 जइ ता एए एवं, असहाया तिच्चवेयणड्ढा वि । अच्चंतमडपडिकम्मा, पडिवण्णा उत्तिमं अट्टं ॥६८॥
 किं पुण अणगारसहायएण, कीरंतयमि परिकम्मे । संघे य समीवत्थे, आराहेउं न सक्केज्जा ॥६९॥
 जिणचयणमडमयभूयं, महुरं कन्नसुहयं सुणंतेण । सक्को हु संघमज्जे, साहेउं उत्तिमो अट्टो ॥७०॥
 तह नारयतिरिएसुं, माणुसदेवतणेसु य ठिएणं । जं पत्तं सुहदुक्खं, तं तह चिन्नेसु तच्चित्तो ॥७१॥
 नरएसु वेयणाओ, सीउण्हकयाओ बहुवियप्पाओ । कायनिमित्तं पत्तो, अणंतखुत्तो सुतिक्खाओ ॥७२॥

जइ दगचारगमाणं, अयपिंडं कोइ पक्खिखवे नरए । उन्हे भूमिमउपतो, निमिसेण तओ विलीएज्जा ॥७३॥
 तह चेव तप्पमाणो, पज्जलियो सीयनरयपक्खितो । सो च्चिय भूमिमउपतो, निमिसेण सडेज्ज अयपिंडो ॥७४॥
 जं सूलकूडसामलि-वेयरणिकलंबवालुयाउसिवणे । नरए लोहंगारे, खाविज्जंतो दुहं पतो ॥७५॥
 भज्जिययं पिव जं भज्जि-ओ सि जं गालिओ सि रसियं व । जं कप्पियो सि ^१वल्लुर-यं व चुन्नं व चुन्निकओ ॥७६॥
 तलिओ ततकवल्लीहिं, जं च कुंभीहिं पक्कओ जं वा । भिन्नो भल्लीहिं फलेहिं, फालिओ तं विचितेसु ॥७७॥
 तिरिएसु य छुहतन्दुह-सीयसूलंडकुसंडकदमणकयं । यहबंधमरणजणियं, धणियं चितेसु तं दुक्खं ॥७८॥
 पियचिरहे अप्पियसंग-मे य मणुपतणम्मि जं दुक्खं । धणहरणदारथरिसण-दारिदोवद्वकयं च ॥७९॥
 खंडणमुंडणताडण-जरोगवियोगसोगसंतावं । सारीरमाणसं तदुभ-यं च सम्मं विचितेसु ॥८०॥
 आणाउभियोगपरिभव-ईसाउमरिसाउउइ माणसं दुक्खं । देवेसु चवणचिता-वियोगविहुरेसु चितेसु ॥८१॥
 किंच-

सहसा परियाणिय चवण-चिंधं विहुरो सुरो विचितेइ । विरहाउउरतरलच्छो, तमउमरलच्छिं नियच्छंतो ॥८२॥
 वसिउं निच्चुज्जोए, सुरलोए सुरहिपरिमलघविए । निवसिस्सं गब्भहरे, दुग्गंधमहंडधयारम्मि ॥८३॥
 वसिऊण य पूइपुरीस-रुहिररसअसुइनिब्भरे गब्भे । संकोडियंडगमंडगो, ^२नीहं कह कडिकुडिच्छाओ ॥८४॥
 तह नयणाउमयवुट्ठिं, दट्ठुं सुरसुंदरीण मुहचंदं । हा! हत्थं नारीणं, मयनियडिघुडुक्कियं वयणं ॥८५॥
 रमिउं सुररमणीओ, सोमालसुयं व बंधुरंगीओ । नारिं पगलंताउसुइ-घट्टीसरिच्छं कह रमिस्सं ॥८६॥
 दुग्गंधमणुपतणुपरि-मलाउ दूरं पुरा पलायंतो । तं नरदेहं पूइं, पतो कतो पलाइस्सं ॥८७॥
 न कयं दीणुद्धरणं, न कयं धम्मियजणम्मि वच्छल्लं । हिययम्मि वीयराओ, न धारिओ हारिओ जम्मो ॥८८॥
 न कया य मए महिमा, जिणकल्लाणेषु सुकयकल्लाणा । मंदरगिरिनंदीसर-माउउईसु न सिद्धकूडेसु ॥८९॥
 विसयविसमुच्छिणं, मोहतमंडधेण वीयरागाणं । वयणाउमयं न पीयं, सुरजम्मं हा! मुहा नीयं ॥९०॥
 दलइ व जलइ व चलइ व, हिययं पीलिज्जइ व भिज्जइ व । चितिय सुरविहवसिरिं, घट्टइ व तडति फुट्टइ व ॥९१॥
 भवणं भवणाउ वणं, वणाउ सयणाउ सयणमउल्लियइ । ततसिलायलघोलिर-मच्छो व्व रइं न पावेइ ॥९२॥
 तं भमियं तं रमियं, तं हसियं तं पियाहिं सह वसियं । हा! कत्थ पुणो दच्छं, इय ^३पलवं इति विज्जाइ ॥९३॥
 इय चवणसमयभयविहुर-विबुहविसमं दसं नियंताणं । मोत्तुं धम्मं धीराणं, किं व हिययम्मि संटाउ ॥९४॥
 एयमउणंतं दुक्खं, चउगइगहणे परव्वसं सोदुं । ततो अणंतभागं, सहसु इमं सम्ममउप्पवसो ॥९५॥
 किं च तुहउणंतखुत्तो, आसी तन्हा भवम्मि तारिसिया । जं पसमेउं सव्वे, नइजलनिहिणो वि न तरेज्जा ॥९६॥
 आसी अणंतखुत्तो, संसारे ते छुहा य वारिसिया । जं पसमेउं सव्वो, पोग्गलकाओ वि न तरेज्जा ॥९७॥
 जइ तारिसिया तन्हा, छुहा य अवसेण ते तथा सोढा । धम्मो ति इण्हि सवसो, कहमेयाओ न सहसि तुमं ॥९८॥
^४सुइपाणएण अणुसट्ठि-भोयणेण य सया उवग्गहियो । झाणोसहेण तिव्वं पि, वेयणं अरिहसे सोदुं ॥९९॥

तथा-

अरिहंतसिद्धकेवलि-पच्चक्खं सव्वसंधसक्खिस्स । पच्चक्खाणस्स कयस्स, भंजणाउ वरं मरणं ॥९६००॥
 जइ ता कया पमाणं, अरिहंताउउई भवेज्ज खवग! तए । ता तस्सक्खियमउरिहसि, पच्चक्खाणं न भंजेउं ॥९१॥
 सक्खिकयरायहीलण-माउउवहइ नरस्स जह महादोसं । तह जिणवराउउइआसा-यणा वि महदोसमाउउवहइ ॥९२॥
 न तहा दोसं पावइ, पच्चक्खाणमउकरित्तु कालगओ । जह भंजणाउ पावइ, तस्सेव अबोहिबीयकयं ॥९३॥
 संलेहणापरिस्सम-मिमं कयं दुक्करं च सामण्णं । मा अप्पसोक्खहेउं, तिलोगसारं विणासेहि ॥९४॥
 धीरपुरिसपण्णत्तं, सप्पुरिसनिसेविअं इमं घेतुं । धन्ना निरवेयक्खा, संथारगया विवज्जति ॥९५॥
 इय पन्नविज्जमाणो, सो पुव्वं जायसंकिनेसो वि । विणियत्तो तं दुक्खं, पासिइ परदेहदुक्खं च ॥९६॥
 इय माणधणस्स महिडिद्वयस्स, उस्सगियं भवे कवयं । अववाइयं पि कवयं, आगाढे होइ कायव्वं ॥९७॥
 इय गुणमणिरुहणगिरि-धराए संवेगरंगशालाए । चउमूलद्वाराए, सोग्गइगमपउणपयवीए ॥९८॥

1. वल्लुरयं = मांसखण्डम् । 2. नीहं = निःसंरिष्यामि । 3. पलवं = प्रलपन् = विलपन् इत्यर्थः । 4. श्रुतिपानकेन = धर्मश्रवणरूपपानीयेन ।

| | |
|----------------------------------------------------------------------------------------------|------|
| आराहणाए पडिदार-नवगमइए समाहिलाभम्मि । भणियं चउत्थदारे, कवयं ति चउत्थपडिदारं | ॥११॥ |
| अह परकज्जइअमुज्जय-निज्जामयगुरुगिराए कयकवओ । जं कुणइ तं इयाणि, समयादारेण दंसेमि | ॥१०॥ |
| “पञ्चमम् समताद्वारस्वरूपम्” — | |
| अतिनिबिडकवयजुतो, सुहडो व्व झडति आरुहेऊण । निययपइत्राकुंजर-माडडराहणरणमुहम्मि ठिओ | ॥११॥ |
| उच्छालियउच्छाहो, पासत्थपढंतसाहुबंदीहिं । वेरग्गंथवायण-रणतूररवेण कयहरिसो | ॥१२॥ |
| संवेगपसमनिव्वेय-पमुहदिव्वाडडउहप्पभावेण । निद्धाडिंतो उब्भड अट्टमयट्टाणसुहडोलिं | ॥१३॥ |
| हासाडडइछक्कदुककंत-करिचडं उब्भडं पि विहडंतो । पडिखलमाणो इंदिय-तुरंगथट्टं पयट्टंतं | ॥१४॥ |
| दुस्सहपरिसहपाइक्क-चक्कमडच्युक्कडं पि विजयंतो । मोहमहारायं पि ह, निहणंतो तिजयदुज्जेयं | ॥१५॥ |
| खवगो पडिचक्कजया, पावियनिरवज्जजयजसपडागो । सव्वत्थ अपडिबद्धो, उवेइ सव्वत्थ समभावं | ॥१६॥ |
| तथाहि— | |
| सव्वेसु दक्खपज्जव-विहीसु निच्चं ममत्तदोसजडो । विप्पणयदोसमोहो, उवेइ सव्वत्थ समभावं | ॥१७॥ |
| संजोगविप्पओगेसु, चयइ इट्टेसु वा अणिट्टेसु । रइअरइऊसुगतं, हरिसं दीणत्तणं च तहा | ॥१८॥ |
| मित्तेसु य नाईसु व, सीसे साहम्मिए कुले वा वि । रागं वा दोसं वा, पुव्वुप्पन्नं पि सो चयइ | ॥१९॥ |
| भोएसु देवमाणुस्स-एसु न करेइ पत्थणं खवओ । मग्गो विराहणाए, भणिओ विसयाडभिलासो जं | ॥२०॥ |
| इट्टेसु अणिट्टेसु य, सद्धप्परिसरसरुवगंधेसु । इहपरलोए जीविय-मरणे माणाडवमाणेसु | ॥२१॥ |
| सव्वत्थ निव्विसेसो, होइ तगो रागदोसरहियप्पा । खवगस्स रागदोसा, जमुत्तमडुं विराहेति | ॥२२॥ |
| एवं सव्वत्थेसु वि, समभावं उवगओ विसुद्धप्पा । मेत्ति करुणं मुइयं, उवेइ खवगो उवेहं च | ॥२३॥ |
| तत्थ समत्थजिएसुं, मितिं करुणं किलिस्समाणेसु । मुइयं गुणाडहिएसुं, अविणेयजणेसु य उवेहं | ॥२४॥ |
| दंसणनाणचरित्तं, तवं च विरियं समाहिजोगं च । तिविहेणुवसंपज्जिय, सव्वुचरिल्लं कमं कुणइ | ॥२५॥ |
| इय कुनयकुरंगयवग्गुराए, संवेगरंगसालाए । चउमूलद्वाराए, सोग्गइगमपउणपयवीए | ॥२६॥ |
| आराहणाए पडिदार-नवगमइए समाहिलाभम्मि । भणियं चउत्थदारे, समया पंचमपडिदारं | ॥२७॥ |
| “षष्ठमध्यानद्वारम्” — | |
| समयापरायणेण वि, असुहज्जाणं विहाय सज्जाणे । जइयव्वं खवगेणं ति, झाणदारं निदंसेमि | ॥२८॥ |
| जियरागो जियदोसो, जिइंदिओ जियभओ जियकसाओ । अरइरइमोहमहणो, कयभवदुममूलनिद्वहणो | ॥२९॥ |
| अट्टं रोहं च दुवे, झाणाइं दुहमहानिहाणाइं । निउणमईए समयाउ, बुज्झिऊणुज्झिऊणं च | ॥३०॥ |
| धम्मं चउप्पयारं, सुक्कं पि चउव्विहं किलेसहरं । संसारभमणभीओ, झायइ झाणाइं सो दोण्णि | ॥३१॥ |
| न परीसहेहिं संताविओ वि, झाएज्ज अट्टरोदाइं । सुट्टुवहाणविसुद्धं पि, जेण एयाइं नासिति | ॥३२॥ |
| अमणुन्नसंपयोगे, मणुन्नविगमम्मि वाहिविहुरत्ते । परइडिडपत्थणम्मि य, अट्टं चउहा जिणा बेति | ॥३३॥ |
| हिंसाडलियचोरिक्काडणु-बंधिं सारक्खणाडणुबंधिं च । तिच्चकसायरउद्धं, रुद्धं पि चउव्विहं अहवा | ॥३४॥ |
| ‘कामाडणुरंजियं अट्टं, रोहं हिंसाडणुरंजियं । धम्माडणुरंजियं धम्मं, सुक्कं झाणं निरंजणं’ | ॥३५॥ |
| अट्टे चउप्पयारे, रुद्धम्मि चउव्विहम्मि जे भेया । ते सव्वे परिजाणइ, संथारगओ खवगसाहू | ॥३६॥ |
| तो भावणाहिं भाविय-चित्तो झाएइ धम्मवरझाणं । चउहा वि नाणदंसण-चरित्तवेरग्गरुवाहिं | ॥३७॥ |
| पढमं आणाविचयं, विपाकविचयं अवायविचयं च । संठाणविचयमेवं, धम्मज्झाणे झियाइ मुणी | ॥३८॥ |
| पउणमउणवज्जमउणुवम-मडणाडडइनिहणं महत्थमउचहत्थं । हियमउजियमउवितह-मउविरोहमउमोहमोहहरं | ॥३९॥ |
| गंभीरजुत्तिगरुयं, सुइसुहयमउवाहयं महाविसयं । निउणं जिणाणडडमाणं, चित्तेइ अचित्तमाहप्पं [दारं] | ॥४०॥ |
| इंदियविसयकसायाडडसवाडडइ-किरियासु वट्टमाणणं । नरयाडडइभवाडडवासे, विविहाडवाए विचित्तेज्जा [दारं] | ॥४१॥ |
| मिच्छताडडइनिमित्तं, सुहाडसुहं पयइठिइपएसाइं । कम्मविवागं चित्तेइ, तिच्चमंदाडणुभावं सो [दारं] | ॥४२॥ |
| पंचडत्थिकायमइयं, लोगमडणाडडइनिहणं जिणडक्खायं । तिविहमउहोलोगाडडई, दीवसमुदाडडइ चित्तेइ | ॥४३॥ |
| होइ य झाणविरमे, निच्चमडणिच्चाडडइभावणाडणुगओ । ताओ य सुविहियाणं, पवयणविहिणा पसिद्धाओ॥४४॥ | ॥४४॥ |

| | |
|----------------------------------------------------------------------------------------------|------|
| एयं समइक्कंतो, धम्मज्झाणं जया भवइ खवओ । ततो झायइ सुक्कं, चउभेयं सुद्धलेसागो | ॥४५॥ |
| बिंति पुहत्तवियक्कं, सवियारं जिणवरा पढमसुक्कं । बीयं सुक्कज्झाणं, एगत्तवियक्कमवियारं | ॥४६॥ |
| सुहुमकिरियानियट्ठिं, सुक्कज्झाणं भणंति तइयं तु । वोच्छिन्नकिरियमउप्पडिं-वाइक्कं खु चउत्थं पि | ॥४७॥ |
| पिहु वित्थरो ति भण्णइ, वित्थयभावो भवे पुहत्तं ति । वित्थरओ तक्कयई, चिंतयइ तो वियक्कं ति | ॥४८॥ |
| किह वित्थरओ भण्णइ, परमाणुजियाउउइएगदव्वमि । उप्पायट्ठिइभंगा, मुत्ताउमुत्ताउउइपज्जाया | ॥४९॥ |
| तेसिं जं अणुसरणं, नयभेएहिं बहुप्पयारेहिं । होइ वियक्को ति सुयं, तो पुव्वसुयाउणुसारेणं | ॥५०॥ |
| विचरण होइ विचारो, गमणं अन्नोन्नपज्जवेसुं तु । संकमणं अत्थवंजण, को अत्थो वंजणं किं वा | ॥५१॥ |
| दव्वं तु होइ अत्थो, वंजण होअक्खरं तु नामं च । जोगो य मणाउउईओ, अंतरभेएसु एएसु | ॥५२॥ |
| जं संचरणउन्नोत्ते, सो नियमा भण्णए वियारो ति । सह तेण वियारेणं, तो सवियारं पढमसुक्कं | ॥५३॥ |
| अहुणेगत्तवियक्कं, एगत्तं नाम एगपज्जाये । उप्पायट्ठिइभंगाउउइ-याणं जं होइ एगयरे | ॥५४॥ |
| होइ वियक्कं ति सुयं, पुव्वगयं तेण तं वियक्कं ति । न वि धरइ जमउण्णत्ते, वंजणअत्थे व जोगे वा | ॥५५॥ |
| तो भन्नइ अवियारं, निक्कंपं तं निवायदीवो व्व । वियसुक्कमेव भणियं, एगत्तवियक्कमउवियारं | ॥५६॥ |
| सुहुमम्मि कायजोगे, केवलिणो होइ सुहुमकिरियं तु । अकिरियमउप्पडिवाई, सेलेसीए चउत्थमिणं | ॥५७॥ |
| एयं कसायजुज्झम्मि, होइ खवगस्स आउहं झाणं । झाणविहुणो ण जिणइ, जुज्झं व निराउउउहो सुहडो | ॥५८॥ |
| इय झायंतो खवओ, जइया योत्तुमउसमत्थओ होइ । तइया निज्जवगाणं, साउभिप्पायप्पयडणत्थं | ॥५९॥ |
| हुंकारंउजलिभमुहंउगुलीहिं, अच्छीविकूणणेणं वा । सिरचालणपमुहेहि य, लिंगेहि निदंसइ सण्णं | ॥६०॥ |
| तो पडियरगा खवगस्स, देति आराहणाए उवयोगं । जाणंति सुयरहस्सा, कयसन्ना तस्स माणसियं | ॥६१॥ |
| इय समभावमुवगओ, तह झायंतो पसत्थयं झाणं । लेसाहिं विसुज्झंतो, गुणसेदिं सो समारुहइ | ॥६२॥ |
| इय धम्मसत्थमत्थयमणीए, संवेगरंगसालाए । चउमूलद्वाराए, सोग्गइगमपउणपयवीए | ॥६३॥ |
| आराहणाए पडिदार-नवगमइए समाहिलाभम्मि । भणियं चउत्थदारे, छट्ठं झाणं ति पडिदारं | ॥६४॥ |
| लेसाविसेसउ च्विय, सुहअसुहगईओ झाणजोगे वि । जायंति जेण तम्हा, लेसादारं निदंसेमि | ॥६५॥ |

“सप्तमलेश्याद्वारम्” —

| | |
|-----------------------------------------------------------------------------------------|------|
| किन्हाउउइकम्मदव्व्याण, विविहरुवाण सन्निहाणेण । पयईए निम्मलस्स वि, फालिहमणिणो व्व जीवस्स | ॥६६॥ |
| जंबूफलभक्खरगपुरिस-छक्कपरिणामभेयसंसिद्धो । हिंसाउउइभावभेओ, भण्णइ लेस ति परिणामो | ॥६७॥ |

तथाहि—

“जम्बूफलभक्षकदृष्टान्तः”

| | |
|---------------------------------------------------------------------------------------------|------|
| एगम्मि वणनिगुंजे, परिब्भमंतंतेहिं छहिं उ पुरिसेहिं । गयणंउगणउग्गगविसण-कए व्व उइढं पयइढंतो | ॥६८॥ |
| चक्कलविसालमूलो, सुपक्कफलभरनमंतसाहग्गो । पसरियबहुप्पसाहो, समंतओ गुच्छसंछइओ | ॥६९॥ |
| तह पइगुच्छं पेच्छिज्ज-माणपरिपिक्कसुरसफारफलो । पचणछडच्छोडणइडिय-पडियफलफुल्लतलभूमी | ॥७०॥ |
| एक्को जंबूरुक्खो भुक्खाए खामकुक्खिक्खुहरेहिं । दिट्ठो अदिट्ठपुव्वो, पच्चक्खं कप्परुक्खो व्व | ॥७१॥ |
| तो जंपिउं पयत्ता, परोप्परं ते जहां अहो! एसो । संपाविओ सुपुत्तेहिं, पायवो कह वि अम्हेहिं | ॥७२॥ |
| ता एह महातरुणो, इमस्स अमओवमाणि एयाणिं । खामो खणं फलाइं, एयं होउ ति किन्तु कहं | ॥७३॥ |
| अह तत्थेक्को जंपइ, आरुहमाणण जीवसंदेहो । तो छिदिऊण मूले, पाडेउं ताहे भक्खामो | ॥७४॥ |
| बीओ बेइ किमिमिणा, तरुणा सव्वंगिएण छिन्नेण । छिंदह महल्लसाहं, एक्कं तइओ पुण पसाहं | ॥७५॥ |
| गोच्छे बेइ चउत्थो, पंचमओ भणइ भुंजह फलाइं । छट्ठो भणइ सयं चिय, पडिए भूमीए भक्खामो | ॥७६॥ |
| दिट्ठंतस्सोवणओ, जो भणइ तत्थ छिदिमो मूला । सो वट्ठइ कण्हाए, साहाछिंदावगो य नरो | ॥७७॥ |
| नीलाए लेसाए, पसाहछिंदावगो कयोयाए । गोच्छेदुवएसी, वट्ठइ पुण तेउलेसाए | ॥७८॥ |
| तग्गयफलगाही पुण, पम्हाए वट्ठइ य सुक्काए । सयमेव धरणिणिवडिय-फलगहणुवएसदाणपरो | ॥७९॥ |
| अह वा गामविलुंपग-छच्चोरा ताण जंपए एगो । द्धुपयं चउप्पयं वा, जं पासह हणह तं सव्वं | ॥८०॥ |
| बीओ य माणुसाइं, पुरिसे च्विय तइयओ हणावेइ । सत्थकरे उ चउत्थो, पंचमगो पहरमाणे उ | ॥८१॥ |

छट्टो भण्डे तुम्हे, एक्कं ता हरह निदया दविणं । अन्नं मारेह जणं, अहह! महापाचमेयं ति ॥८२॥
 ता मा करेह एवं, दविणं चिय लेह जं 'चए पत्ते । तुम्ह पुण हवइ एयं, उवसंहारो इमो तेसिं ॥८३॥
 वट्टइ सो कण्हाए, जो जंपइ हणह सव्वगामं ति । एवं कमेण सेसा, जा चरिमो सुक्कलेसाए ॥८४॥
 किण्हा नीला काऊ, लेसाओ तिन्नि अप्पसत्थाओ । चयसु सुविसुद्धकरणो, संवेगमणुत्तरं पत्तो ॥८५॥
 तेऊ पम्हा सुक्का, लेसाओ तिन्नि सुप्पसत्थाओ । उवसंपज्जसु कमसो, संवेगमणुत्तरं पत्तो ॥८६॥
 परिणामविसुद्धीए, लेसासुद्धी उ होइ जीवस्स । परिणामविसुद्धी पुण, मंदकसायस्स नायव्वा ॥८७॥
 मंदा होंति कसाया, बाहिरदव्वेसु संगरहियस्स । पावइ लेसासुद्धिं, तम्हा देहाडडइसु असंगो ॥८८॥
 जह तंदुलस्स कुंडय-सोही सतुसस्स तीरइ न काउं । तह जीवस्स न सक्का, लेसासोही ससंगस्स ॥८९॥
 उक्कोसाडडइठाणेसु, सुद्धलेसाण वट्टमाणो सो । कालं करेज्ज जइ ता, तारिसमाडडराहणं लहइ ॥९०॥
 ता लेसासुद्धीए, जतो नियमेण होइ कायव्वो । जल्लेसो मरइ जिओ, तल्लेसेसुं तु उववज्जे ॥९१॥
 लेसाडईयं तु गतो, परिणामं नाणदंसणसमग्गो । अक्खयसोक्खसमिद्धिं, पावइ सिद्धिं धुयकिलेसो ॥९२॥
 इय समपसिंधुवेलोचमाए, संवेगरंगसालाए । चउमूलद्वाराए, सोग्गइगमपउणपयवीए ॥९३॥
 आराहणाए पडिदार-नवगमइए समाहिलाभम्मि । भणियं चउत्थदारे, लेसा सत्तमपडिदारं ॥९४॥
 लेसाविसुद्धिमाडडरोहिऊण, आराहणं खमगसाहू । जं पाउणइ तमेत्तो, फलदारेणं निदंसेमि ॥९५॥

“अष्टमफलद्वारम्” —

आराहगो य तिविहो, उक्कोसो मज्झिमो जहन्नो य । लेसादारेण फुडं, वोच्छामि विसेसमेयस्स ॥९६॥
 सुक्काए लेसाए, उक्कोसगमंडसगं परिणमेत्ता । जो मरइ सो हु नियमा, उक्कोसाडडराहगो होइ ॥९७॥
 जे सेसा सुक्काए, अंसा जे आवि पम्हलेसाए । ते पुणं जो सो भणिओ, मज्झिमओ वीयरगेहिं ॥९८॥
 तेउलेस्साए जे, अंसा अह ते उ जो परिणमित्ता । मरइ तओ विं हु नेओ, जहन्नआराहगो एत्थ ॥९९॥
 एसो पुण सम्मत्ताइ-संगओ चेव होइ विन्नेओ । न हु लेसामित्तेणं, तं जमडभव्याण वि सुराणं ॥१००॥
 एवं च केइ उक्कोस-गाए आराहणाए नीसेसे । खविऊणं कम्मंसे, सिद्धिं गच्छति विहयरया ॥१०१॥
 अह मज्झिममाडडराहण-माडडराहिय साडवसेसकम्मंसा । सुविसुद्धसुक्कलेसा, भवंति लवसत्तमा देवा ॥१०२॥
 कप्पोवगा सुरा जं, अच्छरसहिया सुहं अणुभवन्ति । ततो अणंतगुणियं, सोक्खं लवसत्तमसुराणं ॥१०३॥
 केइ वि मज्झिमलेसा, चरित्तवनाणदंसणगुणा य । वेमाणियदेविंदा, भवंति सामाणियसुरा वि ॥१०४॥
 सुयभत्तीए समग्गा, उगतवा नियमजोगसंसुद्धा । लोगंतिया सुरवरा, हवंति आराहया धीरा ॥१०५॥
 जावइयाउ रिद्धीओ, होंति इंदियगपाणि य सुहाणि । फुडमाडडगमेसिभदा, लभन्ति आराहया ताइ ॥१०६॥
 जे वि हु जहन्नियं तेओ-लेसियाडडराहणं पवज्जन्ति । ते वि जहन्नेणं चिय, लभन्ति सोहम्मदेविडिडं ॥१०७॥
 भोए अणुत्तरे भुंजि-ऊण ततो चुया सुमाणुस्से । इडिडमडउलं चइत्ता, चरन्ति जिणदेसियं धम्मं ॥१०८॥
 सइमंता थीमंता, सद्धासंवेगवीरिओवगया । जिता परीसहचमं, उवसग्गरिउं अभिभवित्ता ॥१०९॥
 सुक्कं लेसमुवगया, सुक्कज्झाणेण खवियसंसारा । उम्मुक्ककम्मकयया, उर्वन्ति सिद्धिं धुयकिलेसा ॥११०॥
 जेण जहन्नेणाडवि हु, काऊणाडडराहणं धुयकिलेसा । सत्तद्वभवाणडडम्मं-तरम्मि पारिविंति परमपयं ॥१११॥
 सव्वन्नू सव्वदरिसी, निरुवमसुहसंगया य ते तत्थ । जम्माडडइदोसरहिया, चिद्धन्ति सया वि भगवंतो ॥११२॥
 नारयतिरिएसु दुहं, किंचि सुहं होइ तह य मणुएसु । देवेसु किंचि दुक्खं, मोक्खे पुण सव्वहा सोक्खं ॥११३॥
 तथा—

रागाडडईणमडभावा, जम्माडडईणं असंभवाओ य । अव्याबाहाओ खलु, सासयसोक्खं खु सिद्धाणं ॥११४॥
 रागो दोसो मोहो, दोसाडभिस्संगमाडडइलिंग ति । अइसंकिलेसत्तं वा, हेऊ चिय संकिलेसस्स ॥११५॥
 एएहडभिभूयाणं, संसारीणं कओ सुहं किंचि । जाइजरामरणजलं, भवजलहिं परियडंताणं ॥११६॥
 रागाडडइचिरहओ जं, सोक्खं जीवस्स तं जिणो मुणइ । न हि सन्निवायगहिओ, जाणइ तदडभावजं सोक्खं ॥११७॥

| | |
|---------------------------------------------------------------------------------------------|------|
| डड्ढम्भि जहा बीए, न होइ पुण अंकुरस्स उप्पती । तह चेष कम्मबीए, दड्ढम्भि भयंङ्कुरस्साडवि | ॥१८॥ |
| जम्माडभावे न जरा, न य मरणं न य भयं न संसारो । एएसिमडभावाओ, कहं न मोक्खे परं सोक्खं | ॥१९॥ |
| अव्वाबाहाउ च्चियं, सयल्लिन्दियविसयभोगपज्जंते । उच्छुक्कनियितीओ, संसारसुहं व सद्धेयं | ॥२०॥ |
| एसा सयल्लिन्दियविसय-भोगपज्जन्तवत्तिणी नवरं । उच्छुक्कनियिती थेष-कालिया पुण तदिच्छाओ | ॥२१॥ |
| पुणरडभिलासाडभावा, सिद्धाणं सब्बकालिगी पुण सा । एगंतिगा य अच्चंति-गा य ता तेसि परमसुहं | ॥२२॥ |
| इय अणुहवजुतीहेउ-संगयं नूण निद्धियड्डाणं । अत्थि सुहं सद्धेयं, तह जिणचंदाडडगमाओ य | ॥२३॥ |
| आराहणविहिमेयं, आराहिता जहाडडगम्मं सम्मं । तीयडद्धाए अणंता, सिद्धा जीवा धुयकिलेसा | ॥२४॥ |
| आराहणविहिमेयं, आराहिता जहाडडगम्मं सम्मं । इण्हिं पि हु संखेज्जा, सिज्झंति विचक्खिए काले | ॥२५॥ |
| आराहणविहिमेयं, आराहिता जहाडडगम्मं सम्मं । एसडद्धाए अणंता, सिज्झिस्संति धुयं जीवा | ॥२६॥ |
| आराहणविहिमेयं, एमेव विराहिउं तिकालं पि । एत्थु अणेगे जीवा, संसारपवड्डगा भणिता | ॥२७॥ |
| नाऊण एवमेयं, इमीए आराहणाए जइयव्वं । न हु अण्णो पडियारो, को वि इहं भवसमुद्दम्भि | ॥२८॥ |
| मूलमिमीए वि नेयं, एगंतेणेव भव्वसत्तेहिं । सद्धाडडइभावओ खलु, आगमपरतंतया गरूई | ॥२९॥ |
| जम्हा न मोक्खमग्गे, मोतूणं आगमं इह पमाणं । विज्जइ छउमत्थाणं, तम्हा तत्थेव जइयव्वं | ॥३०॥ |
| आगमपरतंतैहिं, तम्हा निच्चं पि सोक्खकंखीहिं । सब्बमडणुट्टाणं खलु, कायव्वं अप्पमत्तैहिं | ॥३१॥ |
| मरणविभत्तिदारे, पुच्चिं जं सूइयं इहाडडसि जहा । भणियं आराहणफल-दारे मरणप्फलं पि फुडं | ॥३२॥ |
| अह अणुकमेण संपइ, संपते तम्मि अहिगयदारे । मरणाणं पि फलमडहं, केत्तियमितं पि कित्तेमि | ॥३३॥ |
| तत्थ य अविसेसेणं, वेहाणसगद्धपट्टजुत्ताइं । पढममरणाणि अट्ट वि, भण्णंति दुग्गइफलाइं | ॥३४॥ |
| तह सामण्णेणं चिय, पुव्वुत्तविहीए कित्तियकमाणि । सत्त उण उवरिमाइं, मरणाइं सोग्गइफलाइं | ॥३५॥ |
| नवरं अंतिममरण-तिगस्स सविसेसमडवि फलं वोच्छं । सेसचउक्कस्स उ त-प्पवेसओ तुल्लमेव फलं | ॥३६॥ |
| तत्थ वि भत्तपरिन्ना-पवन्नियं चिय फलं णियट्टाणे । एत्तो उ इंगिणीमरण-गोयरं फलमिमं भणिमो | ॥३७॥ |
| भणियविहीए सम्मं, साहेत्ता इंगिणिं धुयकिलेसा । सिज्झंति केइ केइ, भवंति देवा विमाणेसु | ॥३८॥ |
| इय इंगिणिमरणफलं पि, पयडियं सुत्तासाहियविहीए । अह पायवोवगमणाड-भिहाणमरणप्फलं भणिमो | ॥३९॥ |
| सम्मं पाओवगओ, धम्मं सुक्कं च सुट्ठु ज्ञायंतो । उज्झियदेहो जायइ, को वि वेमाणियसुरेसु | ॥४०॥ |
| को वि य पहीणकम्मो, कमेण पाउणइ सिद्धिसोक्खं पि । तस्स य भणामि लाभ-क्कमं सरुयं च ओहेण | ॥४१॥ |
| आराहगो जहुत्तर-चरणविसुद्धीए धम्मसुक्काइं । ज्ञायंतो सुहलेसो, अपुव्वकरणाडडइगकमेण | ॥४२॥ |
| महिऊण मोहजोहं, साडडचरणं खवगसेढिमाडडरुढो सुहडो इव रणसीसं, केवलरज्जं समज्जिणइ | ॥४३॥ |
| तत्तो देसूणं पुव्वकोडि-मंडतोमुहुत्तमेत्तं वा । विहरइ अह वेयणिज्जं, अइबहुयं थोवमाडडउं च | ॥४४॥ |
| होज्ज तओ स महप्पा, अंतमुहुत्तम्मि आउगे सेसे । कुणइ समुग्घायं तुल्ल-ठिइकए सेसकम्माणं | ॥४५॥ |
| उल्लं संतं वत्थं, विरिल्लियं जह विसुक्कइ खरणेणं । संवेल्लियं तु न तहा, तह वेयणियाडडइकम्माइं | ॥४६॥ |
| बहुकालक्खवणिज्जाइं-डणुक्कमं वेयणेण किर जाइं । खिज्जंति ताइं णियमा, समवहयस्स क्खणेणं पि | ॥४७॥ |
| इय नीसेसाडडचरणाड-वगमवियंभंतवीरिउल्लासो । आरभइ समुग्घायं, लहुकम्मखयट्टया तत्थ | ॥४८॥ |
| चउहिं समएहिं दंडग-कवाडमंथजयपूरणाणि तओ । कुणइ कमेण णियत्तइ, तहेव सो चउहिं समएहिं | ॥४९॥ |
| काऊणाडडउसमं सो, वेयणियं तह य नामगोत्तातिं(इं) । सेलेसिमुवागंतुं, जोगनिरोहं तओ कुणइ | ॥५०॥ |
| बायरमणप्पओगं, बायरकाएण बायरचइं च । बायरकायं पि तहा, रंभइ सुहुमेण काएण | ॥५१॥ |
| तत्तो सुहुमं मणवइ-जोगं रंभेतु सुहुमकाएण । काइयजोगे सुहुमम्मि, सुहुमकिरियं जिणो झाइ | ॥५२॥ |
| सुहुमकिरिएण ज्ञाणेण, सुनिरुद्धे सुहुमकायजोगे वि । सेलेसी होइ तओ, अबंधगो निच्चलपएसो | ॥५३॥ |
| अवसेसकम्मअंस-क्खयाय पंचक्खरुग्गिरणकालं । वोच्छिन्नकिरियमडप्पडि-वाइ ज्ञाणं झियाइ तओ | ॥५४॥ |
| सो तेण पंचमत्ता-कालेण खवेइ चरिमझाणेण । अणुइन्नाओ उवरिम-समए सब्बाउ पयडीउ | ॥५५॥ |
| चरिमसमयम्मि तो सो, खवेइ वेइज्जमाणपयडीओ । बारस तित्थयरजिणो, एक्कारस सेससव्वन्नू | ॥५६॥ |

| | |
|---------------------------------------------------------------------------------------------------|------|
| ततो अविग्गहाए, गईए समए अणंतरे चेव । पावइ जगस्स सिहरं, खेतं कालं च अफुसंतो तथाहि— | ॥५७॥ |
| पज्जतमेतसन्निस्स, जेत्तिपाइं जहन्नजोगिस्स । होति मणोदब्बाइं, तव्वावारो य जम्मतो | ॥५८॥ |
| तयउसंखगुणविहीणे, समए समए निरुंभमाणो सो । मणसो सव्वनिरुहं, कुणइ असंखेज्जसमएहिं | ॥५९॥ |
| पज्जतमेतबिंदिय-जहन्नयइजोगपज्जया जे उ । तदउसंखगुणविहीणे, समए समए निरुंभंतो | ॥६०॥ |
| सव्वयइजोगरोहं, संखाउईएहिं कुणइ समएहिं । ततो उ सुहुमपणगस्स, पढमसमओववन्नस्स | ॥६१॥ |
| जो किर जहन्नजोगो, तदउसंखेज्जगुणहीणमेक्कसमएण । समए निरुंभमाणो, देहतिभागं च मुंचंतो | ॥६२॥ |
| रुंभइ स कायजोगं, संखाउईएहिं चेव समएहिं । तो कयजोगनिरुहो, सेलेसीभावणामेइ | ॥६३॥ |
| सेलेसो किर मेरु, सेलेसी होइ जा तहाउचलया । होउं व असेलेसो, सेलेसी होइ थिरयाए | ॥६४॥ |
| अहवा सेलु व्य इसी, सेलेसी होइ सो उ थिरयाए । सेव अलेसी होइ, सेलेसी होअलोवाओ | ॥६५॥ |
| सीलं व समाहाणं, निच्छयओ सव्वसंवरो सो य । तस्सेसो सीलेसो, सेलेसी होइ तदउवत्था | ॥६६॥ |
| हस्सउक्खराइं मज्जेण, जेण कालेण पंच भण्णंति । अच्छइ सेलेसिगओ, ततियमेतं तओ कालं | ॥६७॥ |
| तणुरोहाउउरंभाओ, झायइ सुहुमकिरियाउनियट्ठिं सो । वोच्छिन्नकिरियमउप्पडि-वाइ सेलेसिकालम्भि | ॥६८॥ |
| 'तदउसंखेज्जगुणासेटीए, विरइयं आसि जं पुरा कम्मं । समए समए खवयं, कमसो सेलेसिकालेण | ॥६९॥ |
| सव्वं खवेइ तं पुण, निल्लेव किंचि दुचरिमए समए । किंचि व्य होइ चरिमे, सेलेसीए तयं वोच्छं | ॥७०॥ |
| मणुयगइजाइतसबाय-रं च पज्जत्तसुभगमाउउएज्जं । अन्नयरवेयणिज्जं, नराउमुच्चं जसो नामं | ॥७१॥ |
| संभवओ जिणनामं, नराउणुपुव्वी य चरिमसमयम्भि । सेसा जिणसंताओ, दुचरिमसमयम्भि निट्ठिति | ॥७२॥ |
| ओरालियाउउइसव्वाहिं, चयइ विप्पजहणाहिं जं भणियं । निस्सेसतया न जहा, देसच्चाएण सो पुच्चिं | ॥७३॥ |
| तस्सोदइया भावा, भव्वतं च विणियत्तए समयं । सम्मत्तनाणदंसण-सुहसिद्धत्ताणि मोत्तूणं | ॥७४॥ |
| रिजुसेट्ठिं पडिवत्तो, समयपएसंउतरं अफुसमाणो । एगसमएण सिज्झइ, अह सागारोवउत्तो सो | ॥७५॥ |
| उड्डं बंधणमुक्को, तहा सहावत्तओ य सो जाइ । जह एरंडस्स फलं, बंधणमुक्कं समुप्फिडइ | ॥७६॥ |
| परओ धम्माउभावा, तस्स गई नत्थि कम्ममुक्कस्स । होइ अधम्मेण ठिई, साइअणंतं च से कालं | ॥७७॥ |
| इह देहतिगं मोत्तुं, सिज्झइ गंतुं तहिं सहावत्थो । चरिमत्तणुतिभागूणं, अवगाहमुवेइ जीवघणं | ॥७८॥ |
| ईसीपम्भाराए, सीयाए जोयणेण लोगंतो । सिद्धाणोगाहणया, उक्कोसं कोसच्छम्भाओ | ॥७९॥ |
| तेलोक्कमत्थयत्थो, सो सिद्धो दव्वपज्जयसमेयं । जाणइ पासइ, भगवं, तिकालजुत्तं जयमउसेसं | ॥८०॥ |
| भावे समविसमत्थे, सूरु जगवं जहा पयासेइ । लोगमउलोगं च तहा, निव्वाणगओ पयासेइ | ॥८१॥ |
| जं नत्थि सव्वबाहाओ, तस्स सव्वं पि जाणइ जयं जं । जं च निरुस्सुगभायो, परमसुही तेण सुपसिद्धो | ॥८२॥ |
| परमिड्डीपत्ताणं, मणुजाणं नत्थि तं सुहं लोणे । अब्बाबाहमउणुवमं, जं सोक्खं तस्स सिद्धस्स | ॥८३॥ |
| देवेदचक्कवट्ठी, इंदियसोक्खं च जं अणुहवन्ति । ततो अणंतगुणियं, अब्बाबाहं सुहं तस्स | ॥८४॥ |
| तीसु वि कालेसु सुहाणि, जाणि पवराणि नरसुरिदाणं । ताणेगसिद्धसोक्खस्स, एगसमयं पि नउग्घंति | ॥८५॥ |
| विसएहिं से न कज्जं, जं नत्थि छुहाउउइयाओ बाहाओ । रागाइआ य उवभोग-हेउणो तस्स जं नत्थि | ॥८६॥ |
| एत्तो च्विय निच्चं पि हु, भासणचंक्रमणचित्तणाउउईणं । चेट्ठाण नत्थि भावो, निट्ठियअट्ठम्भि सिद्धम्भि | ॥८७॥ |
| अणुवममउमेयमउक्खय-मउमलं सियमउजरमउरुजउमभयं धुवं । एगंतियमउच्चंतिय-मउव्वाबाहं सुहं तस्स | ॥८८॥ |
| इय पायवोवगमणाउभिहाण-जिणजोगचरममरणस्स । आगमजुत्तीए फलं, संखेवेणं समकंखायं | ॥८९॥ |
| आराहणाफलमिणं, सोउं संवेगवडिडउच्छाहा । काऊण तइं सव्वे, भव्वा निव्वुइसुहमुचित्तु | ॥९०॥ |
| इय करणसउणिपंजरसमाए, संवेगरंगसालाए । चउमूलद्वाराए, सोग्गइगमपउणपयवीए | ॥९१॥ |
| आराहणाए पडिदार-नवगमइए समाहिलाभम्भि । भणियं चउत्थदारे, फलं ति अट्ठमपडिदारं | ॥९२॥ |

1. तदउसंखेज्जगुणाए, गुणसेटीए रइयं पुरा कम्मं पाठां० ।

“नवमम् विजहनाद्वारम्” —

| | |
|-------------------------------------------------------------------------------------------------------------------------------------------------------------------------------------------------|-------|
| जीवं पडुच्च पुव्वं, फलाडयसाणाणि अरिहमाडडईणि । दाराणि दंसियाइं, एत्तो पुण जीवंचियलस्स | ॥९३॥ |
| खमगसरीरस्स भवे, जो किर कायच्चवित्थरो कोई । सो विजहणदारेणं, जिणमयनिदिद्धनाएणं | ॥९४॥ |
| भन्नइ साहूण अणु-ग्गहट्टया होति विजहणाए य । परिठयणा परिचाओ, उज्झणमिच्चाइ एगट्टा | ॥९५॥ |
| सा पुण पुव्वपवण्णिय-कमेण खमगम्मि मरणमडणुपते । निज्जामगेहिं सम्मं, तदीयदेहस्स कायच्चा | ॥९६॥ |
| न य कायव्वो सोगो, जहा अहो! सो तहा महाभागो । चिरमुवचरिओ चिरपज्जु-वासिओ चिरमडहावसिओ | ॥९७॥ |
| सिक्खाविओ य सुचिरं, समाहिकरणेण चिरमडणुग्गहिओ । नाणाडडईहिं गुणेहिं, बंधु व्व सुओ व्व मित्तो व्व | ॥९८॥ |
| अम्हं इट्ठो आसी, निक्कित्तिमपेमभायणं च परं । इहिं च मतुणा कह-मडवहरिओ निक्किव्वेणं सो | ॥९९॥ |
| हा! हा! मुट्ठा मुट्ठ ति, एयमडक्कंदसदमाडडईओ । जम्हा इह कीरंते, सरीरयं सि(डि)ज्जई अचिरा | ॥१००॥ |
| परिगलइ बलमडसेसं, सई पणस्सइ विवज्जए बुद्धी । उप्पज्जइ गहिलत्तं, संभवइ हिययरोगो वि | ॥११॥ |
| हायति इंदियाइं, छलंति खुट्ठा य देवया कहवि । झिज्जइ समयाडडयन्नण-समुब्भवो सुहविवेगो वि | ॥१२॥ |
| संजायइ लहुयत्तं, संभाविज्जइ दढं विमूढत्तं । किं बहुणाडणत्थाणं, सोगो सब्बेसि समवायो | ॥१३॥ |
| ता तं दूरम्मि समुज्झिऊण, निज्जामगा महामुणिणो । दढमडप्पमत्तचित्ता, भवठिइमेवं विभावेंति | ॥१४॥ |
| हे जीवं! कीस सोयसि, किं न तुमं मुणसि जो इहं जाओ । तस्साडवस्संभावी, मच्चू जम्मो पुणो मरणं | ॥१५॥ |
| अप्पडियारं च इमं, कहमिहरा भासरासिणो उदए । कूरग्गहस्स वि तहा, विन्नवणम्मि वि सुरिंदस्स | ॥१६॥ |
| अतुलियबलसारेणं ति-जयपहुपरमेसरेण वीरेण । पडियालियं न थेवं पि, सिद्धिगमणं जिणवरेणं | ॥१७॥ |
| न य तस्स सुचिरसंचिय-सुकयस्स गुणोलिनिलयभूयस्स । अइघोरपंकपम्मुक्क-संजमुज्जोगजुत्तस्स | ॥१८॥ |
| आराहणमाडडराहिय, पंचत्तं पावियस्स खमगस्स । विज्जइ मणागमेत्तं पि, नूण संसोयणिज्जं ति | ॥१९॥ |
| अलमेत्थ पसंगेणं, एवं सम्मं विभाविउं धीरा । तग्गयविहिं समगं, कुब्बंति लहुं णिरुव्विग्गा | ॥२०॥ |
| नवरं कालगयस्स हु, सरीरमंडतो व्व होज्ज बाहिम्वा । जइ अंतो निज्जयगा, इमेण विहिणा विगिंचन्ति | ॥२१॥ |
| जत्थेव मासकप्पं, वासावासं व साहूणो ठंति । पढमं चिय गीयत्था, तत्थ महाथंडिले पेहे | ॥२२॥ |
| दिसि अवरदक्खिणा ^१ दक्खिणा ^२ य, अवर ^३ य दक्खिणापुव्वा ^४ । अवरुतरा ^५ य पुव्वा ^६ , उत्तर ^७ पुव्वुतरा चेव ^८ | ॥२३॥ |
| पढमाए अन्नपाणं, सुलहं बीयाए दुल्लहं होइ । उवही पुण तइयाए, नत्थि चउत्थीए सज्झाओ | ॥२४॥ |
| पंचमियाए कलहो, गणभेओ ताण होइ छट्ठीए । सत्तमदिसि गेलन्नं, मरणं पुण अट्टमीए उ | ॥२५॥ |
| पढमदिसावाघाए, बीयाडडईणं पि सो गुणो होइ । कमसो सब्वासु तओ, दिसासु महथंडिले पेहे | ॥२६॥ |
| जं वेलं कालगओ, तव्वेलंगुट्टमाडडइ बंधेज्जा । छेयणजग्गण वसभा, कुणंति धीरा सुयरहस्सा | ॥२७॥ |
| वन्तरमाडडई वि तयं, देहमडहिट्ठेज्ज तेण उट्ठेज्जा । आगमविहिणा धीरेहिं, उवसमो तस्स कायव्वो | ॥२८॥ |
| दोत्रि य दिवड्ढभोगे, दब्भमया पुत्तला य कायच्चा । समभोगे पुण एगो, अवड्ढभोगे न कायव्वो | ॥२९॥ |
| तिन्नेव उत्तराइं, पुणव्वसू रोहिणी विसाहा य । एए छन्नक्खत्ता, पणयालमुहुत्तसंभोगा | ॥३०॥ |
| सयभिसया-भरणीओ, अदा अस्सेस साइ जेट्ठा य । छ इमे अवड्ढभोगा, समभोणा सेसनक्खत्ता | ॥३१॥ |
| जत्तोहुत्तो गामो, तत्तो सीसं ठवेत्तु तं घेत्तुं । गच्छंति थंडिलं पति, अपच्छओ ते नियच्छंता | ॥३२॥ |
| सुत्तत्थतदुभयविऊ, पुरओ घेतूण पाणगकुसे य । गच्छइ य तणाइं सो, समाइं सव्वत्थ संथरइ | ॥३३॥ |
| विसमा जइ होज्ज तणा, उवरिं मज्झे व हेट्टओ वा वि । मरणं गेलन्नं वा, ता गणथरवसभभिक्खूण | ॥३४॥ |
| जत्थ य नत्थि तणाइं, चुन्नेहिं तत्थ केसरेहिं व । कायव्वोडत्थ ककारो, हेट्टि तकारं च बंधेज्जा | ॥३५॥ |
| जाए दिसाए गामो, तत्तो सीसं तु होइ कायव्वं । उट्ठितरक्खणट्ठा, न नियत्तेज्जा पयक्खिणिउं | ॥३६॥ |
| चिंधट्ठा रयहरणं, दोसा उ भवे अचिंधकरणम्मि । गच्छेज्ज व सो मिच्छं, राया व करेज्ज गामवहं | ॥३७॥ |
| जो जहियं सो तत्तो, नियत्तइ अविहिकाउसगं च । आगम्म गुरुसयासे, कुणंति तत्थेव न कुणंति | ॥३८॥ |
| खमणमडस(सम)ज्झायं वा, रायणियमहानिनायनियगेसु । कायव्वं नियमेणं, असिवाडडइमए न कायव्वं | ॥३९॥ |
| बीयदियहम्मि थेरा, सुत्तत्थविसारया पलोएत्ति । खमगसरीरं तत्तो, सुहाडसुहगइं विजाणंति | ॥४०॥ |

| | |
|--------------------------------------------------------------------------------------------|------|
| तरुसिहरगए सीसे, निव्वाण' विमाणवासि' थलकरणे । जोइसियवाणमंतर, समम्मि' खड्डाइ भवणवई | ॥३१॥ |
| जइ दिवसे संयिक्खइ, तमडणालिद्धं च अक्खयं मडयं । तइ वरिसाणि सुभिक्खं, खेमसियं तम्मि रज्जम्मि | ॥३२॥ |
| जं वा दिसमुवणीयं, सरीरयं सावएहिं खवगस्स । ताए दिसाए सुभिक्खं, विहारजोगं सुविहियाणं | ॥३३॥ |
| इय सिरिजिणचंदमुणिंद-रइयसंवेगरंगसालाए । चउमूलदाराए, सोग्गइगमपउणपयवीए | ॥३४॥ |
| आराहणाए पडिदार-नवगमइए समाहिलाभम्मि । भणियं चउत्थदारम्मि, विजहणा नवमपडिदारं | ॥३५॥ |
| तम्मणणा पुण वुत्तं, समाहिलाभो ति तुरियदारं पि । तम्मणणे य समत्थिय-मित्थं आराहणासत्थं | ॥३६॥ |
| इय महसेणस्स महा-मुणिस्स जह गोयमेण सिद्धमिमं । तह सच्चं निदिद्धं, एत्तो जं वुत्तमाडडसि पुरा | ॥३७॥ |
| जह तं आराहिता, सिद्धिं सो पाविहिति तमियाणि । साहेमि समासेणं, गोयमकहियाडणुसारेणं | ॥३८॥ |
| तेलोककतिलयकप्पस्स, कप्पपहुवंदियस्स वीरस्स । सीसो गोयमसामी, सवित्थराडडराहणविहाणं | ॥३९॥ |
| पडिपुन्नमेवमडणगार-वग्गगिहिगोयरं सदिद्धं । पन्नविउं महसेणं, पुव्वुद्धिं मुणिं भणइ | ॥४०॥ |
| भो भो महायस! तए, जं पुट्टं आसि तं मए सिद्धं । ता एत्तो अपमतो, एत्थुज्जमसु तुमं जम्हा | ॥४१॥ |
| ते धन्ना सप्पुरिसा, तेहि सुलद्धं च माणुसं जम्मं । आराहणा हु एसा, पडिवण्णा जेहिं संपुन्ना | ॥४२॥ |
| ते सूरा ते धीरा, पडिवज्जिय जेहिं संघमज्झम्मि । आराहणापडागा, सुहेण गहिया चउक्खंथा | ॥४३॥ |
| किं नाम तेहिं लोए, महाणुभावेहिं होज्ज नो लद्धं । जेहिं इमं संपत्तं, अणग्घमाडडराहणारयणं | ॥४४॥ |
| आराहणाठियाणं, कुणंति साहिज्जमुज्जुया जे य । जम्मे जम्मे पावंति, ते वि आराहणं परमं | ॥४५॥ |
| आराहयं मुणिं जे, सेविति नमंति भतिसंजुता । आराहणाफलं सुगइ-सोक्खरूयं लहंति ते | ॥४६॥ |
| इय गोयमेण भणिए, हरिसवसुच्छलियबहलरोमंचो । महसेणो रायरिसी, तिपयाहिणिऊण गणनाहं | ॥४७॥ |
| धरणियलचुंबिणा मत्थ-एण पणमित्तु अपुणरुत्ताहिं । अच्चन्तमहत्थाहिं, गिराहिं इय थोउमाडडरद्धो | ॥४८॥ |
| जय मोहतिमिरपूरिय-तिहुयणभवणप्पयासणपईव! । जय निव्वुडपुरसंमुह-पत्थियभव्वोहसत्थाह! | ॥४९॥ |
| जय विमलकेवलाडडलोय-लोयणाडडलोइयडत्थवित्थार! । जय निरुवमरूवाडइ-सयविजियससुराडसुरतिलोय! | ॥५०॥ |
| जय सुक्कज्झाणाडनल-निदडुद्धघणघाइकम्मवणगहण! । जय परमविम्हयावह-ससहरहरहसियसियचरिय! | ॥५१॥ |
| जय निक्कारणचच्छल!, सुपुरिसजणपत्तपढमयररेह! । जय साहुलोयवंछिय-पयाणनिप्पडिमकप्पदुम! | ॥५२॥ |
| जयसि तुमं सिरिगोयम-गणधर! हरिणंडकविमलजसपसर! । सरणाडडगयरक्खणबद्ध-लक्ख! रागाडरिपडिवक्ख! | ॥५३॥ |
| तुममेव ममं सामी, जणगो य तुमं गई मई तं सि । मित्तो बंधू य तुमं, न तुमाहिंतो वि मज्झ हिओ | ॥५४॥ |
| जेण तुमए भवाडगड-गओ ऱ्हि हत्थाडवलंबदाणेण । उद्धरिओ आराहण-विहिमेयं उवइसंतेणं | ॥५५॥ |
| धन्नो कयपुन्नो हं, पत्तं च समीहियं मए सच्चं । जं तुम्ह वयणपीऊस-सलिलधाराहिं सित्तो ऱ्हि | ॥५६॥ |
| पायिज्जइ तिहुयणसंपया वि, अच्चंतदुलहलंभा वि । परमगुरु! तुज्झ वाणी-सवणं न हु लब्भइ कया वि | ॥५७॥ |
| इण्हिं च भुवणबंधव!, तुमए अणुजाणिओडहमिच्छामि । आराहणाविहाणं, काउं संलेहणापुच्चं | ॥५८॥ |
| अह कंतदंतपसरंत-सेयपहपडलधवलियदिसेण । सिरिगोयमेण भणियं, हंभो! महसेण! मुणिपवर! | ॥५९॥ |
| सुविसुद्धबुद्धिपरिस-परिभाविपयिगुणभवसरूवाण । परलोयबद्धलक्ख्राण, दूरणडणवेक्खियसुहाण | ॥६०॥ |
| तुम्हारिसाण सविसेस-सुगुरुसेवोवलद्धतताण । जुत्तमिणं ता थेवं पि, एत्थ मा कुणंसु पडिबंधं | ॥६१॥ |
| बहुविग्घो हु मुहुत्तो, पुणो वि दुलहा य धम्मसामग्गी । सच्चंगं चिय पच्चूह-संगया सेयसंसिद्धी | ॥६२॥ |
| एवं ठिए य जेणं, सच्चपयत्तेण धम्मकज्जेसु उज्जमियं तेणं चिय, लद्धा लोए जयपडागा | ॥६३॥ |
| दिन्नो जलंडजली भव-भयस्स करकमलगोयरं नीया । सग्गाडपवग्गलच्छी, किं वा नो साहियं तेण | ॥६४॥ |
| ता सुचरियसामन्नो, कयपुन्नो तं सि जस्स सविसेसं । आराहणाविहाणे, विजंभए, चित्तपडिवत्ती | ॥६५॥ |
| जइ वि हु तुह सच्च च्चिय, किरिया आराहणा महाभाग! । तह वि हु भणियविहीए, इमीए एत्तो दढं जयसु! | ॥६६॥ |
| एवं सोच्चा परम-प्पमोयपाउब्भवंतरोमंचो । चलणेसु निवडिऊणं, सिरोवरिं रइयकरकमलो | ॥६७॥ |
| रायरिसी महसेणो, जं भयवं! आणवेसि तुममेत्तो । तं काहं ति पइन्नं, काउं तत्तो विणिक्खंतो | ॥६८॥ |
| पुच्चपवंचियविहिणा, सम्मं कयदच्चभावसंलिहणो । सविसेसविहियदुक्कर-तवचरणविहाणइणीणंगो | ॥६९॥ |

| | |
|------------------------------------------------------------------------------------------------|-------|
| परिचतहेयपक्वो, सव्योवादेयपक्वपडिबद्धो । विहरिता निस्संगो, केतियमेतं पि सो कालं | ॥७०॥ |
| अच्चंतमडवचयं मंस-सोणियाडडईण देहधाऊण । विबलतं गतस्स य, दट्टूण इमं विचितेइ | ॥७१॥ |
| निजधम्मसूरिवागरिय-विथराडडराहणाडणुसारेण । उज्जमियं ताव मए, सव्वेसु वि धम्मकिच्च्वेसु | ॥७२॥ |
| वावारिया य भव्वा, निच्चुइमग्गम्मि सव्वजतेण । सुत्तथभावणाए य, भाविओ सम्ममडप्पा वि | ॥७३॥ |
| अण्णिगूहितेण बलं, बालगिलाणाइसाहुकज्जेसु । वावारंउतरविरएण, वट्टियं एतियं कालं | ॥७४॥ |
| इण्हिं च भट्टदिट्ठीबलस्स, वड्ढभासणे वि असहस्स । अच्चंतकिससरीर-तणेण गमणे वि अख्रमस्स | ॥७५॥ |
| किं जीविएण विहलेण, तेण सुकयप्पसाहणाडभावे । धम्मउज्जणप्पहाणं हि, जीवियं कित्तयंति सुहं | ॥७६॥ |
| तो धम्मगुरुं आपुच्छिऊण, निज्जामणाविहिचिहन्नू । थेरे धम्मसहाए, काऊण य भणियविहिपुव्वं | ॥७७॥ |
| सत्तोवरहरहिए, देसम्मि सिलायलं पमज्जिता । भत्तपरिन्नाए ममं, जुज्जइ देहं परिच्चइउं | ॥७८॥ |
| एवं परिभावेत्ता, स महप्पा सणियसणियगमणेण । गंतूणं गणनाहं, पणमिय भणित्तं समाढतो | ॥७९॥ |
| भयवं जहसतीए, छट्टुडट्टमपमुहदुक्करतवेहिं । संलिहिओ तावडप्पा, जा चम्मडट्टीणि सेसाणि | ॥८०॥ |
| संपयमडहं च सक्को, न थेवमेते वि कुसलकायव्वे । इच्छामि तेण भयवं!, गीयत्थत्थेरनिस्साए | ॥८१॥ |
| तुम्भेहिं अणुत्ताओ, विवित्तदेसम्मि अणसणं काउं । एत्तो एतियमेतं, जेणं मह पत्थियव्वं ति | ॥८२॥ |
| अह विमलकेयलाडडलोय-लोयणेणं पलोइउं तस्स । निच्चिग्घपत्थुयडत्थ-प्पसाहणं गोयमो भयवं | ॥८३॥ |
| एवं कुणसु महायस!, नित्थारयपारओ य लहु होसु । महसेणमेवमडणुजा-णिऊण थेरे इमं भणइ | ॥८४॥ |
| हंहो महाणुभावा!, असहायसहायदानतल्लिच्छा । एयस्स उत्तिमट्टं, काउं अब्भूट्टियस्स दहं | ॥८५॥ |
| तुम्भे एगग्गमणा, समओचियविहियसव्वकायव्वा । निज्जामणं पकुव्वह, पासठिया आयरेणं ति | ॥८६॥ |
| अह ते सव्वे वि पमोय- निब्भरुम्भिन्नगरुयरोमंचा । भतीए मन्नंता, अच्चन्तकयत्थमडप्पाणं | ॥८७॥ |
| आणं सीसेण पडिच्छिऊण, सिरिइंदभूइणो सम्मं । रायरिसिं महसेणं, उवट्टिया पत्थुयत्थकए | ॥८८॥ |
| तो तेहिं परिगओ सो, गओ व्व अन्नेहिं भइजाईहिं । सुथिरेहिं सुदंतेहिं, महागएहिं व रायंतो | ॥८९॥ |
| सणियं सणियं प्रयपंकयाइं, नमिऊण गोयमस्स गओ । पुव्वपडिलेहियम्मि, सिलायले बीयतसरहिए | ॥९०॥ |
| तत्थ य पुव्वपवंचिय-विहिपुव्वं विहियसेसकायव्वो । वोसिरइ सव्वमडसणं, चउव्विहं पि हु महासत्तो | ॥९१॥ |
| थेरा वि तस्स पुरओ, संवेगपराइं पसमसाराइं । सत्थाइं महत्थाइं, परियट्टेउं समारद्धा | ॥९२॥ |
| अह सुसमाहियमणवयण-कायजोगस्स धम्मइाइस्स । तस्स सुहदुक्खजीविय-मरणाडडइसु तुल्लचित्तस्स | ॥९३॥ |
| राहावेहसमुज्जय-मणुयस्स व दूरमडप्पमतस्स । आराहणाविहाणे, पयत्तओ बद्धलक्खस्स | ॥९४॥ |
| अच्चंतथिरत्तं पेहिऊण, ओहीए रंजिओ बाढं । सोहम्मि तियसनाहो, सभागओ भणइ निययसुरे | ॥९५॥ |
| हंहो! पेच्छह पेच्छह, निययथिरत्तेण विजियसुरसेलं । साहुमिमं वट्टंतं, निच्चलचित्तं समाहीए | ॥९६॥ |
| मन्ने पलउब्भयपबल-पवणपक्खोलणाडडउलजलोहा । जलनिहिणो वि हु मेरं, मुयंति न इमो नियपइन्नं | ॥९७॥ |
| निच्चाडवट्टियरुवा वि, किं पि पावित्तु वत्थुणो हेउं । भिंदंति च्चिय नियय-व्ववत्थमेसो न पुण साहु | ॥९८॥ |
| जे करयलम्मि लीलाए, लेट्टुगणणाए सयलकुलगिरिणो । धारिन्ति सिंधुणो वि हु, सोसंति निमेसमेतेण | ॥९९॥ |
| ते वि हु मन्ने तियसा, अतुल्लबलसालिणो इमस्स धुवं । न चिरेण वि खोभेउं, पारंति मणो मणागं पि | ॥९९०॥ |
| चोज्जमिणं एत्थ जए, जायंति के वि ते महासता । जेसि महिमाडवधूयं, असारभूयं तिहुयणं पि | ॥११॥ |
| इयजंपिरसुरवइवयण-मडलियबुद्धी असद्वहेमाणो । एक्को सुरो सरोसं, चितेउमिमं समाढतो | ॥१२॥ |
| बालाणं व पहूण वि, वयणाइं जहा तहा प्रयट्टंति । वत्थुसत्तपरामरिस-मडणुयमित्तं पि न कुणंति | ॥१३॥ |
| कहमडन्नहा महाबल-कलिएहि वि एस खोहिउं न जई । तीरइ सुरेहिं एवं, वएज्ज सक्को इह विसंकं | ॥१४॥ |
| अहवा किमडणेण विगप्पिएण, सयमेव तं मुणिं गंतुं । खोभेमि झाणाओ, करेमि हरिणो गिरं वितहं | ॥१५॥ |
| ताहे गईए मणपवण-विजइणीए तओ विणिक्खंतो । महसेणमुणिसमीवे, पत्तो य निमेसमेतेण | ॥१६॥ |
| उप्पाइओ य पलइ व्व, दारुणो विज्जुपुंजदुप्पेच्छो । अयसीकुसुमच्छाओ, सव्वतो मेहसंघाओ | ॥१७॥ |
| मुसलोचमाहिं नीरंथ-भावबद्धंउधयारघोराहिं । धाराहिं तक्खणं चिय, पासे चरिसेउमाडडरुद्धो | ॥१८॥ |

| | |
|-----------------------------------------------------------------------------------------------|------|
| उब्भदसलिलुप्पीडेहिं, पूरियं दंसिऊण दिसिवलयं । निज्जमगमुणिम्मि संक-मित्तु महसेणमुल्लवइ | ॥३॥ |
| हंभो! किन्न पलोयसि, सब्बतो पसरमाणसलिलेण । गयणडगलग्गसिहरा वि, गरुयगिरिणो वि हीरंति | ॥१०॥ |
| दीहरजडाकडप्पो-त्थइयधरामंडला वि दुमनियहा । उम्मूलिया जलेणं, पलालपडलं विव लुलंति | ॥११॥ |
| किम्या न नियच्छसि योम-विचरपसरंतवारिपूरेहिं । तारानियरो वि फुडं, तिरोहिओ नज्जइ न सम्मं | ॥१२॥ |
| इय एरिससलिलमहा-पवाहवेगेण बुब्भमाणस्स । तुह अम्हाण वि एत्थं, न जाव संपज्जए मरणं | ॥१३॥ |
| तावेत्तो ओसरिउं, जुज्जइ मुणिवसह! मुयसु मरणरुइं । जत्तेण रक्खणिज्जो, अप्पा हु सुये जओ भणियं | ॥१४॥ |
| 'सब्बत्थ संजमं संज-माउ अप्पाणमेव रक्खंतो । मुच्चइ अइवायाओ, पुणो विसोही न याडविरई' | ॥१५॥ |
| न य अम्हारिसमुणिजण-विणाससंभूयभूरियावाओ । एत्थ द्वियस्स थेवं पि, अत्थि मोक्खो धुवं तुज्ज | ॥१६॥ |
| जम्हा तुज्ज कएणं, अम्हे इह भद्द! आवसामो ति । इहरा जीविउकामो, वसेज्ज किं को वि जलमज्जे | ॥१७॥ |
| इय साहुवयणमाडडयन्नि-ऊण थोयं पि अविचलियचित्तो । महसेणो रायरिसी, परिभावइ निउणबुद्धीए | ॥१८॥ |
| को एसो पत्थावो, घणस्स कह वा इमो महासतो । साहू दूरं अणुचिय-मेवं जंपेज्ज दीणमणो | ॥१९॥ |
| अच्चंतमेवमडघडंतमेव, उवसग्गिउं ममं मन्ने । भावं परिकिञ्चउं वा, केणइ असुराडडइणा विहियं | ॥२०॥ |
| साहावियं जइ पुण, भवेज्ज ता दिट्ठसव्वदट्ठव्यो । गोयमसामी न ममं, थेरे य इहाडणुमन्नेज्जा | ॥२१॥ |
| ता जइ वि हु होयव्वं, सुराडडइदुच्चिलसिएण केणाडवि । हे हियय! तहवि पत्थुय-पओयणे निच्चलं होसु | ॥२२॥ |
| जइ ताव निहाणाडडइसु, गिण्हिज्जंतसे सु हांति पच्चूहा । परमट्ठसाहगे कह, ण हांति ता उत्तिमट्ठम्मि | ॥२३॥ |
| इय पुच्चुवदंसियधीर-भावमयकवयविहियददरक्खो । अक्खुभियमणो धीमं, धम्मज्झाणे थिरो जाओ | ॥२४॥ |
| तं च तहाविहमाडडभोगिऊण, तियसो खणेण संहरिउं । मेहं तओ विउव्वइ, भीमं दावानलं पुरओ | ॥२५॥ |
| अह दावानलपसरंत-फारजालाकलावसंबलितं । उल्लसियधूमलेहा-संछाइपरविकराडडभोगं | ॥२६॥ |
| खरपवणुप्पाइयदीह-रच्चिदज्जंततारयाचक्कं । उच्छलियतडयडाडडरव-ठइयाडवरसदवाचारं | ॥२७॥ |
| दाहभयवेचिराडडर-खयरवहूविहियगाढहलबोलं । सब्बतो वि पलितं व, झति जायं जयमडसेसं | ॥२८॥ |
| एवंविहं पि तं पासि-ऊणं झाणाओ जा न थेवं पि । चलिओ महसेणमुणी, ताव सुरो रसवइं 'पजरं | ॥२९॥ |
| नाणाविहवज्जणमक्ख-भोयणाडणेगपाणयाडडइन्नं । उवदंसिऊण पुरओ, महुरगिराए इमं भणइ | ॥३०॥ |
| हे समण! किं किलिस्ससि, निरत्थयं निरसणो महाभाग! । नणु णवकोडिविसुद्धं, आहारं भुजसु एयं | ॥३१॥ |
| निस्वज्जाडडहाराणं, साहूणं निच्चमेव उववासो । किं सुमरसि सुत्तमिमं, न तुमं जं सोसयसि अंगं | ॥३२॥ |
| चित्तसमाहाणं चिय, कायव्वं किं व कट्ठकिरियाए । तपसुसिओ वि हु अहरं, गइं गओ जेण कंडरिओ | ॥३३॥ |
| तज्जेट्ठो पुण भाया, पुंडरिओ सुद्धचित्तपरिणामो । अकयतवो वि महप्पा, उववन्नो देवलोगम्मि | ॥३४॥ |
| ता उज्झिय कुग्गाहं, भुजसु सुविसुद्धमेवमाडडहारं । जइ संजमाओ निच्चयेय-भावमुव्वहसि नो भद्द! | ॥३५॥ |
| इय मुणिवेसेण सुरेण, भूरिसो भासिओ वि महसेणो । ईसिं पि जा न चलिओ, झाणाओ ता पुणो तेण | ॥३६॥ |
| सुइनेवत्थधरीओ, उब्भदसिंगारमणहरंडगीओ । जुवईओ निम्मियाओ, तम्मणवामोहणट्ठाए | ॥३७॥ |
| अह सवियारविजंभित-कडक्खविक्रवेवसबलियदिसाहिं । सुंदरमुहिंदुजोन्हा-पवाहहसियाडडरनईहिं | ॥३८॥ |
| सविलासुल्लासियबाहु-वल्लिपायडियथोरथणयाहिं । चरणपडिलग्गरणक(इ)गिर-मंजुमंजीररम्माहिं | ॥३९॥ |
| रसणामणिकिरणसमूह-रइयदिसिचक्कसक्कचावाहिं । मंदारदामपरिमल-आयडिडयभसलजालाहिं | ॥४०॥ |
| नीचीसंजमणच्छल-पयडियखणपीणसोणिबिम्बाहिं । अनिमित्तुवदंसियगाय-भंगपिसुणियवियाराहिं | ॥४१॥ |
| बहुहावभावविब्भम-सुंदरविधिहोवयारकुसलाहिं । दे नाह! पसिय तायसु, तुममेव गई मई अम्ह | ॥४२॥ |
| इय जंपिरीहिं विरइय- करंडजलीहिं पि तियसजुचतीहिं । उवसग्गिओ वि चलिओ, झाणाउ न सो महासत्तो | ॥४३॥ |
| पडिलोमडणुलोममहोव-सग्गयग्गं च निष्फलं नाउं । परिसंतो सो तियसो, चित्तेउमिमं समाढत्तो | ॥४४॥ |
| धी! धी! पावेण मए, असदहंतेण अवितहं पि गिरं । हरिणो महाणुभावस्स, एस आसाइओ साहू | ॥४५॥ |
| एवंविहगुणगणरयण-रासिमुणिजायणुत्थपावेण । दूमिज्जंतस्स ममं, कत्तो एत्तो परित्ताणं | ॥४६॥ |

| | |
|-----------------------------------------------------------------------------------------|------|
| तं कुण्ड किंपि कज्जं, सयमेसो मइविचज्जए जीवो । जेणंउतो सल्लेण च, पीडिज्जंतो दुहं जियइ | ॥४७॥ |
| इय झूरिऊण सुचिरं, पराए भतीए थुणिय महसेणं । जत्तेण खामिऊण य, जहागयं पडिगओ तियसो | ॥४८॥ |
| महसेणो वि सममणो, माणउवमाणेसु दुक्खसुक्खेसु । सविसेसमुत्तरोत्तर-वड्ढंतविसुद्धपरिणामो | ॥४९॥ |
| अच्चंतसमाहीए, कालं काऊणं भासुरो देवो । तेत्तीससागराउऊऊ, जाओ सच्चडुसिद्धम्मि | ॥५०॥ |
| अह कालगयं तं जाणि-ऊण थेरा जहाउउगमविहीए । तक्कालोचियकायव्व-वेइणो मुणियभवभावा | ॥५१॥ |
| तस्स सरीरं तसबीज-पाणहरियंउकुराउउइणा रहिए । पुव्वपडिलोहिए थं-डिलम्मि सम्मं परिठवेति | ॥५२॥ |
| तयणंतरं पडिग्गह-पमुहधम्मोवगरणमउवि तस्स । घेतुं अतुरियचवलं, गोयमसामिं समल्लीणा | ॥५३॥ |
| तिपयाहिणदाणपुरस्सरं च, तं वंदिऊण पणयसिरा । उवणीयतदुवगरणा, एवं भणिउं समाढता | ॥५४॥ |
| भयवं स तुम्ह सीसो, खंतिखमो विजियदुज्जयाउणंगो । पम्मक्कसव्वसंगो, वज्जियनीसेससावज्जो | ॥५५॥ |
| पयईए च्चिय सरलो, पयईए च्चिय सुचिन्नसामन्नो । पयईए य विणीओ, पयईए च्चिय महासत्तो | ॥५६॥ |
| सम्मउहियासियदुस्सह-परीसहो सरियपंचनवकारो । आराहणमाउउराहिय, निस्सामन्नं दिवं पत्तो | ॥५७॥ |
| अह मालइमालाहिं च, दसणपहाहिं पसाहयंतो च्च । थेरे गोयमसामी, महुरगिराए समुल्लवइ | ॥५८॥ |
| हंहो महाणुभावा!, सम्मं निज्जामिओ स तुम्हेहिं । जाणियजिणवयणाणं, एवं चिय वड्ढिउं जुतं | ॥५९॥ |
| असहायसहायत्तं, करेति जं संजमं करेतस्स । एएण कारणेणं, नमणिज्जा साहुणो होंति | ॥६०॥ |
| न य एत्तो उवयारो, अन्नो वि हु विज्जए जए सारो । जमुवड्ढंभो कीरइ, पज्जंताउउराहणासमए | ॥६१॥ |
| धन्नो य सो महप्पा, जेणं आराहणासुनावाए । दुहमयरनिधरकिन्नो, तिन्नो च्च भवन्नवो भीमो | ॥६२॥ |
| अह थेरेहिं भणियं, भयवं! एत्तो कहिं स उववन्नो । कइया य निहयकम्मो, निव्याणं पाविही कहसु | ॥६३॥ |
| तिहुयणध्वणउउभंतर-विस्सुयजसवीरनाहसिस्सेण । पढमेण तओ भणियं, एगगमणा णिसामेह | ॥६४॥ |
| सो महसेणंमुणिवरो, सम्मं आराहणाए थिरचित्तो । सुरवइकयप्पसंसा-कुवियाउमरविहियधिग्घो वि | ॥६५॥ |
| झाणाउ निमेसं पि हु, अचलंतो मंदरो च्च काऊण । कालं सच्चडुम्मि, भासुरबोंदी सुरो जाओ | ॥६६॥ |
| आउक्खएण तत्तो, चविऊणं एत्थ जंबुदीवम्मि । उप्पज्जंतनिरंतर-जिणचक्किदसारवग्गम्मि | ॥६७॥ |
| पुव्वविदेहे वासे, वासवपुरिमणहराए नयरीए । अवरजियाए जियवेरे-वग्गविककंतकित्तिस्स | ॥६८॥ |
| कित्तिधरंधरावइणो, वयणोहामियमयंकबिबाए । बिंबाउहराए देवीए, विज्जयसेणाउभिहाणाए | ॥६९॥ |
| मुहपविसंतचिरुग्गय-संपुन्नमयंकसुमिणकयसूओ । गब्भे पाउउभविही, पुत्ततेणं महप्पा सो | ॥७०॥ |
| अद्धट्टमराइंदिय-समहियमासेसु नवसु विगएसु । होही य तस्स जम्मो, सोहणनक्खत्ततिहिजोगे | ॥७१॥ |
| अच्चंतपुण्णपगरिस-आगरिसियमाणसा य संनिहिया । देवा तज्जम्मम्मि, पडिसंतरयं दिसाभोगं | ॥७२॥ |
| वायंतमंदपवणं, कीलंतजणं समंतओ काउं । कुंभग्गसो खिविस्संति, पवररयणाइं नगरीए | ॥७३॥ |
| अह मंगलमुहलमिलंत-वारविलयासहस्सरमणीयं । रमणीयमणिविभूसण-भूसियनीसेसनयरजणं | ॥७४॥ |
| नयरजणदिज्जमाण-प्पभूयधणतुडुमग्गीणयलोपं । मग्गणलोउक्किज्ज-माणपायडग्गुणप्पसरं | ॥७५॥ |
| गुणपसरसवणसरहस-मिलंतसामंतचक्ककयतोसं । चंद्वाचणयं होही, महया रिद्धीसमुदएणं | ॥७६॥ |
| उचियसमयम्मि पियरो, रयणुक्करवरिसणेण य जहत्यं । रयणायरो ति नामं, तस्स पइड्ढावइस्संति | ॥७७॥ |
| उम्मुक्कबालभावो, कमेण अहिगयसमत्थसत्थउत्थो । कइवयसमवयसुइवेस-विउससुवयस्सपरियरिओ | ॥७८॥ |
| पयईए च्चिय विसय-प्पसंगविचरंमुहो भवचिरागी । वियरंतो लीलाए, मणहरकाणंणपएसेसु | ॥७९॥ |
| एगम्मि अचसरे नयरि-पासपरिवत्तिपव्वयनिगुजे । सो पेच्छिही विसाले, सिलायले अणसणपवणं | ॥८०॥ |
| संनिहिनिसन्नमुणिजण-सव्वाउउयरदिज्जमाणअणुसट्ठिं । विविहतवकिसियकायं, दमंघोसउभिहाणमुणिवसभं | ॥८१॥ |
| तं पेच्छिऊण तस्स य, क्थ वि य मए वि एरिसाउवत्था । सयमेव समणुभूय *ति, ईहापोहं करेतस्स | ॥८२॥ |
| जाईसरणं उप्प-ज्जिही लहं तदणुभावओ सम्मं । सुमरियपुव्वभवउउभत्थ- सयलआराहणविहाणो | ॥८३॥ |
| पासं च घराउउवासं, विसं च विसए धणं पि निहणं च । पियजोगसुहं दुक्खं च, बुद्धिचक्खूए पेहंतो | ॥८४॥ |
| सच्चविरइं पवज्जिउ-कामो वि हु जणणिजणगवयणेण । दारपरिग्गहविमुहो, वसिहि गेहे कइवि वरिसे | ॥८५॥ |
| नवरं विसालसाला-मणहरगोउरविरायमाणाणि । उत्तुंगसिंसोहा-पहसियहिमसिहरिसिहराइं | ॥८६॥ |

| | |
|---------------------------------------------------------------------------------------------|-------|
| पवणपकंपिरथयवड-रणंतमणिकिकिणीमणहराडं । हरिणंक-कुमुयखीरोय-फेणफलिहुज्जलपहाडं | ॥८७॥ |
| गायंतथुणंतपढंत-भ्वहलबोलवाउलदिसाडं । अणवरयपयट्टूसव-कीरंतयिसेसपूयाडं | ॥८८॥ |
| देयंगदूसविरइय-उल्लोयविरायमाणमज्झाडं । मणिकुट्टिमतलनिम्मिय-मुत्ताहलवरचउक्काडं | ॥८९॥ |
| डज्झंतनिरंतरकुंदुरुक्क-घणसारसुरहिधूयाडं । कुसुमोवहारपरिमल-मिलंतरणझणिरभमराडं | ॥९०॥ |
| अइसंतकंतसुंदर-सरुवजिणबिंबसोभमाणाडं । काराविही विहीए, पउराडं जिण्णिदभवणाडं | ॥९१॥ |
| अइदुक्करतवचरणोवउत्त-मुणियज्जुवासणानिरओ । साहम्मियजणवच्छल्ल-संगओ उवसमपहाणो | ॥९२॥ |
| लोगविरुद्धच्चाई, जत्तेणं विजियइंदियग्गामो । सम्ममडणुव्वयगुणवय-सिक्खावयपालणपहाणो | ॥९३॥ |
| उवसंतवेसधारी, पडिमाडणुद्वानविहियपरिकम्मो । गमिज्जण केतियं पि हु, कालं निरयज्जयितीए | ॥९४॥ |
| स महप्पा रायसिरिं, नयरिं धणकणगरयणसंभारं । अम्मापियरो दढनेह-निम्भरं बंधवजणं च | ॥९५॥ |
| मोत्तूण तणं व पडडग्गलग्ग-मुवसमदमप्पहाणस्स । चोइसपुव्वमहासुय-रयणनिहाणस्स सूरिस्स | ॥९६॥ |
| धम्मजसनामथेयस्स, अंतिए तियसनियहकयमहिमो । घणकम्मसेलवज्जं, पव्वज्जं गिण्णिही सम्मं | ॥९७॥ |
| तो चिरकालं सुतत्थ-वित्थरुद्धामविलसिरतरंगं । अइसयरयणाडडइत्तं, अवगाहेतो समयसिंधुं | ॥९८॥ |
| ठट्टुडुमाडडइदुक्कर-विगिट्ठतवचरणभावणाहिं दढं । दुहओ वि हु अप्पाणं, पइदियहं संलिहंतो य | ॥९९॥ |
| कायरचित्तचमक्कार-कारिवीरासणाडडइटाणेहिं । संलीणत्तं परमं, पइक्खणं अब्भसंतो य | ॥१००॥ |
| संसारभीरुभव्ये, धम्मवएसप्पयाणरज्जूए । मिच्छत्तकूवयाओ, समुद्धरंतो य करुणाए | ॥११॥ |
| सूरो व्व दित्ततेओ, ससि व्व सोमो धर व्व सव्वसहो । सीहो व्व दुप्पधरिसो, एगागी खग्गसिंणं च | ॥१२॥ |
| वाउ व्व अपडिबद्धो, संखो व्व निरंजणो गिरि व्व थिरो । भारुंडो व्वउपमत्तो, गंभीरो खीरजलहिं व्व | ॥१३॥ |
| इय लोगुत्तरगुणगण-विराडओ विहरिज्जण धरणीए । पज्जंते सविसेसं, काही संलेहणविहाणं | ॥१४॥ |
| संलिहियडप्पा य तओ, चउव्विहाडडहारविहियसंवरणो । मासं पाओवगओ, सुक्कज्झाणाडनलेण लहुं | ॥१५॥ |
| नीसेसं कम्मवणं, निद्वहिज्जणं जरामरणरहियं । इट्ठविओगाडणिट्ठ-प्पओगदोगच्चपम्मुककं | ॥१६॥ |
| एगंतियअच्चंतिय-अव्वाबाहप्पहाणसुहमहुरं । अप्पुणरागममडचलं, नीरयमडरुयं खयविहीणं | ॥१७॥ |
| असुहसुहकम्मविट्ठंभ-लब्भमडब्भयमडणंतमडसवत्तं । निव्वाणमेगसमएण, पाविही सो महाभागो | ॥१८॥ |
| देवा य भत्तिवसनिस्स-रंतरोमंचकंचुइयकाया । निव्वाणमहिममुवउत्त-माणसा तस्स काहिंति | ॥१९॥ |
| इय भो थेरा! सम्मं, महसेणमहामुणिस्स सोऊणं । पवरुत्तरोत्तरफलं, कल्लाणपरंपरं परमं | ॥१२०॥ |
| परिवज्जियप्पमाया, मायामयमयणमाणनिम्महणा । भववासविरत्तमणा, विसोत्तियाहिं विउत्ता य | ॥१२१॥ |
| जिणमयमयरहरुप्पन्न-मेयमाडडराहणाडमयं पियह । अजरामरा सया वि हु, जेण परं निव्वुइमुवेह | ॥१२२॥ |
| एवं निम्मलनाणाड-वलोयनिद्वलियमोहतिमिरेण । गोयमपहुणा भणिए, जहट्टिए वत्थुपरमत्थे | ॥१२३॥ |

“स्थविरकृता गौतमगणधरस्तुतिः” —

| | |
|-------------------------------------------------------------------------------------------------|-------|
| मत्थयथिरविणिवेसिय-करकमला हरिसवियसियकवोला । थेरा सविणयपणया, इय संथुणित्तं समाढत्ता | ॥१२४॥ |
| जय निन्निमित्तवच्छल!, अतुच्छमिच्छत्ततिमिरदिवसयर! । सपरोभयभयभंजण!, जणगंजणमयणनिम्महण | ॥१२५॥ |
| नीहारगोरपसरंत-कित्तिपब्भारभरियतइलोय! । ससुराडसुस्तरविरइय-सव्वाडडयररुइरथुइवाय! | ॥१२६॥ |
| जय निव्वाणपुरुम्मह-पट्टियभव्वोहपरमसत्थाह! । अत्थाहउदहिविब्भम-निम्भरकरुणारसपवाह! | ॥१२७॥ |
| तं उवमाणं नेवडत्थि, जेण उवमिज्जसे तुमं सामि! । नवरं तुमए वि तुमं, उवमिज्जसि न उण अन्नेण | ॥१२८॥ |
| हीणेणुवमाणेण हि, हवेज्ज का चंगिमोवमेयस्स । न तडागो व्व समुद्धो, ति उवमियं पावए सोहं | ॥१२९॥ |
| सोहम्माडहिवपमुहा वि, जस्स गुणसंथवे न परिहत्था । तस्स पहु! तुज्झ किं तुच्छ-बुद्धिणो संथुणंतु परे | ॥१३०॥ |
| एवं च निरुवमो थुइ-अगोयरो जइ वि नाह! तं तह वि । सुगुरु ति चक्खुदाइ ति, दूरपरमोवगारि ति | ॥१३१॥ |
| भत्तिभरतरलिएहिं, अम्हेहिं थुणिज्जसे तुमं चेव! न तुमाहित्तो वि जओ, थोयव्वो अत्थि किर अन्नो | ॥१३२॥ |
| ता जयसि तुमं चिय एत्थ, जेण भवजलहिमज्जमाणं । आराहणातरंडं, एयं भव्वाणमुवइत्तं | ॥१३३॥ |
| इय थोऊणं थेरा, भयवंतं गोयमं समणसीहं । पारद्धधम्मकिच्च्वेसुं, वट्टित्तं संपयइत्ति | ॥१३४॥ |
| एवमिमेह समप्पइ, संपइ संवेगरंगसालत्ति । आराहणा इयाणिं, तस्सेसं किं पि जंपेमि | ॥१३५॥ |

“ग्रन्थकर्तृगुर्वादीनां नामादिवर्णनम्-ग्रन्थरचनावर्णनम्” —

| | |
|-------------------------------------------------------------------------------------------|------|
| आसि उस्भाडडइयाणं, तित्थयराणं अपच्छिमो भयवं । तेलोक्कपहियक्किती, चउवीसइमो जिणवरिंदो | ॥२६॥ |
| दित्तंततरंगरिउवग्गं गंजणडज्जियजहुत्तवीरत्थो । तेलोक्करंगमज्जे, अतुल्लमल्लो महावीरो | ॥२७॥ |
| लीलाललणसुहम्मो, संयमलच्छीए तस्स य सुहम्मो । सीसो ततो जंबू, गुणिजणसउणीण वरजंबू | ॥२८॥ |
| नाणाडडइगुणप्पभवो, ततो य अभू महापभू पभवो । तयडणंतरं च भयवं, आसी सेज्जंभवो भयवं | ॥२९॥ |
| अह तस्स महापहुणो, मूलाओ चेव न हु जडाडणुगए । न जहुतरं तणुतरे, परिमियपच्चे वि य न चेव | ॥३०॥ |
| सव्वंगं सारे च्चिय, न अप्पयोच्छेयदच्छरुच्छफले । पत्तन्तसाडरहिए, समंतओ निच्चसच्छाए | ॥३१॥ |
| न य अन्नेसि गम्मे, अकंटए निरवसाणवुडिडगुणे । तुंगमहीधरमुद्धाड-णुगे वि भुवि पावियपड्डे | ॥३२॥ |
| अच्चंतं सरले च्चिय, अपुच्चवंसम्मि परिवहंतम्मि । जाओ य वडरसामी, महापभू परमपयगामी | ॥३३॥ |
| तस्साहाए निम्मल-जसधवल्लो सिद्धिकामलोयाणं । सवियसेसवंदणिज्जो य, रायणा थो(थे)रप्पवग्गो व्य | ॥३४॥ |
| कालेणं संभूओ, भयवं सिरिवद्धमाणमुणिवसभो । निप्पडिमपसमलच्छी-विच्छड्डाडखंडभंडारो | ॥३५॥ |
| ववहारनिच्छयनय व्य, दव्वभावत्थय व्य धम्मस्स । परमुन्नइजणगा तस्स, दोण्णि सीसा समुप्पण्णा | ॥३६॥ |
| पढमो सिरिसूरिजिणेसरो ति, सूरु व्य जम्मि उडयम्मि । होत्था पहाडवहारो, दूरंततेयस्सिचक्कस्स | ॥३७॥ |
| अज्ज वि य जस्स हरहास-हंसगोरं गुणाण पब्भारं । सुमरंता भव्वा उच्च-हंति रोमंचमंडगेसु | ॥३८॥ |
| बीओ पुण विरडयनिउण-पवरवागरणपमुहबहुसत्थो । नामेण बुद्धिसागर-सूरि ति अहेसि जयपयडो | ॥३९॥ |
| तेसि पयपंकउच्छंग-संगसंपत्तपरममाहप्पो । सिस्सो पढमो जिणचंद-सूरिनामो समुप्पन्नो | ॥४०॥ |
| अन्नो य पुत्तिमाससहरो व्य, निच्चवियभव्वकुमुयवणो । सिरिअभयदेवसूरि ति, पत्तकिक्की परं भुवणे | ॥४१॥ |
| जेण कुबोहमहारिउ-विहम्ममाणस्स नरवडस्सेव । सुयधम्मस्स दढतं, निच्चरियमंडगविक्कीहिं | ॥४२॥ |
| तस्सडम्भत्थणवसओ, सिरिजिणचंदेण मुणिवरेण इमा । मालागारेण व उ-च्चिणित्तु वरवयणकुसुमाइं | ॥४३॥ |
| मूलसुयकाण्णाओ, गुंथिता निययमइगुणेण दढं । विविहडत्थसोरभभरा, निम्मवियाडडराहणामाला | ॥४४॥ |
| एयं च समणमहुयर-हिययहरं अत्तणो सुहनिमित्तं । सब्वाडडयरेण भव्वा, विलासिणो इव निसेवंतु | ॥४५॥ |
| एसा य सुगुणमुणिजण-पयप्पणामप्पवित्तभालस्स । सुपसिद्धसेट्ठिगोद्धण-सुयविस्सुयज्जणागस्स | ॥४६॥ |
| अंगुभवाण सुपसत्थ-तित्थजत्ताविहाणपयडाणं । निप्पडिमगुणडज्जियकुमुय-सच्छहाडतुच्छक्कितीणं | ॥४७॥ |
| जिणबिंबपड्डावण-सुयलेहणपमुहधम्मकिच्चेहिं । अत्तुक्कासगदुक्कुह-चित्तचमक्कारकारीणं | ॥४८॥ |
| जिणमयभावियबुद्धीण, सिद्धवीराडभिहाणसेट्ठीणं । साहेज्जेणं परमेण, आयरेणं च निम्मविया | ॥४९॥ |
| एइए विरयणेण य, जमडज्जियं किंपि कुसलमडम्हेहिं । पावित्तु तेण भव्वा, जिणवयणाडडराहणं परमं | ॥५०॥ |
| छत्तावल्लिपुरीए, जेज्जयसुयपासणागभुवणम्मि । विक्कमनियकालाओ, समइक्कन्तेसु वरिसाण | ॥५१॥ |
| एक्कारससु सएसुं, पणुवीसासमहिणसु निप्फरति । संपत्ता एसाडडरा-हण ति फुडपापडपयत्था | ॥५२॥ |
| लिहिया य इमा पढमम्मि, पोत्थए विणयनयपहाणेण । सिस्सेणमडसेसगुणाडड-लएण जिणदत्तगणिण ति | ॥५३॥ |
| तेवण्णब्भहियाइं, गाहाणं इत्थ दससहस्साइं । सब्बगं ठवियं निच्छि-ऊण सम्मोहमहणत्थं | ॥५४॥ |

इति श्रीजिनचन्द्रसूरिकृता तद्विनेयश्रीप्रसन्नचन्द्राचार्यसमभ्यर्थितगुणचन्द्रगणिप्रतिसंस्कृता

जिनवल्लभगणिना च संशोधिता संवेगरंगशालाभिधानाडडराधत्त समाप्ता ॥

संवत् १२०३ वर्षे ज्येष्ठ शुदि १४ गुरौ अघेह श्री वटपद्रके दंडश्रीवासरे प्रतिपत्तौ संवेगरंगशालापुस्तकं लिखितमिति।
शिवमडस्तु सर्व्वजगतः, परहितनिरता भवन्तु भूतगणाः । दोषाः प्रयान्तु नाशं, सर्वत्र सुखी भवतु लोकः ॥१॥

लेखक-प्रशस्तिः

१जन्मदिने चरणभरा-क्रान्तशिरःसुरगिरेरिवाप्तेन । रुक्मरुचिसञ्चयेन, स्फुरत्तनुर्जयति जिनवीरः ॥१॥

सद्राजहंसचक्र-क्रीडाक्रमवति विलासिदलकमले । श्रीमत्पणहिलपाटक-नगरे सरसीव कृतचासः ॥२॥

श्रीभिल्लमालगुरुगोत्रसमुद्धृति यः, चक्रेडभिरामगुणसम्पदुपेतमूर्तिः ।

ताराधिनाथकमनीयशाः स धीरः, श्रीजीवचानिति मतो भुवि ठक्कुरोडभूत् ॥३॥

भद्रप्रकृत्यैव यथाग्रनागः सदाऽभवत् सत्कृतवीतरागः । कटप्रविस्तारितभूरिदानः, तन्नन्दनः ठक्कुरवर्द्धमानः ॥४॥
 तस्य चाजनि सत्पत्नी, नदीनाथक्रियागमा । यशोदेवीति गजेव, सुमनोहरचेष्टिता ॥५॥
 पुत्रः प्रेयानेतयोश्चन्द्रतुल्यो, जजे शधत् कौ मुदाप्यानहेतुः ।
 प्राप्तः स्फातिं वृद्धये वै बुधाना-मीशः श्लाघ्यः ठक्कुरः पार्श्वनामा ॥६॥
 यत्कारितं वीरजिनेन्द्रसद्म, चतुर्मुखं भाति कुमारपल्लयाम् । शुभ्रं क्वणत्काञ्चनकुम्भमुच्चैः, शृङ्गं हिमाद्रेर्ज्वलदौषधीव ॥७॥
 सत्पादजङ्घिकात्रिक-मन्यमुखाभरणबहुविधयिलासम् । यच्छालिभञ्जिकागण-मुद्रहति स्वामिव सुशिरस्कम् ॥८॥
 निःसपत्नाऽभवत् पत्नी, तस्य शस्यचरित्रभूः । गौरीय गिरीशालीना, धंधिका बन्धुयत्सला ॥९॥
 पुत्राः पञ्चाजनिषुरनयोर्लोकपालायमाना, मानम्लानिप्रथनपटवः क्षुद्रजिह्वालतानाम् ।
 सर्वज्ञार्च्यामुनिवितरणन्यायसंस्थापनोत्था, कीर्तिर्येषां विचरति शरच्चन्द्रकुन्दावदाता ॥१०॥
 महत्तमो ननुक एषु पूर्वजो, द्वितीयकः ठक्कुरलक्ष्मणः सुधीः ।
 वजीव नासत्यकृतप्रतिष्ठिति-स्तृतीय आनन्दमहत्तमः कृती ॥११॥
 वाणी यस्य प्रसरति रसात् सोदरी शंकररायाः, चेतोवृत्तिर्विलसति तुलां कल्पयन्ती सुधायाः ।
 सत्कर्पूराञ्जनमिव लसच्चेष्टितं शिष्टदृष्टीः, पुष्टिं नित्यं नयति यदि वा सुन्दरं किञ्च यस्य ॥१२॥
 धनपालनागदेवौ, ठक्कुरौ तुर्यपञ्चमौ । श्रियादेवी च सत्पुत्री, जातैका शीलशालिनी ॥१३॥
 एतेष्वानन्दमहत्तमस्य, पत्न्यौ क्रमादभूतां द्वे । धृतशस्यशैलसंपत्, पूर्वा वसुधेव विजयमतिः ॥१४॥
 भिल्लमालकुलव्योम-सोमः श्रावकसोहिकः । ज्योत्स्नेव लखुका तस्य, पत्नी सत्रीतिभूरभूत् ॥१५॥
 गुरुतरः सौम्यकान्ति-शुद्धङ्कस्तनयस्तयोः । मतिबुद्धिसमे जाते, राजिनीसीलुके सुते ॥१६॥
 तत्रोपयेमे विधिवद्विनीता-मानन्दमन्त्री किल राजिनीं ताम् ।
 पतिव्रतां यां प्रविलोक्य लोकाः स्मरन्ति शीतादिमहासतीनाम् ॥१७॥
 अजनि सचिवानन्दस्याज्ञो-दभवो भुवि ठक्कुरः, शरणिग इति ख्यातो नाम्ना महीशपुरस्कृतः ।
 विजयमतितस्त्रासापेतः स रोहणसदिगरे-र्मणिरिव खनेर्यस्तेजस्वी स्वगोत्रविभूषणः ॥१८॥ (हरिणी)
 सोदरी भगिनी चास्य, शान्तापीष्टसतीव्रता । सदुत्तरापि सर्वेषां, दक्षिणा थाउकाभिधा ॥१९॥
 राजिन्यथाज्ञमसूत वराकलङ्कम्, पूर्णाप्रसादकृतनामकमिष्टबन्धुम् ।
 ध्रातुः प्रियं शरणिगस्यै नमस्यनम्रम्, रामस्य लक्ष्मणमिव प्रसरत्सुमित्रम् ॥२०॥ (वसन्ततिलका)
 ननया पूर्णादेवी च, तस्याः समुदपघत । सदाभस्थाननिरता, हंसीव मृदुवादिनी ॥२१॥
 अथान्यदानन्दमहत्तमोऽसौ, शुश्राव सम्यग् गुरुसन्निधाने । धूर्म्मं श्रुतज्ञानचरित्ररूपं, मोक्षार्थिसम्पादितमोक्षमुच्चैः ॥२२॥
 तत्रापि विज्ञानविनाकृतायाः, साफल्यमाहर्तुं जिनाः क्रियायाः । तद्दानमादावत् एव सर्व-दानेषु शंसन्ति पठन्ति चैव ॥२३॥
 ये ज्ञानदानमपरं परिपाल्य यद्वा, सत्पुस्तकादि च विलेख्य समाचरन्ति ।
 ते नष्टमोहतिमिराः किल केवलेन, सम्यग् विलोक्य भुवनं विभवो भवन्ति ॥२४॥
 न ते नरा दुर्गतिमाप्नुवन्ति, न चान्धतां बुद्धिचिहीनतां च ।
 न मूकतां नैव जडस्यभावं, ये लेखयन्तीह जिनस्य वाक्यम् ॥२५॥
 श्रुत्वेदमिमां संवेग-गङ्गशालामलीलिखद्रम्याम् । निजपत्न्या राजिन्याः, पुण्याय महत्तमानन्दः ॥२६॥
 प्रासादः सिद्धिरहंनृपतिरनुपमा तत्प्रिया ज्ञानलक्ष्मीः-नीतिः सिद्धान्तगीः श्री-व्ययकरणसमौ साधुसद्मस्थधर्म्मौ ।
 कारा २धार्म्मदिरादीनविषु गुणेषु तु, स्वःशिवश्रीर्नियोगः, साध्याज्यं यावदित्यं प्रतपतु भुवने पुस्तकस्तावदेषः ॥२७॥

॥ समाप्त ॥

1. जेसलमेरणा लंडारणी प्रत उपरथी यू. मुनिराय श्री पुष्टविषयगु महाराजे करावेली झोटो कोपीमां संवेगरंगशालानी प्रत लपायनारणी आ प्रशस्ति आपेली छे. 2. आदीनविषु = क्लिष्टेषु = क्लेशं प्राप्तेषु ।

आत्मा से परमात्मा बनने के लिए संवेग का मार्ग ही संपूर्ण निर्विघ्न मार्ग है। आत्मा शब्द संसारवर्ती जीवों के लिए विशेष प्रयुक्त होता है और परमात्मा शब्द मुक्ति के जीवों के लिए विशेष प्रयुक्त होता है। संसार से मुक्त होने वाला ही मुक्ति में पहुँच सकता है। संसारी आत्मा बंधन में है। बंधन अनेक प्रकार के हैं। सभी बन्धनों का मूल बंधन कर्म है। कर्म है तो दूसरे बंधन है। कर्म नहीं तो एक भी बंधन नहीं। हर समझदार आत्मा मूल की ओर लक्ष्य देता है। रोग हो तो रोग का मूल कारण नष्ट होते ही रोग नष्ट हो जाता है अतः रोग के मूल कारण को दूर करने के लिए प्रयत्न किया जाता है। वैसे ही संसार का मूल कारण जो कर्म उसको दूर करने के लिए प्रत्येक समझदार व्यक्ति को प्रयत्न करना चाहिए यह सिद्धांत निश्चित है।

जगत में उपचार अनेक प्रकार के हैं। जो उपचार जहाँ कार्य कर सके वहाँ उसी उपचार को करना हितकर है। कर्म को भी रोग की संज्ञा दी हुई है। कर्मरोग को दूर करने के लिए अनेक प्रकार के उपचार अनंतानंत तीर्थकर भगवंतों ने दर्शाये हैं। उन सभी उपचारों में सर्व श्रेष्ठ उपचार प्रत्येक भव्यात्मा के लिए एक ही है। और वह है 'संवेग रसायण का पान करना।' यह 'संवेग रसायन' दो कार्य करता है। रोग को मिटाता है और शक्ति को प्रकट करता है।

साधुओं को अज्ञात तप कृता

तेसिं पि तवो असुद्धो, निक्खंता जे महाकुला
जं नेवऽन्ने वियाणंति, न सिलोगं पवेयए ॥

व्याख्या : ये महाकुलोत्पन्ना अपि पूजासत्कारादिहेतवे तपोदानाध्ययनादिकं कुर्वन्ति तेषामपि तत्कृतमुनुष्ठानमशुद्धं, पूजासत्कारादिकृते संयमपालनादि न निर्जरायै जायते, यत्पुनः कृतं तपोऽध्ययनादि अन्ये श्रावकादयो न जानन्ति तथा अवधेयं यदि लोकानां पुरः प्रकाश्यते, आत्मश्लाघा स्वयमेव क्रियते, तदपि तपो न निर्जरायै भवति, स्वयं प्रकाशनेन स्वकीयमनुष्ठानं फल्गुतामापादयेदिति ।

- सूयगडांग दीपिका

अर्थ : जो महान् कुलो में उत्पन्न हुए दीक्षित सत्कारादि के लिए तप करे तो उनका तप अशुद्ध है। तप कैसे करना - जिसको लोक न जाने और अपने तप की साधु प्रशंसा न करे ।

व्याख्या : महान् कुल में जन्मे आत्मा दीक्षित साधु जो पूजा सत्कारादि के लिए तप, दान, अध्ययनादि करता है, उनका किया हुआ अनुष्ठान भी अशुद्ध है। पूजा सत्कारादि के लिए किया हुआ संयमपालनादि निर्जरा के लिए नहीं होता और किया हुआ तप अध्ययनादि दूसरे श्रावक आदि न जाने वैसे करना/जो लोगों में जाहिर करने में आये, स्वयं की प्रशंसा स्वयं करें तो वह तप भी निर्जरा के लिए नहीं होता। स्वयं (तपादि को) प्रख्यात करे तो स्वयं का अनुष्ठान निष्फल होता है ।

- प्रभु तुज शासन अति भलुं, पेज नं. ३०

इस सूयगडांग सूत्र की दीपिका का वर्णन देखते हुए वर्तमान में साधुओं के तपश्चर्या के पारणे हेतु बोलियाँ, वरघोड़ा, पत्रिका, महोत्सव जो हो रहे हैं, उस पर चतुर्विध संघ को सोचना आवश्यक है। शासन प्रभावना के नाम पर स्वप्रभावना तो नहीं हो रही है न ?